




BIBLIOTHECA  
UNIV. JAGELL.  
CRACOVENSIS

58932

Mag. St. Dr.

P






58932

III Mag. St. Dr.



Teol. 3907







# PARS SECUNDA VITÆ CHRISTI, DOMINI NOSTRI

De CONFESSIONE VERÆ FIDEI  
quam Petrus fecit pro omnibus.  
CAPUT I.



Rima Pars libri hujus, quæ præcedit, nullam de passione mentionem expressè facit. *Matth. 16. & Mar. 9.* Secunda verò pars, quæ hic sequitur, frequenter de passione facit mentionem: & totam continet passionem, & eorum quæ ultra sunt seriem. Post præmissa ergo, venit *JESUS*, tanquam Salvator: ubique lumen doctrinæ spargens, ubiq; perditos quærens, ubiq; penitentes salvans: *in partes, & fines Civitatis, quæ Cæsaria Philippi vocabatur: sed nunc Pæneas dicitur.* Philippus Tetrarha frater Herodis Civitatem illam renovavit & ampliavit: & ex tunc eam Cæsaream Philippi, in memoriam sui nominis, & in honorem Tyberii Cæsaris, qui ei quartam partem Regni dederat appellavit. Et est sita in pede montis Libani, ubi hincinde in declivi latere montis oriuntur duo fontes Jor & Dan dicti: qui post modicum ad radicem, & pedem Libani confluentes, efficiunt Jordanem, qui post longos circuitus ingreditur mare Galilææ, propè Corozaim Civitatem. Dicitur etiam Cæsaria Philippi, ad differentiam Cæsareæ Palestinæ, ubi Centurio Cornelius dicitur habitasse. Est & alia Cæsarea Metropolis Cappadociæ quæ est in regione Turciæ. In ista autem Civitate, scilicet Cæsarea Philippi, & in confinibus ejus, habitabat Gentium populus: & ideo ex hoc quod Christus mysterium suæ incarnationis hic revelare voluit: ostenditur quod fundamentum Ecclesiæ in fide Gentium sit. Hæc enim Civitas est Phœnicis Regionis Gentium, & terminus Judææ, ad Septentrionem, ad quam tributum census capitis deferre batur: pro quo sub Cæsare Augusto universus orbis descriptus dicitur. Congruum autem fuit, ut in loco in quo orbis tributum solvit: Rex Regum, & Dominus orbis tributum fidei exigeret, quod solvitur de capite animæ, id est de mente. Et cum esset solus orans, in via: *interrogavit discipulos suos*, non quia dubitaret, vel ignoraret, & ut aliquid disceret, sed ut eos veritatem instrueret & doceret, & errorem hominum per responsionem discipulorum eliminaret. Item, ut eis occasionem merendi daret: & nos fidei eorum confessione, in fide solidaret. Item, ut fidem illorum persequentem approbationem & promissionem in ipsis fortius confirmaret, ac differentiam Apostolorum

Cæsaria  
Philippi.

Jordanis  
ortus.

Interrogan-  
di vario in  
Christo.



lorum & populorum confirmando ostenderet. Exploraturus autem fidem discipulorum, prius vulgi sententiam inquit: quia confirmaturus eos in fide, prius opiniones & errores, aliorum à mentibus eorum remove voluit, ut de veritate eos melius informaret. Si Doctor Evangelicus debet errores destruere: ut melius possit veritatem astruere. Volens ergo Dominus errores exponi, ut eis expulsis discipuli veritatem proferant, non vulgi opinione, sed ex Domini revelatione, *Interrogavit eos dicens: Quem dicunt homines, & turbæ vulgares, esse filium hominis?* id est virginis. Hoc soli Christo convenit. Adam enim fuit filius terræ: alii filii hominum, quia ex utroque gignuntur parente: sed solus Christus fuit filius unius hominis, quia non nisi unum parentem habuit in terra, sic unum in Cælo. Vocat se etiam non solum filium DEI, sed hominis, ratione humilitatis: quod est contra illos, qui semper volunt se à digniori nominare, & majores suæ parentelæ, tacitis cæteris, allegare, secundum Hieronymum, non dicit, quem me dicunt esse homines? licet de se intelligeret ne jactanter de se querere videretur, sed dicit: secundum Christum: filium hominis: quia dispensationem incarnationis credi vult, & in confessionem devenire, Similiter Prælati ac Doctores, magni homines, leberet inquirere de fama sua à collateralibus suis: quia bona fama Doctoris & Præsidentis, multum facit ad doctrinæ & ædificationis fructum mala ad detrimentum. Unde Origenes: interrogavit Christus discipulos, ut nos semper scrutemur, qualis opinio sit apud homines de nobis: ut si quid malè dicitur de nobis occasiones illius præcedamus: siquid autem boni, ejus occasiones augeamus. Sed & discipuli Episcoporum, Apostolorum instruuntur exemplo, ut qualescunque opiniones audierint foris de Episcopis suis referant eis. In hoc autem quod Dominus ab Apostolis quæsit de fide turbarum: dedit intelligere quod Prælati reddituri sunt rationem de fide subditorum. Et quia de Christo erant variæ opinionis in populo, ideo discipuli responderunt dicendo, quod alii dicerent Eum esse Joannem baptistam, qui in utero Matris positus sentiebat, Domini præsentiam, & propter Baptismum & vitæ eminentiam cujus opinionis fuit Hærodes, & sui sequaces. Unde Theophilus: multi namq; putabant quod Joannes à mortuis surrexisset, sicut & Hærodes credebat, & post resurrectionem suam miracula perpetrasset. Alii vero dicerent Eum esse Heliam, propter zelum veritatis quæ habuerat, & propter potentiam evidentiam quia ignem de Cælo posuit: & quia ad Cælum raptus, creditur inde esse venturus. Alii Hieremiam pro Sanctitate: qui sanctificatus fuit in utero matris, & propter patientiam in adversis, & propter beneficium misericordiæ, quia populi peccata planxit, & lamentatus fuit. Alii autem unum de Prophetis, scilicet Heliseum, propter excellentiam sapientiæ; habuit, nempe duplicem spiritum Helix, vel quia surrexit unus alius de antiquis Prophetis prioribus. Et sic patet divisio erroris habiti, de JESU. à diversis. Sic adhuc hodie variantur homines inquirendo salutem, si ve beatitudinem. Unusquisq; enim ponit beatitudinem in eo quod diligit: & hoc pro DEO colit: quia secundum Augustinum: hoc ab homine colitur, quod præ cæteris diligit. Deinde exigit, à discipulis propriam de se confessionem, dicens: *Vos autem, ab aliis discreti, qui*

Filius hominis.

Hierony. in c. 16. Math. Chrysostom. hom. 55. in Math. fama nostra nobis curanda.

Origenes tract. 1. in Math.

Opiniones omnes de Christo. Luc. 1. de Luc. 9. a.

4. Reg. 1. b. c. 4. Reg. 2. Hier. 1. b. in Threnorum libro.

Augu. 1. de doctrina Christiana.



De Confessione veræ fidei &c.

3

qui non estis de turba, sed mei discipuli: quibus datum est nosse My-  
 sterium Regni DEI, qui estis lux mundi: quibus omnia quæcunq; <sup>Matth. 13. b</sup>  
 audiui à Patre meo nota feci, *quem me esse dicitis*, q.d. Si alii errant <sup>Ibidem 5. b</sup>  
 opinione falsa de me: vos tamen non debetis errare, qui tamdiu me-  
 cum fuistis: & meam doctrinam audistis, & miracula tanta vidistis. <sup>Io. 15. b.</sup>  
*Et respondit Petrus:* pro omnibus scilicet pro se, & pro aliis: quia <sup>Petri respō-</sup>  
 omnes unum sciebant, & idem sentiebant: licet alii Apostoli etiam <sup>sio.</sup>  
 scirent: iste tamen tanquam senior, ac Princeps & caput aliorum,  
 fit os totius collegii: ac præ omnibus & pro omnibus respondit,  
 qui omnibus præesse & prodesse debuit. Ex quo patet quod præ-  
 cipue ad Petri successorem pertinet certificatio dubitationum de fi-  
 de, & pertinentibus ad eandem. Petrus igitur non à parentibus,  
 sed à Patre Cœlesti edoctus: DEI filium & hominem videns, utrumq;  
 complexus est: ac veritatem Divinæ & humanæ naturæ, id est verum <sup>Papa est de-</sup>  
 DEUM & Hominem, in eodem supposito confitetur, dicens: *Tu es* <sup>cidere de du-</sup>  
*Christus Filius DEI vivi:* quasi dicat, *tu es Christus*, id est Homo se- <sup>bis fidei.</sup>  
 cundum quod unctus es oleo gratiæ præ participibus tuis, & sic con- <sup>Psal. 44. b.</sup>  
 fitetur ejus humanitatem, in qua unctus est oleo gratiæ præ aliis: &  
 es Filius DEI, naturalis scilicet, & non adoptivus sicut alii, & per-  
 consequens ejusdem naturæ cum DEO Patre: & sic confitetur ejus <sup>Deus vivus:</sup>  
 divinitatem: & addit *vivi.* id est incommutabilis, & æterni, quia He-  
 bræi consueverunt vocare DEUM vivum, ad differentiam & di-  
 stinctionem falsorum Deorum, qui non vivunt: quos scilicet gen-  
 tes, vel de mortuis hominibus, vel de insensibili materia & substan-  
 tia sibi instituerunt. *Respondens autem Jesus,* Petro & in Petro omni-  
 bus, mercedem veræ confessionis, *Dixit ei. Beatus es Simon Bariona,* <sup>Bariona.</sup>  
 id est filius Joanna: Bar enim idem est quod filius: Jona autem poni-  
 tur per diminutionem, pro Joanna, subtractâ mediâ syllabâ. Unde  
 Bariona hic accipitur ac si filius Joannis diceretur: & propter hoc  
 etiam Petrus, quandoq; Simon Joannis dicitur, secundum Chryso-  
 stomum, hoc dicit, ut ostendat quoniam ita naturaliter est Christus <sup>Chrysostom.</sup>  
 Filius DEI, sicut Petrus filius Joannæ, ejusdem substantiæ cum eo <sup>hom. 55. ad</sup>  
 qui genuit. Beatus inquam es, propter confessionem veræ fidei, quæ <sup>Matth.</sup>  
 ducit ad beatitudinem, *quia caro & sanguis non revelavit tibi:* id est  
 non Parentes tui, vel homo mortalis, aut humana doctrina istam ve-  
 ritatem, & tantum arcanum fidei te docuerunt, *sed Pater meus qui*  
*est in Cælis:* & per consequens tota Trinitas, quia indivisa sunt ope-  
 ra Trinitatis. Ubi Chrysostomus: Sermo iste convenit & ad omnes, <sup>Chrysostom.</sup>  
 ut singulis quibusq; dicatur. Beatus es quoniam caro, & sanguis <sup>Ibidem.</sup>  
 non revelavit tibi: sed Pater meus qui est in Cælis. Tu dicis, & ve-  
 rum dicis, quia ego sum Christus Filius DEI vivi, *Et ego,* qui sum  
 veritas immobilis, *dico tibi,* pro te, & pro sociis tuis, cujus dicere,  
 est facere: *quia tu es Petrus,* à me Petra dictus, id est confessor ve-  
 ræ Petræ, qui est Christus, ac fide fortis & doctrinâ stabilis. Merito  
 propter fidei fortitudinem & fidelem, Christi confessionem hoc no-  
 men Petrus accepit, qui in Petram Christum credidit. Simon quip-  
 pe antea vocabatur: sed hoc Nomen Petrus à Domino ei impositum  
 est, ut Ecclesiam significaret. Quia enim Petra Christus, Petrus est  
 populus Christianus. *Et super hanc Petram,* quam modò confessus  
 es, & quam tu modò in fidei fundamento posuisti, id est super Chri-  
 stum,



4 *Secundæ Partis Caput Primum.*

1. Cor. 10. *Et stum, ædificabo Ecclesiam meam:* Petra enim erat Christus, super quod fundamentum etiam ipse ædificatus est. Huic sententiæ Apostolus concordans ait: *Fundamentum aliud nemo potest ponere, præter id quod positum est Christus Jesus.* Ac si dicat, non est aliud fundamentum, nisi illa Petra, quam Petrus posuit fundamentum, cum diceret: *Tu es Christus Filius DEI vivi.* Super hanc enim petram ædificatur tota D E I Ecclesia. Item *super hanc Petram*, id est super hanc fidem & confessionem, seu huius fidei & veritatis firmitatem, tanquam supra fundamentum firmum, *ædificabo Ecclesiam meam.* Et *portæ inferi*, quæ sunt suggestiones dæmonum, delectationes vitiorum, doctrinæ hæreticorum, tormenta ac blandimenta persecutorum, ac prava malorum opera, colloquia, & exempla, quæ iter perditionis ostendunt, & ad tartara ducunt: *non prævalebunt adversus eam*, scilicet Ecclesiam sic firmatam, quia à fide & charitate Christi non separabunt eam. Ex quo patet quod Ecclesia consistit in illis Personis in quibus est notitia & vera confessio fidei & veritatis. Deinde claves Regni Cælorum se Petro daturum Dominus promisit, sed tunc non dedit, quia si statim dedisset, nunquā in Petro pravitas confessionis, de qua statim subditur, vel error negationis, de quo in passione dicitur, locum invenisset. Sicut autem pro omnibus Apostolis Petrus respondit, ita in eo omnibus claves Regni Dominus promisit, dicens: *Et tibi*, qui præceteris confessus es, *dabo claves*, id est iudicii potestatem, *Regni Cælorum*, id est Ecclesiæ præsentis, quæ dicitur Regnum Cælorum, quia ad usum potestatis Ejus dignè, ministratum sequitur aditus vel clausura Regni Cælorum. Unde Beda: Claves autem Ei non modo dantur, sed promittuntur: nec dum enim fabricatæ sunt super incudem Crucis, nec in eo sanguine temperatæ. Ego quoque earum ministerio cum in actu perfectionis fuerint, adhuc in ardentis passionis fornace, primo latroni & homicidæ aperiā ianuam paradisi, ut & tu in eo exemplo publicanos & meretrices intrare permittas. Tu enim super eos iudicium exercebis, qui confitebuntur culpam, & expectabunt poenam. Et ideo habebis ordinariam jurisdictionem, & iudiciariam potestatem, ad quod duo requiruntur, autoritas cognoscendi vel arbitrandi de culpa, & potestas absolvendi vel etiam iudicandi: quæ duo sub nomine clavium tibi dabo. Hæc Beda. Claves ergo Regni Cælorum ipsam discretionem, quā dignos vel indignos discernat, potentiam qualiter vel solvat. Clavis quippe est potestas quædam spiritualis supernaturaliter à DEO data & infusa, non innata & acquisita. Et dicit hinc Glosa quod duæ sunt claves, scilicet scientia discernendi, ac potestas ligandi & solvendi. Unde sciendum quod sicut in sole potentia liquefaciendi & indurandi una est in radice, sed duæ in effectibus: sic tantum una est clavis in radice sed duæ in effectibus. Clavis enim dicitur potestas iudicandi in foro animarum, non corporum: potestas autem iudicandi ex duobus integratur: ex potestate discernendi in causæ examinatione, & potestate diffiniendi in causæ determinatione per sententiam condemnatoriam vel absolutoriam. Prima potestas dicitur hinc scientia, non ut est habitus cognitionis: sed autoritas & potestas discernendi & iudicandi per scientiam præhabitam. Alia dicitur potentia admittendi ad Regnum, vel excludendi, secundum verum iudicium præhabitum

Clavium  
promissio.

Beda in c. 8.  
Marci.

Clavium po-  
testas duplex



*De Confessione vera fidei &c.*

bitum, quia debent indigni excludi, & digni recipi. Unde Bern. *Bern. sermo. 5*  
 Petrus claves accepit in scientia & potestate sibi data de super: & hæc *hæc 69. in can.*  
 claves sunt potestas aperiendi & claudendi, atq; inter admittendos *tica.*  
 & excludendos discretio. Deinde subjungit. *Et quodcumque ligaveris*  
*super terram, id est ipso super terram vivente, erit ligatum & in Cælis,*  
 id est Cælestis curia approbabit & confirmabit. Et similiter, *quod-*  
*cumque solveris super terram, erit solutum & in Cælis.* Hoc est secundum  
 glosam, quemcumque indignum remissione judicaveris dum vivit,  
 indignus apud DEUM judicabitur: & quemcumq; solvendum judi-  
 caveris dum vivit, remissionem à DEO consequetur. Hæc autem *Potestas hæc*  
 solvendi atq; ligandi potestas, non soli Petro sed & cæteris Aposto- *quibus data.*  
 lis data est à Domino: & non tantum Apostolis, verum etiam in Epi-  
 scopis & Presbyteris omni Ecclesiæ. Ita tamen quod potestas au-  
 thoritatis est in solo DEO, qui aperit per gratiæ infusionem: pote-  
 stas Excellentiæ in Christo, quia aperit per passionis meritum, pote-  
 stas ministerii in prælatis Ecclesiæ, qui aperiunt per Sacramentorum  
 ministerium. Sed ideo Petrus specialiter claves Regni Cælorum,  
 & principatum judiciariæ potestatis accepit, ut omnes per orbem cre-  
 dentes intelligant, quia quicumque ab unitate fidei vel societate illi-  
 us quolibet modo semetipsos segregant, tales nec vinculis peccato-  
 rum absolvi, nec januam Regni Cælestis ingredi possunt. Et secun-  
 dum glosam specialiter eam potestatem Dominus Petro concessit,  
 ut ad unitatem nos invitaret. Ideo n. eum Principem Apostolo-  
 rum constituit: ut Ecclesia unum principaliter Christi haberet vica- *Unus Chri-*  
 rium, ad quem diversa membra Ecclesiæ recurrerent, si fortè inter se *si Vicarius.*  
 dissentirent. Quod si diversa capita essent in Ecclesia, unitatis Vin-  
 culum rumperetur. Hic ergo Petrus eligitur Ecclesiæ Prælatus,  
 sed post cum aliis Apostolis hanc promissam potestatem accepit.  
 Ubi Apostoli Episcopi sunt ordinati, quando post Resurrectionem Do-  
 minus insufflans in eos dixit: Accipite Spiritum sanctum &c. Sed Pasto- *Joann. 20.*  
 rem omnium fidelium & Apostolorum Principem, ac suum Vicari-  
 um in tota Ecclesia præfecit cum ei dixit. *Pasce oves meas.* Hæc præ- *Joan. ult.*  
 dicta Episcopi & Prælati audiant, de munere gaudeant, de potestate  
 non superbiant. Si enim sic ligaverint ut Petrus, si ita solverint ut  
 Petrus: quidquid ligaverint ligatum erit, & quidquid solverint so-  
 lutum erit. Imitentur ergo illum in discretionem & justitiam, quem *Petrus imi-*  
 imitari volunt in ligandi ac solvendi potestate. Ideo enim hæc lo- *tandus, &*  
 li Petro dicta sunt, ut omnes alii se in illo quasi speculo videant, sic *intuendus.*  
 vivendo, sic ligando, sic solvendo, & à pace & concordia non rece-  
 dendo. Non præsumant quidquam contra justitiam & veritatem,  
 attendentes verbum Apostoli dicentes: Non enim possumus aliquid  
 contra veritatem, sed pro veritate. Et secundum Origenem: Sic *Origenes*  
 irreprehensibilis qui alterum ligat vel solvit, ut inveniatur dignus *trahat. 1.*  
 ligare vel solvere in Cælo. Quodcumque ergo ligaverint vel sol- *in Matt.*  
 verint in terra justè & discretè, ac utraq; clave cooperante & non  
 errante, ligatum & solutum erit & in Cælo: Si tamen injustè agit  
 Prælatus, sententia etsi ligat quod ad Ecclesiam militantem: nõ tamè  
 quod ad triumphantem. Sed si justè siue injustè proferatur, sem-  
 per sententia Pastoris timenda est, ne forte culpa quæ non sit ex  
 opere, fiat ex elatione. Unde Greg. sub magno moderamine Pasto- *Greg. 16.*  
 res *in Evangel.*



6 *Secunda Partis, Caput Primum.*

2.C flores Ecclesiae, vel solvere studeant, vel ligare. Sed utrum justè vel injustè obliget Pastor, Pastoris tamen sententia gregi timenda est. Ne is qui subest; & cùm injustè forsitan ligatur, ipsam obligationis suae sententiam ex alia culpa mereatur. Pastor ergo vel absolvere indiscretè timeat, vel ligare. Is autem qui sub manu Pastoris est, ligari timeat justè, vel injustè. Nec Pastoris judicium temere reprehendat, ne & si injustè ligatus est, ex ipsa tumidae reprehensionis superbia, culpa quae non erat fiat. Hæc Greg. Tunc post confessionem discipulorum de Filio DEI, factam in Petro dicente, tu es Christus, Filius DEI vivi. *Præcepit Jesus Discipulis suis*, ut nemini dicerent, & revelarent, quod ipse esset Jesus Christus: ut secundum quod ipsi de Christo intellexerant, aliis non prædicarent. Hoc præcepit Christus causâ humilitatis, quia de se non magna, sed humilia prædicari voluit: & causâ non impediendæ suae passionis, quia si prædicaretur, & crederetur Christus, non crucifigeretur: & causa non scandalizandæ suae congregationis: quia si primò immortalitas, & magna de Eo prædicata fuissent: & postea pusilli, & adhuc infirmi in fide Eum flagellari, crucifigi, & post multa ignominiosa morte mori vidissent, scandalizati de eorum prædicatione fuissent. Unde ista prohibitio fuit ad tempus, scilicet usque post resurrectionem: ne si ante passionem prædicaretur, irritaretur fides in cordibus credentium, propter futurum scandalum passionis: sicut patet factum in ipsis Apostolis. Instabat enim tempus passionis, tempus ignominiae & ostendendæ infirmitatis, sed post resurrectionem habita perfecta victoria mortis, erat tempus prædicandi gloriam suae Majestatis. Quando enim cessavit causa, scilicet scandalum passionis, cessavit & effectus. Unde Chrysostomus. Quia si manifestè esset agnitus Filius DEI: nemo ausus fuisset manus in Eum inicere, & neque crucifixus fuisset: neque resurrexisset à mortuis, propterea adhuc infernorum regnum esset in terra, & dominatio diaboli, totum mundum teneret. Unde & Ambrosius. Multis ex causis jubet tacere discipulos: ut fallat principem, ut declinet iactantiam, doceat humilitatem, simul ne rudes & imperfecti adhuc discipuli majoris prædicationis molibus opprimantur. Prohibentur ergo discipuli eum Evangelizare DEI Filium, ut Evangelizent postea Crucifixum. Hæc est fidei gloria, si verè intelligas Crucem Christi. Aliæ Cruces nihil mihi prosunt: sola Crux Christi mihi utilis est. Et verè utilis, per quam mihi mundus Crucifixus est, & ego mundo. Si mihi crucifixus est mundus, scio quia mortuus est, & non diligo eum: scio quia præterit, & non concupisco eum: scio quia corruptela consumit hunc mundum, & quasi foetidum vito: quasi levem caveo, quasi noetorum relinquo. Hæc Ambrosius: Modum autem alloquendi, & ad Ecclesiam ad fidem vocandi, sive Gentiles, sive Judæos describit hoc loco idem Ambrosius dicens: Cùm aliqui ex gentibus vocantur ad Ecclesiam ita præceptorum seriem formare debemus: ut primò unum DEUM Authorem mundi omniumque esse doceamus, in quo vivimus & sumus, & movemur: cujus & genus sumus, ut non solum propter munera lucis & vitæ, verum etiam propter cognitionem quandam generis diligendus à nobis sit. Dedinde opinionem illam quæ est de idolis destruiamus, eo quod non possit auri, argentique vel ligni materia, vim

*Vetatione  
cui diceret*

*Chrysostomus.  
homo. 55.  
in Matth.*

*Ambrosius. in  
cap. 9. Luc.*

*Crucis Christi  
uti utilitas.*

*Athor. 17.*



vim in se habere Divinam. Cum unum DEUM esse persvaseris, tunc iudicio ejus ascrues per Christum nobis salutem datam; incipiens ab illis quæ gessit in corpore, etiam Divina describens: ut plusquam homo videatur victam hujus virtute mortem: mortuumque ab inferis resuscitatum. Paulatim enim fides crescit, ut cum supra homines fuisse videatur, DEUS esse credatur. Nam nisi probaveris quod facere illa sine Divina virtute non potuit: quemadmodum potes probare in eo vim fuisse Divinam? Talis Athenienses informavit præcepto Apostolus: talis nobis apud gentiles Ordo servandus est. At verò cum Judæos alloquerentur Apostoli, ipsum Christum esse dicebant, qui Prophetis nobis esset promissus oraculis: quem non prius cum auctoritate sua DEI Filium nominabant: sed virum justum, virum à mortuis suscitatum. Illum virum de quo dictum est in Prophetis, *Filius meus es tu, Ego hodie genui te.* Ita ergo, & tu ad ea quæ difficilè creduntur auctoritate Divini sermonis addisce: & promissum ejus adventum Prophetarum voce designa, resurrectionem quoque multò antè compertam scripturarum testimoniis edoceo, non usitatam cum cæteris, ut in ipsa suscitati Corporis assertione æternæ testimonium Divinitatis acquiras. Cum enim cæterorum corpora corruptionem probaveris subisse post mortem hunc utique de quo dicitur: *Non dabis Sanctū tuū videre corruptionem,* cum probas humanæ fragilitatis expertam: probas humanæ conditionis merita supergressum DEO magis, quàm hominibus conferendum. Quia si ad Sacramenta fidelium tendens cathecumenus imbuendus sit: dicendum, quia unus DEUS ex quo omnia, & unus JESUS per quem omnia, non duos Dominos esse dicendos. Perfectum quidem Patrem, perfectum esse Filium, sed unius Patrem & Filium esse substantiæ Verbum æterni DEI, non quod profertur, sed quod operatur: ex Patre genitum non voce editum. Hæc Ambrosius: Ut autem Apostoli melius tenerent præceptum Domini, ne ante resurrectionem evangelizarent: simulque ne horrerent mortis periculum, si Regni gloriam diligerent, prædixit eis tunc passionem suam, ostendens, quia oportet, id est conveniens esset, secundum ordinationem Divinam, *Filium hominis*, scilicet, *Eum ire Jerosolimam*, ad operandum salutem in medio terræ: quia præordinatum erat à DEO Patre, quod ibi compleretur Mysterium redemptionis nostræ. Unde istud oportet opem portat, opes apportat. Oportet inquam non propter sua, sed propter nostra peccata. Et ideo Psalm: dicitur: *Quæ non rapui, tunc exsolvebam.* Et est notabile quod ipse loquens de sua passione nominat se Filium hominis, non Filium DEI: quasi vellet dicere quod passurus erat, non secundum naturam Divinam, sed humanam. Modus autem nostræ redemptionis subjungitur cum dicitur, *& multa pati*, factus enim fasciculus myrrhæ, id est cumulus amaritudinis, quia ex multis passionum generibus compositus est myrrhæ fasciculus. Multa inquam pati: quia comprehendi, colaphizari, conspui, accusari, denudari, flagellari, & reprobari: à senioribus, qui debebant habere præminentiam vitæ: & scribis, qui videbantur habere prærogativam scientiæ, & principibus Sacerdotum, qui habebant excellentiam auctoritatis & potentis, quia ab istis judicatus est ad mortem, & prædidi traditus: & occidi in Cruce à gentibus, quæ eum Crucifixerunt



Passionis  
predicandæ  
causa.

Hieronym.  
in c. 16.  
Matth.

Arguendi  
majoris for-  
ma.

Satanas.

Origenes  
Tractat. 1.  
in Matth.  
Scandalū esse.

Origenes i-  
bidem Petrus  
Satanas  
dictus.

Clementis  
itinerariū.

xerunt propriis manibus: & tertia die resurgere, tanquam virtute propria: non succitari potestate aliena: quod dixit ne nimis de ejus morte tristarentur, & sic spe resurrectionis confortarentur. Ad hoc ignominiam suæ passionis, & suæ resurrectionis gloriam prædixit, ut suō exemplō timorem passionis tolleret: & eos ad considerandum suæ resurrectionis gloriam elevarer. Ubi Hieronym. Est autem sensus: tunc me prædicate, cum ista passus fuero. Quia non prodest Christum publicè prædicare, & ejus vulgare in populis Majestatem, quem post paululum flagellatum visuri sunt & Crucifixum. *Et assumens eum Petrus*, seorsum, & ducens separatim, ne coram aliis videretur arguere Magistrum: *inreparavit Eum*, amantis affectu dicens: *Absit à Te Domine sic pati, non erit tibi hoc*, scilicet quoddam intereat Filius DEI vivi: quasi diceret: Indecens est quoddam tu Dominus Majestatis, tam ignominiosè patiaris. Inreparavit Petrus Dominum potius quàm ceteri, quia non vult Confessionem suam destrui nec putat Filium DEI posse occidi vel mori: vel potius propter fervoris amorem hoc facit quod pro ceteris ardebat. Et bene assumpsit Eum Petrus secreto, relinquens nobis exemplum similiter arguendi Majorem; quia inferior non debet in publico arguere Superiorem. *Dominus autem conversus*, id est facie versa ad Petrum, quem præcedebat, ut sic conversus Eum aspiceret & efficacius argueret: *dixit ei*, arguendo ipsum: *vade post me*, conformitate voluntatis: & retro non contra me, *Satana*, id est adversariè & cōtrariè: quia meæ volūtatī & vice salutis cōmunis adversaris, & contraria loqueris: *Satanas enim interpretatur adversarius*, sive contrarius: quasi diceret, non adverseris mihi: sed applica voluntatem tuam meæ voluntati: & noli impedire passionem meam: sed magis sequere, & post me eundo vestigia mea imitare. Ubi Origenes: Beatus autem ad quem convertitur Christus: etiam si corripiendi causā convertitur & subjungit Dominus: *Scandalum est mihi*: id est, das mihi occasionem offensionis, & me offendis, quia in isto facto, *non sapias ea quæ DEI sunt*, dispositionem DEI de mea passione considerando, *sed ea quæ hominum*, qui præsentia appetunt humanè pro me zelando, & me affectu humano diligendo. Ergo sapere debemus non humana, sed Divina: non carnalia, sed Spiritualia: non terrena, sed Cœlestia. Ut dicit Origenes: Omnem discipulum peccantem, scandalum sibi appellat. Petrum autem quem Dominus antè ita magnificaverat, Satanam vocavit, eo quoddam propter amorem carnalem quem ad Dominum habebat, dissuasit Ei de sua passione, ut non fieret. Maximi namq; ardoris & amoris legimus fuisse Petrum in Dominum Salvatorem nostrum. Ut enim legitur in itinerario Clementis: Petrus adeo afficiebatur ad Christi Corporalem præsentiam, quàm ferventissimè dilexerat quoddam post Christi Ascensionem quotiescunq; dulcissimæ præsentie ac societatis & allocutionis Christi, & Sanctissimæ conversationis memor erat: totus in lachrymas resolvebatur, ita ut genæ ejus adustæ lachrymarum fluxu viderentur. Ex zelo igitur Christi volebat impedire ejus passionem: & quia iste zelus erat indiscretus: nam Christi passio erat à DEO præordinata ad humani generis salutem: ideo duram meruit reprehensionem. Quia ergo affectum non regulavit; ut vellet quoddam Christus volebat: & voluntatem suam non conformavit voluntati Divinæ cui adversari videbatur.



debat, meritò reprehenditur & satanas, id est adversarius appellatur. Hoc ergo exemplo Domini habeas & tu omnes pro adversariis, qui pro corporali alleviatione & consolatione à bono & exercitio spiritualitate vellent retrahere. Sicut autem Petrum quem ante probavit hìc increpat: sic nemo ob bona prius facta immunis sit à correptione, propter mala quæ facit. Non est ergo in Cruce Domini verecundandum, sed potius gloriandum, quia est nostræ salutis signum, & bonorum nostrorum principium. Unde Chrysostomus. Ut Coronam ita circumferamus Crucem Christi. Etenim omnia quæ secundum nos sunt, per ipsam perficiuntur: & si regenerari oporteat Crux accedit: & si pasci mysticò illò Cibo, & si consecrari, & quodcunq; aliud facere, ubiq; symbolum, id est signum victoriæ nobis assistit. Propter hoc & in domo, & in muris, & in januis, & in fronte, & in mente cum multo inscribimus id studio: salutis enim quæ pro nobis est, hoc est nostrum signum. Quando igitur signaris, excogita omnem conditionem Crucis, vel causam: non enim simpliciter digitò insigniri eam oportet, sed cum multa fide: & nullus prope te stare poterit immundorum dæmonum videns enssem & gladium in quo plagam & pestiferum vulnus accepit: & arma per quæ omnem virtutem Ejus Christus solvit.

*Gloriandum  
in Cruce Do-  
mini Chryso-  
stom hō. 55.  
in Matth.*

## De EXHORTATIONE Ad SEQUENDUM

*Christum, & suæ passionis exemplum.*

## CAP. II.

**P**ostquam Dominus discipulis mysterium suæ passionis secretò prædixit, convocat turbam cum Eis: & tam ipsos discipulos quam omnes, ad sui imitationem, & passionis tolerantiam invitat, quasi diceret: Nolite prohibere passiones. quia oportet sustinere eas omnes salvari volentes: & ideo hìc ad omnes generaliter loquitur & omnes hortatur, quia imitatio passionis ad omnes pertinet, vel per martirium, vel per pœnitentiam. Unde ait: *Si quis*, quod notat varietatem, *vult post me venire*, per affectum interiorem, per imitationem exteriorem, ad Patrem Superiorem: & bene dicit vult: quia neminem cogit sed consulit, & unumquemq; suo arbitrio relinquit, ut servitium sit gratius Domino, & præmium sit gratius servo. Unde Chrysostomus. Cum autem Salvator sit pius & benignus: nullum invitum aut coactum habere vult famulum, sed spontaneos & gratias agentes Ei pro famulatu. Et ideo neminem cogendo, aut necessitatem imponendo, sed persuadendo & benefaciendo universos volentes adtrahit. Et iterum: Si quis aurum daret, aut thesaurum exponeret, omnes currerēt: multò magis ad ea quæ sunt in Cœlis. Hæc Chrysostomus Et subdit Dominus: *Abneget semetipsum*, per propriæ voluntatis renuntiationem, non tantum sua vel suos: sed suum intellectum, suum affectum, suum sensum, & *tollat Crucem suam*, per mortificationem corporis sui, per compassionem proximi: & si necesse fuerit, per sustentiam martirii, & *sequatur me*, scilicet me habens lucem in intentione contra favorem humanum: me sequens Ducem in operatione, contra errorem diabolicum, Me expectans mercedem in remuneratione, contra temporale commodum. Rectus ordo, ut qui vult sequi Dominum primò abneget semetipsum, & sic tollat Crucem

*Matth. 16.  
Marci 8.  
& Luca 9.*

*Chrysostom.  
hom. 56.  
in Matth.  
Invitum nō  
vult Dominus*



*Hominis  
primi, seu  
Adæ iactura,  
& amissio  
triplex.*

cem, ut primò voluntas ejus sit prompta ad omnem miseriam sustinendam. Et notandum quòd primus homo tria perdidit per peccatum, scilicet libertatem, felicitatem & dignitatem, quæ tria docet hic Dominus per tria recuperare. Libertatem, cum dicit, abneget semetipsum, felicitatem, cum subdit, & tollat Crucem suam, dignitatem, cum addit, & sequatur me. Vel abneget se in prosperitate, & malum declinando tollat Crucem suam in adversitate, & bonum operando, & sequatur me vitæ conformitate, & in DEUM omnia ordinando. In verbis autem Domini prædictis excluduntur sex genera pœnitentiæ inutilis: & est prima violēta, contra quòd dicit si quis vult: secunda diminuta, quando scilicet homo dat sua DEO, & se mundo: contra quòd dicit, abneget semetipsum: tertia delicata, quia sic volunt aliqui facere pœnitentiam, ut nullam sentiant afflictionem: contra quòd dicit, tollat Crucem: quarta mutuata, quando aliqui gloriantur de passionibus Patrum, vel Fratrum suorum; ipsi verò nihil talium faciunt: contra quòd dicit, suam, non alienam. Quinta momentanea, quando aliqui una die abstinent: & aliis diebus deliciis vacant, contra quòd dicit, quotidie. Sexta simulata, quæ est hypocritarum, contra quòd dicit, & sequatur me: non favorem mundi. Si quis etiam vult post me venire, hoc est, si quis vult attingere perfectionem vitæ Christianæ, faciat ea quæ sequuntur, scilicet, *abneget seipsum & tollat Crucem suam, & sequatur me.* Ubi tria exprimuntur, in quibus perfectio vitæ Christianæ consistit. Primum est, sui abnegatio, secundum est, Crucis portatio, tertium, vitæ Christi imitatio. Quantum ad primum sciendum quòd ad sequendum Christum oportet hominum tria abnegare, scilicet, sua: secundum illud: *Qui non* *Luce 14. 8. renunciat omnibus quæ possidet, non potest meus esse discipulus.* Et suos, secundum illud: *si quis venit ad me, & non odit Patrem, &c. non potest meus esse discipulus.* Et semetipsum secundum quòd hic dicitur, *abneget semetipsum*, scilicet vetustatem & peccata abiiciendo, & ad meliora mutando, ut desinat esse quòd erat, & incipiat esse quòd non erat: & alter ex altero efficiatur, ad voluntatem propriam abnegando: quòd plus est, quàm abnegare res ipsas, & abiicere. Unde Prosper: *Voluntatis* *renuntiatio.* Quid eis prodest quòd facultates suas abiiciunt, qui voluntates proprias non relinquunt? cum sit longè præstantius voluntatibus propriis renuntiare, quàm rebus hujusmodi ergo abnegatio debet fieri omnibus desideriis carnis, & mundi concupiscentiis perfectè relinquendo: & in bonis actibus nullam complacentiam propriam vel humanam captando, sed solum Divinum honorem in omnibus quæ agimus intendendo, ut sic veraciter possimus dicere cum Christo: *Non Crucē tollere.* *veni facere meam voluntatem, sed ejus qui misit me.* Quantum ad secundum sciendum quòd Crucem tollere tripliciter potest intelligi: sci- *Hil. Canone* licet per carnis mortificationem, per proximi compassionem, per *16. in Matt.* Martyrii sustinentiam. Unde Hil. Sequendus est Dominus Cruce assumpta etiam passionis, & si non forte, tamen voluntate comitandus est. Secundum maximum Episcopum duo abstinentiæ & Crucis *Abstinentia* *& Crucis* *genera.* sunt genera, unum corporale, scilicet à delectationibus, & ab aliis quæ decipiunt sensus viriliter revocare, ac violenter abstrahere & coercere. Aliud Spirituale, quòd est speciosum & sublimius, scilicet motus animi regere, & perturbationes illius placare. Impetus vitiorum refrenare, & contra ea quotidie litigare, ac rixam quodammodo, cum interiori homine conferere. Hæc Maximus. Hoc etiam de Cruce tollenda potest & aliter exponi dupliciter. Unò modò *de*



de Cruce corporali: & sic convenit Martyribus, & per hanc Crucē intelligitur omne genus Martyrii, scilicet mortis, & cujuslibet alterius poenae vel periculi pro Christo sustinendi animi tentatio & praeparatio. Tunc enim, secundū August. Crucē nostram tollimus quādo poenaltates quaslibet pro Christo voluntariē assumimus. Alio modō exponitur de Martyrio Spirituali, quod convenit Religiosis, & perfectis: de quo Martyrio dicit Apostolus: *Mihi mundus Crucifixus est, & ego mundo:* id est, secundum glo. Mundi concupiscentiae non habent in me dominium, nec mundus iam mihi se ingerit, & ego contra eum sum fortis. Et quod non sine causa nota utrūq; dixit scilicet sibi mundum Crucifixum, & se mundo. Plerumq; enim contingit ut homo mundo non teneat, sed tamen mundus eum in suis occupationibus astringit: & mortuus est homo mundo: & mundus eum quasi vivus concupiscit, dum in alio intentum in suis actibus rapere contendit. Sed secundū Grego. nec Paulus à mundo gloriam quærebat, nec ipse à mundi gloria quærebatur: ideo & se mundo & sibi mundū esse Crucifixum gloriabatur. Sunt autem tria in mundo, quæ nobis debent esse crucifixa, & nos eis: Quia ut dicit Joannes: *Omne quod est in mundo: aut est concupiscentia carnis, aut concupiscentia oculorum, aut superbia vitae.* Hōrum trium Crucifixio fit per tria vota Religiosorum, qui verē martyres sunt Spirituales. Primum ergo Martyrium consistit in temporalium voluntaria relictione. Secundum concupiscentiae carnis reluctatione: & quantō fortior sit ista pugna, tantō gloriosior victoria Martyrii. Tertium in propriae voluntatis abdicatione, quia secundum Gregor. per obedientiam mactatur voluntas propria, & per victimam caro aliena: & ideo obedientia dicitur melior quā victimā. Quantum ad tertium de vitae Christi imitatione: sciendum quōd Christum sequi nihil aliud est quā ejus vestigia imitari, & ejus vitae conformari. Ipsum autem imitari debemus triplici viā, qua nos praecessit: videlicet paupertatis, humilitatis, & asperitatis. Christus enim in suo ingressu nobis reliquit exemplum sincerissimae paupertatis, in progressu exemplum profundissimae humilitatis, sed ingressu exemplum acerbissimae poenaltatis: & quia in his tribus debemus Christi vestigia sequi, ideo ad jugem eorum memoriam nos invitat, dicens: Recordare paupertatis meae. Quantum ad primum: & transgressionis, meae, id est profundissimae humilitatis, quantum ad secundum & absinthii & fellis, id est amarissimae passionis, quantum ad tertium. Et nota quōd omnia in quibus devoti sectatores perfectionis Evangelicae Christum debent imitari, & ejus similitudini conformari, possunt & hōc modō ad tria reduci, scilicet secundum tria bona quae à DEO recipimus: ut sunt res exteriores, corpus proprium, & ipsa anima: quae omnia oportet relinqui propter DEUM. Si volumus ipsius Christi esse perfecti imitatores. Perfectus enim Christi imitator, primò debet relinquere mundum, & omnes res temporales: & etiam cum hoc omnium terrenorum occupationem & sollicitudinem penitus debet postponere. Hoc autem fit per voluntariam paupertatē, quam Christus altissimē servavit: quia in tota vita sua pauperrimus fuit. Secundò debet relinquere corpus, quod quidem relinquitur tribus modis: Primò, per carnis macerationem: per quam corpus vigiliis, jeuniis, & orationibus atteritur, ne caro lasciviat, & contra spiritum se erigere pertinaciter praesumat. Secundò, per temporalis con-

ad Gala: 6.

Crucifigi mundo &amp;c.

Gregor. 1. 5.

moral. c. 2.

Crucifigen-

da in mundo

tria sunt:

1. Joan. 2.

Gregor.

in c. 15.

1. Reg.

Imitatio

Christi in

triplici via.

Thren. 3.

Tria in qu

bus imite-

mur Christi

Triplicia

bona.



modi abjectionem: quia qui nimis delicatè nutrit servum, scilicet corpus suum, postea invenit eum contumacem: & ideo debet semper in rigore teneri, ut magis subiciatur spiritui. Tertid, per pœnalitatum voluntariam perpeffionem, sicut Apostoli & Martyres, qui pro Christo voluntariè sunt passi. Et omnia ista Christus fecit: & seipsum in exemplum dedit. Quartò, debet relinquere animam suam, per propriæ voluntatis abdicationem: ut voluntatem suam Divinæ voluntati conformet: quòd nihil aliud velit, nisi solum illud quod Divinæ voluntati beneplacitum fuerit: hoc enim fecit ipse

*Joan. 5. c.* Christus, qui dixit: *Non veni facere voluntatem meam: sed voluntatem ejus qui misit me.* Unde ad voluntatē Divinā ita habeas regulā & mensurā omniū actionū tuarū, sic quod in omnibus actionibus & desideriis tuis, nihil cōcupiscas, nisi quòd honor Dei in te āplietur, & in omnibus

*Vivere vita* aliis creaturis. Sed est sciendū, quòd nullus potest vivere vitā Christi,

*Christi.*

*Mori pro*

*Christo.*

nisi etiā moriatur morte Christi: ideo sicut Xtus per hoc quod ex nimia charitate se assumptioni nostræ carnis inclinavit, seipsum exinanivit & per consequens claritati Divinæ quā Patri consubstantialis existit, quodammodo mori voluit: ita quilibet ad istam perfectionem tendens debet per veram humilitatem & plenarium contemptum sui mori sibi ipsi, seipsum usq; ad nihil deiiciendo, & seipsum nihil reputando, ut vivere possit soli DEO. Homo enim ad perfectionem tendens debet seipsum, hoc est quod videtur habere à seipso, nihil reputare: quod autem habet à DEO, puta dona DEI, quibus conformatur vitæ Christi, debet summè reputare: & cum summa diligentia custodire, ut verè possit dicere cum Apostolo: *Vivo autem jam non ego, vivit verò in me Christus.* Unde de talibus mentibus perfectis sic

*Coloss. 3.*

mortuis sibi ipsis, dicit Apostolus: *Mortui estis, & vita vestra abscondita est cum Christo in DEO.* Signanter autem dicit, & vita vestra abscondita est cum Christo in DEO: quia vita illa quā mens per amorem continuum & beatificum perfectè unitur DEO in Patria, illa est in præsenti abscondita: quia propter necessitatem mortalis vitæ talis amor continuus, & non interruptus in præsenti vita haberi non potest. Sed hoc evidenter apparebit in vita beata, ubi objecto beatificò continuè fruemur: & in solo DEO iugiter delectabimur, propter quòd bene subditur: Cum autem Christus apparuerit Vita vestra: tunc & vos cum ipso apparebitis in gloria. Est autem sciendum quòd mors ista spiritualis, quā homo per contemptum sui moritur sibi quibusdā gradibus perficitur. Primus est quod homo per humilitatē reputet se omnibūs viliorē. 2dus est, quòd hoc verbis propriis fateatur. 3tius est, quòd etiā ab aliis dici æquanimiter patiatur. 4tus, est quod homo æquanimiter ferat cū ab aliis cōtēptibiliter tractatur. 5tus est, quòd homo nō solū non doleat: sed etiā diligat, quod ab aliis contemnatur. Et omnes isti gradus propriæ despectionis perfectè reucebant in Christo: Sequamur ergo & imitemur non diabolū ut ambitiosi & superbi: non mundum, ut cupidi & avari: non carnalem appetitum, ut voluptuosi & lubrici: sed Dominum JESUM Christū. Qui enim DEUM non sequitur: ei quidem neque se abnegare, neq;

*Mors spiri-*

*tualis perf-*

*citur gradi-*

*bus.*

Crucem tollere prodest. Vis sequi Christum? sis DEO obediens, & proximum diligens: ac propter DEUM omnia sustineas & facias: hanc enim viā Christus incedit: per hanc ergo viam ambula si vis Eum sequi in vita præsenti, & cum Eo gaudere in patria. Sed heu pauci hodie Dominum

lequi



sequi volunt: & tamen multi ad Eum pervenire cupiunt. Unde Bernardus  
 Bernard: O quàm pauci post te volunt ire Domine: cùm tamen per-<sup>serm. 21. in</sup>  
 venire ad te nemo est qui nolit: conregnare cupiunt, sed non com-<sup>cantica. Se-</sup>  
 pati: non curant quærere, quem tamen desiderant invenire: cupiunt<sup>quentium</sup>  
 te consequi, sed nolunt sequi: optant extrema justorum, non curan-<sup>Christum</sup>  
 tes principia eorum. Et quia Dominus monuit ad sustinendum, pro-<sup>pauca.</sup>  
 confessione fidei Martyrium: consequenter tollit hujus confessionis  
 triplex impedimentum. Et primò primum, quod est nimius amor  
 sui ipsius, dicens: *Qui enim voluerit animam*, id est animalitatem, su-  
 am, scilicet vitam præsentem alimoniis indigentem, *salvā facere*, id  
 est in præsentem custodire: Martyriū declinando, vel corpus in pœni-  
 tentia non macerando: hoc est potius salvare tempore persecutionis  
 quàm me cōfiteri, scilicet eligens potius DEUM offendere, quàm pro  
 eo mori: vel tempore pacis declinatè servare potius quàm per pœni-  
 tentiā affligere: *perdet eam*, in futuro, scilicet vitā vel animam: & pro  
 vita momentanea incurret mortē æternam. Unde fugiendo mortem,  
 incurret mortem: & servando vitam, amittit vitam. *Qui autem per-*  
*dit animam suam*, id est animalem & præsentem vitam perditioni &  
 morti, si necesse est, exponendo: eligens potius pro Deo mori, quā  
 Eum offendere, vel per pœnitentiam se affligendo, eligens potius sic  
 DEUM placare, quàm se delicatè fovendo ipsum magis irritare: &  
 hoc non propter mundi vanitatem, vel erroris defensionem, aut de-  
 sperationem: sed propter me, id est antequam contra mea faciat  
 mandata, *inveniet eam*, in futura gloria, & pro vita mortali inveniet  
 æternam. Istud dictum Domini de anima & vita salvanda, & perden-  
 da simile est secundū Gregorium ac si diceretur agricolæ: frumen-<sup>Gregorius.</sup>  
 tum si servas, perdis: si seminas, renovas. Igitur ut dicit Cas. Væ <sup>hom. 32.</sup>  
 carni, quæ hîc superata non fuerit: nam quæ in hac conversatione <sup>in Evang.</sup>  
 vincitur, illic sine dubio coronatur. Unde Bernard. Qui voluerit  
 animam suam salvā facere perdet eam. Et quidem prudentius eam <sup>Bernardus</sup>  
 perdis ut custodias, quàm custodis ut perdas: quid hîc vos dicitis ob- <sup>serm. 30.</sup>  
 servatores ciborum, morum neglectores? Hippocrates & sequaces <sup>in cantica.</sup>  
 ejus docent animas salvas facere in hoc mundo: Christus & Ejus di-  
 scipuli perdere. Quem nam vos ex duobus sequi, Magistrum aut  
 servum eligitis? Epicurus atq; Hippocrates, corporis alter volupta-  
 tem, alter bonam habitudinem præfert: meus magister utriusq; rei  
 contemptū prædicat. Quid enim tibi aliud sonuit eum clamatum est:  
 qui amat animam suam, perdet eam? Perdet autē dixit: sive pendē-  
 do ut Martyr, sive affligendo, ut pœnitens. Quāquā Martyrii genus <sup>Luci terre</sup>  
 sit, spiritu facta carnis mortificare, illō nimirū quō membra cœduntur <sup>ni detestatio</sup>  
 ferrō: horrere quidē mitius, sed diuturnitate molestius. Hæc Ber-  
 nard: Deinde tollit secūdū impedimētū quod est nimia cupiditas lu-  
 cri & desiderii terreni, dicēs: *Quid enim prodest homini, si universū mūdū*  
*lucretur*: de quo nihil secum moriens portare poterit nisi pecca-  
 tum: imò quantō plus acquisivit de mundo, tātō plus acquisivit de  
 inferno. Unde in Apocalypsi dicitur: quantum glorificavit se, & in <sup>Apocal. 18.</sup>  
 delitiis fuit, tantum date illi tormentum & luctum: *animæ verò suæ*  
*detrimentum patiatur*: scilicet amittendo gloriam, incurrendo pœnam  
 æternam, & perdendo humanam substantiam: quasi diceret, nihil  
 proficit, imò per talia multum perdit: scilicet id quod est immorta-  
 le & Divinum in eo: & ideo anima cum sit immortalis, præponenda  
 est omnibus corruptibilibus & transitoriis: nam anima rationalis ima-



gine Trinitatis insignita: pretiosior est cunctis terrenis, & ideo stultus est qui plus pecuniam quam seipsum diligit: quod facit qui propter illam tormentis æternis se exponit. Unde nimis stultus est avarus, imò peior quam diabolus: quia avarus plus diligit nummum, quam animam suam vel aliorum: sed diabolus plus diligit unam animam, quam totum mundum. Quapropter dixit Christo præsumens decipere Eum, si cadens adoraveris me, dabo tibi mundum istum. Et ideo ut dicit Origenes, duobus propositis, magis est eligendum ut mundum perdamus, & lucremur animas nostras. Unde & Ambrosius: Valde timendum est ne propter avaritiam pecuniæ, vel propter amorem carnalis vitæ salutem animarum quærere negligamus: quia nihil prodest lucrificare temporalia, si perdantur æterna. Et dat Chrysostom. exemplum: Si egens in ultimis malis positus videres servos in lascivia agere, quod lucrum æstimares te eorum Dominum esse? sic quid lucratur anima tua miserâ carne lasciviente, si futuram damnationem expectat? Sed magna heu hodie cæcitas & amentia in hominibus reperitur. Quia secundum August. Si quis argentum auro præponit, dementissimus judicatur: si verò aurum DEO præponit à nullo reprehenditur. Exponit etiam prædictum Domini verbum de illis qui animas aliorum lucrari volunt, & suas negligunt. Unde Chrysostom. Si alterius sollicitus contemnens te, similis es eis qui metalla fodiunt & necantur. Et quia posset aliquis dicere: & si animam perdam, tamen ex multis quæ lucrabor eam redimam: quod falsum est. Unde dicit: *Aut quam commutationem*, id est redemptionem, *dabit homo pro anima sua*, scilicet damnata: quasi diceret: si pro ea totus mundus daretur, non per hoc liberaretur. Et ideo non potest comparari lucrum mundi ad detrimentum animæ, per quod homo perdit eam & vitam æternam. Nam perditis divitiis, possunt per alias divitias compensari: & si mors infligitur, potest compensari per vitam immortalem, quæ in resurrectione expectatur: sed si anima per culpam perdat, non expectas in alia anima recompensari: quia non poteris aliam animam, sed neq; aliquid aliud, quasi commutationem pro ea dare, ut libereseam de æterna morte. DEUS autem pro animabus hominum dedit commutationem, sanguinem Filii sui pretiosum. Perdenda est igitur anima & vita præsens in hoc sæculo propter Dominum, non salvanda propter lucrum & desiderium terrenum. Quapropter ut ait August. Voluntarie nunc pro Christo postponamus quandoq; dimittenda, ne (quod absit) pro transitoris amittamus æterna. Si enim tibi diceretur: sis toto hoc mense dives & potens, & fac quidquid velis: utere carnis voluptatibus sicut placet: eâ tamen conditione, ut oculi tui postea eruantur, omne solatium tollatur: toto tempore vitæ tuæ in fame & siti, in omni cruciatu & omni miseria vivas: nunquid illud tale bonum hoc tenore susciperes? Et quidem tota hæc vita nec mensis est, nec unius diei vel horæ spatium, ad illius æternæ infelicitatis comparisonem, cujus miseriæ neq; finis est, neq; pœna similis invenitur. Unde Isidorus. Si haberes sapientiam Salomonis, si pulchritudinem Absolonis, si fortitudinem Samsonis, si longitudinem Enoch, si divitias Cræsi, si potestatem Theboinam: quid prodesset tibi, si tandem caro daretur vermibus, anima dæmonibus, cum divite crucianda sine fine? quasi diceret, nihil. Duo quippe sunt tempora Ecclesiæ: unum persecutionis, & tunc antequam DEUM negemus ponenda est anima, & præsens

Avarus peior  
est diabolus  
Matth. 4.

Origenes.  
Tractat. 2.  
in Matth.

Chrysostom.  
hom. 56.  
in Matth.

Chrysostom.  
Ibidem.

Anima per-  
ditio irre-  
parabilis.

Pœna æterna  
Anima per-  
ditio maxi-  
ma.

Tempora  
duo sunt  
Ecclesiæ.



sens vita. Aliud pacis, & tunc frangenda sunt desideria terrena & lucra contemnuenda. Nulla ergo mundi adversitas animam tuam frangat, nulla prosperitas alliciat, nulla fallacia seducat à præceptis & mandatis DEI, & à charitate quæ est in Christo Domino nostro. Omnibus modis & in omnibus debemus semper beneplacitum DEI facere, & ab offensa ejus abstinere. Deinde tollit tertium impedimentum ad confitendum fidem Christi, quod est pudor sæculi. Nam secundum Gregorium. Sape ex humana verecundia præpedimur ut rectitudinem quam servamus in mente, nondum exprimere valeamus in voce: & tantò DEI faciem ad justitiæ defensionem negligimus, quantò humanas facies contra justitiam veremur. Et secundum eundem sunt qui dicunt: Nos erubescimus DEUM confiteri, sed ad professionem fidei non sufficit vox professionis Christiani: dum verentur à proximis despici, dū dedignantur injurias tolerare, dum erubescunt si jurgium contigerit, priores satisfacere. Hoc ergo impedimentum tertium tollit. Primo, ex fructu. Secundò ex pœna: quia Christus confitentes confitebitur & recognoscet: & erubescences erubescet: id est, non cognoscet eos de suis in secundò suo adventu & judicio cum venerit in Majestate sua scilicet humana: id est, in forma humana glorificata: & Patris, id est Majestate Divina, quæ sibi & Patri est communis quam tamen habet à Patre suo: & Sanctorum Angelorum, qui apparebunt cum Eo: Tunc enim erubescunt infideles, ignorabit fatuas virgines, objurgabit misericordes. Unde patet quod non solum judicabit Filius in forma Deitatis: sed & Pater, & Filius, & Spiritus Sanctus, quorum est una Majestas: in forma tamen visibili solus Filius apparebit, ut ex hoc solus Filius hominis judicare dicatur. Indivise itaq; judicant Pater, & Filius: nec non & Spiritus Sanctus. Verum quia Potentia Sapientiæ cedit in discretionem judicii, ubi æquitas magis est examinanda: & considerandum quid cuiq; debeatur pro meritis: quamvis & potentia sit exercenda, nec bonitas subtrahenda: ideo specialiter discrimen judicii attribuitur sapientiæ, quia judicium est per sapientiam Divinam: sapientia autem tota communicatur Filio, & ideo etiam solus Filius dicitur judicare. Tempore ergo persecutionis non erubescat Christianus fidelis pro Christo affligi: & si opus fuerit morte affici, ac substantiis nudari, & honoribus deici. Tempore verò pacis cum vitia maximè subrepunt, carnem refrenet ne lasciviat, & pro Christo non vereatur à proximis despici, injurias verborum pati, prior proximo satisfacere ut veraciter probetur sequi humilitatem Capitis sui, & Ipsum confitens mereatur ab Eo recognosci. Et ne abnegandum se, & tollendum Crucem auditores terreantur, ideo tristibus læta subjungit dicens: *Filius enim hominis*, id est Virginis, qui ita se vocat propter sui humilitatem, propter carnis veritatem, propter Matris puritatem, sive integritatem, *venturus est*, ad judicandum orbem, *in gloria Patris sui cum Angelis suis*, in forma gloriosa judicabit. Qui prius venit humilis: venturus est per manifestationem gloriæ & virtutis. *Et tunc reddet*, sine temporis dilatione: *unicuique*, sine personarum acceptione: ubi non personæ, sed opera considerantur. Unde sequitur, *secundum opera sua*: sine diminutione: iustis quidem præmium, scilicet gloriam animæ & corporis: aliis autem supplicium, scilicet pœnam utriusque. Hic est locus merendi & liberandi animam: ibi mittendi & recipiendi, secundum merita. Ambula hinc dum lucem habes, ne ibi tenebras

*Pudor sæculi amovendus.*

*Gregorius in hom. 32.*

*in Evangelia*

*Confitendus Christus sine erubescētia.*

*Judicabit Pater, &*

*Spiritus S. ut Filius.*



bræ te comprehendant. Suscipe hîc mortem, ut ibi suscipias vitam  
 immortalẽ. Noli timere, quia tristibus læta succedunt. Times mor-  
 tem, audi gloriam Triumphantis, vereris Crucem, ausculta Angelo-  
 rum ministeria, Attende & hîc verba Bernardi, qui dicit: vis  
 Bernard. ser- scire quæ debeas JESU Christo? Debes Ei vitam tuam, quia Ipse vi-  
 mon. de qua tam suam posuit pro tua. Et quia rudes erant Apostoli, ne Eum sic  
 druplici de- bito: venturum dubitarent, & fatigati expectatione deficerent: promitti-  
 tur in præsentî consolatione, ut citius credant de futuro. Unde bo-  
 nus Magister ne discipuli desperatione frangantur, aut tædio, sub-  
 jungit eos consolando. *Amen dico vobis, ut securi de hîc sitis: Sunt*  
 Gustatio quidam de hîc stantibus, discipulis, qui non gustabunt mortem, tempora-  
 mortis. lem, quæ est quidam gustus respectu mortis æternæ, vel gustus dici-  
 tur, quantum ad bonos, qui non permanent in morte: *donec vide-*  
*ant, oculis corporalibus, filium hominis venientem in Regno suo,* id est  
 in ea claritate Regni, quam habebit cum ad judicandum veniet, ut  
 qualis est venturus postea, præsentî quoq; tempore demonstretur  
 & appareat: hoc est donec videant similitudinem gloriæ quam cor-  
 pora Electorum, qui Eum nunc confitentur habebunt in Ecclesia tri-  
 umphante, ut per hoc speretur æterna futura in re. Unde secun-  
 dum Glossam, in corpore mortali ostendit eis non immortalitatem,  
 Stantes cum Christo. sed claritatem futuræ immortalitatis similem, & ita sensus est, donec  
 videant Regnum DEI: id est, imaginationem gloriæ Regni DEI. Cum  
 Christo hîc stantes sunt in statu gratiæ: qui pro ipso patienter passi-  
 ones sustinent, & isti mortem culpæ vel gehennæ non gustant, sed  
 cum ipso ad gloriam æternam transeunt. Hanc piam promissionem  
 eis fecit, ut per visam gloriam futuræ resurrectionis, & contempla-  
 tionem gaudii manentis, ad adversa transeuntis sæculi fortius fe-  
 renda animaret. Visionem autem promissam distulit, ut eam vehe-  
 mentius desiderarent, & desideratam magis acceptarent, & gratam  
 haberent.

## DE TRANSFIGURATIONE DOMINI CAPUT. III.

DEinde quod jã supra promissit soluit cûm dicitur: *Et post dies sex,*  
 Matth. 17. secundû Matheum, nō numerâdo extremos, vel *die octava* secundû  
 Luca 9. & Lucã, numerâdo diem primum quo promissit, & ultimum quô tol-  
 Marc. 9. vit: *Assumpsit Jesus secum Petrum, & Jacobum, & Joannem, & duxit illos*  
*seorsum in montem valde excelsum,* scilicet Thabor: quartô milliariô à  
 Nazareth contra Origentem, ut ibidem oraret. Mattheus & Mar-  
 cus ponunt tantû dies medios, sed Lucas & extremos. Illi sex,  
 quia post sextam mundi ætatem animæ Sanctorum in beata expecta-  
 tione requiescent. Lucas octo, quia in octava resurrectionis corpora  
 Sanctorum in gloriam immortalitatis resurgent. Hîc ergo post sex  
 ætates quiescendum esse ab omni labore: & ibi octavo tempore re-  
 surgendum designat. Unde secundû Hieron: & Glossam, hoc be-  
 Hieronym. ne Mystério convenit nam sicut Christus post sextam Sabbati, quâ  
 in c. 17. Crucem ascendit, & post septimam Sabbati, quâ in sepulchro quie-  
 Matth. vit, octava die relurrexit, sic & nos post sex mundi ætates, quibus  
 pro Domino patimur & laboramus, & post septimam quietis anima-  
 rum, quæ interim in alia vita geritur, octava ætate resurgemus.

Transi,



Transfiguratio ergo fuit in octava die, quia facta est ad ostendendum discipulis suis gloriam resurrectionis futuræ, quæ erit in octava mundi ætate & propter hoc figurata est hic per octavam diē. Assumpsit autem secum tres tantum, ut in ore trium staret testimonium. Item in signum quod qui nunc finem Trinitatis firmiter servabunt: in æterna visione gaudebunt. Istos autem tres, scilicet Petrum, Jacobum, & Joannem, specialiter assumpsit, quia istos familiariter diligebat. Hoc autem fecit ad designandum quod quicumq; vult gloriam DEI videre, oportet quod fidem agnoscat, sicut Petrus: quod vitia supplantet, sicut Jacobus: quod ad bene operandum gratiam habeat, sicut Joannes, quia omne meritum consistit in credendo verum, in declinando malum, in faciendo bonum. Item ad commendationem omnium statuum Ecclesiæ: nam per Petrum significantur conjugati, vel etiam Prælati: per Jacobum, pœnitentes vel activi: per Joannem, Virgines vel theoricæ. Et pulchrè ostensurus resurrectionis gloriam, seorsim eos duxit, ut intelligamus quia si ejusdem resurrectionis participes esse cupimus, à turbis malignorum hominum, & tumultibus sæculi divisi esse debemus. Pulchrè etiam eos in montem excelsum duxit, & nō in vallē, ut discamus gloriam non in profundo hujus sæculi, sed in Regno supernæ beatitudinis esse quærendam, & quod ad illam gloriam futuræ resurrectionis pervenire, & in decore suo Christū videre merebitur, si ima & terrena deserentes, ac sublimia & Cœlestia desiderantes, mentē in Cœlestibus habitemus. Necesse enim est omnibus qui DEUM contemplari desiderant, ut non in infimis voluptatibus jaceant, sed semper ad Cœlestia se erigant. Ascendit autem in montem, ut oraret: innuens oraturos in montem virtutum ascendere, & sursum non in imis corda habere, ac continuis precibus insistere. Et bene mons iste dictus est Tabor, quod accessio lucis interpretatur, quia omne quod manifestatur, in lumine manifestatur. Effectus autem orationis ostendit, propter quid oravit, scilicet propter gloriam futuræ resurrectionis manifestandā Apostolis. Dum enim oraret Transfiguratus est coram eis. Non dicit transfiguravit se, ut notetur actio fieri ex potentia Trinitatis, sed in natura humanitatis. Et bene dum oraret facta est altera species vultus ejus, fervor nēpe & devotio orationis, dispositio est ad transfigurationem, & extasim mentis. Unde Petrus dum oraret factus est in extasi mentis. Conspice bene ista, & te præsentē exhibe, quia magnificata sunt valde. Resplenduit enim facies Ejus sicut sol, imò plusquam sol, sed nihil habet clarius cui compareretur, Vestimenta autem ejus facta sunt alba sicut nix: & sic perfusa lumine, ut alba extra apparerent, secundum Augustinum. Candor vestium procedebat à faciei splendore, & ista fuit vera mutatio in facie, sed non in veste. Non substantiam veræ carnis amisit, nec corporis veritatem subtraxit: sed splendorem addidit. Unde Lucas dicit, quod facta est species vultus ejus altera, non alia. In carne mortali immortalitatis & resurrectionis suæ vel nostræ gloriam, non in se, sed in sæculi claritate sicut voluit ostendit, ut illius gloriæ quam prædicabat certiores nos redderet. Ecce quantum pignus beatitudinis nostræ habemus, non enim erat aliud transfiguratio, nisi secundi adventus prænuntiatio: in quo & ipse Christus & Sancti Ejus lucebunt sole clariùs: unde non assumpsit claritatis dotem, sed dotis similitudinem. Nā ut Leo Papa ait: Illā ipsius Deitatis ineffabilē & inaccessibilē visionē, quæ in æternā vitā mūdis corde servatur Domini.

Transfiguratio Domini  
nica tēpus.  
Assumptionis  
trium cause.

Cur seorsum  
duxerit discipulos.  
Cur in montem duxerit discipulos.

Tabor.

Act. 10.  
Candor vestium.

Aug. lib. 10.  
de mirabilibus sacra-  
scripturae.

Transfiguratio Domini  
spem auget nostram.  
Leo Papa sermo de transfiguratione Domini.



*Splendor faciei Christi.* vatur, nullò modò adhuc mortali carne circumdati intneri poterāt & videre. Splendor autem faciei significat claritatem Divinitatis: fulgor verò vestium, claritatem humanitatis Ejus. Item claritas faciei repræsentat futuram claritatem Capitis Christi: fulgor autem vestium, designat futuram claritatem membrorum Ejus, scilicet Sanctorum qui superabuntur à claritate Christi, sicut candor nivis superatur à fulgore solis. Candor ergo significat gloriam futuræ resurrectionis, propter quod Angelus Dominicæ resurrectionis nuntius,

*Beda in c. 9. Luc. Moraliter.* in veste candida apparuit. Et secundum Bedam: Vestitus Domini Sanctorum Illius chorus accipitur, qui in terris despectus videbatur. Moraliter circa transfigurationem dominus tria fecit, quia discipulos assumpsit, montem ascendit, orationem præmisit, ad significandum quoddam ad gloriam non pervenitur, nisi per virtutis societatem, per vitæ altitudinem, per orationis Devotionem. Felix ergo

*Petrus. Cognitio triplex.* qui talem comitatum assumpsit. Petrum scilicet qui interpretatur agnoscens, ut sit in eo cognitio: quæ debet esse triplex, scilicet DEI, sui, & proximi. Cognitio DEI, generat dilectionem, & cavet desperationem, cognitio sui generat humilitatem, & cavet præsumptionem: cognitio proximi, generat compassionem & cavet crudelitatem. Et sicut suam fragilitatem, sic & mundi vanitatem agnoscat, & contemnat. Jacobum qui interpretatur luctator, vel sup-

*Jacobus. Supplanta- tio triplex.* plantator: ut sit in eo lucta & supplantatio, quæ etiam debet esse triplex: scilicet carnis, mundi, & diaboli: ut contra concupiscentias carnis & mundi, ac instigationes diaboli fortiter luctetur, & eas devictas sub planta prosternat: non enim coronabitur, nisi qui legitime centaverit. In signum hujus Jacob post luctam accepit benedictionem. Joannem qui interpretatur gratia, ut in eo sit gratia, quæ si-

*Joannes. Gratia triplex. 1. Cor. 15.* militer debet esse triplex, incipiens, proficiens, & perveniens. Unde Apostolus: *Gratia DEI sum id quod sum*, quantum ad primam: & gratia Ejus in me vacua non fuit, quantum ad secundam: sed illis omnibus abundantius laboravi: non autem ego solus, sed gratia DEI mecum: quantum ad tertiam. Joannes etiam privilegio singularis amoris DEI dotatus fuit: sic bonum Divinum super omnia diligit, & in omnibus transitoris nihil nisi amorem Divinum concupiscat.

*Petrus.* Item Petrus alio nomine dictus Simon, qui interpretatur obediens,

*Joannes.* significat obedientiam: Joannes in quo gratia, significat munditiam.

*Jacobus.* Jacobus qui luctator, vel supplantans, significat paupertatem voluntariam: & ista tria faciunt videre claritatem Divinam, sicut isti vide-

*Montis Ascensio.* runt transfigurationem. Felix qui talem montem, id est eminentiam vitæ ascendit: in quo sunt tres gradus, scilicet abjectio sui mortificationis carnis, contemptus mundanæ prosperitatis: de quibus supra

*Joann. 16.* proximò capitulò: *si quis vult post me venire abneget semetipsum, & tollat Crucem suam, & sequatur me.* Felix qui sic orationi insistit piè, fideliter, & perseveranter: donec appareat gloria in facie Clerici, qui transfigurantur in solem dum lucent, per scientiam: ardent per harritatem: illuminant, per exemplum & doctrinam: investmentis laici: quibus sufficit albedo nivis per mundiciam mentis, carnis, & operis.

*Apparitio Moysi & Helia, & ejus cause.* Et apparuerunt illis Moyses, jam mortuus, secundum animam in corpore assumpto, vel sibi adaptato, sicut quando apparent Angeli in corporibus assumptis: & Helias, adhuc vivus in anima & corpore proprio, allatus de paradiso. Apparuerunt cum Christo isti duo potius quam alii: alter mortuus, alter adhuc vivus: in signum quod viven-



tium & mortuorum, seu vitæ & mortis sit Dominus. Et quod justitiam mortui, qui per Moysen: quàm vivi, qui per Heliam: qui tempore judicii vel vivi in carne reperiendi, vel à morte resuscitandi sunt, regnaturi sunt in gloria cum illo. Item ut ostendant ipsum esse, quem legis & Prophetarum scripta prædixerunt & promiserunt: & ut hinc appareat quod lex & Prophetæ à doctrina Christi non discordant: & quod finis legis & Prophetarum in suo sermone, Christus erat & Ejus gloria, propter quam venerant, & ut ipse ostenderet se esse supra legem, quàm Moyses legislator dedit, & supra Prophetas, inter quos Helias prædicator præcipuus fuit. Per Moysen quidem significatur lex; per Heliam Prophetæ: & per Dominum Evangelium. Apparuit ergo Dominus medius inter Moysen & Heliam, tanquam Ipse & Evangelium haberent à lege & Prophetis testimonium. Item unus mortuus, & alter vivus apparuit: ut significet Christum moriturum, & iterum vivit, vel ut nos mortui simus mundo, vivi autem DEO. Item ut ex omni parte Christus testimonium haberet, de Cælo Patrem in voce, de Æthere nubes, de Paradiso Heliam, de Terra Apostolos, de Inferno Moysen, *Et loquentes cum Eo*, dicebant excessum Ejus, quem completurus erat in Jerusalem, id est Passionem, in qua fuit excessus amoris, doloris & humilitatis. Amor fuit supra mensuram, secundum illud Joannis, *Ma-* Joann. 15.  
*jorem hanc dilectionem, & cætera.* Dolor supra consuetudinem: secundum illud Threnorum: *Ovos omnes qui transitis, & cætera.* Humilitas, Thren. 1.  
*supra virtutem: secundum illud Threno. Recordare paupertatis, & Thren. 3.* cætera. Loqui autem ipsorum est talem gratiam redemptionis futuram per Christum testimoniis legis & Prophetarum præfigurata esse ostendere. Et notandum quod non loquebantur de tali materia, tanquam judicantes Christo quæ nesciret: sed Eum adorabant de adventu Ejus in carne: & quia mysterium passionis, quod Ipsi prædixerant, viderunt in Christo complendum: & læti fortasse, quia videbant redemptionis suæ, totiusq; humani generis diem appropinquare. Compatiebantur nihilominus Christo: quia tam gloriosa facies debebat sic conspui: & sic invidiosè tradi, & judicari, & crucifigi. Notandum etiam quod gaudium magnum factum est Apostolis & Prophetis, non solum de Transfiguratione Christi, sed etiam Transfiguratione.  
*(ut dicit Effrem) de mutua visione, quia utriusq; testamenti Principes congregati sunt, cum DEO Abraham. Videbat enim Moyses Dux Judæorum, Principem Christianorum Petrum: considerabat Helias castus, Virginem Joannem: & uterq; in Jacobo laudabar Martirii privilegium. Petrus vero & qui cum illo erant, gravati erant somno, oppressi à gloria: quia splendore incomprehensibilis Deitatis premuntur sensus humani corporis. Et evigilantes viderunt Majestatem Ejus, & duos viros, scilicet Moysen & Heliam, quos cognoverunt prædictæ charitatis illustratione. Unde querit Ambros. Quomodo Moysi & Helias cognoverunt? Moysen, & Heliam quos nūquā viderunt, & respondet, quod per Majestatem super eos venientē, in quo innuitur quod in futura gloria alter alterū, quē nūquā vidit, cognoscet secundū Gloss. Hic Helias dicitur eximius Prophetarū: sed contra de David hoc dicitur in Prologo super Psalterium, & de Moysen in Glossa super Exodum. Et solvitur, quia Moyses fuit eximius: Domini familiaritate, signorum ostensione, legis promulgatione Helias eximius; vitæ austeritate; arguendi autoritate, vitæ diuturnitate. David eximius: Prophetiæ* subli



sublimitate, Regia dignitate, & speciali ei facta promissione. *Tunc Petrus*, tanquam ferventior dixit ad *Jesus*: *Domine bonum est nos hic esse*, scilicet in monte, & in contemplationis dulcedine. Cœlesti enim dulcedine gustatâ, vilescunt infima. Unde Rabanus: Quod amplius quis degustat dulcedinem vitæ Cœlestis, eò amplius omnia alia fastidit in infimis. *Si vis faciamus hic tria tabernacula*, ad manendum scilicet hic continuè: *tibi unum, Moysi unum, & Helie unum*. Non loquebatur de tabernaculo pro se & sociis suis faciendo: quasi supponens se & socios suos, tanquam discipulos, cum Magistro mansuros in suo tabernaculo. Petrus optando commendat Christum, & se in monte manere ex modico gustu participationis futuræ gloriæ, quam in Christo viderat: ut per hoc discamus quod nihil sit difficile pro Christo pati, nec tormentâ nec Crux, nec mors ut ad montem Cœlestis gloriæ perveniamus. Si n. sensibilis visa Christi gloria, sic Petrum in monte impressionibus, & intemperiebus subiecto illexit, ut diceret bonū ibi manere: quid æstimadū est de illa ineffabili & intelligibili gloria æterna in Cœlo, ubi nulla intemperies: nulla peregrinæ impressionis molestia: ubi nullum malum, sed omne bonum obtinebitur. Unde Beda: O quanta felicitas, visioni Deitatis inter Angelos adesse perpetuò, si tantum transformata Christi humanitas, duorumq; Sanctorum societas ad punctum visa, delectat ut eis ne discedant Petrus præstare velit obsequium. Unde & Remigius: Visâ Domini Majestate, & duorum servorum, Petrus adeo delectatus est, ut cuncta temporalia oblivioni traderet, & ibi in perpetuum vellet manere. Si autem Petrus sic accensus est: quanta erit suavitas & dulcedo videre Regem in decore suo, & interesse choris Sanctorum omnium, & Angelorum? Hæc Remigius. Sed erravit Petrus, & nesciebat quid diceret, hoc petendo: tum quia in via Patriam requirebat, & umbram futuræ gloriæ quam viderat, verè æstimabat gloriam, oblitus Regnum DEI non esse Sanctis promissum in terra, sed in Cœlo: tum quia in gloria tabernacula manu facta necessaria credebatur, ignorans domum, manu factam non esse necessariam in illo sæculo futuro: tum quia se & Coapostolos adhuc carne mortali circumdatos esse nō advertebat, & absque gustu mortis immortalis vitæ statum subire volebat: tum etiam quia suam & proximorum salutem non attendebat. Unde Aug. Quid dicis Sancte Petre? mundus perit, & tu secretum quæris. Vides tot gentes in unum convenire, & tu quietem diligis. Vides tenebras mundi, & tu lucem abscondis. Nemo quippe accendit lucernam, & ponit eam sub modio: & cætera. Unde & Damascen. Non est tibi inquit, Petre bonum quod Christus ibi moretur: quoniam si ibi mansisset, nequaquam tibi facta promissio consequeretur effectum. Neq; enim claves obtinuisses Regni, nec mortis tyrannis abolita esset. Et ut dicit Chrysostom. quia audivit quod oportet Eum Hierosolymam ire & multa pati, adhuc timet pro Christo, sed post increpationem non audet apertè dicere rursus, propitius esto tibi, sed idem occultè per alia signa insinuat. Quia n. videbat multam quietem & solitudinem, cogitavit convenientem ibi esse stationem ex loci dispositione: quod significat dicens: *Bonum est nos hic esse*: Vult etiam semper hic esse: ideo tabernaculorum meminit dicens: *Si vis faciamus hic tria tabernacula*. Cogitavit enim quod si hoc fieret, non ascenderet Hierosolymam, & si non ascenderet Christus, non moreretur: ibi enim sciebat scribas insidiari Ei. Hæc Chrysost. Et licet Petrus, ut



ut homo: stupefactus nesciret quid diceret in hoc tamen suam devotionē ostendit, & in siti sibi ardoris monstrat indicium. Unde inebriatus Petrus erat qui de una gutta vini Cælestis quā biberat, quasi tres tabernas facere volebat: sicut enim ex passionis magnitudine ut timoris vel maioris † aliquis prorumpit in aliqua verba sine præmeditatione: ita similiter ex magnitudine devotionis & delectationis expertæ dixit Petrus illa verba, quæ tamē nō erant rationabilia, quia in solo aspectu humanitatis Christi non consistit essentia beatitudinis, & ideo illud non debebat sufficere pro finali beatitudine. In monte Thabor est grande Monasterium grandi sylva circumdatum, tres habens Ecclesias, juxta quod Petrus ait: faciamus hīc tria tabernacula. Tria tabernacula contemplativus moraliter facit: quando legem, & Prophetas, & Evangelium practicē legendo disponit, scilicet corde credendo, ore confitendo, & opere adimplendo. Sciendum autem quod ista transfiguratio significans gloriam Sanctorum, primò describitur à Majestate DEI, quia tota Trinitas ibi apparuit, Pater in voce, Filius in humana carne, Spiritus Sanctus in nube: per quod datur intelligi quod gloria Sanctorum consistit in fruitione beatæ Trinitatis. Sicut enim Petrus ebrius ex dulcedine illius claritatis voluit facere tria tabernacula: ita habet homo tria tabernacula in anima sua, quæ nec Moyſes, nec Helias, sed sola beata Trinitas delectabiliter inhabitat: secundū illud Joannis; *Ad Eum veniemus, & mansionem apud Eum faciemus.* Hæc autem sunt: memoria, intelligentia, & voluntas. Nam Filius habitat in tabernaculo intelligentiæ: implendo ipsā Dei plenissima & lucidissima cognitione: Spiritus Sanctus in tabernaculo voluntatis, implendo ipsam sapidissima & suavissima dilectione: Pater in tabernaculo memoriæ, implendo ipsam cogniti & dilecti perpetua refectione, & securissima intentione, quibus actibus anima in DEUM quasi totaliter transformatur, & quodammodo deiformis efficitur. Tunc verificatur, secundū quandam prægustationem illud quod dicitur alibi: intra in gaudium Domini tui. Secundò describitur ista Transfiguratio, à societate consortii, quia ibi fuerunt Moyſes, & Helias Jacobus, Petrus & Joannes. In Cœlesti igitur gloria habemus socios, omnes veteris & novi testamenti Sanctos. Beati veteris testamenti distinguuntur in duos ordines: scilicet Patriarchas, qui intelliguntur per Moyſen: & Prophetas, qui per Heliam. Sancti autem novi testamenti distinguuntur in tres: scilicet in Martyres, qui per Jacobum: in confessores, qui pleni sapientia DEI intelliguntur: per Petrum, qui interpretatur agnoscens: in Virgines, qui per Joannem. Vel potest dici, quod Christus voluit habere testimonium sui adventus ab illis qui sunt in Cœlo; scilicet, à Patre, & ab illis qui sunt in mundo, scilicet à Petro, Jacobo, & Joanne, & ab illis qui sunt in terrestri Paradiso, scilicet ab Helia, & ab illis qui sunt in inferno, scilicet à Moyle. Vel per sex personas signantur sex bona quæ DEUS confert contemplatibus, quia in contemplatione primò mens illuminatur: quod signatur in Petro, qui interpretatur agnoscens. Secundò, caro supplantatur: quod signatur in Jacobo, quod interpretatur supplantator. Tertio, gratia augetur & augmentatur: quod significatur in Joanne, qui interpretatur in quo est gratia. Quarto, mundus contemnitur: quod significatur in Moyle, qui interpretatur assumptus ex aquis. Quintò, cor amore inflammatur: quod significatur in Helia, qui raptus fuit in curru igneo. Sextò, dulcedo Cœlestis

Petri inebriatio.

† alias amoris.

Thabor monasteria.

Transfigurationis describende forma Tabernacula anima.

Joann. 14.

Matth. 25.

Transfigurationis socii.

Calicularum ordines.

Contemplationis sex bona.

Glorificatio Christi.



prægustatur: quod significatur in JESU. Unde Petrus qui Unam guttam prægustaverat dixit, *Domine, bonum est nos hęc esse*: nesciens quid diceret. Tertiò, describitur ista Transfiguratio à glorificatione subiecti cum dicitur: *Resplenduit facies Ejus sicut sol, vestimenta autem Ejus facta sunt alba sicut nix*, per quæ signatur beatitudo & gloria, quibûs Sanctorum corpora induentur. Dominus igitur Petro non respondit: nam licet ex fervore devotionis loqueretur, tamen quia imprudenter interrogavit, ideo responsionem Domini non meruit: nondum enim ut in hac gloria cõsisteret tempus erat: Qui autem vult Domino facere tabernaculum, præparet penetralia cordis sui, & inveniet locum Domino, tabernaculum DEO Jacob: quia verò malè materiale tabernaculum ex frontibus & tentoriis quæsit, æstimans in æterna illa gloria temporalia tabernacula necessaria, ubi nulla ad- versitatis aura est timenda, ubi DEUS Omnipotens Templum est, & Domus Ecclesiæ, ideo nubis lucidæ accipit obumbraculum. Unde sequitur: *adhuc eo loquente*, & de tabernaculorû visibilibus constructi- one cogitante, *ecce nubes lucida obumbravit eos*, quia majori luce & vera cognitione suffudit, ut intelligerent Electis in æterna tabernacula receptis non esse necessaria corporalia tabernacula, & non esse prote- gēdos tegmine domorû, ubi nubis & Spiritûs Sancti gloriâ protegētur, & in abscondito faciei Domini abscondentur; Et intelligas quòd cùm Petrus loqueretur interim antequam verba compleret, discesse- runt Moyses & Helias, & mox nubes subsecuta est, quasi interrumpuntur verba Ejus obumbrationem nubis. Quærebat Petrus terrenum tabernaculum, & affuit Cœleste obumbraculum, & ista nubes non fuit: causata ex istis caliginosis vaporibus, sed ex vehementia lucis processit: quia sicut fumus est ab igne, ita ista nubes fuit à luce. Ad instruendas autem mentes Apostolorum, de cognitione Divi- nitatis Unigeniti Filii DEI: post Moysis & Helix testimonium, vox, Patris de nube, modò tonitrus testimonium perhibuit, *dicens: Hęc est Filius meus*, non adoptivè sed per naturam: *dilectus*, Filius meus, scilicet naturalis & proprius, non aliunde creatus, vel adoptivus: hoc est, secundum Ambrosium, non Helias Filius, non Moyses Filius, sed hęc est Filius quē solū videtis. Recesserunt enim illi ubi ceperat Do- minus designari, ut ille solus demonstraretur, ne erraret Apostoli. *In quo mihi bene complacui*: id est, in quo meum beneplacitum de re- demptione mundi complere constitui, vel secundum Chrysostom: in quo delector, in quo requiesco, quem accepto: quia omnia quæ sunt Patris cum diligentia, exequitur, & est una eademq; voluntas Ipsius & Patris: quare & si crucifigi vult ne contradicas. *Ipsam audite*, magis, quàm Moysen, vel Heliam, quia Christus finis est legis & Pro- phetarum, *Ipsam audite*, ut supremum & singularem Magistrum, qui docebit vos omnia necessaria ad salutem. *Ipsam audite*: quia veritas est, Ipsum quærite, quia Vita est, Ipsum sequimini quia Via est. Ac- si, ut ait Remigius, aliis verbis diceret, recedant umbræ legales, & typi Prophetarum, & solum coruscum. Lumen Evangelii sequimini. Felices ergo Apostoli, qui non solū Domini charitatem videre me- ruerunt, sed etiam vocem Patris intonantem audierunt. Nec ab hac felicitate nos ex toto alieni erimus, si quem illi crediderunt & nos credimus, & quomodo illi vixerunt, amando vivimus, & quem di- lexerunt, totis visceribus amamus. Sed quia humana fragilitas in præsentia Majestatis opprimitur, quia pondus Divinitatis & conspe- ctum

Nubes quod  
apparuit.

Filius Dei  
Christus.

Ambr. in  
c. 9. Luc.

Chrysostom.  
hom. 57.  
in Matth.



Etum Majestatis gloriæ ferre non valet: ideo dum audirent vocem  
 terribilem de nube, *ceciderunt in facies suas*, non sicut mali retrorsum.  
 Unde Remigius: In Eo verò quod Sancti Discipuli in faciem cecide- *Remigius in*  
 runt, sanctitatis fuit indicium: impii enim retrorsum cadunt: ut Heli. *Matth. Ca-*  
 Hæc Remigius. Cadunt ergo iusti in faciem, modò propter timorē, *dere in facies*  
 ut hîc, modò propter humiliationem, ut Magi procidentes adora- *& retrorsum*  
 verunt Eum, modò propter gratiarum actionem, ut Seniores cecide-  
 runt in conspectu throni in facies suas. *Et timuerunt valde*, quia se *1. Reg. 4.*  
 errasse cognoverunt, quia nubes lucida apparuit, quia vocem quasi *Matth. 2.*  
 tonitrualem, scilicet Patris, cujus Majestati timor debetur, audierunt.  
 Ad hanc vocem, ut dicit Effrem, fugerunt Prophetæ, ceciderunt A- *Apocalip. 4.*  
 postoli & timuerunt. Tonitruum quidem terribile fuit: unde de ipsa *Vocis Do-*  
 voce terra sub ipso contremuit. Sed quos humana fragilitas gra- *minice*  
 vabat benignè pius Magister verbo pariter & actu consolatur & eri- *virtus.*  
 git. Nam clementer, *accessit Jesus*, quia per se surgere non poterant,  
 & *tetigit eos*, familiariter & dulciter, ut tactu debilitata membra so-  
 lidaret. *dixitq; eis*, ut metum & timorem fugaret. *Surgite*, contra *Tactus*  
 casum: & *nolite timere*, contra metum. Beati illi quos tangit JESUS, *Christi.*  
 beati illi quos tangit salus & vita. Illi enim surgunt, illi sine timore  
 & securi sunt. Rogemus ergo Eum ut & nos tangat, & à somno stu-  
 poris & insipientiæ excitet: atq; ad se videndum nobis oculos ape-  
 riat. Dulcis amicus est: quia piè consolatur, & potenter adjuvat. Ad  
 tantum ergo & consolationem JESU Misoratoris, qui prostratis dexte-  
 ram ad beneficium auxilii porrigit, & jacentes erigit: discipuli surgen-  
 tes nec Moysen, nec Heliam viderunt, sed solum JESUM in figura  
 consveta, qua conversari solebat inter eos: secundum Glossam: Si  
 Moyses & Helias perseverassent, vox Patris videretur incerta, cui  
 potius testimonium dedisset: & ideo recesserunt illi, ne ad eos vox  
 Patris fieri putaretur: sed ut ad solum JESUM pertinere intelligere-  
 tur. Allegoricè ablata nube viderunt Moysen & Heliam evanuisse, *Allegoricè.*  
 ac solum JESUM remansisse, quia postquam legis & Prophetarum  
 umbra discessit, quæ quasi nube Apostolos texerat, viderunt Eum,  
 & scriptura illis revelata fuit, & Evangelium, in quo utrumq; repe-  
 ritur, solum remansit. Notandum autem, secundum Glossam, quòd *Regeneratio*  
 bene convenit mysterium secundæ regenerationis, quæ scilicet erit *num congru-*  
 in resurrectione, ubi caro resuscitabitur: cum mysterio primæ quæ *entia.*  
 est in baptismo, ubi anima resuscitatur. In baptismo enim Chri-  
 sti operatio Trinitatis ostensa est: fuit enim ibi Filius incarnatus, ap-  
 paruit in specie columbæ Spiritus Sanctus, & Pater fuit ibi in voce  
 declaratus. Et similiter in Transfiguratione, quæ est Sacramentum  
 secundæ regenerationis, tota Trinitas apparuit, Pater in voce, Fili-  
 us in homine, Spiritus Sanctus in nube. Nam gloriam illius, quam  
 modò in baptismo credentes confitemur, in resurrectione videntes  
 collaudabimus. Nec frustra Spiritus Sanctus hîc in lucida nube, illic  
 in columba apparuit: dona enim sua per species declarare solet. In-  
 nocentiâ autē in baptismo donat, quæ per avim simplicitatis designa-  
 tur: daturus est autem claritatem & refrigerium in resurrectione, &  
 ideo in nube refrigeriū: & in fulgore nubis claritas resurgētū corpo-  
 rū figuratur. Qui enim nunc simplici corde fidē quam percipit servat,  
 tunc luce apertæ visionis quod crediderat cōtemplabitur ipsaq; quā  
 lucrabitur in perpetuum gratia protegetur. *Et descendens Jesus*  
*cum discipulis de monte præcepit eis*, præcepto instructionis: ut nemini



*Hieronym.* dicerent visionem de gloria Transfigurationis, ante suam resurre-  
*in cap. 17.* ctionem à mortuis. Primò secundum Hieronymum, ne dictum esse  
*Matth.* incredibile, propter rei magnitudinem, videretur. Secundò, secun-  
*Vetandi* dum Thomam, ne homines audientes tam gloriosa de eo dici scanda-  
*cui dicerent* lizarentur postea videntes Eum crucifigi. Tertiò secundum Remi-  
*cause.* gium, ne prædicatio gloriæ Passionis fructum impediret, quia si Ma-  
*Thomas.* jestas illius fuisset divulgata in populo, plurimi resistendo principi-  
*3. par. 9. 45.* bus Sacerdotum passionem Ejus impedivissent: & sic redemptio hu-  
*artic. 3.* mani generis retardata fuisset. Quartò secundum Hilarium, quia  
*Remigius.* tunc debebat esse testes Divinitatis Christi, cum essent Spiritu Sancto  
*in Matth.* repleti: & ad tantæ visionis testimonium perhibendum confortari.  
*Hil. cano-* Quintò, secundum Damascenum, quia alii discipuli adhuc imperfecti  
*ne 17. in* fuissent tristati, quòd hanc visionem non vidissent: & Judas magis  
*Matth.* incitatus ad proditionem Salvatoris fuisset. Sextò, quia resurre-  
 ctio Christi multum fuit dubitabilis: ideo reservata fuit ista visio, illo  
 divulgando tempore quando maximè oportebat Ipsi resurrectioni  
 testimonium perhibere, cui præstabat argumentum non modicum  
 ipsa gloria Transfigurationis, ipsa quoq; visio magis credibilis vi-  
 debatur, quando etiam visibiliter per resurrectionem factam mon-  
 strabatur. Septimò, ut daretur nobis exemplum ea quæ ad laudem  
 & gloriam nostram spectant esse occultanda, quamdiu sumus in hac  
*Eccles. 11.* mortali vita, & ad faciendum hoc quod in Ecclesiastico dicitur: *Ne*  
*laudes hominem in vita sua:* & in eodem, *Ante mortem ne laudes quem-*  
*quam.* Per hoc etiam ostendit quòd secreta & mysteria Divina non  
 sunt semper, sed loco & tempore debitis publicanda: & dedit exem-  
 plum viris Sanctis, non facile publicandi revelationes sibi factas. Si-  
 cut Paulus annis quatuordecim tacuit raptum suum. Fuit autem  
*2. Cor. 12.* Transfiguratio Domini facta circa veris principium. Unde Evange-  
*Trā figura-* tionis tēpus  
*tionis tēpus* lium de Transfiguratione legitur in Ecclesia Sabbatho quatuor tem-  
 porum post primam in Quadragesima Dominicam. Festum verò  
 Transfigurationis Domini celebratur sexto Calendas Augusti: quia  
 tunc ab Apostolis fuit Transfiguratio prædicata & publicata, quam  
 tacuerant usque ad diem illam, propter prohibitionem à Domino eis  
 factam. In descensu montis Tabor contra occidentem; ubi est una  
 capella ubi Dominus dixit Apostolis, *nemini dixeritis visionem &c.*

## DE SANATIONE LUNATICI.

## CAPUT. IV.

*Matth. 17.* SEquenti autem die JESUS rediens de monte ubi transfiguratus  
*Marc. 9.* fuerat, venit ad discipulos quos inferius dimiserat, & occurrit Ei  
*& Luca 9.* turba quæ circa ipsos erat. Similiter si prælati vellent ad subditos de-  
*& 17.* scendere per humilitatem, compassionem, & affabilitatem: multa  
 turba occurreret eis per pœnitentiam. Sed quia semper stant in al-  
 to per elationem, seu ambitionem, vel curiositatem: ideo pauci ei  
 occurrunt, id est, pauci ad eos accedunt, & pauciores ab eis sanan-  
 tur: nullum enim legitur Dominus, in monte sanasse. *Et accessit ad*  
*Christus nul-*  
*lum sanavit* eum quidam de turba, petens misereri unico Filio lunatico, secun-  
*in monte.* dum lunæ innovationem magis patienti: & Spiritum immundum  
*Lunaticus.* habenti, quem eicere non potuerunt Ejus discipuli. Qui Eum ap-  
 prehensens ad terram allidebat, & volutando per diversa membra  
 vexans dissipabat: sicq; ad ostendendum vehementiam passionis spu-  
 mabat,



mabat, ac dentibus stridebat, & langvens arescebat, & vix descende-  
 bat dilanians eum, Qui etiam saepe eum vexando clamare facie-  
 bat, & nunc in ignem, nunc in aquam mittebat: ita ut dudum pe-  
 riisset, nisi providentia Eum conservasset. Et cum iubente Domi-  
 no adductus esset: statim Spiritus conturbavit eum: videns enim se  
 citò eiciendum, faciebat pejus quod poterat in eum. Deinde incre-  
 pante eum Domino, & præcipiente ut exiret ab eo, & ne amplius in  
 eum introiret: quem etiam ab effectu malitiæ, siue surdum siue mu-  
 tum vocabat: quia surdum & mutum eum fecerat: statim discerpens  
 eum exiit ab illo. Et factus est sicut mortuus, sed JESUS tenens ma-  
 num ejus elevavit illum, & surrexit sanus, & reddidit illum Patri ejus.  
 Moraliter iste lunaticus significat peccatorem, quem diabolus primò *Moraliter*  
 apprehendit per peccati delectationem. Secundo, clamare facit, per *peccator luna*  
 peccati ardēs desiderium. 3tio, mutū facit, ad peccati & Divinæ laudistico *similis.*  
 cōfessionē. 4to, surdū, per obdurationē, ad verbi monitionem. 5to,  
 lunaticū, per mentis instabilitatē & cōtinuā in malū variationē. Sex-  
 to, elidit & volutat, per ejus in diversa peccata præcipationem. Se-  
 ptimò, dissipat, per diversarum cogitationum varietatem. Octavo, *Gastrimar-*  
 stridere facit dentibus, per iram & indignationem: ac spumare, per *gia, id est.*  
 gastrimargiam & libidinem. Nond, in ignē luxuriæ mittit vel etiā *gulositas.*  
 elationis: quia ignis sursum tendit & alta petit, nec non in aquam  
 voluptatum & cupiditatum submergit. Decimò, aridum reddit, per  
 otium seu ignaviam, & indevotionem. Undecimò, vix discedit per  
 peccati consuetudinem. Duodecimò, dilaniat & dilacerat, per natu-  
 raliū vulnerationem. Dum autem puer ad DEUM accedit contur-  
 batur: quia saepe post peccata ad DEUM conversi magis à dæmonio  
 impugnantur, ut vel pertædium virtutum & labores penitentiae ex-  
 cutiat: & ad vitia reducat; vel de sua expulsionē se vindicet. Sic in  
 primitiva Ecclesia multa gravia certamina illis appoluit, quos suo  
 Regno subtrahere voluit. Non autem puer vim patiens: sed diabo-  
 lus vim inferens, increpatur: quia qui peccatē vult sanare, vitiū odi-  
 endo debet arguere & repellere, sed hominē amando refovere & cō-  
 fortare. Exiens verò dæmon ab homine nunquam revertitur, si ho-  
 mo cor suum clave humilitatis & charitatis serraverit. Exiturus au-  
 tem discerpit eum: quia dum de corde expellitur, acriores in eo ten-  
 tationes generat. Et liberatus à dæmone velut mortuus videtur: qui  
 enim terrena desideria subegit, vitam in se carnalis conversationis  
 extingvit: & mundo mortuus apparet. Quem autem hostis mortuo  
 similem reddidit, hunc Salvator piæ dexteræ tactu levavit: in quo o-  
 stenditur DEI auxilium, & surrexit: in quo monstratur hominis stu-  
 dium, primò enim DEUS nos juvat: deinde à nobis requiritur vt bo-  
 num operemur. *Et cum in domum introisset discipuli secrete interroga-*  
*bant Jesum, quare ipsi non potuerunt eicere illum, & dixit propter incre-*  
*dulitatem eorum.* Non dicuntur discipuli increduli propter defectum *Incredulitas*  
 fidei, sicut Judæi, sed propter remissionem fervoris: nam fidem remis- *Discipulorū.*  
 sam habebant, non sicut granum sinapis: quia non cum debito fervo-  
 re credebant, ut præcipuè ipsi facere debebant. Nihil enim impossi-  
 bile erit habenti ferventem fidem, & per dilectionem operantem, cui  
 nunquam sufficit quod bene gessit. Granum quippe sinapis est mo- *Granum si-*  
 dicum fervidum, amarū, & veneni expulsum. In hoc ergo quod hic *napis.*  
 comparat fidem grano sinapis, innuit, quod debent habere fidem mo-  
 dicam, per humilitatem: fervidam, per devotionem amaram, per  
 tribu-



tribulationum perpeffionem: veneni erroris expulſivam, per ſinceritatem, Secundum Ambroſium. Granum ſinapis res eſt ſimplex, & ſi teritur vim ſuam fundit: ſic fides ſimplex videtur. & ſi atteratur adverſis, gratiam ſuæ virtutis effundit. Deinde reducit eos ad humilitatem, monendo ne quis de operibus gloriatur; ſed humiliet ſe DEO, cui jure obſequium debetur dicens: *Cum feceritis omnia quæ præcepta ſunt vobis, dicite, non tantum ore, ſed & corde: ne ſit tantum vocalis humilitas, ſed & realis: Servi inutiles ſumus, quod debuimus facere, fecimus: nec vos jaſtetis, quia bene ſervitiſtis: nihil enim feciſtis quod non debuisti: quaſi diceret, Dicite, gratiam non meruimus: ſed debitum ſervitium ſolvendo pœnas vitavimus. Sed econtra ſuperbi cum nequaquam omnia, ſed modicum quid eorum quæ præcepta ſunt faciunt, non ſolum mox de ſua juſtitia præſumunt: ſed & infirmos quosq; deſpiciunt: non enim ſumus noſtri, ſed ſervi: quia pretiò magnò empti, ergo Chriſto cujus pretiò empti ſumus, ſervire, tenemur, & nihil omittere quod debemus: nec aliquid facere quod non debemus. Unde Seneca. Sapiens nihil facit quod non debet, nihil prætermittit quod debet. Non dicuntur inutiles ſervi facientes jure debiti mandata DEI quin fructum recipiant vitæ beatæ ſed dicuntur inutiles, quia Dominus bonorum noſtrorum non indiget: vel quia *non ſunt condignæ paſſiones hujus temporis ad futuram gloriam, quæ revelabitur in nobis*: vel quia quisq; magis debet ſe æſtimare imperfectum, quàm quòd ſtatim attigerit perfectionis. Unde Beda: Hæc eſt igitur in hominibus ſola fidei perfectio, ſi omnibus quæ præcepta ſunt impletis imperfectos ſe eſſe noverint: & quamdiu peregrinantur à Domino, ſemper ſibi in eſſe mala quæ deſleant, ſemper meminerint de eſſe bona ad quæ gratia Ejus juvante proficiant. Et iterum: quia ſine me nihil poteſtis facere, non temporum longitudine laborum merita penſare debetis: ſed amore & famulatu ſpontaneo novis ſemper ſtudiis augere priora. Hæc Beda, & benedicit, *quod debuimus facere, fecimus*. Unde Beda: Re vera debuimus, quia qui non venit miniſtrari, ſed miniſtrare: debitores ſibi nos fecit, ne noſtris videlicet operibus confidentes, ſed de ejus ſemper examine paventes cum Propheta dicamus: Quid retribuemus Domino, pro omnibus quæ retribuit nobis? Hæc Beda. Attende hic bene quòd ſervus inutilis reputatur, qui hoc ſolū facit quod facere tenetur. Quantumcunq; etiā perfectionem attingas, ſemper ſentias & dicas? Domine DEUS meus JESU Chriſte nihil valeo, & malè Tibi ſervio. Debemus ergo nunquam à bono opere ceſſare, & tamen totum meritum noſtrum inſufficiens reſpectu mercedis æternæ reputare. Unde Pſalmiſta: *Qui coronat te in miſericordia & miſerationibus*. Non ait, in meritis & in operibus tuis: quia cujus miſericordiā prævenimur, ut humiliter DEO ſerviamus: ejus munere coronamur, ut ſublimiter cum Illo regnemus. Et ideo cum omnia fecerimus, reputemus nos parum aut nihil feciſſe Domino, reſpectu mercedis quam expectamus ab eo. Unde dicebat beatus Franciſcus, etiam poſt multos & magnos labores, fratres incipiamus ſervire Domino: quia uſq; nunc parum proficiamus. Et ſi præceptis impletis nos humiliare debemus, quantò magis cum de illis multa omiſerimus. Si enim inutilis eſt qui omnia perfecit, quid de illo dicendum qui ea facere deſpexit? Unde Ambroſius. Non te jaſtes ſi bene ſervitiſti: quia facere debuisti. Obſequitur ſol, obtemperat luna, ſerviunt Angeli. Vas gentium electus à Domino: non ſum, inquit, dignus vocari Apoſtolus: quia per-*

seca.



secutus sum Ecclesiam D E I. Deinde alibi nullius se ostendens <sup>1. Cor. 15.</sup>  
 confcium culpæ subj. et, sed non in hoc justificatus sum. Et nos ergo <sup>1. Cor. 4.</sup>  
 non à nobis laudes exigamus, ne præripiamus judicium DEI, & præ-  
 veniamus sententiam Judicis: sed suo tempore suo judicio reserve-  
 mus. Hæc Ambrosius. Bonum est itaq; semper in timore stare, & ni-  
 hil de se præsumere: quia quantumcunq; bene quis servierit, nescit  
 tamen si odio, vel amore dignus sit. Unde Bernardus. In veritate <sup>Eccles. 9.</sup>  
 dici nihil æquè efficax esse ad gratiam promerendam, retinendam re- <sup>Bernardus.</sup>  
 cuperandam quàm si omni tempore coram DEO inveniaris non al- <sup>serm. 54.</sup>  
 tum sapere, sed timere. *Beatus homo, qui semper est pavidus.* Si adest <sup>in cantica.</sup>  
 gratia, time ne non dignè opereris ex ea. Si subtracta gratia, time <sup>Prover. 28.</sup>  
 quia reliquit te virtus tua & custodia. Si reversa est gratia, time ne  
 fortè contingat recidivum pati. & contingant tibi deteriora. Hæc  
 Bernardus. Unde & Apostolus hortatur nos, ne in vacuum gratiam <sup>2. Cor. 6.</sup>  
 DEI recipiamus. Ille enim gratiā DEI in vacuum recipit qui se in bo- <sup>Gratia reci-</sup>  
 nis operibus non exercet. Unde si volumus quod gratia DEI in no- <sup>pere in va-</sup>  
 bis non remaneat vacua, necesse est ut eam bonis operibûs & vir- <sup>cuum.</sup>  
 tuosis exercitiis nutriamus: & nos à vitiis custodiamus. Debemus  
 etiam in præceptis DEI, & in omnibus operibus nostris attendere,  
 non solùm ut faciamus, sed etiam ut ea secundùm voluntatem DEI  
 dirigamus. Unde Basilus ponit exemplum de fabro faciente securim, <sup>Basilus. de</sup>  
 vel quiddam aliud: qui semper meminit ejus qui injunxit opus, & re <sup>institutione</sup>  
 tinet in corde suo cujus magnitudinis, vel qualitatis, vel formæ ille <sup>Monachorum</sup>  
 injunxit fieri securim: & in illud semper intendens quod sibi memi- <sup>6. 3.</sup>  
 nit à Domino operis injunctum: ad hoc dirigit manum ministerium,  
 ut forma operis cum ejus qui injunxit animo & voluntate conveni-  
 at. Sic & nos omnem conatum & omne studium, in actibus nostris ha-  
 bere debemus, ut secundùm voluntatem DEI Qui opus injunxit, no-  
 strum dirigamus opus: & tunc poterimus implere illud Apostoli: *sive* <sup>1. Cor. 10.</sup>  
*manducatis, sive bibitis, sive aliud quid facitis, omnia ad gloriam DEI fa-*  
*cite.* Et subdit Dominus, ostendens quomodo proteruitas diaboli su-  
 peretur & dicit: *Hoc genus demoniorum*, in spiritu & carne simul secū-  
 dùm causam radicatum, quale supradictum est, *in nullo*, potestatis re-  
 medio, id est; in nulla potestate, scilicet ministrorum *poteest exire*: ita  
 quòd non habeat potestatem in homine *nisi in oratione*, quæ curat pe-  
 stes spiritus, & *jejunio*, quod curat pestes corporis, quæ scilicet ora-  
 tio & jejunium sunt effectus fidei ferventis, ac per charitatem for-  
 matæ & operantis. Unde videtur quòd ex crapula & ebrietate mor-  
 bum illum incurrisset. Hæc etiam poterat esse alia causa, propter  
 quam discipuli non potuerunt Eum elicere. Dæmones enim non sunt <sup>Dæmoniorū</sup>  
 æquales in virtute naturali: & ideo unus alio difficilius potest expelli. <sup>potestates</sup>  
 Ad expulsionem autem istius requirebatur in expellente subjectio <sup>diversa.</sup>  
 carnis ad spiritum, quæ fit per jejunium: & elevatio spiritus in Deum,  
 quæ fit per orationem talia autem non erant adhuc in Apostolis, quia  
 pro tempore, illo non competebat eis jejunare propter præsentiam  
 Sponsi: nec erant adhuc in DEUM perfectè elavati: quia fuerunt ru-  
 des & imperfecti usq; quo post passionem receperunt pleniorē gra-  
 tiam Spiritus Sancti. Vel non *eiicitur*, ministrorum potestate, *nisi in*  
*oratione*, *injuncta*. & *jejunio*, *injuncto*: & hoc omiserunt Apostoli, &  
 sic fuit error clavis adhibendæ ad dæmonem excludendum: sicut ad-  
 huc multi erant, eo quòd clavibus secundùm debitum ordinem pote-  
 statis non utuntur: quòd enim minister usurpet sibi potestatem Divi-



*Hieronymus* nam & absolutam, hoc dicit esse Hieronymus de supercilio Phariseo-  
*in cap. 16.* rum, & de superbia luciferi, qui sine merito suam sedem voluit col-  
*Matth.* locari in summo: secundum Chrysostomum dicit, genus hoc, non tan-  
*Chrysostom.* tum lunaticorum, sed universaliter omnium demoniorum, non eii-  
*hom. 59.* citur, nisi per orationem & jejunium: quia semper diabolus peccato-  
*in Matth.* rem inhabitat, nisi per pœnitentiam ad Dominum convertatur: &

quantò magis differtur, tantò difficilius expellitur. Ubi Hieronymus:  
*Hieronym.* Dum autem docet Apostolos quomodo nequissimus dæmon possit ex-  
*in cap. 17.* pelli, omnes instruit ad vitam: ut scilicet noverimus graviora quæ-  
*Matth.* què, vel incūmodorum spirituū, vel hominum tentamenta jejunii  
 & orationibus esse superanda, iramq; Domini cum in ultionem no-  
 strorum scelerum fuerit accensa, hoc remedio singulari posse pla-  
 cari. Hæc Hieronymus. Per jejunium enim, ut dictum est, curantur  
 pestes corporis: & per orationem, pestes mentis: & sic quælibet ten-  
 tatio superatur cum eis. Vel per jejunium, intelligitur declinatio

malorum, & per orationem, operatio bonorum. Et sic accipitur je-  
*Jejunium* junium hic generale pro abstinentia, non solum ab escis, sed ab omni-  
*perfectum.* bus temporalibus delectationibus & vitiis. Unde dicit Augustinus,

quod perfectum & magnum jejunium est non solum à cibo: sed ab  
*Augustinus* tractat. 17. omnibus iniquitatibus & illicitis voluptatibus sæculi abstinere. Unde  
*in Joann.* Bernardus: Si sola gula peccavit, sola jejunet, & sufficit. Si verò pec-  
*Bern. serm.* caverunt cætera membra, cur non jejunent & ipsa? Jejunet ergo o-  
*3. in Qua.* culus à curiosis aspectibus & omnia petulantia, ut bene humiliatus  
*dragesima.* coerceatur in pœnitentia, qui malè liber vagabatur in culpa. Jeju-  
 net auris nequiter pruriens à fabulis & rumoribus: quæcunq; otio-  
 sa sunt, & ad salutem minimè pertinentia. Jejunet lingua à detra-  
 ctione & murmuratione, ab inutilibus, variis, & scurrilibus verbis.

Interdum quoq; ob gravitatem silentii ab ipsis, quæ videri poterant  
 necessaria. Jejunet manus ab otiosis signis, & operibus omnibus quæ-  
 cunq; non sunt imperata. Sed multo magis anima ipsa jejunet à vitiis,  
 & propria voluntate sua. Etenim sine jejunio hæc cætera à Domino  
 reprobantur, sicut scriptum est: Quia in diebus jejunii vestri inveni-  
*Esai. 58. a.* tur voluntas vestra. Non solum autem ab illicitis: sed ab ipsis quoq;  
 licitis oportet nos jejunare, si ea nobis quæ prius commisimus illicita,  
 volumus condonari. Hæc Bernardus. Et secundum Bedam, sicut je-  
*Beda in c. 9* junium generale est non solum ab escis, sed à cunctis illecebris absti-  
*Marcii.* nere carnalibus, imò ab omnibus vitiorum passionibus: sic & oratio

generalis non solum in verbis est, quibus Divinam Clementiam in-  
*Oratio ge-* vocamus, verum etiam in omnibus quæ in obsequium nostri Condi-  
*neralis.* toris fidei devotione gerimus, teste Apostolo qui ait: Sine intermissi-

one orate. Hæc Beda, Tunc quippe sine intermissione oramus, cum  
*1. Thess. 5.* ea solum opera gerimus quæ nos pietati commendent Authoris. Sem-  
 per enim orat, qui semper bene facit, & in bono perseverat.

## DE TRIBUTO PRO DOMINO Et PETRO

*Solutio, & de quaestione discipulorum super majoritate eorum.*

### CAPUT. V.

*Luca 9.* **E**T quia ex his quæ Dominus egerat & dixerat in Hierusalē, Judæi  
*Matth. 7.* quærebāt Eū occidere, ideo ante pascha nolebat in Judæā ambu-  
*& 18. &* lare: quia nondum hora ejus venerat, ut ostenderet quod aliquando  
*Marcii 9.* persecutionem fugere licitum fidelibus suis esset. Unde Augustinus:  
*Augustinus* tractat. 25. Non perdiderat potestatem, sed nostram consolabatur fragilitatem.  
*in Joann.* Futu.



Futurum enim erat ut aliquis fidelis se absconderet, & ideo præcessit in capite, ne membro postea obiceretur pro crimine. In Galilæa igitur, in terra ubi erat conceptus & nutritus, conversabatur cum discipulis suis. Et Secundum Chrysost., ne discipuli dicerent qua de causa continuè hic conversamur: rursus de passione ejus loquitur, ut quæ si assueti circa negotium mortis Christi, minus cum venient scandalizarentur. Et cum morte sua etiam prædixit suam resurrectionem, ne in passione Ejus incurrerent desperationem. Unde dixit ad eos: *Posite in cordibus vestris sermones istos*, scilicet qui sequuntur de mea passione & resurrectione: quia eorum recordatio & memoria utilis est valde. Filius enim hominis tradendus est, scilicet à Patre per charitatem numiam: à seipso, per obedientiam voluntariam: à diabolo, per suggestionem iniquam: à Juda per cupiditatem maximam: à Judæis, per invidiam dolosam: à Pilato, per pusillanimitatem indebitam: *in manus hominum*, id est; diversarum nationum quasi humanitus sentientium: scilicet Judæorum & gentium, & diversorum statuum: quia militum, Regum, Principum, Sacerdotum, religiosorum, & populorum, *& occident Eum*. Magna iniquitas quod homines occidant hominum Salvatorem: & ne his auditis tristitia absorbeantur, subiungit: *& tertia die resurget*: ut tristibus lata succedant. *Et contristati sunt vehementer*: quia Ejus societas ita erat eis dulcis & grata, ut non sit mirum si contristati sunt passione ejus audita. Ut n. ait Hieronymus: Pro dilectione Magistri nihil de eo sinistrum & humile patiuntur audire. Contristati sunt, non attendentes ad id quod dixerat, & tertia die resurget: & neq; vox Patris audita, neq; resurrectio pronuntiata potuit eos cohibere à tristitia. Unde Hieronymus: Semper per prosperis admiscet tristitia, ut cum repètè venerint, non terreant Apostolos: sed à præmeditatis ferantur animis. Si enim contristat quod occidendus est, debet latificare quod die tertia dicitur resurrecturus: Si tristitia semper acciderent, quis sustineret? si prospera quis contemneret? Hæc Hieronymus. At illi ignorabant verbum istud, scilicet de ejus passione: & erat velatum ante eos, ut non sentirent illud apertè quod secundum Bedam, non tam ingenii tarditate, quam de pio Salvatoris amore contingebat: quia carnales adhuc & rudes ac mysterii Crucis ignari spiritualia non capientes, quem verum DEUM cognoscebant moriturum credere nequibant: nec intelligebant quomodo in una persona mori, & non mori, poterat. Galilæa interpretatur volubilis, & ideo per hoc quod Dominus ibi prædixit passionem suam discipulis, significavit quod memores esse debemus mortis Christi, ac etiam nostræ quamdiu sumus in volubilitate præsentis vitæ: *Et cum venissent Capharnaum accesserunt, qui didragma accipiebant*, exactores scilicet tributi ex parte Cæsaris Augusti, *ad Petrum*, quia secundum Hieronymum, præ signorum magnitudine non audebant aggredi Dominum, & dixerunt *Ei: Magister vester non solvit didragma*: quasi diceret, dic ei, ut solvat: non faciebant mentionem de Apostolis, quia non accipiebant nisi à capitaneis. Capharnaum erat Civitas principalis in Galilæa, & ideo ibi manebant qui tributū colligebant ex parte Romanorum: quibus Judæa erat subiecta: & quilibet Capitaneus domus solvebat didragma: id est; duplex dragma: & in solvendo dicebat. Ego profiteor me esse sub Romano Imperatore. Et quia Dominus nutritus erat in Nazareth, quod est oppidum Galilææ, subjacens Urbi Capharnaum: ideo ibi ab Eo exigitur tributū.

Traditio  
Christi di-  
versa.

Hieronym.  
in cap. 17.  
Matth.

Prosperis tri-  
stia admiscet  
Dominus.

Beda in c. 9.  
Marc.

Tributi à  
Christo exa-  
ctio.



Capharnaum quod villa consolationis, vel ager pinguedinis interpretatur, & ubi tributum à Christo petitur. significat illum qui dat se delectationibus & solatiis hujus mundi, à quo diabolus petit tributum sibi dari, & vix evadet quin solvat aliquod tributum peccati. Et notandum, quod dragma dragmæ fæminini generis, est moneta habens imaginem Regis, & valebat decem nummos usuales, de qua in Luca dicitur, quæ mulier habens dragmas decem, &c. Item est genus ponderis, & sic accipitur in medicina. Sed drama dramatis neutrius generis, est genus carminis, ubi alii incipiunt & alii respondent, & sic dicitur dulcia cantica dramatis. Item est quarta pars stateris. Stater verò est idem, quod sicus qui habet viginti obolos, didragma media pars: & dragma quarta pars est, & ideo unus stater sufficiebat ad solutionem pro duobus: quia taxatio census erat didragma, id est; denarius qui pro capite solvebatur. Unde ut sequitur: Obolus. stater de ore piscis afferri jubetur. Obolus, ut dicitur, valebat tantum quantum unus parvus Turonensis, quorum duodecim valent unum Turonensem grossum, sic quilibet Capitaneus solvebat annuatim quasi decem turonenses parvos. Dominus autem hoc quod de petitione tributi Petro dictum erat intelligens, misit eum ad mare, ut hamum mitteret, & *piscem qui primus ascenderet*, id est; quem caperet, illum tolleret & staterem valentem duo didragma, *quæ dimidiam unciam faciunt*, de ore ejus sumens pro Domino & pro se solveret. Ex quo Divinitas ejus patuit, cum futura contingentia certitudinaliter prædixit. Unde Hieronymus: Quid primum mirer hic nescio, an præsentiam stateris in ore piscis, an magnitudinem virtutis: si ad verbum ejus mox stater in ore piscis creatus est. Spiritualiter piscis est Christus, mare mundus: hamus mors, stater inventus in ore piscis, pretium redemptionis nostræ prænuntiata Christi ore, & sic solutum est tributum, & nos liberati sumus. Moraliter penitenti dicitur: *vade ad mare*, id est; amaritudines peccati consideratione, & *mitte hamum*, in contritionis compunctione, & aperto ore in confessione inventum staterem da in satisfactione, & sic liberatur peccator à tributo diaboli exactoris. Solvit autem Dominus tributum non ex debito, quia secundum utramque naturam erat Filius Regis, & per consequens liber à tributo, quia Regum Filii in omni Regno sunt liberi, sed ex humanitate tantum hoc fecit subdendo se minori, & solvendo quod non debebat: & ne quaestores census scandalizaret, docens per hoc nos esse humiles, & vitare ne scandala per nos fiant. Voluit etiam pro Petro dare tributum, in signum quod Petrus fuit Caput aliorum: quia census dabatur pro capite seu Capitaneo tantum. Didragma, ut dictum est, continet duplex dragma, & per unum potest intelligi pœnalitas corporis, scilicet fames, sitis, & hujusmodi: per aliud pœnalitas mentis, scilicet timor, tristitia, & hujusmodi. Hoc autem duplex dragma debet reddere quilibet Imperatori omnium pro peccato primorum parentum, quod facit patienter tolerando pœnalitates prædictas: licet autem Christus non haberet peccatum, tamen reddere voluit pro salute omnium. Et quia carnem assumpsit similem peccatrici, sed non peccatum: ipse quidem Redemptor corpus & animam in pretio posuit, & sic bina dragmata solvit: eodemque pretio Ecclesia libera facta fuit, & per Petrum Ecclesiæ præfecit: ideo etiam pro eo censum solvit. Ubi Hieronymus: Et pulchrè id ipsum datur pretium, sed quia divisum est pro Petro, quasi pro peccatore pretium, reddebatur, Dominus autem noster peccatum



catum non fecit. Ostenditur autem similitudo carnis, dum eodem & Dominus & servus pretio liberantur. Dominus ergo tributa non debebat, sed qui carnis humilitatem assumpserat, omnem justitiam implere volebat. Ille propter eximiam charitatem pro nobis Crucem sustinuit, & tributa reddidit: nos autem infelices pro illius honore tributa non reddimus, & quasi Filii Regis à vectigalibus immunes sumus. Hæc Hieronymus. Et nota quod Dominus supra non vitavit scandalum pharisæorum, quando de escis disputabat. Hic autem vitat scandalum eorum qui tributum colligebant: quia illi sapientes, isti simplices erant: illi ex certa malitia, isti ex ignorantia offende-  
bant. Scandalum ergo quod oritur ex malitia, est contemnendum: sed quod oritur ex ignorantia est vitandum, salva tamen triplici veritate: scilicet justitiæ vitæ, doctrinæ: & tale erat scandalum istud quod hic vitavit: quia illi qui hic colligebant tributum, erant gentiles legem & Prophetas ignorantes, & propter hoc ignorabāt quod Christus esset immunis à tributo, tum quia Filius DEI secundum naturam Divinam: tum quia Filius David secundum humanam: & talia scire illi non tenebatur. Dare autem tributum non fuit contra veritatem justitiæ, vitæ, vel doctrinæ: ideo propter scandalum vitandum voluit Christus hoc dare. Scandalum quippe est dictum vel factum minus rectum, præbens occasionem ruinæ: scandalum enim Græcè obicem sonat, latine. Unde sicut obex in via de se habet dare ambulanti occasionem ruinæ corporalis: sic dictum vel factum minus rectum habet dare occasionem ruinæ Spiritualis. Si ergo obicitur de Phariseis, quod scandalizati sunt ex verbo Domini, ut supra est dictum, & tamen illud verbum non erat minus rectum: dicendum quod obex dupliciter accipitur, aut ex natura rei quæ obicitur: ut si quis lapidem magnum vel lignum proiciat in via: aut ex vitio ambulantis in ea: ut si quis modicum lapillum aut florem proiciat in ipsa via: primò modò dicitur scandalum activum, hoc est mortale peccatum: secundò modò passivum, & potest esse veniale peccatum, vel etiam opus meritorium. Unde bonum opus de se non præstat occasionem ruinæ, sed ex vitio accipientis illud non rectè. Igitur, ut ait Gregorius, considerandum est: quia in quantum sine peccato possumus vitare proximorum scandalum, debemus. Si autem de veritate scandalum sumitur: utilius nasci scandalum permittitur, quàm veritas relinquatur. Considerandum hic, quia Dominus cujus sunt omnia tantæ paupertatis fuerit, ut unde tributum solveret non haberet. Licet enim loculum haberet, & Judas pecuniam eò portaret: ea tamen quæ sibi ad usus pauperum data erant, in usus suos seu alios convertere nefas reputavit, nobisq; exemplum utile in hoc tribuit & reliquit. Ergo si vivens de Patrimonio Christi inutiliter expendit res pauperum, tenetur ad restitutionem & satisfaciendum. Sed quomodo ea restituet, cum non habeat alia nisi de patrimonio Christi? Non apparet nisi propriis manibus hoc elaboret: vel necessitatem suam restringat & coarctet, ut de residuo pauperibus restituat quæ dilapidata, vel saltem devotorum subsidium ad hoc faciendum imploret. Quia verò in redditione tributi & æqualitate pretii Petrus fuerat Domino comparatus: æstimantes discipuli Petrum eis præferri, & omnibus esse Prælatum, quia à Capitaneis colligebatur tributum, cogitabant quis eorum esset major. Apostoli ex multis præsumebant Petrum à Christo præferri: ut quando ei claves Regni

Scandalum vitæ  
tatio à Chrē  
sto.

Scandalum  
quid.

Gregorius  
hom. 7. in  
Ezechielem.

Paupertas  
Domini.

Petri præla-  
tio.



Cœlorum daturum, & Ecclesiam supra Petram fidei, (à qua ipse nomen acceperat,) ædificaturum se promisit: & quando ipsum cum Jacobo & Joanne assumpsit, ubi Transfiguratus fuit: & propter tributum quod pro se & pro ipso solvit & eum ipsi quasi parificavit: & ex his major omnibus videbatur, & ideo ad quærendum movebantur. Ista autem quæstio multoties fuit inter discipulos Christi ventilata.

*Majoritas inter discipulos.* Primò enim de ea cogitaverunt, ut dicit hic Lucas. Secundò, de cogitata disputaverunt in via dum irent Capharnaum, incipientes conqueri inter se quis eorum major esset: ut dicit Marcus. Tertiò, disputatam Magistro determinandam proposuerunt, ut dicit Matthæus: & nihilominus de ipsa contenderunt, ut infra in cæna Domini dicit Lucas. Cum enim venissent Capharnaum, & Dominus pro se & Petro æquale tributum solveret: cæteri Apostoli priorem cogitationem augebant, & ex præteritis & ex isto, *intravit cogitatio in eos*, ut Lucas dicit, *quis eorum esset major*. Dominus autem videns in mente discipulorum super hoc cogitationem exortam, priusquam augmentum susceperet radicatus eam evellere: volens quæsit de conquisitione quam, ut Marcus refert, habuerunt in via. Et tunc, *in illa hora*, videntes se deprehensos ab ipso de contentione majoritatis *accesserunt ad Eum*. Ut Matthæus dicit, respondentes & dicentes: *Quis putas major est in Regno Cœlorum?* id est; in collegio justorum: vel meritò in Ecclesia militante, vel præmio in Ecclesia triumphante. Et volens Dominus desiderium gloriæ humilitate sanare, ait illis: *Si quis vult primus esse, meritò vel præmio, erit, & sit, omnium novissimus, & omnium Minister*, humilitate & obsequio: ut novissimus

*Ambrosius.* sit corde, & Minister actione. Unde Ambrosius: Quicunq; vult fratrem prævenire regnando, prius eum præveniat obsequendo: vincat eum obsequiis ut possit vincere sanctitate. Si enim te non læsit frater, obsequium meretur ut diligas. Quod si forsitan læsit, magis obsequium meretur ut vincas. Hæc enim nostræ Christianitatis summa est: ut amantibus vicissitudinem, lædentibus patientiam rependamus. Qui ergo fuerit patientior ad injuriam, potentior constituetur in Regno. Hæc Ambrosius. Secundùm Glossam. Contentio

*Contentio qualis fuit.* ista potuit esse ex humilitate, volebat enim unus alium prævenire in honore. Unde Glossa. Causa Cõtentionis nobis incognita est: sed nò est credibile, quin se invicem honore prævenire certarent. Non asserit glosa quòd ita fuerit: sed quòd ita esse potuerit. Secundùm verò

*Chrysostom.* Chrysost: Contentio ista fuit elationis. Unde dicit quòd passi sunt *hom. 59.* aliquid humanum discipuli de principatu contendentes. Et licet fuerit ista contentio de principatu, non tamẽ ibi fuit peccatum secundùm ipsũ: quia nò de Principatibus terrenis cõtendebant, sed de spiritualibus in Cœlo. Unde Matth: *Quis putas major est in Regno Cœlorum?*

*Chrysostom.* Hoc infirmitatis erat: ut dicit Chrysost. Nos autẽ ad infirmitatẽ eorũ *ibidem.* nondũ pervenimus, non n. quærimus, *quis major est in Regno Cœlorum*, sed quis major, quis copiosior, quis potentior in Regno terræ. Et

*Facta in moribus,* plus in moralibus magis movent facta quàm verba: volens Dominus superbiam eorum retundere, & eos de humilitate docere, propter quod posuit eis humilitatis exemplum sensibile, & *advocans parvulum*, ætate & malitiã, quem tradunt quidam fuisse Martialem, qui postea à Beato Petro missus in Galliam prædicavit Lemovicensibus fidẽ Catholicam, quorum primus Episcopus & Apostolus fuit: qui in vertice humilitatis & puritate simplicitatis præ omnibus excellere videbatur.



debatur, *statuit eum*, pro exemplo, in medio eorum, ut ab omnibus videretur & attentè consideraretur: cui quilibet se commensuraret, & imitando conformaret. Et meritò parvulum advocat ut qui Majores videri, volunt ejus exemplò instruantur, & Eum in humilitate & innocentia imitentur. Et amplexans eum, quod signat solos humiles diligere: *leva ejus sub capite meo, & dextera illius amplexabitur me.* *Amplexatio Christi.* *Cantic. 2.* Ut magis discipulos à superbia ad humilitatem revocet, sub assertione contestatur eis pœnam, nisi ab elatione & inordinato appetitu honoris retrocedant. *Amen, inquit, dico vobis: nisi conversi fueritis, à vestra elatione & majoritatis ambitione, & efficiamini,* gratiâ & per virtutem, *sicut parvuli,* sunt naturâ & per ætatem, scilicet mites & innocentes, simplices & humiles, ac parvi vestra reputatione non solum majores, in Regno Cœlorum, non eritis: verum etiam illud non intrabitis, quia nec in Ecclesiam per meritum, nec in gloriam per præmium: utrobiq; enim Christus est ostium: & quia ostium humile & mansuetum est, oportet introitum humilem & mansuetum esse. *O parvulum esse oportet.* Quàm terribile est verbum istud. Et quis est hodie sicut parvulus? Certè rara avis est in terra. Rari sunt illi hodie, & ideo multum possumus formidare. Si n. diabolus propter superbiam de Cœlo ejectus est, multò magis superbus illuc non intrabit: quia turpius elicitur, quàm non admittitur hospes. Et quia dæmones inde ejecti sunt per superbiam, ideo oportet homines illuc venire per aliam viam contrariam: scilicet per humilitatem. Per parvulum ergo vult intelligi humilem, eò modò loquendi quò dicitur Saulo cùm esses parvulus in oculis tuis. Unde dicens sicut parvuli, non vult quàm efficiamur parvuli sensibûs, sed malitiâ: non ætate, sed conditione: ut videlicet, formam virtutis quam natura duce puer observat, nos pro nomine Christi juvante rationis industriâ sequamur: quia, ut ait Ambrosius, non virtus est, non posse peccare: sed nolle. Unde Hieronymus: *Nō præcipitur Apostolis ut ætatem habeant parvulorum, sed innocentiam: & quòd illi per annos possident, hi possideant per industriam, ut malitiâ non sapientiâ parvuli sint.* *Ambrosius in cap. 18. Luce.* Ac si dicat, sicut iste parvulus cuius vobis exemplum tribuo, non perseverat in iracundia, non læsus meminit, non videus pulchram mulierem delectatur: non aliud cogitat aliud loquitur, sic & vos nisi talē habueritis Innocentiâ, & animi puritatem, Regnum Cœlorum non poteritis intrare. Unde & Leoditones. Papa: amat Christus infantiam humilitatis Magistrum Innocentiæ regulam. Non ad lubrica infantie, & ad imperfecta nobis primordia revertendum est, sed aliud quod etiam graves annos deceat: inde sumendus est velox commotionum transitus, citus ad pacem recursus. Nulla memoria offensionis, nulla cupiditas dignitatis. Amor sociæ dilectionis, æqualitas naturalis. Unde etiâ Hilarius: parvuli Patrem sequuntur, Matrem amant, proximo mala velle nesciunt, curam operum negligunt, non insolescunt, non oderunt, non mentiuntur: dictisq; credunt, & quod audiunt verum habent. Et hæc omnium affectionū assumpta nobis, & consuetudo & voluntas Cœlorum iter præmium præstat. Revertendum igitur est ad simplicitatem infantium: quia in ea collocati speciem Dominicam circumferent. Hæc Hilarius. Et notandum quod pueritia usq; ad quartumdecimum annum durat, per quod intelliguntur quatuordecim proprietates, quæ debent esse in homine, qui statuendus est juxta Christum. Prima est, quod



quod puer paucis est contentus: & in hoc est sobrietas. Secunda est, quod puer sedet in pulvere: & hæc est humilitas. Tertia est, quod non sentit motus carnis: & in hoc est castitas. Quarta est, quod libenter dat de pane suo: & in hoc est liberalitas. Quinta est, quod Parentibus statim obedit: & hæc est vera obedientia. Sexta est, quod pueri mutuo se diligunt: & in hoc est mutua charitas. Septima est, quod non confidit in se: sed in Parentibus, ad quos omnes clamores reportat: & in hoc est confidentia in DEO & constantia. Octava est, quod non est sollicitus de aliquo: & in hoc est vera spes in DEO. Nona est, quod verax est: & in hoc veritas quæ omnem falsitatem & mendacium excludit. Decima est, quod cito placatur & pro minimo: & in hoc est benignitas. Undecima est, quod personatos homines expavescit: & in hoc est verecundia & reverentia. Duodecima est, quod non pudet puerum etiam mendicare panem: & in hoc est recognitio propriæ paupertatis & fragilitatis. Tertriadecima est, quod simplex est: & in hoc simplicitas & innocentia. Quartaedecima est, quod hilarius est: & in hoc est hilaritatis gratia. Isti sunt anni & proprietates pueri spiritualis, quos qui haberet, Christus eum apprehenderet, & juxta se statueret. Deinde Dominus postquam exclusit, quod non superbi & bonorum appetitores: sed parvi & humiles intrabunt in Regnum Cælorum, concludit responsionem ad præmissâ Apostolorum quæstionem dicens: *Quicumq; ergo humiliaverit se sicut parvulus iste, hic major est*, id est: erit, in Regno Cælorum. Ac si dicat vis esse major in Regno Cælorum, sis hîs minimus per humilitatem: quia quantô hîc humiliaberis & minor fueris, tanto ibi exaltaberis & major eris. Arguamus ergo sic, si simpliciter ad simpliciter, & magis ad magis: si ergo parvus per humilitatem est magnus in Regno Cælorum, & parvulus erit major: igitur si hîc minor es aliis in humilitate, eris in Regno Cælorum major in dignitate illis quos excedis in humilitate. Qui enim hîc fuerit humilior, erit major per gratiam: quia humilitas est recta dispositio ad gratiam suscipiendam: DEUS enim superbis resistit, humilibus autem dat gratiam: & talis erit major in Cælo per gloriam. Moraliter parvulus in medio statuitur, cum verò humilis in statu dignitatis ponitur: quia tunc sic lucerna sicut candelabrum ponitur, aliis in exemplum, & parvulus honoratus plus reputat se indignum. Et nisi alii à superbia conversi fuerint, & efficiantur sicut parvuli imitantes Ejus humilitatem, & non aspirantes ad dignitatem, non intrabunt in Regnum Cælorum. Nam angusta est porta, & ideo invidi & grossi per superbiam transire nō possunt per ipsam: sed tantum humiles & graciles, spiritum inflatum non habentes. Et ad refrenationem zeli & superbiæ in Apostolis, qui honorari cupiebant, inducit eos non ad quærendum honorem, sed ad exhibendum: non quibuscunq; sed parvulis & humilibus & abjectis eos honorando, & obsequia charitatis eis exhibendo dicendo: *Et qui susceperit unum parvulum talem, humilem s. & fidelem meæ innocentie imitorem, in Nomine meo*, id est: propter amorem meum & nomen quia Christianus est, & meo nomine insignitus: vel ad mei nominis invocationem ipsum ad hospitium recipiendo, & necessaria ministrando: & per hoc intelliguntur omnia alia beneficia quæ propter DEUM impenduntur proximo, *me suscipit*, in habitante in illo, & illum qui me misit: scilicet Patrem meum, quia ego in Patre & Pater in me est. Nam DEUS ab eo verò suscipitur, qui ei con-

*Humilitas.*

*Jacobi 4.  
Moraliter.*

*Suscipitur  
à quo Deus.*

for-



formatur. Unde Ambrosius: Qui enim imitatore[m] Christi recipit, *Ambrosius*  
Christum recipit: & qui Imaginem DEI recipit, DEUM recipit. *in cap. 9.*  
Hæc Ambros. Qui inquam talem suscipit affectu ad compatiendum, *Luca,*  
assatu ad consolandum, effectu ad serviendum, patientiâ ad sufferendum, me suscipit. Magno ergo honore suscipiendi sunt pauperes  
& humiles, siquidem in ipsis DEUS suscipitur. Unde Theophilus:  
Vide quantum valet humilitas: Patris, namq; & Filii in habitationem  
meretur, & etiam Spiritus Sancti. Quasi dicat Dominus, secundum  
Chrysostomum: Non solum si tales efficiamini, mercedem magnam acci-  
pietis, sed & si alios tales propter me honoraveritis, ista mihi humi-  
litas & simplicitas valde est honorabilis. Vel secundum Hieronymum. *Hieronymus*  
me cum delatum fuerit Apostolis se putent honoratos: adjecit non *in cap. 18.*  
illos sui merito, sed magistri honore suscipiendos, quia principalis *Matth.*  
illi sit, cujus gratiâ & honore sit. Et quia dixerat Dominus: *Qui*  
*susceperit unum parvum talem in nomine meo, me suscipit:* significans quod  
humiles suscipiendi essent, intellexit Joannes quod eos non in no-  
mine ejus recipiant, qui non sincerè ambulant, unde dixit ei: *Ma-*  
*gister vidimus quendam in nomine Tuo, id est, invocatione nominis tui.*  
*eiicientem demonia, & prohibuimus eum, ne scilicet hæc in nomine*  
*Tuo ageret, quia te non sequitur nobiscum, id est, sicut nos, scilicet*  
*mente & corpore, & non obsequitur in vita, nec relinquit omnia,*  
*quasi diceret: Hic in nomine tuo recipi non debet. Jesus autem re-*  
*spondit. Nolite prohibere illum, quasi diceret: Non debetis bona, vel*  
*signa, facientem prohibere, quia mecum est, nemo enim faciens vir-*  
*tutem in nomine meo, cito, & de facili, loquitur mala de me: existens in-*  
*gratus mihi de tantis beneficiis, qui enim non est adversum nos, prorsus*  
*& manifestè pro nobis est, quodammodo ex parte, scilicet inquan-*  
*tum adversus nos non est, & contraria doctrinæ nostræ non docet,*  
*quamvis tamen ex nobis non sit. Nam licet signa facientes quan-*  
*doq; despiciantur. DEUS tamen, cujus invocatio hæc facit, hono-*  
*ratur secundum Theophilum, Discipuli prohibuerunt eum, non qui-*  
*dem invidentes, sed operationem miraculorum dijudicantes non e-*  
*nim cum eis miraculorum potestatem acceperat, neq; enim Dominus*  
*eum miserat sicut illos, neq; JESUM in omnibus sequebatur. Sed ut*  
*dicit Cyrillus, oportebat magis pensare, non hunc ipsum esse mira-*  
*culorum Authorem, sed gratiam quæ est in eo, qui in virtute Christi*  
*miracula perficit. Multæ sunt differentix donorum Christi, sed quia*  
*tradiderat Salvator potestatem Apostolis, ut Spiritus immundos ei-*  
*iceret, putaverunt nulli aliorum, sed sibi solis, licere concessam gere-*  
*re dignitatem, & ideo accedunt sciscitantes, si liceat & aliis hoc age-*  
*re. Hæc Cyrillus. Sed voluit Dominus illum qui se non sequebatur*  
*ab operatione miraculorum non prohiberi, ut discipulos servaret in*  
*humilitate ne gloriarentur, ne superbiendo gauderent in miraculorū*  
*operatione, nec suæ virtuti adscriberent, sed Christi, dū viderent eum*  
*qui Christū, nō sequebatur eiicere demonia, ut quos humilitate cona-*  
*tus est exemplō pueri, eos etiam humiliet exemplō illius qui Christū*  
*non sequebatur. Et quāvis non esset tantæ perfectionis, ut in omni-*  
*bus Christū sequeretur ut Apostoli: sicut nec modo omnes fideles se-*  
*quuntur Christū per Religionis ingressū tamen in Christū credebant, &*  
*ideo dicitur esse cum eis, & non cōtra, quia Nomen Christi non blas-*  
*phemabat, ut Judæi, quos dixit contra se esse, Secundum Ambrosiū.*  
Non reprehenditur Joannes, quia ex amore faciebat: nam præcipua *Ambrosius*  
*in cap. 9.*



devotione diligens DEUM, & à DEO dilectus, putavit eum exclu-  
dendum esse à beneficio ejectionis dæmonum & huiusmodi, qui non  
utebatur officio discipulatus, & obsequio sequendi Christum, sed do-  
ceatur infirmorum esse, firmorumq; distantiam, quia Dominus etsi re-  
muneret fortiores, non tamen excludit infirmos, & neminem à bo-  
no, quod ex parte habet, esse arcendum, sed ad hoc potius quod  
nondum habet, esse provocandum & invitandum. Hæc Ambrosius.

*Beda in cap. de Beda:* Hæc doctus sententiâ dicit Apostolus; Sed si occasione  
*9. Lucæ.* siue veritate Christus annuntietur, & in hoc gaudeo, sed & gau-  
*Philippi 1.* debo. Itaq; in hæreticis & in malis Catholicis non Sacramenta cõ-  
munia (in quibus nobiscum sunt, & adversum nos non sunt, & Do-  
minum non sequuntur nobiscum) detestari & prohibere debemus.

*Beneficia Dei per quos  
dantur.* Hæc Beda. Et non solum talis ejection dæmonum facit ad declarati-  
onem virtutis Christi, sed etiam quia beneficia Divina non solum  
dantur per majores, sed etiam aliquando per minores & imperfe-  
ctos ut in hoc etiam declaretur virtus nominis Christi, quæ per ma-  
gnos & parvos indifferenter potest operari. Unde Theophilus: Mi-  
rare autem Christi virtutem: qualiter per indignos, & non discipu-  
los ejus gratia operatur. Sic & per Sacerdotes sanctificantur homi-  
nes, quamvis Sacerdotes Sancti non fuerint. Hæc Theophilus. Si  
ergo à malis fiat opus bonum, de genere non prohibendi sunt hoc  
facere: licet enim opus tale non sit meritorium sine charitate: ta-  
men est dispositivum ad emendationem vitæ. Per istum qui non  
erat de societate Apostolorum, signatur laicus bonus, qui non ha-  
bet prædicandi officium, tamen bonis verbis & exemplis agit ad ex-  
pulsionem dæmonis de cordibus proximorum, quamvis non sequa-  
tur Christum per statum religionis & clericatum. Ecce quanta in-  
vitatio ad humilitatem, ad quam invitat tanquam ad virtutem Christi-  
anissimam, sed tamen ad eam venire differimus, usq; ad horam supre-  
mam, superbientes quamdiu valeamus, licet per superbiam dæmo-  
nes efficiamur.

## DE PUSILLIS ET PARVULIS

Non scandalizandis exterius, &amp; non contemnendis interiùs.

## CAPUT. VI.

*Matth. 18.* **P**ostquam ergo Dominus revocavit Apostolos ab elatione & al-  
*Marc. 9.* tercatione ex susceptione honoris, quæ humiliantes seipsos reci-  
piunt, & consequenter revocat eos ex pæna, quam quicumq; ex zelo  
contederint, aut minoribus scandalum posuerint: incurrunt, Nam,  
*Chrysostom.* secundum Chrysost: sicut qui hos honorant, propter DEUM mer-  
*hom. 59.* cedem habebunt: ita utiq; qui dehonorant, id est, scandalizant,  
*in Matth.* ultimam vindictam sustinebunt: scandalizat autem, qui suo dicto vel  
facto, minus recto occasionem cuiquam dat ruinæ in peccatum: ac  
verbo vel exemplo propellit ad malum. Et primò monet vitare scan-  
dalum activum, siue alienum: & postea passivum, siue proprium.  
Est ergo sensus: Vos Apostoli nolite altercari de primatu honoris,  
quia ex hoc pusillos & parvulos non ætate, sed fide, ac nuper con-  
versos & in Christo natos scandalizabitis & perdetis: unde dicuntur  
pusilli



pusilli, qui à superba altitudine se humiliantes, patientiâ, & humilitate sponte sua pusilli fiunt & parvuli: qui adhuc sunt in fide infirmi, & de levi ad illicita per mala exempla possunt provocari. Tales autem scandalizandi non sunt: minores enim citò scandalizantur: majores verò non faciliter scandala: id est; offendicula recipiunt. Rectè ergo qui scandalizari potest, pusillus dicitur, & parvulus est, quia nullus scandalizatur, aut ex dicto vel facto alterius in peccatum ruit, nisi in quantum pusillus & parvæ virtutis fuerit. Nam magnus & perfectæ virtutis, id est; robustus in fide & charitate: quidquid viderit, vel audierit, aut passus fuerit, non declinat de facili à fide & veritate: nec ex dicto vel facto malo alterius in peccatum ruit: quia ut in Proverbiis dicitur, *Non contristabit iustum quidquid ei acciderit.* Dicit ergo: *Qui autem scandalizaverit unum de pusillis istis, qui in me credunt: expedit ei ut suspendatur mola asinaria in collo ejus: & demergatur in profundum maris.* Mola asinaria dicitur, quâ trahunt & vol-  
vunt asini vel equi cum rota in molendinis: & per hanc intelligitur quicunq; gravis & ponderosus lapis, quasi diceret: Multò utilius & est melius innoxium, & pœnitentem etiam noxium, gravissima pœna vitam finire temporalem, quàm scandalizando & perdendo fratrem mortem mereri æternam. Et eligibilis est temporaliter affligi, quàm æternaliter cruciari. Ubi Hieronymus: Secundum ritum provincie loquitur, quò majorum criminum ista apud veteres Judæos pœna fuit, ut in profundo ligato saxo demergerentur: expedit autem ei, quia multò melius est pro culpa brevem recipere pœnam, quàm æternis servari cruciatibus: non enim judicat DEUS bis idipsum. Hæc Hieronymus. Hoc etiam de onere peccati potest accipi: quia, scilicet peccatori, ut suspendatur mola asinaria in collo ejus, & demergatur in profundum maris. Mola asinaria, est onus pœnitentiæ: mare, est amaritudo contritionis. Peccatori ergo magis expedit cum mola asinaria: id est; gravi pœnitentia demergi in profundum maris, id est; amaræ & cordialis compunctionis, quam reservari æternæ damnationi. Hoc quicunq; diligenter voluerit advertere, non videbitur ei onus pœnitentiæ grave, sed valde leve. Et subjungit: *Væ mundo*, id est; mûdanis hominibus, *à scandalis*: id est; propter scandala quæ faciunt aliis. Quia si tam grave est scandalizare pusillos, quòd ei qui scandalizat unum pusillum, magis expedit mola asinaria in profundum maris demergi, quod non est parvum vœ, longè majus vœ scilicet æternum imminet ipsi mundo, id est; mundi amatoribus & peccatoribus, *à scandalis*; id est; pro scandalis quæ non cavent, nec proximos scandalizare timent, ac tanta & tam magna inferunt scandala, nedum parvis, sed & magnis. Prælatorum autem & Religiosorum scandalum periculosius est & gravius: quia eorum factum magis trahit in exemplum. Sed quia possit ab eo quæri, si ita malum est alios scandalizare: quare permittis scandala evenire? Respondit, *Necesse est enim*, id est; expediens & utile ad aliorum probationem, *ut veniant scandala*, id est, bonæ & DEO placentis conversationis impedimenta. Et ideo dicit Apostolus: *Oportet hæreses esse, ut qui probati sunt manifesti fiant in vobis.* Unde Hieronymus: Sicut necesse est ignem calere, nivem verò frigere: ita etiam necesse est, ut iniquitas mundi erroribus pleni scandala pariat, perfectorum verò charitas pietatis operibus luceat. Hæc Hieronymus. Non est necessitas absoluta: sed tantum ex suppositione, scilicet suppositâ tantâ ut appareat mundi

Prover. 12.

Mola asinaria.

Hieronymus.

in cap. 18.

Matth.

Expedi-  
ma  
los tempora.  
liter puniri.

Cor. 11.

Hieronymus.

in cap. 18.

Matth.



mundi iniquitate. Nulla enim necessitas cogit humana corda esse iniqua, quæ tamen quia iniqua sunt, necessario movet scandala. Unde secundum Chrysostomum: Non destruit libertatem arbitrii, neque necessitati aliquarum rerum supponit: sed quod omnino futurum est, prædicit: neque enim quia prædixit, propter hoc fit: sed quia omnino futurum erat, propter hoc prædixit. Scandala quidem sunt prohibitiones rectæ vitæ: & *neceſſe eſt ut veniant*: id est: omnino venient. Sed quia iterum posset argui, si necesse est ut veniant scandala: ergo qui faciunt scandala non sunt puniendi: Respondet quod imò: dicens *Verumtamen vā*, scilicet æternæ damnationis, *homini illi per quem*, causaliter & cuius vitiō: *scandalum venit*: si tamen sine peccato evitare potest, qui quod necesse est, ut in mundo fiat: vitiō suō facit ut per se fiat. Si enim ut Chrysostomus: necessitas esset, non dixisset vā homini: unde eos miseros dicit, qui ex electione perniciosi sunt. Unde Theophilus: Quærant aliqui si necesse est ut veniant scandala, cur Dominus arguit scandalorum Authores? Quidquid enim parit necessitas, veniale est. Sed attende, quod necessitas ista ex libero arbitrio sortitur originem: videns enim Dominus qualiter homines innituntur malo, nec proponunt aliquid boni, dixit quod quantum est ex consequentia eorum quæ videntur, necesse est contingere scandala. Sicut si medicus videns quæquā malè dietā utentem, dicat, necesse est hunc ægrotare. Et ideo inducenti scandala vā dicit, & pñam ei comminatur. Ubi & Hieronymus. Cū necesse sit in isto mūdo fieri scandala, unusquisque suo vitiō scādalis patet. Simulque per generalē sententiā percutitur Judas, qui proditori animū præparaverat. Hæc Hieronymus. Et si aliquando utiliter scandalum quis faciat, non tamen iudicabitur à Deo secundum utilitatē, quæ inde provenit, sed secundum exitū quē scandalizans intrat. Bona fuit Crucifixio Christi, non tamen benefecerunt qui eum crucifixerunt. Semper iudicat DEUS opus ex nequitia peccantium, non ex eventu commodorum inde proveniente, quæ ipse solus facit & utiliter disponit: ut autem dicit Chrysostomus: Per scandalizantis pñam, bravium salvantis addisce. Nisi enim unius animæ salus sibi nimium curæ esset, non comminaretur scandalizantibus tantam pñam. Et meritō vā illi per quem scandalum venit, quia vitā ad vā aliis præstruit. Sicut enim qui intoxicaret fontem, causa esset mortis omnium potantium & morientium de eo: sic est de scandalō. De huiusmodi sic dicit Gregorius: Quantumcūque exemplum malæ conversationis (etiam si illi non sequantur) quis præbuerit, se pro tantis rationem noverit redditurum. Unde & Chrysostomus: Si vir aut mulier se ornaverit, & vultus spectantium ad se provocaverit: etsi nullum inde proveniat damnum, iudicium tamen patietur in æternum, quia venenum obtulit, etsi non fuit qui biberet: pulchritudo enim venenum animabus infundit. Magnum ergo peccatum est scandalum, & ideo summopere est cavendum. Unde Augustinus: Magis peccant qui animas ad peccandum inflammant, & DEO subtrahunt, quàm qui carnem Christi crucifixerunt, Unde & Isidorus: Deteriores sunt qui sive doctrinīs, sive exemplīs, vitam moresque bonorum corrumpunt, his qui substantias aliorum prædicique diripiunt. Deinde quia egit de scandalo activo quod facimus, prohibens ne scandalizemus credentes: nunc agit de scandalo passivo quod patimur, movens ut caveamus scandalizantes: quia sæpe nihil vel parum distat in vitiō scandalizare & fallere, vel scandalizari



zari & falli. Cavendum est, igitur, ne quis scandalizetur ab alio vel à seipso. Alius autem potest præbere materiam scandalì tripliciter: aut per adjutorium, quod signatur per manum: aut per servitium, quod per pedem: aut per consilium, quod per oculum. Secundum verò quòd aliquis præbet sibi materiam scandalì, potest esse vel per actionem propriam, quæ per manum: vel per effectum, qui per pedem: vel per cognitionem, quæ per oculum designatur. Ad fugiendum ergo peccatum scandalì, inducit metaphoram membrorum, & arguit: Intantum grave est peccatum scandalizantium, quod si nobis sint conjuncti, ut præoptata & charissima membra corpori: sicq; sint nobis necessarii, ut manus & pes, vel ut oculus, quòd ipsi qui sic scandalizant & offendiculum vitæ ponunt, omnino nobis relinquendi & fugiendi sunt. Dicit ergo: *Si autem manus tua*, id est; adjutor tuus quantumcunq; tibi utilis, qui tibi operosè ut manus ministrat: ac pro te operatur & adjutorium impendit, & qui te sicut dextera tua defendit, *vel pes tuus*, id est discursor tuus, qui in usus tuos discurret, & te in labore vel sollicitudine supportat: & ut pes infirma tua portat, *scandalizat te*, id est, lædit te in causa animæ: *abscinde eum*, quòd ad effectum, scilicet affectum ipsum rumpendo, & *proiice abs te*, quòd ad effectum, scilicet societatem ejus devitando: & intelligitur, si castigare non potes. Et subdit rationem dicens: *Bonum*, id est, melius est tibi ad vitam ingredi debilem: id est; sine pernicioso adjutore vel socio: *vel claudum*, id est; sine pernicioso sustentatore vel amico, & adjutorio, ac supportatione istorum privatorum; *quam duas manus & duos pedes habentem*, id est; duo adjutoria vel duas supportationes, scilicet tui ipsius, & amici scandalizantis, *mitti in ignem eternum*. Et si oculus tuus, id est; Còsultor vel Provilor & Gubernator ad perspicuendum acutus, qui te ut oculus ducit, vel dilectus sicut oculus, *scandalizat te*, id est; in errorem vult ducere, *erue eum*, separando à voluntate, & *proiice abs te*, separando à societate. *Bonum*, id est; utile est tibi cum uno oculo: scilicet simplici veritate, ut non nisi tuam ipsius providentiã, ac consilium & gubernationem habeas *ad vitam intrare, quam duos oculos habentem*, id est; duplicem provisionem, vel duplex consilium: scilicet tui ipsius & mali amici, *mitti in gehennam ignis*, secundum Augustinum, per oculum intelligimus dilectum amicum consiliarium: quia oculus iter demonstrat, quòd verò dexter est, intelligitur consiliarius in rebus Divinis, sinister autem oculus est consiliarius terrenis, ut sit iste sensus: Quidquid illud est, quod ita diligis ut pro dextero oculo habeas, si scandalizat te: id est; impedimento est tibi ad veram beatitudinem, eiice etiam & proiice abs te: quia occasiones peccandi sunt fugiendæ. De sinistro autem scandalizante superfluum erit dicere: quandoquidem nec dextero parcendum est. Dextera autem manus accipitur dilectus adjutor in Divinis operibus, quæ huic vitæ & corpori sunt necessaria. Similiter suò modò est de pede. Et subdit Dominus de ipso igne prædicto. *Ubi vermis*, id est remorius & cauterium conscientie: *eorum non moritur*, nec quiescit marore rodens, & mordens animam quòd non sit operata bonum: unusquisq; enim sui ipsius accusator fiet, rememorans quæ in vita gessit. Ubi Ambrosius: Quæ pena gravior, quàm interius vulnus, quàm còsciencie? Nonne hoc magis fugiendū quàm mors est, quàm dispediū, quàm exilium: & ignis gehennæ exterius corpus urens non extinguitur, nec deficit: est enim ignis afflictivus, non consumptivus: &

*Tripliciter  
alius nos  
scandalizat.*

*Bonum pro  
melius.*

*August. l. 1.  
de serm. Dñi  
in monte c. 24  
Oculus ami-  
cus dilectus.*

*Ambros. l. 1.  
officiorum c. 4.*



Beda in c. 9.  
Marci.

Salus summe  
diligenda.

Cōsanguinei  
& amici fa-  
luti post ha-  
bendi.

Hieronym.  
in cap. 18.  
Matth.

Dimittenda  
pro scandalo.

Humilitatis  
excellentiæ.

Contemptus  
vitandus.

ideo materia ejus semper durabit, nec habet contrarium à quo cor-  
rumpi possit. Unde Beda. Sicut autem vermis est dolor interius  
accusans, sic ignis pœna extrinsecus læviens. Et est sensus præmis-  
sorum in summa: Societas amicorum, vel necessariorum, quantum-  
cunq; videatur utilis esse, tamen præseindenda est, & removenda si  
sit occasio ruinæ animæ tuæ. Melius est enim sine hujusmodi ami-  
cis vel necessariis esse in paradiso, quàm habere tales & postmodum  
esse in inferno. Nihil enim est, quod contra salutem animæ debe-  
amus diligere. Unde Cassiodorus: Justitia non Patrem, non Matrem  
novit, personam non accipit, solum DEUM considerat, & attendit.  
Rumpe ergo omnem affectum carnalem, & separa eum à te, si ma-  
jor & potentior es: si minor, separare ab eo, & in quantum potes  
devita societatem ejus quem castigare nequis: nihil enim tam noci-  
vum ut pernitiōsa societas. Et ideo, inemendabiles quantumlibet  
amici nobis vitandi sunt: ne si cum perditis in hac vita partem ha-  
bere volumus, simul in futura cum illis pereamus. Unde Hiero-  
nymus: Melius est ut propinquitate & emolumentis carnalibus ca-  
seas, quàm dum vis tuos lucrifacere cognatos & necessarios, causas  
habeas ruinarum. Itaq; non frater, non uxor, non filii, non ami-  
ci, non omnis affectus qui nos excludere potest à Regno Cælorum,  
amori Domini præponatur. Novit unusquisq; credentium quid  
sibi noceat, vel in quo sollicitetur animus ac læpe tentetur: melius est  
vitam solitariam ducere, quam ob vitæ præsentis necessaria æternā  
vitam perdere: melius est solum salvum fieri, quàm perire cum plu-  
ribus. Hæc Hieronymus. Et nota secundum Augustinum, quod  
etiam hoc ipso separantur à quibus separantur, quod eis malafra-  
dentibus, hoc est scandalizantibus, non consentitur. Sed quæritur,  
quid dimittendum est pro scandalo? & dicendum, quod illud de quo  
quæritur, aut est malum in se, sive mortale, sive veniale: & de tali  
non est dubium quin dimitti debet: aut est indifferens, & hoc simili-  
ter debet dimitti: aut est bonum: & tunc aut est bonum præcepti, &  
hoc homo non debet dimittere: quia pro vitando peccato alterius,  
nullus debet peccare aut bonum super erogationis: & hoc quamvis  
posset dimittere pro scandalo alterius, non tamen totaliter, sed ali-  
quando ad tempus intermittere: quia est de vitæ perfectione & veri-  
tate, etsi non necessitate: unde veritas vitæ, justitiæ, & doctrinæ non  
simpliciter est propter scandala dimittenda. Unde est versus,

*Justitia, vitæ, doctrinæ scandala cedunt.*

De hoc vide plura in capitulo præcedenti. Et notandum quod  
multas humilitatis excellentias legimus in hoc loco, habet enim hu-  
militas excellentiam. Primò, in Sanctorum Collegio: quia est exē-  
plar populi sancti. Unde *Advocans parvulum, statuit in medio eorum.*  
Secundò, in officio: quia ostiaria Paradisi. Unde *nisi conversi fueritis,*  
*& efficiamini sicut parvuli, non intrabitis in Regnum Cælorum.* Tertiò,  
in præmio, quia est de majoribus Regni. Unde *quicumq; humiliave-*  
*rit se sicut parvulus iste, hic major est in Regno Cælorum.* Quartò, in  
primatu seu fastigio, quia est vicaria Christi. Unde *qui suscepit u-*  
*num parvulum talem in nomine meo, me suscipit.* Quintò, in iudicio: quia  
est præcipua ultrix opprobrii. Unde *qui scandalizaverit unum de pu-*  
*illis istis, expedit ei, &c.* Sextò, in hoc exilio, quia ejus ministri Co-  
mites & Adjutores sunt Angeli beati. Unde sequitur: *Videte ne conte-*

*Postquam ergo do-*  
*cuis*



enit vitare scandalum: consequenter docet vitare contemptum, qui est quasi radix ipsius scandalum: quamvis enim pro vitando scandalo Dominus omnes carnales affectus præceperit respuere. non tamen usq; quaq; ut despiciamus illos de quorum salute possumus spem habere, de qua solliciti debemus esse: unde dat specialem causam non contemnendi pusillos & parvulos, sed honorandi, & salutem eorum querendi, quia ipsi sunt DEO multum chari, quod ostendit ex duobus: dicit ergo *videte ne contemnatis unum ex his pusillis*, ac si dicat, secundum Hieronymum: Quantum in vobis est, nolite contemnere, sed post vestram salutem etiam illorum querite sanitatem. Si autem perseverantes in peccatis videritis, melius est vos salvos fieri, quam perire cum multis: & primo ostendit hoc ex honorabili Angelorum custodia dicēs: *Dico enim vobis quia Angeli eorum*, id est; eis assignati in Cœlis, *semper vident faciem Patris mei qui in Cœlis est*: id est; visione manifestationis DEI perfruuntur. Facies enim DEI, secundum Augustinum: Manifestatio ejus intelligenda est, & ideo possunt renūtiare injurias illatas eis quos custodiūt. Et est ratio à majori; quia parvuli non contemnuntur à majoribus, scilicet DEO Patre Cœlesti & Angelis Beatis: ergo nec à minoribus, scilicet hominibus miseris, debet contemni: ac si dicat: vos illos non debetis contemnere, sed honorare, quos DEUS Pater Cœlestis sic honorat & significat, quod ad ipsorum ministerium & Custodiam Angelos Beatos deputat, non est enim spernendum ab homine quod apud DEUM tantæ est curæ: si ergo contemnitis, Angeli nuntiabunt & Pater meus ulciscetur de vobis. Unde Hieronymus: Magna dignitas animarum, ut unaquaq; habeat ab ortu nativitatis in custodiam sui Angelum delegatum, sic itaq; Angeli existentes circa ministerium nostrum, quia ibi sunt ubi operantur, vident DEUM in Cœlo facie ad faciem: quamvis enim mittantur, tamen vident Patrem, quia semper DEO inhaerent per apertam visionem, & quia ubiq; DEUS præsens est, & ideo in terra Eum cernunt. Missi ergo ante Dominum sunt, quia quocunq; veniunt, intra ipsum qui ubiq; est currunt, & cum ad nos veniunt, sic exterius implent ministerium, ut tamen nunquam interius desint per contemplationem, licet enim mittantur in ministerium pro salute hominum, tamen non recedunt à contemplatione Divina, sed astant DEO per contemplationem jugem & continuam. Et bene dixit *qui est in Cœlis*, quia licet DEUS sit ubiq; per essentiam, præsentiam, & potentiam: tamen specialiter dicitur esse in Cœlis, ubi adest beatis per apertam visionem, non ergo debent contemni, sed honorari quos DEUS sic honorat, quia contemptus ipsorum ascendit ad contemptum DEI, cuius imaginem habent. In eis quoq; contemptis, contemnuntur Angeli eorum ministri & custodes. Deinde subjungitur alia ratio, sumpta ex redemptione Christi. Unde Chrysostomus: Ne dicas ille faber est, ille sartor, ille agricola, ab Angelis qui eis missi sunt venerabiles sunt, sed quod majus est ratione redemptionis Dominicæ. Secundo ergo, pusilli non sunt contemnendi, sed honorandi, quos sic DEUS dilexit, quod pro eis (qui in Adam omnes peccaverant & perierant) salvandis misit Filium suum in similitudinem carnis peccati: Unde ait: *Venit enim & de Cœlo descendit Filius hominis*, Salvator hominum *salvare quod perierat*, scilicet genus humanum, non tantum magnos, sed etiam pusillos. ac si dicat: Vos non debetis contemnere & perturbando perdere quos ego veni salvare, quia ego pro hominibus

Hieronymus  
in cap. 18.  
Matth.

Augustinus  
lib. 22. de  
Civitate.  
cap. ultim.  
Facies Pa-  
tris celestis

Hieronymus  
in cap. 18.  
Matth.  
Angeli custo-  
des hominū.

Chrysostom.  
hom. 60.  
in Matth.



- Rom. 14.** nibus, homo fieri dignatus sum. Unde & Apostolus: *Noli contristare & perdere fratrem tuum, pro quo Christus mortuus est.* Non sunt ergo contemnendi pusilli, qui tanti sunt apud Filium DEI qui pro eis venit mori: nec debet servus contemnere, quos Dominus tantum dilexit, sed exemplo ejus omnem curam ut salvemur adhibere, pro quibus salvandis Dominus venit. Et hæc ratio, seu cogitatio, secundum Chrysost. Major est priore grave est contemnere, quem DEUS honorat Angelo Custode, sed gravius, propter cujus salutem DEI Filius voluit in mundum venire. De prædicto Angelorum ministerio sic dicit Bernardus; Fidelis paranympus, qui mutui amoris consocius, sed non invidus, non suam quaerit, sed Domini gloriã. Discurret medius inter dilectum & dilectam vota offerens, referens dona: excitat istam, placat illum. Interdum quoq; licet raro, repræsentat eos pariter sibi, sive hanc rapiens, sive illum adducens. Siquidem domesticus est & notus in palatio, nec veretur repulsam, & quotidie videt faciem Patris. Unde Anselmus: Millia millium ad complenda Patris ministeria alacri discursu jugiter meant inter Cælum & terram, quasi apes negotiosæ inter alvearia & flores, suaviter disponentes omnia populus accinctus, nesciens labem, vel inobedienciæ moram. Hæc Anselmus. Vides quàm fideliter Angeli nostri nobis serviunt, & quàm solliciti circa nos sunt: unde magnam eis reverentiam debemus, & quotidie eos laudare, ac eis gratiarum actiones referre: nihilq; illicitum vel turpe in eorum præsentia, qui nobiscum sunt cogitare, vel loqui aut operari. Ad hæc nos monet Bernardus dicens: *Angelis suis mandavit de te, ut custodiant te in omnibus viis tuis.* Quam tibi debet hoc verbum reverentiam inferre, afferre devotionem, conferre fiduciam, reverentiam pro præsentia, devotionem, pro benevolentia, fiduciam, pro custodia. Cautè ambula, tibi adsunt Angeli, sicut eis mandatum est, in omnibus viis tuis. In quovis diversorio & in quovis angulo Angelo tuo reverentiam habeto, ne audeas illo præsentem quoddam vidente me non auderes. Quid retribues Domino pro omnibus quæ retribuit tibi? siquidem Ei Soli honor & gloria. Quare Ei soli? quia ipse mandavit, & omne datum optimum non nisi ab Illo est: verumtamen & si Ille mandavit, ipsis quoq; qui ei ex tanta charitate obediunt, & nobis subveniunt in tanta necessitate ingratos esse non licet. Simus ergo devoti, simus gratitantes Custodibus: reclamemus eos quantum possumus, quantum debemus. Hæc Bernardus. Et ideo cum omni attentione & devotione distinctè, & alacriter officium Divinum exolvere: & in omnibus scilicet cogitando & verba proferendo videndo & audiendo, stando, & sedendo, supplicando, & veniam sumendo: nec non in aliis singulis ad interiorem & exteriorem hominem in hoc officio spectantibus, sic reverenter & humiliter te habeas quasi DEUM, ac Beatam Virginem & omnes Angelos & Sanctos corporalibus oculis coram te videas, recogitans quoddam sine dubio præsentem sunt Angeli Sancti, in quorum conspectu, psallis DEO ibi & ubiq; præsentem. Unde qualiter homo in oratione possit intentionem suam recolligere, docet Basilus dicens: Quomodo non obtinebit quis ut in oratione sensus ejus non vagetur, si certus sit assistere ante oculos Domini. Recogitet ergo homo se stare, seu primum jacere ante conspectum DEI: & secum loqui, & juvabitur à vagatione mentis. Unde Jeremias. *Recordare quoddam steterim in conspectu tuo, ut loquerer, pro eis bonum.* imò record-



recordari timet stare ante conspectum DEI. Hæc Basilius. Et quia homines beatis spiritibus sociandi sunt, ideo hic nota quod quicumque in Ecclesia est (& maxime in religione) fideliter, humiliter & devotè ministret: & qui propter DEUM infirmis & peregrinis seu pauperibus & sibi invicem charitate fraterna subveniunt: in primo gradu consistunt Angelicis spiritibus coæquati. Qui verò oratione & devotione familiaris DEO intendunt: & proximis suam doctrinam, consilium auxiliumque impediunt, in secundo gradu, Archangelicis spiritibus inferuntur. Et qui se exercent in patientia, obedientia, & voluntaria paupertate, & humilitate, omnesque virtutes fortiter peragunt, tertium gradum cum virtutibus conscendunt. Qui autem vitis & concupiscentiis reluctante, diabolus cum cunctis suggestionibus contemnit, in quarto gradu cum Potestatibus triumphum gloriæ obtinebunt. Qui verò in Ecclesia animarum curas & prælaturas sibi commissas bene regunt & ministrant, animarum lucris die noctuque inuigilantes, & talenta sibi credita summo conamine duplicantes, hi cum Principatibus in quinto gradu gloriam Regni pro labore suo possidebunt. Qui autem Divinæ Majestati reverenter cum omni humili subiectione se inclinant, & pro ejus gloria omnem hominem reverenter & diligunt: & siquidem seiplos, quia ad Imaginem DEI facti sunt: DEO etiam quantum possunt se conformant, carnem suam spiritui subicientes, & incentivum mortificantes, animo suo dominantes, & ad Cœlestia transferentes: hi cum dominationibus in sexto gradu exultabunt. Qui verò sedulæ meditationi & contemplationi inserviunt, ac cordis munditiam, & mentis tranquillitatem amplectendo quietissimum in se DEO exhibent habitaculum, hi merito Paradisus DEI appellari dicuntur: juxta illud: *Deliciae meae sunt esse cum Filiis hominum*: De quibus etiam dicit: *Ambulabo in eis, & habitabo cum eis*, in septimo gradu thronis sociantur. Qui autem scientiâ & cognitione cæteris eminent, qui singulari beatitudine DEUM facie ad faciem mente illustrata conspiciunt: & ea quæ ex ipso Fonte omnis sapientiæ hauriunt, per doctrinam & illuminationem aliorum in ipsum refundunt. In octavo ascensionis gradu, cum Cherubicis spiritibus locabuntur. Et qui DEUM toto corde & mente diligunt, & igni æterno qui DEUS est se totos immergunt: Eique simillimi facti jam non suo, sed Divino amore sicut dilecti ab ipso sunt, diligunt omnia in Deo, & tam inimicos quam amicos diligunt propter DEUM: quos quidem ab amore nihil potest disjungere, seu impedire: quia quod magis inimici in eos insurgunt, eò validius in amore unitivo convalescunt, nihil etiam consolationis & commodi temporalis requirunt: nisi quod ad laudem & gloriam DEI spectat, amore etiam tam ferventi accensi & inebriati, ad DEUM per mille mortes transire exemplo Apostolorum & Sanctorum non formidant. Omnibus enim penis & tribulationibus spretis, & propter fervorem dilectionis in carne mortali, & vita præsentis omnem tolerant gaudenter molestiam. Feliciter quidem in semetipsis ardentes & alios accendentes, ita ut si possent omnes homines in Deifico amore inflammarent, & perfectos facerent ut cum ipsis arderent: hi etiam aliorum vitia & peccata tanquam propria lugent nec quæ sua sunt quærunt, sed solius DEI Patris faciem desiderabilem hianti semper animo super omnia diligunt & exquirunt: isti merito in nono gradu cum Seraphim cõpurabuntur. Inter quos & DEUM nulli interfunt Spiritus, qui ipsum vicinius contemplantur, & ipsi immediatius appropinquare videantur.

Prover. 8.  
Levi. 26.



## DE TRIBUS PARABOLIS SCILICET OVIS,

*Dragma, & Filii prodigi.*

## CAPUT. VII.

*Luca 15.* **D**Einde ne quis scandalizet & contemnat pusillos, & ad ostendendum quanti sint pusilli apud Patrem, subdit tres parabolas per ordinem: sed secundum Lucam duplex fuit occasio, sive causa harum trium parabolarum, s. appropinquatio publicanorum & peccatorum, ac murmuratio scribarum & Phariseorum. *Erant enim appropinquantes, ad Iesum Salvatorem, publicani & peccatores, qui salute indigebant, ut audirent Illum:* qui rationabiliter peccata reprehendebat: quia non cum austeritate, sed benignè eos admonebat, & spem veniæ promittebat. Libenter debent omnes ad Christum accedere & appropinquare: quia omnia remedia in Eo poterunt invenire. De quibus sic dicit Ambrosius. Omnis anima accedat ad Christum quia omnia Christus est nobis. Si vulnera curare desideras, Medicus est. Si febribus æstuas, Fons est, si gravaris iniquitate, Justitia est. Si auxilio indiges, Virtus est, si mortem times, Vita est, si Cælum desideras, Via est, si tenebras fugis, Lux est, si cibum quæris Alimentum est. *Et murmurabant Pharisei, simulata sanctitate ab aliis divisi, & scribæ, legis notitia doctores populi: dicentes: quia Hic peccatores recipit, & manducat cum illis:* quasi dicant hic creditur bonus & Sanctus, & tamen ad suam conversationem & gratiam recipit peccatores, & quod amplius est, manducat cum illis tanquam amicus. Si cognovissent, Scribæ & Pharisei, quod venit in hunc mundum peccatores salvos facere, nequaquam murmurassent: nam eos recipiebat, ut conversando cum eis à peccatis converteret, & illuminaret, ac salvaret. Christus ergo peccatores pœnitentes recipiendos esse ostendit, & super hoc tres parabolas adducit. Tria n. sunt quæ hominem ad miserendum consueverunt inducere, scilicet simplicitas, propinquitas & necessitas. Ista tria similiter DEUM inducunt ad miserendum. Primò, nostra simplicitas, & ad hoc pertinet prima parabola de ove errante. Homo enim est simplex respectu hostis tam astuti, id est; diaboli. Unde clamat Psalmista: *Erravi sicut ovis quæ perit, serva servum tuum, &c.* Secundò, nostra propinquitas quàm nobiscum contraxit, & ad hoc pertinet secunda parabola de dragma amissa, in qua est imago Regis, & superscriptio nominis, sic & homo est ad Imaginē DEI formatus, & habet superscriptionem Christi, quia à Christo dicitur Christianus, & ideo debet nostri misereri, juxta illud Apostoli: *Nemo carnem suam odio habet &c.* Tertio, nostra necessitas & paupertas, & ad hoc pertinet tertia parabola de Filio prodigo revertente, qui dixit: *Quanti mercenarii in domo Patris mei sunt, qui habent panem, ego autem hinc fame pereor.* Quando enim homo cognoscit suam miseriam & infirmitatem, tunc DEUS sibi exhibet suam pietatem. Unde dicitur ibidem, quod Pater videns eum, misericordiâ motus est super eum. Respondendo ergo Scribis & Phariseis murmurantibus subdit Dominus primò parabolam unius ovis ex centum errantis, quàm quæsitam & tandem inventam (quia propter infirmitatem ambulare non potest) Pastor bonus in humeris suis, ad gregem reliquum reportat: & veniens domum convocat amicos & vicinos, ad congratulandum sibi super inventione ovis, quæ perierat.

Sen.

*Ambrosius  
lib. 3. de  
virginibus.**Miseratio-  
ne inducētia**Psal. 128.**Ephes. 5.**Luca 15.**Ovis errans*



Sententia itaq; hujus primæ parabolæ, secundum Lucam, talis est in summa: Si quis ovem perditam postea inventam libenter recipit, non debet mirari vel indignari si peccatores recipio ad penitentiam, qui prius amissi erant per culpam vel referendo ad pusillos (de quibus dictum est supra) talis est hujus parabolæ sententia, sicut non est voluntas Pastoris, ut pereat de ovibus suis, sic non est voluntas Patris Cælestis ut pereat unus, nec etiam multi de pusillis, nec etiam de aliis, & ergo pusillus nō est contemnendus, si autem perit, non voluntate ejus perit, quia nec voluntate approbationis vel consilii, vel præcepti ejus peccat, eo tamen Authore damnatur, quia omnis pœna ab ipso est. In hac tamen parabola, secundum sensum mysticum, tanguntur septem in speciali. Quorum primum est, hominis & Angelorum creatio: ibi *quis ex vobis homo, qui habet centum oves. Secundum, hominis creati prævaricatio: ibi & si perdiderit unam ex illis. Tertium, Filii DEI ad quærendum ovem perditam, scilicet hominem, Incarnatio: ibi, nonne dimittit nonaginta novem in deserto. Quartum, ipsius per Christi passionem inventio: ibi, & cum invenerit eam imponit in humeros suos gaudens. Quintum, in Cælum Ejus ascensio: ibi, & veniens domum. Sextum, Angelorum ad congratulandum invitatio: ibi, convocat amicos dicens eis, congratulamini mihi. Septimū, sensus mystici expressio: ibi, dico vobis quod ita gaudium erit in Cælo, &c. Unde secundum Gregorium. Quia centenarius perfectus est numerus ipse DEUS centum oves habuit, cum Angelorum & hominum naturam creavit & possedit, sed una ovis tunc erravit & periit cum homo peccando pascua vitæ reliquit. Et intelligitur per unam ovem homo, & sub nomine uno universitas omnium hominum à principio usq; ad finem mundi sentienda est, quia unus creatus est homo, unde omnes prodirent, & in unius hominis errore omne hominum genus oberravit: nonaginta autem novem, id est; novem ordines Angelorum (idem enim significat numerus simplex & compositus) dimisit ratione humanitatis assumptæ in deserto, sive in montibus & excelsis, id est: in Cælo quod & diabolus & homo deseruit quando peccavit. Cælum quippe dicitur desertum, id est; derelictum: tum quia fuit derelictum ab Angelo, qui in eo fuerat creatus: tum quia fuit derelictum ab homine, qui ipsum fuerat habiturus. Item quia instar deserti in eo sunt dulces cantus avium, id est; Angelorum ibiq; sunt rosæ Martyrum, ac violæ Confessorum, & Lilia Virginum. Et ut perfecta summa ovium reintegraretur in Cælo, hominem perditum quærebat in terra. Et inveniens ovem humeris suis imposuit, & ad gregem reportavit. Cum ergo Pastor pius ovem perditam reperisset, non punivit, non verberavit: non urgendo ad gregem duxit: sed superponens humiliter humeris, & portans clementer, gregi annumeravit. Tunc verò humeris reportans ovem imposuit, quando naturam humanam suscipiens peccata nostra ipse portavit: quia pro homine redimēdo humanam naturā suscepit, & in brachiis suis in Cruce extensis peccata hominis, id est; pœnam peccatorum nostrorum portavit. Et secundum Ambrosium. Humeri Christi Crucis brachia sunt: illic mea peccata deposui, in illa patibuli nobilis Cruce quievi. Et attendendum quod Christus gaudens imposuit ovem humeris suis: quia licet magnus fuerit dolor passionis & mortis, quō genus humanum requisivit & humeris imposuit, hunc tamen laborem & dolorem lætanter sustinuit: ut perditam ovem recuperaret. Inventam autem*

Summa parabolæ ovis perditæ.

Mysticè semper notanda.

Gregor. hom. 34. in Evāg.

Cælorum desertum.

Ambrosius in cap. 15. Luca.



ove ad domum venit: quia reparato homine ad Cæleste Regnum rediit, ad quod cum ove reversus est cum Cælum ascendit, & captivam captivitatem secum duxit, & convocat amicos & vicinos: scilicet Angelorum choros qui amici ejus sunt, quia voluntatem ejus continuò custodiunt: & vicini, quia claritate visionis ejus assidue perfruuntur: dicens illis: *Congratulamini mihi, & simul mecum: quia inveni ovem meam quæ perierat.* Secundum Gregorium non dicit; Congratulamini inventæ ovi, sed mihi: quia videlicet gaudium ejus ex vita nostra, & cum nos ad Cælum reducimur, solennitatem lætitiæ illius implemus: Vel ideo congratulandum est sibi: quia non frustra laboravit, nec frustra mortuus ex quo ovem perditam invenit: ovi verò non est congratulandum, quia nullis suis meritis inventa est: & subjungit concludendo: *Dico vobis, quòd ita gaudium erit in Cælo, super uno peccatore pœnitentiam agente, quàm super nonaginta novem justis qui non indigent pœnitentiâ:* non dicit pœnitentiam cogitante, quæ est pœnitentia procrastinorum: nec dicit pœnitentiam docente, verborum prædicatorum: nec dicit pœnitentiam ostendente, quæ est pœnitentia hypocritarum & simulatorum: sed dicit pœnitentiâ agente, quæ est pœnitentia devotorum. Non est ergo gaudendum solum de redemptione generis humani: sed quacumq; hora convertitur unus peccator, fit gaudium Angelis DEI, eo quòd numerus eorum suppleatur ex conversione peccatorum. Unde Augustinus. Qui per pœnitentiam peccatum diluit, Angelicæ felicitatis in æternum consors erit: hinc est quòd super conversione peccatoris velut de suo consorte, Angeli in Cælo gaudere dicuntur: Nam ut dicit Origenes. Nos Angelis in Cælis occasionem gaudii præbemus, cum super terram ambulantes conversationem in Cælis habemus. Secundum Ambrosium Angeli quoniam rationabiles sunt, non in merito hominum redemptione lætantur, quamquam hoc quoq; proficiat ad incentiva probitatis, si unusquisq; conversionem suam gratam fore credat cælibus Angelorum, quorum aut affectare patrocinium, aut vereri debet offensam: & tu igitur Angelis esto occasio lætitiæ gaudeant de reditu tuo. Unde Beda: Ovem ergo Dominus invenit, quando hominem restauravit, & super eam inventam majus gaudium est in Cælo, quàm super nonaginta novem: quia major materia Divinæ laudis est, in restauratione hominum, quàm in creatione Angelorum. Mirabiliter enim Angelos creavit: sed mirabilius homines restauravit. Hæc Beda. Quamvis ergo Pastor multò plùs diligat oves nonaginta novem, quàm solam centesimam: tacitis tamen aliis, de restaurata multis modis se gaudere ostendit. Sic quoq; Salvator de reparatione hominis magis gaudet: hoc est magis & pluribus argumentis ostendit se gaudere, quàm de Angelorum stabilitate: usitatissimum etenim est, ut quamvis eum plus non diligamus, majorem tamen lætitiâ de illo faciamus, quem de majori periculo liberari videmus. Sicut ergo Pastor gaudet speciali gaudio de inventione unius ovis: non quia magis illam solam quàm omnes alias diligat, sed quia in ea habet specialem rationem gaudendi, quàm in aliis non habebat: sic DEUS de reversione peccatoris habet specialem rationem gaudii, quàm nò habet de cæteris in justitia permanentibus: cæteris tamen paribus permanentes in justitia sunt DEO magis dilecti. Per hominem centum oves habentem significatur Præsident Monasterio, vel Ecclesiæ, habens subditos in quocumq; numero: quia sæpe in scriptura ponitur

Gregorius  
hom. 34.  
in Evang.

Gaudium  
Angelorum.

August. lib.  
de mirabili-  
bus Sacrae  
Scripturae.  
Origenes  
in Lucam.  
Ambrosius  
in cap. 15.  
Lucæ.

Beda ibidem

Gaudium  
Pastoris &  
Christi.



tur numerus determinatus pro indeterminato: & si perdidit unam per apostasiam, vel occasionem aliam, nonne dimittit alias in deserto, n. in observatione claustrali vel Ecclesiastica, quæ desertum dicitur, eo quod asperitas ibi videtur, & à multis deferitur: & vadit ad illam quæ perierat, ut ad bonum reducat & gaudet de illius reductione plus quam super aliis non errantibus: non quia plus diligit eam cæteris, sed quia specialem rationem gaudendi habet de reductione ejus, quam non habet de aliis: tamen non errantes semper sunt plus diligendi, cæteris paribus. Et nota secundum Dionysium, quod Dominus numerum Electorum determinavit in decem: novem quidem ordinibus Angelorum, propter Trinitatem: in novenario enim numero trinarius fit tertio repetitus: & uno ordine hominum propter unitatem, ut unitas in Trinitate ab Angelis & hominibus laudaretur, coleretur, adoraretur. Voluit autem numerum Electorum constare ex Angelis & hominibus: quia voluit à creatura spirituali & corporali laudari. Hæc Dionysius. Ad idem subdit parabolam unius dragmæ ex decem perditæ, pro qua mulier accendit lucernam, & evertit domum, ac quærit diligenter donec inveniat: & super inventa cum amicis & vicinis gaudet. *Dragma hoc loco est nummus certæ quantitatis, valens decem denarios usuales, habens in se Regis Imaginem & superscriptionem: quem nos debemus offerre: scilicet nosmetipsos, in quibus est Imago Regis. Unde secundum Dionysium: Homo microcosmus, id est, minor mundus dicitur: Habet enim ex terra carnem: ex aqua sanguinem, ex aere flatum, ex igne calorem. In cujus substantia spirituali imago & similitudo DEI exprimitur: imago in forma accipitur, similitudo in qualitate consideratur. Divinitas n. consistit in Trinitate, cujus imaginem tenet anima, quæ habet memoriam, intellectum, & voluntatem. In DEO consistunt omnes virtutes: cujus similitudinem tenet anima, quæ capax est omnium virtutum. Hæc Dionysius. Igitur dragma, scilicet homo ad imaginem DEI factus: pro cujus requisi-  
tione sollicitatur Divina Sapientia & Sponsa Ejus, scilicet Mater nostra Ecclesia, pro cujusquoque inventionem latatur tota Cœlestis Curia quamvis pusillus non est contemnendus: quia non vult Pater Cœlestis ut pereat unus de pusillis. Sententia autem hujus parabolæ, secundum Lucam, talis est in summa: Si mulier cum tanta diligentia dragmam perditam quærit, & de inventa gaudet, & ad gratulandum amicas & vicinas convocat: multo fortius DEUS hominem perditum debet cum magna diligentia quærere, & de ejus inventionem gaudere: & sicut nullus debet murmurare contra mulierem quærentem dragmam perditam, sic nullus debet murmurare contra Dominum quærentem peccatores: sive eos alloquendo, sive cum eis comedendo. Ubi tamen secundum sensum mysticum, notantur sex in speciali. Primo, Angelorum & hominum creatio: ibi, quæ mulier habens dragmas decem. Secundo, hominis creati pravariatio: ibi, & si perdidit unam. Tercio, Filii DEI ad quærendam dragmam perditam incarnatio: ibi, nonne accendit lucernam. Quarto ipsius per Christi passionem inventio: ibi, & quærit diligenter donec inveniat. Quinto, Angelorum ad congratulandum invitatio: ibi, & cum invenerit convocat. Sexto, invitationis ratio: ibi, quia inveni dragmam quam perdideram. Unde secundum Gregorium: Qui significatur per Pastorem, Ipse, etiam significatur per mulierem: Ipse enim DEUS, Ipse*

Dionysius de Ecclesiastic. hierarch.

Dragma perditum.

Summa parabola de dragma perditum.

Sex notanda

Gregor. h. 34 in Evangel.



*Dragma  
decem.*

& DEI sapientia: dicitur autem mulier, quia cum dolore nos parit. Angelorum verò & hominum naturam ad recognoscendum se Dominus condidit, & ad similitudinem suam creavit. Decem ergo dragmas habuit, quia novem sunt ordines Angelorum: sed ut compleretur Electorum numerus, homo decimus est creatus. Et quia Imago exprimitur in dragma: mulier dragmam perdidit, quando homo qui conditus ad Imaginem DEI fuerat peccando à similitudine sui Conditoris recessit. Quotidie adhuc ista dragma perditur, vel in pulvere divitiarum, vel in luto luxuriæ, vel in diverticulo erroris cuiuscunq;. Accendit autem mulier lucernam: quia DEI Sapientia apparens in carne lumen Deitatis accendit in testa nostræ mortalitatis ad quærendum hominem perditum, ad reducendum eum ad beatitudinem. Ista verò lucerna accensa refulsit miraculis, inflammavit dictis, illuminavit exemplis: collocatus, n. erat homo in obscuris & umbra mortis: unde istam oportuit accendere lucernam. *Et evertit domum*, conscientia quia mox ut ejus Divinitas per carnem claruit, omnis se nostra conscientia concussit. *Et quærit diligenter*, diligenter enim quæritur quod intimè diligitur: sic verò ostendit Christus dilectionem suam ad nos, ut animam suam pro nostra redemptione poneret. Unde subditur *donec inveniat*, quia

*Quæstio  
dragma.*

non destitit quærere donec inveniret: quæsit enim usq; ad contumelias, usq; ad minas, usq; ad flagella, usq; ad mortem, usq; etiam ad inferna. Nec mirum si eam invenit, quàm ubiq; etiam usq; ad inferna cum Divinitatis lucerna ardenti quæsit. Eversâ ergo domo invenitur dragma, quia cum perturbatur hominis conscientia, reparatur in homine similitudine Creatoris, tunc enim consveta relinquuntur vitia, ut reluceat imago conditoris, & cum invenerit, convocat amicas & vicinas. scilicet supernas virtutes, quæ amicæ sunt, ut exequentes voluntatem ipsius: & vicinæ: quia ei per gratiam continuæ visionis appropinquant: quas ad congaudendum invitat, & gaudii participes facit, quia congaudent de peccatoribus ad Eum conversis, cum DEUS de seipso habeat gaudium & Angeli gaudeant in Eo Gaudent tamen etiam de conversione pœnitentium, quando illud quod prædestinavit impletur: nec illud gaudium est DEO novum: aut temporale, sed æternum: Angeli verò quibus effectus prædestinationis innotescit, de nostra conversione temporaliter gaudent. Christus etiam gaudet super conversione peccatoris, propter duo. Primò, quia per pœnitentiam ira sua placatur. Secundò, quia pretium sanguinis sui in Eo non frustratur. Est autem tantum gaudium Christo de conversione peccatorum, quòd si non sufficeret sua passio; rursus pati & mori esset paratus. Unde Beatus Dionysius in Epistola quadam scribit, quòd cum quidam infidelis hominem fidelem à fide avertisset, Carpo quidam Vir magnæ Sanctitatis adeo molestè hoc ferebat, ut utrumq; igne comburi DEUM rogarer: cui circa noctis medium apparuit Christus in aere, cum multitudine Angelorum, in terra verò apparuit fornax cum serpentibus accensus, ad quam trahebantur illi duo homines. Carpo ergo petens ardentè desiderio ut mitterentur in fornacem, & molestè ferens dilationem: ecce Christus miseratus descendebat à folio in terram, & extensis manibus homines illos eripuit: elevataq; manu dixit Carpo, iterum percutite me lancea, paratus sum rursus pati & mori pro hominibus salvandis. Et subjungit Dominus concludendo, *ita dico vobis,*

*Dionysius  
Areopagita  
epistol. ad  
Demophilam.*



*his, gaudium erit Angelis DEI, qui sunt vicini & amici Christi, super uno Angelorum peccatore penitentiam agente, nam anima vitiorum laqueis capta & gaudium.*  
 stricta, cum se corrigit, & priora peccata relinquit: tam Coelicolas quam Christicolas hilares facit. Unde Bernardus: Denique gaudent in conversione & penitentia peccatorum, salutem hominum sitientes, quia lachrymae penitentium sunt vinum eorum: hoc certe vinum latificat cor hominis: hoc constat & Angelos bibere cum latitia. Hæc Bernardus. Et si Angelis tantum gaudium est pro peccatore, qui propria peccata damnat, quantum est eis gaudium pro iusto, qui aliorum peccata plangit? Considera hic quanta debet esse penitentia, ut per eam accendaris, nec torpeas: & totam domum, id est; mentem & conscientiam evertas, ut dragmam usq; ad novissimum pulverem inquiras diligenter, non pigre, non morari donec invenias. Moraliter mulier potest dici Prævidens, tum propter fecunditatem, tum propter parienti difficultatem: hujus mulieris dragma sunt anime DEI imagine insignita, quarum si unam perdiderit, debet accendere lucernam, scilicet orando, meditando, sanctè vivendo: & vertere domum conscientia peccatoris, fervore prædicationis, terrore comminationis: & quærere diligenter donec inveniat: quod sit quando ad penitentiam reducit. Tertiam quoq; de eodem & expressius addit parabolam, scilicet de Filio prodigo, qui facultatibus consumptis & perditis, ad Patrem reversus susceptus est ab eo & honoratus: quia homo non solum est ovis hara Pastori, non solum dragma pretiosa mulieri: sed viscerosa caritatis Filius charissimus Patris. DEUS enim Patrem hominem ad imaginem & similitudinem suam creavit, ut post Angelos expressiori similitudine præ cæteris creaturis Filius DEI dicatur. Ideo nullus quantumcunq; pusillus est contemnendus, cum sit summi Regis Filius: præsertim ille cui dedit fidem & gratiam, per quam est Filius adoptionis. Et si post susceptam fidem & gratiam, quæ ipsi ex dono DEI contingebat vixerit luxuriose per culpam, gratiam perdendo: vel spiritualiter fornicatus fuerit, fidem deserendo: adhuc non est contemnendus. adhuc à Christi & Ecclesiæ gremio non est eiciendus: quia si penituerit, & humiliter redierit, adest DEUS Pater miferator & misericors, qui non latatur in perditione filiorum, & occurrit penitenti, & dat osculum pietatis & amoris. In cujus receptione gaudet tota Cœlestis curia: qui enim mortuus fuerat infidelitate & culpa, vivit fide & gratia: & qui perierat errore inventus est Christo Pastore omnium requirente. Per hanc ergo parabolam datur intelligi benigna peccatorum à DEO receptio. Ex quo secundum Lucam vult habere, quod nullus debet indignari si benignè recipit peccatores. In hac autem parabola sex tanguntur. Primò, status naturæ, & utriusq; Filii communis propagatio: ibi, *homo quidam habuit duos filios.* Secundo, lapsus culpæ, & adolescentioris à Patre recessio: ibi, *dixit adolescentior Patri.* Tertio, locus penitentia, & ejusdem postmodum reversio: ibi, *in se autem reversus.* Quarto, munus gratiæ, & revertentis à Patre benigna susceptio: ibi, *cum autem adhuc longè esset.* Quinto, stimulus invidia, & de ejus jucunda susceptione senioris indignatio: ibi, *erat autem Filius Ejus Senior.* Sexto, virtus doctrinæ, & indignationis ejus rationabilis sedatio: ibi, *Pater ergo illius.* Potest autem hæc parabola exponi de populo Judaico, & gentili. Vel de innocente seu iusto tepido, & de peccatore penitente devoto. *Judaico inquam*

Bernardus  
serm. 30.  
in cantica.

Moraliter

Filius prodigus.

Sex notanda

Judaicus  
populus.



inquam vel iusto conquerente de Domino, dante maiorem gratiam vel devotionis fervorem Gentili. Vel penitenti, quam sibi homo ergo iste de quo hic dicitur, Christus est: qui habuit duos Filios, id est; duos populos: scilicet Judaicum & gentilem qui sunt Filii DEI quantum ad Ejus Imaginem, vel Ejus Filii sunt omnes Christiani per ejus baptismum regenerati: quorum tamen aliqui sunt iusti, & aliqui peccatores. *Et dixit adolescentior*, id est gentilis populus: unde & populus Judaicus vocatur in Exodo Filius DEI primogenitus. Vel *adolescentior*, id est peccator, qui juvenis est moribus: & petit à Patre portionem suæ substantiæ, ut recederet à DEI Patris lege: & ageret pro libito voluntatis suæ, ac regeret se propria voluntate; & *divisit illi substantiam*, quia dona sua omnibus largitur licet diversimodè: & dimittit quemlibet agere secundum arbitrii libertatem. *Adolescentior vero Filius profectus est in regionem longinquam*: Non localiter; à DEO Patre Cœlesti qui ubiq; est, recedens, sed per multiplicationem peccati se à Patre, & Patria Cœlesti elegans: & *ibi*, scilicet in regione peccati, *dissipavit substantiam suam* per peccatum bona gratiæ perdendo, & bona naturæ pejorando: *vivendo luxuriosè* luxuriâ interiori, quæ est fornicatio spiritualis, & maxime idololatria, & luxuria exteriori, quæ est fornicatio corporalis & manifesta. Peccator ergo à Patre suo Cœlesti recedit, quando mortaliter peccat: & tunc in Regione longinqua est, quia longè est à peccatoribus salus, & talis luxuriosè consumit suam substantiam, quando sensus suos, & vires convertit ad malitiam: & *postquam consummasset*, id est consumpsisset omnia ornamenta naturæ, tam naturalia quàm gratuita: *facta est fames valida in regione illa*, quia in regione peccati fit magnus defectus pabuli Divini: & fames bonorum operum atq; virtutum: & *ipso capite gere*, scilicet spiritualibus bonis & virtutibus eorum Fonte relicto: nam existens in mortali peccato fit egens omni spirituali bono: & *abstulit*, scilicet profectu erroris, & de malo in pejus ruendo, & *adhesit uni Civium regionis illius*, scilicet diabolo, qui est civis in regione umbræ mortis: & *misi illum in villam suam*, id est, in cupiditatem mundanam, vel in peccatorum societatem, in qua dominatur sicut in propria villa: *ut pasceret porcos*, id est; vitia quæ sœcunda sunt & immunda: & *cupiebat implere ventrem animæ* scilicet affectum, *de siliquis*, id est cibo porcorum, qui est carnalitas: & *nemo illi dabat*, scilicet ad facietatem: quia venter impiorum est insatiabilis: demones enim ad hoc student, ne unquam saturitas malorum proveniat. *In se autem reversus*, id est; ad propriam conscientiam, per rationis distamen, à quo recesserat sequendo sensualitatem: homo enim in peccando extra se egreditur: quia limites rectæ rationis transgreditur: & ideo penitendo ad se revertitur. Debet autem penitens, secundum Gregorium, recognoscere ubi fuit, quia in peccato: & ideo debet dolere: ubi erit, quia in iudicio: & ideo debet timere: ubi est, quia in miseria: & ideo debet gemere: ubi non est, quia in gloria: & ideo debet suspirare. *In se ergo reversus, dixit*, penitendo de peccatis & dolendo: *Quanti mercenarii*, id est; DEO servientes pro mercede æterna in domo Patris mei, id est in Ecclesia, seu congregatione iustorum abundent panibus, spiritualibus, scilicet verbi Divini, & Eucharistiæ Sacramenti ac pluribus virtutibus & donis: *ego autem hie fames*.

Exodi 4.

Psalm. 118.

Mali in  
saturabiles.Gregorius  
hom. 34.  
Evang.



Secunda Partis, Caput Septimum.

51

me pereō, id est; penuriā omnis boni, quod privatum me sentio. Surgam de luto culpæ, per infidelitatis vel peccati derelictionem: quia jacebat: & iho per conatū bene operandi, & meliorationem vitæ: quia longē aberat & ad Patrem meum à quo recesseram: quia sub principe porcorum erat & dicam ei, recognoscendo culpam, & petendo veniam: Pater, scilicet ex natura quam dedisti mihi peccavi, scilicet malè vivendo in Cælum, id est; coram Cœlesti curia: scilicet Angelis Sanctis: & ideo multum debeo dolere & flere, quia eos contristavi. Specialiter peccator peccat in Angelum Custodem suum, quia spernit, Ejus consilium: vel in Cælum: quod scilicet per culpam meam amisi, & per meam negligentiam non quæsi: & coram te, scilicet vidente & sciente, id est; in ipso conscientie meæ conclavi: ubi tui solius, qui Judex meus es, penetrant oculi: & ideo multum debeo erubescere & timere, quia peccavi ante oculos Judicis cuncta cernentis. Hic docetur modus confitendi, qui est quod omne bonum attribuamus DEO, quod notatur ibi, Pater à quo scilicet omne bonum habemus: & omne malum quod facimus attribuamus nobis ipsis, quod notatur ibi, peccavi in Cælum, & coram Te. Jam non sum dignus vocari filius tuus. Primò, quia à Te recedens, Te contristavi. Secundò, quia Imaginem Patris non honoravi. Tertio, quia substantiæ meæ prodigus extra disciplinam vixi. Quarto, quia servum alterius, scilicet diaboli me feci. Quintò, quia degener in moribus pascendo porcos exiti. Sextò, quia ingratus Te contempsi. Fac me per condignam satisfactionem, sicut unum de mercenariis tuis: scilicet bonum, qui servit pro æternis: non malum, qui servit pro temporalibus. Quasi diceret: Paratus sum à modo Tibi satisfacere, & servire spe mercedis æternæ: mercenarius enim laborat pro mercede. Ecce ergo post contritionem & confessionem satisfactionis oblatio: hæc est pœnitentia meditantis in confessione peccati, nondum tamen agentis: postquam itaq; ad necessitatem famis pervenerat, in se reversus pœnitentiam agere incipiebat. quia necessitas ipsum compellebat. In quo notare possumus DEI Clementiam, quia etiam peccatores compellit agere pœnitentiam. Intantum enim nostram salutem diligit & quærit, quod omnibus modis quibus potest nos attrahit: quosdam per prædicationem, quosdam per inspirationē, quosdam per beneficiorum largitionem, quosdam per flagellationem. Unde dicit Beda: Prodigus iste postquam in semetipsum reversus diræ famis supplicia formidabat: velut jam servus effectus etiam mercenarii statum de mercede jam cogitans concupiscit. Ad filii affectum, qui omnia quæ Patris sunt sua esse non ambigit, aspirare nequaquam præsumit: sed mercenarii statum jam pro mercede servitutis desiderat. Hæc Beda: Distat autem inter mercenarium, & filium. Mercenarius enim est, qui supplicia metuens solo timore pœnæ præsentis vel futuræ temperat se à vitiis, & declinat à malo. Mercenarius autem, qui causā mercedis & desiderio Regni Cœlestis obedit mandato, & cavet offensas. Filius verò, qui servat jus hæredis, non pro lucro servit mercedis: sed gratia ipsius boni & amore virtutum succensus, quidquid est illi contrarium, toto detestatur desiderio. Et surgens implendo quod deliberaverat, venit, id est venire cœpit, sed ad pœnitentiam, per bona opera disponendo ad Patrem suum, ejus gratiam requirendo. Est enim Pater redeuntibus Clemens. Nam sequitur: Cum autem adhuc longē esset, id est, ad-

Peccare in Cælum.

Indignitas peccatoris.

Beda in cap. 15. Lucæ.

Mercenarius servus & filius.



tritus & motus ad poenitendum. Non tamen perfecte contritus ad quod requiritur gratia DEI praveniens: ideo subditur, *vidit illum Pater*, ipsius, oculò clementiæ ut dicit Chrysostomus: Sensit Pater poenitentiam: non expectavit recipere confessionis verba, sed pravenit petitionem misericorditer agens. Unde subditur: *Et misericordia motus est*, misericorditer Ei inspirando motum poenitentiae. Et velociter accurrens, ipsum praveniendo per misericordiam inchoantem: *cecidit super collum Ejus*, cum amoris amplexibus constringendo, per misericordiam concomitantem: *osculatus est Eum*, dulciter ipsum sibi perfecte reconciliando per gratiam subsequenter. Occurrit quippe DEUS poenitenti per gratiam pravenientem, & recipit Eum per clementiam omnia scelera dimittentem. Unde Gregorius Nissenus: Confessionis meditatio placavit Ei Patrem ut obviam ei iret, & oscula conferret. Unde & Chrysostomus: Quid enim est aliud quod occurrit, nisi quia nos peccatis impredientibus nostra virtute ad Eum pervenire non poteramus: Ipse autem Potens ad invalidos pervenire, descendit? Osculatur autem os ejus per quod emissa de corde confessio poenitentis exierat, quam Pater lætus excipit. Incipit autem jam peccata confiteri. Unde sequitur: *dixit ei Filius Pater, peccavi in Cælum, & coram te, jam non sum dignus vocari Filius tuus*. Quod intellige ut supra: sed hic jam non facit mentionem de statu mercenarii: quia postquam suavissimum osculum recepit: extunc statum mercenarii dedignatur: sed ut dicit Beda, Pater occurrens non contentus minora concedere, utroq; gradu sine dilatione transcurso pristinae Filiorum restituit dignitatem: nec jam de mercede conductoris, sed de hereditate fecit cogitare parentis. *Dixit autem Pater*, scilicet DEUS *ad servos suos*, id est Apostolos & Ecclesiæ Ministros, quibus Christus præcepit benignè recipere poenitentes, & confidentes. *Cito proferte stolam primam*, id est: cito proferendam & restituendam verè poenitentibus innocentiam nuntiate & promittite: *& induite illum*, id est: ostendite verè & certificare illum induendum: *& date annulū*, id est: fidei signaculū docete dandū in manu, id est: in opere ejus: ut per opera fides clarescat, & per fidem opera confirmantur: annulus enim rotundus, cum non habet principium neq; finem, significat fidem æternæ Trinitatis, quo fidelis anima DEO desponsatur: hunc annulum debent Ministri Ecclesiæ in manu dare, docendo ipsū habendum in opere: *fides enim sine operibus mortua est*, & similiter opus sine fide non sufficit: *& calciamenta*, id est Sanctorū exempla, *in pedes ejus*, scilicet in intellectu & affectu. Secundum Chrysost. Ad non tangendum terrena, & ad corrigendum viam, ut per lubricum mundi istius iter, fixus & immaculatus incedat. *Et adducite vitulum saginatum*, id est Christū, quem secundum Chrysostomum, vitulum nominat, propter hostiam & immolationem corporis immaculati, Saginatum autem dicitur, propter gratiarum pinguedinem & plenitudinem: quia pingvis & opimus omni spirituali virtute in tantum est, ut pro totius mundi salute sufficiat, *& occidite*. Hoc est secundum Augustinum, Mortem ejus insinuate: tunc enim cuiq; occiditur, cum credit occisum. Hic ergo vitulus filio revertenti adducitur & occiditur, quando Christi passio gentili populo & cuilibet peccatori prædicatur: aut quando in Sacramento Eucharistiæ ministratur, hic Vitulus semel occisus est in re, sed multoties in Sacramentali representatione, quotidie verò immolatur credentium fide, & prædicant

Chrysostom.  
hom. de Pa-  
tre & duo-  
bus Filiis.

Occursus  
DEI.

Chrysostomus  
ibidem.

Beda in c. 15.  
Lucæ.

Stola prima.

Jacob. 2. de  
Calciament.

Chrysostomus  
hom. de Pa-  
tre & duo-  
bus filiis.

August. li. 2.  
quest. Evan-  
gel. c. 33.



cantium recordatione. *Et manducemus & epulemur*, quia peccator vere pœnitens ad mensam Christi cum aliis Christianis recipitur: & non solum Filius reversus reficitur, sed etiam Pater, & servi Ejus, quia refectio DEI & Sanctorum est salus peccatorum: & ideo benedicit pluraliter, *manducemus & epulemur*. Unde Ambrosius; Epulantem autem inducit, cum dicit epulemur ut ostenderet quoniam Pater-nus est cibus salus nostra: & Patris est gaudium nostrorum redemptionis peccatorum, *quia hic Filius meus mortuus erat*: spiritualiter per infidelitatem, & mortem culpæ: & revixit, per fidem & vitam gratiæ. Vel mortuus erat, per separationem à DEO tanquam à Patre; & revixit revertendo ad D E U M, tanquam ad Patrem suum: quia secundum Augustinum; Vera mors, quam homines non timent, est separatio animæ à DEO. Qui est vera Vita animarum: perierat, scilicet recedendo à consortio Sanctorum, quasi à fratre, & inventus est, quia Matri Ecclesiæ restitutus per baptismum, vel pœnitentiam. Et nota hic circa receptionem peccatoris, quodd Pater de Cœlis recipit pœnitentem velociter: quodd notatur cum dicitur, *accurrens cecidit super collum Ejus*: quia DEUS pronus est ad miserendum, & tardus ad puniendum, cujus natura & proprietas est misereri & parcere: secundò recipit dulciter, reconciliando Eum per gratiam sibi: ideo dicitur, *cecidit super collum ejus*. Tertiò recipit honorabiliter, dando *stolam primam*, id est; restituendo innocentiam quam in baptismo induerat, sed per peccatum perdiderat: & *annulum in manu ejus*: id est; gratiam bene operandi quia non sufficit habere innocentiam, nisi fiant opera bona: sed quia in operando sæpe adversa occurrunt: ideo subditur & *calciamenta in pedes Ejus*: id est; constantiam contra adversa. Quartò, recipit lætanter. Unde dicit, *manducemus & epulemur*, DEUS enim ipsi pœnitenti consolationes & dulcedines, infundit, & in conversione peccatoris Ipse DEUS & Angeli, & omnes Sancti gaudent. *Erat autem filius ejus senior in agro*, id est; Judaicus populus in cultu unius DEI occupatus erat, legem observando, vel Christianus in iustitia perseverans remissè tamen operando: *Et cum veniret & appropinquaret domui*: scilicet Ecclesiæ, *audivit symphoniam & eorum*, scilicet pœnitentes DEUM laudantes, & in Domino gaudentes epulantes: *interrogavit unum de servis, quæ hæc essent*, scilicet festa Ecclesiæ vel gaudia. *Ipseque dixit illi: Frater tuus*, id est; gentilis populus, vel peccator venit: scilicet ad fidem & pœnitentiam: & *occidit Pater tuus*, id est; DEUS qui est Pater omnium per creationem, *vitulum saginatum*, id est; Christum: quod intellige (ut supra dictum est) *quia saluum ipsum recepit*, scilicet gentilem populū & peccatorem. Indignatus est autē frater senior: talis enim aliquando miratur quodd DEUS respicit magis peccatorem conversum, dando ei virtutem fortius operandi & talis admiratio potest dici indignatio largè loquendo in quantum talis non videtur dignus tantò bono, & nolebat introire, scilicet ad convivium, id est; in Ecclesiam, vel peccatorum communionem, propter indignationem. Pater ergo illius, scilicet DEUS volens pacificare & amovere hanc admirationem, seu indignationem & cupiens hanc salvare. *Vult enim*, omnes homines salvos fieri: egressus scilicet de domo synagoge in Ecclesiam, vel de rigore iustitiæ ad misericordiam: capit rogare illum, per se: scilicet interna inspiratione: & per suos Vicarios scilicet Apostolica prædicatione, & aliorum eruditione: ostendens justò quodd hoc non provenit ex parte veteris peccatoris: pœnitentis: sed ex

Ambrosius  
in cap. 15.  
Lucæ.

Augustinus  
serm. 72.  
ad fratres.

Recipiendi  
peccatoris  
modus.

Indignatio  
senioris.

Timot. 2.



*Judicia Dei.* infinita bonitate DEI conferentis, secundum sua vera judicia facultatem omnium transcendentia: & quod quidquid operatur juste sit, licet hominibus aliquando aliter videatur: *at ille respondens dixit Patri suo*, indignationis suae causam ostendendo, *ecce tot annis servo Tibi*, scilicet legis justitiam sectando, vel pro te mala sustinendo, & bona faciendo: *& nunquam mandatum tuum praterivi*, quod scilicet est de uno DEO colendo, vel a justitia incepta recedendo: *& nunquam dedisti mihi haec*, quia omnia beneficia veteris legis modica sunt, & quasi nullius reputationis respectu beneficiorum novae legis, *ut cum amicis meis epularer*, scilicet cum Prophetis, Patriarchis, & Angelis, vel haec, id est tantam peccatorum exprobrationem & abominationem ut epularer per devotionis fervorem. *Sed postquam haec Filius tuus venit*, qui devoravit substantiam suam, scilicet temporalem & spiritualem *cum meretricibus*, id est; cum carnalibus vitiis & spiritualibus: *occidisti ei vitulum saginatum*, scilicet Christum: vel dedisti ei magnae devotionis pinguedinem, quasi diceret, secundum ordinationem tuam hoc fuit. *At ipse*, scilicet Pater: *dixit illi*, scilicet filio suo seniori, tanquam pius Pater ipsum placare volens. *Fili tu semper mecum es*, scilicet per legis observantiam, vel per justitiae custodiam, *& omnia mea tua sunt*, scilicet bona gratiae in te, & bona gloriae in spe: quasi diceret, tanquam jure haereditario per debitum remunerationis tibi omnia mea debentur. *Epulari autem & gaudere oportebat*, quia frater tuus hic, scilicet unde congaudere deberes, non indignari, *mortuus fuerat*, scilicet per privationem fidei, quae est animae vita: vel per amissionem innocentiae, & justitiae: *& revixit*: per susceptionem fidei, & recuperationem innocentiae, *perierat* propter morum amissionem, *& inventus est*, quia redditus Matri Ecclesiae propter emendationem. Movet eum gaudere: quia in hoc apparet optimae bonitas hominis, quando scilicet libenter vi-

*Augustinus* det emendationem & correctionem fratris. Unde Augustinus *Ni-*  
*in epistol. ad hil.* ita probat spirituales virum, sicut peccati alieni curatio: cum  
*Galatas c. 6.* liberationem potius quam insultationem: potius auxilia, quam con-  
*Chrysostom.* vitia meditatur, & quantum facultas tribuit, suscipit. Ubi Chry-  
*hom. de Pa.* sostomus. Haec ergo parabola ad hoc est composita, quod peccato-  
*tre & duo-* res non diffidant reverti: scientes quod magna consequentur, unde  
*bus Filiis.* introducit alios turbatos in eorum bonis, non ut judicet eos livore  
tabescentes, sed tanto decore honoratus redeunt, ut etiam invi-

*Bonitas  
Christi.*

diosi possint aliis fieri. Haec Chrysostomus. Unde Dionysius. Ver optimus, & super optimus, JESUS Christus, qui redeuntibus amabilem se exhibet accedentibus quoque; occurrit & obviat, & totus totos amplectens salutat, & in humeros tollit, quos vix ab errore convertit, nec de prioribus illos accusat, sed diem festum agit, & amicos convocat, & ut sit omnium letantium habitudo, optimos quoque;

*Dionys. epist.* Angelos in letitiam suscitatur. Haec Dionysius. Quotidie DEUS Fi-  
*ad Demophi.* lium recipit revertentem, dum quemlibet peccatorem recipit pa-  
*tr. Monachum.* nitentem, & alia supradicta circa eum facit, dum gratiam in baptismo receperat, & per culpam perdiderat, iterum illi reddidit. Igitur non debemus fratrem nostrum peccatorem contemnere, vel derelinquere, sed revertentem dulciter recipere, ac charitatem circa eum ostendere, & benigne tractare, vel Salvator noster iratus nos peccatores merito contemnat, ut juste derelinquat, considera nunc

*Poenitenti-  
um vis.*

quantum operatur poenitentia, & quanta sit circa poenitentes DEI  
mise-



miseriordia. Unde Bernardus. O felix pœnitentium humilitas, o! *Bernardus de gradibus humilitatis.*  
 bona spes confidentium quàm facile vincis invincibilem, quàm citò tremebundum Judicem convertis in Piissimum Patrem. Et iterum: O! quæ & qualis & quanta est misericordia DEI, quæ peccatorem conversum non minùs diligit, quàm eum qui nullam peccati maculam contraxit. Hæc Bernardus. Tres igitur parabola uno fine clauduntur, de quibus Ambrosius sic loquitur: Non otiosè Sanctus Lucas ex ordine tres parabolas posuit. Ovis quæ perierat, & inventa est: dragma quæ perierat, & inventa est, filius qui erat mortuus, & revixit, ut triplici mediò provocati vulnera nostra curemus. Spæritum enim triplex non corrumpetur: qui sunt isti? Pater, Pastor, Mulier. Nonne DEUS Pater Christus, Pastor: Mulier, Ecclesia? Christus te in corpore suo revehit, qui tuam in se peccata suscepit: quærit Ecclesia, recipit Pater, quasi Pastor revehit, quasi Mulier inquit, quasi Pater vestit: prima misericordia, secunda suffragatio, tertia reconciliatio. Singula singulis quadrant. Redemptor subvenit, etiam suffragatur, Author reconciliatur. Eadem Divini operis misericordia, sed diversa pro meritis nostris gratia. Ovis à Pastore lassus revocatur: dragma quæ perierat invenitur, ad Patrem Filius suis vestigiis redit, & plena condemnati erroris regreditur pœnitentia. Oves sumus, oremus ut super aquam refectiois nos collocare dignetur. Oves inquam sumus, pascua petamus: dragma sumus, habeamus pretium, filii sumus, ad Patrem redire festinemus, nec vereare ne te non recipiat. Non n. delectatur DEUS perditione vivorum. Jam occurrens venienti tibi cadet super collum, Dominus erigit elisos. Osculum dabit quod est pignus amoris: stolam, annulum, calciamenta proferri jubebit. Tu adhuc injuriam metuis, ille restituit dignitatem. Tu supplicium vereris, ille osculum defert, tu convitium times, adornat ille convivium, facile reconciliatur, quando intensè rogatur. Et ideo discamus, quali Pater obsecratione sit ambiendus. Pater, inquit, quàm misericors, quàm pius, qui nec offensus Patrium dedignatur nomen audire: Pater, inquit, peccavi in Cœlum & coram Te. Hæc est prima confessio apud Autorem naturæ, apud Solem misericordiæ, Arbitrum culpæ. Sed & DEUS novit omnia, vocem tamen tuæ confessionis expectat. Ore enim confessio fit ad salutem. Confitere magis ut interveniat pro te Christus, quem advocatum habemus apud Patrem, roget Ecclesia, illachrymet populus, nec vereare ne non impetres, advocatus spòdet veniã Patronus promittit gratiã, reconciliatiõne tibi Paternæ pietatis pollicetur assertor, crede, quia veritas est acquiesce, quia virtus est, habet causã ut pro te interveniat ne pro te gratis mortuus sit. Habet & causam ignoscendi Pater, quia quod vult Filius, vult Pater occurrit tibi, quia audit te in tramentis secreta tractat. Et cum adhuc longè sis videt & accurrit: videt in pectore tuo, accurrit, ne quis impediat complectitur quoq;. In occursum præsentia est, in amplexu clementia, & quasi quidam Patrii amoris affectus: supra collum cadit, ut jacentem erigat, ut oneratum peccatis atq; in terrena defluxum reflectat ad Cœlum in quo suum quærat authorem. Cadit in collum tuum Christus, ut cervicem jugo exuat servitutis, & collo tuo jugum suave suspendat. Hæc Ambrosius. Considera nunc ex promissis, quàm multis modis inducit nos DEUS, ut pusillos & humiles diligamus, nec aliquem ex his con-

*Bernardus de gradibus humilitatis.*

*Ambrosius in cap. 15. Luca.*

*Oves sumus.*

*Rom. 10.*

*Occursus Dei.*



*Chrysostomus* temnamus, sed salutem eorum cum diligentia quæramus. Unde  
*hom. de Pa-* Chrysostomus. Vides per quot inducit nos ad vilium fratrum di-  
*tre & duo-* gentiam, ne utiq; contemnamus tales animas. Etenim hæc omnia  
*bus filiis.* dicta sunt propter hoc: omnia ergo sunt tolerabilia, propter salutem  
 fratris. Ita enim studiosissimum quid DEO est anima, ut neq; pro-  
 prio filio suo pepercerit: ideo rogo mane apparente confestim exe-  
 untes à domo, hanc unam intentionem habeamus, & idem ad omnes  
 studium, ut eum qui periclitatur eripiamus, non dico hoc solum  
 sensibile periculum, sed id quod est animæ, id est; à diabolo homi-  
 nibus infertur: Hæc Chrysostom.

DE MODO CORREPTIONIS FRATERNÆ, Et  
 De dimittendo fratri septuagies septies.  
 CAPUT. VIII.

*Matth. 18.* **E**T quia DEUS gaudet de peccatore converso, consequenter dat  
*Luca. 17.* modum reducendi peccatorem ad ovile Dominicum, & quomo-  
*Correptio* do pereunti per culpam, succurratur per correptionem fraternam.  
*fraternæ.* Circa hanc verò correptionem fraternam est sciendum, quod corri-  
 pere peccantem præceptum est affirmativum, & est omnium in o-  
 mnes. quia secundum Glossam, ita peccat qui fratrem suum pecca-  
 re videt & tacet: sicut qui peccanti non indulget. Ita n. correptio  
 ordinatur ad emendationem fratris peccantis, & ideo est actus cha-  
*Ecclesia. 17.* ritatis, & pertinet ad omnes, quia ut dicitur in Eccles. *Unicuique*  
*Corripiendi* mandavit DEUS de proximo: & ideo sicut quilibet tenetur proxi-  
*forma.* mum ex charitate diligere, ita tenetur defectus ejus charitative ad  
 emendationem ejus corrigere. Plus tamen ad hoc ligantur Prælati quā  
 alii, quia Prælati ex zelo charitatis, & ex officio prælationis, sed alii  
 tantum ex zelo charitatis. Item Prælati habent corripere verbò &  
 flagellò, alii tantum verbò. Et cum sit præceptum affirmativum li-  
 gat semper, sed non ad semper exequendum, sed pro loco & tem-  
 pore quod non licet & expedit, & homo credit quòd correptio sit uti-  
 lis apud illum quem corrigere intendit. Sunt autem quinque ca-  
 lus in quibus absolvitur homo ab isto præcepto. Primus est cum non  
*Hieronymus* sit aliqua spes correctionis. Unde Hieronymus. Frustra niti, & ni-  
*Epistol. ad* hil quā odium quærere, extremæ dementiæ est. Secundus, cum  
*Domin. &* timetur defectus probationis, & criminaliter agitur, ubi scilicet a-  
*Rogat. tom. 3* ctor ad talionem, si in probatione deficiat, obligatur. Tertius, cum  
 Prælato tanquam Judici notum est factum, quia ille notorius est, vel  
 convictus. Quartus, cum meliori operi, vel ad minus æque bono  
 vacat, sicut monachi facere debent. Quintus, cum multitudo vel  
 potestas est in culpa: ubi correptio plus noceret Ecclesiæ, quā pro-  
 deffet. Unde est versus.

*Non spes, non testis, plebs, præsul scit, Monachus sum.*

Ostendit ergo hic debitum modum correptionis hujus, & quis  
 ordo in processu ejus sit servandus. Quia peccatum fratris aut est  
 tibi soli cognitum, aut aliis paucis est notum aut publicum. Si tu  
 solus sis, non ut DEUS per confessionem, sed ut homo per certam  
 cognitionem, debes ipsum corrigere amicabiliter, secrete, & seorsum.

*August. serm.* Unde dicit: *Si peccaveris in te*, id est; secundum Augustinum, te sci-  
*16. de verbis* ente, frater tuus scilicet proximus, corripe, & increpa eum, dulciter &  
*Dominus,* cha



charitative movendo secretè *inter te & ipsum solum*, ut non deducatur in publicum quoddam est occultum: ut sic sis emendator, non criminis proditor: intendens correctionem, parcens pudoris ne si publice correptus semel pudorem aut verecundiam amiserit, in peccato permaneat: & pertinacior effectus difficilè emendabilis maneat: fortè n. præ verecundia incipiet defendere peccatum suum: & quem vis facere correctionem, facis peiorem. Peccat ergo frater in illos quibus scientibus peccat: quia quantum in eo est, exemplo corrumpit, quos testes suæ iniquitatis efficit. Corripe, inquam, eum: non laudes adulando: non occidas, convitiando: non fileas, vercôdâdo: non negligas, pigritando: non dissimules inimicitias vel damna temporalia metuendo: non juves, obsequium præstando. Unde dicit Seneca: Amici vitia si feras, facis tua. Bis peccas, cum peccanti obsequium accommodas. Hæc Seneca. *Et si te audierit penitendo, & à peccato cessando, lucratus eris illum, animam ejus salvando, & ejus revocatio cedit tibi in lucrum spirituale: scilicet salutis animæ tuæ: quia (ut dicit Hieronymus per salutem alterius, nobis quoq; acquiritur salus. Et certè libenter ac patienter, debet quis recipere correptionem, propter animæ suæ utilitatem. Unde Seneca: Moneberis libenter, & reprehenderis patienter, si meritò objurgavit te aliquis, scito quia profuit: & si immeritò, scito quia prodesse voluit. Non acerba, sed blanda verba timeas. Hæc Seneca. Si autem te non audierit, taceas & cesses, donec aliam viam procedendi habeas. Alia autem via potest haberi dupliciter: quia illud peccatum aut est iterabile, aut non. Si sit iterabile: debes aliquibus bonis qui velint prodesse aliquid discere, per quod possunt eum depræhendere ut tecum possint eum corripere. Si autem non sit iterabile: nihilominus coram talibus potes eum corripere ut de illo poeniteat, & de simili sibi timeat: nec es proditor fraterni criminis sicut dicit Augustinus. Si ergo per primam viam peccator non emendatur: adhibe tecum unum vel duos, ita quod (secundum Hieronymum) cum peccator non audit corripientem in secreto. Primò, debet adhiberi unus, qui (secundum Augustinum) vult prodesse non obesse, quod si nec illum audierit, adhibeatur & tertius, vel corrigendi studio: ut scilicet aut admonitione, aut pudore corrigatur. Vel conveniendi eum sub testibus, ut de peccato vincatur, vel secundum Glossam: Si dixerit non esse peccatum, probent contrarium: ut in ore duorum vel trium stet omne verbum. Si ergo peccatum omnino est occultum, tunc frater corripiatur occultè. Si autem est publicum, tunc debet corripì publicè: quia tunc non solum opus est, ut ipse emendetur: sed & alii quos scandalizavit in ipsa punitione edificentur, & ejus exemplo alii timeant, & à malis coerceantur. Et si non profit, secunda via: addit Dominus tertiam, quæ habet vim coactivam, dicens, quod si eos, scilicet tecum corripientes & commonentes, non audierit, se corrigendo, dic Ecclesie, id est Prælato per denuntiationem publicam, sibi intimando: ut qui prius erat corrector, propter ejus pertinaciam fiat accusator: & tunc sunt testes ut qui emendari noluit correctione fraterna, in judicio convictus coerceatur à malitia. Quos autem non potes corripiendo aut monendo, vel accusando converttere: studeas salutem orando acquirere: deinde ad poenam peccantis, publicè procedit dicens: Si autem & Ecclesiam non audierit: præceptum Prælati contemnendo, sit tibi sicut Ethnicus & Publicanus: in numero fratrum*

Peccare in te. Corripiendo peccator.

Seneca in proverbis.

Augustinus ibidem. Hieronymus in cap. 18. Matth.

Glossa in Matth.



*Ethnicus.*  
*Publicanus.*

*Correptionis*  
*triplices*  
*differentia.*

*Accusandi*  
*se forma.*

*Sententia*  
*Pastoris.*

*Excommu-*  
*nicatio autē*  
*injusta ti-*  
*menda.*

*Communi-*  
*onis commoda*

*Exaudiri*  
*orantes.*

trum non computandus, id est; sepatetur à communione fidelium per excommunicationem & censuram Ecclesiasticam, & devota eum tanquam hæreticum & excommunicatum, ut vel saltem pudore corrigatur & opprobriis salvetur. Ethnicus dicitur gentilis. & *Ovos* enim Græcè: gens est Latine. Publicanus dicitur, qui lucra sæculi sectatur per fraudem, furta, & perjuriam: vel qui publicorum exactor est vectigalium. Proponuntur autem isti in exemplum: quia apud Judæos, quasi excommunicati habentur, non enim eis condonatur: & in hoc culpa ejus & pertinacia, magis detestabilis ostenditur. Detestabilior, nēpe est in eodem genere peccati, & paribus aliis circumstantiis, qui sub nomine fidelis agit opera infidelium, quàm qui aperte gentiles sunt. Nec tamen ideo negligenda est salus ejus. Nam & ipsorum gentilium & publicanorum salutem semper inquirimus. Prima ergo correptio, est amoris. Secunda, timoris. Tertia, pudoris, quia primò frater revocandus est amore: & si hoc non proficit, revocandus est timore: & si hoc non sufficit, revocandus est pudore. Sanè prædictus ordo fraternæ correptionis, intelligitur tantum de criminalibus. Solent autem claustrales se in suis capitulis accusare non præmissa admonitione: caveat tamen accusans, ne hoc ad infamandum, sed ad corrigendum faciat: quia aliter graviter peccaret. Felicius est qui seipsū accusat, & excusationē aliunde nō expectat. Et ne quis superbus sequestrationē vel excommunicationē talē cōtemneret: potestatem tribuit Apostolis, ut sciāt qui à talibus damnantur eorum sententiam non contemnendam: quia robur & firmitatem habet à DEO confirmante in Cælo, quod Minister ejus facit in terra. Unde dicit: *Amen dico vobis, quæcunq; ligaveritis super terram, id est; in Ecclesia militante, ab ea excludendo: erunt ligata & in Cælo, id est; in Ecclesia triumphante, quia talis sententia confirmabitur Divino judicio, & quæcunq; solveritis super terram, vocando ad Ecclesia unitatem: erunt soluta & in Cælo, per Divinam approbationem: ac si dicat; Sententia vestra firma stabit in abiiciendo contumacem, & in recipiendo pœnitentem: adhibita tamen debita diligentia inferendo sententiam. Sive autem justè, sive in justè proferatur: semper sententia Pastoris timenda est, ne fortè culpa quæ non fit ex opere, fiat ex elatione. Hoc dicit ad commendationem authoritatis Ecclesiæ, & ad terrorem peccatorum, ut coerceantur à malis, & pœniteant de commissis: quando audiunt quod hic in terra propter culpam, ligati, ligamur & in Cælis. Quod verò hic generaliter omnibus dicitur, dictum fuit suprâ Petro singulariter: in quo tamen omnes intelliguntur. Deinde ut peccatores non contemnant pœnam qua ab Ecclesia excluduntur, ponit duo commoda ex unitate & communione Ecclesiæ: quibus ab Ecclesia præcisi, & excommunicati privantur. Primum tangit, cum dicit. *Si duo ex vobis consenserint, in bono: per unionem fidei, & nexum charitatis, super terram, ubi est opportunitas merendi vel de merendi, & de aliis judicandi: de omni re quæcunq; petierint, cum fide & sine hesitatione, fiet illis: meritò unitatis à Patre meo Cælesti. Sēper ergo orantes exaudiuntur; cōcurrentibus cōditionibus ad hoc requisitis: ut scilicet orent propter se, ac pie, & perseveranter, & petant expedientia, scilicet ad salutē pertinentia, ac DEI ordinationi convenientia: & si digni sunt ipsi qui petunt. Et ideo si non exaudiuntur, ideo fit quia in aliquo horum deficiunt. Sape autem pro aliis exau-**



exaudiuntur: etsi non oratio eorum in sinum eorum convertetur. Ubi Origenes: Et ista est autem causa propter quam non exaudimur orantes: quia non consentimus nobis per omnia super terram, neq; dogmate, neq; conversatione. Sæpe enim in musicis, nisi fuerit convenientia vocum, non delectat audientem: sic in Ecclesia nisi consensum habuerit, non delectatur DEUS in ea: nec audit voces eorū. Ubi & Hierony: Possumus autē & hoc spiritualiter intelligere: quod nisi Spiritus & anima corpusq; consenserint, & non intra se bellum diversarum habuerint voluntatum, de omni re quam petierint impetrent à Patre. Nulli dubium est quin bonarum rerum postulatio sit, ubi corpus vult habere ea quæ Spiritus. Hæc Hieronymus. Secundum commodum est, quia ubi duo vel tres, multo magis ubi plures, congregati fuerint, id est; uniti per fidem & charitatem: non divisi, per discordiam & dissentionem: non dispersi, per terrenarum rerum concupiscentiam: non segregati, per singularitatem, in Nomine meo, id est; ad salutem propriam vel alienam quærendam, ad gloriam nominis mei manifestandam. Unde Rabanus: In Nomine Domini congregati sunt, qui ipsius gloriam æmulantur: ipsius spiritu fervent, ipsum in omnibus & per omnia fidei oculis & mundo corde non desinunt intueri. Ibi sum in medio eorum: favens eis, & acquiescens bonæ voluntati & petitioni eorum, acjuvans eos in omnibus. Iple enim qui est Pax & charitas, ac Summum & Commune Bonum sedem atq; habitationem sibi in bonis atq; pacificis collocavit: qui cum Patre Cœlesti unus DEUS, quæ justè petunt in fide & gratia congregati, concedit & facit. Ubi Chrysostomus: Non dicit simpliciter, ubi congregati fuerint: sed addit, in Nomine meo, quasi dicat: si quis propter me, principalem amicitie causam ad proximum habuerit, cum Eo ero: & sic in aliis virtuosus erit. Ubi & Rabanus: Amat medium mediator DEI & Hominum, qui in medio Doctorum inventus est: medius stetit ad baptismum: medius pependit in cruce, resurgens quoq; stetit in medio discipulorum: medius quoq; ad iudicium veniens, separabit agnos ab hædis. Hæc Rabanus. Ecce præmium concordie ad quam totus iste sermo vocat. Unde Hieronymus. Omnis superior sermo nos ad concordiam provocaverat, igitur & præmium pollicetur, ut solliciti festinemus ad pacem, cum se dicat inter duos vel tres medium fore. Hæc Hieronymus. Considera nunc quantam charitatem & diligentiam circa proximum ostendere debemus, ut ipsum ab errore revocemus. Non est enim major charitas, quam fratrem peccantem corripere, & pro eo mori. Sed heu in paucis vera charitas & dilectio, quam propter Christū est, experitur. Unde hic ait Chrysostomus. Plures videmus alias habentes amicitie occasiones, hic n. quando diligitur diligit: ille autem quoniam honoratus est, ille autem quoniam in alio quodam negotio sæculari fuit utilis, ille autem propter aliud tale: propter autem Christum difficile est invenire aliquem propriè, & ut oportet diligere cum proximum quem diligit, sed omnia perscrutantes, invenimus apud multos amicitias pœticas, id est; fictitias, magis quam hoc. Hæc Chrysostomus. Quia verò Dominus supra loquens de correctione fraterna, induxit ut peccanti & penitenti remitteretur injuria, ne dubitetur de numero, quærit Petrus caput discipulorum quoties fratri peccanti sit remittendum, & petit si sufficiat ad salutem dimittere septies peccanti in eum. Cui interrogationi benignus

Origenes  
tractat. 6.  
in Matth.

Hieronymus  
in cap. 12.  
Matth.

Chrysostomus  
hom. 61.  
in Matth.

Hieronymus  
in cap. 12.  
Matth.

Chrysostomus  
hom. 61.  
in Matth.



*August. ser.* dignus & misericors Dominus respondit, quod non solum septies, sed  
*15. de verbis septuagies septies* remittendum sit. Secundum Augustinum. Solet per  
*Domin.* septem cujuslibet rei, aut temporis universalitas indicari. Unde in  
*Psal. 118.* Psalmo canitur. *Septies in die laudem dixi tibi*, nihil aliud est, quam  
*Psal. 33.* *semper laus ejus in ore meo.* Undenarius vero transgressionem signi-  
*Undenarius* ficat, quia ubi transgrederis denarium, in quo decalogus consistit,  
*septuagies* ad undenarium vadis: transgressio autem peccatum est. Omnem  
*septies.* ergo transgressionem & injuriam, ac omnia peccata intelligi & di-  
 mitti voluit, quando septuagies septies dixit: quod ex numero uni-  
 versitatis, & numero transgressionis, id est, ex septem & undecim  
 compositum est, quia si undecim ducas septies, fiunt septuagies se-  
 pties. Vel ponitur hic numerus determinatus pro indeterminato:  
*Augustinus* ac si, secundum autem Augustinum diceret. Totiens quotiens, hoc est  
*ibidem.* omnino quotiescunq; peccaverit, totiens dimittas. Ille vero nume-  
 rus potius ponitur, quam aliquis alius, quia ab Adam usq; ad Chri-  
 stum fuerunt septuaginta septem generationes: & ideo sicut Chri-  
 stus totius humani generis delevit culpas: sic & homo omnes suas  
 debet dimittere injurias. Si enim Christus millia peccatorum in-  
*Chrysostom.* venit, & tamen omnia donavit: noli subducere misericordiam. Un-  
*hom. 61.* de secundum Chrysostomum, cum dicit, septuagies septies, non nu-  
*in Matth.* merum certum & determinatum ponit, sed quasi infinitum, quod  
*Hieronymus* continuè & semper est, significavit. Et secundum Hieronymum.  
*in cap. 18.* Septuagies septies accipitur pro septies septuaginta vel septuagies.  
*Matth.* septem, id est, quadringentis nonaginta vicibus, ut totiens peccan-  
 ti fratri dimittas in die, quotiens ille in die peccare non poterit, vel  
 quotiens peccaverit, ut non sit modus in te, nec numerus in remit-  
 tendo, sed semper dimittas. Et sic prima expositio refertur ad o-  
*Beda in cap.* mnem injuriam: secunda ad omne tempus. Unde Beda. Septena-  
*17. Luca.* rio numero non veniè dandæ terminus ponitur, sed vel omnia pec-  
 cata dimittenda, vel semper pœnitenti dimittendum præcipitur. So-  
 let enim sæpe per septem cujuslibet rei, aut temporis, universalitas  
 indicari. Et iterum: Cautè intuendum est, quia non passim peccan-  
 ti: sed pœnitentiam agenti dimittere jubemur. Et primò quidem  
 peccantem misericorditer increpare, ut si cui postmodum habeamus  
 justè dimittere. Qui ergo videns fratrem peccare tacuerit, non mi-  
 nus Dominici præcepti transgressor est, quàm is qui eidè pœnitenti venià  
 dare noluerit, quia qui dixit. Si pœnituerit, dimitte: præmisit: Si pecca-  
 verit: increpa. Itaq; venia fratri post increpationem largienda est sed  
 illi utiq; qui pœnitendo ab errore cōvertitur, ne vel difficilis venia, vel  
 remissa sit indulgētia. Hæc Beda. Peccatè itaq; ut cōvertatur corri-  
 piamus, & pœnitentē loca charitate colligamus, donantes nos met-  
 ipsis, secundum Apostolum, sicut DEUS in Christo donavit nobis.  
*Coloss. 3.* Unde Ambros. Discas frequenter ignoscere, nec indignationem  
*Ambros.* intenerere: nihil nēpe est quo possit offendi, cui ignoscendi est consuetu-  
*c. 17. Luca.* do. Discas donare injurias tuas, quod persecutoribus suis Christus  
*Remissio* ignovit. Hæc Ambros. Utrum autem teneatur quis remittere in-  
*integra.* juriam inimico non petenti, est distingvendum. Et injuria n. ori-  
 tur primò rancor, in affectu: secundò, rancoris signum, in effectu.  
 Primum tenetur quilibet statim remittere, etenim si injurians non  
 petat veniam. Secundum tenetur remittere veniam veraciter pe-  
 tenti, id est, parato emendare secundum suam facultatem, & tenetur  
 ei dicere ave, & subvenire sibi si indiguerit, quod non petenti facere  
 non



non tenetur, nisi perfectus fuerit: licet ergo non agatur hic nisi de dimissione pœnitentis, tamen & pœnitenti & non pœnitenti, tenetur quilibet rancorem odii dimittere: alioquin non habetur charitas, & in articulo necessitatis necessaria etiam ministrare. Perfecti verò qui omnia reliquerunt, & pœnitentibus, & non pœnitentibus, tenentur veniam dare, obvios in via salutare: circa articulum necessitatis necessaria ministrare, & multa in hunc modum facere, ad quæ non tenentur imperfecti. Utrum verò ille cui facta est injuria, debeat amicitiam querere. Sciendum quod duplex est debitum. Primum est necessitatis, sine quo non est salus. Secundum: est perfectionis. Quantum ad primū debitū, nō tenetur quis reconciliationē querere, sed de secundo dicit Chrysostom. quod talis debet recōciliationē querere, ut duplicē coronā assequatur: unā quia injuriā passus est: alteram, quia prior rogavit. Unde iterum ibidem Chrysostom. Excogita quantum noxius es, & non solum non moram facies ad remissionem qui tibi injustitiam fecerat, sed & cures eos qui te contristaverunt. ut fiat tibi remissionis occasio, ut invenias curationem priorum malorum. Mercedem ineffabilem determinat DEUS, ut prœvenias illum qui injusta tibi fecit: qui si rogatus reconciliatus fueris non adhuc DEI prœcepto facta est amicitia, sed studio illius. Itaque sine corona abscedis illo bravium accipiente. Sed mala passus es. Sed nihil tantum quantum sibi ipsi operaberis malum rememorans. Sed non possibile est virum bonum aliquod malum pati. Si autem dixeris quoniam inflammatus es contumeliā memorans: recordare si aliquod factum est tibi bonum ab eo qui te contristavit, & quot tu aliis fecisti mala. Malè tibi dixit, & confudit: reputa quoniam & tu aliis dixisti. Qualiter igitur poteris veniā, in quibus aliis non parcis? Sed nulli male dixisti, sed audisti dicentes, & acceptasti neq: hoc est innoxium. Nihil autem ita dilectionem conservat, ut non meminisse eorum qui in nos peccaverunt. Hæc Chrysost: Advertendum autem, quod licet offensa sit semper remittenda, non tamen injuria. Si enim ex remissione injuriæ & pœnæ debitæ, sequeretur pronitas in eo cui remittitur ad facilius peccandum: non esset bonum ei remittere. Similiter si ex tali remissione esset scandalum aliorum, & omissio justitiæ. Et sic in casibus consimilibus intellige. Dimittamus ergo debitoribus nostris debita pœna peccati, si pœniteant in nos peccasse: dimittere verò quod quis in DEUM peccat, non est nostri arbitrii. Sed ut dicit Hieronymus. Nos e contrariò in DEI injuria benigni sumus, in nostris contumeliis odia exercemus.

Chrysostom.  
ho. 11. operis  
imperfectio.

Bonus malū  
non patitur.

Offensa solum  
per, sed non  
semper inju-  
ria remit-  
tenda.

DE REGE QUI VOLUIT RATIONEM PONERE

cum servis suis.

CAPUT. IX.

Quod autem dimittendum sit fratri peccanti: & non tantum septies, sed septuagies septies, & quod hoc non debeat alicui grave aut difficile videri. si attendatur quod DEUS majora remittit in se peccanti: ostendit Dominus per exemplum, quia magis sumus debitores DEI, & plus offendimus eum quam homo posset offendere proximum: Tanta n. est offensa, quantus est ille qui offenditur: DEUS autem est infinitus, & ideo offensa in ipsum commissa

Tanta est of-  
fensa, quan-  
tus offensus.

quan



quandam habet infinitatem: & tamen quotienscunq; offendimus, totiens ipse paratus est remittere: dum tamen velimus veraciter poenitere: ergo si ipse qui est Dominus, & Rex omnium dimittit servos: multò fortius & nos debemus dimittere peccanti in nos fratri & proximo. Et ideo pro exemplo ponit parabolam, de Rege qui voluit rationem ponere cum servis suis: & in fine applicat parabolam ad propositum, dicens: *Sic & Pater meus Cælestis faciet vobis.* Similiter n. DEUS ponit rationem cum servis suis, scilicet hominibus: nam omnium actus DEUS discutit diligenter, & merita cujusq; examinat, & hoc per scripturas, per creaturas, per Confessores, per illuminationem propriæ conscientiæ, nolens rationem de factis humanis exigere. Potest ergo parabola ad propositum aptari, & sic exponi: *Simile est Regnum Cælorum:* id est; status Ecclesiæ militantis, seu præsentis temporis, quæ Regnum Cælorum dicitur, tum quia legibus Cæli subicitur, tum quia de ea ad Cælum pervenitur, *homini Regi* id est; Christo, qui est verus Homo, & verus DEUS, Rex Regum, & Dominus Dominantium, *qui voluit rationem ponere cum servis suis,* scilicet hominibus: quorum est Dominus, quia ad ipsum pertinet ex-

*Ratio de o-* minatio meritorum quorumlibet, & singulorum. Et notandum  
*minibus red-* quòd Dominus ponet nos ad rationem de omnibus bonis nobis com-  
*denda.* missis, & bonis omissis. Itemque de malis à nobis commissis, & de malis à nobis dimissis. De primo est parabola de villico iniquitatis: & ista computatio multum timenda est, multa enim bona nobis commissæ sunt, & magni valoris, scilicet bona naturæ, gratiæ, & fortunæ: de quibus omnibus oportet reddere rationem, qualiter eis usi simus. Et si non haberemus reddere rationem nisi de tempore, multum esset nobis timendum, omne enim tempus homini impensum, requiretur ab eo qualiter fuerit expensum: & una hora temporis potest homo absolvi à debito, & Regnum Cælorum lucrari. De secundo est parabola de talentis: & hæc etiam computatio multum est timenda, cum Dominus dicat ibidem, inutilem servum proiciendum in tenebras exteriores. De tertio, computatio etiam multum est timenda, cum Dominus positurus sit rationem etiam de cogitationibus, & verbis otiosis. De quarto est parabola præsens, & hæc computatio multum est timenda, propter vitium ingrati- tudinis, quod est valde periculosum. *Et cum incipit ponere rationem,* id est; merita & conscientias examinare, in qua examinatione modò sumus, sed postmodum dabitur de nobis sententia, secundum merita: *offertur ei unus debens decem millia talenta,* id est; obligatus ad magnam poenam, propter multa peccata. In debito istius denotatur gravitas, & numerositas peccatorum, & accipitur determinatus numerus pro indeterminato. Unde Augustinus:

*Augustinus*  
*15. de*  
*Dom.*

Quia lex in decem præceptis commendatur: ille debebat decem millia talentorum, per quod omnia peccata designantur, quæ scilicet contra legem fiunt. *Cum autem non habet, unde reddat,* id est; cum non potest viribus suis DEO satisfacere pro peccatis. Homo enim per se potest ruere, sed non resurgere, per se offendere & peccare, ac per hoc debitum contrahere, sed non per se satisfacere, nisi gratia DEI accedente: & si homo pro uno tantum peccato non sufficit satisfacere, multò minus pro decem millibus peccatorum talentis: *jubet eum Dominus venundari,* in servitutem poenæ: quia secundum Remigium: Pretium hujus venditi, supplicium est damnati: &

*uxorem*



Secundæ Partis Caput Nonum.

63

uxorem ejus, id est; concupiscentiam, ex qua concipiuntur mali filii;  
 & filios ejus, id est mala opera: in homine enim spiritus est vir, sen-  
 sualitas mulier: per quorum commixtionem filii, id est; opera gene-  
 rantur: uxorem ergo & filios venundari, est pro concupiscentiis in-  
 terioribus, & malis operibus exterioribus pœnam solvere, quod  
 est pretium ejus: & omnia quæ habet, scilicet temporalia: quia tota  
 substantia sua pro magnitudine delicti traditur quandoq; extraneis:  
 vel omnia quæ spiritus habet, sunt vires animæ & corporis: & etiam  
 bona exteriora, quæ omnia in pœnam commutantur: ut pœna do-  
 minetur ei quantum, ad omnia in quibus peccavit. Unde subditur,  
 & reddi, tunc enim debitum peccati redditur, cum pro eo pœnæ  
 pretium exolvitur. *Procidens autem servus ille*, id est: peccator, per  
 pœnitentiam & humilitatem sui: qui prius quasi collum contra DE-  
 UM erexerat, obnixè rogat eum dicens: *Patientiam habe in me*, do-  
 nando mihi vitæ & pœnitentiæ spatium condonando delictum, re-  
 laxando supplicium, & omnia reddam tibi: opera meritoria faciendo,  
 & me emendando: tuâ patientiâ expectatus, tuâ gratiâ præventus,  
 tuâ misericordiâ adjutus. *Miserus autem Dominus*, quia misericors  
 & miserator Dominus paratus est misereri & parcere verè pœniten-  
 tibus: *servi illius*, sic procidentis in contritione: sic dicentis in con-  
 fessione, sic promittentis de satisfactione: *dimittit eum* liberum à ca-  
 ptivitate culpæ & debitum dimittit ei, relaxando reatum pœnæ æter-  
 næ: dimittit totum, quia plus dat quàm rogetur. Unde Chrysost. *Chrysostom.*  
 Vide misericordiam DEI. Petierat dilationem, & accepit omnium *hom. 92.*  
 peccatorum remissionem: *egressus autem de obligatione peccati, ser-*  
*vus ille* à debito quidem liber, sed iniquitatis servus, & misericor-  
 diæ inventæ oblitus: *invenit unum de conservis suis*, id est; de peccato-  
 ribus & hominibus, qui sunt servi DEI cum ipso. Omnes enim con-  
 servi, & unius Domini servi sumus, & nos & Angeli: *qui debebat ei*  
*centum denarios*, id est; parum offendit eum, & in modico tenetur  
 respectivè, quia offensa in hominem, modica est respectu offensæ cõ-  
 missæ in DEUM, invenit autem in animo per recordationem inju-  
 riæ: & tenens suffocat eum, stringendo & arctando, quia crudeli-  
 ter coegit eum reddere & satisfacere. Ille debitorem tenet, qui  
 offensum tenet in memoria, qui iram & odium servat in corde.  
 Suffocare, est strangulare vel stringere per gulam, & quia gutture  
 loquimur, ille suffocat proximum, qui verba excusationis non au-  
 dit. In quo ostenditur austeritas in repetendo vindictam à proxi-  
 mo. Unde Remigius: *conservum suffocare, est in fratrem per vin-*  
*dictam exardescere.* Tenens ergo suffocat eum, dicens, *redde quod*  
*debes*, scilicet tormentum pro injuria, pro verbis verbera. *Et proci-*  
*dens per pœnitentiam: rogat eum dicens, patientiam habe in me*, id est  
 parce mihi, & omnia reddam tibi. Quasi dicat paratus sum secun-  
 dum possibilitatem meam satisfacere: & ut dicit Remigius, emen-  
 dabo judicio vel consilio Ecclesiæ quod deliqui. Attende quod ea-  
 dem verba prout conservus supplicans, quibus supplicando à Do-  
 mino remissionem meruerat malus servus. Sed ut dicit Chrysost. *Chrysostom.*  
 Hæc verba ingratus servus reveritus non est, quibus salvatus est. *hom. 62.*  
 Ille autem non vult habere patientiam, præstando dilationem, nec  
 vult dimittere sine vindicta rancorem, ostendens crudelitatem in  
 modo repetendi vindictam. Unde Augustinus. Non talem inve-  
 nit iste conservum, qualem ille invenerat Dominum. Petiit ille di-  
 latio- *August. ser.*  
 Domin-



dilationem, & meruit remissionem, iste qui misericordiam petebat dilationis sensit poenam suffocationis. *Sed abiit in viam Cayn, à naturali pietate recedendo, & à familiaritate & amicitia proximi se alienando: & mittit eum in carcerem crudeliter affligendo donec reddat debitum plenarie & ad nutum satisfaciendo, hic carcer infernus potest intelligi: Totiens verò peccantem in nos proximum in carcerem mittimus: quotiens ejus culpæ non indulgemus, quantum enim in nobis est dum non parcimus, carceri damnamus. Videntes autem conservi ejus, scilicet Angeli, qui secundum Apocalypsim conservi sunt nostri, quia ejusdem Domini sumus servi quæ fiunt, scilicet crudeliter à servo in conservum suum: omnia enim opera quæ agimus, & supplicia quæ patimur vident: & coram DEO repræsentant. Tres Testes inveni enim testes habemus à quibus non abscondimur: scilicet DEUM, tabiles tres. Angelos Sanctos: & dæmones. Videntes inquam contristantur de ingratitude & culpa servi, de afflictione & pœna conservi. Angeli enim contristantur ad culpam, lætantur, ad poenitentiam, & ferunt animas ad gloriam & narrant Domino suo omnia ad DEUM referendo, conquerendo, & auxilium implorando. Vel isti conservi sunt Ecclesiarum ministri, & quique fideles & justi: qui videntes crudelitatem hominum erga proximos, vel aliquem fratrem remissionem peccatorum ademptum non velle misereri conservi sui, contristantur: quia ad eandem virtutem pertinet gaudere de bono, & contristari de malo: & narrant Domino quia in oratione petunt à Domino talia judicari ad declarationem justitiæ, non ex livore vindictæ. Vel Domino narrare est dolores & cōtritiones cordis in suo affectu DEO demonstrare. Vel cum veniunt ad Dominum, id est ad prælatum, qui vicem DEI gerit in terris: denuntiant ei mala facta ad finem correctionis, Tunc vocat eum Dominus per sententiam mortis: & de hoc sæculo migrare jubet, ut de omnibus rationem reddat. Unde Remigius: Hæc vocatio non fit modò intus in conscientia, sed fit exterius in judicio. Et ait illi, *Serve nequam*, quia non est æquus: sed iniquus recipiendo misericordiam, & reddendo immisericordiam seu injuriam: *omne debitum dimisi tibi*, id est; magnā offensam in me commissam. In hoc (secundum Chrysostomum) patet magnum esse peccatum ingratitude: nam primò quando debitor erat decem millium talentorum, non eum nequam appellavit: non sibi insultavit, sed ubi incurrit vitium tantæ ingratitude, animo irato ait ei: *serve nequam*, quia peior es effectus quàm primò. Nam (secundum Gregorium.) Sicut boni contumeliis efficiuntur meliores: sic semper reprobi de beneficio efficiuntur peiores. Nonne ergo oportuit & te misereri conservi tui? remittendo parva, sicut & ego tui misertus sum, remittendo majora: nulla quippe interveniente satisfactione, sed ob hoc solùm, quia rogasti me, rogasti dilationem, sed meruisti remissionem. Oportuisset quidem ut tali provocatus beneficio totum etiā debitum relaxares roganti: sed tu etiā quod minùs est facere noluisti, quia dilationem concedere recusasti. Ubi Chrysost: Si grave videtur damnum, afficere debuit luctum: si grave videtur præceptum, cogita præmium: si grave sit remittere ei qui contristavit, gravius est incidere in gehennam. Secundum Remigium. Servus iste nullum responsum legitur dedisse Domino, in quo demonstratur quòd in die judicii, & statim post hanc vitam cessabit omnis peccati excusatio. Et iratus Dominus non per affectu*

Remigius  
in eum locū.

Chrysostom.  
hom. 62.  
in Matth.

Gregor. 1. 2.  
moral. c. 23.

Chrysostom.  
hom. 62.  
in Matth.



affectum sed similitudinem affectûs hominis irati, id est; ad modum irati se habens pœnam inferendo *tradet eum tortoribus*, id est; dæmonibus & ministris tartareis, qui in hoc sunt Divinæ justitiæ executores: quia tortores patimur in pœna, quos passi sumus svasores in culpa, *quoadusque reddat per pœnam universum debitum commissum per culpam*: & hoc erit æternaliter & in perpetuum. Quousq; enim ponitur pro infinito, sicut donec ponitur ibi, non cognovit eam donec peperit: & est sensus, semper solvet & nunquam persolvat: neque reddet aliquando, sed semper pœnam luet: nunquam enim reddere poterit, quia æternaliter damnatus erat. Nam in inferno semper est redditio absque acquisitione, cû pœna semper maneat sine fine: quia ibi non est locus redemptionis vel satisfactionis, sed condemnationis & punitionis. Quod autem hanc totam similitudinem ad hoc attulerit Ipse Dominus, eam modò quò dictum est ad propositum adaptando exponit, dicens: *Sic & Pater meus Cælestis faciet vobis universum debitum à vobis exigendo, & vos tortoribus cruciandos tradendo*. Secundùm Chrysost.  
Chrysostom.  
ibidem.  
Hieronym.  
in cap. 18.  
Matth.  
Gregorius  
lib. 4.  
dialogorum.  
cap. 60.  
Joann. 8.  
Peccatorum  
reditio.  
Cass.  
in qui  
bus peccata  
reducunt.  
Fra-

vester, sed Pater meus: non enim dignum est hominis talis vocari Patrem DEUM, qui ita perniciosus & odiosus est. Ubi Hierony. Formidolosa sententia: si parva fratri non dimittamus, magna nobis à DEO non dimittentur. Et quia unusquisq; potest dicere ore, nihil habeo contra eum: habet DEUM Judicem qui simulationem fiste pacis aufert dicens: *Si non remiseritis unusquisq; fratri suo*, non solum ore, sed etiam de cordibus vestris: non fista pace, sed vera & integra dilectione. Quia non sufficit labiis dimittere: nisi ora & corda convenient. Quidam enim dimittere nolunt omnino: quia & maliciã servant in corde, & vindictam dum possunt exercent in opere. Alii etsi remittunt quantum ad vindictam: servant tamen conceptum odium quantum ad maliciam. Sed quisquis sibi à Domino remitti desiderat, oportet ut utrôq; modò fratri remittat: ut nec opere exerceat vindictam, nec corde reservet maliciam. Quia secundùm Gregor.: Si hoc quod in nos delinquitur ex corde non dimittimus: illud rursus à nobis exigetur quod nobis jã sèper per penitentiam dimissum fuisse gaudebamus: ubi ergo non fuerit charitatis perseverantia, nulla est sufficiens pœnitentia. Unde à peccatis soluto dicitur: *Vade & amplius noli peccare*. Sæculares quoq; leges propter ingratitudines quosdam revocant manumissos ad priorem servitutem. Sed ex his videtur quod peccata dimissa redeant propter iteratam peccati perpetrationem. Ad hoc dicitur communiter quod redeunt per aggravationem peccati sequentis: non quod peccatum sequens sit æquè grave sicut omnia præcedentia: sed quia gravius est ex comparatione præcedentium. Unde exigitur quod dimissum fuerat: non in se, sed quantum ad ingratitudinem dimissionis: & ideo dicuntur omnia redire, quia ingratitudo est respectu dimissionis quæ omnium fuit: & ita quodammodo respectu habet ad omnia dimissa. Non ergo redeunt quantum ad maculam & reatum: sed quantum ad ingratitudinem. Qui enim post acceptam remissionem ad peccatum redit, magis delinquit quod ingratus tantò beneficiò extitit: & ita ingratitudo peccatum recidivationis aggravat. Quidam verò dicunt quod peccata redeunt in quatuor casibus scilicet propter odium fraternum, propter apostasiã à fide, propter contemptu confessionis & propter dolorẽ de pœnitentia habita. Unde sunt versus.



Faciliter ergo & meritò in te peccanti dimittes, si quantum  
*Chrysostomus* tibi dimitti desideras veraciter attendas. Quia (secundum Chrysost:  
*hom. 62.* Et si septuagies septies dimiseris: & si omnia simpliciter peccata con-  
*in Matth.* cesseris continuè proximo: quantum gutta aquæ ad pelagus infinitum, tantò magis & multò plus deficit tuus amor ad infinitam bonitatem DEI: cujus in necessitate constitutus es, cum judicaberis & noxas tribueris. Et ideo bene peccata in DEUM decem millibus talentis, & peccata in proximum centum denariis cōparavit, quia etiam eadem peccata multò graviora cōmissa sunt in DEUM, quàm in proximum. Docemur ergo hōc locò, ut sicut Dominus nobis dimittit majora peccata: sic nos dimittamus conservis nostris minora in nos commissa: alioquin à nobis exiget debita universa. Unde  
*Augustinus* Augustinus. Omnis homo debitor est DEI: & debitorē habet fratrem  
*sermon. 15.* suum. Ideo DEUS justus constituit tibi regulam in debitore tuo,  
*de ver. Dom.* quàm faciet & ipse cum suo. Unde & Chrysosto. Hæc igitur omnia  
*Chrysostomus* intelligentes, & hæc decem millia excogitantes, saltem hinc festi-  
*hom. 62.* nemus ad dimittendum proximis parva & vilia. Audiamus im-  
*in Matth.* misericordes & crudeles, quoniam non aliis sumus crudeles, sed nobismetipsis. Cùm memorari malorum vis, excogita quoniam tibi ipsi malorum rememoraris, non alii: quoniam tua ligas peccata, nō proximi. Duo itaq; hinc quærit: & cognoscere adversum peccata nostra, & alius dimittere: & illud propter hoc, ut facilius hoc fiat. Qui enim sua intelligit, facilius ignoscit conservo: & non simpliciter ab ore dimittere, sed & à corde. Ne igitur dicas quoniam conviciatus est, & detraxit, & decem millia operatus est mihi mala. Quantò enim dixeris, tantò magis monstras cum Benefactorem: dedit enim occasionem abluendi peccata tua. Quare quantò majora injusta tibi fecit: tantò majorum peccatorum dimissionis causa tibi consistit. Si enim voluerimus, nullus injusta nobis facere poterit: sed inimici maximè proderunt nobis. Vide ergo quanta lucraris mansuetè inimicorū ferens imprudentias: primū quidem, & maximum peccatorum remissionem: secundum patientiam, & perseverantiam: tertium, mansuetudinem, & amorem hominum: quartum, ab ira continuè esse liberum, & à tristitia quæ hinc est. Cùm his & venerabilis eris & ipse inimicis, & si dæmones fuerint: magis autem neq; habebis jam inimicum ita dispositus. Quod autem est majus & primum DEI amicitiam: & si peccaveris, veniā potieris. Et iterum: non memoriam malorū habeamus in eos qui lædunt: nam nobis profunt maximè, nisi nos ipsos vindicaverimus. Rapuit ille: gratias egisti tu pro injustitia, & glorificasti DEUM; infinitas fructificasti mercedes. Si autem oraveris pro eo, DEO factus es similis. Vides qualiter maximè lucramur ab aliorum persecutione. Nihil ita DEUM lætificat, ut non reddere malū pro malo: immo reddere contraria injunctum est nobis, beneficia & orationes. Non est quid difficilius quàm memoria malorum. Hæc igitur scientes humiliemur, & debitoribus nostris etiam gratias agamus: sunt enim nobis, si Philosophari volumus, maxima non solum indulgentiæ, verum etiam mercedis occasio. Pauca siquidem damus, plurima recepturi. Quid igitur expetis cū, violentia, cū deceret, & si ille



ille vellet dare, ei concedere: ut à DEO totum accipias. Nunc autem omnia facis & litigas, ut nihil tibi dimittatur tuorum. Quotcunq; ergo debitores habes & pecuniarum, & laborum omnes dimittentes liberos DEUM expete remuneratorem. Cuncta igitur & pecunias & peccata debitoribus nostris debemus, ut nobis retributio optata proveniat. Quodq; neglexerimus per aliam explere virtutem: hoc de oblivione admissæ in nos maliciæ adipiscentes, æternis potiamur bonis. Hæc Chrysost. Attende & hæc Senecam, qui dicit: Si magnanimus fueris nunquam judicabis tibi contumeliam fieri. De inimico dices: Non nocuit mihi, sed animum nocendi habuit. & cum illum in potestate tua videris: vindictam putabis vindicare potuisse. Sciro enim honestum & magnum vindictæ esse genus, ignoscere. Et iterum injuriarum remedium est oblivio. Hæc Seneca. Et nota hic, quod secundum numerum gradus Apostolici duodecim, sunt duodecim modi remissionum. Primus est baptismus. Unde in Evangelio: *Nisi quis renatus fuerit, &c.* Secundus est charitas. Unde etiam in Evangelio: *Remittuntur ei peccata multa, &c.* Tertius est, eleemosyna, & charitatis opera. Unde Propheta: *Sicut aqua extinguit ignem, sic Eleemosyna peccatum.* Quartus est, fletus lachrymarum, dicente Domino: *Quia flevit in conspectu meo, non indicam mala in diebus suis.* Quintus est, confessio, & poenitentia. Unde Psal. *Dixit confitebor, &c.* Sextus est afflictio corporis. Unde Apostolus: *Tradidi hujusmodi hominem in interitum carnis, ut spiritus salvus sit.* Septimus est, emendatio morum, vel abrenuntiatio vitiorum. Unde in Evangelio: *Ecce sanus factus es: jam amplius noli peccare.* Octavus est, intercessio Sanctorum. Unde Jacobus. *Infirmatur aliquis, inducat presbyteros, &c.* Nonus est, misericordiae & fidei meritum. Unde in Evangelio: *Beati misericordes quoniam, &c.* Decimus est, conversio & salus proximorum. Unde Jacobus: *Qui converti faceret peccatorem, &c.* Undecimus est, mutua remissio & indulgentia. Unde in Evangelio: *Dimittite, & dimittimini: in hoc loco presæti.* Duodecimus est, passio martyrii pro fide Ecclesiæ. Unde latroni poenitenti *mecum* ac patienti dicitur à Domino. *Amen dico tibi, hodie eris in paradiso.* Ex hoc loco, & pluribus aliis Evangelii locis, salubria habemus remedia contra malum desperationis, & ideo non desperet aliquis, cum multos habeamus portus salutis. Si enim desperasti propter peccati magnitudinem: habes Petrum qui negavit fidem, quod est maximum peccatum: & tamen DEUS respexit eum. Si desperasti, propter peccati multitudinem: habes Mariam Magdalenam, quæ septem habebat demonia, id est; universa peccata, & tamen de ea dictum est: dimissa sunt ei peccata multa. Si desperasti propter peccati turpitudinem, habes mulierem in adulterio deprehensam, cui dictum est: vade & amplius noli peccare. Si desperasti propter peccati infamiam: habes Matthæum publicè in telonio sedentem, & tamen Dominus dixit ei, sequere me. Si desperasti propter peccati diuturnitatem, habes latronem qui perseveravit in malo usq; ad mortem: & tamen dictum est ei à Domino: *Hodie mecum eris in paradiso.* Si desperasti propter peccati crudelitatem, habes Paulum Apostolum lapidantem Stephanum, de quo dictum est: *Vas electionis mihi est iste.* Si desperasti propter peccati recidivationem, seu peccati iterationem & magnitudinem: habes hic autoritatem expressam de dimittendo fratri septuagies septies. Unde Bernardus. *Omnino propter mansuetudinem quam in te præ-*

Injuria non  
fit magna-  
nimo.  
Seneca.

Luca. 7.

4. Reg. 21.

Eccles. 3.

Psal. 31.

2. Cor. 5.

Joann. 5.

Jacob. 5.

Matth. 5.

Jacob. 5.

Luca. 6.

Luca 23.

Joann. 18.

Luca 7.

Joann. 8.

Matth. 9.

Luca 23.

Act. 9.

Bernar. ser-

mo. 22. in



dicatur, currimus post Te Domine JESU, audiētes quod nō spernas pauperem, peccatorem non horreas. Non horruisti confitentem latronem, non lachrymantem peccatricem, non Chananeam supplican-tem non deprehensam in adulterio, non sedentem in telonio, nō supplican-tem publicanum, non neganteia discipulum, non persecu- torem discipulorum, non ipsos crucifixores tuos. Tam validus de- niq; es ad iustificandum, quā multus ad ignoscendum. Currit spō- la, currunt adolescentulæ: sed quæ amat ardentius, currit velocius, & pervenit citius. Unde & Chrysost. Liberi quippe nos arbitrii creavit DEUS, ut voluntate nostra cum adiutorio DEI, quod volu- mus faciamus. Si publicanus es, potes fieri Evangelista: si blasphe- mus es, potes fieri Apostolus: si latro es, potes paradisi colonus effi- ci: si magus es, potes DEUM adorare. Nec est ulla malicia, quæ pœnitentiā non solvatur. Et ideo tanq̃a pœcipua malignitatum, elegit Christus, ut nemo usq; in finē semetipsū despiciat. Noli mihi dicere, perii: noli mihi dicere, peccavi. Et quidē Medicū habes satis fortiorē te, & potentiorē quā infirmitas tua est. Medicū habes volū- tatē tuā, (si volueris) emēdātem & potentē, & cupiētē. Cū enim nō subsisteres, fecit te, & quia perversus es effectus, multo magis emen- dare te poterit. Sed forsitan dices: Quomodo poterit peccator si- milis esse sanctis? Noli requirere qua arte: noli scrutari rationē, sed crede clementiæ & benignitati Divinæ. Sed dicis: grandia sunt peccata mea: & immensa scelera mea. Et quis est sine peccato? Sed inquis pessimē, & super omnem hominē. Sufficit tibi, ad pla- candū DEUM, peccare desinere, & benefacere. *Dic ut prior*, inquit, *iniquitates tuas ut iustificeris.* Recognosce quia tu peccasti, & si agno- veris, initium correctionis factum est tibi. Suspira, mæstus esto, ef- funde lachrymas. Nec enim aliud quid effudit meretrix illa: sed la- chrymīs pœnitentiam sociavit, & ipsa comite pervenit ad Fontem. Hæc Chrysost. Unde & Grégorius: A spei ergo certitudine nul- la nos malorum nostrorum qualitas, nulla quātitas frangat. Idcirco enim omnipotens DEUS electos suos in quibusdam lapsibus cadere permittit: ut aliis in culpa jacentibus sitoto ad eum corde consur- gang, spem veniæ reddat: & eis per lamenta pœnitentiæ viam pie- tatis aperiat. Quia qui multos à suis iniquitatibus jam sanatos aspi- cimus: quid aliud quā supernæ misericordiæ pignus tenemus? Et iterum. Quid itaq; in hac re debemus aspicere, nisi immensam mi- sericordiam Conditoris nostri: qui nobis velut in signo ad exemplum pœnitentiæ posuit eos, quos per pœnitentiam vivere post lapsum fecit. Etenim nihil in his aliud video, nisi ante oculos nostros po- sita spei, & pœnitentiæ exempla. Omnipotens DEUS ubiq; oculis, quos imitari debeamus obicit: ubiq; exempla suæ misericordiæ op- ponit. Unde & Augustinus: Quæcunq; necessitas cogit peccato- rem ad impœnitentiam, nec criminis quantitas, nec temporis bre- vitas, nec vitæ enormitas, nec horæ extremitas excludit à venia si perfecta fuerit voluntatis mutatio: sed in amplissimos sinus mater charitatis filios prodigos suscipit revertentes. Et iterum: Pater tradidit Filium suum, quō redimeret servos: misit Spiritum Sanctū, quō servos adoptaret in filios: Filium dedit in pretium redemptio- nis, Spiritum Sanctum in privilegium adoptionis se totum servat in hæreditatem adoptatis. Nemo ergo de DEI pietate diffidat: quia major est DEI misericordia, quā nostra miseria, & quisquis ad eum toto

Chrysostom.  
hom. 14.  
ex variis.  
in Matth.

Medici po-  
tentia.

Ezech. 43.

Luce 7.

Gregorius  
hom. 20.  
in Evang.

Augustinus  
sermo. de  
pœnitentia.



toto corde clamaverit, exaudiet illum, quia misericors est. Tardius siquidem ei videtur peccatori veniam dare, quam ipsi peccatori accipere. Sic enim festinat reum absolvere à tormento conscientia suæ, quali plus cruciet eum compassio miseri, quam ipsum miserum compassio sui. Unde etiam Chrysost. Crede mihi: talis est erga hominem pietas DEI, quod nunquam spernit pœnitentiam, si ei sincerè & simpliciter offeratur: etiam si ad summum quis venerit malorum, & inde velit reverti ad Veritatis viam, suscipit libenter & amplectitur, & facit omnia quatenus ad priorem revocet statum. Unde super illo verbo Cain: *Major est iniquitas mea, ut veniam merear*: dicit Augustinus: Mentiris, inquit, Cain, mentiris: major est DEI pietas, quam omnis iniquitas. Ecce expressè apparet quod desperavit: & ideo dicit August: quod ipse plus turbavit Deum in desperatione, quàm in fratricidio: sicut judas in desperatione quàm in prodicione. Unde Bernard. O! res confusa, o! res mōstruosa, peccator de spe rans de Dei misericordia: cū cuncta peccata originalia mortalia, venialia, ab origine mundi commissa, Divinæ misericordiæ comparata, sunt quasi una gutta ad pelagus totius maris. Et breviter dicendo secundum Augustin. & Gregor. Si unus homo omnium hominum peccata perpetrasset, & velut Cain & judas desperasset, præterea DEUS illi veniam denegare jurasset, si miser ille contritus veniam rogasset, DEUS pius illi veniam non denegasset. Et testante Augustino & Hieronymo, peccata præterita non nocent, si non placent. Multum etiam sperare debemus in merito Christi, sine quo non possumus salvari. In merito n. Christi radicata sunt omnia merita nostra, sive satisfactoria pœnæ, sive meritoria vitæ æternæ: quia nec ab offensa Creatoris sumus digni absolvi, nec immensitatem præmii quod DEUS est, digni sumus assequi: nisi per meritum hominis DEI. Et præcipue in merito passionis Christi est sperandum: quia hæc est miseris speciale solatium. Unde Bernardus. Passio tua Domine ultimum refugium: singulare remedium deficiente sapientia, non suffragante justitia, non sufficiente sanctitate: succumbentibus meritis, illa succurrit. Non solum autem à desperatione, sed etiam à vana spe est cavendum: quia utrobiq; magnum est periculum. Unde Augustinus. Ex utroq; homines periclitantur & sperando & desperando. Quid igitur agit DEUS cum periclitantibus utroq; morbo? Illis qui spe periclitantur, hoc dicit: *Ne tardes converti ad Dominum, nequē differas de die in diem, subito enim veniet ira illius, & in tempore vindictæ disperdet te.* Illis qui desperatione periclitantur, quid dicit? *In quacunq; die iniquus conversus fuerit, omnes iniquitates ejus obliviscar.* Propter illos ergo qui desperatione periclitantur, proposuit eis indulgentiæ portum propter illos verò qui spe periclitantur, & dilationibûs illuduntur, fecit diem mortis incertum. Quando veniet ultimus dies, nescis. Te gratus es, quia hodiernum habes in quo corrigaris, & crastinum expectas, forte non addetur. Et iterum: Ne desperando augeamus peccatum, datus est nobis pœnitentiæ portus: rursus ne sperando augeamus peccatum, datus est nobis dies mortis incertus. Et iterum Latro agnovit, Petrus negavit: in Petro demonstratur quemquam justum non de se debere præsumere, in latrone, non impium conversum desperare debere. Timeat ergo bonus, ne pereat per superbiam: & malus ne desperet, propter multam malitiam. Hæc Augustinus. Unde

Genes. 4.

Bernardus  
de conversi-  
one Pauli.

Hieronymus  
in cap. 16.

Marci.

Bernardus  
sermon. 22.  
in cantica.

Augustinus  
tractat. 33.

In Joan.  
ad Ecclesiast. 5.  
Ezech. 18.

Mortis in-  
certitudi-  
nis causa.



Gregorius: Habete fratres mei fiduciam de misericordia Conditōris nostri: & ad misericordem Judicem, dum adhuc expectat, cū lacrymis venite. Considerantes namq; quod justus sit, peccata vestra nolite negligere: considerantes verò quod pius sit, nolite desperare. Et iterum: Sic autem nos misericordia ejus refoveat, ut nullo modo negligentes reddat sic peccata perturbent, ut mens in desperationem non proruat. Quia & si præsumentes metumus, & meruentes speramus, æternum Regnum citius adepturi sumus. Unde etiam Chrysostom. Ne rideamus qui stamus: sed dicamus nobis: *Qui æstimat se stare, videat ne cadat: neq; desperemus si cecidimus, sed dicamus nobis. Nunquid qui cadit non resurget?* Etenim multi in ipsum Cœli verticem ascenderunt, & à scena & scurrilitate ad Angelicam translati sunt urbanitatem. & tantam ostenderunt virtutem ut dæmones abegerint, & multa signa operati fuerint. Et horum quidem plenæ sunt scripturæ, & plena vita Patrum exemplis nobis. Et iterum: Nullus eorum qui in malicia sunt, diffidat: nemo in virtutibus existens dormitet, neq; hic confidat: multotiens enim meretrix pertransibit: neq; ille desperet: possibile enim est ei, & primos transire. Hæc Chrysost.

Chrysostom.  
ad Theolo-  
rum lapsum  
1. Cor. 10.  
Hieron. 8.

## DE CAUSA DIMITTENDI UXOREM,

& de parvulis Domino oblatis.

## CAPUT. X.

**P**ost hæc venit Dominus JESUS de Galilæa, *In fines Judææ trans Jordanem.* Omnis quippe provincia Judæorum generaliter dicebatur Judæa, ad distinctionem aliarum gentium: verumtamen meridiana ejus plaga, in qua habitabant tribus Juda & tribus Benjamin, specialiter dicebatur Judæa ad distinctionem aliarum Regionum quæ in ipsa continebantur provincia: scilicet Samaria, Galilæa, Decapolis, & reliquæ aliæ sitæ in ea. Narrantur ergo ea quæ in hac provincia, scilicet Judæa fecit, & docuit, ac passus est Dominus: & primò quæ trans Jordanem ad Orientem, ubi habitabant duæ tribus, scilicet Manasse: deinde quæ circa Jordanem, quando venit Hierico, & Bethaniam, & Hierusalem. *Et secutæ sunt Eum, de Galilæa, turbae multæ.* Ex quo patet devotio populi ad eum, quia multi sequebantur causâ suæ prædicationis audiendæ: aliqui causa curationis impetrandæ. Ubi Chrysostom: *Et secutæ sunt eum turbae multæ, quasi testimonia salutaris doctrinæ Ejus: quasi oves Pastorem in manu ipsius genitæ & nutritæ: perducebant eum, quasi parvuli filii Patrem ejus peregrè proficiscentem.* Ipse autem tanquam Pater proficiscens bona pignora charitatis filiis suis reliquit: pro exiliis, remedia sanitarum. Hæc Chrysost: Unde sequitur, & curavit eos ibi: scilicet in Judæa, & non ante in Galilæa: ut gentes in eam misericordiam seu veniam, quæ Judææ parabatur admitteret: & in signum quod ex Judæa gentibus salus esset. Secundum Origenem: *Sanavit Dominus turbas trans Jordanem, ubi baptismus dabatur: quia omnes à spiritualibus infirmitatibus in baptismo salvantur.* Et sic patet quod Evangelista in uno verbo, multa miracula sanitarum includit: quia propter multitudinem miraculorum, non poterant omnia in particulari describi. Deinde subditur narratio detriplici religi-

Chrysostom.  
hom. 63.  
in Matth.

Origenes.  
Matth. 7.  
in Matth.



religiosorum perfectione: scilicet continentie, obedientie, & paupertatis: & primò de continentia, cum dicitur: *Et accesserant ad Eum*, scilicet JESUM, *Pharisæi*, qui in populo Judæorum prædiis videbantur religiosi: *tentantes Eum*: scilicet capere in verbis. Notanda est mentium distantia in turbis & Pharisæis. Hæc conveniunt ut doceantur, & sui infirmi sanentur: hi accedunt ut Salvatorem & Doctorem veritatis tentando, capiant & decipiant: has devotio pietatis, illos stimulus adduxit livoris. *Et dicentes: Si licet homini dimittere uxorem suam quacumque ex causa?* id est; ex levi causa. Hanc autem questionem proponunt Christo, ad capiendum eum, quia responsio ad utramque partem calumniabilis videbatur. Quia si diceret uxorem pro libito voluntatis dimittendam, & aliam ducendam: pudicitie Prædicator & assertor videretur laxare frena carnali concupiscentie, & sibi ipsi contraire. Si autem diceret, quod non: videretur contra Moysen dicere, qui libellum permisit repudii. Sed ipse sic responsionem temperat, ut decipulam eorum transeat: & respondit solâ fornicationis causâ uxorem esse dimittendam: libellum vero repudii ob duritiam & maliciam cordis eorum à Moysse fuisse permissum: id est; nulla lege punitum. Permisit autem hoc, non sicut bonum & licitum, sed propter majus malum evitandum, quia maluit permittere divortium quàm ob odium uxorem, vel desiderium secundarum nuptiarum fieri homicidium. Ista autem permissio, non absolvet eos à peccato: sed tantum à pœna legali, quia non fuit imperium DEI, sed hominis dissimulatio in tolerando minus malum ne majus fieret. DEUS enim non est sibi contrarius, ut aliud antè jusserit, & aliud nunc imperet. Moyses quidem nec præcipiendo, nec concedendo, nec indulgendo hoc mandavit: sed dispensando, sustinendo; & permittendo consilio Spiritus Sancti, ne pejora fierent hoc toleravit. Sic Apostoli permiserunt secundas nuptias propter incontinentiam hominum, & malas eorum voluntates. Juxta enim primariam institutionem, non fuit nisi unica unici, sed propter incontinentiam hominum, transeunt modò ad secundas nuptias. Unde cum de duobus malis minus toleratur, hujus permissio dicitur dispensatio, quasi diversorum pensatio: quando duo mala quasi æquè liberantur, ut videatur quod eorum pejus sit & præponderat. Est autem triplex permissio: scilicet concessionis, ut cum Abbas concedit Monacho propter infirmitatem vesci carnibus, illicitis quidem propter votum, sed tunc licitis propter concessionem Abbatis, & causam necessariam. Indulgentiæ ut permissio secundarum nuptiarum. Unde Apostolus: *Uxor viri defuncti nubat cui vult in Domino, hoc autem secundum indulgentiam dico*: quia si culpa est, venialis est. Sustinentiæ, ut permissio libelli repudii, quod sustinuit Moyses non DEUS: quia DEUS hoc crimen punivit temporaliter vel æternaliter, quod Moyses non punivit temporaliter. Est enim permissio sustinentiæ, quando DEUS permittit nos peccare, qui non concedit illud fieri: nec dispensat, sed sustinet, id est; per patientiam expectat. Solam ergo fornicationem ponit Dominus causam dissidii. jubens cæteras molestias pro fide conjugii, & castitate sustineri. Et intellige dissidium, quantum ad cohabitationem, & debiti redditionem, non tamen quantum ad vinculum matrimonii, quod non solvitur nisi per mortem, & ergo nec vir nec mulier potest contrahere altero vivente. Unde Rabanus: Vna ergo solummodo carnalis est causa,

Questio  
Pharisæorum  
captiosa.

Deut. 24.

Permissio  
triplex.

1. Cor. 7.



id est fornicatio: una spiritualis hoc est, timor Dei, ut uxor dimittatur: nulla autē causa est ut vivente ea quæ relicta est, alia ducatur. Spiritualiter per uxorem quæ non dimittitur nisi propter fornicationem, intelligitur anima, cuius Vir est Christus, qui nunquam animam nisi propter fornicationē peccati dimittit: per quā Xl̄us à nobis recedit.

*Morale.* Moraliter qui dimittit uxorem suā spiritualement, scilicet Ecclesiam: & ducit, scilicet pinguiorem, machatur, non enim quærit spiritualement fructum, sed temporale lucrum. Proposito ergo quod est necessitatis in virtute continentie, consequenter ponitur illud quod est supererogationis & consilii, scilicet continentia ab omni actu venereo. Discipuli enim hoc audientes quod vinculum matrimonii est indissolubile, & moti ex verbis eius, dixerunt ei: *Si ita est causa homini cum uxore*, quod non possit eam nisi modō prædictō dimittere: *non expedit nubere*, ac si dicant. Melius est simpliciter continere, propter onus & grave pondus uxorum, & multa incommoda quæ possunt inde venire. Unde Chrysostomus. Levius est contra concupiscentiam præliari, & contra seipsum, quàm contra mulierem malam. Unde & Hieronymus. Grave pondus uxor est: si excepta causa fornicationis non licet eam dimittere. Quid enim si temulenta fuerit, si iracunda, si gulosa, si vaga, si morbosa, si jurgatrix, si maledica: timenda erit huiusmodi, & erit velimus nolimus sustinenda. Cùm enim liberi essemus voluntariē nos servituti subiecimus. Et dixit Dominus respondendo discipulis: *Non omnes capiunt*

*capere.* *verbum istud*, continentie, scilicet ut impleant & se contineant: quia non omnes capere volunt, nec omnes acceptum habent. Audiet enim luxuriosus & displicet ei: *Sed quibus datum est*, à DEO ex speciali munere: quia status altus est: ad quem non valemus, nisi ex gratia, ascendere. Unde dicit Sapiens, quod nemo potest esse continens: nisi DEUS det ac si dicat; non casu seu fortuna virgines fiunt, sed qui à DEO petunt & laborant ut accipiant. Unde Hieronymus. Nemo putet sub hoc verbō, vel fatum vel fortunam introduci, quod hi sunt virgines, quibus à DEO datū sit: aut quos quidē ad hoc casus adduxerit: sed his datum est qui petierunt, qui voluerunt, qui ut acciperent laboraverunt. *Omni enim petenti dabitur, & quærens inveniet, & pulsanti aperietur.* Unde & Chrysost: Non dixit, non omnes possunt: sed, non omnes capiunt: id est; omnes capere possunt, non tamen capere volunt. Si enim quidam in pugna cadunt: nos cadentium negligentie imputare debemus, non difficultati virtutis. Quod autem dicit, quibus datum est: non hoc significat, quoniam quibusdam datur, quibusdam non datur, sed illud ostendit, quia nisi auxilium gratie acceperimus, nihil ex nobis valemus. Quoniam autem volentibus gratia non negatur, in Evangelio Dominus dicit: *Petite, & dabitur vobis, quærite, & invenietis, pulsate, & aperietur vobis.* Debet autem voluntas præcedere, & sic sequitur gratia. Nam gratia sine voluntate nihil operatur, nec voluntas sine gratia. Nam & terra non germinat, nisi pluviam susceperit, nec pluvia fructificat sine terra. Hæc Chrysostomus. Et ne omnem continentiam putarent laudabilem & meritoriam, consequenter distinguit eam triplicem. Prima est contracta à natura: secunda, à casu, sive violentia: tertia, à voluntate & gratia. *Sunt enim Eunuchi*, id est; continentes, & est Græcum vocabulum, secundum Isidorum, qui sic nati sunt, sine instrumentis, sive frigida nature, qui propriè dicuntur castrati

*Chrysostom.*  
*hom. 63.*  
*in Matth.*

*Hieronym.*  
*in cap. 19.*  
*Matth.*

*Non omnes*  
*capere.*

*Sapien. 8.*

*Hieronym.*  
*ibidem.*

*Luca 11.*  
*Chrysostom.*  
*hom. 63.*  
*in Matth.*

*Luca 11.*

*Continen-*  
*tia triplex*  
*Eunuchi.*



castrati, quasi castè nati. *Et sunt eunuchi, qui facti sunt ab hominibus,* quibus secantur genitalia, qui propriè dicuntur Spadones, à spata genere ferri quo eunuchizantur. Et istæ dux non sunt laudabiles, & nec meritoria nec demeritoria, quia necessitate sunt, nō voluntate nisi in quantum per voluntatem acceptantur. Secundum Hierony. Inter hos secundos computantur & hi qui specie religionis simulant castitatem, scilicet hypocritæ & appetentes vanam gloriam ab hominibus ex quocunq; suo opere. *Et sunt eunuchi, id est; continentes, Qui seipso castraverunt non per membrorum abscissionem, sed per concupiscentiæ repressionem: & se castitati, seu castè vivere voluntariè, devoverunt: propter Regnum Cælorum,* qui propriè dicuntur eunuchi, id est; bene viventes: ab eo quod est bonum & nuchos quod est victoria quasi boni victores: & hi merètur: & ratione voluntatis, quia spontanea, & ratione actionis, quia bona: & ratione intentionis, quia recta: ista enim tria perficiunt meritum. Hæc ergo tertia continentia, quæ est per voluntatem reprimentem concupiscentiam ab actu venereo, victoriosa dicitur & laudabilis, & tota est meritoria. Unde Chrysostom. Illa est gloriosa continentia: nūquam transgredi non potest necessitas debilitatis corporis, sed quam completitur voluntas Sancti propositi. Et iterum: Cum autem dicit qui se castraverunt, non membrorum dicit abscissionem: sed malarum cogitationum interemptionem. Etenim concupiscentia habet fontes præcipuè à proposito incontinenti, & mente negligente. Et si ipsa sobria fuerit, naturalium motuum nullum est nocumentum. Nec ita abscissio membri comprimit tentationes & tranquillitatem facit, ut cogitationis frenum. Sed quia talis status altus est, nec possunt omnes ad hoc attingere, sed solum perfecti: ideo infert Dominus hortando milites suos, dicens: *Qui potest capere, & implere, capiat,* cum adiutorio Dei, ut sit castus vel intelligat quæ dico: vel qui potest pugnare contra carnem, pugnet, ac superet & triumphet. Et est vox hortantis ad continentia bravium, non iubentis, quasi diceret. Unusquisquè consideret an virginitatis & pudicitia præceptum implere queat. Tantum bonum non est necessitatis, sed supererogationis: nec est hoc præceptum, sed consilium: cuilibet offertur: nemini imponitur: qui potest continere, contineat. Habitò itaq; de perfectione continentia, sive castitatis, consequenter agitur de perfectione obedientia, sive humilitatis: & hoc commendatione parvulorum, per quos designantur humiles & obedientes: quia sicut parvuli non propria voluntate, sed alterius ducuntur, ita humiles & obedientes, alterius voluntate & imperiò moventur. Unde dicit Beda. Quodd hæc lectio humilitatis magisterio plena micat: quæ videlicet innocentes ac simplices ad Domini gratiam pertingere posse demonstrat. Dum ergo Dominus JESUS de castitate differeret: tunc oblatis sunt ei parvuli, ex devotione offerentium, ut manus eis imponeret & oraret: id est; ut manu & voce benediceret. Consuetudo enim fuit apud veteres, ut parvulos benedicēdos offerent Senioribus: & impositio manuum ortum habuit ab antiquis Patribus, qui volentes benedicere parvulis imponebant eis manus. Videntes igitur Judæi Christum moribūs senem, vitā Sanctum doctrinā sapientissimum, & de castitate loquentem, & habentes Eum sicut Prophetam: obtulerunt Ei infantes, ut eis manus imponens & orans benediceret: manu per tactum, & voce per orationem. In quo datur intelligi, quod parvulis

Spadones.

Hieronymo  
loco prænato.

Chrysostom.  
ho. 32. operis  
imperfectio.  
Idem ho.  
mil. 63.  
in Matth.

Beda in cap.  
10. Matth.

Manuum  
impositio.  
Genes. 27.  
c. 49.



lis sufficit per fidem aliorum ad Christum afferri. *Discipuli vero*, labori magistri compatiētes, propter ejus dignitatem, prohibebant, & increpabant, offerentes, non quod nollent infantibus à Salvatore, & manu, & voce benedici, sed quia timebant Eum post tam longos sermones, importunitate offerentium gravari & offendi. Christus autem etiam fatigabatur corpore, non tamen animo, quia Ei placebat, & prævaluit ac vicit fortis ejus affectus, quò hominum salutem cupiebat, ut nullus à consecutione suæ salutis prohiberetur. Sic fatigatus itinere non curans famem aut cibos, ad conversionem Samaritanorū, quorū salutem, famescebat se cōvertit. Ubi Origenes: *Tractat. 7. in Matth.* Hæc ergo debemus attendere, ne æstimatione sapientię excellentioris & profectūs spiritualioris, contemnāmus quasi magni pusillos Ecclesię: prohibentes pueros venire ad JESUM. Hæc Origenes. Parvuli etiam possunt dici pauperes & generis infimi per discipulos autē impediētes ne Christo offeratur, possūt accipi Ecclesię Rectores, vel Religiosi, qui propter paupertatē, vel generis infirmitatē repellūt tales à promotione, vel receptione, quāvis sint apti & digni, propter quod impediētes arguūtur ore Christi. Unde Dominus indignè ferens dixit discipulis: *Sinite parvulos venire ad me*, apud quem non est personarum acceptio: & nolite eos prohibere, comminationibūs terrendo, vel malis exemplis corrumpeudo, quia isti sunt figura & forma verè humilium: quorum familiaritatem ego volo, & confortium. In quodedit Prælati exemplum corrigendi ostiarios suos pauperum accessum prohibentes. Unde Chrysostomus: *Chrysostom. hom. 32. operis imperfecti.* Nolite vetare pueros: nam si Sancti futuri sunt, quid vetatis filios apud Patrem venire? Si autem peccatores futuri sunt, ut quid sententiam condemnationis profertis, antequam culpam videatis? Nam quales modò sunt, meum est, quales autem postea futuri sunt, ipsorum erit. Quodd ergo meum est, honorate, quodd autem illorum erit, misereamini. Et subjungit: *Talium est enim Regnum Cælorum*, non dicit istorum, sed talium ut non tam ætatem quàm humilitatem & innocentiam commendet. Non omnium, sed talium, id est; similium, & illorum qui similem habent humilitatem & innocentiam, per studium & laborem, & qui tales sunt per mores & virtutes, quales sunt parvuli per naturam & ætatem. Puerorum enim anima, ab omnibus malis est pura, & magistra innocentię, & humilitatis, & nullus potest intrare in Regnum Cælorum, nisi fuerit innocens & humilis, quia nihil inquinatum intrabit in illud. Unde secundum Hieronymum. *Hieronymus in cap. 19. Marci.* Non ait istorum, sed talium, ut ostenderet non ætatem regnare, sed mores, & his qui similem haberent innocentiam & simplicitatem præmium repromittit: de quibus Apostolus. *1. Cor. 14.* *Nolite pueri fieri sensibūs, sed malitiā parvuli estote, sensu autem perfecti.* Unde Ambrosius. *Ambrosius in cap. 18. Luca. 7.* Non ætas præfertur ætati: alioquin obesset adolescere. Cur ergo pueros aptos dicit esse Regno Cælorum? Fortasse quia malitiam nesciant, fraudare non noverint, ferire non audeant, scrutari ignorent: opes, honorem, ambitionem, non appetant. Sed non ignorare ista virtus est, sed contemnere. Non enim virtus est non posse peccare, sed nolle. Non igitur pueritia, sed æmula puerilis simplicitatis bonitas designatur. Unde etiam Chrysostomus. *Chrysostom. hom. 63. in Matth.* Et nos itaq; si volumus fieri hæredes Cælorum, virtutem hanc cum multa possideamus diligentia. Etenim ab omnibus malis pura est pueri anima, & eorum qui contristaverunt non memoratur, sed ut ad amicos accedit,



cedit, sicut nullô factô, & quantumcunq; à Matre flagellatus fuerit, hanc inquit, & præ omnibus eam appetiat, & si Reginam ostenderis cûm diademate, non præponit hanc Matri cilitio superindutæ, & necessariis nihil plus inquit, non tristatur in quibus nos, putadamo pecuniarum, & talibus, non lætatur in quibus nos, in temporaneis his non respicit ad pulchritudines corporum, propter hoc dixit: *Horum enim est Regnum Cælorum*, ut electione hæc operemur, quæ à natura pueri habent Hæc Chrylsto. Sunt autem decem <sup>Puerorum</sup> proprietates bonæ in pueris, quas qui imitatur, Regnum Cælorum <sup>decem pro-</sup> consequetur, quæ sunt innocentia, munditia, obedientia, simplici- <sup>prietates.</sup> tas, humilitas, veritas, malorum illatorum immemoratio, fortuitorum nulla reputatio, & præsentiam valde parvorum ad sufficientiam acceptio. Deinde parvulos sibi oblatos Dominus dulciter suscepit, & *complexans eos*, & in ulnis detinens, in signum quòd, simplices & humiles, pueros & devotos diligit, & *manus eis imponens*, ut viris continentibus gratiam sui auxilii conferendam significaret: *benedixit illos*, aliqua vocali benedictione, quæ scripta non est, ut humiles sua benedictione dignos ostenderet. Sic spiritualiter quotidie humilibus manus imponit cûm eis gratiam, & auxilium tribuit, quia humiles spiritu digni sunt ejus gratiâ & benedicti- <sup>Jacob. 4. &</sup> one: DEUS enim superbis resistit, humilibus autem, qui se ma- <sup>1. Pet. 5.</sup> nibus & potestati Ejus subiciunt dat gratiam. In quo humilium <sup>Hieronymus</sup> dignitas ostenditur, qui tanta bona merentur. Unde dicit Hieron: <sup>Epistol. ad</sup> Quòd humilitas sola observatrix est custosq; virtutum, & nihil est <sup>Celsantiam.</sup> quòd ita DEO gratum faciat & hominibus, quantum si vitæ merito magni, sed humilitatē infimi videamur. Et bene humiles, parvulis & innocentibus comparavit, quia humilitas maculas peccatorum lavare, & innocentiam reddere consuevit. Unde Bernardus. Decor animæ humilitas est. Non à me ipso hoc dico, cum Propheta prior dixerit: *Asperges me hyssopô & mundabor*, humili herbâ ac pectoris purgativâ humilitatem significans. Hæc se post gravem lapsum Rex Propheta lavari confidit, & sic invenit quendam innocentia recuperatæ candorem.

Et sciendum quòd Christus manus imponendo parvulis instituit, & initiavit Sacramentum confirmationis: cujus ministerium postea contulit Apostolis. Unde parvuli in frontibus chrismate consignantur ab Episcopis, qui in Ecclesia DEI locum obtinent Apostolorum: per impositionem enim manuum Apostolorum, conferebatur Spiritus Sanctus, ad robur, & confirmationem fidelium, cujus impositionis manuū, locum obtinet prædictum Sacramentum. Considera nunc quantum Christus simplicitatem, & humilitatē, ac innocentiam parvulorum diligit, quibus tanta familiaritatis & benevolentia signa ostendit, & itudeas pro posse parvulos imitari, & virtutes eorum habere, ut valeas cum ipsis Regnum Cælorum possidere.

## DE PERFECTIONE PAUPERTATIS.

### CAPUT. XI.

**H**abitô de perfectione castitatis, & obedientia, seu humilitatis, <sup>Matth. 19.</sup> consequenter agit de perfectione paupertatis. <sup>Et ecce enim u-</sup> <sup>Marci 10.</sup> nus adolescens genu flexo ante JESUM: interrogavit Eum, dicens Ma & Luc. 18, <sup>gister</sup>, propter doctrinam sanam, bone. propter vitam Sanctam: quia <sup>boni faciendo vitam æternam possidebo.</sup> Secundum Bedam, audierat <sup>Bedam inc.</sup> <sup>iste</sup> <sup>10. Marci</sup>



iste à Domino. tñ similes parvulis dignos esse Regno DEI, & ideo certior esse desiderans de ingressu Regni, non per parabolas, sed apertius postulat sibi exponi, quibus meritis, vel operibus vitam æternam possit consequi. *JESUS autem respondit ei*, primò quantum ad ejus cogitationem quia iste cogitabat JESUM esse purum hominem, licet crederet Eum esse Sanctum, bonum Doctorem: & ideo quasi respondens ejus cogitationi, dixit ei: *Quid medicis bonum?* quia dicit. Ex quo me credis purum hominem, non debes me vocare bonum. *Nemo enim bonus, nisi solus & unus DEUS*, hoc est dictum: DEUS est solus bonus essentialiter, per se, à seipso. & nullus alius, quia alii participativè per Ipsum & ab Ipso. Unde

*Chrysostom.* Chrysost: Hoc autem dicens non excludit homines à bonitate, sed à comparatione bonitatis Divinæ. Quasi diceret Dominus: *Quare medicis bonum, cum non credas me esse DEUM?* Si verò confiteris bonum: credas etiam esse DEUM. Solus enim DEUS naturà est bonus. Deinde consequenter respondet ejus interrogationi, dicens:

*Si autem vis ad vitam ingredi, serva mandata:* quasi diceret, hoc sufficit ad salutem, quòd amplius est, non est necessitatis, sed supererogationis, quia secundum Bedam: Justitia legis custodita, non solum bona terræ, sed & vitam conferebat æternam, suo tempore consequendam. Et quia adolescens hæc audierat, sollicitus factus interrogavit, quæ essent hæc mandata quorum observantia est necessaria.

*Chrysostom.* Hoc autem, secundum Chrysostomum, non tentans fecit: sed æstimans alia quædam præcepta esse, præter legalia, quæ vitæ ei causa fierent. *JESUS autem quasi infirmo condescendens, legis præcepta clementissimè exposuit dicens: Non homicidium facies manu occidendo: ore jubendo, vel consulendo, vel etiam detrahendo:* quia per detractionem occiditur proximus in conscientia aliena, in qua vivebat per bonam famam, nec corde mortem alterius desiderando vel odium retinendo, aut beneficium subtrahendo: & per hoc præceptum decalogi, prohibetur nocumentum proximi in persona propria. *Non adulterabis,* per hoc prohibetur nocumentum proximi in persona, sibi conjuncta. *Non furtum facies,* per hoc prohibetur nocumentum proximi in possessa. *Non falsum testimonium dices,* per hoc prohibetur nocumentum, proximi in fama. *Honora Patrem tuum, & Matrem,* eis subveniando: & reverentiam exhibendo & per hoc præceptum affirmativum intelligitur omne beneficium proximo reddendum: quia nomine Patris & Matris, intelligitur omnis proximus. Et hoc est, quod subditur: *Et diliges proximum tuum sicut teipsum,* id est; ad id quod diligis teipsum, scilicet ad gratiam & gloriam, vel, *sicut teipsum,* id est: non verbò tantum, sed opere & veritate. Proximus autem noster est, omnis qui nobiscum convenit in natu-

*1. Tim. 1.* ra, quem debemus sicut nos ipsos diligere. Quam sententiam Dominus inducit, ut ostendat quòd finis præceptorum est charitas: quia observantia mandatorum non est meritoria vitæ æternæ, nisi fiat ex charitate. Inter hæc præcepta ordinantia in proximum, non tanguntur præcepta de non concupiscendo rem proximi, vel ejus uxorem: quia reducuntur ad præcepta de non adulterari & non furari: & sub illis possunt intelligi. Vel quia intelliguntur in hoc quòd dicitur: *diliges proximum tuum,* qui enim verè proximum diligit, nec rem ejus nec uxorem concupiscit. Enumerat autem hic non omnia mandata: sed solummodo præcepta, secundæ tabulæ quæ ordinant homi-



hominem ad proximum, in quibus implicat & supponit præcepta primæ tabulæ ordinantia hominem ad DEUM, quia homo magis tenetur DEO quàm proximo: & ideo si observantia mandatorum secundæ tabulæ est necessaria ad salutem, multò fortius observantia mandatorum primæ tabulæ est necessaria ad eandem. Unde bene dicit Apostolus, quòd qui diligit proximum legem implevit: quia in dilectione proximi intelligitur dilectio DEI, ut finis propter quem proximus diligitur, quia proximus diligitur propter DEUM, & non è converso. Per prædicta etiam ostendit Salvator quòd observantia præceptorum ceremonialium & judicialium non erat amplius necessaria ad salutem, sed sufficiunt decem decalogi præcepta. Quorum primum est: Non adorabis Deos alienos, id est; verum DEUM coles & super Eum nihil amabis. Multi enim hodie sunt, qui sibi Deos alienos faciunt. Nam sicut dicit Augustinus, hoc ab homine colitur quòd præ cæteris diligitur. Superbus igitur pro DEO habet superbiam, luxuriosus luxuriam, avarus avaritiam. Secundum: Non assumes in vanum nomen DEI tui in os tuum, id est; non blasphemabis nec jurabis indebitè in nomine sui. Talis injuriam facit DEO, quem in testimonium suæ falsitatis invocat, quasi DEUS, mendacium diligit, & sibi, qui in judicio DEI puniendum se obligat, si non est ita sicut jurat, & proximo quia per fallam jurationem ipsum decipit & defraudat. Tertium diem Sabbati Sanctifices: ut in eo mortaliter non pecces, & mala vites. Contra istud præceptum peccat quid causâ cupiditatis in Sabbato opus servile facit, vel aliquod peccatum committit, vel opera misericordiz dimittit: quia à bonis operibus non est vacandum. Quattum, Honora Parentes tuos, scilicet; obediendo, obsequendo, subveniando, & animabus eorùm miserèdo. In hoc etiã præcipitur honor Patrũ Spiritualiũ, sc. Prælatorum. Quintum: Non occides opere, verbò, negligentia, cogitatione, auxiliò, consensu, malò exemplò, vel aliqua occasione. Homicidium etiam aliquando fit corde per odium, aliquando ore per verbum detractorium, aliquando opere per factum. Et istud ultimum est triplex: quidam enim occidunt corpus tantum: quidam animam tantum, quando scilicet eam trahunt ad peccatum: quidam utrumq; quando scilicet aliquis interficit seipsum, vel alium in peccato mortali existentem. Sextum: Non moechaberis operando, cogitando, loquendo, vel in jurisdictione tua fornicationem sustinendo. Per hoc autem quòd dixit non moechaberis: prohibetur omnis carnalis appetitus & corruptio, præter eam quæ est matrimonii. Septimum: Non furaberis, aliena quomodolibet tibi attrahendo, vel re aliena invito Dominò utendo. Per furtum intelligitur omne malum ablatum: sive occultè faciendo in acceptis, sive fraudem exercendo in mercationibus, sive mercedem non solvendo operariis. Octavum: Non dices falsum testimonium contra proximum tuum: omne mendacium, dolum detractionem, adulationem, calumniam, & doctrinam erroneam evitando. Nonum: Non desideres domum, vel agrum, vel aliam rem proximi tui: tali videlicet mente, quòd velles tibi cum suo damno adoptare. Decimum: Non concupisces uxorem, servum, ancillam proximi tui: corde consentiendo, ore sollicitando, opere concupiscentiam perficiendo. Hæc qui perfecerit salvari poterit. Cùm autem ille adolescens hæc omnia à juventure sua se servasse responderet: quod tamen in multis reliquiis vix aliquis hodie reperiret. *Jesus intuitus eum, dilexit eum:*

Rom. 13.

Deum præcepta.  
Augustinus  
lib. 10. de  
civitate  
capit. 40.



propter bonam conversationem suam præteritam, & ostendit sibi vultum amicabilem: & instruens eum de perfectione: dixit illi: *Unum tibi deest*, quod ad statum perfectionis, scilicet bonum paupertatis. Quia etsi mandatorum observatio sufficit ad salutem: non tamen ad Evangelicam perfectionem, sed ad hanc etiam requiritur observatio consiliorum: in qua primum est abrenuntiatio temporalium, & ideo de hac tantum hic facit mentionem. Unde Origenes: Non tamen intelligendum est, quod in ipso tempore quod bona sua tradiderit pauperibus, fiat omnino perfectus: sed illa ex die incipiat speculatio DEI adducens eum ad omnes virtutes. Et subdit Dominus, dicens: *Si vis*, quia hoc est in tua libertate. *perfectus esse*, id est; ad statum perfectionis ascendere super communem statum salutis necessarium, quia hoc est de perfectione vitæ, *vade*; per affectum contemnendo temporalia, & *vende*; per effectum ea relinquendo & hæc omnia; non partem tantum ut Ananias & Saphira, quod est contra proprietarios, *quæ habes*; & iuste possides: quod est contra raptores & usurarios eleemosynas de alieno facientes: illa enim habemus quæ iuste possidemus. Illa ergo quæ iuste possidentur vendenda sunt: quæ vero iniuste, reddenda sunt illis quorum fuerunt: & *da*; non vende quærendo munus à manu, vel à lingua, vel ab obsequio, pauperibus, non divitibus, à quibus similia accipies: nec amicis carnalibus, nisi fuerint indigentes: nec histrionibus & male utentibus quod est contra simoniacos & ambitiosos, qui dant aliis ut acquirant beneficia & dignitates, & hoc fac propter DEUM, non propter ostentationem: quia abicere temporalia propter ostentationem, non est meritorium, & sic dando, *habebis thesaurum*, id est; quendam beatitudinis, in Cælo, locum tutissimum. Hoc autem non dicitur, quia paupertas sit major virtus quam continentia vel obedientia: sed dicitur per quandam correspondentiam, quasi thesaurus Cœlestis sic respondeat voluntariæ paupertati, sicut exaltatio humiliatione.

Unde Chrysostomus. Bene autem non vitæ fecit æternæ mentionem, sed thesauri dicens, & habebis thesaurum in Cœlis: quia enim de pecuniis erat sermo & de abrenuntiatione omnium, ostendit quod reddit plura his quæ præcepit relinquere, quanto majus est Cælum quam terra: in thesauro enim copiam retributionis ostendit. *Et veni*, relictis omnibus, & *sequere me*, me imitando, & sicut ego ambulo ambulando: quia in sequela Christi per opera charitatis consistit perfectio principaliter & completè: in paupertate autem voluntaria consistit inchoativè per modum removentis prohibens, & disponentis: quia per hoc aufertur cura temporalium, quæ à dilectione DEI impedit animum. Unde Glossa: Relinquere omnia, est via ad perfectionem: sed in sequendo consistit perfectio. Magna certe gloria est sequi Dominum, & ideo valde est appetendum. Ad perfectionem ergo non sufficit homini relinquere sua, nisi Dominum sequatur: id est; nisi relictis malis faciat bona. Unde Theophilus: Cum paupertate enim & cæteras virtutes hominem habere oportet: ob hoc ait: & veni sequere me, id est; in cæteris esto meus discipulus, & jugiter me sequaris. Unde & Hieronymus. Facilius sacculus contemnitur, quam voluntas: Multi divitias relinquentes, Dominum non sequuntur. Sequitur autem Dominum, qui imitator Ejus est, & per vestigia Illius graditur. Ubi & Rabanus: Ecce duas vias hominibus propositas audivimus: activam ad quam pertinet

Origenes.  
Tractat. 8  
in Matth.

Propria vñ  
dada & dan  
da perficitis.

Chrysostom.  
hom. 64.  
in Matth.

Hieronymus.  
in cap. 19.  
Matth.



rinet non occides, & cetera legis mandata: & contemplativam ad quam pertinet si vis perfectus esse, &c. Activa ad legem pertinet, contemplativa ad Evangelium: quia sicut vetus novum præcessit testamentum, ita bona actio præcedit contemplationem. Activise enim convenit observatio præceptorum quæ in lege traduntur contemplativis observatio consiliorum quæ in Evangelio docentur. Et notandum, quod multiplex est perfectio: scilicet sufficientiæ, quàm omnes habent existentes in charitate ordinis, cuius proprium est servare continentiam: religionis, cuius proprium est renuntiare omnibus: prælationis, ad quos pertinet ponere animam pro ovibus suis: & securitatis, cuius proprium est habere mortem in desiderio, & vitam in patientia. Ad primam perfectionem tenetur quilibet: ad ultimam, verò nullus tenetur: ad tres verò medias tenentur aliqui ex causis. Unum ergo signum perfectionis posuit: cum omnia relinquere consuluit, ut nudum Christum nudus sequatur. Unde (secundum Theophilum) dicens omnia, summam paupertatem svidet: si quis enim restituerit, illius servus est. Et secundum Ambrosium. Talem voluit adolescentem illum Dominus ad Paradisum redire: qualis Adam fuerat de Paradisi sublimitate dejectus. Nudus enim incola Adam Paradisi fuit. Quamvis ergo cū possessione divitiarum possit quis ad vitam ingredi servando mandata: tamen ad perfectam sequelam Christi ut perfectio amore & integro affectu tendat in DEUM, deest sibi unum, scilicet quod relinquat divitias affectu: ut sit pauper spiritu, quæ paupertas includit humilitatem, sine qua non est paupertas vera, quia vanum est habere bursam vacuum, & cor plenum superbiâ. Includit etiam contemptum divitiarum effectus: quia difficile est valde habenti divitias, ne amore earum aut detineatur, aut distrahatur & impediatur à perfecto amore DEI: ne Christum liberè & expeditè sequatur. Nam qui divitiis implicatur, mittit pedes in rete, ne possit coram DEO perfectus ambulare, & liberè Christum sequi: quia divitiæ viscosiores sunt viscò, & vix evellitur animus occupatus ab eis & detentus. Nimia ergo dilectio terrenarum possessionum est hujus perfectionis impedimentum. Quod bene patuit in hoc juvene, qui, cum audisset verba Domini, de perfectione paupertatis voluntariæ, abiit tristis, sæculi tristitiâ mortem operante, impeditus à perfectione quàm quærebat terrenarum possessionum amore, ob quod non poterat ad perfectionem voluntariæ paupertatis ascendere. Unde causa tristitiæ redditur, cum subditur: *Erat enim multas habens possessiones*, spinas producentes & tribulos, lementem Dominicam suffocantes: & ipse nihilominus habitus à possessionibus, & dives valde divitiis fallacibus, ob quarum inordinatū amorem tristabatur de persuasione abrenuntiationis earum: tristabile enim est amata abiicere. Ad temporalia enim passibiliter afficitur, cuius cor in privatione eorundem aliquo modo contristatur. Nam plerumq; cum temporalia assunt nobis, putamus quod ea non diligamus: sed cum abesse ceperint, invenimus qui sumus. Hoc enim sine amore nostro aderat, quid sine dolore discedit. Ille juvenis cum audiret, quod quæcunq; haberet venderet, & daret pauperibus: abiit mærens: quia & divitias sæculi & vitam æternam habere volebat: quod difficile erat ut fieret: quoniam in possessione divitiarum absq; superbiâ elationis & absq; proprietate voluptatis vix stare quis potest: sicut etiam difficile esset, quod

Ambrosius  
in cap. 18.  
Lucæ.



homo in cacumine verticis alicujus montis staret, & tempestate  
*Augustinus.* validi venti quassatus non caderet. Ut verò dicit Augustinus: Hic  
*Epistol. 34.* adolescens laudabilis quidem est, quia non occidit, non adulteratus  
est. Vituperabilis autem, quia contristatus est in verbis Christi vo-  
cantis eum ad perfectionem. Adolescens quippe erat secundum  
animam, & propterea relinquens Christum abiit. Hæc Augustinus.  
*Proverb. 1.* Sed tale rete frustra jacitur ante oculos pennatorum, scilicet con-  
templantium perfectorum, qui tantò minùs contristantur quòd de-  
sunt temporalia, quantò magis appetunt æterna. Nam ut ait Gre-  
gorius: Tantò quisq; minùs dolet quòd desunt æterna, quantò ma-  
gis gaudet quòd assunt temporalia, & qui minùs dolet quòd de-  
sunt temporalia, certius expectat ut assint æterna. Et ideo secun-  
dum Gennadium: Bonum est facultates cum dispensatione paupe-  
ribus erogare, sed melius est pro intentione sequendi Christum, o-  
mnia & totum simul donare, & absolutum à sollicitudine cum Chri-  
sto agere. Ut enim dicit Chrysostomus: Non similiter detinentur qui  
*Chrysostomus*  
*hom. 69.* pauca habent, & qui multis abundant: quoniam adjectio divitiarum  
*in Matth.* majorem accendit flammam, & violentior fit cupido. Non solum  
autem divitiarum possessio, sed etiam rerum aliarum diversitas ho-  
minem à DEI contemplatione & perfecto amore impedit & avertit:  
Unde Augustinus: Temporalium rerum multiformitas ab unitate  
DEI hominem per carnales sensus diverberat, & mutabili varietate  
ejus affectum multiplicat. Quem ergo delectat libertas, ab amo-  
re mutabilium liber esse appetat, & quem regnare delectat, uni  
omnium Regnatori DEO subditus hæreat. Et iterum: Duo sunt  
amores: mundi, & DEI. Si mundi amor habitat, non est quò intret  
amor DEI. Cùm exhausseris cor tuum ab amore terreno, hauries  
amorem Divinum. Unde & Gregorius. Cum cupiditate terrenæ  
substantiæ DEUS non diligitur, quia terrenus amor oculum mentis  
sordidans excæcat, ne Divina claritas videatur. Nec mirum: Quo-  
modo enim diligere potest quem nescit? Aut quomodo scit, ad quem  
nesciendum oculum cordis claudit? Unde etiam Chrysostomus: Fu-  
*Chrysostomus*  
*Epistol. ad* mo similes sunt humanæ res. Nil enim ita contristat animæ ocu-  
*Eutropium.* lum & turbat, ut vitæ hujus curarum turba, & concupiscentiarum  
multitudo: Hæc enim fumi hujus sunt ligna. Unde & Anselmus. Si  
*Anselmus*  
*Epistol. ad* vis esse quietus, nil sæculi appetas. Semper requiem mentis ha-  
*Hugonem.* bebis, si à temūdi curas abieceris. Quis curis terrenis se implicat, à  
DEI amore se separat. Et ut in paucis multa intelligas, attende pauca  
verba Augustini sic dicentis: Nil plus novi esse, quàm ista sensibilia  
fugiēda. Cui concordat Dionysius, qui sic dicit: Derelinque sensus  
& omnia sensibilia. Qui habet aures audiendi hæc pauca verba præ-  
dicta, audiat, & corde intelligat, quia multa in eis latent, quæ vanis  
& dissolutis non apparent. Unde cuidam de sermonis abundantia  
sollicito, dictum est in spiritu: Si vis scire omnia prædicanda, tunc  
separate ab exterioribus, purifica te à temporalibus: liberum fac te  
à carnalibus, & erigete ad Cœlestia, & manifestabuntur tibi Divina.  
Ecce in his verbis totum est inclusum quod est prædicatum: Ima-  
go enim tua, Imago DEI est, depone ergo ab ea omne quod sibi  
accidens est, & apparebit tibi in ea quòd Divinum est. Ut autem  
utiliter ad temporalia & æterna perfecte te habeas, scito quòd tem-  
poralia debes aspicere sub sensu quadruplici. Primò, scilicet ut tan-  
quam peregrinus & advena sentias omnia ut extranea & aliena:  
ita



itaquē tua vestis sit tuo sensui extranea, ac si esset alicujus de Græcia vel India. Secundò, ut in tuo usu omnem abundantiam timeas ut venenum, & mare submergens. Tertiò, ut in tuo sensu omnē inopiam & egestatem, sentias ut mensam, & aram, & scalam vitæ æternæ, & ut speculum Imaginem Crucis Christi. Quartò, ut divitias & apparatus divitum ita sentias tibi difformes, quod in eorum memoria vel aspectu nullatenus valeas delectari, vel lætari. quod si videris te in eis congaudere, à Christi gloriosa paupertate te æstima alienum fore. Huic autem connectitur quod in pauperum & despectorum memoria, vel aspectu tanquam in Christi pauperis expressa imagine totus lateris, & eis quasi Regibus cum summa alacritate & reverentia assotieris. Considera etenim hæc quod ad perfectionem non sufficit quædam opera bona, & quasdam virtutes habere, sed oportet omnia pro posse perficere. Unde Chrysost. *Opera bona omnia facienda.* Complexus est DEI homo ad omne opus bonum, expletus non, ut *Chrysostom. hom. 64.* hæc quidem habeat illa, illa verò non habeat. Qui enim talis est, non est complexus. Quæ enim utilitas, dic mihi, cum orat quis intensè, non misereatur autem abundè? aut cum miseretur quis abundè, avarus autem & violentus existens? aut cum non avarus aut violentus existens, ad ostentationem verò sit hominum qui vident? aut cum misereatur quidem in id quod DEO videtur, eleve-  
tur autem hoc ipsò & magna sapiat? aut cum humilis quidem fuerit, & jejuniis intendens, avarus autem & negotiator, & terræ affixus, & matrem omnium malorum, inducens animæ? radicem enim omnium malorum, dixit Paulus avaritiam. Horreamus igitur hanc, & fugiamus hoc peccatum. Hoc orbem terrarum instabilem fecit: hoc omnia confudit: à beata servitute nos abducit Christi. Non est enim possibile, ait, DEO servire & mamonz: contrarium non injungit Christus. Hæc Chrysost: Et nota circa præmissa, quod perfectio paupertatis non consistit in majori defectu rerum temporalium, sed in majori abstractione sollicitudinis earum. *Paupertatis perfectio.* Quantò enim modus vivendi in paupertate minorem habet sollicitudinem, tantò paupertas est perfectior: non autem quantò paupertas fuerit major. Non enim paupertas secundum se bona est: sed in quantum liberat ab illis, quibus homo impeditur quò minùs spiritualibus intendat.

DE DUODECIM CONSILIIIS EVANGELICIS.  
CAPUT XII.

**E**T quia dictum est de præceptis, quæ sunt necessaria ad salutem, videamus & de consiliis quæ requiruntur ad perfectionem. Unde & præceptis, & prohibitionibus tenemur: sed de consiliis & permissionibus non tenemur. Nam consilium pertinet ad perfectos, præceptum autem ad perficiendos: sed permissio pertinet ad imperfectos, prohibitio verò ad perversos. Ad observantiam quidem præceptorum utilis est observantia consiliorum. Aliquando enim fortitudo terræ in ingressu illius consistit, & ideo passus ille bonâ custodiâ indiget: quia obtento ingressu faciliter residuum hostes obtinent. Sic est in terra animæ quia tota fortitudo ejus consistit in ingressu scilicet in occasionibus peccatorum, & propter hoc necessaria est bona custodia circa ipsum. Propter custodiam autem istius ingressus

*Consilia ad perfectos pertinent.*



dantur consilia, quæ continent & custodiunt mandata, ac retrahunt hominem ab incautis respectibus, & discursibus, & aliis periculis.

*Consilia duodecim* Sunt autem duodecim consilia Evangelica, quæ Christus adjecit ad præcepta. Primum, est paupertatis, quæ consistit in abdicatione proprietatis. Unde est illud: *Si vis perfectus esse, vade & vende omnia quæ habes, & veni sequere me.* Et illud: *qui non renuntiaverit omnibus quæ possidet non potest meus esse discipulus.* Secundum, est obedientiæ. Unde est illud: *Si quis vult post me venire, abneget semetipsum.* Et illud: *Super Cathedram Moysi sederunt: Scribæ & Pharesæi, quæ dicunt facite.* Tertium, est castitatis. Unde est illud: *Sunt eunuchi qui se ipsos castraverunt propter Regnum Cælorum.* Et illud: *Audistis quia dictum est antiquis: Non machaberis, ego autem dico vobis, qui viderit mulierem ad concupiscendum eam, jam machatus est in corde suo, ubi ostenditur quod non solum damnabilis est consensus in opus mæchix, sed & consensus ad delectandum in corde.* Hæc tria consilia prædicta, sunt specialia omnis perfectæ religionis, & substantialia: quia suos observatores elongant à malo, non solum quantum ad culpam: sed etiam quantum ad causam. Omne namq; malum oritur ex triplici radice, scilicet ex concupiscentia carnis, & concupiscentia oculorum, & superbia vitæ. Prædicta verò tria consilia nos elongant perfectè ab hac triplici radice, scilicet paupertas, à concupiscentia oculorum, castitas, à concupiscentia carnis, & obedientia, à superbia vitæ.

*Tres sunt malorum radices.* Quartum, consilium, est charitatis. Unde est illud: *Diligite inimicos vestros.* Istud quantum ad dilectionem affectus, est præceptum: sed quantum ad dilectionem effectus, est consilium: quia inimico velle gratiam & gloriam, est necessitatis, sed impendere opera beneficentiæ, & ostendere illi signa benevolentix, est consilii & perfectionis. Sanè negare ei signa familiaritatis, quando veniam petit, vel ad familiaritatem non simulatoriè se ingerit, vel quando necessitas exposcit, vindicta est: quia tunc inter amicos est computandus, sed quod aliquis ultro se ad familiaritatem ejus ingerat, hoc est perfectionis.

*Matth. 5.* Quintum Consilium, est mansuetudinis. Unde illud: *Si quis te percusserit in maxillam unam, præbe & aliam, id est; paratus sis & aliam percussione sustinere patienter: & istud est consilium patientiæ, respectu læsionis corporum.* Et illud: *Qui tecum vult iudicium contendere, & tunicam tollere, relinque ei & pallium: & istud est respectu ablationis rerum.* Cum contentione & fraude, nulli licet sua repetere: cum charitate licet imperfectis, perfectis autem non: quia non repetere est infirmis consilium, perfectis verò præceptum. Illis autem qui renuntiaverunt proprietati, non licet repetere sua: sed ut congregationis. Sextum, est misericordiæ & erogationis.

*Luca 6.* Unde est illud, *omni petenti te tribue, non propter se, sed propter bonum commune.* Et illud: *Si vis perfectus esse, vende omnia quæ habes, & da pauperibus.* Dare superfluum in extrema necessitate, est necessitatis & debiti: sed dare quibus egemus, est consilii. Septimum, est de simplicitate verborum. Unde est illud: *Sit sermo vester est, est, non non, id est; si affirmatio vel negatio est in ore, sit etiam in corde.* Et illud: *Audistis quia dictum est antiquis: Non perjurabis: ego autem dico, non jurare omnino.* Jurare quantum ad infirmitatem pertinet, permissionis est: non jurare autem, quantum ad perfectionem pertinet. Consilii est. Octavum, est de vitanda occasione peccandi. Unde est illud: *Si oculus tuus scandalizat te, erue eum*



*eum & proiice abs te.* Ubi secundum Augustinum. Nullam mem-  
brum ad literam præcipitur erui, sed occasio peccandi, quia non  
solam peccata, sed & occasiones peccandi sunt fugiendæ. Nonum,  
est de rectitudine intentionis, & simplicitate operis vel finis. Unde  
est illud: *Attendite ne iustitiam vestram faciatis coram hominibus, ut vi-*  
*deamini ab eis.* Et illud: *Sic luceat lux vestra coram hominibus, ut vi-*  
*deant opera vestra bona, & glorificent Patrem vestrum qui in Cælis est.*  
Decimum, de conformitate operis & doctrinæ. Unde est illud: *Qui*  
*fecerit & sic docuerit, hic magnus vocabitur in Regno Cælorum.* Et illud:  
*Alligant hominibus enera gravia, digitus autem suus nolunt ea movere, dicunt*  
*enim, & non faciunt.* In prædicatione aliquando asseritur censio ge-  
neraliter de his quæ pertinent ad statum salutis, aliquando DEO  
asseritur censio secundum statum perfectionis, utpote religioni.  
Primò modò tenetur facere quòd dicit Prædicator, cum asserat omnes  
ad hoc teneri. Secundò modò non tenetur, nisi ipe perfectionem  
illam noverit. Existens autem in peccato notorio, peccat quando  
prædicat, quia scandalizat. Existens autem in peccato occulto, si  
prædicat & non studet ex suo delicto compungi, adhuc videtur pec-  
care, quia videtur contemnere. Undecimum, est de vitanda solli-  
citudine. Unde est illud: *Nolite solliciti esse.* Et illud: *Nolite cogi-*  
*tare de crastino.* Ubi sciendum, quòd quadruplex est sollicitudo. Pri-  
ma est laudabilis: & est providentiæ spiritualis, quò ad animam, quo-  
modo quis DEO placeat omnem sollicitudinem suam proiciens in  
eum. Secunda est etiam laudabilis, & est providentiæ temporalis  
ex fraterna charitate, qualis competit Prælati & Religiosis Officia,  
tis qui præsumt in sollicitudine. Tertia est tollerabilis, & est curæ tē-  
poralis, quò ad corpus. Quarta est vituperabilis, & est superflua  
thesaurizationis, quò ad avaritiam. Prima consulitur consiliò istò.  
Secunda præcipitur. Tertia permittitur. Quarta prohibetur. Duo-  
decimum consilium est de fraterna correptione. Unde est illud: *Si*  
*peccaverit in te frater tuus, corripe eum &c.* Corripere fratrem quandoq;  
est consilium, ut quādo aliquis corripit fratrem de venialibus, & il-  
lum cum quo nihil facere habet nisi communem charitatem, quan-  
doq; est præceptum, ut quando corripitur de mortali, & isto secun-  
do modo pertinet ad omnes, & obligat semper, sed non ad semper,  
quia pro loco & tempore, scilicet quando vacat & licet, & creditur  
quod utilis sit correptio. Et ad hoc præceptum maximè tenentur  
Prælati, quò ad eos quorum curam gerunt. Omnia præmissa Do-  
mini præcepta & consilia facilia sunt volenti, & DEI timorem præ-  
oculis habenti. Unde Chrysosto. Sit tibi timor DEI, omni necessi-  
tate violentior. Si non velis occasiones semper obicere, nihil de  
eis quæ sunt imperata custodies, & ita prorsus omnia quæ sunt præ-  
cepta calcabis. Quia si legem volueris custodire Christi: necessita-  
tem quidem nullam, quæ te ab observatione ejus impediat aliquan-  
do patieris. Noli igitur o! homo in otium declinare, nec dissolvas  
bonam animi voluntatem, neq; enim quæ imperantur onerosa sunt.  
Tantummodo velle sufficit & totum quod jubetur impletum est.  
Quòd si mihi consuetudinem tuam opponis ut legem, per hanc ipsam  
te admoneo quā sit facilis ista correctio. Si enim in aliam con-  
suetudinem ex alia te converteris, hoc quod tibi difficile videtur,  
effeceris. Quia sicut ad viciandum consuetudo est violentia, ita sit  
potens ad corrigendum. Et iterum: Si in usum semel bonæ Philoso-  
phie

August. l. 1.  
de ser. Dom.  
in monte

Matth. 6.

Ibidem 5.

Ibidem.

Matth. 23.

Matth. 6.

Sollicitudo  
quadruplex.

Matth. 18.

Corripere

proximum,

quādo sit præ-

ceptum, vel

consilium.



phix transeas, etiam si postea aliquis tibi torpor obrepit, non tamen facile poteris horum quippiam quæ præcepta sunt transgredi, bona scilicet consuetudine firmitatem jam imitante naturâ. Quæ enim facile est dormire, comedere, bibere, respirare, tam nobis facilia erunt bona consuetudine, etiam opera virtutis. Hæc Chryso-  
Chrysostom. hom. 56. in Genes. Consuetudo bona. Unde & Tullius: Optima forma vivendi eligenda est, quam jucundam reddit consuetudo. Tantum etiam delesteris & complaceat tibi in præceptis & consiliis Domini, ut si non sine gravamine vel difficultate videantur fieri, coneris tamen ob honorem Ipsius Legislatoris servare quantum Ipse vires dabit, quia etsi propter ipsum pati non eligis, nihilominus aliter patieris. Ut enim dicit Augustin.  
Cicer. 1. offic. Patimur inviti. In hoc mundo non timere, non dolere, non periclitari impossibile est, sed plurimum interest quâ causâ, qua expectatione, quò terminò, quisq; patiatur. Unde Chryso-  
Chrysostom. hom. 77. in Matth. Si non propter Christum elegerimus aliquid pati dolorum, necesse est eos omnino & aliter sustinere. Neq; enim si propter Christum non mortuus fueris, immortalis eris, neq; si propter Christum non projeceris pecunias, ferens eas abibis. Hæc expetit à te, quæ & non expetente eò dabis. Hæc te vult facere tua voluntate, quæ & ex necessitate te oportet facere. Expetit autem solum propter Eum fieri, quia continget & hæc transire à necessitate, quæ secundum naturam fit. Ergo nō injustè avertit & punit DEUS, cū in omnibus seipsum nobis præbeat, nos autem resistimus. Ego, inquit Pater, ego & amicus & frater, & soror, & Mater, & omne quodcūq; volueris ego sum: solum familiariter te habeas ad Me, quia omnino necesse est te pati, Eligē pati propter Me. Ego inops propter te, & peregrinus propter te, in Cruce propter te, in sepulchro propter te, superius propter te interpello Patrem, inferius propter te ligatus, veni à Patre: omnia Mihi tu es, & frater, & coheres, & amicus, & membrum. Quid plus vis? Quid Eum qui te diligit avertis? Quid huic mundo laboras? Quid vase hauris perforato? Hoc enim est in præsentī vita laborare. Quid flammam incendis? Quid aerem impugnas? Quid  
Ecclesiast. 1. inaniter curris? *Vanitas enim vanitatum, & omnia sunt vanitas.* Ita humiliemus nosmetipsos, & potiores efficiamur, ut qui dignè hic  
Duodecī cō- viximus, futuris fruamur bonis. Hæc Chryso-  
filia, duode- duodecem consilia, duodecim lapidibus, pretiosis possunt adaptari.  
cim lapillis comparati Primum enim consiliū, quod est paupertatis, significatur per lapidē  
Saphirus saphirum. Saphirus n. flavi coloris est, sicut Cælum serenatum,  
paupertas. sic pauperes colorem Cœlestem habent, pro quanto à terrenis totaliter elongati solis Cœlestibus intendunt. Item Saphirus dicitur ardorem interiorem refrigerare, & oculos purgare, sic Sancta paupertas ardorem cupiditatis rerum temporalium, quia communiter homines mundani æstuant, ita in animo istorum pauperū refrigerat, ut omnia terrena bona arbitrētur ut stercora. Et ideo facit eos habere oculos mundos & limpidos ad contemplandum Cœlestia: qui non sunt terrenorum pulvere obfuscati. Item Saphirus fugat squinantiam, & morbum qui dicitur noli me tangere: & universaliter valet ad apostēmata calida. Sic paupertas spiritūs, tumores & infectiones vitiōrū non compatitur: sed ea fugat & sedat. Secundum consiliū, quod est obedientia, significatur per lapidē topaziū. Topazius in colore est auro similis: sic obedientia. Color enim est auri nobilissimus sine quo nulla pictura est perfecta. Et certè sine qua obedi-  
Topazius entia  
obedientia.



entia nulla perfecta virtus est: quia secundum Augustinum, Sine *Augustinus.*  
obedientia omnia vacua, & cum obedientia omnia plena charitate *sermon. de*  
reperiuntur. Item Topazius bullientes aquas compescit: sic obe- *obedientia.*  
dientia aquas humanæ fluxibilitatis compescit. Nam ex naturali  
fomite in nobis incentiva vitiorum ebulliunt, quibus obedientia  
frenum imponit. Item Topazius iram restringit, & certè obedi-  
entia iram, & omnem passionem animi mitigat: quia quæcunque  
passio vel tentatio in animo irrepserit, superveniente Majorum o-  
bedientiâ restringitur in homine obediente. Tertium Consilium,  
quod est castitas: significatur per lapidem smaragdum. Smaragdus *Smaragdus.*  
enim est à tota specie amator castitatis, & nullò modò sustinet coi- *Castitas.*  
tum nisi rumpatur. Unde & gestantem se ad castitatem inclinat.  
Est autem viridis præ omnibus rebus virentibus: cujus etiam fulgo-  
re vicinus aer virere cernitur, nec ejus viror sole vel lunâ, vel um-  
brâ obfuscatur. Sic castitas inter alias virtutes viret. Unde & vir-  
go dicta est à virore: & ipsa castitas est viror omnium virtutum,  
ita ut etiam proximas exemplariter & virtualiter virere faciat:  
nec obscuratur sole, id est; æstu cujuslibet tentationis: nec obfu-  
scatur lunâ mundanæ gloriationis, nec umbrâ carnalis delectationis.  
Item Smaragdus motus lascivos compescit, visum refocillat, gratū  
hominem in verbis reddit, & hæc tria ad literam efficit castitas ut  
patet. Item Smaragdus tempestates avertit, & caducum morbum  
curare dicitur: sic castitas tempestatem carnalis impugnationis re-  
primit, & morbum ejus: unde homo quasi caducus & amens effici-  
tur, compescit. Quartum consilium, quod est charitas, prout ex-  
tenditur ad dilectionem inimicorum, signatur per carbunculum.  
Carbunculus enim se habet ad alios lapides sicut aurum ad cætera *Carbunculus.*  
metalla, & dicitur aliorum lapidum virtutem habere: sic charitas *Charitas.*  
excellit omnes virtutes, & complectitur in se virtutes universas.  
Carbunculus etiam est calore igneus, sicut carbo vivus nocte ma-  
gis lucet quàm die, & circa se noctem, quasi in diem mutat; sic  
charitas ignis est, & magis lucet in nocte adversitatis, quàm in die  
prosperitatis: imò etiam noctem adversitatis & tribulationis, ver-  
tit in diem consolationis. Idem Carbunculus fugat venenum æ-  
reum & vaporosum, sic charitas sua benignitate omnem maliti-  
am infectivam vincit. Quintum consilium, quod est mansuetudo,  
signatur per Ameristum. Ameristus enim est coloris violacei, & *Ameristus.*  
habet virtutem refrigerandi & leniendi, unde operatur contra e- *mansuetudo.*  
brietatem, sic mansuetudo refrigerat calorem iracundiæ, & lenit ap-  
petitum vindictæ: Unde & ebrietatem mentis, quâ aliqui rapiuntur  
extra moderamen rationis ex crapula animi sedat: & hominem tran-  
quillum reddit. Item Ameristus reprimit malas cogitationes, &  
confert inscibilibus intellectum sic & mansuetudo: quia ut dicit Am-  
brosius. Mansuetus homo cordis est medicus. Et Psalmista. *Docebit Psalm. 24.*  
*mites vias suas.* Sextum consilium, quod est misericordia, signatur  
per Onichinum. Onichinus in colore & magnitudine est ad similitu- *Onichinus.*  
dinem unguis humani: per unguis autem in scriptura ultimæ o- *misericordia.*  
perationes designantur: & certè consilium misericordiæ extendit se  
etiam usq; ad ultimum possibilitatis nostræ: imò perfecta misERICOR-  
dia non habet ultimū, & nunquam impletur: quia si miserearis quan-  
tum potes, plus tamen velle debes. Item Onichinus appositus in-  
firmo oculo, sponte sua, quasi res sensata, intrat sine læsione & cir-  
cuit



cuit oculum, & penetrat interius omnes partes, quousque ejus contrarios humores prorsus excusserit: sic misericordia naturaliter ex seipsa oculum cordis subintrat, & cum pium cor intraverit, emundat ipsum ab humoribus vitiosis. Unde Dominus: *Date inquit, elemosynam, & ecce omnia munda sunt vobis.* Onichinus etiam valet contra scabiem, & dealbat faciem: sic misericordia scabiem peccatorum abstergit, & faciem animæ dealbat: quia sicut aqua extingvit ignem, ita elemosyna extingvit peccatum. Et ut dicit Chrysostomus: *Elemosyna illustrat animam, & eam bonam efficit & decoram.* Septimum Consilium, quod est simplicitas verborum, significatur per jaspem. Jaspis enim bonus est, viridis, translucens, & rubeas habens venas: sic sermo noster debet esse viridis, ut semper aliquid boni germinet, quod est contra vaniloquos: debet esse transparentis, ut in verbis appareat intentio cordis, quod est contra dolosos & mendaces: debet etiam habere venas rubeas charitatis ad proximum, ad quem & de quo est sermo, quod est contra susurratores, detractores, conviciatores & calumniatores. Item Jaspis fugat febrim & hydropisim, & stringit fluxum sanguinis: sic simplicitas verborum fugat febrim iracundiæ: *quia responsio mollis frangit iram,* curat hydropisim avaritiæ, nam apud mercatores & alios temporalibus lucris inhiantes, verborum simplicitas reputatur fatuitas. Stringit etiam fluxum sanguinis, carnalis videlicet concupiscentiæ, quæ ex simulatis colloquiis sæpe excitatur. Octavum consilium, quod est vitatio occasionis peccati, significatur per Chrysolitum. Chrysolitus enim micat ad solem quasi stella aurea: & si ponitur in igne, resilit ab igne: sic cautela occasionis peccandi micat in anima, quasi stella aurea, dirigens hominem in factis suis instar stellæ maris, ut sine offensione peccati pertingat ad portum: & per hanc cautelam mox ut homo advertit se esse in periculo, resilit fugiendo à tali opportunitate, quasi ab igne. Item Chrysolitus repellit stultitiam, & confert sapientiam: sic vitare occasiones peccandi, est magnæ sapientiæ: sicut contrariò quærere opportunitates peccandi, magnæ stultitiæ est. Nonum Consilium, quod est reſtitudo intentionis, ac simplicitas finis, signatur per Berillum. Berillus enim est coloris pallidi & transparentis & illi optimi sunt, qui maculas interiùs non habent: sed bona opera nostra debent esse pallida, scilicet spiritualia & transparentia, ut videantur ab hominibus pro bono exemplo & DEI Gloria: & hoc tunc solum est laudabile, quando intentio est pura intus in corde: ita quod non sunt maculæ intentionis sinistræ. Item Berillus, si sit rotundus, & opponitur soli, ignem accendit in carbone mortuo: sic bonum opus, si sit bene rotundatum, id est, ex omni parte debitis circumſtantiis coarctatū, & non obligatum vel distortū à fine debito, & si directè opponatur soli, ita ut tota intentio dirigatur ad lumē, tunc accedit carbones mortuos, id est, opera nostra prius per peccata mortificata reviviscere facit: vel etiam quia ejus ardor accedit proximos mortuos pro peccatis, qui ejus exemplō accenduntur ad poenitentiam. Item Berillus valet contra squinantiam & glandes: sic reſtitudo intentionis valet contra tumefactiones hypocrisis & vanæ gloriationis. Item Berillus valet contra pericula hostium & reddit hominem invictum: sic quia hostes nostri demones nituntur bona opera nostra vitare per inanem gloriam, & superbiam spiritualementem (quia secundum Augustinum, bonis operibus insidiantur ut pereant) contra

Jaspis,  
Sermo.

Prover. 15.

Chrysolitus,  
Occasionis  
peccandi vi-  
tatio.

Berillus,  
intentionis  
reſtitudo.



contra hoc Berillus rectæ intentionis reddit hominem invictū. Item Berillus amorem inter conjuges reconciliat: & certa bona opera nostra, recta intentione simpliciter in DEUM directā reconciliant animam cum DEO Sponso suo. Decimum consilium, quod est conformitas operū ad doctrinam, signatur per Lyncuriū. Lyncurius *Lyncurius, doctrina Con-* est lapis qui fit ex urina Lyncis, nam ut Plinius dicit: urina hujus *cionatoris.* animalis in lapidem durefcit. Lyncei comparatur Doctor, vel Prædicator, propter acumen visūs intellectūs: cujus doctrina prius debet esse in seipso digesta per operationem sibi incorporata: & tunc quasi ex abundantia vitæ suæ stillare in pretiosū liquorem doctrinæ, ad profectum aliorum: sed ipse debet prius, id quod purius est sibi incorporasse: sicut postquam id quod purius est in urina, conversum est in substantiam aliti, extunc liquor urinalis egreditur: Unde sicut malum signum est in natura, quando liquor urinalis indigestus & crudus emittitur: sic malū indicium est in moribus quando id quod docetur, prius opere non impletur. Item Lyncurius confert constipatis, & ventrem solvit: sic cum aliqui pleni malis humoribus peccacorum, per confessionem eos egerere nequeunt: sapientales ex prædicatione exemplaris viri, cujus vita plūs prædicat quàm doctrina, remedium consequuntur. Undecimum consiliū, quod est vitatio sollicitudinis, signatur per lapidem Achatem. Achates est nigri coloris, cum albis venis intermixtus. In nigro colore designatur humilitas, & despectus mundi: quæ sunt in istis qui à sollicitudine temporalium sunt abstracti. Nam ipsi mundū despiciunt, & à mundo despecti sunt. Sed in hac vita non potest esse omnimoda abstractio ab omni sollicitudine: sed propter necessitates corporis parva sollicitudo permittitur etiam perfectis & hoc significatur per venas albas intermixtas. Item Achates venena fugat, sitim sedat, visū fovet: sic vitatio sollicitudinis venena mundani contagii fugat: nam omnia ista mundana venenosa sunt, & vix absq; contagio animæ tractari possunt. Item sollicitudo temporalium sitim provocat: quia multū attrahit: & avarus non satiatur, sicut qui nunquā dicit, sufficit. Sed ab istis, scilicet veneno & siti, vitatio sollicitudinis per oppositum præservat. Quæ etiam fovet visum intellectualem: quia quantominus disgregatur ad temporalia, tantò fortificatur ad spiritualia. Duodecimum consilium, quod est fraterna correptio, significatur per Sardium. Sardius est coloris rubei, sed atrii, sicut terra rubea. Sic fraterna correptio debet esse rubea ex charitate, quæ fieri debet: sed quia charitas ista semper est cum dolore & compassionē, propter delictum fratris: ideo rubor ille est turbulentus. Item Sardius restringit fluxum sanguinis: sic correptio fraterna restringit fluxibilitatem peccandi, pro quanto per hujusmodi correptionem multi restringuntur à peccando. Item Sardius accendit animum ad gaudium, & acuit ingenium: sic correptio fraterna fratrem bonum ex post factō facit gaudentem: acuit etiam ingenium, quia secundum Apostolum, omnia quæ arguuntur à lumine manifestantur. *Ephes. 5.*

*Achates, humilitas.*

*Sardius, fraterna correptio.*





DE DIFFICULTATE ET IMPOSSIBILITATE  
*Intrandi divitem in Regnum Cœlorum. Et de præmio relin-*  
*quentium omnia, & sequentium Christum.*  
 CAPUT XIII.

*Matth. 19.* **V**idens autem JESUS juvenem tristem factum ex paupertatis per-  
*Marci 10.* *Lu. a 18.* *svatione, & abiisse: occasione hujus habentis divitias, ingredi-*  
*tur sermonem de avaro, sub divitis nomine: & ut discipulos confir-*  
*met in assumpta perfectione: nec eis grave sit quod relictis omni-*  
*bûs secuti sunt Christum, ostendit quomodo divitiæ faciunt difficul-*  
*tatem ad perfectionem, & Regnum consequendum, dicens: Amen*  
*dico vobis, quia dives difficilè intrabit in Regnum Cœlorum, quod scili-*  
*cet est pauperum: non dicit impossibile, sed difficilè, quia difficile*  
*est divitias possidere, & non teneri nimis earum amore: quia ut di-*  
*cit Augustinus. Bona terrena diliguntur arctius adepta, quàm con-*  
*cupita: aliud est, nēpe nolle incorporare quæ defunt, aliud jam in-*  
*corporata divellere: illa enim velut extranea jam repudiantur: ista*  
*velut membra præscinduntur. Et ut dicit Chrysostomus. Appo-*  
*sitio divitiarum majorem apponit flammam, & vehementior sit cu-*  
*pido. Ubi ergo difficile ponitur, non impossibilitas prætenditur:*  
*sed raritas demonstratur. Difficilè nēpe divitiæ habitæ contemnun-*  
*tur, & vix aliquis res sæculi sine sæculi vitiis assequitur. Hæ enim*  
*sunt spinæ & tribuli, qui suffocaverunt Semen DEI. Quare tutum*  
*est nec habere, nec amare divitias. quia ut ait Beda. Qui hic mul-*  
*tiplicandis divitiis incumbunt, alterius vitæ gaudia quærere con-*  
*temnunt. Unde Hieronymus. Superflua est cura de rebus corru-*  
*ptibilibus, quæ cū angustia prodeunt, adeptæ parvo tempore sub-*  
*sistunt, subsistentes sollicitudinem ingerunt, recedentes dolorem fa-*  
*ciunt: & quod pejus est, ingressum Regni frequenter impediunt.*  
*Deinde quasi impossibile hoc ostendit, & quomodo divitiæ faciunt*  
*impossibilitatem ad consequendum perfectionem, & Regnum Cœ-*  
*lorum, dicens: Facilius est camelum per foramen acūs transire, quàm di-*  
*vitem, scilicet inordinatas divitias amantem, intrare in Regnum Cœlo-*  
*rum, scilicet portam angustam & arctam. Verbum terribile divi-*  
*tibus: quorum nulla bona sunt in Cœlo, sicut pauperum nulla bona*  
*sunt in mundo. Unde Ambrosius. Nam ideo nudi accedimus ad*  
*lavacrum: ut nudi ad Cœli januam properemus. Quàm autem in-*  
*congruum & absurdum est, ut quem nudum Mater genuit, nudum*  
*suscepit Ecclesia, dives intrare velit in Cœlum. Hæc Ambrosius.*  
*Ubi attende, quòd quando quis vult habere divitias: & non quidem*  
*in eis confidendo, vel finem & spem constituendo: sed tamen uten-*  
*do eis afficitur. & cum amore citra DEUM eas possidet, ita quòd*  
*à perfecto amore DEI & libera sequela Christi aliquàlter impedi-*  
*tur: sic difficilè Regnum Cœlorum ingreditur. Sed quando quis*  
*confidit in divitiis, & in ipsis finem & spem constituit, ut inde super-*  
*biat & lasciviat retinens eas cupidè & inordinatè, cum amore supra*  
*DEUM: nec ad egenos manus extendens: sic impossibile est eum*  
*intrare in Regnum Cœlorum. Unde quod dixit difficile, respectu*  
*divitis, primò modò: dicit impossibile, respectu divitis, secundò mo-*  
*dò. Quomodo ergo plurimi divites Regnum DEI intraverunt: nisi*  
 quia



quia DEO inspirante pro nihilo divitias habuerunt? Nunquid David in divitiis confidebat, qui de seipso canens ait: *Ego vero egenus* Psalm. 69. *sum & pauper.* Alios quoque hortatur, dicens: *Divitiæ si affluant, nolite* Psalm. 61. *eor apponere.* Unde Augustinus. Divitem ergo hic appellat cupidum rerum temporalium, & de talibus superbientem: his divitibus contrarii sunt pauperes spiritu, quorum est Regnum Cælorum. Hæc Augustinus. Aliud est divitias habere, aliud amare. Multi habent, & non amant, multi non habent, & amant: Itaque alii habent & amant, alii nec habere, nec amare se gaudent: qui ultimi tutiores sunt, & cum Apostolo dicere possunt: *Mibi mundus crucifixus est, & ego mundo:* Unde quidam Philosophus ait: Licet inter divitias esse pauperem: nec major est ille, qui sic utitur fictilibus sicut argentum: nec minor ille qui sic argentum sicut fictilibus utitur. Vel facilius hic, minus significat positivo sui contrarii: id est; minus difficile est. Potest enim DEUS facere ut transeat camelus per foramen acus, nullo obstante: avarum vero, qui hic nomine divitis intelligitur, ponere in gloriam, etsi potest de potentia, non tamen de justitia, quæ reclamation. Oportet enim avarum amorem opum dimittere, si vult ad vitam intrare. Vel camelus non potest intrare per foramen acus, nisi dividatur per multas partes minutas quod est facilius, quam divitem in divitiis confidentem, & per amorem eis inhaerentem intrare in Regnum Cælorum: quia illud est aliquo modo possibile, istud impossibile. Vel ut dicitur, quædam porta erat in Hierusalem, quæ dicebatur Acus, per cuius foramen non nisi deposito onere & flexis genibus poterat intrare camelus: sic & nec dives per viam arctam potest intrare in Regnum Cælorum, nisi depositis divitiis, vel per abjectionem eas relinquendo: vel saltem per subjectionem eas non amando. Vel per camelum, cuius unicum & singulare officium est onera portare, hi intelliguntur qui peccatorum pondere prægravantur. Facilius est ergo camelum, id est; aliquem valde peccatorem, transire per foramen acus, id est; per arctam & angustam viam, quæ ducit ad vitam, quam divitem, cupidum, intrare Regnum Cælorum, quia ille facilius a peccatis, quam iste a divitiarum spe separari potest. Quod autem nomine divitiarum avarum significasset, hinc patet: quia, discipuli inopes & pauperes, hæc audientes, & jam hominibus compatientes, affectuque charitatis salutem illorum zelantes, quærun admirando, dicentes: *Quis ergo poterit salvus esse?* cum penè omnes cupiant divites fieri. Intellexerunt enim, secundum Augustinum, omnes qui divitias cupiunt vel amant: etiam si non habeant, vel adipisci nequeant, in divitum numero deputari: & sic multi sunt divites, & pauci pauperes. Plures enim rebus sunt pauperes quam divites, & ita plures salvari possent, si de possessoribus opum dixisset. Hoc autem dicebant, quia pauci sunt qui divitias non diligant, vel non appetant, Jesus autem aspiciens, illos oculo modesto & mansueto, clementiam suam severitatem sententiam temperat: & timidam eorum mentem mitigat, & eos consolans ait: *Apud homines, quorum scilicet est per se cadere, non per se resurgere: hoc impossibile est: ut per se a suis cupiditatibus convertantur & salventur: quia non possunt ad hoc attingere ex virtute propria, sed solum ex gratia Divina: apud DEUM autem omnia sunt possible, qui per gratiam potest affectum a divitiis separare, & hominem a cupiditate terrenorum, ad charitatem Cælestium convertere. Unde non est hoc sic intelligendum, quod dives cum sua cupiditate, & superbia*

Augustinus  
l. 1. de qua-  
stion. Evan.  
capit. 26.  
Galat. 6.

Augustinus  
l. 2. de qua-  
stione Evan-  
capit. 47.



bia in Regnum DEI sit intraturus: sed possibile est DEO, ut à cupiditate & superbia ad charitatem & humilitatem convertatur, & sic intret. Compositam DEUS non facit, divisam facit. Ubi Chrysostom. Neque etiam hoc ideo dicitur ut resupinus jaceas, & sic ab impossibilibus abstineas: sed ut magnitudinem justitiæ considerans: infilias DEUM rogans. Fugiamus ergo pessimam avaritiam, quæ nos fugā suadet. terræ affigit: nosq; intrare in Regnum Cælorum, & salvari non permittit. Unde Chrysostom. Quid igitur totamente avidi divitiis inhiamus, quando quidem nos ista in Cælum evehere non possunt: Rege Cælorum inclamante nobis atq; dicente: quia difficile sit nos cū divitiis Divinæ illius inhabitationis intrare vestibulum, si non impēdimus omnia. Et qua nam hoc, inquis, ratione possibile est? Si scilicet alium, id est; Cœlestis Regni amorem, intra tuum pectus incluseris. Qui enim concupiscit illius Regni gloriam, facilè irridebit avaritiam. Qui semel Christi servus effectus est, non erit mammonæ famulus: cujus certè è Regione sit Dominus: itaq; solvamus aliquando hos pessimos arctissimosq; nodos. Si enim insensibiles materias non vincimus, quemadmodum incorporeas possumus superare virtutes? Hæc igitur intelligentes fugiamus morbum hunc omnino letalem. & venenatissimos avaritiæ morsus vitemus. Hæc Chrysostomus. Et quia Dominus dixit juveni, quod omnia relinqueret, si perfectus esse vellet: Petrus pro se & aliis Apostolis respondens ait: *Ecce nos reliquimus omnia.* Et quia non sufficit tantum relinqueret, jungit quod perfectum est, & *secuti sumus Te*: sequi enim Christum, est fidei dilectione & devotione ipsum imitari. Ille inquit, dives neq; omnia dimittere, neq; sequi Te voluit: cui etiam quid responderis audivimus. De nobis autem quid dicis, qui & omnia reliquimus, & omnibus omnino postpositis Te secuti sumus. Igitur fecimus quod jussisti illi. *Quid igitur erit nobis? & quid dabis præmiū?* Adolescenti sua portio maneat mundus: scire cupio quid sit nostra portio, DEUS. Illa enim omnia reliquerat Petrus, de quibus dictum est. *Vanitas vanitatum, & omnia vanitas*: illa autem omnia retinuerat, de quibus dictum est: *DEUS est omnia in omnibus.* Licet Petrus non omnia, imò valde pauca habuerit, tamen omnia reliquit: quia nihil sibi retinuit, & voluntatem habendi, quæ capax omnium volitorum est, dimisit. Nemo enim omnia habere potest. Velle autem potest: quia voluntas etiam impossibilium est. Licet ergo esset pauper in actu, tamen habebat multa in potentia: & quia per pauperatatem voluntariam non solum relinquuntur possessa in actu: sed & possibilitas acquirendi & possidendi alia: & ista possibilitas aliquo modo se extendit ad omnia: ideo convenienter Petrus dixit, quod omnia reliquit: quia omnem cupiditatem dimisit. Non autem ad jactantiam, sed veridice & ad nostram instructionem loquitur Petrus, ut det fiduciam pauperibus, ne solos divites qui divitias possunt relinquere, æstiment ad perfectionis gratiam pervenire. Possunt nēpe pervenire & pauperes, qui quæ habēt saltē animum & affectum habendi relinquunt. Majus quidem est habendi voluntatem, quàm ipsum habere derelinquere. Nam ut dicit Augustinus. Multis mortuus est mundus, ipsi tamen vicissim mundo mortui non sunt: bona enim sæculi diligunt, & tamen ipsa quæ diligunt, minimè consequuntur. Item dicit hoc Petrus, ut divitum superbiam reprimat: ne qui plures divitias reliquerunt, suam humilitatem deserant, & paupe-



pauperes contemnant, ac ceteris perfectiores se dicant. Non enim qui plura reliquit, sed qui maiore dilectionis affectu relinquendi omnia, Christum consequitur, perfectior est dicendus. Unde putandum, quod Petrus magis confidens de animo & affectu suo quam de quantitate ipsarum rerum relictarum, fiducialiter & confidenter ait: ecce nos reliquimus omnia. Unde Origenes: Et si enim mi- *Origenes*  
nima cum fratre reliquit, sed non minima sunt æstimat apud DE- *Tractat. 9.*  
UM: considerantem quoniam ex tanta plenitudine dilectionis illa *in Matth.*  
minima reliquerunt: ut etiam si multas habuissent possessiones, omnes reliquissent. Itē dicit hoc Petrus nō tantum pro se, sed & pro omnibus: interrogās, quid ergo erit nobis? ut auditō præmiō omnes alliciat ad perfectionē & Christi sequelā. Unde Bernar. Dixit Simō *Bernardus*  
Petrus ad Jesū, Ecce nos reliquimus omnia, & secuti sumus Te. Hæc *sermon. de*  
nēpe sunt verba, quæ & contemptum mundi in universo mundo, & *verbis Evāg.*  
voluntariam persvalere hominibus paupertatem. Hæc sunt quæ *Ecce nos re-*  
Monachis claustra replent, deserta Anachoritis. Hæc, inquit, sunt *liquimus*  
verba quæ Aegyptum spoliant, & optima quæq; ejus vasa diripiunt. *omnia.*  
Hic sermo vivus & efficax convertens animas felici æmulatione sanctitatis, & veritatis promissione fidei. Omnia sanè dixerim non tantum possessiones: sed etiam cupiditates, & eas maximè: plus enim mundi concupiscentia, quam substantia nocet. Et hæc fugiendarum causa divitiarum præcipua est, quod aut vix aut nunquam sine amore valeant possideri. Limola siquidem & glutinosa nimis, non modò exterior, verumetiam interior substantia nostra videtur: & facile cor humanum omnibus quæ frequentat adhæret: Age ergo qui relinquere omnia disponis, Te quoq; interrelinquenda numerare memento; imò verò maximè & principaliter abnega teipsū, si deliberas sequi Eum qui exinanivit propter Te semetipsum. Pone gravissimam larcinam, pone illa quinq; non hominum plane jurga, sed bovum, quæ tibi insipienter emisti, alioquin sequi spōsum & venire ad nuptias spirituales, quinarum hac pressus & oppressus corporis sensualitate non poteris. Hæc Bernardus: Et respondens Dominus tangit triplex præmium quod consequuntur relinquentes omnia, & sequentes Christum: & per eandem viam ambulantes, secum. Primum est, quia cum Domino judicabunt. Unde dicit: Amen id est fideliter, dico vobis, quibuscunq; fidelibus, quod vos qui dimisistis omnibus terrenis, secuti estis me, imitatione vivendi, in regeneratione, id est; in iudicio, tempore regenerationis generis humani. Dux *Regenerati-*  
nempe sunt regenerationes. Prima animarum ex aqua & Spiritu *ones dua.*  
in baptismo. Secunda corporum in generali resurrectione, quæ quidem resurrectio dicitur regeneratio vel secunda generatio: quia terminatur ad esse acceptum secundo, cum sederit Filius hominis, ad iudicandum mundum: quia sicut in forma hominis iudicatus fuit, ita in forma humana iudicabit, in sede Majestatis suæ, manifestam potentiam ostendo, qui in primo adventu sedit in sede humilitatis latendo & Majestatem occultando, sedebitis & vos super sedes duodecim iudicantes duodecim tribus Israël. In duodecim Apostolis univertitas significatur iudicantium: scilicet perfectorum qui propter Evangelium omnia sua dimiserunt, & secuti sunt Dominum: in duodecim tribubus univertitas iudicandorum, bonorum, & malorum. Ubi Gregorius. Felix paupertas voluntaria, relinquentium omnia, & sequentium Te Domine JESU. Felix planè quæ tam securos imò gloriosos facit



Judicium  
multiplex.

facit in illo singulari fragore elementorum, in illo tremendo examine meritorum, in illo tanto discrimine judiciorum. Hæc Gregorius. Et sciendum quodd multiplex est judicium. Est enim judicium principalis authoritatis, quo judicabit tota Trinitas. Est judicium promulgationis, quo judicabit Christus homo sententiam proferens. Est judicium assessoria dignitatis, quo judicabunt Sancti & perfecti in loco eminentiori sedentes sicut Assessores Judicis: judicabunt verò non dando vocem, sed assensum: non authoritate, sed assessoria dignitate. Quia enim communem statum justorum transcenderunt vivendo, servantes non solum præcepta quæ sunt necessitatis, sed etiam consilia quæ sunt supererogationis: ideo specialem honorem habebunt in judicio. Unde Beda: Justa prorsus & digna retributio: ut qui pro Christi amore omnem mundi gloriam contempserunt, ei assotientur in judicio: ut velut assessores Judici mundanæ conversationis assistant. Et qui ab ejus amore nulla in hoc mundo poterant ratione divelli, illuc cum Christo perveniant usq; ad fastigium judicariæ potestatis. Hæc Beda. Est etiam judicium comparationis, quo minus mali judicabunt magis malos: ut, *Nini-vite surgent in judicio, &c.* Est autem & judicium approbationis, quo omnes Electi quorum exemplo cæteri, damnabuntur judicabunt: quia sententiam Judicis approbabunt & laudabunt. Est quoq; judicium retributionis quo judicabuntur omnes & boni & mali. Est & judicium dispositionis, quo judicati sunt infideles: qui enim non credit, jam judicatus est. Qui ergo nunc videntes scabella peccatorum superbiorum & sedes, tunc erunt Judices & sedentes. Quod bene intuens Propheta ait: *quia illic sederunt sedes in judicio.* Tunc erunt primi novissimi, & novissimi primi. Quia illi qui sunt hic primi in honore alios judicantes injustè: tunc erunt novissimi & inferiores, ac judicio aliorum subjecti: & e contrario qui sunt hic novissimi & despecti, tunc erunt primi & Judicis assessores. *Et hæc est mutatio dexteræ Excelsi.* Unde Bernardus. Judicent nunc & præjudicent superbiæ filii cum Rege suo; sedeant cum eo qui sibi latera aquilonis elegit: exaltetur & eleventur sicut cedrus Libani, transibimus & ecce nō erūt. Opprimant nūc quos possunt, blasphement, cōgregēt maledicta veniēt super vos maledicta opprobria opprobriū Christo: quoniam merces vestra copiosa est in Cœlis. Hæc Bernar. Secundum præmium est: quia centuplum recipient in hoc tempore. Unde dicit: *Et omnis qui reliquerit domum, scilicet propriam, vel fratres & sorores, aut patrem aut matrem, aut uxorem, aut filios, id est; propinquos, aut agros, id est; possessionem terrenam.* Ubi tangit abdicationis actum quantum ad tria, scilicet quantum ad propriam dominationem, quæ intelligitur per domum: quantum ad carnalem cognationem, quæ intelligitur per consanguineos sive propinquos: quantum ad temporalem possessionem, quæ intelligitur per agros. Et patet ordo: quia difficilius est relinquere propriam dominationem quàm cognitionem, & cognationem quàm possessionem exteriorum, propter me, & amorem meum, seu propter nomen meum dilatandum: & propter Evangelium, id est doctrinam meam prædicandam vel observandam: non propter vanitatem mundi (sicut hypocritæ & Philosophi) nec propter lucrum, ut ambitiosi sperantes promoveri, centuplum accipiet, in hoc tempore. Hoc centuplum spiritualium rerum est: videlicet virtutum & consolationum internarum, quas per



per experientiam cognoscimus magis, quàm per doctrinam. Cum enim anima gustat odorẽ paupertatis, castitatis virorẽ, patientiæ ceterarumq; virtutum saporem, & in eis delectatur: nonne centuplum tibi recepisse videtur? Et si ulterius ascendat ut visitationem sponsi recipiat, ejusq; præsentia gloriatur: nonne tunc recipit plus, quàm millecuplum omnium quæ pro eo dimiserat? Unde Bernardus. Nemo sanæ mentis ampliorem esse in vitiis credat, quàm in virtutibus delectationem. Et iterum: An non omnia possidet, cui omnia cooperantur in bonum. An non centuplum habet omnium qui impletur Spiritu Sancto, qui Christum habet in pectore: nisi quodd longe plus, quàm centuplum est visitatio Paracliti Spiritus & præsentia Christi, & iterum centuplum est adoptio filiorum, primitiæ Spiritus, delitiæ charitatis: gloria conscientiæ, quæ est Regnum DEI quod intra nos est. Hæc Bernardus. Vides quomodo verum est, quod loquitur Veritas, Non fallit quin centuplum reddat in hoc sæculo, & non tantum semel sed pluries & sæpe, animæ sibi devotæ: adeo ut sic afficiat eam, quod nõ solum id quod reliquit, sed & totum mundum arbitretur ut stercora: ut sponsum lucrificari possit. Unde Chrysostomus. Et nos itaq; si gustaverimus sicut oportet fructus spirituales: de reliquo neq; æstimabimus aliquid præsentia esse, velut quadam optimâ ebrietate futurorum concupiscentiâ rapti. Gustemus itaq; ut à tumultu præsentium liberati, æternis fruamur bonis. Unde & Hieronymus. Qui ergo propter fidem Christi, & præ-Hieronym. dicationem Evangelii omnes affectus carnis contempserint, atq; di-vitias, & sæculi vanitates: isti centuplum recipient. Sensus iste est: *Matth: quia qui carnalia pro Salvatore dimiserit, spiritualia recipiet: quæ comparatione & meritò sui ita erunt, quasi parvo numero centenarius numerus comparetur. Unde & Augustinus. Hoc etiam quod hinc dicitur, centuplum accipiet, exponens quodammodo Apostolus ait: quasi nihil habentes & omnia possidentes. Centum enim pro ipsa universitate ponitur. Unde Cyrillus. Si domum quis dimittat, recipiet mansiones supernas. Si Patrem, Patrem habebit Cælestem. Si à germanis recesserit, in fratrem hunc recipiet Christus. Cum dimiserit conjugem, inveniet Divinam Sapientiam, à qua procreabit spirituales fructus. Pro Matre inveniet Hierusalem Cœlestem, quæ est Mater nostra. Hæc Cyrillus. Locò etiam paucorum amicorum, recipiet multò plures amicos spirituales, & pro paucis bonis temporalibus, recipiet multa secundum illud Actorum, erant illis omnia communia. Unde in collatione Abbatis Abrahæ: Manifestum est enim eum qui aliquid sæcularium, vel affectuum, vel bonorum Christo svadente contempserit, à fratribus atq; consortibus propositi sui qui ei spirituali glutinò colligantur, centuplò gratiorem etiam in hac vita recipere charitatem. Centuplum etiam fratrum Parentumve recipiet quantitatem, quisquis Patris unius vel Matris, seu filiorum pro Christi Nomine charitate contempta, in omnium qui Christo deserviunt, dilectionem sincerissimam transit pro uno scilicet tot incipiens habere Patres fratresq; ferventior atque præstantiore sibi affectione conjunctos. Multiplicè etiam domorum atq; agrorum possessione ditabitur, quisq; unâ domo pro Christi dilectione rejectâ: innumera monasteriorum habitacula, tanquam propria possidebit in quacunq; orbis parte velut in suas domos jure succedens. Hæc Abraham. Tertium præmium subjungit, cum di-*

Bernardus  
Ibidem.

Hieronymus  
in cap. 19.  
Matth:

Augustinus  
lib. 20.  
de civitate.  
2. Cor. 6.  
Centum.

Abraham 4.  
Cassianus  
collatione.  
24. 6. 26.

Tertium  
cit: præmium.



## De Difficultate Intrandi, &c.

94

*Augustinus* cit: & vitam eternam possidebit, scilicet in futuro. Unde *August.*  
*in Psal. 62.* Quia multum amant homines vivere in hac terra, promissa est illis

vita, & quia multum timent mori, promissa est illis aeterna. Hoc  
sufficere visum est humanae infirmitati, ut diceretur habebis vitam  
aeternam. Amemus vitam aeternam, & ex eo nouerimus quantum  
pro vita aeterna laborare debemus, cum videamus homines amato-  
res praesentis vitae temporalis, atque finiendae, sic pro illa laborare, ut  
quando venerit mortis metus, quidquid possunt faciunt, non ut  
auferant, sed ut differant mortem. Haec *Augustinus*. Felix pau-  
pertas quae recipit centuplum in praesenti, & vitam aeternam in fu-  
turo, quod magna debet esse Christi pauperibus consolatio. Unde

*Bernard.* loc6  
prenotat6.

*Bernardus*. Centuplum, inquit, accipiet, & vitam aeternam posside-  
bit. Illud in via: hoc in Patria. Illud consolatio praesentis laboris,  
hoc futurae felicitatis consummatio est. Sic nimirum operariis hu-  
jus saeculi solet cibus in opere, merces in fine dari. Sic militantibus  
& stipendia ministrantur pro necessitate temporis, & novissimum do-  
nativum majus erogatur pro quantitate laboris. Sic & filiis Israel  
donec terram promissionis intrarent, in deserto manna non defuit,  
& ab Ecclesia post quaesitum Regni Caelestis adventum quotidianus  
panis quotidie petitur in oratione, quam ipse Salvator instituit.

*Reformatio*  
*consideranda*

Haec *Bernardus*. Considera ergo bene hanc retributionem, & gau-  
de, & gratias age DEO quite ad talem adduxit negotiationem, ut  
hic de uno lucreris centuplum, & nihilominus postea vitam aeter-  
nam. Et in hunc paradisum saepe ingredi: quod consequi pote-  
ris ex studio orationis, & humilitate. Quid igitur est insaniae, quod  
homines pauca pro centuplis vitae aeternae tractantur relinquere?  
Cum itaque Sancti terrena omnia ut aurum & argentum abjecerint,  
cur eorum reliquias populo causam quaesitis ostendendo cogimur eos  
illa mendicare quae hic spreverunt: unde ubi nos habemus sanctum  
in Graeco habemus, agios, quod sonat sine terra, quia sancti non  
terrenis dediti sunt nec in terra, sed in Caelis conversationem ha-  
bent. Et ideo ad pedes Apostolorum aurum & argentum poneba-  
tur ex praeepto eorum, ut sic docerent esse contemnenda. Imite-  
mur ergo discipulos Domini, relinquendo divitias ac gloriam, & o-  
mnia quae sunt mundi: quia sic praecipue effecti sunt magni. Unde  
*Chrysostomus*. Quid est quod magnos Apostolos ostendit? Pecunia-  
rum contemptus, gloriae despectio, ab omnibus vitaeque; hujus nego-  
tiis ereptio. Quia si non haec habuissent sed servi passionum essent,  
& si decem mille mortuos suscitassent, non solum nulli profecissent,  
sed & seductores utique; aestimati essent. Ita vita est quae ubique; ful-  
get, & spiritus attrahit gratiam: signa vero si non vigilaverimus,  
obsunt multoties. Haec igitur quibus facti sunt Apostoli magni,  
zelemur & ab universis desistentes vitae hujus negotiis, apponamus  
nosmetipsos Christo ut Apostolorum consortes efficiamur. Haec  
*Chrysostomus*.

## DE DENARIO DIURNO.

### CAPUT XIV.

*Matth. 19.* ET quia non sufficit praedicta relinquere, si homo corpore defici-  
*& 20.* at, & non perseveret: ideo ne quis torpeat cum bene ceperit,  
*Primi no-* inquit Dominus & dicit: Multi autem erunt primi novissimi, & novissi-  
*vissimi,* mi



*mi primi.* Multi enim ascendunt & descendunt de statu in statum meliorem, & pejorem. Multi prius fervidi: postea torpent: multi prius frigidi, subito inardescunt: sunt enim multi qui opera perfectionis bene & frequenter prae multis inchoant, sed torpentes in progressu, à Divino amore tepescunt, & in bonis operibus segnes fiunt & ab eis deficiunt, vel in vitia funditus labuntur & cadunt, & è conversò aliqui tardè vel tepidè inchoantes, ita fervidè & bene operantur, quòd meritùs præcedunt illos qui eos præcedere videbantur. Et sic qui primi fuerunt in inchoando, fiunt novissimi, vel nulli in perseverando, vel qui fuerunt in primo & excellenti statu, erunt in novissimo. Vide Judam de Apostolo in apostatam versum, & latronem in Cruce Confessorem factum. Vide simile de Judæis & gentibus, quia Judæi primi fuerunt vocatione, & novissimi facti sunt conversione, & gentiles è converso. Sic & novissimi per humilitatem, fiunt primi per gloriam, & primi per superbiam, fiunt novissimi per abjectionem finalem: multi nempe in sæculo despecti, in futuro sunt glorificandi, & multi apud homines gloriosi, in fine sunt damnandi. Deinde hanc sententiam confirmat per similitudinem, proponens parabolam, in qua docet nos fugere otium & invitat ad laborem. Quæ parabola specialiter pertinebat ad Discipulos: quia continuè laborare in agro Dominico, præcipue pertinet ad Prælatos. Ut autem facilius appareat quòd in parabola lateat, attendenda sunt sex. Primò, quia homo Paterfamilias est DEUS Pater, qui homo dicitur, non proprietate substantiæ, sed pietatis affectu: dicitur, n. homo, quia est humanus, id est, benignus, mansuetus, & misericors circa homines, & dicitur Paterfamilias, per Creationem & Providentiam, qui ita gubernat omnia, sicut Paterfamilias subditos in domo sua, de cujus familia est omnis creatura. Secundò, quia operarii sunt Prædicatores, & etiam omnes rectè viventes, sed multi hodie tantum verbarii non operarii sunt, quia dicunt, & non faciunt. Tertiò, quia denarius est vita æterna operariis Domini promissa. Quartò, quia vinea allegoricè, est secundum Gregorium Ecclesia

*Sex consideranda in hac parabola.*

*Gregorius hom. 19.*

*in Evang.*

*Basilii in*

*cap. 5.*

*Isai.*

*Chrysostom.*

*hom. 34.*

*operis im-*

*perfecti.*

Moraliter anima, secundum Basilium: justitia generalis, secundum Chrysostomum. Quintò, quia horæ sunt ætates hominis. Sextò quia Procurator vineæ est Christus, secundum quod homo: in quantum autem DEUS, est Paterfamilias cum Patre, quia unum cum Patre. Dicit ergo: *Simile est Regnum Cælorum.* id est, præsens Ecclesia vel justorum vita, *homini Patrifamilias* id est, DEO universæ creature, & fit hic comparatio non tam personæ ad personam, quàm negotii ad negotium, & est sensus, negotium quod fit in Ecclesia præfenti, assimilari potest negotio quod ab homine Patrefamilias quandoq; fit, *qui exiit*, per sui manifestationem, & suæ bonitatis diffusionem, ut enim dicit Gregorius, quando non cognoscitur, in secreto est: quando verò cognoscitur, de occulto procedit ad notitiam: ed ergo frequentius exiit, quòd amplius sui notitiam dedit: *primo mane* id est, in prima mundi ætate, scilicet ab Adam usque ad Noè, *conducere operarios*, id est, justos ei servientes, nomen suum aliis manifestantes, *in Vineam suam*, id est, in Ecclesiam militantem, cujus palmites sunt justi à primo Abel usque ad ultimum Electum. Vel secundum Chrysostomum: *Conducere operarios in Vineam suam*, id est, acquirere rectè viventes in operibus justitiæ, & sic justitia est vinea,

*Gregor. b. 19*

*in Evangel.*

*Chrysostom*

*hom. 34.*

*Operis im-*

*& perfecti.*



*Basiliius. in* & palmites virtutes. Vel secundum Basilium. Per vineam anima  
*cap. 5. Isa.* sive conscientia significatur, in qua laborandum est, ut amputemus  
 palmites luxuriantes carnalis concupiscentiæ: proiciamus lapides  
 superbiæ, & extirpemus spinas avaritiæ: Per vineam etiam intel-  
 ligere possumus penitentiam, in qua per diversas horas operarii con-  
 ducuntur: dum alii in pueritia, alii in juventute, alii in senectute  
 convertuntur. Ergo Paterfamilias, per dominationem: exiit, per  
 manifestationem: conducere, per multiplicem invitationem ope-  
 rarios, non tantum locutores: quia melior est prædicatio facti, quam  
 verbi: in vineam suam per bonorum meritorum multiplicationem,  
 Sic Adam primò positus est in Paradiso: sed quia non coluit, est  
 ejectus: sic populus Judaicus in speciali cultu Divino positus, est  
 ejectus. Sic & nos positi sumus, & si neglexerimus, similiter proi-  
 ciemur. Ruina præcedentium admonitio debet esse sequentium.

*Denarius* Conventione autem facta cum operariis ex denario diurno. Ista conven-  
*diurnus.* tio est vitæ æternæ pro labore promissio: quæ quidem vita æterna  
*Denarius un-* dicitur denarius. Primò, ratione nominis: denarius enim à decem  
*de dicitur.* dicitur, ex eo quod olim decem nummos usuales valebat: in quo  
 significatur pretium pro usu & observantia Decalogi promissum: &  
 ideo illa vita denarius dicitur: quia pro Decalogi observatione da-  
 tur. Secundò, ratione figuræ: quia in denario est figura sphaerica &  
 rotunda ubi non est invenire principium & finem: in quo significa-  
 tur vitæ æternitas, & plena æternitatis possessio. Tertio, ratione  
 imaginis: in denario enim Imago Regis est scripta: in quo animæ ad  
 DEUM notatur conformitas plena: Imago enim DEI in beatis im-  
 primitur per assimilationem ad DEUM, & transformationem in  
 ipsum. Quarto, ratione scripturæ: in quo notatur plena scientia &  
 cognitio veritatis, quæ ibi erit in beatis. Et vocatur iste denarius  
 diurnus, tum quia tota vita hominis, tota etiam vita præsens repu-  
 tatur quasi una dies, in qua nunquam à bono opere est desistendum:  
 tum quia non nisi operanti in die gratiæ, & non in nocte cul-  
 pæ redditur: tum quia in die gloriæ primò dabitur. *Et misit eos in vi-*  
*neam suam:* quasi ab initio misit ad vocandum homines ad fidem Re-  
 demptoris, & invitavit ad vivendum justè, & bene operandum. *Et*  
*egressus,* per majorem manifestationem, circa horam tertiam, scilicet  
 à tempore Nòe usq; ad Abraham, vidit, per miserationem, alios stan-  
 tes in foro otiosos, & illis, etiam ad vineam invitatis mercedem pro-  
 misit. Secundum Chrysostomum. Per forum mundus accipitur, in  
*Chrysostom.* quo calumniæ, injuriæ, contentiones, diversorum negotiorum diffi-  
*hom. 34.* cultates semper tumultuosæ, & omnia venalia sunt. In isto foro  
*Operis im-* animæ hominum venales exponuntur. Mercatores duo sunt, DE-  
*perfecti.* US & diabolus: quidam sic cæci sunt ut vendant propriam animam  
*Forum, id* diabolo pro vili pretio: quia pro modica præsentis vitæ delectatione,  
*est mundus.* ut gulosi & luxuriosi: quidam pro honoribus & gloria mundi, ut  
*Mercatores* superbi & vanè gloriosi: quidam pro divitiis & bonis temporalibus,  
*duo.* ut raptores & avari. Talem mercatorem fugiamus & vendamus  
 animas nostras Christo: qui nos emit sanguine suo pretiosò. Otio-  
*Chrysostom.* sitas est debiti operis defectus: Unde secundum Chrysostomum  
*ibidem.* Peccatores mortui sunt, non otiosi: qui diabolo servit, mortuus est:  
 qui opus DEI non operatur, otiosus est: qui aliena tollit, mortuus  
 est; qui sua non dat, otiosus est. Coluisti misericordiæ vitam, si de  
 tuis des: jejunii, si quod manducaturus fueras diurno, dederis im-  
 potenti



renti si jejunas, & si nemini das, otiosus es: & sic de aliis, *Iterum autem exiit*, per ampliorem manifestationem, *circa sextam*, scilicet ab Abraham usque ad Moysen, & *circa nonam*, scilicet à Moysè usq; ad Christum, & *fecit similiter*: invitando, & mercedem promittendo. *Circa undecimam vero*, id est; in ultimis temporibus, scilicet à tempore Christi usque ad finem mundi: *exiit per clariorem manifestationem cum Christus apparuit*: & invenit alios stantes, non proficientes, non se humiliantes, scilicet gentiles, & *dixit illis*: Quid hic, in loco tam periculoso, tam transitorio, tam foetido, *statis*, cum potius ire deberetis, quia vita brevis, via longa, virtus debilis, *tota die*, cum habeatis temporis opportunitatem, mercedis securitatem & immensitatem, *otiosi*, vobis nihil proficientes, proximis non subvenientes, hostibus non resistentes & in posterum non providentes, cum multa mala docuit otiositas. Quasi dicat Dominus otiosis: Cur tanto tempore pro salute vestra negligitis laborare? *Dicunt Ei*, quia nemo nos conduxit. id est; nullus Propheta, nullus Doctor ad nos instruendum venit: *dicit illis*, *ite & vos*, scilicet gentiles, *in vineam meam*: mente credendo, ore confitendo, opere laborando: (quia secundum Chrysostomum) qui non operatur in hoc sæculo, non manducat in futuro: imò dies iste, est dies operationum: dies qui sequitur, est dies feriarum. Et interponitur hic conjunctio copulativa, scilicet & quia gentiles Judæis adjuncti sunt, ut una Ecclesia ex ambobus fieret. Ista parabola principaliter & communiter exponitur, secundum diversas mundi ætates, ut jam visum est supra. Morali-  
liter autem potest exponi de vocatis ad gratiam, secundum diversas ætates hominum, & sic in mane seu in prima hora, intelligitur pueritia: in tertia adolescentia: in sexta, juvenus, seu virilis ætas: in nona senectus: in undecima, senium, seu decrepita ætas. In quibus qui in bonis operibus laborare negligit: tota die, id est; totâ vitâ otiosus stat. Ergo quolibet tempore qualibet ætate, vocat DEUS homines ad gratiam & gloriam: quia semper aliqui ad vitam bonam perducuntur, & à Domino præmiantur: si enim vera, nunquam sera erit penitentia. Nota hic verbum cujusdam hominis sibi ipsi opponentis, & dicentis: Jam es in hora nona, quid igitur otiaris? Nunc es in undecima, quid igitur stas? quam aliam expectas? Sed ne in undecima homo dedignabitur servitute tua: secundum Isidorum sex sunt ætates hominis. Prima ætas, est infantia, & protenditur in septem annos. Secunda, est pueritia, tendens usque ad quarrum decimum annum. Tertia, est adolescentia, quæ protenditur usque ad vigesimum octavum annum. Quarta, est juvenus finiens in quinquagesimo anno. Quinta senioris: id est; gravitas, quæ est declinatio juventutis in senectutem, nondum senectus, sed jam non juvenus: quæ ætas à quinquagesimo anno incipiens, in septuagesimo terminatur. Sexta est senectus, quæ nullò annorum tempore determinatò, finitur, sed post illas quinque ætates, quantumcunq; vitæ est, senectuti deputatur. Senium autem est pars ultima senectutis, dicta quòd sit terminus sextæ ætatis. Septima verò est in quiete animarum, usq; ad diem judicii. Et tunc in resurrectione erit octava ætas. Cum serò factum esset, id est, cum finito opere finis mundi, vel vitæ hujus advenit. Ubi secundum Chrysostomum. Considera quòd non mane, imò serò red  
dit mercedem: quia solum remunerat perseverantem operarium & cò prænòtatò

Chrysostom.  
ibidem.

Morale.

Ætates sex  
hominis.

Chrysost. lo-  
cò prænòtatò  
fide.



fidelem, *Dicit Dominus vineæ* id est; DEUS Pater qui Dominus est, *Procuratori suo*, scilicet Christo: Pater enim omnia dedit in manus Ejus. *Voca operarios*, & non otiosos ante tribunal & *redde illis mercedem*, scilicet æternam: voca inquam eos de labore ad requiem, de mœrore ad jucunditatem de bello ad pacem: *incipiens à novissimis usq;*

*Augustinus. ad primos.* Denarius datur primò novissimis: quia secundum Augustinum licet detur omnibus simul, illi tamen qui post unam horam, vel paucas ipsum recipiunt, dicuntur prius recipere quàm illi

*Chrysostom. bom. 34. Operis imperfecti.* qui post multas horas expectaverunt, & postea receperunt. Et secundum Chrysostomum: Justitia fuit omnibus reddere: sed novissimis primò, hoc non fuit justitiæ contrarium, sed misericordiæ ostensivum: dum tamen aliis reddatur. Unde secundum eundem, ut ostendat DEUS inæstimabilem misericordiam suam. Primùm, novissimis reddit mercedem, postea primis: nimia enim misericordia ordinem non aspexit. Domini ergo misericordia, quæ in suis donis plùs aspicit cor, & præfert operi, & tempori supplet in nobis damna ipsius operis & temporis. Unde Bernardus. Exaggera quantumvis merita, & extolle sudores: *melior est misericordia Domini super vitas*: ex ea sanè operis & temporis damna mihi refartio. Et sic ex præcepto Patris familias acceperunt novissimi, & similiter primi

*Psalm. 62.*

*August. de sacr. Virg. capit. 26.*

*Denarii multiplicitas.*

*Pondus diei quid significet.*

*Murmur duplex.*

*Retributio justa, & misericordia abundans.*

ex præcepto Patris familias acceperunt novissimi, & similiter primi singulos denarios: id est; singula præmia juxta conventionem: scilicet æternitatem, seu vitam æternam. Secundum Augustinū. Iste unus denarius qui omnibus datur, est una vita æterna, quæ ab omnibus percipietur, quæ æqualis erit omnibus: nulli longior, nulli brevior: quia in ea non vivit unus aliò minùs, seu prolixiùs, meritorum tamen diversitate fulgebunt, alii magis, alii minùs. Hic ergo denarius unus, est in se multiplex, propter differentiam accipientium: quia ibi erunt multæ diversitates meritorum. Et accipientes primi murmurabant adversus Patrem familias dicentes: *Hi novissimi*, scilicet gentiles, vel martyres, vel in bonis ferventes *unà hora fecerunt*: quia modico tempore labores sustinuerunt: devotio enim voluntatis, temporis spatium breviavit, cum merito passionis Christi,

*Et pares illos nobis fecisti*, sc. in præmio, *qui portavimus pondus diei & æstus*. Pondus diei, significat opus justitiæ: æstus verò, calorem tentationum quas conflât malignitas dæmonum, cupiditas temporalium, delectationes motuum carnalium. Portavimus ergo pondus: quia justitiam servavimus, & non succubuimus. Potest dici, quòd ista murmuratio erit admiratio de tanta DEI bonitate in Sanctorum remuneratione. Ubi notandum quòd duplex est murmur: scilicet

comquesicionis, & admirationis. Nunc verò Sancti non murmurant tanquam de aliorum gloria conquerentes: sed quia vident quòd DEUS tam copiosè remunerat tardè venientes, quàm sibi longo tempore servientes: quasi murmurare dicuntur. DEI super hoc liberalitatem & misericordiam admirantes: quia illi novissimi, quasi pro nihilo & sine labore vitam æternam videntur acquirere. Unde & Petrus murmurare potuit, quòd latro citiùs ipsò ad Regnū pervenit

Ubi sciendū. quòd ista retributio justa est, quantū ad præcedētes, quia datur eis pretium conventum, & misericordia quantū ad sequētes, quia pro modico labore æqualē prioribus accipiūt mercedē. Non igitur injustè agitur cū primis, sed misericorditer dispensatur cum ultimis. Munerat primos per justitiam, extremos secundum sui bonitatem. Et æquale accipiunt præmium: ut ostendatur, secundum



Apostolum, quod non ex operibus salvati sumus. Itaq; non quorundam nec quantitatem operum vel laborum, sed potius cor & charitatem attendit Dominus in remunerando, quia non considerat quantum, vel quamdiu, operatus fueris: sed ex quanto. Hinc etiam colligitur quod sera penitentia, si fuerit vera, nec tollit gratiam, nec diminuit. Et licet postremi æqualiter remunerentur cum primis, non tamen stultè differas converti: vel bene operari usque ad undecimam horam & ultimum temporis: ne tunc nimis oneratus, peccatis habens cor impoenitens exonerari non possis: vel si penitens ad multam pro peccatis satisfactionem tenearis. Si tamen usq; ad undecimam distulisti bene vivere: nec tunc desides, sed magis quam prius exercitationi animæ intende. Unde Tullius: Senibus labores corporis minuendi exercitationes animæ augendæ videntur: & ita nihil magis cavendum est senectuti, quam ne langvori desidesq; succumbat. Moraliter isti murmurantes figuram tenent quorundam claustralium, qui eo quod diutius fuerunt in claustro murmurant, si eis præponantur juniores, vel parificentur. Unde docentur hîc seniores claustrales non debere murmurare, si videant aliquos juniores eis æquari, vel etiam in officiis præferri, & plûs honorari. Item datur hîc documentum quod Religiosi non debent facere comparationes sui ad alios, quasi ipsi plûs serviant DEO, quam sæculares: quia sæpe videmus quod quidam sæcularium æquantur meritis quorundam religiosorum, vel etiam eos excedunt per meritum: *Aut ille respondens uni eorum dixit: quod autem uni dixit, omnibus dixit. Vel uni: quia una & æqualis erat omnibus occasio murmurandi. Amice non facio tibi injuriam: quia injuria non habet locum ubi est mera gratia: & ideo si facit & dat gratiam uni, non facit injuriam alteri. Nonne ex denario, & pro mercede convenisti mecum à principio? Tolle quod tuum est, quasi diceret: paratus sum tibi reddere mercedem tuam, & vade intra in gaudium Domini tui. An non licet mihi quod volo facere? quasi diceret sic: quia voluntas DEI nullò modò distorta esse potest, unde signanter dicit, quod volo: quia enim vult, ideo licitum: nos quia licitum, ideo volumus. Et ut non solum licita, sed etiam benignitate plena ostendatur voluntas Divina addit. An oculus tuus, id est: consideratio tua nequam est, & inæqualis, quia ego bonus sum, scilicet ex natura bonitatis meæ abundanter communicans? Unde dicit, nequam, non propter culpam, sed propter considerationis inæqualitatem, quia illa admiratio procedit ex comparatione Divinæ justitiæ, magis, quam ejus misericordiæ infinitæ. Ubi Gregorius stulta est questio hominis, contra DEI bonitatem. Conquerendū quidem esset, si non daret quod deberet, non si dat quod non debet. Unde & Chrysostomus. De Ejus dato nemo justè murmurat, qui amplius dat quàm homo desiderat. Ultimò concludens parabolam, dicit: Sic scilicet ut ostensum est, erunt novissimi primi, & primi novissimi. ut nulla sit differentia temporis clausa. Sæpe enim illi qui ad penitentiam tardè veniunt, citius remunerantur quàm illi qui tempestivè veniunt, quia citius de corpore exeunt, vel sæpe illi qui tarde ad penitentiam veniunt tempore præcedunt alios in fervore, sicut itinere convexit, ut qui tardius exierunt, velocitate moram compensent. Vel illi qui sunt novissimi in oculis suis, sunt primi in oculis DEI. Vel illi qui novissimi iudiciò hominum sunt, sæpe sunt primi iudiciò DEI, quia DEUS non considerat exteriora hominis, sed interiora cordis. Quamvis autem*

Galat. 2.

Cicero 1.  
Offic.

Murmur  
claustralium.

voluntas Dei  
licitū facit.

Gregorius  
hom. 19.

Chrysostom.  
hom. 34.

perfecti.



audieris in parabola omnes accepisse singulos denarios, non tamen putes omnes ad fidem vocatos, vitam æternam accepturos. Unde additur sententia valde metuenda: *Multi enim, de primis, de tertiis, sextis, nonis, & novissimis, sunt vocati*, scilicet ad fidem & meritum, sed de his omnibus, *pauci sunt electi*, ad beatitudinis præmium & Regnum. Multi sunt de Ecclesia militante, qui non erunt in Ecclesia triumphante. In quo paucos ostendit esse eos qui salvantur, ad comparationem eorum qui per singulas horas vocantur, quia secundum Gregorium. Ad fidem plures veniunt, plures Ecclesiæ parietes implent, sed ad Cœleste Regnum pauci perducuntur. Hoc figuratur de filiis Israël, quorum multi ad terram promissionis fuerunt vocati, sed pauci ad intrandum fuerunt electi. Et similiter de Gedeone, qui plures ad bellandum vocavit, sed paucos elegit quos secum duxit: quia, *lata est via, & spatiosa porta, quæ ducit ad perditionem, & multi sunt qui intrant per eam, sed arcta est via, & angusta porta, quæ ducit ad vitam, & pauci sunt qui intrant per eam*. Dupliciter autem vocat nos DEUS. In præsentem ad laborem in futuro ad requiem: unde necesse est ut quicumq; futuram remunerationem desiderat, præsentem non refugiat laborem, quia illi qui pro DEO fideliter suscipiunt laborem, feliciter pervenient ad remunerationem: quando audient DEUM dicentem: *Venite ad me omnes qui laboratis & onerati estis, & Ego reficiam vos*. Et tantò maiorem remunerationem accipient, quantò maiorem laborem sustinent, quia teste Apostolo: *Unusquisq; mercedem secundum laborem suum accipiet*. Omnes ergo qui vocati sumus, novimus: utrum verò electi, adhuc ignoramus. Et ideo tantò sollicitiores esse debemus in bono opere quantò inexcusabiles nos esse scimus de vocatione. Unde Gregorius. Duo ergo sunt, quæ sollicitè pensare debemus. Primum est, ut de se quisq; minimè præsumat, quia etsi jam ad fidem vocatus sit, utrum perennè Regnò dignus sit, nescit. Secundum verò est, ut unusquisq; proximum, quem jacere fortasse in vitiis conspiciat, desperare non audeat, quia Divinæ misericordiæ divitias ignorat. Quid enim sit hodie, aspicimus sed quid cras futurus sit unusquisq;, nescimus. Plerumq; & qui post nos venire cernitur, per agilitatem nos boni operis antecedit. Et vix cum cras sequimur, quem hodie, præire videbamus. Unde & Chrysostomus. Hæc parabola posita est, ut qui tardè convertuntur non desperent, sed avidiores fiant, quoniam in hac vita non est ita fera poenitentia, quin si corde perfectio fiat, possit tanto fervore procedere, ut mereatur multis prioribus non sic ferventibus in præmio anteferri. Hæc Chrysostomus. Nullus ergo desperationi, nullus locus restat excusationi siquidē in omni ætate & in omni hora peccator suscipitur: peccator enim quicumq; horā conversus fuerit & ingemuerit, vitā vivet, & non morietur. Et quia incerta est in omnibus ætatibus cuilibet hora vocationis suæ, paratus unusquisq; debet esse in bona operatione, ut sicut incertus est exitus, sic certus sit in bono opere animus, ne fortè si quando potest non vult bonum operari, tunc incipiat velle quando non erit posse. Debemus ergo omni die sic vivere, tanquam illa die morituri, ut sic residuum temporis nostri possimus expectare securi. Unde Seneca: Sic ordinandus est dies omnis, tanquam cogat agonem atq; expleat vitam. Ille beatissimus & securus sui possessor est, qui crastinum sine sollicitudine expectat. Inter cœtera mala, hoc habet stulti-

*Pauci  
salvandi.*

*Gregor. h. 19*

*Matth. 7.*

*Vocatio  
Domini.*

*Matth. 11.*

*1. Cor. 3.*

*Gregorius  
Ibidem.*

*Chrysostom.  
hom. 65.  
in Matth.*

*Ezech. 18.*

*Vita incer-  
titudo.*

*Seneca  
Epistol. 13.  
Stultitie  
propriam.*



ita proprium, quod semper incipit vivere. Quid est turpius, quam senex vivere incipiens, Considera, quam pulchra res sit consummare vitam ante mortem. Deinde expectare secure reliquam sui temporis partem. Nullus enim vitam in crastinum spectat. Non enim vivunt: sed victuri omnia differunt. Hæc Seneca. Multum quippe juvat ad vincendam delectationem peccati, recordatio mortis & finis nostri. Unde Sapiens: *In omnibus operibus tuis memorare novissima tua, & in aeternum non peccabis.* Et Gregorius. Nil tantum ad domandum desideriorum carnalium appetitum valet, quantum ut unusquisque mortem penset. Et Bernardus, Saluberrimum est remedium redeundi ad Dominum, habere præ oculis mortem. Multum etiam juvat nos desides & pigros, IESUM & studiosos aspicere, si volumus non desides fieri & pigritari, sed feruere potius & proficere: inde enim exempla & bona multa poterimus reportare.

## DE VILlico INIQUITATIS.

### Caput XV.

**D**Einde ponit parabolam, secundum rem gestam, de villico iniquitatis diffamato apud Dominum suum ex dissipatione bonorum suorum: quia ea inutiliter in illicitis consumpserat & superfluis, non timens offendere Dominum suum. Quæ parabola, sicut & prædicta, specialiter pertinebat ad discipulos: quia officium villicationis, & periculum reddendæ rationis maxime pertinet ad Prælatos. Est enim villicus propriè gubernator & custos villæ: sed hic accipitur pro æconomo, id est, curatore & dispensatore: qui scilicet universam substantiam domus dispensat. Oeconomus enim tam pecuniæ, quam frugum & omnium quæ Dominus possidet dispensatorè designat. Hic timens amoveri ab officio, & egere, clamfecit misericordiam cum debitoribus Domini sui: ut cum amoveretur, reciperent eum in domos suas, memores sui beneficii. Et ideo dicit, quod homo quidam erat dives qui habebat villicum, & infra in fine applicat parabolam ad propositum, dicens: *& ego vobis dico, &c.* Similiter enim, homo quidam, id est, ipse DEUS pro nobis Homo natus dives: quia gloria & divitiæ in domo ejus, habet villicum, id est dispensatorem, cui tradidit bona ad dispensandum. Hujus ergo Domini, id est Christi triplex est villicus, scilicet in spiritualibus Prælati: in temporalibus, Princeps terrenus: in utrisque, quilibet Christianus. Quilibet enim homo est villicus DEI, cui triplex villa commissa est gubernanda, qui fructus cujuslibet villæ prudenter debet dispensare. Prima villa, est mundus iste, cujus fructus sunt bona temporalia: quæ quilibet custodire debet, ne mali rapiant, & ut sibi commissa servis Domini sui distribuat. Secunda villa, est corpus proprium, quod est custodiendum: ne quando ingrediatur mors ad animam per portas sensuum: bona etiâ ipsius corporis ut sanitas & fortitudo, &c. ad DEI servitium & honorem sunt dispensanda. Tertia villa, est anima quæ à pravis cogitationibus est custodienda, cujus omnes virtutes debent distribui ad cognitionem & honorem & amorem DEI. Et hic, scilicet triplex prædictus villicus diffamatus est apud illum, scilicet Deum: quia nihil latet Eum, quasi dissipasset bona ipsius, male eis utendo, scilicet res temporales in illicitis & superfluis expendendo, corpus suum voluptatibus dando: animam immundis cogitationibus implendo. Et bene dicit, Ipsius: quia bona nostra, DEI sunt auctoritate: sed nostra sunt utilitate. Fit autem hæc diffamatio vel accusatio remorsu conscientiarum, vel evidentiâ operum, vel per Angelos qui nobis ministrant, & omnia opera nostra DEO renuntiant. Et vocavit illum, scilicet inspirationibus interioribus, prædicationibus exterioribus, evidentibus beneficiis, multiplicibus flagellis: & incutiendo timorem æternæ damnationis, & ait illi, eum ante mortem corripiendo & monendo. Quid hoc audio de te? bonorum dispensatore. Redde rationem villicationis tuæ: & dum vivis cogita qualiter debes operari. Oportet enim reddere rationem, aut in vita, aut post mortem. Iam enim ultra, scilicet à tempore mortis tuæ non poteris villicare, nec quidquid boni agere. Tunc enim non poterit quis Deo satisfacere de rebus per elemosynas: nec de corpore per jejunia, nec de anima per orationes. Tria



verba dicit hic Christus peccatori, magnæ angustiae & anxietatis: quæ si cōtinuè insonarent auribus nostris, nullō modō peccaremus. Primum est rigida reprehensionis: cū dicitur: *Quid hoc audio de te?* sic ditato gratiarum muneribūs, sic prævento benedictionibūs dissipatore rerum mearum tibi cōmissarum. *Quid hoc audio,* clamorem de terra resonantem tam horribilia scelera, tam antiqua vitia, qui tanta bona dissipasti: quia temporalia male expendisti, corpus inquinasti, & animam peccatis inveterasti. Secundum verbum est anxii timoris, cū subditur: *Redde rationem villicationis tue.* Overbum strictum! O verbum anxium! O verbum durum, discussionis districtæ tunc faciendæ, quando exigitur à nobis ratio de occultis cordium cogitationibus, de otiosis sermonibus, de nostris operibus: tunc aperti erunt libri cœlestes, tunc apertus erit liber conscientiae, in quo leget memoria quidquid homo cogitavit, dixit, & fecit: tunc examinabuntur omnia, & tunc discutietur de tota vita nostra. Tertium verbū est amari doloris, cū additur: *Iam non poteris villicare.* In futura enim vita tollitur omnis villicatio hominum: ita ut ulterius nec bene, nec malè possint operari. Magnus igitur est dolor animæ, quando proximante hora mortis, audit sibi dici, quod ulterius non possit villicare. Puto quod totum mundum daret, ut sibi concederetur spatium unius horæ quod pœniteret, & aliquid boni ageret: sed nō datur, quia tempus illud est reddendæ rationis, nō exercendæ villicationis. Audiamus ergo hæc verba tria severi Judicis, & ante iudicium placemus Eum, ut non pereamus.

Timens autem villicus de vocatione in morte vel in iudicio, & reddenda ratione ait intra se, in sua cogitatione. Intra se loquitur, qui nullū amicum invenit, cum quō consiliari possit. *Quid faciam, quia Dominus aufert à me villicationem?* id est, omnium villarum prædictarum custodiam, scilicet tam rerum, quàm corporis & animæ, & hoc erit in morte. Sæpe enim contingit, quod tales timorē mortis ducuntur ad pœnitentiam, & ad cogitandum de vita futura. Sic semper cogitare debet peccator secundum Job: Quid faciam cū surrexerit Deus ad iudicium, & cū quaesierit, quid respondebo illi? Non ait, quid dicam: sed, quid faciam, quia apud districtū Iudicem non excusant verba svasoria, sed facta meritoria. *Fodere*, per pœnitentiam non valeo, id est proprio labore & pœnitentiā non possum de peccatis satisfacere, & ad vitam beatam venire. *Mendicare* per orationem, erubescō, quia verecundum debet esse huius mundi divitibus petere suffragia spiritualia, & non rependere in temporalibus. In alia vita anima non potest operari opera quibūs adjuvetur ad gloriam. Unde Chrysost. Vita præsens habet exercitium mandatorum, futura verò solatium. Si nihil operatus es hic, frustra in futuro speras. Item nec bona ipsa potest ab aliis mendicando impetrare: quia non dabitur ei. Huius signum sunt virgines fatuæ, quæ petentes oleum, à prudentibus sunt expulsæ: sed nec dives epulō mendicans guttam aquæ meruit recipere. *Scio quid faciam*, quia scilicet antequam tollat per sententiam mortis à villicatione, debita relaxabo debitoribus Domini mei, & distribuam eis de facultatibus ipsius, ut cū amotus fuero à villicatione, scilicet in morte: recipiant me in domos suas: id est, per eorum merita & suffragia recipiar in vita beata, ne cogar fodere, aut mendicare frustra. Et in domos pluraliter, propter diversitatem præmiorum, quia ibi

Joan: 14.

mansiones multæ sunt. In has domos nullus potest ingredi, nisi per ostium misericordiae, vel spiritualis, vel corporalis. In cuius signum Salomon in ingressu sancta sanctorum, fecit duo ostiola de lignis olivarum, per oleum

Mansiones enim misericordia designatur. Nota quod mansiones cœlestes sunt pauperū, cœlestes pau quia illis datae sunt: pauperum enim spiritu est regnum cœlorum. Unde si perum sunt divites illud habere volunt, oportet ut à pauperibus emant. Divites enim

Matt: 5.

habent domos in terra, pauperes in cœlo: libenter ergo divites recipiant pauperes in domos suas in terra, ut à pauperibus recipiantur in cœlo. Unde Augu. Præbe terram, & accipe cœlum. Ubi considerandum est, quod ut supra dictum est, tres villæ commissæ sunt homini, scilicet mundus, corpus, & anima, quorum fructus debet dispensare ad honorem Dei. Corpus namq; suum debet distribuere jejuniis, vigiliis, & cæteris laboribus pro Deo

assum-



assumptis, & tunc sanitas, fortitudo, pulchritudo, quæ sunt bona corporis, optime erunt dispensata. Si verò corporis labores sustinere non possit, dicens cum villico, *sodere non valeo*: saltem bona animæ, quæ sunt amor, cognitio, & memoria, ita distribuat orando, meditando de lege Domini, & cunctos etiam inimicos amando, ut orationibus sibi recompensetur, quod laboribus efficere non potuit. Et si rursus orare erubescit, ut pote quia nescit: dicens quemadmodum & hic villicus dicebat: *mendicare erubescio*: qui enim orat, mendicat, quia suffragium petit: tunc certe non restat, nisi ut provideat sibi taliter de bonis terræ villæ Domini, scilicet de bonis temporalibus eleemosynas largiendo, quia talis dispensatio omnem defectum excuset corporis & animæ. Jejunium enim, quod distribuit bona corporis, & oratio, quæ distribuit bona animæ, atque eleemosyna, quæ distribuit bona mundi, sunt opera quibus habetur vita æterna. *Convocatis itaque singulis*, seorsim his ab illis, *debitoribus Domini sui*: quia Religiosi & pauperes quantumcunq; iusti, sunt debitores Dei: fecit circa eos misericordiam de bonis temporalibus sibi traditis ad dispensandum, dans ipsis oleum & triticum, oleum quippe compassionis, & triticum subventionis. Ad hoc ergo tendit ista parabola, ut sicut dedit de bonis Domini oleum & triticum, sic & nos demus pauperibus de bonis à Deo nobis traditis, oleum compassionis interioris, & triticum subventionis exterioris, quia bonorum nobis datorum non Domini, sed tantum dispensatores sumus. In hoc autem quod plus dedit de oleo, quam de tritico, significatur quod plus debemus compati affectu, quam possumus subvenire effectui. *Et laudavit Dominus villicum*, non Dominus omnium, *villicum iniquitatis*, id est, villicum iniquum, non quod adversus eum fraudulentem, sed pro se prudenter, secundum prudentiam hujus sæculi, non tamen bene vel meritorie egisset, non enim laudavit eum de fraude quam fecit, sed de prudentia & ingenio, quod sibi in futurum prospexit, est namq; prudentia, quædam sibi in posterum providentia. Sic divites hujus mundi non sunt laudabiles de deceptione in illicitis actibus, sed de hoc quod prudenter se convertunt ad distribuendum bona, in piis operibus, ut per hoc provideant sibi in futurum, quia secundum Ambros. Sola misericordia est comes defunctorum. Cui etiam prudentissime non solum Dominus villicum, sed etiam Dominus omnium applaudere videtur, subjungens ad quid hanc similitudinem dederit: *Quia, inquit, filii hujus sæculi, & tenebrarum*, id est homines temporalibus intenti, & amatores mundi, *prudentiores sunt filiis lucis in generatione sua carnali*: id est in sæcularibus ad quæ videntur geniti, id est magis astuti & fervidi sunt in carnalibus & temporalibus negotiis agendis, quam filii lucis & vitæ æternæ, id est, homines spiritualibus deputati, & amatores cœlestium sint in spiritualibus negotiis exercendis. Prudentiores sunt illi in malo, quam isti in bono. Vix enim inveniuntur aliqui, qui tantam prudentiam & curam habent in acquirendis bonis æternis & permanentibus, quantam calliditatem & sollicitudinem isti habent in acquirendis bonis temporalibus & fugitivis. Pro his nempe die noctuq; vigilant, angustiantur, laborant, & modis omnibus tales divitias coacervare non cessant. Sicut bubo & catus clarius vident de nocte, quam homo, non ad legendum literas, sed ad capiendum mures: sic filii sæculi acutius vident, quam filii lucis, non ad sciendum legem Dei, sed ad acquirendum bona mundi. Audiant hæc filii lucis, & à filiis tenebrarum, scilicet hujus sæculi, vinci erubescant. Ideo enim hæc scripta sunt, ut audiendo prudentiores fiant, non autem ut iniquitatis villicum imitando, fraudem vel injustitiam in aliquo agant. Ubi Beda: Audiant sapientes hujus sæculi, ut stultam sapientiam deferere, & sapientem Dei stultitiam discere queant: quanti eorum sapientiam Divina æquitas æstimaverit: quos non verè prudentes, sed in generatione sua prudentes esse commemorat. Juxta hoc quod alibi dicitur, *va qui sapientes estis in oculis vestris, & coram vobismet ipsis prudentes*. Nec non & amatores vitæ æternæ filios lucis appellando: non aliud eos qui sapientes sunt ut mala faciant bene autem facere nescierunt, quam filios esse tenebrarum arguit: filii autem lucis, & filii hujus sæculi vocantur, quomodo filii regni & filii perditionis: cujus enim quisque agit opera, ejus cognomina-

Laudatio  
Villici.

Prudentia

Prudentes  
sæculi.

Beda in  
cap. 16.  
Luca.

Esaiæ 5.



*Hierōy. ad* minatur & filius. Hæc Beda. Sed heu nos (ut agit Hieronymus) ferven-  
*Hedibium.* tissimi sumus in terrenis, frigidissimi in cælestibus: & summam in rebus par-  
vis exhibemus alacritatem, ad majora tepescimus: celerem habituræ finem  
res sine fine quaruntur, cœlestes divitias immortales honores, pigrâ quâ-  
*Sapientia* dam dissimulatione negligimus. Hæc Hieronymus. Ubi notandum, quod  
*nociva.* quædam est sapientia nociva: & ista est carnalis, quam habent avari, in  
acquirendo divitias: superbi, in acquirendo honores: luxuriosi, in acqui-  
*Jacob: 3.* rendo delicias. Unde Jacobus: Non est ista sapientia deforsum descen-  
dens: sed terrena, quod ad avaros: animalis quod ad luxuriosos: diabolica,  
quod ad superbos. Quantum autem ad istam sapientiam, verum est quod  
filii hujus sæculi sunt prudentiores filiis lucis: quia filii lucis eam asper-  
nantur & fugiunt. Secunda sapientia est superflua, quæ est de imperti-  
*Sapientia* nentibus ad salutem. Ista sapientia est mundana & sæcularis, sive sit Phi-  
*Superflua* losophica & Phisica: sive scientia legum & Decretalium, quæ pro tanto  
dicuntur superflua: quia sine illis potest salus esse. Quantum etiam ad  
istam sapientiam, filii sæculi sunt sæpe prudentiores, quam filii lucis: quia  
*Sapientia* viri spirituales parum curant de talibus scientiis. Tertia sapientia est ne-  
*necessaria* cessaria, quæ est de expedientibus ad salutem: & ista est sapientia divina,  
quæ consistit in vera Dei & boni cognitione. Quantum autem ad istam  
sapientiam, filii lucis sunt prudentiores, quam filii hujus sæculi: imò in re-  
bus Divinis filii sæculi videntur esse stulti, filii autem lucis sunt valde sa-  
*Filii sæculi* pientes & providi. Qui autem sunt filii sæculi, non apparet manifestè:  
*per conje-* sed tamen potest de hoc aliqua conjectura haberi. Una est, quia com-  
*cturas.* muniter filius habet inclinationem ad artificium Patris: & ideo quando  
persona tota est mundana, & ad negotia mundi inclinata, signum est quod  
pertinet ad filios sæculi. Secunda conjectura est, quia filius assumit ar-  
ma Patris: sic persona quæ in seipsa assumit arma mundi, quæ sunt super-  
bia, avaritia, gula, luxuria, hæc videtur pertinere ad generationem mun-  
di. Filii autem lucis similiter cognoscuntur duplici conjecturâ. Prima est,  
quando persona cum omni devotione sustinet visitationem DEI, quâ vi-  
satur per flagella: vel aliò quodcunque modò: & quando non permittit  
aliquid in corde suo quod est contrarium DEO: signum est quod est fi-  
lius DEI. Secunda conjectura est, quia communiter pulli avium come-  
dunt libenter cibum, quod consueverunt uti parentes eorum, & in ipso  
potissimè delectantur: sic quando homo libenter degustat cælestia, quæ fu-  
erunt cibus Christi, & ei sapiunt talia, ac continuè conatur qualiter im-  
pleat voluntatem Divinam, iste est propriè filius DEI. Deinde quasi à mi-  
nore, infert concludendo propositum. *Et ego vobis dico. Facite vobis*, id est  
ad vestram utilitatem, *amicos de mammona iniquitatis*, scilicet de temporalibus  
*Mammona* divitiis: sed non eò modò quò fecit villicus iniquitatis, non defraudando  
*iniquitatis* aliena, sed largiendo vestra, *ut cum defeceritis*, meritis propriis & præsentis  
vitæ, *recipiant vos in æterna tabernacula*: id est, per sua merita & suffragia im-  
*Psal. 83.* petrent apud DEUM, vos finaliter recipi in vita beata. Ad hæc taberna-  
cula Propheta suspirans ait: Quam dilecta tabernacula tua: quasi diceret  
Dominus, si sibi in futurum etiam cum dolo & fraudulenter providens  
laudatur: multo magis laudandi eritis si sine dolo & legitime vobis provi-  
*Greg. l. 21.* deritis. Ubi Gregorius. Si non eorum, scilicet pauperum, amicis æter-  
*moral. c. 14.* na tabernacula acquirimus: dantes pensare debemus, quia Patronis potius  
*Mammona.* offerimus munera, quam egenis bona largimur. Mammona mammonæ  
lingvâ Syrà, divitiæ dicuntur: & mammon mammonis Satanas, qui opibus  
seducit, appellatur. Et est advertendum, quod non dicuntur hæc divitiæ  
iniquitatis: quia iniquè & de malo acquisitæ de illis nempe non præcepit  
Dominus fieri eleemosynam, cum nunquam bonus usus justificet malè ac-  
*Eleemosyna* quisita: & ideo talia sunt restituenda, non in eleemosynis danda. Potest  
*de quibus* tamen de divitiis iniquo affectu, vel actu malè acquisitis fieri eleemosyna,  
*fat.* ut de acquisitis per meretricium, vel lenocinium, vel diebus festis la-  
*Divitiæ* borando, vel hujusmodi. Si verò divitiæ non de malo sunt acquisitæ,  
*iniquæ.* nihilominus dicuntur mammona iniquitatis pluribus, de causis.

Primò,



Primò, quia non sunt veræ divitiæ, nec servant quod promittunt, sed falsæ, quia fallunt & decipiunt. Promittunt, n. securitatē, & dant timorē, satietatē, & dant esuriē: stabilitatē, & dant subitam dejectionē. 2dò, quia iniqui in eis confidunt, ac fidem & spem in eis constituunt. Tertio, quia iniquus mammon præest eis qui tentat homines cupiditate, ut serviant avaritiæ: quod est idolorum servitus, & sæpe faciunt homines iniquos: ut semper desiderent amplius. Quarto, quia sunt multarum iniquitatum materia: propter divitias, nèpe multa committuntur iniqua, & expenduntur in multis illicitis & superfluis. Quintò, quia ut plurimum acquiruntur iniquè: in pluribus n. Prædecessoribus necesse est aliquem reperiri, qui injustè usurpaverit aliena: unde vulgatâ communi dicitur sententiâ. Omnis dives aut iniquus est, aut hæres iniqui. Sextò, dicuntur mammona iniquitatis, id est: inæqualitatis quia inæqualiter possidentur, nam unus habet ad superabundantiam, alius ad sufficientiam, alius ad necessitatem extremam, alius ad totalem penuriam. Septimò, quia iniquè retinentur: quod n. ultra necessaria vitæ retinentur: nec proximi necessitatibus erogatur pecunia est iniquitatis, id est; contra æquitatem: in ea enim non servamus æquitatem quam proximo debemus, quem sicut nos diligere jubemur. Pauperes ergo recipient nos in suas domos Cœlestes, si nos eos receperimus in nostras domos terrestres. Unde Augustinus. omnia bona sua dedit DEUS duobus hominibus: divitibus terrena, pauperibus Cœlestia. Sed DEUS volens utrumq; salvere, constituit ut hæc divites in sua hereditate recipiant pauperes, & pauperes in sua hereditate eos collocent, & uterq; per alium collocetur. Et si non omnes pauperes possunt nos recipere in domos Cœlestes, tamen quia largimur his, recipiemur ab Angelis & Sanctis: quia largiendo pauperibus Angelorum nobis cæterorumq; Sanctorum gratiam comparamus: & quamvis bonum sit eligere pauperes bonos, & aliis præferre indatione eleemosynæ, tamen qui dat indigenti peccatori, non quia peccator: sed quia homo est: non peccatorem nutrit, sed justum: quia culpam non diligit, sed naturam. Qui autem eleemosynam accepturus est, attendat bene si indigeat: alioquin non accipiat ne rapinam committat. Unde Hieronymus. Monache si eges & accipis, das potiùs, quam accipis. Si autem non eges, & accipis: rapis. Portò non indiget in Psal. 145. Monachus, si habeat quod naturæ sufficit. Et hanc sufficientiam Apostolus in 1. Timot. 6. postolus certa diffinitione describit: habentes, inquit, alimenta & quibus tegamur his contenti simus. Unde in collatione Abbatis Cassiani Abrahamæ. Noveris autem te ex hoc non levî affici detrimentò: quia cum sis sani corporis, ac robusti: stipe sustentaris aliena, quæ justè solis est debilibus attributa. Misericordiæ ergo operibus insistamus: quia multa bona & in vita, & in morte, nobis inde comparamus. Unde Hieronymus. Non memini me legisse malè mortuum qui libenter exercuit opera pietatis: habet enim multos Intercessores, & impossibile est multorum preces exaudiri. Unde & Leo Papa: Quid in cibos pauperum, in curationes debiliū, in pretia captivorum, & in quælibet opera pietatis impenditur: non minuitur sed augetur. Nec unquam apud DEUM perire poterit, quod fidelis benignitas erogaverit: dum quod cuiq; tribuit, id sibi ad præmium recondit. Beati enim misericordes, quoniam ipsorum miserebitur DEUS. Nec delictorum memoria erit, ubi testimonium pietatis affuerit.

Bonorum

divisio.

Augustinus

libro 50.

hom. 14.

Hieronymus

in Psal. 145.

1. Timot. 6.

Cassianus

collat. 24.

cap. 12.

Opera mis-

ericordiæ

Hieron. ad

Nepotianū.

Leo sermone

de eleemosyn.

Matth. 5.

Dd

Hæc



Hæc Leo Papa. Religiosus verò & qui non habet unde possit eleemosynam dare materiale, nihilominus ex corde potest facere eleemosynam DEO valde gratam: videlicet ad hoc voluntatem habendo, seu etiam illatas sibi injurias proximo indulgendo, vel adversitati alienæ ex corde compatiendo. Igitur o! Monache, o! Clerice, o! Laice, dum vivis cogita qualiter debeas operari: ut scias & habeas quid in judicio possis respondere, ubi audies, redde rationem villicationis tuæ. Villici enim sumus, non Domini, rerum temporalium & spiritualium & nobis ad necessarios usus proximorum commissarum. Et si eas proximis non distribuimus, alia retinemus. Unde Chrysostomus: Opinio quædam erronea ac generata mortalibus auget crimina, minuit bona. Ea verò est opinari, quòd ea quæcunq; possidemus in usu vitæ, possidemus ut Domini. Et ideo etiam oportune ea apprehendimus, tanquam bona præcipua. Sed contrarium Domini non est. Non enim nos ut Domini in vita præsentis collocati sumus in sumus hic. propria domo, sed tanquam hospites & advenæ: quò nolumus ducimur, & quò non putamus: & qui nunciocuples est, in brevi fit mendicus. Ergo quicumq; sis, noveris te esse dispensatorem alienorum: & transitorii usûs & brevîs tibi jura concessa sunt. Abjecto ergo ab anima Domini fastu, sumas humilitatem, & modestiam villici. Hæc Chrysostomus. Attende & aliud quod tibi dicetur: jam enim non poteris villicare & operari. Unde Chrysostomus: Quotidie talia per effectus nobis exclamat DEUS, ostendens nobis ferventem in meridie solpitem, priusquam advesperascit exanimum, & usum inter prandia expirantem, & diversimodè ab hac villicatione discedimus. Sed fidelis dispensator, qui de propria dispensatione confidit: desiderat cum Paulo dissolvi & esse cum Christo. Is autem cujus sunt vota terrena, auxiliatur in exitu. Hæc Chrysostomus. Cogita etiam quòd tunc fodere non valebis, & mendicare erit confusionis. Unde Beda: Ablata quippe villicatione fodere non valemus: quia finitâ hæc vitâ, in qua tantum licet operari, nequaquam ultra bonæ conversationis fructum ligone devotæ compunctionis licet inquirere. Mendicare confusionis est, illò scilicet pessimo genere mendicandi, quò virgines illæ fatuæ mendicasse feruntur, & de quo Salomon ait: *Propter frigus piger arare noluit: mendicabit ergo æstate, & non dabitur ei.* Hæc Beda. Ut autem idem dicit Beda, si hi qui præbent eleemosynam de iniquo mammona faciunt sibi amicos, à quibus in æterna tabernacula recipiantur: quanto magis hi qui spirituales largiuntur epulas, qui dant conservis cibaria in tēpore suo: certissimè debent spe summæ retributionis erigi.

Postquam ergo Dominus præmisit de dispensatione pecuniæ corporalis subdit de dispensatione pecuniæ spiritualis, dicens: *qui fidelis est in minimo, & in dispensatione minorum, scilicet temporalium: & in majori, id est; in dispensatione majorum, scilicet spiritualium. Fidelis est. Et qui in modico, scilicet in carnalibus, iniquus est, ut non bene pro necessitate proximorum expendat: & in majori, scilicet in spiritualibus iniquus est, ut non pro utilitate communi dividat: quasi diceret, qui bona temporalia quæ sunt minima bene dispensavit in eleemosynis, & in aliis piis usibus, dignus est ut sibi committatur dispensatio spiritualium quæ sunt majora: quia fidelitas dispensationis primæ, est argumentum fidelitatis secundæ. Et qui modica, scilicet bona temporalia non bene dispensavit: sed in illicitis consumpsit*



sumpsit, vel malè retinuit: indignus est ut sibi comittatur dispensatio majorum. scilicet spiritualium, quia infidelitas prima, est argumentum secundæ. Hic habes argumentum, quòd avarus non est bonus Prædicator, vel Prælatus. Unde subdit: Si ergo in iniquo mammona, scilicet in bonis temporalibus & divitiis, fideles non fuistis dispensando, quæ sunt magis bona secundum apparentiam, quàm secundum veritatem: quod verum est, scilicet bona spiritualia, quæ sunt vera bona, quis credet vobis? id est; tradet vobis ad dispensandum? quasi dicat, nullus sapiens. Unde habes exemplum de quodam Episcopo, qui quatuor caseos tradidit ad custodiendum nepoti suo: & quia malè custodivit, ideo curam animarum tradere sibi noluit. *Et si in alieno fideles non fuistis*, scilicet in temporalibus, quæ sunt aliena à nobis, quia sunt extra nos: *quod verum est*, scilicet bona spiritualia, quæ sunt habentibus intrinseca: *quis dabit vobis ad dispensandum?* quasi dicat nullus sapiens hoc faceret. Qui enim fidelis non est in dispensatione bonorum fortunæ, & divitiarum corporalium, quæ respectu spiritualium falsæ divitiæ sunt, & à nobis alienæ, quia extra naturam nostram sita: nihil enim intulimus in hunc mundum, & nihil hic auferimus: possuntq; nobis auferri etiam nolentibus: dispensationem bonorum gratiæ & divitiarum spiritualium, quæ veræ divitiæ sunt, & nostra quia propriè homini deputata (ad ea enim habenda nati sumus, nec possunt nobis auferri nolentibus) nullus ei credere vel dare debet: quia in eis etiam infidelis esset. Unde Ambros. Alienæ à nobis divitiæ sunt: quia præter naturam sunt. Neq; nobiscum nascuntur, neq; nobiscum transeunt. Neque nempe nostra sunt quæ non possumus auferre nobiscum. Sola virtus est comes defunctorum, sola nos sequitur misericordia. Et ut dicit Augustinus. Potest homo invitus amittere bona temporalia: nunquam autem nisi volens, perdit æterna: secundum Bedam: In minimo est fidelis, qui habet viscera pietatis, & opera misericordiæ: dando eleemosynas, & diligendo proximos: in majori est fidelis, qui omnino adhæret Creatori, & unus spiritus cum eo desiderat fieri. Sed qui fratrem non diligit quem videt, nec egeni miseretur, quomodo diliget Dominum quem non videt: & quomodo seipsum DEO tribuet? Valde ergo considerandum est, in electione Prælatorum & Præpositorum quales in modico fuerunt: & quid pietatis & misericordiæ habuerint: quoniam qui in modico fideles non sunt, in magnis quoq; fideles non erunt. Unde præcepit Apostolus Timothæo & Tito: ut in eligendo Episcopo semper præcon- siderent si fidelis fuerit, & non avarus in dispensatione rei familiaris: sæpe nempe avarus in erogatione pecuniæ corporalis, avarus est in erogatione talenti spiritualis: ut nil verè faciam, nisi pro pecunia, vel pro personis, & juxta acceptionem personarum. Comitatur nêpe eam sæpe avaritia & cupiditas usq; ad spiritualia. Et ideo tales si promoventur in Ecclesia, non ex DEI ordinatione, sed magis ex permissione quadam Divina. Demus igitur aliena, ut suscipiamus nostra: præbeamus parva, ut recipiamus magna: seminemus in benedictione, ut metamus benedictionem: sed qui parçè seminat, parçè & metet. Si bene dispensamus bona minora, scilicet fortunæ & naturæ: merebimur promoveri ad bona majora. scilicet gratiæ & gloriæ.

*Avari d  
testatio.*

*1. Timo. 2.*

*Ambrosius  
in cap. 6.*

*Luca.*

*Divitiæ ali  
ene à nobis.*

*Beda in cap.*

*16. Luca.*

*1. Timo. 3.*

*& ad Ti-*

*tum 1.*

*Cor. 2.*



)(§)(  
DE DIVITE EPULONE ET LAZARO

*Mendico ad januam jacente.*

CAPUT XVI.

*Luca 16.*

**P**harisæi autem, qui erant avari, audientes Dominum JESUM de contemptu mundi & contra avaritiam disputantem: ac homines ab appetitu divitiarum retrahentem, & ad faciendum eleemosynas inducentem: *deridebant eum*, quasi irrationabiliter loqueretur, & contraria legi Prophetisq; præciperet, ubi multi ditissimi DEO placuisse leguntur, & observatoribus legis bona temporalia promittuntur non attendentes quia in lege carnalibus minora, propter Regnum æternum: & in Evangelio spiritualibus majora, propter Regnum Cælorum jure præcipiuntur: & ideo inter legem & Evangelium, sicut promissionum, ita & præceptorum debere esse distantiam. Ibi namquæ dictum est, *Si volueritis & audieritis me,*

*Matth. 5.*

*bona terræ comedetis: hic verò Beati pauperes spiritu, quoniam ipsorum est Regnum Cælorum.* Item lex non promittebat temporalia, tanquæ principale præmium: & ideo ubicunq; in sacra scriptura pro actibus virtutum promittuntur bona temporalia, sub illis intelliguntur bona spiritualia, & æterna, tanquam principaliter promissa. Nec temporalia sic promittuntur ad malum usum, sicut Pharisæi ista ad defensionem suæ avaritiæ malè inducebant: sed ad bonum: quia illi qui bene utuntur divitiis, non serviunt eis, nec dæmoni per eas tentanti: sed magis è conversò divitiæ serviunt ipsis, quia sunt eis juvamenta virtutis, & tales fuerunt Abraham, & alii divites qui DEO servierunt, & placuerunt in eis. Unde occurrit eis Dominus confutans, & redarguens eos de vanagloria, & de avaritia dicens: *Vos estis qui justificatis vos coram hominibus, avaritiam vestram prædictò modò falsè colorando, & opera vestra, ut ab hominibus videamini faciendo: DEUS autem, cui omnia nuda & aperta sunt: novit corda vestra, & iniquitatem ibi latentem, quia quod hominibus, & in reputatione hominum, qui vident in facie altum est, id est apparens justitia, & non existens in re, abominatio est apud DEUM, & in reputatione DEI qui videt in corde: quia simulata sanctitas, duplex est iniquitas: est enim & simulatio, & iniquitas.* Audiant hoc hypocritæ & ambitiosi, quia quanto magis apparent, & se exaltant apud homines, tanto magis abominabiles sunt apud DEUM. Igitur quia DEUS videt corda, & per consequens etiam facta, quantumcunq; secreta: studendum est cuilibet etiam cum solus fuerit, ut & cogitando & operando mala declinet, & bona faciat. Si enim DEUM præsentem, & omnia videntem, & vindicantem semper cogitaremus: aut vix aut nunquam peccaremus. Unde Boet. Aversamini vitia, colite virtutes, ad rectas spes animum sublevate: humiles preces in Ecclesia porrigite: magna vobis est necessitas indicta probitatis, cum ante oculos agitis Judicis cuncta cernentis. Quia ergo Pharisæi coram hominibus se justificabant & justos se esse ostendebant: peccatores quasi infirmos contemnendo, & eleemosynarum remedia negligendo, quàm justè hæc avaritia & avara altitudo damnanda sit, in sequenti Dominus docet exemplo; quod maximè inducitur ad provocandum homines ad opera misericordiæ ex divite propter defectum pietatis & misericordiæ damnato: & non dicitur hic quod sit parabola vel similitudo, quia est rei gestæ narratio. Unde secundum quosdam Dives iste Nabal erat, quem David occidere volebat, quia

*Legis promissio.*

*Simulata sanctitas.*

*Divitis Epulonis nomen.*



quia virtualia sibi & suis negaverat. Dicit ergo: homo quidam. Ubi notandum quod homo potius sonat hic in vitium, quam in naturam: ut dicatur homo ab humo, id est; humo adhærens per amorem terrenorum? Secundum Gregorium. Non exprimitur nomen ejus, quia non erat à DEO per approbationem cognitus: secundum quod dicit Salvator reprobatis: *Nunquam novi vos.* Unde quasi ignotus apud DEUM, nomine non designatur, neq; nominatur à DEO: quia nomen quæstierat à mundo. *Homo ergo quidam erat dives,* non tam à possessione divitiarum, quam ab amore earum. Ecce superfluitas in sensu & concupiscentia oculorum. *Et induebatur purpura,* rubea desuper propter inanem gloriam, & *byssus,* albâ desubtus ad carnem propter molliem: ecce excessus, in vestitu & superbia vitæ: & *epulabatur quotidie splendide,* ferviendo gulæ magis quam naturæ: ecce excessus in victu & concupiscentia carnis, secundum quod vestimenta, ita & epulæ. Ad molliem & luxuriam cultu Regiō dissolvebat carnem exterius: accibus & potibus refovebat interius: *Et erat quidam mendicus nomine Lazarus.* Diviti adjungitur pauper, quia alter alteri confert, sed differenter: quia dives confert temporaliter pauperi, & pauper, spiritualiter diviti. Unde Chrysostom. Dum dives sustentat pauperes, sustentatur à paupere. Exprimitur autem hic nomen pauperis, quia à DEO per approbationem erat cognitus, sicut & Moyse dicit. *Novite ex nomine:* unde & pauperibus humilibus dicitur. *Gaudete & exultate,* quia vestra nomina scripta sunt in Cœlis. Lazarus pauper & humilis nominatur: dives verò nec nomine dignus habetur. Nomina bonorum scripta sunt in libro DEI: & nomina malorum in libro diaboli. In quo pensandum est, quantum interest inter publicam legem mundi, & benignam legem DEI. Nam divites sunt mundo celebres per nomina sua: sed pauperes latent, nec nomen in mundo habent: Mos est dicendi. Quando de urbe profecti sumus, obviavit nobis talis comes, vel Dominus. E contra de paupere dicitur. Nobiscum unus pauper agebat iter. Sed in Evangelio est mos contrarius: quia pauperis nomen exprimitur, divitis verò nomen tacetur: superbos divites per judicium reprobationis DEUS nescit, humiles pauperes per judicium approbationis noscit. Cominus aspicit hos, & eminens arcet illos. Divitibus sūt nomina in culmine mundi, sed pauperibus sūt nomina in aula DEI. *Qui jacebat ad januam ejus ulceribus plenus,* ut ex vicinitate magis appareret duritia divitis exeundo & revertendo eum videntis: & patientia pauperis ex visione divitis. Ubi Chrysostomus. In felicissime hominum mortem corporis tui vides jacere ante januam, & non misereris. Si DEI præcepta non consideras: saltem misere conditionis tuæ: & time ne & ipse talis efficiaris. *Cupiens saturari de micis,* non dicit de pretiosis, quæ cadebant de mensa divitis; quodammodo dicēs ad divitē. Sufficiūt mihi micæ mensæ tuæ: quas abiiciendo proiicis inde. Præbe de superfluo eleemosynam: fac de non damno lucrum, in quo nimia duritia apparet eò quod perire permittebat unde pauper sublevari poterat. *Et nemo illi dabat,* quia tali Domino talis familia: & ideo conformabantur ei in mentis duritia. Cum ergo ante januam jacere ex visione pauperis diviti non miserenti, cumulus damnationis infertur: & rursus ex visione divitis tentatus quotidie pauper probatur. Quem ad majorem ipsius probationem paupertas simul & aegritudo, & visa divitis copia, & nulla

Gregorius  
hom. 40.  
in Evang.  
Matth. 7.

Lazarus  
pauper.

Chrysostom  
homili. de  
divite.

Pauperes  
latent.

Pauperis  
prælatio.

Chrysostom.  
hom. in E-  
vangelium  
de divite.

Chrysostom.  
ibidem.



sibi adhibita consolatio afficiunt. Ubi Chrysost. Agrotatio habet aliquod solatium, si opes habet. Si autem ad infirmitatis magnitudinem accedat & paupertas, duplex est infirmitas. Quanta ergo in isto pœna est, in quo inter tanta vulnera non meminit dolores plagarum, sed famis? *Sed & canes veniebant, & lingebant ulcera ejus.* Unde talis pietas in lingendo ulcera pauperis, arguit duritiam divitis: quia magis curiales erant canes pauperi, quàm eorum Dominus. Et nec à se canes remove potera, nec visitator erat qui removeret. Qui etiam si mordendo punxissent, non esset qui illos amovisset. *Factum est, autem ut moreretur mendicus,* in patientia, quæ opus perfectum habet probatus, *& portaretur,* secundum animam, *ab Angelis in sinum Abraham.* de mendico dives factus, id est; ad requiem, & lymbum Sanctorum Patrum: ubi descendebant animæ justorum morientium, antequam generale impedimentum gloriæ per passionem Christi esset amotum: qui sinus (secundum August.) Ideo Abraham lib. 4 de oridictus est, non quod ipse tantum sit, sed quod ipse multarum gentium Pater sit, quibus ad imitandum positus est. Ubi Chrysost. capit. 15. Non suffecerat ad portandum Angelus unus pauperem, sed propterea plures veniunt ut chorum lætitiæ faciant. Gaudet unusquisq; Angelorum tantum onus tangere: libenter talibus oneribus prægravantur, ut ducant homines ad Regnum Cœlorum. *Mortuus est autem dives,* quia divitiæ nō possunt à morte salvare: *& sepultus est in inferno,* scil. damnatorum, id est in profunditate pœnarum infernalium, de divite mendicus factus. Dives iste tanquam diaboli parrochianus ad cœmeterium infernale à dæmonibus est deductus, & ibi est sepultus. Ibi sepeliuntur parrochiani diaboli sine thure, & sine aqua benedicta ad modum asini. Unde Gerem. de quolibet reprobo dicitur: *sepultura asini sepelientur.* Sepultura asini est talis quia excoriatur, & pellis à Domino possidetur: carnes à canibus lacerantur, ossa pluviis & grâdinibus derelinquuntur. Sic quando aliquis moritur iniquus, parentes possident substantiam terrenam, vermes lacerant carnem suam, supplicia infernalium lacerant ejus animam, quæ naturam ossis habebit, quia consumi nunquam poterit. Et notandum quod pluribus modis cognoscitur aliquis, cujus parrochianus sit, scilicet si ab eo baptismum suscipiat, si ei primitias & decimas reddat, si ejus missas & horas audiat. Qui ergo aquâ concupiscentiæ baptizatur, in qua haracter diaboli imprimitur: de quo in Apocalypsi dicitur. Qui initia operum & consummationem tanquam primitias & decimas diabolo reddit, vel bona temporalia in illicitis consumit, qui lascivis cantilenis, & erroneis carminibus, seu verbis detractoriis & malis intédendo, tâquâ horas diaboli audit, diaboli parrochianum, se ostédit, & in ejus cæmeterio sepelietur in morte, sicut etiam dives iste est sepultus. Sed qui baptizatur aquâ pœnitentiæ, ubi imprimitur character Christi, scilicet Thau, de quo dicitur in Ezechiele. Qui initium & consummationem bonorum operum Christo reddit qui ejus sermones & verba libenter audit deportabitur ab Angelis in requiem Christi: cujus parrochianum se ostendit. Merito autem pauper deportabatur ab Angelis, & Angelica ei deportabantur officia: cui tam crudeliter denegata sunt humanitatis obsequia, & merito dives sepultus est in inferno, ut sustineat cruciatum nolendo, qui in præsentī vita crucem portare noluit pœnitendo. *Elevans autem oculos suos,* spirituales, non corporales, quia ibi erat anima ejus, *non corpus cum esset in tormentis*



mentis: multiplicibus, quia ejus oculi aperti erant per pœnam qui ante clausi fuerant per culpam, vidit Abraham à longè; quia multum etiam ante apertionem januæ Cœlestis distabat status Electorum à statu reproborum, in tantum quod impossibilis erat transitus ab uno in alium, & Lazarum in sinu ejus ad cumulum suæ pœnæ, quem in prosperitate positus dedignabatur videre. Sinus Abraham (de quo hic dicitur) ante passionem erat in lyngo inferni, sed modò est in Cœlo: sicut enim translatus est Abraham de lyngo: sic & sinus ipsius cū Eo. Erat, nāq; in superiori margine inferni locus aliquatulum habēs lucē pro spe futuræ claritatis, sine omni pœna materiali in quo erāt animæ Electorū, usq; ad descensum Christi ad inferos: sc. ad eūdē locū, qui locus propter sui tranquillitatē sinus est dictus: sicut & sinus maris, dicitur locus quietus à ventis & tempestatibus: & dicebatur Abraham, quia ipse fuit prima via credendi, & primus publicè prædicavit fidem unius DEI. Hunc locum appellavit Job tenebras, respectu visionis Divinæ vel pro tacto expectandi Salvatorem, dicens: *In tenebris stravi lectulum meum.* Secundum Bedam: Sinus Abraham, est requies beatorum pauperum, quorum est Regnum Cœlorum, quò post hanc vitam recipiuntur. Et secundum Augustinum: Sepultura inferni, pœnarum profunditas est: quæ superbos & immisericordes, post vitam hanc vorat. Qui in præsentī volunt tenere locum primum: in futuro retrudentur in locum novissimum. Ubi Chrysost. Sicut autem pauperi, dum viveret, graviores pœnas reddebat jacere ante januam divitis, & aliena bona prospicere: sic diviti mortuo augebat exercitium accubitus in gehenna, ut prospectus delectationis Lazari, ne solā tormentorum naturā, sed & collatione honoris illius intollerabilius sentiret supplicium. Aliorum divitiæ, eorum qui in paupertate sunt: tormenta sunt. *Et ipse clamans præ dolore, dixit: Pater Abraham, miserere mei.* Hunc serò & pro nihilo Patrem vocat, quem in operibus misericordiæ imitari noluit: & petit misereri, sui qui nec suimet misertus est, nec Lazari. *Et mitte Lazarum ut intingat extremum digiti sui in aqua, & refrigeret, &c.* Lazarum petit mitti sibi æstuanti, cui ipse micæ panis noluit mittere esurienti. Vocat autem extremum digiti sui modicum suffragium meritorum: & guttam aquæ, modicum quid refrigerantis misericordiæ. Unde notandum quod lingua & digitus metaphoricè dicuntur in animabus separatis: quales erant animæ Lazari & divitis: sicut nempe in DEO, qui spiritus est, manus dicitur virtus ejus operativa: similiter in Lazaro hic per digitum intelligitur virtus ejus auxiliativa: & per linguam divitis, virtus conceptus mentis expressiva. Unde non in vera, sed imaginaria lingua punitur, dum per imaginationem in memoriam peccata linguæ revocat. Et similiter plura alia (de quibus hic dicitur) mentaliter fieri intelliguntur. Quamvis animæ corpora non habeant: tamen in membris pati dicuntur: quia exuta à corporibus tales affectus in se sentiunt pro peccatis, ac si in corpore paterentur in membris. In lingua ergo cruciari dicitur, id est; in anima, quæ pro peccato linguæ amplius torquebatur, quia per eam plūs peccaverat, secundum duo officia naturæ, in quibus lingua deservit, scilicet gustum & loquelam, in quibus epulones frequenter offendunt. Per linguam quidem in officio gustus peccavit, quia epulabatur quotidie splendide: & similiter in officio loquelæ, quia inter epulas splendidas magis relaxatur lingua ad loquendum inepta.

Sinus  
Abraham.

Sinus.

Job. 27.

Beda in cap.

16. Luca:

Augustinus

lib. 2. quest.

Evā. cap. 39

Chrysostomus

concio. 2.

de Lazaro.

Digitus &  
lingua ani-  
marum.

Animarum  
passio.



Et ideo expedit valde in mensa sobrietatem, & silentium observare. Unde Basilius: Quantum possumus delicias mundi, & ciborum epulantiam fugiamus: ne quando cruciati in flamma, quæramus guttam aquæ, & nullum refrigerium consequemur. Plenus nihilominus, ut visum est, iste dives fuit vitiis: in eo enim erat avaritia, quia dives erat: non quia divitias habebat, sed quia avarè retinebat: & illicitè expendebat. Item in eo fuit vana gloria, quam habuit in utendo veste pretiosa. Hoc autem quàm grande sit peccatum patet ex historia Romanorum, ubi legitur, quòd ille qui primus apud eos purpurâ indutus fuit, à fulmine percussus interiit. Non debet homo de vestibus gloriari, imò magis dolere, respiciendo ad peccatum suum: nam ante peccatum veste non indigebat, quia decore innocentia indutus erat: sed perditâ innocentia, advenit DEI ira, & tunc vestis sibi facta ad cooperiendum miseriam peccati & defectuum nostrorum. Unde in Genesi: *Fecit quoq; DEUS Adæ & uxori ejus tunicas pelliceas*: scilicet extra paradysum post lapsum. In signum hujus aliqui Religiosi non utuntur nisi pellibus, in memoriam trasgressionis primorum Parentum, & in signum mortalitatis: quia pelles sunt de animalibus mortuis. Quatuor autem modis potest esse reprehensio circa vestes. Primò, quando sunt nimis pretiosæ. Secundò, quando sunt curiosæ. Tertio, quando non sunt statui personæ convenientes. Quarto, quando quis habet diversa vestium mutatoria, ita quòd à tineis demoliuntur, & Christus in pauperibus nudus relinquitur. Item fuit in eo peccatum gulæ, quia epulabatur quotidie splendide, Facit autem gulosus injuriam naturæ nulli enim animali tam magnum corpus habenti dedit natura tam parvum os & collum, sicut homini: ut per hoc ad cibi & potûs parcitatem, & temperantiam nos moneret. Erat & sine misericordia, quia ulcerosi pauperis noluit misereri: & ideo frustra misericordiâ petiit, qui misericordiam non fecit: & ideo etiam tanquam à DEO non cognitus caret nomine, qui DEUM cognoscere noluit in paupere. Non enim reprehenditur ex eo quòd dives erat: sed quòd divitias avarè retinebat: & nihil pauperi dare volebat: ac eas in vestibus curiosis, & epulis delicatis malè expendebat: nimisq; divitias amabat, & circa eas cor suum posuerat: nec reprehenditur ex eo quòd aliena abstulit, sed quòd sua nō dedit: nec dicitur quia quēpiā oppressit, sed quia in æceptis rebus se extulit. Unde Chrys. Non autē quod dives erat torquebatur, sed quia misertus non fuit. Non accusatur, quia res alienas tulerit, nō quia adulter fuerat, nō quia aliquod malū fecerit: sola in illo condemnatur superbia. Unde & Gregorius. Hinc colligendum, est quā pænā mulctandus sit, qui aliena diripit, si inferni damnatione percutitur, qui propria non largitur. Hæc Gregorius. Pensent ergo non solū sæculares, sed & Religiosi, qui temporalia illicitè sibi attrahunt, vel detinent, quā pænā puniendi sunt, si damnatur qui propria non dedit. Qui nempe aliena, seu illicitè acquisita, & reddenda detinent: contra DEI mandata peccant: sine quibus nemo potest ad vitā ingredi, vel salvari. Et tamen multi credunt, sed stultè, quòd reatu tantæ injuriæ non obstante, animæ eorum requiescant in pace. Nam quia conscientia sæpe formatur secundū id ad quòd homo afficitur: ideo multi pecunias & temporalia nimis diligentes: de illicitè acquisitis conscientia non faciunt: sicq; DEI præcepta contemnendo, & per consequens mortaliter peccando DEUM graviter offendunt, & omnia sua in bonis exercitia perdere non metuunt. Et

Basilius de  
laudibus  
jejunii.

Divitis  
vitia.

Genes. 3.

In vestibus  
quatuor re-  
prehendenda

Gulosi dete-  
statio.

Chrysostom.  
hom. 2. in  
Epistol. ad  
Philipp.  
Gregorius  
hom. 40.  
in Evang.



Secundæ Partis Caput XVI.

113

Et maximè hoc attendant Domini terrarum, & Potentes, qui parum timent terras aliorum sibi attrahere, & minùs Potentes vi vel dolò opprimere: nec ad DEUM cuncta cernentem curant respicere. Si arbores solum in altum & non in latum crescerent, nec se dilatarent: una aliam non impediret: sed quia crescunt in latum & se dilatant, una impedit aliam: ita quòd una quandoque abscinditur, propter aliam sibi vicinam. Sic Reges & Potentes qui habent & quærunt Dominium, si solum crescerent in altum versùs cælum, & erigerent se ad DEUM, unus non impediret alium: & quia dilatant se plus debitò ad terrena, propter hoc unus alium impedit, & aliena sibi attrahit, ac ea sæpe hæredibus suis relinquit. Sed non gaudeant de hoc vel glorientur: quia veniet tempus quò ipsi tanquam parrochiani diaboli cum divite in inferno sepulchrà asini sepelientur, & alii per eos injustè oppressi ad requiem cum Lazaro suscipientur. Audiant hoc terreni & miseri, quos pulvis terræ nunc excæcavit: quia vexatio tunc intellectum eis dabit. Unde Augustinus: Audiant ista divites, qui nolunt esse misericordes. Audiant irrogari sibi supplicia, qui nolunt erogare subsidia. Audiant pauperem refrigerantem, audiant divitem panis gravioribus æstuantem. Pensentur ergo pro divitiis panis, refrigerium, pro paupertate, pro purpura, flamma, refectio, pro nuditate: ut salva sit æquitas statera, & non mentiatu modus illius mensuræ: in qua, inquit, mensurà mensi fueritis, ita remetietur vobis. Ideo negatur misericordia diviti, quia ipse dum viveret noluit misereri: ideo rogans dives, non exauditur in tormentis, quia rogantem pauperem non exaudivit in terris. Et iterum regnum cælorum, Veritate attestante, didicimus non divitù, sed pauperù esse. Si igitur Regnù est pauperù: restat ut infernus sit divitù. Quisquis igitur vis regnare cù Christo, elige paupertatè cù Ipso, & requiescas cù Lazaro mendico. Nemo enim potest gaudere cù sæculo, & regnare cù Domino. Qui igitur vult epulari cum divite, præparat se inter epulas vermibus gehennæ. In qua pro gaudio momentaneo ardebit perpetuò cum capite suo diabolo. Infelix commercium, pro tam brevi gaudio cælesti privari regnò. Felix paupertas, per quam Cælestis acquiritur hæreditas. Felix commercium, pro penitentiis æterna suscipere, quòd ineffabile bonum est, sine fine cum Christo regnare. Econtra ineffabilis miseria, perpetua pati supplicia. Hæc August. Unde & Chrysost. Instruimur autem quàm sit utile in divitiis non confidere. Ecce dives indiget paupere, qui quandoque esuriebat. Mutantur res, & notificatur omnibus quis esset dives, & quis esset pauper. Sicut enim in theatris cum advesperascit, & adstantes recedunt: exeuntes & amictum induentes, qui Reges & Prætores visi fuerant, omnibus vultibus videntur ut sunt, sic adveniente morte, & solutò spectaculò, universis larvis ægestatis, & divitiarum depositis, ex solis operibus dijudicantur, qui iam verè sint divites, qui pauperes, qui gloriosi, quive inglorii. Hæc Chrysost. Videtur etiam esse de statu hominum, sicut de ludo Scacorum. In illo enim ludo sunt Reges & milites, senes & juvenes, magni & parvi, & cætera hujusmodi: quorum in ipso ludo continua fit de loco in locum mutatio, & quasi quædam mutua adinvicem oppugnatio, sed completo cursu ludi & temporis, omnia proiciuntur in saccum, & majera quæque, & magis gravia cadunt in profundum. Sic diversarum conditionum homines in diversis locis ponuntur, & frequenter de loco in locum mutantur, ac sæpe mutuò se impugnant, & sibi invicem adversantur, sed completo cursu eorum, mittuntur in terræ saccum, & majores ac de onere peccatorum magis graves, descendunt cum divite in inferni abyssum. Et dixit illi, scilicet diviti Abrahâ. Fili, scilicet genere non imitatione, & vocat eum filium ut dolor ejus au-geatur de perdita hæreditate: recordare, sed melius esse prævidisse: quia recepisti bona in vita tua, id est, illa quæ vera & sola putaveras esse bona, scilicet temporalia, quæ sæpe dantur quibusdam in signum Divinæ reprobationis, & hoc sibi dicitur ad augmentum suæ panis & infelicitatis, ut cogitet statum præteritæ felicitatis, quia (ut dicit Boetius) in omni adversitate fortunæ, infelicissimum est genus infortunii fuisse felicem. Et Lazarus si-

Augustinus  
erm. 25. de  
verbis Domi

Paupertas  
& felix.

Chrysostomus  
in cõsolatione 2.  
de Lazaro.

Vita præter  
scacorum ludo  
similis

Boetius lib.  
2. de consola-  
tione



*militer mala*, scilicet transitoria recipit in vita: non mala secundum aestimationem suam, sed divitis, qui inopiam, & famem, & agritudinem existimabat mala. Et horum recordatio malorum fuit Lazaro consolationis augmentum. Unde Boetius: Dulcior est apum mage labor. Si malus ora prius sapor edat. Forte dives iste aliquid boni habuit, quod felicitas trans-

*Dulcia  
quando.*

*Gregor. hō:  
40. in Evā.*

*Bona iustis  
data.*

*Chrysost. hō:  
2. de Lazaro*

*Gregor.  
hom. 40.*

*Bernardus  
sermo de  
verbis Evā  
gelii Ecce  
nos reliquit  
omnia.*

*Abrahe  
iudicium.*

*Chrysost. hō:  
2. de Lazaro*

*August.  
epist. 5.  
Seneca lib.  
de provid.*

gavit. Et ideo, secundum Gregor. Si honorem vel divitias, seu aliquid aliud exterioris boni vel prosperitatis in hoc mundo accipimus, pertimescere debemus, ne nobis pro quorundam nostrum actuum bonorum re-compensatione Dominus dederit, & à retributione boni intimi repellat, & si pauperes forte reprehensibiles conspiciamus, despiciere non debemus, quia fortasse eos caminus paupertatis purgat. Habent iusti bona mundana, sed in recompensationem meritorum suorum non recipiunt, quia ad æterna sanctis desideriis æstuantes, quæ assunt minima bona reputant. Injusti verò omne gaudium suum felicitatem transitoriam putantes, exteriora sola summa bona aestimant. Unde Chrysost. Dixit etiam recepisti bona in vita tua, quasi debita: quasi diceret: Si quid boni fecisti, unde præmium deberetur, omnia recepisti in illo mundo, epulans, ditatus, oblectatus successibus prosperis. Hic autem si quid mali commisit, universa recepit paupertate, fame, & extreme oppressus miseris, & uterque vestrum huc nudus accessit hic quidem de peccatis, propter quod & consolationem forsitur, tu verò à iustitia, propter quod & immitigabilem persers pœnam. Unde sequitur: *Nunc autem hic consolatur*, scilicet æterna consolatione: pro modica tribulatione, & propter meritum patientiæ: *tu verò cruciarius*, scilicet æterno cruciatu pro temporali delectatione, & propter defectum misericordiæ. Ut enim dicit Gregorius: Iustum est ut in se dolorem inveniat, qui relictò verò Gaudio in se, & in mundo gaudia vana quærebat. Unde Bernardus: Quantos, inquit, videris & ipsi Lazaros esurientes, nudos, ægrotos: & plus de iumentis vestris, plus de eorum phaleris quàm de istorum miseris cogitatis. Sed ad tremendum Abrahæ iudicium veniamus. Non enim Abrahæ sed Domini sententia est: *Memento, inquit, fili quod recepisti bona in vita tua, & Lazarus similiter mala. Nunc autem hic consolatur: tu verò cruciarius.* Hæcine cruciatuum causa tota est, quod in hoc sæculo bona recepit. Ipsa planè, neq; enim ad hoc nos Paradiso voluptatis animadversio Divina eiecisse videtur, ut alterum sibi hic paradisum adinventio humana pararet: sed ut in cinere & cilicio miseriam suæ subversionis deploraret. Cæterum si sic cruciandi sunt quod in vita sua bona receperunt: & habentibus consolationem præsentem, vix repositum est sempiternum: quisnam eorum poterit esse finis, si secundum multitudinem consolationum suarum, dolores apprehenderint animas miserorum: Consequens enim videtur ut bona omnia, & omnem sæculi huius recipientibus consolationem, nihilominus universum vix, & universi maneat cruciatus. At verò & illud æquè ex eadem Abrahæ sententia consiliendum videtur, eos qui contrario ducti spiritu vitæ præsentia omnia bona respuunt, & eligunt mala: omnia bona Domini, & omnem habituros consolationem. Et iterum: Si de pœnarum diminutione solatium præbere voluero: crudelis ero, & non misericors. Quantum enim subtraham de pœna: tantum de corona furabor. Tantum minus erit de fructu, quantum de semine subtraxero. Renuat ergo consolari anima nostra huiusmodi consolatione: sed memor sit DEI, & consoletur in eo. Apud Ipsum namque ipsa quoque tribulatio, magna quædam consolatio poterit inveniri. Hæc Bernardus. Sic ergo huius vitæ felicitas divitem infelicem fecit: quia, ut dicit Augustinus. Nihil est infelicius infelicitate peccantium, quâ pœnalis nutritur impunitas, & mala voluntas velut hostis interior roboretur. Unde Seneca: Brevem tibi formulam dabo quâ te metiaris, quâ te perfectum esse jam sentias. Tunc habebis tuum bonum, cum intelliges in felicissimo esse felices. Et iterum: Nihil est infelicius & dementius eò cui nihil unquâ evenit adversi: nō licuit illi se experiri. Et iterum: Te iudico miserum, quia nō fuisti miser transisti sine adversario viâ: nō scit quid tu potueris, nec tu quidem ipse. Hæc Seneca. Infelicitas verò huius vitæ Lazarum purgavit & feli-



& felicem fecit. Pluribus quippe modis purgamur in ista vita. Quibusdam enim est purgatio cruciatûs corporis, quos eis mali inferunt: aliquibus afflictiones carnis, quas sibi ipsi per jejunia, vigiliis, & alios labores ingerunt quibusdam verò charorum vel rerum amissio: aliquibus dolores, vel agritudo: quibusdam victûs, vel vestitûs egestas: aliquibus ipsius mortis acerbitas. Deinde subjungitur: *Et in his omnibus*, id est inter hæc omnia quæ petis unum est quod impedit, scilicet, *quod inter nos & vos, hæc magnum firmatum est.* id est distantia magna meritorum & statuum firmata est rigore Divinæ justitiæ: ut impossibilis sit transitus ab uno statu in alium, ideo subditur, *ut hi qui volunt hinc transire ad vos, non possint: neque inde huc transire:* quia animæ separaræ sūt extra statum meriti & demeriti. Unde Chrysostomus: Videre possumus, transire non possumus: & nos videmus quod fugimus, & vos videtis quod perdidistis: & nostra gaudia accumulans vestra tormenta, & vestra tormenta accumulans nostra gaudia. Hæc Chrysostom. Quod damnati vellent venire ad locum Electorum, si esset possibile, non est dubium: sed quod Electi vellent ire ad locum damnatorum, non videtur: unde est dicendum, quod non vellent ire illuc ad manendum: vellent tamē illuc venire, si esset possibile, ad propinquos suos liberandum. Istud tamen velle intelligitur secundum voluntatem naturalis compassionis, non autem secundum voluntatem liberativam, in qua conformantur simpliciter Divinæ justitiæ, dispositioni Divinæ voluntatis. Noli ergo divitem imitari in superbia vitæ: quia ut dicit Gregor. Illic eos à forte humilium Iudex separat, qui se hic in superbiæ cornibus exaltant. Neque in concupiscentia carnis: quia ut dicit idem Gregorius. Non possunt qui hic voluptatibus suæ carnis serviunt, illic in ovium grege numerari. Neque in concupiscentia oculorum: quia ut idem Gregorius testatur, Regnum Celorum percipere nequeunt, qui hic totò desiderio terram quarunt. De qua avaritia etiam Chrysostomus hoc loco dicit: Ubicunq; abieris, philargios & avaros punitos videbis: & nunc quidem audient, chaos est inter nos & vos: nunc autem. Itē maledicti in ignem æternum, qui paratus est diabolo, & angelis ejus: & ubique abactos eos aliquis videbit, & nusquam locum habentes, quā in gehenna. Quæ itaque rectæ fidei nobis est utilitas ad salutem, hæc cum audierimus? Illic est stridor dentium, & tenebræ exteriores, & ignis paratus: hic autem sunt inimicitiae, accusationes, detractiones, pericula, sollicitudines, insidiæ, & ab omnibus odio haberi etiam ab his qui videntur adulari. Philargium denique universi simul contristant, & improprium ultimum est avaritia. Si enim pecunias despiciere non sustinet: quomodo superabit unquam concupiscentiam, & gloriæ insaniam, & furorem, & iram? Hæc Chrysostom. Postquam ergo, ut dicit Gregorius, ardenti diviti de se spes tollitur: ejus animus ad propinquos, quos reliquerat, recurrit. Unde sequitur: *Rogo ergo Te Pater, ut mittas eum in domum patris mei.* *Habeo enim quinque fratres, ut testetur illis ne & ipsi veniant in locum hunc tormentorum.* Non dixit hoc charitate ductus, quā ante mortem non habuit, nec postea acquisivit: sed timore servili, ne in ipsorum consortio ejus pena augeretur: quia fuerat eis occasio peccandi, tum ratione divitiarum, quas eis dimiserat ad abusum: tum exemplō malæ vitæ, quod eis dederat ad sequendum. Unde Gregorius: Qua in re notandum est, ardenti diviti quanta supplicia cumulantur. Ad penam namque suam ei cognitio servatur & memoria. Cognovit enim Lazarum, quem despexit: & fratrum suorum meminit, quos reliquit. Ut enim peccatores in supplicio amplius puniantur & eorum vident gloriam quos contempserunt, & de illorum pena torquentur quos inutiliter amaverunt. Petenti autem diviti, ut Lazarus mitteretur: ab Abraham protinus respondetur. *Habent Moysen*, qui docuit moralia & agenda: & *Prophetas*, qui docuerunt mystica & credenda: & ista sufficiunt ad salutem: ideo sequitur, audiant illos. Et ex hoc patet quod iste dives & fratres ejus erant de gente Judæorum, quia Gentiles non habebant doctrinam Moysis & prophetarum: ut enim dicit Chrysostomus, Vocat hic Moysen & Prophetas: scripta Mosaisca & Prophetica, Sed (ut dicit Gregor.) Qui DEI verba despexit, hæc audire non posse suos sequaces æstimabat. Unde sequitur: *At ille dixit: Non Pater Abraham sed si quis ex mortuis ierit ad eos, penitentiam agent.*

Greg. in 1.  
Reg:

Chrysost.  
hom. 82.  
in Matt.

Gregor.  
hom. 40.  
in Evang.  
Timor  
divitis.

Gregorius  
ibidem.



In quo implicat quòd extra pœnitentiam erant, & per consequens in via veniendi ad inferni tormenta. Quasi diceret, plus credent mortuo quàm scripturæ, moti ex nuncio sic mirabiliter eis apparente. Sed mox diviti sententia veraci respondetur: *Si Moysen*, qui fuit tantæ authoritatis, & *Prophetas*, qui fuerunt tantæ sanctitatis, *non audiunt*: auditu interiori: *neque si quis ex Lazaro non mortuis resurrexerit, credent ei.* Hoc patuit per effectum quia Lazaro resurgenti, & Christo testimonium perhibenti, non crediderunt: sed magis eum occidere voluerunt. Similiter nec Christo resurgenti crediderunt: sed magis falsò svaserunt ipsum non resurrexisse, & corpus à discipulis suis furatum fuisse. Unde Gregorius. Quia si verba legis despiciunt, Redemptoris præcepta qui ex mortuis resurrexit: quantò difficiliora sunt: tantò hæc difficilius implebunt. Ubi & Chrysost. Considera quòd quisque mortuus servus est, quæcunq; verò dicunt scripturæ dicit Dominus. Unde & si resurgat mortuus, & si cælitus descenderet Angelus, omnibus magis sunt dignæ fide scripturæ. Nam Angelorum Dominus, vivorum & mortuorum Judex eas instituit. Hæc Chrysost. Hæc ergo præmissa considerantes, toleremus quæ temporaliter molestant, & refrenemus nos ab his quæ temporaliter delectant. Ut etiam dicit. Hieron. Miseriæ deliciis & deliciæ miseriis commutantur: & in nostro arbitrio est, vel divitem sequi, vel Lazarum. Unde Pama. huius. & Chrysostom. Si quando ægrotamus, si pauperes sumus si frigore cōfici-mur, si hospitium non habemus: latemur & gaudeamus, Lazarum cogitemus, accipiamus mala in vita nostra, & divitis nos tormenta terreant, & pauperis exempla provocent. deprecemur Dominum, ut latronem, & istum Lazarum pauperem imitemur. Si persecutio venerit, imitemur Latronem, si pax fuerit, imitemur Lazarum & egestas propter Christum bene tolerata facit martyrium. Et iterum, sed dices non est aliquis, qui hic & illic veniā perfruatur: hoc quidem difficile est, & de numero impossibile. Nam si paupertas nō urgeat: urget tamē ambitio. Si ægritudo nō stimulet, ira inflammat. Si tentationes non imperant: emergunt sæpe cogitationes iniquæ. Non est autem parvus, labor iracundiam refrenare, compescere illicita desideria: ostentationes sedare, despectionem remittere, vitam asperam ducere, talia, verò non agentem impossibile est salvari. Hæc Chrysost. Si ergo temporales miseriæ terrent, aut deliciæ delectant: æternæ tibi in mentem veniant, & oculis tuis occurrant, ut si facilius temporales misérias perferre, & atrenas evadere, ac temporales delicias fugere & æternas consequi merearis. Unde Gregor: Si bonum diligitur, mens in bonis meliorib9, id est cælestib9 delectetur. Si malū metuitur, mala animæ æternæ proponantur. Ut dum illic esse conspicit, & ampliùs quòd diligit, & ampliùs quod pertimescat, hic omnino non adhæreat. Unde & Augustinus. In præsentī vita & deliciæ temporales dulces sunt, & temporales tribulationes amaræ sunt. Quis non bibat tribulationis poculum, metuens ignem gehennalem? Et quis non contemnat dulcedinem sæculi, inhians bonis vitæ æternæ? Et iterum: Si forte tentant fluctus concupiscentiæ, intuearis quod promisit DEUS & dulcedo promissorum facit te contemptorem dulcedinum sæculi. Pro eo quòd promisit DEUS, contemnis temporalem felicitatem: promisit requiem patere molestiam, minatur ignem, contemne temporales dolores. Hæc Augustinus: unde etiam Chrysostomus. Mala carnalia ideo à DEO creata sunt, non ut timeantur, sed ut per eorum timorem mala spiritualia magis timeantur. Bona carnalia ideo creata sunt, ut per huiusmodi bona carnalia intellegantur spiritualia, & magis diligantur. Hæc Chrysostomus. Ut autem temporales felicitates & voluptates melius contemnas, cogita charissimè, & vide quid beatitudinis, sive in spe, sive in re felicitates præteritæ & voluptates in te effecerint, & sic judica de futuris: Pro his enim omnibus, non nisi tormentum remanebit & luctus. Unde in Apocalypsi: *Quantum glorificavit se & in deliciis fuit: tantum date illi tormentum & luctum.* Requiem ergo Lazari & pœnam divitis considerantes pauperes non despiciamus, nec inimici oculò aspiciamus, sed ut Patronos & Advocatos in die iudicii ipsos honoremus, & eorum indigentis pro viribus succurramus: imò Dominatorem omnium Nudum circumeuntem, & januas



januas ex januis transmutantem, & semper ad exitus stantem, & manus extendentem, aspici vel honorari in eis certissime sciamus. Ipse enim dicit. *Quidquid uni ex minimis meis fecistis, mihi fecistis.* Unde Gregor. Fra. *Mat. 25.* tres mei & requiem Lazari, & panem divitis cognoscentes, solerter agite, *Gregor. hb. 40. in Evā.* culparum vestrarum Intercessores quærite, atque advocatos vobis in diem judicii pauperes procurete. Cum quoslibet in hoc mundo abjectos aspiciatis, etiam si quæ reprehensibilia eorum esse videantur nolite despicere. Quia fortasse quos morum infirmitas vulnerat, medicina paupertatis curat. Quorum si quæ sunt talia quæ debeant jure reprehendi panem pariter detis, & verbum: panem refectiois cum verbo correptionis. Et duo à vobis alimenta percipiat qui unum quærebat, dum exterius cibo, & interiori satiatur eloquio, pauper ergo cum reprehensibilis cernitur, moneri debet, & despici non debet: si verò reprehensionis nihil habet, venerari summopere. Et iterum necesse est, ut cum naturæ nostræ consortes exteriora non habere conspiciamus, quam multa desint nobis interiora bona, pensamus Quatenus sese super inopes cogitatio nostra non eleve, cum solerter videt, quia nos tanto uberius quanto interiori indigentes sumus: negantur electis in hac vita bona terrena, quia & agris quibus spes vivendi est, nequaquam à medico cuncta quæ appetunt conceduntur. Dantur autem reprobis bona quæ appetunt, quia & desperatis agris omne quod desiderant non negatur. Unde & Ambrosius: Continuis successus temporalium aeternæ reprobationis est indicium. Unde etiam Augustinus: Tu *August. 10. solioq.* consolatio sempiterna, quæ solis illis te tribuis qui consolationem hujus mundi, pro consolatione tua contemnunt. Nam qui hic consolantur, indigni tua consolatione habentur, sed qui hic cruciantur, à te consolantur, & qui participant de passionibus participant de consolationibus. Nemo enim potest in utroque sæculo consolari, nec potest quis hic & in futuro gaudere, sed unam necesse est perdere, qui alteram vult possidere. Hæc Augustinus. Hæc igitur præmissa, bene considerata & divitibus & pauperibus valde sunt necessaria, quia & illis dant timorē, & istis consolationē. Audiant hic divites prænas suas, & pauperes gaudia sua, ut illi terreantur, & isti mulceantur. Sed heu parum hæc attendimus, & memoriam eorum cum sonitu transire permittimus.

## DE RESUSCITATIONE LAZARI.

### Caput. XVII.

Cum autem esset JESUS cum Discipulis trans Jordanem, in loco ubi Jo- *Joan. 17.* annes primum batizaverat: contigit Lazarum fratrem Mariæ & Marthæ infirmari in Bethania, quæ inde per dietam, vel circa, distabat. Sorores ergo ejus curationem fratris sui desiderantes, miserunt nuncium ad Jesum, ut ipsas à dolore, & illum à langvore liberaret, dicentes: Domine, ecce quem amas infirmatur. Nil amplius mandant ei. Sufficit nempe amanti insinuare necessitatem amici, absque alicujus petitionis additamento speciali. Qui enim proximum in necessitate deserit, nec ei succurrit: amicus ejus non est, nec enim diligit. Unde Augustinus. Non dixerunt, veni & sana: non ausæ *August.* sunt dicere, ibi jube, & hic fiet, sed tantum, ecce quem amas infirmatur: quasi *trac. 49.* dicerent: Sufficit ut noveris, non enim amas & deseris. Unde & Chrysost. *in Joan.* Per hoc enim ad miserendum volunt attrahere Christum. Ideo autem non *Chrysost. hb. 61. in Joā.* iverunt ad Christum, sed mittunt, quia confidebant de Christo vehementer, & quia à luctu detinebantur. Et secundum Teophilum: Quia mulieres erant, quas non decet de facili domum exire. Magnam autem spem de Christo habebant, diligebat enim Christus Martham & Mariam, & Mariam contemplativam, quæ tristes erant, & Lazarum, qui in figura penitentium languebat, quique ei officium humanitatis sæpe exhibuerat. Hoc addit Evangelista, ad ostendendum quare non opportuit quod Martha & Maria irent personaliter ad Christum, quia Christus erat familiaris Lazaro, & ejus sororibus, & ibi frequenter veniebat ad hospitandum. Unde Augustinus ille *Aug. trac. lan- 49. in Joā.*



langvens, istæ tristes, omnes dilecti. Habebant ergo spem, quia diligebantur ab Eo qui erat dolentium Consolator, langventium Sanator. Spiritu-  
**Lazarus.** aliter Lazarus, qui interpretatur à DEO adjutus, pænitiæ significat vi-  
 tam: in die enim salutis, hoc est in die pænitiæ, quando verus sol illu-  
**Martha.** xit, auxiliatur DEUS & adjuvat. Martha autem provocans interpretatur quæ  
 signat vitam activam, in qua tam virtutis delectatione, quam exempli bo-  
**Maria.** ni ostentatione semper homo ad meliora provocatur. Maria verò interpre-  
 tatur Illuminatrix, & signat vitam contemplativam, quâ homo illuminatur.  
**Apoc. 12.** Secundum illud Apocalypsis: *Mulier amicta sole, & luna sub pedibus ejus*, luminare  
 noctis hujus vitæ, quod splendorem hujus mundi signat, sub pedibus proicit.  
 Hæc tria sunt quæ Dominus libenter visitat, scilicet pænitentes, activos, &  
 contemplativos. Pænitentes, in gratia compunctionis: activos, in profe-  
 ctu virtutis: & contemplativos, in puritate veritatis. Hic nota quod illi  
 qui Christo plus sunt dilecti, quandoque plus infirmantur, & graviora mala  
 sustinent quam alii. Sicut enim medicus timens de morbo periculoso, ut  
 de acuta, inducit tertianam, ut acuta evitetur: sic Christus inducit infirmi-  
 tates corporales, ut morbus animæ periculosus declinetur, quia sumus pro-  
 ni ad peccandum, & ad malum faciendum. Unde Hugo: Præsciens Do-  
 minus quosdam multa posse peccare, flagellat eos ne peccent: quia utilius  
 est eis frangi languoribus ad salutem, quam remanere incolumes ad damnatio-  
 nem. Hæc Hugo. Sed attendant hi qui infirmantur vel tribulantur ut se corrigant:  
 quia ille qui jacet sagittâ vel lapidem post signum, quanto jacet frequentius,  
 tantò propinquius: ita quod in fine quandoq; signum tangit: sic post nos,  
 qui in mundo sicut sagittæ signum sumus, mors vel DEUS jacet frequenter  
 per infirmitates & tribulationes: sed quanto frequentius jacet post nos, tan-  
 tò directius & periculosius, nisi corrigamur. Cum ergo Dominus per nun-  
 cium sororum Lazari, accepisset eum infirmari, dixit: *infirmitas hæc non est*  
*ad mortem*, id est, ad detinendum eum in morte, sed pro gloria Dei, scilicet, ut  
*glorificetur Filius Dei per eam*, in ostensione virtutis suæ, & per resurrectionem  
 Lazari declaratur in Christo veritas Deitatis: & hic erat finis infirmitatis.  
*Et mansit adhuc duobus diebus*, trans Jordanem, in eodem loco, ubi erat expe-  
 ctando mortem Lazari, qui in eodem die mortuus fuerat quò Dominus  
 nuncium recepit. Distulit sanare, ut posset resuscitare. Ad majorem enim  
 miraculi certitudinem & evidentiam expectavit, ut illius quadriduum com-  
**Chrysost. hō.** pletetur, ac mirabilius & gloriosius suscitaretur. Unde Chrysostomus: Man-  
**61. in Joā.** sit duobus diebus, ut scilicet exspiraret & sepeliretur, ut nullus posset dice-  
 re quoniam nondum defunctum eum suscitavit, sed stupor fuit & non mors.  
 Et postea inter alia, *dixit discipulis suis: Lazarus amicus noster dormit, sed vado ut à*  
*somno excitem eum.* Mortem ejus vocat dormitionem & somnum, quia citò  
**Aug. tract.** erat surrecturus. Unde secundum August. Domino qui poterat suscitare  
**49. in Joā.** dormiebat, aliis mortuus erat: quia tam facile imò facilius est Christo su-  
**Sōni acce-** scitare mortuum de sepulchro, quam alteri dormientem de lecto. Ubi scien-  
**ptiones.** dam quod somnus accipitur multis modis, quandoq; pro somno naturæ.  
**Job. 11.** Unde in Job: *Securus dormias*, quandoque pro somno mortis: Unde Apostolus:  
**1. Theff. 4.** *Nolumus vos ignorare de dormientibus*: quandoque pro negligentia. Unde in Psal.  
**Psalm. 120.** *Ecce non dormitabit neque dormiet*, quandoque pro somno culpæ. Unde Aposto-  
**Ephes. 5.** lus: *Exurge qui dormis*. quandoque pro quiete futura, Unde in Psal. *In pace*  
**Cantic. 5.** *in idipsum, dormiam & requiescam.* Mors verò dicitur somnus, propter spem  
**Psalm. 4.** resurrectionis: & ideo mors consuevit appellari dormitio, ab eo tempore  
 quò Christus mortuus est & resurrexit. *Discipuli autem*, intelligentes de so-  
 mni dormitione, & timentes reverti in Judæam, ubi volebant Eum lapidare:  
*dixerunt Ei, Domine, si dormit salvus erit.* dormitio enim infirmi, signum est sa-  
**Chrysost. hō.** lutis. Unde Chrysostomus: Discipuli autem impedire voluerunt Ejus ad-  
**61. in Joā.** ventum in Judæam. Unde dixerunt: Domine, si dormit salvus erit. Solet  
 enim esse somnus ægrotantium salutis indicium: quasi dicant, Si dormit, non  
 igitur utile est quod tu vadas ad excitandum eum. Inconsultum nempe erat  
 ire per tot stadia, ut Lazarum à somno excitaret. *Tunc ergo dixit eis Iesus ma-*  
*nifeste, Lazarus mortuus est, & gaudeo, scilicet nō de morte ejus absolute, sed pro-*  
*pter vos, id est propter ædificationem & utilitatem vestram, quia non eram ibi*  
 ut cre-



ut credatis, scilicet amplius & fortius quàm prius: & ex miraculo fumentes experimentum Divinitatis meæ, in illius resurrectione in fide magis roboremini, cujus mortem etiam ego absens vobis annuncio & revelo. Vide mirabilem bonitatem, ac dilectionem & solertiam Domini circa discipulos, qui indigebant adhuc majori robore & virtute. Unde Augustinus: Gau-  
 deo, inquit, pro vobis: nam cum illic non extiterim, confert ad majori-  
 tatem fidei vestræ: quoniam si astitisssem, ægotantem curasssem: quodd esset  
 modicum signum ad meæ virtutis indicium. Quia verò me absente superveniet mors, potius in fide mea corroboramini, cum videbitis me posse & defunctum putrescentem resuscitare. Et secundum Chrysostomum, dicit hoc  
 ut jam inciperent admirari, quia Dominus poterat dicere mortuum, quod  
 nec viderat, nec audierat: ut cognoscentes eum nil latere, magis in eum crederent. Perrexerunt ergo Dominus & Discipuli Ejus, & venerunt prope Bethaniam, quæ erat juxta Hierusalem quasi stadiis quindecim: de quibus octo faciunt unum miliare: nec statim intravit, ostendens se ad miracula faciendâ nō ingerere, & ut probaretur devotio faminarū Sanctarū sibi occurrentium, scilicet Marthæ & Magdalenæ. Ubi dum adhuc esset extra castellum, Martha audivit quia Jesus venit: ipsa enim curam domūs habebat: & ideo primò nunciatur ei adventus Christi per aliquem qui eum prævenerat: dimittensq; sororem suam & Judæos, qui de Hierusalem & aliis vicinis locis ad consolandum eas venerant, quia nobiles Domine erant: sola ivit & Christo reverenter, & devotè occurrit. Unde & Theophilus: Primò itaque non pandit sorori, volens astantes hoc latere, quibus notum fore adventum Christi nolebat. Unde & Chrysost. Non autem assumit sororem  
 obviam Christo vadens. Vult enim singulariter Christo loqui, & quodd fa-  
 ctum est ei annunciare: cum verò eam in bonam spem duxit, tunc abiit & vocat Mariam. Hæc Chrysostomus. Martha ergo dixit ad Jesum: Domine si fuisses hic, localiter præsens: frater meus non fuisset mortuus, cum mors locum habere non debeat ubi est Vita. Et post dialogum de Resurrectione cum Domino habitum: abiit & vocavit Mariam sororem suam silentiò, dicens: Magister adest, & vocat te. Ubi August. Advertendum quodd suppressam vocem silentium  
 vocavit. Ideo autem occultè sororem vocat, quia si scivissent Judæi Christum advenire: recessissent, & non fuissent testes miraculi. Hæc Augustinus. Maria verò, ut audivit surgit, à quiete contemplationis: citò, per desiderium cordis, & venit, ex magna devotione ad Eum, extra castellum in locum, ubi ei Martha occurrerat. Judæi ergo, Hierosolimitæ & alii, qui in domo erant, cum vidissent Mariam festinanter abire, secuti sunt eam, credentes quia iret ad monumentum, ut ibi ploraret, & nescientes quodd illic Jesus esset. Divinâ autem Providentiâ factum est ut eam sequerentur, quia secundum Augustinum: Hæc occasio fecit ut plures ibi essent quando Lazarus suscitatus est, ut tam grande miraculum quatruiduani mortui resurgentis testes plurimos inveniret. Maria ergo cum venisset ubi erat Jesus, videns eum cecidit ex devotione, ad pedes Ejus, apud quos misericordiam, & peccatorum veniam se noverat alias consecutam. Et dixit ei, sicut & Martha dixerat Domine si fuisses hic, non esset mortuus frater meus. Ex hoc autem quodd Maria sic festinavit ad Eum, patet secundum Augustinum. Quodd non illam prævenisset Martha, si ei notus fuisset adventus Jesu. Per hoc etiam quodd Martha & Maria obviaverunt Domino, non expectantes adventum ipsius, datur intelligi, quodd cum volumus DEO reconciliari, debemus ei occurrere per pænitentiam, antequam ad nos veniat per vindictam: quia nos peccatores sumus & meruimus percussione & pænâ. Cessat autem ut dicit Ambrosius Divina vindicta, si confessio præcurrat humana: & cum volumus Christo frui, Eum venientem anticipemus: non expectantes quodd Ipse nobis condescendat, sed nos potius ad Eum festinemus. Jesus ergo ut vidit Mariam & Judæos, qui cum illa venerant plorantes, de mortè amici, fremuit spiritu & turbavit seipsum: humanum demonstrans affectum in luctu amicorum. Fremebat, extrâ sonum lugentis emit- tens, turbabatur intus, miseriam conditionis humanæ considerans. Turbavit se, quem alius turbare non potuit. Nos turbamur ex necessitate, Ipse autem ex voluntate. Sic omnes defectus hujusmodi suscepit, quia voluit.

Aug. tract. 49. in Joā.

Chrysost. bñ. 61. in Joā.

Chrysostom. ibidem.

Aug. tract. 39. in Joā.

Augustinus ibidem.

Maria devotio.

Ambr. in Psal. 118.

Turbatio Christi.



*Aug. tract. luit.* Unde Augustinus: Turbatus est Christus, quia voluit: esurivit, quia  
*49. in Joā.* voluit: in illius potestate erat sic vel sic affici, vel non affici. Et nota quod  
fremitus consurgit ex indignatione ad objectum. Iste ergo fremitus Christi  
procedebat ex indignatione ejus contra diabolum, per ejus suggestionem  
mors intravit in mundum, quem erat citò debellaturus. Turbatio autem illa  
procedebat ex compassione Lazari & sororum ejus, quia ut verus homo ex  
quadam naturali affectione flebat cum flentibus, ut nos instrueret quod ali-  
orum miseriis compati debemus. Istæ tamen passionēs & consimiles non e-  
rant in Christo vitiosæ, sed magis virtuosæ: quia nō erant prævenientes judiciū  
rationis, sed magis sequentes, & per ipsum excitatæ. Iste verò fremitus &  
hæc turbatio nos docet, quid nos quoque in tali re agere debeamus: quan-  
do vel pro nobis ipsis, vel pro aliis in peccatis turpiter degentibus DEUM  
oramus. Est autem fremitus, impetus iræ contra vitia prorumpens: turbatio  
verò, quadam tristis cum gemitu cordis commotio. Et quia fides de Christo,  
Christus est: in corde fremit Christus, & turbatur in homine, quando pecca-  
tor computat quæ bona accepit, quæ mala reddidit, & de peccatis se incre-  
pat, & reprehendit. Et dixit eis Jesus, *Ubi posuistis eum?* Interrogat, nec igno-  
rat: in quo mysticè innuit se hujusmodi peccatorem nescire, cujusmodi per La-  
zarū significatur. Unde Glossa: Qui absens scivit mortuū, scivit ubi esset sepul-  
tus. Sed sic dicens, signat se quasi nescire perditum hominem. Unde dicitur:  
*Matth. 6.* Non novi vos: & Adam ubi es? *Dicunt ei: Domine, veni, & vide,* venit Dominus  
*Gen. 3.* per compassionē, & vidit oculis misericordiæ, quia ut ait Augustinus, videt Do-  
*Aug. tract.* minus, quando miseretur. Et affectum suum lachrymis demonstrans, *Jesus la-*  
*49. in Joā.* *chrymatus est:* humanitus ex pietate, mysticè docens hominem propter peccatum  
fletibus indigere, & significans eos qui peccati morte sopiuntur, ut revivi-  
scere queant plangendos esse. Unde Alcuinus: Quia Fons pietatis erat fle-  
bat pro parte humanitatis, quem resuscitare poterat per potentiam divini-  
tatis. Et Augustinus. Quare autem flevit Christus, nisi quia homines flere  
docuit? Lachrymemur igitur & nos pro nobis, & omnibus illis quos in fa-  
tore vitiorum jacere sentimus: si fortè nostris lachrymis nos & eos Domi-  
nus resuscitare dignetur. Ut autem ait Augustinus. Legitur Christum super  
*2. de Assumpt.* Lazarum flevisse, in orationibus pernoctasse, ex itinere fatigatum fuisse:  
*Maria.* nunquam autem risisse, aut prosperatum fuisse. Unde Chrysostomus: *Flen-*  
*Chrysostom.* tem quidem illum frequenter invenies: nunquam verò ridentem, sed nec  
*hom. 62. in* leviter saltem subridentem, vel gaudentem. Et nota quod Dominus non  
*Joan.* flevit Lazarum mortuum: sed ad hujus vitæ miseras & ærumnas resuscitan-  
dum. Unde nec pro nostra, nec pro aliorum morte tristari debemus. Quo-  
modo enim ab eo præmiis honorabimur ad quem venimus invitati? Nam se-  
cundum Apostolum: *Coronam justitiæ reddet Dominus his, qui diligunt adventū ejus.*  
*2. Tim. 4.* Et quid tantopere vitam desideremus, in qua quantomagis quis fuerit, tanto  
majori sarcinā peccatorum oneratus erit. Vel certè Dominus mortem fle-  
vit, quam homo peccando incurrit, ac miseras & ærumnas humano generi  
pro culpa indictas. Si enim peccatum non processisset, sine dubio mors se-  
cuta non fuisset. Secuta est ergo mors etiam corporis quàm præcessit mors  
animæ. Et Jesus rursus fremens in semetipso, etiam indignatus contra malitiam  
Judæorum, de factis suis iniquè murmurantium, venit motus misericordiæ,  
*Monumentū* & compulsus compassione ad monumentum, quod erat spelunca habens lapidem su-  
perpositum. Et dicitur monumentum, quasi monens mentem, scilicet illius  
qui aspicit, ut pro anima sepulti oret, ac de morte propria præcogitet, &  
ad eandem se disponat. Rursus fremuit, ut det intelligere eos qui à pec-  
catis debent resurgere, in continuo luctu persistere. Secundum illud Psal.  
*Psal. 37.* *Tota die contristatus ingrediebar.* Sæpe ergo se ploret peccator, sæpe fremat  
Christus & turbetur in homine si vult reviviscere. Et jussit Jesus tolli lapidem  
superpositum, ut omnes viderent mortuum, fatidum, & corruptum. Sed con-  
tendebat Martha dicens ad eum *Domine jam fetet, quātriduanus enim est.* Timebat  
remoto lapide potius factorem excitari, quàm fratrem resuscitari, quasi di-  
ceret: Licet aliquando resuscitati, sint mortui recenter & post paululū: tamē  
quod jā quātriduanus ex factore resolutus resuscitetur, non est sic auditū. Et  
hoc videtur processisse ex admiratione Marthæ & ejus ignorantia, quia ejusdem  
virtu-



virtutis est resuscitare recenter mortuū, & quatrduanū. Vide mirabile amorē istarū sororū erga Dominū Jesū: volebant enim quod etiā fector nares ejus tangeret ad modicū. Deinde sublato lapide, *Jesus elevatis oculis in Cælū*, Patri pro exauditione sua gratias egit ad fidei ædificationē, ut circūstātes hoc audiētes, & virtutē Dei in eo vidētes, crederent Eum Filium DEI. Unde Hilarius: Non prece eguit: nobis oravit, ne filius ignoraretur. Cū enim sibi non proficeret deprecationis sermo, ad profectum tamen nostræ fidei loquebatur. Non inops ergo auxilii, sed nos sumus inopes doctrinæ, ideo etiam oravit, ut in necessitatibus ad orationis suffragium esse recurrendū nos doceret. Et notandum quod orare Patrem, & exaudiri, convenit Christo ratione humanitatis, in qua est minor Pater: non autem ratione Divinitatis, in qua est Ei æqualis. Oraturus verò gratias pro exauditione egit, quia jam se auditum cognovit. Unde Origenes: Erat enim oraturus pro resurrectione Lazari, sed præveniens illius orationem, qui solus bonus Pater est exaudivit dicenda. Pro impletionem ergo orationis, subdit gratiarum actiones, dicens: *Pater, gratias Tibi ago, quoniam exaudisti me.* Hæc Origenes: Per hoc quod JESUS oculos elevat in Cælum, ostendit nobis formam orandi, quæ est per elevationem mentis in DEUM. Unde instrumur, ut in oratione levemus sursum ad DEUM oculos mentis nostræ, erigendo & removendo illos à præsentibus rebus, memoria, cogitatione, & intentione. Oculos etiam ad DEUM levamus, quando non confidentes de meritis nostris, de sola misericordia DEI speramus. Per hoc autem quod in principio orationis gratias agit, datur nobis exemplum, ut cū orare volumus, ante quā futura petamus, pro receptis beneficiis DEO gratias referamus. DEUS enim ex gratiarū actione de præteritis provocatur ad præstanda beneficia sequentia facilius. Deinde voce magna, potius virtute, quā clamoris intētionē, clamavit: *Lazare veni foras*, scilicet quantum ad corpus de sepulchro, & quantum ad animam de inferno, & sic Lazarum vocis suæ virtute suscitavit. Ubi secundum Origenem, est considerandum, quod mora tollendi lapidem, adjacentem ex sorore defuncti causata est: & ideo tamdiu resuscitatio fratris dilata est, quamdiu Christum per verba detinuit: sed, statim cū Christi mādātū obediendo exequitur, frater resuscitatur: ut per hoc discamus nihil interponere inter jussa Christi, executionem ipsorum, si cupimus quod statim sequatur salutis effectus. Secundū illud Psalmistæ: *In auditu auris obedivit mihi.* Et nota quod vox Christi magna dicitur propter virtutis magnitudinem; nam tanta virtus ejus fuit quod suscitavit Lazarum à morte, quemadmodum suscitatur dormiens à somno, vel sopore. Vox etiam ista magna, repræsentativa est illius vocis magnæ, quæ erit in communi resurrectione, per quam omnes de monumentis resuscitabuntur. Tanta enim erat virtus hujus vocis Christi, ut absq; temporis dilatione vitam conferret: sicut erit in resurrectione communi, quando in istu oculi mortui audientes tubam resurgent. Clamavit, inquam, *Lazare veni foras*: quem secundum Augustin. Ideo ex proprio nomine vocat, quia tanta erat virtus vocis Ejus, quod pariter omnes mortui cogerentur exire, nisi per expressionem nominis virtutem suam ad unum determinasset. Et non solum suscitatus est Lazarus, sed prodiit & exivit, licet esset ligatus manus & pedes institis, id est; fasciis, quibū antiqui mortuos involu-

Hilarius  
lib. 10. de  
Trinitate.

Origenes  
Tomo 28.  
in Joann.

Oradi forma

Origenes  
Ibidem.

Psalm. 17.

Cor. 15.

Augustinus  
sermon 52.  
de verbis  
Domini.



voluebant: & facies ejus sudario ligata erat, ne scilicet horrorem faceret. In quo virtus Divina & miraculi certitudo declaratur: ideo enim ligatum & coopertum resurgere jussit, ut miraculum magis approbaretur. Unde Dominus Discipulis præcepit, ut eum qui foris ligatus apparebat solverent, & sinnerent, abire: ut per opera vitæ ostenderetur verè suscitatus, & non phantasticè. Hic est notandum, quòd mors animæ, est animæ à DEO relictio damnosa: quod fit per peccatum mortale, quò DEUS repellitur ab anima. Unde secundum Augustin. Mors animæ fit cum deserit eam DEUS: sicut corporis, cum id deserit anima. Quatuor autem progressibus mors animæ perficitur, & sic quatrduanus mortis animæ dici meretur. Prima est: quasi titillatio delectationis in corde. Secunda, consensio. Tertia, factum. Quarta, consuetudo. Sed DEUS ab hac morte animam ad vitam resuscitat per gratiā, quā anima DEO reconciliatur. Quia sicut corpus vivit ex conjunctione animæ: sic anima dicitur vivere ex unione DEI, per gratiam. Et hæc vivificatio significatur in resurrectione Lazari de sepulchro, in resurrectione enim Lazari plura facta sunt, quæ Mysticè ad resurrectionem peccatoris concurrunt. Nam eo ordine quotidie peccator resuscitatur, quò Lazarus resuscitatus dicitur: & talis fit quotidie processus in resurrectione animæ à morte peccati, qualis fuit in resurrectione Lazari de fatore sepulchri. Primum ergo quòd requiritur ad resurrectionem Peccatoris, est notitia Divina actualis quā DEUS respicit peccatorem, in aliquo tempore certo: & hæc significatur per hoc quòd sorores Lazari miserunt nuncium ad JESUM, sibi de infirmitate Lazari notificando. Secundum est auxilium, quod DEUS porrigit homini, ut liberum arbitrium moveatur in DEUM: ut anima per peccatum à DEO averta, convertat se ad Ipsum: non nempe est volentis velle, neq; currentis currere, sed miserentis DEI hæc donare: & ideo requiritur auxilium Divinum, ut nos melius ad gratiam disponamus: & hæc porrectio Divini auxilii signatur per hoc quòd JESUS ad Lazarum ire est dignatus. Tertium est, motus liberi arbitrii nostri: quia secundum Augustinum, licet DEUS creavit te, sine te: non tamen justificabit te, sine te: & ideo ex parte nostri requiritur motus liberi arbitrii, qui duplex est: Unus, quò movetur super peccatum, ut scilicet peccatum displiceat. Alius, quò movetur in D E U M per fidem & spem quò D E U M sibi reconciliari desideret: & hi duo motus notantur per occursum duarum sororum, scil. Marthæ & Mariæ, ita quòd primus motus intelligatur per Martham, quæ prior occurrit: secundus per Mariam, quæ venit vocata per Martham: sic enim hic ex primo motu provocatur secundus. Quartum est, cognitio peccati in quam DEUS quærendo reducit hominem, ut homo se cognoscere studeat, quem DEUS quærendo quasi nescire se significat: & hoc signatur per hoc quòd interrogavit, ubi eum posuerunt. Quintum est, gratia contritionis, quæ sequitur motionem liberi arbitrii, & cognitionem peccati: & hæc significatur per lachrymationem Christi, quæ quidem lachrymæ processerunt ex fonte Divinæ misericordiæ, & his lachrymīs quotidie peccator perfunditur, cum sibi hæc gratia infunditur: Christus enim non est lachrymatus pro morte Lazari corporali: sed pro morte peccatoris spirituali, qui in Lazaro repræsentabatur: Caveat ergo peccator ne lachry



lachrymas Christi contemnendo gratiam sibi evacuet, sed potius cum Christo flente peccata sua defleat, & sic effectum lachrymarum Christi suscipiat. Sextum est, propositum cavendi peccata in futurum, & hoc notatur in eo quod præcepit amoveri lapidem. Tunc enim lapis de sepulchro tollitur, cum durities propositi peccandi, & moles malæ consuetudinis de corde amovetur. Et cum lapis deponitur, tunc fœditas cadaveris detegitur. Unde dixit Martha, *Domine jam fœtet*. Sic duritia cordis amota, videtur utilitas peccati: ex quo sequitur peccati abominatio, & concipitur propositum ulterius non peccandi. Septimum est, gratiæ infusio, quâ justificatur impius: & hoc notatur cum clamavit voce magna, dicens: *Lazare veni foras*. Clamor magnus signat multitudinem Divinæ virtutis, quæ exigitur in justificatione impij: quia secundum Augustinum, major est justificatio impij, quam creatio Cœli & terræ. Voce enim magna clamavit, quia difficile surgit quem moles malæ consuetudinis premit: sed tamen post magnam vocem surgit, id est; per magnam DEI gratiam vivificatur & justificatur dum pœnitet. Datur etiam per hoc intelligi, quod Christus vocat peccatorem foras exire de conversatione peccati, & de occultatione ejus, per confessionem faciendam sacerdoti. Octavum ergo est, peccatorum confessio, quam DEUS administrat voce magna clamando, id est; magnâ gratiâ vocando, & hoc notatur in eo, quod Lazarus prodit de sepulchro: prodire enim, est de occulto per confessionem venire. Sed adhuc peccator non est totaliter solutus, antequam superveniat absolutio Sacerdotis: quod significatur per hoc quod *prodit ligatis manibus & pedibus*. Nonum ergo, est sacramentalis absolutio: quæ significatur per hoc quod Christus dixit Discipulis, *solvite eum*. Potuisset quidem immediate simplici verbô ipsummet solvere, sicut fecit ipsum de monumento prodire: sed voluit suos Discipulos in hoc cooperatores habere, quia vult hoc ministerium sacerdotibus communicare. Suscitavit JESUS, quia per seipsum vivificat interiùs, Solvunt Discipuli quia ministeriô sacerdotum absolvuntur vivificati: Christus enim per se intus vivificat, ministris potestatem solvendi tribuit. Mortuus ergo procedens adhuc ligatus, est confitens adhuc reus. Ut autem absolvantur peccata ejus, ministris mandatur ut illum solvant. Sicut ergo Dominus Lazarum suscitavit, priusquam à discipulis solveretur: sic in contritione peccatum dimittit, & peccatorem vivificat, priusquam à sacerdote absolvatur: cui tamen postea se ostendere tenetur. Decimum & ultimum est, satisfactio, quæ signatur in hoc, quod JESUS subdidit, *& finite eum abire*. Non dicit, facite eum ad sepulchrum redire. Sic sacerdos debet principaliter pro satisfactione injungere homini, quod de sepulchro, & de profundo peccatorum & malæ consuetudinis longè abeat: & nullatenus recidivet, & ampliùs non peccet. Dixit enim, finite abire: non stare, vel jacere sine exercitio spirituali: quia in vita DEI stare, retrocedere est, sed debet ambulare de virtute in virtutem. Item mysticè per Lazarum languentem, significari etiam potest gravem tentationem patiens: & per ejus sorores, personæ pro ejus alleviatione devotæ Christum precantes, quæ non semper exaudiuntur: sed talis patiens aliquando per actû peccati mortalis mori permittitur, ab eo qui est tantæ bonitatis & potentia, quod scit & potest bona de malis elicere. In hoc autem quod Dominus vadit ad eum suscitandum

Augustinus  
Tract. 17.  
in Joann.

Mysticè.



Bethania.

Lazarus non  
riscit deinceps.Augustinus  
Tract. 49.  
in Joann.Lazari mo-  
numentum.Augustinus  
sermo, 104.  
de tempore.

dum, ostenditur ejus clementia, inquantum homines in peccatis existentes & quasi mortuos, ac per se ad DEUM accedere non valentes, misericorditer praveniendo attrahit: & peccatorem non solum mortuum per culpam, sed etiam aliquando foetentem per infamiam, & sepultum sub lapide per obstinationem, sic reducit ad vitam gratiae, quod non solum tollitur obstinatio & mors culpae, sed etiam foetor infamiae, & reducitur suavis odor bonae famae. Nulla enim desperationi datur occasio, cum Lazarus jam foetens, & quadriduanus resurrexit à mortuis & monumento. Locus autem infirmi erat Bethania, quae interpretatur domus obedientiae, per quod datur intelligi quod si infirmus sit DEO obediens, potest ab Eo de facili curari. Et secundum Anselmum: In Bethania, quod domus obedientiae interpretatur, Lazarum suscitavit: ostendens omnes qui bonae voluntatis studio huic mundo morientes in sinu obedientiae requiescunt, in vitam aeternam à DEO resuscitandos. Ista autem Bethania erat Marthae & Mariae, per quas duplex vita, scilicet activa & contemplativa significatur: ut sic per hoc intelligi detur, quod per obedientiam homo perfectus in vita activa & contemplativa redditur. Dicitur autem de Lazaro, quod postea nunquam risit: nunquam in gestu signa jocosa ostendit: pro eo quod vitae hujus terrenae, quas moriens evaserat, redditus fuit. Magis enim quam antè factus amator vitae illius, poenitebat eum vitae istius. Unde Aug. O! si possemus excitare homines, & cum ipsis pariter excitari, ut tales essemus amatores vitae permanentis, quales sunt homines amatores vitae fugientis. Creditur autem hoc factum ea die quā in Ecclesia solet legi, scilicet, feria sexta ante Dominicam de passione Domini. Monumentum verò Lazari demonstrat Ecclesia ibidem in honore Beatae Mariae Magdaleneae constructa: & grande monasterium magnā olivarum sylva circumdatum, ubi erat abbatia Sancti Lazari, cum Abbatissa & monialibus Ordinis Sancti Benedicti. Multi ergo judaeorum qui viderant mirabilia, quae fecerat JESUS, crediderunt in Eum. Nec mirum, quia illud signum fuit Divinae virtutis manifestè ostensivum, & tale miraculum non est à saeculo auditum, scilicet quod mortuus quadriduanus in monumento, resuscitaretur ad vitam. Unde secundum Augustinum. Excedit omne miraculum, quod JESUS circa Lazarum fecit: quem ab ipso inferni inquilino, destructa lege tartarea redire ad Superos jussit. Quidam autem ex ipsis judaeis abierunt: eadem die ad Phariseos, & nuntiaverunt eis quae fecit JESUS & celebris erat sermo de Eo apud multos: alii bono, alii malo zelo moti nuntiaverunt: quia sicut ex signis visis boni convertuntur & proficiunt, ita frequenter mali obdurantur, & deficiunt. Boni quidem nuntiaverunt eis, ut mitigarent eos circa JESUM, & provocando ut crederent: mali verò ut concitarent eos contra JESUM, & prodendo ut savirent. Per bonos illi signantur qui bona in aliis sicut in se amant, & omnia in bonum interpretantur: per malos autem illi qui videntes servorum DEI opera, odiis insequuntur, & infamare conantur.





)(§)(

125

# DE CONSPIRATIONE PONTIFICUM,

*Et Phariseorum contra JESUM.*

## CAPUT XVIII.

**P**RÆdictō itaq; miraculō de resurrectione Lazari publicatō, Pontifices qui erant majoris authoritatis, & magis literati, & phari- Joann. 11a  
sæi, qui videbantur præ aliis Religiosi: ex quibus factum eorum gra-  
vius erat: moti sunt ad tractandum publicè de morte Christi ex ira &  
invidia quā de fama & gloria Ejus habebant, & ad hoc faciendū, colle-  
gerunt consilium: Sabbatho mox sequenti, *adversus JESUM*: timen-  
tes si dimitterent eum sic viventem, & signa talia facientem, per  
ipsum amitterent & locum & gentem, eo quod omnis turba post  
Eum iret: Eiq; crederet & ipsa sacra eorum & vana & abolenda esse  
doceret. Concilium à conciliando est dictum, quia conciliati & con- Concilium  
gregati erant in unum malum consensum. Et hoc erat primum con-  
cilium, quod habuerunt contra JESUM. Prius quidem quærebant  
Eum interficere, nunc autem sententiam firmaverunt, & quærentes  
concilium, apertè de morte Ejus tractaverunt. Videbant enim Chri-  
stum à populo tanquam Regem honorari, & quia mandatum Roma-  
norum erat, ut nullus nisi per eos deberet Rex nominari. Omnis  
Enim qui se Regem facit, contradicit Cæsari: ideo timebant quod  
si Christum tanquam Regem haberent, Romani ipsos rebelles re- Timor  
Phariseorum  
putarent, & venientes contra eos civitatem & locum destruerent.  
Vel timebant etiam, ne si Christi Doctrina procederet: Templum  
& universa Religio, ac reverentia Ejus vilipenderetur, & judæi nullius  
momenti fierent: & ideo Romani Civitatem Eis auferrent, eosq; in  
servitute dispergerent. Vel certè timebant, ne si omnes in Chri-  
stum crederent, nemo remaneret qui adversus Romanos Civitatem,  
Templumq; defenderet: quoniam contra Ipsum Templum, & con-  
tra suas paternas leges Doctrinam Christi esse sentiebant. Pontifi-  
ces & pharisæi sibi consulebant, nec tamen credere volebant. Plus  
enim perditii homines cogitabant quomodo alteri, scilicet Christo,  
nocerent ut perderent: quàm quomodo sibi consulerent ne perirent,  
timebant & consulebant. *Sed trepidaverunt timore, ubi non erat timor.*  
Si enim Christo credidissent: Si Eum non occidissent: nec locum, nec Psalm. 12.  
gentem amisissent. Sed quia Christum occidere non timuerunt, & lo-  
cum, & gentem perdiderunt. Nam & Romani post Domini passio-  
nem, & glorificationem, tulerant eis locum, & gentem: expugnan-  
do, occidendo, & transferendo. Temporalia perdere timuerunt, &  
æterna non cogitaverunt, & sic utrumq; amiserunt. Quæ ut fugituri  
egerunt: hæc, quia egerunt, non effugerunt. Quid vobis profuit  
ol' insani judæi, quod tantum scelus commisistis? Nunquid quia  
Christo Domino, ut docuit, servire nolulistis: ideo Dominò caruistis?  
Dum enim Illi serviunt Reges, quibus vos servitis: facti estis mali ser-  
vi bonorum servorum Christi. Per quos conterit contumaciam ve-  
stram, per ipsos dissipat consilia vestra, per ipsos retribuit scelera  
vestra in capita vestra. Ipse autem Dominus quem interemistis,  
non vos servos, sed liberos esse cupiebat: quando dicebat, *si vos Fili-* Joann. 8.  
*us liberaverit, verè liberi eritis.* Vos autem Dominum DEUM Re-  
gem & Ipsam veram Libertatem non solum repudiastis: verum eti-  
am negare cupientes clamastis: *Non habemus Regem nisi Cæsarem.* Joann. 19.  
Considera quod sunt hodie homines, etiam Religiosum habitum ge- Religiosi  
fieri.  
stant:



stantes, qui judæos imitando, temporalia perdere metuunt, & æterna non attendunt, sic quod utraq; non immeritò amittunt. Sunt enim pleriq; etiam Religiosi qui temporalia quandoq; minus justò & obliquè acquirentes, vel sic acquisita possidentes, ea dimittere trepidant, & pro his æterna amittere non formidant. Et quia nunc cum judæis tenebras diligunt interiores, scilicet culpæ: ideo tunc cum eis in tenebras mittentur exteriores scilicet gehennæ. Religiosus ergo cupidus, vel vanus, est lamentabilis, quia miserabilior est quodammodo omnibûs creaturîs, scilicet carens DEO & mundò. Tunc Caiphas, quia pontifex fuit, quid eis faciendum erat decrevit, & propter autoritatem officii locutus est, dicens: *Expediit ut unus homo, etiam si bonus & justus esset, pro populo moriatur, & populi conservatione, & non tota gens pereat: si ille in vita maneat: quia bonum commune magis est eligendum, quàm particulare.* Hic patet manifestè quod passio invidiæ & livoris contra JESUM, & passio timoris perdendi gentem & locum, subvertebat in eis rationis judicium: quia in nullo casu licitum est interficere innocentem & justum: per hoc enim non procuratur, sed magis destruitur commune bonum. Propter quod judicio DEI illud malum, quod credebant per mortem Christi evadere, scilicet destructionem loci & gentis hoc per mortem Christi incurrerunt: quia in pœnam hujus peccati Romani locum & gentem destruxerunt, quod per Tytum & Vespasianum annò quadragesimò secundò, post passionem Christi, est factum. Prophetizavit autem Caiphas utilem humano generi mortem Christi, licet nesciēs. Quamvis enim esset intentio Caiphæ dare solùmmodo cōsiliū de morte Christi, pro tēporalis periculi evasione circa populum judæorum: tamen verbum suum sic sonabat, quod Christus erat moriturus pro gente & populo: & quod sic protulit fuit prophetia quodammodo de futuro, quod Christus erat moriturus pro salute spiritali, non solùm judæorum, sed etiam omnium gentium, qui credituri erant in ipsum, & per fidem congregandi. Unde Theophilus: Hoc ipse quidem prava dixit intentione: sed tamen Spiritus Sancti gratia ore ejus usa est ad futuri præsagium. Hæc Theophilus. Non tamen sequitur, quod quicunq; prophetat sit propheta: nam quandoq; alicui conceditur actus alicujus rei, cum tamen conditio ei non conceditur. Unde Origenes: non quicunq; propheta est sicut non quicunq; jus prosequitur justus est, scilicet qui facit aliquod opus propter humanam gloriam. Hæc Origenes.

*Expediit* Expediens autem & necessarium fuit Christum pro nobis pati & *Christū mori, ratione triplici.* Primò, ad ostendendum circa nos judicium Divinæ dignationis & pietatis. Secundò, ad exolvendum pretium nostræ redemptionis: quod fuit pretiosus immaculatus JESU Christi sanguis. Tertiò, ad præbendum exemplum nostræ imitationis, ut sequamur vestigia ejus. Insuper & alia ratione triplici expediebat Christum mori. Primò, quia homo mortuus erat: & ideo expediebat, ut Christus mortem nostram destrueret, & hominem vivificaret. Erat autem homo mortuus quadruplici morte, scilicet naturæ, culpæ, gehennæ, & ex privatione visionis Divinæ. Primam destruxit, per suam gloriosam resurrectionem. Secundam, per sui sanguinis effusionem. Tertiam, per inferni expoliationē. Quartam, per suæ visionis restitutionem. Secundò, quia homo erat perditus: ideo expediebat ut Christus ad nos veniret, ac mortem subiret, & sic hominem

Caipha prophetia.

Origenes  
hom. 30.  
in Joan.

Expediit  
Christū mori,  
tripliciter.

Mors quadruplex.



minem perditum inveniret. Tercio, quia homo erat à DEO divisus & dispersus: ideo expediebat ut Christus homines in unum congregaret, & ad DEUM revocaret, Caiphas ergo prophetizavit quidem, id est: verba prophetiæ protulit: nec tamen erat propheta: quia inspirationem propheticam non accepit & donū prophetiæ non habuit, sicut & Balaam. Unde secundum Augustinum: Docemur etiā homines malos prophetiæ, spiritu futura prædicere, quod tamē Evāgelista Divino tribuit Sacramēto, id est; virtuti ipsius Sacramēti, sc. summi Sacerdotii, quia Caiphas non à seipso hoc dixit, sed cum esset pontifex id est; summus Sacerdos anni illius & ministerium habens in manibus, non meritis suis prophetizavit & spiritu DEI locutus est, quia ipso ignorante dictum propheticum protulit non ratione meriti sui sed dignitatis officii: & fortē unctio pontificalis contulit ei quendam sensum prophetandi. Unde Chrysostomus. Vide autem quanta Spiritus Sancti virtus est: à mente enim mala valuit verba proferre prophetiæ. Vide etiam quanta est pontificalis virtus potestatis. Pontifex enim effectus, etsi indignus existens prophetavit, nesciens quid diceret. Ore enim solum ula est gratia, contaminatum cor non contigit. Hæc Chrysost. Ob quam auctoritatem solum credimus malum Prælatum exaudiri, & fortē, quia præco Ecclesiæ est, & in ejus voce dicit, Oremus cum multæ auctoritates faciant in contrarium, ut illa, qui suis premitur, aliena non diluit, & hujusmodi. Dicitur autem Caiphas fuisse pontifex anni illius, quia licet DEUS constituerit Summum Sacerdotem unum, cui mortuo unus succederet, per ambitionem tamen postea evenit ut plures essent, & per annos singulos suis vicibus ministrarent. Ab illo ergo die, quasi utili acceptō consilio cogitaverunt magis diffinitē quā prius, ut Christum quā citius possent interficerent, & dicentes, ut inventus duceretur in Hierusalem: licet enim ante habuissent instinctum & voluntatem interficiendi Ipsum, tamen ex consilio Caiphæ diffinierunt firmō proposito hoc quā citius possent adimplere. O! prævum consilium, o! pessimi duces populi, o! consilarii nequissimi. Quid agitis miseri? quid vos furor exagitat tantus? Quæ ordinatio est hæc? quod propositum? quæ causa accusationis Domini nostri JESU Christi? Nonne ipse in medio vestrum est, quem tamen nescitis, & intelligit omnia verba vestra, & scrutatur renes & corda? Sed sic fieri oportet ut deliberaſtis, quia tradidit Eum Pater suus in manibus vestris. Quia ergo JESUS jam destinatus erat morti: ideo ab ipso sabbatho. quō concilium collegerunt, inchoamus memoriam Dominicæ passionis in Divino officio: maximē in hymnis, & subticemus Gloria Patri in introitu Missæ, & responsoriis, & quasi post horam ejusdem consilii publicum luctum incipiens Ecclesia, & suo compatiens Domino sicut membra Capiti, ex tunc quasi lugendo recitat vexillum Regis, mysterium Crucis clavos & lanceam perforati corporis, & his similia usq; ad diem passionis, nondum tamen planē, quia nondum traditus erat Dominus in lanistarum manus. Unde Dominicam & hebdomadam illam de passione Domini appellamus. Divulgatum autem fuit istud consilium de occisione Christi habitum. Sed sapiens Dominus volens dare locum iræ, & etiam quia nondum erant omnia completa, necdum venerat hora ejus quā tradendus erat, & crucifigendus post consilium cautius se observans, palam apud eos ambulare desit, neq; ad aliquam civitatē populosam abiit,

Numer. 22.  
Augustinus  
Tract. 49.  
in Joann.

Pontificalis  
virtus.

Consilium  
prævum.



abijt, sed in regionem juxta desertum, ubi pauci de judæis erant, & non frequentia insidiantium in Civitatem Effrem, quæ erat parva & parum populosa, ac magis secreta: & ibi morabatur cum discipulis suis, usq; ad tēpus suæ passioni propinquum. Sed stetit ibi paucis diebūs, cum ipsis discipulis, se occultans ad tempus. Ubi Chrysost. hom. 49. Ipsi autem quando omnes lætabantur, & festum celebrabant, tunc in Joann. occultantur & in periculis sunt, sed tamen permanebant cum Eo. Luca 22. Secundum illud: *Vos estis qui permansistis mecum in temptationibus meis.* Fuga Domini. Et sic fugit Dominus ante faciem nequissimorum servorum, & hoc non fecit propter potentia defectum, sed ut aliis daret vivendi exemplum. Unde August. Non quia Potentia Ejus defecerat, in qua Tract. 49. si veller, palam cum judæis conversaretur, & nihil Ei facerēt, sed exēplū discipulis demonstrabat, in quo appareret non esse peccatum, si fideles ejus oculis persecutiōis se subtraherent, & furorem sceleratorū latendo potius evitarent, quā se ostendēdo magis accēderent. Secundum Origenem: honestum & laudabile est imminente jam periculo Tomo 31. & agone confitendi JESUM, non evitare confessionem, nec recu- in Joann. sare subire mortem gratiā veritatis. Sed nullus debet tradere occasionem tantæ tentationi, & hoc propter duas rationes. Primò, quia valde præsumptuosum est periculis se ingerere, propter inexperientiam propriæ virtutis, quæ & quandoq; fragilis invenitur, & propter futuri eventūs incertitudinem. Secundò, ne nos ingerentes persecutoribus occasionem præstemus eis, ut magis impii & noxii fiant, & nos de eorum delicto demus responsum, & luamus pœnas. Proximum autem erat Pascha judæorum. Hoc subditur, ad ostendendum quodd Christus parvo tempore in Civitate se occultavit, quia ante pascha in Hierusalem venit. Et ascenderunt multi de regione Hierosolymam ante pascha, ut sanctificarent & mundarent seipsos orationibūs & sacrificiis ante festum, ad dignè comedendum Agnum paschalem, quem nullus comedere debebat, nisi mundus. Præceperat enim Dominus per Moysen, ut undiq; de tota judæa convenirent ante pascha in Hierusalem, & ibi secundum legem ante esum agni paschalis se mundarent, ut sic purificati, solennitati & esui agni mundi interessent. Unde Theophil. Ascenderunt autem ante pascha ut purgarentur: quoniam quicunq; peccaverant, pascha non celebrabant, nisi prius expiarentur balneationibūs & jejniis, ac rasurā: quinetiā quasdam deputatas oblationes offerendo. Hæc Theophi. Ubi informantur qui debent cōmunicare, quia cōfessione, oratione, & jejunio ante debēt purificari. Si enim hoc fiebat de agno figurali, multo magis se debet homo sanctificare bonis operibūs ad dignè recipiēdū verū Agnū Immaculatū Corpus Christi. Sed judæi obliti suæ sanctificationis trahabant de nece Veri Agni, & ipsum Agnum ad immolandum quærebant in ipso loco orationis, festo sanguinem innocentem miscere cogitantes. Unde Chrysostomus: Hi venerant in exterioribus se mundare, & in interioribus per homicidium & sanguinem se co- Chrysost. hom. 64. inquinare. Insidiabantur Ei, & tempus festi tempus faciebant occisionis, Hæc Chrysost. Quærebant ergo Jesum, & colloquebantur adinvicem in Templo stantes: Quid putatis, quia non venit ad diem festum. Quia enim mirabantur quodd in tanta cōgregatione ad docendū nō venerat: ideo quærebant non quidem bene & ad honorandum, sed male & ad occidendū. Sed est notandum, quod quando est dies festus, & agitur sanctè, semper Dominus est in die festo, secundum illud: *Ubi duo vel tres*



tres congregati fuerint in nomine meo, in medio eorum sum, & ideo nos congregati in domo DEI, quæramus Jesum, mutuo nos consolando & exorando ut ad diem festum nostrum veniat, & nos suâ præsentia sanctificet, quoniam verò non rectè agitur festum, tunc non venit Jesus secundum illud Esaia: *Festivitates vestras non feram.* Et subdit Evangelista, quasi respondens quæstioni eorum, *Dederant enim Pontifices & Pharisei mandatum, ut si quis cognoverit, ubi sit Jesus, indicet potestati publicæ, ut apprehenderent Eum,* scilicet ministri potestatis ad occidendum: propter hoc enim ab eis, sicut ab ingratis & obstinatis recesserat, usque ad tempus quod suæ passioni dispositum erat. Sed, ut ait Augustinus: Nos qui scimus ubi Christus est, quia ad dexteram DEI Patris indicemus Judæis, ut sic utinam apprehendant Eum per fidem. Conspice igitur prædictos nefarios in suo concilio pessimo æstuant, & Dominum Jesum ac discipulos tanquam pauperes, & imbecilles recedentes. Quid tunc putas Magdalenam dixisse? Sed & qualis animi Mater Domini Jesu erat, cum sic Eum recedere videret, & audiret causam quare, quia scilicet Eum occidere volebant? Potes hic meditari dominam & sorores Ejus, tunc cum Magdalena remansisse, & Dominum Jesum eas omnes de cita sua conversione, tunc consolatum fuisse. Considera nunc quomodo Dominus suos adversarios, quos solo nutu perdere poterat tanquā imbecilles, recedendo declinabat: nec se saltē verbis excusando defendebat, ac Ejus mansuetudinem & humilitatem imitando omnem deponere amaritudinem & furorem, quia sic & corporis & animæ habebis requiem.

Esaia 1.

## DE DECEM LEPROSIS, A DOMINO CURATIS.

### Caput. XIX.

**F**actum est autem cum complerentur & appropinquarent dies assumptionis Domini JESU, id est à mundo ad Patrem, per passionem & mortem non diver- tit, sed firmavit faciem suam, id est voluntatem (nam per faciem designatur animi voluntas) in locum passionis, & ut iret in Hierusalem, quia ibi oportebat Verum agnum imolari, ubi figuralis agnus solebat offerri. Assumptionem JESU dixit Lucas, non solum secundum tempus quò assumi debebat per passionem de hoc mundo ad Patrem, quia oportuit pati Christum, & ita intrare in gloriam suam: sed etiam secundum præceptum de agno paschali, qui decimo die mensis primi assimebatur de grege, & ad domum inferebatur & servabatur usque ad vesperam quartidecimi diei, & tunc imolabatur. In hunc modum Christus decima die, id est ramis palmarum: venit ad locum passionis, scilicet in Hierusalem: ubi tanquam Verus Agnus erat pro nobis imolandus: mansitque ibi & circa: usque dum passus est, ut sic veritas figuræ responderet. Ex quo patet quòd tempus suæ passionis prævidit quasi Deus, & quòd spontaneè non coactè est passus: unde firmavit, id est non leviter voluit, sed firmiter & constanter disposuit ut iret in Hierusalem, ad sustinendum mortem, ut ostenderet se sponte passurum & suo exemplo discipulos animaret ad passionem. Sic & tu omne opus bonum, firmus & stabilis debes assumere, nec propter tentationes ab eo dimittere. Instante ergo tempore passionis, quò transmigraturus erat de mundo ad Patrem præstat dorsum Galilææ, & faciem in Hierusalem convertit, ac firmatā & imperterritā mente locum quò pati decreverat petit. Non huc & illuc ibat: sed iter versùs Hierusalem tenebat. Unde qui superius pluries excitavit, & hortatus est discipulos & alios ad martyrium, & sui sequelam, verbò: hic hoc idem facit factò, eos tanquam Magister & Ductor præcedens, & quasi factò suò, dicens: *Si quis vult post me venire abneget semetipsum: & tollat crucem suam, & sequatur me.* Appropinquante ergo tempore passionis suæ Dominus JESUS, qui pluries fugerat, incipit reverti. Sicut enim in superioribus ad nostram instructionem usus est prudentiā, ostendens quòd pro loco & tempore furorem persequentium, cautè debemus declinare: ita nunc utitur fortitudine: quia debito tempore imminente sponte rediit ut se passioni offerret, & in manus persequentium traderet. Sic aliàs fuit usus temperantiā, cum fugit honorem

Luce 9.

& 17.

Assumptio Christi.



quando turbæ voluerunt Eum facere Regem, & è contrariò fuit usus iustitiæ, cum voluit tanquam Rex honorari quando populus cum ramis arborum occurrit Eidem. Satis tamen modestè Eundem honorem voluit, & ideo asellum ascendit. Istis igitur quatuor virtutibus usus est Dominus virtutum propter nostram instructionem, à quibus omnes aliæ virtutes morales descendunt & derivantur: propter quòd cardinales ac principales esse dicuntur. Non ergo æstimandus est fuisse inconstans vel varius, sicut nec aliquis alius qui secundum diversos casus in diversis se exercet virtutibus. *Et factum est, dum pascha celebraturus iret in Hierusalem, transibat per mediam Samariam & Galileam.* Samaria erat terra gentium, Galilæa Judæorum. Et ideo Christus vadens ad passionem, transiit per Gentes & Judæos, dans intelligere quòd fructus suæ passionis in omnes erat futurus, atque fides nominis Ejus post mortem & Judæos & Gentiles unum debebat efficere populum. Quia ergo erat discordia inter Judæos & Samaritanos, Ipse inter utrosque & per medium utriusque terræ transiit, ut tanquam Mediator eos pacificaret, qui ad salvandos Gentiles & Judæos venerat. Et in ingressu cujusdam castelli in terminis Samariæ: *occurrerunt Ei decem viri leprosi*, quia audierant famam de mirabilibus Christi. In ingressu urbis, & tamen ante ingressum occurrerunt Ei: quia ritu legis Mosaicæ quasi immundi erant ab urbibus & oppidis exclusi, nec poterant cum aliis comorari. Conversabantur autem adinvicem, quia cõmunitas passionis fecerat eos unanimes: & præstolabantur simul transitum. Jesu solliciti donec advenientem Eum viderent. *Qui steterunt à longè* tum propter Christi reverentiam, tum quia non debebant appropinquare hominibus, ne eos inficerent eò quod lex Judæorum lepram imundam non tangendam judicat. Lex Evangelica lepram non externam, sed internam, esse imundam affirmat. Et secundum Theophilum: A longè stant, quasi verecundantes de imundicia: putabant enim quòd Christus eos quemadmodum alii fastidiret. Sic ergo abstiterunt loco, sed facti sunt proximi deprecando: *propè enim est Dominus omnibus invocantibus Eum in veritate.* *Et levaverunt vocem suam ex magnitudine affectionis, & magno desiderio sanitatis, & clamaverunt, dicentes: Jesu Præceptor miserere nostri*, quia solò præcepto & verbo potes nos curare. Si Jesus, ergo vult: si Præceptor, ergo potest: si misericordiam invocant: ergo se miseros & indigentes ostendunt: & sic petitio fuit digna, & ex parte petentium, quia miserendi: & ex parte Ejus à Quo petebatur, quia Jesus volens & Præceptor potens: secundum Titum, Dicunt Nomen Jesu, & lucrifaciunt rem. Nam Jesus interpretatur Salvator, unde sequitur. *Quos ut vidit benignitatis & compassionis & misericordiæ oculis: dixit: Ite ostendite vos sacerdotibus.* Lex enim præcepit, ut emundati à lepra sacerdotibus se præsentarent: non ut sacerdotes eos mundarent, sed ut eos mundos esse judicarent, & ut mundati pro sua emundatione sacrificium in lege determinatum offerrent. *Et dum irent, ut sacerdotibus se demonstrarent, mundati sunt* ex fide & obedientia ad Christum, meritoriè de congruo, sed Divina virtute effectivè. Quatuor ex causis mundati sunt antequam ad sacerdotes pervenirent. Primò quia Christus noverat sacerdotum superbiam: contempsissent enim eos aspicere: ne ergo scandalizarentur, prævenit eos sanare. Secundò, bonum obedientiæ eorum hoc meruit. Tertiò, hoc meruit eorum Fides. Quartò voluit ostendere quòd non virtute legis, aut sacerdotum erant mundati, sed DEI imperiò. *Unus autem eorum qui Samaritanus & Gentilis erat ut se mundatum vidit* suam sanationem virtuti Christi deputans, *rediit cum magna voce Deum ex fidei & devotionis magnitudine magnificans:* & tanquam gratus beneficium recognoscens, *cecidit per humilitatem in faciem ante pedes Jesu*, per devotionem Ei reverentiam exhibens, & adoravit Eum, gratias pro beneficio accepto sibi agens. Ubi exprimitur fides Ejus & devotio, ac benevolentia, & grandis affectio. Dedit autem ei fiduciam appropinquandi Domino jam suscepta purgatio. Cateri verò qui Judæi erant permanserunt ingrati, nec ad agendum gratias sunt reversi: quia decepti à sacerdotibus quibus se repræsentaverunt, quiquè doctrinæ Christi & miraculis detrahebant, secundum eorum informationem attribuerunt suam sanationem observantiæ legis, cum se sacerdotibus ostendebant, & non



virtuti Christi, licet à principio fideliter devotè petivissent ab eo sanari. Et dixit Jesus: Nonne decem mundati sunt, & novem ubi sunt? Non interrogat Dominus quasi nesciens, sed ingratos quærit quasi ignorans, & de eorum ingratitudine dolens: & eos requirendo ostendit sibi ignotos, id est reprobos. Sicut enim ingratus non recognoscit DEI beneficium, ita nec DEUS, notitia approbationis recognoscit ipsum: recognoscentem verò se recognoscit & Ipse. Unde Beda & meritò eos Salvator, quasi ignotos ubi sunt inquit scire enim DEO, eligere: nescire, reprobare est. Hæc Beda. Magis autem dolendum est de eo, qui aliquam incurrit ingratitudinis culpam, quàm de beneficio perduto. Et ideo quasi plangendo subditur: *Non est inventus qui rediret & daret gloriam DEO, nisi hic alienigena*: alterius, scilicet gentis, qui non erat de Judæis. Et hoc dictum est vel à Christo, & tunc erant verba quasi lamentantis: vel dictum est ab Evangelista in confusionem Judæorum, qui non sunt reversi ad Christum. Et nota quod in hoc quod iste alienigena rediit: & alii, qui erant Israelitæ, reditum neglexerunt: præfigurata fuit vocatio & fides Gentilium, qui venturi devotè erant ad fidem Christi, ac repudiatio & perfidia Judæorum, qui in suo errore erant remansuri. Dominus autem & in his & in omnibus quos sanavit in corpore, sanavit & in anima: & hi postquam fuerunt sanati in corpore, & justificati in anima, ac boni facti: postea corruerunt à gratia, & facti sunt mali & ingrati. Deinde eorum ingratitudinem magis confutat: dum alienigenam, qui redierat, laudando comendat: quia enim humiliter ante DEUM infirmitatem suam cognovit: ideo Dominus consolans eum dixit: *Surge*, scilicet, à peccato in quo jacuisti cessando, & *vae* de virtute in virtutem, in conversione quam incapisti proficiendo: *quia fides tua*, quâ intellectum DEO subdidisti, *te salvum fecit*: & ad salutem non solum corporis, sed & animæ reduxit: quia ipsa est initium justificationis, & dat fiduciam Regni cælestis. Ubi Beda: Si autem fides salvum fecit eum qui se ad agendas Salvatori gratias inclinavit: ergo perfidia perdidit eos qui de acceptis beneficiis DEO gloriam dare neglexerunt. Mystice per lepram, quæ est corruptio carnis, signatur peccatum mortale, quod est corruptio animæ. Primò quia communiter in lepra vox efficitur invalida: sic in peccatore vox est invallida: DEUS peccatores non audit, & cum multiplicat orationem non exaudit. Secundò, quia in leproso corpore multa ulcera minuta, dura & rotunda crescunt: sic in corde peccatoris multæ compunctiones & anxietates diversorum peccatorum & circumstantiarum consurgunt: minuunt semper affectionem hominis ad DEUM, & reddunt hominem durum & rebellem DEO & Ejus mandatis, & per hoc sunt corda hominum peccatorum rotunda & ductilia, scilicet ad voluntatem diaboli. Tertiò quia eorum anhelitus corrumpitur, & Ejus factore sapius alii inficiuntur; sic operatio & conversatio peccatoris ita est corrupta, quod conversantes infirmantur ex vitioso eorum convictu. Quartò quia lepra quantò studiosius reprimitur, tantò plùs turpior postea ebullit: sic peccatum quantò plùs occultatur, tantò fortius crescit: & ideo turpius apparebit. Per denarium verò numerum universitas significatur: numeri namque sequentes usque ad centum sunt. Ipsius & partium Ejus replicationes, & sic consequenter per decem leprosos occurrentes Christo, significatur universitas peccatorum pœnitentium. Vel leprosi signant eos qui peccant contra decem præcepta decalogi, varietate peccatorum, quasi maculis lepræ distincti & respersi. Valde deterior est lepra animæ, quàm lepra corporis: quia peior est corruptio spiritûs, quàm carnis. Debet autem peccator volens sanari, & à peccatorum lepra curari, eò modò se habere quò se habuerunt illi leprosi. Primò itaque venire debet ad JESUM per fidem: non enim abhorret pius Dominus aspicere maculam lepræ nostræ, qui pro nobis in cruce velut leprosus reputatus est. Secundò debet stare, surgendo à peccatis, & cessando ab eis. Tertiò debet stare à longe, suam vilitatem humiliter considerando, & valde erubescendo. Quartò, debet levare vocem scilicet de profundo corde in contritionis verba prorumpendo, & peccata sua non aliena consitendo. Quintò, debet dicere JESU Præceptor, DEI misericordiam implorando: quæ maxime est peccatoribus opportuna. In hoc autem quod Dominus videns leprosos, dixit eis: *ite ostendite vos sacerdotibus*, manifestè à

Beda. scire  
& nescire  
Dei.

Beda in c.  
9. Luc. Le-  
pra peccatū.

Denarius  
numerus.

Lepra.  
anime.



Domino JESU confessio præcipitur, per quam lepra interior salutis ostenditur. Ac si eis diceret: Ite à contritione ad confessionem: ostendite vos sacerdotibus. Quia licet peccata remittantur in contritione, dicente Propheta, *Dixi id est firmiter statui, confitebor & tu remisisti mihi*: tamen tenetur homo ea confiteri. Unde dum *irent, mundati sunt* in via: quia DEUS virtute contritionis peccatorem mundat interius, priusquam à sacerdote absolvatur exterius: & nihilominus se sacerdotibus ostenderunt. Sic & tu, si habes maculam lepræ ex aliquo crimine, dum vidente te Domino oculis misericordiæ, vadis ostendere te sacerdoti per confessionem vocis, obviat ipsa salus, & sanaberis à lepra transactæ iniquitatis. Non tamen idcirco omittas te offerre illis, quorum iudiciò mundus habebis: alioquin ex contemptu & negligentia imundus remanebis. Unus autem qui rediit, universalis Ecclesiæ unitatem, seu illos quod in unitate Ecclesiæ sunt designat, quam pro beneficio gratiæ grates referre non cessat: novem verò qui remanserunt, illos qui extrà sunt exprimunt: seu qui post acceptam remissionem criminum à perfectione decalogi, per unitatem subtractam deficiendo grates pro gratia reddere contemnunt. Decem igitur mundantur, sed unus gratias refert: quia multi in confessione mundantur, sed non omnes Dominum laudant. Qui nempe tanquam canes revertuntur ad vomitum, hi sunt novem qui post adeptam sanitatem, non laudabant Dominum. Et quia pauci sunt respectivè qui grati sunt de beneficiis largitatis Divinæ, & remanent in reparata sanitate: ideo tantum unus revertitur dans gloriā DEO. DEO nempe gloriā dare, est percepta peccati sui curatione in bonis operibus perseverare. Et hic est Samaritanus, qui interpretatur custos: nam illi sunt grati DEO qui se custodiunt à peccati recidiva. Et est alienigena, dicens cum Apostolo, non habemus hic manentem civitatem, sed futuram inquirimus. Hinc colligitur, quia hi qui deberent esse magis grati Domino & familiares ut Literati, Prælati & Divites, quibus sententiam dedit, vel opes: magis sunt Ei ingrati: se seque, elongant ab Eo, nec referunt sibi gratias sicut simplices & pauperes, quibus tot bona non contulit: quasi diceret: *Labia nostra & divitiæ à nobis sunt, quis noster Dominus est?* Ipse autem unus gratias agendo in faciem cecidit, quia sola unitas Ecclesiæ cadit in faciem adorans. Inde est quod quandoque prostrati oramus, ubi quatuor prætendimus: infirmitatem corporis, quia de pulvere sumpti sumus: infirmitatem animi, quia casum ex nobis, non erectionem à nobis, sed à DEO habemus erubescitiam de malis, quia præ multitudine peccatorum oculos ad cælum levare non audemus: prudentiam, quia in faciem cadimus, & videmus ubi cadimus, id est: quod in terrenis affigimur. Quandoque verò flexis genibus ut Salomon, sed erecto capite & elevata facie oramus, quasi dicentes pro desiderio patriæ, trahere me post te. Quandoque autem stantes oramus, nos spem in cælestibus habere designantes, & quasi dicentes, nostra conversatio in cælis est: & illud, in domum Domini latantes ibimus. In primò ergo exprimimus conditionem nostram: in secundò desiderium: in tertio, spem. In memoria quoque resurrectionis Dominicæ tempore Paschali & diebus Dominicis, exemplo sanctarum mulierum, inclinatis in terram vultibus oramus, nos terram & pulverem esse cum Abraham recolentes. Unus ergo reversus in faciem ad pedes JESU cecidit, ac nobis humilitatis, & penitentiae exemplum ostendit. Unde secundum Bedam: In faciem cadit, qui de perpetratis malis erubescit. Ibi enim homo cadit, ibi confunditur. Qui in faciem cadit, videt quod cadat: qui retrò, lapsum suum non videt. Boni ergo in faciem cadunt, quia humiliant se in his visibilibus, ut ad invisibilia erigantur. Mali retrò cadunt, quia cadunt invisibilibus, ubi modò non vident, quid eos tunc sequatur. Ad pedes etiam JESU cadit, & gratias agit, qui se ad percipiendâ DEI beneficia humiliat, qui nihil sibi virtutis adtribuit, qui bona quæ habet, de misericordia DEI se habere intelligit. Et secundum eundem, qui devotus ante Dominum cecidit, surgere & ire præcipitur: quia qui infirmitatem suam agnoscens humiliter jacet per Divini verbi consolationem surgere ad fortia opera, & crescentibus quotidie meritis ad perfectionem passim proficere jubetur. Hunc autem fides salvum facit, quem ad gratias agendas inclinat.

Psal. 31.

Gloriā Deo dare.

Cant. 1.

Philip. 3.  
Psal. 121.



inclinat: & è contra perfidos illos damnat, qui de acceptis beneficiis ingrati sunt, & DEO dare gloriam negligunt. In hoc ergo capitulo ingrati de beneficiis reprehenduntur à Domino. Multum est laudabilis virtus gratitudo, & valde acceptabilis DEO gratiarum actio, ac detestabile vitium ingratitude. Unde Augustinus: Quid melius animò geramus, aut ore promamus, aut calamò exprimamus, quàm ut DEO gratias agamus? Hoc nec dici brevius, nec agi fructuosius potest. Et iterum: Scio quòd ingratitude displiceat tibi, quæ radix est totius mali spiritualis, & ventus urēs & exsiccans omne bonum: obstruens fontem Divinæ misericordiæ super hominem, quâ & mala mortua jam reoriuntur, ne ultra bona adipiscantur. Unde & Bernardus. Dignum est semper gratias agere, quia DEUS nunquam cessat benefacere. Et iterum: Disce in referendo gratiam non esse tardus aut segnis, disce ad singula dona gratias, agere. Diligenter: inquit, considera, quæ tibi apponuntur, ut nulla videlicet DEI dona debita gratiarum actione frustrentur: non gaudia, non mediocria, non pusilla. Denique jubemur colligere fragmenta ne pereant: id est; nec minima beneficia oblivisci. Nunquid non perit quòd donatur ingrato? Ingratitude inimica est animæ, exinanitio meritorum, virtutum dissipatio bonorum dispersio, beneficiorum perditio. Ingratitude est ventus urens & siccans sibi fontem pietatis, rorem misericordiæ fluentia gratiæ. Qualis verò debeat esse gratiarum actio: dicet idem Bernardus dicens: Non tantum verbò & lingvâ, sed opere & virtute exhibeamus nosmetipsos gratos: non enim gratiarum dictionem, sed gratiarum actionem exigit à nobis Dominus DEUS noster. Unde etiam Chrysostom. Agamus igitur ei juges gratias: & non modò verbis hoc nostris, verumetiam operibus nostris, imò potiùs principaliter impleamus. Agamus verò gratias non de propriis tantum, verumetiam de alienis bonis. Ita nempe & invidiam poterimus extingvere, & alere charitatem. Neq; jam illis poteris invidere, de quorum bonis gratias DEO referendo lataris. Quid igitur magnum reposcit, qui pro liberalitate in nos sua, solummodo gratos sibi esse nos præcepit? Ingratitudinis autem vitium ex arrogantia potissimum gigni solet, tunc se aliquis dignum esse beneficiis æstimat. Humiliatus verò atq; contritus, nò pro bonis solam, sed pro his quæ contraria æstimatur esse, gratiarum actiones mittet DEO, & quodcumq; patietur, nihil se dignum æstimabit passum esse. Hæc Chrysost. Et hæc est magna causa quare DEUM non diligimus, quia Ejus beneficia non recognoscimus. Unde Hieronym. Vis scire quare DEUM non diligis? quia Ejus beneficia non recognoscis. Quanto magis in bonitate Ejus ascendis, tantò plus in amore Ejus inardescis. Hæc Hieronym.

Augustinus  
In soliloqu.

Bernardus  
sermo. 51.  
in cantica.

Idem ibid.

Chrysostom.  
hom. 2. in  
Epistol. ad  
Roman.

## DE SAMARITANIS HOSPITIUM DOMINO

Negantibus.

CAPUT XX.

UT autem Adventus Domini JESU non lateret, misit nuncios suos, scilicet Jacobum & Joannem, ante faciem suam, in Civitatem Samaritanorum. ut ibidem hospitium & cætera necessaria, quæ non magni constabant, sibi præpararent. Hæc Civitas Samaria nunc Sebastæ dicta, jam peccatis exigentibus, nec unicam habet domum, nisi

Sebastæ.

Luca 9.

Ll

tantum



tantum duas Ecclesias, unam in monte, ubi quondam fuit Regis palatium: secundam in honore S. Joannis Baptiste, in qua sepultus fuit inter Abdiam & Heliseum. Samaritani verò qui æmulabantur Templo Hierosolymitano: & invidebant euntibus in Hierusalem adorare, quia videbant Christum cum discipulis habere faciem seu vultum id est; prætere similitudinem & signum cunctis in Hierusalem, ad Festum Paschale, causâ orationis faciendæ: ideo eos, ex æmulatione propter locum adorationis, noluerunt hospitio recipere, quia dicebant locum adorationis esse apud eos in Monte Garizim, & non in Hierusalem. Unde suprâ mulier Samaritana, quasi æmulando dixit Domino: *Patres nostri in monte hoc adoraverunt: & vos dicitis, quia Hierosolymis locus est in quo oportet adorare.* Item quia ex vestimentis Christi, & discipulorum Ejus, cognoverunt Samaritani quod fuerunt judæi. Judæi autem erant Samaritanis odiosi, eò quod contemnebant eos, nolentes comedere & bibere cum eis, non nempe contumuntur judæi Samaritanis, sicut & Hebræi Ægyptiis. Unde Hieronymus. Hostili inter se Samaritani: atq; judæi discordant odio. Videntes itaq; Dominum ad hostes suos pergere Samaritæ: Eum recipere noluerunt. Quamquam alia subiiciatur intelligentia, quia voluntas Domini fuerit, non suscipi à Samaritanis, quia festinabat Hierusalem pati, & sanguinem fundere: ne occupatus susceptione Samariticâ, & doctrinâ gentis illius, passionis differret diem, ad quam venerat sustinendam. Hæc Hieronymus. Sicut autem Domino in Hierusalem tendenti resisterunt Samaritani: sic si meos tuam in Cælum tendat, habebis semper qui rixas, odia, & bella gerant, non tamen irreparanda vincta menti tuæ, sed quantum poteris stude utilis esse. Unde sunt versus.

*Hierusalem cives, gentes odere forenses,  
Quotquot non recipit manibus illa suis.*

Si ergo in his quæ secundum DEUM operari desideras, aliquos tibi obsistere, seu te impedire videas, noli contentionebus desævire, sed teipsum, in teipso restringe, & tecum Deo tuo recollige: sibiq; dicas, Domine vim patior, responde pro me. Nec de hoc contristeris, quia nihil possunt nisi quod DEUS scit finaliter pro bono tuo esse expediens: imò quamquam ad præsens non videas, videbis finaliter, si tamen patienter portaveris, quod illud in quo tibi eos impedimentum præstare credebas, erit tibi juvamen ad tuum propositum exequendum, sicut de Joseph & multis aliis est factum. Quia secundum Chrysost. Si legem Christi custodire volueris necessitatem quidem nullam, quæ te ab observatione Ejus impediatur, aliquando patieris. Si etiam in his quæ secundum DEUM desideras te videas quodammodo Divinitus impediri, vel per infirmitatem, vel quocunq; aliò modò contingente, de hoc nullatenus conturberis, sed totum æquanimiter feras, & te ex toto illo committas. Qui melius novit quam tuipse, quid tibi expediat, qui te ad se continuè sublevat, dummodò teipsum ex toto illi committas, quamvis fortè hoc ipse non videas. Ad hoc ergo sit totum tuum studiū, ut teipsum in pace & cordis tranquillitate possideas, & pro quocunq; eventu non doleas, nisi de solo peccato proprio vel alieno, seu etiam de his quæ te inducerent ad peccatum, & quæ possent alienare seu elongare à DEO vel medium facere inter te & ipsum DEUM, quævis nempe tibi occurrens adversitas ejus nutu & providentiâ geritur, cujus vir-  
tute

*Impedimen-  
tum ad salu-  
tem nullum*



tute res creatæ sunt, & in suo esse cōservātur. Cū igitur tribulatio  
advenit, exi obviam hospiti tanto, benignè eum recipiendo, & dic  
corde jucūdo. Bene venerit amica mea tribulatio. Qui nempe adver-  
sa libenter pro DEO patitur: Christo passo assimilatur, & ideo ab  
Eo tanquam à cōsimili nexu dilectionis præcipuo constringitur. Por-  
ro de involuntariis tribulationibus scire debes, quod licet involun-  
tarium, in quantum hujusmodi, non sit meritorium: verumtamen si  
prudens animus hoc quod involuntariè illatum est voluntariè pa-  
ti voluerit, & voluntatem suam hætenus rebellem ad virgam DEI  
inclinaverit, virtutem faciens ex necessitate, haud dubium quin sa-  
lubre & meritorium fiet, & ad spirituale virtutum incrementum  
proficiet hoc quod antè pestiferum videbatur. Patiamur ergo liben-  
ter & voluntariè, quia vera salus nostra est in cruce, nec extra eam  
aliqua salus invenitur. In quacunq; enim anima crux, id est; tribu-  
latio non est: nulla patientia est, & ubi patientia non est, vera salus  
non est. Cor autem patiens est, cui gaudium est quod despicitur,  
& quod in pœnis & quibusq; adversitatibus lætatur, exultans pro  
eo quod passioni Christi & humilitati suæ aliquid adiciere valeat,  
& quod habeat unde DEO aliquid sacrificet. Et ideo omnes pœnas  
& adversitates occurrentes unias cum pœnis & adversitatibus Chri-  
sti, & ex unione ipsorum dulcescant, & DEO in summa patientia  
redoleant. Omnia ergo quæ tibi advenerint, sive læta, sive tristia ex  
nimia charitate, à DEO tibi esse donata certissimè scias, & omnino  
credas quod omnia ex tanto amore Christi tibi proveniant, ut nihil  
aliud tibi, aut aliter evenire velles, aut velle deberes, & ideo pro  
singulis Ei gratias & laudes agas. Irati itaq; Jacobus & Joannes  
contra Samaritanos voluerunt ignem è Cœlo ad consumendum eos  
impetrare, dicētes: *Domine si vis dicimus ut ignis descendat de Cœlo*, id est  
de alto sicut fulgura, & hujusmodi quæ omnia veniūt de Cœlo aereo  
& consumat illos: Te recipere nolentes. O! quanta fiducia eorum in  
Domino erat, qui solo verbō se posse credebant ut ignis de Cœlo  
descenderet, ac hujusmodi vindicta quæ laudata est in Helia, in istis  
est à Domino reprobata, quia hoc non appetebant ex charitate,  
& amore correctionis eorum vel finiendæ in illis malitiæ, sicut ille,  
sed ex impatiētia potiùs & indiscretionē & appetitu vindictæ. In quo  
innuit Dominus, quod non valet zelus, nisi sit discreta voluntas.  
Unde verbis Apostoli Petri Ananias, & uxore ejus exanimis cecide-  
runt, non odiō, sed justâ vindictâ, & Paulus quendam peccatorem  
tradidit satanæ in interitum carnis. ut anima esset salva. Unde Beda  
Reprehendit in istis Dominus non exemplum Prophetæ Sancti, sed  
voluntatem vindicandi, quæ adhuc erat in rudibus: animadvertens  
eos non amore correctionem, sed odiō desiderare vindictam. Hæc  
Beda. Unde dicit eis: *Nescitis cujus spiritus estis*, scilicet Spiritus  
Sancti, qui bonus est & svavis: hoc est, non bene recognoscitis cu-  
jus spiritu signati estis, & ideo vultis per odium exercere vindictam,  
quod non licet DEI servis. In novo enim testamento, quod est  
amoris, procedendum est svaviter & benignè, non sicut in veteri te-  
stamento, quod est timoris ubi procedebatur asperè & rigidè. Unde  
Glossa: *cujus spiritu signati estis, ejus & acta imitemini*, nunc piè  
consolantes, & in præsentī patientiam habentes: sed in futuro justè  
judicantes, cū sedebitis super sedes duodecim. Et subjungit Do-  
minus: *Filius hominis non venit animas perdere*, per rigorem justitiæ  
statim

Patentia  
laus.

Fiducia  
Apostolorum

Actor: 5.

1. Cor. 5.

Beda in cap.

9. Luca.

Spiritus cu-  
jus simus.



Ambro. in  
cap. 9. Luca.

Ira vitanda

Chrysost.  
hom. 50.  
in Joan.  
Ultio vi-  
tanda.

Deut. 23.

statim inferendo poenam mortis, sicut vos vultis, quinimo perditio est ex vobis, *sed venit salvare*, animas per misericordiam & poenae relaxationem: sicut expedit miseris: salvantur enim melius clementia, quam saevitia. Et in hoc datur exemplum Praelatis, ut non statim cum impetu peccata puniant: sed magis tempus & locum expectent, nec semper in peccantes vindictam exerceant. Unde Ambrosius. Quia verò discipulos increpavit: quia ignem super eos descendere gestiebant, qui non receperant Christum: ostenditur nobis non semper in eos qui peccaverunt vindicandum: quia nonnunquam amplius prodest clementia tibi ad patientiam, lapsa ad correctionem. Denique Samaritani citius crediderunt à quibus hoc loco ignis ardetur. Dominus autem nec in hos indevote Dominum refutantes proprium commovetur: ut ostenderet quia non habet ultionis studium perfecta virtus: nec ulla sit iracundia, ubi plenitudo est charitatis: nec excludenda infirmitas, sed juvanda. Procul à Religiosis indignatio, procul à magnanimis cupiditas ultionis: procul à prudentibus considerata commotio & incauta simplicitas. Haec Ambrosius. Per Jacobum & Joannem, qui adhuc imperfecti erant significantur homines imperfecti, quærentes nimis dure vindicari: sed Magister perfectionis prohibet hoc fieri. Et quia Samaritani noluerunt Dominum JESUM, & discipulos Ejus intra Civitatem suam recipere ad hospitandum: *abierunt in aliud castellum*. Circumibat enim Dominus JESUS Civitates & castella prædicando, & faciendo miracula sicut supra dictum est: Vide nunc quomodo Dominus JESUS cujus est terra, & plenitudo Ejus, exclusus ab uno loco patienter fert & transit ad alium: & habe patientiam si similia tibi evenerint: imò gaude quia datum est tibi in tantillo imitari Dominum tuum. Haec igitur omnia considerantes omnem amaritudinem & iram à nobis excludamus, & non ulciscentes nos ipsos DEO totum committamus. Unde Chrysostomus. Nunquam insidiamur aliis: quoniam adversus nos ipsos acuimus gladium, & profundior nobis ipsis plagam damus. Sed contristavit te quis, & vis in eum ulcisci: ne ulciscaris. Ita enim vindicare poteris, si non vindicaveris, non si vindicasti. Quoniam non vindicans, DEUM ei constituis inimicum: vindicaris autem non adhuc. *Mibi enim vindictam, & ego retribuam, dicit Dominus*. Si enim famulos habemus, & si ad invicem dissidentes, non nobis litē commiserint finien dā, & si infinitæ accesserint non solum non vindicamus: sed auxiliamur dicentes & flagellum totum nobis committere oportebat: quia verò te ipsum præveniens vindicasti ne me molestes de reliquo: multo magis DEUS qui enuntiavit sibi cedere omnia, hoc dicet. Qualiter autem non inconveniens est, si à pueris quidem nostris tantam expetimus obedientiam, Dominatori verò non cedimus ea quæ volumus famulos nobis cedere. Si enim mihi oderis eum qui peccavit: cujus gratia & ipse peccas, & in eisdem cadis? Convitiatus est, ne reconvitieris: percussit, ne repercutias: contristavit, ne recontristes: quia nullum lucrum si factus es illi rursus par. Ita enim confundere poteris, si cum humilitate feras & mansvetè: ita confundens abscedere poteris abire. Nullus malò malum sanat: sed bonò malum.





# DE PETITIONE FILIORUM ZEBEDÆI.

## C A P U T XXI.

**P**ost hæc ascendit JESUS versùs *Hierosolymam*, quæ respectu totius *Matth. 20.*  
 terræ promissionis sita est in alto: & propter hoc ab aliis partibus *Luce 18:*  
 illuc venientes ibant ascendendo, & præcedebant discipulos suos: *Marci 10.*  
 ut secundùm Theophilum, ostenderet quòd ad passionem præcur-  
 rit, & non refugit mortem pro nostra salute. Illuc ibat passurus  
 pro nobis, & nos præcedens & nos instruens, quòd Ipsum in operi-  
 bus pœnitentiæ sequi debeamus: & *sequentes discipuli timebant*: quia  
 nondum perfecti usq; ad tolerantiam Martyrii erant. Et ut dicit  
 Beda, meminerant sermonis ejus quò se passurum multa à summis *Beda*  
 Sacerdotibus & Scribis. & occidendum esse prædixit: metuentes ne *in cap. 10.*  
 vel Ipsi cum eo occiderentur: vel saltem Ille, cujus vitâ & magiste- *Marci.*  
 riò gaudebant, inimicorum manibùs occumberet. Et divertens se  
 à via *assumpsit* & ad partem traxit seorsum, & *secreto duodecim disci-*  
*pulos suos*, tanquam perfectiores, typum Prælatorum gerentes,  
 non infirmos qui possent scandalizari: quia noluit omnibus secre-  
 ta sua mysteria indicare, & tunc eis jam quarta vice mysterium suæ  
 passionis & resurrectionis prædixit. Quia ut dicit Theophil. Con-  
 veniens erat passionis mysterium propinquiorebus sibi revelare.  
 Unde Chrysost. Omnis gloria DEI, & omnis salus hominum, in Chri- *Chrysostom.*  
 sti morte posita est. Nulla enim res est, quæ amplius ad salutem ho- *hom. 35.*  
 minum pertineat, quàm mors ipsius. Nec est aliud aliquid pro- *Operis im-*  
 pter quod magis DEO gratias agere debeamus, quàm propter mor- *perfecti.*  
 tem ipsius. Ideo cùm plurima turba fidelium sequeretur Eum, in  
 via duodecim Apostolos suos tulit in secreto, & illis tantummodo  
 mortis suæ annunciavit mysterium: quia semper pretiosior thesau-  
 rus in melioribus vasis includitur. Et notandum quòd Christus passi-  
 onem suam, & mortem pluries discipulis suis prædixit: Primò, post-  
 quam Petrus Confessus fuit Eum Filium DEI. Secundò, postquam  
 transfiguratus fuit in monte. Tertio, ibidem postquam curavit lu-  
 naticum. Quarto, in præsentì loco. Quintò, in monte Oliveti, di-  
 cens: *Scitis quia post biduum Pascha fiet &c.* Et hoc fit propter plu- *Matth. 26.*  
 ra. Primò, ut colloquendo cum charissimis amicis suis, revelaret  
 illis secreta suæ mentis: quia secreta mysteria sunt tantùm Majo-  
 ribus revelanda & detegenda, cujusmodi erant Apostoli. Secundò,  
 ne de memoria laberentur, sed mortis jugiter meditationem habe-  
 rent: ut exercitati expectatione cùm veniret persecutio & Crucis  
 ignominia, faciliùs ferrent, & non turbarentur vehementer: quia  
 tribulatio præcognita & expectata levior invenitur: vel videntes  
 Eum mori ignominiosè, non scandalizarentur. Tertio, ut non du-  
 bitarent Eum resurrecturum sicut prædixerat: cùm viderent ea quæ  
 de passione sua prædixerat impleta. Quarto, ut scirent quoniam  
 passionem prævenit, & spontaneus ad eam accessit. Quintò, ut  
 essent testes quòd scienter pateretur & voluntariè: utpote qui præ-  
 venit mortem, & potuisset fugere. Mysticè, frequenter prædixit  
 discipulis passionem suam: per hoc significans quòd multotiens esset

Mm

passu-



*Actor. 5.* passurus in membris suis. Unde in Actibus: *Saule Saule, quid me persequeris, & Petro imminente passione sua dixit, vado Romam iterum crucifigi.* O! quotiens & quantum hodie Dominus in electis suis patitur, qui per malos multipliciter, & crudeliter sæpius affliguntur. Et ait illis specialiter, tanquam suis secretariis & amicis: *Ecce ascendimus Hierosolymam, ad locum passionis: quasi diceret, jam*

*Psal. 73.* in promptu est ut patiar quoniam tribulatio proxima est, & attende quod & supra. Et hic facit mentionem de loco passionis, scilicet *Hierusalem situs.* Hierusalem: quia secundum scripturam in medio terræ operaturus erat salutem. Terra autem Hierusalem in medio mundi est posita, cui ab Oriente adjacet Arabia, quæ tempore filiorum Israël solitudo erat vastissima, id est desertum, eremus, terra invia & inaquosa: in qua detinuit eos Dominus quadragintâ annis manna ad manducandum eis pluens, & aquam de rupe producens: qua Arabiam mare mortuum dividit à judæa. A meridie verò adjacet Ægyptus, & sic filiis Israël de Ægypto ad judæam redeuntibus, magnus erat circuitus: quia per Arabiam circumduxit eos Dominus. Ab Occidente quoque adjacet mare magnum, & à Septemtrione Syria & mare Cyprium.

*Chrysostom ibidem.* In hoc ergo quod dicit, ecce ascendimus Hierosolymam, apparet voluntas patiendi: quia sponte sua venit ad passionem. Ubi Chrysost. Ac si dicat. videte quia voluntariè vado ad mortem: nemo me vocat Hierosolymam, nemo admonet, nullius potestatis præceptum timeo, nullius violentiæ necessitate compellor. Cum ergo videritis Me in Cruce pendentem, ne æstimetis Me Hominem esse tantum: nam & si posse mori hominis est, velle tamen mori hominis non est. Hæc Chrysost. Hic Dominus ostendit quod in Prælati debet esse vigor ad tolerandum Martyrium, si necesse sit, pro grege sibi commisso: & hoc docet per exemplum sui, qui voluntariè venit Hierusalem ad suscipiendum mortem pro salute mundi. Et subjungit: *Et consumabuntur omnia, quæ de Filio hominis, id est virginis, per Prophetas sunt scripta, & bene dicit, omnia: nã tria prædixerant de Christo, scilicet quid esset acturus, quid passurus, quid pro utroque recepturus.* Congruè autem se Filium hominis nominat, ubi se passurum prædicat: ut intelligatur quod secundum humanam naturam non Divinam, passurus erat. Deinde explicat quæ ventura super Eum erant, & seriatim ordinem passionis enarrat. *Tradetur enim, scilicet à Juda, Principibus Sacerdotum, & scribis & senioribus: & condemnabunt Eum morte, id est; per falsos testes, judicantes Eum esse reum mortis, nullo juris ordine servato.* Et quia non habebant potestatem interficiendi, eò quod judicium sanguinis esset eis ablatum per Romanos, qui Eis dominabantur, ideo subjungit: *Et tradent Eum, scilicet Principes & scribæ cum accusatione criminis gentibus, scilicet Pilato præfidi, & suis militibus, Ministris Romanorum, ad perficiendum illud quod ipsi non poterant, scilicet mortem Christi.* Et Ipsi gentiles illudent Eum, verbis & contumeliis: & conspuent Eum, oris immunditatis: & flagellabunt Eum, virgis & nodis, & occident Eum, crucifigendo clavibus ferreis. Injuriam nimiam ubi falsi tradunt Veritatem, fatui illudunt Sapientiam, rei flagellant Innocentiam, miseri conspuunt gloriam, mortui occidunt vitam. Unde Bernardus. Heu fratres charissimi Libertas captivorum traditur, Gloria Angelorum illuditur, Speculum sine macula & Candor lucis æternæ

*Bernardus  
sermon. de  
passione.*



na conspuatur. Dominus omnium flagellatur & Vita hominū occiditur. Quid instat nisi, ut omnes eamus, & cum Eo moriamur? Et iterum: Traditur, tanquam reus: ad illudendum, tanquam fatuus: ad flagellandum, tanquam malefactor: ad conspuendum, tanquam vilis: ad occidendum tanquam prævaricator legis. Hæc Bernardus. Mysticè Dominus traditur à simoniacis, illuditur ab hypocritis, flagellatur à tyrannis, conspuatur à blasphemis, occiditur ab hæreticis & apostatis. Et ne Apostoli Ejus morte audita absorberentur præ tristitia, conturbarentur cum viderent morientem: nunciat Eis suam resurrectionem, ad eorum consolationem dicens: *Et tertia die resurget.* Ecce tempus & gloria resurrectionis, quam passioni annectit, ut tam cita & certa resurrectio scandalum Crucis evacuet. Ideo etiam passio & resurrectio conjunguntur, ut in passione natura humanitatis, & in resurrectione natura Divinitatis comprobetur. Et ut dicit Augustinus: Passione ostenditur, quid sustinere pro veritate: resurrectione, quid sperare in tribulatione debeamus. *Aug. lib. 20. de civitate.* Sequere ergo nunc & tu cum discipulis, & associa Dominum tuum, *cap. 49.* ad ignominiam passionis, ut tandem pervenire merearis ad gloriam resurrectionis: quia secundum Apostolum, *si compatimur & glorificabimur.* Prædixit ergo eis & passionis suæ poenam, & resurrectionis gloriam: ut cum morientem cernerent, etiam resurrecturum non dubitarent: & Ejus resurrectionem fiduciaius expectarent. At ipsi nihil horum intellexerunt, scilicet manifestè & perfectè: quia adhuc rudes erant & imperfecti: cujus rationem triplicem assignat. Beda dicens, Discipuli cujus vitam maximè desiderabant, mortem Ejus audire non poterant: & Quem non solum hominem innocentem sed verum DEUM esse sciebant, hunc nullatenus mori vel posse putabant: & quia per parabolas Eum sæpe loquentem audire consueverant, quotiens aliquid de sua passione dicebat, hoc non ita ut sonabat intelligendum, sed amore distante ad aliud quid allegoricè referendum esse credebant: Hæc Beda: Et nota quod sicut Christus assumpsit discipulos, & duxit eos Hierosolimam, ac secreta eis revelavit: sic spiritualiter adhuc assumit discipulos & ducit Hierosolimam, quando vocat hominem ab amore mundi, & ducit ad Religionem in qua est pacifica conversatio: sicut & Hierosolyma interpretatur pacifica, in qua Religione multa secreta eis revelat. Et illa quinque quæ enumerat de Christo, spiritualiter contingunt Religiosis, quæ & Christus patitur in eis. Primò, moriuntur mundo, quando amor sæculi funditus in eis extinguitur: ita quod parentes divitias, delicias, honores, & omnia quæ in mundo sunt, propter Christum contemnunt. Secundò, illuduntur quia jam ab hominibus infatuantur, ita quod Religiosus potest dicere illud Psalm. *Videntes me, deriserunt me, locuti sunt labiis, & moverunt caput.* Tertiò, flagellantur lingvâ detractorum: quia heu jam ubi conveniunt sæculares semper rodunt & flagellant Religiosos per detractiones. Quartò, crucifiguntur à seipsis, quando totum cor suum ad Crucem Christi configunt, & cogitantes de passione Christi carnem suam crucifigunt & affligunt jejuniis & disciplinis & similibus. Quintò, tertia die resurgent: quia terminata omni miseria ad æternam lætitiā pervenient. Prima, quidem dies est fidei Christianæ, quā habuerunt in sæculo. Secunda, dies est Religionis Sanctæ, qua ser-

*Aug. lib. 20. de civitate.*

*cap. 49.*

*Rom. 8.*

*Beda in cap. 18. Luca.*

*Mors passio & resurrectio religiosorum.*

*Psalm. 21.*



vierunt DEO: sed in his duobus diebus adhuc mortui sunt. Tertia verò dies, est gloriæ, in qua ab omni miseria resurgent. Poteris etiam prædicta de Christo enumerata, & aliter accipere & sic orare: Ignosce mihi o! Munditia summa, quòd ego corpus tuum indigne sumendo totiens tradidi Te, libidinosi moribùs meis tanquam incircumcisi. Ignosce mihi o! summa Veritas: quia ego totiens illusi Te votum meum transgrediendo, & proximis mentiendo. Ignosce mihi o! vera Patientia, quòd totiens flagellavi Te peccata mea iterando, & Te offendendo. Ignosce mihi o! summa Sapientia, quòd ego totiens faciem Tuam conspui, quando veritatis cognitionem quam de Te habui per turpitudinem fœdavi vitæ meæ. Ignosce mihi o! vera Vita, quòd ego Te totiens occidi, quando per peccatum mortale Te ab anima mea expuli: fac me tertia die resurgere per veram contritionem, puram confessionem, & dignam satisfactionem. Et quia Dominus JESUS dixit, se triduo resurrecturum: Filii Zebedæi putantes imminere Regnum J E S U in Israël, & Eum illico in proximo Regnaturum temporaliter & in pace: sicut David & Salomon regnaverunt ad complendum in primo adventu, quod promittitur in secundo, suggererunt Matri suæ ut peteret munus sine nomine quòd concessò peteret eis confessionem à dextris & à sinistris ejus in Regno suo: id est; quòd essent collaterales, & majores præ cæteris, id est; in Regno suo post Eum: quia enim erant ejus cognati germani, volebant post Eum esse primi. Nec mirum si talia Apostoli credebant, & appetebant, qui adhuc carnales erant, & nondum perfectè illuminati, nec confirmati per

*Chrysostom.* gratiam Spiritus Sancti. Ut ait Chrysostomus: intra tempus vocationis Apostolorum; & passionis Domini mortuus est Zebedæus, & sic ista secuta est JESUM cum filiis suis. Sexu fragili, &

jam ætate defecta Christi vestigia sequebatur: quia fides nunquam senescit, & religio fatigationem non sentit. Hæc Chrysostomus. Tria autem petit, quæ desiderant Matres filii: quietem, cum dicit: *dic ut sedeant hi duo filii mei: honores cum subdit*, unus ad dexteram Tuam, & alius ad sinistram: Divitias, cum addit. *in Regno Tuo*. Et ut dicit Chrysostomus, alii filiis suis militiam comparant, alii Divitias, honores: nemo filiis suis comparat DEUM. Perditionem illorum magnò pretiò comparant, salutem autem illorum nec donò accipere volunt: sed si viderint illos honoratos, lætantur: si viderint pauperes, tristantur: si viderint peccantes, non tristantur: ut ostendant quia corporum amatores sunt, non animarum. Hæc Chrysostomus. In tribus autem deficiebat ista mulier: in ordine, in intentione, in materia. In ordine erat perversitas: quia ante meritum petebat præmium: *Dic inquit ut sedeant*, qui nondum laboraverunt. In intentione carnalitas: credebatur, nempe hoc sibi deberi ex lege carnis, ideo dicit: *hi duo filii mei*, scilicet con-

sobrini Tui. In materia vanitas: quia pompam quærebat: ideo subdit; *Unus ad dexteram Tuam, & unus ad sinistram Tuam in Regno Tuo*. Ut ait Chrysostomus. Non solum prædicens discipulis suis de passione sua futura: sed etiã aptans perituræ mulieri locū, de-

*in Matth.* clinavit seorsū ab itinere, donec mulieres retrò veniētes occurrerēt.

Nec



Nec etiam credibile est mixtim cum Ipso ambulasse mulieres: sed longò intervallò separatim inter se ambulabant Christus cum discipulis suis primi, sequentes autem de longè mulieres. Et cum mater secundum informationem filiorum peteret pro eis, JESUS non respondit matri pro simplicitate ejus: sed filiis per eam petentibus, qui verba posuerunt in ore matris. Sciebat nempe ipsa missam à filiis, & informatà de petitione facienda pro eis: propter quod eis imputavit: quia quod per alios facimus, quodammodo per nosipsum facimus. Unde respondens duobus filiis, quorum consiliò Mater petebat, ostendit eos errare dicens: *Nescitis quid petatis*, scilicet mediante matre vestra quàm submisistis. Quasi diceret: Prælationem quæritis in cælo, quæ nulla ibi erit, & malè quæritis, regnare nempe vultis, qui non meruistis, & nec honore, sed onere pervenitur ad Regnum quod quæritis. Attendant ergo qui Regnum cælorum à Domino petunt, & parum pro hoc laborant, quod Christus suis discipulis & nepotibus responderit. Unde Beda: Nesciunt quid petunt, qui sedem gloriæ à Domino, quam nondum merebantur inquirunt, desiderabant enim regnare sublimiter cum Christo, sed prius erat pati humiliter pro Christo. Ubi & Chrysost. Intelligere ergo debemus & nos ut non illud à DEO petamus, quod nos bonum esse judicamus: sed orantes in potestate DEI ponamus ut illud exaudiat, quod Ipse nobis expedire cognoscit. Et iterum: Non enim solum debemus cogitare qualem gloriam consequamur, sed quomodo evadamus ruinam peccati, quia & in sæculari bello qui semper de præda victoriæ cogitat, difficile vincit. Ideo petendum erat, da nobis exemplum gratiæ Tux, ut omne malum vincamus. Hæc Chrysostomus. Per istos qui petierunt à Christo præ cæteris discipulis honorari, eò quod erant Ejus consanguinei, significantur ambiciosi, qui habentes Prælatum consanguineum, volunt per hoc in Ecclesia præ cæteris promoveri. Quibus bene respondetur, *nescitis quid petatis*. Nam honores Ecclesiæ non sunt dispensandi ex propinquitate sanguinis: sed ex idoneitate personarum, ratione scientiæ & virtutis. Et universaliter de omnibus ambiosis optimè potest dici, quod nesciunt quid petant, quia tales si promoventur malè intrant & possident. Cognoscens igitur Dominus eorum ignorantiam & errorem, quia indiscretè petebant, præsumentes pervenire sine merito ad gloriam tantam, reduxit eos ad viam, scilicet ad humilitatem, & nos invitat ad eam, per quam venit ad sublimitatem potius quàm per ambitionem. Ubi ostendit, quod in Prælati debet esse tenor humilitatis, quia non debent appetere, vel gaudere præesse aliis. Unde dixit eis: *Potestis bibere, calicem, quem Ego bibiturus sum?* id est passionem martyrii & mortem crudelem sustinere propter DEUM, quam Ego pro vobis, & multis ex charitate passurus sum voluntariè, ac si bibam illum ut delectabilem calicem, per quem debeo venire ad Regnum, non temporale (ut creditis) sed æternum. Per calicem, ferè ubique passio & martyrium intelligitur, tum quia sicut calix est vas, quo bibitur ad mensuram, sic passio cum mensura bibitur eò quod non permittit Dominus hominem tentari supra id quod potest, tum quia citò sicut potus transit, illud enim quod in præsentia est tribulationis momentaneum & leve est: tum quia delectat, nam passio & tribulatio à fidelibus pro consolatione recipitur, & in ea gloriantur. Est autem multum delicatus, qui non potest bibere potum, de quo bibit Dominus suus. Hanc autem passionem quam Matthæus calicem vocat, Marcus & calicem & Baptismum nominat, dicens: *Potestis bibere calicem quem Ego bibo, aut baptismo quò Ego Baptizor*, scilicet pro vobis baptizari? scilicet propter Metincturam sanguinis sui in sua benedicta passione, pro peccatorum emundatione vocat hic Baptismum. Unde Theophilus: Calicem autem & Baptismum crucem nominat calicem quidem tanquam potum ivaviter ab Ipso susceptum, baptismum verò tanquam emundationem nostrorū facientem peccatorum. Hæc Theoph: quasi diceretis, ante humilitatem passionis exaltari non poteritis: si vultis conregnare Crucifixo incumbit vobis tollere crucē Ejus exemplò, quia nemo nisi tollat crucē suā per martyrii passionē vel proximi cōpassionē, vel carnis morificationē, regnabit cum Crucifixo. Ubi Gregor. hō. Jam locum celsitudinis quærebant: ad viam illos veritas revocat, per quam

Beda in cap.  
10. Marci.

Chrysost: hō.  
35. operis  
imperfect.

Petēdū quid

Gregor. hō.  
17. in Evā.  
ad



ad celsitudinem venirent. Ac si dicatur: Jam vos locus delectat celsitudinis: sed prius via exerceat laboris. Per calicem pertingitur ad Majestatem.

*Chrysost. hō.* Si mens vestra appetit quod demulcet, prius bibite quod dolet. Sic per a-

*66. in Matt.* marum poculum confessionis, pervenitur ad gaudium salutis. Ubi & Chry-

*Idē. hō. 35.* solumus: Permodum interrogationis attrahit eos, ut ex communione, quæ operis imperf est ad Ipsum, auditiores fierent. Ac si dicat: Unde de honore & coronis loquimini, ego autem de agonibus & sudoribus disputo. Non enim est hoc præmiorum tempus: sed occisionis, præliorum & periculorū. Et iterum: Nunquid nesciebat Dominus, quia passionem Ipsius poterant imitari? Sed ideo eis dicit, ut Domino interrogante: & eis respondentibus omnes nos audiamus quia nemo potest cum Christo regnare, nisi passionem Illius fuerit imitatus. Si-

*1. Tim. 2.* cut ait Apostolus: *Si commortui sumus, & convivemus. Si sustinemus, & conregnabimur.* Res enim pretiosa, vili pretio non comparatur. Magnum laborem

*Passionis* necesse est nobis impendere, si volumus ad Regna Cœlestia pervenire. Passio-

*Dominicæ* nem autem Domini dicimus suscipere nos debere: non solum persecutionem

*susceptio.* Gentilium, sed omnem laborem & molestiam quam patimur contra peccata certantes. Nam si Gentiles defecerint, qui persequantur: nunquid ideo

prompta voluntas, fidelium debet sine fructu & sterilis permanere? Ideo & si Gentiles non habes qui te persequantur, habes principem Gentilium diabolum, qui hominem persequi non cessat. Si ergo principem potes vince-

re in peccato, non est magnum superare principes ejus in corpore. Ecce ostendam tibi magnam & insufferibilem persecutionem in corpore tuo. In-

cipe resistere desideriis tuis, & tunc intelliges quàm fortes sunt spiritus de-

sideriorum malorum qui Te persequuntur. Hæc enim pugna periculosa, & hæc est gloriosa victoria, qui potuerit odere quod amat, & amare quod

*Hierō. in c. odit.* Hæc Chrysostomus. Unde & Hieronymus: Non solum effusio san-

*20. Matth.* guinis pro nomine Christi martyrium reputatur: sed devotæ quoque mentis servitus, quotidianum martyrium est. Illa corona de rosis & violis, ista de liliis. Et illi respondentes dixerunt *Ei possumus* loquuntur sicut inexperti

propriæ fragilitatis: quod per effectum patuit, quia in passione Christi fuge-

*Chrysost. hō.* runt timore mortis. Ubi Chrysostomus: Responderunt autem promptè ex-

*66. in Matt.* spectantes in Eo quod petierunt exaudiri: JESUS autem ait eis: *Calicem quidem*

*meum libetis, & Baptismo qui Baptizor Baptizamini,* id est passiones propter me

sustinebitis, vel actu, vel voluntate. Nam dissimiliter passi sunt, unus sus-

tinendo actu, alter affectu: unus occisus, alter in ferventis olei dolium, & etiam in exilium, quod est quædam mors civilis missus. Ubi Chrysostomus:

Dominus autem eis prophetat magna bona, id est, martyriū dignos effici-

*Idem. ibidē.* endos. Deinde Dominus subjungit: *Sedere autem ad dexteram meam* in gaudio

æternitatis, & *ad sinistram* in perfruitione humanitatis, *non est meum* ex ordine

justitiæ quæ respondet meritis, *dare vobis,* ratione consanguinitatis, vel sicut

adhuc estis indispositi quia ex superbia Regnum temporale quæritis, *sed quibus*

ex meritorum ordine *paratum est,* id est, propter merita ab æterno dispositum, à *Patre meo Cœlesti,* scilicet humilibus & ad hoc dispositis, sicut vos aliquando eritis. Præordinavit enim DEUS quod nullus ad Regnum perve-

niat, nisi bene meritis & dignus fuerit. Non est enim personarum Acceptor DEUS: ut scilicet personaliter aliquem accipiat, sine meritis in dando

*Aug. lib. 7.* salutem æternam: quia, secundum August: dilectio æqualis facit non acce-

*de Trinit.* ptare personas. Unde Beda: Non est meum vobis dare, id est superbis: hoc

*cap. 12.* enim aliis paratum est, & vos alii estote, id est humiles, & vobis para-

*Beda in c. 10.* tum est. Unde & Chrysostomus. Paratum est, quippe Regnum cœlorum

*Marci.* DEUM diligentibus: sicut convivium paratur amicis, mundum contemnen-

*Chrysost. hō.* tibus: sicut domus DEI vel hospitale paratur pauperibus, qui non habent

*66. in Matt.* domos alias: veris humilibus sicut parvulis paratur cibus, & vestitus mis-

ericordiam egenis impendentibus: sicut paratur honor pro honore, bonum

pro bono finaliter perseverantibus: sicut operariis paratur merces reddenda

in sero post opus. Et audientes decem alii, scilicet Apostoli, indignati sunt de

duobus fratribus, qui se à decem separaverant: trahentes Christum seorsum, &

*Chrysost. hō.* ignorantes mensuram suam, volebant sociis suis præferri: quia adhuc Ipsi

*35. operis* decem erant carnales sicut & illi duo alii. Ubi Chrysost: Quemadmodum

imperfecti.



isti carnaliter petierunt: sic & illi carnaliter contristati sunt. Nam sicut isti si spiritualiter sapuissent non fuerant petitori ut essent super omnes: sic & illi si spiritualiter intellexissent, non fuissent contristati ante se esse aliquos: nam velle quidem esse ante omnes vituperabile est: sustinere autem alterum super se nimis est gloriosum. Et iterum: Si indignati sunt quia isti ausi sunt hoc per matrem petere: quantomagis turbarentur si petitio eorum fuisset suscepta. Et ideo neq; dixit non sedebitis: ne duos confunderet: *Indignatio* neque dixit, sedebitis: ne cæteros irritaret, sed tanquā benignus Pater sic re-*Discipulorū* spondit, ut inter fratres concordia nō rumperetur, & omnes sperare faceret dicens: *nō est meū dare, sed Patris.* Nā quod uni aut duobus specialiter nō promittitur, à cunctis speratur. Hæc Chrysost: Ut autē dicit Teophilus, tunc sic imperfectè se habebant Apostoli, sed postea in primatibus sibi cedebant adinvicē: vide quia ex hoc quod procurabatur promotio duorum fratrum, alii decem Apostoli fuerant indignati, sic est de multis hodie qui eō Ipsō quod vident alios promoveri, invident statim & indignantur. Humilis autem Dominus, ac pius Pater, & mitis Magister, nec cupiditatis & ambitionis duos arguit postulantes, nec decem reliquos indignationis increpat & livoris, sed ipse misericors & benignus, qui est Pax nostra utraque faciens unum, quos ad Apostolatū vocaverat, & affectu sejunctos aspexit, duos per superbam postulationem, decem per indignationis turbationem, ad se tanquam ad salutis medium, quō mitigarentur: tanquam ad pacis vinculum, quō unirentur: tanquam ad virutis Magistrum, quō instruerentur vocavit, ut ab errore revocaret, ut pacem reformaret: ut regulam debitæ prælationis erudiret, ut non esset denarius sine binario charitatis. Et utrosque reprimens cepit eos docere de humilitate, per quam honor cœlestis acquiritur & terrenus contemnitur dicens: *Reges & Principes gentium dominantur*, violenta dominatione & potestatis ambitione eorum, id est populorum subditorum: & est hic relatio ad intellectum, & qui *Majores sunt potestatem exercent in eos*, scilicet humiliantes eos per suam potentiam & angarifantes. Quasi diceret, apud terrenos habet locum dominatio, & domini executio: quia desiderare primatum, & usurpare honorem gentium est: & nontantum regere suos subiectos, sed etiam violenter eis dominari. Unde Chrysost. Ostendit au-*Chrysost. hō.* tem in hoc, quod gentile est primatus cupere, & sic gentium comparatio-*66. in Matt* ne eorum animam æstuantem convertit. Et quia nihil sic corda hominum ab unitate pacis separat, sicut superbia: ideo Dominus ad humilitatem eos reducit docens hos & illos non venturos ad Regnum, nisi per humilitatem. Non, inquit, ita erit inter vos sicut est inter mundi hujus potestates, ut ille cæteris dominetur, qui major cæteris videtur. Majoritas enim in Regno *Majoritas* meo non eodem modō acquiritur, sicut in Regno terreno: quia in regno *in regno Dei* terreno acquiritur per ambitionem & potestatem, sed in Regno meo acquiritur contrario modō scilicet per humilitatem. Quasi diceret: Vos more secularium petitis, & vultis per prælationem venire ad requiem & Regni possessionem, cū ē contra ad summam virtutum ascendatur non imperando, sed ministrando, & ideo non ita erit inter vos, sicut inter eos. Nam in Regno terreno Prælati sunt Domini, sed vestrum regnum non est terrenum, sed spirituale: unde per oppositum debet in vobis esse, quia Prælati Ecclesie sunt ministri. Unde & Origenes: Inter vos autem qui estis mei, non *Origenes* erunt hæc. Quoniam qui principes sunt spirituales, Principatus eorum in *tract. 12.* dilectione subditorum debet esse positus non in timore corporali. Unde in *Matt.* subdit: *Sed quicumque sive nobilis, sive ignobilis, voluerit inter vos major fieri: sanctitate & dignitate, sit vester Minister*, non primatum ambiendo, sed humiliter ministrando, & se in obsequiis humilitatis exercendo, & qui voluerit *inter vos primus esse*, id est, primatum habere: *erit vester servus*, & omnium novissimus: non ex conditione, sed ex charitate: non ex pusillanimitate, sed ex humilitate. Unde Beda: In quo docet eum Majorem esse qui minor *Beda in cap.* fuerit, & illum Dominum fieri qui omnium servus sit. Frustra igitur aut *10. Marc.* illi immoderata quæsierant: aut isti dolent super majorum desiderio, cū ad summam virtutum non potentiā sed humilitate veniatur. Ubi etiam *Chrys. hō. 35* Chrysost. Fructum humilitatis posuit primatum cœlestem, & in primatu ter-*operis imperf.* restri



reſtri fructum poſuit confuſionem cœleſtem: ut quicunq; deſiderat primatū cœleſtem, ſequatur humilitatem terreſtrem, quicunque autem deſideraverit primatum in terra, inveniet confuſionem in cœlo: ut iam inter ſervos Chriſti non ſit de primatu certamen, nec feſtinet unusquiſq; eorum quomodo aliis major appareat: ſed quomodo inferior videatur. Quoniam non qui major fuerit in honore, ille eſt juſtior: ſed qui juſtior fuerit, ille eſt major. Cōverſatio ergo melior eſt deſideranda, non dignior gradus. Et opus quidem deſiderare bonum eſt: quia noſtræ voluntatis & noſtra eſt merces: primatum autem honoris concupiſcere, vanitas: hoc enim conſequi judicium DEI eſt, propter quod ex primatu honoris neſcimus ſi mercedem juſtitie meremur. Neque enim Apoſtolus laudem habebit apud DEUM, quod Apoſtolus fuit: ſed ſi opus apoſtolatus fui bene implevit. Primatus etiam fugientem deſi-

*Principes mū  
di & Eccle.*

derat, deſiderantem ſe horret. Volens ergo Dominus & duorum illorum ambitionem extingvere, & juſtorum decem Apoſtolorum invidiam: introducit differentiam inter principes mundanos & Eccleſiaſticos, oſtendens quoniam primatus in Chriſto, nec ab aliquo appetendus eſt non habente: nec alteri eſt invidendus habenti. Quoniam Principes mundi ideo ſunt, ut dominantur minoribus ſuis ut ſerviſcent eos, & ſpolient eos, & comendant eos, & uſque ad mortem abutantur vitā eorū ad ſuas utilitates & glorias. Principes autē Eccleſiæ ſunt ut ſerviant minorib; ſuis: & miniſtrent eis quæcunq; acceperunt à Chriſto: ut ſuas utilitates negligant, & illorum procurent: & ſi opus fuerit, neq; mori recuſent pro ſalutē inferiorum. Si ergo hæc ita ſe habent, ſacularem quidem primatum deſiderare etſi ratio non eſt, vel cauſa eſt: quia ſi

*Primatus  
Eccleſiaſtici  
appetitio.*

juſtum non eſt, vel utile eſt. Primatum autem eccleſiaſticum concupiſcere, neque ratio eſt, neque cauſa: quia neque juſtum eſt, neque utile. Quis enim ſapiens ultro ſe ſubiicere feſtinat ſervituti, dolori, labori, & (quod majus eſt) tali periculo ut det rationem pro omni Eccleſia apud Judicem juſtum, niſi forte qui nec credit judicium DEI, nec timet: ut abutens primatu ſuo Eccleſiaſtico ſaculariter, convertat in Eum ſaculare. Hæc Chryſoſt. Et quia in moralibus magis movent facta quàm verba: ideo qui cæpit facere, & docere ex his quæ egit demonſtrat quod docuit: ut ſi dicta parvipenderent, erubeſcerent ad opera: & inducit ſuiſpius exemplum, ſive dat ſeipſum eis in exemplum: dicens. *Sicut filius hominis non venit in mundum miniſtrari*, & miniſterium ab aliis accipere, vel temporaliter dominari. Non enim legimus diſcipulos Eum diſcalceaffe, non manicas, cū lavaret tenuiſſe: non genib; provolutos ante Eum hoc vel hoc egiſſe, vel aliud huiſmodi ſibi feciſſe: ſed omnes ſimul comedebant, ſibiq; ſine prælatione ſerviebant. Erubeſcant ergo qui hæc à ſervis ſuis quærunt: quia in hoc Chriſtum præire contendunt. Sed potius venit *miniſtrare*, & miniſterium aliis impendere: ſicut patet in lotionē pedum, in diſtributione panum, in reſtitutione ſanctitatum: in diſcurſu ad præ-

*Orig. tract. 12. in Matt.* dicandum. Ubi Origenes. Nam etſi Angeli & Martha miniſtraverunt Ei: non tamen ideo venit ut miniſtraretur, ſed ut miniſtraret. Eccleſiarum ergo Prin-

*Principes* cipes imitari debent Chriſtum accēſibilem, & pueris manus imponentem, & *Eccleſiarū.* diſcipulis pedes lavantem, ut & ipſi ſimiliter faciant fratribus. Non autem

tales ſumus ut etiam Principum mundi excedere ſuperbiam videamur, vel non intelligentes vel contemnentes mandatum Chriſti & quærimus ſicut Reges acies præcedentes, & terribiles nos & accēſſu difficiles maximē pauperibus exhibemus, nullam affabilitatem habentes, vel habere ad nos permit- tentes. Hæc Origenes. Et non tantum prædictō modō miniſtrare venit, ſed etiam *dare animam ſuam*: id eſt vitam in redemptionem pro multis, id eſt pro his qui credere voluerunt. Pro omnibus quidem, quantum ad ſufficientiam, ſed pro multis, non pro omnibus, quantum ad efficaciam. Non ſolum ergo quodcunq; miniſterium exhibuit Chriſtus, ſed miniſtravit nobis id quod ſummē eſt pretioſum, & eximie charitatis, ſcilicet ſeipſum in pretium noſtræ redemptio-

*Bernard. nis.* Unde Bernardus. Bonus miniſter qui carnem ſuam in cibum, ſanguinem *ſerm. 54. in in* potum animam miniſtrat in pretium. Unde & Beda: Et hoc quoque Ma- *cantica.* joribus Eccleſiæ præcipuum genus miniſtrandi, imitando oſtendens ut non ſo- *Beda in cap.* lum miſericordes, eleemoſynæ, doctrinæ ſalutaris, ſpiritualis exempli mini- *10. Marti.* ſteria fratribus impendamus, verumetiā ſicut Ille pro nobis animam ſuam po-

ſuit:



fuit, ita & nos adinvicem animam ponere discamus. Unde etiam *Chrysostomus* Rex Cælorum existens, homo voluit effici, & contemni, *hom. 66.* & convitia pati: neque in his suffecit, sed ad mortē venit, & animā *in Matth.* dedit pretium redemptionis, pro multis etiam inimicis. Tu quidem *Christi ima-* si humiliatus fueris, pro temetipso facis, ipse autem pro te. *ginem gere-* Quantumcūq; ergo humilitatis fueris, non potes tantam descende- *re debemus.* re sicut Dominator tuus. Et iterum: Ad hoc enim ad Imaginem Christi facti sumus, ut imitatores efficiamur voluntatis Ejus & conversationis. Sed in hoc sumus imago Ejus, ut quod Ei bonum videtur, & apud nos sit bonum, & quod Ei malum videtur, & apud nos sit malum: quicūq; autem Domino humilitati studente, jactantiæ studet, non est imago Ejus. Et qui Domino paupertatem amante, divitiarum amator est in hoc sæculo, repellit à se Christum similitudinem. Non est verus discipulus, qui non imitatur Magistrum, nec est vera imago, quæ similis non est Authori. *Matth. 10.* Hæc *Chrysostomus*. Humilia igitur teipsum, & imitare Magistrum & Dominum tuum. Vituperabile enim valde est, ut discipulus se erigat, ubi Magister se inclinat, & quod servus sit superbus, ubi Dominus est humilis, quia non est discipulus super Magistrum, nec servus super Dominum suum. Quia enim homo per superbiam cecidit, necesse est ut per humilitatem resurgat.

## DE UNO CÆCO ANTE INGRESSUM

Hierici illuminato.

C A P U T XXII.

**F**Actum est autem ut appropinquaret Dominus JESUS Hierico, *Marci 18.* quæ est Urbs inter Galilæam unde ascendebat, & Hierusalem *Lucæ 18:* quò ibat: distans duabus leucis à Jordane, & septē à Hierusalē, & sita ad ejus partem Orientalem. Hæc Civitas quondam nobilis nunc autem humilis ad solum destructa est, & sola domus Raab, in signum fidei remanet. Ejus enim adhuc parietes sine culmine durant. Juxta *4. Reg. 2.* Hierico fons est dulcis ad potandum, pingvis ad rigandum, qui quondam amarus ad potandum, & sterilis ad rigandum, per Hæliseum sanatus est: hic fons sub monte Quarentanæ oritur, & deinde Hierico, quæ duobus miliaribus inde distat, derivatur. Ad hanc ergo Civitatem Dominus declinavit. Ut secundum Hieronymum, *Hieronymus* sanaret in ea multos malè habentes. *in cap. 10.* Et tunc cæcus quidam, *Marci 11* qui sedebat juxta viam mendicans cum turbam prætereuntem audiret, & JESUM transire perciperet, misericordiam cum clamore non tantum exteriori, sed etiam interiori petebat dicens: *Psal. 144.* JESU Fili David, miserere mei. In quo cæcus iste utramq; naturam in Christo confitetur, scilicet humanam in eo quòd dicit, JESU Fili David: à David enim carnem suscepit. Divinam in eo quòd dicit, miserere mei, proprium est enim DEO misereri creaturæ suæ quam condidit, secundum illud Psalmistæ. *Miserationes Ejus super omnia opera Ejus.* Unde Cyrillus: Iste cæcus in Judaismo nutritus, non ignoravit quòd de progenie David DEUS secundum carnem nasceretur: & ideo Ei ut DEO & Homini loquitur. Et licet increparetur à turba prætereunte, & Doctrinam Christi auscultante, ipse tamen multò magis clamando petebat sibi misereri, timens ne ex increpatione impedire-



diretur auditio & exauditione petitionis suæ. JESUS verò tandem propter suam benignitatem stetit, quia cæcus Eum sequi non potuit, & jussit eum adduci ad se, ne turba prohiberet, & ut occasionem sanandi haberet. Magnæ pietatis in Christo signum fuit, quando ipsum cæcum expectare voluit, & ad se adduci fecit. Unde Cyrillus: Sistit autem Christum vox & invocantes in fide respicit: Et ideo vocat cæcum, & accedere jussit, ut scilicet qui prius fide Eum tetigerat, appropinquet & corpore. Sic deberent facere nostri Principes, cum viderent pauperes, cōquerētes, scilicet stare, & facere vocari ad se, ut audirent eorum querimonias, facerentq; eis justitiam expedire. Et interrogavit eum, quid vellet; non quod hoc ignoraret, sed ut ejus confessionē approbaret, & secundum Ambrosium: ut sciremus nisi confitentem non posse salvari, & ut cor ejus ad orationem excitaret, & lumen quod ex sua bonitate largiturus ei erat, ad sui petitionem tribueret, quia non sanat invitos, sed voluntarios. Unde Augustinus: Qui creavit te sine te, non justificabit te sine te. Unde Ambrosius: Vult omnes homines salvos fieri. sed si accedat ad Eū, non enim sic vult, ut nolentes salvētur, sed volentes, non enim vera salus est si nolenti tribuatur. Item secundum Cyrillum, interrogavit, ut scirent adstantes quod non pecuniam, sed Divinam efficaciam à DEO petebat. Vide & hinc Domini clementiam, quia non dedignatus est non solum stare, sed & alloqui personam vilem & pauperem. At ille respondens, dixit; Domine ut videam, ubi miseriam & necessitatem suam insinuat, ac remedium & revelationem, nec aliquid aliud præter hoc postulat. Voluit ergo Dominus audire confessionem, qui tamen non ignorat mentis intentionem, ut cognoscamus non nisi confitentem posse sanari ab infirmitate spiritus. Unde hunc cæcum salvare noluit quamdiu clamavit in generali, miserere mei, sed postquam specialiter insinuavit miseriam, cujus revelationem sibi misericorditer fieri postulavit, tunc eum sanavit. Petiit enim ut videret & JESUS, verbo potentissimò, quod dixit fiat & factum est: dixit illi respice. Breve verbum, sed in operatione efficacissimum, & quia in fidem credentium verbum Domini operatur, ideo subjungitur: Fides tua salvum te fecit. Et fide enim impetratur salus corporalis, & spiritalis, & æternalis, & confestim vidit & sequebatur Illum magnificans DEUM, id est; magnū dicēs Illū: nō magnitudine molis, sed virtutis. Nō sufficit lumen recepisse, nisi etiā lumen sequatur, ne ambulet in tenebris. Ecce ergo signum illuminationis perfectæ & in animā & in corpore. Unde secundum Cyrillum, patet quod iste cæcus à duplici cæcitate liberabatur, scilicet corporali, & intellectuali, neque enim Eum ut DEUM glorificasset, nisi vere vidisset. Ubi & Theophilus: Grata enim erat anima cæci, in eo quod sanus effectus JESUM non reliquit, sed secutus est Eum. Et non solum fuit illuminatus cæcus, sed & aliis factus est occasio glorificandi DEUM, & omnis plebs illuminata est, ut Divinum aliquid in Christo cognosceret. Unde sequitur, & omnis plebs ut vidit, dedit laudem DEO, glorificando facta DEI, congratulando utilitati proximi. Hoc enim sibi retinet Dominus de beneficiis suis, scilicet gloriam. Unde ait: gloriam meam alteri non dabo, nobis autem reliquit utilitatem. Et nota secundum Glossam quatuor causas istius laudis. Prima, est pro exauditione clamoris istius pauperis. Secunda, pro potentia & misericordia illuminantis. Tertia, pro Eius impetrato munere lucis. Quarta, pro merito fidei



eius qui illuminatus est, secundum Gregorium, quia carnales ad- *Gregorius*  
huc discipuli, non valebant capere verba mysterii, venit ad mi- *hom. 2. in*  
raculum: ante eorum oculos cæcus lumen recepit, ut eos ad fidem *Evangelia.*  
Cœlestia facta solidarent. Et secundum Theophilum: ne incessus  
Domini essent inutiles, fecit cæci miraculum hoc documentum  
discipulis suis dans, ut in omnibus simus proficui: & nihil nobis oti-  
osum mysticè, secundum Gregorium, cæcus à Domino illuminatus, *Idem ibid.*  
est genus humanum: quod in Parente primo claritatem supernæ lu-  
cis ignorans, damnationi suæ tenebras accepit: Hierico autem in-  
terpretatur luna, quæ dum menstruâs momentis decrescit, defectum  
nostræ mortalitatis designat. Cum igitur Conditor noster appro-  
pinquat Hierico, cæcus ad lumen redit: quia dum Divinitas defe-  
ctum nostræ carnis suscepit, humanum genus lumen quod ami-  
serat recepit: qui æternæ Lucis claritatem nescit cæcus est. Si autem *Joann. 14.*  
jam in Redemptorem credit: qui dixit, ego sum Via: juxta viam se-  
det. Si verò credit & exorat ut æternum lumen recipiat, juxta vi-  
am sedet & mendicat. Quisquis ergo cæcitatæ suæ tenebras agno-  
scit: quisquis hoc quod sibi deest lumen æternitatis intelligit clamat  
medullis cordis, clamat & vocibus oris, dicens, *JESU Fili David,*  
*miserere mei.* Illi autem qui JESUM venientem præcedunt, & cæcum  
increpant, designant carnalium desideriorum turbas tumultusq; vi-  
tiorum: quæ priusquam JESUS ad cor nostrum veniat, cogitatio-  
nem nostram dissipant, & voces cordis in oratione perturbant, ne  
JESUS ad cor illuminandum accedat. Sicut enim turba cæcum im-  
pedit, ne lumen corporale recipiat: sic spiritualiter turba phantasi-  
arum & cogitationum frequenter impedit, ne lumen gratiæ re-  
cipiant. Sed in eo quod cæcus, quem turba increpat, magis cla-  
mat: datur nobis exemplum quod quanto plura nobis occurrunt  
impedimenta, tantò magis est clamandum: & quanto graviori tu-  
multu cogitationum premimur, tantò orationi attentius est insisten-  
dum. Unde Hieronym. Comminantur autem multi ei ut taceat: *Hieronymus*  
quia peccata & dæmonia compescunt clamorem pauperis. Sed il- *in cap. 10.*  
le magis clamabat quia gravescente bello manus ad Lapidem adju- *Marci.*  
torii, hoc est JESUM Nazarenum, cum clamore levandæ sunt. Un-  
de & Cyrillus: increpabant eum ut taceret: sed per inhibitiones hu-  
jusmodi non impediabatur ejus audacia. Novit enim fides omni-  
bus repugnare, & in omnia triumphare: utile est enim pro cultu  
Divino pudorem deponere. Nam si causa pecuniæ sunt impuden-  
tes nonnulli, quare pro animæ salute non decet bonam induere im-  
pudentiam? sed cum cæcus primò clamaret, JESUS transire dicitur:  
cùm autem multò magis clamaret, stat JESUS: quia cùm adhuc tur-  
bas phantasmatum in oratione patimur, JESUM aliquatenus tran-  
seuntem sentimus: cùm verò orationi vehementer insistimus, DE-  
US in corde figitur, & lux amissa reparatur. Ex quo docemur quod  
si in oratione primò senserimus JESUM nos quasi pertranseuntem  
post paululum instanter perseverantes, sentiemus nobiscum stan-  
tem. Interrogant autem cæcum, quid velut ut eum ad orandum  
excitet: quia peti vult hoc quod & nos petere & se concedere præ-  
noscit. Pius enim Dominus sua dona gratuita nostra vult esse me-  
rita: nec vult bonum nostrum invitum & coactum, sed spontaneum  
& voluntarium: & quod nobis sponte largitur, vult nostris petiti-  
onibus tribuere. Et ideo quamvis sciat quid nobis necesse sit ante-



tequam petamus, importunè tamen nos ad petendum invitat di-  
 ceus: *Petite autem & accipietis, quærite & invenietis, pulsate & aperie-*  
*Matth. 7. Orandi mo-tur vobis.* In cæci autem petitione discimus, quia in oratione non  
 dus. aurum, non argentum, non fugitivos honores: non longævam vi-

tam, non vindictam inimicorum: non aliquod temporale sed ineffa-  
 bile lumen quærere debemus: hoc est, ut Ipsum qui illuminat o-  
 mnem hominem venientem in hunc mundum videre possimus,  
*Matth. 6.* juxta quod Ipse admonet dicens: *Quærite primum Regnum DEI &*  
*justitiam Ejus, & hæc omnia adicientur vobis.* Ad illud lumen autem  
 videndum profecto via fides est: quia fides eum salvum fecit: videns  
 autem confestim præeuntem JESUM sequitur quoniam quis bo-  
 num quod intelligit intuitu Ejus operatur & eum imitatur. Quanto  
 ergo quisque plus à D E O illuminatur, tantò amplius & per-  
 fectius in bonis operibus exercere se debet: sicut iste cæcus rece-  
 pto lumine non piger remansit, nec retrò rediit. Et hic talis non  
 solum in DEUM proficit: sed etiam alios ad laudem DEI accendit.

*Gregorius* Ubi Gregorius: Si ergo fratres charissimi cæcitatem jam nostræ pe-  
*hom. 2. in* regrinationis cognoscimus, si credendo in Redemptoris nostri my-  
*Evangel.* sterium juxta viam sedemus: si exorando quotidie ab Authore no-  
 stro lumen petimus, si tandem lucem jam per intellectum videndo  
 illuminati post cæcitatem sumus, JESUM quem mente cernimus  
 opere sequamur. Aspiciamus quò graditur, & Ejus vestigia imitan-  
 do teneamus. Ecce cum sit Dominus & Creator Angelorum, susce-  
 pturus naturam nostram in uterum Virginis venit. Nasci tamen  
 per divites noluit, Parentes, Pauperes elegit, prosperari in mundo  
 noluit: opprobria irrisionesq; tolleravit: sputa, flagella, alapas, spine-  
 am coronam, Crucemq; sustinuit. Et quia rerum temporalium de-  
 lectione à gaudio æterno cecidimus, cum qua amaritudine illuc  
 redeatur ostendit. Quid itaq; homo pro se pati debet, si tanta DE-  
 US pro hominibus pertulit? diverso quippe itinere ambulat si gau-  
 dia delectationesq; appetit, cui Dux suus viam amaritudinis osten-  
 dit: Si ergo retributionis gaudium in perventione quærimus, pœ-  
 nitentiz amaritudinem in via teneamus. Si itaq; sit ut non solum  
 nostra in DEUM vita proficiat: sed hæc ipsa nostra conversatio ad  
 laudem DEI, & alios accendat. Hæc Gregorius. Hæc etiam quæ  
 de cæco dicta sunt, ad unumq; peccatorem hoc modo referri possunt.  
 Qui enim criminale peccatum committit in opere, cæcus est in men-  
 te. Sed si iter veritatis ingredi cupiens pro æterna vita cæperit co-  
 gitare, & ad DEUM post peccatum flendo, & veniam petendo re-  
 dire: secus viam sedet, & mendicat. Prætereuntes verò silentium  
 cæco imponere volunt: quia immundi spiritus acrius cōtra eū quē  
 ad veniam redire viderint consurgunt, & ne peccator ad pœniten-  
 tiam redeat contradicunt. Nec solum immundi spiritus: sed etiam  
 ipsa consuetudo peccandi durius incipit rebellare, cum senserit post  
 assveta mala ad virtutes hominē velle redire. Sed quò acrius se  
 sentit impugnari à malignorū spirituū tentatione, seu ab ipsa pec-  
 candi consuetudine, eò fortius debet exēplō hujus cæci pugnare  
 in oratione clamando, per desiderū, ad DEUM: clamor enim ma-  
 gnus, magnū indicat desiderū. Et verè expedit peccatori clama-  
*Psal. 118.* re: quia longè distat à DEO longè enim à peccatoribus salus. Et  
 secūdū Hugonē. Si ad primas lachrymas, vel preces DEUS non exau-  
 dit, homo preces iterare non desinat: magna enim munera sunt  
 multis



multis precibus comparanda. Neque enim Divina pietas adiutorium se petenti negavit, si ille orando a petitione non defecerit. Nec de suis meritis aliquid presumat, sed in Illius misericordia confidat cui per Prophetam dicitur: *In DEO faciemus virtutem, & Ipse ad nihilum deducet inimicos nostros.* Quamquam autem misericordiam Dominus poenitentibus exhibeat, quale auxilium pugnantibus contra peccatum præbeat, consequenter declaratur. Qui enim prius transibat, propter tentationes quas in oratione patimur, si in oratione perseveravimus, quasi stans nos ad se adduci jubet, quando tranquillitatem mentis redditam dulcedine suæ contemplationis, vel tenuiter manifestat. Et quia in oratione ante omnia æternam gloriam querere debemus, recte cæcus lumen à Domino petisse fertur. Et quoniam quicumque non negligit poenitere de venia, non debet desperare: recte dicitur fides tua te salvum fecit. Quicumque enim hora peccator verè poenitendo ingemuerit, & conversus fuerit salvus erit. Secundum Augustinum. Si Hierico lunam, & ob hoc mortalitas interpretatur, morti propinquans Dominus judæis solis lumen Evangelii jusserat prædicari: quos significavit iste unus cæcus ante ingressum Hierico illuminatus, quem Lucas commemorat. A mortuis autem resurgens atque ascendens, & judæis & gentibus quos duos populos significare videntur duo cæci post egressum Hierico illuminati: de quibus Matthæus narrat.

Psal. 59.

Ezech. 18.

Aug lib 2.

quest. Evan.

cap. 48.

## DE ZACCHÆO ET EJUS CONVIVIO.

### C A P U T XXIII.

Deinde eadem die Dominus JESUS ipsam Urbem Hierico ingressus, ambulabat per eam, turbâ non modicâ stipatus. Hierico significat mundum, quem intravit in incarnatione, ambulavit in sua conversatione, sed perambulavit in sua passione, ex qua perambulatione facta est salus Domus Ecclesiæ, mundus est perambulandus, quia per eum est citissime transeundum, & nullô modo per inordinatum amorem vel affectionem est ibi sistendum vel inhærendum. Vix enim est aliquis qui non inficiatur, si circa mundi negotia implicetur. *Zachæus*, autem qui erat non tantum publicanus, sed & *Princeps publicanorum*, & primus inter illos qui vacabant publicis actibus, scilicet exactionibus & vectigalibus quæ implicant ad peccatum, ac dives, quia in acquirendo avarus, & temporalibus implicatus, ex quo in ejus vocatione apparet major DEI misericordia, & Divinæ pietatis abundantia. Desiderabat ex devotione *videre JESUM*, beati enim oculi qui vident Ipsum, & non poterat præ turba, sequente Eum, quia *statura pusillus erat*, & corpore secundum quantitatem, & mente secundum humilitatem. Ex quo patet devotio popularium ad Christum, quia tanta turba sequebatur Eum. *Et præcurrens*, id est, præ aliis currens, *ascendit in arborem ficomorum ut videret JESUM*, inde transeuntem. Unde Beda: Quæ Beda in cap. 19. Luca. impossibilia sunt apud homines: possibilia sunt apud DEUM. Ecce enim camelus depositâ gibbi sarcinâ per foramen acûs transit, hoc est dives & publicanus relicto onere divitiarum contempto censu fraudum, angustam portam, arctâque viam quæ ad vitam ducit ascendit. Qui mira devotione fidei ad videndum Salvatorem, quod natura

Luca 19.

Beda in cap.

19. Luca.



Zacchai in  
arborē ascen-  
dentis imi-  
tatio.

turā minus habebat, ascensu supplet arboris: atq; ideo justē quamvis ipse rogare non audeat, benedictionem Dominicæ susceptionis accipit quam desiderabat. Hæc Bēda Sycomorus est arbor in foliis moro similis, & in aliis ficui, sed stipite distans, & altitudine præstans. Unde & à Latinis celsa dicitur: & interpretatur ficus fatua, quia arbor est sterilis: sicq; dicitur sycomorus, id est: sicut morus, vel scribitur symocorus pro sicomoro, vitiō scriptorum. Unde secundum Josephum, potius deberet dici sicomorus, quia componitur ex natura fici, quò ad lignum. & ex natura mori, quò ad folia. Sycomora quoq; dicuntur quædam poma ficis similia, fructus autem mori liquorem sanguinis similem habet: Unde dicitur quoddam ostenderunt elephantis sanguinem uvæ, & mori, ad acuendum eos in prælio, scilicet corporali. Et ideo morus crucem signat ejus fructus Ipse Christus dicitur in eo suo sanguine rubricatus, qui sanguis nobis per recordationem ostensus acuit nos in prælio spirituali. Dominica enim Crux credentes alit, ut ficus, ab incredulis irridetur ut fatua, quia judæis est scandalum, gentibus verò stultitia, sed credentibus virtus DEI est. Hæc ergo arbor in quam pusillus staturā Zacchæus ut exaltari posset ascendit: arbor fidei & crucis est, ad quam multi venientes & in eam ascendentes, quamvis staturā parvuli fuissent: & nondum in scientia & perfectione multum crevisset, inde tamen JESUM videre & cognoscere meruerunt. Hujus arboris fructus sanguineus est: per quem martyres significantur, qui tam firmiter huic arbori inhaerent: ut potius occidi & proprio sanguine cruentari, quàm à sua arbore, id est: à Christi fide & cruce valeant separari. Hanc debemus ascendere per fidem & meditationem, aliter JESUM videre non possumus: quia statutā pusillissimus: non enim sufficiunt nostra merita, sine merito passionis crucis Christi. Hanc pusillus, ut exaltari possit, ascendit: dum quilibet humilis, & propriæ infirmitatis conscius, terrena relinquendo, & pravos actus deferendo, altioraq; petens & in Domino confidens, in virtute Crucis gloriatur clamans cum Apostolo. *Mihi autem absit gloriari, nisi in Cruce Domini nostri JESU Christi: cui lignum Crucis est gloria, salus vita, & per hanc laudabilem fatuitatē Dominū cernere meretur.* Non enim, inquit Apostolus, *Prædicamus Christū Crucifixū, judæis quidem scandalū, gentibus autem stultitiā.* Ecce sycomorū ascendere & tu lignū ubi pro te pependit Jesus, & videbis Jesū. Unde Augustinus: *serm. 8. de Apprehendit Zacchæus symocorum: ascendat humilis Crucem: parum est, ascendat: ne de Cruce erubescat, in fronte illam figat ubi sedes pudoris est.* Ibi omnino ibi, in quo membro erubescitur, ibi figatur: ubi non erubescatur putas quia irrides symocorum: Et ipse efficit videre JESUM. Hæc Augustinus. Quicunq; etiam humiliatur propter JESUM, hic infatuatur juxta mundum: qui solus tamen sapiens est: Quia quod stultum est hominibus, sapiētia est DEI: & hic Dominum videre meretur. Unde Gregorius: Si veraciter sapientes esse, atq; ipsam Sapientiam contemplari appetimus, stultos nos humiliter agnoscamus. Relinquamus noxiam sapientiam, discamus laudabilem fatuitatem. Hinc Evangelicæ historiæ verba testantur: quia Zacchæus cum videre præ turba nihil posset, sycomori arborem ascendit, ut transeuntem Dominum cerneret. Sycomorus quippe, ficus fatua dicitur. Pusillus itaque Zacchæus sycomorum subiit: & Dominum vidit: quia qui mundi stultitiam humiliter eli-

Galat. 6.

1. Cor. 1.

Augustinus  
serm. 8. de  
verbis Apost.

1. Cor. 1.

Gregor. ad  
finem lib. 27.  
moral.

Sycomorus



eligunt, ipsi DEI sapientiam sublimiter contemplantur. Pusillani-  
mitatem namq; nostram ad videndum DEUM turba præpedit: quia <sup>Pusillanimitas</sup> Centuri-  
infirmitatem humanæ mentis, ne Luci veritatis intendat, curarum <sup>onis.</sup>  
sæcularium tumultus premit. Sed prudenter sycomorum ascendi-  
mus, si providè eam quæ Divinitus præcipitur stultitiam tenemus.  
Quid nempe in hoc mundo stultius, quàm amissa non quærere,  
possessa sapientibus relaxare, nullam pro acceptis injuriis injuriam  
reddere, imò & adjunctis aliis patientiam præbere. Quasi enim Sy-  
mocomorum nos ascendere Dominus, præcipit, cum dicit: Qui aufert <sup>Matth 5.</sup>  
quæ tua sunt ne repetas. Et rursus: Si quis te percusserit in dextrâ  
maxillam, præbe ei & alteram. Per sycomorum Dominus transiens  
cernitur: quia per hanc sapientem stultitiam, & si nec dum solide  
ut est jam, tamen per contemplationis lumen DEI Sapientia, quasi  
intransitu videtur. Qui verò in elata ad conspiciendum DEUM  
adhuc cogitationum suarum turba deprehensi sunt, sycomori arbo-  
rem non invenerunt. Hæc Gregorius. Ubi & Theophilus. Sed fa-  
cile hoc est ad moralem utilitatem retorquere. Quisquis enim plu-  
ribus in malitia præest, parvus est staturâ spirituali, & non potest  
videre JESUM præ turba. Nam perplexus à passionibus & sæcula-  
ribus rebus, non aspicit JESUM ambulante: id est, in nobis ope-  
rantem: nullum opus ejus cognoscens. Ascendit autem super sy-  
comorum, id est, super voluptatis dulcedinem, quæ significatur per  
ficum deprimens eam: & sic sublimior factus videt, & videtur à Chri-  
sto. Hæc Theophilus. Per symocomorum etiam potest intelligi Reli-  
gio: quia Latini sycomorum celsam nominant: est enim procerior  
& altior morò, & habet fructus subdulces, qui nunquam ad maturi-  
tatem perveniunt. Sic status Religionis est altior & procerior, quia <sup>Status Re-</sup>  
in contemplatione consistit & statum mundi transcendit. Habet <sup>ligiosorum.</sup>  
etiam subdulces fructus scilicet abstinentiarum, vigiliarum, jejunio-  
rum, & hujusmodi quilibet de se sint duri & asperi, tamen sunt sub-  
dulces: quia sustinentur amore dulcedinis Paradisi: & nunquam in  
maturitatem perveniunt: quia fructus maturi sunt dulciores: & ve-  
ra Religio de mundana dulcedine non curat. Sed symocomus ficus  
fatua dicitur: quia ad literam ingrediens Religionem fatuus repu-  
tatur. Unde potest dicere illud Amos: *Armentarius ego sum vellicans* <sup>Amos 7.</sup>  
*sycomoros.* Istâ arborem Zacchæus pusillus, humilis scilicet Religio- <sup>Gradus a-</sup>  
sus ascendit, ut videat JESUM: scilicet ut lucretur vitam æternam, <sup>scendentium</sup>  
quæ in visione DEI consistit: sed quia parvus, altè non potest ascen-  
dere sine scala, vel gradibus: ideo sunt tres gradus in scala Religi-  
onis. Unus est abrenuntiatio propriæ voluntatis, per votum obe-  
dientiæ. Secundus est, abrenuntiatio proprietatis exterioris, per  
votum paupertatis. Tertius est promissio perpetuæ castitatis, per  
votum continentie. Et istos tres gradus, tres alii gradus ex parte  
ipsius ascendantis præcedunt. Primus est, contemptus terrenorum.  
Secundus, oblivio generis. Tertius, odium mundi. Et ista tria  
fuerunt dicta Abraham à Domino. *Egredere de terra:* Ecce gradum <sup>Genes. 12.</sup>  
primum, & *de cognatione tua:* Ecce gradum secundum, & *de domo Pa-*  
*tris tui:* Ecce gradum tertium, & *veni in terram quam monstravero tibi,*  
id est, in Religionem. Hi sunt tres gradus, quibus ascendebatur  
ad thronum Salomonis. Ille thronus est Religio in qua Dominus re-  
sidet, tanquam in Throno & Cathedra speciali. Unde & Petrus Ra-  
vennas vocat Religionem Paradisum, quæ propria mansio DEI, est



dicens: juxta sententiam cordis mei si paradysus in hac vita præsenti est: aut in claustro, aut in scholis est: quidquid enim extra hæc plenum est anxietate, inquietudine, amaritudine, formidine, sollicitudine, & dolore. *Et cum JESUS venisset ad locum, ubi erat sycomorus, suspiciens vidit Zaccheum, non tantum visu corporis, sed & respectu pietatis, approbans illius devotionem & desiderium. Bonum fuit ei videre Christum: sed melius videri à Christo.*

*Beda in cap. 19. Luca.* Ubi Beda: Vidit JESUS videntem se: quia eligit eligentem se, & amavit amantem. Hunc sanè ordinem proficiendi, hoc est super fidem Dominicæ incarnationis ad cognitionem Divinitatis perveniendi quasi sycomorum JESUS faciem speculandi Doctor egregius ostendit, cum ait: Non enim judicavi me scire aliquid inter vos, nisi Christum JESUM, & hunc Crucifixum. Hæc Beda. Cognoscens ergo & acceptans JESUS desiderium Zacchæi, eum ut descendere vocavit dicens: *Zacchæe festinans descende, quia hodie in domo tua oportet me manere.* In domo quidem materiali, propter refectionem Christi & Discipulorum suorum: & ad ostendendum benignitatem peccatori revertenti, & in domo conscientie spirituali per gratie infusionem necessariam peccatori. Illud etiam dixit Christus cui-libet nostrum: vult, nempe manere in domo conscientiarum nostra-

*Psal. 92.* rum, & ideo debet præparari ad Eum recipiendum. Unde de ista *2. Cor. 1.* dicit Psalmista: *Domum tuam decet sanctitudo Domine. Gloria enim nostra hæc est, testimonium conscientie nostræ.* Bene debet domum suam spiritualem mundare & ornare, qui vult Tantum Hospitem recipere: scilicet Regem gloriæ, quem nec Cælum, nec terra potest capere: ut ibi maneat, id est; per gratiam inhabitet, & non transe-

*Beda in cap. 19. Luca.* at. Ubi Beda: Quod autem descendere de sycomoro Zacchæus, & sic in domo sua Christo mansionem præparare jubetur, hoc est quod Apostolus ait: quia & sic cognovimus secundum carnem Christum: sed jam nunc non novimus: si enim mortuus est ex infirmitate, sed vivit ex virtute DEI. Hæc Beda. Verba prædicta Domini JESU,

*Morale:* moraliter exponi possunt de fidei anima, quæ domus DEI dicitur:

*2. Cor. 5.* quia in ea Christus per gratiam manere dignatur: & hoc hodie, id est; in vita præsentis per gratie prælibationem, ac etiam hodie: id est; in æternitate per gloriæ Beatam fruitionem. Licet autem Christus in qualibet fidei anima habitet per fidem, specialiter tamen ad hoc eligit mentes elevatas & abstractas. Debet autem anima talis

*Anima abstractio triplex.* esse abstracta tripliciter: scilicet à desiderio rerum temporalium, à voluptate delectationum carnalium, vel commodi corporalis: & à seipsa, per abdicationem propriæ voluntatis. Per hæc enim tria abstrahitur anima ab omni impeditivo salutis contra illa tria de quibus dicitur:

*1. Joan. 2.* *Omne quod est in mudo, aut est concupiscētia oculorū, aut concupiscētia carnis, aut superbia vite.* Hanc triplicem abstractionem docuit, Salvator dicens:

*Lucæ 9.* *Qui vult venire post me, abneget se, quantum ad tertium: & tollat crucem suam, quantum ad secundum: & sequatur me, videlicet relictis, omnibus, quantum ad primum.* Et hæc triplex abstractio de Zacchæo, cui hæc verba dicta sunt, scilicet; *in domo tua oportet me manere:* potest intelligi. Quamvis enim principium Evangelii ipsum divitem appellavit, in processu tamen eum verum pauperem Christi factum esse commemorat. Nam in eo quod dixit: *Ecce dimidium bonorum meorum do pauperibus &c.* innuit abstractionem primam, scilicet à rebus temporalibus. In eo autem quod Zacchæus ascendit



in arborem sycomorum, significatur abstractio à commodo temporalis, vel delectatione carnali: sycocorus enim est ficus fatua: & signat carnalis delectationis dulcedinem, quæ fatua est, quam ascendens per hanc abstractionem sub pedibus deprimit & calcit. In hoc autem quod ipse ad unam Domini vocem, *festinans descendit, & excepit illum gaudens*, innuitur abstractio propriæ voluntatis. Et hæc tria se invicem perficiunt: ita quod alterum sine aliis perfectum non est. Si enim quis sit abstractus à sollicitudine temporalium, & sit deditus voluptati carnis: nihil valet: & sic intellige de aliis suo modo. *Et festinans descendit, & excepit illum gaudens*, & exultans de Tanti Hospitis adventu. Jam enim quia Dominum in Cor suum susceperat Zacchæus, in domo ejus dignatus est suscipi Dominus. In quo facto Dominus innuit, quod votis minorum annuit, & affectus pios prosequitur & perficit. Vide hic benignitatem Domini plus enim dedit Zacchæo quam ille desiderasset: quia dedit ei Seipsum, quod ille petere ausus non fuisset: vide etiam virtutem orationis: quia desiderium magna vox, & magna oratio est. Et ideo dicit Propheta. *Desiderium pauperum exaudivit Dominus.* Et alibi Dominus ad Moysen, quid clamas ad me? cum ille ore taceret, & tantum corde loqueretur. Unde Augustinus: Totam vitam boni Christiani sanctum desiderium est: quod autem desideras, nondum vides: sed desiderando capax efficiaris, ut cum venerit quod videas, implearis: hæc est vita nostra ut desiderando exerceamur. Tantum autem nos exercet sanctum desiderium, quantum desideria nostra amputaverimus ab amore sæculi. Hæc Augustinus. Et videntes Pharisæi & alii malignantes judæi, quod intraverat domum publicani. *Murmurabant dicentes: quia ad hominem peccatorem divertisset.* Isti peccabant dupliciter: scilicet falsè judicando de Zacchæo: quia jam peccator non erat, sed verè poenitens. Et similiter de Christo: quia non mirum erat si divertebat ad eum quem justificaverat: quia cor poenitentis est Christi diversorium, ubi Pascha manducat. Irrationabiliter etiam murmurabant, quia nullus potest rationabiliter murmurare, si Medicus dignatur ægrotum visitare. *Stans autem Zacchæus, ad obediendum Domino promptus, non titubans propter aliorum murmuracionem, & detractionem, sicut multi qui ad modicum verbum aliorum bonum deserunt jam inchoatum, dixit ad Dominum, Ecce dimidium bonorum meorum do pauperibus: & si quid aliquè defraudavi, reddo quadruplum, scilicet de dimidio residuo quod adhuc retineo.* Lex enim in aliquibus præcepit restitue duplum, in aliquibus quadruplum, in aliquibus quintuplum, & ideo per hoc quod hic restitutio media exprimitur, alia duæ extremæ intelliguntur. Ex hoc autem quod dimidium bonorum suorum dedit pauperibus, patet quod non omnia bona sua erant malè acquisita: quia de illis non posset fieri eleemosyna. Sicut autem Zacchæus, dixit: do pauperibus, & reddo quadruplum: sic debent facere volentes dare eleemosynam, vel reddere malè acquisita dicentes: do vel reddo: non dabo, vel reddam, seu in testamento meo ponam. Ubi Beda: Et hæc est sapiens illa stultitia quam de sycomoro publicanus quasi fructum vitæ legerat: rapta videlicet reddere, propria relinquere, visibilia contemnere: pro invisibilibus etiam mori desiderare, seipsum abnegare, & ejus qui necdum videbatur Domini vestigia sequi concupiscere. Hæc Beda: Conspecte igitur Domine

Benignitas  
Domini.

Psalm. 92

Exod. 14.

Aug tract. 4

in Epistol.

D. Joar.

Beda

in cap 9.

Luca.

Beda ibidem



minum & discipulos cum illis peccatoribus comedentes, ac familiariter & domesticè conversantes, ut eos ad se attraherent, & de peccatoribus justos facerent. Et quia judæi murmurabant, quòd ad hominem peccatorem divertisset, & cum eo maneret, ut ipsorum æstimationem & murmur redarguat, & compescat quem intus curaverat, etiam à culpa sanatum annuntiat *dicens, quia hodie salus huic domui facta est*: & omni ægritudine, omni morbo, omni vitiorum contagione fugatà sanata est, & tota interiori & exteriori sanctificata: quia per Domini ingressum facta est Zacchæo salus & qui fuerat peccator, per Domini redemptionem est justificatus, & salutem consecutus: quia suscepto Medicò salvus factus est ab avaritia & omni morbo. Ubi Theophilus: Ipsum Zacchæum signat assecutum fuisse salutem, per domum, habitatorem designans: sequitur enim eò quòd & ipse sit filius Abrahæ, non enim vocasset Abrahæ filium, inanimatam fabricam. Hæc Theophilus. Vel eò quòd & ipse, qui hujus domus habitator est, jam non publicanus sit: sed filius Abrahæ factus, scilicet, non natus, id est, non secundum carnem, sed secundum fidem, non genere, sed fide & operum imitatione. Abrahæ namquè filii sunt, quicumque Abraham imitantur, & opera Abrahæ faciunt: Zacchæus quippe, sicut & Abraham in fide crevit: & Abraham quidem Angelos, Zacchæus verò Angelorum Dominum hospitio suscepit. Unde Beda: Filius Abrahæ dicitur Zacchæus, non quia de ejus stirpe generatus: sed quia ejus est fidem imitatus, ut sicut Abraham terram cognationem domumq; patriam ob spem futuræ hereditatis Domino jubente deseruit: ita & ille quòd thesaurum in Cælis acquireret, bona sua pauperibus partiendo, relinquit. Et pulchrè dicit, & ipse: ut non solum eos qui justi perseverant, sed & eos qui ab injustitia resipiscunt, ad filios promissionis pertinere declararet. Hæc Beda. Et reddit causam quare ad domum publicani divertit: quia hoc fecit ut Medicus ægrotum curaret: Et ut DEUS peccatorem justificaret, & ut Pastor ovè perditam reportaret: & ut Salvator quod per culpam perierat, salvaret: Quia ad hoc DEI Filius venit de Cælo in mundum, per carnis assumptionem factus Homo, & Filius hominis, id est, Virginis, ut quæreretur per doctrinam, & saluum faceret per gratiam, quod perierat per culpam, scilicet ovè ceterisimam dragmam decimam, filium juniorem. Perierat enim in homine innocentia naturæ, similitudo gratiæ, adoptio gloriæ, propter primum comparatur ovi perditæ propter secundum, dragmæ perditæ: propter tertium filio prodigo. Tria autem prædicta venit JESUS reparare. Unde ait & alibi: non veni vocare justos: sed peccatores ad penitentiam. Ubi Chrysostomus: quasi diceret: quid me criminamini si rectifico peccatores? tam enim procul est à me odium peccatorum, quòd eorum causam advenierim. Nam Medicus veni, non Judex: ob hoc conviva siolangventium, patiorq; foetorem, ut præstem remedium. Ubi & Beda: Pius sanè Magister qui murmurantibus turbis sua mysteria non dedignatur exponere à DEO scilicet peccatorum penitentiam non esse respuendam: ut ipse DEI Filius ob hanc maximè quærendam sit destinatus ad terras, qui ut pietatis suæ nobis dispensationem inculcet, sæpissimè se filium hominis appellat: commendans sollicitè nobis, quòd factus est benignè pro nobis, ut autem dicit idem Beda: mysticæ Zacchæus, qui interpretatur justificatus credentem ex gentibus populum significat, qui per occupationem temporalium depressus

Beda ibidem  
Genes. 12.

Perdita in  
homine.

Luca 5.  
Chrysostom  
in cap. 9.  
Matth

Beda in cap.  
19. Luca.



pressus erat & minimus: sed à Domino sanctificatus: qui intrantem Hierico Salvatorem videre voluit, dum fidem quam mundo attulit, participare quæsit. Hæc Beda. Per divitem etiam istum, scilicet Zacchæum, qui quærebat videre J E S U M, sed impediatur per turbam, & staturæ suæ parvitatem, intelligi potest quilibet dives, qui de salute sua sollicitatur: sed perturbationem phantasma-Oratio; quid tum circa negotia temporalia, & per propriam imperfectionem Damascenus impeditur: propter quod ascendere debet in arborem, id est; ad lib. 3. de Christum per orationem: quæ secundum Damascenum, est ascensus fide. cap. 24 mentis in DEUM, & sic JESUM videre meretur, & partem bonorum suorum pauperibus dare, & si quem defraudavit fideliter restituere. Per Phariseos autem murmurantes intelligi possunt maledici: bonorum depravatores, & quæ bene sunt in malum interpretantes. Sed de his non est curandum, nec ideo à bono opere cessandum, imò potius & fortius ei insistendum. Et quia erant prope Hierusalem, quæ est Caput Regni, & existimabant aliqui Phariseorum & etiam discipulorum, quod statim cum esset in Hierusalem manifestaretur Regnum Ejus super judæos: à multis enim credebatur futurus Rex Israël, secundum quod dixerunt Magi; Ubi est qui Natus est Rex judæorum? & ipsi Apostoli quærebat ab Eo: Domine si in tempore hoc restitues Regnum Israël? Ad hunc ergo errorem removendum, inducit parabolam de homine nobili, qui abiit in Regionem longinquam, & dedit decem servis suis, decem mnas ad negotiandum. Quæ quia in sententia concordat cum alia parabola quæ infra de talentis dicitur: ideo hæc ibidem simul cum illa conjungitur.

## DE DUOBUS CÆCIS POST EGRESSUM

*Hierico illuminatis.*

### C A P U T XXIV.

Post hæc egrediente JESU cum discipulis ab Hierico, turba multa desiderantium audire doctrinam Ejus, secuta est. Eum: pauci, nempe audebant propter latrones ingredi desertum. Quod turba plurima sequebatur JESUM, suæ sedulæ & studiosæ doctrinæ est indicium. Unde Chrysostomus: Testimonium studiosi agricolæ est messis fecunda, assidui autem Doctoris documentum Ecclesia plena. Ne Chrysostom. hom. 36 Op. minem labor itineris impedit: quia amor spiritualis fatigationem vis perfectæ non sentit. Neminem possessionum suarum sollicitudo retrahit: quia ingrediebantur in possessionem Regni Cœlestis. Verè enim non habet super terram quod amet, qui bonum Cœlestis in veritate gustaverit. Sicut enim qui pretiosum manducaverit cibum, postmodum ei hæc esca communis ingrata videtur: sic & qui semel dulcedinem Christi bene gustaverit, terrenorum bonorum de cætero non multum sentit saporem. Nimirum hæc est illa Rosa in campis Hierico, de qua Sapientia loquitur per Salomonem: Sicut palma exaltata sum in Cades, & quasi plantatio rosæ in Hierico. Ergo hæc Eccles. 24. est illa speciosissima Rosa, sanctitate justitiæ candida, & passionis sanguine rubicunda. Sicut enim rosa antequam videatur sentitur, & antequam inveniatur tenetur in odoribus suis: sic & Domino transeunte de longè, duo cæci antequam viderent Divinitatis Ejus fragrantiam senserunt. Hæc Chrysostomus. Unde sequitur: Et ecce duo cæci sedentes secus viam, ut elemosinam peterent à transeuntibus, non



- Luca 10.* remotè à via salutis, *audierunt* à transeuntibus, quia *JESUS*, Nazarenus omni flore virtutum vernans, *transiret*. O felix auditio, rumor dulcis. Multi enim Reges & Prophetæ voluerunt audire, & non audierunt. Et misericordiam cum clamore petebant dicentes: *Domine miserere nostri Fili David*: tua cōpassione nostrā miseriam removendo. Vocant eum Filium David: quia credebāt Eum esse Christum, per Prophetas promissum: & notum: erat apud omnes judæos, quod Christus de semine David erat nasciturus. Cum magna desiderii intētionē clamaverūt: & magnō desiderio illuminari postulaverunt: confessi David Filium per carnem, DEUM etiam in eo esse noverunt per inspirationem. Ubi Chrysostomus: Opportune autem oblatis sunt ante faciem Christi duo cæci, ut apertis oculis quasi testes virtutis ejus ascenderent cum eo in Hierusalem: hi currentium strepitum audiebant, & personas non videbant, nihil solū habentes de toto corpore præter vocem: & ideo quia pedibus eum sequi non poterant, voce sequebantur. Hæc Chrysostomus: De uno istorum tantum, scilicet famosiori Marcus mentionem faciens, de alio tacuit minus noto. Ubi Augustinus: Hoc autem factum, & Marcus commemorat, sed uni cæco factum. Nam duorum cæcorum quos Matthæus interposuit, unum fuisse in illa Civitate famosissimum, ex hoc satis apparet, quod & Nomen ejus & Patris ejus Marcus commemoravit. *Barthimeus enim Thimæ filius*, ex aliqua magna felicitate dejectus notissimæ & famosissimæ miseriæ fuit, quod non solū cæcus verumetiam mendicus sedebat. Hinc est ergo quod ipsum voluit commemorare Marcus, cujus illuminatione tam claram famam huic miraculo comparavit, quā erat illius nota calamitas. Unde & Beda. Et bene Marcus, qui gentibus scribebat Evangelium, unum dicit illuminatum, ut eorum quos instituebat ad fidem salvationi figura congrueret. Matthæus verò, qui Hebræis suum scribebat Evangelium, & quod in gentium quoq; notitiam erat perventurum, recte duos dicit illuminatos, ut ad utrumque populum unam eandemq; fidei gratiam pertinere doceret, qui etiam in sequenti lectione de asino, in quo Dominus sedere dignatus est, eandem Evangelicam servare scripturam curavit. Hæc Beda. Barthimeus, qui filius pinguedinis interpretatur, significat hominem in delitiis carnalibus nutritum: ideo dicitur cæcus, scilicet sapientiæ lumine privatus, de qua dicitur in Job, *quod non invenitur in terra suaviter viventium*, quia delitiæ carnales habebant intellectum. Et talis cum audit de Salvatore, debet clamare per orationem devotam, ut ab illo recipiat sapientiæ lumen, qui dat omnibus affluenter, saltem de necessariis ad salutem. Turba autem, Doctrinam Christi auscultans, videns sordidas vestes, non conscientie claritatem, increpat eos ut tacerent, quia per clamorem suum turbam ab audiendo Christi Doctrinam impediebant. Et hi significant eos, qui à bono opere retrahunt alios. Habemus autem triplicem turbam impediētem, unam à carne, aliā à mundo, tertiam ab inferno, quia carnalia desideria & persecutiones, scilicet, mundi & diaboli, nobis obstant, ut taceamus à confessione peccati, ab edificatione proximi, à laude DEI. Infelix hæc turba omni bono obstitit. Turba desideriorum carnis, increpat alliciendo: turba tyrannorum mundi, increpat persequendo, turba demonum inferni, increpat decipiendo. Sed quomodo tacebunt in oratione cæci per ignorantiam mentis, præcipue de proprio statu mendici per defectum virtutis, & extra
- viam



viam scilicet salutis. At illi magis clamando insistebant, donec strepitum turbæ vincerent, timentes ne ex increpatione aliorum impediretur auditio, & ex-auditio petitionis ac vocum eorum, & misericordiam petebant, dicentes: Do-mine miserere nostri fili David. In hoc & nos exhortamur ad orationis continu-ationem, & in ea perseverantiam. Ubi Chrysostomus: Invitabantur vetiti Chrysost. magis quam concupiscebant. Talis est natura fidei, quantomagis vetatur, hom. 36. tantomagis accenditur: propter quod servi DEI in persecutionibus non vin-operis im-  
cuntur: virtus enim fidei in periculis secunda est, & in securitate periclitatur. perfect.  
Quid enim aliud sic vigorem fidei in omnibus laxat, quam longa tranquil-litas? Et iterum: Primo enim clamabant, quia cæci erant. Secundo magis clamabant, quia ad lumen accedere vetabantur. Christus autem permit-tebat eos vetari, ut plus eorum desiderium appareret. Hinc autem disce, quia si abjecti fuerimus, cum studio accedentes ad DEUM, per nosipsos as-sequamur quod petimus. Hæc Chrysostomus. Unde Augustinus. Bonos e-Augustinus  
nim Christianos volentes facere præcepta DEI, Christiani mali & tepidi pro-ferm. 18. de  
hibent: clament tamen illi, non deficiant. Cum enim quisque Christianus verbis Dñi  
cæpit bene vivere: mundumque contemnere, in ipsa sui novitate patitur reprehenses frigidus Christianos, sed si perseveraverit, ipsi jam obsequun-tur qui antè prohibebant. Hæc Augustinus. Et quia pulsanti aperietur, fectit  
Jesus expectans eos, quia illi sequi non poterant, quò enim pergerent, nō videbāt, & vocavit eos, ne turbæ prohiberent si non vocati venirent. Et interrogavit eos quid vellent, non tamen hoc ignorans, sed ut ex responsione & con-fessione cæcorum manifesta debilitas & virtus remedio cognosceretur: quia ad miraculorum operationem vult habere sanandorum confessionem, ut ex-hoc magis appareat evidentia miraculi ad aliorum utilitatem. Et cum illi Chrysost. hō.  
dicerent, Domine ut aperiantur oculi nostri: misertus eorum Jesus, Fons veræ lucis, 36. operis  
tetigit oculos eorum, & confestim, id est subito viderunt, ex quò patet quòd talis imperfect.  
illuminatio fuit miraculosa non naturalis, quia natura non operatur in in-stanti. Ubi Chrysostomus. Tetigit autem ut homo carnaliter, sanavit ut DEUS. Et iterum: Quamdiu dixerunt fili David, suspensa est sanitas: mox ut dixerunt, Domine, sanitas est infusa: quia salvare non poterat filius Da-vid, sed filius DEI. Hæc Chrysost. Spiritualiter, secundum glos. oculos tan-git, cum radiis suæ lucis conscientiam illustrat: & confestim videmus ad DE-UM contemplandum, ad nos cognoscendum, ad proximum juvandum. No-Modus illu-  
tandum autem quòd triplex est modus illuminationis: Illuminati enim le-minandi  
guntur aliqui verbò, sicut cæcus de quo dictum est supra: aliqui tactu, ut triplex.  
isti de quibus fit hic mentio, aliqui ungentò, sicut ubi lutum fecit ex spu-to. Verbum, est prædicatio: tactus, est interior inspiratio: unctio Sacra-mentorum institutio. Sic ergo illuminat per eloquia sacræ doctrinæ, per charismata gratiæ, per Sacramenta Ecclesiæ. Et secuti sunt Eum, non tam pe-dibūs, quam virtutibūs, ac fide & moribūs: quia illi qui à Christo illumi-nati sunt corporaliter, ab ipso etiam illuminati sunt mentaliter. Quoscun-que enim Christus sanavit corpore, sanavit & mente: quia totum hominem simul fecit salvum. Unde Chrysost. Bonum munus obtulerunt Christo sa-nati: quia secuti sunt Eum. Hoc enim DEUS à te requirit, secundum Pro-phetam, sollicitum ambulare cum DEO tuo. Et iterum permisit eos sequi, ut recens miraculum ostenderet eum non ex infirmitate mori. Hæc Chrysost. Chrysost. hō.  
stomus: In hoc autem quòd secuti sunt eum, patet eorum gratitudo: quia 36. in Matt  
non resiliunt post beneficia donata eis à Domino: quòd tamen multi fa-Mich. 6,  
ciunt qui post beneficia ingrati existentes ad vomitum revertuntur, & ad malum redeunt. Ubi Chrysostomus. Sed non illi fuerunt tales, sed & ante donationem fuerunt perseverabiles, & post dationem grati. Hos & nos ze-lemur: & si tardaverit dationem DEUS, & si multi sunt qui adducunt, ne desistamus petentes: sic enim maximè DEUM attrahemus. Vide itaque & hic qualiter vehementem eorum concupiscentiam, non inopia, non cæcitas, non audiri, non à turbis increpari, non aliquid aliud prohibuit. Tale quid est anima fervens & laborans. Hæc Chrysostomus: Tu ergo existens extra viam, & cæcus clama ad Jesum, ut te illuminare dignetur ad ipsum viden-dum, ac fide & imitatione sequendum: quia hoc præcipuè est nobis necessa-rium.



*Augustinus* rium. Ubi Augustinus: Tota igitur fratres opera nostra in hac vita est, *serm. 18. de nate* oculus cordis, unde videatur DEUS. Ad hoc sacro sancta mysteria *verbis Dñi.* celebrantur, ad hoc sermo DEI prædicatur: ad hoc exhortationes morales:

id est, pertinentes ad corrigendos mores: ad emendandas carnales concupiscentias, ad renunciandum, non voce tantum, sed mutatâ vitâ huic sæculo: ad hoc agunt, quidquid agunt, Divinæ sacræque literæ, ut purgetur illud in-

*Origenes* terius ab ea re quæ nos impedit ab aspectu DEI. Hæc Augustinus. Ubi & *tañt. 13.* Origenes: Et nos ergo sedentes juxta scripturarum viam, & intelligentes in *in Matth.* quibus cæci sumus: si ab effectu petierimus, tanget oculos animarum no-

strarum, & recedent à sensibus nostris tenebræ ignorantia: ut Eum videamus & sequamur, qui dedit nobis posse videre propter nihil aliud, nisi ut Eum sequamur. Hæc Origenes. Per duos cæcos istos significantur duo populi, scilicet gentiles, qui erant excæcati per idololatriam: & Judæi, per doctri-

*Matth. 15* nam perversam, mandatum DEI transgredientes propter traditiones hominū, qui sedebant secus viam, quia videbantur habere legis notitiam, sed viam, quæ est Christus, ignorabant, quorū alter naturalē, alter scripturæ legē habebat. Qui audierunt de transitu JESU, postquam exiit de Hierico, idest, de hoc sæculo: sed JESU eorum oculos mentales tangente, illuminati sunt multi de Judæis, & de gentibus plures, Eum per fidem & opera sancta sequentes. Et prius quidem unum, postea duos cæcos illuminat, quia unum prius po-

*Beda in cap. 10. Marci.* pulum, deinde duos vocat. Unde Beda: Quod autem appropinquans Hierico, unum illuminavit, ac proficiscens de Hierico duos: hoc intimavit, quod ante passionem suam uni tantum populo Judæorum prædicavit: post resurrectionem verò atque ascensionem suam, per Apostolos & Judæis & Gentibus Divinitatis suæ & humanitatis arcana patefecit. Hæc Beda. Plura ad expositionem & meditationem pertinentia, suprà de uno cæco posita pos- sunt hic applicari, & e converso plura hic posita ibi aptari.

## DE EFFUSIONE UNGVENTI SUPER

### Caput JESU. CAPUT XXV.

**A** Propinquante tempore in quo Dominus pati disposuit, appropinquavit Ipse loco in quo ejusdem passionis dispensationem facere voluit: ut per hoc intimaret, quod voluntariè & sua sponte pateretur & mor-

*Joānis 12.* tem subiret. Igitur ante sex dies solennis Pascha, id est, sexta die ante Pascha,

*Matth. 26.* scilicet sabbatho ante ramos palmarum, venit Bethaniam. Intelligas hic diem

*Marci 14.* Paschæ non decimamquartam primi mensis, in qua ad vesperam immolabatur agnus paschalis: sed quintamdecimam, scilicet illam in qua passus est

Christus, quæ tota erat festiva & solennis. Unde Theophilus: Decima autem die mensis agnum Judæi capiunt immolandum in festo Paschæ: extunc enim festivitatis prælibant solennia: quapropter in die quæ est nona mensis, & præcedit sextum diem ante Pascha, epulantur splendide, & exordium festi hanc diem constituunt: quò fit ut JESUS quoque pergens Bethaniam convivaretur. Hæc Theophilus. Ideo autem venit Bethaniam, ut Lazari resuscitatio renovaretur: ac memoriæ omnium sæcilius imprimeretur, & ut inexcusabiles Judæi de morte tanti suscitatoris tractantes confunderentur: & ex memoria miraculi ibidem facti turba populi moveretur, ad Eum honorifice recipiendum in Hierusalem ante suam passionem, sicut fuerat prædictum per Zachariam Prophetam dicentem: Exalta satis filia Sion, jubila filia Hierusalem, ecce Rex tuus venit tibi, &c. Sciens ergo Dominus Judæos conspirasse in morte

appropinquante Pascha, in quo agnus paschalis immolabatur, revertendo venit

*Zachar. 9.* quasi agnus ad victimā: ut sic agnus verus immediate post immolationē agni Paschalis immolaretur, pro nobis: ut veritas figuræ succederet, & verum Pascha haberemus. Et erat in domo Simonis prius leprosi, tunc autem mundati: quia fuerat leprosus, & à Domino sanatus, sed tamen adhuc pristinum nomen ad

memoriam miraculi retinebat, ut virtus curantis appareret: sicut adhuc di-

*Simonem* citur, Matthæus publicanus, licet esse publicanus desierit. Hinc colligere

*leprosum.* possumus, quod licet à peccato nostro mundati fuerimus, semper tamen ipsi

*S. Julianum* in memoria ad pœnitentiam habere debemus. Hunc Simonem leprosum tra-

*Canonam* dunt fuisse beatum Julianum, sic postea vocatum, & factum Canonam esse sem fuisse sem Episcopum: cui iter agentes dicunt Pater noster, ut bonum habeant ho-

spiri-



spiritum. Fecerunt autem cenam ibi Domino & Martha ministrabat: & Lazarus, invitatus à Simone, unus discumbentium erat. Pie credendum est quod cena honesta & absque luxu fuerit, quam fecerunt Ei qui prædicator & amator parimonie extitit. Martha ministrabat ibi: quia, secundum quosdam domus Marthæ erat possessione, sed Simonis habitatione alias ibi non ministrasset. Vel potest dici, quod iste Simon erat Marthæ vicinus: & propter hoc ipsa ministrabat in domo ejus, sicut homines solent facere in domibus amicorum suorum: & maxime propter reverentiam Ipsius Christi comedentis ibidem. Lazarus vero erat unus ex discumbentibus cum eo, invitatus à Simone & hoc factum est ad declarationem veri miraculi de Ejus resurrectione: ut ex hoc quod post suscitationem cibum fumeret, non phantastica sua suscitatio esse probatur. Unde Augustinus: Ne putarent homines phantasma esse factum: *Aug. tract.* quia mortuus resurrexit. Lazarus unus erat ex recumbentibus: vivebat, *15. in Joñ.* loquebatur, epulabatur: Veritas ostendebatur, infidelitas Judæorum confundebatur. Et secundum eundem: Lazarus dum discumbit in convivio, *Lazari de inferis reverso.* convivis interrogantibus Eum tristitia loca, pænarumque sedes alta nocte obscuras, indicavit diligenti narratione per ordinem: & ita inferi, longis temporibus ignorati, tandem invenerunt proditorem. Quod autem ante sex dies venit, hoc mysterio convenit. Primo quidem, quantum ad numerum: numerus enim senarius perfectus est: unde & DEUS opera creationis per sex fecit diebus: & propter hoc docuit, quod sex diebus quodammodo compleretur opus passionis quod omnia sunt restaurata. Secundo, quantum ad figuram, quia decima die mensis primi tollebatur agnus, & servabatur usque ad quartam decimam. Unde & Dominus sexta die ante quintamdecimam Hierusalem intrare voluit, quasi ad locum immolationis accedens. Quod venit Bethaniam, quæ interpretatur domus obedientiæ, etiam congruit mysterio. Primo, quantum ad causam passionis: quia, secundum Apostolum, factus est obediens Patri usque ad mortem. Secundo ad fructum passionis, quem consequuntur illi soli qui obediunt Ei, quia secundum eundem Apostolum, factus est omnibus obtemperantibus sibi causa salutis æternæ. Unde Hieronymus. Passurus Dominus pro omni mundo, & universas nationes suo sanguine redempturus, venit & moratur in Bethania, in domo obedientiæ: hinculus cervorum semper ad lectum suum redit, & Filius obediens Patri usque ad mortem, obedientiam à nobis petit. Hæc Hieronymus. Quod venit ubi fuerat Lazarus mortuus, quem suscitavit, significat quia in domo obedientiæ, illi qui sunt spiritualiter mortui in peccatis, resuscitantur redempti ad vitam justitiæ: quia secundum Apostolum, Per unius hominis obedientiam *Rom. 5.* justi constituuntur multi. Quod fecerunt ibi cenam Domino, convenit etiam mysterio: quia Dominus in domo obedientiæ spiritualiter reficitur, delectatus in obedientia nostra, & Martha ministrabat & satagebat circa frequens ministerium, per quam significantur Prælati, qui in Ecclesiis ad ministerium instituuntur: secundum illud Apostoli: Sic nos existimet homo ut Ministros Christi, & Lazarus resuscitatus erat unus ex discumbentibus, per quem significantur subditi ministerio Prælatorum à peccatis ad statum justitiæ reducti, qui cum aliis iterum spiritualiter cum Domino merentur epulari. *Maria vero unxit caput & pedes JESU, & exsternit capillis, per quam significantur contemplativi: de ea enim dicitur alibi, quod sedens secus pedes Domini audierat verbum Illius. Unde Alcuinus: Mystice quod ante sex dies venit Bethaniam, significat quod ille qui sex diebus omnia fecerat, sexta die hominem creavit, ipsa sexta mundi ætate, sextâ feriâ, sextâ horâ, redimere mundum venerat. Cæna autem dominica fides est Ecclesiæ, quæ per dilectionem operatur. Martha ministrat, cum fidelis anima, opera suæ devotionis Domino impendit. Lazarus unus est ex discumbentibus, cum hi qui post peccatorum mortem suscitati sunt ad justitiâ, unâ cum eis qui in sua permanent justitiâ de præsentia veritatis exultant, & cœlestis gratiæ munere aluntur. Et bene in Bethania celebratur, quæ interpretatur domus obedientiæ, nam Ecclesia est obedientiæ domus. Hæc Alcuinus. Maria ergo accessit ad Jesum, tanquam ad Fontem misericordiæ lavantem infirmitates nostras, & fregit, id est, aperuit alabastrum contentivum, unguenti nardi pistici pretiosi, id est, vasculum alabastrinum, scilicet pixidem de alabaistro, (quod est genus mar-*



moris candidi, & variis coloribus intertincti, in quo bene & incorruptè servantur unguenta) plenam unguentò preciosò, & effudit unguentum super caput JESU recumbentis, id est, ad mensam sedentis: sicut effunditur aqua rosacea propter refrigerium & odorem, & etiam unxit inde pedes Ejus, apud quos etiam alias tantam gratiam invenerat, & capillis suis extersit. Ordine alio factum fuit quàm hic scriptum sit: quia primò lavit pedes & extersit, & postea unxit. Et domus impleta est ex odore unguenti, effusi: quia enim de re aromatica erat longè lateque poterat odor ejus diffundi. Non est verisimile quòd esse aliquid grossum sicut unguenta communiter dicta: quia indecens esset tale quid ponere super caput hominis sedentis in mensa, & ideo dicendum quòd hic vocatur unguentum liquor pretiosus de re aromatica expressus, sicut aqua rosacea exprimitur de rosis: aliter dicitur quòd fuit lachryma fluens naturaliter de arbore aromatica, quæ est multum pretiosa, & valet ad multa medicinalia: dicunt etiam aliqui, nardus est herba nigra faciens spicas in cacumine, & propter hoc dicitur nardi spicati: quia de illis spicis extrahitur liquor prædictus per artificium: vel, secundum alios, fluit per naturam. Alii dicunt, quòd est frutex vel arbor parvula, & inde fluit vel extrahitur liquor modò prædictò. Pistici, secundum quosdam, nomen est loci ubi crescit arbor unde talis liquor exprimitur: sed melius dicitur, pistici, id est fidelis *pisis* enim Græcè, fides est Latine, hoc est dictum, quòd iste liquor erat purus & verus, non habens aliquid aliud admixtum, nec sophisticatus. Pretiosi, quia valebat trecentos denarios, id est, nummos usuales: erat enim ille liquor refrigerativus, & confortativus membrorum, & consolidativus, & valde odoriferus, valens ad alleviationem laboris, & contra æstum solis, & distemperiem aeris, & ad multa medicinalia. Ex quo patet pretiositas unguenti, & devotio ac pietas Mariæ, quæ labori Christi compatiens, & pedes & caput Ejus unxit: & rem tam pretiosam in obsequium Ejus expendit. In quo & nos docemur quod ea quæ preciosissima sunt apud nos, DEO offerre debemus. Et quod alia vice, peccatrix adhuc existens, fecit in eadem domo ex contritione, scilicet quando conversa est, & peccata ei multa dimissa sunt, eò quòd multum dilexit: nunc justificata & familiaris Domino effecta, facit ex devotione, sed tunc tantum pedes unxit, & gradatim à pedibus ad verticem perveniens, nunc & caput & pedes ungere meruit: tunc unxit Dominum unguentò penitentiarum nunc unguentò devotionis. Ibi rudimenta penitentium, hic justitia perfectarum designatur animarum: diligebat enim Jesum super omnia, & de obsequendo Eidem non poterat fatiari. Fragrantia fidei caput Domini & pedes, quasi odore aromatum perfudit, qui Divinitatem, & humanitatem Ejus digna laude attollit: nunc de pedibus ad caput ascendens, nunc ad pedes à capite per fidem descendens. Secundum Apostolum: Caput Christi est DEUS. Itaque caput Christi ungit, qui ad honorem DEI omnia opera sua facit. Secundum illud Apostoli: Omnia, in gloriam DEI facite. Qui verò vestigia Christi sequitur pedes Ejus ungit. Itè caput Christi ungit, qui Ipsū Christū veneratur: pedes verò, qui Ejus fidelibz obsequitur. Ubi Aug. Quæcunq; anima fidelis vis esse: cum Maria unge pedes Domini pretiosò unguentò. Unguentū illud justitia fuit: ideo libera fuit. Unge pedes bene vivendo, dominica sectare vestigia, capillis terge: si habes superflua, da pauperibus: & pedes Domini tersisti. Capilli enim superflua corporis videntur. Domus autem impleta est odore: mundus impletus est bonâ famâ. Nam odor bonus, bona fama est. Qui male vivunt, & Christiani vocantur injuriam Christo faciunt. De quibus dictum est, quod per eos nomen DEI blasphematur. Si per tales nomen DEI blasphematur, per bonos nomen DEI laudatur. Audi Apostolum: Christi bonus odor sumus, inquit, in omni loco. Dicitur & in Canticis Canticorum: Unguentum effusum nomen tuum, Hæc Beda i c. 14. August. ubi & Beda: Mysticè autem hæc devotio Mariæ Domino min strantis, fidè ac pietatem designat Ecclesiæ Sanctæ, quæ loquitur in amoris cantico dicens: Dum esset Rex in a cubitu suo, nardus mea dedit odorem suum. Quæ nimirū verba, & semel juxta literā manibus Mariæ complevit, & quotidie in omnibus suis membris, spiritualiter implere non desinit, quæ toto diffusa orbe gloriantur, & dicunt: Deo autè gratias qui semper triūphat per nos in Christo Jesu, & odore notitia



tia sue manifestat per nos in omni loco: quia Christi bonus odor sumus DEO. Qui cum potentia Divinae virtutis ejus (quæ illi una cum Patre est) digna reverentia confitetur, laudat, & prædicat: caput profecto illius unguento perfudit pretioso. Cum vero assumptæ mysteria humanitatis, æquæ digna reverentia suscipit: in pedes utiq; Domini unguentum nardipillicum, id est; fidele, ac verum perfudit: qui illam ejus naturam quâ terram contingere: hoc est inter homines conversari dignatus est, pia prædicatione commendat, ac devotis veneratur obsequiis. Domus autem impleta est ex odore unguenti: quod significat odorem sanctitatis Christi implese Ecclesiam: ad quem odorem omnes festinant. Ubi & Origenes: Qui elemosynas & alia hujusmodi, quæ ad utilitatem hominum fiunt, facit in Christianos: pedes Domini ungit. Qui autem castitati studet, & in jejuniis & orationibus permanet, & cæteris quæ tantum ad gloriam DEI proficiunt: ungit Caput Christi. Aut Doctrina, quæ necessaria est hominibus: hoc est unguentum, quod pedes Domini unguntur. Agnitio autem fidei, quæ ad solum pertinet DUM, est unguentum quod ungitur Caput Christi. Capillis autem pedes extergit, qui ea quæ fluunt à mente tanquam capilli à capite, in obsequium DEI retorquet. Unde in Canticis: *Vulnerasti Cor meum, soror mea sponsa, in uno oculorum tuorum, & in unocrine colli tui*, hoc est; charitate affecisti me, propter simplicitatem oculorum tuorum me contemplantium, & propter simplicitatem tuarum cogitationum, quæ in me continuè diriguntur. Hòc enim modò devotionis extergitur à pedibus Christi quicquid in eis est lassitudinis & tarditatis quibus ad nos aliquando tardat venire. Et notandum quod hac die, scilicet sabbathò, MARIA lavit pedes Domini unguento: in memoriam hujus rei, eodem sabbathò Dominus Papa consuevit vacare, & intendere pauperibus, dando elemosynas, & pedes pauperum lavando: quia in Cæna Domini, propter officii magnitudinem, ad hoc non vacat intendere, & mandatum celebrare: pauperes enim sunt pedes Domini sedentis in Cælo, adhuc deambulantes in terra. Cujus rei occupatione, eadem die stationem ad missam celebrandam non facit, sicut cæteris diebus quadragesimæ facere consuevit: & ideo vacat hoc sabbathum à proprio Missæ Officio. Indignabatur autem & murmurabat de hoc facto MARIE, judas Iscariotis, dicens, *Ut quid perditio hac unguenti facta est?* putabat enim unguentum perditum, propter hoc quod non habebat apud se pretium: in quo verbo non solum increpabat mulierem quare hoc faciebat, sed & Christum qui hoc fieri permittebat: ecce quod in obsequium Christi ponebatur, perditum reputabatur. Simile aliqui faciunt, qui omne quod ex devotione DEO in oratione vel meditatione impenditur, perditum esse dicunt: quia nos utilitati proximorum intendere non cernunt. Similiter si aliquis Religionem intrat, talem multi fatuum reputant: si autem actibus sæcularibus se implicet, talem prudentem esse dicunt. Unde communiter dicitur de persona cum debilis est, & infirma quod nihil valet nisi ad dandum pro DEO. Res etiam sæpe pro DEO non dantur, donec deteriorari videntur. Unde dicitur.

*Panem muciditas, vinumq; tonitrua, vestem,*

*Tinea pauperibus: sed confert musca scutellam.*

*Poterat enim unguentum istud venumdari, plus quam trecentis denariis. In hoc insinuatur occasio venditionis Christi ab ipso Juda pro tri-*

ss

ginta

Origenes  
tract. 35.  
in Matt.

Cantic. 4.

Sabbathò  
pedes Domini  
loti.

Jude quinquā  
similes.



gnita denariis venditi: nam secundum quosdam, consuetudo Christi erat quod decimam partem eorum, quæ sibi dabantur pauperibus erogabat: vel cum judas procurator Domini esset, credebatur secundum consuetudinem suam accipere sibi decimam partem datorum Domino: & ideo voluit vendi istud unguentum ut haberet triginta denarios, qui sunt decima pars trecentorum propter quod judæ visum est, quod in unguento super Christum effuso triginta denarios perderet: unde ab illa hora cogitavit, ut Christum triginta denariis venderet, & sic prædam suam recuperaret. Vel secundum alios, ibi triginta argentei, pro quibus Dominum vendidit, valebant trecentos denarios usuales, & sic recuperavit totum pretium unguenti. *Et dari pauperibus.* Ecce sub prætextu pietatis, zelat affectu non pietatis, sed cupiditatis. Hoc enim dixit simulans pietatem, ad operiendam suam cupiditatem. Per hunc designantur detractores bonorum operum, sub specie pietatis denigrantes, quidam etiam alii discipuli indignè ferebant & quasi de perditio unguento murmurabant: isti quidem moti pietate propter pauperes indignabantur, non intendentes esse perditum simpliciter, sed in cōparatione ad sublevationē pauperum: audierant enim à Do-

*Matth. 9.* mino, *Misericordiam volo, & non sacrificium:* & ideo fortè credebant quodd dare pauperibus esse magis bonum. Judas verò motus cupiditate, propter lucra sua: quamvis etiam sub prætextu, id est; velamento seu specie, pietatis indignabatur: dicebat enim hoc, non quia de egenis pertineret ad eum, id est: non quia compateretur pauperibus, vel curaret de eis: sed quia dolebat quod unguentum non fuerat sibi traditum, ut Ejus pretiū furando sibi retineret. Unde

*Jude avaritia.* Theoph: Discipuli plures mulierem arguerunt, eò quod sæpe Christū audierat de eleemosynis dicentem: Judas verò non eadē intentione indignè tulit, sed propter amorē pecuniæ, & turpe lucrum. Unde & Joannes ipsum solum commemorat, tanquam fraudulenta intentione mulierem arguentem: cujus ex hac occasione. furandi consuetudinem credidit intimandam. Hæc Theophilus. Licet enim portabat ea, quæ dabantur pro Christo ad dandum pauperibus: non tantum hoc faciebat, sed sibi retinebat: Unde mustratio ejus cum crimine ponitur, quod non curam pauperum habuerit, sed suo furto providere voluit: *quia fur erat, & loculos,* id est; bursas Domini, habens & custos eorum existens, ea quæ mittebantur in loculis, donata in eleemosynam à fidelibus, ad usum & necessitatem discipulorum & pauperum, furto asportabat: portabat quidem ministeriò, sed asportabat furto. Habebat loculos Dominicòs, ad ea quæ dabantur, mittenda: & loculos ipsos, ad ea quæ furabatur reponenda. Et secundum Augustinum. Ea quæ furabatur, dabat uxori & filiis suis. Sic multi habentes loculos & facultates Ecclesiæ, ea quæ Divino cultui & pauperibus erogare deberent, subtrahunt, & sibi retinent: ac inde ditati & inclyti fieri student. Multi etiam bona Ecclesiæ, quæ sunt pauperum, dant filiis & meretricibus, ac sacrilega crudelitate surripiunt pauperibus, & expendunt in illicitis. Unde de sacerdotibus belis legitur, quomodo filii

*Loculi Domini.* & uxores eorum comedebant illa quæ super Altare ponebantur: & Rex credebatur quod bel ea comedisset. Multi etiam custodes loculorum Monasterii existentes, bona ad usum fratrum deputata largiuntur quibus non debent: & magis in suis superfluiditatibus, quam aliorum necessitatibus expendunt, ac alias illicitè & malè consumunt



munt. Et quia omnes prædicti loculos Christi cum juda fure portant, & eum in scelere sequuntur: ideo etiam post eum in tenebras demerguntur. Dominus cui Angeli ministrant, condescendens infirmus, loculos habebat, in quibus oblata fidelium servabantur, suorum & indigentium necessitatibus profutura: in signum quod Ecclesia loculos erat habitura: & in hoc datur forma Ecclesiæ servandi necessaria. Sanè cum doceret viam paupertatis: non habebat loculos propter propriam utilitatem, sed ad pauperum suorum sumptus & necessitatem. Unde Augustinus. Habebat Dominus loculos: & à fidelibus oblata conservans suorum necessitatibus, & aliis indigentibus tribuebat: tunc primum Ecclesiasticæ pecuniæ forma est instituta, ut intelligeremus quod præcepit non cogitandum esse de crastino: non ad hoc fuisse præceptum ut nihil pecuniæ servaretur à sanctis: sed ne DEO propter ista serviatur, & propter inopiæ timorem Justitia deferatur. Unde & Nicolaus tertius, in declarando regulam Fratrum Minorum. Dicimus quod abdicatio proprietatis omnium rerum, tam in speciali quam communi meritoria est, & sancta: quam Christus, viam perfectionis ostendens, & verbo docuit, & exemplo firmavit. Nec his quisquam putet obfistere, quod interdum dicitur Christum loculos habuisse. Nam si Christus, cujus perfecta sunt opera, in suis actibus viam perfectionis exercuit, quod interdum infirmorum imperfectionibus condescendens, & viam perfectionis extolleret, & imperfectorum infirmas semitas non damneret. Sic infirmorum personam Christus suscepit in loculis, sic & in non nullis aliis: non tantum carne, sed & mente condescendit infirmis. Egit ergo Christus, & docuit perfectionis opera, egit etiam & infirma, sicut interdum in fuga patuit & loculis. Sed utrumque perfectè, perfectus existens: ut perfectis & imperfectis viam salutis ostenderet. Hæc Nicolaus. Sed quare Dominus furi loculos commisit, & avarum suum dispensatorem fecit? videtur enim quod ei occasionem peccandi dederit. Dicendum quod Judas primò fuit bonus, quando vocatus fuit ad Apostolatam, & officium dispensationis sibi traditum: sed postea lapsus est in peccatum. Et quamvis Christus sciret eum futurum furem, & malum: tamen pluribus de causis tradidit sibi illud officium. Primò, ut Ejus Ecclesia exemplo sui fures & malos cum patitur toleraret: non est enim bonus, qui malos tolerare non potuit. Secundò, ut ei occasionem prodicionis auferret, cum ex loculis mitigationem concupiscentiæ haberet. Tertiò, ut doceret quod minoribus temporalia sunt tradenda, sed Majoribus spiritalia committenda. Quartò, ut nos instruens ostenderet quam parum temporalia curaret, quando bursam pecuniæ furi & deteriori tradidit: claves autem Ecclesiæ cum magna examinatione commisit Petro: quod est contra illos qui suas animas, vel aliorum illis committunt ad regendum, quibus bovem vel asinum non committerent ad vendendum. Ex præmissis ergo patet, quod Christus, & discipuli Ejus de eleemosynis & oblationibus fidelium tanquam pauperes vivebant. Sed Dominus pro MARIA respondit, & eam more solito defendit, dicens: *Quid molesti estis, huic mulieri?* quasi diceret, sine causa murmuratis: *opus enim bonum operata est in Me,* & ergo non debetis Eam reprehendere non est perditio ungenti, ut vos dicitis, sed opus bonum: id est; pietatis & devotionis obsequium. Unde de bono opere lapidatis eam, contra rationem & justitiam.

Augustinus

ibidem.

Loculos cur

habuerit Xp̃s

Matth. 6.

Nicolaus

tertius de

verbis signifi-

cat in 6. c. 3.

Egestas

Christi.

Loculi cur

juda traditi

Joann. 21.

Videtur Xp̃s



illam, nunc de hoc unguento facere quod poterit, ut in die sepulture mee  
 servet illud, scilicet quod tunc pro ipsa præparabit: illud enim reser-  
 vabit, quia non potuit expendere præventa acceleratione resurre-  
 ctionis mee. Unde dimittenda est nunc facere, quod tunc facere  
 non poterit: & illud unguentum in loco istius nunc in me expensi  
 tunc servabit, vel præcepit partem istius unguenti ad sepulturam  
 suam reservari. Unde credendum est, quod ipsa hoc fecit edocta  
 à Spiritu Sancto: quia enim cognoverat Eum in proximo moritu-  
 rum, Ipsò hoc dicente ideo unguentum paraverat, cujus partem  
 nunc expendit, & partem ad officium sepulture reservavit: Nam  
 pauperes semper vobiscum habebitis: quibus benefacere potestis, & re-  
 cuperare quod modò neglectum dicitis: Me autem non semper habe-  
 bitis, scilicet præsentia corporali, ad habitandum vobiscum in carne  
 passibili, quæ indiget unctione tali: quasi diceret, poterit recupe-  
 rare ad benefaciendum pauperibus, sed non ad unguendum corpus  
 meum. Bonis & malis loquitur, de præsentia corporis sui. Sedet  
 enim ad Dexteram Patris, postquam in Cælum ascendit: & secundum  
 Corpus non est hic, qui præsentia Majestatis semper est hic. Si ta-  
 men ad bonos pertines, semper habes Christum in præsentia per fi-  
 dem, per signum, per baptismatis Sacramentum, per altaris Cibus  
 & Potum. Unde alibi dicit eis: Ecce Ego vobiscum sum, usq; ad con-  
 summationem sæculi: quia erit cum fidelibus præsentia Spiritualis &  
 Sacramentalis. Quod habuit, id est; quod potuit, hoc fecit, vel quod ha-  
 buit, facere ex officio pietatis, hoc fecit in opere Deitatis. prævenit  
 enim ungere Corpus meum in sepulturam meam, futuram designandam:  
 quia in hoc facto præfiguravit eam de propinquo futuram: quasi di-  
 ceret. Sinite ut faciat Vivo dum potest, quod volet facere mortuo,  
 sed non poterit. Unde Alcuinus: Significat se mortuum & ad sepe-  
 liendum aromatibus esse unguendum. Ideo MARIE, cui ad unctio-  
 nem mortui corporis prævenire non liceret, donatum est viventi  
 adhuc impendere obsequium, quod post mortem celeri resurrectione  
 præventâ nequiverit. Unde & Theophilus: Prævenit ea quasi à  
 DEO ducta ungere: corpus Meum, in signum sepulture futuræ: in  
 quo proditorem confundit: ac si ei deceret; Quâ conscientia mulie-  
 rem confundis, quæ in sepulturam Corpus Meum ungit, & te ipsum  
 non confundis qui te in mortem trades? Mittens enim hæc unguentum  
 hoc in Corpus meum, ad sepeliendum Me fecit, & per hoc meam sepul-  
 turam præfiguravit. Quod vos putatis perditionem esse unguenti,  
 officium est, & significatio sepulture, Mysterium est: quod agitur,  
 in quo mors & sepultura mea citò fieri significatur. In proximo  
 nempe passurus sum: ideoquæ mihi hoc obtulit ad sepeliendum.  
 Nec mirum si me unguento perfuderit, & mihi bonum odorem fidei  
 lux dederit, cum ego pro ea mox fufurus sim sanguinem meum, &  
 daturus animam meam. Patientia ergo Domini arguit judam avari-  
 tia, & non pauperum causâ dixisse quod dixit: sed obsequium MA-  
 RIÆ commendavit ostendens quod esset moriturus, & ad sepeli-  
 dum aromatibus unguendus. Tunc dixiteis JESUS, opus hoc, com-  
 memorandum in dulcem memoriam ejus: id est; ad laudem Ejus reci-  
 tandum, tanquam factum virtuosum ubicunq; in toto mundo prædica-  
 tum fuerit hoc Evangelium: id est; hoc factum mulieris pertinens ad  
 Christi Evangelium: nondum enim Evangelia erant scripta: quasi di-  
 ceret, vos insipienter eam reprehenditis, pro eo facto pro quo ipsa lau-

Christum non  
 sæper haberi

Matth. 28.

Sepultura  
 significatio.



laudanda est in universo mundo, ubicunq; prædicatum fuerit hoc Evangelium: id est; ubicunq; dilatabitur Ecclesia per mundum, quia memoriale sempiternum habebit, ex hoc quod mihi fecit. Ubi Theophil: Prophetat autem Dominus consequenter duas prophetias, scilicet quod Evangelium Ejus prædicabitur in universo mundo, & quod opus mulieris laudabitur. Hæc Theophilus: Et hoc Domini dictum jam patet adimpletum. Ubi Beda: Notandum autem, quia *Beda in cap. 14. Marci.* sicut MARIA gloriam adepta est, toto orbe quocunq; Ecclesia sancta diffusa est, de obsequio quod Domino pia devotione exhibuit: ita e contrario ille qui obsequio ejus detrachere temeraria lingua non timuit, perfidiae nota longe lateq; infamatus, & DEO simul atq; hominibus merito factus exosus, sed Dominus bonum laude digna remunerans, futuras impii contumelias tacendopræterit. Hæc Beda. Nihilominus tamen & Judas indignatus remansit, & inde proditio- *Judas proditoris origo* nis causam & occasionem assumpsit, hinc habemus argumentum, quod majus bonum quandoq; omittendum est, pro minori bono quod iterum recuperari non poterit. Et præfertur hic bonum quod videtur minus, ei quod videtur majus, in genere dico, non quod ad charitatem. Ubi sciendum quod multa bona opera sunt, de quibus si peteretur consilium antequam fiant, non consuleremus quod fierent, quia fortè possent fieri meliora: postquam tamen jam incipiunt fieri, non sunt prohibenda. Et secundum Chrysostomum. *Chrysostom. boni & i. in Matth.* Fortè JESUS antequam effunderet unguentum, elegisset potius illud dari pauperibus, nunc verò quia jam factum erat, exprimit dicens, sinite illam. Item quandoq; faciendum est illud quod est minus necessarium, & potest præponi magis necessario, si remanet locus implendi quod est magis necessarium: præsertim si tollatur locus faciendi id quod est minus necessarium, & immineat casus quod illud minus necessarium non posset alias recuperari: & ideo fortè Dominus permisit sic fieri. Unde & dixit quod pauperes, non autem *Pauperes semper habendi.* Ipsum, semper haberent. In hoc autem quod dicit pauperes semper habebitis vobiscum, datur intelligi familiaritas, quam divites debent habere ad pauperes, qui pauperes maximè facti sunt propter divites. Circa ista Anselmus, ad sororem suam scribens, sic dicit: Gaude quæso huic interesse convivio, singulorum distingve officia. Martha ministrabat, discumbebat Lazarus, ungit MARIA, hoc ultimum tuum est: frange ibi alabastrum cordis, & quidquid amoris, quidquid desiderii, quidquid affectionis habes, totum effunde super caput Sponsi tui, adorans in homine DEUM, & in DEO hominem. Si fremit, si murmurat, si invidet perditor si perditionem vocat devotionem, non sit tibi curæ. Phariseus murmurat invidens pœnitenti, murmurat Judas de effusione unguenti, sed Judex accusationem non recipit, accusatam absolvit. Sinite, inquit, illam: bonum, nempe opus operata est in me, laborat Martha, parat hospitium peregrino, esurienti Cibum, sitiienti potum, vestem algenti, ego solus MARIE, & illa mihi totum præstare quod habet, à me quidquid optat, expectet. Hæc Anselmus. Conspice igitur Dominum JESUM cœnantem in domo Simonis, cum illis amicis suis, quia fortè consanguinei vel multum domestici erant ejusdem Simonis, & conversantem cum eis paucis diebus, scilicet usq; ad tempus passionis suæ, sed amplius in domo Marthæ, hæc enim domus erat suum refugium speciale. Ibi cum discipulis suis comedebat



Divisio bo-  
norm Lazari & sororū.

& dormiebat: ibi & Mater ejus cum sororibus quiescebat, Quam omnes multum honorabant, & maxime Magdalena, quæ eam semper associabat, nec ab ea ullatenus recedebat. Lazarus quippe, & Maria Magdalena, & Martha ex Patre & Matre geniti insignes & divites fuerunt, & Lazaro pars eorum, quæ in Hierusalem parentes habuerunt. scilicet quidam vicus, & Mariæ Magdalenz castellum, seu oppidum Galilææ ad duas leucas de Bethsaida, contra meridiem, & secundò milliariò à stagno Genezareth, & Marthæ Bethania in partem de hæreditate parentum cessit & evenit, sed tamen propter hospitalitatis gratiam, simul cum Martha manebant, quia ipsa prudentior ad dispensandum erat, & ideo etiam in receptione Domini, sola aliquando Martha legitur nominata? Conspice etiam ipsam Dominam, quia de dilectissimo Filio suo timore perterrita erat, nec se ab Eo illo tempore separabat. Et cum Dominus defendens Magdalenam à murmure proditoris, dicens: *Mittens hæc unguentum hoc in corpus meum, ad sepeliendum me fecit*, an non credis quòd hujus verbi gladius Matris animam pertransficeret? quid enim de morte sua expressius dicere poterat? Similiter & omnes alijs erant perterriti, & anxii cogitationis pleni, colloquentes adinvicem unus cum altero, hinc inde in ore illorum qui habent dura & adversa tractare. Compatere ipsis, & tunc libenter cum eis converseris. *Cognovit ergo per famam publicam, turba multa ex judais*, qui ex tota terra venerant ad diem festum, *quia illic*, scilicet in Bethania, *esset Jesus*, Bethania enim prope Hierusalem, quasi ad duomiliaria erat, & ideo de facili hoc cognoscere poterant: *& venerunt illuc non propter Jesum tantum, sed etiam ut Lazarum viderent* suscitatum. In hoc innuitur duplex causa. Una, propter Ipsum JESUM reverenter visitandum: alia, ut viderent Lazarum suscitatum. Et hoc propter duo. Primò quia illud quod factum circa ipsum audierant, valde mirabile erat, & hoc homines videre desiderant. Secundò, quia sperabant Lazaro referente aliquid de alia vita percipere, & audire: cujus cognitionis desiderium homini est innatū. Curiositas tamen magis eos adduxit quàm charitas, nec tantum amore ducebantur, quantum admiratione, quia sicut se cupiditas hominum habet, nova videre & audire cupiebant. Sed illa curiositas mala non erat, ex qua ad fidem induci poterant. Non è contra si cognoscimus JESUM obedientis animæ domum, in qua inhabitet invenisse: veniamus illuc contemplatione, non propter hominem tantum, quem in anima suscitatum videmus, sed ut vitam bonam imitemur, & per hoc ad visionem JESU perveniamus. *Cognoverunt autem principes Sacerdotum*, dolentes de manifestatione gloriæ Christi, *ut & Lazarum interficerent*, ad occultandum miraculum, quia multi ex Judæis propter illum abibant & credebant in JESUM, convicti signò maximo, & inducti ad credendum. In quo videbantur manifestè DEO obviare, Ipse enim vivificaverat Lazarum, & isti volebant occidere Eum, ex quo & maxima patet malignitas eorum. Stulti & maligni judæi eum occidere volebant, quem nuper Dominus suscitaverat, ac si iterum eum resuscitare non posset. Unde Augustinus: O stulta cogitatio & cæca sævitia. Dominus Christus, qui suscitare potuit mortuū, nō posset suscitare occisū? *Ecce utrumq; fecit Dominus, & Lazarum mortuum, & seipsum suscitavit occisum.* Ubi & Chrysostomus. Nullum autem miraculum Christi.

Augustinus

Tract. 50.

in Joann.

Chrysostomus

65. in Joann.



Christi, eos ita furere fecit: hoc enim mirabilis erat: & coram multis factum est, & erat inopinabile, mortuum quatrduanum videre ambulantiem & loquentem.

# DE SESSIONE DOMINI SUPER PULLUM

& asinam.

## C A P U T XXVI.

**F**requentabantur mysteria, inplebantur scripturæ per Dominum <sup>Joann. 12.</sup> <sup>Matth. 21.</sup> <sup>Marci 11.</sup> <sup>Luca 19.</sup> JESUM instante tempore, quod volebat per proprii sanguinis effusionem mundo conferre remedium. Igitur *in crastinum*, id est, in die sequenti, scilicet Dominica, summò mane paravit se ad eundum in Hierusalem novò & inconvetò modò. sed sicut fuerat Prophetarum. Imminente itaq; Paschali tempore, quò immolabatur agnus: ipse tanquam verus agnus ad locum passionis accessit, pro salute mundi voluntariè immolandus: factò ostendens quòd erat paratissimus se humiliare, & obedire usq; ad mortem contemptissimam & acerbissimam pro omnibus. Secundùm Bedam: Præceptum legis erat, ut decimâ lunâ primi mensis agnus, sive hædus in domo recluderetur usq; ad decimam lunam ejusdem mensis, quando ad vesperam immolabatur; unde & verus Agnus, ex omni grege sine macula electus, per populi sanctificationem immolandus, ante quinque dies, id est decimâ lunâ Hierosolimâ ascendit, ut sic veritas figuræ responderet. Cùmq; Dominus JESUS pergere vellet: Mater, ut creditur, pro affectu Eum retinebat. Similiter & discipulis. & aliis intolerabile videbatur, quòd illuc iret, & ut poterant Eum retraherent. O. DEUS quomodo diligebant Eum? & quomodo erat Ejus amarum quidquid læderet ipsum. Ipse verò aliter disposuerat, qui universorum salutem sitiebat: cepit igitur ire, & illa parva sed fidelis discipulorum comitiva post ipsum incedere: & venit Betphage, in medio itineris, quæ erat viculus seu villa parva Sacerdotum, in latere & descensu seu declivio Montis Oliveti versùs Hierusalem, distans unò miliaris à Bethania, quæ est in alio latere montis ejusdem, & unò à Hierusalem: Unde Bethage locus Sacerdotum, bene domus buccæ seu maxillarum interpretatur: quia maxilla propria erat pars Sacerdotum in lege, quorum erat prædicare, & verbum DEI proponere. Sacerdotes enim qui per hebdomadam in Templo deserviebant, completò officio vicis suæ, illuc ad manendum divertebant, ubi etiam pecora sua alebant, licet enim; non habebant hæreditatem ad excollendum, habebant ramen domos ad nutriendum animalia: & ad manendum tempore quò non vacabant cultui Divino in Hierusalem. In hoc quòd Dominus venit in Montem Oliveti, significatur quòd per solam pietatem veniebat ad passionem, & non per necessitatem. Secundùm Hieronymum, iste mons, vocatur mons olei charismatis, & luminis: in quo significatur triplex effectus Dominicæ passionis, in oliva venia indulgentiæ in chrismate unctio gratiæ, in lumine splendor gloriæ. Ibi ergo Dominus expectans, *misit*, inde, *duos discipulos* <sup>hom. 37.</sup> Secundùm Chrysostomum: Et Glossa: hi fuerunt Philippus & Petrus: quorum primus Samariam, quasi asinam: secundus Cornelium, quasi asinæ pullum adduxit: tales enim debent mitti ad prædicandum



dum, scilicet qui habent agnitionē veritatis, seu scientiam ad intelligendum: & splendorem honestatis, seu gratiam ad docendum.

*Duo cur missi, alias exempli.* Petrus enim interpretatur agnolcens. Philippus, os lampadis. Misit autem discipulos quasi disciplinatos, propter ædificationem Templi: sed duos propter firmitatem verbi: quia in ore duorum vel trium, stat omne verbum: & pluribus aliis de causis destinavit hunc numerum, sicut & binos misit ad prædicandum. Unde Hieronymus cap. 11. Misit duos, propter societatem, propter duplicem humilitatem cordis & corporis: & propter duplicem geminam charitatem, DEI & proximi. Et iterum. Sive propter theoreticam & practicam, id est; scientiam & opera. Unde & Beda. Recte autem duo mittuntur, sive propter scientiam veritatis, & munditiam operis: seu propter geminæ dilectionis: DEI videlicet & proximi Sacramentum, toto orbe prædicandum. Unde etiam Chrysostomus hom. 37. Opera imperfectis mandata omne genus hominum de peccato absolvitur. Quamvis Matth. 22. Diliges Dominum DEUM tuum ex toto corde tuo: & proximum tuum sicut teipsum. Matth. 7. In his duobus omne peccatum expellitur, & omnis iustitia consummatur. Aut certe illa duo: Quod tibi non vis fieri, alteri ne feceris. & quod vultis ut faciant vobis homines, facietis eis & vos similiter. Unde & Remigius: Duos quippe misit, propter duos ordines Prædicatorum missos iudeis & Gentibus, sive duo sunt præcepta charitatis, sive propter duo testamenta, sive propter literam & spiritum. Et dixit eis ite in Castellum: scilicet in Hierusalem: quod contra vos est, id est; coram vobis est: & vobis ex opposito positum ad radicem alterius montis, scilicet Sion. Hoc etiam dicit, quod contradictionem futuram in Hierusalem contra Apostolos prævidebat. Et dicit castellum, quia usus Sacrae Scripturae est, aliquando castellum pro Civitate, & Civitatem pro castello ponere. Vel dicitur castellum, propter loci situm & fortitudinem: quia triplici murō: ac propugnaculis & fortalitiis, ad modum castris clausa erat Hierusalem. Vel vocat eam sic despectivè: jam enim nomen Civitatis amiserat, quia ex libertate temporali in servitutē gentium redacta, & Romanis subiecta erat. Item de libertate spirituali redacta erat in servitutem peccatorum: & de frequentia populorum in paucitatem habitantium: & ideo dicitur diminutivè castellum. Item non vocat Hierusalem Civitatem, quia non erat ibi civium unitas, sed multiplex discordia inter eos, sed vocat eam castellum, quia munita erat armis militiæ contra Christum. Et statim, scilicet ante portam, & introitum Civitatis: invenietis asinam & pullum ejus, super quem nullus sedit; in bivio & loco publico alligatos, & ad ministeria pauperum deputatos. Mos quippe erat in illis Regionibus, ut in singulis Civitatibus & viculis, asinus, vel quodlibet animal, ad opus vel ad sedendum aptum, præparatum haberetur pro pauperibus, qui propria jumenta non habebant: & si cui necesse esset opere vel itinere unius diei, eō uteretur: de cujus sustentatione habitatores Urbis communiter cogitabant: sed cum quis eō utebatur, pro tempore illo, pabulum ei dabat, & post usum ad locum determinatum reducebat. Mos igitur iste tunc Hierosolymis servabatur, ubi in loco publico ligata erat asina, & cum ea pullus, qui pariter ad opera communia nutriebantur.

Non-



Nondum enim quisquam eum ascenderat, & quia asinâ utebatur, utrique de pabulo providebat, *Solvite & adducite mihi.* Ubi Chrysostomus: Ecce igitur Chrysost. quàm humile & contemptibile animal Christus Rex Regum elegit ad insiden- hom. 37. dum, cùm Hierusalem ingrederetur. *Et si quis vobis aliquid dixerit, dicite quia operis im-* Dominus, scilicet omnium, *his opus habet: & confestim, sine contradictione, dimittet eos.* Dicit enim Chrysostomus: quod virtus Christi, movit & præparavit Idem ibidē. cor Domini, id est custodis illorum animalium, ut mox ad verbum eorum daret eis, quamvis ignotis. Mystice castellum mundus, discipuli verò Prædicatores, mundus verò est contra Prædicatores: quia mundus amat divitias, honores & delicias: è contra Prædicatores prædicant paupertatem, abjectionem, & asperitatem. Asina, populus Judaicus propter stultitiam: pullus, populus Gentilis propter lasciviam, & peccandi consuetudinem. Dicit ergo discipulis, *Ite*, ad prædicationis officium, ad sacramentorum ministerium: *in castellum* id est in mundum, qui multipliciter impugnat DEUM, scilicet erroribus, in incredulis: fictionibus, in hypocritis: voluptatibus, in impudicis vanitatibus, in superbis: cupiditatibus, in avaris & ambitiosis. Unde Jo-1. Joan. 5. annes: Totus mundus in maligno, id est, in malo igne positus est. *Quod contra vos est:* dissimili conversatione, tumida mentis obstinatione, pudibunda oris objurgatione. *Et statim invenietis*, quia sine magna sollicitudine quærendi: *asinam alligatam, & pullum cum ea.* quorum secundum glosam, unum ad Judæos, scilicet asina: alterum ad Gentes, scilicet pullus refertur. Igitur Judæa secundum DEUM, & in spiritualibus mater est gentium, quia de Sion exivit lex. Ecce triplex miseria conditionis peccatorum, quæ debet nos movere ad quærendum. Bestialis similitudo, quia de homine jumentum est factus: & ideo dicit, *asinam & pullum Ejus.* Spiritualis ligatio, quia de libero factus est captivus: & ideo dicit, *alligatam:* talis multitudo: quia stultorum infinitus est numerus: & ideo dicit *statim invenietis*, ubique enim occurrunt peccatores. Ut autem dicit Chrysostomus: Propter quasdam similitudines animalibus his assimilati sunt homines, DEUM, vel DEI Filium non cognoscen- Chrysost. hō. tes: est enim animal hoc immundum, rude, stultum, & infirmum: sic fuerunt homines ante Christi adventum, & alligati prava consuetudine peccati, quod vinculum fortius est cæteris, quia licet alia vincula vetustate putrescant, & corrumpantur, vinculum tamen peccati sua vetustate fortificatur: super quem nemo sedit, quia nulli vult obedire: solvite monitis vestris ab erroribus & peccatis enodando & extrahendo, & solutos ostendendo: & adducite mihi, in fide & moribus informando: ut soluti à vinculis me sequantur imitando: sicut, nempe avis quæ portat secum vinculum, non potest bene ad prædam suam volare, nec etiam post prædam suam potest currere canis vinculatus: sic nec peccator post Christum vinculo peccati ligatus. *Et si quis vobis aliquid dixerit*, impedire vos volens, *dicite quia Dominus omnium*, cui omnia servire debent, *his opus habet:* & operam eorum desiderat: non propter suam necessitatem, sed propter nostram utilitatem: vult enim nostram conversionem, propter nostram salutem. *Et confestim*, id est sine contradictione, *dimittet eos:* cognitò mandato Superioris.

Moraliter castellum Domino & suis Apostolis, ac suæ gratiæ muneribus contrarium, potest dici cor hominis peccatoris, rationibus & excusationibus quasi muris & propugnaculis contra DEUM munitum, ac per turrin elationis, & per murum obdurationis, & per seram pertinaciæ firmatum. Asina in eo ligata, est anima vinculis peccatorum præpedita: pullus lascivus, est affectus lubricus & malus duo Discipuli, sunt timor & amor ordinatus: quia asinam & pullum solvunt, dum ea a peccatis absolvunt, & Dominum de super stratis vestibus federe faciunt: dum eandem animam omnibus virtutibus, & donis imbuunt. Ubi Chrysostomus. Ligata erat asina, id est diaboli erroris vinculo impedita, ut non haberet libertatem ire quò vellet: ibidem. nam omnes homines antequam peccemus, liberum habemus arbitrium, si vo- Anima ligata per se verimus nos operibus Ejus: jam omnino nostra virtute evadere non possumus, sed sicut navis fractò gubernaculo illuc ducitur, ubi tempestas impulerit, sic & homo Divinæ gratiæ auxilio, perditæ per peccatum, non, quod



quod vult agit, sed quod diabolus vult. Et nisi DEUS valida manu misericordiae solverit eum, usque ad mortem in peccatorum suorum vinculis permanebit, ergo nostra quidem voluntate & negligentia alligamur, per DEI misericordiam absolvimur. Et sic homo, priusquam peccet, liberum habet arbitrium utrum velit sub regno esse diaboli, cum autem peccando tradidit se sub regno ipsius, jam non potest de potestate ejus exire. Sed prima voluntas Ejus, in necessitatem convertitur. Et hoc est quod homines seculares & peccatores dicere solent: Nunquid volumus esse Sancti? & quis non vult esse justus? sed non possumus: verum quidem est quod dicunt, sed non habent excusationem, quia primum potuerunt non esse sub potestate diaboli si voluissent. Postquam vero posuerunt thronum diaboli in cordibus suis, jam non potest eos de potestate diaboli eripere, nisi solus DEUS. Hæc Chrysost. Unde Bernard. Difficilis prorsus res, & soli Divinae virtuti possibilis, suscipere semel peccati jugum à servis suis excutere quoniam qui facit peccatum, servus est peccati. Nec etiam liberari potest ab isto jugo nisi in manu fortis: hæc est magna misericordia, magis necessaria peccatoribus. De qua dicitur: *Miserere mei DEUS secundum magnam misericordiam tuam. Et secundum multitudinem miserationum tuarum, dele iniquitatem meam.* Hæc Bernard: Studeat ergo quisque à JESU ut diaboli citò Ejus dirumpat jugum, quia tantò facilius quantò citius Ejus dominium evitatur. Hoc autem totum factum est, ut præter humilitatis exemplum, in hoc facto ostensum, etiam adimpletur consecutivè non effectivè, quod dictum est per Prophetam Zachariam, dicentem: *Dicite filia Sion, scilicet civitati Hierusalem, hoc est habitantibus in ea. Noli timere: immo exulta & jubila, ubi dat securitatem, & excludit timorem humanum & servilem. Ecce Rex tuus, id est, Christus, venit tibi mansuetus: sedens super asinam, & pullum suum subjugalis:* id est asinae sub jugo & onere positæ & domitæ, non super utrumque simul, sed successivè. Et bene dicit, *filium subjugalis:* quia populus Gentium exemplo Judæorum credidit, vel à Judæis ad Gentes verbum Domini emanavit. In tali adventu, & tam humili significatur Regis clementia, quæ subditis valde est accepta: quod non veniet in fastu Regio propter quod posset esse odiosus, sed veniet in mansuetudine, propter quod est magis diligendus. Noli ergo timere Regis oppressionem, sed magis exultans agnosce Regem tuum mentes regentem, & ad regnum cælorum perducentem. Secundum Chrysost. Consvenerunt homines timere Reges venientes, propter novitates bellorum, & exactiones, & servitutes atque injusta gravamina, sed noli timere Hierusalem, quia iste Rex veniens non est talis, sed mansuetus & humilis: non in multitudine exercitus & equorum ingrediens, sed cum humili turba asinae insidens. Signum quippe adventus Christi Hierusalem ad redemptionem populi, fuerat in Zacharia prædictum, & celebris fama divulgatum, videlicet quod Christus venturus erat in Hierusalem in paupertate & humilitate, sedens super asinam & pullum ejus: & ideo Legisperiti hoc videntes in ipso completum, ostenduntur contemptores suæ majestatis, quia Eum non receperunt, sed magis tanquam deceptorem persecuti sunt. Hoc autem non solum impletum est, quia erat prædictum, sed etiam ante prædictum est, quia erat implendum. Unde cum dicit, *ut impleretur*, hic ut, consecutivum est, non effectivum. Circa hoc autem, quod Hierusalem dicitur filia Sion: est sciendum, quod mons Sion pars est sublimior civitatis Hierusalem versus Meridiem, & aliquantulum etiam ad Occidentem: in quo erat rupes prærupta quæ Mello vocabatur: in cujus angulo quodam & colle satis eminente erat arx & turris David, ad quam mille clypei pendebant: omniumque fortium armatura: ubi David habitavit, & eam civitatem David appellavit: Unde civitas Hierusalem dicitur filia montis Sion: quia in eo erat fortalicium civitatis, scilicet turris David defendens & protegens civitatem, sicut mater filiam. Unde canitur: *Urbs fortitudinis nostra Sion.* Ut ergo Prophetam omnem excusationem ignorantia à Judæis auferret, cum Domini adventum prædiceret: ipsam qualitatem Domini advenientis ostendit, ac si diceret: O vos Judæi, quod ille adventus Domini in carne venturus est: hinc signis Regem vestrum cognoscite, cum videritis Eum venientem mansuetum, non superbum, sed humilem: non armorum splendore terribilem, ut quon-



dam ad vestram destructionem Nabuchodonosor & Antiochus venerunt, sed ad restorationem: non ut auferat à te temporale regnum atque terrenum, sed conferens tibi (si credideris) caeleste & sempiternum regnum: non ut ducat te in terram alienam vincitum, sed ut restituat te in propria liberum, quod autem tuus ait tale est, acsi diceret: *Tuus* inquam, non alienus, non extraneus, sed proprius Tibi promissus, ex Te natus, & in Te nutritus: & Tibi, hoc est ad Tuam salutem & utilitatem veniens, *venit, inquam, tibi*, nō sibi, sicut Prælati multi potius veniunt ad visitandum propter lucrum suum, quàm propter salutem subditorum, scilicet ut suas procuraciones accipiant, magis quàm ut defectus corrigant: quod verò subjungit *mansuetus*, ostendit suam mansuetudinem non solum in verbis, sed etiam in subjugalis sessione. Unde Chrysost. Sciens autem Propheta malitiam Judæorum, quia contradi-  
 cturi erant Christo ascendenti in templum: ideo antè præmonuit, ut per hoc signum cognoscerent Judæi Regem suum dicens, *Ecce Rex tuus venit tibi mansuetus, sedens super asinam & pullum Ejus.* Cum ergo videritis Eum in templo d  
 Judæi, nolite dicere non habemus Regem nisi Cæsarem: nolite superbè agere contra Eum: quia Rex tuus venit tibi, sedens super asinam. Si intellexeris, tibi veniet: si non intellexeris, veniet contra te, id est, si intellexeris veniet ut salvet te, & sub pedibus tuis subiiciat gentes: Si autem non intellexeris, veniet ut perdat te: & de Templo sanctitatis expellat, & aliam sponsam de gentibus castiorem inducat in cubiculum sanctitatis: vis cognoscere mansuetudinem venientis? considera speciem adventus Ejus. Non sedet in curru aureo pretiosâ purpurâ fulgens, nec ascendit super fervidum equum discordiæ amatorem & litis: qui gloriæ jactantiâ pectus habet repletum, & gaudet ad vocem tubæ: sed sedet super asinam tranquillitatis & pacis amicam. Non autem vides in circuitu Ejus splendentes gladios aut cætera ornamenta armorum terribilium. Sed quid? Ramos frondentes, testimonia pietatis & pacis. Uenit ergo mansuetus, non ut propter potentiam timeretur: sed ut propter mansuetudinem amaretur. Hæc Chrysost. Mystice, dicite, o Prædicatores, *filia Sion*, id est Ecclesiæ militanti: sicut enim Hierusalem dicitur filia Sion, quia ab hoc monte sicut à matre protegi videtur: sic Ecclesiæ militans filia Ecclesiæ triumphantis dicitur, quia ab ea sicut à matre protegitur: *Ecce Rex tuus venit tibi.* id est ad utilitatem tuam, non suam: *sedens super asinam & pullum.* id est in præcordiis utriusque populi: quasi diceret, prædicate mundo adventum Christi in carnem ut cognoscatur & credatur, ut recipiatur & colatur. *Euntes autem discipuli*, tanquam veri obedientes, nō refutaverunt hoc officium ut parvum: sed fecerunt sicut præcepit illis Iesus, & adduxerunt asinam & pullum: & imposuerunt super eos vestimenta sua, & Eum desuper sedere fecerunt. Sic quoque, ut dicit Basilus, decet nos & infima opera plurimò cum affectu & studio aggredi: scientes quod quidquid intuitu DEI sit non est parvum, sed dignum regnò coelorum. Vestimenta Apostolorum, quibus turpitudine carnis cooperitur, & ornata sessio Domino paratur: Apostolica instituta, & exempla ac doctrinam virtutum significant: quibus corda hominum instruxerunt, ut DEUM habitatorem habere possent quibûs receptis à Judæis & Gentibus, sedit in eis Christus: quia nisi anima his instructa fuerit & ornata, DEUM sessorem habere non meretur. Unde Bernardus: Domino quoque sessuro super assellum, vestes suas Discipuli subtraverunt: significantes Salvatorem seu salutem nequaquam insidere nudæ animæ: quam non videlicet vestitam invenerit doctrinâ & moribus Apostolorum. Hæc Bernardus Christus ergo super asinam & pullum sedit, propter veritatem præallegatæ prophetiæ, quæ hoc expresse dicit. Et primò sedit super asinam: secundò post adventum turbæ de Hierusalem, sedit super pullum: qui quia indomitus & lascivus erat, & super eum nemo adhuc federat, nec adhuc applicatus humanis usibus fuerat, propter inquietudinem & in consuetudinem forsitan recalcitrabat: & ideo Christus Rex mansuetus descendit: & deinde super asinam sub jugo domitam iterum ascendens sedit. Hoc autem factum est in figura, quia per asinam significabatur populus Judaicus, qui sub lege laboraverat, & jugum legis traxerat, ac multis vinculis peccatorum alligatus erat: per pullum populus Gentilis, qui jugo legis subjectus non fuerat, nec

Tuus Rex  
quid.

Chrysost. hō.  
37. operis  
imperfecti.

Tibi venit  
quid.

Mysticè.

Bernardus.  
serm. 27.  
quam in cantica.



quis Eum jugo Domini coercuerat, ac diversis dogmatibus & erroribus subditus erat. Ad hoc ergo Christus veniebat, ut utrumq; populum sibi per fidem Catholicam subjugaret: sedens autem primò super asinam, secundò super pullum, deinde iterum super asinam: significavit quia de Judæis transivit ad Gentes: & iterum in fine mundi de Gentibus transibit ad Judæos ut postquam plenitudo Gentium intraverit, omnis Israel salvus fiat. Hoc mysterium etiam notatur in delatione missalis à cornu ad cornu altaris. Vel secundum glossam: Non ad literam super utrumq; in tam brevi spatio sedit, vel spiritualiter intelligendum est, quia in præcordiis utriusque populi sedet.

*Chrysost. h. det.* Unde & Chrysost. Sedet super asinam & pullum ejus, ut & in Judæis 37. operis sederet, & in Gentibus. Sedere autem super jumenta, est in præcordiis imperfecti. eorum habitare, ut dicat illis Christus: *Tollite jugum meum super vos, & videte quia mitis sum & humilis corde.* Non est autem contrarietas quòd Mathæus dicit asinam & pullum: cæteri autem tantum dicunt pullum, quia unus quândoq; dicit, quod alius tacet & prætermittit. Mathæus quidem scribens Hebræis, Hebræorum eloquiò rectè asinam & pullum refert, simul Domino adductos: Concordia sciebāt nempe notitiam DEI venturam ad Judæos & Gentes: sed cæteri Evāgelistæ scribentes Ecclesiæ Gentium Græco sermone, solummodo mentionem pulli faciunt: quia quod gentium salutem specialiter respicit, attendunt. Moraliter. pulli faciunt: quia quod gentium salutem specialiter respicit, attendunt. Moraliter per asinam potest intelligi caro nostra pigra, stolidi, lasciva: ab anteriori debilis, id est ad spiritualia: à posteriori fortis, id est ad temporalia: per pullum carnalis affectus, & vanum desiderium nostrum quæ ligantur, id est voluptatum illecebris irretiuntur, sed ea solvere & subicere debemus, ut DEUS ibi sedeat: illique dicamus, *ut jumentum factus sum apud te:* omnis 1. Cor. 6. taxa, & portabimus: & è converso audiamus: *Empti estis pretiò magnò, portate Christum in corpore vestro:* per illos ergo qui asinam & pullum ad Christum deducebant, poenitentes significari possunt, qui carnem suam dant DEO, per mortificationem: & animam, per contritionem: sicut enim per asinam caro, sic per pullum animus designatur. Ad ostendendam ergo suam humilitatem & mansuetudinem, Dominus non super superbum & fervidum: sed humilis super humile, & mitis super mite animal sedit, quia non in superbis & asperis, sed in humilibus & quietis tantum requiescit, non curru vel equis utens, non scutiferos circumducens, sed magnam utilitatem & mansuetudinem hinc ostendens. Ergo etiam in exterioribus necesse est ut humilitatem etiam in exterioribus ostendas, si Christum sequi desideras in equitatura, in veste, in cibo, in domo: habedamicilio, & in omni apparatu. Et secundum Chrysostomum, quia continebat quosdam infirmiores existentes, subjugali opus habere, hic mensuram nobis sapientiæ posuit: monstrans quod super equos & mulos, aut hos jumento ferri necesse non est, sed sufficit asino uti, & ultra non procedere, & ubique eò quod necessitatis est contentum esse. Interroga autem Judæos, qui Rex super asinam delatus intravit Hierosolymam? Sed non utique alium habent dicere quàm hunc solum. Hæc Chrysostomus Unde Dominus legitur alibi equitasse, vel mulum ascendisse: sed modò tantum asinasse: & tamen eadem hebdomadâ legitur morte turpissima condemnatus fuisse. Quid fiet de multis Prælati, qui cum equorum multitudine equitant: & hoc de patrimonio Crucifixi & bonis Ecclesiasticis? hoc enim est contra Christi exemplum hic eis ostensum. Item est contra illud Deuterono: *Cum fuerit Rex constitutus non multiplicabit sibi equos.* Si non licet Regi: quantò minus Pontifici? Si non laico, quantò minus clerico? Si non de redditibus proprii patrimonii: quantò minus de patrimonio Crucifixi? Sed non superbiant qui equis vel curribus vehuntur: quia & ligna, & lapides, & aliæ res viles plerumq; sic ducuntur. Unde Chrysost. Quid tibi arrogas, & magna sapis o homo, quoniam excelsus super equum veheris, quia te trahunt mularum quadrigæ? & quale istud est nam & saxa ita plerumque & ligna gestantur. Speciosa veste circumdaris: sed respice pro cultu vestium virtutum decore fulgentem, & videbis te quidem putrefacto jam fœno similem, illum verò arbori admirabiles fructus ferenti, maximamq; præbenti cernentibus voluptatem. Hæc Chrysost. Conspice nunc bene, & considera quomodo Dominus mundi incedebat. Quamvis enim justissimum foret Eum honorari: honoris tamen tempore

humilitas  
Xp̄i



tempore talibus dextrariis & phaleris usus est, & in hoc suo honore honorabilem pompam mundi non modicum vituperavit: non fuerunt hæc animalia ornata frenis, & sellis deauratis, & phaleris sericatis, more stultitiæ mundialis: sed quibusdam vilibus pannis & funiculis. cum tamen esset Rex Regum, & Dominus Dominantium. In hoc ergo facto utile humilitatis exemplum Dominus suis reliquit: sed filii superbiæ pro dolor parum hoc attendunt. Unde legitur, quod cum Heraclius Christianissimus Imperator: revertens à cæde Cosdroes Regis Persarum, per portam per quam Christus in die palmarum intravit, in equo Regio & ornamentis Imperialibus decoratus ingredi vellet: repente lapides portæ descenderunt, & invicem, quasi unus paries se clauserunt: super quo cunctis stupentibus, Angelus Domini signum Crucis in manibus tenens super portam apparuit, dicens: Cum Rex Cælorum Christus per hanc portam ad passionem intraret: non cultu Regio, sed humili a sellâ ingrediens: humilitatis exemplum suis cultoribus reliquit: his verò dictis Angelus Domini abcessit. Tunc Imperator lachrymis perfusus, discalceatus, & usq; ad camisiam spoliatus: Crucem Domini accipiens usq; ad portam humiliter bajulavit, Moxq; lapides ad suum locum redierunt, & intrantibus cunctis ingressum patefecerunt. Mystice secundum Remigium: Salvator noster in asino sedens Hierosolimam tendit, quando Ecclesiæ universali, vel cuiq; animæ fidelis præsidens, & eam in hoc sæculo quasi jumentum regit: & post hanc vitam ad visionem Cælestis Patriæ introducit.

Heraclius  
Hierusalem  
ingrediens.

## DE GLORIOSA DOMINI SUSCEPTIONE.

### C A P U T XXVII.

**E**T cum appropinquaret JESUS ad descensum Montis Oliveti, multi descendantium cum eo, ex quibus plures de Hierico fuerant Eum secuti, *substernebant vestimenta sua in via: alii autem cedebant ramos virides de arboribus fructiferis quibus Mons Oliveti cõstitus est: & sternebant in ea, ut viam ornarent, & ne jumentum in lapidē offenderet, ne calcaret spinam, ne laberetur in foveam.* Mons enim Oliveti Mons uberrimus est, & decorus, arboribus plenus, & maximè olivarum, à quibus & nomen accepit. Turba autem multata, quæ convenit ad diem festum in Hierusalem de omnibus tribubus Israël: quia omnes tenebantur venire in Hierusalem in Paschali solemnitate: ac pueri, ac plebecula Hierosolymorum, cum sciverunt JESUM advenire, *tollentes ramos olivarum, & palmarum exiverunt obviam ei, reverenter usq; ad Montem Oliveti: & ut Regem cum hymnis & canticis, ac vestium suarum & ramorum stratione, ac lætitia magna Eum honorificè susceperunt: & ab illo loco usq; Hierusalem, cum hymnis & laudibus deduxerunt: canentes, gloria, laus, & honor Tibi sit, Rex Christe Redemptor.* Quod Divina dispensatione factum est, ad designandum victoriam, quam Christus erat in proximo habiturus, qua erat moriendo mortem superaturus, & trophæo Crucis de diabolo mortis principe triumphaturus. Hæc processio in arca fæderis præfigurata fuit, quam David in jubilo deduxit. Post Lazarum suscitatum, & unguentum super Caput JESU effusum, odore famæ Ejus jam resperso in populo per circuitum, præsciens Ipse turbam obviam sibi venturam, ascendit asellum, ut

Matth. 21.

Marci 11.

Joann. 12.

Lucæ 19.

Oliveti mons

2. Reg. 6.



inter applausus occurrentium populorum miræ præberet humilitatis exemplum. Inter alia quippe Christi miracula, maxime miraculum auditum de Lazaro ad hanc devotionem & honorificam oblationem eos commovit: quia secundum Augustinum, inter omnia miracula quæ fecit Dominus noster JESUS Christus, Lazari resurrectionis præcipue prædicatur. Istud enim evidentius & mirabilius signum erat: & ideo ultimè ipsum reservavit, ut magis eorum memorie imprimeretur. Miraculis ergo trahebantur, qui verbis non movebantur. Ubi Origenes: Pulchrè autem turbas, laudantes DEUM, ad descensionem montis occurrere legimus, ut Operatorem mysterii spiritualis significarent sibi venisse de Cælo. Ubi & Beda: Descendente etiam Domino de Monte Olivarum, turbæ descendunt, quia humiliato misericordie Authore, necesse est eos qui misericordiam indigent, Ejus vestigia imitari. Cum autem turbæ obviantes pervenissent ad Christum, facta sibi reverentia præcesserunt, aliis sequentibus Ipsum: & sic erat Christus in medio eorum. Unde sequitur: *Turbæ autem quæ præcedebant. & quæ sequebantur clamabant, dicentes Filio David hosanna*, quod est vox exultantium pariter & laudantium, vel obsecrantium: magis affectum indicans, quam aliquam rem significans, sicut racha interjectio indignantis dicitur, nihil expressè designans. Unde secundum vocem, neq; Græcus, neq; Latinus interpretari potuit: sed secundum sensum interpretantur quidam salvifica, vel salvum me fac. Et est hosanna verbum Hebræum, ex corrupto & integro compositum. Dicitur enim hosanna, id est, littera subtracta, quasi osianna: osi ergo corruptum, anna est integrum: osi autem apud eos interpretatur salva, vel salvifica, vel salvum fac: & anna est interjectio obsecrantis, sicut apud nos heu dolentis: nam sicut apud nos à dolente dicitur heu, sic apud illos ab obsecrante dicitur anna, & valet apud nos utinam, quod est adverbium optandi. Et ideo hosanna tantum valet, quantum utinam salvemur, vel obsecro salva. Et quia hæc interjectio in Latino non habetur eloquio, posuit pro ea noster Hieronymus, obsecro. Unde in Psalmista. Ubi septuaginta interpretes transtulerunt. *O Domine salvum me fac*, in Hebræo scriptum est anna Adonai osianna. Quod interpres noster Hieronymus diligentius elucidans, ita transtulit: obsecro Domine, salva obsecro. Idem namq; signatò Domine, per ipsam interjectionem obsecrationis quod obsecro Domine, per ipsum verbum obsecrationis. Est ergo osanna, quasi osianna, id est, salva obsecro: & est una dictio, vel duæ per subtractionem unius literæ, & significat quod adventus Christi salus sit mundi, cui enim salva, sive salvifica, clamabant, utiq; Salvatorem credebant. Unde & convertendo sermonem inter se, subjungunt, dicentes, *Benedictus*, id est gloriosus sit: vel secundum Bedam, *Benedictus*, id est, ab omni peccato singulariter immunis, & immunes faciens: *qui venit*, per carnis assumptionem, id est, incarnatus est, *in Nomine Domini*, id est, in Nomine Patris, & à DEO Patre missus ad explendum Ejus voluntatem, & ad glorificandum Eum, quia Filius non in Nomine suo, sed in Nomine Patris venit: Eum glorificando, & in omnibus operibus non suam sed Patris gloriam quærendo. Unde alibi: *Ego, inquit, veni in Nomine Patris*. In hoc ergo consentitur & laudant Domini adventum: benedictio namque quæ fit à nobis, in DEO confessio sola est, & laudatio bonorum, quæ præstita sunt ab eo. Benedictio verò quæ fit à DEO in nobis

Origenes

Tract. 14.

in Matth.

Beda c. 19.

Luca.

Psal. 117.

Beda in cap.

12. Marci.

Joan. 5.



bis impletur, dum ejus beneficiis implemur. Ubi sciendum quod benedicere, est bonum dicere. Aliter autem DEUS benedicit nobis, & aliter nos benedicimus DEO. DEUS enim benedicendo nobis, beneficium nobis impendit, & bonos nos facit, nam suum dicere, est ejus facere. quia Ipse dixit, facta sunt; nos autem benedicendo DEO, non Eum bonum facimus, sed tantummodo Ejus bonitatem confitemur & laudamus: dicere enim hominis, non est suum facere, sed tantum fateri. Et addunt, *Rex Israël*. In quo confitentur Ejus potentiam, tamen diminutè, quia credebant Ipsum Regnaturum temporaliter, & liberaturum eos à tributo, Ipse autem venit ad Regnandum spiritualiter, & ad liberandum totum genus humanum à diabolo, quod erat majus illo. Ad literam ergo credebant quod venisset Regnaturus temporaliter super eos in Regno David, & redempturus ipsos à servitute Romanorum, & restituere Regnum temporale quod à Romanis erat usurpatum. Cujus contrarium Ipse dixit coram Pilato: *Regnum meum non est de hoc mundo: sed supple, de Cælo: & ideo applaudebant Ei tanquam tuo Regi*. Unde subjungunt, & benedictum, quod scilicet venit, Regnum Patris nostri David: quod scilicet restitutum est nunc in adventu tuo: quasi dicerent, hoc est de quo dictum est: Dabit illi Dominus DEUS sedem David Patris ejus. Regem vero eum in testimonium suæ damnationis vocaverunt: ex hoc enim patet, quod proprium Dominum occiderunt. Ubi Augustinus: Quid autem magnum fuit Regi sæculorū Regem fieri hominum? Non enim Rex Israël Christus ad exigendum tributum, vel ferrò exercitum armandum, hostesquè visibiliter debellandos, sed Rex Israël quod mentes regat, quod in æternum consulat, quod in Regnum Cælorum credentes, sperantes, amantesq; perducatur. Quod ergo Rex esse voluit Israël, dignatio est non promotio: miserationis indicium, non potestatis augmentum, qui enim appellatus est in terra Rex Judæorum, in Cælis est Dominus Angelorum. Et iterum: Noli timere, illum agnosce qui à Te laudatur, & noli trepidare comparitur, quia ille sanguis funditur, per quem Tuum delictum deleatur, & vita redimatur. Hæc Augustinus. Deinde iterum verba convertentes ad Ipsum, repetunt, *osanna*, id est; salva obsecro. Bis dicunt *osanna*, quia Salvator est Christus secundum naturam utramquè: secundum Divinam, effectivè: secundum humanam, meritorie. Et ad sciendum de qua salute intelligatur, determinant ubi se velint salvari, scilicet *in excelsis*, id est; in Cælestibus, non in infimis & terrenis. Salva in excelsis, qui prius salvabis ab inferis. Ecce duplex salus, una in liberatione pœnæ, alia in collatione gloriæ, ubi manifestè ostenditur quod adventus Christi non tantum hominum, sed totius mundi salus est, in Cælis & in terris, & terrena jungens Cælestibus, *ut omne genu sibi flectatur, Cælestium, terrestrium, & infernorum*. Christus enim veniebat ad dandam salutem Cælestem & æternam, & fortè licet sublimitatem Regni æterni & temporalis petebant, tamen nescientes prophetice Eum Regem Cæli & Angelorum prædicabant. Et hoc Divina ordinatione significabatur verbis laudantium, cum dicebant, *osanna in excelsis*: quod est salutem æternam à Domino petere, licet hoc non intelligerent, sicut & Caiphas dixit mortem Christi futuram pro salute mundi, licet non intelligeret quid diceret. Ubi Chrysostomus. Ex his ergo verbis colligimus, quod DEUS est, nam *osanna* salvos, fac interpretatur, salutem

Joann. 28.

Luca 1.

Augustinus  
Tract. 51.  
in Joann.

Salus duplex

Philip. 2.

Joann. 11.

Chrysostomus  
in Joan.



Salus in ex-  
celsis.

autē Deo scriptura attribuit. Et notādū, quia quod dicitur in excelsis, signū est quod in inferioribus nō est salus, sed multiplex periculū, sed in excelsis, quæ sola Cælestia sunt, salus sine periculo invenitur. Vel in hoc quod dicitur hic, in excelsis significatur per primum osanna, quod Christus est Rex in terra universa, per fidē & gratiā, & per hoc quod hic ad secūdū osanna additur, in excelsis, significatur quod nō tantū in terris, sed etiam in Cælestibus Christus regnat. quia per Ipsū ea quæ in Cælis & in terris sunt restaurantur. Consideranda est autem, juxta ordinem personarum, qualitas meritorum. Qui enim vestimenta sua super asinam impoluerunt, ut JESUS mollius federet, Apostoli fuerunt, qui suā doctrinā mentes hominum, ut habitaculum DEI essent præparaverunt. Per istos significari possunt, qui per suas exhortationes animam erudiunt, à peccatis abstrahunt, virtutibus ornant & componunt, ut sic ibi Dominus sedeant, & quiescat. Qui autem vestimenta in via straverunt, ne pes asinæ impigeret, Sancti Martyres sunt: qui dum corpora sua, animarum videlicet tegumenta, propter DEUM ad supplicia tradunt, & proprio se carnis amictu exuunt, quasi vestimenta sua sternunt: iter simplicioribus suo sanguine ostēdentes, per quod ad Cælestem Hierusalem pervenire possint. In

*Vestimentorū via deniq; vestimenta sternunt, qui exempla Martyrum secuti, cor- significatio.* pora sua per abstinentiam edomant, ut Domino iter ad mentem parent vel exempla bona sequentibus præbeant: quia ergo vestimentum animæ, est corpus: hoc vestimentum substernimus, aut per Martyrium, aut per jejunium, aut etiam per boni operis exercitium & exemplum, aut per continentie propositum. Vel vestimenta animæ diversorum colorum, sunt varietates diversarum virtutum: quæ tunc in via sternimus, quando ea in exemplum aliis præbamus. Felix illius anima, cujus virtutes cōfundunt & extinguunt in aliis vitia contraria. Vestimenta etiam, ob advēſū Christi, in via sternere, est antiquam conversationem peccati deponere. Qui verò ramos de arboribus cædebant, & sternebant in via, ut iter asinæ planum & decorum redderent. Sancti Confessores sunt, qui dum verba & sententias: vel exempla Patrum præcedentium de scripturis carpentes, in via DEI, ad Auditoris animum venientis, humili prædicatione submitunt, quasi de spiritualibus arboribus ramos cadentes, Cælestis Patriæ iter decorant. Vel per illos qui ramos Olivæ

Bernardus  
jerm. 1. inferebant, significantur qui circa opera misericordiæ se exercitant:  
ramis palmarum.  
Obsequium  
triplex.

Olivæ enim DEI misericordiā significat. Et per illos qui ramos palmarū ferebāt, significātur qui circa victoriā tēſationū intēdūt: palma nēpe victoriā designat. Notat autē Bernardus, hic triplex obsequium Christo exhiberi. Primum quidē à jumento, cui Dominus insidet. Secundum, ab his qui vestimenta in via prosternunt. Tertium, ab his qui ramos de arboribus cædunt, Prælati ramos de arboribus cædunt, cum de fide & obedientia Abraham, de castitate Joseph, de masveru vine Moyſis, cæterorumq; sanctorum virtutibus prædicant. Sæculares verò homines vestimenta prosternunt in via, cum expēdunt Christi obsequium, non siquidem corpora, sed quæ adjacent & necessaria sunt corporibus, quasi vestimenta: cum elemosynas langiuntur de terrena substantia. Religiosi sunt jumentum, juxta Apostolum, glorificantes & portantes Dominum in corpore suo. Hi sunt qui dicere possunt, ut jumentum factus sum apud te, & ego semper tecū: omnes reliqui ex eo quod abundāt sibi mittunt, & quasi sine labore obsequiuntur Domino: solum verò jumentū semetipsum exponit ejus obsequio.

Omnes



Omnes tamen (si suo quisque fideliter intentus fuerit ministerio) proculdubio in processione sunt Salvatoris, & cum Eo in Sanctam civitatem ingreditur. Tres enim Propheta vidit salvandos: Noe, in arcæ fabricam ramos *Tres salvā-*  
cedentem: Job, hujus mundi substantiam bene dispensantem: Daniele, *di.*  
in vili edulio & labore abstinentiæ factum quasi jumentum. Cui autem in  
illa processione sit JESUS propinquior: cui de tribus ordinibus sit salus vi-  
cinior: facile credo quisque potest advertere. Hæc Bernardus. Turbæ au-  
tem præcedentes & sequentes utriusque testamenti significant fideles, una vo-  
ce clamantes. Præcessit quippe Judaicus populus, secutus est Gentilis: &  
quia omnes qui fuerunt, vel sunt fideles, in Christum Mediatorem DEI &  
hominum crediderunt & credunt: & qui præeunt, & qui sequantur, clamant,  
salva nos obsecro. Unde Beda: Sed qui præibant, & qui sequebantur, cla- *Beda in cap.*  
mabant, osanna. Osanna autem lingua Latina, salva nos dicitur: ab Ipso *11. Marci.*  
nempe salutem & priores quæsierunt, & præsentem quærunt: & Benedictum *Præeuntes*  
qui venit in nomine Domini confitentur: quoniam una spes, una fides est *& sequentes*  
præcedentium atque sequentium populorum: quem nempe priores nostri ex *Christum.*  
Judaico populo crediderunt, atque amaverunt venturum: Hunc nos & ve-  
nisse credimus & amamus, ejusque desiderio accendimur, ut Eum facie ad faciem  
contemplemur. Unde & Chrysost: Qui præcedebant, seniores erant: id est, *Chrysost. hō.*  
Patriarchæ & Prophetæ ceterique Sancti, qui ante adventum Christi de ad- *37. operis*  
ventu Ejus & prædixerunt, & cognoverunt. Sequentes autem, juniores *imperfecti.*  
id est Apostoli, Martyres, ceteriq; Doctores, qui post ascensum Christi de  
Resurrectione Ejus, & de ascensu, vel de operibus Ejus prædicaverunt &  
prædicant. Et diversi quidem in temporibus fuerunt, tamen in omnibus u-  
nus exultationis spiritus fuit. Et illi quidem Prophetantes, de Christo ventu-  
ro clamaverunt: *Benedictus qui venit in nomine Domini*, isti autem laudantes cla-  
mant de adventu Christi, jam adimpleto hosanna, &c. Hæc Chrysost: Fa- *Fa-cta Chri-*  
cta etiam Christi, quia quasi media inter facta veteris testamenti & novi *si media.*  
sunt, ideo tam turba quæ præcedebat, quàm ea quæ sequebatur, Eum lau-  
dabat: inquantum facta Christi sunt regula & exemplar eorum, quæ in no-  
vo testamento fiunt, & quæ à Patribus veteris testamenti præfigurata sunt.  
Unde etiam Bernardus: Præcedebant aliqui, & viam Domino parabant: ipsi *Bern. sermo*  
sunt qui viam parant Domino ad corda vestra, qui vos regunt, & dirigunt *2. in ramis*  
vestros gressus in viam pacis. Alii sequebantur, & hi sunt qui propriæ in- *palmarum.*  
scientiæ conscii, devotè sequuntur, & adhærent semper vestigiis præcedentiū.  
Erant quoque discipuli tanquam domestici lateri ejus adhærentes: ipsi sunt  
qui in claustris soli DEO vivunt, semper adhærentes Ei: & Ejus bene pla-  
citum considerantes. Hæc Bernardus. Per istos etiam qui clamabant, dicen-  
tes: hosanna filio David, &c. significantur contemplativi, qui magis devo-  
tioni per orationem sunt intenti. In præmissis ergo instruemur ut operibus  
& officiis, quæ nobis magis competunt insistamus: non enim omnibus o-  
mnia competunt: & ideo in ista processione Christi, non unus omnia faciebat,  
sed alii asinam & pullum adducebant: alii vestimenta sua eis imponebant:  
alii vestimenta in via sternerant: alii ramos cædebant, alii jubilabant: &  
ideo unusquisque illud officium debet assumere, ad quod videt magis ido-  
neum se esse. Surge igitur Salvatoris filia, tanquam una de filiabus Hie- *Cantic. 3.*  
rusalem, intuens Regem Salamonem in honore, quem sibi mater synagoga *Figura in*  
in Ecclesiæ nascentis ministerium reverenter exhibuit, ut insidentem aselli *David. 1.*  
tergo universorum Dominum velut cum ramis olivarum, atq; palmarum *Reg. 18.*  
pietatis operibus, virtutumq; triumphis jugiter comiteris. Unde Anselmus:  
Insidentem asello cœli & terræ Dominum comiteris: tantaq; fieri pro te  
obstupescens puerorum laudibus tuas inferas: clamans & dicens, hosanna  
filio David: Benedictus qui venit in nomine Domini. Quod populus Chri-  
sto cum laudibus obviavit, hoc olim per Regem David præfiguratum fuit:  
cui populus post cædem Goliæ obviavit laudes exhibuit. David Christum præ-  
figuravit: qui Goliath, id est diabolum adversarium nostrum superavit: Hie-  
rusalem visio pacis interpretatur: per quam fidelis anima designatur: ad  
hanc Salvator noster omni horâ paratus est venire, & nos Ei in occursum  
per contritionem debemus ire. Cui etiam laudes cantamus, quando pec-  
cata



cata nostra in confessione recitamus: & ramos palmarum in manibus portamus: quando corpora nostra in satisfactione castigamus: insuper & vestimenta nostra in via sternimus, quando temporalia pauperibus erogamus: & cum floribus Ipsum honoramus, quando misericordiae operibus, & diversis virtutibus nos ornamus. Christum JESUM, qui venit in nomine Domini benedicimus, quando pro beneficiis nobis collatis gratias agimus. Regem eum, & Dominum protestamur: si omnia opera nostra cum timore DEI, & reverentia operamur. *Pharisaei ergo, invidia concitati: dixerunt ad semetipsos, id est inter se & ad invicem. Videtis quia nihil proficimus: laborando & faciendo contra Eum. Ecce mundus totus post Eum abit, sermo est hyperbolicus, ad exprimendum quod multi sequebantur Christum: prophetabant, sed nescientes: per hoc enim significatur quod totus mundus erat Eum secuturus. Hoc*

*Aug. tract. 51. in Joan. cant, nihil proficimus, scilicet in malitia nostra non valentes impedire Eum: & secundum eundem, Quid mirum & quid invidet caeca turba, quia post Eum abit mundus, per quem factus est mundus? Chrysostomus autem vult, quod haec sunt verba Pharisaorum credentium, tamen occulte propter metum Judaeorum: & quod dicunt hoc ut retraherent eos a persecutione Christi: ac si dicerent, quantumcunque insidiamini, tanto Hic augetur & gloria Ejus intenditur. Quid ergo non desistitis a tantis insidiis? quod quidem quasi idem*

*Alto. 5. est cum consilio Gamalielis: de quo habetur in actibus. Et quidem de turba Pharisaorum, ex invidia quam contra ipsum conceperant, devotionem populi ad ipsum, videre & laudem Ejus audire non volentes, dixerunt Ei Magister increpa & cohibe discipulos Tuos, & turbas Te laudantes. Magistrum vocant, quem tamen ipsi docere volunt: quasi dicerent. Si Tu justus & bonus esses, talem applausum sustinere non deberes. Vilescat in ore tuorum laus Tua:*

*Beda i. c. 19. ideo eos increpa. Ubi Beda: Mira Judaeorum dementia, quem Magistrum appellandum non dubitant, quia vera docentem noverunt, hujus ipsi discipulos quasi melius edocti redarguendos autumant: eumque corrigere quos instituit svadent, quem signis approbantibus DEUM clarescere vident. Haec Beda Dolebant isti de laudibus Christi. Et primo de hoc quod turbae dicebant Ipsum Benedictum, cum ipsi reputarent Eum peccatorem. Secundo quia turbae dicebant Eum Regem, cum ipsi reputarent Eum valde ignobilem. Tercio quia turbae dicebant Eum venisse in nomine Domini, cum ipsi reputarent Eum non esse a DEO, vel missum ab Eo. Quibus ipse respondit, & prophetizando de futuro se rationabiliter excusavit. Dico vobis quia si hi tacerint, lapides clamabunt: Quod & factum est. Nam quem homines vel timore, vel perfidia confiteri trepidabant: Hunc durissima etiam elementa aperte praedicabant. Crucifixus enim Dominus discipulis, & notis ejus praetimore repressis: & laudem Christi tacentibus, terra mota, petrae scissae, & monumenta aperta, quasi perhibentes testimonium sanctitatis ipsius Christi morientis, cum DEUM & totius mundi Dominum clamabant & protestabantur. In quo apparet duritia Judaeorum & hominum, quia elementa compatiuntur Creatori suo, & recognoscunt Eum. Vel mystice, si tacerint hi, id est Judaei, lapides id est Gentiles ad modum lapidis duri, clamabunt laudes Christi: quod factum est mortuo Christo: quia Judaeis mutis factis a laude Ejus. Gentiles qui duri, steriles, & infructuosi erant: ac ligna & lapides adorabant, ad Christum conversi ipsum laudabant & praedicabant: quia Centurio & alii, qui erant cum Eo, visis tot signis sanctitatem Christi confessi sunt, dicentes:*

*Marci. 15. Verè Filius DEI erat Iste: verè hic homo Justus erat: quotidie Gentiles clamant, & in Christi virtute laudare non cessant, Judaeis ex magna parte cecatis, & laudem Christi tacentibus. Vel moraliter, si tacerint hi, id est clerici: lapides, id est layci, clamabunt, & DEUM bonis operibus laudabunt, quod etiam quotidie in plerisque videmus impleri. Sed illi qui Christum cum tan-*

*Mobilitas to triumpho susceperunt: non diu post contraria in Eo fecerunt. Turba enim nim mobilis est, & more fluctuum & ventorum movetur: quem modò venerat Bernardus neratur: contra eum postea clamat & insurgit. Unde Bernardus? Ab eodem populo, in eodem loco, & ipso tempore, paucis diebus interpositis: raris palmar. primò cum tanto triumpho susceptus, postea crucifixus est. O quam*

diffimi-



diffimile est, tolle tolle crucifige Eum: &, benedictus qui venit in nomine Domini, hosanna in excelsis: quàm dissimile, Rex Israel: &, non habemus Regem nisi Cæsarem: quàm dissimile, rami virentes, & Crux: flores, & spinæ: cui prius vestimenta prosternebantur aliena, ecce suis exuitur, & fors mittitur super ea. Væ tibi amaritudo peccatorum nostrorum, propter quæ diluenda tanta amaritudo necessaria est. Hæc Bernardus. Et quamvis Christus sæpe Hierusalem ascenderit, nunquam tamen aliquem honorem sibi exhiberi voluit, nisi modò cum ad passionem ivit: ut ex hoc detur intelligi quòd in morte Sanctorum non est dolendum, sed potiùs gaudendum, & quòd sua passio erat sibi in gaudium, & in magnum festum: & persecutiones propter Christum debemus gaudenter appetere, mundanos autem honores vitare: sicut fecit Ipse qui Regium honorem fugit, & ad locum passionis gaudenter accessit. Sed cur Christus vadens ad mortem, tantum honorem recipere voluit, cum alias honorem Regium respueret? Ad quod dicendum, quòd hoc ideo fecit ut se non meritum pati demonstraret: & ut Ille qui est in magnis honoribus vel divitiis constitutus, semper memoriam mortis habeat: quia vadit ad mortem, & nihil hinc præter saccum portabit secum: & qui tenet corpus suum in delitiis & ornatibus, cogitet quia vadit ad mortem, ubi vermes corpus comedent & lacerabunt. Item ut doceret quòd regnum suum de hoc mundo non esset ad quod profecto triumphò passionis & gloria resurrectionis pervenit. Unde Beda: Legimus in evangelio Joannis, quia refecta de quinque panibus & duobus piscibus turbæ, voluerunt rapere Jesum, & constituere Eum Regem: sed ne hoc perficere possent, Ipse in montem fugiendo prædicavit. Nunc autem ubi passurus Hierosolymam venit, non refugit eos qui se Regem faciunt: qui agmine glorifico, & hymnis DEI filio ac Rege dignis, ad civitatem Regiam ducunt: non reprimit voces eorum, qui regnum Patriarchæ David in eo restaurandum, & prisce benedictionis dona recuperanda concinunt: ut quid ergo quod prius fugiendo declinavit modò libens amplectitur: regnumque quod adhuc victurus in mundo suscipere noluit, jam exiturus per passionem Crucis de mundo, non negavit suscipere: nisi ut aperte doceret, quia non temporalis & terreni in terris, sed æterni in cælis Rex est imperii, ad quod profecto regnum per contemptum mortis, & gloriam resurrectionis, & triumphum ascensionis perveniret: hinc est enim quod post resurrectionem apparens discipulis ait: *Data est mihi omnis potestas in cælo & in terra: & cætera, ejusdem loci. Hæc Beda.*

## DE FLETU DOMINI SUPER HIERUSALEM, & ingressu in eam. Caput. XXVIII.

**I**mmiscuit autem Dominus cum prædicta lætitia & fletum: nec suæ miserationis oblitus, cum turba depromeret canticum, ipse super excidium civitatis assumpsit lamentum: miserebatur enim eorum qui omnes homines salvari vult, quod nobis non potuisset, nisi per aliquod humanum signum evidens fieret. Effusa enim lachrymæ sunt signum tristitiæ: unde istud Evangelium in mense Augusto decantatur: quia civitas Hierusalem in isto mense prius à Nabuchodonosore, deinde à Romanis destructa fuisse invenitur. Flevit etiam, & tanto honore sibi exhibitò lachrymas voluit commiscere, ut ostenderet, quia humana lætitia citò in fletum convertitur: & quòd omnia gaudia & honores mundi lachrymis, & doloribus sunt admixta. In cælo quidem sunt omnia pura, in Mundo omnia mixta, in inferno omnia lugubria, idest flebilia vel lutulenta, idest lutò plena sordida vel fatida. Item ad dandū exemplū Prælati, quòd quando assumuntur ad honores, pro cura populi potiùs debent flere suam imperfectionem, & populi defectionem, quàm gaudere de sublimatione temporali. Item ut lætitiā mundanam salubri tristitiā temperemus: est enim mundana lætitia, sicut vinum purum, quod citò inebriat, nisi temperetur meditatione mortis, vel recordatione adversi futuri. Unde Ecclesiasticus: *In die bonorum, ne immemor sis malorum. Ut ergo appropinquavit, non solum corporis gressu, sed etiam compassionis affectu, Hierusalem, in qua*



in qua diu viguerat cultus Divinus: *videns*, non tantum oculò corporis, civitatem, & exteriorem ejus pulchritudinem: sed etiam oculò Divinitatis ipsam impiam civitatem in suam necem conspirantem, prævicens ejus casum & subversionem non de sua morte, quam illi machinabantur: sed de illius ruina & perditione *flevit*, scilicet fletu compassionis, *super illam*, tum propter mala culpa, quæ ibi multiplicata fuerant, tum propter mala pænæ, quæ super civitatem & populum futura imminabant, *dicens*. *Quia si cognovisses*, scilicet ea quæ ego super te ventura cognosco, & tu scilicet fletes mecum ruinam tuam, quæ modò exultas: sicut ego, inquit, fleo qui omnia video, & futura cognosco: sic & tu fletes, si nunc ventura videres: quæ modò, quia nescis quod imminet exultas: quia Fons pietatis erat, lachrymas continere non poterat: nec ædificia planxit parietum, sed subversionem animarum. Cur verò modò exultat, ostenditur cum subditur: *Et quidem in hac die tua*, id est in hac tua prosperitatis claritate, & in hoc modico tempore tibi prospero, in quo facies voluntatem tuam? assunt tibi ea, *quæ ad pacem tibi sunt*: non pectoris, nec æternitatis, sed temporis solum & modico tempore duraturam: & ideo nunc gaudes, quia imminet non vides. Cum enim se carnis voluptatibus daret, & ventura non prospiceret: in die sua quæ ad pacem ei esse poterant, habebant.

*Pax mūdāna*

Est namque mundana pax, quàm diligunt impii, ut sine timore peccent, & libere suis voluptatibus vacent de qua in politicis dicitur, quod rubiginem contrahunt, sicut ferrum pacem ducentes. Et attende quia tempus prosperitatis significatur hic nomine diei singulariter: Postea verò dies aduersitatis pluraliter, quia modica fuit prosperitas in comparatione aduersitatis.

*Dies cur fin*

Cur autem bona præsentia ad pacem habuerit, manifestatur cum subiungitur: *Cur autem*, quasi modico præsentis tempore prosperitatis & pacis, *abscorporaliter dita sunt ab oculis tuis*, tam corporalibus, quàm spiritualibus, scilicet mala quæ dicuntur.

præsentia enim prosperitas facit ne consideretur & præcaueatur futura aduersitas: citò autem manifestabuntur & in brevi, quia gaudium hypocritæ instar est puncti. Si enim à cordis ejus oculis mala imminetia abscondita non essent, sic læta in præsentibus prosperis non fuissent. Cujus pænæ, quæ de Romanis Principibus imminet: adjuncta est, cum dicitur. *Quia venient dies*, tribulationum, *in te*, id est contra te: & *circumdabunt te inimici tui*, scilicet Principes Romani, *vallò*, & *circuito*, scilicet concatenaturâ de lignis & palis factâ: & hoc factum fuit in vindictam, quia caput Christi Judæi circumdederunt spineâ coronâ: & *circumdabunt te*, suâ potentia corporali, & hoc in vindictam: quia Judæi circumdederunt Christum hortò cum gladiis & fustibus: & *coangustabunt te undique*, scilicet concludendo, & prohibendo introitum & exitum, ita ut nulla sit evasionis via: tanta autem fuit civitatis angustia, ut carnes filiorum manducarent: & hoc in vindictam, quoniam sitiienti Christo acetum in cruce dederunt. *Et ad terram prosterment te*, turres & loca munitiora diruendo: & cuncta ædificia ad terram deliciendo: & hoc in vindictam, quia corpus Christi mortuum oportuit sepeliri in terra, & *filios tuos*, id est Judæos qui in te sunt geniti, seu habitatores tuos *prosterment*, ad terram: aliquos occidendo, aliquos captivando: & hoc in vindictam, quia Christi filios Apostolos persecuti sunt: *non relinquent in te lapidem super lapidem*, scilicet funditus evertendo: & post omnia in perpetuum sunt dispersi, quia noluerunt sicut alii Christi in fide Ecclesiæ congregati. Cui etiam ex qua culpa fuerit pænâ illata, subiungitur, *eò quod non cognoveris*, quia malitiâ & invidiâ excæcante, cognoscere noluisti, *tempus visitationis tue*, id est, Mei adventus in carnem: veni enim visurus, & salvaturus te: quod si cognosceres, & in Me crederes, esses par Romanis, & ab omnibus erepta periculis. Si enim tempus gratiæ in adventu Christi cognovissent, Christo credidissent, nec supradictas calamitates sustinuisent: sicut omnes qui in Christum crediderunt, tunc evaserunt. Secundum sensum allegoricum, civitas hæc est Ecclesia, quæ tempore Antichristi, sic angustabitur & prostermentur quod pauci audebunt se

*Allegoricus sensus.*

Christianos confiteri quam Ecclesiam Christus visitat, quodcumque ad bonum eam excitat. Sed Ecclesia pro majori parte non cognoscit hoc cum effectu: propter quod Antichristi persecutio super eam venit, ad purificationem

*Moralis.*

Electorum, & damnationem reproborum. Secundum verò sensum moralem,

ista



ista civitas est anima peccatoris, super quam flet Christus fletu compassionis. Si vero consideraret anima statum suæ culpæ, & quem statum pænarum in futuro expectet: ipsa cum Christo semet ipsam plangeret. Sed peccati delectatio tollit mortis repentinae considerationem: districti iudicii timorem, & pænarum inferni anxietatem: quæ vallatur in morte, & angustabitur à spiritibus malignis, ut evadendi auditum invenire non possit: & ejus filii prosternentur idest cogitationes quibus promittebat sibi longam vitam, honores, divitias, & hujusmodi: frustrantur & non relinquetur in ea lapis super lapidem, quia omnis ab illa cogitationum suarum constructio dissipabitur, eò quod non cognoverit tempus visitationis suæ cum Dominus eam invitaret ad emendationem vitæ. Unde secundum Gregorium, quod juxta historiam *Gregor. hom. 39. in Evæg* Dominus semel egit, hoc quotidie per electos suos in Ecclesia agit: plangit enim reprobos qui nesciunt cur plangantur: sed in malis exultant & lætantur: qui si damnationem suam, quæ ejis imminet, præviderent: semetipsos cum lacrymis electorum plangerent, qui in perversitate sua diem suam hic habent cum pace, quia transitorio gaudent in tempore, & nullâ venturæ pænæ terrentur formidine. Supplicia autem sequentia: nunc ab oculis eorum abscontita sunt. Quia futura quæ temporalem latitiam perturbant prævidere refugiant. Unde & si quæ est præsentis temporis, ita est agenda lætitia, ut nunquam amaritudo sequentis iudicii recedat à memoria. *Venient autem dies*, quando ad ultionem & supplicia ducentur. *Quia non cognoverunt tempus visitationis suæ.* Perversâ enim animâ Deus visitat quotidie præcepto, aliquando flagello, aliquando verò miraculo: ut & vera quæ nesciebat, audiat: & aut dolore cõpuncta tædeat, aut beneficiis devicta, malû quod fecit erubescat. Sed quia superbiens contemnit, & visitationis suæ tempus non cognoscit: illis in extremo vitæ inimicis traditur: cum quibus in æterno iudicio damnationis perpetuæ societate colligatur: unde cogitandum valde est quantum erit nobis terribilis hora nostræ resolutionis, qui pavor mentis: quanta tunc omnium malorum memoria, quæ oblivio transactæ felicitatis, quæ formido & consideratio iudicis. Quid ergo esse nobis de præsentibus ad delectationem debet? quando simul cunctis transiuntibus non valet transire quod imminet, quando & hoc funditus finitur quod diligitur: & illud incipitur, ubi dolor nunquam finitur. Præter hanc sententiam Gregorii, possunt prædicta & aliter accipi: nam moraliter in culpa peccator primò vallatur, per hostis suggestionem exteriorem. Secundò circumdatur, per interiorem carnis impulsionem Tertiò coangustatur, per delectationis inflammationem. Quartò ad terram prosternitur, per consensum interiorem. Quintò filii occiduntur, per operum bonorum mortificationem. Sextò omnino diruitur, per peccati perpetrationem exteriorem. In pæna verò, primò vallatur per *Pæna peccatoris.* exteriorem tribulationem. Secundò circumdatur, per proprii corporis infirmitatem. Tertiò angustatur, per animi & conscientia anxietatem. Quartò ad terram prosternitur, propter salutis desperationem. Quintò filii occiduntur, per propinquorum dolorem & desolationem. Sextò totaliter evertitur, per mortem. In monte quoq; vallatur & circumdatur à dæmonibus: coangustatur à peccatis: dæmones enim omnia peccata non solum operis, verum *Dæmonum in morte tentatio.* etiam locutionis & cogitationis ad memoriam sibi revocant: ut ad desperationem trahant: tunc etiam ad terram prosternitur, quia corpus incineratur, & anima in infernum detruditur: & filii, id est opera vel imitatores ejus, ut sint secum in pæna, sicut fuerunt in culpa: & lapis super lapidem non relinquitur, id est, cogitatio super cogitationem quæ contra eum non adducatur. Quia secundum Gregorium. Ab anima perversa omnis constructio cogitationum dissipatur: tunc enim ut in Psal. dicitur: *Omnes cogitationes impiorum peribunt: & omnes machinationes cessabunt.* Flevit ergo nunc bonus Dominus *Psalm. 145.* JESUS: sed & pro summæ pietatis dulcedine referenda, Ipse Fons totius misericordiae non solum semel sed pluries flevit, & ex illis piissimis oculis ad omnium expiationem peccatorum lachrymarum fluentia uberrimè manando effudit. Legitur enim Dominum Jesum flevisse. Primo ex infantuli necessitate, in nativitate, secundum illud Sapientiae: *Primum vocem similem omnibus emisit plorans.* unde cantat Ecclesia: Vagit infans inter arcta positus præsepia. Secundo, *Sapient. 7.*

Visitatio  
Domini.

Pæna peccatoris.

Dæmonum  
in morte  
tentatio.

Gregor. hom.  
39. in Evæg

Fletus  
Christi.



cundò, ex immenso amore, in Lazari suscitatione, ex nimia compassione. Tertio, in hac solenni processione. Quarto, ex intimo dolore, in sua passione.

**Joan. 11.** ne preces cum lachrymis offerens ad DEUM. Hæc sunt quatuor flumina de Paradiso egredientia, ad totius mundi ablutionem, refrigerationem, potationem, & fecunditatem. Hi quatuor fletus Salvatoris possunt referri ad quatuor species fletus, quæ quasi quatuor fluvii paradisi animam irrigant & fecundant. Primus est fletus, pro incolatu præsentis miseriæ. Secundus est fletus compunctionis. Tertius, compassionis. Quartus, pro dilatione patriæ. Primam fletus speciem, significat fletus infantia Salvatoris. Unde Augustinus. Puer qui nascitur incipit à ploratu, lachrymæ sunt testes miseriæ: nondum loquitur, & jam prophetizat. Fletus in cruce, signat fletum compunctionis, quem debent habere illi qui sunt in cruce penitentia. Unde August. **Apostoli.** Sciat se culpabiliter durum, qui deflet mortem amici, vel damna rei temporalis, & dolorem peccati non ostendit in lachrymis. Fletus super destructione civitatis, signat fletum quo flere debemus super miserorum calamitatibus, & animarum ruinis, & perditionibus. Unde Job: *Flebam super eo, qui afflictus erat, &c.* Fletus super Lazarum, qui ad vitam erat revocandus, & cui gloria erat differenda: signat fletum pro dilatione patriæ. Unde Psal. *Hæc mihi quia incolatus meus prolongatus est.* In fletu autem Domini, ostenditur quantum flere debeant qui peccant, quando sic flevit qui nunquam peccavit. Unde Cassio. Ubi Princeps tanta afflictione plangebatur, quis illo flente non fleret: eo gemente non gerneret? Et notandum quod semper mala quasi ventura sunt peccatori, per quæ si ea cogitaret, ad fletum incitari posset. Primum est, spoliatio omnium, quæ fit ei in morte, de quibus nihil secum feret. Secundum est, occursum inimicorum, quia apprehendent eum inter angustias. Tertium est, amissio status penitendi & misericordiam consequendi. Quartum est, magna confusio, ejus confusio causa poterit esse operum denudatio, vel beneficiorum Christi exprobratio, vel DEI & sanctorum derisio. Quintum est, separatio reproborum ab electis. Sextum est, exclusio à gloria. Septimum est, gehennalis pænæ miseria. Et valde flendum est pro peccatis, propter multa quæ peccata inducunt peccantibus. Per peccata nempe homo Deum offendit, consortium Sanctorum & Angelorum amittit, suffragia Ecclesiæ perdit: animam interficit, diabolo se subicit, & in infernum se demergit. Conspice igitur bene ipsum Dominum IESUM nunc flentem, & si potes fleas cum Eo, flet enim largiter & fortiter quia non simulat sed verè de ipsius dolebat. Corde enim amaro dolebat & flebat illorum periculum æternale & excidium temporale, quia non cognoverunt tempus visitationis suæ: quando per incarnationis mysterium visitavit eos oriens ex alto, ut ipsum Dominum ac predicationem Ejus reciperent, sed magis usque ad mortem Eum persecuti sunt. O cor durum vasanum & impium & tanquam verè vitæ privatum, omnino plangendum: cur more phrenetici, flente super te sapientia Patris, in tantis miseriis lætaris & rides? Considera lachrymantem medicum tuum, & ut luctum unigeniti fac tibi planctum amarum. Deduc quasi torrentem lachrymas per diem & noctem: non des requiem tibi, nec taceat pupilla oculi tui. Conspice etiam discipulos, quàm libenter & diligenter vadunt semper juxta Eum, cum timore tamen & reverentia. Ipsi sui Barones & milites, Comites Domini, & dextratores. Nec debes credere quod ipso flente alii se potuerint à lachrymis continere. Nobis fratres istæ lachrymæ Domini sunt ut Magistrum imitemur, & ab hoc tanto Præceptore nostro discamus quid in nostrorum inimicorum morte, & ruina agere debeamus. Unde & ipse ait, *Diligite inimicos vestros: benefacite his qui oderunt vos, & orate pro persequentibus vos, & calumniantibus vos.* Non tantum muros civitatis peritura, sed & animarum ruinam & perditionem flebat Iesus: nobisque exemplum dabat quid in tali negotio facere debeamus, cum peccatorem aliquem in æternam damnationem ruere videmus, de tali nempe Domini nostri IESU Christi exempla sequentes, nos quoque flere debemus, & tantò ampliùs flere, quantò Ipse de seipso flere ignorat. Si enim suas infirmitates intelligeret, & calamitates quæ ei superventuræ sunt cognosceret, utique & ipse plus aliis de se fleret. Iste fletus Domini compatiens civitati de miseria, quæ illi imminabat præfiguratus fuit olim.

*Mala septē  
peccatori  
ventura.*

*Contēplatio*

*Luca 6.*

*Compassionis  
virtus.*



olim in lamentationibus Hieremiæ, qui desolationem ejusdem civitatis, per Romanos futuram, deflebat, sic & nos in afflictione proximorum, etiam inimicorum, ex compassione flere debemus: exemplò Christi, qui compassus est suis inimicis. Plus est compati afflictis, quod bona temporalia erogare, & impati, & eorum peccata deflere. Intravit ergo JESUS Hierosolimam, cum isto triumpho & honore turbarum, per supradictam portam auream, quæ est ad pedes templi, à parte vallis Josaphat. Hoc secundum Chrysostomum, ipse faciebat, non pompam quandam ostendens, sed & prophetiam implens, & discipulos, propter mortem contristatos, & consolans, & monstrans quoniam hoc patitur volens. Ubi Rabanus: Hic introitus Ejus in Hierusalem fuit ante quinque dies Paschæ ubi notanda est concordia, non solum in rebus, sed etiam in temporibus veteris & novi testamenti. Decima nempe die mensis primi agnus, qui in Pascha immolaretur, domum introduci iussus est quia & Dominus decima die ejusdem mensis: hoc est ante quinq; dies paschæ, civitatem in qua pateretur, erat ingressus. *Et cum intrasset Jesus Hierosolimam, ut exhiberet salutem: commota est universa civitas, dicens, quis est hic? per hoc significatū fuit quodd intrante Jesu in Hierusalem Cœlestem, Angeli dicturi erant, quis est iste Rex gloriæ? Unde Origenes: Sed & quando intravit Jesus Hierosolimam veram: admirantes virtutes Cælestes, dicebant: Quis est iste Rex gloriæ? Hæc Origenes Dicebant ergo, quis est hic, quasi dicerent, iste non est talis ac tantus quod talia deberent sibi exhiberi. Mirabantur enim turbæ frequentiam, nescientes de eo veritatem: cui obviam cum laudibus occurrunt. Unde Chrysost. Merito commovebantur, videntes rem mirabilem. Homo laudabatur quasi DEUS, sed DEUS laudabatur in homine: puto autē quod nec ipsi qui laudabant, sciebant, quid laudabant sed spiritus subito ingressus in eos, nesciente anima, veritatis verba fundebat. Hæc Chrysost. Principes itaque sacerdotū, & majores indignabantur de reverentia Christo exhibita, & ob hoc tota civitas dicitur esse commota, quia factū majorū, dicitur esse factum totius civitatis, vel alterius communitatis. *Populi autem, id est simplices & vulgares, quasi rationem de contrario reddentes, dicebant: hic est Jesus Propheta à Nazareth Galilæ: imo Dominus prophetarum: & ideo scilicet merito debet honorari. Ecce confessio DEI à minoribus incipit, ut ad majores perveniat. Ubi Hieronymus: Aliis autem ambigentibus vel interrogantibus, vilis plebecula confiterur, quia hic est Jesus Propheta à Nazareth Galilæ. A minoribus incipiunt, ut ad majora perveniant, Prophetam enim Eum dicunt, quem Moyses sui similem dixerat esse venturum, à Nasareth autem Galilæ, quia ibi educatus fuerat ut flos campi nutriretur in flore virtutum. Hæc Hieronymus. Et postquam Dominus ingressus est Hierusalem, remisit animalia ad locum suum. Memoriam hujus processionis Dominicæ, recolit Ecclesia illa die. Egreuntur enim fideles cum ramis, quasi obviam Domino, extra muros vel septa, usque ad crucem aliqui vadunt, in qua & ramos quos gestant affigentes deponunt, quasi diceret Ecclesia: *Mihi autem absit gloriari, nisi in cruce Domini nostri Jesu Christi. Quandoque autem ideo eunt, & usq; ad crucem, quasi sic ostendatur eis nō esse sperandū in quantalibet gloria mundi, quia extrema gaudii luctus occupat, & deinde cum cruce in civitatem regrediuntur, pro eadem significatione illa die gaudio processionis subditur Evangelium Dominicæ passionis: forte quia & Dominus exultationi infervit lamentum, & nos processionis passionem, quia passio fuit causa everfionis, pro qua flevit. In proximo ergo bella acturus, & de hostibus triumphaturus, cum triumpho & gloria, & ad impiam civitatē, & ad locū ceraminis Dominus venit, & certus de victoria ante bellum, quod fieri non solet, triumphum suscepit: unde & rami palmarum, cū quibus gloriōse susceptus est, propinquam victoriam super Principē mundi signant. Hodie ergo mater Ecclesia, duas recolit processiones. Prima fuit, quia Judæi Christum à monte Oliveti usque Hierusalem cum ramis olivarum & palmarum, & magnis canticis associaverunt: & ista processio magnæ reverentiæ, & honoris fuit, & hanc Ecclesia in Evangelio hodierno repræsentat. Secunda est, quia Judæi Christum ab Hierusalem ad montem Calvariæ, cum magnis opprobriis & irrisionibus deduxerunt, & ista processio fuit magnæ***



gnæ ignominia & doloris, & hanc repræsentat Ecclesia in passione hodierna. In istis processionibus ostenditur magna in Judæis multiplicitas voluntatis. Nam in prima cum magna reverentia & devotione Ipsum supra asellum posuerunt. In secunda Ipsum cum magna ignominia in patibulo suspenderunt. In prima, vestimenta tua in via straverunt: in secunda, Christum suis vestibus expoliaverunt. In prima ramos olivarum & palmarum Sibi obviam portaverunt: in secunda spinas acutissimas Ejus capiti affixerunt. In prima appellaverunt Eum Regem: in secunda negaverunt Eum, dicentes: *non habemus Regem nisi Cæsarem*. In prima appellaverunt Eum Salvatorem dicentes: osanna, id est salva obsecro: in secunda negaverunt Ipsum Salvatorem: quod dixerunt qui se ipsum salvare non poterat. In prima dixerunt Ipsum esse benedictum: & in nomine Domini, scilicet Patris venisse in mundum: in secunda dixerunt Ipsum esse malefactorem, & ideo se tradidisse Eum & crucis patibulo affigendum. Ecce quanta instabilitas in istis fuit, quia quem tantum honoraverunt,

*Processionis* post modicum ignominiosè tractaverunt. Sed propter gloriæ processionem, *cause.* majorem habuit ex consequenti vituperio confusionem. Unde Bernardus

*Bernardus* Quid fuit quod processionem habere voluit, qui mox futura noverat passio-  
*serm. 2. in invem.* Processio quidem meritò repræsentatur hodie, quia hodie facta fuit.

*raïs palma-* Passio verò cur addita est, quam sextâ feriâ constat esse secutam? fortè ut a-  
*rum.* mior esset passio, quàm processio præcessisset. Et iterum: Non sine causa

*Idē sermonem* nova processio mira quadam conjunctione additur passioni. Nam pro-  
*primo.* cessio plautum habet: passio verò planctum. Videamus quid conferat ista

*Actuum 1.* conjunctio. Utiq; ut discamus in nulla unquam hujus sæculi lætitia habere fiduciam: scientes quoniam extrema gaudii luctus occupat, sed in die bonorum, non immemores simus malorum. His enim mixtum est præsens sæculum, non sæcularibus tantum, sed etiam spiritualibus viris. Ideo qui capit prius facere quàm docere: non modo verbis, sed etiam exemplis ostendens,

*Esa. 40.* quia, *omnis caro fenum, & omnis gloria ejus quasi flos feni*, processionis voluit gloriâ sublimari, quando sibi imminere cognovit diem ignominiosissimæ passionis. Spiritualibus autem spiritualia comparantur: in processione quidem, Cælestis Patriæ repræsentamus gloriâ: in passione verò, monstramus viam. In processione rapiemur in nubibus obviam Christo in aëra, quando suscipitur in Cælesti Hierusalem Christus Dominus applaudentibus & acclamantibus undiq; populis utriusq; testamenti, quasi qui præcedebant & qui sequebantur: benedictus qui venit in nomine Domini. In processione considerasti

*1. Cor. 2.* quò properandū sit, discere in passione quò eundū sit. Tribulatio nempe præfens, via vitæ est: via gloriæ, via Regni. Tolerabilè proinde laborè passionis, reddit gloria processionis: quoniâ amanti nihil est difficile. Hæc Bernardus.

## DE EIECTIONE VENDENTIUM ET EMEN- TIUM de Templo. CAPUT XXIX.

*Matth. 21.* Venit autem JESUS directè ad Templum & intravit in ipsum. Ubi nota:  
*Marci 11.* quòd Templum accipitur aliquando pro domo templi, quod divideba-

*Joann. 2.* tur in duas partes: una pars vocabatur Sanctum, ubi prope ostium Sā-

*& Luca 19.* cti sanctorum erat altare incensū, seu thimiamatis, aurò tectum: mensa pro-  
positionis, & candelabrum: alia pars erat Sanctum sanctorū, ubi erat Arca te-

stamenti, & duo Cherubin. illam partem quæ dicebatur sanctum, intrabant  
quotidie Sacerdotes ad offerendum incensum, & nulli alii. Intra Sanctū Sā-

*Altare ho-*ctorum solus summus Pontifex intrabat, & semel in anno. Aliquando autem  
*locustorum.* accipitur Templum largè, pro quadam platea quadrata ante Templum, mu-

rò clausa & dicebatur atrium sacerdotum, ubi sub divo erat altare holocau-

storū are coopertū: & istud intrabant nō solū sacerdotes, sed etiam Levitæ  
eos in excoriatione, & ablutione hostiarum & consimilibus adjuvantes: vul-

gares autē homines illud nō intrabant, sed ad ostiū illius atrii animalia vi-

va sacerdotibus offerebant. Ista autem duo loca non intravit Christus, quia  
nō erat sacerdos, nec Levita. Sed præter ista duo loca erant adhuc duo alia,

ubi homines sub divo in oratione erant, & in uno viri, & in alio mulieres o-  
rabant, & ista atria vocabantur nomine templi, & de hoc dicitur quod Jesus in-

*Altor. 3.* travit in templū Dei, ac Petrus & Joānes ascendebr̃t in Templū ad horā ora-  
tionis nonā. Intravit autē Jesus protinus in Templū, præcipue propter tria. Primo,



Secunda Partis, Caput XXIX.

185

Primò, secundum Bedam, ut doceret nos formam Religionis, quam sequamur, scilicet ut quocunq; pergimus, primò domum orationis, si ibi est, adeamus, & perorationes DEO commendati, sic ad agenda negotia secedamus. Secundò, quia locus publicus erat, ubi posset inveniri: ostendens se non invitè, sed spontè pati. Tertio, ut ostenderet quòd ruina urbis & populi, pro qua fleverat, maximè ex Sacerdotum culpa fuit, & inde radix perditionis processit. Hoc profecto innotuit, cum post malorum imminentiù enarrationem protinus Templum ingressus est, ut de illo vendentes & ementes eiceret, in signum quòd Sacerdotes, tanquam indigni, essent de Templo & officio eiciendi. Sicut enim Templum est in Civitate: ita vita Sacerdotum in plebe. Unde secundum Glossam: Simonia Sacerdotum, causa fuit destructionis judzorum. Sacerdotes enim varietatē suæ consulentes, in porticibus & atriis Templi hostias cujuscunq; generis vendebant, ne venientes victimas non habentes nihil offerrent, si hostias præstare non invenirent: & hoc faciebant ut vendita iterum oblata reciperent, & ne pauperes non solum hostias, sed & unde emerent non habentes, excusationem pecuniæ non habita prætenderent: posuerant ibi numularios, qui mutuam sub cautione & spe alicujus doni pecuniam darent: sed quia lex non patiebatur ut à fratribus suis usuras acciperent: ideo quod non audebant dare ad usuram, dabant nomine collibitorum, ut sic pro numulariis collibistas facerent. Collibia autem dicuntur apud eos vilia munuscula, ut ciceris, & uvæ passæ, & pomorum, & his similia. Collibistas igitur licet pro illa accommodatione pecuniæ, non reciperent pecuniam ultra sortem: recipiebant tamen munera vel xenia, quasi quod in nummo non licebat, in his rebus quæ nummis coemuntur liceret: quod prohibuit Ezech. dicens: *Usuram & omnem superabundantiam non accipietis.* Sic & hodie multi prædictis sunt similes usuram & simoniam sub nomine charitatis, vel gratitudinis palliantes. Valde periculosum est munera accipere, quia hoc est libertatem vendere. Unde Seneca: *Quædam gratuita nobis videntur, quæ carissimè constant: pro quibus nosmetipsos impendimus: quæ emere nollemus si nobis domus nostra pro illis esset danda: si amicum aliquod fructuosumve prædium: ideo nihil est cuiq; se vilius. Nostrum essemus, si ista nostra non essent: quisquis nostrum tutam agere vitam volet, ista viscata beneficia devitet, in quibus miserrimi fallimur.* Sapiens cum primò videt munuscula, à theatro surgit, & scit magna parvò constare vilem prædam. magnò incommodò lui-mus. Beneficium accipere, libertatem vendere est. Hæc Seneca, ubi Chrysostomus. Hoc erat proprium boni filii, ut veniens primò ad domum Patris, & illi honorem redderet qui genuit eum. Et tu imitator Christi factus cum in aliquam ingressus fueris Civitatem, primò ante omnem actum ad Ecclesiam curras, & hoc erat boni Medici, ut ingressus ad infirmam Civitatem sanandam, primò ad originem passionis intenderet. Nam sicut de Templo omne bonum egreditur, sic & de Templo omne malum procedit. Quemadmodum Medicus quando primò ingreditur ad infirmum, de stomacho ejus interrogat, & eum componere festinat, quia si stomachus sanus fuerit, totum corpus validum erit, si autem dissipatus fuerit, totum corpus infirmum est: ita si Sacerdotium integrum fuerit, tota Ecclesia floret, si autem corruptum fuerit, fides marcida est. Cor

Aaa

enim

Beda in cap.  
21. Matth.  
Cur Christus  
Templum  
ingreditur.

Simoniam  
destruxit  
Hierusalem

Collibistas

Ezech. 22.  
Usura palliata.

Seneca.

Chrysostomus  
hom. 37. Ope-  
ris imperfe-  
Templum pri-  
mò petendū



*Sacerdotes  
cordi & sto-  
macho simi-  
les.*

enim & stomachus Sacerdotium intelligitur, quia in rebus spiri-  
tualibus per eas totus populus gubernatur. Sicut enim cor sapien-  
tiæ locus est; ita Sacerdotes receptacula sunt sapientiæ spiritualis.  
Et sicut stomachus accipiens cibum, coquit eum in semetipso, & per  
totum corpus dispergit, sic & Sacerdotes accipiunt scientiam ser-  
monis, per scripturas, ex DEO & coquentes eam in se, id est; tra-  
ctantes & meditantes apud se: universo populo subministrant. Vi-  
dete ergo Sacerdotes quomodo vos componatis in verbo & opere,  
quoniam sicut in corpore si aliquod infirmum fuerit membrum,  
non omnino langvet & stomachus: si autem stomachus langvescit,  
omnia membra inveniuntur infirma: sic si aliquis Christianorum  
peccaverit, non omnino peccant Sacerdotes: si autem Sacerdotes  
fuerunt in peccatis, totus populus convertitur ad peccandum. Ideo  
si unusquisque Christianorum pro suo peccato dat rationem, Sacer-  
dotes autem non tantum pro suis: sed & pro omnium peccatis da-  
turi sunt rationem. Vidit arborem pallentibus foliis marcidam, in-  
tellexit studiosus agricola, quia læsionem in radice habet. Nam  
verè quemadmodum cum videris arborem pallentibus foliis marci-  
dam, intelligis quia aliquam culpam habet erga radicem: ita cum  
videris populum indisciplinatum & irreligiosum, sine dubio cogno-

*Chrysostomus  
hom. 40.*

sce, quia Sacerdotium ejus non est sanum. Hæc Chrysostomus:  
Valde ergo defendi sunt Clerici quando cadunt, quia eorum calus  
Operis im-  
perfecti. est magis periculosus. Unde Chrysostomus: Nihil intantum destru-

it Ecclesiam DEI: sicut Clericos laicos esse deteriores. Cernens er-  
go Dominus in domo Patris sui negotiationem seu latrocinium isti-  
usmodi: ardore spiritus concitatus: fecit sibi flagellum de funiculis,  
& ejecit Ipse Dominus Templi vendentes & ementes de Templo,  
cum hostiis suis, & mensas trapezarum, & Cathedras vendentium  
columbas evertit, nec aliquod vas DEO non dicatum & sacratum,  
mercandi gratiâ per Templum transferri permisit. Interdixit qui-

*Vasa à Do-  
mino profert  
pta à tēplis*

dem de vasis mercationis, & humanis usibus applicandis: non de  
vasis DEO dicatis, quia vasa Divino cultui deputata, debebant ibi,  
& non alia esse. Ergo nec cophini, vel alia utensilia communia,  
per Ecclesiâ debent deportari. Unde Beda: de vasis dicit illis, quæ  
mercandi gratiâ inferrebantur. Cæterum absit, ut vasa DEO dica-

*Beda in cap.  
11. Marci.*

ta Dominus eiceret de Templo, vel introferri prohiberet in Tem-  
plum: sed potius ubi futuri sibi examinis insigne prætendit exem-  
plum, immunda & profana eliminata vasa de Templo, ac ne am-  
plius inferantur prohibet, quando non solum de Ecclesia omnes re-  
pelleret, ac deturbabit reprobos: verumetiam ne ultra ad turbandam  
Ecclesiam intrent atero eos verberare compescit. Sed & in præ-  
senti hæc est vera domus Domini: id est; cordis fidelium purifica-  
tio, ut non tantum peccata, quæ inerant, Divinitus immissa com-  
punctio tollat: sed etiam ne ultra repetantur, Divina in eis gratia

*Ejectio se-  
cunda acrior.*

perseverans adjuvet. Hæc Beda. Et hæc fuit secunda ejectio. Bis  
enim legitur Dominus hoc fecisse, ad significandum, quodd eiciendi  
sunt tales ab Ecclesia militante per sententiam, & à triumphante  
per poenam. Ubi Theophilus: Hoc etiam Dominus fecit in prin-  
cipio prædicationis suæ: & nunc iterum illud fecit quod ad crimen  
& in maximam redargutionem judæorum redundat: quia non fue-  
runt ex priori admonitione castigati: & cum Dominus hoc totiens  
fecerit, ipsi minime se correxerunt: Unde Chrysost: In quo minor

est



est excusatio judæorum: quoniam cum bis hoc idem fecisset, morabantur tamen in sua dementia, Hæc Chrysoſt. Unde in prima Chrysoſtom  
ejectione ejecit tantum vendentes: & ex hoc nobis datur fiducia im- hom. 68.  
petrandi: ut quid enim vellet Dominus ibi nos orare: nisi ipse vel- in Matth.  
let nos audire? hic autem durius agendo, etiam eementes qui nume-  
ro erant plures. In prima etiã expulſione, eos appellaverat nego-  
tiatores: sed ut ſtatim patebit, hic acrius reprehendendo, appellat  
latrones: daus per hoc exemplum Prælatiſ, quod durius debent ar-  
guere ſecundum peccatum quam primum: quia gravius eſt (cæter-  
is paribûs) ratione ingrati- tudinis. Hic etiam & in prima ejectione Austeritas  
ne major ſeveritas, & rigor & austeritas de Christo exprimitur, quam hoc factô  
nuſquam ſalibi de eo legitur: quia ſecundum Chryſoſt. In propriis Chryſoſtom  
injuriis eſſe quempiam patientem: eſt laudabile: injurias autem DEI Chryſoſtom  
diſſimulare, nimis eſt impium. Unde Chriſtus injurias ſuas patien- hom. 5. ope-  
ter ſuſtinuit: injurias autem Patris ſui nullatenus diſſimulavit. Hæc ris imperſe.  
flagellatio & ejectione malorum de Templo, olim præfigurata fuit in  
Heliodoro, qui cum auctor manu armata Templum intraſſet, ut  
illud ſpoliaret: quidam advenientes eum flagellaverunt, & tanquam  
mortuum reliquerunt. Heliodorus flagellatus fuit propter Tem- Heliodorus.  
pli ſpoliationem, judæi propter uſuræ palliationem. Moraliter au- Morale.  
tem per hunc actum Chriſti datur intelligi, quod DEUS quotidie  
ſuam Eccleſiam intrat, & qualiter ibi unusquisq; converſetur atten-  
dit. Caveamus ergo ne in ea riſibus & fabulis vel aliis illicitis va-  
cemus: ne improvius veniens nos flagellet, & de Eccleſia ſua ac-  
demum de Regno eiciat & expellat. Nam qui peccata peccatis  
addit, quaſi funem quô hic vel in futuro flagellatur, vel ligetur,  
conneſcit. Funiculi ergo quibus mali eiciuntur, ſunt incrementa Proverb. 5.  
actionum malarum: quia funiculis peccatorum ſuorum unusquisq;  
conſtringetur. Unde Auguſtin. Ergo quando aliquid patiuntur pro- Aug. tract.  
pter iniquitates ſuas, hi qui vel ſiſtê bonum, vel aperte male faci- 10. in Joan.  
unt in Eccleſia: agnoſcant quia Dominus fecit flagellum de reſti-  
culis peccatorum ſuorum, & admonet eos ut mutent ſe, ne ſint ne-  
gotiatores: ne tandem audiant, ligate illis manus & pedes, & proi-  
cite in tenebras exteriores. Hæc Auguſtinus: In hoc quod Domi-  
nus expulſit de Templo boves, & oves, & nummularios, & venden-  
tes columbas evertit, Myſticè deſignatur, quod Prælati conſtanter,  
debent reprimere hypocritas, pelles ovinas ſimulantes, tyrannos  
cornu ſuæ potentiæ bonos ventilantes: uſurarios & ſimoniacos do-  
na Spiritus Sancti, quæ per columbam intelliguntur, vendentes Ma-  
ximè autem ex hoc facto Domini enormitas ſimoniacæ pravitatis Simoniaci  
oſtenditur: quia nuſquam alibi corporaliter reſtitiffe, & alios impu- expellendi.  
liſſe vel ejeciſſe narratur. Si igitur eum in hoc quoq; imitari vo-  
lumus, ſi non aliter poſſumus, etiam violenter ſimoniacos ab Ec-  
cleſia pellere debemus: ſi tamen vires ſuppetant, quibus hoc ſine  
Eccleſiæ detrimento facere valeamus. Audite hæc ſimoniaci, audi-  
te negotiatores nefandi: aut à negotiis ceſſate, aut de Templo exi-  
te. Vos nummularii eſtis, vos columbas & gratiam Sancti Spiritus  
venditis, vos ſine nummo, & pretio nihil agitis. Omnes quidem ſi-  
moniaci à Templo D E I, vel ante humanos, vel ante D E I Clerici ſecu-  
oculos eiciuntur, & DEI donô privantur. Similiter Clerici & Reli- laribz dediti  
gioſi, qui in Templo DEI ſunt deputati: ſi ſæcularibus & terrenis  
negotiis ſe implicant, merito ejectionem à DEO, & ejus indigna-  
tio-



tionē timere debent. O quanta mala gerunt hodie in Ecclesia: quæ Beda in cap. si Dominus invenisset utiq; graviter punivisset. Unde Beda: Ejecit  
21. Marci. commercia rerū humanarū de domo illa, in qua Divinas tantū res agi, hostias & orationes Deo offerri, verbum Dei legi, audiri & decantari præceptū erat. Et quidem credendum est: quia ea tantū vendi vel emi repperit in Templo, quæ ad ministerium necessaria essent ejusdem Templi: juxta quod aliàs factum legimus, cū idem Templum ingrediens invenit in eo vendentes, & ementes oves, boves, & columbas: quæ nimirum omnia non nisi ut offerrentur in domo Domini, eos qui de longè venerant ab indigenis comparare credendū est. Si ergo Dominus nec ea volebat in Templo venūdari, quæ in Templo volebat offerri: videlicet propter studiū avaritiæ, sive fraudis, quod propriū solebat esse negotiatorū facinus: quanta putas animatversione puniret, si invenisset ibi aliquos risui vel vaniloquio vacantes: aut alii cuilibet vitio mancipatos? Si enim ea quæ alibi liberè geri poterant, Dominus in domo sua (videlicet temporalia negotia) geri non patitur: quantò magis ea quæ nusquam fieri licet plūs Cœlestis iræ mererentur, si in ædibus DEO sacratis aguntur? *11. Marci.*

Morale.

Quatuor  
ex templo  
nimæ pel. i

*Ovis.*

*Funiculus  
flagelli tri-  
plex.*

*Funiculus* cecidit hominibus pigris & inexpeditis. Sed talia à Christo in  
*flagelli tri-*gressu à Templo animæ expelluntur: facit enim flagellum de funi-  
*plex.*culis tribus, quorum primus est infirmitas corporalis: secundus, tri-  
bulatio



bulatio cordialis: tertius, ex instinctu Divino admonitio spiritualis. Hic flagellō Christus praeclata quatuor ab anima fugat & eicit: & nihilominus Cathedras & mensas evertit, ne facilem ingressum habeant: & dixit eis, quos de Templo eiecerat. *Scriptum est*, scilicet in Esaia: *Domus mea*, id est; nomini & cultui meo dedicata: *domus orationis vocabitur*: non rapinae vel furti, non negotiationis & vanae locutionis, vel spectaculi. Et ex hoc datur nobis magna fiducia impetrandi. Ut quid enim vellet Dominus, ibi nos orare, nisi ipse vellet nos exaudire? In hoc etiam ostendit se illis DEUM esse: quia Templum solius DEI est domus. Ubi Ambrosius. DEUS enim Templum suum non merationis vult esse diversorium: sed domicilium sanctitatis. Et Origenes: In quo non debent vendere & emere: sed orationibus tantum vacare, qui congregantur in domo orationis. Ne ergo, ut ait Augustinus: in oratorio aliquid agat, nisi ad quod factum est: unde & nomen accepit. Sed heu nunc domus DEI, domus dissolutionis & cupiditatis potest vocari. Ideo subditur: *Vos autem fecistis illam speluncam latronum*: latrones enim non curant nisi de lucris temporalibus, quocumque modo acquirant, & ideo in speluncis se abscondunt. Unde Gregorius: Domus orationis, spelunca latronum facta fuerat, quia ad hoc in Templo assistere noverant, ut aut non dantes munera studerent corporaliter persequi, aut dantes spiritualiter necare. Templum quoque & Domus DEI est ipsa mens, atque conscientia fidelium. Quae si quando in latione proximi, perverfas cogitationes profert, quasi in spelunca latrones resident. Et non jam domus orationis, sed spelunca latronis est, quando relictā innocentia & simplicitate sanctitatis, illud conatur agere, unde valeat proximo nocere. Hae Gregorius. Spelunca latronum, dicitur esse locus, ubi spolia quae latrones rapiunt congregantur, & hoc fecerunt Sacerdotes de Templo, quia non curabant de cultu DEI, sed magis de excoitatione populi: & hoc per astutias varias & exquisitas. Simpliciter & hodie Clerici plus curant de suo lucro, quam de Ecclesiae servitio. Sicut enim magni latrones in speluncis suis existentes, quando sciunt transire aliquos parum habentes, non exeunt de speluncis, sed mittunt famulos suos ad expoliandum illos, quando vero sciunt transire homines multum pecuniosos, currunt illuc de primis ad illos. Sic multi Canonici & Clerici, quando sciunt lucrum magnum, currunt ad Ecclesiam: sed quando lucrum est modicum, remanent in domibus, & se subtrahunt, ac Clericos suos ad Ecclesiam mittunt. Et nota quadruplicem usum Ecclesiae, quia primò est domus reconciliationis, quod ad poenitentes, secundum illud Genesis, non est hic aliud nisi domus DEI & porta Caeli. Secundò, orationis, quod ad proficientes, sicut dicitur hic. Tertio instructionis quod ad perfectos, secundum illud Esaia: *Venite ascendamus ad montem Domini, & ad domum DEI Jacob, & docebit nos.* Quartò, jubilationis & laudis, quo ad omnes secundum illud Psalmi. *In Ecclesiis benedicite DEO, & illud: Beati qui habitant in domo tua Domine.* Sed sic spelunca latronum, secundum quadruplex latrocinium, vel scripturarum, quando corrumpuntur, ut ab haereticis, vel gratiarum, quando Sacramenta venduntur, ut à simoniacis, vel praebendarum, quando emuntur, ut ab ambitiosis, vel pecuniarum quando male expenduntur, ut à voluptuosis. Vel secundum Hieronymum Latro est, & Templum DEI in Latrocinium seu latronum specum.

Esaia 56.

Ambros. in cap. 19. Luc.

Origenes

tomo 11.

in Joan.

Aug. serm.

de templi de

dicat.

Spelunca la-

tronum.

Gregor. hom.

39. in Evan.

Clerici latro-

nib9 similes

Ecclesia us9

quadruplex.

Genes. 28.

Esaia 2.

Psalm. 67.

Psalm. 83.

Latrocinium

quadruplex.

Hieronymus

in Matth

cap. 21.



cōvertit, qui lucrū de Religiosis sectatur, hoc lucrū sectatur, aliqui per studiū scientiæ, ut quæstuarii advocati, aliqui per fortitudinē potentiæ, ut nobiles, aliqui per oblationem munerū, ut Divites mundi. De his omnibus dicit Joannes: Quotquot venerunt, fures sunt & latrones. *Et accesserunt ad Eum cæci & claudi in Templo, testes vocis & laudis puerorum, & sanavit eos, ut quod pueri clamabant verbis & ore, ipse ostenderet factis & opere, quasi etiam testis ipsorum. Clamabant enim hosanna, id est, salvifica: quibus per opera respondit, quia salutem tribuit. Ac si diceret: Bene clamatis Salvatorem: quia*

*Moraliter.* ecce do salutem. Moraliter cæci sunt ignorantes, claudi verò rectitudinem justitiæ dimittentes: & isti curantur per JESUM, & per bona consilia, & hortamenta sectatorum Ejus. Considera nunc quod

*Honor non repressit justitiam.* Dominus cum magno honore receptus, propter exhibitam sibi reverentiam non dimisit justitiam: quia mox Templum intravit, & omnes vendentes, & ementes inde eiecit: nec propter severam justitiam omisit suam misericordiam, quia mox cæcos & claudos sanavit: propter quod datur intelligi, quod Judex & Prælati propter impensum sibi favorem, non debent dimittere justitiæ rigorem: nec propter rigorem justitiæ, debent dimittere dulcedinem misericordiæ. *Videntes autem & admirantes principes Sacerdotum, & scriba mirabilia quæ fecit JESUS, in tantæ multitudinis de Templo ejectione, in cæcorum & claudorum sanatione, & pueros clamantes in Templo, ipsum scilicet esse verum Christum, & dicentes: hosanna Filio David (ipsi enim pueri & cæteræ turbæ cum laudibus Christum usq; in Templum deduxerunt) moti contra ipsum rancore & invidia, indignati sunt: quia mali de laude bonorum dolere consueverunt. Ubi Chrysostomus: Qui ingrediebatur ut homo, laudabatur ut DEUS. Qui celabatur in carne, demonstrabatur in voce. Quem malitia Sacerdotum, quasi hominem, blasphemabat: hunc innocentia parvulorum, quasi DEUM, exaltabat. Quantum autem Ille glorificabatur, tantum Sacerdotes invidiâ torquebantur, & Illius honor fiebat illis tormentum. Sic enim est res, quando boni in sua virtute laudantur; mali in sua invidia cruciantur: Hæc Chrysostomus. Cumq; manus non auderent timore populi in Eum iungere, nec miracula manifesta impugnare: arguebant tamen Eum de applausu, quem sustinebat circa se, & testimonium populi atq; puerorum clamantium, hosanna Filio David, vertebant in calumniam: quod videlicet hoc non dicitur nisi soli Filio DEI. Unde dixerunt ei, audis quid isti dicunt? Quasi dicerent: Talem laudem de te meritò non deberes sustinere: quia si Tu justus & bonus esses, talem gloriam &*

*Chrysostomus* applausum declines. Ubi Chrysosto. Et nimirum hoc Christus erat dicere ad eos: Non auditis quid hi dicunt? Sicut enim DEO cantabant illi pueri. Et iterum & vos videtis quæ ego facio. Illos loquentes attenditis, me facientem non consideratis. Ego factis interpretor voces illorum. Hæc Chrysosto. JESUS autem dixit eis:

*Utiq; scilicet audio, & audire debeo: quia hoc est ex Divina præordinatione, secundum quod scribitur in Psalm. Nunquid enim legistis ibidem: Ex ore infantium & lactentium perfecisti laudem.* Et bene dicit, perfecisti, laus enim inhoata fuit à turbis in via. Profert autem de Psalmo exemplum, ut tacente Domino testimonium scripturarum firmaret dicta puerorum: quasi diceret. Vos qui estis legisperiti, debetis scripturam hanc scire: & per consequens me non repre-



reprehendere. Ubi Chrysostomus. Intelligimus quia infantes dicebantur, non ætate, sed simplicitate cordis. Infantes enim lactentes nec intelligere aliquem, nec laudare possunt. Lactentes enim dicebantur, quoniam quasi lactis suavitate, ita mirabilium delectatione excitati, clamabant sicut scriptum est: sed exaltavi animam meam sicut ablactantes super Matrem suam: Lac enim dicitur opus miraculorum: quia miracula nullum laborem videntibus ponunt, sed videntes admiratione delectant, & ad fidem molliter invitant. Panis autem est doctrina perfectæ justitiæ, quam accipere non possunt, nisi exercitati sensus circa res spirituales. Hæc Chrysostomus. Et omnis simplex doctrina lac dicitur: quia delectat, & faciliter capitur, sicut lac sine dolore genitricum fugitur.

## DE DUOBUS MINUTIS VIDUÆ, ET DE

*Pharisæi & publicani oratione.*

### CAPUT XXX.

**E**T sedens JESUS contra gazophylacium, id est; Divitiarum repositoryum, aspicebat eos qui mittebant & ponebant munera sua, id est; oblationes in illud. Erat autem gazophylacium arca, foramen desuper habens, juxta altare ad dexteram posita, in qua mittebatur & servabatur pecunia pro sustentatione ædificiorum Templi, & aliis quæ erant ad Templum & ministeriū necessaria: nec non pauperibus & viduis inde nutriendis, ac pro Sacerdotibus & Ministris. Dicitur autem Gazophylaciū porticus, ubi tales arce & oblationes servabantur: de quo etiam alibi in Evangelio dicitur: *Hæc locutus est JESUS in gazophylacio, docens in Templo.* Unde Beda: Quia sermo ne Græco phylaxe servare dicitur, & Gaza lingua Persica Divitiæ vocantur: Gazophylacium locus appellari solet, quod Divitiæ servantur, quo nomine & arcam in qua donaria populi congregabantur ad usus Templi necessarios, & porticus in quibus servabantur appellabant. Hæc Beda. Et cum multi Divites multa mitterent: videns quandam viduam pauperulam mittentem ærea minuta duo, id est; duos nummos æreos, valentes quadrantem, seu quartam partem sili, scilicet obolos quinque, quos cum sudoribus ad diuturnum victum acquisierat, dixit discipulis quod plus omnibus misisset: quia miserat de penuria sua, & sibi necessaria omnia quæ habuit, & totum victum suum, id est; omnia necessaria corpori, sine quibus non est vivere, se de cætero in totum committens DEO. Alii verò ex superabundanti sibi & superfluo miserunt: quod non debebant retinere, sed erogare. Non dicit quod miserunt, quod abundat: sed ex eo quod abundat illis, & ex abundantia ad denotandū quod non dederūt totū superfluum, sed partē modicā. Sacerdotes quippe qui erant avari, docebant quod ille qui plus offerrebat in Templo, absolute loquendo, plus habeat de merito: quod falsum est: quia quantitas meriti non accipitur secundum quantitatem doni absolute, sed per comparisonem & facultatem dantis, & promptitudinē suæ voluntatis, & devotionis. Unde secundū doctrinam Sacerdotū, multi Divites jactabant munera multa & magna: sed secundū Christi sententiam vidua hæc pauper plus omnibus misit: non absolute loquendo, sed considerata facultate & bona voluntate sua: non effectu ponderis, sed



sed effectu devotionis: non plus in quantitate, sed in charitate, ut dicatur plus, quia ampliori desiderio & fervore: quod enim potuit, misit: & quod non potuit, desideravit: item plus comparatione, quia totum dedit: item plus dati qualitate, quia de sibi necessario: item plus Divina acceptatione, quia Christus plus approbavit. Præfertur ergo Divitibus vidua pauperula: quia plus est pauperi dare modicum, quam diviti dare multum: sicut plus est puero ferre pondus parvum, quam forti viro ferre magnum: & DEUS plus attendit dantis affectum, quam donum: & plus ponderat quantitatem devotionis quam muneris. Unde Hierony. Non quantum sed ex quanto, dederis considerat DEUS. Et Gregorius. Cor namque & non substantiam pensat DEUS, nec perpendit quantum in Hieronym. Ejus sacrificio: sed ex quanto proferatur. Unde etiam Chrysostomus: Non etiam paucitatem oblati: sed copiam affectus intuitus in 1 ap. 12. Marc. est DEUS. Quod si nequis tantum offerre, sicut & vidua: offer Gregorius. saltem totum superfluum. Hæc Chrysostomus. Si autem binam minuta, quæ vidua misit in arcam, plus omnibus muneribus DEO placuerunt: sic amor DEI & proximi omnia vincit, qui semper in arca cordis servari debet: per duo etiam minuta animam & corpus accipere possumus, quæ devotè DEO offerre debemus. Morale. autem hæc vidua pauper, dici potest persona simplex, carens divitiis & scripturarum notitiâ: quæ tamen apud DEUM plus meretur orationibus, & vitâ, quam potentes in temporalibus & magna Augustinus scientia. Unde cum Augustinus legisset vitam Antonii, dixit: Sim- lib. 8. con- plices & indocti rapiunt Cælum, & nos cum literis nostris demergimur in infernum. Ista quoque vidua signat cujuslibet fidelis animam, quæ nunc debet se reputare viduam quamdiu est ab amplexibus sponsi sui Christi separata: & sicut vidua ducit semper vitam lugubrem, & induit vestes viduitatis suæ: sic anima devota debet esse in luctu pœnitentiæ, & corpore & mente in humilitate. Hæc debet offerre Christo duo minuta: scilicet affectum compassionis verbi & facti: & quandoque verbum compassionum bene valeat factum, & quandoque melius est quam datum. Unde Theophilus: Vidua ista anima hominis est, relinquens satanam, cui ferat adjuncta, quæ mittit in templi ærario duo minuta, carnem scilicet & mentem: carnem quidem, per abstinentiam: mentem verò, per humilitatem: ut sic audire valeat quod totum victum suum posuit, nihil de suo relinquens Beda i c. 21. mundo. Ubi & Beda Hic nobis locus moraliter quidem intimat, quam sit acceptabile DEO, quicquid bono animo attulerimus. Juxta verò leges allegoriæ, divites Judæos designant de justitia legis elatos. Vidua pauper, Ecclesiæ simplicitatem designat, quæ rectè pauperula vocatur: quia vel superbix spiritum, vel concupiscentias temporalium: vel peccata tanquam mundi divitias abiicit. Vidua verò, quia vir ejus pro ea mortem pertulit, hæc in gazophylacium aræ mittit minuta: quia in conspectu Divinæ Majestatis cum dilectione DEI & proximi, seu fidei orationisque munera defert: quæ considerata propriæ fragilitatis minuta, sed merito piæ devotionis accepta, cunctis superbiorum Judæorum operibus præstant: ex abundantia sibi Judæus mittit in munera DEI, qui de justitia sua præsumens hæc apud se orat, quasi non apud Deum: Deus gratias ago tibi, quia non sum sicut ceteri homines. Luca 18. num raptores, injusti. Omnem autem victum suum Ecclesia in DEI munera mittit: quia omne quod vivit, non sui meriti, sed DEI esse muneris intelligit dicens, DEUS propitius esto mihi peccatori. Hæc Beda. Dixit autem tunc Jesus & ad quosdam, quasi singulares, & se aliis præponentes, qui in se confidebant, & de propriis meritis præsumebant, tanquam justis, pro operibus suis exterioribus



ribus, & aspernabantur ceteros, tanquam injustos, & sic dupliciter superbiebant: scilicet quia de meritis confidebant, & quia ceteros despiciebant, ideo iusti non erant: quia humilitatem sine qua nullus iustus est non habebant: parabolam de pharisæo apparente iusto, & publicano ascendentibus in Templū & orantibus. In Templum ascendebant: quia Templum in alto situm erat, & ascensum quindecim graduum habebat, ut orarent, quia hic est finis debitus eundi ad Ecclesiam, scilicet ad orandum, non ad confabulandum, non ad vanitates videndum. Phariseis quippe loquebatur Dominus: qui inde pharisæi, id est, divisi dicuntur, quia apparentes iusti, se præ ceteris meliores esse putabant. His autem unum pharisæum Dominus opposuit, in quo quasi in speculo ceteri quales erant videre potuissent. Et fortasse idem Ipse præsens ibi erat, de quo Dominus ista dicebat. Ubi Theophilus: Causā igitur confidentium in se, non autem totum attribuentium DEO, sed ob hoc ceteros contemnentium, parabolam proponit: ostendens quod iustitia quamvis hominem approximet DEO, si tamen assumat superbiam, ad infirmum deiecit hominem. Est autem superbia, DEI contemptus. Quotiens enim aliquis non DEO, sed sibi adscribit bona quæ facit: quid est aliud quam DEI negatio? Hæc Theophilus, Phariseus superbus se jactabat, & justificabat: alios accusabat, & se eis præferbat, dicens: *DEUS gratias ago tibi, quia non sum sicut ceteri hominum. Jejuno bis in sabbato*, id est in septimana: *decimas de omnium quæ possideo*: Hæc autem sunt indicia superbiæ: quam DEUS à longe cognoscit, sed non ignoscit. De utraq; parte iustitiæ se laudat: quarum una est declinare à malo, altera facere bonum. De prima se laudat dicens, non sum sicut ceteri hominum. De secunda dicens, jejuno bis in sabbato. Phariseus ergo benedicitur quasi divisus, quia gestu, habitu & conversatione erat à ceteris distinctus. Unde dicebat: *non sum sicut ceteri homines*, & verum dixit, non quidem in iustitia, sed in superbia. Male quippe incepit: debuit nempe incipere à sui accusatione: secundum illud Proverb. *iustus in principio accusator est sui*, in medio supplicare, & orare: in fine, gratias agere. Sicut sacerdos facit in Missa sua. Primo enim accusat se in generali confessione. Secundo, DEUM suppliciter deprecatur multiplici oratione. Ultimo DEO regratiatur dicendo, *ite Missa est*: vel benedicamus Domino: & respondetur, DEO gratias. Ipse autem non se accusavit, sed laudavit: non DEUM rogavit, sed laudanti insultavit, nec gratias agendo DEI dona, sed sua merita pensavit. Publicè quidem arguere vitia omnibus licet: nulli autem, nisi paucis, ut ad certam personam descendant: in quo Phariseus reprehensibilis erat. Secundum Bedam: De verbis elati Pharisei, quibus humiliari meruit, possumus è divertio humiliatis formam, quā sublimemur, assumere: ut sicut ille consideratis & pejorum vitiis & suis virtutibus est elatus ad ruinam: ita nos non nostra solum pigritia, sed & meliorum virtutibus inspectis humiliemur ad gloriam. Et Publicanus, humilis, à longe stans, propter timorem quasi non esset dignus, appropinquare, *nolebat, nec oculos in Cælum levare*, propter pudorem: quia judicabat se indignum præ verecundia peccatorum, quasi pro peccatis non audens respicere Cælum: *sed percutiebat*, propter contritionis dolorem, *pectus suum*, tanquā totius mali originem: dicens, per humilem confessionem, DEUS, qui omnia potes, propitius esto mihi peccatori, ecce sui accusatio, & pura confessio, & ista faciunt ad peccatorum remissionem. Hæc nempe sunt indicia humilitatis, quam DEUS de propè aspicit & cognoscit. Merito autem pectus percutiebat, quia ibi peccaverat, ubi fons & fovea & origo mali erat. Ibi enim est cor, bonorum omnium atque malorum secretarium. Inde omnia bona & omnia mala procedunt. Hoc ergo publicanus percutiebat, quia secundum Augustinum est arguere quod latet in pectore, & evidenti pulsu occultum peccatum castigare: ac pectus percutiendo se de ipso quodammodo vindicabat, & dicebat *DEUS propitius esto mihi peccatori*. Non attendas hujus pravi cordis confilia, dele peccata, & propitius esto. Nihil in me est unde tibi placere & veniam consequi debeam, quoniam corde & corpore, cogitationibus & operationibus tibi peccavi. Omnibus iniquior ego sum, & nisi per misericordiam tuam salvari non possum. Ideoque, *propitius esto mihi peccatori*. Publicanus, qui dicebatur.

Publicanus  
& pharisæi  
orantes.

Pharisæi  
jactantia.

Prover. 18.

Beda c. 18.  
Lucæ.

Humilitatis  
indicia.

Augustinus  
sermo 36. de  
verbis Domini



quasi publicus peccator dicitur: Publicani enim dicebantur exactores vectigalium publicorum, & exactio tributi erat contra legem, ideo exactores peccatores vocabantur. Ille ergo sicut humilis appropinquare non audebat, ut DEUS ad eum appropinquaret, non aspiciebat, ut aspiceretur, percuciebat pectus suum, pœnas de se exigens ut DEUS parceret, confitebatur, ut DEUS ignosceret & non minus se accusabat, quàm Phariseus se justificabat. Sed quò fructu, qua mercede? quia ignorat DEUS quod ipse agnovit, & justificatus inde recessit. Unde sequitur: *Amen*, id est, verè, *dico vobis, descendit*, scilicet de domo DEI, hic scilicet publicanus, *justificatus*, id est de impio per gratiam factus justus: *in domum suam ab illo*, id est, plus quàm ille, vel *ab illo*, id est, præ illo remanente in fecibus suis, & meritò magis quàm ille, quia habebat ille justitiam suam præsumptam, hic veram: ille apud se de operibus, hic verò apud DEUM ex fide justificatus est: ille enim superbè de bonis gloriabatur, hic humiliter mala confitebatur. Sed secundum Augustinum, melior est in *humilis*. malis factis humilis confessio, quàm in bonis superba gloriatio. Et hic est argumentum quòd melior est peccator humilis, quàm justus superbus, quia eò ipsò quòd peccator se humiliat jam non est peccator, & justus eò ipsò quòd superbit, jam non est justus. Unde Augustinus: Enumerationi meritorum *Luce 10.* præfertur confessio peccatorum, propter quòd dicitur: *Gaudium est Angelis DEI super uno peccatore pœnitentiam agente quàm super nonagintanovem justis, qui non indigent pœnitentiâ*, id est qui non reputant se indigere illâ. In quo mirò modò *repressio*. reprimatur superbia humana, ut non de suis meritis homines præsumant. Ubi *Beda in cap.* Beda, quantam veniæ fiduciam dignè pœnitentibus præbet, quòd publicanus *18. Luca.* qui reatum suæ nequitie perfectè cognovit, flevit, confessus est: & si justus ad templum venit justificatus à Templo rediit. Ubi & Ambrosius: Introdu- *Ambr. in c.* xit Phariseum & publicanum in Templo orantes, & docuit etiam si bona cæ- *18. Luca.* tera habeat, quò magis superbus offendat, quàm humilis qui nulla virtutum dote subnixus sit. Studeat enim diabolus supplantare bonis operibus intentos: quantum laboravit Phariseus ille ne raperet aliena, ne injustus esset, ne adulteraret, ne peccaret sicut publicanus: ut bis in sabbato jejunaret, ut decimas daret omnium quæ acquireret? Quis nostrum hæc fecit? Advertit hoc diabolus, & perfudit eum ulcere gravi, ut mente carnis inflatus, in eo in quo laudabilis fore crederetur, ibi reprehensibilior judicaretur. Hæc Ambrosius. Hic ergo ostenditur, non ex operibus esse gloriandum: sed humiliter in gratia confidendum. Unde Basilius: Cum accesseris ad prædicandum Dominum, prosterne te humiliter in conspectu ejus: nec postules quidquam quasi ex gratia meritorum tuorum. Et si est tibi conscientia alicujus boni operis, cela illam: ut te silentium agente, multipliciter tibi restituatur à Domino: & peccata tua citò producat in medium, ut deleat ea Deus, cum confessus fueris ea. Non te justifices orans, ne sicut Phariseus ille exeas condemnatus. Memento publicani, ut ita sicut ille veniam delictorum tuorum invenias. Hæc *Chrysostomus* Basilius. Ubi & Chrysostomus. Geminas aurigas & duas bigas, in stadio pœnicione de fitas, sermo præsens proponit. In altera quidem justitiam cum superbia, in *Publicano* et altera peccatum & humilitatem. Et vides bigam peccati superare justitiam, *Phariseo.* non propriis viribus, sed humilitatis conjunctæ: illam verò devictam non *Humilitas* fragilitate justitiæ, sed mole & tumore superbiæ. Nam sicut humilitas per *tis potètia.* sui eminentiam peccati pondus superat, & saliens attingit Deum: sic superbia ob sui molem de facili justitiam deprimit. Si ergo plura facta strenuè geras, putas autem te posse præsumere, tota caruisti oratione. Si verò mille feras in conscientia fascis reatum: & hoc solum de te credas quòd es infimus omnium, multam obtinebis ante DEUM fiduciam. Hæc igitur fastus inflatio ab ipsis cœlis potest deprimere non caventè, humilitas verò & ab ipso abyssò reatum hominem sublimare. Hæc nempe præ Phariseo publicanum salvavit, latronem ante Apostolos in paradysum duxit: illa verò in corporea ingressa est potestate. Caterum si juxta delicta humilitas tam facillè currit, ut superbiæ justitiæ transeat: si justitiæ conjunxeris eam quò non ibit? Assistet ipsi tribunali Divino, in medio Angelorum, cum fiducia multa. Rursus si factus conjunctus justitiæ eam deprimere potuit, si conjunctus sit peccato, in *Prov. 16.* quantam gehennam detrudet? Hæc dico non ut negligamus justitiam, sed ut fa-



ut fastum vitemus. Hæc Chrysost. Deinde suæ sententiæ causam assignans, scilicet quare publicanus magis justificatus descendit, consequenter inferendo subjungit: *Quia omnis* generaliter sine exceptione scilicet sive laicus, sive clericus, sive Religiosus. Item sive parvus, sive mediocris, sive quantumcunq; magnus *qui se exaltat* superbiendo, sicut fecit Phariseus *humiliabitur*, & deficiet: vel in hoc sæculo per miseriam, vel in futuro per pœnam æternam, & *qui se humiliat*, sponte per veram pœnitentiam & peccatorum confessionem *exaltabitur*, in gloria per remunerationem. Nam secundum Sapientem: *Ante ruinam exaltatur cor, & ante gloriam humiliatur.* Et ut vulgariter dicitur: nō est vallis quæ non habeat collem, nec est collis quæ non habeat vallem. Sicut ergo Publicanus, se humiliando, est exaltatus; ita & Phariseus, se exaltando, est humiliatus. Sicut nempe in statera materiali unâ parte depressâ, altera elevatur, & e converso: sic in statera Divinæ justitiæ decretum est, ut qui elevantur per superbiam in præsentī vita, deprimantur per pœnam confusibilem in futura: Et e converso qui se deprimunt in præsentī ob DEI reverentiam: elevabuntur in futuro ad gloriam. Si ergo sic repræhenditur & confunditur qui superbe gratias agit, & cætera bona facit: quid de illo erit qui gratiam impugnat, & non bona facit: Certum itaq; tene superbe, quia si humiliatus non fueris DEO: velis nolis humiliaberis diabolo. Et ideo caveat quisque ne sibi superbia dominetur: quia ut ait Augustinus: Væ homini cujus auriga superbia est: necesse est enim ut in præceps eat. Si consideremus exitum rei in lucifero superbiēte, & Christo humiliante: in Eva elata, & in virgine humiliata: in divite purpurato, & in Lazaro ulcerato: in phariseo se extollente, & Publicano pœnitente, videbimus manifestè quàm verum sit quod hic Dominus dicit: quia omnis qui se exaltat humiliabitur: & qui se humiliat exaltabitur. Et ideo bene dicit quidam philosophus: Inter sapientes sapientior est, qui humilior est. Hic autem versiculus, scilicet *omnis qui se exaltat humiliabitur, & qui se humiliat exaltabitur*: totiens à Domino in Evāgelio iteratur ut deprimat superbiam, quam super omnia vitia detestatur: & humilitatem comendat, quam super omnem virtutem & sapius laudare dignoscitur. Radix enim omnium malorū superbia, & custos omnium virtutum humilitas est. Unde Theophilus: Quia enim superbia plus quàm aliæ passionēs vexat hominum mentes: ideo crebrius de hac monet. Unde Chrysost: Simus itaque humiles, ut simus excelsi: etenim cum abundantia multa humiliatur despectio. Nihil enim ita DEUS avertit sicut superbiam: propterea & à principio omnia fecit ut hanc auferat passionem: propter hoc mortales facti sumus & in miseriis & planctibus, propter hoc in labore & sudore, in laboratione continua & miseria. Etenim à despectione peccavit primus homo, petens DEI æqualitatem: propter hoc neque quæ habebat mansit habens, sed ab his cecidit. Tale enim quid est despectio, quod non solum nobis adicit correctionem vitæ, sed & quæ habemus abscindit, & his officit: sicut humilitas non solum eorum quæ sunt nihil abscindit: sed & quæ non sunt adiacit. Hanc itaque zelemur, hanc prosequamur: ut & præsentī potiamur honore, & futurâ fruamur gloriâ Mysticè per phariseum Judaicus populus designatur, qui ex beneficiis legis & Prophetarum susceptis de sua sanctitate præsumens Gentiles aspernabatur, per Publicanum verò Gentiles, qui peccata sua Apostolis prædicantibus recognoscens, humiliter ea confitebatur: propter quod Gentilis justificatus est per fidei Christi receptionem, & Judaicus damnatus per suam obstinationem. Unde Beda: Typicè autem Phariseus est populus Judæorum, qui ex justificationibus legis extollit merita sua. Publicanus verò Gentilis est, qui longè à DEO positus confitetur peccata sua, quorum unus superbiendo recessit humilitatus, alter lamentando appropinquare meruit exaltatus. Moraliter hi duo homines signant universitatem hominum scilicet justos Phariseus, & impios Publicanus: uterque debent ascendere in Templum ad orandum: impius pro venia, justus pro perseverantia. In Templum autem spirituale quod est DEUS debemus ascendere orando: quia secundum Damascenum, Oratio est ascensus mentis in DEUM. Et secundum Augustinum, Oratio est pius affectus mentis in DEUM directus. *lib. 3. de fide* Principes autem sacerdotum scilicet pontifices, qui spiritualibus præerant, & scriba, capit. 24.

Superbia  
detestatio.

Chrysostom  
hom. 6. ex  
vitiis in  
Matth.

Mysticè.

Beda in cap.  
18. Luca.  
Typicè.

Moraliter.



190  
qui doctrinæ legis & Prophetarum intendebant. *Et Principes plebis*, qui cum te-  
poralibus disponendis præsidebant: moti contra Jesum invidiâ & rancore,  
*querebant Eum perdere*, qui tamen venerat eos salvare, excogitantes diversas  
*Bernardus* vias, & modos quomodo pollent illum occidere. Unde Bernard. O bone Je-  
*sus* 29. infu, totus mundus videtur contra te conjurasse, & hi in persecutione Tua pri-  
*cantica.* mi sunt qui videntur regere populum, dirigere principatum, & non invenie-  
*bant quid facerent Illi*: id est, causam rationabilem Eum occidendi, cum esset ju-  
stus & innocentissimus nec etiam audebant timore populi, quia *omnis populus*  
*Beda in cap. audiebat illum, & admirabantur super doctrina Ejus.* Unde Beda: Querebant illum  
19. *Lucæ.* perdere, vel quia quotidie docebat in Templo: vel quia latrones eiecerat  
de Templo, vel quia veniens illuc quasi Rex & Dominus, à credentium tur-  
ba laudem hymni cœlestis accepit, vel quia suò magisteriò neglectò, plures  
ad Eum audiendum confluere cernebant. Ubi & Cyrillus: Decebat autem,  
ex his quæ Christus dixerat & fecerat, Eum adorare ut DEUM, sed ipsi ne-  
*Gregor. hom. 39. in Evā.* quaquam hoc facientes, querebant Eum occidere. Sed ut agit Greg: Redē-  
ptor noster prædicationis verba nec indignis nec ingratis subtrahit. Nā sub-  
ditur: *Et erat tunc docens quotidie in Templo*, reddens eis bonum pro malo. Quia  
enim erat proximus passioni, instabat docendo: Ecce optima commutatio:  
quia de domo negotiationis facta est schola veritatis, Templum orationis  
locus devotionis. Ubi Gregorius. Nunc usque agitur quod factum fuisse per-  
hibetur. Cum enim mentem fidelium ad cavenda subtiliter erudit, & quo-  
tidie Veritas in Templo docet. Et stetit Jesus publicè in Templo prædicans po-  
*Marci. 11.* pulo, & respondens principibus usque quasi serò: tota die Ipse & sui jejuna-  
runt. *Et circumspexit omnibus cum jam vespertina esset hora*, quæ erat hora decli-  
nandi ad hospitium, & nullus Eum invitaret, vel colligeret: relictis illis exiit  
de civitate, & rediit *in bethaniam cum duodecim*, ut quod in urbe magna non  
inveniebat, in agro parvo haberet hospitium: ibique mansit apud Martham,  
*Judeorū in* & Mariam, & Lazarum, & docebat eos de Regno DEI: Ubi arguitur duri-  
*gratitudo.* cies & ingratitudo Judæorum, qui Doctorem quem gloriosè & honorificè  
ut Regem & gaudiosè susceperant: & qui per totam diem usque ad vespē-  
ram eos doctrinā paverat, hospitio non susceperunt, & famescentem non  
paverunt. Circumspexit enim Dominus, qui nihil de proprio ubi hospitaretur  
habuit, sed omnī benevolentia indiguit si quis Eum in domum suam vo-  
caret aut reciperet: & nullus est inventus benedictione pacis Christi dignus.  
Unde in hoc quod dimisit eos corporaliter, ostendit factò eos propter ipso-  
*Hieronym.* rum cæcitatē esse dimittendos à DEO spiritualiter. Ubi Hieronymus: Hinc  
*in cap. 11.* autem intelligendum est quod Christus fuerit tantæ paupertatis, & ita nulli  
*Marci.* adulatus sit, ut in urbe maxima nullum hospitem, nullamque mansionem in-  
*Adulari no-* venerit: sed in vico parvulo apud Lazarum, sororesq; ejus habitaverit: Eo-  
*luit Christi* rum quippe vicus Bethania est. Ubi & Chrysostomus. Et relictis illis, tanquā  
*Chrysostom.* ex cæcatis per invidiam, abiit foras extra civitatem in Bethaniam ut receden-  
*hom. 38. Ope-* do compelleret, quos respondendo non potuit: quia malitia non instruitur  
*ris imperfe-* sermonibus, sed excitatur. Malum enim hominem melius locum dando potes  
vincere, quàm respondendo. Nam si contendis irrationabilem placare:  
& illum non placas, & te ipsum subvertis. Et mansit ibi apud La-  
zarum, & sorores ejus: ut illic requiesceret corporaliter, ubi & spiritua-  
liter prandebat. Nam Sanctorum Virorum est, non ibi querere man-  
sionem, ubi clariores sunt viri, sed ubi fideiores: nec gaudent ubi  
epulæ largæ sunt, sed ubi Sanctitas floret. Hæc Chrysostomus. Ubi etiam  
*Beda 7 c. 11.* Beda: Bene autem dicitur, quia circumspexit omnibus exiit in Bethaniam.  
*Marci.* Inspicit quippe internus Arbiter omnium corda, & cum in contradicentibus,  
ac resistentibus veritati, non invenit ubi caput reclinet: secedit ad fideles,  
& in eis qui obediunt verbo mansionem sibi unā cum Patre facere gaudet:  
Bethania nāque domus obedientiæ dicitur. Hæc Beda. Nota ergo ex præmissis  
quod Christus tria loca intravit: scilicet Hierusalē, Templū, & Bethania: per quæ  
loca significatur mens humana, quæ debet esse pacifica, & tunc est Hie-  
rosolyma, quæ interpretatur visio pacis: debet esse Dei habitatio gra-  
ta, & tunc est Templum DEI vivi acceptum: debet etiam esse ad  
obedi-



obediendum prona, & tunc est Bethania, quæ interpretatur domus obedientiæ. Ingrescente autem Domino in primum locum, scilicet Hierusalem, tota Civitas est commota: quia intrante Domino animam, per gratiam prævenientem, omnes vires animæ debent commoveri, per dolorem & contritionem peccati. Cum verò intravit Templum, ejecit vendentes & ementes, ac mensas & cathedras evertit: quia postquam Christus intravit in cor hominis: per gratiam prævenientem, movendo ipsum ad contritionem, intravit postea in ipsum per gratiam proficientem, purgando illud: & eiciendo inde peccata per confessionem: & tunc Christus sanat illud dando indulgentiæ remissionem: unde subditur ibi de infirmorum sanatione. Deinde Christus intravit Bethaniam, quæ interpretatur domus obedientiæ, quia postquam intravit cor per gratiam prævenientem & proficientem inducendo ipsum ad contritionem & confessionem; consequenter intrat per gratiam perficientem ipsum per obedientiæ satisfactionem: ille enim verè obedit, qui de omnibus peccatis suis plenè satisfacit. Conspice igitur nunc bene Dominum, quia valde humiliter vadit per Civitatem cum illis paucis, qui sic honorificè venerat mane cum multis. Ex quo potes considerare, quia parum est curandum de humano honore, qui sic terminatur in brevi: & quia in cursu hujus vitæ risus dolore miscetur, & extrema gaudii luctus occupat. Potes etiam considerare, quomodo sui gaudebant quando honorabatur à turbis, & multò magis quando Bethaniam redierunt illæsi, quia maximè timebant quando Hierusalem ibat, quòd tunc qualibet die faciebat. Quamvis enim alias sæpe, maximè tamen à præcedenti die Sabbathi, usq; ad vigiliam Cænæ locutus est judæis, & operatus est palam in Hierusalem. *Erat autem tunc quotidie docens in Templo: propter doctrinæ auctoritatem, loci celebritatem, ac populi frequentiam & auditorum plurium utilitatem: noctibus verò exiens morabatur in Monte Oliveti, scilicet in Bethania, quæ erat in latere montis ejusdem, vigilans & orans, ac docens discipulos, & confortans. In hoc dedit exemplum Prædicatoribus & Doctoribus Evangelii, ut diebus doceant; & noctibus sint in oratione DEI, ut ibidem hauriant quod auditoribus infundant in mane sequenti. Sive etiam in prosperitate simus, quæ per diem significatur, sive in adversitate, quæ per noctem intelligitur, semper doceamus & oremus, ac bonum faciamus in quantum valeamus. Unde Sapiens. Mane semina semen tuum & vespere ne cesset manus tua: quia nescis quid magis oriatur, hoc an illud: & si utrumq; simul, melius erit.* Per mane enim, intelligi potest tempus pacis & prosperitatis, & per vespere, tempus tentationis, & adversitatis: in quibus semper bonum operari, nec tempore hoc vel illo à bono opere cessare debemus, quia quid horum majorem fructum nobis afferat, ignoramus. Et hæc facere debemus in Monte Oliveti, id est; in culmine misericordiæ ad proximum, non nempe meretur impetrare misericordiam à DEO, qui non facit misericordiam eum proximo. Et est notabile, quòd imminente morte magis instabat Christus prædicationi, quod est contra multos, qui in senectute dant se otio & quieti, cum adhuc possent multorum prodesse salutem. *Et omnis populus, attractus efficaciam & dulcedine doctrinæ suæ, manebat: id*

Bethania  
quid interpretatur.

Contemplatio.

Prover. 14.

Luca 21.

Prædicatorum exemplum.

Eccles. 11.



est; mane festinabat *ad eum in Templo*, ut audiret ab eo verba vi-  
 tæ: hoc est, mane cum festinatione accelerabat venire ad locum  
 prædicationis suæ: à mane enim, dicitur manicare. Ubi Cyrillus:  
 Populo autem ante lucanum venienti ad Eum: congruum erat  
 dicere: *DEUS DEUS meus, ad te de luce vigilo*. Et quia Dominus  
 sic diebûs & noctibûs tunc præcipue laboravit, ideo tota illa septi-  
 mana pænosa dicitur: quia per totam illam laboravit recreando.  
 sicut per primam mundi hebdomadam operatus est creando. Et  
 quia uñ septimanâ cuncta creavit, multo labore hanc septimanâ  
 hominem refecit. Unde Beda: Quæ verbis præcipit Dominus, suis  
 confirmat exemplis. Nam qui nos repentinum iudicii universa-  
 lis adventum, ante incertum singulorum nostrorum exitum, de-  
 lictis simul & curis hujus vitæ neglectis, ad vigilandum hortatur,  
 & orandum, & ipse impendente suæ tempore passionis doctrinæ  
 vigiliisq; & precibûs instruit, pariter & exemplò: insinuans hoc  
 esse dignè DEO vigilare, dictò vel factò proximis quibusq; viam  
 veritatis ostendere, & eos pro quibus passurus erat, vel verbò  
 ad fidem provocans vel Patri oratione commendans. Et nos quo-  
 q; cum inter prospera sobriè, & justè, & piè convertamur: in-  
 ter adversa verò nunquam de Divinæ misericordiæ celsitudine de-  
 speramus, diebûs profectò cunctis in Templo docemus: & fide-  
 libus operis boni formam præbemus, noctibûs verò in Monte Oli-  
 veti moramur, quia in tenebris angustiarum gaudii spiritualis con-  
 solatione respiramus: juxta eum qui dixit: *Ego autem sicut oliva*  
*fructifera in Domo Domini, speravi in misericordia DEI mei*, id est;  
 sicut s qui misericordiæ fructum quibus voluit impendit, ei à  
 Domino miserendum esse non ambigo. Et ad nos quoq; audi-  
 endos omnis populus manicat, cum vel discussis operibûs tene-  
 brarum, vel evictis DEI gratiâ nebulis pressurarum, sicut in die  
 honestè ambulantes, non in commensationibus & ebrietatibus nos  
 filii lucis imitantur. Hæc Beda.

## DE MALEDICTIONE FICULNEÆ,

&amp; grano frumenti: &amp; de Principe mundi.

## CAPUT. XXXI.

*Mat. 21.* SEquenti autem die, scilicet feriâ secundâ, iterum mane & dilu-  
*Marci. 11.* sculò exiens JESUS à Bethania, & rediens in Hierusalem, *esuriit*,  
*Joann. 12.* secundum suspicionem discipulorum, eò quodd ad arborem acces-  
 sit. Ubi nota morem studiosi Operatoris, dum dicitur mane rever-  
 tisse in civitatem ut prædicaret, & ut aliquos Deo Patri acquireret.  
*Esuries Christi.* *Esuriit* autem, non quasi homo, indigens cibum corporalem, sed

quasi



quasi DEUS misericors humanam salutem. Unde ista esuries naturalis non fuit, quia in sero præcedenti comederat, nec adhuc hora comedendi erat, sed sicut maledictio arboris, de qua subditur, figurabat maledictionem infructuosi: sic ista esuries significabat desiderium Christi de salute populi. Et ideo adhuc mane esurit, qui iustitiam esurit. *Et videns arborem fici, inter Bethage & montem Oliveti, secus viam: accessit ad eam, & nullum in ea fructum nisi tantum folia inveniens, maledixit ei, dicens: nunquam ex te fructus nascatur in sempiternum: & statim aruit.* Venit Dominus ad ficulneam, non causâ inveniendi fructus, quibus esuriens reficeretur, sciebat quod in Martio tempus ficu non esset, sed adivit propter miraculum, ut Apostolos ad fidem confirmaret. Unde secum dum Chrysostr. maledixit Dominus ficulneæ, non quia fructum in illa non invenit cum non esset tempus ficu, sed Discipulorum gratiâ, ut confiderent, & ut discerent quod possit, etiam Judæos persequentes siccare, & in mōento exterminare. Ideo neque in alia, planta sed in omnium humidissima miraculum hoc fecit, ut et hinc majus appareat hoc miraculū. Ad hoc enim Dominus miraculū fecit, ut Discipulos in fide solidarēt, quia ut ait Hieron. Dominus passurus in populis, bajulatus scādalum Crucis, voluit discipulorum animos signi anticipatione firmare. Quod etiam in signum synagogæ maledictæ, & arefactæ Jesus fecit, in qua fructus iustitiæ non invenit. Arbor enim fici, est synagoga, propter multitudinem granorum sub uno cortice, id est, hominum sub una lege, & una, propter uniformitatem ritus, quia secus viam erat, quia legem habebat, sed non invia, quia non credebatur in Christum, qui est Via, ad quam venit, per præsentiam corporalem, & per doctrinā spiritualem. *Et nihil invenit in ea, licet multum quæserit exemplis, doctrinâ, signis, & miraculis, nisi folia, id est verba legis, & traditiones Phariseorum absque ullis fructibus.* Sancti enim habent & folia verborum, & flores morum, & fructus operum. Per talem etiam arborem virentem foliis, & carentem fructibus, possunt intelligi hypocritæ, & simulati, existentes extra viam iustitiæ, & non in via positi per simulationē virtutum foliis circumdati, sed à fructu iustitiæ alieni, quia exteriorem apparentiam sanctitatis habentes interius sunt vacui ab operibus veritatis, & infructuosi: & ideo à Domino maledicti fiunt aridi, & humore devotionis privati. Unde Chrysostr. Folia veritatis, sunt species tantummodo sanctitatis in homine, aut sine fructu verba religiosa. Quicumque ergo religiosus, id est, arbor rationalis profitetur se esse DEI: & iustitiam non operatur, est arbor tantummodo folia habens sine fructu. Secus viam autem, est juxta mundum: mundus enim via est communis, per quam omnes transeunt qui nascuntur. Quicumque ergo homo fidelis, id est, arbor rationalis, juxta mundum vixerit: nunquam potest in se iustitiæ fructus tenere. Transeuntes enim & retranseuntes dæmones, vel ministri ipsorum per viam, id est vagantes per mundum istum excutiunt eos. Sicut ergo difficile est arborem juxta viam positam fructus suos usque ad maturitatem servare: sic difficile est virum fidelem juxta istum mundum viventem, in ramis, id est, in actibus suis iustitiam immaculatam usque ad finem servare. Si vis ergo fructus iustitiæ ad finem tenere, recede de via, & plantare in loco secreto: ut nec mundus tecum aliquid habeat commune,

Chrysostr. hom. 36. in

Matth.

Ficulneæ

maledictio

et ejus cause

Hieronymus

in cap. 21.

Matth.

Chrysostr.

hom. 39. op.

idris imperfe.



nec tu cum mundo. Hæc Chrysostomus. Cum itaque esuriens Dominus ficus quæsit, aliquid aliud se quærere significavit, non enim ficus, sed fidem: neque fructus arboris, sed fructus operis quæsit.

*Beda in cap. 11. Marc. Parabolæ fecit, & dixit Dominus* Ex hoc ergo, secundum Bedam, patet quoddam sicut Dominus multa dixit in parabolis: ita & fecit. Cur enim in ficu fructum quæreret, cujus tempus nondum esse quilibet homo sciret, & ob id eam æternæ sterilitatis maledictione damnet? quia plebem quam docebat verbis, terruit factis: ne quis habens folia, id est, verba justitiæ sine fructu operum, mereatur excidi & in ignem proici. Unaquæque enim arbor non de floribus, non de foliis, sed de fructu suo cognoscitur: sic unusquisque homo non de æstimatione famæ, vel sermonis pompa: sed de suarum testimonio probatur actionum.

Hæc autem maledictio ficus maximè in nobis timenda est: quia folia, id est, verba non vertimus in opera. Jam enim securis ad radicem posita est. Et ingressus JESUS in civitatem, venit in Templum secundum suam consuetudinem: quia semper locum DEI visitare consuevit, & Patri exhibere honorem. Erant autem Gentiles quidam ex his qui ascenderant in Hierusalem, ut adorarent in die festo: quia Templum pro sui sanctitate in reverentia à Gentilibus in circuitu Judæorum erat, & Ejus famositas non tantum Latinos & Judæos: sed etiam Gentiles trahebat, ut de

*Act. 8.*

Eunucho Candacis Regina patebat. Isti ergo qui Christi miracula audierant: ideo Eum videre, & Ejus doctrinam audire volebant. Et accesserunt ad Philippum, quia videbant eum pium & mansuetum: & se non reputabant dignos, ut venirent per seiplos, & rogabant eum dicentes: Domine, volumus JESUM, & Salvatorem omnium videre. Et congruenter ad Philippum accesserunt prius: quia ipse prius prædicavit Gentibus, scilicet Samaritanis. In his Gentilibus præfigurabatur conversio Gentium per prædicationem Apostolorum in proximo secutura: & quoddam ministerio eorum ad fidem conversæ desiderant JESUM glorificatum

*Clarificatio in patria. Venit Philippus & dixit Andreas, Christi.* Venit Philippus & dixit Andreas, quia Andreas primus Christi erat discipulus, & magis familiaris Domino quam Philippus & etiam quia Philippus per Andream conversis fuerat: & ideo de consilio & auxilio ejus circa hoc agere volebat. In quo datur nobis exemplum omnia faciendi de consilio Majorum, Andreas rursus & Philippus dixerunt, ambo simul hoc Domino JESU, tanquam superiori, mysticè Philippus, qui os lampadis dicitur signat veritatem. Andreas autem virilis, quæ duo intellectum & affectum Christo adducunt in conversione animarum. JESUS verò audiens devotionem Gentilium, qui jam erant dispositi ad credendum: vidensque eos properare ad fidem: & intelligens in eis quodammodo inchoari Gentium conversionem prænuntiavit suæ passionis tempus imminere, post quam passionem immediatè Gentes erant recipiendæ dicens: Venit hora ut clarificetur Filius hominis, quasi diceret, Judæi nolunt credere, quos primū voluit lucrificare: plenitudo Gentium creditura est, quia veniunt Gentes ad credendum, quibus Filius est clarificandus.

In passi-



In passione quippe sua fuit filius clarificatus per signa ostensa: fuit etiam clarificatus in sua resurrectione & ascensione. Itemq; in gentium conversione: quia Deitatem Ejus confessi sunt ubique. Verumtamen per congruum ostendit exemplum, quod mors Ejus debeat prævenire conversionem Gentilium, dicens: *Nisi granum frumenti cadens in terram, mortuum fuerit, ipsum solum manet*: quia non facit fructus multiplicationem, nisi per sui corruptionem: id est, nisi ego moriar, fructus conversionis Gentium non sequetur. *Si autem mortuum fuerit, multum fructum affert*, id est, me mortuo per humanitatem multiplicabitur fides per gentium conversionem: ac si expressè dixisset. Isti Gentiles, qui modò volunt venire ad me per præsentiam corporalem, post mortem meam venient ad me per fidem. Ipse enim erat granum jacendum in corpore terræ per passionis humilitatem, unde messis copiosa debebat exurgere. Passio quippe Christi multum attulit fructum, scilicet fructum remissionis peccatorum, fructum conversionis Gentium, fructum gloriæ regni cælorum. Et quia Christus se comparavit grano frumenti, mos est Ecclesiæ de hoc grano scilicet tritico tantum confici corpus Christi. Moraliter homo in terra cadit, quando per humilitatem se deprimit: sed eam non cooperit, quando vult humilitatem manifestari, & non occultari: & talis humilitas non fructificat: sed quando talis humilis vult quod humilitas lateat, tunc fructificat. Ad hoc nempe quod granum frumenti fructificet, non sufficit quod in terram cadat: sed oportet quod agricola ipsum cooperiat. Prædicat etiam Christus suam passionem & Ejus fructum: ut videntes morientem non ideo perdant fidem, & ex passione non terreantur: sed magis imitentur, quoniam oportet nos imitari Eam qui reliquit nobis exempla ut sequamur Ipsum. Unde consequenter Discipulos & omnes exhortatur ad passionis suæ sectanda vestigia, dicens: *Qui amat animam*, id est vitam suam scilicet in hoc mundo, & ad bona mundana: & carnis desideria: volendo sibi hujusmodi delectabilia, ut mundo vivat, & non DEO: vel eam cum necesse est pro DEO non ponendo, *perdet eam*, scilicet in vita æterna, & quantum ad bona æterna possidenda. Et per contrarium *qui odit animam suam*, id est vitam, in hoc mundo, denegando sibi bona præsentia & sustinendo mala: vel etiam cum necesse est ponendo pro DEO, *in vitam æternam custodit eam*: id est, vivet æternaliter cum Eo. Ubi Augustinus. Si male amaveris, tunc odisti: si bene oderis, tunc amasti. Felices qui oderunt, & in Joann. custodiendo, ne perdant amando. Et quod debeamus Ipsum imitari in passione, ostendit per rationem, inducens exemplum de se: ut sicut Ipse fecit, ita & nos si opus fuerit faciamus, & dicit: *Si quis mihi ministrat*, hoc est nomine *Sequendus* & affectu querit esse meus minister, *me sequatur*, id est, me imitetur: sequi est *Christus*. enim imitari est. Quasi diceret, rationabile est, quod minister sequatur Dominum: si quis me non sequitur, non mihi ministrat: quia secundum Chryso-Chryso: hō. stomum, oportet eum qui ministrat, sequi eum cui ministrat. Oportet ergo *66. in Joann.* Discipulos Christi qui Ei ministrant, sequi Christum per mortem, si oportuerit: & per bona opera, imitando Ipsum. Illi quippe Christo ministrant, qui non sua, sed quæ Jesu Christi quarunt: & quæcunque bona sive in temporalibus, sive in spiritualibus propter Deum faciunt. Ministrant autem Christo Episcopi & clerici, inquantum ejus Sacramenta fidelibus dispensant. Unde Apostolus: *1. Cor. 4.* *Sic nos existimet homo, ut Ministros Christi & Dispensatores ministeriorum DEI vivi.* Item omnes fideles in quocunque ordine constituti, qui mandata servant Christi. Unde Apostolus. *In omnibus exhibeamus nos sicut DEI ministros.* Ministrat enim *2. Cor. 1.* Christo unusquisque monendo, docendo, corripiendo, benivolentiam, elemosynam, & cætera misericordiæ opera impendendo. Et subjungit hujus sequelæ bravium, seu præmium: quia si quis Christo dignè ministraverit, & Ipsum secutus fuerit, erit ubi Christus est. Et certè magnum est præmium esse cum Christo: sine Quo nusquam est bene, & cum Quo nusquam est male. Et deinde manifestius hoc dicit. Nam qui ministraverit Christo, mandatis suis obediendo, Ipsum sequendo, & vestigia Ejus imitando: hic honorabitur à Patre cœlesti: scilicet ut sit cum filio Ejus, non æqualis Divinitati, sed consociatus æternitati. Et certè magnus honor est, quod homo miser efficiatur beatus: exheredatus hæres DEI, cohæres autem Christi. Beatus ille quæ DEUS honorificabit: ille nempe ditabitur illis bonis quæ nec oculus vidit, *1. Cor. 2.*

Ecc

nec

Passionis  
Christi  
fructus.

Moraliter.

Aug: tract.  
1. in Joann.

Sequendus  
est Christus.

Chryso-Chryso: hō.  
66. in Joann.

1. Cor. 4.

2. Cor. 1.

1. Cor. 2.



nec auris audivit, nec in cor hominis ascenderunt, quæ præparavit DEUS diligentibus se. Honor nempe datur homini ab aliis hominibus in vita præfenti, in testimonium virtutis: sed honor datur hominibus à DEO in gloria cælesti, in præmium virtutis. O DEUS meus Misericordia mea, Author & Dator omnium virtutum: da nobis nunc in eis exercitium continuum, & tandè pro eis præmium sempiternum. Et quia Discipulos hortatus fuerat ad tolerantiam, mortis, exemplò sui quem sequendum proposuit, consequenter confortat eos ut non turbentur & retrahantur propter infirmitatem naturæ: quia recta ratio non obstante turbatione animæ, secundum passiones partis sensitivæ, dirigit eam in bonas & virtuosas operationes, ut velit fortis sustinere mortem, & quæcunque contraria propter DEUM & bonum virtutis: sic enim in Christo fuit, quod non obstante turbatione sensualitatis passus est, quod recta ratio syadebat. Unde ait: *Nunc anima mea, sensualis turbata est*, id est, affecta est quantum ad sensitivam, passionibus timoris & tristitiæ ac naturali horrore, qui tamen est de voluntate. Anima enim hîc acipitur pro sensualitate: id est, appetitu sensitivo, in quo sunt passiones, non autem in oratione. Ac si dicat: Non vos turbet vel retrahat sensualitatis turbatio à recta & debita operatione: quia enim anima mea turbata est imminente passione, & tamen hoc non obstante mori eligo, obediens Patri pro vestra salute. Quia enim hortatus fuerat alios imitari mortem suam, ne fortè aliquis ediceret, securè potes mortem subire: quia nihil mali sentis: ideo contrarium voluit ostendere per talem turbationem, & per consequens non esse recedendum ab

*Passiones in  
Christo.*

eius imitatione propter naturalem animæ horrorem. Nam si nullam passionem sensisset in anima, non fuisset sufficiens exemplum hominibus ad mortem sustinendam. Huiusmodi autem passiones aliter fuerunt in Christo, & aliter sunt in nobis. In nobis enim sunt ex necessitate, in quantum quasi ab extrinseco commovemur & afficimur: in Christo non fuerunt ex necessitate, sed ex imperio rationis: ad ostendendum humanæ naturæ veritatem, & ad dandum nobis exemplum non recusandi mortem, & ad merendum, nostram redemptionem, cum in Eo nulla passio fuerit, nisi quam Ipse voluntariè concepit. Nam intantum inferiores vires erant subditæ rationi in Christo, quod nihil aliud agere & pati poterant, nisi quod ratio volebat: quæ permisit agere animæ & viribus inferioribus quæ propria erant. Sic ergo turbata est anima Christi, quod nec supra rationem, nec contra, sed secundum rationis ordinem turbatio in ea fuerit. Deinde volens ostendere quod non venit voluntatem infirmæ carnis, sed voluntatem Patris facere, ait: *Et quid dicam*, in hac & de hac turbatione, non dicit, quid faciam: quia sciebat quid factururus: sed docet quod dicere, & quod fugere, & quem invocare, & in quem sperare debeamus scilicet in Patrem qui salvat solus: quasi diceret. Non habeo quid dicam ereptionem quærens: sed scio quid agam: quia passurus sum. Unde non recedam à capto proposito propter timorem periculorum, sed ex ratione sensualitatem superans, voluntatem meam voluntati Divinæ conformabo. In quo dat exemplum nobis, ut similiter faciamus. Et hoc est quod dicit. Et ò tu, *Pater salvifica & saluum fac Me ex hac hora* passionis. Non dicit in hac hora in qua Pater Eum morti exposuit: sed *ex hac hora* quia inde Eum glorificavit. Propterea enim voluntariè veni in hanc: scilicet horam passionis & mortis, *propterea veni in mundum*, ut patiar propter Patris obedientiam & humani generis salutem, quasi diceret: Salvationem quæro, sed passionem non recuso. Et tu Pater per hanc passionem clarifica nomen tuum: me suscitando,

*August. tra-  
ctat. 52. in*

*Joan.*

quod est gloria nominis tui & clarificatio. Ubi Augustinus Docuit te quem invocas cuius voluntatem tuæ voluntati præponas, hominis infirmitatem: ut doceat dicere contristatum, non quod ego volo, sed quod tu vis. Ex hac autem supportatione turbationis in DEUM, homo triplicem percipit utilitatem. Prima est quod turbatio alleviatur. Si enim ex eo quod quis amico conqueritur turbationem suam, alleviationem recipit, quantò fortius propter communionem mutuam à DEO recipiet? Secunda est, quod turbatio meritoria efficitur. Si enim meritorium est DEO offerre rem temporalem, quam portas in bursa: multò magis si offers id quod geris in animo. Tertia est, quod homo postea notabilem recipit consolationem: sicut patet de multis à tribula-

tione



tionem liberatis, sicut & hic Nam statim venit vox de cælo pro consolatione. Unde sequitur: *Venit ergo vox de Cælo à DEO Patre, dicens Et clarificavi, & iterum clarificabo*, id est Clarum genui ab æterno secundum Divinitatem, & Clarum etiam faciã secundum humanitatem. Vel secundum hominem clarificavi in nativitate, quando Angeli cecinerunt: Gloria in excelsis DEO: & Magi Luca 1. adoraverunt, & in Baptismo, & in transfiguratione, & in miraculis in vita per Eum factis: & iterum clarificabo, per signa Deitatis: in passione, in qua triumphabit de diabolo, & in resurrectione: & in ascensione: & in totius mundi conversione, & maxime in iudicio. Et quidam de turba magis rudes stantes & audientes, sonumque vocis non significationem percipientes, dicebant *tonitruum factum esse*, id est, aliquid per modum soni confusi tamen hoc dicebant factum propter Dominum: *alii autem*, magis perspicaces articulationem vocis intelligentes dicebant quod Angelus Ei locutus sit. Credebant enim Eum esse hominem purum, & ideo dicebant Angelum Ei esse locutum: sicut aliquando in scriptura dicitur, quod Angeli Prophetis loquebantur. Sed vox illa fuit Paterna, & formata à tota Trinitate cum Ejus opera sint indivisa. Verumtamen fuit vox Patris, quæ fuit formata ad representandum Personam Ejus *Et respondit Iesus, & dixit: Non propter me*, scilicet instruendum, qui testimonio vel Consolatore vel Clarificatore alio à me non indigeo, *hæc vox testificans venit de Cælo sed propter vos*, in instructionem vestram, qui instructione indigetis & testimonio: scilicet, *ut credatis*, quia ego ex DEO sum. Unde ostendit hanc vocem nihil sibi indicasse quod ante nescisset: sed ignorantibus quibus indicari oportebat, & propter instructionem populi circumstantis ut cognoscerent Ipsum Jesum esse Christum, cui de Cælo dabatur testimonium. Sicut ergo anima Ejus non propter Eum, sed propter alios voluntarie turbata est: sic ista vox non propter Eum, sed propter alios aliqua dispensatione divinitus facta est. Et quia dixit vox, & clarificabo: consequenter modum ostendit clarificationis, dicens: *Nunc*, scilicet in hoc tempore passionis rectum *Judicium est*: non condemnationis, sed discretionis *mundi*: id est, pro mundo contra diabolum: hoc est, nunc pro mundo à potestate tenebrarum liberando judicabitur, & separabitur mundus à potestate diaboli, & eripietur: & hoc est iudicium discretionis quod discernuntur & separantur multi à potestate inimici. A tempore quoque passionis Christi discreti sunt fideles credentes, ab obstinatis contra fidem: in futuro autem erit iudicium condemnationis infidelium, & præmiationis credentium. Unde exponendo subdit effectum iudicii: *Nunc Princeps hujus mundi*, id est, amatorum mundi, & malorum hominum Princeps mundi. qui habitant in mundo: scilicet diabolus qui ab Adam usque nunc fuit dominatus, & adhuc dominatur in malis mundo deditis (& dicitur Princeps mundi, non quia sit Dominus substantiæ mundi sed hominum mundialiter viventium, inquantum se ei subiiciunt per peccatum) *eiicietur*, & repelletur foras: à redemptis & liberatis, & potestatem homines post se trahendi perdet hoc iudicio: per Christum & virtutem passionis Ejus, per quam aperta est janua gloriæ, cujus consecutione diabolus non potest impedire, & post se trahere Sanctos sicut ante faciebat: Per passionem etiam Domini data est homini virtus Passionis dominicæ efficacis. resistendi diabolo, quia per eam fortiores sumus ad resistendum: nec modo ita facile homines seducere vel adeo tentare potest ut prius, nec permittitur facere quantum potest & vellet. Iustum est enim quod sicut princeps mortis per peccatum hominem sibi subiecit ad mortem: sic qui Christum procuravit interfici injustè, meritò & dignè eiicitur, ne deinceps iustis hominibus per Christum redemptis principetur. Permittitur tamen tentare homines, ad exercitium, & meritum electorum. Et declarat modum per quem eiicitur foras: quia per mortem Crucis & resurrectionem. Unde subdit: *Et ego si, id est, cum (non dubitat futurum esse quod venit implere) exaltatus fuero à terra*: scilicet in cruce: *omnia*, scilicet electa & prædestinata ad salutem, ex quibus diabolus eiicitur, *traham ad Me Ipsum*: ut sim caput, & illa membra, spoliando illum qui decipiendo injustè depradatus fuerat. Vel omnia genera hominum: quia de omnibus generibus hominum aliqui sunt tracti: scilicet de omnibus lingvis, de omnibus ritibus, de omnibus ætatibus, & de omnibus gradibus: & sic traxit ad se omnia, quia homo dicitur



tur omnis creatura. Nam amore, quò pro nobis passus est, trahit nos ad se. Ipsum: ex amore enim ostenso in cruce ad genus humanum, habet vim attractivam mentium, sicut lapis magnes attrahit ad se ferrum, Christi autem crucifixio ideo dicitur exaltatio: quia corpus Ejus fuit exaltatum in cruce, sicut vexillum in aere, ad debellandum aereas potestates: & quia se humiliavit usque ad mortem Crucis, ideo DEUS exaltavit Illum: & Ipse exaltatus exaltavit suos. Per passionem ergo habuit victoriam de diabolo. Unde hoc ipsum omnia trahere, est principem mundi hujus eicere:

2. Cor. 6. non enim est conventio Christi ad Belial, & lucis ad tenebras. Et nota quòd Christus noluit mori in aliqua domo, nec sub tecto, sed in aere voluit exal-

*Cur in aere* tari ex causa triplici. Aer quoddam elementum est commune: & potest homini mori voluitmo habere propriam terram, aquam, vel proprium ignem, sed nemo potest habere proprium aerem Christus ergo voluit in aere exaltari. Primò ad innuendum quòd sicut aer est communis, sic & Christi passio: nam passiones aliorum sanctorum fuerunt propriæ quia quilibet passus est propter se, passio autem Christi communis fuit: Angelis, qui sunt reparati hominibus, quia inde sunt salvati. Secundò, ad innuendum quòd sicut aer est medius inter cælum & terram, sic Christus etiam fuit mediator inter Deum & hominem quia cum DEO convenit ratione naturæ Divinæ, cum homine ratione naturæ humanæ. Erat autem quædam discordia inter Deum & hominem: & ideo venit Jesus, & se ostendit Mediatorem. Tertiò, ut ipsum aerem mundaret: sanctificaverat enim terram, triginta annis super eam ambulando: sanctificaverat aquam, in ipsa se baptizari faciendo: sanctificaverat ignem Spiritum Sanctum

*Christus cur in specie ignis mittendo.* Restabat ut sanctificaret aerem: non sub tecto, in cruce mori sed in aere moriendo. Pluribus etiam de causis voluit mori morte crucis, si voluit.

Una, propter mortis turpitudinem: ut hominem nec ipsa mortis turpitudine à perfectione justitiæ repellat. Item quia hoc genus mortis per modum exaltationis conveniebat fructui, causæ, & figuræ passionis. Fructui quidem conveniebat: quia per passionem exaltandus erat à Patre Causæ autem passionis conveniebat dupliciter: scilicet ex parte hominum, pro quorum salutem moriebatur: ipsi enim perierant, quia dejecti & demersi erant ad terrena: & ideo voluit mori exaltatus, ut nos elevarer ad cælestia. Et ex parte demonum: ut scilicet eos qui in aere principatum & potestatem exercebant

Num. 21. Ipse elevatus in aere conculcasset. Figuræ verò conveniebat: quia Dominus & Joñ. 3. serpentem in deserto fieri præcipiebat: quia sicut ille serpens exaltatus fuit in palo, ita & Dominus in Cruce. Cum autem Dominus tanta & tam magna signa fecisset coram eis, in miraculis & in doctrina, & in revelatione secretorum cordis, & futurorum contingentium, per quæ declarata erat Divinitas Ejus non tamen credebant in Eum, scilicet pro majori parte: & in hoc completæ sunt scripturæ prophetarum, eorum obstinationem & excæcationem prædicentium. Consueverant enim dicere, quòd signum ostendis nobis ut credamus Tibi? sed ecce cum tanta signa fecisset, non crediderunt Ei. Verumtamen multi ex principibus, id est, legisperitis & sacerdotibus, crediderunt tunc in Eum, propter miracula & impletionem scripturarum: sicut & Nicodemus, unus eorum, qui alias venerat ad Jesum nocte: & Gamaliel, & Joseph ab Arimathia, & alii quàm plures: sed propter Phariseos non confitebantur, manifestè, timentes, ne de Synagoga eicerentur, quia jam conspiraverant quòd confitentes Ipsum esse Christum, de societate Judæorum expellerentur: quòd apud eos valde ignominiosum erat. Ejectio enim de synagoga reputabatur magna, sicut apud nos ejectio per excommunicationem de Ecclesia. Causa verò & radix hujus defectus, scilicet quare non confitebantur, erat superbia & inanis gloria: dilexerunt enim gloriam hominum, & honorem mundanum in dignitatibus & laudibus humanis, magis quàm DEI gloriam & meritum pro DEI gloria sperandum: cui soli debetur honor & gloria. Ex hoc enim quòd publicè confitebantur, amittebant gloriam hominum, licet ex hoc consequerentur gloriam DEI: isti autem magis elegerunt privari gloriâ DEI, nolentes publicè confiteri quòd gloriâ hominum, cupientes à mundanis honorari: non attentes ad dictum Apostoli, si hominibus placerem, Christi servus non essem. Isti hodie multos habent sequaces scilicet pro mundi gloria se & sua prodigaliter exponentes, & parum aut nihil pro DEI gloria promerenda facientes. Unde

Galat. 8.



Unde eorum fides insufficiens erat: non enim sufficit corde credere ad justitiam, sed oportet etiam ore confiteri ad salutem. Et in hoc humana gloria est parvi pendenda, & omnis pœna patienter tolleranda: quia omnis pœna quæ pro justitia sustinetur, est meritoria, ut cum Apostolo quilibet dicat: *Mibi autem absit gloriari, nisi Rom. 10. in cruce Domini nostri JESU Christi: perquem mihi mundus crucifixus Galat: 7. est, & ego mundo.* Secundum Augustinum, Dominus crucem suam in frontibus credentium fixit, ubi quodammodo sedes est vere cundix: ut de Nomine Ejus fidelis non erubescat, & magis DEI gloriam quàm hominum diligit. Unde Ille qui Evangelium legit, & etiam illi qui audiunt, signò crucis se signant. Post hæc autem tandem Dominus JESUS, qui scrutatur corda hominum, cognoscens furorem illorum, & malitiam quam jam de eo occidendo conceperant, & volens eos prævenire, non expectavit ut in opus irent, sed abiit, recedendo à persecutoribus suis: quia jam non recipiebant Ejus doctrinam: & abscondit se ab eis, mitigans illorum invidiam & furorem, quia nundum venerat hora passionis suæ. In quo nobis exemplum dedit, ut cum de aliquorum malitia nobis constet, etiam antequam patrare opere tentent, fugere debeamus. Abscondit se ab eis, faciem cognitionis suæ eis subducendo: quod excecationem eorum, & transitum fidei à Judæis ad gentes significabat. *Et cum vespera facta esset, egrediebatur Dominus cum discipulis duodecim de civitate, & rediit in Bethaniam:* ibi mites & justos de Regno DEI docens, in die contra perversos & malos asperè loquens, eosq; pro moribus pravis redarguens, & nos eum in hoc imitari erudiens.

## DE DUOBUS FILIIS, QUORUM UNUS IN vineam ivit, alius ire neglexit.

### CAPUT XXXII.

**E**T cum tertio sabbathi, hoc est feriâ tertiâ, iterum mane, reverendo ad civitatem Hierusalem, transiret Dominus & discipuli Ejus circa locum ubi Ipse maledixit ficulnæ: viderunt discipuli arborem aridam factam à radicibus, id est, fundamentis, qui erant sacerdotes & scribæ, amplius quàm prima die: & mirati sunt de subita arboris exsiccatione. Nec mirum si continuò aruit, quia sermo Domini maledicentis quasi flamma ad radices descendit. *Et cum venisset in Templum,* id est, in atrium Templi, ubi conveniebant homines ad orandum, & verbum DEI audiendum, ut doceret, oraret, & exemplum daret: *acceperunt,* non ut docerentur cum populo, sed ut docentem caperent in verbo: *ad Eum docentem,* id est, dum doceret, quando præcipuè impediendus non erat, *principes sacerdotum,* quos non excusat ignorantia: & *seniores populi,* à quibus egressa est iniquitas. Secundum Chrysostomum: Dicebant sacerdotes apud se: nos sumus columnæ Templi, ecce super illum tota recumbit Ecclesia: nos sumus quasi tacentium scripturarum lingua visibilis, & ecce ille resonat in medio Templi, & nos contempti quasi cithara dissipata tacemus: nos fuimus patres, modò iste generat filios, & nos steriles sumus: quasi dicerent, multum vilificamur. *Accesserunt inquam dicentes: Dic nobis, quia ad officium nostrum pertinet hoc inquirere & scire, in qua potestate hæc facis?* *Quæstio de potestate Xpi*



scilicet an propria, an aliunde tibi commissa? quis tibi dedit hanc potestatem ut ista facias? Quasi dicerent: Quid est quod eiicis de Templo quos vis cum non sis ostiarius, & doces nobis inconsultis? Quærant qua autoritate ista facit, quia autoritatem eiicendi de Templo habebant ostiarii, & docendi in Templo sacerdotes & legis doctores ad hoc à principibus sacerdotum assignati, & non alii. Christus autem neutram autoritatem videbatur habere, sed magis usurpare. Subintelligunt enim Eum operari per diabolum, & diaboli esse quod facit: sicut supra dixerunt, quod in Beelzebub demonia eiiceret. Quasi vellent dicere. Secundum Chrysost. Tu de sacerdotali familia non es: senatus hoc tibi non donavit neque Cæsar: in qua ergo potestate hoc facis? nunquid in Beelzebub principe demoniorum? JESUS autem oppositioni reddidit oppositionem non solutionem, quasi clavum clavo retundens: & qui aperta responsione tentatorum calumniam confutare poterat, prudenter eos interrogat: ut ipsi vel suo silentio vel sua responsione & sententia Calumniæ convincantur. Calumniæ enim melius interrogatione quam directa quomodo respondendum. ratio ratione vel responsione ad inconveniens ducitur. Ille namque est optimus modus respondendi & concludendi contra malignantes, quando ex suis propriis verbis & responsis arguuntur. Per hoc quoque ostendit Christus quod malignatibus quales isti erant, non sunt secreta DEI revelanda: sed eorum malitia prudenter est declinanda. Interrogavit ergo eos de baptismo Joannis, unde erat de cælo an ex hominibus, id est, ex DEI præcepto & Divina ordinatione, an ex hominis adinventione & humana institutione. At illi, stupefacti ad interrogationem, cogitabant intra se, viam respondendi: sed non habebant, videntes ex quacunque responsione suam confusionem. Nam si dixissent baptismum Joannis de cælo, id est, ex cælesti & Divino instituto esse, patenter convincebantur: quia non crediderunt Joanni dicenti Ipsum Dominum de cælo venisse, & perhibenti ei testimonium de potestate. Qui enim credit Joanni, credit utique & Christo, quia Joannes Christo testimonium perhibuit ipsum prædicando, & DEI filium esse nunciando. Quasi vellet dicere: Ille mihi testimonium perhibuit quem confitemini habuisse prophetiam de cælo, & ab illo audistis in qua potestate hæc facio: quia ille hoc demonstravit testimonium mihi perhibendo. Si autem dixissent de terra & institutione humana: periculum mortis incurrissent ad populum, ut tanquam blasphemæ essent lapidandi, quia populus qui pro majori parte Joannis baptismum susceperat, eum ex vita & doctrina ac Christi testimonio Prophetam Sanctum & verum à DEO missum reputabat, & per consequens verba Ejus & facta à DEO esse sentiebat. Viderunt ergo (ut ait Beda.) Quodlibet horum respondissent in laqueum se cæsurus, timentes scilicet plebis lapidationem, sed magis timentes veritatis confessionem. Et mēdaciter dicentibus eis se nescire ait Jesus: Neque ego vobis dico, in qua potestate hæc facio. Non dico vobis quod scio, quia non vultis fateri quod scitis. Quia ergo dicebant se nescire quod tamen sciebant, noluit eis de se aperire veritatem de hoc quod quærebant: & iustissime confusi sunt. Ex sua enim taciturnitate compulsi sunt à sua petitione cessare. Nam secundum Chrysostomum. Mendacia si non habent quem decipiant, ipsa sibi mentiuntur. Duabus quippe de causis (secundum Bedam) occultatur Beda ibidē. veritas, quia authores minus capaces sunt ad intelligendum. Unde de di-



de dicitur: *Multa habeo vobis dicere, sed non potestis portare modo, vel Veritatis* quia ex odio & contemptu indigni sunt quibus aperiatur. Unde occultande dicitur: *Nolite sanctum dare canibus, neque mittatis margaritas ante porcos, & hic utrumque concurrebat.* Et tertia causa addi potest, *Joann. 16. scilicet assiduitas predicandi: assidua enim predicatio vilescit. Vo-* *Mat. 7.* luit ergo Christus ostendere de facto & exemplo, quod licet uti cautelis contra cautelas malorum insidiantum bonis. Unde dicit Chrysostomo Chrysosto: *Quod interrogantē oportet docere, tentantē confunde-* *hom. 39.* re. Quod autē aperienda erat veritas suæ potestatis & prædicationis *Operis im-* *perfecti.* alius & non ipsis, & quare: indicavit per parabolam duorum filio- *Foliorum* *duorum pa-* rum, quorum uni pater dixit: *vade in vineam meam, qui respondit* *nolo. Postea tamen penitentia motus ivit: dixitq; alii pater vade in vi-* *neam meam, qui respondit vado, sed non ivit.* Homo iste qui duos fili- *rabola.* os habuit est DEUS, scilicet Pater: qui dicitur homo ratione mansuetudinis quam ad hominem habuit, qui etiam omnes homines paterno affectu creavit, & cum sit naturâ Dominus, tamen magis vult diligi quasi Pater, quam rimeri quasi Dominus. Primus filius tempore & origine: non dignitate & DEI cognitione, est populus Gentium, alter populus Judæorum quia Gentes erant ex tempore Noe, Judæi autem ex Abraham. Operari autem vineam est facere justitiam, quam generaliter quidem in natura omnium hominum DEUS plantavit: specialiter autem Judæis eam in libro vitæ dedit, ejus diversæ vites sunt diversæ justiciarum species. *Primo filio, pri-* *mum dixit per naturalis legis impressionem & notitiam, vade ope-* *rare, id est, in tempore hujus sæculi, fac legis naturalis justitiam* quæ est: Hoc facias alii quod tibi vis fieri, & quod tibi non vis fieri ne feceris alteri: operare inquam *in vineam, id est in Ecclesiam, ex-* *tra quam non est locus operandi meritorie.* Locutus est autem ei non facie ut homo: sed in corde ut DEUS ingerens intellectum sensibus: quia nunquam DEUS destitit homines incitare ad bonum *Chrysost. hō.* per occultos instinctus. Unde Chrysostomus Posuit DEUS spiritum *13. ad popu.* scientiæ boni & mali in hominibus: ut quotienscunque peccamus, *Antioch.* ille in silentio quasi factum nostrum accuset, qui in conscientia tacite ad animam loquitur dicens: Malum est hoc, & hoc bonum est. *Ille autem, scilicet primus filius licet in cogitatu superbe, respondit* *nolo, quia bonum relinquendo & malum eligendo aperte contu-* *max fuit: legi nempe naturali non obedivit, & libero arbitrio abu-* *sus est.* Unde Chrysostomus. Quomodo dixit nolo? in cogitatu. *Chrysost. hō.* Qui habens intellectum boni & mali reliquit bonum, & sequitur *40. operis* *imperfecti.* malum in cogitationibus suis, contra Dominum respondere videtur: quia nolo, id est contra intellectum suum creatum sibi a Domino, facit. Hæc Chrysost. Sed postea in adventu Salvatoris ad prædicationem Christi & Apostolorum, credens, penitentia ductus operatus est in vinea DEI, & sermonis contumaciam labore corripuit: quia Summo DEO colla submisit, & nunc cultu fidei DEO placet. Alteri autem filio postea dixit (per Mosaicæ legis dationem) vade & operare in vinea mea, & fac justitiæ opera. Qui respondit, vado: quia primum DEO servire vovit, & se ad serviendum DEO, per susceptionem legis Mosaicæ, obligavit, dicens Moyse, *Exod. 24.* Omnia præcepta Domini faciemus: sed non ivit, & quod ore respondit, opere non implevit, quia in servitio DEI non remansit, & legem susceptam non observavit, nec non ad idololatriam & ad infinita mala declinavit: & nunc Christi cultum negat. Induxit autem



tem hanc parabolam, eos interrogando: ut propria responsione illos impietatis ministros argueret, & proprio iudicio condemnarentur. Cum ergo quæssisset, quis ex duobus fecit voluntatem Patris? & illi respondissent, primus: non intelligentes de ipsis dictam parabolam, & nescientes quia in responsione exprimerent condemnationem suam: intulit, & ex responsione propria eos confutavit, confirmans prolatam ab ipsis sententiam, & dicens: *Amen dico vobis quia publicani & meretrices*, scilicet non quia tales sunt, sed quia fuerunt, *precedent vos in Regno DEI*, id est: in Ecclesia militante, per fidem & per poenitentiam: & in triumphante per gloriam: vobis extrâ derelictis, per infidelitatem. Primus enim filius, qui fecit voluntatem Patris, dignus est misericordiâ. Secundus, quia neglexit, dignus est reprobatione & poenâ. Quasi diceret: Non solum Gentiles meliores sunt vobis iudeis, sicut & ipsi iudicastis, sed & pessimi de Gentilibus, scilicet publicani & meretrices, qui inter vos manifestè sunt turpissimæ vitæ, erunt majoris meriti apud DEUM quàm vos: quia melius est non promittere, & facere iustitiam DEI, quàm promittere, & mentiri. Et secundum Augustinum, Simulata æquitas duplex est iniquitas: & hoc vitium potissimè vigeat in Sacerdotibus & Levitis. Igitur secundum Origenem, potes uti parabolâ ipsâ ad eos qui modicum aut nihil promittunt, operibus autem ostendunt: & contra eos qui magna promittunt, nihil autem vel parum secundum suam promissionem agunt. Nam hodie heu multi, etiam Religiosi, non solum legis scriptæ, sed etiam legis naturalis iustitiam derelinquunt: & ideo non misericordiâ cum filio primo, sed potius poenâ cum secundo digni sunt. Ubi Chrysostomus. Puto quoddam ex persona omnium virorum peccatorum, publicani ponantur, & ex persona omnium mulierum meretricum, meretrices. Quamvis enim multa sint peccata in viris & mulieribus, præter ista: tamen præcipue avaritia in viris abundat, fornicatio autem in mulieribus. Mulier enim quæ in domo sua sedet inclusa, facile peccatum fornicationis incurrit, quia hoc vitium facile ex vacantia & otio nascitur. Nam qui sollicitudinibus animum habet occupatum, non facile fornicationi operam dat. Nam diffinitio amoris hæc est, animæ vacantis passio. Vir autem qui in actibus rerum diversarum est assidue, avaritiæ peccatum facile incurrit, in fornicationem autem non facile, nisi fortè multum sit lascivus. Nam occupatio virilium sollicitudinum, suggestionem voluptatis plerumq; excludit. Unde proprium est hoc adolescentium nihil agentium. Hæc Chrysostomus. Deinde subjungit causam reprobationis iudeorum, quæ est contemptus credendi, quem aggravat & sanctitas Joannis, & exemplum conversionis peccatorum, quia publicanis & meretricibus Joanni credentibus, & ad prædicationem ejus poenitentiam agentibus, ipsi non crediderunt Joanni, doctrinam ejus audiendo, & opera ejus imitando: qui venit ad eos in via iustitiæ, quia opera perfectionis faciebat, & Christum (qui est ipsa iustitia) annuntiabat. Et non solum hoc non fecerunt, sed nec postquam publicanos & meretrices credentes & poenitentes viderunt, confusi sunt, aut compuncti ut crederent, vel illorum exemplum sequerentur, quibus ipsi exemplum esse debuerant, ex quo sequitur aggravatio peccati ipsorum, quia nec præcedere, nec sequi illos in fide & poenitentia voluerunt. Laici etiam & Sacerdotes, duo filii possunt intelligi & populus, prior filius, & Sacerdos, secundus. Unde Chrysostomus. Duos etiam filios dicit: Laicorum conditionem, &

*Publicani et meretrices.*

*Augustinus in Psal. 63.*

*Origenes Tract. 18. in Matth.*

*Chrysostomus hom. 40. Operis imperfecti. Virorum & mulierum præcipua peccata.*

*Amoris cause. Amoris descriptio.*

*Chrysostomus. Ibidem.*



& ordinem Sacerdotum. Quis est prior filius? Populus. Prior enim populus creatus est: deinde Sacerdotes, qui regerent populum. Non enim populus propter Sacerdotes creatus est, sed Sacerdotes propter populum. Denique populus DEI, ex tempore Abraham caput: Sacerdotes autem, de tempore Aaron. Et populares per hoc ipsum quod singularem suscipiunt vitam, denegare videntur obedientiam DEO. Sacerdotes autem magis videntur obedientiam promittere DEO: præcipue per hoc ipsum, quod specialiter in ministerio DEI constituuntur. Nam qui Doctor populi constituitur: sine dubio profitetur talem se fore, qualem oportet esse Doctorem. Sacerdos, & omnis clericus, & si specialiter non promittat: tamen per hoc ipsum quod Doctor constituitur aliorum, tacite promittere DEO videtur in omnibus obauditurum se DEO. Et melior est laicus, qui in prima facie sæcularem profitetur vitam, re vera autem studet vivere spiritualiter quàm Sacerdos qui in prima quidem facie profitetur vitam spirituales, re vera autem complectitur vitam carnalem. Et melior est laicus ante DEUM pænitentiam agens, quàm clericus permanens in peccatis: Laicus autem in die iudicii stolam sacerdotalem accipiet: ideo & in chrismate sic unguuntur omnes sicut in sacerdotio, sacerdos autem peccator, spoliatus sacerdotii dignitate quam habuit, erit inter infideles & hypocritas. Unde & modò secularis homo post peccatum facile ad pænitentiam venit. Nam occupatus negligentiâ sæculari: dum scripturis non satis attendit, semper quæ in scripturis posita sunt nova ei videntur: ideoq; cum audierit aliquid de gloria Sanctorum, aut de pæna peccatorum, quasi novum aliquid audiens expavescit, & dum bona concupiscit, aut mala timet, compunctus ad pænitentiam citò recurrit. Nihil autem impossibilius, quod illum corrigere qui scit omnia, & tamen contemnens bonum diligit malum. Omnia enim quæ sunt in scripturis, propter ditationem quotidianam ante oculos Ejus inveterata & vilia aestimantur. Nam & quicquid terribile est usu vilescit. Propterea clericus, qui semper meditatur scripturas, aut omnino observaturus est, & erit perfectus, aut si semel caperit illas contemnere, nunquam excitatur in illis ut timeat. Quis aliquando vidit clericum citò pænitentiam agentem? Et si deprehensus humiliaverit se, non ideo dolet quia peccavit, sed confunditur, quia perdidit gloriam suam. Putasne Dominus, quasi crudelis, clericis pænitentiam denegavit, dicens: *si sal insatutum fuerit, in quo salietur?* Sed quasi naturale esse considerans, quia nō est qui doceat illū errantē qui errantes alios corripbat. Ideo, non dico populares, quia secundum rationem verbi vitam suam dispensant, sed publicani & meretrices, qui desideris mundialibus & voluptatibus carnalibus seiplos mancipaverunt, præcedent vos in regno DEI, quia illi conversi desinunt esse quod erant, vos denegatis in opere, quod videmini profiteri in verbo, tanquam arbores folia sine fructu habentes, non pascentes Dominum suum, sed deludentes. Hæc Chrysostomus. Per primum etiam filiū, qui primò renuit patris præceptum, sed postea fecit, significantur peccatores, qui malè vivendo DEO servire negant, sed postea pænitentes viriliter operantur. Per secundum verò filiū, qui facere votuntatem Patris promisit, & non fecit: significantur illi qui operari virtuosè promittunt, sed non faciunt, de quibus sunt multi religiosi, profitentes servare magna, scilicet Evangelica consilia: cum tamen non servant etiam præcepta: propter quod sæculares, etiam peccatores tamen postea pænitentes, eis coram Domino præponuntur, cum dicitur: *quia publicani & meretrices præcedent vos in regno Dei.* Nullus ergo peccator diffidat, nullus justus præsumat: cum peccatores per pænitentiam quandoque alios in Regno DEI præcedant.

*Secularium  
facilis ad pæ-  
nitentiam  
converso,  
clericorum  
difficilis.*

*Lucæ 14.*

## DE LOCATIONE VINÆ, ET SANGVINARIIS vinitoribus. CAPUT. XXXIII.

**A**D idem proposuit eis aliam parabolam de homine patrefamilias, qui plantavit vineam, & circumdedit ei sepem, & fodit in ea torcular, & edificavit turrim & Luca 20.

Ggg



rim & locavit eam agricolis, seu colonis, & peregrè profectus est. Illi autem servos suos ad recipiendum fructus missos malè tractaverunt, & occiderunt: & novissimè Filium missum hæredem cognoscentes, & hæreditatem habere volentes, aprehenderunt: & extra vineam eicientes etiam occiderunt. Et interrogati quid faceret Dominus vineæ colonis illis, dixerunt: *Malos malè perdet, & vineam suam locabit aliis agricolis qui reddant Ei fructum temporibus suis, quibus ipse dixit quia auferetur ab eis Regnum DEI, & dabitur genti facienti fructus ejus.* In hac parabola describit multipliciter malitiam & ingratitude-

Judaorum nem Judaorum, quibus DEUS Paterfamilias qui naturâ Dominus benevo-  
 ingratitudolentia Pater, homo mansuetudine, non naturâ similitudine, non veritate, mul-  
 & malitia ta beneficia contulit: quia domus Israel & synagoga vinea est, ex electis  
 personis Patriarcharum & Prophetarum, sicut ex vitibus optimis quam de  
 Aegypto transtulit, & in terra promissionis plantavit, cui *sepem circumdedit*,  
 custodiam quidem triplicem, scilicet Angelicam super muros Hierusalem:  
 & humanam, scilicet protectionem bellicorum virorum: & terrenam, scilicet  
 munitionem murorum: & *fodit in ea torcular*, id est, legem justitiæ, timorem  
 comprimantem, & malos torquentem & hoc fodit signis, minis, & promissis:  
 & *edificavit turrim*, scilicet Templum ad cultum DEI, quod dicitur turris,  
 propter altitudinem ædificii, propter securitatem refugii, propter dignitatem  
 privilegii, respectu aliarum nationum: & *locavit eam agricolis & operariis*, scili-  
 cet sacerdotibus & principibus, qui debent extirpare vitia tanquam spinas,  
 & inferere virtutes tanquam bona semina, ac servare cultum Divinum, &  
 & justitiam in hominibus: & *peregrè profectus est*, non loci mutatione, quia  
 DEUS est ubique, sed quia vinitoribus liberum arbitrium reliquit, vel pro-  
 pter longanimitatem, quam in expectando ut à peccatis converterentur ha-  
 buit, vel propter ipsorum negligentiam, quia secundum Ambros. Qui ubiq;  
 præfens est, diligentibus præsentior, & negligentibus absentior est. Cum  
 autem tempus fructuum appropinquasset, quia post legem susceptam debebant fa-  
 cere fructum bonorum operum *misit servos suos*, id est, primos Prophetas ad  
 agricolas id est, ad Reges & Sacerdotes principaliter, & ad alios subiectos eis:  
 cōsequēter ut acciperent fructus, per prædicationē suā eos ad fructū bonorū operū  
 reducendo: & *agricole apprehensis servis*, quia multi reges & sacerdotes Pro-  
 phetas sibi missos à Domino turpiter comprehendentes, *malè tractaverunt &  
 occiderunt.* Iterum *misit alios servos plures prioribus*, multiplicando scilicet Prophe-  
 tas ad populi correctionem, & *fecerunt eis similiter*, quia ipsi ingrati DEUM  
 inhonoraverunt, & similiter illos Prophetas persecuti sunt & interfecerunt.  
*Sed novissimè*, id est, in ultimis temporibus *misit Filium suum*, pro nobis Incar-  
 natum, quem Hæredem universorum & Principem & cognoscentes, *ejece-  
 runt extra vineam*, negando, vel quia extra portam Hierosolymorū occiderunt  
 crucifigendo, *volentes habere hæreditatem*, & temporalem scilicet possessionem:  
*cogitabant enim intra se*, Si Istum populus habeat Dominum, necesse est ut amit-  
 tamus consuetudinem hostiarum, quæ ad nostrum parata est lucrum: si au-  
 tem occidemus eum, sic semper tenebitur consuetudo offerendarum hostia-  
 rum: & sic fiet nostra possessio, & erit nostra hæreditas. Venit autem Do-  
 minus ad judicandum, & istud factum vindicandum, quando ex Ejus ordi-  
 natione venit contra eos exercitus Romanorum: & malos malè perdidit,  
 quando civitatem & Templum per Romanos destruxit, ac populum occidi  
 & captivari fecit. Vel hæreditas Christi, est Ecclesia, quam Judæi præci-  
 puè moliebantur: dum fide Ejus extincta justitiam quæ ex lege est persva-  
 dere gentibus conabantur. Hæc fecerunt, ut sic ingrati mali malè perdantur,  
 & meritò damnentur, & ab eis Regnū DEI, scilicet Christus, scriptura sacra, seu  
 scripturarum intelligentia, fides, Ecclesia, & vita æterna auferatur: & hoc per-  
 tinet ad Judaorum reprobationem: sed quod sequitur, pertinet ad Gentili-  
 um conversionem: & vinea Ecclesiæ locetur aliis agricolis: quia Ecclesiam  
 suam Christus regendam tradidit Apostolis, & aliis discipulis: *qui reddant Ei fru-  
 ctum temporibus suis*: quia ad prædicationem eorum credidit multitudo genti-  
 um, vel Regnum Cælorum detur aliis, scilicet gentibus ab Oriente & Oc-  
 cidente, ab Austro & Aquilone venientibus: qui facient fructum cordis,  
 credendo: & oris, confidendo: & operis serviendo: & corporis, patiendo:

*Ecclesia est  
 hæreditas  
 Christi.*



& recumbent cum Abraham, Isaac & Iacob in Regno DEI: & ipsi Judæi, eiiciuntur in tenebras exteriores. Mystice totum potest exponi de Ecclesia, hoc modo: *Mystice Ecclesia.* quia homo, id est Christus, plantavit vineam, id est Ecclesiam sanguine suo, & de latere suo formatam: in qua tot sunt differentie palmitum, quot differentie hominum: & circumdedit Ei sepem, id est, Evangelicam doctrinam, vel Angelorum custodiam: & fodit in ea torcular, id est, crucem Christi, vel Martyrum patientiam: & edificavit turrin, scilicet Matrem Christi, vel contemplationem Christi Confessorum & Doctorum, vel fidem de qua Ecclesia se defendit contra hostes: & locavit eam agricolis, id est, Prælati quorum variis ministeriis regitur & gubernatur: & profectus est, ut supra exponitur: & misit servos, id est, bonos ad arguendum malos: & aliquos ceciderunt, & alios occiderunt, ut patet de multis. Deinde mittitur Christus Filius invisibiliter a Patre, quando aliquem movet ad bonum: sed aliqui sunt ingrati, Ejus instinctum non solum repellentes, sed etiam pessimè agentes, propter quod, quantum in eis est occidunt eum. De quibus dicit Apostolus: *Rursum crucifigentes Filium DEI,* & sic ex DEI justitia perduntur, & vinea aliis locatur, cum eorum locum boni surrogantur. Potest etiam per vineam istam intelligi anima rationalis, homini per DEUM locata: quia ad hoc infunditur corpori, ut Ipso mediante fructum bonorum operum faciat: & multa merita acquirat, quæ bona facta per hominem, sunt tanquam vires. Et in quolibet bono hominis, sive sit bona cogitatio, vel bona operatio, vel locutio, crescunt quinque uvæ: quarum quatuor remaneant homini, quinta verò debetur DEO: quæ uvæ sunt cordis jucunditas, culpæ remissio, æternæ mortis vitatio, æternæ gloriæ acquisitio, quinta uva est gloria DEI: istam non nobis, sed DEO dare debemus. Potest insuper exponi de religione, ejus fundatio est maximè in triplici voto, quod dicitur Divina plantatio: sepes, regula & constitutiones: torcular, lectio & studium scripturæ: turris, prædicatio: agricolarum locatio, Prælatorum præfectio est: felices qui bene colunt, & non negligunt: augent, & non diminuunt: conservant, & non destruant. Quilibet etiam nostrum de populo est vinea, & idem est etiam cultor: quilibet enim nostrum colit seipsum. Unde Hieronymus: Locata est vinea, & locata est ea conditione, ut reddamus fructum Domino temporibus suis, & sciamus unoquoque tempore quid oporteat nos vel loqui, vel facere. *Principes autem Sacerdotum, & scribe, & Pharisei,* cognoscentes quod de ipsis dixerit parabolam istam, voluerunt Eum quasi mendacem tenere, ad occidendum, sed Divinæ reverentiæ humanum timorem præferentes & timentes turbas, non processerunt in factum: quoniam turbæ, sicut prophetiam habebant Eum. Sed quem nunc turbæ quasi Prophetam habent, & colunt: postea contra Ipsum crucifige Eum clamant: quia turba mobilis est nec in proposito voluntate persistens. Ubi Chrysostomus. Omnis homo malus, quantum ad voluntatem suam, & manus suas mittit in DEUM, & occidit eum. Quibon. 40. enim DEUM ad iracundiam excitare non dubitat, qui præcepta Ejus conculcat, qui nomen Ejus contemnit, qui blasphematur: qui murmurat contra DEUM, & turbato vultu aspicit contra Cælum: qui in ira sua manus audacter sublevat contra Eum: nonne si posset fieri manus mitteret in DEUM, & occideret Eum, ut jam licenter peccaret? Vide nunc obstinationem Pontificum, & majorum, in malo: quia audientes doctrinam Christi, non fuerunt contriti, sed magis ex hac indignati, & ad occidendum Eum incitati. Multi sunt tales hodie, qui indignantur quando reprehenduntur: quia pauci sunt qui veritatem suæ correctionis velint audire, imò & persequuntur reprehendentes eos pro ipsorum salute. Vide etiam quomodo Pontifices & majores retrahebantur a malo propter populum, cum tamen deberet esse per contrarium. Hæc plebs quasi asina Balaam fuit, quæ ipsum errantem corripuit. Hoc quotidie geritur in Ecclesia, cum quilibet solo nomine fatetur eam quam non diligit Ecclesiasticæ fidei & pacis unitatem, sed erubescit vel timet impugnare propter bonorum multitudinem. Sed licet ab occidendo DEI Filio ad modicum, donec veniret hora Ejus, timore humano potuerunt retardari, nunquam tamen divinò amore voluerunt cohiberi. Prædicationem enim Christi contemnentes, propter cupiditatem temporaliū, conspiraverunt

*Mystice Ecclesia.*

*Hebr. 6. Vineæ, Anima.*

*Vineæ, Religio.*

*Hieronym. cap. 21. Matth.*

*Chrysostom.*

*Quibon. 40. Operis im-*

*perfecti.*

*Num. 22.*



in ipsius mortem, ne perderent civitatem & Templum, in quo quidem Templo hauriebant pecuniam populi sub obtentu cultus Divini, Unde occiderunt Filium, ut haberent hereditatem, & pacifice possiderent Templum & civitatem: ne occasione ejus Romani venirent, & eis locum & gentem auferrent: contrarium tamen eis accidit, quia in vindictam mortis Christi & locum & gentem perdiderunt. Ubi Chrysostomus: Quandoque igitur detentus, per *Chrysostom* *hom. 69. in* medios eos transiit, non apparens: quadoque autem apparens, dolentem eorum concupiscentiam detinet, hi autem neque fiebant, sobrii neque verecundabantur, ita semel eos dilectio principatus, & vanæ gloriæ replevit cupido, & præsentia petere. Nihil ita adversus proximum caput impellit, & in præcipitationes fert, & nihil ita facit à futuris excidere, sicut affixum esse *Terrenorum* temporaneis. Nihil ita facit & his potiri, sicut omnibus illa præhonorare, cupiditas. *Querite enim (ait Dominus) Regnum DEI, & omnia adiicientur vobis.* Neque ita *Matt. 6.* sollicitus sis de tuis, sed dimitte ea DEO: si enim tu inde sollicitus fueris, ut homo sollicitus eris, si autem DEUS providerit, ne sollicitus sis de eis, dimittens spiritualia quæ majora sunt: quia Ipse non valde eis providebit, ut igitur valde eis provideat ei soli omnia cōcede. Si enī & Ipse ea attrectaveris, dimittens spiritualia, nō multā Ipse eorum faciet provisionem. Ut tibi igitur hæc bene omnia disposita sint, & à sollicitudine eripiaris universa, adhæreas spiritualibus, despice sæcularia. Ita enim & terram habebis cum cœlis, & de futuris bonis participabis. Hæc Chrysost. Hæc per Chrysostomū jam dicta maxime & præcipuè ad monachos spectant, de quorum vita idē Chrysost: hōc locō narrat, *Monachorum* eamq; ad seculariū vitā comparat, dicens: Quæ videtur ita onerosa esse vita & seculariū difficilis, eam quæ monachorū est dico, & crucifixorū: multū hæc quæ videtur *instituta*, esse mitis & mollis, dulcior est & delectabilior, & tantū est mediū, quanta est *quātū differe* portus & pelagi continuè à vento percussū differentia. Intuere autem à conversationibus confestim primordia tranquillitatis. Foros enim & civitates, & eos qui in medio sunt tumultus fugientes, vitam quæ est in montibus elegerunt, quæ nihil habet commune ad præsentia & jam quæ sunt Regni illius meditantur in silentio, & quiete multa, & cum omnibus his DEO sunt conjuncti, quoniam opus monachorum habebat Adam ante inobedientiam, opus est eis id quod erat & Adæ ante peccatum, quando gloriam illam indutus erat, & DEO cum libera præsentia copulabatur, & regionem illam quæ multa erat plena puritate habitabat. Quō nempe hi deteritis illo sunt dispositi, quando ante inobedientiam positus est operari paradysum, nulla cura erat ei sæcularis, sed neque his DEO loquebatur cum pura conscientia, hoc & hi: & multō ampliorem habent liberam præsentiam illam, quantō & majori potiuntur gratiā per DEI largitionem: hi orbis terrarum lumina, surgentes à lectulo clari & lætantes, & horum unum statuentes, in præclara conscientia consonant: universi sicut ex uno ore hymnos ad universonum canunt DEUM, laudantes Eum, & Ei gratiam pro omnibus solventes pro propriis & communibus beneficiis. Quare, si videtur, Adam dimittentes interrogamus quō ab Angelis hic distat chorus, qui in terra *Luce 1.* cantant, & dicunt: *Gloria in excelsis DEO, & in terra pax hominibus bonæ voluntatis.* Deinde postquam cantica illa dixerunt, genua flectentes DEUM quem hymnis laudaverunt, rogant & petunt, præsentium quidem nihil: nulla enim eis horum est cura: stare autem cum libera præsentia ante terribile tribunal, cum venerit judicare vivos & mortuos unigenitus filius DEI, & nullum audire illam terribilem vocem quæ dicit nescio, vos, & cum pura conscientia, & multis directionibus laboriosam hanc expleant vitam, & difficile navigent hoc pelagus cum tranquillitate. Deinde surgentes, & perficientes jam Sanctas illas & continuas orationes oriente radio, ad opus adiit unusquisque, multum stipendium egentibus hinc congregatis. Magnus est illic qui vile opus rapit. Non est ibi meum & tuum: sed abjectum est inde hoc verbum, quod decem milium est causa præliorum.



In nullo eorum tabernacula deterius Cœlis disposita sunt: etenim Angeli descendunt ad eos, & Angelorum Dominator. Et mensa apud eos est ab omni avaritia munda, & philosophia plena. Non sanguinum torrentes sunt apud eos: neq; carnum incisiones, neq; dulcamina, neq; vapor coctorum indecenter implens odoratum, neq; fumus inconueniens, neq; cursus & tumultus, & turbationes, & clamores aggravantes, sed panis & aqua: hæc quidem ex fonte puro, ille autem à laboribus est iustus. Si autem & aliquid munificentius comedere voluerint, extremitates arborum: hæc munificentia fit, & major hæc delectatio quàm in regalibus mensis Angelorum est hæc mensa ab omni turbatione eruta. Et sedile eis sænum simpliciter supponitur, sicut in eremo prandens Christus fecit. Multi autem neq; tegmen hic faciunt, sed pro tecto Cœlum habent, & lunam pro lumine lucernæ, non indigentes oleo, neq; ministrò: sol desuper ipse dignè lucet. Hanc & Angeli mensam de Cœlo contemplantes lætantur & exultant, hæc igitur scientes & deponentes avaritiam universam: invadamus superiùs, cum studio universo Regnum rapientes, ut & futuris fruamur bonis. Hæc Chrysostomus.

## DE INVITATIS AD NUPTIAS,

Et non habente vestem nuptialem.

C A P U T XXXIV.

**E**T quia majores judæorum, intelligentes de se dici parabolas, *Matth. 22.* Equærebant Dominum tenere & occidere, hanc eorum sciens vo- *Luce. 14.* luntatem: nihilominus increpat sævientes, ne timore superatur, quò minùs arguat peccatores. Hinc habes argumentum, quod si prædicatio tua non fuerit semper consecuta effectum, non ideo desistas à prædicatione & redargutione: maximè si spes est tibi de eorum, quibus prædicas, correctione. Quia igitur ostenderat quod Regnum auferetur à judæis & dabitur genti facienti fructus ejus: ideo subjungit nunc parabolam de invitatis ad nuptias Regis, quas fecit filio suo: quorum quidam venire neglexerunt, quidam verò missos contumeliis affectos occiderunt, & de aliis bonis & malis vocatis qui venerunt, & ad nuptias intraverunt, hanc parabolam in- *Parabola* ducit, ut DEI longanimitatem, & patientiam multam ad judæos *finis.* ostendat, quos præ cæteris honoravit: & primò ad nuptias filii sui vocavit: cui carnem nostram, & Ecclesiam desponsavit: & ut reprobationem judæorum, & vocationem gentium demonstraret. Quia *Judei ad nu-* enim judæi ad fidem vocati venire noluerunt: meritò ipsi reprobati *prias veni-* tis alii introducti sunt, & impletæ sunt nuptiæ discumbentium, qui *are noluerunt* fides Catholica diffusa est per orbem universum. *Simile est Regnum* ergo Cælorum homini Regi, id est; negotium præsentis Ecclesiæ: seu factum in Ecclesia militante circa Christum: simile est negotium quod potuit fieri per hominem Regem in celebratione nuptiarum. Ille *Deus Rex.* Homo Rex est DEUS Pater, qui dicitur Rex: quia Regnat in Cœlo per gloriam, in mundo per gratiam, in inferno per justitiam. Et dicitur homo propter conformitatem, quæ est inter DEUM & hominem. *Nuptiæ* Qui fecit nuptias Filio suo triplices. Primas celebravit in virgi- *triplices.* nis utero, in copulatione Divinæ naturæ & humanæ: de quibus dicit *Gregor. hom* Gregorius. Quod nuptiarum thalamus, fuit uterus virginalis. *Sc-38. in Evæg* *cundas Ephesios.*



Osee 2.

cundas fecit in mundo, in conjunctione Christi & Ecclesie: de quibus dicit Apostolus: *Sacramentum hoc magnum est: ego dico, in Christo & in Ecclesia*: Tertias fecit in fideli amico, in conjunctione gratie & fidelis anime: de quibus Osee: *Sponsabo te mihi in fide*. Aliæ sunt nuptiæ Cœlestes, in quibus & multa fercula apponentur, secundum Augustinum: scilicet vita, salus, & virtus, & copia, & gloria, & honor, & pax, & omnia bona. *Et misit servos suos præcedentes scilicet Prophetas vocare invitatos ad nuptias*, per scripturas legis, in qua est promissio de incarnatione Christi, scilicet ipsos judæos: *ad nuptias*, id est ad fidem incarnationis Christi: promissam in Patriarchis figuratam in lege prædicatam in Prophetis: Prophetæ namque clarius denuntiaverunt ea de Christo, quæ obscurius posita erant in lege: hortabantur enim populum judaicum expectare Christi adventum, ac per fidem & opera tendere ad Ipsum; & volebant venire credendo Scripturis invitantibus, obediendo servis vocantibus, congaudendo nuptiis regalibus. *Iterum misit alios servos sequentes, Joannem Baptistam, & Apostolos, dicens, dicite invitatis*, scilicet judæis vocatis à tempore Abraham: *Ecce prandium meum paravi*, id est mysterium incarnationis implevi, ac Sacramenta Ecclesie & Doctrinam Christianam, quibus reficiatur anima, disposui, *tauri mei*, scilicet Patres veteris testamenti, qui sub jugo legis laborabant, & inimicos cornibus ventilabant: *& altilia*, quasi alitilia, ab alendo dicta, scilicet Patres novi testamenti pingvedine charitatis saginati, pennis virtutum alati, ad superna mente erecti, *occisa sunt*, quia Sancti occiduntur pro salute populi: *& omnia parata sunt*: quia quicquid quaeritur ad salutem, jam adimpletum est in scripturis: vel omnia quæ pertinent ad mysterium nostræ redemptionis, vel introitus Regni, est per fidem meæ Incarnationis apertus, qui ante fuerat clausus: *venite ad nuptias* credendo, diligendo, operando. *Illi autem neglexerunt*, quia judæi prædicationem Christi & Apostolorum contempserunt: nam pauci, comparative, de judæis crediderunt. Neglexerunt quidem, quia Dominum non timuerunt; qui enim Dominum timet, nihil negligit. *Et abierunt alius in villam suam, & alius ad negotiationem suam* ambitione sæculi tanquam villæ dominio detenti, & ob pecuniæ cupiditatem negotiatione occupati. Ubi Chrysostomus. O! miserrimus mundus, & miseri qui eum sequuntur: semper enim mundi alia operis imperfecti homines excluderunt à vita: *Reliqui vero tenuerunt servos ejus, & contumeliis affectos occiderunt*, quia Joannes Baptista est ab eis incarcerationatus & occisus: nec non Stephanus & Jacobus, & alii discipuli: & similiter multi in testamento veteri: quia quod est gravius, nonnulli vocati gratiam non solum respuunt, sed etiam persequuntur. *Reus autem cum audisset iratus est*, quia à Domino merito pro talibus sunt puniti: *& missis exercitibus suis*, scilicet Romanorum, sub Principibus Tito & Vespasiano, qui ex Divina ordinatione venerunt contra Hierusalē quadragésimo secundo Anno post Christi passionē *perdidit & homicidas illos*, qui in ultionē sanguinis Christi, & suorum discipulorum ab exercitu Romanorum sunt trucidati & captivati: *& Civitatem illorum succendit*: quia tunc Hierusalem est succensa, & Templum in ea. *Tunc ait servis suis*, scilicet Apostolis & discipulis per Divinam revelationem: *nuptiæ quidem paratae sunt*, id est; mysteria Christi impleta sunt: & omne Sacramentum incarnationis, & humanæ dispensationis jam peractum est, & completum: ut Nativitas,

præ-



prædicatio, passio, & huiusmodi: & qui invitati erant per legem, per prophetas, per Apostolos, scilicet iudei non fuerunt digni, propter suam incredulitatem. *Ite ergo ad exitus viarum*, id est; ad Gentiles, extra viam errantes, & dispersiones gentium: & quoscunque inveneritis, id est; cuiuscunque sexus vel ætatis, cuiuscunque, status vel dignitatis, cuiuscunque professionis vel conditionis, sine acceptione personarum, *vocate ad nuptias*, id est; ad fidem incarnationis: quia nullus volens fidem Christi recipere, est repellendus. *Et egressi servi congregaverunt omnes quos invenerunt, malos & bonos*: quia in Ecclesia militante admixti sunt mali cum bonis: & implete sunt nuptie discumbentium, quia ut prædictum est, fides Catholica diffusa est per orbem universum: *vel implete sunt*, & quantum ad numerum, & quantum ad meritum, & quantum ad præordinationem Divinam, quod erit in fine mundi, quando complebitur numerus electorum. *Intravit autem Rex*, scilicet DEUS, ad iudicium: tota enim Trinitas iudicabit, id est; reddet unicuique pro meritis, ut videret discumbentes: id est; in fide quiescentes: attendendo, scilicet vitam fidelium, & discernendo merita & demerita eorum: fideles enim pertinent ad iudicium: nam *qui non credit, iam iudicatus est*. Intrat autem dupliciter, scilicet generaliter in futuro iudicio, & specialiter in morte cuiuslibet hominis. Et nota quod discumbere in nuptiis Christi, est de Sacramentis Ecclesiæ participare, fidem Christi habere, & beneficiis DEI atque gratis Ejus perfrui. *Et vidit ibi hominem*, id est; totum cætum maiorum, qui in malitia sociati in unum, *non vestitum veste nuptiali*, Hieronymus id est habentem fidem Christi, non opera. Nam secundum Hieron: in cap. 22. Vestis nuptialis præcepta sunt Domini, & opera quæ complentur Matth. ex lege, & Evangelio novique hominis afficiunt vestimentum. Iste *Vestis nuptialis*, homo habens fidem sine operibus, ad nuptias Ecclesiæ hortatus omittens vitæ compositionem & mores. *Vel non vestitum veste nuptiali*, id est; habentem fidem sine charitate. Dicitur autem *Charitas vestis nuptialis*, quia tegit turpitudinem peccatorum: *lis dicitur*, quia protegit à frigore tentationum, quia ornat munere donorum & virtutum. Et ut dicit Augustinus. Dividit inter filios Regni & August. tractat. 5. in perditionis. Ubi Gregorius. Rectè charitas nuptialis vestis vocatur, Epi. Joan. quia hanc in se Conditor noster habuit, dum ad sociandam sibi Ecclesiæ Greg. hom. nuptias venit. Qui ergo per charitatem venit ad homines: eandem 38. in Evan. charitatem innotuit vestem esse nuptialem. Sciendum verò est, quia sicut in duobus lignis, superiori videlicet & inferiori vestis textitur: ita in duobus præceptis charitas habetur in dilectione, scilicet DEI, & in dilectione proximi. Duo ergo necesse est, ut charitatis præcepta custodiat, quisquis habere in nuptiis vestem nuptialem curat. Quatenus nec ex compassione proximi, contemplationem relinquat DEI, nec plusquam debet inhærens contemplationi DEI, compassionem abiiciat proximi. Sciendum quoque est quod ipsa dilectio proximi in duobus præceptis subdividitur: cum quidam sapiens dicat: Omne quod tibi oderis fieri, vide ne alteri facias: & per semetipsam Veritas prædicat dicens; *quæcunque vultis ut faciant vobis homines, & vos eadem facite illis*. Charitas autem vera est, cum & in DEO diligitur amicus, & propter DEUM diligitur inimicus. Magna sunt hæc, alta sunt hæc, & multis ad exhibendum difficilia: sed tamen ista est vestis nuptialis. Quisquis hanc recubens non habet jam sollicitus metuat ingrediente Rege, quando mittatur foras.

Joan. 3.

Aug. tractat. 5. in  
Epi. Joan.  
Greg. hom.  
38. in Evan.

Dilectio pro  
ximi Mat. 7  
Charitas  
vera.

Hhhz

Hæc



Hæc Gregorius. *Et ait illi.* Unumquemq, hominem in iudicio particulari, cum moritur universorum Iudex interrogat, quomodo in fide Christiana se habuerit: sed in fine mundi loquetur toti humano generi: *Amice* fidei participatione, sed non operatione: debiti obligatione, sed non solutione: nomine non re Vocatur ergo peccator amicus, propter fidem informem: quæ notitia quædam est, & DEI donum, licet non sufficiat ad salutem. Vocatur etiam amicus, propter naturam, quâ ad imaginem DEI est factus: vel quia fuit invitatus. *Quomodo huc intraſti?* inter congregationem, scilicet fidelium Sacramenta Ecclesiæ suscipiendo, fidem Ecclesiæ confitendo, *non habens vestem nuptialem?* scilicet opera, sine quibus fides est mortua: vel *vestem nuptialem*, scilicet charitatem: quia absque tali veste nemo ad communionem fidelium debet accedere: quoniam dignum est, ut convivantes ipsi sponso in habitu sint conformes, qui vestem induit charitatis. Charitas dicitur vestis: tum quia operit delicta, tum quia calefacit desideria, tum quia sine ea non placent DEO opera nostra. Dicitur autem nuptialis: quia matrimonia sunt propter amicitiam reformandam, confirmandam, & augendam. In matrimonio igitur Filii DEI, quod fecit cum natura humana, amicitia inter DEUM & nos est reformata, perpetuo confirmata, & etiam augmentata. Et nota quod existentium in nuptiis Christi, plurimi sunt in peccatorum. *Indumentata.* duti sacco avaritiæ: aliqui sunt induti purpurâ superbiæ: aliqui aurorâ inanis gloriæ: aliqui pellibus ovium simulatæ justitiæ: aliqui armis iracundiæ: aliqui habent vestimentum sordidum peccatû luxuriæ: aliqui laceratum dissecatione invidiæ: aliqui incompositum negligentia accidiæ: aliqui molli intuitu complacentiæ, aliqui nimis affluentes, voracitate gulæ. De quibus omnibus in Sophonia dicitur. *Sophonia 1.* Visitabo super omnes qui induti sunt veste peregrina. *At ille obmutuit*, propter timorem accusationis, propter erubesceniam iniquitatis, propter ignorantiam excusationis præ confusione non habens quid responderet: quia DEO nullus respondere potest. sed propriâ arguente conscientia convincitur, & mutus efficitur. Per hoc quod ille obmutuit, monstratur quod in illo ultimo examine omne genus excusationis cessabit: *Tunc dixit Rex ministris*, id est; Angelis Divinæ justitiæ executoribus: vel isti ministri sunt maligni spiritus, qui deputati sunt ad pœnam damnatorum: quia secundum Origenem: Merito ipsi sunt pœnæ authores, qui fuerunt culpæ suggestores: *ligatis manibus & pedibus*, id est; ablata potestate bene operandi, & ad salutem revertendi, ac gratiam recuperandi. (Vel pedes sunt facultas liberi arbitrii, manus verò sunt potentia operis: & utrinq; est ligatum in damnatis) *mittite & proicite eum*, sic ligatum in tenebras exteriores, à visione DEI: & quia sunt extra omnem diem, & extra ambitum Divinæ misericordiæ. Vel *exteriores*, id est; corporales, & localiter extra ipsum positas: quia habuerat in seipso, dum hic viveret, interiores: id est; mentales. Tenebræ enim ignorantia, ducunt ad tenebras culpæ: & hæc ad tenebras pœnæ. Unde secundum Gregorium. Interiores tenebras, dicimus; cæcitatem mentis: exteriores verò tenebras, æternam noctem damnationis. Qui ergo nunc in vitio ligantur sponte, tunc in supplicio ligabuntur invitè: & ligabit ibi pœna, quos hic à bonis operibus ligavit culpa. Et quid ibi sustinebit, qui hic bene vivere contempsit: subiungit dicens: *Ibi erit fletus*, scilicet oculorum, per illicitas concupiscentias &

*Amicus per naturam vocatur peccator*

*Jacob. 2. Charitas cur vestis dicta.*

*Indumentata peccatorum.*

*Sophonia 1.*

*Cor obmutuit non habens vestem nuptialem.*

*Origenes tract. 20. in Matth.*

*Tenebræ exteriores.*

*Greg. hom. 38. in Evā*



& in vanitate mundi hic vagantium: & *Stridor dentium*, in edacitate modò gaudantium: quatenus singula membra supplicio subjaceant, quæ hic singulis vitiis subjecta serviebant. Vel *fletus & stridor*, id est: dolor mentis & corporis, ad quæ reducitur omnis pœna infernalis: fletus enim à tristitia originatur, & stridor dentium causatur à cōtrariis causis, scilicet ex ardore ignis, & frigoris infernalis. Unde dicitur in Job: *Ad nimium calorem transiit, ab aquis nivium.* In fletu etiam & stridore, magnitudo tormentorum & doloris immensitas significatur. Vel certe stridor dentium prodit indignantis affectum, eò quòd serò unumquemq; pœniteat, serò ingemiscat, serò sibi irascatur, quòd tam pervicaci improbitate deliquerit. Et quia in convivio nuptiali non initium, sed finis græritur, consequenter repulsò unò (in quo omne malorum corpus imprimitur) generalis sententia, & parabola conclusio infertur. *Multi autem sunt vocati, ad fidem Catholicam, pauci verò electi:* ad gloriam: scilicet comparative, respectu illorum qui vocati sunt ad fidem, quia inter multos fideles habentes fidem, pauci sunt electi, qui habent fidem formatam. Rursus omnes homines vocantur ad fidem, sed pauci sunt electi, quia pauci sunt fideles respectu infidelium. Tale est quod dicit: Non unus tantum de vocatis ejectus est de nuptiis, sed intelligendum est de multis, quia per illum unum intelligitur universitas malorum, qui habent fidem sine operibus charitatis. Nam secundum Augustinum. Homo ille qui inde projectus est, non unum hominem significat, sed multos, quia ille unus corpus malorum est. Unde alibi dicitur, *Lata est via quæ ducit ad perditionem, & multi sunt qui ingrediuntur per eam: & arcta est via quæ ducit ad vitam, & pauci sunt qui inveniunt eam.* Et hoc multum deberet nos terrere, & ad humilitatem movere, quia est nobis incertum, utrum simus de illo parvo numero electorum. Unde Gregorius. Tantò ergo sibi unusquisq; metuat, & in humilitate se deprimat, quantò si sit electus ignorat, quid quod sæpe dicendum est, & sine oblivione retinendum: multi sunt vocati, pauci verò electi. Hæc Gregorius. Et notandum quòd hoc verbum, *ibi erit fletus & stridor dentium*, in septem locis Evangelii legitur, & hoc contra septem vitia maxime Prælatorum, Secundum quod ubiq; in præcedenti litera redditur causa. Prima causa est, quia male intraverunt, scilicet per nummum, non per DEUM, per cupiditatem, non per charitatem. Unde dicitur hic: *quomodo huc intraisti non habens vestem nuptialem?* & sequitur: *ibi erit fletus & stridor dentium.* Secunda, quia malè vixerunt, non sicut Pastores, sed sicut prædones, non sicut Episcopi, sed sicut epicuri. Unde supra de sagena. Malos autem foras miserunt & sequitur, *ibi erit fletus & stridor dentium.* Tertia, quia alios scandalizaverunt, sicut lapis subito occurrens pedi, facit ipsum cespitare & offendere. Unde supra: *Et colli gent de Regno Ejus omnia scandala:* & sequitur, *ibi erit fletus & stridor dentium.* Quarta, quia in docendo & regendo inutiles fuerunt. Unde infra: *Servum inutilem proicite in tenebras exteriores,* & sequitur: *ibi erit fletus & stridor dentium.* Quinta, quia subditos & superbiam verbi, & avaritiâ facti oppresserunt. Unde infra: *Si dixerit servus malus, moram faciet Dominus meus & cætera: partem suam ponet cum hypocritis:* & sequitur: *ibi erit fletus & stridor dentium.* Sexta, quia magna de se præsumpserunt credendo & majora jactando. Unde supra. *Nonne manducavimus coram Te, & bibimus &c.* & sequitur, *ibi erit fletus & stridor dentium.* Septima, quia non pœnituerunt, elatio enim

*Stridor dentium.*

*Job. 24.*

*August. lib.*

*contra Dona-*

*tistas, c. 20.*

*Mat. 7.*

*Timendum*

*cuique.*

*Greg. hom.*

*58. in Evā.*

*Fletus et stridor*

*in septies*

*repetitus in*

*Evangeliiis.*

*Matth. 13.*

*Ibidem.*

*Ejusdem 25*

*Matth. 24.*

*Matth. 24.*

*Matth. 24.*

*Matth. 24.*

*Matth. 24.*

*Matth. 24.*

*Matth. 24.*

*Matth. 24.*

*Matth. 24.*



*Matth. 8.* superbiæ repugnat humilitati pœnitentiæ. Unde supra de Centurione. *Fili autem Regni eiciuntur foras in tenebras exteriores, & sequitur ibi erit fletus & stridor dētū.* Has ergo Christi & Ecclesiæ nuptias, tota mente diligamus, harum gaudiis Cœlestibus indefessâ bonorum intentione jungamur, has quia per fidem vocati intravimus, mundô dilectionis habitu celebrare curemus, nostrâq; actionis simul & cogitationis maculas ante diem extremi discriminis ipsi sollicitius examinando diluamus, ne fortè tunc ingrediens Rex, si viderit nos nuptialem charitatis vestem non habere, eiciat nos, & ligatis à facultate bene agendi manibûs nostris ac pedibûs in tenebras mittat exteriores. Si quis enim tempore iudicii fuerit inventus sub nomine Christiano non habens opera Christiani, statim corripietur & audiet istud à Rege sibi dici: *amice quomodo huc intraisti non habens vestem nuptialem?* quasi diceret: Ut quid Christianus es effectus, cū opera tua non sint Christiani? Nullus itaq; de vocatione præsumat, donec

*Vocat omnes Deus.*

de adeptione finis securus existat. Omnes quidem vocat DEUS voluntate antecedente, secundum quam vult omnes homines salvos fieri: *& pauci sunt electi*, quia pauci beatitudinem consequuntur respectu eorum qui condemnantur. Non nulli quidem vocati, nec incipiunt: non nulli verò in bonis quæ inceperunt minimè persistant, & multi fidem percipiunt, sed respectu maiorum pauci sunt qui in gratia usque in finem perseverant. Nemo autem Christianum se iudicet, nisi qui Christi doctrinam sequitur, & imitatur exemplum. Qui malè vivunt & Christiani vocantur, injuriâ Christo faciūt. Unde

*Aug. lib. de vita Christiana, cap. 1.* Aug. Nemo sine causa quodcūq; nomē sortitur. Sator ut dicatur, necesse est ut calciamēta conficiat. Vocetur quis faber, aut alius artifex, artis peritia fiat. Hujusmodi exēplis cognoscimus nullū sine actu nomen, sed omne nomē ex actu. Christiani ergo nomen ille frustra sortitur, qui Christum non imitatur. Quid enim tibi prodest vocari quod

*Christiani qui dicuntur* non es, & nomen usurpare alienum? Sed si Christianum te esse delectat, quæ Christianitatis sunt gere, & meritò tibi nomen Christiani assume. Tu ergo quod Christianus diceris, in quo nullus Christiani est actus? Christianus iustitiæ, bonitatis, integritatis, patientiæ, castitatis, pudicitæ, pietatis, humilitatis, & innocentæ est nomen, & istud nomen quomodo tibi defendis & vendicas, cui de tam pluribus rebus nec paucæ subsistunt? Christianus ille est, qui non nomine tantum, sed opere est, qui viam Christi sequitur, qui Christum in omnibus imitatur. Sicut scriptum est. Qui dicit se se in Christo manere, debet sicut ille ambulavit, & ipse ambulare. Christianus est, qui die noctuq; DEO deservit, qui indefinenter ejus præcepta meditatur & cogitat, qui pauper mundo efficitur ut DEO locuples fiat, qui inter homines habetur inglorius, ut coram DEO & Angelis gloriosus appareat, qui in corde suo nihil simulatum videtur habere nec fictum, cujus simplex & immaculata est anima, cujus conscientia fidelis & pura est, cujus tota in DEO mens, cujus omnis spes in Christo est, qui Cœlestia potius quàm terrena desiderat, qui humana spernit ut possit habere Divina. Hæc Augustinus. Unde &

*Leo sermone de humilitate.*

Leo Papa. Frustra appellamur Christiani, si imitatores non sumus Christi. Qui ideo Viam se esse dixit, ut conversatio Magistri esset forma discipulis, & illam humilitatem eligeret servus, quam sectatus est Dominus. Unde Cyprianus. Christianus nemo rectè dicitur, nisi in Christo moribus cœquatur. Unde etiam Anselmus. Inter infideles computantur, qui quod voverūt non impleverunt. Quicūq; etiam



etiā Christū non sequitur, non solum Christiani nomen amittere, sed & Antichristus dici meretur. Unde Augustin. Quisquis factis negat Christum Antichristus est: magis mendax est Antichristus, qui ore profiteretur Christum, & factis negat. Ideo mendax, quia aliud loquitur, & aliud agit. Quis est qui nō credit quodd JESUS sit Christus? Qui novit quomodo præcipit Christus? Multi enim dicunt credo, sed fides sine operibus non salvat. Et iterū: Omnes negant Christum, in carne venisse, quia violant charitatem JESU: non enim opus erat ut veniret nisi per charitatem. *Majorem hanc dilectionem nemo habet, quam ut animam suam ponat pro amicis suis.* Quisquis violat charitatem, quodlibet dicat lingua, vita ipsius negat Christum in carne venisse, & iste est Antichristus ubicunq; fuerit, quocunq; intraverit. Hæc Augustinus. In hoc ergo maximè nos Christiani Gentiles scandalizamus, quia charitatem & vitam virtuosam non habemus. Unde Chrysostomus. Nihil aliud est quod scandalizat Gentiles, quàm quod non amor est. Cum enim multiplicata fuerit iniquitas, frigebit amor. Vitam autem nihil ita facit claram ut amor. Nihil ita convincit Gentiles ut virtus animi: nihil ita scandalizatur malitia. Cum enim viderit avaritia utentem rapientem eum qui contraria jubet, & his qui ejusdem sunt tribus ut foris utentem, eum qui jubet inimicos amare: delirationem dicit ea quæ dicta sunt. Cum autem viderit trementes mortem qualiter suscipiet eos qui de immortalitate faciunt sermones? Cum viderit diligere principatum, & aliis fervientem passionibus: firmus in suis manet dogmatibus, nihil magnum imaginans. Nos enim sumus causa manendi eos in errore. Nam dogmata quidem quæ apud seipsum sunt, olim contempsissent, sed & nostra similiter admirarentur: ex vita autem nostra prohibentur. Nam per verba quidem philosophari facile est, multi enim & apud eos hoc fecerunt, inquirunt autem eam sit quæ per operum demonstrationem. Ostende enim mihi fidem tuam, ait per opera tua. Cum autem magis ferâ divellimus proximorum substantias: jacturam nos vocat orbis terrarum. Quare & nos horum vindictam dabimus, non pro quibus malè agimus solum, sed pro quibus blasphematur Nomen DEI. Uique quo pecuniis, & voluptati, & aliis sumus alligati passionibus? Desistamus igitur de reliquo, & virtutem capiamus omnem, & futuris fruamur bonis. Hæc Chrysostomus.

## DE QUÆSTIONE SUPER TRIBUTO

*Solvendo, & de muliere septem viros habente.*

### C A P U T XXXV.

**T**unc, scilicet post prædicta, & eadem feriâ tertiâ abeuntes Pharisæi ad Herodianos: consilium inierunt, ut ex collatione communem quem capere non poterant in malo opere, caperent in sermone, quia facilius capitur homo in verbis quàm in factis. Et miserunt discipulos de secta sua, cum Herodianis, id est; ministris Herodis, qui ex parte Cælaris præerat tributis, ut discipuli caperent in sermone, & ministri raperent Eum ad puniendum in corpore, secundum Chrysostomum. Non fortè Pharisæi, Christo noti & suspecti, circumvenire Eum non possent, quia coram Eis sibi in verbis caveret, mittunt discipulos, quasi ignotos, ut facilius deciperent, & minus erube-



scerent deprehenſi, & propter hoc eos & Herodis miniſtros ſimul mittunt ut quodcunque dixerit reprehendatur. Et circumdant Eum: ſicut apes, mel in ore & aculeum in tergo portantes, & adulatoriè commendant in eo triplicem veritatem dicentes: *Magiſter, ſcimus quia Verax es*, quantum ad vitam non hypocrita: ecce veritas vitæ: & *viam DEI*, quâ itur ad DEUM, *in veritate doces*: quantum ad ſanam doctrinam: ecce veritas doctrinæ: & *non eſt tibi cura*, id eſt; timor vel favor, *de aliquo* quantum ad juſtitiam, id eſt; non attendis aliquem, ut accipias perſonam: unde exponendo ſubjungit: *non enim reſpicias perſonas hominum*, ſed indiſtinctè dicis majoribus & minoribus

veritatem: ecce veritas juſtitiae. Sed è contra multi moderni faciunt, qui pauperes delinquentes publicè arguunt & confundunt, ſed divitibus majora peccantibus nec nutum faciunt. Secundum Chryſoſtomum. Inter omnia peccata Sacerdotum maximum eſt, quod perſonas reſpiciunt & non cauſas. Et ideo juſtos & pauperes deſpicientes, iniquos & divites promovent & exaltant. Ut autem dicit idem Chryſoſtomus. Magiſtrum Eum vocant, & veracem Magiſtrum, ut quaſi venerando Eum deciperent, & ut quaſi honoratus & laudatus myſterium ſui cordis ſimpliciter eis aperiret, tanquam volens eos habere diſcipulos. Hæc eſt enim hypocritarum prima ſimulatio, laudatio: laudant enim quos perdere volunt, ut per delectationem laudis paulatim corda hominum ad ſimplicitatem benignæ confeſſionis inclinent. Hæc Chryſoſtomus. Iſtis ſimiles ſunt qui hominibus in præſentia adulantur, & in abſentia detrahunt. O quam plenus eſt mundus hiſ, & iſtis peſtiferis hominibus, à quibus

cuſtodiat ſuos DEUS. Unde ſecundum Auguſtinum. Duo ſunt genera perfequentium, ſcilicet vituperantium, & adulantium, & plus perſequitur lingua adulatoris, quam manus interfeſtoris. Et mellitius verbis, Eum interrogare volentes, ſubjungunt? *Dic ergo nobis, quid tibi videtur?* Quia certi ſumus quod non dimittis propter Majeſtatem Cæſaris vel timorem aut favorem cujuſcunq; hominis, quin veritatem, & juſtè quod verum eſt, diſſinias. Et interrogant Eum, dicentes: *Licet cenſum Cæſari dari an non?* hanc quaſtionem, apud judæos ortam, Chriſto malitioſè propoſuerunt, ut ſi tributum negaret, & diceret non eſſe licitum, caderet in manum præſidis, & ſtatim caperetur tanquam contrarius Imperatori. Si autem tributum conderet, & diceret eſſe licitum, caderet in manū populi, tanquam contrarius eorū libertati Divino honori, & ſic totum eorum artiſcium erat undiq; habens præcipitium. Dicebant quidam quia Romani pro republica militabāt, eos in ſecuritate & quiete tenētes, quod licebat dari tributū. Sed è contra Phariſæi aſſerebant, quod qui ſerviebant ſummo DEO, & ſibi oblationes & decimas reddebant, nulli homini tributa ſolvere debebant. Sed ſapientiae Fons dolos eorum fugit, ſic nempe reſpondit, ut DEO & Cæſari ſua jura ſervarent. Unde *cognitā* & deprehenſā

*nequitia* & doſitate eorum, nihil enim latet DEUM, qui ſcrutatur renes & corda: laudes ipſorum reſpuit, & durè eis reſpondit, dicens: *Quid me tentatis hypocritæ?* quaſi diceret: Non quaeritis veritatem ad dulcere, ſed me verbis capere, & propter hoc eos hypocritas vocat,

quia aliud prætendebant, & aliud intendebant: ſecundum Chryſoſtomum. 42. reſpondet non ſecundum verba eorum blandè, ſed ſecundum conſcientias eorū aſperè: docens nos durè reſellere adulātes: & ſecundum eundem, Phariſæi blandiebātur, ut perderent: JESUS autē confundebat, ut ſalvaret, quia utilior eſt Deus Dominus iratus, quā homo propitiuſ.



Et subiungit: In hoc autem quod Christus laudes respuit, dat intelligere quod nullus debet velle laudari, & in hoc quod adulatores suos durè reprehendit, docemur ut adulationes vitemus. *Ostendite mihi numisma census*, id est denarium qui pro censu datur annuo, & erat de argento: vocabaturque denarius, quia valebat decem nummos usuales, & habebat imaginem Cæsaris, & nomen Ejus. Propriè tamen numisma est ipsa inscriptio imaginis, & numus est cui inscribitur. Et illis offerentibus ei denariū censuale: ait *Cujus est hæc imago?* quantū ad figurā: & *inscriptio*, quantū ad scripturā. Nō de ignorantia interrogat, sed ut competenter ad eorū verba respondeat. Voluit Dominus videre materiā quæstionis, ut nos tacitè informaret ne simus præcipites in sententiando, sed maturè inquiramus, & prius examinemus antequā diffiniamus, dicunt *Ei Cæsaris*, scilicet Tiberii, privigni Augusti Cæsaris: sub quo Augusto natus est Dominus. Tunc ex præmissis inferendo quæstionis determinationem, ait illis: *Reddite ergo quæ sunt Cæsaris Cæsari* scilicet tributum & pecuniam, per quam cōfitemini vos illi subjectos Ubi secundum Chrysost. Illa dicit solum quæ non nocent pietati, quia si aliquid tale est, non Cæsaris sed diaboli est vectigal: & *quæ sunt DEI DEO*: scilicet secundum Hieron. decimas, primitias, oblationes, & hostias. Sicut & Ipse redidit tributa pro se & Petro, & DEO reddidit quæ DEI sunt, Patris faciens voluntatem. Vel debemus reddere mundo suos honores, eos despiciendo: suas delicias, eas abhorrendo, & suas divitias, eas contemnendo: DEO autem decimas & oblationes. Vel secundum Ambros. Sicut Cæsar exigit impressionem suæ imaginis, sic & DEUS animam lumine vultus sui insignitam: sicut nempe denarius imagine Regis sic signatur homo ad imaginem & similitudinem DEI, quam peccando corrumpit. Et iterum: Cum alia sit imago DEI, alia mundi: si non vis esse obnoxius Cæsari, noli habere quæ sunt mundi. Si vis terreno Regi nihil debere: omnia tua relinque, & Christum sequere. Et bene prius quæ Cæsari sunt reddenda decrevit: neque enim potest esse quis discipulus Domini, nisi prius renunciaverit mundo. Sed omnes renuntiamus verbis, non renuntiamus affectu. Nam cum sacramenta recipimus, renuntiamus. Quam gravia sunt vincula, promittere DEO, & non solvere? Major est contractus fidei, quam pecuniæ. Redde promissum dum in hoc corpore es, priusquam veniat exactor & mittat te in carcerem. Unde & Hieron. Nummum habentem Cæsaris imaginem reddite coacti Cæsari: vosmetipfos libenter DEO. Si-  
gnatum est enim lumen vultus DEI super nos, non Cæsaris. Hæc Hieron. Relictis ergo quæ mundi sunt: corpus animam, intellectum, voluntatem, rationem, & omnia quæ in nobis sunt DEO (à quo accepimus) non dico debemus, sed tanquam debitum reddamus, ut non comparati bestiis, sed rationabiliter in omnibus procedamus. Quia secundum Hilarium: Condi-  
gnum est, ut Ei nos totos reddamus, cui debere nos recolimus & originē & profectum. Non est itaque inconueniens, nec contradictio, quod homo sit subditus homini in temporalibus, & DEO immediatè in spiritualibus: utrumque enim bene se compatitur, nec alterum alteri præjudicat. Sed magis felix est & beatus, qui à temporalibus & à perniciofa servitute eorum est erutus, & DEO soli subiectus, quia hic maximè est liber, & Princeps & Regibus regaliior, & neque divitiarum timet tyrannidem, neque principatūs timorem. Mysticè autem DEO debemus reddere triplex tributum, sive rationem, quam postulat: scilicet de corde, perfectam dilectionem: de ore, ferventē & frequentē gratiarū actionē, de corpore, voluntariā vitiorū mortificationem. In præmissis etiam tria mysticè notantur. Primò quæritur ostensio denarii. Secundò interrogatur superscriptio oblatis. Tertiò sequitur diffinitio, cui debeat reddi. In denario sunt tria: materia, pondus, & superscriptio cum imagine. Materia, est operatio bona, vel mala: argentea, vel stannea. Pondus, est intentio recta vel prava. Imago attenditur in affectu  
interiori: & superscriptio, in effectu exteriori. Imago enim diaboli, est culpa: imago DEI gratia: superscriptio, est exterior conversatio & humilis ad imitationem Christi, vel superba ad imitationem diaboli. Hujus denarii ostensio fit in morte. O quam metuenda quæstio: ostendite mihi numisma census hominem scilicet interiorem, sacco carnis velatum, exteriori simulatione

Chrysost. hō.  
71. in Mat.  
Hierony. in  
cap. 22. Mat.  
Mat. 17.  
Joan. 6.  
Ambros. in  
c. 20. Luca.

Hieron. in  
c. 22. Matt.  
Psalm. 4.

Hilarius  
can. 23. in  
Matth.

Tributum  
Deo reddēdū

Imago cujus



ne obumbratum, diu ad pœnitentiam expectatum: felix qui poterit dicere:  
*Psal. 29.* *Concidisti sacum meum, & circumdediti me cum laticia.* Sed interrogatio fiet in  
 iudicio de imagine. O quàm horrenda interrogatio, immo increpatio, malo-  
 rum: cuius est imago hæc, & superscriptio? Quilibet portat imaginem ejus cu-  
 jus habet opera scilicet vel DEI, vel Imperatoris, mundi & diaboli. Sed dif-  
 finitio fiet in retributione: *reddite ergo quæ sunt Cæsaris Cæsari, & quæ sunt DEI*  
*DEO*, quia ibunt hi in supplicium, illi in gaudium. Et qui missi fuerant à  
 Phariseis audientes sapientissimam responsionem Domini *mirati sunt*, quia ca-  
 liditate & insidiis prævalere non potuerunt: & *reliquit eos*, sicut confusi, *abie-*  
*Hierony. in runt.* Unde Hieronymus: Qui ad tantam credere sapientiam debuerant, mi-  
*6.22. Matth.* rati sunt quod calliditas eorum insidiandi locum non invenisset: & *reliquit*  
*Eos* abierunt, infidelitatem pariter cum miraculo reportantes. Deinde cum  
 abiissent Pharisei, *accesserunt ad eum Sadducei*: ut quia ratione Eum superare  
 non poterant, saltem per ipsam frequentiam sensum Ejus subverterent: &  
*Secta Jude- tædiis Eum superarent.* Tres erant sectæ inter Judæos ab aliis differentes,  
*orum tres.* scilicet Pharisei qui erant ab aliis divisi quantum ad habitum & traditiones,  
 quod traditionibus Moysei traditiones suas præferabant: & secundum legem  
*Sadducei.* vocabantur Pharisei, id est divisi: à Phares, id est divisio. Alii erant Sad-  
 ducei, qui ab aliis differebant quantum ad doctrinam: quia ipsi sibi justi-  
 tiam, & quod non erant vendicabant: unde & iusti propter exteriorē san-  
 ctitatem appellati sunt. Ipsi enim resurrectionem negabant, animam morta-  
 lem esse, & cum corpore interire dicebant: ac neque Angelum, neq; spi-  
 ritum esse credebant: sed libros Moysei recipiebant. Alii erant Essæi, qui ab  
 aliis differebant in vita & modo vivendi: quia ferè monasticam vitam du-  
 cebant, conjugia vitabant, omnia in communi habebant. De duabus autem  
 primis sectis hic dicitur. Sadducei ergo accedentes ad Jesum quandam fa-  
 bulam fictam de muliere, quæ septem viros habuerat, ei proponebant: qua-  
 rentes eum cuius esset in resurrectione per quam ostendere volebant resur-  
 rectionem non esse. Putabant nempe quod si futura esset resurrectio, tunc  
 celebrandæ essent nuptiæ sicut modò: & quia inconueniens videtur quod  
 detur omnibus septem simul: quia uni mulieri nunquam licuit plures viros  
 habere, sed bene e converso, propter fecunditatem: vel quod detur alicui  
 eorum determinatè: quia quæ ratione esset unius, eadem ratione esset & al-  
 terius: intendebant concludere resurrectionem nullam esse. Quam qua-  
 stionē eis solvendo, evacuat Dominus eorum opinionē: & ostendit errorem, di-  
 cens: *Erratis in hoc*, scilicet quod resurrectionem negatis: *nescientes scriptu-*  
*ras*, quæ resurrectionem asserunt, ac modum resurrectionis instruunt, &  
 ostendunt. Unde etiam sequitur, quod nesciant *virtutem DEI*, quæ poterit  
 corpora suscitare, & post mortem vivificare: quia potuit omnia de nihilo facere.  
 Errabant ergo, quia & scripturis contradicebant, & virtuti DEI derogabant,  
*Erratis etiam putantes ibi celebrandas esse nuptias. In Resurrectione enim generali,*  
*neque nubent*, scilicet viri: in est, non accipient uxores: *neque nubentur*, scilicet  
*Hieronymus* mulieres: id est, non accipientur à viris. Ut dicit Hieronymus. Latina  
*in cap. 12.* consuetudo hic Græco idiomati non respondet. Nubere enim propriè di-  
*Matth.* cuntur mulieres, & viri uxores ducere: sed hic simpliciter intelligamus quod  
*Nubere & nubere de viris, & nubi de mulieribus dictum sit: unde non erit carnalis,*  
*nubi.* sed spiritualis conversatio: & hoc est quod subditur, *sed sunt sicut Angeli Dei*  
*in celo*: non in natura Angeli, sed sicut Angeli, in proprietate spiritualitatis,  
 & immortalitatis, incorruptibiles scilicet & ingenerabiles: non quod sint  
 spiritus, sed quod sint spirituales, ac vitam & conversationem spirituales ha-  
 bentes, & sine labe corruptionis visione & fruitione DEI viventes. Cessante  
 enim causa, cessat effectus: nuptiæ autem ordinatæ sunt ad procreationem  
 filiorum educandorum ad cultum DEI, quousq; numerus prædestinatorum sit  
 completus: qui completus erit in resurrectione, & propter hoc tunc erimus  
 sicut Angeli, semper contemplationi vacantes: & hoc est quod debet cor-  
 da movere ad devotionem, videlicet consideratio illius beatæ vitæ, quam  
*Beda in cap. post modicum expectamus.* Secundum Bedam, mysticè per septem viros re-  
*20. Luca.* proborum universitas designatur: quorum uxor est mundana conversatio,  
 qui



qui discedunt sine liberis: quia totā hāc vitā, quæ septem diebūs agitur se-  
riles sunt à bonis operibus: quibus morte misera præaptis ad ultimum, &  
ipsa mundana conversatio, quam illi sine vitali opere transegerant, quasi  
uxor infæcunda transibit. Potest etiam nomine hujus mulieris intelligi Eccle-  
sia quæ viro desponsatur, quando Prælatō committitur: septenarius autem  
virorum non generantium ex Ecclesia filios, significat universitatem malo-  
rum Prælatorum, vel clericorum, secundum differentias septem ordinum  
Ecclesiasticorum: quorum primus est ostiariorum, secundus lectorum, tertius  
exorcistarum, quartus acolitorum, quintus subdiaconorum, sextus levi-  
tarum, septimus sacerdotum. Hi filios non generant, quia, in Ecclesia DEI  
fructum non quærunt: & ideo dæmonium eos occidit. Mulier quoque ista  
moraliter loquendo potest dici peccatrix anima, septem capitalium vitiorum  
universitati desponsata. Resurrectio autem spiritualis est, à morte culpæ ad  
vitam gratiæ, quæ est arra gloriæ: & ideo quando hæc resurrectio firmata  
est, per propositum cavendi recidivum, firmatum professione religionis, &  
etiam observatum: tunc est similitudo ad Angelicam vitam: quia per casti-  
tatem fit conformitas Angelicæ puritati. Angeli quoque similiter nihil possi-  
dent in hoc mundo: & obediunt continuò ipsi DEO. Mali ergo sunt desides:  
qui ex suis operibus bonis non reliquerunt semen, & aliquid memoriæ di-  
gnum: & adhuc peiores sunt, qui memoriam suā de malis operibus suis re-  
liquerunt. Postquam autem Dominus respondit ad eorum interrogationem: &  
ipsorum confutavit errorem, statim subdit de resurrectione, confirmando,  
veritatem resurrectionis autoritate scripturæ. Probaturus ergo resurrectionē  
corporum, inducit autoritatem de Exodo sumptam: & probat primò pe-  
renniam animarum, quam illi negabant: quā probatā consequenter pro-  
bat resurrectionem corporum quæ cum animabus bona malave gesserunt.  
Dicitur enim in Exodo à Deo, *Ego sum Deus Abraham, & Deus Isaac, & Deus Jacob.* Animas non.  
Quando hoc Deus dicebat: jam illi mortui erant: *Deus enim non est mortuorum, mori probat.*  
id est omnino non existentium, sed viventium, & existentium: ergo ipsi vi-  
vunt & existunt. Ratio talis est: Deus non dicitur Dominus rerum non exi-  
stentium, vel eorum quæ sunt nihil: quia creaturæ ad Deum est realis re-  
latio, quæ non potest fundari in nihilo: sed Deus dicitur Abraham, & Deus  
Isaac, & Deus Jacob, qui mortui sunt: ergo ipsi existunt: non enim dixit,  
Ego fui: sed, Ego sum: tanquam illi præsentēs existant: sed non corpore, er-  
go animā: & ideo anima non moritur cum corpore, sed est æterna. Et per  
hoc probat resurrectionem corporum ex veritate justitiæ. Nam cum dicat se  
Deum Abraham, & aliorum qui servierunt Ei in corporibus suis: justum est,  
ut remunerentur cum corporibus ipsis in quibus meruerunt. Et universaliter  
omnium corpora & animæ bona vel mala simul recipient, quæ simul meru-  
erunt. Quia enim homo meruit, vel demeruit, anima simul & corpore: ideo  
in futuro punietur, vel remunerabitur, simul in utroque. Hoc autem non  
potest fieri, nisi fiat resurrectio corporum. Et ideo constat futuram esse cor-  
porum resurrectionem. Unum ergo probat Dominus expresse, scilicet quòd  
animæ semper vivant, nec cum corporibus intendant: alterum per consequens  
scilicet quòd corpora resurgunt. Item propter naturalem appetitum & incli-  
nationem animarum ad corpora sua: quia naturale est animabus desiderare  
sua corpora, ut cum ipsis glorificentur, cum quibus meruerunt: & ideo ne à  
suo desiderio fraudentur, necesse est ut eis sua corpora reddantur, quia ani-  
ma non potest esse perfectè quieta, nec beata, nisi uniatur cum corpore, ad  
cujus unionem habet inclinationem naturalem, & ita corpora resurgunt. Ubi  
Hieronymus. Cum autem dicit, Deus Abraham, Deus Isaac, & Deus Jacob, Hierony. in  
ter Deum nominando Trinitatem intimavit: cum autem dicit, non est Deus, 22. Matt.  
mortuorum: unum Deum iterans, unam substantiam significavit: *Et audien-  
tes turbæ, mirabantur in doctrinā Ejus.* Unde Remigius: Non quidem Sadducæi,  
sed turbæ mirantur. Hoc etiam quotidie agitur in Ecclesia. Cum enim Divi-  
na inspiratione adversarii Ecclesiæ superantur: turbæ fidelium latantur.

Resurrectio-  
ne corporum  
probat.





❖ ❖ ❖

DE PRIMO ET MAGNO, AC SECUNDO,  
& simili legis mandato. Cap. XXXVI.

*Matth. 22.* **P**harisæi verò audientes & gaudentes quòd sapienti responsò Jesus silentium imposuisset Sadducæis, non habentibus quid amplius dicerent contra responsionem Ejus convenerunt in unum ad Ipsum aliò modò invadendum, *Marci. 12.* Chrysof. hō. & venerunt in magna multitudine ad magis Eum terrendum. Unde Chrysof. 42. operis Convenerunt ut multitudine vincerent, quem ratione superare non poterant, à veritate nudos se esse professi sunt, qui multitudine se armaverunt. imperfecti. Hæc Chrysof. Recedentibus Phariseis, venerunt Sadducæi: & iterum recedentibus Sadducæis, venerunt Pharisei, tentantes Eum frequenti congressu fatigare & subvertere: licet enim contrarii essent in opinione de animæ immortalitate, & mortuorum resurrectione: tamen conveniebant in Christi persecutione. Unde Hieronymus: Quod de Herode & Pontio Pilato legimus Dominum in cap. 22. mini nece eos fecisse concordiam: etiam nunc de Phariseis cernimus & Sadducæis, qui inter se contrarii sunt, sed ad tentandum Jesum pari mente consentiunt. *Matth. Luca 23.* Et unus ex eis scriba & legisdoctor accessit tentans Jesum capere in sermone, dixit: Magister, quod est mandatum magnum in lege, id est, præcipuum. Interrogavit tentans, non scire desiderans, non ut disceret, sed ut deciperet. Chrysof. hō. Unde Chrysof. Magistrum vocat, cujus non vult esse discipulus. De mandato 42. operis dato magno interrogat, qui nec minimum observat. Ille enim debet interrogare de majori iustitia, qui jam minorem complevit. Hæc Chrysof. De hoc imperfecti. autem interrogavit, quia circa hoc erant opiniones: quidam enim dicebant sacrificia & oblationes magis placere DEO, quàm opera charitatis. Alii dicebant contrarium, quod magis est verum. Et ait illi Jesus: Diliges Dominum Chrysofom. Deum tuum. Ut dicit Chrysof. Non dicit, time, sed, dilige, timere, inquit, servorum, diligere est filiorum. Non dixit etiam cognosce, sed dilige. Cognoscere, inquit Deum proprium est humanæ naturæ, diligere autem, religiosi cordis & recti. Diliges inquam, Dominum Deum tuum ex toto corde tuo, id est, ex toto intellectu sine errore, ut nullum in confessione Divinitatis locum errori relinquant: & in tota anima tua, id est tota voluntate sine contrarietate & contradictione, ut nihil contrarium Ei velis: & in tota mente tua, id est tota memoriâ sine oblivione, nihil reminiscens quò minus de DEO sentias, & ex tota virtute seu fortitudine tua ut vires tuæ, & totum posse sibi serviant, & ad Ipsum extendantur. Unde August. Deum ex toto corde diligere 1. de Doctr. præciperis, ut omnes cogitationes tuas: ex tota anima, ut omnem vitam tuam Christiana ex tota mente tua, ut omnem intellectum tuum in Illum conferas à Quo habes ea quæ confers. Nullam ergo vitæ nostræ partem reliquit quæ vacare debeat, & quasi locum dare, ut alia re velit frui, sed quidquid aliud diligendum venerit in animum, illuc rapiatur quò totus dilectionis impetus currat. Diligere exrit. Tunc est nempe optimus homo, cum totâ vitâ suâ pergit in incommutabile bonum. Unde & Chrysof. Quid est diligere Deum ex toto corde? Ut quid sit. cor tuum non sit inclinatum ad ullius rei dilectionem amplius quàm DEI. Chrysof. hō. Pro quanta enim parte cor tuum fuerit ad aliquam rem, pro tanta minus est 42. Operis ad Deum. Quid est in tota anima diligere Deum? id est certissimum animum imperfecti. habere in veritate, & firmum esse in fide. Qui nempe credit apud Deum esse omne bonum, & nihil boni esse extra ipsum: hic ex tota anima diligit Deum quid est ex tota mente diligere Deum? id est, ut omnes sensus tui, qui pertinent ad mentem, DEO vacent. Cujus enim intellectus DEO ministrat: cujus sapientia circa Deum est: cujus cogitatio ea quæ DEI sunt tractat: cujus memoria, quæ bona sunt recordatur: tota mente diligit Eum Hæc Chrysof. Bern. de diligendo Deo. Secundum Bern. Toto corde, id est sapienter contra suggestiones diaboli, ne tota mente: fortiter contra pressuras mundi, ne opprimamur. Hæc enim sunt tria, quæ præcipue retrahunt: ab amore DEI, diabolus, caro, & mundus. Et subiungit: Hoc est maximum, & primum mandatum. Maximum dignitate, quia de maximo, scilicet DEO diligendo primum ordine, quia præceptum de diligendo Deum, præcedit præceptum de diligendo proximum. Et verè istud est nobilius & utilius inter omnia mandata. In hoc enim omnia mandata implentur.



Hoc etiā mādātū diligēdi Deū est magnū, quia mandat hoc lex naturalis in mēte omnis creaturæ rationabilis divinitus indelebiter expressa. Majus, quia remandat, & repetens iterum mandat hoc lex Mosaica à DEO iterum data & per Angelos ordinata. Maximum quia, confirmat illud lex Evangelica. per ipsum Filium DEI tradita. Et primum mandatum, intentione jubentis, finis nempe in quolibet, ea quæ ad finem sunt in intentione præcedit. Unde Apostolus: *Finis, 1. Tim. 1. præcepti est charitas: finis non terminans: vel consumans, ad quem Rom. 13. omne præceptum ordinatur.* Et iterum: *Plenitudo legis est dilectio. P. salm. 118.* Et Psalm. *Omnis consumationis vidi finem, latum mandatum tuum nimis.* Vel primum in necessitate observationis. Ad hoc autem quod istud mandatum possit perfectè impleri, quatuor requiruntur.

Primum est, Divinorum beneficiorum rememoratio: quia enim *Primo man-* quæ habemus sive exteriora, sive corpus & animam, omnia à DEO *dato imple-* habemus, ideo oportet quod nobis de omnibus quæ habemus serviamus, & Eum corde perfectè diligamus. Nimis enim ingratus est, qui *necessaria.* cogitans alicujus beneficium Eum non diligeret. Secundum est, Divinæ excellentiæ consideratio: DEUS enim major est corde nostro, & ideo si toto corde & omnibus viribus Ei serviamus, adhuc sufficientes non sumus, nec satisfaciamus. Unde in Ecclesiastico; *Glorifica-* *te Dominum quantum potestis, supervalebit adhuc.* Major est enim omni laude. Tertium est, mundanorum, & omnium temporalium abdicatio. Magnam nempe injuriam facit DEO, qui aliquid Ei adæquat, quod fit quando res temporales & corruptibiles simul cum DEO diligimus. Nihil enim aliud vult quod diligamus, quàm Eum, quia Ipse solus sine consortio vult possidere cor nostrum. Unde dicit August: *Augustinus* Domine, minùs Te amat, qui præter Te aliquid amat. Et Hierony. *in soliloqu.* Nimis est avarus, cui non sufficit DEUS. Quartum est, omnimoda peccatorum vitatio: quia nullus potest DEUM diligere in peccato existens, scilicet mortali: ideo dicitur; *Nemo potest duobus Dominis ser-* *vire.* Unde si in peccato manes, DEUM non diligis. Non diligit DEUM superbus, vel amator vanæ gloriæ: qui pulverem vanæ gloriæ quæ nihil est, DEO præponit. Nec voluptuosus, qui pro momentanea delectatione Eum deserit, nec avarus, qui pro nummo, vel nihilo Eum amittit. Deinde addit: *Secundum autem simile est huic.* *Secundum* non æquale, sed simile, quia est de actu simili, scilicet de dilectione, *mandatum.* vel de re simili DEO, scilicet de homine, qui ad similitudinem DEI factus est, scilicet, *Diliges proximum tuum sicut teipsum,* id est; ad id ad quod teipsum, scilicet ad justitiam & salutem, ad gratiam in præsentem, & gloriam in futuro, & ad eandem beatitudinem ad quam diligis te. Unde sicut, non denotat æqualitatem gradûs, quia primò & plus tenetur homo se diligere, quàm proximum, cæteris paribus, sed denotat similitudinem boni optati, ut velit proximum sicut se esse in gratia & amore DEI. Et cum dicitur, *secundum,* non est ordo, nisi quantum ad materiam, quæ est DEUS & proximus. Unum enim est, præceptum de dilectione, vel etiam est ordo causalitatis, quia amor proximi causatur ex amore DEI. Et ideo dicit Apostolus: *Qui di-* *ligit proximum, legem implevit.* Quia causa intelligitur, in causato, & non è converso. Dilectio igitur in DEUM, origo est dilectionis in proximum, & dilectio in proximum, cognitio est dilectionis in DEUM, ac etiam nutrimentum. Unde Gregorius. Per amorem DEI *Gregorius* amor proximi gignitur: & per amorem proximi, amor DEI nutritur. *lib. 7. mo-* *ral. cap. 11.* Hæc Gregorius. Et similiter dilectio in seipsum, præcedere debet di-



*Augustinus* lectionem in proximum. Unde Augustinus. Vide prius si jam no-  
*sermo 43. de* sti diligere teipsum: & committo tibi proximum, quem diligas si-  
*verbis Dñi* cut teipsum. Si autem nondum nosti diligere te, timeo ne deci-  
*proximus* pias proximum sicut te. Et iterum: Manifestum est autem omnem  
*quis sit.* hominem proximum esse deputandum, quia erga neminem operan-  
dum est malum. Qui autem amat homines, aut quia iusti sunt, aut  
ut iusti sint, amare debet. Sic nempe & seipsum amare debet, aut  
quia iustus est, aut ut iustus sit. Sic enim diligit proximum sicut se-

*Modus dili-* ipsum, sine ullo periculo. Hæc Augustinus. Unde modus diligen-  
*gendi proximi* proximum attenditur secundum quatuor causas. Primò, secun-  
*um.* dum finalem, scilicet ut diligatur proximus propter DEUM. Secun-  
dum, secundum materialem, scilicet ut diligatur bonum, non ma-  
lum. Tertiò, secundum formalem, scilicet ut ordine debito, circa  
DEUM & supra temporalia. Quartò, secundum efficientem sive  
moverentem: quia ut homo, non quia Pater tantum, vel Filius, vel do-  
mesticus, vel amicus: & his modis debet homo diligere seipsum.

*Aug. cap. 27* Et nota secundum Augustinum. Quòd primò diligendus est DE-  
*lib. 1. de do* US. Secundò, anima propria. Tertiò, anima proximi. Nota etiam  
*trina Chri-* quòd amor proximi falsus est, per hæc seu huiusmodi: videlicet,  
*stiana.* si impedit amorem DEI. Si aliquid fiat propter amorem proximi,  
quod sit contra amorem DEI. Si aliquis dissimulet in eo quem di-  
ligit, plusquam in eo quem non diligit. Si aliquid in eo placeat,  
quod in alius displiceat. Si patienter non sustinet, quod alium sicut  
se vel plus diligit. Et infert in his duobus, scilicet mandatis dile-  
ctionis: *tota lex pendet & Propheta* quia totus decalogus & monitiones  
sive comminationes hic finem habent, hoc enim ut charitas intro-  
ducatur intendunt. Tota quippe scriptura legis & Prophetarum,  
ad dilectionem DEI & proximi ordinatur: quidquid enim præceptum  
est, in lege & Prophetis, hoc sine præceptum est, ut DEUS & proximus  
diligatur. Et propter hæc omnia mandata & scripta legis & Prophe-  
tarum non sunt nisi quædam explicationes istorum duorum manda-  
torum: quia omnia ad hæc duo sunt ordinata. Item omnia præcepta  
ad hæc duo referuntur. Primum enim præceptum, scilicet dilectionis  
DEI ambit & implet omnia mandata primæ tabulæ, quia in ea con-  
tinentur tria mandata de dilectione DEI, quæ scripta erant in una  
tabula: & secundum præceptum, scilicet dilectionis proximi, ambit  
& implet omnia mandata secundæ tabulæ: quia in ea continentur se-  
ptem alia mandata de dilectione proximi, quæ in secunda tabula erant  
scripta. Nam qui DEUM diligit: idola spernit, DEI Nomen in va-  
num non assumit, & diem Sabbathi sanctificat. Et qui proximum  
suum diligit: honorat Patrem & Matrem, non occidit, non furatur,  
non mæchatur, non falsum testimonium dicit, nec uxorem proxi-

*Chrysostomus* mi vel aliam rem ejus concupiscit. Nam secundum Chrysosto. sicut  
*hom. 42.* odium facere suggerit omne malum, sic dilectio omne bonum. In  
*Operis im-* tribus autem dilectio DEI extenditur: ut omnes affectiones, & omnis  
*perfecti.* ratio humana quâ intelligimus & discernimus, in DEUM referantur,  
*Dilectio Dei* & Divinis rebus occupentur: ut nihil remaneat in homine quod non  
*ad tria.* Divinæ dilectioni subdatur. Item duo sunt erga proximi dilectio-  
*Dilectio pro-* nem servanda, ut & beneficii impensione foveatur: & nullâ malitiâ  
*ximi vult* lædatur, unum affirmativum. De quo Matth. septimo. *Quæcunque*  
*duo.* scilicet licita decencia, expedientia vultis, scilicet voluntate ratio-  
nali, ratione distingvente inter debita & indebita: ut faciant: vel  
dimittant corde, ore, opere, vobis vel pro vobis, homines, inquan-  
tum



tum homines, non bruta: & vos facite illis in simili casu, voluntate, opere pleno affectu. Secundum hanc regulam dilectio proximi causat & efficit imperando omnes motus omnium virtutum tendentes ad proximum, interiores. Aliud negativum, de quo Tobia 4. *Quod ab alio oderis rationabiliter fieri tibi corde, ore, opere: vide ne alii feceris* voluntate, vel opere affectu: vel effectu secundum hanc regulam dilectio proximi causaliter reprimat & cohibet omnes motus & actus vitiorum respectu ejus. Licet igitur diversa sint precepta, quibus aut utiliter quæ appetenda sunt cupimus: aut quæ vitanda sunt utiliter præcavimus: unum tamen sunt in radice claritatis: quia omnia *Charitatis* in dilectione DEI & proximi facere debemus. Recte itaque dicit *excellencia.* gem & Prophetas referri ad duo mandata charitatis, quia ex hac dependent, & ibi finem habent: O! charitas regula ordinis electorum: lex universalis, universos ligans, virtus virtutis, canon canonum, lex legum, non constitutio populi, sed Principis placitum, sanctio Regis Regum: quam non solum edidit, vel condidit jubendo, sed & edixit & promulgavit personaliter docendo, & adimplevit servando. Ecce lex Domini convertens animas: Mater & origo *Psalm. 18.* legum Divinarum, Magistra & Domina humanarum, rationabilium & aquarum, hostis & inimica iniquarum. Cujus observantia per gratiam in hac vita initiatur, & continuata usque ad mortem in alia consummatur. Et quia ut ait Chrysostomus. Judæi æstimantes Christum *Chrysostom.* Hominem purum esse, tentabant Eum: neque tentassent, si DEI Filium credidissent: ideo volens Christus eis ostendere, quia DEUS *in Matth. 72.* erat: talem interrogationem eis proposuit, ut ipsa interrogatio eis ostenderet quis esset. Quia enim ad passionem venturus erat, opinionem falsam judæorum corrigit, qui Christum Filium David, non Dominum ejus esse dicebant. Et ut dixit Hieronymus. Palam *Hieronymus* eis de se loquitur, ut inexcusabiles sint. *Congregatis ergo Phariseis, in cap. 22.* qui ad tentandum venerant, interrogavit eos *Matth.* JESUS, quasi eis diceret, hucusque quæstionibus vestris satisfeci: tempus est ut in aliquo respondeatis mihi. Interrogat ergo de illo, quem credebant esse venturum, quia præsentem credere volebant: cujus filius debeat esse, dicens: *Quid vobis videtur de Christo? id est; Messia, in lege promisso,* quem venturum creditis, *cujus Filius est?* Dupliciter errant judæi circa Christum. Primò quidem circa personam non enim credunt Eum fuisse Christum, qui venit in mundum, natum ex Virgine: *Christum non novērunt judæi.* sed adhuc expectant Eum. Item errant circa Ejus naturam, quia non credunt etiam quem expectant esse DEUM, sed purum hominem. De isto secundo errore eos interrogat, cujus Filius sit: & hoc ideo fortè quærit, quia ex quo totam legem direxerat ad duo mandata dilectionis: tanquam artificiosus legislator, vult ostendere Christus hæc duo mandata, reduci in unum diligibile, quod est Christus. Nihil enim diligitur tanquam DEUS & proximus, nisi Ipse Christus, *Psalm. 131.* Dicunt ei David, secundum illud *Psalm. de fructu ventris tui, ponam super sedem tuam.* Credebant illum fore purum hominem, de genere David: Unde dicunt, David solam: scilicet Divinitatem negant *Christum seu Messiam non esse purum hominem.* Ait illis, arguendo in contrarium: Quomodo ergo si Christus est purus homo, ut vos creditis: David, cui occulta sapientiæ Divinæ manifestata sunt, in spiritu, scilicet Sancto & Prophetico, non de corde suo proprio vocat Eum Dominum suum? quod non liceret, si esset filius Ejus, dicens: Dixit Dominus Domino meo, id est; Pater Filio. Ipsi autem sic exponunt, Dixit Dominus, Creator Cœli & terræ Domino meo



*meo*, id est; Messia. Quod ergo iste Messias non sit purus homo, probatur tripliciter ex hoc verbo. Primò. ex eo quòd David vocat Eum Dominū: & hoc sic. nullus Pater Filiū suum, qui trahit naturam suam ab ipso, testatur Dominum suum: sed David, Spiritu Sancto inspiratus, testatur Dominum suum Christum: ergo non solum habet naturā quā traxit ab ipso, sed altiorē, secūdu quā dicitur Dominus Ejus: sc. Divinā: quia nō est homo filius & Dominus alterius, secūdu eandē naturam: ergo est alia natura secundum quam est filius, & hæc est humana: alia secundum quam est Dominus, & hæc est Divina. Secundò probatur idem sic, quando David hoc dixit, nondum Messias homo erat: quomodo ergo Dominus ejus erat, qui nondum erat? & qui non ante eum, sed post extitit? ergo oportet ponere aliam naturam, secundum quam ante eum erat. Tertiò probatur idem ex hoc, quòd sequitur: *Sede à dextris meis*, impossibile est enim purum hominem, sedere à dextris DEI. Dicat ergo David: dicit: Dominus sc. DEUS Pater: *Domino meo*, id est; Christo Filio suo: cujus dicere est, æqualem sibi Filium generare: ergo *Domino meo*, non secundum quod temporaliter homo factus est: sed secundum quod Patris æternus Filius, sed quietè Regni potitus, à dextris meis, id est; in æqualitate mea, secundum quod DEUS: vel in potioribus bonis, secundum quod homo: quia ut sic in gloria præest Angelis: donec ponam, inclusivè, non quòd postea non sedeat, quia semper sedebit: inimicos tuos, & inobedientes tibi, *scabellum pedum tuorum*, id est; donec homines rebelles Tibi subjugaverō: vel bonā & voluntariā subjectione, scilicet ut credant Te verum DEUM & Hominem sponte, vel coacta subjectione: ut in die judicii puniantur & credant invitè, ita ut velint nolint subiecti sint tibi, sicut scabellū pedibus est subiectū. Hæc enim subiectio complebitur in iudicio, quando omnia perfectè subiicientur homini Christo. Si ergo David vocat Eum Dominū, secundū veritatem: quomodo Filius Ejus est, scil. tantum: cum filius propagatione subiectus sit Patri: & maximè secundū consuetudinem Patrum antiquorum. Potius enim Parentes sunt, & dicuntur Domini Filiorū quā Filii Domini Parentum: Filius enim debet esse subiectus Patri, & non dominari. Quasi diceret: Cum secundum naturam humanam sit filius David: & per consequens eò inferior: oportet ponere in eo aliam naturam, per quam sit Dominus ejus & eò superior: & hæc est Divina: ergo in Christo sunt duæ naturæ, scilicet Divina & humana. Est itaq; filius David & Dominus, sed filius in quantum homo, Dominus in quantum DEUS: & sic restat, quòd Christus est Homo & DEUS. Non ergo errabant, nec reprehenduntur, quia Christum Filium David dicunt, sed quia Ipsum purū hominē & non DEI Filium credunt: Christus autem non tantum David, sed & DEI filium se esse probavit, & per auctoritatem David eos convincit. Et nemo poterat Ei respondere verbum, quia non poterant scripturam negare, & irrefragabile erat argumentum, neque ausus fuit quisquam ex illa die Eum amplius interrogare, quia planè testimonio & ratione erant convicti. Unde Hieronymus: Ideo confutati sermonibūs ultra non interrogant, sed apertissimè comprehensum Romanæ tradunt potestati. Ex quo intelligimus venena invidez posse quidem superare sed difficile posse quiescere.

Parentes filiorum Domini sunt.

Hieronymus in cap. 22. Matth.





DE SCRIBIS ET PHARISÆIS IN DOCTRINA

*Audiendis, sed non in vita imitandis.*

C A P U T XXXVII.

CONFUTATIS autem & tacentibus Scribis Phariseis, qui dolose in-  
 terrogabant Dominum, ut tentarent Eum, ne plebs & alii ido-  
 nei sine pane doctrinæ evanescerent, *locutus est Dominus, eadem feriâ*  
 tertiâ *ad turbas*, scilicet ad simplices & imperfectos, & ad discipulos  
 suos magis doctos & perfectos. Unde Chrysostomus. Postquam Do-  
 minus Sacerdotes responsione prostravit, & incorrigibilem conditi-  
 onem eorum ostendit, sicut & Clerici si malè fecerint inemendabiles  
 sunt, Laici verò delinquētes facillè emendantur: tunc cōvertit sermo-  
 nē ad populum. Infructuosum nāq; est verbū in quo si alter confundi-  
 tur, ut alter nō erudiatur. Locutus est ergo ad eos instruens, & docens  
 Scribarum & Phariseorum doctrinam audiendam, sed Eorum vitam  
 non imitandam: & nihilominus hortans eos subici illis propter Sa-  
 cerdocii & nominis dignitatem, non opera sed doctrinam confide-  
 rantes. Multaq; eorum crimina annumerans, & alios ab eis dehor-  
 tans. Unde dicit: *super cathedram Moysis*, id est; autoritate dicen-  
 di & iudicandi, *federunt*, scilicet indignè, *Scribæ & Pharisei*. Cathe-  
 dra doctorum est: & ideo dicuntur sedere super Cathedra Moysis,  
 qui docent quod docuit Moyles. Ubi Chrysostomus. Multi Sacer-  
 dotes, & pauci Sacerdotes, multi in nomine, & pauci in opere. Vi-  
 dete ergo quomodo sedeatis super eam, quia non Cathedra facit  
 Sacerdotem, sed Sacerdos Cathedram. Non locus sanctificat homi-  
 nem, sed homo locum. Non omnis Sacerdos sanctus est, sed omnis  
 sanctus Sacerdos. Bene quidem docendo, & malè vivendo, DEUM  
 instruis, quomodo debeat te condemnare. Ut autem dicit idem Chry-  
 sostomus. Ne aliquis dicat, quoniam propter hoc desidiior factus sum  
 ad agendum, quia malus est doctor: ideo hanc destruit occasionem,  
 cum subdit. *Omnia ergo ad Cathedram pertinentia, quæcunque dixe-  
 rint vobis*, id est; ad vestram utilitatem, *servate corde, & facite  
 opere*, id est; doctrinā. Non tamen simpliciter quæcunq; , sed illa  
 tantum quæ Moysis Cathedræ doctrinæq; conveniunt, & quæ à vera  
 fide non discrepant neq; Divinis repugnant mandatis. Unde Chry-  
 sostomus. Omnia agit, quæ corrigunt mores, & meliorem faciunt vi-  
 tæ modum: & novi testamenti concordant legibus, & non dimittunt  
 de reliquo sub iugo legis esse. Hæc Chrysosto. Ex quo patet quòd  
 etiam malis Prælati & Doctoribus bona docentibus, est honor obe-  
 dientiæ exhibendus, nisi in his quæ manifestè sūt cōtra Deū, & sunt ha-  
 bendi in reverentia, quamdiu tolerantur in officio suo: quod patet  
 per exemplum David, qui venerabatur Saulum, licet sciret eum ma-  
 lum, & à DEO reprobatum, & per hoc auditoribus tollitur excu-  
 satio non bene agendi. Nam obediendo malis prælati & doctori-  
 bus, DEUS in eis honoratur, cuius personam gerunt: non enim sua,  
 sed quæ DEI sunt, dicunt: *secundum verò opera eorum*, quæ præter id  
 quod oportet nequiter faciunt, *nolite facere*, quia non sunt imitan-  
 di in malis, sed tantum in bonis, Ubi Chrysostomus. Si bene vixe-  
 rint, eorum est lucrum: si bene docuerint, vestrum. Accipite ergo  
 quod vestrum est: & nolite discutere quod alienum est. Hæc Chry-  
 sosto: *Dicunt enim & non faciunt*: quia vita doctrinæ non concordat.  
 Docebāt nempe bene vivere, secundum legis præcepta, & ipsi per præ-  
 varicationem legis malè vivebant. Contra quos dicit Augustinus.

*Matth. 23.*

*Marci 12.*

*Lucæ 20.*

*Chrysostomus*

*hom. 43. ope-*

*ris imperf.*

*Cathedra*

*Moysis.*

*Chrysostomus.*

*Ibidem.*

*Idem ibid.*

*Chrysostomus.*

*Ibidem.*

*1. Reg. 24.*

*& 26. &*

*2. Reg. 1.*

*Chrysostomus*

*Ibidem.*

Mmm

Bene

DE



*Augustinus* Bene docere, & malè vivere, non est aliud quàm se suâ lingvâ dā-  
*sermo. 3. de* mnare: de talibus nempe qui dicunt & non faciunt, potest dici illud  
*verbis Dñi* Genesis: *Vox quidē vox Jacob est, manus autē, manus Esau.* Ubi Chryf.  
*Genes. 27.* Maximè accusatione dignus est, qui doctrinæ autoritatem habens,  
*Chrysostomus* legem transgreditur: primò quidem, quia pravaricatur qui alios cor-  
*hom. 73.* rigere debet: deinde quia peccans majori pœnâ dignus est, propter  
*in Matth.* honorem: tertid, quia plus corrumpit, velut in ordine doctoris pec-  
 cans. *Alligant autem onera,* scilicet suarum traditionum & legum, ut  
 sit quasi fascis importabilis. Unde subdit: *gravia,* quantum ad affe-  
 ctum: & *importabilia* quantum ad effectum: & *imponunt in humeros ho-*  
*minum,* non in suos per coactionem observantiæ præceptorum: quia  
 supra legis præcepta, constituerunt ex suis traditionibus multa quæ  
 erant subditis *gravia & importabilia: digitò autem suò,* id est; levi mo-  
 tu & tactu, *nolunt ea movere & tangere.* Ecce qualiter eorum re-  
 prehensionē aggravat: non enim dixit, non possunt: sed nolunt: nec  
 dixit, pleno opere & manu: sed digitò & modico tactu: nec dixit, por-  
 tare, sed movere, id est; neq; propè fieri, neq; tangere. quia modic-  
 um conatum ad agendum talia volebant apponere, & nec minora

*Chrysostomus* eorum quæ ipsi præcipiebant volebant opere adimplere. Ubi Chry-  
*hom. 43.* sosto. secundum consequentiam autem, tales sunt etiam Sacerdotes,  
*Operis im-* qui omnem iustitiam populo mandant, & ipsi nec modicam servant  
*perfecti.* videlicet non ut faciendo sint iusti, sed ut dicendo iusti. Tales sunt  
 & qui grave pondus venientibus ad pœnitentiam imponunt, ipsi au-  
 tem nec minimum faciunt. Et sic dum pœna præsentis pœnitentiæ  
 fugitur; contemnitur pœna futuri iudicii. Si enim fascem super hu-  
 meros adolescentis, quem non potest bajulare, posueris: necesse ha-  
 bet ut aut fascem reiciat, aut sub pondere confringatur. Sic & ho-  
 mini cui grave pondus pœnitentiæ imponis, necesse est ut aut pœ-  
 nitentiam tuam reiciat: aut suscipiens dum ferre non potest scan-  
 dalizetur, & amplius peccet. Deinde & si erramus modicam pœni-  
 tentiam imponentes: nonne melius est propter misericordiam dare  
 rationem, quàm propter crudelitatem? Ubi Paterfamilias largus est:  
 dispensator non debet esse tenax minister. Si DEUS benignus, ut  
 quid Sacerdos est austerus? Vis apparere Sanctus: circa tuam vi-  
 tam esto austerus: circa aliorum autem benignus. Audiant Te  
 homines parva mandantem: videant grandia facientem. Ta-  
 lis est autem Sacerdos qui sibi indulget, & alios exigit: quemad-  
 modum malus descriptor tributi in Civitate, qui se relevat & one-  
 rat imponentes. Et iterum: In quoduplicem eorum malitiam osten-  
 dit: unam quidem in hoc, quòd sine venia expetunt à subjectis sum-  
 mam diligentiam vitæ. Alia verò in hoc, quòd sibiipsis multam con-  
 cedunt licentiam. Oportet autem bonum Principem è contrariò se  
 habere. in his quidem quæ secundum seipsum sunt, gravem iudicem

*Pœnitentiæ* esse: in subjectis autem, maulverum. Hæc Chrysostomus. Imponendo  
*modica im-* ergo modicam pœnitentiam melius est animas mittere in purgato-  
*ponendu.* rium, quàm in infernum: sed tamen in quibus tenentur, saltem est  
 eis innotescendum. Igitur, ut ait Hierony. hoc generaliter dici-  
*Hieronymus* tur adversus omnes magistros, qui grandia jubent, & minora non fa-  
*in cap. 23.* ciunt. Hæc est autem quædam causa non modica, quæ hodie mo-  
*Matth.* vet subditos contra majores & Prælatos: quia dicunt, & non faci-  
 unt. Imponunt onera aliis, & ea digitò non tangunt. Talium ver-  
 ba apud subditos parum proficiunt, quando in eis non videntur  
 quæ



quæ docent & præcipiunt. Quicumque ergo proximorum anima-  
bus utilis esse desiderat, studeat prius in se habere quidquid ali-  
os docturus est: alioquin parum proficiet. Nam ejus verbum in-  
efficax erit, nisi prius homines in eo comperiant esse ea quæ do-  
cet. Ex præmissis patet, quod ille qui legem aliquam constitu-  
it, licet non sit subditus legi, quantum ad hoc, quod per ho-  
minem puniatur si contrarium fecerit: tamen obligatus est ad le-  
gem implendam, & gravius punietur à DEO, si fecerit contrari-  
um: quia transgressio ejus est gravior propter scandalum. Pro-  
pter quod dicit sapiens: Patere legem quam ipse tuleris: & ut  
alibi dicitur, quod quidcunque juris in altero statuit, ipse eodem  
uti debet. Patet ergo ex prædictis, quod illis statum Ecclesiæ in  
generali, seu aliquem statum ejus in speciali, regunt: & subditos o-  
nerant gravibus statutis, sine magna & evidenti necessitate, abu-  
tuntur sua potestate: sicut faciebant Pharisei & Scribæ. Prælato-  
rum enim totæ sunt inhumanæ sententiæ & mandata lignaque ve-  
rita, quod vix possit aliquis transire per hujusmundi umbram, quo-  
niam incidat in peccatum & offensam. Unde ait Augustin. loquens *Aug. de ve-*  
de Religione Christiana. Ipsam Religionem nostram, quam Do-*ra religione*  
minus noster JESUS Christus in paucissimis Sacramentorum cele-  
brationibus voluit esse liberam, quidam servilibus premunt oneri-  
bus: adeo ut tolerabilior sit conditio judæorum, qui non humanis  
præsumptionibus, sed Divinis subiciuntur institutis. Deinde secun-  
dum Chrysostomum. Postquam Dominus arguerat Scribas & Phari-  
sæos crudelitatis & negligentia: consequenter arguit eos inanis glo-  
ria, quæ fecit eos à DEO recedere, & propter quam non possunt  
Christo credere. Unde subdit: *Omnia verò opera sua faciunt; ea sci-*  
*Vana gloria*  
*licet intentione, & eo fine ut videantur ab hominibus: & sic habeant*  
*Scribarum.*  
gloriam inter homines, id est; propter gloriam humanam: quia vi-  
deri in bonis propter gloriam Divinam non est malum, sed magis  
meritorium. Non autem potest credere Christo Cælestia prædi-  
canti, qui gloriam terrenam quærit, & eam Cælestibus præponit.  
Non solum ergo desides & remissi erant ad bene operandum: sed  
etiam vanè gloriosi, & in suis operibus laudem appetentes homi-  
num, ut essent in reverentia & honore apud populum. Tales au-  
tem nullam mercedem de operibus suis recipiunt: quia non stu-  
dent ut DEUS glorificetur, sed ut ipsi in his quæ agunt laudentur  
& remunerentur. Et ideo non solum nullam mercedem, sed eti-  
am penam recipiunt, qui de bono malum faciunt. Unde Chrysosto-  
Quemadmodum vermis de ligno nascitur, & lignum à verme con-  
sumitur, & tinea de veste à qua corroditur, sic diabolus insidiatur,  
& occasionem quærit: ut qui cogere hominem ad malum non po-  
test, studeat ut ex bonis operibus malum inanis gloriæ nascatur: &  
quod bonum erat, ex inani gloria sit malum. Igitur ut ait Hiero-  
nymus, quicumque ita facit quodlibet ut videatur ab hominibus, Scri-  
ba est & Phariseus. Deinde quod Dominus generaliter dixerat,  
scilicet opera sua faciunt ut videantur: consequenter in partes di-  
vidit, dicens: *Dilatant enim phylacteria sua, & magnificant fimbrias, &*  
*volunt ambulare in stolis.* Circa hæc secundum Hieronymum, est sci-  
endum, quod Dominus cum dedisset mandata legis per Moysen, ad  
extremum intulit, dicens: *ligabis ea in manu tua, & erunt semper ante*  
*oculos tuos.* Et est sensus: Præcepta mea sint tibi semper in opere,  
Mmm2 sem-

Chrysostom.  
hom. 73.

in Matth.  
Vana gloria  
Scribarum.

Chrysost. hō  
43. operis  
imperfecti.  
Vana glo-  
ria malum.

Hieronymus  
in cap. 23.  
Matthæi.

Hieronymus  
Ibidem.  
Deut. 6.



semper in meditatione: sint in manu tua, ut opere compleantur: & sint ante oculos tuos, ut die ac nocte mediteris in eis- quia spiritualiter per manus est intelligenda operatio, & per oculos jugis meditatio. Sed hæc Pharisei malè interpretantes scribebant in membranis & chartis decalogum Moysis, id est; decem legis verba, sive præcepta: complicantesquæ ea, & quasi coronam capiti facientes, ligabant in fronte, ut semper ante oculos moverentur. Et similiter in sinistro brachio circumligabant, ut semper in manu haberent. Et dilatabant has membranas, id est; eas latiores faciebant, & decalogum in eis de grossiori litera scribebant. Et hæc omnia faciebant in signum Religionis, ut per hæc Religiosi apparerent, & recordatores & observatores decalogi ab hominibus viderentur.

*Phylacteria unde dicta.* Et hæc chartæ dicebantur phylacteria, à phylaxe quod est servare: & thera quod est lex, quasi conservatoria legis: quia erant quædam signa servandæ legis: eò quòd quicumquæ ea habuissent, quasi ob custodiam & munimentum sui haberent. Jusserat etiam Moyses, ut in quatuor angulis palliorum, juxta pedes facerent fimbrias hyacinthias ad populum Israëliticum discernendum à cæteris populis in habitu exteriori, sicut erant Religione discreti: & ponerent in eis vittas hyacinthinas, quæ etiam cum filis apponebantur, ut videntes eas recordarentur mandatorum Cœlestium, ac vana & inutilia non cogitarent. Sunt igitur fimbriæ legis, mandata: vittæ vero hyacinthinae sanctæ cogitationes: quæ simul junctæ fuerint, ab omni vanitate oculos avertunt, & tota mente ad Cælestia dirigunt. Videntes enim Hyacinthum, Cœli recordamur: quia unius coloris sunt Cœlum & Hyacinthus. Istiusmodi erat fimbria brevis & parva ex lege præcepta: quam mulier sanguine fluens tetigit in pallio Domini, & statim est sanata. Per hujusmodi etiam fimbriam creditur Samaritanam cognovisse de Domino, quòd judæus esset. Superstitiosi verò Magistri, gloriam ab hominibus captantes, & lucra sectantes & ostentationem, majores fimbrias aliis in palliis suis faciebant & acutissimas in eis spinas ligabant: ut videlicet eundo, vel sedendo eis pungerentur, & quasi sic commoniti memores mandatorum & beneficiorum DEI essent, & hac commonitione ad officia DEI, & ad ministeria servitutis Ejus traherentur, non intelligentibus eis quod hæc in corde portanda sint, non in corpore: alioquin & armaria, & arcæ libros habent, & DEI notitiam non habent. Pro tanto autem hæc faciebant, quia hominibus videri, & opinione sanctitatis ab eis honorari, ac lucra habere cupiebant. *Et volebant in stolis ambulare,* id est; cultioribus vestimentis ad publicum procedere, ut per hoc honorabiliores viderentur, & magis venerarentur, quod in divite reprehenditur, qui byssò & purpurâ induebatur. Stola erant camisia lineæ longæ, quibus scribæ utebantur, ut sanctiores apparerent, & dicebantur stola, à thelon quod est longum, quia usquæ ad pedes descendebant. Hæc stola adhuc hodie multas simulationes & hypocrises faciunt, ac plerosquæ incautos decipiunt. *Amabant quoque primos recubitus, & sedes in cænis & convivis,* & hoc duplici de causa, scilicet ratione gulæ, quia ibi primò servitur, & fercula meliora ponuntur: & ratione superbiæ, ut sic in loco honorabiliore positi, principales & majores Domini viderentur. *Ad primas & digniores Cathedras in synagogis,* & congregationibus, ubi conveniebant homines ad audiendum verbum DEI: & *primas salutationes in foro,* id est; loco patenti.

*Phylacteria unde dicta.*

*Fimbriæ legis sunt mandata.*

*Matth. 9.*

*Luca 16. Stola.*

Pri-



Primas quidem tempore, ac factas alta voce, & inclinato capite *vocari ab hominibus Rabbi*, id est magistri, ut dicit Chrysostomus. Vocari volunt, non esse *Chrysostom* nomen appetunt, & officium negligunt. Et notandum quod tripliciter con-*hom. 43. ope* veniunt homines, vel ad tractanda carnalia, sicut in canis; vel spiritualia, *ris imperf.* sicut in synagogis: vel temporalia, sicut in foro: & ubique volebant principatum habere, & gloriam in publico querebant sibi exhiberi. Ecce ergo *Magistro-* quatuor generaliter in hac serie, quæ reprehenduntur in magistris & Prælati, *in quatuor* in quibus non sunt imitandi. Primum est, defectus bonæ operationis, quia *vitia.* dicunt, & non faciunt. Secundum, austeritas prælationis, quia *onera gravia aliis* (non sibi) imponunt. Tertium, ostentatio singularis actionis: quia *omnia opera faci-* unt, ut videantur ab hominibus. Quartum, affectus ambitionis & laudis: quia *amant primos recubitus, & primas cathedras, & salutationes.* Et nota secundum Be-*Beda in cap.* dam, quod Dominus non arguit & vituperat eos, quibus hæc ex officiis or-*20. Luca.* dine competunt, & fiunt, sed illos qui hæc habita, sive non habita indebitè amant & appetunt: animum videlicet, non gradum redarguens, & ad voluntatem, non ad factum vituperationem referens. Sine causa enim loco se humiliat, qui corde se præfert & exaltat: unde non prohibet magistros primò sedere, nec doctrinam super cathedram, nec salutationes in foro, nec nomina magistri vel Patris, sed ambitionem, & vanam gloriam: ne quis hæc appetat, vel glorietur in eis. Si autem, dicit, Chrysostomus diligere talia est in *Chrysost. hō.* cussatio, quam malum est studere, ut his aliquis potiatur. Ut ait Beda: *Væ 43. operis* miseris illis, ad quos Pharisæorum vitia transferunt, qui per breve curricu-*imperfecti.* lum vitæ suæ, quod peccata plangere debuerant, pro prioratu certare non metuunt. Et sciendum secundum eundem, quod duplici ratione à vanæ gloriæ *12. Marci.* cupidis attendere jubemur, ne scilicet eorum vel simulatione seducamur, & *A vanæ glo-* stimantes bona esse quæ faciunt, vel æmulatione ad imitandum inflamme-*ria cupidis.* mur, frustra gaudentes in bonis laudari quæ simulant. Deinde revocat disci-*attēdendum* pulos ab hac superbia & ambitione, dicens: *Vos autem nolite*, id est non velitis, & affectetis vocari Rabbi; nec vocemini id est nec appetatis vocari magistri, propter inanis gloriæ ambitionem, & *patrem nolite vocare vobis* super terram, propter adulationem. Non honorem, vel nomen magistri, aut Patris, inhibet, sed ne quis indebitum vel indebitè sibi usurpet, vel alteri attribuat: *unus est enim Magister, & Pater principalis omnium singulariter, &* per excellentiam, *Qui est in cælis:* cui est cura de omnibus licet aliquis possit vocari pater, vel magister in terra, ratione generationis, doctrinæ, vel ætatis: tamen solus DEUS naturæ Author, est Pater & Magister principalis, quia *Chrysost. hō.* ab eo habemus quod sumus, & scimus. Ubi Chrysostomus: Vos autem no-*43. operis* lite vocari Rabbi: ne quod DEO debetur vobis præsumatis. Nolite & alios *imperfecti.* vocare Rabbi, ne Divinum honorem hominibus deferatis. Unus est enim Magister omnium, qui omnes naturaliter docet. Et *Patrem nolite vocare vobis super* terram: qui non estis filii terreni. Ex eo enim cœlestem te professus es habere *Matth. 6.* Patrem, ex quo Patrem tibi vocasti de cœlo dicens: *Pater noster qui est in cælis.* Ex quo enim cœlestem te professus es habere Patrem: vocando Patrem Deum turpe est ut iterum te profitearis terrenum, ubi Patrem vocando super terram. Et iterum *ne vocetis Patrem in terra:* non ut dehonores eos qui te genuerunt, sed ut omnibus illis præponas Eum qui te fecit, & inscripsit te inter filios suos. Hæc Chrysostomus. *Omnes autem vos fratres estis:* quia filii DEI per creationem, & gratiæ adoptionem: ad unam vocati hæreditatem, scilicet ad *Hierony. cō* Regnum Cœlorum. Secundum Hieronymum: Omnes Christiani, fratres vo-*tra Heluidiū* cantur specialiter, & omnes homines, ex uno Patre DEO nati, communiter, *tomo 2.* non solum autem Dominus primatus cupere prohibet, sed ad contrarium auditorem inducit. Unde ut in amorem humilitatis discipulos ducat ostendens formam humilitatis, subjungit: *Qui major est vestrum,* vel meritò sanctitatis, vel officiò dignitatis, *erit & si Minister vester,* & alios præveniat obsequendo: non superbè dominando, paratus ad officia humilitatis, secundum decentiam sui statûs. Unde & Papa vocat se servum servorum DEI. Bene agentibus per humilitatem sit socius, contra delinquentes zelò justitiæ sit erectus. *Qui autem se exaltaverit:* in præsentem per elationem & arrogantiam: humiliabitur in futuro per damnationem & pœnam, & *qui se humiliaverit,* in præsentem, non nequiter sed veraciter: exaltabitur in futura gloria mirabiliter. Et notandum



quod propter triplicem gradum humilitatis hoc verbum ter ponitur in Evangelio, scilicet supra, ubi monet ut invitati recumbant in novissimo loco, & iterum, de Phariseo & Publicano orantibus in Templo, & tertio in hoc loco. Est enim triplex humilitas, scilicet cordis, operis, & oris, quam tria nutriunt & custodiunt. Primam, assiduitas cordialis subjectionis, quam non habuit lucifer. Secundam, consideratio propriæ fragilitatis: quam non habuit Adam. Tertiam benignitas orationis, quam non habebit antichristus.

## QUIBUS DEBETUR VÆ ÆTERNUM.

### Caput. XXXVIII.

**Matth. 23.** **P**ost hæc Dominus, qui legi & præceptis Evangelicis obedientibus dat benedictiones ipsis scribis & phariseis inobedientibus comminatur vae maledictionis, & in omnibus effectibus hypocrisis ipsorum hanc dictionem *Vae* quid no-vae præponit, quæ maledictionem significat. Vae quippe in scriptura sacra *ta* **Heu.** notat æternam damnationem, & gehennæ supplicium: sed heu, hujus sæculi peregrinationem, & præsens exilium. Unde secundum Origenem. Sicut in veteri lege ponuntur benedictiones observantibus legem, & maledictiones transgredientibus eam: ita in Evangelio ponuntur beatitudines respectu iustorum, ut habitum est supra in sermone Domini in monte, & hic e contrario ponuntur maledictiones, contra hypocritas falso iustitiâ simulantibus. Et ponit octo vae juxta *positum.* octo in quibus ipsorum hypocrisis & fictio patet: ad ostendendum, quæ in eis cavenda esse docet. In primo redarguit eos de superbia & avaritia, quia *Vae de superbia.* Regnum cælorum claudabant ante homines, & nec ipsi intrabant, nec intrare permittebant volentes. Unde dicit *vae*, id est æterna damnatio vobis imminet, *Scribe* quod putatis vos peritos in lege: & *Pharisei*, qui dicitis vos prælatos in sanctitate: *hypocrita* simulantibus quod non estis, *qui clauditis regnum cælorum ante homines*, id est qui vestris pravis expositionibus veritatem scripturarum absconditis, vel malo exemplo alios scandalizatis: *vos autem non intratis*, quia intelligere & credere non vultis: *nec introire volentes*, id est credere cupientes *finitis intrare*, imò facitis errare. Dupliciter enim impeditur ingressus alicujus in domum: uno modo, quando clavis tollitur: aliò modo, quando obstaculum ponitur. Spiritualiter autem secundum Chrysost. Regnum cælorum sunt Sacra Scripturæ, quia in eis regnum cælorum est insertum. Ille ergo claudit hoc Regnum alteri, qui clavem portat, & non aperit, scilicet qui habet scientiam, & docere contemnit, vel negligit: iste verò obstaculum ponit, qui per malum exemplum alios impedit ne intrent, vel intrare velint. Quamvis ergo Scribæ & Pharisei per scripturas cognoscerent & scirent Christi adventum tamen ipsi considerabant, quod si Christus creditus fuisset, consuetudo sacrificiorum & oblationum cessaret, & sic ipsi oblationibus sacrificiorum fraudarentur: & ideo prava expositione, & perversa interpretatione ante conspectum populi claudabant januam legis & Prophetarum, qui de adventu, Christi manifestissime locuti fuerant, ut à fide Christi homines retraherent. Malis quoque operibus & exemplis simplices à fide avertebant, & sic eos scandalizantes, regnum cælorum ante illos claudabant. Primò quidem ipsi cognitionem de Christo habuerunt, sed postea per invidiam cæcati perdiderunt, & in errorem conversi sunt. & multos alios errare fecerunt. Vel secundum alios, regnum cælorum hic accipitur pro æterna beatitudine: ostium, per quod intratur ad ipsam, Christus est, secundum quod ipsemet dicit: *Ego sum ostium* per Me, si quis introierit, salvabitur. Clavis, est doctrina: & ideo per sanam doctrinam aperitur hoc ostium, & per falsam doctrinam clauditur. Igitur quia Pharisei & Scribæ auctoritates, quæ sunt in lege & Prophetis de Christo, corrumpebant: ideo Regnum Cælorum ante homines claudabant: eos à fide & notitia Christi vera avertendo, & in errorem mittendo. Ipsi non intrabant, quia à cognitione quam de Christo habuerunt per odium & rancorem in errorem conversi sunt: *nec introeuntes*, id est intrare volentes, *quales erant simplices populi*, sinebant intrare: quia per eos fuerunt decepti, & à fide Christi pro



Secundæ Partis Caput XXXVIII.

231

pro majori parte averſi. In ſecundo redarguit eos de gula, & gaſtrimagria: quia ſub ſpecie Cultus Divini & religionis *oratione longa*, ſcilicet in verbis, ſed brevi in affectu & ſententiis, *orantes* ut ſanctiores apparerent, & majora dona reciperent: comedebant ſubſtantiam pauperum: ſcilicet *domos viduarum*, affectum pietatis ad eos habentium, bona earum ſibi attrahentes, & conſumentes ſub ſimulatione & falſa ſpecie ſanctitatis: quia ſua ſuperſtitione nihil intendebant, niſi ut prædam de ſubjecta plebe facerent: & magis de viduis, quæ facile decipiuntur, non habentes virum qui conſulat, & habentes vendendi libertatem, quod voluntas ſuggerit. Et ex hoc factum eorum aggratur: quoniã non à divitibus, ventre ſed à viduis implebant: & illarum inopiã attrahebant, quam emendare oportebat. Ubi Chryſoſt. Dum Judaicos ſacer- *Chryſoſtom.* dotes confundit, Chriſtianos ſacerdotes monet nō permanere cū viduis ampli- *ibidem.* quã cū cæteris: quia & ſi voluntas mala nō eſt, ſuſpicio tamen mala eſt. Deinde & huius rapinæ modus erat gravior: ut enim dicit Chryſoſt. Qui malū facit, dignuſt *Idem h. 74* eſt pænã: ſed quia à religione cauſam accipit malitiæ, gravioreſt obnoxius *in Matt.* pænã. Unde ſequitur: *Propter hoc*, ſcilicet nō ſolū propter rapinã: ſed etiã propter veſtram ſimulationem, *amplius accipietis iudicium*, & maiorem damnationem. Ubi Chryſoſtomus. Primum quidem pro eo, quod ſigmentum Sancti- *Idem h. 44* tatis aſſumitis: avaritiã enim veſtram religionis colore depingitis, & quaſi *aperis & perf.* diabolo præſtatis arma DEI, ut armetur iniquitas dum pietas æſtimatur. Unde *Beda in cap.* & ſecundū Bedam: Non tantū ait, accipient damnationem: ſed adjunxit, *20. Luca.* maiorem: ut inſinuet illos qui orant ut videantur ab hominibus, damnationem mereri: ſed eos qui hæc prolixius, quaſi religioſiores agendo, non ſolū laudes ab hominibus, ſed & pecunias quærunt, prolixiori damnatione plectendos. Iſtorum ergo oratio ſit in peccatum: ut non ſolū pro aliis intercedere non poſſint: ſed nec ſibi ad ſalutem proficere: imò pro ipſis orationibus magis damnabuntur. Unde & Iſid. Dupliciter damnantur hypocritæ: vel pro occulta iniquitate, vel pro aperta ſimulatione. Ex illo enim condē- *Augustinus* mnantur, quia iniqui ſunt: ex iſto, quia oſtendunt quod non ſunt. Unde ſe- *in Pſalm. 6.* cundū Auguſt: Simulata æquitas, nō eſt æquitas, ſed duplex iniquitas, & ideo *Augustinus* plectenda majori pænã. In tertio redarguit eos de inani labore, & nequitia: quia *in Pſalm. 6.* multi eorū circumeunt mare & aridam, civitates & villas, luſtrantes orbē, ut ex *va de inani* gentibꝫ *unumproſelytum faciant*, id eſt aliquē de gentilitate ad Judaïſmū trahant & *gloria.* convertant: & non propter miſericordiã, ut eos ſalvent: ſed aut propter vanam gloriam, ut pietati fidei, & cultui, Chriſtianæ religionis obſiſtant: aut propter avaritiã, ut additis in ſynagoga Judæis, ſacrificiorum oblatio ad- *Proſelyti* deretur eis. Proſelyti dicuntur, qui relicto gentilitatis errore, ad Judaïſmum *qui dicuntur.* convertuntur: quorum raritas per unum ſignificatur. Ubi patet labor vacuus, quia pro uno circumeunt mare & aridam multi: ſed unus de mille Chriſtus circuit civitates & villas, & ſequuntur Eum turbæ multæ. Patet etiam nimia eorum nequitia: quia: pro quo laborant, ut ad ſe trahant, deteriorem ſe faciunt, & gehenna, ſeu perditionis filium duplo quàm ſeipſos. Qui ante dum *Ethnici cō-* ethnicus erat, ſimpliciter errabat, & ſemel filius gehennæ erat: ſed poſtea *aversi gravi9* videns eorum vitia, & corruptus in moribus, per malam eorum vitam re- *dum retroc.* vertitur ad gentilitatem, & ſic prævaricator & apoſtata à lege quam ſervaverunt, *peccat* promiſſerat, in moribus & fide peccat, & majori pænã dignus, quia *melius 2. Pet. 2.* eſſet illi veritatem non agnoſcere, quam poſt agnitam retroſum converti. Similiter faciunt illi qui multum laborant ad hoc quod poſſint aliquem ad religionem adducere, & cum adductus eſt, per mala exempla faciunt eum apoſtatare: & ſunt noviſſima Ejus pejora prioribus: quia (ut hîc ait Hieronymus,) non *Hieronym.* eò ſtudio ſervamus, quæſita, quò quærimus: In quarto redarguit eos de ſtulti- *in cap. 23.* tia & fraudulentia: quia ut populum ad dandum & offerendum invitarent: *Matth* ea quæ erant propter templum, & altare, præferebant in honore & ſancti- *Va de frau-* tate Ipſi templo, & altari ſanctiora: dicentes, quod ſi quis juret per tem- *dulenta ſtul-* plum, vel altare, nihil eſt: id eſt, nihil debet, nec obligatur iſtò juramento, *titia.* & convictus mendacii non tenetur reus perjurii, nec eſt obligatus in aliquo: *ſed autem juret in auro templi*, id eſt in pecunia, quæ offerebatur ſacerdotibus in templo, vel in dono & oblationibus, idem in hoſtia & victimis quæ offeruntur DEO ſuper altare: debet, id eſt obligatur, & convictus ſtatim illud in quo ju- *rayit*



*Juramentū* traxit tenetur exsolvere : & hoc studiosissime solebant repetere. Sanctio ergo per creaturas erat talis quod juramentum per creaturas non erat obligatorium : nisi solum cum jurabatur per aurum & dona templi , & alterius : in quo non attendebant DEI timorem , sed suam cupiditatem . Unde decipiebant populum , dicentes aurum & dona sanctiora esse , quam templum & altare : ut homines promptiores fierent ad offerenda dona : sed errabant , quia majus est quod sanctificat , quam quod sanctificatur : ergo & templum majus est quam aurum , & altare majus quam donum : quia templum & altare quodammodo sanctificant in eis oblata : quia erant DEO dicata , ergo & juramentum per templum & altare majus est , quam per aurum templi : vel donum altaris . Unde vocat eos cecos duces , quia in errore erant , & alios in errorem ducebant : & iste error maxime ex cupiditate procedebat . Item convicit eos alia ratione , quia in juramento quod fit per templum , vel altare , continetur juramentum per aurum vel per donum : qui enim jurat per altare , ex quo derivatur oblatores sanctificatio : jurat etiam in contentis in illo : & qui jurat per templum , jurat etiam in habitante in ipso : & ideo juramentum per templum , vel altare , magis est obligatorium , quam per dona templi vel altaris . Similiter quia Judæi consuetudinem habebant per cælum jurare ideo ad reprehensionem eorum subdit : *Et qui jurat per cælum , jurat in throno DEI , & in DEO qui sedet super Eum* . Non ergo sicut arbitrantur evadunt periculum ex eo quod non jurant per Deum , sed per thronum DEI , scilicet cælum . Qui enim per subiectam creaturam jurat , implicite jurat per Creatorem creaturæ Præsidentem : & ideo juramentum per creaturas licitum , est obligatorium .

*Jurare propter Evangelium* . Christiani eodem vitiō & simili errore laborant : qui putant majus esse jurare per Evangelium , quam per DEUM : & cum per Evangelium jurare timeant , per DEUM tamen frequenter ex usu vitioso jurare non formidant , cum tamen tota Sanctitas Evangelii à DEO veniat . Scripturæ enim propter Deum factæ sunt , non DEUS propter scripturas : & ideo major est

*Vae de ignavia circa salutaria* . Deus qui sanctificat Evangelium , quam Evangelium quod sanctificatur ab eo . In quinto redarguit negligentiam , & segnitiam quam habebant circa magna & utilia , ad salutem animarum pertinentia , gerentes magnam sollicitudinem & diligentiam circa minuta & temporalia , quia decimabant omne olus , & minimas res , sed in judiciis justitiam , in pauperes misericordiam , & in Deum fidem , quæ magna sunt , prætermittebant . Fides importat debitum ordinem hominis ad Deum , judicium autem importat debitum ordinem hominis ad proximum , in his quæ habent rationem debiti , misericordia autem , in his quæ habent rationem doni , & in his tribus intelliguntur omnia illa , quæ ad salutem sunt multum necessaria . Quod autem dicit *decimatis* , potest dupliciter intelligi . Uno modo respectu sui , quia licet ministri receperunt decimas à populo , tamen de illis acceptis à populo , & de his quæ habebant ex labore suo , decimas reddebant sacerdoti Summo . Ad simulationem quippe sanctitatis reddebant eis decimas de minimis , & ratione cupiditatis , ut per exemplum sui inducerent populum ad reddendum sibi decimas de omnibus usque ad minima . Aliter potest intelligi respectu aliorum , quos ad strictè solvendum decimas inducebant , quas ab eis usque ad minima extorquebant . Et ne aliquis crederet quod de minimis rebus non essent decimæ dandæ , subiungit , quod Principalibus oportet facere hæc majora , scilicet *judicium & misericordiam* , ac ea quæ sunt fidei agere tanquam magis necessaria , & illa , scilicet minora , scilicet decimationem minimarum rerum non omittere tanquam bona minora , quia præceptum DEI est de omnibus , tam minoribus quam majoribus decimas dare , & omnia præcepta legis tam maxima quam minima oportet implere . Deinde has simulationes eorum arguit , quia erant duces habentes regere populum , cæci pervertentes intellectum scripturarum , colantes & purgantes culicem , id est minora cum diligentia disquirentes & tractantes : *camelum autem glutientes* , id est majora subterfugientes , & pro nihilo reputando omittentes . Culex quippe animal parvum est , ab aculeo dictum : habet enim in ore fistula ad modum stimuli , quod pungit carnem & fugit sanguinem , per quod minor transgressio intelligitur .



Camelus verò est animal magnum & deforme: per quod major *Camelus.*  
 pravaricatio designatur. Ubi Chrysost. Quoniam Scribarum & *Chrysost. hō.*  
 Phariseorum ad quos loquebatur, quidam erant Sacerdotes, qui *44. operis*  
 dam autem populares, non est incongruum, ut duplicem hujus *imperfecti.*  
 loci faciamus traditionem, ut una pertineat ad populares, qui deci-  
 mas dant: alia autem ad Sacerdotes, qui decimas accipiunt. Ete-  
 nim ipse sermo dubius est, qui dicit: *Va vobis qui decimatis*, quia &  
 qui accipit decimas, rectè decimare dicitur, & qui dat. Scribæ ergo  
 & Pharisei minimorum olerum decimas dabant, ut per hoc viden-  
 tes eos dicerent homines: Putas quomodo omnium rerum suarum  
 decimas offerre non prætermittunt, ut etiam contemptibilem ole-  
 rum decimas dare non negligant. Putas quomodo omnia præce-  
 pta DEI vita eorum consummat, ut nec in modicis his negligere ac-  
 quiescant: quod non erat verum. Nam minorum quidem rerum  
 decimas offerebant, ostendendæ religionis gratiâ, in judiciis autem  
 erant iniusti, in fratribus sine misericordia, in DEUM semper in-  
 creduli liquantes culicem, camelum autem glutientes: quoniam à  
 modicis quidem delictis se abstinebant, magna autem alacriter com-  
 mittebant. Nunc veniamus ad Sacerdotes. Hi ergo avaritiâ ple-  
 ni, si quis de populo decimam alicujus rei vel minimæ non obtulisset, *Minora vi-*  
 ita eum corripiebant quasi magnum crimen fecisset. Si quis autem *tiæ, & non*  
 in populū aut in DEUM peccabat, aut alterum lædebat, aut aliquid *majora ca-*  
 de tali faciebat, nemo curabat corripere eum, quasi nullam culpam *stigantes.*  
 fecisset. De suo quidem lucro sollicitè agebant: de gloria verò DEI,  
 & salute hominum, negligebant. Sic & modò fit: Quia omnes de  
 suo honore solliciti sunt, de honore autem DEI, nullus. Et porti-  
 ones quiq; suas vigilanter aspiciunt & defendunt, sed circa obsequi-  
 um Ecclesiæ, curam impendere non attendunt. Si populus deci-  
 mas non obtulerit, murmurant omnes: & si peccantem populum  
 viderint, nemo murmurat contra eos. Ipsi sunt qui docent popu-  
 lum, suò exemplò liquare culicem, & camelum glutire, id est; à mo-  
 dico peccato se continere: majora autem committere. Hæc Chry-  
 stomus. O! quantum adhuc hodie cæcitas Scribarum & Phariseorum  
 regnat (proh dolor) in Prælatiis tam Religiosis, quàm sæcularibus,  
 qui sollicitè curam de solutione decimarum & censuum quæ eis de-  
 bentur, & parùm curant si subditi in majoribus involvantur crimi-  
 nibus, qui minora subtiliter discutiunt, & majora subticent, ac ma-  
 gnâ in minimis, sed parvâ vel nullâ in maximis diligentiam  
 adhibent: puta si quempiam de Clericis suis vel monachis de-  
 prehendant in cæremoniis exterioribus offendere, asperè redargu-  
 unt, & si superbus est, aut invidus, vel detractor, vel seminator di-  
 scordiz, & turbator pacis, sub silentio prætereunt: plùs punitur ali-  
 quis pro omissione unius constitutionis vel admonitionis, ac de trans-  
 gressionem decretalium & constitutionum hominis, quàm Evangeli-  
 orum & mandatorū Christi. Curam animarum negligūt, & negotia  
 exteriora agunt: non curant fructum animarum, sed excrecentiâ di-  
 vitiarum: per mundum discurrunt, gregem sibi commissum non cu-  
 stodiunt. Custodiat eum, qui custodit Israël. In sexto arguit eos  
 simulationis & mendacii, quia plùs curabant lavare sordes exteriores,  
 quàm interiores: plùs corporum & vasorum, quàm morum & viti-  
 orum. Pharisei enim quando debebant ascendere in templū, ad o-  
 stentationem mundiciæ primò lavabant utensilia domūs, ac vestimen-  
 ta, & consimilia: & parùm curabant de interiori mundicia intrinse-

Matth. 23.

Minora vi-  
tiæ, & non  
majora ca-  
stigantes.

Va de simu-  
latione &  
mendacio.



cus. Sic etiam foris ostendebant hominibus sanctitatem in habitu, in sermone, in phylacteriis, in fimbriis, in orationū lōgitudine, & ceteris hujusmodi, intrinsecus autē in conscientia & mente erāt *pleni rapina*, per affectum ambitionis: & *immundicia*, per voluptatem carnis, vel *rapina*, id est; avaritiæ & *immundicia*, id est; sordibūs vitiorum, quia quod bibebant & manducabant, aliis auferabant, & per hoc cibus & potus eorum immundiciam peccatorū habebat. In hoc verò multum errabant, & magna cæcitas eorum erat, quia plūs curandū est de mūditia interiori, quā exteriori, quia exterior non est DEO accepta, nisi per interiorē. Tales sunt etiam modò multi, qui sunt sicut fimus nive dealbatūs, exterius decorati, & intus iniquitate pleni. Unde si quis interiora exterius evolveret, multum fœrorem, multamq; saniem inveniret. Unde in Ezechiel: *Fili hominis fode parietem, & videbis abominationes*: mundandum est ergo intus est calicis & paropsidis, id est cor purgandum est à vitis, quia per interiora calicis & paropsidis intelligit metaphoricē interiora mentis, ex cuius mundicia dependet bonitas mundiciæ exterioris, & ideo sequitur, *ut fiat quod deforis est mundum*, id est; vera sit ostensio sanctitatis, non malitia dissimulationis. Unde Origenes: Hic sermo nos *Tract. 25.* instruit, ut festinemus esse iusti, non apparere. Qui enim studet in *Matth.* ut appareat iustus, quæ à foris sunt mundat, & quæ videntur curat, cor autem & conscientiam negligit. Quia autem studet ea quæ intus sunt, id est; cogitationes mundare, consequens etiam est, ut ea quæ à foris sunt faciat munda. Et notandum quod in triplici v<sup>a</sup> positum est nomen cæcitatis, eò quod triplex cæcitas arguatur in *Cæcitas triplex.* Primò, in docendis, scilicet in v<sup>a</sup> quarto. Secundò, in corripi-  
*plex & ejusmodi,* sive in eligendis. scilicet in v<sup>a</sup> quinto. Tertiò, in agendis, ut  
*ra.* hic in v<sup>a</sup> sexto. In septimo demonstrat hoc idem per exemplum sepulchrorum, ut quomodo sepulchra dealbata calce levigata sunt forinsecus, & ornata marmoribūs, ac distincta aurò & coloribūs, *intus autem plena sunt ossibūs mortuorum,* & ideo horribilia, & omni spurcitiā. scilicet putredine & fatore, & ideo abominabilia. Unde dicitur *Sepulchrum* sepulchrum, quasi semipulchrum, sic & ipsi mundiciam, & justitiam in habitu vestis, & humilitate verborum ostendentes exterius dealbati sunt, propter boni simulationem: intus autem pleni sunt hypocrisis, id est; amore vanæ laudis, quantum ad intentionem simulationis, & iniquitatis, id est; odiō veritatis, quantum ad actionem malignitatis. Exterius habent conversationem honestam, ut *Chrysost. hō.* cooperiat malitiam occultam. Isti significantur per Bel, qui exteri-  
*43. Operis* us erat æreus & intus luteus. Ubi Chrysostomus. Meritò quidem *imperfecti.* iustorum corpora templa dicuntur, quia in corpore iusti anima dominatur & regnat, quasi DEUS in templo, vel certè quia Ipse DEUS in corporibus habitat iustis. Corpora autem peccatorum, sepulchra dicuntur mortuorum, quia anima mortua est in corpore peccatoris: nec enim vivens putanda est, quæ nihil vivum, aut spirituale agit in corpore, vel quia mors ipsa in corporibus habitat peccatorum. Sicut ergo sepulchrum, quamdiu clausum est, pulchrum videtur à foris, si verò apertum horribile, sic simulatores bonorum, quādiu non cognoscuntur, laudabiles sunt, cum autē cogniti fuerint, inveniuntur abominabiles. Dic hypocrita, si bonū est esse malū, ut quid non vis esse apparere quod vis esse? Si bonū autē est esse bonū, ut quid non vis esse quod vis apparere, nam quod turpe est apparere, turpius est esse, quod autem formosum est apparere, formosius est esse.  
Ergo



Ergo aut esto quod appares, aut appare quod es, quia manifestum malum à sapientibus non reprehenditur, dum insania æstimatur. Hæc Chrysostomus. Unde & Bernardus: Quem dabis de filiis Adam, qui quod est non dico velit, sed vel patiaturs <sup>V a homici-</sup> <sup>darum:</sup> videri? In octavo arguit eos filios esse homicidarum, quia propter opinionem bonitatis, & gloriæ in populos, ut iusti viderentur, sepulchra & memorias Prophetarum & occisorum ambitiosè ædificabant, & magnificè ornabant, quos maiores eorum interfecerunt, & dicebant quòd si fuissent in diebus Patrum suorum, non essent socii eorum in sanguine Prophetarum, id est; ad effundendum sanguinem eorum, nec fecissent ea quæ Patres sui fecerunt, in quo testantur se filios eorum qui Prophetas occiderunt. Scelera Patrum, propter speciem sanctitatis, verbò suò reprobant, & persequendo sanctos, ut Christum & suos, eadem scelera faciunt, & sic factò reprobant quia filii sunt non solum carne, sed etiam imitatione: non solum quantum ad naturam, sed etiam quantum ad mores. Non enim eos inculcat quoniam sepulchra ædificant, sed intentionem eorum reprehendit, quia non propter honorem eorum qui occisi fuerant, nec propter amorem pietatis & veritatis hoc fecerunt: sed propter amorem vanæ laudis, quam in hoc quærebant. Unde Chrysostomus. Qui martyrum Ec- <sup>Chrysost. hō.</sup> <sup>45. operis</sup> <sup>imperfecti.</sup> <sup>Templa non</sup> <sup>sunt ex ma-</sup> <sup>le acquisitis</sup> <sup>facienda.</sup> clesias ædificant & ornant, bonum opus facere videntur: sed siquidem & aliàs justitiam D E I custodiunt, si de bonis eorum pauperes gaudent, si aliorum bona per violentiam non faciunt sua, scito quia ad gloriam DEI ædificant. Sin autē quis nō intelligat, quia non ad gloriam DEI faciunt ædificia illa? sed propter æstimationem humanam ædificant altaria martyrum, ubi pauperes passi violentiam ab eis interpellant contra eos? Non enim gaudent martyres, quando ex illis pecuniis honorantur, in quibus pauperes plorabant: Qualis est ista justitia, munerare mortuos, & spoliare viventes: de sanguine miserorum tollere, & DEO offerre? Illud non est DEO offerre, sed velle violentiæ suæ socium facere DEUM: ut cum oblatam sibi pecuniam de peccato libenter acceperit, consentiat in peccato. Vis domū DEI ædificare? da fidelibus pauperibus unde vivant, & ædificasti rationabilē domū Dei. In ædificiis enim homines habitāt, Deus autē in hominibus sanctis. Quales ergo illi sunt qui homines spoliant, & ædificiū martyrum faciūt, habitationes hominū cōponūt, & habitationes DEI disturbant? Quæ est autem justitia sanctos colere, & contemnere sanctitatem? Primus gradus pietatis est, sanctitatem diligere, deinde Sanctos: quia non sancti ante sanctitatem fuerunt, sed sanctitas ante Sanctos. Sine causa ergo justò honorat, qui justitiam spernit. Non possunt Sancti amici esse illorum, quibus DEUS est inimicus. Dicebant apud se: Si bene fecerimus pauperibus, quis illud videt? Et si viderint, non multi vident: & si multi viderint, pro tempore vident. Transit tempus, & cum tempore transit beneficii memoria. Melius est ergo ædificia facere quæ aspiciant omnes, non in hoc tempore solum, sed etiam in posterū. O! insipiens homo, quid prodest tibi post mortem ista memoria, si ubi es torqueris, & ubi non es laudaris. Hæc Chrysosto. Deinde probat quòd sint filii homicidarum: & ostendit eos non solum genimina viperarum, quòd ad malitiam in imitatione malorum, ac Paternæ nequitiae imitatores: sed etiam Parentibus deteriores: & quòd fictio erat hoc quod dicebant, scilicet quòd non communicassent operibus eorum, si in tempore illo fuissent. Unde dicit: *Et vos implete*, id est; implebi-



*Hieronymus* plebitis, mensuram Patrum vestrorum. Secundum Hieronymum &  
*in c. 23.* Chrysostom. Non jubet vel præcipit: sed quod futurum erat, præ-  
*Matth.* dicit & ostendit. Mensuram enim Patrum suorum implere cupie-  
*Chrysost. h.* bant, & jam impleverunt: quia quod illis defuit, isti suppleverunt:  
*21. in Mat* Nec solum impleverunt, sed mensuram multum excesserunt: quia  
*Mensuram* illi occiderunt homines, isti DEI filium: illi servos, isti Dominum:  
*Patrum im* illi ministros, isti Regem: illi membra, isti Caput: illi Prophetas, isti  
*plere.* Prophetarum Magistrum, qui à Prophetis prædictus est, scilicet Chri-  
 stum. Deinde postquam ostendit in Phariseis multiplicem culpam,  
 ostendit consequenter pœnam dicens: *Serpentes*, venenum invidia  
 habentes: *genimina viperarum*, quia venenum malitiæ à Patribus tra-  
 xerunt: *quomodo fugietis à iudicio gehennæ?* quasi diceret, nullò mo-  
 dō, quia erant in malitia obstinati. Non solum autem hanc pœnam  
 meruerunt propter mortem Christi, sed etiam propter occisionem  
 Apostolorum & discipulorum Ejus: & propter hoc sequitur: *ideo*,  
 scilicet quia dicitis, non essemus socii Eorum: id est, homicidarum,  
 ut ostendam vestrum mendacium: *Ecce ego mitto*, seu mittam ad vos  
 instruendos & revocandos ad me, *Prophetas, & sapientes, & scribas*,  
 scilicet Apostolos, qui spiritu Prophetico pleni erant: & corda sa-  
 pientiæ Divinæ erudiebant: & tanquam scribæ docti de thesauris su-  
 is nova & vetera proferebant: & *ex illis occidetis, & crucifigetis, &*  
*flagellabitis in synagogis, & congregationibus vestris: & persequemini*  
*de Civitate in Civitatem*, quod & fecerunt: & quos illi ideo quia non  
 viderunt non occiderunt, isti videntes Eorum desiderium impleverunt:  
 & sic mores Patrum iniquorum sequendo, se filios Eorum esse te-  
 stati sunt. Deinde ut ostendat quoniam non impunè hoc faciunt  
 timorem eis ex his incurit dicens: *Ut veniat consecutivè*: quia est  
 consecutio æquitatis: *super vos*, id est, generationem vestram & omni-  
 um malorum vobis consimilem, *omnis sanguis iustus*, id est, debita ul-  
 tio pro omni effusione sanguinis iustorum, à sanguine Abel iusti, cu-  
 jus munera narrantur à DEO accepta, usque ad sanguinem Zacharie  
 filii Barachie, id est, Jojadæ Sacerdotis, qui propter suam justitiam  
 dictus Barachias, qui interpretatur benedictus Domini, quem occi-  
 distis, id est, vestra generatio vobis similis occidit inter Templum &  
 Altare, scilicet holocaustorum, quod arat extra Templum: scilicet in  
 atrio ipsius Templi. Sed licet multi post & ante ab hac generati-  
 one sint occisi tamen potius nominat istos duos quàm alios: ut in  
 uno Laici, scilicet Abel qui fuit Pastor ovium, & in campo ne-  
 catus: in alio Clerici, scilicet in Zacharia, qui fuit Altaris officio man-  
 cipatus, & in atrio templi occisus, intelligantur: per hos duos omnes  
 Sancti Martyres, Laicalis scilicet & Sacerdotalis ordinis, designantur.  
*Amen amen dico vobis, venient omnia*, scil. scelera & scel erū punitiones,  
*super generationem istam*: scil. vestram & omnium malorum, & si non omnes  
 sint uno tēpore, tamē omnes sunt unū corpus diaboli. Deinde cōver-  
 tit sermonem specialiter ad Metropolim Civitatem Hierusalē in qua  
 erant magis culpabiles: eam pii Patris affectu plangendo: & ex hoc  
 Auditores erudiendo dicens: *Hierusalem Hierusalem*. Hierusalem  
 vocat habitatores, non ædificia Civitatis, ponendo continens pro  
 contento: & alloquitur hic populum judaicum, sub nomine Civi-  
 tatis Metropolitana. Geminatio verò hujus verbi Hierusalem mise-  
 rentis est, & miseriam vocantis, ac valde diligentis. Vel geminat  
 propter vehementem reprehensionem, & majorem exprobrationem.  
 Vel quia factos affligebant dupliciter: & corporaliter, & spiritualiter.



*Quæ occidis Prophetas, Dominum etiam occisura Prophetarum: & lapidas eos qui ad te, id est; ad tuam utilitatem & instructionem, & ad increpandum scelera tua, missi sunt. Ideo incurabilis est plaga: quia eos abiicis, qui tibi salutem offerunt. Unde Chrysostomus: Quo- modo saneris, quæ nullum ad te Medicum pervenire permittis? Sanctis meis non peperci, ut tibi parcerem peccatrici. Illorum vitam neglexi, ne mortem tuam viderem. Omnes Medici spirituales in te defecerunt, & tu curata nos es. Si de morte tua gavisus fuisset, nunquam ad te misisset Prophetas. Si te perdere voluisset: nunquam ad te Ipse venisset: Ego quid faciam, si tu ipsa vivere non vis? Hæc Chrysostomus. Quotiens volui ego qui mortem peccatoris nolo, Ego qui omnes peccatores salvare volo: non quidem semel verbis, sed multotiens. Primò, per legem naturæ. Secundò, per legem scripturæ. Tertiò, per legem gratiæ. Item in mane pueritiæ, in tertia adolescentiæ, in sexta juventutis, in nona senectutis, in vespere decrepitæ ætatis, congregare, sub cultu unius DEI per fidem & charitatem, filios tuos, scilicet iudæos, prædicationibus Prophetarum & miraculis, & te mihi adjungere & meis. Multi sunt dispersores, sed pauci ad bonum congregatores: dispergit nempe diabolus, dispergit mundus, dispergit carnalis affectus, dispergunt tentatores: sed Dominus vult congregare in unitatē, fidei in unitatē charitatis, in unitatē supernæ Civitatis. Sequitur: quemadmodum gallina congregat pullos suos: sub alas. Ponit exemplum de gallina, ad ostendendum affectum suum ad populum: quia inter alias aves videtur magis affici ad nutritionem & conservationem pullorum: tam magnum enim affectū in filios habet, ut eorum infirmitate affecta infirmetur & ipsa, & eos alis protegens contra milvum pugnet. Sic & DEI Sapientia per carnis susceptionem infirmata protegit nos, & defendit à diabolo, ac nutrit & conservat suā gratiā. Et noluiisti quinimo neglexisti, contradixisti, impedivisti: quia Prophetas à DEO missos, postea Joannem Baptistam, & ultimò Dominum nostrum JESUM Christum, & ejus discipulos contempserunt: imò & occiderunt: ac si diceret, Ego volui, sed tu noluiisti. Ego quod meum est feci: sed tu quod tuum erat non fecisti. Ego pro tua salute Prophetas ad te misi: sed tu eos interfecisti. Ego ad te Ipse veni, & tu me recipere noluiisti. Tibi ergo imputandum & tuæ malitiæ, non mihi. O quotiens monet nos DEUS: modò blanditiis, modò increpationibus: nunc sic, nunc sic. Et parum advertimus. Et ideo valde timenda est nobis pœna quæ sequitur. Tandem enim ex multiplici eorum culpa, multiplicem eis comminatur pœnam. Primò temporalem, quam plūs timebant & semper formidabant, subversionem Civitatis & templi desertionem, dicens: Ecce relinquetur vobis à DEO domus vestra, scilicet Templum & Civitas, deserta: quia per Romanos fuit destructa: deserta quidem & nudata auxilio, Christi quia Habitatorem Christū dereliquerunt ac perdiderunt ac hæreditatem præripere gestientes, Hæredem occiderunt. Ergo Christus erat qui antea eis præsidebat, & eos manu tenebat ac gubernabat, & ab hostium manibus eripiebat. Item deserta Angelorum custodiā: quia audita est vox in templo. Transeamus ab his sedibus. Mysticè etiam domus iudæorum deserta & vacua derelicta est, id est; indigni habitudine Sancti Spiritus remanserūt: quia in incredulitate perseverantes, Christū Hospitem non susceperunt. Ubi Chrysostomus: Deserta est à sanctis, deserta est à sanctitate, à fide, à charitate, à gratia & spiritus deserta*

Chrysostomus  
hom. 46.  
Operis im-  
perfecti.

Ezech. 18.  
1. Tim. 2.

Deserta  
Hierusalem  
à DEO.

Hierusalem  
ab Angelis  
deserta.

Chrysostomus  
Ibidem.



*Origenes* quæ ab ipso DEO, & à bonis omnibus quæ sunt DEI. Ubi & *Origenes*:  
*Tract. 26.* Semper etiam eis qui noluerunt congregari sub alas ejus, commi-  
*in Matth.* natur Christus: Ecce relinquetur vobis domus vestra deserta, id est; anima & corpus. Deinde comminatur eis pœnam æternam, quæ est carentia suæ visionis: nisi à suis convertantur nequitii, dicens: Dico enim vobis. Non me & faciem meam videbitis à modo ab hoc, scilicet tempore passionis meæ, donec dicatis Benedictus qui venit in Nomine Domini, id est; donec etiam inviti confiteamini me esse Christum Benedictum Filium, à Patre missum, à Prophetis prædictum: quod erit in adventu charitatis ad judicium. Unde *Zacharias*: *Aspi-*  
*Zach. 12.* *cient me Quem confixerunt.* Revera enim post passionem suam visus est à discipulis & amicis suis: sed non à judæis. Vel non videbitis me, id est; nisi dicatis pœnitendo, & Me DEI Filium per fidem confitendo, *benedictus Qui venit in Nomine Domini*, id est; Hic est benedictus qui venit in mundum, per incarnationem missus à Patre: in quo innuitur conversio reliquiarum ante adventum ad judicium: tunc enim judæi qui in fine mundi credituri sunt in Christum, laudabunt & confitebuntur Ipsum. Ex his dictis exiens Dominus JESUS de Templo cum discipulis, recessit à judæis. Ubi *Origenes*: sed & unusquisq;  
*Ibidem.* cum sit Templum DEI, propter Spiritum DEI inhabitantem in se, ipse sit causa suæ desertionis, ut egrediatur Christus ab eo.

## DE SIGNIS ADVENTUS DOMINI,

Et consummationis sæculi.

## CAPUT XXXIX.

*Matth. 24.* **E**T cum Dominus JESUS eadem feriâ tertîâ egressus esset de tem-  
*Marc. 13.* plo: ipso egressu designans quod dixerat, scilicet domum judæ-  
*Luca 21.* orum deferendam, id est; Civitatem & Templum: discipuli admirantes si Templum tantæ pulchritudinis & fortitudinis destrueretur, id est; ad nihilum redigeretur: *Ostenderunt Ei edificationes templi*, non ignotas sed tanquam admirandas, ut propter nobilitatem & magnificentiam ædificiorum, quæ ad Divinum cultum facta erant, flecteretur ad misericordiam, & mitigaret pœnam comminatum. Videbatur etiam eis quod nec rapi, nec everti posset, vel dirimi. Non  
*Ornatus* respiciebant ad templi sanctitatem, sed ad ædificiorum pretiositatem  
*templorum.* & fortitudinem: sic hodie multi plus attendunt ad cultum Ecclesiæ corporalem, quam spiritualem. Unde *Hieronym.* Gemmis altaria  
*Episto. ad* fulgent, & ministrorum DEI nulla electio est. Sed contrarium fuit in primitiva Ecclesia, quia major vis fiebat in ornatu spirituali, quam in materiali. Unde *Augustinus.* Olim erant parietes Ecclesiæ viles, & viri pretiosi modò e converso. Ecclesiæ quippe ornatus non est in ædificiis & redditibus, sed in humilitate, hospitalitate, & pietate. Et respondens JESUS, dixit non solum hæc destruenda fore, sed & quod in eis non relinqueretur lapis super lapidē qui non destrueretur & cōminueretur, quātūcūq; pretiosa & fortia viderentur, & hoc autem factum est à Romanis quadragesimò secundò Annò post passionem Domini. Similiter erit de magnis & sumptuosis palatiis, quia non relinquetur lapis super lapidem in eis. Secundum *Bedam*: Divinitus procuratum est & provisum, ut patefacta Evangelica gratia per orbem, templum Ipsum cum suis ceremoniis tolleretur: ne quis adhuc parvulus & infirmus in fide, si viderit illa permanere quæ à DEO sunt instituta, à sinceritate fidei ad judaismum laberetur. Au-  
*Bedam in cap.*  
*13. Marc.* fertur



fertur ergo umbra, & palmam tenet veritas per orbem declarata. Omnis enim compositio mandatorum, sic est destructa, ut iudæi nihil impleant, & capite sublato membra inter se pugnent. Unde Chrysostomus. *hō. 48. operis imperfecti.* Illa Hierusalē figuralis typū gerit Hierusalē spiritualis, id est; Ecclesia. Nā nisi Templum istud destructū fuisset, observantia legis non facile fuisset compescenda. Ideo autem destructum est, ut si velint iudæi postmodum servare legem, non possint: aut de Pascha, aut de sacrificiis, aut de cæteris festivitatis. Ceciderunt corporalia & figuralia, ut surgerent spiritualia & vera mysteria: Hæc Chrysostomus. Et vadens Dominus ipsa die cum discipulis in Montem Oliveti, & sedens ibi contra templum, in loco ubi postea constructa est Ecclesia, interrogatur ab eis de tempore destructionis Hierusalem & Templi, & de signo adventus sui, & consummationis sæculi, quæ putabant sequi statim destructionem Civitatis & Templi. Istæ quæstiones fuerunt ei factæ in Monte Oliveti: & hoc rationabiliter, quia ex illo loco Templum & Civitas clarissimè videntur, & occasione hujus de destructione ibi quæritur. Similiter & iudicium extremum futurum est circa illum locum: ideo convenienter fit ibi quæstio de futuro iudicio. Et respondens JESUS dixit eis signa prædictorum, & eos circa quodlibet in necessariis & utilibus instruxit: nec dicebat quod eos scire non expediebat. De signis docet, de tempore intimandum non putat, quia incertitudo temporis inducit terrorem, & ita præparationem, sed ignorantia signorum posset inducere in errorem. Et quamvis plura ex his signis possint referri simul ad everisionem Urbis & Templi, & ad Christi adventum ante consummationem sæculi (secundum enim Chrysostomus: Dominus non separatim quæ signa pertineant ad hoc vel ad illud ponit, ut eadem videantur ad utrumq; pertinere) quia tamen everisionem Urbis & Templi jam completam & præteritam dignoscimus, ideo ad instructionem nostram omnia ad ea quæ restant referamus, quia possunt omnia de adventu Christi & consummatione sæculi intelligi, & per Apostolos omnium credentium personæ signari. Nam dicit hæc discipulis, non tanquam eis qui durare deberent in vita ista usq; ad finem mundi, sed in personis eorum dixit hæc omnibus posteris eorum credituris, quasi unum corpus existentibus cum ipsis: Sed antequam eis ad interrogata respondeat, mentem eorum ut non seducantur confirmat. Unde Chrysostomus. Neque enim de Hierosolymæ destructione, neque de secundo suo adventu, statim respondit, sed de malis quibus statim obviandum erat. Præmonit ergo Dominus fideles, ne seducantur, id est; seorsum à veritate fidei ducantur. Multi enim pseudo Christi, & pseudo Prophete, id est; simulati & falsi, venient; adscribentes sibi nomen Christi ex præsumptione, & dicentes se Christum esse, & seducunt multos, per fallam doctrinam, per simulatam vitam, per signa mirabilia. Unde Athanasius dicit: *Athanasius oratione prima contra Arianos.* In unaquaq; hæresi, diabolus figuratus dicit: Ego sum Christus, & apud me est veritas. Multi etiam videntur hoc dicere facti, quia statuta sua districtius faciunt observari quam præcepta DEI, volentes magis sibi quam DEO obediri. Sed non est venturus Christus, nisi præcedant signa ab Eo prædicta. Quæ ideo nobis Dominus prænunciat, ut nos ab amore mundi compescat, & timorem nobis incutiat, ac semper vigilantes & para nos inveniat, quia minùs jacula feriunt quæ ante prævisa sunt. Et præmittit Dominus primo in generali signa priora: scilicet prælia, quantum ad hostes extraneos: *Signa communia.*



*Mala septē,* & seditiones, quantum ad domesticos. Deinde subdit in speciali  
*præcessura* eorum multitudinem, tangens mala septem: quæ sunt inimicitia po-  
*adventum* pulorum, quia surget gens contra gentem: discordia Principum,  
*Christi.* quia regnum adversus regnum: commotio locorum per loca: infe-  
 ctiones morborum, quia pestilentia: defectus victualium, quia fames:  
 terror Cælestium impressionum, quia terrores de Cælo: novitas e-  
 ventuum mundanorum, quia signa magna erunt. Per hæc autem  
 septem quæ hic tanguntur, possunt intelligi septem mala, quæ ho-  
 die Ecclesia DEI patitur: quorum primum est discordia Ecclesiarum.  
 Secundum, impugnatio hæreticorum. Tertium, turbationes sæcu-  
 larium. Quartum, exempla malorum. Quintum, defectus Docto-  
 rum. Sextum, fulminationes sententiarum. Septimum, monstru-  
*Sapient. 5.* ositas ordinationum Ecclesiarum. Multa ergo mala præcedent, ita  
 ut impleatur quod dicitur: Pugnabit pro eo orbis terrarum contra  
 insensatos: ut qui contra Authorem omnium procaciter pugnaverunt,  
 iusto tunc DEI iudicio ab omnibus oppugnentur: & qui in cunctis  
 deliquerunt, in cunctis feriantur. *Oportet,* & conveniens est primum  
*hæc fieri,* tanquam à DEO ordinata, malitiâ hominum exigente &  
 DEO bonum inde eliciente: scilicet ad probationem & utilitatem bo-  
 norum, & ad destructionem & perditionem malorum: quia *hæc omnia*  
*initia & quasi præconia sunt dolorum futurorum: sed nondum statim est*  
*finis,* & consummatio eorum: quia ista sunt signa remota, non pro-  
 piaqua: vel quia ista sunt temporalia, sed consummatio dolorum  
*Malorum* erit æterna. Magnitudo enim malorum, iudicium generale præce-  
*magnitudo* dentium, est figura sequentium incomparabiliter graviorum. Nam,  
*Greg. hom* ut dicit Gregorius, per crebra mala quæ præveniunt, indicantur ma-  
*35. in Evā* la perpetua quæ sequuntur: quia multa debent mala præcurrere, ut  
 malum valeant sine fine nuntiare. Spiritualiter secundum Ambro-  
*Ambros. in* sium, sunt & alia bella quæ vir sentit Christianus, scilicet diversarum  
*cap. 21. Luc.* prælia cupiditatum, studiorum conflictus: multò etiam graviores sunt  
*Chrysostomus* hostes domestici, quàm extranei. Et secundum Chrysostomum.  
*hom. 76.* Spiritualiter in Ecclesia pestilentia carnalium vitiolorum, fames ver-  
*in Matth.* bi Divini, terræ motus tribulationum erunt: quia Ecclesia multum  
 in fine tentabitur. Deinde subdit quò merito hæc omnia contin-  
 gent: quia ante hæc omnia: scilicet hæc prædicta, erunt persecutio-  
 nes sanctorum, quibus incipientur manus ad capiendum, quique  
 tradentur ad tribulationes, & mortem etiam à propinquis & ami-  
 cis, & erunt odio omnibus hominibus, humum & terram, seu hu-  
 mana non Divina sapientibus: amicus enim DEI, inimicus est mun-  
 di: & in tali odio erunt propter nomen Christi, ac confessionem hu-  
 jus nominis, & assertionem veritatis: quod quidem jucundum & glo-  
 riosum est sanctis: quia felix est injuria, cum DEUS est in causa: quia  
 ad hanc sequitur magnum præmium, & gloria immensa. Qui  
 etiam post dura quæ prædicuntur de afflictione mortis, protinus con-  
*Capillus non* solantur de gloria resurrectionis: quia etiam capillus minimus de ca-  
*peribit &c.* pite eorum non peribit, & ideo multò magis cætera majora non pe-  
 ribunt: & hoc addit ad declarandum veritatem futuræ resurrecti-  
 onis: nam quidquid sive ad substantiam, sive ad decorem corporis  
 facit, in resurrectione redibit. Secundum sensum spirituales, ca-  
 pillus de capite dicitur non perire: quia nec minima mentis cogita-  
*Beda in cap.* tio bona, manebit irremunerata. Unde Beda. Non solum ossa no-  
*21. Lucæ.* stra, id est; fortia gesta vel dicta remunerantur: sed etiam capilli,  
 id est; minutissimæ cogitationes bonæ, quæ de corde quasi capillus  
 de



de cerebro exeunt, apud iustū Judicem digna mercede donabuntur. Unde Propheta: *Reliquiæ cogitationum diem festum agent tibi.* Simi. Psal. 75. litem nec cogitationes malæ remanebunt impunitæ. Et quia gravia sunt quæ Sancti in persecutionibus pati habebunt, ideo consequenter ad tollerantiam confortantur, in prædictis enim maximè necessaria est patientia: quia impatientia possidebunt, id est; custodient animas suas. Custos enim omnium virtutum patientia est, in qua animas, quæ corpus possident, possidemus, cum ipsas animas ad patiendum ratione regimus. Qui autem impatiens est, animam suam non possidet: quia animi sui furorem & iram cohibere non potest. Unde Beda: Sic enim conditi mirabiliter sumus, ut ratio animam, & anima possideat corpus. Jus verò animæ à corporis possessione præpeditur, si non prius anima à ratione possidetur. Custodem igitur conditionis nostræ patientiam Dominus esse monstravit: quia ipsa nos possidere nosmetipsos docuit. Hæc Beda. Magna igitur est virtus patientiæ, sine qua anima perditur, & per quam possidetur. Qui enim patienter suffert tentationem, accipiet coronam: sed qui perdit patientiam, perdit & coronam. Unde Gregorius, eam commendans, dicit: ego virtutem patientiam patientiæ signis & miraculis esse maiorem puto. Et Salomon. *Melior est patientis, virò fortis: & qui dominatur animo suo expugnatore urbium.* Unde & Seneca: Tormenta patienter ferre, optabile est: hoc enim fortitudinis pars est. Non enim pati tormenta optabile est: sed pati fortiter, quod est virtus. Cum aliquis tormenta fortiter patitur, omnibus virtutibus utitur: fortasse cum una in promptu sit, & maximè appareat patientia, illic est individuus comitatus virtutum. Quidquid honeste fit, una virtus facit: sed ex consilii sententia. Hæc Seneca igitur, ut ait Chrysostomus. Injuriam hominum nullum faciunt damnum: sed magis patientiæ lucrum. Quia verò tot terroribus auditis Sancti turbati potuerunt, timentes quid tunc respondeant: consolationem supponit de dando eis in præmeditatis os & sapientiam ac dicendi & respondendi materiam, quibus nullus poterit resistere vel contradicere: quia non ex ingenio vel arte eorum procedent verba, sed ex Spiritus Sancti gratia. tunc multi scandalizabuntur; id est; discedent à fide, & ruent in errores timore vel immanitate tormentorum: aut portentis seu muneribus seducti. Et quoniam abundabit iniquitas, & malitia in falsis Christianis: ideo refrigescet, & deficiet charitas, id est; vera dilectio erga DEUM & proximum, in multis aliis ab igne Divini amoris, licet totaliter non cadat in eis. Ex abundantiā enim iniquitatis oritur tepiditas charitatis pro tribulatione, quæ calere videbatur ante tribulationē & in pace. Denique, ut ait Ambrosius, tunc iustus in deserto: iniquus in regno. Vel in eisdē in quibus abundat iniquitas, refrigescit charitas. Nam, ut ait Remigius, quāto magis ab unoquoque iniquitas suscipitur, tantò amplius in corde ipsius ardor charitatis extinguitur. Qui autem perseveraverit, in fide veritatis, in amore bonitatis, usque in finem, & terminum vitæ præsentis: quocumque tempore incipiat, & quocumque tempore reincipiat, hic salvus erit, quia non cepisse, sed persistere virtutis est: & non inchoatio tollerantiæ, sed perseverantia coronatur. De hac materia persecutionum habes latius supra post missionem Apostolorum. Sed hæc prædicta more insolito, & multo violentius tunc fient, quā evenire soleant: ita ut pro signis habeantur. Et prædicabitur hoc Evangelium Regni, in universo mundo. Prædicatio novi testamenti dicitur

Luce. 21.

de Patientia laus.

Beda ibide.

Gregor. hom. 38. in Evāg. Prov. 16.

Chrysostomus hom. quod nemo leditur, nisi à seipso.

Ambrosius in cap. 21. Luca.

Evangelium Regni.



Evangelium, ratione suæ perfectionis & bonitatis: videlicet quia bonum honestum, quia bonum jucundum, quia bonum utile: & dicitur Evangelium Regni, ratione suæ dignitatis: vel finaliter, quia ad Regnum ducit, quod lex non faciebat. Vel causaliter: quia reges facit. Vel materialiter, quia de Regno differit: & hoc in testimonium omnibus gentibus, id est; in accusationem his qui non crediderunt: qui enim crediderunt, testabuntur adversus eos qui non crediderunt: & eos condemnabunt: *Et tunc veniet consummatio*, cum ad fines orbis terræ sermo pietatis pervenerit ne aliquis excusare se

*Augustinus.* possit. Secundum Augustinum. Prædicatio Evangelii in toto mundo, quamvis fuerit completa quod ad omnes mundi partes, non tamen quod ad omnes homines, in omnibus partibus mundi existentes. Unde in omnem terram, sed non in omnes omnis terræ exivit sonus eorum: nisi forsitan per communem in generali relatum aliorum, & quod nondum in omnibus fuerat completum expectatur

*Hieronymus.* complendum. Unde & Hieronymus: Signum Dominici adventûs in cap. 24. est, in toto orbe Evangelium prædicari: ut nullus sit excusabilis:

*Matth.* quod aut jam nunc est completum, aut in brevi credimus esse complendum. Non enim puto aliquam remansisse gentem, quæ Christi nomen ignoret: & quanquam non habuerit Prædicatorem tamen ex vicinis nationibus opinionem fidei non potest ignorare. Hæc

*Chrysostomus.* Hieronymus: De prædictis signis sic dicit Chrysostomus: est quippe res ista prorsus ambigua, & omnino nescimus, an etiam nostra ætate hæc omnia finiantur. & dies ille metuendus adveniat, atq; horribile illud nobis ostendatur tribunal. Nam & signa multa prorsus impleta sunt, & Evangelium toto jam ferè orbe perfonuit: & prælia terrarum, tremores & fames, ut prædictum fuerat, acciderunt: nec grande jam medium est. Quæ omnia considerantes, ad eam nos quæ hinc abcessuri sumus perfectionem paremus. Nam licet communis illius finis nondum instet dies peculiaris: tamen iste uniuscujusq; nostrum finis in proximo est. Et si nempe senex sit aliquis, etsi adolescens, morti tamen in qualibet ætate vicinus est. Hæc

*Chrysostomus.* Causa verò & radix omnium malorum in mundo, est superbia & præsumptio. Populus nempe contra Regem erigitur, Clericus contra Sacerdotem, Monachi contra Abbatem, filii contra Parentes: juvenes contra Seniores, superbiendo diversa sentiunt. Malum ergo superbiæ, quod supernam Angelorum curiam corrupendo destruxerat, præiens quoq; sæculum inordinatè pervertendo destruet. Unde Petrus Damianus, cuidam de fuga mundi congratulando, sic scribit: Magnas DEO gratias debes, qui te hoc tempore de mundo elegit, quò in eo difficile quis salvatur. Jam sterile aratrum per litus ducitur arenosum. Jam illud Propheticum videtur impletum.

*Osea 4.* Non est veritas, non est misericordia, non est scientia DEI in terra. *Ibidem.* Maledictum, & mendacium, & homicidium, & furtum, & adulterium inundaverunt.

*Esaia 1.* Et illud: Omne caput languidum, & omne cor mœrens: à planta pedis usque ad verticem non est in eo sanitas. Non est hujus temporis, ut qui puritatis & innocentiae tramitem tenere desiderat, Ecclesiæ bajulare regimen acquiescat: cum videlicet omnes penè per vitiorum abrupta præcipientes, & tanquam furentes equi, per voluptatum suarum campos feruntur effrenes. Claustra vocant: Evangelium clauditur, & per ora Ecclesiastici ordinis forensia jura decurrunt. Pauci sacrarum meditantur eloquia scripturarum: sed omnes scita legum & forense litigium. Et revera tam immanis pressura incumbit



bit Ecclesiis: ut tanquam Babylonicæ legionis acies circumfusa, & Hierusalem cum Civibus suis videatur obsessa. Jam non oculus pro oculo, juxta legem, sed referunt cum fœnore læsionem: & disciplinam victoriæ, quæ sub gentili dudum servabatur imperio, nunc Evangelio pœnam terribiliter intonante nescitur. Ideoq; pro virga tauream, pro scutica clavam, pro verbo ferrum, pro veste adhibent gladium. Erubescunt nunc non excedentem injuriæ vicem: dedignantur illati discriminis æquitatem: videri victores atq; terribiles ambiunt: triumphalis gloriæ titulos concupiscunt. Sic itaq; dum unus parumper irascitur, alter ad insaniam provocatur. Et quid aliud inter hæc tot flagitiorum mala perpendimus, nisi quod venturo citius antichristo via jam sternitur, per quam inoffensis nequitie suæ vestigiis gradiatur? Nam sicut dicit Apostolus: *Myſterium jam operatur iniquitatis.* Hæc Petrus,

Exodi 21.

Antichristi  
adventus.

## DE ADVENTU ET PERSECUTIONE

Antichristi.

### CAPUT XL.

**P**ost prælia autem & seditiones, & alia quæ præmissa sunt, sequitur adventus Antichristi: quia ut pax præcessit Christum, ita discordia præcedet Antichristum. Et ut ait Chrysostomus. Sicut ante ignem fumus præcedit, & ante victoriæ pugna: sic & ante gloriam Christi, tentatio Antichristi. Unde subjungit: *Cum videritis, scilicet oculis corporis in successoribus vestris, abominationem desolationis, quæ dicta, id est; prædicta, est à Daniele Propheta dicente: Erat in Templo abominatio desolationis: stantem in loco sancto, id est; in Tēplo Dei: qui legit, scilicet dictam Prophetiam, intelligat eam tunc impleri, & consummationem instare.* Nam ibidem dicitur & usque ad consummationem & finem perdurabit desolatio. Hoc impletum est quando Aelius Adrianus imaginem suam statui fecit ubi steterat Arca testamenti: & hoc fuit signum destructionis & desolationis Civitatis & templi: hoc etiam de abominabili Antichristo potest intelligi: qui dicitur abominatio, ratione superbiæ quâ se confert DEO, ex hoc quod adversus DEUM veniens honorem DEI sibi vendicat: & dicitur, desolationis: quia tunc erit maxima electorum desolatio, quando cultus DEI destruetur: vel quia terra & cultus DEI per ipsum desolabitur. *Tunc enim (ut ait Apostolus) revelabitur, id est; manifestabitur homo peccati filius perditionis qui adversatur & extollitur supra id est; contra, omne quod dicitur D E U S, aut quod colitur, ita ut in Templo DEI sedeat, ostendens & ostentans se tanquam sit DEUS.* In loco enim sanctificationis stabit, ut ubi sanctorum precibus DEUS invocabatur, ibi ab infidelibus receptus DEI honore venerabilis dignus videatur. Cujus species jam præcedit: quia jam mysteriū iniquitatis operatur in membris suis. Moraliter Prælati malus est idolum abominationis, & desolationis. Unde in Zacharia *O Pastor & idolum, derelinquens gregem.* Dicitur autē abominatio propter fastidium respectu DEI: abominabilis enim est DEO propter pravitatē cordis, propter impietatem operis, propter indignitatē oblationis: Unde totus est abominabilis. Sed additur, desolationis, propter dispendiū, sive damnum respectu proximi. Desolatur enim populus: vel per negligentiam officii, vel per corruptionē exēpli, vel per subtractionem temporalis subsidii: sed stat in loco sancto, propter monstrum

Matth. 24.

Marci 13.

Luc. 21. 17

Chrysost. hō.

49. Operis

imperfecti.

Daniel. 9.

Aelius A-

drianus.

Abomina-

tio dicitur

Antichristi

2. Timot. 2

Moraliter.

Zach.

Qqq2

respe-



respectu officii: est enim figura Antichristi, qui sedebit in Templo DEI: & ideo jam Antichristi sunt multi. *Tunc qui legit intelligat*, videlicet Ecclesie destructionem, Prælati damnationem, populi periculationem. Ubi Beda: Juxta verò sensus spirituales cum viderimus abominationem desolationis stare ubi non debet, hoc est hæreses & flagitia regnare inter eos qui Cœlestibus mysteriis videbantur esse consecrati: cum operantes iniquitatem, loquentes mendacium, viros sanguinum & dolosos, quos abominabitur Dominus, pacem fidelium turbare perpenderit, tunc quicumque in judæa, hoc est in confessione veræ fidei persistimus, non terrenis infimisque actibus mancipari, sed tantò altius virtutum culmen debemus ascendere, quanto plures ampla & errabunda vitiorum sequi itinera videmus. Hæc Beda. consequenter monet, ut *tunc*, scilicet veniente Antichristo, qui in Judæa sunt fugiant: quia judæi eum primitus suscipient, & ibi propter corporalem Antichristi præsentiam major persecutio erit: *fugiant inquam ad montes*, id est; ad loca secreta & deserta, ubi latitare possint. Unde Hilarius. Judæam deserit monet & transfugi in montes, ne admixtione plebis illius quæ creditura est Antichristo, vis aut contagio afferatur. *Et qui in tecto sunt*, id est; in eminentia perfectionis, non descendant aliquid tollere de domo sua, per cupiditatem rerum secularium: propter quas sæpe etiam perfecti delinuntur à culmine perfectionis, tempore persecutionis. Hæc Hilarius. *Et qui in agro sunt*, laborantes pro fructu bonorum operum, quantum ad activos, non revertantur tollere tunicam suam, id est; non redeant ad occupationes sæculi peccatum implicantem, quæ intelliguntur per tunicam. Ad literam vult ostendere, quod propter instantiam tribulationum & malorum præsentium, ac propter expectationem judicii & malorum futurorum, non vacabit alicujus intendere negotiis temporalibus, sed melius est quod salvet vitam suam quam rem possessam, & cogitet quomodo occurrat Judicis conspectibus. Mystice autem distinguvi possent prædicta tria, per tres status hominum. Per eos qui in judæa sunt, intelligi potest status incipientium, qui tantum in confessione fidei manent. Secundum illud Apostoli. *Corde creditur ad justitiam*. Per illos qui in tecto sunt, status proficientium, qui jam supra carnem, quæ est domus animæ: supra mundum, qui est domus hominum: supra aerem, qui est domus dæmonum ascenderunt. Secundum illud Psalmistæ. *Et factus sum sicut passer solitarius in tecto*. Per illos qui in agro, status perfectorum, qui in se perfecti jam alios perficere conantur. Secundum illud Canticorum. *Egrediamur in agrum*. Secundum hæc triplex est consilium admonitionis. Primis enim datur consilium ascendendi ad montes: sic & qui in judæa sunt, id est; in confessione fidei, licet imperfecti. (Judæa enim confessio interpretatur) *fugiant ad montes æternos*, id est; ad scripturas Apostolorum & Prophetarum: vel ad culmina virtutum, ut illuminentur à DEO. Unde Psalmista. *Illuminans tu mirabiliter à montibus æternis*. Secundis datur consilium non descendendi: sic & qui in tecto, id est; qui animo excedit carnem & mundum, per Cœlestem conversationem, non descendant tollere aliquid de domo sua: id est; non inclinet se ad carnalia desideria, nec redeat ad actus pristinae conversationis mundanae. Secundum illud Apostoli. *Carnis curam ne feceritis*. Tertiis datur consilium non revertendi, sic & qui in agro, id est; qui operatur in Ecclesia sicut bos in agro Domini, non revertatur tollere tunicam suam: id est; rem aliquam temporalem quam se exiit, ut



ut nudus audū Christū sequeretur. Secundū illud Cantic. *Expoliavi me* Cantic. 5.  
*tunicā meā.* Secundū enim Aug. In tribulationib9 cavēdū est, ne quisquā Augustinus  
devictus ad carnalem vitā de spiritali sublimitate descendat: aut qui Epistol. 80.  
profecerat in anteriora se extendens, deficiendo in posteriora respiciat. Et bene dixit quod non est revertendum retro, per defectum  
perseverantiā in bono, & ut hoc facilius faciatis memores estote uxoris Loth, quæ quia retro respexit, naturæ suæ munus perdidit: Fu. Genes. 19.  
giens enim satanam & sodomam, per intemperantiam respexit ea:  
& mortua statua salis, seu columna est effecta. Secundū August. Augustinus:  
Hæc uxor Loth, significat eos qui in tribulatione retro respiciunt, & lib. 22 con-  
a spe Divinæ promissionis se avertunt. Et ideo statua salis facta est, tra Faust.  
ut exemplō admonendi homines ne similia faciant, tanquam con- c. 41.  
diat & erudiat cor eorum ne fatui fiant. Quærit Augustin. Quare  
mulier ista fuit punita, respiciendo & videndo Sodomitas, non autem Abraham. Et respondet, quod Abraham respiciebat, DEI sententiam approbando: ista autem in peccatis eorum delectando. Et  
ne homines in persecutione retro aspiciant fidem negando, & vitam bonam deferendo, ut vitam corporalem salvent: consequenter admonendo inducit, quod quicunq; quæsierit sic animam suam, id est; vitam corporalem, salvam facere timore mortis deficiendo in antichristi tribulatione: scilicet Christum negando, vel bona deferendo, & retro ad mala eundo, perdet illam, incurrendo damnationem æternam: & quicunq; permanens fortis in confessione fidei & tribulatione perdidit animam suam: id est; vitam corporalem, æstimans eam ut occisionis ovem: & præligens mori quàm cadere a fide & virtute: vivificabit eam: id est; vitā æternā eam dignam faciet: quam inde merebitur, & in præmium recipiet. Væ autem prægnantibus & nutrientibus in illis diebus: quia ad literam prægnantes non possunt bene fugere aggravante pondere, nec similiter nutrientes propter curam quā circa parvulos sunt occupatæ. Mysticè prægnantes sunt, qui foetum mali propositi conceperunt: & nutrientes, qui partum mali operis fovēt & nutriunt: & sic notatur in conceptione peccatum in corde: in nutritione, peccatum in opere. Vel prægnantes sunt, qui bona proposita quæ conceperunt, non impleverunt: nutrientes qui peccata sub spe longioris vitæ usq; ad mortem Augustinus  
deduxerunt. Vel secundū August. Prægnantes sunt avari, qui aliena concupiscunt, & spem habent adipiscendi: sicut mulier præ- verbis Dñi  
gnans in spe est prolem habendi. Nutrientes verò sunt, qui quod Idem tra-  
concupierunt possident, & possessa nutrire student, ea detinendo & stat. 5. in.  
augēdo: & sic animæ cupidæ temporalium, prægnantes sunt in acquirēdo Epist. Joan  
& nutriētes in possidēdo. Et nota secundū Aug: quod quadruplex est  
charitas: scil. incipiens, quæ nascitur: proficiens, quæ nutritur: perfecta, quæ roboratur: perfectior, quæ mortem desiderat. Prægnantes ergo sunt, qui bonum opus conceperunt, sed non fecerunt: nutrientes, qui facere ceperunt, sed non perfecerunt. Istis autem prægnantibus & nutrientibus væ, quia citò scandalizabuntur in antichristi persecutione: vel amore malè inflammante, vel timore malè humiliante, vel modò utròque. Deinde hortatur ut oremus ne fiat fuga nostra hyeme vel sabbatho: id est; ne, aut in frigore peccatorum, aut otio bonorum operum reperiamur: utrumq; enim multum impedit hominem a fuga antichristi, imò magis facit approximare sibi, sicut è contrariò divertendo a malo, & faciendo bonum, homo approximat DEO. Spiritualiter signatur hic duplex defectus: scilicet  
Rrr chari- Defectus duplex.



charitatis in hyeme, & bonæ operationis in sabbatho. In hyeme, est gelicidium amoris: in sabbatho, cessatio boni operis. Vel ne tunc incipiamus peccata nostra fugere, & pœnitentiam facere, quando jam non licet ambulare & bene agere. Ambulare enim longius, sabbatho non licet: hyems quoq; ad ambulandum impedimentum est. Erit enim tunc tribulatio magna, qualis non fuit ab initio mundi usq; modò, neq; fiet ulterius talis tribulatio. Tunc enim omnes persecutiones conflabuntur in unum: scilicet infidelium, hæreticorum, tyrannorum, & falsorum fratrum. Hi sunt quatuor venti, & quatuor bestię pugnantes in mari. Tunc creberrima & acerrima tormenta longè latèq; inferuntur fidelibus: sed in illis regionibus tunc fideles sunt vexandi vehementius, ubi Dominus fuit Crucifixus. Et ut dicit Haymo super Apocalipsim. Illa tribulatio non per partes, sed simul totum examinabit mundum: solventur enim tunc demones, qui modo ligati sunt, ne possint nocere quantum vellent. Sicut autem antichristus crudelior erit omnibus persecutoribus, ita Sancti tunc fortiores erunt omnibus martyribus. Illam verò tribulationem, Dominus sciens infirmitatem humanam, abbreviabit propter Electos, secundum modum suæ æternæ sapientiæ, & affectum suæ misericordiæ: ne morâ temporum fides concutiat credentium, & malitia mutet intellectum: quia non durabit nisi per tres annos

*Duratio per eum dimidio.* Ut enim dicitur in Daniele: *Durabit per tempus & secutionis. tempora & dimidium temporis:* id est; tribus annis & dimidio: in quibus regnabit antichristus, quantum & prædicavit Christus. Et ite-

*Daniel. 7.* rum in Daniele: *Dies mille ducenti nonaginta,* id est; tres annos & di-  
*Apocal. 11.* midium, & in Apocalipsi dicitur, quod *data est ei potestas facere menses quadraginta duos:* id est; tres annos cum dimidio. Et nisi abbreviati, id est: breves à DEO præstituti fuissent dies illi, quibus scilicet operabitur antichristus, *non fieret salva omnis caro iusti:* id est; homo: quia nisi hoc esset, rarus aut nullus pressuras sustinere, & per patientiam salvari posset: quia infirmitas humana diu tribulationem sustinere non potest: sed propter electos breviabuntur: ne ex tribulationis magnitudine cadant à veritate. Breviabuntur autem non

*Breviatio dierum.* mensura, sed numero: quia breviati dies, non breves dies sunt intelligendi: sed pauci. Unde dies accipiuntur pro tempore: quia tempus illius persecutionis erit breve. Quæ ergo spes Electis, nisi gratia DEI, quæ dat patientiam piis, & citius demit potentiam impiis. Quanto enim erit hæc tribulatio ceteris quæ præcessere pressurarum pondere gravior, tanto erit temporis brevitate moderatior: ut salvi fiant electi, qui soli in horreo Cœlesti sunt reponendi. Unde dicit Rabanus, quod talis tribulatio tunc erit in circuitu aræ Domini, ut omnibus velut cribro examinationis paleis sequestratis, solum frumentum in horreis Domini remaneat colligendum. Tunc scilicet tempore antichristi: & in illa pressura si quis vobis, imitatoribus meis dixerit: *Ecce hic,* id est; in hac patria vel natione, vel secta, vel persona: *est Christus, aut illic,* id est; in alia à prædictis: nolite credere, & nolite ire pede intellectus, eorum doctrinæ credendo: neq; sectemini pede affectus eorum vitam imitando, quia multi discipuli antichristi venient ad seducendum populum dicentes, quod Ipse sit verè Christus in lege & Prophetis promissus. *Surgent enim Pseudochristi,* qui se Eum qui est Christus esse mentientur: sed revera erunt antichristi: id est; falsi Christiani, pervertentes Doctrinam Christi, & mentientes de Christo: & pseudopropheta, pervertentes do-



Finem legis & Prophetarum: vel usurpantes sibi Divinas revelati-  
ones: scilicet antichristus & discipuli ejus, qui sunt membra ejus: &  
*dabunt signa*, aliquid magnum signantia: & *prodigia*, hominibus ad-  
miranda, quæ digitò produntur: & propter admirationem demon-  
strantur: vel signa, quæ aliquid significant de præsentibus: & prodi-  
gia, quæ aliquid produnt & manifestant de futuris, quia virtute dæ-  
monum multa miracula fieri possent quando DEUS permittit, ita  
ut in errorem ducantur si fieri potest, etiam electi & prædestinati:  
id est; si aliquò modò fieri posset ut DEI præfinitio mutaretur. Sed  
non seducuntur quia perire non possunt quos DEUS ad vitam præ-  
ordinavit. Unde Gregorius. Quia Electorum cor & trepida cogi *Gregorius*  
tatione concutitur, & tamen eorum constantia non movetur: unâ *lib. 33. mo-*  
sententiâ Dominus utrumq; complexus est. Quasi enim jam erra-  
re est, in cogitatione titubare. Sed si fieri potest, subjungitur: quia *valium cap.*  
fieri non potest ut in errorem electi capiantur. Hæc temporibus *27 Concussio*  
antichristi propriè congruunt. Cujus nempe non paveat & con-  
cutiatur fides, quoniam non solum tormenta crebriora & acerbiora,  
quàm prius consueverant, infereatur fidelibus: sed quod gravius est,  
signorum quoq; operatio eos qui tormenta ingerent: non eos qui  
sustinebunt cõcomitabitur: & persecutor veritatis, erit operator vir-  
tutis: idemq; ipse qui tormentis lævit ut Christus negetur, provo-  
cat miraculis ut antichristo credatur. Nec mirum si ista tunc ma-  
li operantur, quando à DEO permittuntur. Solvetur enim, ut ait  
Augustinus, tunc satanas: & per antichristum in omni virtute sua *Augustinus*  
mirabiliter quidem, sed mendaciter operabitur. Unde Gregorius. *lib. 20. de*  
Pensemus quæ erit humanæ mentis illa tentatio, quoniam p̃us mar- *Civitate,*  
tyr & corpus tormentis subiicit, & tamen ante oculos ejus miracu- *cap. 19.*  
la tortor facit. Et Chrysostom. Sicut in adventu Christi ante illum *Greg. hom.*  
Prophetæ, & cum illo Apostoli in Spiritu Sancto faciebant virtutes: *35. in Evā.*  
sic & in adventu antichristi pseudochristiani, & ante illū, & cū illo in *Chrysostom.*  
spiritu maligno facient virtutes. Et subjungit: *Vos ergo videte, ecce in Matth.*  
prædixi vobis omnia, ut præscii vigiletis, quia moniti estis, quasi di- *Idem ibidē*  
ceret. Ad hoc ista prædico nunc, ut caveatis pro tunc, & pericu-  
la sequentia prævideatis, quia præmoniti estis: & ut minus noceant  
vobis jacula quæ prævidistis. Unde Chrysostom. Propterea dicit, ec-  
ce prædixi vobis: ut exultationem ignorantie tollat ab omnibus, &  
præcedens cõtestatio prævidere faciat pœnam sequentem. Miseri-  
cordia enim est, mandatis prævenire periculum. Non vult enim *Tempus ju-*  
quemquam perire, qui omnibus monstrat perditionis adventum. *dicii igno-*  
Hæc Chrysostom. Non est igitur credendum alicui, vel de persona ut *ratur.*  
Iple sit Christus: vel de tempore futuri judicii, neq; fides adhibenda *Luc. 17.*  
his qui calculant, & certum tempus determinant quando DEUS  
venturus sit: quia hoc à nemine potest sciri vel observari. Unde in-  
terrogatus Dominus de adventu Regni DEI, respondit: Non venit  
Regnum DEI, & dies judicii, cum observatione, scilicet temporis:  
neq; ab Angelis, neq; ab hominibus potest observari quando ve-  
niet. Per adventum Regni DEI intelligitur adventus ad judicium: *Regnum Dei*  
quia veniet tanquam Rex ad judicandum, & quia tunc manifesta-  
bitur DEI Regnum, & cessabit omne aliud Regnum. Et addit: *& ejus ad-*  
*ventus.*  
Ecce enim Regnum DEI intra vos est: quia donum gratiæ est in  
mente; regnum gratiæ intra nos est, quando omnes vires & mo-  
tus in nobis Divinæ gubernationi obediunt: secus quando rebel-  
lant. Ac si dicat: Non curetis scire quando veniat Regnum DEI,



& omittite quæstionem de regno gloriæ quia ejus adventus sciri non potest: sed quærite Regnum gratiæ, quod intra vos esse potest, & parate vos intra vos per fidem cum dilectione operantem, quia intra vos est Regnum DEI. Nam in nobis cum DEI gratia est, ut Regnum DEI capiamus, nisi nos obicem ponamus. Ubi nota, quod *Regnū Dei* triplex est Regnum DEI. Primum est circa nos, vel in quo nos, scilicet Regnum militantis Ecclesiæ. Secundum, intra nos, scilicet Regnum gratiæ: quod videlicet DEUS regnat in anima. Tertium est Regnum gloriæ: quod DEUS regnat cum Sanctis in gloria. Vel Regnum DEI dicit seipsum, in cordibus fidelium regnantem. Unde *Beda in cap. 17. Luca.* Beda. Dicit Regnum DEI intra fideles positum: qui nempe quandoque venturus est Judex omnium, nunc etiam regnat in cordibus infidelium. Unde & Anselmus. Qui verè justus est, DEUM in se manentem habet, *Templum enim DEI Sanctum est, quod estis vos.* Ut ait *1. Corint.* Apostolus. Summa igitur diligentia considerandum est, cum quanta ratione & reverentia sensus nostros & membra corporis nostri movere debemus, quibus Divinitas ipsa præsidet. Demus igitur (ut dignum est) Tanto Inhabitatori omne imperium cordis nostri, ut nihil ei repugnet in nobis: sed omnes cogitationes & voluntatum motus, omnia verba & universa opera nostra illius nutum attendant, ejus voluntati deserviant, ad rectitudinis ejus regulam dirigantur. Sic nempe vere Regnum ejus erimus: & ipse in nobis manebit, & nos in Illo manentes bene vivemus. Vos estis, ait *Apostolus*, corpus Christi, & membra de membris. Serva igitur corpus eâ dignitate qua decet. Oculi tui Christi sunt. Non igitur licet tibi oculos Christi ad aliquas vanitates conspiciendas dirigere. Os tuum, os Christi est. Non ergo licet tibi os Christi, non dico ad detractiones, non dico ad mendacia, sed neque ad otiosos sermones aperire: quod ad solas laudes DEI, ad ædificationem proximi debes paratum habere. Sic de cæteris Christi membris, tuæ custodiæ commissis intellige. *Christus alius non qua-* Hæc Anselmus. Deinde subjungit: *Si ergo dixerint vobis, ecce in deserto est Christus,* scilicet tanquam Homo religiosus in loco deserto, quasi si sub specie sanctitatis vos decipere volentes, *nolite exire,* à vestro loco & proposito ad videndum eum, vel ad sequendum per operis imitationem. *Et si dixerint, ecce in penetralibus,* & in locis occultis est, sub specie cogitationis Divinorum arcanorum, malitiam ejus pal- *Hieronymus* liantes, & vos decipere volentes: *nolite credere.* Vel secundum Hieronymum. Si quis promiserit vobis quod in deserto gentilium & philosophorum dogmate Christus moretur: aut in hæreticorum penetralibus, & occultis seu obscuris conventiculis, quæ DEI pollicentur arcana, nolite credere. Non enim DEUS in secundo adventu in deserto vagabitur, nec in penetralibus, aut in aliquo angulo terræ, vel in occulto loco, seu in aliquibus obscuris latitabit: sed de Cælo veniens manifestè omnibus ubiq; apparebit, quia licet adventus Christi in carnem fuerit occultus, tamen adventus ejus ad judicium erit ita manifestus, quod non poterit aliquem latere tanquam incognitus. In primo enim adventu venit in humilitate, & paucis cognitus, & à multis despectus & reprobatus: sed in secundo adventu veniet manifestus & gloriosus, in potestate orbem judicaturus. Nam ut ait Augustinus. Occultum oportebat eum venire ut judicaretur, manifestus autem veniet ut judicet, quasi diceret. Nolite eis credere, quia dies adventus mei ita clara erit, quod nullus de ea dubitare poterit. Ad quod similitudinem fulgoris introducit. *Sicut enim*



enim fulgor, & splendor solis, exit ab Oriente, & subito apparet ubiq;  
usque in Occidentem, oculis, scilicet omnibus manifestus: & non in una  
parte videtur & fulget, sed in omnibus, nec annuntiante vel præco-  
ne indiget, sed in instanti momento temporis in orbē terrarū univer-  
sum apparet, ita adventus Filii hominis, ad iudicium generale, erit  
subitus, & coruscus, & manifestus omnibus, & ita patens & clarus  
quod nullus dubitare poterit: & non hic vel illic, sed simul ubiq;  
propter effusionem & splendorem gloriæ apparebit. Stultum est er-  
go Eum credi esse, vel quærere in parvo loco & in abscondito, qui  
totius mundi lumen est. Unde Ambrosius. Christus sicut fulgur *Ambrosius*  
coruscans per universum mundum luminis sui globos spargit. *Et serm. 28.*  
ideo nec in desertis vagatur, nec aliquibus locis clauditur: quia Cœ *Hierom. 23.*  
lum & terram Ego impleo dicit Dominus. Sed luce fulgoris ful-  
get, ut in illa nocte resurrectionis gloriā videre possimus. Et ut  
dicit Chrysostom: Sicut fulgur secundum qualitatem fulgoris sui *Chrysost. hō.*  
non digne aspicitur: sic & dum venerit Christus secundum mensu- *49. Operis*  
ram gloriæ ejus, non poterunt Eum sufficienter aspicere. Et sicut *imperfecti.*  
jam instruxit discipulos de modo apparitionis suæ: quia sicut ful-  
gur manifestè veniet: sic nunc consequenter instruit eos de loco in  
quo venturus est. Unde subjungit: *Ubiunque fuerit corpus, id est;*  
Christus in humanitate: quia iudicabit in forma humana, scilicet *Christus cor*  
gloriosa: *ibi congregabuntur & aquila, id est;* Sancti occurrentes obvi- *pus dicitur.*  
am Christo ad iudicium venienti, quibus, innovata est Juventus ut  
aquilæ: Christus dicitur corpus ad denotandum carnis veritatem, &  
ostensionis speciem, in qua videbit Eum omnis oculus. Electi ve-  
rò dicuntur aquilæ: propter resurrectionis innovationem, & visionis  
subtilitatem, quia Solem justitiæ irreverberatis oculis videbimus:  
quomodo secundum Chrysostom. Dum in glorioso corpore advene- *Chrysostom.*  
rit filius hominis, non oportet in angulis æstimare Eum esse: quia *Ibidem.*  
tanta erit obsequentium sibi Sanctorum multitudo, ut unicuiq; pa-  
teat quod ipse Christus Dominus, Caput totius Ecclesiæ, & super  
omnem principatum & virtutem, & super omne quod nominatur  
in hoc sæculo & futuro. Per aquilas nempe multitudinem Ange-  
lorum & Sanctorum universorum ostendit. Ideo enim sancti aqui- *Aquilis assi-*  
lis assimiliantur: quia sicut filii aquilarum ad solem probantur: ut *miliantur*  
siquidem recto aspectu intendere potuerint contra radios solis, in- *sancti.*  
telligantur esse legitimi: si autem non potuerint, cognoscantur adul-  
terini: sic & filii DEI ad Christi justitiā probantur. Si nempe po-  
tuerint pleno corde justitiæ ejus verba suscipere, intelliguntur esse  
legitimi, si autem non potuerint, cognoscuntur de diabolo esse nati.  
Hæc Chrysostomus. Quia ergo adventus Christi erit ita publicatus  
& manifestus: & quantum ad modum, & quantum ad locum: ideo  
ipse non indiget preconibus & nunciis talibus qui vobis annuncii-  
ent dicentes, his vel illis est Christus. Igitur nolite talibus credere,

## DE REMEDIIS CONTRA SPIRITUALES

Novissimi temporis tentationes, & exercitio mentis in DEUM.

### CAPUT XLI.

ET quia, ut dictum est, ante Adventum Domini venient multi pseu- *Remedia*  
dochristi & pseudoprophetæ, id est; simulati & falsi, & seducunt *contra ten-*  
multos, qui ante videbantur etiam perfecti, ideo hic consequenter *tationes spi-*  
ponuntur aliqua remedia contra quasdam tentationes spirituales, *rituales.*  
quæ



quæ isto tempore abundant, ad probandum & purgandum electos, quæ etiam in cordibus quorundam seminantur à diabolo, & præparant locum antichristo. Dupliciter autem veniunt prædictæ tentationes. Primò, per suggestionem & illusionem diaboli, qui decipit hominem in regimine quod debet habere erga DEUM, & in hoc quod est DEI. Secundò, per corruptam doctrinam, & modum vivendi aliorum, qui jam venerunt per tentationes huiusmodi: propter quod ostendendum est, primò quod regimen debes habere apud DEUM, & ad id quod DEI est, & post quomodo debes regi erga alios, quantum ad doctrinam, & modum vivendi eorum. Primum remedium contra tentationes spirituales istius temporis, quas procurat diabolus in cordibus illorum, qui volunt se dare DEO per orationem & contemplationem, vel per alia opera perfectionis, est istud, ut non desideres visiones aut revelationes, vel sentimenta quæ sunt supra naturam, & supra cursum illorum qui DEUM diligunt, & timent per verissimum amorem, quia istud desiderium esse non potest sine radice, & sine fundamento superbiæ & præsumptionis, vel sine intentione alicujus vanæ curiositatis circa secreta DEI, vel sine fragilitate & defectu fidei propter quæ justitia DEI dimittit animam quæ habet desiderium huiusmodi, & venit quandoq; talis in tentationem & illusionem diaboli. Per hunc modum seminat diabolus majorem partem tentationum spiritualium istius temporis, & radicat in cordibus illorum qui sunt nuntii antichristi, prout videre poteris in subsequens. Unde debes scire quòd veræ revelationes & sentimenta spiritualia secretorum DEI, non veniunt per antedictum desiderium, neq; per aliquod conamen vel studium quod anima habeat in se, sed tantum veniunt per puram bonitatem DEI in animam, quæ est in magna humilitate, & magno timore, ac reverentia DEI. Item scias quòd exercitare se in magna humilitate, ac timore magno, ac reverentia DEI, propter hoc ut homo habeat visiones ac revelationes & sentimenta supradicta, est habere in se radicem & fundamentum, ac finalem intentionem quam habet antedictum desiderium, & ex hoc in eodem delicto venit homo, in quo est per desiderium supradictum. Secundum remedium est, quòd in tua oratione vel contemplatione non sustineas in anima tua aliquam consolationem magnam vel parvam, ex quo tibi videtur quòd fundat se in præsumptione & æstimatione superbiæ tui ipsius, & postquam ducit te in ambitionem tui proprii honoris vel gloriæ, sive istius vitæ, sive alterius. Quia anima quæ se sentit in tali consolatione, venit in plures errores & mala, & DEUS per suum justum judicium permittit diabolo posse augmentandi & accelerandi prædictam consolationem, & imprimit cum illa in anima falsissima & periculosissima sentimenta, & alias illusiones quæ anima imbuta dicta consolatione credit & reputat esse veras revelationes. O! quòd personæ per istum modum sunt deceptæ? Et propter hoc caveas, quòd in tua oratione vel contemplatione non sustineas aliquam consolationem, nisi illam quæ venit per perfectam notitiam & completum sentimentum tuæ nihilitatis & imperfectionis, & quæ facit perseverare dictam notitiam & sentimentum tui in te, ac magnitudinem & altitudinem DEI per altam reverentiam, & cum magno desiderio honoris & gloriæ DEI, sic quòd antedicta consolatio fundetur & totaliter sit in his prædictis, vel similibus, aut æqualibus. Et idem quod dictum est de Divina consolatione, intellige etiam de fervore



vore & ardore perfectionis, quæ possunt esse in eisdem modis. Tertium remedium est, quod omne sentimentum quantumcunq; altum, & omnis visio quantumcunq; secreta tibi appareat, quæcunq; etiam sit, si ducit cor tuum in opinionem contra aliquem articulum fidei, vel contra bonos mores, & maximè contra humilitatem vel contra honestatem: fugias eam & horrescas, quia sine dubio ex parte diaboli venit. Et si appareat tibi aliqua visio, de qua sis certus quòd veniat ex parte DEI, & quòd illud quod inducit visio, est placitum DEO, nolite firmare in dicta visione. Quartum remedium est, quòd propter altam vitam, vel propter magnam devotionem, aut propter præclarum intellectum, seu propter aliquam aliam sufficientiam quâ vides in aliquibus personis, non sequaris eorum consilia, vel modos: ex quo cognoscis clarè & rationabiliter, quòd eorum consilia non sunt secundum DEUM & veram discretionem per viam JESU Christi & Sanctorum monstratam, & perfectam scripturam in dictis Sanctorum notificatam. Nec propter hoc timeas, quòd spernendo talia consilia dictarum personarum, pecces per superbiam & præumptionem, solum quòd facias propter zelum & veritatis amorem. Quintum remedium est, quòd fugias & vites familiaritatem illarum personarum quæ dictas tentationes seminant & diffundunt, & illas personas quæ easdem sustinent & laudant, & noli eorum verba vel etiam colloquutiones audire, neq; eorum modos velis videre, quia tibi demonstrabunt magnum signum perfectionis in pluribus verbis & modis, per quæ si vis accipere, & eos tanquam divinales sequi, venies in pericula & præcipitia errorum & inhonestorum morum eorundem. Post hæc vide remedia quæ debes attendere circa aliquas personas, quæ per suam vitam & doctrinam seminant dictas tentationes. Primum remedium est, *Remedia contra seminatores tentationum.* quòd non habeas magnam æstimationem visionum aut sentimentorum, vel raptuum eorum: imò si ducunt te in aliquid quod sit contra fidem, vel contra scripturas sanctas, aut contra bonos mores, vel contra vitam Sanctorum, seu verba eorum sanè accepta abhorreas eorum visiones & sentimenta tanquam stultas dementias, & eorum raptus sicut rabiamenta. Tamen si ducunt in hoc quod est secundum fidem, & secundum scripturam, & secundum Sanctos, & secundum bonos mores: noli spernere, quia forsitan sperneres hoc quod est DEI. Non tamen totaliter confidas, quia sæpe & maximè in tentationibus inducitur seu absconditur falsitas sub specie veritatis, & malitia sub similitudine bonitatis ut diabolus possit melius & sæpe mortalem errorem diffundere. Et ideo videtur plus placere DEO, quàm visiones & sentimenta ac raptus, quæ secundum quod dictum est habent similitudinem veritatis & bonitatis: dimittas ire pro tanto quantum valent nisi contingat aliquibus personis ratione sanctitatis & humilitatis eorum probata, certissimè & manifestè, de quibus esset certum & manifestum quòd non possent decipi per illusiones vel ingenium diaboli. Et tunc quamvis sit pium visionibus & sentimentis talium personarum consentire, tamen securum est non totaliter per rationem veridicam eis credere, sed solum quia concordant cum fide Catholica & Sacra Scriptura, ac bonis moribus, & vita & verbis Sanctorum, & cum ratione fundata supra prædicta. Secundum remedium est, quòd nullam expositionem scripturæ & verborum Sanctorum vellis accipere: nisi cõcordaret vitæ JESU Christi, & Sanctorum: quod tamen intellige quantum ad illos nobis propositos ad imitandum non quantum ad imitandum privilegia & singularitates eorum. Et



istud dicitur contra aliquos nuncios seu discipulos *antichristi*, qui palliant, & defendunt suos errores & periculosos modos vivendi exponendo sacram scripturam secundum eorum propriam affectionem: ducentes in exemplum aliquos excessus, & singularitates quas aliqui Sancti fecerunt. Tertium remedium est, quod si per revelationem vel sentimentum: vel per alium modum cor tuum moveatur ad faciendum aliquod opus, & maxime opus grave vel notabile, & non tibi consuetum, de quo non habeas certitudinem an DEO placeat, imò & rationabiliter dubitas: contrahas moram ad faciendum dictum opus, usquequo inspexeris omnes circumstantias, & maxime finales, & cognoscas quod DEO placeat: non tamen quod tu iudices per tuam opinionem, sed si potest per testimonium certum scripturae, vel per exemplum Sanctorum Patrum imitabile. Et bene dictum est, imitabile. Quia secundum Gregorium, aliqui Sancti fecerunt aliqua opera in quibus non debemus eos imitari, quamvis essent in eis bona: sed debemus ea habere in reverentia. Et si per tempus non potest venire in notitiam an DEO placeat vel non, petas consilium à probatis personis in vita & doctrina & consilio veritatis. Quartum remedium est, quod si tu es immunis à prædictis tentationibus sic quod nunquam eas habueris: vel quantumcumque eas habueris liberatus fueris dirigere cor & intellectum ad DEUM, recognoscendo humiliter gratiam tibi factam, & quam tibi multotiens super hoc facit. Et caveas tibi ne hoc quod per puram gratiam & bonitatem DEI habes, velis adscribere tuae virtuti vel sapientiae, seu merito tuo, aut bonis moribus tuis: neque quod factum fuerit à casu seu à fortuna: quia (ut dicunt Sancti) hoc est principaliter per quod DEUS beneficium suae gratiae aufert & subtrahit homini, permittit eum subiaceri tentationibus & illusionibus diaboli. Quintum remedium est, quod te, seu tuo corde, existente in tentatione spirituali, per quam es in dubio: non incipias tua propria voluntate aliquid notabile tibi inconsovetum ante: sed tuum cor, & tuam voluntatem refrenando expectes humiliter cum timore & reverentia DEI, usquequo DEUS cor tuum clarificet: quia si existendo in dicto dubio inciperes ex tua propria voluntate aliquid notabile, tibi inconsovetum, non posses exire ad finem bonum. Sextum remedium est, quod propter tentationes antedictas, si habeas non dimittas aliquid bonum quod tu incepisti dum in tentationibus illis non eras: & maxime non debes dimittere, orare aut confiteri vel opera facere humilitatis: licet consolationem non invenias in ipsis. Unde scriptum est: Mane scilicet prosperitatis & gratiae, semina, scilicet opus bonum: & vespere scilicet adversitatis & tentationis, ne cesset manus tua scilicet à seminando. Septimum remedium est, quod omnes imaginationes & errores quæ te venire faciunt quasi in dubium alicujus veritatis, expellas à corde tuo: & à memoria tua cum summo studio & conamine, tantum cor & intellectum convertendo in puritate & veritate radicem nostrae fidei, & in vita Sanctorum, & in veritate sanctarum scripturarum, de quibus si humiliter & discretè ad easdem conversus fueris: poteris lumen extrahere ad certè cognoscendum hoc, in quo prius dubitaveras. Et istum modum debet homo tenere in tentationibus spiritualibus, quæ non sunt de principalibus fidei articulis: sed de aliquibus veritatibus ipsi fidei proximis. Octavum remedium est, quod te existente in antedictis tentationibus habeas firmam & certam spem, quod de istis tentationibus DEUS permittit te



re ad aliquod bonū adduci, & cor tuū clarificari, & credas firmiter quod  
Deo permittit te venire in prædictas tēnationes, propter exercitiū tuæ  
virtutis: & ut te humilies. Attamen ita se habeat spes supra dicta, quod  
negligentia non includatur in ea: sic quod tuum posse facias de ex-  
pellendo à te tentationes prædictas. Et similiter sic se habeat cre-  
dulas prædictas, quod superbia non includatur: sed quod dubites quod  
illæ tentationes veniant propter tuam culpam. Nonum remedium  
est, quod si habeas antedictas tentationes multum absconditas & se-  
cretas, non eas teneas, imò eas reveles tuo sapienti & discreto Con-  
fessori, & aliquibus singularibus personis: sed non multis, de quibus  
perpendere possis quod ratione experientie tentationum quas  
habuerunt: vel ratione luminis sapientie & sanctitatis possunt tibi  
dare consilium & auxilium, ac consolationem. Illud remedium com-  
mendant multi Sancti: quia narratur in vitis Patrum, quod quidam  
Monachi qui per magnam vitam erant alti: quia contemnebant con-  
silium & auxilium Sanctorum Patrum, super tentationibus eorum  
veniebant ad finem malum. Et contigit aliquibus aliis, quod DEO  
volente prodebant tentationes propter eorum simplicitatem, & hu-  
mitatem quam habebant in petendo consilium, & auxilium super  
tentationibus suis finem salubrem inveniebant, & citius liberaban-  
tur. Decimum remedium est, quod si antedictas tentationes habe-  
as, leva cor & intellectum tuum ad DEUM: quærendo humiliter hoc  
quod ei fuerit honorabilius, & tuæ animæ salubrius super tua ten-  
tatione, subiiciendo tuam voluntatem voluntati Divinæ: sic ut tibi  
placet quod perleveres in tentatione, similiter & tibi placeat solum  
ut DEUM non offendas. Undecimum remedium est, quod nisi per  
aliā viam possis evadere prædictas tentationes debes eas oblivisci,  
& per quandam negligentiam fugere & dimittere, considerans quod  
non sunt tentationes per diabolum procuratæ: sed passiones, & fra-  
gilitates, seu debilitates quæ sunt communes statui huius vitæ. Et  
quia supra & in sequentibus multis modis hortatur Dominus ut vi-  
gilemus, & ad incertum ejus adventum nos præparemus: ideo ut  
continuò ad opera virtutum ascendas, vel saltem vehementer ascen-  
dere desideres, penuntur hic consequenter aliquæ rationes per quas  
poteris sentire pigr̃itiam & nihilitatem boni quod incepisti, & cor  
tuum excitare & movere ad majores perfectiones omnimodæ virtu-  
tis quam non incepisti. Prima ratio est: quia si aspicias quomodo  
DEUS est dignus amari & honorari, secundum suam bonitatem & sapientiam,  
& alias suas nobiles perfectiones, quæ sunt in eo sine  
numero & sine termino: videbis quod hoc quod credidisti facere  
multum & magnum ad honorem DEI: & secundum suam volunta-  
tem est minimum, & quasi nihil in respectu quod deberet esse se-  
cundum quod DEUS est dignus. Ista ratio idcirco primò ponitur,  
quia principaliter debemus attendere in omnibus operibus nostris  
honorem, & reverentiam, & amorem DEI: quia in se dignus est  
amari & honorari per omnem creaturam. Secunda ratio est, quia si  
attendas quot despectus & vituperia, quot egestates & penurias,  
quot dolores & passiones sustinuit filius DEI amore tui, ut ames  
DEUM, & honores: cognosces quia parum est quod fecisti ad DE-  
UM amandum & honorandum, secundum hoc quod facere deberes.  
Ista ratio est altior & perfectior quàm aliqua sequentium: & ideo  
ponitur secundò. Tertia ratio est, quia si cogitas innocentiam &  
perfectionem quam deberes habere secundum DEI mandatum, per

*Exercitium  
mentis in  
Deum.*

*Rationes de  
pigr̃itia.*



Deut. 6.

quod teneris esse absque omni vitio, & sine omni culpa, & in plenitudine totius virtutis, sicut est quod deberes amare DEUM ex toto corde tuo, & ex omni mente tua: & ex totis viribus tuis, videbis manifestè infirmitatem & distantiam in qua es à prædicta innocentia & perfectione. Quarta ratio est, quia si cogitas multitudinem & largitatem beneficiorum DEI, & gratiarum corporalium & spiritualium communium tibi & aliis, vel quæ singulariter tibi sunt datæ senties quod hoc quod facis propter DEUM, est nihil ad recompensandū dicta beneficia & gratias Dei, & maximè si Dei liberalitatē attēdas & bonitatē. Quinta ratio est: quia si cogitas altitudinē & nobilitatem remunerationis & gloriæ promissæ & paratæ illis qui faciunt opera virtutum ad honorem DEI, quæ gloria tantò major dabitur, quantò opera erunt virtuosiora & maiora: cognosces pro tanto tuum meritum nihil esse in comparatione tantæ gloriæ, & desiderabis facere opera virtuosiora quam ante feceras. Sexta ratio est, quia si attendas pulchritudinem & gratiositatem quam habent virtutes in se, nobilitatem quam anima recipit per ipsas virtutes. Si attendas etiam vilitatem & turpitudinem quam in se habent vitia & peccata, & nihilitatem quam anima recipit per ea: conaberis (si sapiens es) ad amplius acquirendum virtutes, & amplius fugere vitia & peccata quàm unquam conatus fueris. Septima ratio est, quia si attendas altitudinem & perfectionem vitæ Sanctorum Patrum, vel eorum multas & perfectas virtutes: cognosces imperfectionem & infirmitatem vitæ tuæ & operum tuorum. Octava ratio est, quia si cogitas magnitudinem & multitudinem offensarum quas fecisti contra DEUM, cognosces quod omnia opera quæ facis quantumcunq; bona, nihil sunt ad satisfaciendum per viam iustitiæ offensis DEI. Nona ratio est, quia si speculeris diversitatē & periculū tentationū carnis, mūdi & diaboli: conaberis ad assumēdū maiorem firmitatē & altitudinē in omni virtute quā unquā feceris, ut possis esse in maiori securitate cōtra dictas tētationes. Decima ratio est, quia si cogitas districtum iudicium DEI finale, & cum quo apparatu bonorum operum, & cum qua satisfactione de offensis DEI debes venire ad dictum iudicium, videbis quod parum est quod fecisti per bona opera, vel per misericordiam secundum quod facere debuisses. Undecima ratio est, quia si cogitas brevitatem vitæ tuæ, & necessitatem tuæ mortis dubiæ, postquam non habebis spatium faciendi opera meritoria vel pœnitentiam, cognosces quod cum maiori corde & studio deberes facere bona opera, & pœnitentiam quàm non facis. Duodecima ratio est, quia si advertas qualiter si incipias bonam vitam, in quovis gradu, sine conamine & desiderio ascendendi in maiorem & altiore vitam non potest esse sine fundamento præsumptionis & superbiæ huius quod incepisti, nec potest esse sine inclusione magnæ tepiditatis & negligentiae, & ex quo hæc duo mala includuntur, non potest esse sine magno periculo veniendi in multa spiritualia vitia, non dubium quod si velis dictorum malorum esse liber, & immunis, quantumcunq; altā vitam inceperis, tu conaberis ad ascendendum ad altiore vitam & perfectiorem. Tredecima ratio est, quia si cogitas abyssalia iudicia DEI facta super aliquos, qui diu perseveraverant in magna sanctitate & perfectione, sic quod DEUS eos desererebat propter aliqua occulta vitia quæ nō credebant habere: non dubiū quod quantumcunq; altam vitam inceperis, omni die elevabis tuas affectiones & intentiones, deserendo omne vitium plus quàm feceras



feceras ante: appropinquando ad perfectam & integram sanctitatem: timendo ne forte sit in te aliquod vitium occultum propter quod sis dignus deferri à DEO. Quartadecima ratio est, quia si recogitas pœnas infernales damnatorum paratas peccatoribus cunctis, credo quod levis erit tibi omnis pœnitentia: & omnis humilitas pauperatis vituperium, & omnis labor quem in vita ista propter DEUM possis sustinere, ut evadas pœnas supradictas, & conaberis continuo ad tenendum altiore & perfectiore vitâ, timendo periculû veniendi ad pœnas illas. Prædictæ quatuordecim rationes, plus in brevi tractatæ sût quâ explicatæ ut addiscatis in paucis magna cogitare, sic quod quælibet ratio sit tibi materia considerationis spatioſæ. Attamē scias quod si velis proficere cum dictis rationibus, debes eas formare, non solum per intellectum, imò est necessarium quod per affectionem moneas tuam voluntatem ad hoc quod dicant ipsæ rationes. Et nota quod conclusio cujushbet rationis debet esse in duobus. Primò, in sentimento propriæ imperfectionis & nihilationis: deinde in desiderio & conamine veniendi in altiore vitam, & majorem perfectionem: sic quod non sit sentimentum propriæ imperfectionis et nihilationis sine desiderio, et conamine majoris perfectionis, et vitæ altioris, nec major perfectio et altior vita sine sentimento propriæ imperfectionis et nihilationis.

## DE ORANDO ET EXPECTANDO

*Adventum Domini, & de posterioribus signis adventûs ejus,  
& consummationis sæculi.*

### CAPUT XLII.

Postquam ergo Dominus ærumnarum et periculorum meminit, <sup>Luce 18. & 21.</sup> consequenter horû remediû subdit: quod est oratio præmeditata, ac jugis et assidua. Unde in lib. Paralip. <sup>Matth. 24. & Paralip. 20.</sup> Cum ignoramus quid agere debeamus, hoc solum residui habemus ut oculos nostros dirigamus ad Te. Quia enim dixerat Dominus de suo futuro adventu, qui subito veniet, et cujus tempus certum latet, sollicitos nos vult esse et dispositos, ne dies illa nos inveniat imparatos. Inter cætera autem quæ nos præparant ut securè et dignè adventum Domini expectemus, est orationis sedulitas et assiduitas, ut justis Judicis, misericordiam imploremus, et orantis humilitas, ut Judicem per humilitatem flectamus, et Ejus rigorem temperemus, quia Ei semper humilium placuit oratio. Unde in Ecclesiastico: <sup>Eccles. 35.</sup> Oratio humiliantis se nubes penetrabit, & donec appropinquet non consolabitur, & non discedet donec aspiat Altissimus. Oratio autem superbiorum exaudiri non meretur: orans enim defectum proprium constitetur, quod superbiz repugnat, quia defectum suum magis celare quàm prodere affectat. <sup>Docet Orare sèper,</sup> ergo Dominus quoniam oportet jugiter et semper orare, et ab oratione non deficere, quia multum valet oratio justis assidua. Sed quis potest semper orare? Ergo hoc intelligendum est de quotidianis horis canonicis, juxta ritum Ecclesiæ constitutis, et oremus semper scilicet pro tempore et horis debitis, et sic semper non importat continuitatem temporis, quia oportet interrumpi tempore dormitionis et quarundam necessitatum corporis, sed importat instantiam orationis temporibus et horis ad hoc congruis. Aut certè quidquid justus facit et dicit secundum DEUM, ad orationem est reputandum. Nam semper orat, qui semper bene facit, seu in bono perseverat, nec



nec desinit orare, nisi cum desinit justus esse. Orat enim non solum lingua, sed et cor et cogitatio, desiderium, sensus manus, oculi: et omnis operatio bona. Hæc enim si orare cessaverint, omnis lingvæ oratio inutilis est. Et hæc modò semper et sine intermissione possumus orare, et ab oratione non deficere. Unde Augustinus. Qui in Psal. 47. DEUM laudat lingvâ, non semper potest, qui moribûs DEUM laudat semper potest. Multum autem valet apud DEUM oratio cum lachrymis, quia hanc DEUS magis diligit & citius exaudit. Unde Angelus ad Tobiam, quando orabas cum lachrymis ego obtuli orationem tuam Domino. Et Dominus per Esaiam ad Ezechiam: *Audiui orationem tuam, vidi lachrymas tuas.* Nam ut ait Hieronymus: Oratio DEUM lenit, lachryma cogit: hæc ungit, illa pungit. Unde Bernardus: O humilis lachryma, tua est potentia, tua est Regni gloria, ante faciem Judicis sola intrare non vereris: quidquid petieris impetrabis, accusatori silentium imponis, & quandoq; sententiam ab ore Judicis rapis: vincis Invincibilem, ligas Omnipotentem. Et ad probandum efficaciam orationis assidua, proponit parabolam de perseverantia in oratione & ejus exauditione, inducens exemplum de Judice, qui DEUM non timebat offendere, & hominem non reverebatur, publicè scandalizare nec Divino timore movebatur, nec humano pudore, & de vidua petente vindicari de adversario suo, scilicet ut faceret sibi justitiam de eo, quam tandem ob solam importunitatem precum suarum exaudivit, ne eum sigillaret, id est; suggerendo sua importunitate offenderet, & fecit victus ratiò, quod nolebat facere beneficiò: motus ad faciendum justitiam, non propter amorem justitiæ, sed ad evitacionem suæ molestiæ. Ex quo patet aliquos hodie pejores istò esse, quia nec DEI timore, nec hominum pudore, nec aliqua importunitate volunt gravatis justitiam facere. Hanc parabolam Dominus ideo proposuit, ut ostendat quantò certiores de exauditione esse debeant qui DEUM Fontem justitiæ & misericordiæ perseveranter rogant, cum apud iniquum judicem valuerit perseverantia deprecantis ipsum, quia per importunitatem precum obtinuit petitionis effectum. Sic nempe multò fortius DEUS, qui est bonus & justus exaudiet preces, & faciet vindictam electorum suorum, in pressura & tribulatione existentium, & clamantium ad se die ac nocte, id est; orantium instanter pro sua liberatione & declaratione Divinæ justitiæ. Advertendum tamen quòd sancti viventes in terra non petunt à DEO de adversariis vindictam per gehennæ pœnam, sed quòd conversi ad justitiam desinant esse mali. Secundum illud in Proverbiis, Verte impios & non erunt, scil. impii. Vel quod amissa potestate quâ nunc habent, desinât justos persequi, vel quia ad bonos pertinet bona spiritualia & æterna suis persecutoribus optare: & hòc modò pro eis orare: sed quia pœnæ tēporales sunt quædam medicinæ, & valent ad emendationem vitæ, & ad declarationem Divinæ justitiæ: ideo ad Sanctos bene pertinet petere à DEO hòc modo vindictam de suis persecutoribus: non ex motu iræ, sed ex zelo justitiæ: & sic non est contra illud quod dicitur: *Orate pro persequentibus vos &c.* Deinde post orationem subjungit Dominus de fide interrogationem dicens. *Verum tamen cum venerit Filius hominis,* scilicet Christus ad judicium, putas inveniet fidem super terram? quasi diceret, parum inveniet, respectivè loquendo de fide formata charitate. De fide post orationem interrogat: quia si Rom. 10. fides deficit, oratio perit. *Quomodo enim invocabunt in Quē non crediderūt.* Ergo



Ergo ut oremus, credamus: & ut ipsa fides quâ oramus non deficiat, oremus: quod autem quærit Dominus an in adventu suo inveniat fidem, non facit dubitando, quia omnia novit: sed quærit arguens & increpans infidelium multitudinem: quia in adventu suo multos ab antichristo seductos reperiet à fide corruisse, respectu quorum paucos inveniet in vera fidei Confessione perstitisse: tunc enim secundum Bedam, tanta erit raritas Electorum, ut non tam ob claustrum infidelium, quàm ob torporem aliorum totius jam mundi sit acceleranda ruina: quia enim abundavit iniquitas, refrigescet & deficiet charitas multorum. Et quia præmunivit Dominus fideles contra adventum antichristi & suorum pseudoprophetarum, ac insuper monuit eos orare semper in tantis malis ad expectandū adventū suū, nūc consolatur eos per suum propinquum adventum. Ubi sciendum, quod cum triplex sit adventus DEI Salvatoris nostri: videlicet in carnem, in mentem, & in judicium: primi duo sunt amoris, tertius est timoris: tertium celebramus propter primum, & primum propter medium. De adventu enim ad judicium mentio fit isto tempore in officio: ut timore nobis immisso ad venerandam futuram festivitatem natalis Domini in carnem nos sollicitius præparemus. De adventu in carnem ideo festa recolimus, quatenus per ea Verbum æternum mentaliter concipere mereamur, dum ipsa mentalis conceptio est maxima gratia omnium donorum quæ in hac vita, secundum legem communem animæ devotæ per gratiam conferuntur. Unde dicit Augustinus, quod beatorum fuit Maria concipiendo Christum mente, quam carne. Et quia dicit idem Augustinus, quod timoris est præparare locum, & quod introducit charitatem sicut letitiam filium: ideo Ecclesia celebrans adventum Domini in carnem, pariter & in mentem, qui sunt adventus amoris, simul mentionem facit in officio de adventu ejus ad judicium, qui est adventus timoris: ut videlicet per timorem introducatur, ac per hoc nos moveamur ad amorosam nostri hospitii præparationem: quatenus Verbo æternò mentaliter in nobis conceptò, dicamus cum Propheta, à timore tuo Domine concepimus Spiritum salutis. Consolatur ergo eos Dominus de suo adventu propinquo: quia statim non immediate sed parvo tempore elapso post tribulationem antichristi & pseudoprophetarum, quæ durabit per tres annos cum dimidio, & etiam post mortem ipsius antichristi apparebunt signa manifesta propinqui judicii: quia post tribulationem illam antequam appareant signa ista, erit tempus breve, scilicet quadraginta dierum, vel circa, ad refrigerium bonorum, & ad poenitentiam malorum, in quo poenitere poterunt illi qui per antichristum fuerunt decepti. Et sciendū quod appropinquante finali judicio in omni creatura apparebit turbatio. Universitas autem creaturarum reduci potest ad quatuor genera: videlicet ad naturam Cœlestem, elementalem, rationalem, & intellectualem. Primò, ergo describitur turbatio in natura Cœlesti, videlicet in sole, luna, & stellis, in quibus erunt aliqua apparentia insolita, & naturæ suæ repugnantia: & ideo dicuntur signa quæ in eis erunt. Sol enim & luna obscurabuntur, & stellæ cadent de Cælo, non à situ suo, quod naturaliter impossibile est fieri, cum terra non sufficeret earum magnitudini, & corpora Cœlestia mancant in natura sua integra: sed propter nimiam scintillationem quæ erit in aere, cadere videbuntur à suo lumine, non quod eò priventur, cum sit eis naturale: sed quia vincuntur à majori lumine. Hæc enim lumina,

Bedæ in cap.

18. Luca.

Matth. 24.

Adventus

Domini tri-

plex.

Augustinus

Tractat. 10

in Joann.

Idem tra-

ctat. 9. in

Epist. Joann.

Turbatio

universalis.

Turbatio

Celi.

Stellarum

casus.



minaria obscurari & cadere dicuntur, comparatione majoris lucis supervenientis: quia in glorioso Christi adventu apparente vera gloria lucis, omnia mundi lumina tenebris comparantur & umbris sicut stellæ non apparent sole oriente, & lumen candelæ non lucet in die. Unde Beda. Sydera in die judicii videbuntur obscura, non diminutione suæ lucis accedente, sed superveniente claritate Veri Luminis hoc est Summi Judicis cum venerit in Majestate sua, & Patris, & Sanctorum Angelorum. Quamvis nil prohibet intelligi veraciter solem tunc & lunam cum syderibus cæteris ad tempus suo lumine privari: quomodo de sole factum constat tempore Dominicæ passionis, luna enim tunc temporis cum esset plena sub abdito terræ latebat. Cæterum peracto die judicii & clarescente futuræ gloriæ vitæ cum fuerit Cælum novum & terra nova: tunc fiet quod Elaias Propheta dicit: *Et erit lux lunæ sicut lux solis, & lux solis septemplex sicut lux septem dierum.* Hæc Beda. Mystice Ecclesia speciosa ut luna, electa ut sol, & quæ noctem mundi illuminat ut stellæ: tunc non apparebit impiis ultra modum sævientibus: & cedent persequentibus accedent multi qui gratiâ fulgere videbantur, & quidam fideles firmissimi turbabuntur. Moraliter verò per solem status perfectorum designantur, eorum enim est ad modum solis influere aliis & illuminare. Per lunam status proficientium significatur: ad quos pertinet exterioribus exercitiis virtuosius quæ sunt circa mutabilitatem humanorum actuum insistere, ad similitudinem lune quæ inter planetas specialiter habet influentiam super mutabilitatem istorum inferiorum. Per stellæ verò status incipientium accipitur, ad quos pertinet præterita peccata deplangere & à futuris cavere: stellæ enim emissionem radiorum aerem impurum depurant: & earum virtute auferitur à mundo inferiori pestilentia corruptela. In quolibet istorum statuum, ut Verbum æternum concipiatur in mente, debent certa signa præcurrere. In sole namq; legitur accidisse signum stationis, signum retrogradationis, & signum signa per obscurationis. Et in sole quantum ad perfectos, primò debet esse signum stationis: & hoc per mentis in DEO stabilisationem, ne variis cogitationibus evagetur, secundum illud Psalm. *Facta cogitatum tuum in Domino.* Secundò, signum retrogradationis per contemplationis & actionis alternationem, secundum illud Ezechiel: *Animalia ibant & revertabantur.* Animalia enim, id est; sectatores Evangelicæ perfectionis: vadunt ad vitam contemplativam, in qua quia diu immorari non prævalent revertuntur ad activam. Tertiò, signum obscurationis per propriæ gloriæ exinanitionem, ut in suis oculis nihil se esse reputent. Sic semetipsum obscuravit Apostolus dicens: *Ego sum minimus Apostolorum.* Et sequitur: *Gratiâ DEI sum id quod sum.* In luna quantum ad proficientes debet apparere signum conversionis in sanguinem, per passionis jugem recordationem. Unde eis dicit Christus in Threnis: *Recordare paupertatis meæ, & absinthii & fellis.* Et respondere debet homo illud quod ibi sequitur: *Memoriâ memor ero & tabescet in me anima mea.* In stellis verò quantum ad incipientes debet esse signum casus & propriæ dejectionis per defectum multiplicium humilem recognitionem. De quo casu exponi potest illud Proverb. *Septies in die cadit justus, & resurgit.* Justificatus nempe per gratiam DEI omni tempore quod per septenarium numerum innuitur, debet cadere per propriam recognitionem: & tunc semper post lapsum resurgit per Divinæ miserationis suble-



sublevationem: quotiens nempe quis pro suis defectibus ingemuerit, totiens Divinae propitiationis gratiam sibi amplius cumulabit. Hæc autem signa facere in quolibet statu non est ex nobis, sed ex superfluentia Divinae bonitatis. Ideo sapiens orat: *Miserere nostri Eccles. 36.* *DEUS omnium, & ostende nobis lucem misericordiarum tuarum.* Et subdit: *Innova signa, & immuta mirabilia.* Secundò describitur turbatio in creatura elementari, cum dicitur: *Et in terris pressura gentium præ confusione sonitus maris & fluctuum.* Nam ex impressione corporum Cælestium fiet commotio elementorum. Terra enim commotio-<sup>Terra et</sup> ne commovebitur: & in aere caligo & venti, tonitrua & fulgura,<sup>maris signa</sup> coruscationes & varæ tempestates generabuntur. In mari quoq; & fluctibus generabuntur spiritus procellarum: & ab intus & ab extrâ concutientes mare & fluctus, ex quorum confractio generabitur maximus & horribilis sonus, & præ nimia aquarum hinc inde agitatione absq; ordine, quasi sonus confusionis apparebit. Et insuper aderit etiam incendium ignis qui præcurret, faciem Judicis: ita ut mare & omnia credantur consumi omnino, dicente Petro: *Elementa calore solventur, & terra & omnia quæ in ea sunt opera exurentur.* <sup>1. Pet. 3.</sup> Ex quibus patet omnibus corda hominum nimio terrore concutientur, & homines attoniti quasi fugere volentes, & propter tenebras horrendas se mutuo videre non valentes: discurrendo se invicem præment, & impingendo comprimant: ut fiat pressura gentium, & ruat unus super alium ex concursu multorum timentium ab aquis ablorberi, & ab igne & tempestatibus consumi: & secundum hoc propriè dicitur pressura, quasi premens suram. Maximè autem hujus pressuræ causa erit sonitus maris & fluctuum: quia mare in usitato modo terribiliter fremet, & littus maris vehementius agitabitur tempestare. Tertiò describitur turbatio in creatura rationabili, id est; homine, cum subditur: *Arescentibus, id est; deficientibus, hominibus,* à vigore suæ corporalis virtutis & colore, in diebus enim illis efficientur homines aridi & stupidi & palescentes & velut amentes, & contabescant in seipsis: ita ut alter alterum non alloquatur, vel audiat seu attendat, præ timore, scilicet malorum præsentium, & expectatione malorum adhuc restantium, qui inquam timor & expectatio supervenient universo orbi, quasi diceret: nec natio nec provincia excludetur ab his angustiis. De his autem sic dicit Esaias: *Eritq; repente, & confestim visitabitur à Domino exercituum in tonitruo, & commotione terra, & voce magna turbinis & tempestatis & flammæ ignis devorantis.* Et sic implebitur quod dicit David de impio. *Quæsi vi & non est inventus locus ejus,* quasi diceret. Quæsi vi impio locum in <sup>Psalm. 36.</sup> mundo, & non inveni. Nam judicio imminente Cælum tonitruis & fulgoribus repellat impium, aer depellet per turbinem, mare per tempestatem, terra eum excutiet per commotionem: ut in toto mundo locum non inveniens sepeliatur in flamma ignis devorantis in inferno. Quartò ponitur turbatio in creatura intellectuali cum infertur. Nam virtutes Cælorum, id est; Angelicæ potestates movebuntur. Ille autem motus erit multipliciter: quia movebuntur quodam motu admirationis videntes inusitados effectus accidere præter ordinem naturalem. Item movebuntur ex Divina voluntate ad faciendum miraculosas transmutationes in elementis ad incutiendum hominibus terrorem Judicis venientis. Item movebuntur ad peccatorum vindictam & separationem, expetendo ab eis ultionem: quia separabunt malos de medio justorum, & mittent eos in cami-



caminum ignis. Item possunt dici moveri ex magno timore, videbunt nempe totum orbem judicari, & luciferum qui eorum princeps fuit. Unde dicit Chrysostomus. Quod valde decenter commovebuntur & concutientur videntes tantam transmutationem fieri, & conservos suos puniri, & orbem terrarum terribili assistentem judicio. Est autem in Angelis timor cujusdam reverentiae & admirationis respectu Dei, quia sc. admiratur Dei Majestatem eis incomprehensibilem, & ad modum trementium se habebunt. De tali timore dicitur in Job: *Columnae Caeli contremiscunt & pavent in adventu ejus.* Quid ergo facient virgulta deserti, ubi timore concutitur cedrus Libani paradisi? Unde non est mirum si homines qui in natura & sensu sunt terrestres arescent: cum etiam Angelicae potestates quae de se securae sunt movebuntur. Moraliter Caelorum nomine possunt intelligi animae sanctae, in quibus DEUS per gratiam concipi dignatur & habitare. De quibus dicitur: *Caelum mihi sedes est,* anima enim justi sedes est sapientiae. Hujus Caeli virtutes sunt animae vires. Sicut autem in adventu in judicium virtutes Caelorum corporalium movebuntur: sic in adventu Verbi aeterni in mentem omnes virtutes & potentiae animae movebuntur ad operationes superexcedentes, superiorque & inferior portio rationis movebuntur de exercitio bonae operationis, ad studium orationis & contemplationis. Judicium Divinum praecedent signa & mirabilia irae DEI in peccatores designantia, & ad ostendendam DEI paratam contra eos vindictam. Et sicut offensio Dominum turbatur ejus familia contra offendentes, sic creatura DEI turbatur contra peccatores. Et secundum Bedam: Quomodo impulsae ad casum arbores fragores motusque sui praemittere solent indicia, sic termino mundi appropinquante quasi paventia nutant & gemunt elementa & omnis creatura. Et ut dicit Chrysostomus: sicut homo cum moritur patitur phantasias & turbationes maximas, qui est imperfecti. microcosmus sive minor mundus: sic macrocosmus sive major mundus deficiens totus conturbabitur. Modum enim deficiendi in majori mundo, ex minori oportet accipere. Nota hic Dominum breviter quaedam tetigisse signa diem judicii praecedentia. Dicitur autem in scholastica historia quod Hieronymus, in annalibus libris Hebraeorum invenit signa quatuordecim dierum ante diem judicii: sed utrum dies illi continui futuri sint an interpolati, non expressit: hoc autem multam habet dubietatem. Primam die eriget se mare quadraginta cubitis super altitudinem montium stans in loco suo quasi murus. Secundam, in tantum descendet ut vix videri possit. Terciam, marinae beluae, scilicet balenae & hujusmodi apparentes super mare dabunt rugitus usque ad Caelum. Quartam, ardebit mare & aquae omnes. Quintam, herbae & arbores dabunt rorem sanguineum. Sextam, omnia ruent aedificia. Septimam, Petrae adinvicem colligentur. Octavam, fiet generalis terrae motus. Nonam, aquabitur terra. Decimam, exhibunt homines de cavernis, & exhibunt velut amentes, nec mutuo poterunt loqui. Undecimam, surgent ossa mortuorum, & stabunt super sepulchra sua. Duodecimam, cadent stellae de Caelo secundum quosdam quod ad apparentiam. Tertiadecimam, morientur homines viventes ut cum mortuis resurgant. Quartadecimam, ardebit Caelum & terra, id est; superficies aeris & terrae. Quintadecimam, fiet Caelum novum & terra nova, & omnes homines resurgent. O! cor nequam si adhuc audita non molliris, nec ad poenitentiam provocaris, durius es lapide: durius adamante. Haec enim signa terribilia quae praecedunt, terri-



terribilius iudicium quod sequitur ostendunt. Unde Chrysostomus: *Chrysostom.*  
 Terribile est iudicium, & inevitabilis est poena, & intolerabile illud *hom. 43.*  
 tormentum. Si autem vis neq; hic dare vindictam: decerne de te *in Matth.*  
 ipso, & expete à teipso noxas. Audi Paulū dicentem: *Quoniam si nos* 1. Cor. 11.  
*metipso judicaremus, non utiq; judicaremur, si hoc feceris viā pravenies,*  
 & ad coronā devenies. Et qualiter expetemus vindictā à nobisipso,  
 ait Bernardus: Luge, ingemisce amarē, humilia te ipsū, vitupera te,  
 rememora peccatorum secundū speciem. Qui enim facit hoc, ita  
 compungeretur ut neque vitā dignum seipsum esse aestimet: qui au-  
 tem hoc aestimat, cerā omni mollior erit. Neq; igitur parva hæc  
 aestimes esse: sed congrega omnia, & sic ut in libro scribe. Si nempe  
 tu scripseris DEUS delebit, sicut si tu non scripseris, DEUS & inscri-  
 bet & vindictam expetet. Multum igitur melius est à nobis inscri-  
 bi & divinitus deleri, quā ē contrario nobis oblivione tradentibus  
 DEUM ea ante oculos nostros offerre secundū diem illam. Ut  
 igitur hoc non fiat, omnia cum diligentia recogitemus: & invenie-  
 mus multis nosipso obnoxios. Qualiter igitur est salvari ars? Con-  
 traria his formata ponentes. Attendamus igitur & per omnia vul-  
 nera expurgemus: Ita nempe poterimus & ignoscentiā delictorum  
 potiri, & promissis perfrui bonis. Hæc Bernardus.

## DE ADVENTU CHRISTI JUDICIS.

### C A P U T XLIII.

**E**T tunc scilicet post prædicta signa per Dominum tacta, *apparebit,* *Matth. 24.*  
 hora quā non putatur, hora enim iudicii ignoratur, *signum Fi-* *Lucæ 21.*  
*li hominis,* scilicet signum Crucis, *in Cælo,* hoc est in aere qui aliquan-  
 do in scriptura Cælum vocatur ut passus in humilitate ignomini-  
 am Crucis ostendat in sua veniens Majestate salutarē fructum & di-  
 gnitatem Ejusdem gloriæ Crucis. Filium hominis non Filium DEI  
 se hic appellat: quia non in forma DEI sed hominis judicabit. Se-  
 cundū Chrysostomum. Crux apparebit sole luculentior existens, ut non *Chrysost. hō.*  
 sit necessitas accusationis cum viderint Crucem, sed per se sine ex- *77. in Mat.*  
 cusatione condemnabile eorum efficiatur peccatum: quemadmodum  
 si quis lapide vulneratus, ipsum ostendit lapidem, vel vestimenta  
 sanguine madefacta. Et secundū eundem Chrysostomum: Non erit *Idem ibidē.*  
 Crux lignum, in quo scilicet passus est Dominus: sed lux in modum  
 Crucis splendidior sole. Per hoc autem signum Crucis intelligi pos-  
 sunt etiam alia signa, & instrumenta lux passionis & mortis: ut cla-  
 vi, lancea, corona, & flagella, quæ quasi vexilla, triumphi, & victo- *Zach. 12:*  
 riæ in iudicium deferentur. Quidam autem per hoc intelligunt ci-  
 catrices seu stigmata, & testimonium passionis in carne JESU: ut  
 impleatur illud Zachariæ: *Videbunt quem transfixerunt.* Unde Hieronymus  
 Hieronymus: Signum autem hinc Crucis intelligamus, ut iudæi videant in *cap. 24.*  
 quem compunxerunt: aut vexillum fidei Victoris triumphantis *Matth.*  
 secundū Chrysostomum: Quemadmodum ingrediente Rege in Civitatem, *Chrysost. hō.*  
 exercitus antecedit, qui signa atq; vexilla Regalia præferens annun- *27. in Mat.*  
 tiat Regis introitum: ita Domino descendente de Cælis, præcedet  
 exercitus Angelorum & Archangelorum, qui signum Crucis ut tri-  
 umphale vexillum præferentes, Divinum Regis Cælestis ingressum  
 terris trementibus nuntiabunt. Et tunc scilicet cum triumphale  
 vexillum videbunt, *plangent se,* inconstabiliter, serò accusante con-  
 scien-



scientiâ, omnes tribus terræ, id est; aliqui de omnibus tribubus, & nationibus scilicet mali vel omnes tribus terræ, id est; omnes homines terreni & iniqui, qui terrena dilexerunt, & ea DEO proposuerunt: qui cum terrena voluptate decesserunt, quibus gravis & tristabilis erit adventus Judicis quem terrenis postposuerunt. Et recte dicit, tribus terræ, quia, ut dicit Hieronymus. Hi plangent qui municipatum non habent in Cœlis: sed scripti sunt in terra. Ubi Chrysostomus. Plangent judæi plangent gentiles, plangent Christiani, qui magis dilexerunt mundum quam Christum. Non sic tribus Domini. Illuc enim ascenderunt tribus tribus Domini ad confitendum nomini Domini. Plangent autem se, id est; suam culpam quam commiserunt, suam stultitiam quam non correxerunt, suam gloriam quam amiserunt, suam pœnam quam incurrerunt. Et iterum: Tunc plangent se omnes tribus terræ, qui magis dilexerunt mundum quam Christum, cum audierint Eum hæc verba dicentem ad se: Ego propter vos homo factus sum, propter vos alligatus, & delusus, & cæsus, & crucifixus, ubi est tantarum injuriarum mearum fructus? Ecce præmium sanguinis mei quod dedi pro redemptione animarum vestrarum: ubi est servitus vestra quam mihi pro pretio sanguinis mei debetis? Ego super gloriam meam vos habui cum essem DEUS apparens homo, & vilior me omnibus rebus vestris fecistis. Nam omnem rem vilissimam terræ amplius dilexistis, quam justitiam meam, & fidem. Tunc plangent se omnes tribus terræ, quia nec resistendi virtus est contra Eum, nec fugiendi facultas ante faciem ejus, nec pœnitendi locus: ex angustia nempe omnium rerum nihil eis remanet præter luctus. Merito plangent se: quia tunc neque pecuniæ divitiibus prosunt ad eleemosinam faciendam, neque parentes justi pro filiis intercedentes, neque ipsi Angeli pro hominibus, sicut solebant, facere verbum, quia non recipit natura judicii misericordiam, sicut nec tempus misericordie judicium dicente Propheta: Misericordiam & judicium cantabo tibi Domine: misericordiam in priori adventu, judicium in secundo. Hæc Chrysostomus. Unde & Effrem: Utique si sciremus quid imminet vel incumbat, o! fratres jugiter plangeremus DEUM obsecrantes. Si nempe omnis creatura contremiscet, & ipsa agmina Sanctorum Angelorum expavescent in adventu Ejus: quid tunc dicemus si hoc parvo tempore negligenter ac legenter vixerimus? Ipse namque pro hac negligentia nostra rationem à nobis exquiret, ac dicet propter vos incarnatus sum: & in terris palam conversatus: propter vos flagellatus sum, consputus, palmis cæsus, crucifixus, acetò potatus Paradisum vobis aperui, Regnum Cœlorum vobis obtuli, Spiritum Sanctum vobis misi, quid ultra debui vobis facere, & non feci? humilem voluntatem vestram solummodo quæsi, non vos coegi: ne causa vestræ salutis, esset occasio necessitatis. Dicite mihi peccatores, secundum carnem passibiles, ac mortales quid passi estis propter me Dominatorem vestrum, qui etiam impassibilis pro vobis passus sum? Hæc Effrem. Et tunc videbunt oculis corporalibus, tam fideles quam infideles, filium hominis in specie humana: quia in forma hominis judicabit. Unde Augustinus. Visio quippe filii hominis exhibetur & malis: nam visio formæ DEI non nisi mundis corde: quoniam Ipsi DEUM videbunt. Et quia Filium DEI secundum id quod in forma DEI æquales est Patri videre iniqui non possunt: oportet autem ut Judicem vivorum & mortuorum coram quo judicabuntur, & justi videant & iniqui ideo

Hierony. in  
c. 24. Matth.  
Chrysostomus  
hom. 77.  
in Matth.  
Psalm. 121.  
Planctus ter-  
rena amatiu

Planctus ju-  
sti ratio.

Psalm. 100.

Beneficio-  
rum Dei ex  
probratio.

Augustinus  
lib. 1. de  
Trinitate  
cap. 13.



ideo oportebat ut Filius hominis acciperet judiciariam potestatem. Unde & Beda. Eâ formâ Electis apparebit, quâ in monte apparuit, *Beda in cap. reprobis verò in ea forma, quâ in Cruce pependit. Videbunt in-21. Luca.* quam, Eum venientem ad iudicium in nubibus Cæli, sicut in nube ascendit, scilicet in aere super locum unde ascendit. Unde Chrysost. Quia nempe sicut in actibus Apostolorum legitur: *Nubes suscepit illum ab oculis eorum, & illic dictum est ab Angelis: sic veniet quem-* admodum vidistis Eum ascendentem in Cælum: meritò credendus *Altor. 1* est, non solum in eodem corpore quò ascendit, verumetiam in nube venturus. Unde & Origenes. Sicut eo ascendente in Cælum *Origenes* nubes Eum tulit, propter honorem ascendentis: ita cùm deferet ad *Tract. 30.* iudicium: veniet autem cùm potestate magna. Primus enim Christi *in Matth.* adventus, fuit in ostensionem infirmitatis. Secundus erit in ostensionem potestatis, & Majestate, id est; gloria: tunc enim totus Christus cum membris gloriosus apparebit indutus lumine sicut vestimento: veniet inquam cum virtute multa & potestate contra inimicos ad puniendum & deprimendum eos: ac gloria magna & Majestate, propter bonos ad præmiandum & glorificandum ipsos, ut qui in primo adventu venit ut servus cùm infirmitate & humilitate: in secundo veniet ut Dominus cum fortitudine & Regia Majestate. Unde Cyrillus: Primam nempe apparitionem prosecutus est cum infirmitate & humilitate nostra: sed secundam celebrabit cum propria potestate & Majestate. Ubi & Gregorius: In potestate & Majestate visuri sunt Quem in humilitate positum audire noluerunt, ut virtutem ejus tantò tunc districtius sentiant, quantò nunc cervicem cordis ad ejus patientiam non inclinant. Ubi & Chrysostom. Si quando Rex terrenus processum aliquem, aut expeditionem mandat in populo: dignitates omnes moventur, & exercitus excitatus tota Civitas fervet: quantò magis Rege Cœlesti exurgente judicare vivos & mortuos, virtutes Angelicæ commovebuntur: terribiles ministri, terribiliorem Dominum præcedentes. Ante ipsum pro candelabris fulgura viva præcedent, & pro tubis horrenda tonitrua vociferabunt. Qualis Rex, talis est præparatio Regis. Hæc Chrysostom: Filius ergo hominis in iudicio apparebit: quia dignum est ut Ipse Filius DEI, qui in forma hominis injustè judicatus est in eadem forma hominis in iudicio justè judicet. Et in carne Ejus videbuntur cicatrices vulnerum, ut videant reprobi in quem pupugerunt. Unde Chrysostom. Vulnera servavit, ut in die iudicii proficiant ad testimonium passionis contra judæos, & omnes qui denegantes Filium DEI crucifixum in corpore judaïsant. Et tunc vivi rapiuntur aliqui cùm Dominus veniet ut dicatur judicare vivos & mortuos: ac Judex vivorum & mortuorum. Et secundum Augustinum: Illic tunc morientur, & in momento resuscitabuntur: quia statutum est hominibus semel mori. Et secundum Apostol. omnes resurgemus, & ergo omnes moriemur. Ut enim ait Augustinus. Erit resurrectio mortuorum omnium hominum, sed una & insimul: non prima justorum, & peccatorum secunda. Et tunc scilicet ante resurrectionem communem mittet: Angelos suos cum tuba & voce magna, id est: tam aperta & tam intensa voce, quæ à mortuis audiat: ubiq; Unde Remigius: Hæc autem tuba non revera corporea est intelligenda, sed Angelica vox: quæ adeo magna erit, ut ad clamorem illius omnes mortui de terræ pulvere consurgant. Vel tuba, est potestas suscitandi mortuos & vox est vox Christi vocantis mortuos ad iudiciū, ex cujus

*Adventus  
terribilis.*

*Gregor hom  
1. in Evā.*

*Chrysost. hō.  
49. Operis  
imperfecti.*

*Chrysost. hō.  
49. operis  
imperfecti.*

*Augustinus  
lib. 20. de  
Civitate.*

*cap. 21.  
Hebra. 9.*

*1. Cor. 15.  
Tuba præ-  
via.*

*Chrysost. hō  
49. operis  
susci- imperfecti.*



insuscitabuntur, & ut in iudicio sint omnes. Ubi Chrysostomus. Verè magna vox tubæ terribilis, cui omnia obaudiunt elementa: quæ petras scindit, inferos aperit, clausulas tenebrarum pertransit, portas areas conterit, vectes adamantinos confringit, vincula mortis dirumpit, & de profundo abyssi animas liberatas corporibus assignat. Hæc omnia citius consummat in opere, quàm sagitta transit in aere: dicente A.

1. Cor. 15. postolo: *In momento in ictu oculi, in novissima tuba: canet enim tuba, & Congregati mortui resurgent incorrupti.* In illa voce pulvis jã dissolutus corporum mortuorum in nova membra constringitur. In illa voce quasi una

Dan. 12. persona obnoxia totum mare discutitur, ut si quid apud se retinet de humanis ossibus, sine contradictione restituat. Hæc Chrysostomus.

Chrysostomus. Et congregabunt Angeli ad iudicium Electos specialiter ab universis regionibus & locis, in quibus putrefactione resoluti sunt ut triticum ventilatum de area totius terræ & orbis: qui specialiter adducentur ministeriis Angelorum, quia erunt concives eorum. Et non solum congregabunt Electos, quorum corpora levia: sed etiam reprobos, qui corpora ponderosa habebunt: & ideo sicut Angelus Abacuch, sic

1. Cor. 15. eos portabunt. Sed Electos congregabunt ad gloriam, reprobos ad

Idem. ibid. damnationem. Et Electi occurrent Domino ad iudiciũ venienti: reprobi verò venient, sed in magna distantia. Ut ait Remigius. Et secundum Chrysostomum. Primò resurgent & resuscitados Angeli congregabunt, congregatos autem rapiunt nubes, & hæc omnia in instanti

Judicii re-momentò fient. In valle autem Josaphat, scilicet in aere iudicabitur cordatio. omnis homo, quia iudicii discrimen erit in aere, dicente Apostolo: Simul rapiemur cum illis in nubibus obviam Christo in aera. De

Chrysostomus. hac die sic dicit Chrysostomus. Heu mihi de illa die terribili, cum de-

habet simileceret nos lætari, cum hæc audiamus, sed dolemus & tristes sumus. quidpiam. Qualibus ergo videmus Christum oculis? Si enim Patrem aliquis, non utiq; ferret videre, conscius sibiipsi peccati in ipsum Patrem

hom. 2. in infinitè mansvetum, qualiter respiciemus Eum, tunc qualiter sustinebimus? Etenim repræsentabuntur tribunali Christi, & omnium diligens erit investigatio. Hæc Chrysostomus. In omni autem tentatione multum valet illam diem resurrectionis & iudicii, & nobis & aliis ad mentem revocare, quia hoc præcipue consuevit animam curare. Unde Chrysostomus. Si avari esse voluerimus, & si rapere, & si inconueniens quid agere: confestim diem illam in mentem mittamus, & iudicium subscribamus, & omnem frenum vehementius detinebit inconuenientem impetum hæc cogitatio, & dicamus ad nos ipsos, resurrectio est, & iudicium nos expectat terribile. Et si viderimus aliquem elatum, & in præsentibus bonis inflammatum, idem semper dicamus, ostendentes quoniam omnia hæc manent. Et si alium dolentem viderimus & contristantem, & ad illum idem loquamur, ostendentes quoniam finem habebunt tristitia. Et si pigritantem & dissolutum, rursus idem superincantemus: ostendentes ei quoniam necesse est pigritiæ noxas dare. Sufficiens est hoc verbum omni feramentò, magis nostram curare animam. Etenim est resurrectio præ ostiis non longè, neq; procul, adhuc autem parum quantumcunq; qui venit, veniet & non tardabit, & omnes nos manifestari

Matth. 10. oportet ante tribunal Christi, & bonos & malos: hos quidem, ut ante omnes verecundentur, eos verò ut ante omnes clariores efficiantur, hæc igitur secundum unamquãq; subscribamus nobis diem. Si hæc semper revolvimus, nulla sollicitudo præsentium nos mordere poterit: rerum etenim quæ videntur temporanea, ea verò quæ non videntur non



non temporanea sunt. Continuo igitur & ad ipsos loquamur, & ad-  
invicem resurrectio est & iudicium, & noxæ eorum quæ gesta sunt.  
Et ne iritemus DEUM, sed audiamus Eum dicentem. *Timete Eum*  
*qui potest & corpus & animam perdere in gehennam:* ut propter timorem  
facti molliores, & à perditione hac eruti digni efficiamur Regnò  
Cælorum. Hæc Chrysostomus.

## DE ELECTORUM CONSOLATIONE,

*Ex appropinquante redemptione, & de similitudine ficulneæ.*

### C A P U T XLIV.

**D**Einde post præmissa contra reprobos dicta, mox ad Electorum *Luce 21.*  
consolationem Dominus convertit verba, quia dies iudicii licet *Matth. 24.*  
in reprobis sit terribilis: tamen debet esse consolabilis: tunc enim *Marci 13.*  
ad gloriam transferentur optatam. Unde hortatur eos, dicens: *Hic*  
*autem,* scilicet signis prædictis, *fieri incipientibus,* & apparentibus sci-  
licet cum plagæ mundi crescent: cum terror iudicii commotis virtu-  
tibus ostendetur, cum peccatores tabescent præ timore & expecta-  
tione malorum: vos Electi, *respicite per fidem,* id est; diligenter at-  
tendite, & mentis oculos aperite credendo & nullatenus dubitando,  
& *levate per spem, capita vestra,* id est; mentes vestras à terrenis ad  
Cælestia expectatione gaudiosa erigite, & corda vestra exultate, ac  
gaudete cum lætitia qui in tristitia fuistis: quoniam post tribulatio-  
nem horum dierum, post pressuras & terrores malorum appropin-  
quat redemptio vestra plena & perfecta, quam expectatis: quia dum  
finitur mundus, cuius amici non estis: prope est redemptio quam  
quæsisistis, redemptio inquam vestra, id est; Sanctorum. sed è contra-  
riò appropinquabit perditio malorum: Hæc autem redemptio erit  
plena ab omnibus malis liberatio: tunc enim ab omnibus servituti-  
bus, scilicet peccatorum alligatione, fomitis infectione, sensuum  
illectione, passionum infestatione, dæmonum tentatione, malorum  
hominum persecutione, necessariorum sollicitudine, & ab omnibus  
huiusmodi criminibus liberi, quando ponemur in libertatem gloriæ Fi-  
liorū DEI. Hæc enim redemptio non est aliud, nisi perfecta libertas *Rom. 8.*  
animæ & corporis, ut tunc iusti dicere possint Christo illud *Apocal. 1.*  
*Occisus es & redemisti nos DEO nostro in sanguine tuo, & fecisti nos Deo*  
*nostro Regnum.* Hoc quippe ad consolationem Electorum cedit, quod  
videant Christum venire, ut eis præmia largiatur quæ suis promisit.  
Sed vix vobis ambitiosis, qui primas cathedras diligitis: scilicet qui  
ad dignitates diligitis accedere, vel in ipsis dignitatibus diligitis per-  
severare: quia tunc non erit vobis pars neque fors in sermone isto,  
nec cum Electis consolatio, nam Christum Iudicem venientem non  
libenter nec gaudenter videbitis qui nunc præesse & iudices esse  
diligitis. Quod bene Gregorius in moralibus attestatur dicens:  
Nam cui esse nunc iudicem libet, huic videre tunc Iudicem non li-  
bet. Non dicit qui Iudex est: sed cui esse Iudicem libet, animum  
videlicet non gradum redarguens, & ad voluntatem non ad factum  
vituperationem referens. Quis autem cogitare vel dicere valeat, *Idē in secun-*  
quæ tunc lætitia bonis, & quæ tunc tristitia malis erit. Unde Gre- *dum Psam.*  
gorius. Qui DEUM diligunt, ex mundi fine gaudere atque hilaresce- *panitentialē*  
re jubentur, quia videlicet Eum quem amant mox inveniunt dum  
transit is quem non amaverunt. Absit nempe ut fidelis qui quædam  
um



videre desiderat de mundi percussionibus lugeat: quem finire eisdem percussionibus suis non ignorat. Scriptum namq; est. *Quicumq; voluerit amicus esse hujus seculi. inimicus DEI constituetur.* Qui ergo appropinquante mundi fine non gaudet, amicum se illius esse testatur, ac per hoc inimicus DEI esse convincitur. Ex mundi enim destructione lugere eorum est, qui radicem cordis in ejus amore plantaverunt, qui sequētē vitam non quærunt. Hæc Gregorius. Dicit autem hæc ad discipulos, non tanquam ad eos qui durare deberent in vita ista usq; ad mundi terminum, sed quasi uno corpore existente ipsis & nobis & posteris usq; ad consummationem mundi credituris in Christum. Quamvis ergo diem illam nemo sciat: proximam tamen esse dubitare non poterit, postquam tanta & talia signa fieri incipient. Cujus rei gratiā subdit parabolam, id est, similitudinem ad propositum congruam, de ficulnea & aliis arboribus.

**Ficulnea si- militudo.** Sicut enim ex pullulatione & fructu foliorum & florum in arbore prope esse æstas agnoscitur ita ex ruina mundi quæ fructus ejus est, & signis prædictis, propè esse cognoscitur adventus Judicis, & Regnum DEI quæ æstas erit justis ex hyeme, & peccatoribus hyems

**Chrysostomus hom. 78. in Matth.** ex æstate. Secundum Chrysostomum. Plus de ficu quàm de alia arbore similitudinem ponit, quia penè post omnes arbores vernat, & sic magis è vicino æstatē nūciat. Vel similitudinem à ficu sumit, quia illa si mala est, mala est valde, & si bona est, bona est valde: sic judiciū valde malum est, malis & valde bonū est justis. Vel quia dulcedo ficus dulcedinē futurorū significat gaudiorū. Hæc similitudine (secūdū Gregor.) despiciendus mundus ostēditur, cujus fructus ruina est, quia ad hoc cre- scit ut cadat, ad hoc germinat; ut quæcunq; germinaverit cladibus cōsumat. Moraliter homo arboribus in hoc assimilatur, quia sicut arbores post hyemem fructificant, & æstate fructus colligitur. sic homo post tribulationem fructum habet, qui per tollerantiam passionum acquiritur, & hic fructus in æstate claritatis æternæ colligitur. Et convenienter Regnum DEI comparatur æstati. Primò, quia æstas est tempus lucidum, sic Regnum Cælorum. Secundò, quia æstas est tempus fructiferum, sic in Regno Cælorum. Tertiò, quia æstas est tempus jucundum: sic Regnum Cælorum. Quartò, quia est tempus tranquillum: sic in Regno DEI cessabit nubilum tribulationum. Et confirmans præmissa assertionem certificatoria subjungit: *amen, id est; verè dico vobis: quia non præteribit generatio hæc, id est; non deficiet hæc sexta ætas omnium hominum malorum & bonorum, hoc est genus humanum, vel specialiter generatio hæc scilicet judæorum, quæ non deficiet ex toto, quia potest opprimi & dispergi, non tamen destrui & annihilari ob memoriam Crucifixi, vel generationem Christianorum dicit Ecclesiam, volens discipulos consolari, ne crederent quod in illis temporibus fides deficeret, donec omnia, quæ circa Christi adventum prædicta sunt fiant: & fuerint consummata.* Vel secundum Chrysostomum. Donec impleatur omne mysterium vocationis Sanctorum: quia quātūmcunq; fideles opprimantur tempore antichristi: tamen aliqui permanebunt in fide stabiles usq; ad finem mundi, ubi de prædicta die adventus Domini nos quasi præmonendo, sic dicit Gregorius. Illum ergo diem fratres charissimi ante oculos ponite, & quidquid modò grave creditur in Ejus compariatione levigatur. Illum diem tota intentione cogitate: vitam corrigite: mores mutate: mala tentantia resistendo vincite, perpetrata autem fletibus punite. Adventū namq; æterni Judicis tantò securiores



riores quandoq; videbitis: quantò nunc distractionem illius timen-  
do prævenitis. Hæc Gregorius. Et addit quandam protestationē  
ad assertionem præmissorum, dicens: *Cælum*, scilicet non æthereum, *Cælum*  
sydereum, sed acreum, à quo & aves Cæli & nubile Cæli cognomi- *acrum.*  
nantur: hoc est inania hæc & nubilosa ventosi aeris spatia, & *terra*  
*transibunt*, id est; suo modò mutabuntur: scilicet quò ad mutationem  
qualitatis, & ejus quam nunc habent imaginis: non quò ad destru-  
ctionem substantiæ, secundum quam subsistent sine fine, quia quò  
ad qualitatem in melius commutabuntur, & formà priorì deposità  
innovabuntur, ut dicatur Cælum novum, & terra nova: præterit e- *1. Cor. 7.*  
nim hujus mundi figura, sed quò ad substantiam & essentiam semper  
manebunt immobilia. *Verba autem mea* fundamentum æternæ ve- *Verborum*  
ritatis habentia, hoc est verborum sententiæ non *transibunt*, sine effe- *DEI stabi-*  
ctu impletionis: sed sicut dicuntur, sic sine ulla diminutione imple- *litatis.*  
buntur. Ac si diceret: Ecce quanta est stabilitas verborum meo-  
rum, quia facilius est ea quæ videntur esse valde stabilia & durabi-  
lia destrui, quàm verborum meorum quæ videntur per prolationem  
transire aliquod decidere. Facilius est quòd tota natura subverta-  
tur: quàm quòd intellectus verborum meorum effectu non comple-  
atur. Plus enim repugnat Divinæ veritati à veritate verba sua de-  
ficere, quàm quòdquq; creatum in nihilum redigi. Augustinus di- *Augustinus*  
stingvit triplex Cælum. Primum acreum, in quo aves volitant. *de cognitio-*  
Secundum æthereum in quo sydera stant. Tertium empyreum, in *ne vera vita*  
quo DEUS & Sancti habitant. Primum transibit, non quidem se- *6. 43.*  
cundum substantiā, sed secundum qualitatem: quia innovabitur & deputabi-  
tur per ignem. Secundum etenim transibit, quia à motu cessabit, *Cæli triplex*  
& habebit claritatem quam habet sol: & solidabitur alia claritas, & *Calorum*  
lunæ similiter. Cessabit ergo motus Cæli & transmutatio in elemen- *transitus.*  
tis, quia ista ad complendum numerum Electorum sunt ordinata: & *Motus Cæ-*  
ideo istò completò in judicio cessabunt, sicut ad quæ sunt ad finem, *li cessatio.*  
habito sine cessabunt. Moraliter circa hoc nota quòd quia mundus *Moraliter.*  
iste quantum ad omne sui appetibile transit, quia secundum Joan- *1. Joann. 2.*  
nem, *mundus transit, & concupiscentia ejus*: hinc est quòd quicunq; *Transitus*  
his mundanis adhæret, ille est in continuo, transit cum ipso mundo. *munda*  
Et præcipue triplicem facit transitum miserabilem. Primò à cul- *norum, &*  
pa in culpam. Secundo, de culpa in poenam. Tertio de poena in *devotorum.*  
poenam. Boni autem fugientes mundum & ea quæ in mundo sunt  
faciunt triplicem transitum commendabilem. Primò quidem tran-  
seunt à culpa ad poenitentiam. Secundò, à poenitentia ad sapienti-  
am. Tertio, à sapientia ad vitam æternam. Qui hunc triplicem  
facit transitum, ille est verus Hebræus: & hic celebrat verum Pascha  
vel Paschæ, quòd est transitus Domini. Moraliter etiam nota quòd  
sicut transitus Cæli & terræ corporalis ponitur in argumentum ad-  
ventûs Christi in judicium, sic transitus Cæli & terræ spiritualis est  
argumentum adventûs Verbi æterni in mentem. Unde sciendum  
quòd per Cælum & terram quæ sunt extrema mundi corpora, pos-  
sunt intelligi anima rationalis & corpus quæ sunt duo extrema: sci-  
licet spiritualis & corporalis natura. Igitur adveniente Verbo æter-  
no in mentem, *Cælum & terra transibunt*, id est; ultra ibunt, quia sci-  
licet extrà vel supra communem hominum statum elevabuntur &  
innovabuntur: hoc enim efficit Ejus adventus in nobis quòd inno-  
vabimur, tam secundum animam, quàm secundum corpus, ut exu-  
entes veterem hominem cum actibus suis, induamus novum homi-  
nem,



*Ad Eph. 4.* nem, qui secundum DEUM creatus est. Renovabitur autem homo secundum animam per reformationem imaginis deformatae veritate defectuum culpabilium, ad quam reformationem imaginis deformatae anima pervenit triplici transitu. Nam primò transibit, ab oblivione memoriæ, ad acquirendam Verbi æterni præsentiam per jugem memoriæ recordationem. Secundò, transibit ab obfuscatione intelligentiæ, ad contemplandam Sapientiam per luculentam intelligentiæ percrutationem. Tertiò, transibit à torpore ignaviæ, ad degustandam Ecclesiæ dulcedinis affluentiam per ardentem amoris inhaesionem. Secundum corpus etiam homo innovabitur triplici transitu. Primò corpus transibit à carnalium oblectatione ad sensualitatis debitam suppressionem: ut videlicet corpus quantum ad appetitum animale & sensitivum, sit subiectum imperio rationis. Secundò, transibit à sensibilibus divagatione ad similibus corporaliū & specierum imaginabilium quietationem. Tertiò, transibit à passionum molestatione ad poenalitatum & afflictionum æquanimem tollerationem. Igitur quoniam sic Cælum & terra in nobis transierunt, certissimum argumentum est quod Verbum æternum nullatenus nos transivit, sed amorosè in mentem nostram declinavit. In quocunq; enim homine Cælum & terra, id est; anima & corpus transierint per gratiæ innovationem, illum Verbum æternum non transibit: imò ad DEUM venit per mentalem Ejus conceptionem. Et quia ad præcavendum tanta mala supra tacta, necessaria est digna præparatio: ideo generalem subdit admonitionē, dicens: *Attendite vobis*, id est; diligenter cavete, *ne graventur corda vestra*, id est; deorsum premantur ad vitia: ita quod levare non possitis capita vestra in crapula & ebrietate & curis hujus vitæ, id est; ex superfluitate cibi & potūs, & superflua terrenorum sollicitudine. Crapula nempe sensum ligat, cura secularis sensum distrahit & suffocat: *Et superveniat in vos* repentina dies illa, scilicet judicii, *Et repentinus interitus* vos auferat nescientes: & ideo hæc vitanda sunt & cavenda. *Tanquam laqueus enim*, scilicet insperatus quod evadi nullò modò poterit, & perpetuò retinens quod semel ceperit, *superveniet in omnes qui sedent super faciem omnis terræ*, id est; qui delectabiliter & per amorem quiescunt in terrenis, & hujusmodi illecebris. Peccator nempe primò capitur laqueò culpæ, sed tandem capietur laqueò pænæ. Sancti quidem transeunt super terram, tanquam hospites, & peregrini: sed mali sedent & quiescunt in terra, tanquam cives & domestici. Unde Theophilus. Capiet nempe dies illa sedentes in superficie, quasi impræmeditados & inertes. Quotquot verò sunt solertes & agiles ad bonum, non sedentes & otiantes in terrenis, sed surgentes ab eis sibi dicentes: surge, vade quoniam non est hic tibi requies: talibus non est illa dies ut laqueus & discrimen: sed ut dies festivus.

*Beda in cap. 21. Luca.* Unde Beda. O! stultam præsumptionem cordis humani, quæ lamentabile finē cupiditatis, ebrietatis, & crapulæ, nec ipso Judice contestante prævideat, sed edictū Regis æterni in more servi nequam, postquam didicerit spernat. Et certè si quis nobis peritus ac sapiens Medicus præciperet, attendite, inquit, vobis ne quis, verbi gratiâ de illius herbarum succo avidius sumat: quod si fecerit, repentinus ei superveniet interitus: quanto quisq; studiò præmonētis Medici mandata servaret, ne videlicet vetitum gustando periret: ac nunc animarum simul & corporum Salvator, ac Dominus jubet ebrietatis herbam & crapulæ vitandam: nec non & curarum seculariū sollicitudines,



ut mortiferos succos esse cavendas: & quanti tamen nostrum his non solum laudari, sed etiam consumi non timent? Nulla credo alia causa, nisi quia fidem quam medici præbent dictis, DEO præbere contemnunt. Si nempe credidissent, credendo utiq; timerent: timendo autem imminens periculum caverent. Unde & Chrysostomus *Chrysostomus*  
Si dixerò tibi abstinere te à deliciis, & jejuna: non facis, quia non cre- *sermon. de*  
dis. Si ægrotanti tibi medicus dixerit, abstinere te ab hoc, obaudis: *jejunio.*  
quia credis te salvandum si servaveris. Et frequenter illud amas quod manducare vetaris, & vincis desiderium ventris, propter desiderium sanitatis. Multo magis jejunare poteris, si crederes jucunditatem illam futuram. Hæc Chrysostomus. Major insania non potest esse, quam mortem animæ non formidare. Quia (ut ait Chrysostomus). Quanto pretiosior est anima quam corpus, tanto miserabilior perditio animarum quam corporum. Deinde monet omnes, dicens. Vigilate itaq; omni tempore, non vigiliâ sensus: quia nullus posset hoc sustinere, sed vigiliâ intellectus, de qua in canticis dicitur: *Cantic. 5.*  
*Ego dormio, & cor meum vigilat:* & omni tempore orantes, non *Thess. 5.*  
quod oratio sit semper continua, quia oportet eam sæpe interrumpi somno, & aliis necessitatibus corporis: sed continuas intelligitur quod non interveniat mortale peccatum impediens ipsius effectum & opus bonum: & ideo subditur ut digni habeamini fugere, id est; cavere salubriter omnia ista quæ ventura sunt, & stare securi in judicio ante Filium hominis, sedentis scilicet ad judicandum: id est; coram Christo in forma humana judicante, quia illi qui tunc invenientur sine peccato mortali, erunt salvi, ut dicit Glossa. Hæc est summa beatitudinis: scilicet in præsentia Judicis securum consistere. Mali autem cadent ante Eum ita quod amplius non resurgent: quia penam quamlibet mallerent sustinere, quam ipsum videre. Ubi Augustinus. Hæc intelligitur illa fuga, quæ non debet fieri in *Augustinus*  
hyeme, vel in sabbatho. Ad hyemem pertinent curæ hujus vitæ, *lib. 2. de con-*  
quæ tristes sunt velut hyems: ad sabbathum verò crapula & ebrie- *sensu Evan.*  
tas, quæ carnali lætitiâ, luxuriâq; cor submergit atq; obruit, quod *gel. c. 77.*  
malum sabbathi nomine signatur: quia illo die judæi deliciis affluunt, dum spirituale sabbathum ignorant. Et secundum Hieronymum. *Hieronymus*  
Omni tempore opus est vigilia mentis ante mortem corporis, ut *in cap. 13.*  
in præsentia summi Judicis consistamus. Hoc enim est nostra bea- *Marci.*  
tudo. Ubi Beda: Qui ante Filium hominis stare: Etq; (juxta A. *Beda in cap.*  
pocal. Joannis) die noctuq; in templo Ejus servire desiderat, nec *21. Luca.*  
ab Ejus aspectibus in ignem æternum maledictus abiici: non solum ab illecebris sæcularibus castigari, sed & orare & vigilare, & hoc non quibusdam diebus, sed omni tempore facere debet. Juxta quod *Psalm. 33.*  
Psalm. ait. *Benedicam Dominum in omni tempore, semper laus ejus in ore meo.* *Psalm. 33.*  
sic namq; merebitur habitare in domo Domini, & in sæculum sæculi laudare illum. Hæc Beda. Cur autem monuit ut vigilemus & solliciti simus, declarat protinus cum subdit: Nescitis quoniam tempus sit: scilicet judicii, sive mortis, propriæ. Et quia *Filium ne-*  
dixerat Dominus adventum, & Regnum suum propè esse: ne disci- *scire diem*  
puli æstimarent quod ex signis prædictis posset dies & hora sciri, de- *judicii.*  
terminatè subjungit: De die autem illa & hora, scilicet quando ad judicium veniet, nemo in Ecclesia, id est; nullus hominum scit determinatè, neq; Angeli Cælorum sciunt: quia non est de pertinentibus ad beatitudinem: neq; filius scit, nisi solus Pater. Secundum plures Doctores intelligendum est quod homo, vel Angelus, nec sibi,



nec aliis scit diem iudicii, sed Filius in Patre scit, sibi quamvis aliis nescit, id est; nullum scire faciat. Pater autem solus scire dicitur, quia solus facit Filium scire. Nota quidem est hæc regula loquendi. *Deut. 13.* di. ut ibi: Tentat vos DEUS ut sciat: id est; scire vos faciat, si diligitis DEUM. Et ibi. Non cognovi quoniam times DEUM, id est; nunc feci ut cognosceres. Ut non dicitur dies latus quia latus facit: & frigus pigrum, quia pigros reddit sic dicitur filius nescire, vel scire nobis quibus missus est, quæ scire vel nescire nos facit: scit itaque in se, & sibi non nobis. Unde per hoc quod dicitur: Nisi solus Pater, à quo Fons omnis cognitionis est, non excluditur Filius vel Spiritus Sanctus, qui in eodem Fonte habitant, sed magis includuntur, quia una est trium Personarum notitia. Sicut ergo principium mundi à solo DEO fuit præcognitum, quia mundus immediate ab ipso factus est: ita & finis mundi soli DEO est cognitus & homini Christo revelatus, ad quem pertinet judicare de omnibus. Nobis autem hoc vult esse cælatum, quia secundum Hieronymum: Non expedit nobis, immo non expediebat Apostolis scire diem & horam illam iudicii, ne pigriores simus, sed semper incerti de temporibus futuris, & adventus Judicis: sic quotidie vivamus, cum timore & semper vigilemus solliciti, quasi in proximo, & altera die iudicandi simus, ac pendulæ expectationis incerto, semper Eum credamus futurum quæ ignoramus quando venturus sit. Signa quidem appropinquationis adventus Ejus, scire possumus & debemus, sed diem præcillum nescimus. Ubi Chrysostomus. Ecce senectutis signa cognoscimus: diem autem ultimum ignoramus: sic & labentis sæculi signa scimus, finem imperii non agnoscimus. Sicut enim quando videmus hominem senem, scimus quia prope moriturus est: quando autem, nescimus: sic & cum mundum perturbatum videmus, casurum cognoscimus, diem autem ignoramus. Unde & Augustinus. Finis quidem sæculorum est ætas sexta mundi, videlicet ab adventu Domini usque in finem sæculi. Senectus verò tantum temporis solet tenere, quantum omnes ætates cæteræ. Nam cum annò sexagesimo senectus dicatur incipere: & hominis vita possit usque ad annos centum viginti pervenire, manifestum est solam senectutem, tam longam quam omnes ætates priores esse posse: frustra igitur annos qui remanent huic sæculo conparemur diffinire: omnium enim de hac re calculantium digitos & peritiam numerandi resolvit, & quiescere jubet, qui ait: *Non est vestrum nosse tempora vel momenta, quæ Pater posuit in sua potestate.* Hæc Augustinus. Non est quippe nostrum nosse tempora ultra quam revelatur vel traditur per scripturas: quia hoc est præsumptionis. Sed secundum scripturas nosse, est eruditionis: quamvis ergo revelatum forte fuit alicui tempus adventus antichristi, non tamen sequitur ut sciat de die iudicii. Nescitur enim quantum interstitium post antichristum futurum sit iudicium. Quia licet scriptum sit, quod quadraginta dies dabuntur Sanctis ad prænitendum post antichristum: nescitur tamen utrum statim post illos dies quadraginta futurum sit iudicium. Creditur tamen quod nocte Resurrectionis Dominicæ erit generalis resurrectio: scilicet in nocte Paschæ. Ideo secundum Isidorum: In primitiva Ecclesia fideles tota nocte illa vigilabant, quasi Iudicem expectantes. Quò autem annò dies iste venturus sit, penitus ignoramus. Istud verò quod hic ad litteram exponitur, de die iudicii generalis moraliter potest intelligi de die iudicii particularis, qui est dies mortis cujuslibet hominis, diem nempe mor-



mortis suæ nullus scit, nisi DEUS sibi revelaverit: & ideo est nobis vigilandum de hac die, sicut de illa sollicitè cogitandum: quia qualisquisq; exierit de hoc mundo, talis præsentabitur etiam in futuro iudicio.

DE DIE DOMINI JUXTA EXEMPLUM NOE,

*Vel Loth subito venturo, ac de uno assumpto, & alio relicto.*

CAPUT XLV.

Post hæc declarat incertitudinem diei Domini: *introducens terro-* Matth. 24.  
et Luca 17.  
rem insperati diluvii, & hortans ut vigilemus & nos præparemus bene operando, ne dies Domini inveniat nos imparatos. In hac autem comparatione temporis iudicii, & ipsius diluvii implicantur duo iudicia generalia: unum quod præcessit, scilicet per aquam in diluvio: aliud quod futurum est, scilicet per ignem in generali incendio. Ponitur ergo comparatione, quantum ad incertitudinem utriusq; quò ad tempus determinatum, & etiam quò ad incredulitatem multorum carnalium. *Sicut enim in diebus Noë, eo fabricante arcam, & prædicante diluvium futurum. Erant homines comedentes & bibentes, ac matrimonia facientes, id est; gulæ, & ebrietati, ac luxuriæ dediti, & sine timore lascivientes securi, & eis credere nolen-tes, ac vanitatibus vacantibus, & nihil timentibus, subito veniens diluvium submersit & perdidit omnes, præter Noe & cum eo in in arca existentes, sic & circa diem iudicii hominibus, vacantibus voluptatibus & vanitatibus, ac in securitate existentibus, & de nullo timentibus, adventus Christi subito, & insperatè veniet, & omnes quos reperiet extra arcam, id est; Ecclesiam, perdet & condemnabit, sed in Ecclesia per fidem, & operationem existentes, custodiet & salvabit. Ut dicit Beda: Non hic conjugia, vel alimenta damnan-* Beda in cap.  
17. Luca.  
*tur, sed immoderatus licitorum usus arguitur. Neque enim quia hæc agebant, sed quia his se totos dedendo DEI iudicia contemne-* Licitorum  
immodera-  
tus usus da-  
minatur.  
*bant, aqua perierunt. Hæc Beda. Interitus quidem illorum erat subitaneus, non quia ante minimè nuntiatus, sed quia à nullo cre-* Joann. 10.  
*ditus. Unde Maximus Episcopus: Noe & si tacebat voce, opere lo-* Beda ibidem  
*quebatur, si silebat lingvâ, fabricatione clamabat: Nam utiq; cum operaretur opus novum, & nulli aliquando compertum, admone-*  
*bat cunctos novis periculis, nova tabernacula præparari: loqueba-*  
*tur ergo opere, & dicebat illud Evangelicum Domini dictum: Si mi-*  
*hi non creditis, operibus credite. Hæc Maximus, Sed perversi ho-*  
*mines arcam in tot annis constructam videntes, sine dolore læta-*  
*bantur: nihil futurorum prævidentes, & iudicia DEI contemnebant:*  
*non evigilantes, sed in malitiis dormientes, & subito à diluvio ab-*  
*sorpti sunt, & repentinus interitus tulit omnes in magna securi-*  
*tate existentes, & nihil timentes. Sic Domino fabricante arcam Ec-*  
*clesiæ, extra quam non est salus, prædicatur adventus Domini ad*  
*iudicium inopinatus. Multi quoq; hoc tempore pœnitentiam agen-*  
*tes, & exempla pœnitentiæ aliis ostendentes, & si tacent voce ta-*  
*men cum Noe loquuntur opere, dicentes: Si nobis non creditis, vel*  
*operibus credite.. Sed reprobi contemnentes lalcivunt, & in die quâ*  
*non putant venit Dominus, & perdet eos. Et cum dicent pax &*  
*securitas, quasi securi existentes, & de nullo timentes, veniet su-*  
*per eos repentinus interitus: & non effugient tribulationem immi-*  
*nentem. Ubi Beda: Mysticè autem Noe arcam ædificat: cum Do-*



minus Ecclesiam de viris fidelibus, quasi lignis levigatis adunando construit. quā perfectē consummatam ingreditur, cū hanc in die judicii præsentiā suæ visionis æternus Habitor illustrat. Sed cū arca ædificatur, iniqui luxuriantur: cū verò intratur intereunt, quia qui Sanctis hic certantibus insultant, eis illic coronatis æterna damnatione plectentur. Hæc Beda. Sic multi de morte sua non cogitant, quamvis certitudinaliter sint morituri, & frequenter venit mors, quando nullum timetur periculum: subitus enim erit adventus Filii hominis ad judicium generale, vel particulare venientis.

*Chrysost. hō. 50. Operis imperfecti.* Unde Chrysost: Et quid mirum si periturum mundum audiunt, & non credunt. Ecce morituros se esse quotidie audiunt homines, quotiens mortuos alios vident, & tamen non credunt se morituros. Si enim crederent se morituros, non facerent ea pro quibus moriuntur morte digna. Si ergo illud quod quotidie fieri vident in aliis, in se futurum esse non credunt: quomodo illud crederent futu-

*Similitudo de Loth sumpta.* rum, quod adhuc nunquam factum est? Hæc Chrysost. Hoc idem de Loth sumetiam ostendit ex similitudine facti in diebus Loth. Similiter enim sicut tunc factum est, scilicet quod impii igne & sulphure perierunt: sic impii in die adventus Christi peribunt. Quia homines illius temporis edebant & bibebant. Ecce peccatum voluptatis: emebant & vendebant, ecce peccatum cupiditatis: plantabant & ædificabant, ecce peccatum nimie securitatis, & in securitate erant usq; in di-

em illam quā exiit Loth à Sodomis; quā Dominus pluit ignem, contra immoderatum ardorem: & sulphur, contra foetorem: de Cælo, scilicet aereo, & perdidit omnes illos, & adjacentes Civitates. Ubi Beda.

*Beda in cap. 17. Luca.* Prætermisso Dominus illud maximè, & infandè Sodomorum scelere: sola ea quæ vel levia vel nulla putari poterant delicta commemorat, ut intelligas illicita quæ pœnā ferantur, si licita & ea sine quibus hæc vita non ducitur, immoderatiùs acta, igne & sulphure puniuntur. Hæc Beda. Si quando Filius hominis revelabitur, qui modò occultatur, scilicet in adventu suo futuro, erunt homines in securitate, nihil timentes de futuro judicio usq; ad tempus illud, quò Christus in humanitate gloriosa videbitur veniens ad judicium

veniet enim quando homines non advertent periculum. Secundum Chrysostom. Hoc totum dixit, ostendens qualiter repente veniet & inopinantè, & pluribus lascivientibus. & sine sollicitudine existentibus. Ubi Beda: Pulchrè dicit, revelabitur: quia qui interrim non apparens omnia videt, tunc apparens omnia judicabit: apparebit autem judicaturus eò maximè tempore, quò cunctos judiciorum ejus oblitos huic sæculo conspexerit esse mancipatos, quia licet mundi terminus olim præfinito sit venturus in tempore: frigente tamen circa finem charitate multorum, tanta crebrescet humani generis iniquitas, ut merito debeat cum ipso, quem inhabitat orbe deleri. Nam & nunc quidem innumeros adeo commensationi & ebrietati, emptioni & venditioni, cæterisque mundi rebus inhaerere videmus, ut palam districti Judicis iram eos provocare non lateat. Sed tamen quod sine gravi mærore sapiens quisq; saltem cogitare non valet, pejora jam jamq; superventura formidamus, quod enim

*Chrysostom. hom. 78. in Matth.* de una quondam peccatrice gente delenda dictum est: necdum completa sunt. Peccata Amorrhæorum, de tota proculdubio pravorum massa damnanda constat esse sentiendum. Mysticè secundum Bedam. Loth qui

*Beda ibidem.* interpretatur declinans, est populus Electorum, qui dum in Sodomis, id est; inter reprobos ut advena moratur, quantum valet eorum scelere-



scelera declinat. Exeunte autem Loth de Sodoma, perit: quia secundum Chrysostomum. Quamdiu sunt homines fideles, stat iste mundus, & cum Sancti de mundo deficiunt, est utiq; calurus: sicut tiam egredientibus Israëlitis de Aegypto, exterminatus est Aegyptus. *Chrysost. hō. Operis imperfecti.* Hæc igitur prædicta audientes timeamus actus nostros, & ab otio ac lasciviis à modò abstinētes, & de præteritis pœnitentiā agentes, ad illā diem Domini nos sine cessatione præparemus. Deinde post certitudinem temporis iudicii, ostendit incertitudinem salutis iudicandorum, ne quis de suo statu præsumat, vel se elevet, quia in omni statu erunt aliqui Electi, & aliqui reprobi. Tunc enim in illa nocte tribulationis, quia antichristus hora tenebrarum est, & similiter in nocte mortis *duo erunt in agro*, id est; in agricultura plantationis, qui præsumunt Ecclesiis, & operantur in Ecclesiæ ministerio tanquam in agro DEI, ut surgat & proficiat messis huius agri Domini, *unus assumetur*, scilicet ad gloriam, ut Prælatus bonus & utilis: *alter relinquetur* ad pœnam, scilicet Prælatus malus & inutilis. Item *duo erunt molentes in mola* id est; in exercitio actionis, quæ in modum molarum volvitur sollicitudinibus, & pertinet ad populos qui faminarum nomine designantur, quia tanquam infirmia propositis reguntur, *unus assumetur* ad gloriam, scilicet iustus, *alter relinquetur ad pœnam*, scilicet iniustus. Item *duo erunt in lecto*, id est; in quiete contemplationis, qui otium & quietem eligunt: & neq; negotiis Ecclesiasticis, neq; sæcularibus occupati: sed velut ad hæc infirmi secedunt ad otium & quieti esse diligunt: non se magnis actionibus committentes, & quodammodo in statu infirmitatis DEUM rogantes *unus*, scilicet bonus: *assumetur* ad salutem: *alter* scilicet malus relinquetur ad damnationem. In quolibet ergo istorum statuum ostenditur aliquos esse Electos, & aliquos reprobos: in quolibet nempe sunt boni & mali. Quia secundum Augustin. In omni conditione, & gradu optimis mixta sunt pessima. Et qui boni fuerint assumuntur ad gaudia æterna ubi est Christus: quia *ubi est corpus* id est; Dominus in corpore sc. Christus, qui est homo corporeus & aquilarum, id est animarum Sactorum præda: *ibi congregabuntur & aquilæ*: spirituales in corpore sc. Sancti & Electi, qui Ejus passionem humilitatemq; imitatio, tanquam de ejus carne laturatur: quorum per resurrectionem, ut aquilæ Juventus renouabitur: mali verò cum diabolo ad pœnam æternam relinquentur. Et ideo ut dicitur in Osee: *Consolatio abscondita est ab oculis meis, quoniam ipse inter fratres dividet.* *Osee 13.* Cum ergo dicitur quod de agro, & de mola, & de lecto unus assumetur, & alter relinquetur: non de duobus hominibus dictum est, sed de duobus generibus affectionum. Nec alia videntur esse genera hominum, quibus constat Ecclesia, quam ista tria habentia binas differentias, propter assumptionem & relictionem. Unde Chrysostomus. Quando iusti quidem assumuntur, peccatores autem relinquantur: omnes iusti in uno homine figurantur, & omnes peccatores in uno. Videat unusquisq; modò qualis sit, & talem se faciat quod debeat assumi, & non relinqui: quia boni tantum assumuntur, mali verò relinquentur. Hi autem tres ordines, quod ad salvandos, significantur per tres viros qui salvaverunt animas suas, & quos solos liberandos Ezechiel Propheta prænuntiat, scilicet Noe, quod significat statum Prælatorum, per quos Ecclesia regitur sicut per illum in aquis arca gubernata est, quæ figuram Ecclesiæ gestabat. Et Job, per quem significatur status activorum: qui uxorem, & filios, & amplas terrenarum copias habuit, & curam



- Daniel.** curam domus propriæ exercuit. Et Daniel vir desideriorum: per quem significatur status contemplativorum, qui nuptias contempsit, & calibem vitam elegit, & in aula Regia abstinentiæ deditus fuit.
- Clerici negotiatores.** De Clericis verò qui negotia sæcularia, & causas civiles tractant, dubitari potest, sub quo horum statuum comprehendendi possint & debeant. Et quia ut dictum est supra, incerta est dies Domini, & de die illa nemo hominum scit: & ut jam visum est, incertitudo est salutis in quocunq; statu quis fuerit. Ideo ex præmissis concludit, ne torpeamus in peccatis dormitando, sed solliciti simus, & vigilemus contra mortis incertitudinem, bonis operibus jugiter insistendo dicens: *Vigilate ergo & semper in sollicitudine sitis, quia nescitis quâ horâ, vel in mane pueritiæ, vel in tertia juventutis, vel in sexta senectutis, vel in sero senii Dominus vester venturus sit ad judicium particulare, in cujuslibet morte, sive ad judicium generale in resurrectione: ne cum venerit subito & ex insperato, dormientes nos inveniatur & imparatos.* Unde Ecclesiast. *Nescit homo finem suum: sed sicut piscis capitur hamo, & sicut avis comprehenditur laqueo, sic homo capitur in tempore malo.* Unde & Bernard. Nihil morte certius & nihil horâ mortis incertius. Nam nescimus quomodo, aut quando, aut ubi moriemur, quoniam mors ubiq; expectat nos. Idcirco debemus esse parati: ut cum corpus revertetur ad terram, de qua sumptum est, Spiritus redeat ad DEUM qui misit illum. Unde etiam Gregorius. Nemo in hujus vitæ itinere torpeat, ne in patria locum perdat. Quia enim adhuc hodie licet bene agere, scimus: utrum
- Chrysost. h. 51. Operis imperfecti.** cras liceat ignoramus. Unde & Chrysost. Qua ratione ab unoquoq; homine absconditus est dies mortis ipsius videlicet ut semper bene faciat, semper mortem suam sperans: eadem ratione & ab omnibus hominibus absconditus est dies adventus Christi, videlicet ut non una generatio salvetur sciens adventum Ejus, sed omnes dum in singulis quibusq; generationibus adventus Ejus speratur. Hæc Chrysostom. Quia ergo tempus judicii, & etiam mortis est incertum: ideo debemus semper esse parati ad ipsum expectandum: & semper esse in continua sollicitudine ne improvisi inveniamur in morte. Unde
- Bernardus sermon. 26. in cantica.** Bernardus contra negligentes se parare. Miser quare omnî horâ te non disponis? Cogita te mortuû, quæ scis de necessitate te moriturû: distingue qualiter oculi vertentur in capite: venæ rumpentur in corpore, & cor scindetur dolore. Hæc Bernard. Habeamus, igitur in memoria: quia mundus fallax, vita brevis, finis dubius, exitus horribilis, Judex terribilis, pœna interminabilis: & hæc semper nos terreant, & ad vigilandum inducant. Unde Basilus: Semper ante Oculos tuos versetur ultimus dies. Cum diluculo surrexeris, ne ad vesperam te confidas pervenire. Et cum quiescens lectulô membra tua composueris, de lucis non confidas adventu: & facillimè poteris refrenari ab omnibus vitiis. Semper cor tuum cœlestia promissa meditetur, ut ipsa te ad virtutis viam provocent. Esto nunc talis in operibus tuis, qualem te vis futurum postmodum. Hæc Basilus: Hæc itaq; scientes, & illam diem semper suspectam habentes: faciamus nunc de nobis ipsis judicium, præoccupando faciem Domini in confessione & justitia: perficiendo dignos fructus pœnitentiæ, ut DEUM nobis propitium inveniamus & benignum. Unde Bernardus. *Si nosmetipsos dijudicaverimus, non utiq; judicabimur.* Bonum judicium quoddam ab illo districto Divinoquæ judicio subducit & abscondit, prorsus horreo incidere in manus DEI viventis; volo vultui iræ judica.



dicatus præsentari non judicandus. Judicabo proinde mala mea, judicabo & bona. Mala melioribus curabo corrigere actibus, diuere lachrymis, punire jejuniis, cæterisque sanctæ laboribus disciplinæ. In bonis de me humiliter sentiam, & juxta præceptum Domini servum inutilem me reputabo: qui quod facere debui tantum, feci scrutabor ego vias meas, & studia mea, quod Is qui scrutaturus est Hierusalem in lucernis, nihil in scrutaturum in me, siue inditissimum inueniat. Neque nepe judicaturus est bis idipsum. Unde & Chrysostomus. In propriis peccatis non erubescamus homines: sed timeamus ut oportet DEUM: qui & nunc videt quæ sunt, & tunc punit eos qui non poenitentiam hic agunt. Qui nempe verecondiam hominum inspicit nunc solum: DEO autem inspiciente non verecundatur agere aliquod inconueniens: neque vult poenitere & transmutari: in illo die universo orbe terrarum considerante exemplificatur. Omnia nempe ut imago tunc stabunt secundum oculos nostros, ut per se condemnatus unusquisque sit. De reliquo igitur, si non vult quis divulgari, quæ sua sunt in illa die sanet jam vulnera: instat enim de reliquo noxarum tempus. Simus semper parati, non semper horum potestatem habebimus. Quocirca hic poeniteamus, ut ita propitium DEUM inueniamus secundum futuram diem, & multâ potiamur Ejus clementiâ. Hæc Chrys.

Numer. 1.  
Chrysostomus  
supra.

## DE VIGILIA PATRISFAMILIAS,

*Custodientis contra furem domum suam.*

### C A P U T XLVI.

**D**Einde probat per exemplum, quod sit vigilandum, Magis nempe vigilandum est pro æternis quam pro temporalibus: sed Patrefamilias horâ suspectâ de adventu furis vigilaret pro corporalibus: ergo & nos omni horâ (quia omnis hora est suspecta) debemus vigilare pro spiritualibus: & semper esse solliciti, ut in morte inveniamur parati. Si ergo Paterfamilias sollicitus est de domo custodienda: multo fortius nos debemus esse solliciti de vita æterna, ne perdamus eam, quod erit, si inveniamur per gratiæ carentiam. Secundum Chrysostomum. Confundit hic desides: quia non tantum studium faciunt pro anima, quantum alii pro pecunia, qui fures expectant ne perdant: illi nempe vigilant ut resistent furi, hi autem non vigilant ut inveniantur parati. Exponitur autem hæc similitudo, sepius secundum Chrysostomum dupliciter. Primò modò vocat furem, diabolum: domum, mentem: quam si intraverit per negligentiam janitoris rationis, spoliat domum illam vestimentis justitiæ, aurò sapientiæ, argento innocentie. Domum ergo suam quis sinit perfodi, cum suggestioni consentiens virtutibus spoliatur, & viribus læditur. Secundum hanc viam notantur tria de Patrefamilias videlicet scire, vigilare, & non sinere. Debet ergo scire insidias furis, id est; cognoscere prudenter: vigilare, ad sui custodiam, id est; cavere solerter: non sinere, id est; resistere fortiter, ne perfodiatur domus fossoriò diaboli, qui primò percutit suggestionem, secundò fodit delectationem, tertio perdit consensu: primum vix potest caveri, secundum magis, tertium maximè. Aliò modò exponendo, vocat furem mortis diem: quia occultè, sicut fur: domum, corpus, januam, os, & aures, fenestras oculos. Et est sentus: *Quia si sciret Paterfamilias, quâ hora fur veniret, id est; mors quæ fur dicitur: & meritò, vel propter im-*

Matth. 24.  
Luce 12.

Chrysost. h. 5.  
78. in Mat.  
Desiderium &  
crepationis  
Idem hom. 5.  
Operis im-  
perfecti.



provisum adventum, & occultum introitum, vel propter scrutini-  
um, & spoliationem rerum omnium, *vigilaret utique*, ne moreretur  
*Psalm 33.* in peccato & culpa: quia mors peccatorum pessima: & non *fineret*  
*Idem ibidē.* domum suam perfodi, id est; cum violentia animam à corpore extra-  
hi, sed sponte exire. Unde Chrysosto. Quoniam animæ peccatrices  
in corpore quasi in proprio domicilio delectantur, veniens cum sen-  
tentia DEI Angelus mortis perfodit corpus, & animam violenter  
avellit ab eo. Animæ autem justæ, quæ non delectantur in corpo-  
re, sed quasi in exilio ibi sunt, veniente sententia, non perfodiun-  
tur nolentes, sed vocantur gaudentes. Unde & Gregor. Nesciente  
*Gregorius* Patrefamilias fur domum perfodit: quia dum à sui custodia spiritus  
*hom. 13. in* dormit, improvisa mors veniens carnis nostræ habitaculum irrum-  
*Evangelia.* pit: & eum quem dominum domus dormientem invenerit, necat,  
quia dum ventura damna spiritus minimè prævidet, hunc mors ad  
supplicium nescientem trahit. Furi autem resisteret, si vigilaret,  
quia adventum Judicis qui occultè animas rapit, præcavens, Ei pœ-  
nitendo occurreret, ne impœnitens periret. Et iterum: Horam  
verò ultimam Dominus noster idcirco nobis voluit esse incognitam,  
ut possit semper esse suspecta: ut dum illam prævidere minimè pos-  
sumus, ad illam sine intermissione præparemur. Hæc Gregorius.  
Deinde concludit ex prædictis, & admonet nos ut parati simus,  
quia si tanta adhibetur diligentia pro custodia rei parvæ: multo ma-  
gis adhiberi debet pro custodia animæ. Unde dicit: *Ideo & vos estote*  
*parati*, sine macula cordis, oris, & operis, *quia quâ horâ non putatis*,  
id est; insperatè, *Filius hominis venturus est*, ad iudicium particulare,  
in morte: vel ad iudicium generale, in mundi fine. Igitur quia ne-  
scimus diem vel horâ illâ unam, quando occultè & furtim venturus  
sit Dominus: vigilemus non una die, vel unâ horâ, sed semper omni-  
bûs diebûs & horis, quasi semper sit venturus, ne in illa die & ho-  
ra dormientes & imparati inveniamur. O! quàm felix, quia novis-  
*Novissima* sima providet, qui sibi à peccatis cavet, qui seipsum non negligit,  
*providenda* qui se omni tempore ad mortem præparat & disponit, ut quando-  
cunq; mors venerit, paratum eum inveniat, gaudenterq; ipsum reci-  
piat, quasi qui Liberatoris sui adventum desideratum expectat, di-  
*Philip. 1.* cens cum Apostolo: *Cupio dissolvi, & esse cum Christo*. Deinde ge-  
neraliter subjungit, *quod autem vobis dico, omnibus*, scilicet præsentibus  
& futuris: tam Rectoribus Ecclesiæ, quàm subditis: *dico, vigilate*,  
per sollicitudinem, quam sibi quilibet impendere debet, ut commu-  
ne omnium præceptum novissimi per primos audiant. Ubi osten-  
dit quòd non loquebatur tantum discipulis, sed pro omnibus fidelibus,  
præsentibus & futuris. Quamvis enim dies ille non omnes  
inventurus sit in hac vita: tamen ad omnes quodammodo pertinet:  
videlicet, quia tunc unicuiq; dies ille veniet, cum venerit ei dies  
ut talis hinc exeat, qualis illo die iudicandus est. Talis nempe præ-  
*Qualisquis* sentabitur iudicio, scilicet in parte Electorum vel damnandorum:  
*quæ moritur* qualis invenietur in morte, quantum ad gratiam & meritum, vel  
*talis iudica-* culpam & demeritum. In quocunq; statu quemq; invenerit suus  
*bitur.* novissimus dies, in eo comprehendet eum mundi novissimus dies:  
quoniam qualis in die isto quisq; capitur & moritur: talis in die illo  
præsentabitur & iudicabitur. Unde Augustinus, Nemo quærat no-  
*Novissimus* vissimum diem quando futurus sit. Sic vigilemus omnes bene vi-  
*dies.* vendo, ne novissimus dies cujuscunq; nostrum inveniat nos impa-  
*Augustinus* ratos, & qualisquisq; hinc exierit suo novissimò die: talis invenia-  
*Episto. 80.* tur



tur in novissimo sæculi die: & ideo vigilare debet animò "omnis Christianus, ne imparatum eum inveniat Domini adventus. Imparatum autem inveniet dies ille, quem imparatum invenerit suæ vitæ hujus ultimus dies. Ubi inveniemur, ibi judicabimur. Hæc Augustinus. Qualem ergo Dominus in morte quemq; invenerit, talem illo die judicabit, qui etiam in morte judicium suum cognoscit. Unusquisq; nempe Christianus in morte Christum videbit, & tunc cognosceret an de Electis, vel damnatis sit. Unde Lotharius: qui postmodum Innocentius Tertius est dictus, in libro de misericordia conditionis humanæ, sic ait. Videat ergo tam bonus, quam malus, antequam anima egrediatur à corpore, Christum in Cruce de contemptum. Malus videt Christum ad erubescendum & confusionem, ut erubescat se non esse redemptum sanguine Christi suâ culpâ exigente. Unde de malis dicitur: *Viderunt in quem pupugerunt*: quod intelligitur de adventu Christi ad judicium: & de adventu ad diem mortis. Bonus verò videt ad exultationem. Unde & Chrysostomus de Joanne Evangelista, ait: *Sic eum volo manere donec veniam*: ad obitum ipsius. Quatuor ergo leguntur adventus Christi ad homines: duo scilicet visibiles, duo invisibiles. Primus adventus visibilis fuit in infirmitate corporis, scilicet in carne. Alius adventus visibilis erit in Majestate DEI, scilicet ad judicium. Primus adventus invisibilis sit in mente justis per gratiam. Secundus adventus invisibilis est in obitu cujusq; fidelis. Unde dicitur obitus, quia obviam venit Christus. Hos quatuor adventus repræsentat Ecclesia in quatuor Dominicis de adventu non solum numero dierum, sed etiam ratione officiorum. Hæc Lotharius. Eja ergo advocata nostra illos tuos misericordes oculos ad nos converte: & JESUM benedictum, Fructum ventris tui nobis post hoc exilium ostende, benignum. O Clemens, O pia, O dulcis MARIA. Postquam ergo Dominus in communi nos ad indefessam vigilantiam curam admonuit, consequenter specialem Rectoribus & Principibus in expectatione & adventu suo sollicitudinem mandat: & quod vigilandum sit, ostendit per secundum exemplum de servo Patrisfamilias, qui sollicitus est regere domum sibi commissam, non solum in præsentia Domini: sed etiam in absentia Ejus, ut sic veniens Dominus eum remuneret: si autem in contrariis actibus ipsum inveniat, æternaliter puniat. Unde dicit: *Quis putas es fidelis*, intentione Domino, propter Dominum, *Fidelis dicitur*, serviens oves Christi non ad lucrum temporale, sed pro amore, *servator*, Christi pascens, *servus*, id est; humilis affectione: non suam, sed Domini gloriam quærens, & *prudens*, in officii executione: qui subditorum capacitatem, vitam, & mores discutiat, *quem constituit Dominus*, qui scilicet sit vocatus à DEO, & ipse non se ingesserit, *super familiam suam* regendam & pascendam, *ut det illis*, non subtrahat negliger, pigritiam, vel occasione aliam, nec vendat symoniacè nummò, scilicet cupiditatis terrenæ, vel laudis humanæ, det inquam *in tempore opportuno*, scilicet necessitatis & tribulationis, id est; habita temporis opportunitate, non indiscretè: *tritici mensuram*, id est; cibum animæ, & corporis, scilicet Divini verbi vel exempli, vel temporalis subsidii, Electum ad usum hominum, & mensuratum pro qualitate auditorum & indigentium. Quod autem dicit quærendo, quis; putas: non est ignorantis, nec signat hæc interrogatio impossibilitatem perficiendæ virtutis: sed difficultatem, & rei raritatem: rarus est enim talis, & difficile est ista in uno invenire, non autem impossi-



bile. Unde Theophilus. Sicut enim in dispensationibus facultatum, five aliquis incautus sit fidelis Dominus existens: five etiam prudens sit & infidelis, dispereunt res Domini: sic & in rebus Divinis opus est fidelitate & prudentiâ. Duo ergo, secundum Chrysostom. expetit ab huiusmodi servo: scilicet fidelitatem, ut nihil quod Domini sui est, sibi proprium furando faciat, aut vanè consumat: & prudentiam, ut ad id quod oportet, quæ data sunt dispenset. Debet autem familiam Domini pascere magis quam se: & dare eis cibum triplicem prædictum, secundum mensuram, & capacitatem singulorum: & hoc in tempore, quia prædicatio neq; debet esse assidua ne vilescat: neq; nimis rara, ne subditi insolescant. Idem etiam panis esurienti quidem appetibilis est, satiato autem non multum utilis. Prælati ergo incumbit vigilare super se, & super gregem suam, & cuilibet fideli pro modulo suo. *Beatus ille servus, quem Dominus in suo adventu, & cum venerit in morte ipsius, quærens servitii rationem, invenerit ita facientem:* id est; bona spiritualia & corporalia fideliter & prudenter, ac bene ministrantem: hoc est in actibus charitatis se exercentem, ac pro se & sibi commissis vigilantem, quia per talia meretur æternam beatitudinem. Nam *super omnia bona sua*, id est; super omnia Cœlestis Regni gaudia, & in DEI gloriam ultrà quâ nihil melius est, *constituet eum*, quia in beatitudine æterna consequetur bonum infinitum, quod includit omnia bona: beatitudo enim est status omnium bonorum aggregatione perfectus: Bona quippe præsentia sunt particularia, sed bona Cœlestia sunt communia & perfecta: quia nunc ex parte cognoscimus, ex parte diligimus: sed tunc perfecte. Constituetur autem super omnia non ut solus, sed ut præ cæteris possideat præmia, & gaudia æterna: tum pro sua vita, tum pro sui gregis custodia. Nam secundum Chrysostom. Ex propriis meritis habebit auream, & ex aliorum acquisitione aureolam: primum, quia bene vixit: secundum, quia alios, bene vivere docuit.

*Corona duplex.* Unde Apostolus: *Qui bene præsunt, duplici honore digni habeantur: maxime qui laborant in verbo & doctrina.* Unde dicit Augustinus. quod apud DEUM nihil beatius Episcopi, vel Præbyteri, aut Diaconi officio, si eò modò militetur, quò noster Imperator jubet. Ille servus de quo hic dicitur est quilibet Christianus, qui est dispensator Domini sui: quod tripliciter intelligi potest. Unò modò in dispensatione spiritualium: quod propriè pertinet ad Prælatos. Aliò modò. in regimine temporalium: quod pertinet ad Principes sæculares & Iudices. Tertiò modò, in bono usu gratiarum à DEO sibi collatarum: ut quando aliquis in quo ratio vires inferiores debet modò regit, vitam virtuosè peragit: & hoc pertinet ad omnes. Cum ergo dicitur quisputas est fidelis servus, &c. potest responderi hic est bonus Prælatus, vel bonus Princeps & Iudex, vel etiam bonus simplex Christianus: quia ut dicitur in Ecclesiastico: Cuilibet mandavit DEUS de proximo suo ut der illi cibum, id est; auxilium, in tempore necessitatis: ad quod quilibet prædictorum tenetur. Unde Chrysostom. Hæc autem non de pecuniis dicta sunt solùm, sed & de sermone, & de virtute, & de pecuniis, & de omni dispensatione quæ unicuiq; commissæ est: hæc & ad Principes sæculares aptabitur utiq; parabola. Unumquemq; enim his quæ habet ad cõmunem utilitatem uti oportet: & si sapientiam habuerit, & si principatum, & si divitias, & si aliquid aliud quodcunq; non in nocumentum conservorum, neq; in perditionem sui ipsius. Hæc Chrysostom. Deinde secundum Chry-



Chrysoſto. Non ſolùm ab honore quò munerat bonos, ſed etiam à pœna quâ minatur malis, erudit auditorem: cùm ſubdit. Si autem ſervus, id eſt; homo malus, nihil cogitando de Domini adventu in morte vel iudicio, & promittendo ſibi longam vitam, dixerit in corde, id eſt; præſumpſerit, ac ſi in corde ſuo diceret, moram faciet Dominus meus venire, id eſt; iudicium aut mors longe eſt à me (hoc quippe dicunt illi qui non cogitant de morte) & ceperit, quantomagis ſi perſeveraverit, voluptatibus & illecebris, ac malis operibus & charitati contrarius occupari, & conſervos quos fovere & defendere debuit, percutere: ſcilicet injuriis laceſcendo, vel pravò verbò & exemplò corrumpendo, & peccare faciendo: ſicq; cum ſecuritate vixerit perversè: venit Dominus ſervi illius, ſcilicet in morte, ubi eſt iudicium particulare, vel in extremo examine, ubi erit iudicium generale, in die quâ non ſperat, & horâ quâ ignorat: *de die enim & hora illa nullus hominum ſcit: Matth. 24.* Et ſic exprimit malorum Prælatorum, qui in hoc ſervo intelliguntur, vitam & demeritum in *Vitiis Prælatorum ſex.* ſex, quæ ſunt propria eorum: ſcilicet præſumptio, minorum oppreſſio, gaſtrimargia, luxuria, contemptus, & negligentia: & dividet eum ſeparando animam à corpore in morte: & à conſortio Sanctorum in examine: ponetq; partem ejus duplicem, ſcilicet corpus & animam, vel partem, id eſt retributionem cum hypocritis, id eſt; falſis Chriſtianis in agro, vel in mola, & in lecto derelictis, & cum infidelibus qui nec fidem habuerunt, ſeparando eum à beatis & conjungendo eum damnatis, & potiùs dicit, cum hypocritis quàm cum aliis: ut ſimilitudo pœnæ respondeat ſimilitudini culpæ: hypocrita enim aliud eſt, & aliud oſtendit: ſic qui in agro, vel in mola, ſeu in lecto erant: & idem facere, ac boni eſſe videbantur, ſed exitus diverſæ voluntatis apparet cùm derelinquuntur, & dum damnatis ſociantur. Ecce malorum ſervorum remuneratio, ſcilicet æterna damnatio. Ubi Chryſoſto. Dividet eum de conſortio Chriſtianorum, *Chryſoſt. h. 51. operis imperfecti.* ut neq; cum Sanctis gloriſcetur: neq; cum his qui mediocriter deliquerunt, mediocriter puniatur. Et junget eum hypocritis infidelibus: ut quorum imitatus eſt mores ipſorum puniatur interitu. Quoniam Sacerdos quemadmodum ſuper omnem populum gloriſcatur, ſi bene fecerit: non ſolùm propter ſuam juſtitiam, ſed & propter omnium: quia cauſa eſt ipſe juſtiæ univerſorum: ita & peccans ſuper omnes punitur: non ſolùm propter ſuum peccatum, ſed propter omnium: quia ipſe cauſa ſit omnium ad peccandum. Hæc Chryſoſtom. Deinde de pœna eorum ſubdit, dicens: *Ibi erit fletus, ex vehementia caloris, & ſtridor dentium, ex vehementia frigorum.* Unde Job: *Maledicta pars ejus in terra, ad calorem nimium tranſeat ab aquis nivium.* De hac pœna ſatiùs habes ſupra eâdem feriâ tertiâ, de non habente veſtem nuptialem. Attende ergo hæc o! ſerve male: & emendare ſtude, quia nunc eſt tempus emendationis & laboris: poſtea erit retributionis & mercedis.

## DE LUMBIS PRÆCINCTIS, ET LUCERNIS

*Ardentibus.*

### CAPUT XLVII.

ET quia ad vigilandum multipliciter. Dominus monuit, cōſequē- *Luca 12.*  
ter quædam ad vigilandum nos præparantia, ſeu ad vigilantes  
Bbbb 2 per-



pertinentia, describit: monens, ut *sint lumbi nostri*, tam mentis quam carnis, *præcincti* cingulô castitatis: & *lucernæ ardentes in manibus* & operibus nostris. Lumbi mentis sunt voluntas, seu affectus, & intellectus: ex quibus procedunt cogitationes malæ, & desideria pra-

*Lumbi præcingendi.* Lumbi verò carnis sunt: ex quibus prodeunt carnales concupiscentiæ, & opera impudica: & utriq; lumbi sunt præcingendi, id est; coarctandi ab illicitis cogitationibus, & operibus. Cinctorium primorum est, Divinæ legis meditatio assidua, quæ fit per studium Sacræ Scripturæ. Cinctorium secundorum est iustitia, quæ fit per rigorem disciplinæ: & ita per primum fluxus cogitationum, & desideriorum inutilium reprimitur in mente: per secundum fluxus concupiscentiarum carnalium, & operum restringitur in carne.

*Lucernæ ardentes.* Lucernæ ardentes sunt doctrinæ claræ & lucidæ: & exempla bona ex charitate, quæ debent esse in manibus nostris, ut impleamus opere. Lucernæ ergo, per bonorum sermonum & operum evidentiam: ardentes, per æternæ charitatis fervorem: & lucentes, per sanctæ conversationis splendorem sint in manibus nostris, id est; in operibus bo-

*Joann. 5. Greg. hom. 13 in Evan.* nis, sicut Joannes erat lucerna ardens & lucens. Ubi Gregorius. Lumbos præcingimus, cum carnis luxuriam per continentiam coarctamus, lucernas ardentes in manibus tenemus, cum per bona opera proximis nostris lucis exempla monstramus. Et Fulgentius: Jubens Dominus ut sint lumbi nostri præcincti, mandat ut mala desideria atq; opera fugiamus, jubens ut sint nostræ lucernæ ardentes, monet ut bona diligamus & faciamus. Prius ergo præcinge lumbos, & tunc accende lucernam, prius declina à malo, & tunc fac bonum, prius quiesce agere perversè, & tunc discere benefacere.

*Psal. 36. Esaiâ 1.* Nam (ut ait Augustinus) non nobis infert DEUS bona sua, nisi mala auferat nostra, & intantum illa crescunt, inquantum ista minuantur, nec illa perficientur, nisi ista finiantur. Item monet ut tanquam fideles & prudentes, ac de nostra custodia solliciti & vigiles. Dominum à nuptiis in Cælo per copulationem Angelorum factis revertentē, id est; adventum Ejus ad judicium particulare in morte, vel generale in resurrectione, tum timore & amore expectemus, sicut antiqui Patres expectabant Eum venturum in carnem. Quem bene expectamus, dum in Ejus adventū in omnibus nos metipsos præparamus: *ut cum venerit & pulsaverit, confestim Ei aperiamus, & ipsum suscipere parati simus.* Ubi Gregorius. Ad nuptias quidem

*Gregorius hom. 13. in Evangel.* Dominus abiit, cum resurgens à mortuis, & ascendens in Cælum, supernam sibi Angelorum multitudinem novus homo copulavit.

*Nuptia Domini.* Qui tunc revertitur, cum nobis per judicium manifestatur. Venit quippe, cum ad judiciū properat, pulsat verò cum jam per ægritudinis molestias mortem esse vicinam designat. Cui confestim aperi-  
mus, si hunc cum timore suscipimus. Aperire etenim Judici pulsanti non vult, qui exire de corpore trepidat, & videre Eum, Quem contempsisse se meminit, Judicem formidat. Qui autem de sua spe & operatione securus est, pulsanti confestim aperit, quia lætus Judicem sustinet, & cum tempus propinquæ mortis agnoverit, de gloria resurrectionis hilarescit. Hæc Gregorius. Talis quippe potest dicere cum Apostolo: *Cupio dissolvi, & esse cum Christo.* Qui ejusmodi est, omnibus hujus mudi felicibus est felicior, & Regalibus regalior. Unde Anselmus: Hoc unum dico, omnibus hujus mundi præstare deliciis, honoribus atq; divitiis, si ob conscientie serenitatem, fidei firmitatem spei certitudinem mortem non timeas. Quod ille poterit

*Philip. 1.*



maximè experiri, qui aliquo tempore sub hac servitute suspirans, ad liberioris conscientie auras evasit. Hæc sunt futura beatitudinis tuæ primitiæ salutare, ut morte superveniente naturalem horrorem fides superet, spes temperet, conscientia pura repellat. Hæc Anselmus. Sed hoc solis perfectis convenit, nunquid ergo imperfecti, qui vitam habent in desiderio, & mortem in patientia, damnabuntur? Absit multi enim salvandi sunt in charitate imperfecta, qui scilicet ædificant lignum, fænum, stipulam, & de corpore exire timent, propter cremabilia, quæ secum ferunt. Sed quia DEUM istis temporalibus, quibus adhærent, præponunt de vita æterna certi sunt. Sed de his licet fiat salvandi, non loquitur hic, sed de perfectis qui vitam habent in patientia, & mortem in desiderio. De Vita in patientia inde subiungit præmii & retributionis magnitudinem, quia vigilantibus promittit beatitudinem. *Beati enim servi illi, in præsentib. Mortis in deatitudine spei, & in futuro beatitudine speciei, quos cū venerit Dominus, siderio.* in eorum morte, vel in extremo examine, invenerit vigilantes, in statu gratiæ & non dormientes, in statu culpæ. Ubi Gregorius, vi-  
gilat, qui ad aspectum veri Luminis, apertos mentis oculos tenet. *Gregorius hom. 13. in Evangelia.* Vigilat, qui servat operando quod credit. Vigilat, qui à se corporis & negligentie tenebras repellit. Hæc Gregorius. Sed veniens Dominus quid vigilantibus servis exhibeat audiamus. *Nam præcinget se, id est; ad retributionem præparabit: & faciet vigilantes discumbere, id est; in æterna quiete refoveri & quiescere: ut edant super mensam suam in Regno suo: & transiens, id est; de iudicio ad Regnum rediens, ministrabit illis, quia suæ lucis illustratione, & Divinitatis contemplatione fideles satiabit: quem nempe in humanitate in iudicio cernemus, etiam in Divinitate post iudicium videbimus: ministrabit illis, lac humanitatis, & vinum Deitatis, & manna dulcissimū, quod in cor hominis non ascendit. Faciet itaq; illos discumbere, quasi Discubitus fessos refocillans: & ministrabit illis, spirituales delicias apponens. Cælestis.* Unde Dyonisius: Discubitu enim opinamur quietem à multis laboribus, & copiosam donationem omnium bonorum: hoc est enim *Dyonisius in Epist. ad Titum.* quodd JESUS facit eos recumbere, dans eis perpetuam quietem, & distribuens eis bonorum multitudinem. Moraliter pulsat Dominus hominis animum, cū eum inducit ad melius propositum: cui *Moraliter. Pulsatio Domini.* confestim aperit, per bonum consensum, & sequentem effectum: & tali servo ministrat Dominus gratiam in præsentia, & gloriam in futuro. Delectatur quippe Dominus esse cum hominibus: ideo querit, ubi mansionem apud eos inveniat. Pulsat ergo ad ostia cordium multipliciter, ut si pro uno, non aperiatur Ei saltem pro altero. Pulsat per Doctorum verba, per bonorum exempla, per collata beneficia, per illata flagella, per promissiones præmiorum, per minas tormentorum, per passionem suam & Sanctorum: quidam autem sunt qui pulsanti Domino respondere nolunt, Quidam humiliter respondent, sed tamen Eum abire faciunt: quidam aperiunt, sed diu apud se quiescere Eum non permittunt. Quidam licet aperiunt, & Eum recipiant: tamen supervenientibus aliis hospitibus, Eum quasi pauperem efficiunt: aut quia domus plena est utensilibus, non invenit ubi caput reclinet. Quidam autem Dominum pulsantem recipiunt, & alios hospites excludunt: & insuper Ei delectabilem præparant mansionem, ut à nullo inquietetur: & illi multa bona, per talem hospitem consequuntur. Primi sunt, qui ita sunt duri, ut ad nullam prædicationem, vel beneficium cor eorum valeat aliquammodo molli.



Secundi sunt, qui se peccatores humiliter confitentur: sed adhuc non habent voluntatem deferendi peccata. Tertiū sunt, qui in aliquo se emendant, & in aliquo non: ut qui usuras & res alienas amplius accipere nolunt, sed acceptas refundere reculant. Quartū sunt, qui pro tempore compunguntur vel se emendant, sed citò recidivant: ut faciunt qui aliis hospitibus supervenientibus, pauperes hospites eiiciunt. Hospites supervenientes, sunt delectationes carnis, mundi, & huiusmodi: varia utensilia, sunt occupationes superflue, quæ cordis libertatem angustant: & Spiritum Sanctum extinguunt. Sed ut dicitur: turpius eiicitur, quàm non admittitur hospes. Quinti & ultimi sunt, qui bona inchoant, & ad finem proficundo perducunt. Apud istos mansiones Dominus facit, & eos valde diligit. In nocte ergo huius sæculi, semper debemus vigilare, & contra hostes solliciti esse, ac expectare Judicem, & Dominum omnibus in qualibet ætate paratis lucem perpetuam ministraturum. Et ideo si in prima vigilia & ætate negligentes fuimus: nec sic desperare, & à bono opere cessare debemus. Nam longanimitatis suæ patientiam, insinuans Dominus, subdit: *Et si venerit in secunda vigilia,* *Vigilantes & ætate: & si in tertia vigilia, & ætate venerit in morte, vel iudicio: & ita invenerit eos, scilicet vigilantes, & in bono perseverantes: beati* *Gregorius sunt servi illi, nunc in spe, & postea in re. Ubi Gregorius. Prima* *hom. 13. vigilia, primævum tempus est vitæ nostræ, id est; pueritia. Secunda,* *in Evangel. adolescentia vel juvenus. Tertia autem senectus accipitur. Qui* *ergo vigilare in prima vigilia noluit, custodiat, vel secundam, & qui* *in secunda noluit, tertiæ vigiliæ remedia non omittat: ut qui con-* *verti in pueritia neglexit, saltem in tempore juventutis, vel in se-* *nectute resipiscat. Sed ut ait idem Gregorius. Nemo hanc longani-* *mitatem DEI negligat, quia tantò districtiorem justitiam in iudicio* *exiget, quantò longiorem patientiam ante iudicium prorogavit.* *Unde Alchvinus: Satis est alienus à fide, qui ad agendam pœnitent-* *tiam tempus senectutis expectat: timendum est enim ne dum expe-* *ctat misericordiam, incidat in iudicium. Sed heu hodie homines* *florem juventutis in vanis consumunt: & faciem senectutis in agen-* *do pœnitentiam vix expendunt. Unde Seneca de talibus loquens,* *Seneca. Epistol. 108 sic ait: Quemadmodum examphora primum quod est sincerissi-* *um effluit, gravissimum quoq; turbidumq; subsidet: sic in ætate* *nostra quod est optimum in primo est: idq; exhaustum in aliis potius* *patimur, ut nobis faciem servemus. Vigiliæ hîc vocat à similitudi-* *ne excubantium in nocte, quia in huius mundi nocte semper debe-* *mus solliciti lucem venturam, id est; adventum iudicis expectare,* *quia nescimus quando Dominus veniet, an mane, id est; in juven-* *tute: an galli cantu, id est; in virili ætate, an media nocte, id est; in* *senectute: an serò, id est; in senio. Et quia in quolibet horum sta-* *tuum aliqui moriuntur, & Domini adventus est nobis incertus: ideo* *in quolibet statu, & omnibus ætatibus vigilare debemus, & parati* *esse per justitiam ad recipiendum mortem, ut in morte Dominum* *venientem recipiamus per bonam voluntatem. Et ne quis confidat* *de statûs dignitate, aut scientiæ claritate, si malè servierit, subjun-* *git quod servus, ut non sit discretio in genere: qui cognovit volunta-* *tem Domini, bonam: & ad implendum obligantem, & non se preparat* *ad bonum, nec facit ejus voluntatem ipsam in opere adimplendo, &* *etiam in opere potissimo, ac magis beneplacito Domino, plagis va-* *pulabit, id est; punietur multis: quia peccavit in multis, & quia con-* *tempnit*



tempit non faciendo quod faciendum sciebat: talis enim non ex ignorantia, sed ex certa scientia peccat, & scienter peccans magis Dominum contemnit, & plus offendit, ac vivus in infernum descendit. Ecce quò scientia aggravat culpam. Unde Gregor. Ubi Greg. hom. donū majoris sciētiā: ibi transgressor majori subiacet culpæ. Et Chryl. 13 in Evan. Levior culpa est, veritatem non apprehendere, quàm contemnere Chrysostom9 apprehensam. Non enim similiter in omnibus omnia judicantur, hom. 78. sed major cognitio sit majoris pœnæ occasio. Unde Sacerdos eadem in Matth. peccans cum populo, multò graviora patietur. Servus autem qui non cognovit, scilicet voluntatem Domini, sed scire potuit si negligens non fuisset, & fecit peccata digna plagis, & punitione vapulabit pau- Ignorantia tis, & minùs punietur cæteris paribùs, quàm qui scienter peccat, & affectata ex certa malitia, quia talis peccat ex ignorantia, quæ diminuit de non excusat peccato, nisi fuerit affectata, sicut cum aliquis vult ignorare illud, quod tenetur facere vel vitare, ut licētius possit peccare. Ex magna enim libidine peccandi provenit, cum aliquis vult illud ignorare, cujus scientia posset eum à peccato impedire, vel retrahere: multi quidem æstimantes se minùs vapulatu- Ignorantia tis, si nesciant quid operari debeant, avertunt aurem, ac verbum DEI, & veritatem audiant vel intelligant, sed cum possent scire, si studium vellent adhibere, non ut nescientes, sed ut contemptores judicabuntur, quia non cognoscere dicendus est, qui apprehendere vult, sed non valet. In talium persona dicitur in Job, qui dixerunt DEO: Recede à nobis scientiam Job. 21. viarum tuarum nolumus. Unde Beda: Multi hanc sententiam malè in- Beda in cap. telligentes nolunt scire quid faciant, & quasi minùs se vapulatu- 17. Luca. rō æstimāt, si nesciāt quod operari debuerāt. Sed aliud est nescisse, aliud est scire noluisse: nescit namq; qui apprehendere vult, & non valet: qui autem ut nesciat aurem à voce veritatis avertit iste non nesciens, sed contemptor dicitur. Unde & Chrysosto. Non est eis excu Chrysostom9 satio condemnationis ignorantia veritatis, quibus fuit inveniendi hom. de Za- facilitas, si fuisset quærendi facultas, nam veritas, salus, & vita co chæo. gnoscendum se magis debet quæri, quàm quærere. Unde etiam Ber- Bernardus nard. Multa scienda nesciuntur, aut sciendi incuriā, aut discendi de- Epistol. 77. fidiā, aut verecundiā inquirendi, & quidem hujusmodi ignorantia non habet excusationem: Et iterum, Frustra sibi de infirmitate, vel ignorātia blandiuntur, qui ut liberiùs peccent, libenter vel ignorant, vel infirmantur. Hæc Bernard: Sed pauci per ignorantiam excu- santur: quia, ut ait Leo Papa. In tonante quotidie auribus nostris eloquiō DEI, omnis homo quid Divinæ justitiæ placeat, scire con- vincitur. Unde & Beda: Nemo igitur ex eo quod dictum est, servū Beda in cap. nescientem voluntatem Domini vapulare plagis paucis, interpre- 12. Luca. tandum de remedio nesciendi præsumat: qui (ut alia taceam) ex eo ipso quod homo est, nec mala quæ caveat, nec bona potest ignora- re quæ appetat. Ut autem hic dicit Glossa: Inter omnes pœnas mi- tissima est eorum, qui præter originale peccatum nullum addiderūt: minor postea eorum qui ex ignorantia peccaverunt: postea eorum qui ex infirmitate, tamen scienter: postea eorum qui ex malitia. Et nota quod licet gravius sit peccare ex certa scientia: periculo- sius tamen est peccare ex ignorantia. Deinde reddit causam jam Ex ignoran- dictorū, quia ab omni cui plus datur, & cui plus committitur de gra- tia peccatū- tiis, plus exigetur & quæretur in hoc tempore, ut non solum sibi, periculosius, sed etiam aliis proficere conetur, & in die judicii quando de omnibus commissis ratio exigetur. Quanto enim Dominus plura dona, & bona



*Sapient. 6.* bona homini confert: tantò magis, & majore contemptu Dominum offendit cùm peccat: & ideo magis punietur, quia potentes potenter tormenta patientur, & fortioribus fortior instat cruciatus. Et ergo meritò cognoscens plus, & non cognoscens minus vapulabit: quia isti plus illi minus est commissum: hoc specialiter potest intelligi de his quæ data sunt Prælati ad regimen aliorum, vel generaliter de his quæ data sunt unicuique ad regimen proprium: & hoc sive sint bona naturæ, sive fortunæ, sive gratiæ. Unde Beda. Multum sæpe datur etiam quibusdam privatis: quibus etiam cognitio Dominicæ voluntatis, & exequendi quæ cognoscunt facultas impenditur: multum autem commendatur illi cui cum sua salute Domini quoque gregis pascendi cura committitur: majori ergo gratiâ donatos, si deliquerint, major vindicta sequetur. Unde & Chrysostomus. Quantò neque majus aliquis beneficium accipit, tantò magis est obnoxius pænæ ingratus existens. & neque honore melior affectus: propter hoc utique & divites pauperibus magis puniuntur, mali existentes: quoniam neque in copiositate facti sunt manserunt. Hæc Chrysostomus. Et non tantum reddemus rationem de his quæ accepimus, sed etiam de his quæ accipere potuimus, si per nos non stetisset, quod intelligentes & desides valde terrere deberet.

## DE DECEM VIRGINIBUS.

### CAPUT XLVIII.

*Matth. 25.* **P**ostquã Dominus ostendit quoddam antecedentia judiciũ, & monuit ad vigilandũ consequenter describit ipsũ Judiciũ. Et quia universitas judicanda distinguitur in tres status: scilicet activorum: contemplativorum & Prælatorum ideo tres ponit parabolas ad istas tres pertinentes. Prima est de decem Virginibus, & pertinet specialiter ad contemplativos: virginitas enim vitam contemplativam significat, quia castitas mentem à carnalibus elevat, & sic ad contemplationem veritatis disponit: numerus autem denarius universitatem contemplativorum significat, quia numeri solum usque ad decem procedunt, vel decem propter operum legis observantiam. Nihilominus tamen ad omne genus hominum potest hæc parabola referri. Et primò circa vitam contemplantium, & consequenter etiam aliorum ponitur meritum & demeritum. Secundò, examinationis judicium. Optat quippe Dominus ut nos, cùm venerit, inveniat præparatos: ut cùm Eo januam Cœlestis Regni intremus, & ne excludamur in providentia fatuitatis, & claudatur janua Sponsi Cœlestis, unde vigilare oportet, quia nescimus quando Sponsus veniet. Et cur sit opus vigilare, docet: & ad hoc parabolam de decem Virginibus inducit: *Simile est Regnum Cœlorum*, id est, præsens Ecclesia militans specialiter, quantum ad statum contemplantium: & nihilominus quantum ad statum aliorum, *decem Virginibus* continentibus: quarum *quinque* erant fatuæ, quia vanitati quinque sensuum servierunt: & opera sua bona de genere non ad finem debitum ordinantes, propriam gloriam, & favorem, seu laudem hominum, vel quæstum principaliter in eis intenderunt: & *quinque prudentes* quia Veritati pro æternis servierunt: & opera sua bona ad finem debitum, scilicet ad gloriam DEI principaliter, & ad perfectionem sui, & ad ædificationem proximi, consequenter ordinaverunt. His rectè Ecclesia similis perhibetur: quia



quia in ea boni & religiosè, & mali superstitiosè conviventes permixtim continentur: qui per quinque prudentes, & per quinque fatuas virgines: per quinque partitam sensuum continentiam à carnis illecebris, & voluptatibus significantes, intelliguntur. Quinq; nēpe opera sua bona pro vana gloria, vel quæstu faciunt, fatui quidem sunt, & si prudentes esse videantur. Inde enim & virgines dicuntur: quia bona operantur, & boni ab hominibus videntur. Sunt nempe in actione virgines, & intentione corrupti: quia bona quæ agunt non castâ & sincerâ intentione faciunt: & meritò dicuntur Virgines fatuæ, quia bonum opus de genere perdunt, propter defectum intentionis rectæ: magna quippe fatuitas est difficilia & ardua aggredi, & sustinere sine fructu & utilitate. magna nempe fatuitas est jejunare, vigilare, carnem affligere, orare, & similia facere: & nullam aliam mercedem, nisi vanam gloriam expectare. De talibus enim Dominus ait: *Matth. 6. Receperunt mercedem suam.* Prudentes verò tantam intentionem ad DEUM referunt: & pro operibus suis à DEO, cui soli placere cupiunt, mercedem recipiunt: prudentia quippe magna est, ex modicis magna, & ex temporalibus acquirere sempiterna. Et in his dividitur totus mundus & tota fidelium multitudo: quia, ut dicit Hiero. *Virgines duplices.* Sancta Ecclesia Virgines prudentes habet, pro DEO bene operantes: & fatuas vanâ gloriâ laborantes: videat ergo unusquisq; ut bonum opus bene, & bona intentione faciat: quia non bonum facere, sed bene facere laudabile est: non enim verbis meremur, sed adverbis: id est, non in eo quòd aliquid facimus, sed in eo quòd bene facimus. Hæc Hieronymus: *Omnes vero accipientes lampades suas, id est operabona de genere boni exierunt obviam Sponso & sponsæ: ad hoc enim debet ordinari exercitium vitæ nostræ, ut homo possit securè & decenter Christo ad iudicium venienti obviare. Sed quinque fatuæ ac-* *Oleum lampadum.* *ceptis lampadibus, id est, operibus suis, non sumpserunt oleum secum, id est, non habuerunt spirituale gaudium, quod oritur ex operibus bonis, propter DEUM factis, & hoc propter defectum rectæ intentionis. Ut enim dicit Augustin. Qui non propterea gaudet, quia intrinsecus DEO placet, non habet oleum secum: prudentes verò acceperunt oleum in vasis suis, id est, intra conscientias: cum lampadibus, id est, cum bonis operibus. Hoc est, ut dicit Augustinus. Lætitiam bonorum operum in corde atq; conscientia posuerunt: quia propter rectitudinem intentionis, gaudent in Domino de suis operibus bonis. Dicitur autem gaudium istud oleum, quia nutrit & fovet charitatis ignem. Ex hoc enim quòd aliquis delectatur in opere, fortiùs & meliùs operatur: & per consequens disponitur, ut ei major charitas infundatur. Omnes quippe Virgines tam fatuæ, quàm prudentes acceperunt oleum in vasis cum lampadibus: fatuæ autem solum in lampadibus, non in vasis, ita quòd vasa habuerunt vacua: sic in Ecclesia quidam accipiunt oleum in lampadibus, quasi videantur ab hominibus boni: interiùs autem sunt bonitate vacui & mali. *Moram autem faciente Sponso, id est, Christo differente iudicium, scilicet donec impleatur numerus Electorum, dormitaverunt omnes, quantum ad langvorem corporis, & dormierunt, quantum ad somnũ mortis, vel dormitaverunt per inertiam & negligentiam. Unde Chry-* *Chrysost. bñ. 51. operis* *solito. Tardante consummatione sæculi, non solum peccatores, sed iusti & spirituales ad negligentiam sunt devolvendi, & ad carnalia imperfecti. delectamenta transaturi, ut impleatur illud Psalmistæ. Saluum me fac psalm. 11.* *DEUS, quoniam defecit Sanctus: quoniam diminute sunt veritates à filiis**



*hominum.* Et bene comparatur mors somno, quia à morte erit ad vitam excitatio. Deinde ponitur examinationis iudicium circa prædicta opera contemplantium, & aliorum cum dicitur: *media autem nocte*, id est; subito, nullo sciente aut sperante: quia dies Domini sicut fur ita in nocte veniet: nam quia tempus iudicii est nobis occultum, ideo signatur per mediam noctem quia illa quæ sunt nocte media, sunt hominibus occulta. *Clamor factus est tubarum Angelorum:* excitans mortuos & convocans ad iudicium. O quantus clamor, quia non erit anima ita alte in Cælo, nec ita profunde in inferno, nec corpus in sepulchro, quin audiat hunc clamorem, & contremiscat. Ad literam media nocte (secundum quosdam) fiet iudicium: quia Angelus Ægyptum devastavit, & Dominus infernum spoliavit, eademque hora Electos suos de hoc mundo liberabit: sed secundum alios, de die celebrandum dicitur: quia nox illa sicut dies illuminabitur: *Tunc surrexerunt omnes illæ Virgines fatuæ & prudentes*, quia omnes scilicet boni & mali resurgent, ut in iudicio appareant, & *ornaverunt lampades suas*, id est; aptaverunt rationes operum suorum reddendas: cogitando & numerando apud se opera sua, pro quibus expectabant remunerationem, iste nempe ornatus non est aliud nisi recursus ad mentem, cogitando de iustitia operum suorum, & bonitate circumstantiarum, ac reddenda ratione eorum, hoc enim commune est fatuis & prudentibus, sed in fatuis est vana fiducia, in prudentibus, veritas.

*Lampadis orta.* Ad veritatem quippe ornatus lampadis tria exiguntur, videlicet claritas vitri, in quo significatur puritas quod ad seipsum plenitudo olei, in quo misericordia ad proximum, inflammatio ignis, in quo fides cum dilectione ad D E U M, quæ omnia in prudentibus sunt, & in fatuis deficiunt. Sed fatuæ suam fiduciam deceptæ dicunt sapientibus, *date nobis de oleo vestro:* quasi dicerent, Iustitia vestra sufficiens est vos glorificare, & nos excusare: excusetis ergo nos, vel feratis testimonium de operibus nostris quæ vidistis: quia continentes & fideles, *quia lampades nostræ extinguuntur*, id est; opera nostra quæ videbantur nobis lucere, & clara hominibus foris apparere, in adventu Iudicis intus obscurantur, quia oleo veræ gloriæ, & intentionis rectæ privantur. Nam secundum Augustinum. Quorum facta aliena laude fulciuntur, eadem subtrahenda deficiunt: *Responderunt prudentes, dicentes: Ne forte non sufficiat nobis & vobis.* Ista petitio vana & responsio negativa, signant quod nullus tunc ad alium quantumcunque; iustum poterit pro auxilio habendo accurrere, nec aliquis quantumcunque; iustus poterit alium juvare, sed vix sibi soli sufficit sua iustitia. Unde Augustinus. Unusquisque; pro se rationem reddet: nec alieno testimonio quisque; adjuvabitur apud DEUM, & vix sibi quisque; sufficit ut ei testimonium perhibeat conscientia sua.

*Hieronymus.* Unde & Hieronymus. Hoc non de avaritia, sed de timore dicunt, quia unusquisque; de operibus suis mercedem accipiet, nec possunt in die iudicii aliorum virtutes, aliorum vitia sublevare, *ite potius ad vendentes & emite vobis*, quasi dicerent secundum August. crimen eorum decommemorando videamus nunc quod vos adjuvent qui vobis laudes vendere consueverunt, & vos in errorem inducere, ut non coram DEO, sed ab hominibus gloriam quaereretis. Exprobratio est fatuitatis præteritæ, in hoc quod bona opera de genere dederunt pro favore laudis humanæ, quia venditores, sunt adulatores, quasi diceret eis: Considerate quid valuit vobis, pro tali favore continenter vivere.

*Idem ibid.* Dum autem irent emere tropicæ loquitur: id est; si adhuc viveret & invenirent



rent, irent emere: in quo implicatur quod remanet affectus & habitus vanitatis præteritæ: id est secundum Augustin. Dum inclinarent se in ea quæ foris sunt, & solita gaudia requirerent, venit sponsus, scilicet ille qui iudicat, id est; Christus, ut remunerationem bonorum faciat, & quæ per opera charitate formata, paratæ erant scilicet prudentes virgines, quibus (secundum Augustin.) bonum testimonium coram DEO conscientia perhibebat intraverunt cum Eo ad nuptias, scilicet ad Cœlestis Regni gloriam, & fatuis exclusis, & ad poenam relictis, *clausa est janua*, id est; aditus ad Regnum Cœlorum, qui non est alicui possibilis post iudicium. Janua inquam triplex est, scilicet misericordiæ, ad indulgendum, quæ modò omnibus aperitur, gratiæ, ad merendum, quæ modò omnibus offertur, gloriæ, ad intrandum, quæ modò omnibus poenitentibus referatur ergo clausa est exclusis reprobis, inclusis electis, operibus cōsumatis. Nō enim, ut ait August. Post iudiciū patet præcū aut meritōrū locus. Unde & Chrys. Ita est terribile illud iudicium, ut nec innocentia sibi confidat. Tantus timor erit omnium, etiam Sanctorum, ut nemo speret se iustum inveniendum, sed adhuc timeat ne forte reus existat. Quomodo ergo pro peccatoribus tunc intercedant Sancti, cum timeant ipsi de se? Nam sicut tempus misericordiæ iudicium non recipit: sic & tempus iudicii misericordia non recipit: ubi autem locum misericordia non habet. nec intercessio valet. Ubi etiam Gregor. O! si sapere in cordis palato possit, quid admirationis habet quod dicitur, *venit Sponsus*: quid dulcedinis, *intraverunt cum Eo ad nuptias*: quid amaritudinis, & *clausa est janua*? Tunc Regni janua lugentibus clauditur, quæ modò quotidie poenitentibus aperitur, quia nequaquam tunc veniam invenit, qui modò tempus veniæ apertum perdit. Ibi à Domino non potest mereri quod petit, qui hic noluit audire quod iussit. Hæc Gregorius. Novissimè per nimis tardam & infructuosam poenitentiam *veniunt & reliquæ virgines*, dicentes, *Domine Domine, aperi nobis*: per hoc quod vocant Eum Dominum, significatur quod crediderunt in Christum. Unde Hieronym. Egregia quidem in Domini apellatione confessio: idemq; repetitum indicium fidei est. Sed quid prodest voce invocare, si operibus neget? non humanis verbis hæc aguntur, sed conscientiæ sibi loquuntur. Et quia fides eorū fuit informis, & secūdū Augu. Magna ejus severitas post iudiciū, cujus ante iudiciū ineffabilis misericordia prorogata est, ideo: *respondens ait: Amen dico vobis, nescio vos*: id est; non cognosco, scilicet notitia approbationis, quā soli Electi à DEO cognoscuntur: quod, ideo vos deleo quia vitæ meritum in vobis non cognosco. Nescit eas & repellit, quia secundum Augustin. non intrant in gaudium ejus, qui non coram DEO, sed ut placerent hominibus, visi sunt aliquid secundum præcepta ejus operari. In fine autem intentam conclusionem infert ad nostram instructionem, dicens: *vigilate itaq; ad habendum fidem charitate formatam*: & vos ad mortem & iudicium sollicitè parando: antequam veniat Sponsus vos ad hoc subito vocādo: *quia nescitis diem neq; horam*, mortis vel iudicii, sed de utroq; incerti estis. Ecce quod parabola tendit, ut quia ignoramus diem iudicii, & etiam mortis nostræ dubiæ, sollicitè testimonium bonæ conscientiæ nobis præparemus: ne si Iudex nos inveniat imparatos, cum fatuis virginibus foris remaneamus. Singulorum nempe discutientur actus, accusante vel excusante cōscientia unūquēq;. Unde Hieronym. Hierony. Ex hoc autem quod infert, *vigilate itaq; quia nescitis di-*



em neq; horam: intelliguntur universa quæ dicta sunt esse præmissa, ut quia ignoramus iudicii diem, solliciti nobis lumen honorum operum præparemus: vigiliâ nempe opus est mentis, ante mortem corporis. Ut autem dicit Augustin. Non solum illius ultimi temporis, quò venturus est Sponsus, sed & suæ quisq; dormitionis diem & horam nescit. Quisquis autem paratus est usq; ad mortem (quæ omnibus debetur) paratus invenietur etiam cum illa vox media nocte sonuerit, quâ omnes evigilaturi sumus. Itaq; ut dicit Chrysost. Revocemus ad memoriam exemplum, quod de virginibus refertur, quæ exclusæ sunt à thalamo Sponsi, propter olei defectum. Ponamus nosmetipsos illis quæ excluduntur, & inde quis dolor, quæ pœna sit, si cogitemus posse etiam nos eadem pati cum negligimus. Estne aliquis ita lapideus qui hoc exēplō non moveatur, & timeat ne similia incurrat? Hæc Chrys. Igitur vigilemus & opera lucis agentes in vigilia hujusvitz ornemus lâpades nostras & opera, ut habêtes oleû ac gloriâ & gaudiû in conscientis nostris, præparati intremus cum Sposo ad nuptias Regni Cœlestis. Unde dicit hic Chrys. Quod iudæi exituri de Ægypto expediti & præcincti agnum iussi sunt manducare, & ad eundem parati: ostendentes nobis quoniam quicumq; nostri agni Eucharistiam manducant: ita debent esse expediti, quasi quotidie exituri de mundo. Ad hoc ergo tendit parabola ut ad futura oculos cordis aperiamus: mala evadamus, deferendo culpam, bona promereamur, sectando justitiam, & cum omni diligentia quotidie expectemus Domini adventum: cujus nescimus diē neq; horam.

*Idem ibidē.* Spōso ad nuptias Regni Cœlestis. Unde dicit hic Chrys. Quod iudæi exituri de Ægypto expediti & præcincti agnum iussi sunt manducare, & ad eundem parati: ostendentes nobis quoniam quicumq; nostri agni Eucharistiam manducant: ita debent esse expediti, quasi quotidie exituri de mundo. Ad hoc ergo tendit parabola ut ad futura oculos cordis aperiamus: mala evadamus, deferendo culpam, bona promereamur, sectando justitiam, & cum omni diligentia quotidie expectemus Domini adventum: cujus nescimus diē neq; horam.

*Parabola scopus.* Ubi Gregorius. Quia post peccata DEUS pœnitentiam suscipit, si sciret quisq; de præsenti sæculo quo tempore exiet, aliud tempus voluptatibus atq; aliud pœnitentiæ aptare potuisset. Sed qui pœnitenti veniam spondet, peccanti diem crastinum non promittit. Semper ergo extremum diem debemus metuere, quem nunquam possumus prævidere. Illa hora est nostri exitus semper intuenda: ista Redemptoris admonitio ante mentis oculos est semper ponenda, quâ ait: vigilate quia nescitis diem neq; horam. Hæc Gregorius. Illi ergo qui expectant ut in ultima hora convertantur, falli possunt: qui verò in bono perseverant: falli non possunt. Omnis enim homo in eo judicatur, in quo invenitur, & ergo nunquam nisi in bono judicantur, qui semper in bono inveniuntur. Igitur ut ait Richard. debet anima perfecta, & assidue summorum contemplationi dedita omni horâ peregrinationis suæ terminum & ergastuli hujus egressum, cum suo desiderio expectare, & ad illud Divinæ contemplationis spectaculum, quod in futura vita speramus, animum suum suspendere, & in ejusmodi expectatione vehementi desiderio anhelare, ut id quod interim videt per speculum, & in ænigmate, mereatur facie ad faciem videre.

## DE TALENTIS ET BONIS à DOMINO

Servis traditis.

## CAPUT XLIX.

*Matth. 25.* Subjungit secundam parabolam de talentis, quæ specialiter pertinet ad Prælatos, quia licet omnes maxime tamen Prælatos inducit, ut vigilantes gratiis & donis à DEO receptis bene utantur ad DEI gloriam, & sui perfectionem, & proximi ædificationem, & fructum afferant, exemplō servorum qui de talentis lucrati sunt, & à Domino veniente



veniente remunerati: nec abscondat in terra, vel sudario, prædictis utendo ad mundi gloriam vel temporale lucrum, seu carnale commodum ne ut servus piger & torpens damnentur, ac foras extra conventum Sanctorum in tenebras exteriores, & infernales eiciantur. Et primò circa statum Prælatorum specialiter, & nihilominus aliorum describit meritum, & demeritum propriæ actionis. Secundò, iudicium discretionis: ideo dicit, dico vobis ut vigiletis beneficiando, & in bonis perseverando, quia nescitis diem adventus Sponsi & Judicis, sicut hominis peregrè proficiscentis incertus est reditus servis suis: Sponsus enim Prædictus: *sicut homo peregrè proficiscentis, secundum corpus: scilicet ad Cœlestem Patriam carnem nostram portans, peregrinatio enim fuit Cœlum carni, vel quia à nobis non videtur in præsentia: tradidit servis bona sua, scilicet quinque talenta, duo & unum, ad fructificandum: unicuique secundum propriam virtutem, scilicet susceptivam, ne quem gravaret, nec cuiquam deficeret. Et est argumentum inde: quòd DEUS non præcipit impossibile: & profectus est statim, liberam eis potestatem operandi permittens: abiit autem per affectum voluntatis qui quinque talenta acceperat, id est; domum quinque sensuum, & exteriorem scientiam, quinque sensibus acquisitam: & operatus est in eis, per exercitium exterioris operis, & lucratus est alia quinque, quia merita sua multiplicavit, ex creaturis Creatorem, ex corporalibus spiritualia, ex temporalibus æterna cognoscens, ac fructum ædificationis in proximis faciens: similiter qui duo acceperat, scilicet intellectum scripturarum & operationum, lucratus est alia duo, scilicet bonum sapientiæ à se diffundendo in proximum per verbum prædicationis, & bonum operationis per exemplum ædificationis. Qui autem unum acceperat, scilicet solam intelligentiam scripturarum: abiens fadit in terra curritate terrenæ intentionis & carnalis actionis: & abscondit pecuniam Domini sui, sine ædificatione proximi. Gregor. talentum in terra abscondere, est acceptum ingenium terrenis actibus implicare, & non lucrum spirituale quæ-  
Gregorius hom. 9. in Evangel.*

rere. In his ergo tribus servis significantur omnia genera hominum, quibus competit negotiatio activæ vitæ: scilicet imperfecti, perfecti, & mali. Imperfecti, quia pluribus indigent, designantur in illo qui accepit quinque: perfecti, in illo qui accepit duo. Mali in eo qui accepit unum. Illi autem duplicant talenta, qui ex eis faciunt opera bona: illi verò abscondunt, qui otiosè vivunt, vel ex eis temporalia tantum lucra quæunt. Examinationis iudicium circa prædicta ponitur, cum dicitur, *post multum temporis, scilicet in secundo adventu: venit Dominus servorum illorum, requiens à singulis de commissio-  
Chrysostomus hom. 79. in Matth.*

tionem, exquirens merita, & exigens quod tradidit cum usura. Quid quisq; accepit, consideret: & quod lucrum de acceptis reportet, penset. Et accedens qui quinque talenta acceperat, id est; præparans se & confidens de reddenda ratione: *obtulit alia quinque talenta, & qui duo acceperat, obtulit alia duo: multiplicata nempe talenta sunt multiplicata merita: quæ offeruntur, cum à DEO acceptantur: obtulit, inquam dicens, Domine quinque, vel duo talenta tradidisti mihi: confitetur gratificè, & totum ei deputat, quia ab ipso accepit: ecce alia quinque, vel duo, super lucratus sum, id est; multiplicata sunt merita ex gratia tua, cum usu liberi arbitrii. Et ait illi utriq; Dominus ejus. Euge, quod est interjectio gaudientis: id est; secundum Chrysostomum Bene sit tibi serve, per propriam humilitatem quòd ad te ipsum: bene, per Divinam assimilationem quòd ad DEUM: & fidelis, per utilem*

Eccc

di-

Impossibile  
non præcipitur.



dispensationem quò ad proximum: vel bone & fidelis, quærens in actibus suis gloriam Domini sui non suam: quia super pauca fuisti fidelis, scilicet super bona vitæ præsentis: super multa te constituam: scilicet super bonæ vitæ sequentis de quibus Psalmista dicit. *Quam magna multitudo dulcedinis tuæ Domine quam abscondisti timentibus te.* Unde

*Psal. 30.* Chrysostom. Pauca sunt quæ in hoc sæculo nobis præstantur, multa quæ in illo servantur. Et Hieronym. Omnia quæ in præsentia habemus, licet magna videantur & plurima, tamen comparatione futurorum parva & pauca sunt: intra in gaudium Domini tui: & suscipe in cap. 25. quæ nec oculus vidit, nec auris audivit, nec in cor hominis ascendit: Matth. & bene dicit intra, ut ex omni parte gaudium sursum, ex visione Gaudium DEI, deorsum: ex consideratione inferni: interius ex gloria conscientia: exterius, ex decore omni creaturæ. Gloriosè consummato 1. Cor. 2. cursu certaminis in gaudium Domini sui intrabit, qui centum milibus prædicans, vel unam animam lucrata Domino suo reportaverit: nec ideo minùs gloriosè si nullam dummodo fideliter pro posse faciat quod faciendum est pro salute. Nempe miles strenuus in certamine commendatur, si constanter & legitimè certaverit: etenim si Domino suo triumphum non obtinuit: sic & Doctor, gentium, repositam sibi habere coronam justitiæ gloriabatur non minùs, quàm si omnes quos converterat, in vera fide & unitate Sanctæ Matris Ecclesiæ perstitissent. *Accedens autem qui unum talentum acceperat, ait: Domine nescio quia homo durus es: graviter puniens delinquentes: metis ubi non seminasti, & congregas ubi non sparsisti.* Seminatur DEUS notitiam, in prædicatione veritatis: spargit virtutes, in exemplo bonitatis: metit ergo ubi semen legis vel Evangelii non ministravit & colligit ubi bonitatis exempla in Patribus veteris vel novi testamenti non sparsit. In Prælati etiam Ecclesiæ non solum requirit bona in persona propria, sed etiam in aliena, scilicet in subditis eorum: quia eorum officium est alios & maximè subditos inducere ad bonum: & timens, scilicet aggredi altioris vitæ statum, ne ipse periclitaretur quærens salutem aliorum, abscondi talentum tuum in terra: hoc est non solum usus notitiæ mihi datæ propter æterna, sed propter terrena: ecce habes, quod Tuum est, quasi diceret sufficit mihi quia tenui quod habui, nec aliis ministravi. Iste timor servi pigri non est nisi pusillanimitas bene agendi. Ut autem dicit Chrysostom. Et si talentum non perdidit, reus tamen est damni: sicut qui causâ seminandi semen accipiens tempore seminationis non seminaverit, Domino suo damnum fecit: & si semen non perdidit, quantum poterat lucrum facere si tempore opportuno seminasset. Respondens autem Dominus, dixit ei: serve male, propter calumniam respectu Domini, & piger, in multiplicatione respectu proximi: sciebas quia meta ubi non semino: multo magis ubi semino, & congrego ubi non sparsi: multo magis ubi sparsi: quasi diceret, pro omissione veritatis & virtutum iudicio illos quibus non prædicavi nec exemplum bonitatis prope fui: ergo multo magis te cui talentum notitiæ meæ ad negotiandum commisi: & ex hoc te acuso, quo te excusat. Oportuit ergo ad tuum meritum, & ad aliorum commodum: te pecuniam meam, id est; sermonem vel legem, dare gratis ad mensam, id est; ad aliorum refectio-nem internam: & committere numulariis, id est; auditoribus qui quod audiunt operantur, vel potius docere alios qui postea aliis ministrarent: & ego veniens ad discutiendum merita recepissem quod meum est cum usura, id est; te & ipsos quos mihi acquisivisses: hæc enim est usu-ra

*Pusillanimitas.*  
Chrysostom.  
hom. 53.  
Operis imperfecti.



ra spiritualis, scilicet lucrum animarum, quæ maximè placet DEO.

*Tollite itaque ab eo talentum*, id est; donum sibi traditum, scilicet naturalis ingenii vel notitiæ: & loquitur permissivè, quia Dominus auralis creditum ferri permittit intelligentiam, vel per vitia, vel per dæmones, quoniam homo infatuatur in eligendo malum, vel infatuatur propter scientiæ abusum, vel non recipit mercedem, sed pœnam quia bona Divinitus collata non cedent in male operantibus, vel otiosis ad gloriam, sed magis ad confusionem: *Et date ei qui habet decem talenta*, quia damnatio reproborum cedit ad gloriam Electorum, secundum illud: *Latabitur justus cum viderit vindictam*, ex quo patet quod non permittit DEUS fieri malum, nisi inde eliciat aliquod bonum: iussit autem potius dari illi qui habebat decem, quam illi qui habebat quatuor: quia minùs habuit qui quinque acceperat quàm qui duo: per quinque enim significatur exteriorum scientia, secundum quinque sensus: sed per duo operatio voluntatis & intellectus: oportuit ergo illi qui habuit exteriorum scientiam, & administrationem, dari intellectum interiorum, qui per unum intelligitur talentum: *omni enim habenti*, & bene utenti *dabitur* incrementum ejus quod habet, & *abundabit*: habenti enim sollicitudinem ministrandi Verbum DEI, dabitur gratia & *abundabit* in efficaci doctrina. Item *habenti* charitatem, *dabitur* augmentum charitatis: & *abundabit* usq; ad perfectionem. Item habenti meritum, dabitur præmium, & *abundabit*, quia remunerabitur supra condignum. Augetur nempe gratia qui laborat in ea, nam laborando meretur augeri, & ei qui reperitur in gratia dabitur gloria & *abundabit*: non solum de sua & aliorum glorificatione, sed etiam de impletione justitiæ in malorum reprobatione: *Ab eo autem qui non habet* studium vel charitatem, & bonum doni collati usum, & quod videtur habere naturale ingenium vel studiū literarum, ac donum sibi collatum, *auferetur*. Item ei qui non habet fidem, ut in DEO non credenti: etenim quod verum habere, scilicet legis scientia, auferetur ab eo. Item ei qui in morte non inventus fuerit in gratia, bona naturæ & gratiæ cedent ei ad pœnam. Ut autem dicit Augustinus. Omnis res quæ danda non deficit: si habetur & non datur, non habetur quomodo habenda est. & ut idem dicit, dare habenti, fuit misericordiæ, auferre non habenti justitiæ: prudenter ergo & fideliter laborantem, ac bonum usum in DEI munere habentem ampliori gratiâ Dominus donat: & otia sectantem, ac munere DEI non bene utentem, eo quod dederat privat. Unde dicit Gregorius. Quod quisque charitatem habet, etiam alia dona quàm percipit: quisque charitatem non habet, etiam dona quæ percepisse videbatur amittit. Deinde inutilem servum talentò privatum jubet mitti in tenebras exteriores, id est; corporales: quia (ut ait Hieron.) Dominus lumen est: qui ab eo foras mittitur, caret lumine. Exteriores tenebræ, sunt corporis: interiores, sunt mala animæ. Unde Gregorius. Interiores tenebræ, sunt cæcitas mentis: exteriores, & terna nox damnationis: quia ergo hic sponte cecidit in cæcitatem mentis, illic proicietur in noctem damnationis. Unde & Raba. Per pœnam in exteriores tenebras cadit, qui per culpam suam sponte in interiores cecidit: ibi coactus patitur tenebras ultionis, qui hic libenter sustinuit tenebras voluptatis. Hæc Raba. *Ibi erit fletus* proveniens ex fumo caloris: & *stridor dentium*, ex passione frigoris: vel *fletus & stridor dentium*: id est; dolor mentis & corporis, & ad ista reducitur omnis pœna infernalis ecce quia non solum qui mala operatur



*Hominis  
nobilis pa-  
rabola.*

tur, sed & qui bona non facit ultimâ pœnâ puniri: possunt etiam per quinque talenta, intelligi bona naturæ, bona scientiæ, bona potentiae, & bona opulentiae: & dicuntur talenta, quia per bonum usum talentum potest homo sibi acquirere Cœleste præmium, & aliqui habent omnia ista à DEO collata: alii plura istorum: alii unum tantum. Aliqui etiam sunt qui talenta multiplicant & geminant, bene utendo prædictis ad sui perfectionem & proximi ædificationem: alii abscondunt in terra, qui utuntur ad mundi gloriam & lucra temporalia. De eodem quoque Lucas ponit parabolam, de homine nobili, scilicet Christo, qui non solum secundum Divinitatem, verumetiam secundum humanitatem ex nobili genere ortus est, quia secundum Divinitatem, DEI Patris, & secundum humanitatem, David Regis Filius, qui abiit in Regionem longinquam, ascendens in Cœlum Empyreum, accipere sibi Regnum super ordines Angelorum, ac reverti, scilicet ad iudicium generale, in mundi fine, & etiam ad iudicium particulare, in cujuslibet hominis morte, & priusquam illuc ascenderet, vocatis, per electionis gratiam: decem, propter decalogi observantiam: servis suis, propter obedientiam omnimodam, vel decem servis suis, id est; Christianis & fidelibus universis, quorum universitas numero denario designatur, propter perfectionem denarii, dedit illis gratis decem mnas, id est; talenta seu libras, scilicet spirituales decalogi intellectum, ad negotiandum, donec veniat ad iudicium: quas veniens exiget cum usura & excrementis, secundum Bedam. Mna decem dragmis appenditur. Decem ergo mnæ centum dragmas id est; centum libras faciunt, quâ numerus perfectorum designatur. & Sacre Scripturæ sermo, quia vitæ Cœlestis perfectionem suggerit, quasi numeri centenarii pondere fulgescit, vel per decem mnas intelligitur universitas donorum DEI propter perfectionem ipsius denarii. Mutavit ergo nobis DEUS aliqua dona ad negotiandum, ut multiplicentur per fructus bonorum operum, quia tempus meriti currit usque ad iudicium, de quibus quærit lucrum meritum, redditurus cumulum præmiorum. Hoc profecto negotium, ut ait Gregorius. Tunc verè nos agimus, si vivendo & loquendo proximorum animas lucratur, si infirmos quosque Cœlestis Regni gaudia prædicando in superbo amore roboramus, si protervos, ac tumidos gehennæ supplicia terribiliter insonando flectimus, si nulli contra veritatem parcimus, si supernis amicitias dediti, humanas inimicitias non timeamus. Hæc Gregorius. Usura quippe est, quod ex mutuo ultra sortem accipitur. Et certè Dominus dando nobis pecuniam suæ gratiæ & doctrinæ, exigit eam cum usuris & excrementis. Primò, ut cum tribuit doctrinam fidei ad credendum, exigit ut quod credis, ore confitearis. Secundò, ut quod confiteris, opere compleas. Tertiò, ut exauditis in lege Domini meditando, & legendo, & orando etiam alia intelligas. Quartò, ut quod compleris docere non cesses: his enim partibus denarius vitæ fundatur æternæ. Unde Gregorius. In quantum vos perfecisse pensatis, etiam alios trahere vobiscum satagite. in via DEI habere socios desiderare, & si ad DEUM tenditis, curate ne ad eum soli veniatis. Hinc nempe scriptum est: Qui audit, dicat veni, ut quod in corde vocem superni amoris suscepit, foras etiam proximis vocem exortationis reddat. Hæc Gregorius. Acceptò autem Regno, Dominus servorum illorum rediens, iussit eos vocari ad se, ut sciret quantum quisque negotiatus esset. Et cum primus veniens cum mna sua alias decem

*Beda in cap.  
19. Luca.*

*Greg. Epist. ad  
39. lib. 2.*

*Usura quid  
est.*



cem, & alter cum mna sua aliàs qvinque acquisitas obtulisset: congratulans ei Dominus dixit primo, *erit potestatem habens super decem Civitates*: alteri verò, *& tu esto super quinque Civitates*, id est; gaudebis, scilicet tu uterq; de felicitate omnium qui per tuam doctrinā vel vitæ tuæ exemplum conversi sunt ad bonum: servus autem bonis mnas cum lucro reportantibus piger servus muam suam sine lucro obrulit, quam in sudario ligatum habuit, quia molliter & delicate vivendo Doctrinam commissam non enumeravit, ac gratiam sibi datam, in hac carne laboribus & fatigationibus traditam torpescens: & percepta dona sub otio torporis & ignaviæ abscondit, & sic ipsam mnam sine operibus tanquam mortuam & spepultam in sudario habuit: Sudarium nempe est pannus in quo involvuntur corpora mortuorum, & ideo mna in sudario reposita, signat donum DEI à bonis operibus otiosum tanquam mortuum. Illis ergo qui de donis suis bene operando lucrum fecerunt, commendatis à Domino & remuneratis: pigrum qui in bonis operibus torpendo mna suam in sudario ligavit, reprobat Dominus, & damnat, variò tamen modò secundum quantitatem meriti vel delecti, quia gradus sunt & in gaudiis & in tormentis. Ille homo peregre profectus, scilicet Christus ad Patrem ascendens, secundum Marcum, reliquit corporaliter domum suam, id est; Ecclesiam, quam tamen nunquam Divinæ potentiz præsidio destituit, & dedit servis potestatem cujusq; operis: quia dans fidelibus octo talenta, secundum Matthæum, & decem mnas, secundum Lucam, tribuit eis facultatem insistendi operibus bonis dimittens eos agere secundum libertatem suæ voluntatis: & janitori, qui ducit in domum Cæli, præcepit vigilare ei, scilicet qui prædicat, & præest: cui dicitur, si non annuntiaveris iniquo iniquitatem suam, sanguinem Ejus de manu tua requiram. Unde Beda. Janitori autem præcepit ut vigilaret, quia ordini Pastorum commissæ sibi Ecclesiæ jubet curam impendere: non solum autem Rectores Ecclesiæ, sed omnes vigilare præcipimur. januas cordium custodientes ne antiqui hostis mala suggestio intret, ne nos Dominus dormientes inveniat. Hæc Beda. Janitor etiam est ratio, quæ debet esse vigil ad claudendū ostium consensûs, diabolo, & ad aperiendum Christo, qui ad ostiū pullat, quando ad bonum invitat. Negotiemur ergo fideliter de bonis naturæ, gratiæ, & fortunæ nobis datis: quia de omnibus rationem reddemus. Fugiamus pigritiam, quia piger locum diabolo præparat, & otiosus quasi pulvinar est diaboli, in quo requiescat. Omnibûs quoq; modis quibûs possumus nosmetipsos emendando, vel alios adjuvando, talentum Dominicum erogare, & erogando multiplicare studeamus: utpote de quo in districto judicio rationem reddituri sumus: nec se aliquis ab hac negotiatione excusare poterit, quia nullus est qui talentum non acceperit. Unde Gregor. Sciendū verò est, quòd nullus piger ab hac talenti acceptione securus est: nullus nāq; est, qui veraciter dicat talentū minimè accepit, non est unde rationem ponere cogar. Talenti enim nomine cui-  
libet pauperi etiam hoc ipsum reputabitur, quod vel minimum accepit: alius namq; accepit intelligentiæ donum prædicationis ministerium debet ex talento: alius terrenam substantiam accepit, erogationem talenti debet ex rebus: alius didicit artem quā pascitur, ipsa ars ei in talenti acceptione reputatur: alius familiaritatis locū apud divitem meruit, talentum profecto familiaritatis accepit: habens igitur intellectum, curet omnino ne taceat: habens rerum afflu-

Ezech. 3:  
Beda in cap.  
19. Luca.

Gregorius  
hom. 9. in  
Evangelia.



entiam, vigilet ne à misericordia torpescat: habens artem quā regitur, magnopere studeat ut usum atq; utilitatem illius cum proximo partiatur: loquendi locum apud divitem habens, pro pauperibus intercedat. Tantū quippe ab unoquoq; nostrum venturus Iudex exigit, quantum dedit. Consideremus ergo quæ accepimus, atq; in eorum erogatione vigilemus: nulla nos spiritali opere terrena cura impediat, ne si in terra talentum absconditur, talenti Dominus minus ad iram provocetur. Unde Augustin. Unusquisq; quod habet præstet alteri, quidquid plūs habet largiatur inopi. Alius habet pecuniam: pascat pauperem, vestiāt nudum, ædificet Ecclesiam, operetur de pecunia quidquid boni potest. Alius habet consilium: regat proximum, pellat tenebras dubitationis luce pectoris. Alius habet doctrinam: erogat de cellario Domini ministret conservis cibaria, confortet fideles, revocet errantes, quærat perditos, quantum potest faciat. Est quod sibi erogent pauperes: alius claudo pedes accomodat, alius cæco suos oculos duces præbeat, alius visitet infirmum, alius sepeliat mortuos, sunt ista in omnibus, ut prorsus difficile inveniatur aliquis qui non habeat unde aliquid alteri præstet: & illud extremum & magnum quod ait Apostolus: *Invicem onera vestra portate &c.* Unde etiam Chrysostom. Omnia inferamus ad proximorum utilitatem: talenta enim hæc sunt uniuscujusq; virtus, sive in præeminentia, sive in pecuniis, sive doctrina, sive in qualicunq; tali negotio: nullus dicat quoniam unum talentum habeo, & non possum facere: potest & per unum approbatus esse: non enim es viduā illā pauperior, non es Petrus & Joanne rustitior, qui & idiotæ & illiterati fuerunt, sed tamen quoniam desiderium monstraverunt, & ad communem utilitatem omnia fecerunt, Cælos apprehenderunt: nihil enim est ita DEO amicum sicut ad communem utilitatem vivere: propter hoc sermonem nobis dedit DEUS, & manus, & pedes, & corporis virtutem, & intellectum, & sensum, ut omnib; hīs ad nostram ipsorum salutem, & ad proximorum utilitatem utamur: non opus est multis hīc nobis sermonib; neq; longa circumitione. Instat enim Beatus Paulus ratiocinium ferens & dicens, dissolvi & cum Christo esse melius est: manete autem in carne, magis necessarium est propter vos, & ei qui ad Christum erat discessioni, præposuit proximi ædificationē. Hoc enim maximè est esse cum Christo, voluntatem ejus facere: voluntas autem ejus nil est ita, sicut quod expedit proximo. Si enim in secularibus nullus sibi ipsi vivit: sed & artifex, & miles, & agricola, & negotiator ad id quod communiter expediti sunt, & ad quod proximo prodest conficiunt universi, multo magis in spiritalibus hoc oportet facere: hoc enim maximè est vivere. Qui sibi ipsi vivit solum, & omnes despicit, superfluous est, & neq; homo, neq; generis nostri. Hæc Chrysostom. Ex prædictis videtur quoddam aliquis fidelis in charitate manens, qui absq; suo scandalo utilis est, vel esse potest proximis quod ad vitam æternam, peccat mortaliter si se transfert ad eremum, vel monasterium, ubi alios non instruit verbō vel exemplō, nec curam quam posset & deberet circa proximos, gerit: quia ita abscondit talentum, & est servus piger: de infirmis enim non loquimur, qui de facili scandalizantur: quia eis est tutum fugere consortium pravorum, & laqueos diaboli. Sed è contra videtur quia prævalet activæ contemplativa: Dominus enim dicit Marthæ, *Maria optimam partem elegit, quæ non auferetur ab ea.* Et Hieronymus in pluribus locis Epistolarum suarū usq;

Augustinus  
serm. 22. debet  
verbis Apostoli

Galat. 6.  
Chrysostom.  
hom. 79.  
in Matth.

Philipp. 1.  
Cum Christo  
esse.

Luce 10.  
Hieronymus  
Epistol. ad  
Paulinū ad  
Rusticum et  
ad Nepotian.  
in Tomo 1.



usq; adeo præfert activæ contemplativæ, ut Viros Religiosos, & multis utiles vocet ad eremum, quasi nihil boni in mundo agerent, habito respectu ad vitam Monachorum & Anachoritarum. In his ergo videtur necessarium ut quisq; vires suas consideret, & ad quod opus ipse sit aptior penset: si enim ad contemplativam habilior, & ad orandum devotior, tutè se transferat ad eremum, oraturus pro se & aliis: & ita plùs proderit eis in eremo pro ipsis orando, quàm in mundo eis prædicando: nec abscondit pecuniam Domini sui in terra, sed in Domino: licet non prædicet: quia talenta orationis & devotionis, in quo ampliùs valet, & meliorem se sentit, omnibus erogat: nec piger dici debet qui totus in Sancta devotione & oratione, jejunio, vigilia, & fletu est: verumtamen si quis videret gregis sibi commissi periculum imminere, & nullum idoneum in curam gregis sibi successurum, periculum esset gregem deferere, & ad eremum se transferre: licet habilior ad orandum sit, dummodo de suo scandalo non præsumat: Prælatus quidem qui idoneus est ad prædicandum, & plures instruere potest: ac sibi & aliis in tali officio utilis est, talis fraternam charitatem non observat si populum sibi commissum relinqueret, & se ad eremum transferret: cùm utilior in agro prædicationis, quàm in eremo esse possit in his verò quemq; in charitate manentem Spiritus Sanctus intus docebit, quid ei meliùs faciendum sit, & solliciti circa hæc Inquisitoris quæstioni satisfaciet.

## DE VENTILATIONE AREÆ IN EXTREMO

### J U D I C I O.

#### C A P U T L.

**P**ostremò ponit tertiam parabolam, quæ pertinet ad activos, quo. *Matth. 25.* rum est se exercere in actibus misericordiæ, pro quorum exercitio vigilantes in talibus remunerabuntur: desistentes autem à talibus, condemnabuntur: & describit ventilationem arcæ, quæ fiet in extremo judicio, ac modum ipsius Divini judicii. De hoc Evangelio dicit Augustinus. Si quis esset qui de tota Sacra Scriptura nihil *Augustinus* aliud sciret nisi solummodo lectionem istam præsentem, hoc solum *Evangelii* sibi sufficeret ad salutem, quia continentur hîc merita & demerita, *hujus utilitas.* præmia & supplicia bonorum & malorum: conditiones autem Judicis in hoc adventu secundo ponit, per oppositum conditionum ejus in adventu primo. Venit nempe primò in humilitate, Apostolorum pauperû societate, & propria infirmitate. Secundò, veniet in Majestate Angelorum societate, & Judicis dignitate. *Veniet ergo Filius hominis,* scil. Virginis ad judicium, *in Majestate sua,* quia tunc judicaturus apparebit in forma hominis gloriosa, qui in primo adventu judicandus apparuit in forma passibili & infirma. Unde Remigius. In Majestate Deitatis judicaturus adveniet, qui in humilitate servi judicandus apparuit, itaq; tradendus in proximo Cruci, promittit gloriam triumphantis: ut secutura scandala hæc promissione compensaret, & ut melius illa paterentur discipuli, & libentius substantiæ gloriæ expectatione. Unde Chrysost. *DEUS manifestè veniet,* *Chrysost. hō: sa. Operis imperfecti.* manifestè inquit, nō jam calatus in corpore sicut antea, ut vix Eū etiam boni cognoscerent, sed manifestus in gloria, ut etiam mali Eum confiteantur inviti, ut qui contempserunt Eum in humilitate, cognoscant Eum in potestate, & qui scire noluerunt quàm Dulcis est mi-



miserericordia ejus, sentiant quàm gravis est ira ipsius. Hæc Chryso-  
 stomo. In forma ergo humana veniet, ut ab omnibus videri possit:  
 si enim in forma Divina veniret, non posset videri à malis, quia ta-  
 lis visio non est sine delectatione maxima, quæ tunc non competit  
 eis: & ideo dicit: *cum venerit Filius hominis*, in famulatu autem ejus ve-  
 nient omnes Angeli Ejus cum Eo, propter Judicis honorem, & tan-  
 quam testes actuum humanorum, & executores sententiæ ferendæ  
 per ipsum. Unde Chryso. Omnes enim Angeli cum Ipso ade-  
 runt, testantes & ipsi quantum administraverunt missi à Dominato-  
 re ad salutem hominum; *Tunc sedebit super sedem Majestatis suæ*, id est;  
 in Ecclesia, in qua apparebit cum omni potentia sua, per quod si-  
 gnificat potestatem judiciariam quæ Christo homini est data: *& tunc  
 congregabuntur ante Eum*, tãquã ante Judicẽ suũ, *omnes gentes*, omnis tẽ-  
 poris, omnis cõditionis, omnis ætatis, quia nullus poterit tunc latere  
 vel se abscondere. Unde Chrys. Ubi illuminatio Evagelii ad omnes  
 gentes prædicata pervenit, tũc omnes gentes inexcusabiles factæ sũt:  
 & ideo tunc justè ad judiciũ cõgregabũtur omnes. *Et separabit eos ab  
 invicem*, scil. bonos à malis, *sicut Pastor segregat oves ab hædis*, de die  
 sunt simul in pascuis oves & hædi, sed in vespere Pastor eos segre-  
 gat, sic in vita præsentis sunt in Ecclesia simul boni & mali, sed in ve-  
 spere mortis, seu mundi, separabit Christus bonos à malis, sicut oves  
 ab hædis. Separabit, inquam, meritò omnia merita discernenda lo-  
 co, loca varia assignando, vocabulo diversis nominibũs appellando,  
 hos hædos, illos oves. In ovibus intelligitur innocentia bonorum,  
 propter simplicitatem, mititatem fræcunditatem. In hædis intelli-  
 gitur perversitas malorum, propter fræditatem, impetuositatem, ste-  
 rilitem. Unde Chryso. Deinde à nominibus uniuscujusq; mo-  
 dum ostendit, hos quidem hædos vocans: hos autem oves: ut horum  
 quidem infructificationem ostendat: nullus enim ab hædis fructus fit,  
 horum autem multum quæstum: etenim multus ovium est quæstus,  
 & à lana lacteq; & ab his quæ parturiuntur, à quibus universis de-  
 sertus est hædus. Et iterum: Oves, homines justipropter mansue-  
 tudinem, quia ipsi neminem lædunt, & propter patientiam, quia cum  
 ab aliis læsæ fuerint, sustinent: hædos autem homines peccatores di-  
 cit: quia capris hæc naturaliter insunt vitia, libido præ cæteris  
 animalibus, superbia, rixa, invidia, concupiscentia, gula, & clamo-  
 ribus super omnia garrulæ, omnibũs hĩs vitiis peccatores abun-  
 dant, & ideo hædis sunt assimilati. Hæc Chryso. *Et statuat  
 oves*, seu bonos, *à dextris suis*, *hædos autem*, seu malos *à sinistris*. In  
 ipsa positione dextræ, & sinistræ, jam ex tunc utraq; pars cognosce-  
 re poterit cui misericordia & cui miseria immineat. Unde Chry-  
 stomo. Justos quidem ad dexteram constituet, peccatores ad sinistra:  
 ut unusquisq; meritorum suorum conditionem ex ipsius loci qua-  
 litate cognoscat. Meritò justos ad dexteram collocabit, quia nun-  
 quam cognoverunt sinistram: meritò impios ad sinistram, quia nun-  
 quam cognoscere voluerunt dexteram partem. Vias enim quæ à  
 dextris sunt, novit Dominus: perversæ autem sunt quæ ad sinistram  
 sunt: & iterum à sinistris, sunt qui quærun temporalia: à dextris,  
 qui quærun æterna. Unde & Remigius, in dextris æternæ beatitu-  
 dinis confirmabuntur, qui amaverunt æterna: in sinistris æternæ mi-  
 seris, qui cupierunt præsentia. Nam & ipsa transitoria DEI dona,  
 respectu æternorum, dicuntur esse sinistra: æterna vero in dextera,  
 quia sunt potiora. Hinc est illud. Cor sapientis in dextera ejus, &  
 cor

Chryso. hom. 80.  
in Matth.

Chryso. hõ.  
54. operis  
imperfecti.

Idẽ hom. 80  
in Matth.

Dextera &  
sinistra.  
Idẽ ibidẽ.

Eccles. 10  
Rex Christi

Joann. 19  
Benedicti.  
Rabanus in  
c. 25. Matt.



cor stulti in sinistris illius. Tunc dicet Rex his, qui à dextris Ejus erant, id est; bonis, hanc non dicit, Filius hominis, sicut supra: sed, Rex: ad cujus apicem pertinet subditos regere, leges condere, transgressores legis punire, & observatores præmiare, quod tunc apparebit manifestè. Tunc non quæret Pilatus, ergo Rex es Tu? tunc non dicent judæi, non habemus Regem, nisi Casarem. Dicet inquam, Rex; Venite benedicti Patris mei, id est; à Patre meo, qui à Patre benedictionem gratiæ accepistis, quia non nisi benedicti primò per gratiam & meritum vocantur ad beatitudinem æternam & præmium: non dat enim DEUS pacem pectoris: vel, secundum Rabanum, dicuntur benedicti, quibus pro bonis meritis debetur æterna benedictio: possidere. Rabanus in & æternaliter tenere, paratum vobis Regnum Cælorum: locum Sancto-c. 25. Mat. rum, à Constitutione mundi. Ubi Chrysostomus. Antequam enim vos Chrysostomus nasceremini, ait, hæc vobis præparata sunt & præaptata, quia vidi bon. 80. vos tales futuros, secundum Remigium, Rex Regum sine strepitu in Matth. verborum loquitur, id est; manifestabit conscientias & merita, dicetq; per collationem gloriæ, venite, beneficiò Patris mei promoti ad obtinendum Regnum vitæ, prædestinatum vobis à constitutione mundi. Hæc Remigius. Ante mundi constitutionem paratum fuit per prædestinationem: à constitutione mundi, per creationem: ab ascensione, per apparitionem. Attende hanc dulcissimam invitationem Domini, cum dicit: venite benedicti Patris mei: o! quam felices & beati qui hoc dulce invitatorium ad se directum meruerint audire, & à Domino invitati Regnum Ejus præcipere, frequentemus ergo, nunc & tunc devotè invitatorium Ecclesiæ dicentes. Venite exultemus Domino, ut tunc cum Electis mereamur audire invitatorium Domini, & regnare sine fine cum Eo. Et commemorabit Dominus sex opera misericordiæ, in se Capite & in membris suis pro-Opera misericordiæ. pter Eum facta: quæ sunt, pascere esurientem, potare sitientem, collocare hospitem, vestire nudum, visitare infirmum, consolari vinculatum, & per hæc intelligitur septimum, quod est in Tobia, scilicet sepelire mortuos. Unde versus.

*Visito, poto, cibo, redimo, tego, colligo, condo.*

Et secundum quosdam non erit aliud hæc commemoratio, nisi quia omnes scient merita sua, pro quibus salvabuntur vel etiam damnabuntur. Ubi Chrysostomus. Putas quantò gaudì extolluntur Sancti, quando in conspectu omnium Angelorum quod fecerunt hominibus fatetur se accepisse nam tale videtur opus eorum non quale datum est, sed qualis persona illius est qui accepit. Hæc Chrysostomus. Sed justi, quasi laudem fugientes, interrogabunt, quando hæc sibi fecerint, secundum Remigium. In conscientiis suis ita respondébunt, non dubitantes vel diffidentes de verbis Domini, sed vel stupentes pro magnitudine Majestatis Regis, vel quia parvum videtur eis omne bonum quod fecerunt comparatione præmii. Unde Apostolus. Rom 8. Non sunt condignæ passionibus hujus temporis ad futuram gloriam quæ revelabitur in nobis. Unde Chrysostomus. O! humilitas, quæ nec post mortem deficiet. Homo enim malus etiam falsis honoribus delectatur, hom. 54. vir autem bonus etiam sibi debitam laudem fugit: sic & Sancti de Operis imbitam sibi laudem repellentes dicent, quando Te vidimus esurientem? Hæc Chrysostomus. Et respondens Rex, dicet illis. Amen dico vobis, quamdiu, id est; eò & quanto tēpore fecistis, id est; opera misericordiæ exhibuistis, uni de his fratribus meis minimis mihi fecistis. Fratres sunt, qui fecerunt voluntatem: Patris minimi verò, qui fuerunt humiles



*Idem ibid.* & abjecti. Ubi Chrysost. O! bonitas Christi, quamdiu in corpore contemptibili erat in mundo, fuerat verisimilis ratio, ut propter similitudinem visionis fratres suos homines appellaret: quid autem dicamus, quod in illa gloria constitutus, adhuc contentus est eos dicere fratres, quibus sufficeret ad laudem si vel bonos servos illos vocaret. Et iterum propter hoc enim sunt fratres, quia humiles, quia abjecti & contemptibiles: hos enim tales maxime in fraternitatem vocat. Unde & Augustin. Minimi ergo qui sunt Christi, hi illi sunt qui omnia dimiserunt & secuti sunt Eum, & quidquid habuerunt pauperibus distribuerunt: ut DEO sine seculari compede expediti servirent, & ab oneribus mundi liberos velut pennatos sursum numeros tollerent. Hi sunt minimi, quare minimi? quia humiles, quia non elati, non superbi. Apprehende minimos istos, & grave pondus invenies. Hæc Augustin. Christus itaq; in esurientibus esurit, in sitientibus sitit, in infirmis ægrotat, & in aliis similiter patitur: magnâ ergo reverentiâ suscipiendi sunt minimi pauperes Christi: cum magna veneratione serviendum est eis, siquidem Christus in eis suscipitur & honoratur. Unde Gregor. Ad tribuendum ergo pigri cur estis, quando hoc quod jacenti in terra porrigitis sedenti in Cælo datis? Hæc præmissa sunt opera misericordiarum, ad corporis miseras pertinentia: ad animas verò spectat, ut esurientem & sitientem justitiâ pane verbi DEI reficias, & potu sapientiæ refrigeres: errantem per hæresim vel per peccatum in domum Matris Ecclesiæ DEI revoces, innocentem à malis protegas: nudum à bono opere, virtutibus ornas: infirmum in fide corroboret, tribulatione seu carcere tristitiæ oppresso subvenias compatiendo, vel consolando: qui enim hæc facit, veram dilectionem & charitatem adimplet: & hæc majora sunt quam alia præmissa: quia ut ait Gregorius, plus est verbi pabulum victuram in perpetuum mentem reficere, quam ventrem morituræ carnis terreno pane satiare. Unde Chrysost. Si hæc omnia corporaliter corporibus Christi ministrare magnæ beatitudinis est, quæ omnino post modicum sunt peritura: putas quantæ beatitudinis est hæc omnia spiritualiter animabus periclitantibus ministrare, quibus vivificari possint vivere in æternum. Quanto melior est anima quam corpus, tantò meliora sunt, quæ ad salutem animarum quam quæ ad sustentationem corporum ministrantur. Tunc dicit Rex & his qui à sinistris ejus erunt, id est; reprobis: qui sinistra, id est; temporalia quamdiu vixerunt ardenter amaverunt. *Discedite à me.* O! infelix discessio. O! dura separatio. O! miserabilis conditio, quia à me Fonte vitæ insufficientis, à me Lumine gloriæ beatificantis à me Torrente voluptatis inundantis, à me Plenitudine ubertatis inebriantis, *maledicti*, primò maledictione culpæ sed modò maledictione pænæ æternæ: in ignem æternum, sine fine vos arsurum: qui paratus est diabolo & angelis ejus, ut quibus colligati fuistis in culpa, sociemini in pœna. O! consortiū malū horribile quidē ad imaginandū horribile: à plius ad videndū: sed adhuc horribilius ad cohabitandū: nō portastis, inquit clavē crucis: ideo in Regnū nō intrabitis: nō navigastis in nave Crucis, ideo ad portum non pervenietis: sed pœnam damni & sensus habebitis. Dum mali permixti sunt bonis, videntur esse cum DEO: sed tandem discedent ab Eo, & mittentur in ignem æternum: nec videbit impius gloriam DEI. *Discedite*, inquit: quia adhuc commixti fuistis bonis in mundo, à mea facie ab omni mea misericordia, ab omni gloria: *maledicti*, sed non addit Patris mei: quia ex Patre est benedictio ex nobis

*Augustinus  
serm. 35 de  
verbis Dom.*

*Gregorius  
hom. 29.*

*Chrysostomus  
2o. in Mat.*

*Discessio à  
DEO.*

*Consortium  
diabolicum.*



nobis verò maledictio. Ubi Chrysoſto. quaſi qui non ſufferat prae-Chryſoſt. bñ.  
ſentiam illorum vel aſpicere, ſic dicit: *diſcedite à me*, nam DEUS quiſq; Operis  
in ſanctitate delectatur animarum, peccatrices animas aſpiciens quaſi imperfecti.  
gravatus non ſuffert: tanquam ſi dicat eis, quaſi putredo & ſpurci-  
tia eſtis: nec tamdiu vos ſuſtineo, quamdiu ſtatis in iudicio meo.  
Et iterum: *Ite maledicti*, non à Patre meo, neq; Ipſe eos maledixit,  
ſed propria opera: *in ignem aeternum, qui paratus eſt*, non vobis, ſed  
*diabolo & angelis ejus*, quia verò vosipſos in ignem miſiſtis, vobis ipſis  
reputate: ſed ne unquam hæc patiamur o! unigenite Fili DEI, ſci-  
licet faciem illam manſetā videre àverſam à nobis & tranquillum  
illum oculum non ferentem videre nos, neq; accipiamus aliquam  
experientiam illius pœnæ incurabilis, ſcilicet excidere à Regni glo-  
ria, & comburi in gehenna. De hac etiam excluſione & ſeparatione Dolor ex  
ſic dicit idem Chryſoſto. Ponamus illud ante oculos, quanti dolo-ſentētia Ju-  
ris eſt excluſi & proiſi à Regno Cœlorum, quod (ut mihi videtur) dicis.  
ipſā gravius eſt gehennā: nam & ſi ille ignis non arderet, & im-  
mortalis illa pœna non eſſet parata, hoc ſolū quod alieni efficiamur  
à Chriſto, & excluſimur à bonis æternis nonne omni pœnā crucia-  
bilis diceretur? Hæc Chryſ. Et cōmemorabit Judex opera miſeri-  
cordiæ prædicta, ab ipſis reprobis ſibi nō facta ſed reprobi quaſi ſe excu-  
ſātes reſpōdebūt, & interrogabūt, quādo hæc ſibi nō fecerūt. Verū,  
ut ait Rabanus, & ſi ſe excuſate ſatagunt, tamen DEUM fallere non Rabanus in  
poſſunt, unde reſpondit illis dicens: *quamdiu non feciſtis uni ex mi c. 25. Matt.*  
*nimis his, nec mihi feciſtis*, Auguſtinus: Chriſtus Caput eſt Eccleſiæ, Auguſtinus  
Corpus Ejus Eccleſia: in noſtro corpore Caput eſt, ſuſum eſt, pedes Quomodo  
in terra. In aliq̃va conſtipatione hominum, quando aliquis tibi pe-Chriſtus in  
dē calcāt, nonne dicit caput calcas me? quomodo ergo lingua, quā membrīs ſit  
nemo tangit, dicit calcas me: ſic Chriſtus Caput quem nemo calcāt,  
dicet: *Eſurivi, & non dediſtis mihi manducare &c.* Ubi Chryſ. Et vide Chryſoſtom⁹  
qualiter levai in jugit: nō enim dicit, in carcere erā, & nō eripuisti me; hom. 80.  
infirmus erā, & nō curasti me: ſed non viſitaſtis, & non veniſtis ad me. in Matth.  
In eſuriēdo etiam non petit menſam pretioſam, ſed neceſſarium cibū.  
Omnia ergo ſufficientia ſunt ad pœnam. Primò quidem, facilitas pe-  
titionis, panis erat. Secundò, miſericordia Ejus: Pauper enim erat  
qui petebat. Tertiò, comparatio naturæ, homo enim erat. Quartò,  
deſiderium promiſſionis, Regnum enim promiſit. Quintò, dignitas  
Ejus qui accipiebat: DEUS enim erat qui per pauperes accipiebat.  
Sextò, ſuperabundantia honoris: quoniam dignatus eſt ab omnibus  
accipere. Septimò, juſtitia dationis: ex ſuis enim à nobis accepit:  
ſed contra univerſa hæc homines per avaritiam excæcantur. Hæc  
Chryſoſto. Et revera per avaritiam homines ad opera miſericordiæ  
excæcantur, & ad ea duri & quaſi inſenſibiles redduntur: ſicut enim Avaritia  
excacat.  
charitas quæ directè opponitur avaritiæ, vult omnibus ſubvenire &  
benefacere: ſic avaritia ſvadet à talibus abſtinere, & non operibus  
miſericordiæ intendere. Sugerit enim quaſi conſulendo ipſi miſero  
quem poſſidet, ut de talibus non curet, quia tantū conſtaret, &  
tantū damnum inde reciperet. Hic ſiſte tu miſer avare, quia aliis Contra  
avaros.  
in neceſſitate poſitis non curas ſuccurrere, & maxime Tu crudelis  
Præſidens ſeu Prælate, & ſpecialiter Religioſe, qui inſirmis tibi com-  
miſſis de miniſtris & cuſtodibus, vel quibuscunq; aliis neceſſariis  
non ſtudes providere attēde & vide, quia hoc terribile iudiciū in quo  
de operibus miſericordiæ discrepatio fit, Tibi ſpecialiter imminet:  
quia præcipue inmiſericordes arguet Judex & punit: tunc audies  
cor-



correctiones durissimas, quibus non poteris contradicere, qui modò abiicis monitiones mollissimas quibus non vereris repugnare, tunc erit hora tua quâ tibi instabit horrenda miseria, ut cum maledictis eas in ignem æternum diabolo & angelis ejus paratum. Illuc perges derelictus à cura & custodia Divina, qui hic tuos infirmos dereliquisti sine cura & custodia humana: & tunc nihil eorum quæ contra charitatem servasti, & necessitatibus indigentium crudeliter subtraxisti, te à miseria liberabit: sed tua crudelitas te sine fine immaniter cruciabit. Tunc boni poterunt contra te sumere parabolam, & dicere ad exaggerandum tuam miseriam. Quomodo cessavit exactor, quievit tributum? cessavit exactor, quia talis necessaria subtrahendo quasi exactionare eos videbatur: quievit tributum: quod alii defectû patido, quasi solvere cogebantur: quid tibi miser tunc proderit tua crudelitas & avaritia, pro qua habebis pati tanta & talia sine fine manura? tunc per pœnam, sed nimis tardè aperientur oculi tui, qui modò per avaritiam contra opera misericordiæ sunt excæcati: & tunc sola vexatio dabit intellectum, qui modò circa vexatos habes cor induratum. Hæc pauca o! avare, impie, crudelis &, dire tyranne diligenter attende: & dum adhuc vales te emendare, stude ut mala perpetua possis DEO auxiliante evadere, Amen. Sufficientia autè prædictorû operû misericordiæ, hõc modò accipitur: homo nêpe in vita præsentis primò indiget ex parte corporis alimêto, sine quo nō potest esse, scil. cibo & potu: & sic est duplex opus misericordiæ, scilicet pascere esurientem, & potare sitientem. Secundò, indiget alimêto, sine quo non potest bene esse, scilicet indumêto & domiciliò: & sic iterum est duplex opus misericordiæ, scilicet vestire nudum, & colligere vel recipere hospitem. Tertiò, indiget post vitam istam sepulturâ: & sic est quintum opus misericordiæ, scilicet sepelire mortuos. ista autem quinque prædicta, sunt omnibus communia. Alia sunt duo opera misericordiæ, quæ impenduntur aliqui ex aliquo accidente superveniente: ut si aliquis incurrat in infirmitatē, vel capiatur ab hostibus, & sic accipiuntur duo opera misericordiæ quæ sunt visitare infirmos, & redimere captivos. Et nomine redemptionis intelligitur omne beneficium eis impensum. Ista autem septem impensa fidelibus propter Christum, reputat Ipse Christus sibi facta, & contrariò fidelibus denegata: quia sibi reputat denegata. Fideles sunt Ejus membra propter quod facientibus opera misericordiæ, reddit vitam æternam: denegantibus autem ea, reddit pœnam, Advertendum tamen quod cùm dicitur: *Domine quando te vidimus esurientem &c.* Non est quæstio procedens ex ignorantia: quia justis cognoscent quòd opera misericordiæ facta membris Christi, Ipse sibi reputat fieri, & pro talibus se salvari: & similiter mali sciunt se pro contrariò damnari: sed & quæstio admirationis, pro magnitudine gratiæ, quæ fiet Electis, & pro magnitudine miseriæ quæ infligetur reprobis. Sic itaq; judicium sine misericordia fit ei qui non fecit misericordiam. Quid ergo merentur, qui aliena rapiunt, si æternaliter damnantur qui de suo non dederint? si talia sustinebunt immisericores, qualia passuros putamus crudeles. Unde Chrysostomus. Ex loco sciendum est, quòd non tantum pro eo quòd peccaverunt homines condemnandi sunt: sed etiam pro eo bene non faciunt, si autè pro eo quòd bene non faciunt, sic condemnantur, putas quales pœnas exsolvant pro eo quòd peccant? & dignè, DEUS enim hominem ideo fecit ut beneficiat, & ad gloriam DEI pertineat: non ideo tantum ut non

Quæstio ad  
mirationis.

Jacob. 2.

Chrysostomus  
homil. 54.  
Opus im-  
perfecti.



non peccet nam si non faciat bonum, nec est causa quâ creatus est: sine dubio enim si creatus non fuisset peccatum non fieret super terram: nam qui intelligit mysterium Divinæ dispensationis, quare factus est homo cognoscit: quia merito quali peccans condemnatur qui iustitiam non facit. Hæc Chrysostomus. Sicut autem melius est opera misericordiæ circa animam, quàm circa corpus facere, sic peius est ea circa animam quàm circa corpus negligere. Unde Chrysostomus. Si hæc corporaliter corporibus non præstare impietatis est, quæ & si accipiunt ea non possunt vivere semper: putas quantæ impietatis est hæc omnia spiritualiter animabus periclitantibus non ministrare, quæ poterant vivere in æternum si hæc eis ministrata fuissent? quantum enim melior est anima quàm corpus, tantò gravius est peccatū animabus laborantibus spirituales eleemosynas nō præstare, quàm corporibus corporales. In Ecclesia ergo nō solū sūt pauperes corporaliter esuriētes, aut debiles corporaliter, aut peregrini secūdū corpus, sed etiā spiritualiter pauperes sine cibo iustitiæ, sine potu agnitionis Dei, sine vestimēto Christi, maximè taliter pauperes sūt qui corporaliter videntur divites esse: quoniā plerumq; in abundantiā rerum inopia iustitiæ invenitur. Sunt peregrini in hoc mundo: sunt debiles animō, sunt mente cæci, inobediētiā surdi, & cæteris passionibus spiritualibus ægrotantes: quorum animæ omnem escam spiritualem abominantes appropinquaverunt usq; ad portas mortis. Qui ergo non habet unde faciat eleemosynas corporales, faciat spirituales: ex gratia verbi quam accepit à DEO, & invenit retributionem dignam à Christo, qui omnia tam corporalia quàm spiritualia data quasi in se facta commemorat, quæ cum hominibus sunt: hæc diximus ut sciant Doctores & quantam beatitudinis sibi acquirant, si diligentes fuerint circa verbum: & quantum damnationis, si fuerint negligentes. Hæc Chrysostomus. Et ibunt hi scilicet reprobi, in supplicium æternum, iusti autem in vitam æternam. Unde Chrysostomus. Propter hoc utiq; & hi iustè puniuntur & illi coronantur, & si decem millia bona fecerint: gratiæ enim hæc est munificentia pro tam parvis & vilibus Cælum tantum & Regnum, & tam magnum eis dari honorem. Hæc Chrysostomus. Æternum est ergo supplicium malorum, & similiter præmium bonorum, sicut enim peccata actualia transeunt actu, & remanent reatu: ita bona opera transeunt actu, & remanent meritò. Unde Hieronymus. Prudens Lector attende, quod & supplicia æterna sint: & vita perpetua metum deinceps non habeat ruinarum. Et notandum quod potius sit disceptatio de operibus misericordiæ, quàm de operibus iustitiæ: cum tamen magis teneamur ad opera iustitiæ: quia opera misericordiæ faciliora sunt: quia natura ad hæc inclinat, & ideo magis arguenda ubi deficiunt, & minùs remuneranda ubi assunt. Et ergo si ista remunerantur, & alia: item potius arguit de omissione, quàm de commissione: cum tamen maioris criminis sunt commissæ: & ideo magis arguenda: quia puniendo quod minùs est, innuit amplius faciendum de maioribus. Si enim omiſsa arguit, multò plùs commissæ: item magis arguit de peccatis in proximum, quàm in DEUM: quia si peccata in proximum condemnantur, multò magis peccata in DEUM: ut blasphemias & idololatrias. Item cum septem sint opera misericordiæ: unum scilicet sepultura mortuorum, de qua in tantum Tobias commendatur, omittit: quia minùs est necessaria inter cætera opera misericordiæ. Item cum sit misericordia corporalis & spiritualis, potius de-

Chrysostomus  
Ibidem.

Idem ibid.

Pauperes in  
Ecclesia.

Chrysostomus  
hom. 80.  
in Matth.

Hieronymus  
in cap. 25.  
Matthæi.



fectum arguit operum corporalium, quàm spiritualium: quia opera corporalia sunt evidentiora, vel per hoc etiam significantur illa. Potest autem quæri utrū illa disceptatio & sententia erit vocalis, vel mentalis tantum: & videtur quod vocalis: quia, ut dicit Augustinus. per erit mentale. quot dies hoc Judicium tendatur, incertum est: sed si mentaliter an vocale. fieret tantum, statim expediretur. Econtra, quidam dicunt, quod Aug. lib. 20. Judicium erit mentale, & non vocale, aliter multo tempore protenderetur. Unde Sapiens: *Disrumpet illos inflatos sine voce*: alii dicunt: *cap. 1.* quia & mentale erit interius, vocale exterius: quia judicabit Christus non tantum ut DEUS, sed ut Homo: ideo Ejus Judicium erit non Divinò modò tantum, sed humanò. Ex hoc autem majus gaudium sensibile honorum, & major dolor sensibilis reproborum erit: unde non frustra erit hoc, sed utiliter sicut & corporalis apparitio hominum. Huic opinioni adhærendo dicendum ad objectum, quod disrumpet illos sine voce excusationis sufficientis, vel appellationis. Sed non sine voce disceptationis generalis. Unde Augustinus. Quære causas vel tantæ mercedis, vel tanti supplicii: percipite Regnum: & August. de rectitudine catholica conversationis. ite in ignem æternum. Quare illi percipient Regnum? Esurivi enim, & dedistis mihi manducare. Quare isti ituri in ignem æternum? Esurivi enim, & non dedistis mihi manducare. Quid est hoc rogo? video de his qui percipient Regnum: quia dederunt tanquam boni & fideles Christiani, qui verba Domini non contemnentes, & cum fiducia promissa sperantes fecerunt hoc: quia si non fecissent, vitæ ipsorum bonæ sterilitas ista non utiq; convenisset: fortè enim casti erant, non fraudatores, non ebriosi abstinentes se ab operibus malis: si hoc non adderent, steriles remanerent: fecissent, enim Psalm. 36. Eccles. 3. Eccles. 29. declina à malo: non fecissent & fac bonum. Scriptum est: *Sicut aqua exstinguit ignem, sic eleemosyna peccatum.* Item scriptum est: *Include eleemosynam in corde pauperis, & ipsa pro te deprecabitur Dominum:* & alia multa sunt Divini eloquii dogmata quibus ostenditur multum valere eleemosynam ad extinguenda & delenda peccata. Proinde illis quos damnaturus imò plus illis coronaturus est solas eleemosynas imputabit dicens: Difficile est ut si examinem vos & apprehendam, & scruter diligentissimè facta vestra, non inveniam unde vos damnem: sed ite in Regnum. Esurivi enim, & dedistis mihi manducare, non ergo itis in Regnum, quia non peccastis, sed quia peccata vestra eleemosynis redemistis. Rursus & illis, *Ite in ignem æternum*: sine dubio videbunt se justè damnari pro sceleribus suis, & quasi eis diceret, non inde unde putatis: sed quia esurivi & non dedistis mihi manducare. Si enim ab illis omnibus vestris factis averfi, & ad me conversi illa omnia crimina atq; peccata eleemosynis redemissetis, ipsæ eleemosynæ modò liberarent vos, & à reatu tantorum criminum absolverent: Beati enim misericordes, Matth. 5. quoniam ipsis misericordia præstabitur. *Judicium sine misericordia ei qui non fecerit misericordiam.* Sicut ergo boni quibus paratum est Jacob. 2. Regnum à Constitutione mundi, antequam fierent ad vitam æternam erant prædestinati: sic mali qui mittentur in ignem paratum diabolo & suis, à constitutione mundi antequam fierent ad mortem prædestinati erant præciti. Est differentia inter prædestinationem & præscientiam: quia prædestinatio est præcognitio bonorum, cum causalitate eorundem: sed præscientia dicit præcognitionem respectu malorum sine causalitate, quæ potius residet penes liberum arbitrium. Fit autem conditionaliter prædestinatio DEI, nihilq; sine aliqua conditione prædestinatum est: prædestinatum est enim ut salvaretur mun-



dus: sed per aquam baptismatis, & mortem Filii DEI, prædestina-  
 ti sunt omnes boni ad gloriam: ea tamen conditione si fidem tenu-  
 erint: si charitatem, si humilitatem, si patientiam, si misericordiam  
 & pietatem, & his similia habuerint: tales enim eos futuros prævi-  
 dit quos DEUS ad vitam prædestinavit: & quasi prædestinando eis  
 diceret: Ego quidem ad vitam vos prædestino, si tamen tales & ta-  
 les fueritis: si mandata mea custodieritis, si fidem & misericordiam  
 habueritis, & si in bono tandem inventi fueritis. Qui ergo talis esse  
 non vult, qui mandata DEI custodire non nititur: ideo non venit  
 ad prædestinationem, quia non servat conditionem. Noli igitur at-  
 tendere ad prædestinationem DEI quàm ignoras: attende ad verba  
 quæ audis & intelligis: sicut enim prædestinatione sua verus est DE-  
 US, & mutari non potest: ita & verba Ejus vera sunt, & mutari  
 non possunt: sed audiamus quæ sint hæc verba: *Peccator, inquit, Ezech. 18.*  
*quæcunque horâ conversus fuerit & ingenuerit vitam vivet & non morietur.*  
 Et iterum: *Si volueritis & audieritis me, bona terræ comedetis: quod si* *Isaia 1.*  
*nolueritis, gladius devorabit vos.* Similiter in Evangelio, inquit, *Qui*  
*crediderit, & baptizatus fuerit &c.* Et iterum: *Si dimiseritis hominibus* *Marci 16.*  
*peccata eorum, dimittet vobis Pater vester Cælestis &c.* *Matth. 6.* Nec quæras ali-  
 am, prædestinationem. In his enim verbis omnis & vitæ & mortis  
 prædestinatio & præscientia consistit: si hæc feceris, esto securus, &  
 crede indubitanter quia ad vitam æternam prædestinatus es. Quod  
 si indurato corde hæc facere nolueris, & in hac malitia perseverave-  
 riste pro certo scias ad mortem præscitum. Quævis enim nullus homo ad  
 peccatum sit prædestinatus, omnis tamen homo, aut ad gloriam, aut  
 ad supplicium est prævisus. Nullus ergo dicat frustra se orare DE-  
 UM, & alia bona facere: quia prædestinatio Divina (quæ est præpa-  
 ratio gratiæ in præsentia & gloriæ in futuro) cum sit æterna, sicut ab  
 æterno prædestinavit aliquem ad beatitudinem, ita præordinavit mo-  
 dum per quem daret sibi illam beatitudinem: scilicet per merita sua  
 & orationem. Prædestinatio enim taliter est instituta, ut precibus  
 & laboribus obtineatur: & ideo non frustra orat DEUM, quia ora- *Oramus non*  
 tio est illud per quod ex ordinatione Divina debet consequi gratiā & *frustra.*  
 gloriam: & eadem ratio est de omnibus aliis bonis, quia cadunt sub  
 ordine Divinæ prædestinationis. Unde sicut DEUS aliquem salvandū  
 prævidet, sic & modum quō salvari debeat: propter hoc stultus est  
 qui dicit, volo facere quod mihi placuerit: quia si salvari debeo, salva-  
 bor, vel si damnari debeo damnabor: sicut stultus esset infirmus qui di-  
 ceret, volo comedere & bibere quod mihi placuerit: quia si curari  
 debeo curabor: & si mori debeo moriar: sic enim inutiles essent medi-  
 cinæ. Sanè si DEUS dimittit liberū arbitriū (quod se habet ad utrumli-  
 bet) in malum cadere, hoc non permittit nisi justè: rursus si præve-  
 niat per gratiam, nulli facit injuriam. Unde secundum Augustin. *Augustinus*  
 Liberum arbitrium, est libertas eligendi bonum vel malum: & hoc *lib. 1. de libe-*  
 in Paradiso homo habuit liberum, nunc verò captivum, quia bonum *ro arbitrio.*  
 non vult nisi gratia DEI præveniat, nec potest, nisi eum sequatur. *Libertas*  
 Cum ergo malos damnat & reprobat, operatur secundum justitiam: *arbitrii.*  
 quando verò prædestinat & salvat, agit secundum gratiam & mise-  
 ricordiam, quæ non excludit justitiam. Nullam autem necessitatem  
 infert Providentia DEI rerum eventibus, sed sicut se habent res ad *Providentia*  
 utrumlibet, scilicet fieri & non fieri: sic se providentur habere quæ *Dei nō cogit*  
 Providentia (seu quod idem est præscientia DEI) ex sua sapientia  
 præscientiis omnia antequam sint, omnino inevitabilis est, & nullo  
 Hhhh 2 mo-



*Necessitas  
duplex.*

*Boetius li. 5  
de consolati-  
one, prosa  
sexta.*

modò potest falli, & ideo omnia prævifa à DEO necesse est fieri: quia non potest simul esse quod prævifa sint, & non fiant, sed non sequitur quòd necessariò fiant. Sic quoq; dicimus, me vidente te currere, necesse est ut curras, hoc est, potest simul fieri ut videam te currere, & non curras: & ex hoc nequaquam provenit quòd necessariò curras. Unde Boetius: Dux sunt etenim necessitates: simplex una, veluti quòd necesse est omnes homines esse mortales: altera verò, conditionis, ut si aliquem ambulare scias, cum ambulare necesse est: hanc etiam necessitatem non facit propria natura, sed conditionis adjectio. Nulla nempe necessitas cogit incedere voluntariè gradientem: quamvis eum tunc cum graditur necessarium sit incedere. Quæ igitur cum sunt carent existendi necessitate, eadem priusquam fiant sine necessitate futura sunt: nam sicut scientia præsentium rerum nihil his quæ sunt, ita præscientia futurorum nihil his quæ futura sunt necessitatis importat. Eòdem modò si quid Providentia præsens videt, id necesse est, tamen nullam naturæ habeat necessitatem. Hæc Boetius. Et ideo hæc duplex est. Si DEUS prævidet hoc, necessariò evenire oportet, quia conjunctum vera divisum est falsa, & est ibi necessitas consequentiæ, & non consequentis. Exemplum habemus Boetii, si aliquis videat aliquem facientem rotam, necesse est quòd ille faciat rotam: nec tamè vilis ejus causa est illius factionis. Sic DEUS prævidet mala istius opera nec tamen causa est, quare iste malè operetur: verumtamen fiet si prævisum est. Quando autem DEUS facit aliquam rem, non fit in Ipso DEO mutatio, sed in re certa quam operatur. Unde quonià fecit prædicari subversionem Ninive, & prædici mortem Ezechie, quorum

*Mutatio non  
cadit in Deum* neutrum accidit, in talibus non mutavit DEUS consilium quòd ab æterno secum fuit, sed sententiam, quæ respectum ad ipsa negotia habuit: quia Ninive subvertenda erat secundum demerita, & Ezechias

*Jonæ 3.  
Esaia 38.* moriturus erat secundum causas inferiores, vel etiam secundum merita, sed hæc non imposuerunt necessitatē Divinæ potentie. Prædestinatio igitur licet certa sit, libertatē tamè arbitrii nō tollit: unde bonorū salvatio est necessaria necessitate cōsequentiæ, vel cōditionata, nō

*Prædestina-  
tio non tol-  
lit liberta-  
tem arbitrii* necessitate cōsequentiæ, vel absoluta. Ita nempe propositio prædestinatus potest damnari: falsa est in sensu cōposito, est tamè vera in sensu diviso. Sic ergo exclusum est sophisma quòd multos in errorē duxit, ut omnia ex necessitate fieri putarēt. Si ergo dicis quid adhuc faciendū

est? Respondebo quia hoc solum superest consiliū, ut curramus & cōtendamus placere. Ei qui nos vocavit, dicit nempe Augustinus, sic præordinata est Divina prædestinatio, ut ad eam per bonorum operum perseverantiam perveniamus, hinc Bernard. ipsa Cœlestis Regni prædestinatio, ita ab omnipotenti DEO præordinata est, ut ad hoc Electi ex labore perveniant, quatenus mereantur precibus obtinere, quod Ipse omnipotens DEUS ante tempus disposuit donare.

*Exemplum  
præfitti &  
salvati.*

Ubi nota exemplum utile, & aptum ad propositum. Fuit in quodam Monasterio frater quidam Religiosus & devotus, cui sæpe revelationes fiebant Divinitus, quòd quidem alter ejusdem Monasterii frater sciens, institit apud eundem ut DEUM oraret, quatenus sibi dignaretur ostendere si Ipse de numero salvandorum esset, & cum ille vix precibus victus orationi instando hoc à DEO postularet, ostensum est sibi quòd ille frater de numero damnandorum esset: unde timens fratrem alium turbare, per aliquod dies hoc sibi celavit: sed tandem eidem requirenti (licet invitus) aperuit. Ille autem

hoc



hoc audiens, & scripturas intelligens, statim respondit, benedictus DEUS: nec tamen sic desperabo, sed poenitentiamquam per ingressum religionis assumpsi, de cætero duplicabo, & triplicabo donec gratiam & misericordiam apud DEUM Altissimum qui pius est inveniam, & post multos dies iterum fratri prædicto Divinitus est revelatum, quod ille frater de numero salvandorum esset: quod cum eidem fratri retulisset, ille lætus effectus de relevatione, fortior factus est in opere: ac viriliter agens, & de virtute in virtutem quotidie proficiens perseveravit in bono sine cessatione. Utinam multitudini animati hoc exemplum manum suam ad fortia mitterent, & non desperarent, vel deficerent quia sic agendo, & in hoc perseverando, DEUM sibi propitium utiq; invenirent.

## DE PASCHA, ET DIVERSIS HUIUS NOMINIS acceptionibus.

### CAPUT LI.

Nunc, secundum Hierony. aspergamus de sanguine librum no Pascha Dom.  
strum, & limina domorum, & funem circumdemus coccineum  
domui orationis nostræ: & coccum in manu nostra ut zara ligemus,  
ut vaccam ruffam in valle occisam enarrare possimus: jam nempe  
instat ut ad Passionem Domini veniamus: quam & ex affectu in-  
spicere, & in effectu imitari debemus. Juxta illud Exod: *Inspice & fac* Genes. 39.  
Num. 19.  
& Dent. 21  
Exod. 25.  
Christus  
mons.  
secundum exemplar quod tibi in monte monstratum est, Christus est tan-  
quam liber exemplaris, ad cuius exemplar totam vitam nostram du-  
cere & corrigere debemus: & si Christus sapiens in scriptura dica-  
tur mons, ratione summitatis, sive excellentissimæ perfectionis, maxi-  
mè tamen exaltatus in Cruce mons dicitur, ratione sublimitatis  
meriti suæ sacratissimæ passionis. In hoc ergo monte Christo, sci-  
licet Crucifixo monstratum est nobis exemplar diligenter inspec-  
tendū & efficaciter imitandū. Non enim sufficit Christiano Christū  
Palsū inspicere: nam & hoc fecerunt judæi & gentiles sui crucifixo-  
res: sed igitur etiam secundum exemplar monstratū operari & face-  
re. Et hoc est quod indicitur cuilibet fidei in verbis propositis, in-  
spice & fac: quasi diceret, inspicere exemplar Dominicæ passionis ipsatū  
tibi per intimam compassionem visceraliter incorporando: & fac  
secundum illud exemplar, ipsum efficaciter imitando. Et utrumq;  
horum docet Beatus Petrus. *Christus* inquit, *pro nobis passus est: ecce* 1. Pet. 2.  
*primum*, quod est diligenter cordis oculō inspiciendum: *vobis en-* Passus est  
*linquens exemplum, ut sequamini vestigia ejus:* ecce secundum quod est *Christus in-*  
*efficaciter in facto imitandum.* Circa primum sciendum est, quod *numera* Abilia  
si nos omnia quæ Christus in mundo passus est, vellemus enarrare,  
innumerabilia utiq; essent præsertim cum tota vita Christi in terris  
quædam passio fuerit. Nimirum cum etiam tota vita cujuslibet  
Christiani, si secundum Evangelium vivat, quædam crux atq; mar-  
tyrium sit, ut Augustinus dicit: quantomagis hoc indubitabile est de  
Ipso Domino Christo, quod Evangelium condidit, & in seipso per-  
fectissimè adimplevit. Exordiendo enim à primordio nativitatis  
suz, inspicere quàm Pauper natus fuit, qui nec domicilium neq; ve-  
stes habuit: sed in vili diversorio natus, in præsepi super fœno exi-  
guo ante bruta animalia reclinatus, pannis vilibus involutus fuit:  
octavo die circumcisus fuit, & jam sanguinem suum pro nobis fun-  
dere



dere cepit: deinde persecutionem Herodis fugiens in Ægyptum deportatus, & deinde rediens per totam pueritiam & adolescentiam suam parentibus subiectus, & non dubium in magna paupertate educatus fuit: de hinc adveniente tempore ostensionis suæ, inspicere quomodo tempore magni frigoris baptizatus in aquis frigidis mergi voluit, & quomodo tempore jejunii quadraginta dierum continuato maceratus fuit: & quantas tunc à diabolo tentationes sustinuit, quantas etiam injurias & contumelias à judæis frequenter passus fuit, tunc dicentibus ipsum à dæmone obsessum, nunc Samaritanum, nunc voratorem & vini potatorem, nunc de fornicatione natum, nunc blasphemum, nunc populi seductorem: & alia multa blasphemantes dicebant in Eum, nihilominus ad facta injuriosa sæpe attentabant procedere: nunc volentes Eum lapidare, nunc de supercilio montis præcipitare. Inspice etiam cum quanto labore vixerit, quia quotidie erat prædicans in Templo: & in synagoga: & de Civitate in Civitatem, de terra in terram perambulavit: in oratione sæpe pernoctavit, infirmos multos curavit, obsessos à dæmone liberavit: mortuos suscitavit, multitudinem esurgentem pavit: & nihilominus in his omnibus naturæ legibus subiectus fami, siti, & cæteris infirmitatibus hominis absq; tamen peccato expositus fuit. Ecce quomodo tota vita sua in laboribus & passionibus fuit: sed omnibus talibus passionem, de qua nunc tractandum est, antecedentibus ommissis: inspicere diligenter quid in hac sustinuit, & præcipue articulos & puncta passionis, in quibus singulis Christus notabiliter passus fuit. Circa secundum est sciendum, quod secundum Augustin. Non solum quidquid boni Christus in terra gessit, sed & quidquid mali sustinuit, totum disciplina morum fuit: Unde passio Domini in se complectitur omnem perfectionem hominum, in hac vita possibilem: quoniam omnia opera perfectionis quæ Christus unquam in Evangelio docuit, ipse in semetipso in sua passione perfectissime aimplevit: itaq; in Cruce Domini, est finis legis & scripturæ in passione Eius, summa omnis perfectionis: in morte ipsius, est consummatio omnis sermonis. Unde Apostol. dicebat. *Non judicavi me aliquid scire inter vos, nisi JESUM Christum, & hunc Crucifixum.* Nempe quia hoc scire, est omnia scire quæ ad salutem spectant. Nam si de paupertate voluntaria agitur, quis unquam pauperior Christo nudò pendente in Cruce: quia nec habebat ubi caput suum reclinaret. Si de obedientia & humilitate loquimur, quis unquā intantum se humiliavit & exinanivit, sicut Christus? quod factus est obediens usq; ad mortem Crucis: tanta vilia & magna opprobria sustinuit pro nobis. Si de castitate virginali mentio fiat, quis castior Eò cujus Mater Virgo est, cujus Pater scēminam nescit. Si de charitate sermo fuerit: quis unquam majorem vel tantam charitatem habuit, quàm Christus, quod in Passione sua posuit animam suam pro ovibus suis: & tam horrenda supplicia pati voluit pro nobis: cum tamen liberatū et anti-

Exemplar vir

tuū et anti-

dotū vitiōrū

in passione Dō

exemplar perfectionis omnium virtutum, prout jam supra est tactū: item in ea relucet perfectum remediū & antidotum contra omnem spirituales morbum: nam per hoc quod pati voluit mortem exprobratissimam, habemus remedium contra superbiam. Quod latronibus se associare voluit, remedium præbet contra invidiam. Quod contra ipsum blasphemantes obtulit, remedium præbet contra iram.

Quod



Quod in Cruce distendi, & clavis Cruci affigi voluit: præbet remedium contra accidiam, quæ non sunt amplecti penitentiae Crucem. Per Ejus verò nuditatem & paupertatem, habemus remedium contra avaritiam. Per fellis & aceti degustationem, habemus remedium contra gulam. Per vulnere inflectionem, & summi doloris afflictionem, habemus remedium contra luxuriam: & hæc sunt septem sigilla librum vitæ, consignantia, quæ Christus nobis in passione aperuit & postea nobis vitæ aditum reservavit: prædicta ergo in passione Christi adimpleta videmus: deniq; si de patientia agitur: tota passio excellentissimam Christi patientiam demonstrat. Si de contemptu mundi, & abstractione à rebus mundialibus loquimur quis unquam elongatior & abstractior ab omnibus terrenis, quàm Christus in Cruce supra terram, & super omnia terrena elevatus & abstractus? Si de abstinentia & jejuniis, seu victus inedia mentio fiat, Christus nihil in passione sua nisi fel, & acetum, vel vinum mirchatum gustavit. Si de corporis castigatione agitur, cujus unquam corpus intantum castigatum fuit, quantum corpus Domini in Cruce? Si de efficacitate orationis sermo fiat: quis unquam efficacius Christo oravit qui ex vehementi attentione orationis guttas sanguineas sudavit. Si de eleemosynarum largitione, & aliis misericordiarum operibus loquimur, quis unquam majorem eleemosynam dedit, quam ipse Christus: qui proprium corpus suum in cibum, & sanguinem suum in potum nobis pauperibus in eleemosynam perpetuam dedit, infirmos etiam visitavit, dum infirma discipulorum corda confortavit: & ægros multos curavit, captivos multos in limbo redemit, mortuos de sepulchris suscitavit. Si de dilectione inimicorum agitur in Cruce pendens pro suis crucifixoribus oravit. Si de dimissione offensarum loquimur, quis unquam liberalius dimisit debita debitoribus suis quàm Christus? qui latroni non solum debita dimisit, sed & paradysum sibi promisit: & sic de similibus inducendo propter singula opera supererogationis, quod omnia in passione Christi (si bene advertimus) supereroganter adimpleta inveniemus, similiter & nos si perfecti imitatores Christi esse volumus, adimplere vel in facto, vel in desiderio, vel in ministerio debemus. Nam sicut dicit Hieronymus: Singula ea quæ circa Dominum in passione gesta sunt, quatenus judæi & alii quæcunq; fecerunt, alia mente fecerunt: nobis tamen credentibus mystica afferunt Sacramenta. Sic etenim Caiphas quoniam dixit, expedit unum hominem mori pro populo, nescivit quid diceret, & tamen prophetavit: similiter est de singulis gestis passionis Dominicæ: quæ nos inspicere debemus, & secundum exemplar illorum facere. Cum itaque consummasset JESUS sermones, omnes prædictos de secundo adventu, ubi se venturum ad judicium in claritate prædixit: consequenter se passurum ostendit, ut Sacramentum Crucis admixtum esse gloriæ æternitatis admoneat: quasi qui compatitur Crucifixo, non timuit de judicio: conjuncta enim sunt ut causa finalis & effectus, gloria æternitatis & meritum passionis. Post adventum ergo Majestatis subdit humilitatem passionis, ut causam illius: passionis enim effectus vel causa finalis, est gloria æternitatis. Unde Apostolus. Christus factus est obediens usque ad mortem, propter quod DEUS exaltavit illum. Incipit ergo narrationem de Pascha & sua passione, quæ Christus in Ipso pascha nostrum fuerat immolandum, & eadem die, scilicet feriâ tertiâ in sero, & ibidem, scilicet



in Monte Oliveti: dixit discipulis suis. Scitis quia post biduum, id est; feriâ quintâ ad vesperam, pascha fiet, & Agnus paschalis immolabitur. Et ego addo quod nescitis: scilicet quod tunc etiam Filius hominis, id est; Virginis, tradetur ut crucifigatur, & pascha fecit transfundo. Ex quo patet, quod non fuit ex ignorantia traditus: sed ex sua præscientia & voluntate. Bene autem dicit, *Filius hominis*: quia secundum formam humanam tentus & crucifixus est, non secundum Divinam, in qua semper immortalis est: & bene impersonaliter posuit, *tradetur*: quia unô traditionis verbô diversæ voluntates exprimentur: nam DEUS Pater tradidit Filium propter charitatem, & Christum di generis humani utilitatem: è contra judas judæis propter avaritiâ & lucri sui cupiditatē. Item Spiritus Sanctus propter suâ benignitatem: è contra judæi Pilato propter invidiam & malignitatem. Item Filius seipsum ut impleter beneplacitum Divinum: è contra Pilatus cruci, ut satisfaceret perversæ voluntati judæorum. Item diabolus propter timorem, ne per Christi Doctrinam & miracula evelleretur genus humanum de manu sua: non advertens quia magis erat per ipsius mortem eripiendum, quàm fuerat per doctrinam & miracula ereptum. Ecce opus commune, sed voluntates diversæ valde: ergo Pater, & Filius, & Spiritus Sanctus non solum amandi, sed etiam glorificandi: judas autem & alii non solum detestandi, sed etiam condemnandi sunt: quia quod Pater, & Filius, & Spiritus Sanctus bonâ, hoc illi malâ intentione fecerunt. Prædicat autem discipulis se tradendum: præmunens eos ne prius quàm audiant quæ eventura fuerant, subito videntes tradi ad Crucem Magistrum, obstupescant. Et quia hoc nomen pascha in diversis locis reperitur, & diversa per ipsum significantur idèò ne in æquivoco erremus, diversas ejus acceptiones videamus. Sciendum ergo, ad solutionem multarum contrarietatum, quod pascha appellatur primò, tota septimana, seu septem dies azimorum, quibus judæi panes azimos, hoc est sine fermento, comedebant: nam à sine *zimi*: fermentum significat in actibus volens post Pascha producere eum populo, primus & ultimus dies illius septimanæ, magis solemnes erant quàm mediis. Secundò, dicitur hora immolationis agni, scilicet vespera quâ agnus immolabatur, quæ est initiû primi diei azimorû, qui sollemnior erat: ut hic, *Scitis quia post biduum pascha fiet*, Unde cantat Ecclesia, quarta-decima die ad vesperam pascha Domini est &c. Dies autem præcedens illam horam nec pascha dicebatur, nec sollemnis erat. Tertiò, dicitur primus azimorum, qui erat celeberrimus, scilicet quintadecima luna primi mensis, quando egressus populus Israel est de Ægypto, ut ibi: *Appropinquabat dies festus judæorum, qui dicitur pascha: & ibi, Ante diem festum paschæ*. Quartò, dicitur festivitas epulæ paschalis: ut in Paralip. *Non fuit phase simile huic in Israel*. Quintò, dicitur agnus paschalis, qui paratus comedebatur: ut *Ubi vis paremus tibi comedere pascha?* & ibi. *Venit dies azimorum, in quo necesse erat occidi pascha*. Sextò, panes azimi vel quicquid; cibis paschalis: ut ibi, *non introierunt prætorium, ne contaminarentur, sed manducarent pascha*, id est; panes azimos, seu paschales: quia ad comedendum azima, septem diebus oportebat eos mudatos esse: & ideo quolibet septem dierum non poterant in prætorium introire. Septimò, dicitur Ipse Christus per Agnum pascale signatus: ut ibi, *Pascha nostrum immolatus est Christus*, Ipse enim est verum pascha nostrum. De prædictis paschæ acceptionibus sunt isti versus.

Traditum  
Christum di  
verse volun-  
tates.

Pascha acci-  
pitur mul-  
tipheriam.  
Astor. 12.

Luca 22.

Joann. 13.

2. Paral. 35.

Matth. 26.

Luca 22.

Joann. 13.

1. Cor. 5.

He-



## Secunda Partis, Caput LII.

309

*Hebdomada hora, dies, epula, agnus: azima, Christus.*

*Pascha solent dici: velut exemplis patefeci.*

*Pascha un-*  
*de. Pascha*

Communiter tamen pascha vocatur dies in qua immolabatur agnus. Decli-  
natur autem pascha, schæ, vel paschatis, & dicitur pascha non à passione,  
sed à transitu. Prima enim origo huius vocabuli paschæ ex Hebræo habe-  
tur, quia pascha dicitur quasi phase, quod in Hebræo idem est quod transitus.  
Dicebatur autem pascha Iudæorum transitus, propter duo, quia ea nocte quâ  
immolatus est agnus, Angelus exterminator videns sanguinem agni in foribus  
Isrâelitarum, pertransivit, non percutiens eos, & quia filii Israel fugientes  
illa nocte de Aegyptiaca servitute, mare rubrum transierunt, & deinde ad  
terram promissæ olim hæreditatis & pacis venerunt, & ideo festum istud be-  
ne pascha vocatur, quo transitu præfiguratus est etiam transitus Christi de hoc  
mundo ad Patrem, & transitus noster de vitiis ad virtutes, & de terrenis ad cœ-  
lestia. Et ideo similiter pascha Christianorum mysticè dicitur transitus, quia  
in eo Dominus per mortem transivit de hoc Mundo ad Patrem, & significat  
quod ejus exemplò fideles Christum sequentes, vel pœnitentiam & martyrium  
assumendo, secundum illud: *Transivimus per ignem & aquam*, vel mentis desi-  
deriò ad cœlestia anhelando: secundum illud, *Transite ad me omnes qui concupi-*  
*scitis me*, transitori sunt pro Christi sanguine fuso ad Patriæ cœlestis promissio-  
nem. Sanguis, nempe Christi debet poni super utrumq; postem, s. super intelle-  
ctum, devotè recogitando, & super affectum, devotè per pœnitentiam imitan-  
do. Vnde secundum Aug. signum crucis a nobis repellit exterminatorem, si  
tamen cor nostrum Christum habeat inhabitatorem: cujus sanguine illinitis  
possibûs nostris, id est, cujus crucis signò signatis frontibus nostris à perditio-  
ne huius sæculi tanquam à captivitate Aegyptiaca liberamur, & agimus sa-  
luberrimum transitum, cum à diabolo transimus ad Christum, & ab isto insta-  
bili sæculo ad ejus fundatissimum regnum secundum Bedam, quia paschæ dies  
in azimis panibus est celebrari præceptus, & uno die agnò immolatò ad vespè-  
ram: septem ex ordine dies sequuntur azimorum, Iesus semel pro nobis passus  
est, & de hoc mundo transiens per omne nobis huius sæculi tempus quod se-  
ptem diebus agitur, in azimis sinceritatis & veritatis præcepit esse vivendum,  
& quasi pascha perpetuum faciendo semper ex hoc mundo transeundum, totoq;  
semper nisu desideria sæculi quasi Aegypti retinacula fugere, & quasi à mun-  
dana conversatione secretam solitudinem iter nos admonet subire virtutum,  
Post hæc Dominus Iesus rediit cum discipulis duodecim in Bethaniam, & man-  
sit apud Lazarum, & Martham, & Mariam sorores ejus: docens eos more solito  
& confortans. Et deinde non venit in Hierusalem, sicut antè fecerat, usque  
ad diem cœnæ, & sic Iudæi locum suû habebant tractandi liberius de sua morte.

*Psal. 65.*

*Exod. 12.*

*August.*  
*trac. 50.*  
*in Ioan.*  
*Crux.*

*Beda in c.*  
*22. Luca.*

## QUA DIE, ET CUR JUDAS VENDIDIT

Dominum. CAPUT LII.

**T**Vnc, scilicet quartâ feriâ sequenti, principes sacerdotum qui audierant  
Iesum dixisse, non me videbitis à modo: videntes eum abiisse, & pu-  
tantes ipsum velle ab eis fugere, congregati sunt cum senioribus populi, qui  
erant iudices ordinarii, in atrium Caiphæ: & quærebant consilium vt Eum dolò tene-  
rent & occiderent, quia nullam mortis causam in Eo invenire poterant, nisi eam  
dolosè confingerent. Prius quidem determinaverant ipsum interficere, &  
deliberaverant de facto, nunc quærebant consilium de faciendi modo, & qua-  
liter possent facere occultè, & sine populi seditione, qui se debuerant parare  
ad paschalem agnum, & secundum ritum legis purificari ut esu agni digni fo-  
rent: contra verum agnum, magis & potius se armant, & hoc faciunt ex dolo  
& consilio, timentes ne eis auferatur populi auxiliò. Vnde dicunt habitò con-  
siliò: *Non in die festo*, s. azimorû, id est in solennitate paschali imminente de pro-  
ximo, supple est capiendus ad occidendum: quod non dicebant propter reve-  
rentiam festi, sed ne tumultus fieret in populo, propter diversa studia ipsius po-  
puli, s. diligentis Christum & odientis, credentis & non credentis. Multi, nempe  
propter solennitatem paschæ venerant in Hierusalem, & quia aliqui reputabant  
Iesum esse verum Christum, timebant si durante solennitate paschali in eum  
manus mitterent, ne populus qui Eum diligebat illis consurgens, innocentem

*Mat. 26,*  
*Mar. 14.*  
*& Luca*  
*22.*

*Consilium*  
*Iudeorum.*

Kkkk

defen-



defenderet, & sic ipse manus eorum euaderet. Timebant quidem plebem, non vitantes scandalum, sed impetum: nec seditionem metuentes, sed ne de suis manibus tolleretur caventes, propter quod consulebant mortem suam differri usque post festum: postea tamen mutaverunt istud consilium, quia invenerunt opportunitatem capiendi Eum secretè per discipulum. Attende hic, quia majores principaliter querebant Iesum perdere: à principibus, nempe & senioribus egressa est iniquitas in Babylone. Sic & hodie majores præ cæteris contra Eum insurgunt, & majora scandala quam cæteri faciunt. Vnde Bernard. O bone Iesu, & totus mundus videtur contra te conjurasse, & hi in persecutione tua primi sunt qui videtur regere populum, dirigere principatum. *Intravit autem satanas in Iudam, id est in judæ animam, qui Iscarioth est dictus, quia de hac villa fuit oriundus.* Intravit inquam non impellens, sed patulum inveniens ostium: nam oblitus omnium quæ viderat, ad solam avaritiam dirigebat intuitum. *Intravit autem, non per essentiam, & essentialiter in animam illabendo, quia secundum Aug. sic solus Deus intrat, in animam, qui creavit eam sed intravit per effectum suggestionis, venditionis & traditionis Christi suggerendo, & secundo post buccellam per effectum plenioris possessionis Eum suæ servituti subjugando.* Ex quo patet quod in omni peccato mortali diabolus intrat hominem, ut ipsum denuo vel apertius quam ante possideat. Iudas ergo audiens eos congregatos ad tractandum de Christi morte, qui etiam audierat à Christo se tradendum ut crucifigeretur in pascha tunc instanti, & apud se cogitans, & dicens in corde, in proximo morietur homo iste, & ad lucrum meum possum eum tradere: abiit, à Christo, & facta societate, non tantum corpore, sed etiam mente recedendo & apostatando, & veniens ad consilium proditor, dixit eis: *Quid vultis mihi dare, & ego vobis Eum tradam:* occultè scilicet & sine strepitu. *Et gavisus sunt,* quia ille modus capiendi Christum, per suum discipulum videbatur magis conveniens & secretus, propter quod mutaverunt consilium prædictum, scilicet differendo mortem ejus usque post festum. Quia enim traditorem invenerunt, in ipsa festivitate Christum occiderunt, hoc autem, secundum Leonem Papam, Divinò intelligimus dispositum fuisse consilio. Oportebat enim ut manifestò impleverentur effectum, quæ diu figuratò fuerant promissa mysteriò. Et pepigit Iudas cum eis de Christo tradendo pro triginta argenteis, eodem pretio quò Ioseph venditus est à fratribus suis, in venditione enim Ioseph præfigurata fuit venditio Christi. Iudas ad congregationes ivit, ubi Christum vendidit, sic multi ad spectacula vadunt ubi Christum pro modica tentatione & modico pretio vendunt. Ipse dedit pro triginta argenteis, sed peccatores dant sæpe pro pretio minori. Vbi dicit Leo Papa, quod anima lucri cupida etiam pro exiguo perire non metuit: nullumque in illo corde est justitiæ vestigium, in quo sibi avaritia fecit habitaculum. Infelix mercator Iudas, qui tantum dedit pro tanto, Deum pro nummo, Verum pro vano, aeternum pro transitorio. Quia enim audierat Dominum tertio die moriturum, & Eum in morte detineri putavit: mortem imminentem lucrativam sibi facere voluit. Cum enim esset fur, & loculos habens, & videret unguentum super caput & pedes Domini effusum, quod putaverat esse vendendum, & pretium sibi tradendum, quod perdidit in effusione vuguenti, voluit recuperare in venditione Magistri. Illi quippe triginta argentei valebant trecentos denarios usuales: quilibet enim decem valebat, & ita in venditione Christi recuperavit valorē unguenti prædicti, & recōpensavit danū trecentorum denariorum de quo dixerat: quare hoc unguentum non venit trecentis denariis & datum est egenis; Et forte hæc causa fuit quare Matthæus hic factum Mariæ recitavit, ut. scilicet congruenter factum judæ quò Dominum vendidit narraret, tanquam continuans effectum ad causam, quia hoc factum fuit occasio venditionis Christi. Iudas itaque unus de duodecim: numero, non merito: nomine, non munere: corpore, non animo à principibus non invitatur, non cogitur, nulla necessitate constringitur, sed propria sponte processit, & propria malignitate consilium sceleratæ mentis iniit, nec in venditione Magistri certam postulavit summam, ut de re cara fieri solet, sed quasi vile tradens & venale exponens mancipium, in potestate ementium posuit quantum dare vellent. Cum enim vilia exponuntur, solet quærere venditor ab emptore, quantum dabis; cum autem carè, & conversò dicit, tantum dabis.

Mythicè autè per Judam significantur Iudices ac Prælati & Sacerdotes, qui iudi-

Majorum  
malitia.

Bernard. in  
ea verba qui  
vult venire  
post me In-  
troitus sa-  
tanæ in ani-  
mā judæ.

August.  
li. de do-  
gmatibus  
ecclesiast.  
cap. 83.

Leo Papa  
sermo. 7  
de passione.

Gen. 36.

Leo papa  
sermo. 9.  
de passione  
Iudæ infe-  
licitas.

Argento-  
rum trigin-  
ta valor.



Judicia ac beneficia & Sacramenta vendere non cessant dicentes scire, & si non verbò, tamen factò. *Quid vultis mihi dare, & ego vobis Eum tradam;* Vnde Bern. Quanti hodie de his qui animas regere susceperunt, quod sine miserabili gemitu non est dicendum, Christi opprobria, flagella, clavos, lanceam, crucem, mortem in fornace avaritiæ conflagrant: hoc solò à juda differentes quod ille omnium horum emolumentum denariorum numerò compensavit: isti voratoria ingluvie lucri infinitas exigunt pecunias, his inhiant, timent ne amittant, in harum amore quiescunt: animarum apud eos nec casus reputatur, nec salus: cum sint de patrimonio Christi nimium impingvati, incrassati, dilatati, non compatiuntur super contritione Ioseph. Hec. Bernar. Propter avaritiam verò Iudas factus est talis, quia ut Leo Papa dicit: Anima lucri cupida, &c. ubi supra. Ex hoc autem articulo venditionis Christi, tria trahuntur notabilia documenta. Primum est, ut nobis caveamus ne & nos tam detestandum facinus, scilicet venditionis Christi, unquam perpetremus: quod utique diversis modis incurrimus. Vnde Beda: Multi hodie judæ scelus, quod Dominum & Magistrum Deumque suum pecuniâ vendiderit, velut immane & nefarium exhorrent, nec tamen cavent. Nam cum pro muneribus falsum contra quemlibet testimonium dicunt, profecto quia veritatem pro pecunia negant: Dominum pro pecunia vendunt: ipse nempe dixit, ego sum Veritas. Cum societatem fraternitatis discordiæ peste commaculant, Dominum produnt, quia Deus Caritas est. Qui etiâ si nullus pecuniam det, Dominum argentò vendunt, quia Principis sæculi imaginem, idest exempla hostis antiqui, neglecta Conditoris ad quam creati sunt, imagine assumunt, nam secundum Hieron. Sicut Ioannes Baptista, qui non pro Christi confessione, sed pro defensione veritatis occubuit, ideo tamen pro Christo, quia pro veritate martyrium suscepit, ita contrariò qui charitatis & veritatis jura spernit, Christum utique, qui est Veritas & Caritas, prodit. Imò uniuersaliter, sicut dicit Origenes. Omnes qui pro temporalibus & mundialibus rebus Iustitiam deserunt, Deum qui est iustitia vendunt. Similiter Deum vendit, qui iustitiam vel consilium vendit, quia ipse est iustitia, ac Spiritus, & Angelus con filii. Ille etiam Dominum vendit, qui ejus timore & amore neglectò, terrena ac caduca, imò etiâ criminosa plus amare & curare convincitur. Dominum etiam pro temporalis pecunia vendit, qui bona sua pro vana gloria expendit. Item Deum vendunt simoniaci, qui gratiam Dei quæ est in Sacramentis & in aliis sacratis, & spiritualibus rebus commutant. Et quia simoniæ peccatum est tam in dante, quam in recipiente: ideo non solùm peccavit judas in vendendo Christum, sed etiam judei in emendo Christum. Emit autem à me Christum, qui dando mihi aliquod temporale, aufert mihi Christum: verbi gratiâ, si adulator dat mihi laudem falsam, ex qua cor meum extollitur, aufert mihi Christum: & ego consentiens pro vana laude vendo Christum. Item dans mihi pecuniam, quâ allicit me ad peccatum mortale, aufert mihi Christum: & ego consentiendo vendo Christum. Nec tamen ille emendo retinet sicut nec ego, sed nec mihi nec tibi. Sic fuit de juda & judæis, quorù neuter Christum retinuit: sed acquisitus est nobis Christianis. Vnde Raba. Exulta Christiane: in commercio inimicorum tuorum vicisti. Quod judas vendidit, & judeus emit, hoc tu acquisisti: noster enim Christus, non judæorum, qui Eum emerunt. Secundum est, ut etiâ & nos vendi & vilipendi pro laude Dei patiamur: qui enim vendit rem aliquam id pro quo rem vendit, plus appretiat, quàm rem ipsam. Vnde si quis te minoris valoris in corde suo & factis aestimet, quàm forte sis, non turberis: & maximè in causa Dei. Si enim ipse Dominus & Salvator noster, qui est summum Bonum, & infinita bonitatis, in quo sunt omnes thesauri reconditi, dignatus est pro nobis tam vili & exiguo pretio aestimari, ac vendi & vilipendi iniuste: nos qui veraciter viles, & ob hoc vilipensibiles sumus, si conditionis nostræ miseriam aspicere volumus, cur non pro Christo vilipendi, imò nihilipendi patiamur iuste; unde Psal. *Ego propter te sustinui opprobrium.* Tertium documentum est, quod homo debet vendere seipsum pro Regno. Si nempe regnum Celorum venale est, & tantum valet quantum habes: sed tu nihil habes melius teipso: vende ergo teipsum pro regno Celorum, sicut Christus voluit vendi, ut nobis acquireret regnum Celorum. In recolendo istum articulum,

Leo Papa  
sermo. 9.  
de passione.  
Venditio  
Christi cõ  
mittitur.  
Beda in  
caput. 14.  
Marci.:  
Ioan. 14.  
Ioan. 4.

Hierony.  
in Mar.  
Origenes  
trac. 35.  
in Math.  
Consilium  
vndens,  
Deum ven  
dit.

Simonia  
tam in emen  
te, quàm in  
vendente.

Rabanus  
in c. 26.  
Matth.  
Vendi de  
bemus pro  
Christo.

Psal. 68.  
Vendi de  
bemus pro  
Celo. Me  
ditatio.



- recogitet homo vilitatem suam: quia si iusto pretio aestimari deberet, vix num obolum valeret: imò nihil, in comparatione Christi, quitam exiguo & vili pretio venditus est. Item recogitet an ipse unquam Christum vendiderit: ipsum & mandata ejus, pro re temporali vel pro delectatione transitoria deferendo. Item recogitet qualiter ipse Christum sic venditum gratis sua merita bonitate acquisivit. Item quia Christus adhuc hodie venalis est, ideo sicut Iudas nequiter vendidit Christum, sic tu per contrarium cum elemosynis eme ipsum: vel si aliud non habes, da pro eo cor tuum: hoc enim desiderat prae omni re mundi: juxta illud Sapientis, *præbe fili, cor tuum mihi.* Item
- Emendus Christus.** quilibet, quantumcunq; perfectus, non presumat de se: cum audit Christi Apostolum, Magistrum & Dominum suum, imò Dominum & Creatorem omnium, postolum, Magistrum & Dominum suum, imò Dominum & Creatorem omnium, perdidisse. Et quia quartam feriā Deus fuit venditus, sic sextā feriā fuit crucifixus, ideo in memoriam hujus venditionis Domini, per totum annum jejuniis penitentialibus feriā quartā secundum post sextam tenet locum. Hinc est etiam quod multi quartis & sextis feriis jejunare consueverunt: multi quoq; abstinent à carnibus quartā feriā: quia tunc caro Christi fuit vendita, extunc etiam post feriam quartam illam, qua fuit venditus, tribus diebus sequentibus initia & fines horarum omittimus, quasi nobis ablatus sit Alpha, & Omega, & impiis traditus. Facta igitur pactione quærebat opportunitatem, scilicet loci, & temporis, & societatis, ut traderet Eum occulte & sine turbis: scilicet quando populus non erat circa Eum, sed secretus erat cum discipulis, quod & fecit tradens Eum post coenam, & de nocte cum in horto esset, Cum eis, ne per concursum & impetum populi tolleretur qui de die Eum sequebatur.
- Meditatio passionis.** Confidera nunc quomodo Dominus Iesus toto vitæ suæ tempore usque hodie pro judæis laboravit: sed ipsi tanquam ingrati mala pro bonis Domino reddiderunt, & post multas contumelias usque ad ipsius emptionem & mortem pervierunt. Vnde Ansel. Demum venisti Domine ad oves quæ perierant domus Israël, Divini verbi lampadem palam extollens, ad illuminationem orbis terræ, & regnum Dei annucians cunctis obtemperantibus verbo tuo, sermonem sequentibus signis confirmasti, & virtutem Divinitatis tuæ ostendisti in cunctis male habentibus: omnia omnibus gratis exhibens, quæ salutis ipsorum congruebant, ut omnes lucrificeres. Sed obscuratum est insipiens cor eorum Domine, & projecerunt sermones tuos retrorsum, nec attenderunt ad omnia mirabilia quæ operatus es in eis, exceptis paucis nobilibus athletis, quos inter infirma & abjecta mundi elegisti, ut per ipsos fortia & alta mirifice expugnares: nec solum ingrati gratuiti tuis beneficiis extiterunt, sed etiam contumelias affecerunt Te Dominum Dominantium, & fecerunt in te quæcunque voluerunt.
- Opprobria quæ Christus passus fuit.** Te enim faciente opera in eis, quæ nemo alius fecit, quid dixerunt? non est hic homo à Deo. In principe demoniorum ejicit demonia, demonium habet: seducit turbas, vorax est & potator vini, amicus publicanorum & peccatorum. Quid fles, quid suspiras, o homo Dei, dum sustines verborum iniurias? Non audis quanta propter te in Dominum Deum tuum ceciderunt opprobria? Si patrem familias Beelzebub vocaverunt, quanto magis domesticos ejus? Hæc quidem & his similia blasphemantes, & aliquoties de lapidibus impetentes, Iesu bone patienter sustinuit, & factus es coram eis, sicut homo non audiens: & non habens in ore suo redargutiones. Novissime autem & justum sanguinem tuum bone Iesu à discipulo tuo filio perditionis, triginta argenteis appretiati sunt: ut præcipitarent animam tuam in mortem sine causa. Hæc Ansel. Verè magna deberet nobis esse confusio, quod patientiam in adversitatibus non habemus. Iesus innocens tot & tanta ac etiam passionem & mortem patienter pro nobis sustinuit: & nos peccatis aggravati, & iræ Dei digni non possumus parvas iniurias & gravamina modica sustinere, & multoties nec verba levia pro ejus nomine tolerare. Vnde Chrysost. Christus exprobratus contumelias fert, tu verò ubiq; honorari vis, & non fers opprobrium Christi. Considera etiam hic, quàm periculosum sit peccatis locum dare, ac principia & introitus eorum non repellere: quia frequenter à minoribus diabolus incipit, ut ad majora mala inducat. Si nempe Iudas cupiditati & avaritiæ, ac judæi vanæ gloriæ & invidiæ restitissent, nunquā ille ad prodicionem, nec isti ad eius occisionem pervenissent, sed quia minora contempsit, ideo consequenter ad majora deciderunt: ut enim Ecclesiasticus ait: *Qui spernit modica, paulatim decidet.*
- Psal. 38.** **Patientia nobis necessaria.** **Chrysost. de prodicione Iudæ.** **Ecclesi. 19.**



# MEDITATIO IN PRIMIS VESPERIS DE Coena Domini. Caput LIII.

**A**Dveniente jam & imminente tempore miserationum & misericordiarum <sup>Luca 22.</sup>  
Domini, quod disposuerat plebem suam saluam facere, & eam non corrupti- <sup>Mat: 22.</sup>  
bilibus aurō & argentō, sed pretioso sanguine suo redimere: voluit cenam <sup>Mar: 14.</sup>  
facere cum discipulis suis notabilem, antequam ab eis per mortem discederet, in <sup>Pet: 1.</sup>  
signū, & memoriale recordationis, & ut mysteria quæ restabant compleret. Hæc <sup>Cena Dñi.</sup>  
autem Cœna præfigurata fuit in panibus, quos Abimelech David porrigebat: & <sup>1. Reg: 12.</sup>  
magnifica valde fuit, & magnifica sunt, quæ Dominus ibi fecit: ad quæ intu-  
enda te præsentem, cum attentione summa exhibe: quia si hoc dignè & vi-  
gilanter feceris, non patietur benignus Dominus te ieiunium redire. Circa ipsam <sup>Quinque in</sup>  
igitur cenam principaliter quinque, quæ ibi notabiliter facta sunt, meditanda <sup>cena Dñi</sup>  
occurrunt. Primò, ipsa corporalis cœnatio. Secundò, pedum discipulorum per <sup>notanda.</sup>  
Dominum Jesum ablutio. Tertiò, charitativa proditoris correctio. Quarto sa-  
cratissimi Sacramenti institutio. Quintò, pulcherrimi sermonis per ipsum com-  
positio. Circa primum attende, quod *prima die azimorum*, id est, eadem die in  
cujus vespera erat agnus immolandus, & cum azimis edendus, scilicet quartade-  
cima die seu luna mensis, id est, quæ erat feria quinta. & Paschæ vigilia Domi-  
nus Jesus requisitus à discipulis suis, ubi veller sibi juxta legem parari Pascha, id est,  
Paschalem agnum: præmisit ad hoc faciendum Petrum & Joannem ad amicum  
suum in monte Sion, ubi erat cœnaculum grande stratum, jubens ut Pascha pa-  
rarent ibi: & per omnia manifestans quod usque ad extremum vitæ non est ad-  
versatus legi. Per Petrum signatur actio bona, per Joannem contemplatio de-  
vota, quæ præparant Pascha, id est, disponunt ad corpus Christi sanctum debite  
sumendum. Præparant autem in cœnaculo, id est, in homine per devotionem  
elevato, grandi longitudine longanimitatis: largo, latitudine charitatis, strato, <sup>Aque apho-</sup>  
varietate virtutis. Mittens autem discipulos dixit eis: *Ite in civitatem, & occur-  
ret vobis homo amphoram aquæ portans.* Ad litteram tulit amphoram seu lagenam <sup>Cap: 22.</sup>  
aquæ, ut in tanto festo haberet apud se aquam expiationis, quâ mûdaret se: & signi-  
ficat quod ubi Christus cœnaturus est, lagena aquæ, lachrymarum in expiatione  
debet præcedere: per aquam enim vivificæ fontis baptisma designatur. Unde Be-  
da: Paraturus Pascha homo amphoram aquæ portans occurrit, ut ostendatur my-  
sterium Paschæ Domini celebrandum pro ablutione mundi. Aqua lavacrum gra-  
tiæ, lagena fragilitatem designat eorum per quos eadem erat gratia mundo mini-  
stranda. Et subdit: *Sequitur cum in domum quam intrat & dicite Domino domus,*  
*magister dicit.* Tempus meum, scilicet patiendi propè est, apud te faciet Pascha, di-  
xit Magister: quasi diceret volo parari apud te, quæ exiguntur ad cœmestionem <sup>Christi.</sup>  
agni Paschalis: & ideo provide mihi de loco & cibo: unde creditur quod ille erat  
discipulus Christi: sed occultus, & ideo providit de loco, & agno & alijs ne-  
cessarijs in convivii celebratione Paschalis. In quo apparet maxima paupertas  
Christi: quia ita pauper erat quod nec domicilium, nec susceptulū habebat,  
nec unde Paschalem cibum emere posset: & ideo discipuli interrogabant ubi Pa-  
scha parare deberent. Audiant hæc & erudiantur quibus cura est in adificandis  
magnis domibus & ambitiosis, & congregandis thesauris, cognoscant Christum  
omnium Dominum, quia locum ubi cœnaret vel etiam caput reclinaret, aut ci-  
bum quem acciperet, vel pecuniam unde emeret non habebat. Attendant se-  
perum distare ab infidelibus, idola & opera manuum hominum colentibus. Stu-  
dium enim ponere & delectari in magnis & pulchris ædificiis, vel in thesauris,  
quid aliud est quàm colere ligna, vel lapides, vel argentum & aurum cum genti-  
bus? *Euntes autem discipuli invenerunt sicut dixerat illis, & paraverunt Pascha,* id est,  
refectionem Paschæ in monte Sion, & cœnaculū ostensū eis. Ibi Pascha man-  
ducaverunt: ibi, post Resurrectionem Domini discipuli propter metum Judæorum  
latuerunt, ibi Spiritum sanctum in die Pentecostes receperunt, ac multa &  
magna ibidem per Dominum facta sunt. Hic mons Sion, mons coagulatus, <sup>Psal: 67.</sup>  
mons pingvis, mons in quo beneplacitum est Deo habitare in eo: & multa ac  
mira operari quasi favus distillans dulcedine & flos redolens suavitatis odorem:  
pias mentes sui recordatione afficit, confortat & reficit, ac sanctitatis suæ præmi-



nentiâ consolatur & pascit. Appropinquante autem vespere, ipse Dominus cum aliis Discipulis civitatem intravit, & ad ipsum locum perveniens ad vespere illius diei Pascha celebravit: quia illâ horâ agnus Paschalis comedi consuevit. Horâ quippe vespertinâ debebat agnus Paschalis immolari, & hoc in figura & signo, quod in vespere mundi & in fine sæculorum immolandus esset verus Agnus, scilicet Christus. Solennitates etiam Judæorum incipiebant à vespere, & terminabantur in vespere, quia ipsi secundum lunam quæ de sero primò apperet dies numerabant, & eos de uno sero in aliud computabant. Sic ergo aliquid factum in vigilia festi, potest dici in festo factum, quem quidem modum tres Evangelistæ servantes, dixerunt cenam esse factam prima die azimorum: quia facta fuit die præcedenti ad vespere, quæ jam ad primam diem azimorum pertinebat: in qua scilicet vespere fermento de domibus suis abjecto, Judæi agnum immolare, id est, occidere solebant. Joannes verò accipit diem festum Paschæ, non pro illo cujus festum solum celebre erat, quæ erat dies præcedens: sed pro illo cujus festum solum celebre erat, quæ erat dies præcedens: sed pro illo die qui totus celebris erat, & ideo dicit cenam factam ante diem festum Paschæ: illa autem vespere quâ comedabatur agnus paschalis cum azimis confecit Christus corpus suum, Ex quo patet quod confecit de azimo & non de fermento, cum tunc non esset fermentatum in domibus Judæorum: quia tunc tenebantur vesci panibus azimis scilicet à vespere decimi quarti diei primi mensis, usque ad vespere viceprimi diei ejusdem mensis. unde patet quod Joannes non contradicit aliis, sed magis convenit cum ipsis. Quamvis autem typicus agnus figuram veri agni gestebat, illa tamen nocte quâ immolabatur agnus typicus, non fuit Christus verus Agnus immolatus. Ipse nempe legalia voluit observare, ne legi contrarius videretur & ideo voluit more Judæorum Pascha celebrare, & nocte illa agnum comedere antequam moreretur. Præcessit ergo immolatio agni typici immolationem agni veri, ut sic Christus qui est agnus verus immolaretur pro nobis immediate post immolationem agni figuræ: & sic veritas figuræ succederet & responderet. Qui etiam licet die sequenti crucifixus fuerit: hac tamen nocte quâ agnus immolabatur mysteria corporis & sanguinis sui celebranda discipulis tradidit, & à Judæis tentus & ligatus est: & sic ipsius immolationis, id est, passionis suæ exordium sacravit. Quando autem Christus verus agnus fuit immolatus: scilicet in paralceve sancta, tunc apud nos est tempus non gaudii, sed mœoris, propter Christi passionem: & ideo Ecclesia illa die non solennizat Pascha sed differt usque ad diem resurrectionis: quia sicut ait Apostolus, *Pascha nostrum immolatus est Christus*: Aspice igitur nunc Dominum Jesum in aliqua parte domus manentem, & cum discipulis salubria colloquentem. Et interim in cenaculo parabatur pro eis, per aliquos ex septuaginta duobus discipulis. Legitur enim quod beatus Martialis Lemovicarum Apostolus cum aliquibus aliis ex septuaginta duobus fuit ipse sero ibi ad ministrandum Domino Jesu, & duodecim recubentibus. Sed & aquam portavit ipsi Domino Jesu, quando lavit pedes discipulorum. Cum autem omnia essent parata in cenaculo, intravit cenaculum Dominus Jesus, & discipuli cum eo. Omnes lavant manus, & defertur eis agnus Paschalis assus, benedictioneque per Dominum, comedunt eum cum succo lactucarum agrestium. In solennitate quippe paschali quatuor erant: agnus Paschalis, panis azimus, vinum & jus lactucarum agrestium: non enim nisi cum amaritudine & compunctione cordis dignè acceditur ad verum agnum. Dicit autem Comentor in scholastica historia, quod nunquam legitur Dominum comedisse carnes, nisi agni Paschalis: quod tamen fecit in typo & figura. Discumbebat ergo Jesus cum duodecim discipulis suis: Dominus cum servis, Magister cum discipulis, Pater cum filiis quasi cum sociis, quasi cum amicis. Unde in Psal: *Filii tui sicut novella olivarum, in circuitu mense tue*. Hæc refectio significat refectiorem eternam in vespere, id est, in fine mundi futuram. O quam felices illius recubitus commensales. Sed quomodo discumbentes cenabant cum lex præceperit, quod stantes erecti Pascha comedere deberent? Potest dici secundum Theophilum, quod prius manducaverunt Pascha, & fecerunt ut lex mandabat. Deinde secundum communem usum discubuerunt manducantes quosdam alios cibos: unde dicitur postea, quod Jesus surrexit à cena

Corpus Do-  
minicum de  
azimo fa-  
ctum.

1. Cor. 5.

Martialis  
Christi di-  
scipulus.  
Ad agnum  
Paschalem  
necessaria.

Historia  
scholastica  
Evangelica.

Psal: 137.



cena Et edentibus illis dixit Dominus, *Desiderio desideravi*, id est, valde desideravi, *hoc Pascha* scilicet typicum & legale, *manducare vobiscum antequam patiar*: id est, moriar. Géminatione verbi notat intentione duplicis desiderii scilicet ut finiat verus testamentum, & inchoet novum, quod erat sibi in desiderium. *Cogita Desiderium* quam longo tempore hoc desiderium Domini fuerit protelatum, & noli deficere. *Domini*, re si quandoque ad tempus tuum differtur desiderium. Ipsei etiam omnibus diebus vitæ suæ post nos cucurrit in siti feruentissimi desiderii salutis nostræ. Et nos si quandoque non valemus habere desideria bona saltem habeamus voluntatem habendi desiderium. Juxta illud: *Concupivit anima mea* *Psalm. 118.* *desiderare justificationes tuas*: & tunc acceperit voluntatem pro facto. Dicit autem hoc Dominus ut se voluntarie pati ostendat, cujus passionem immolatio agni typici & Pascha judaicum præfigurabat: & ut demonstret ætæ- æum quem habet ut legalia cessent & veritas Evangelij currat secundum Bedam: Desiderat primò typicum Pascha cum discipulis manducare, & sic passio- *Beda in cap.* nis suæ mytheria mundo declarare: quatenus & legalis Paschæ Probator existat, *22. Luca.* & hoc figuram veri Paschæ fuisse docendo vetet ultra carnaliter exhiberi. In cujus rei figura deficit manna postquam comederunt filii Israël de frugibus terræ promissionis, nec usi sunt ultra cibo illò. Unde subdit: *Ex hoc*, scilicet tempore, *non manducabo illud* scilicet vetus & legale Pascha, *donec* Sacramentum dominici corporis & sanguinis in hoc veteri Pascha spiritualiter intellectum *in regno Dei*, id est, in Ecclesia militante, *impleatur* id est, instituat, vel institu- tum celebretur, quasi diceret, non comedam vel celebrabo amplius in figura & signo, sed in veritate & signato. Ipse enim postea sumplit verum corpus suum sub sacramento, & nihilominus hodie in Ecclesia verus & figurale Pascha im- pletum manducat: quia ea quæ lex rudi populo carnaliter observanda præcepit, ipse in membris suis, hoc est in ipsa Ecclesia spiritualiter exercet. In hoc igitur regno comedit corpus suum: id est, nos illud in eo comedere facit, sicut postulat pro nobis, id est, postulare nos facit. Sacramentum enim Eucharistiæ, quod nos per fidem spiritualiter manducamus, & ipse manducat nobiscum incor- porando nos sibi per istud sacramentum quod alloquens August: dicit, *Cibus es* *August: lib.* *grandiū*: non mutaberis in me, sed tu me mutabis in te, unde donec non po- *7. confessio.* nitur hic exclusivè, sed inclusivè. *Et accepto calice*, scilicet vini quod ad Paschæ *cap: 10.* Judaicū, *gratias egit, & dixit, accipite & dividite inter vos*. Gratias egit, quia in- stabat cōpletū desiderium, ut post immolationē agni typici sequeretur immolatio Agni veri, scilicet Christi: & quia vetera transibant & nova fiebāt omnia, dū vinū & azima in corpus & sanguinem Domini ejus benedictione transubstantiabantur. Unde ait: *Non bibam a modo de genimine vitis*, scilicet materialis, id est, de vino quod generatur in vite, scilicet typicū potū, *donec veniat regnū Dei*, quod intel- lige ut supra de cibo est dictū. Unde Beda: Sicut supra typicū agni esum, sic *Beda in cap.* etiā potū Paschæ typicū negat se ultra gustaturū, donec ostensa & manifesta re- *20. Luca.* surrectionis suæ gloria regni Dei fides mundo adveniat: ut per duo maxima le- gis edicta, esum videlicet potumque Pāchalem, spiritualiter immutata, disceres omnia legis sacramenta, vel jussa quæ carnaliter lonare videbantur, ad spi- ritualem jam observantiam fuisse transferenda. Et sic secundum Augustinum. *August: lib.* Lucas de duplici calice mentionem facit. Primò de calice vini prædicto: quod *3. de con-* ad Pascha Judæorum. Secundò, de calice sanguinis sui: de quo infra est *sensu Eva-* dicendum. Calix Domini argenteus duas hinc, & inde habens ansulas, sexta- *gel:* rii gallici mensuram capit. Legale igitur Pascha cessavit, & impletum fuit in regno Ecclesiæ, quando Divina sapientia paravit mensam novi sacramenti: ubi posuit panem corporis, & miscuit vinum sanguinis sui. Legalia enim habue- runt cursum suum & obligationem usque ad Christi passionem, in qua obla- tum est unum perfectum sacrificium, evacuativum legalium: & ideo usque tunc Christus legalia servavit, & similiter alijs servanda mandavit: Unde dicit Augu- *Idem lib: de* stin: quod legalia tantum fuerunt ante passionem Domini viva, post passio- *spiritu &* nem mortua: sed postquam venit veritas Evangelij per mundum, sunt sepul- *litera.* ta. Nostra vero sacramenta usque ad finem mundi in suo vigore manebunt, *Exod: 12.* Et nota, quod in Exodo determinantur multa, quæ requiruntur ad esum agni *agni come-* typici: & ad hoc requiruntur ad esum agni veri. Debet enim comedi verus *condi-*



agnus, scilicet Christus primò à circumcis: per veteris conversationis depositionem. Secundò, Cum lactucis agrestibus: per amaram de peccatis omnibus cordis contritionem. Tertio, sine fermento peccati, cum panibus azimis, per conscientie sinceritatem. Quarto, renibus accinctis: per castitatem. Quintò pedibus calciatis: per affectionum à terrenis elongationem: cujus signum potest esse, quòd Deus prius lavit pedes discipulorum, quàm daret eis hoc sacramentum. Sextò, cum baculis in manibus: per sui ipsius custodiam diligentem. Prædictæ conditiones requiruntur ad declinationem mali. Sed quantum ad operationem boni requiritur. Primò, quod in domo una comedatur: per Ecclesiasticam unitatem. Secundò, quod à vicinis. per fraternum amorem & concordiam. Tertio, quod non crudus sine amoris igne, nec coctus aqua sine devotionis sapore: sed assus igne per devotionis fervorem præcedentem. Quarto, quod festinanter: per spirituales aviditatem & delectationem concomitantem. Quintò, quod totaliter: per fidei integritatem vorando caput cum pedibus & intestinis, id est, per veram fidem incorporando & credendo in Christo Divinitatem, quæ, est caput ejus: & humanitatem, si carnem quæ tanquam pes ejus est: infirma in ipsa natura, & animam, quæ est media, si ut ejus intestina. Sextò, quod sine ossium comminutione: per simplicem sacramenti venerationem.

## DE ABLUTIONE PEDUM.

### CAPUT. LIV.

**Joannis 23.** Circa secundum verò diligenter attende: Præmissis namque ita se habentibus, sciens Jesus quia venit hora ejus, non fatatis, sed impletionis sacramentorum à Deo Patre ordinata ut transeat ex hoc mundo ad Patrem, non per loci mutationem, sed sicut dicitur à Patre venisse assumendo naturam nostram mortalem, ita dicitur ad Patrem rediisse, faciendo ipsam per immortalitatem in sua resurrectione paternæ gloriæ consortem: cum semper dilexisset suos qui erant in mundo, non suos sola creatione: sed suos etiam electione, scilicet discipulos, in finem dilexit eos, id est in fine specialia & majora signa dilectionis: & quanto amore dilexerit eos, ostendit ponendo animam suam pro eis. Vel in finem, id est, perseveranter & in mortem, non quòd morte ternaretur dilectio: sed in tantum dilexit quòd usque ad mortem dilectio Eum perduxit: in quo exemplum dedit, ut omnes in Dei & proximi charitate usque in finem permaneant: vel in finem, id est, in Christum qui est finis perficiens & consummans, dilexit eos utique, ut & ipsi de hoc mundo ubi erant: ad Caput suum, quòd hinc transisset ejus dilectione transirent. Per Jesum qui salus interpretatur: bonus Prælatus significatur, finis verò ultimus est beatitudo vera, quæ consistit in clara Dei visione & fruitione perfecta. Licet autem omnis homo debeat ad hunc finem proximum diligere, Prælatus tamen qui est Christi vicarius, specialiter tenetur erga suos subditos hæc facere. Et cæna facta scilicet agni Paschalis, cum diabolus misisset in cor, id est, in voluntatē judæ, non directè tanquam voluntatem movens: sed indirectè tanquam ei suggerens ut traderet eum, scilicet Jesum consentiens iniquitati: die enim præcedenti eum vendiderat suggestione diaboli, Diabolus quippe non est immissor cogitationum malarum, sed incensor: quia tentatio prava ex homine est, quam diabolus non immitit, sed immittam ab homine magis intendit, & accendit tentatione hominis præcepta per aliqua signa exteriora. Aliter enim non potest hominem deicere, nisi homo seipsum deiciat, & hosti arma reddat, id est, nisi suggestioni consentiat: nam secundum August: per diabolum suggestiones immituntur, & humanis cogitationibus miscentur: his ergo ita factis, sciens. Jesus ut Deus, quia omnia dedit ei Pater in manus, id est, in potestatem, etiam ipsum traditum ē & persecutores: ex quo patet in Christo plenitudo scientiæ & potestatis & quia à Deo exivit in mundum veniens, nec Patrem deserens, & ad Deum vadit omniaque acquisivit Patri reducens, & non nos relinquens, sciens se esse Regē Regum, & Dominū dominantium, nec oblitus se esse Dei filium naturalem, & non ignorans suā sublimitatem, quamvis talis esse, & talem se sciret, tamen in magnæ suæ pietatis indicium.

Diabolus non  
immitit,  
cogitationes  
malas.

Augustin:  
tract: 55. in  
Joan:



Judicium, in magnæ nostræ exemplum humilitatis, non DEI Domini sed hominis servi implet officium: humiliat se ut ministraret, quia Dominus in venit ministrare & non ministrari: ac surgit à Cena volens lavare pedes discipulorum. Ex quo universum conculcat tumorem, dum Hic qui exit à DEO, & ad DEUM vadit, pedes lavare voluit. Locutus quippe Evangelista, de tanta Domini humilitate prius ejus celsitudinem voluit commendare ad exaggerandum ipsius Domini humilitatem, & admonendum nos ut quantò magni sumus, humiliemur in omnibus, & de donis DEI unquam superbiamus. Ac si per hoc dicatur homini. Si ille qui Filius DEI erat, & Patri æqualis, suam à DEO inclinavit Majestatem, ut humiliaret se ad pedes hominis: quid debet facere miser homo, qui est terra & cinis? surgunt etiam statim & discipuli, ignorantes quò velit ire. Ipse autem descendit cum eis in alium locum, inferius in eadem domo subter Cœnaculum. Nam in superiori parte domus Palastini faciebant Cœnacula, & inferius cubicula. Sunt autem in monte Sion duæ capellæ, ubi erant Canonici Regulares cum Abbate, secundum regulam Beati Augustini, Domino ministrantes: una superior, ubi Cœna facta fuit, & Spiritus Sanctus super discipulos descendit: alia inferior, ubi Christus pedes discipulis lavit, & eis januis clausis apparuit, cui est cõiguâ cœmeteriũ, quod dicitur bonorum Virorũ possessio: ubi sepultus fuit Beatus Stephanus, Nicodemus, Gamaliel, & Abiba cū aliis Viris Sanctis: ubi etiã est sepulchrũ David & Salomonis, & aliorũ bonorũ Regũ Juda & Hierusalem. Veniens ergo Dominus inferius cum discipulis, omnes ibi sedere fecit: aquam sibi afferri jubet, deponit vestimenta, ut convenientius hoc ministerium exhibeat. Ubi nota quatuor depositiones vestium Christi. In Cœna deposuit eas, & resumpsit: ad columnam nudatus est, & reindutus: in illusione militum nudatus est, & reindutus: sed ab Herode non legitur nudatus: ad Crucem nudatus est, nec reindutus. Prima spectat ad Apostolos, quos in brevi resumpsit. Secunda, ad illos qui resumpti sunt in die Pentecostes, & paulatim resumuntur. Tertia in reliquias, quæ resumuntur in fine. Quarta, ad perversam medietatem nostri temporis, quæ nunquam resumetur. Depositis igitur vestimentis suis, linteò se præcinxit, disponens se ad lavandum, & nihil omittens de his quæ ad istud requiruntur officium. Deinde mittit aquam in pelvim lapideam, propriis manibùs, non per aliorum ministerium: & tam charitative, tam honestè, tam officiosè præparatus venit lavare pedes discipulorum lutosos: quia discalciati incedebant: & tergere linteò quò præcinctus erat: ut per omnia humilitatis officium impleret. Et quid mirum si hoc fecit qui multò majora facere dignatus est? Unde Augustinus. Posuit autem vestimēta sua, qui cū in forma DEI esset, semetipsum exinanivit præcinxit se linteò, qui formam servi accipiens, habitu inventus est ut homo: misit aquam in pelvim, ut lavaret pedes discipulorum, qui in terram sanguinem fudit, quò immundiciam dilueret peccatorum: linteò quò erat præcinctus pedes quos lavit tergit, qui carne quā erat indutus Evangelistarum vestigia confirmavit. Et linteò quidem ut se præcingeret, posuit vestimenta quæ habebat: ut autem formam servi acciperet, quando semetipsum exinanivit, non quod habebat deposuit: sed quod non habebat accepit. Hæc August. Et ut omnia ratione & ordine faceret, & faciendo nos instrueret venit ministerium inchoando primò,

Mmm

ad

Humilitas  
Domini in  
lavandis pe-  
dibus.

Cœnacula  
Palastinorũ.

Vestis qua-  
posuit de-  
posita  
Christo.

Augustinus  
Tractat. 55  
in Joann.  
Philipp. 2.



*Petrus loti-  
onē refugit.* ad Simonem Petrum: Ipse enim inter alios major erat, & ideo ab ipso inchoandum fuit. Et tunc Petrus ex consideratione Divinitatis & Majestatis Christi territus, quod etiam quilibet eorū expavisset expavit, & totus stupefactus reculat: & rē sic suo iudicio indecentē declinat. Non decet, inquit: non convenit: Tu Dominus, ego servus: Tu DEUS, ego homo. Tu Creator, ego creatura, & Tu mihi misero, pauperrimo, humillimo piscatori, *lavas pedes*, sordidos, & infimum in corpore membrum manibūs hīs quibūs cæcis oculos aperuisti, leprosos mundasti, & mortuos suscitasti, id est, vis lavare pedes mihi peccatori, Tu qui es Filius DEI, quasi diceret, hoc indecens est, & nullō modō sustinendum. Simile verbum dixit in principio conversionis suæ, exi à me, quia homo peccator sum Domine. Sicut

*Luca 5.*

est Dominus humilis ad serviendum, ita servus non suscipiendo servitium, quasi diceret secundum Bedam, Tu DEUS deorum, Tu Rex Angelorum, Tu Filius Altissimi, & Speculum sine macula Majestatis DEI, Tu quem adorant Angelicæ potestates, Tu DEUS æternæ mihi vermiculo lavas pedes? Tu ante me curvaris, ante quem curvantur qui portant orbem, Tu ante me flecteris, ante quem flectitur omne genu, Cœlestiū, terrestrium, & infernōrū. Et per hoc Petrus significat discipulū ignoratē, & indiscretē loquēte de facto Superioris sui ejus ignorat rationē. Frequenter enim contingit, quod aliquid judicatur irrationabilissimum ab ignorante causam quod tamen rationabilissimum est secundum veritatem propter quod dixit ei JESUS, *Quod Ego facio, tu nescis modō*: hoc meū factum, exemplū est & mysterium, exemplum quidem humilitatis exhibendæ, mysterium autem interioris mundationis. Dupliciter ergo potest intelligi. Uno modō, *quod Ego facio*, id est; quomodo Ego facio exemplum *tu nescis modō*: id est; non intelligis, *scies autem postea* tunc scilicet quando exposuit eis dicens, scitis quid feci vobis &c. Aliter enim non potuit superbiz nostræ tumor curari, nisi per maximam humilitatem Redemptoris nostri, & tamen post totum istud adhuc eum lucipero superbiunt multi Vicarii, & Successores Christi. Alio modō potest intelligi, *quod Ego facio, tu nescis modō*: id est; hoc mysterium est & secretum, & significat interiorem mundationem, quæ non potest fieri nisi per me, quod non intelligis modō *scies autem postea*: tunc scilicet cū Spiritum Sanctum accipies. Res enim est sacramentalis ad instructionem Ecclesiæ, & fiet tibi manifesta oportuno tempore, Et in hoc docemur bene judicare, & loqui de factis superioris boni, nisi DEO permittente erraret manifestē. Petrus autem de tanta Filii DEI inclinatione perterritus, & usq; ad suos pedes humilem Christum videre nolens, in eadem adhuc voluntate persistit, non ex obstinatione, sed ex humillima, quam ad Christum habuit reverentia, dicens: *Non lavabis mihi pedes in æternum*, id est; nunquam lavabis, nunquam hoc patiar, hoc enim in æternum non fit, quod nunquam fit. Ac si diceret, absit à me quod sustineam hoc à Magistro, à Domno, & à DEO meo, licet autem Petrus bono zelo hoc faceret, tamen indiscretē faciebat: quia cū Christus non posset errare, non debebat voluntati ejus aliquo modō resistere. Et ideo

*Lavandi su-  
mus à Xpo.* comminatur ei Dominus dicens: *Si non laveris te*, id est; pedes tuos, *non habebis partem meam*, in beatitudine. Sive hoc intelligatur de lotionē mystica & interioris maculæ ipsius affectus, quæ quia necessaria est, ideo præcipitur: sive de lotionē materiali & corporali pedum ipsi



ipſus Petri, quæ è converſo ideo eſt neceſſaria, quia præcipitur, non potuit in Petrum ampliùs intonare, quàm ut minaretur repulſam. Et ideo Petrus audita comminatione Chriſti ad tantæ comminationis terrificum verbum expaveſcens, ſapienter mutat conſilium in melius dicens, *Domine non tantum pedes meos: id eſt; affectus: ſed & manus*, id eſt; opera & caput id eſt; cogitationes mentis, quaſi diceret, non ex protervia recuſavi, ſed quia conſideravi opera tua & expavi, pedes ſunt pars corporis inferior, manus media, caput ſuperior, & ideo per expreſſionem iſtarum partium, intelligitur totum corpus. Territus Petrus de periculo ſalutis ex Domini reſponſione, ac perturbatus amore & timore, plus expavit Chriſtum ſibi negari, quàm uſq; ad ſuos pedes humiliari. & ſe totum offert abluendum. Si Tibi, inquit, placet, ſi aliter fieri non poteſt, ſervus tuus ſum, totum me tuæ voluntati ſubiicio, & *non pedes tantum, ſed & manus, & caput* ad lavandum tibi offero: & priùs ſuſtinerem à Te per totum corpus lavari, quàm à Te ſeparari. Non mihi neges capiendam tecum partem, cum nullam Tibi negem abluendam mei corporis partem. Quamvis enim durum eſſet Petro ſuſtinere ſervitium Magiſtri: graviùs tamen erat ei ab ipſo ſeparari. Secundum Auguſtinum. *Auguſtinus* Totus homo abluitur in baptiſmo: & erravit Petrus, ne nos erraremus *Tractat. 56* cum ſe totum DEO obtulit abluendum: quem DEUS correxit, oſtendens ſemel baptizatum non eſſe rebaptizandū. Unde dixit ei: *Qui lotus eſt*, ſcilicet per baptiſmum: *non indiget, niſi ut pedes lavet*, id eſt; affectus, & motus ſenſualitatis inordinatos: *ſed eſt mundus totus*, ſcilicet præter pedes quibus terram tangit, quos lavare opus habet. Ex quibus verbis intelligimus Apoſtolos baptizatos, etſi non legimus *Baptizati* quis baptizavit eos. Erant autem baptizati baptiſmò Chriſti: qui *erant Apoſtoli* licet non baptizavit turbas, baptizavit tamen diſcipulos ſuos, ſoli, ſibi familiares & domeſticos: ut haberet baptizatos ſervos, per quos baptizaret cæteros. Sed cum baptiſmus abſtergat etiam ſordes pedum, videtur quod qui lotus eſt, id eſt; baptizatus: non indiget, ut pedes lavet. Ad hoc dicendum, quod ſi ſtatim poſt baptiſmum de hoc mundo tranſiret: non utique hac ablutione indigeret: quia cum ſit mundus totus, ſtatim evolare. Sed qui poſt baptiſmū vivit in hac vita mortali, non poteſt ad tantū culmē perfectionis aſcendere, quin etiā inordinati motus ſenſualitatis de affectibus terrenis inſurgant: & ideo oportet quod pedes lavet, vel per martyriū, quod eſt baptiſmus ſanguinis, vel per pœnitentiam, quod eſt baptiſmus flaminis, ut evolare poſſit. Ubi nota quod interioris hominis caput, *Ratio, interioris hominis caput* eſt ratio ſuperior, quā anima eſt conjuncta DEO: ſive pars contemplativa, quæ intendit ſuperioribus & æternis. Manus, ſunt ratio inferior, quæ vacat operibus activæ vitæ: pedes verò, ſenſualitas, & ſenſus corporis, ac mentis & animæ affectiones inferiores. Ipſi enim nos fecerunt extra nos: & ipſi frequenter ſicut pedes maculantur nobis poſt baptiſmum, in quo totus homo abluitur: quia ex conditione mortalis vitæ ſæpe maculas contrahunt ex terrenis & temporalibus: & ideo lavandi ſunt ſæpiùs: unde neceſſe eſt, ut crebra ablutione confeſſionis & lachrymarum emundentur pedes affectuum de terrena cogitatione terrenorum, in cogitatu & amore eorum. Qui enim non lavatur poſt baptiſmum per pœnitentiam, non habet cum JESU partem: Unde dicit Auguſtinus. quod humani affectus, *Aug. tract. 56. in Joann.* ſunt quibus in hac mortalitate non vivitur, quaſi pedes ſunt, ubi *manis. Joann. 1.*



manis rebûs afficimur: ut si dixerimus quoniam peccatum non habemus, nos ipsos decipimus. Sciebat ergo Dominus Apostolos mundos quò ad caput, quia DEO conjuncti erant per fidem & charitatem, & quantum ad manus, quia eorum opera erant sancta: sed tamen quantum ad pedes, affectus aliquos terrenorum ex sensualitate habebât, & sordidi erât: & ideo quantum ad illos lotionem indigebât.

*Bernardus* Unde Bernar. Qui lotus est, nō indiget nisi ut pedes lavet: lotus enim est, qui gravia peccata nō habet cujus caput, id est, intētio, & manus, id est, operatio & conversatio, mūda est: sed pedes, qui sunt animæ affectiones, dū in hoc pulvere gradimur ex toto mūdi esse nō possunt, quin aliquando vanitati, aliquando voluptati, aliquando curiositati plus quàm oporteat cedat animus, vel ad horam. In multis enim offendimus omnes. Veruntamen hæc contemnat aliquis quia impossibile est cum eis salvari, & impossibile est ea dilui, nisi per Christum, & à Christo, quia si non laverit ea Christus, non habebimus partem cum eo. Nemo tamen pro eis desperet: quoniam si viderit nos Dominus humiliter pro eis esse sollicitos, ignoscet faci-

*Minora peccata* imò & libenter. De minoribus istis peccatis pia dispensatione cur non nobiscum agitur, ut non penitus auferantur, sed in illis nos erudiat penitus auferantur.

DEUS: & cum minora cavere non possumus, certi sumus quòd non nostris viribus majora superemus: semper timorati & omnino solliciti simus, quomodo Ejus gratiam non amittamus, quam nobis tantopere, & tam multifariè necessariam esse sentimus. Hæc Bernar. Deinde Dominus subjungit, *Et vos mundi estis*, quia à me mundati. Secundum Augustin. Erant mundi, quantum ad manus & caput: non quantum ad pedes. Et sequitur, *sed non omnes*. Duo enim sunt præcipua, quibus homo à peccatis mundatur, scilicet elemosyna, & & charitas. contra primum, judas erat fur: contra secundum, Christi proditor: & ideo non mundus erat. Sic ergo per pedum ablutionem designavit Dominus mundiciam spiritualium pedum, quæ maxime requiretur, ex Eucharistiæ perceptione. Et ideo voluit lavare pedes discipulorum suorum, antequam daret eis sui corporis Sacramentum: ad designandū quòd spiritualis munditia requiritur ad

*Anselm.* Ipsū percipiendū. Unde Ansel. Corpus & sanguinē suū discipulis suis, in cena mystica tradens, eorū pedes humiliter lavit: docens sacrosancta mysteria mundis operibus, & pia mentis humilitate celebranda.

*Mysticè.* Mysticè etiam significatur Ejus sanguinis effusio, per hoc quod misit aquam in pelvim, & peccatorum nostrorum ablutio, per hoc quod cepit lavare pedes discipulorum: ac poenarum nostrarum in seipso susceptio, per hoc quòd terxit pedes lintedō, scilicet corporis sui, quia peccata nostra pertulit in corpore suo super ligno. Alii autem discipuli audita reprehensione Petri, de hoc quòd recusaverat hujusmodi lotionem: non fuerunt ausi ultra aliquo modo re-

*Contēplatio* cufare eam. Considera nunc bene singulos actus, in hac benignissima lotionem pedum, omni dilectione & humilitate plena: & cum admiratione conspice quæ geruntur: quia sunt devota. Inclinat se Summa Majestas, & humilitatis Magister usq; ad piscatorum pedes. Stat in curvatus, & genibus flexis corā ipsis sedentibus: lavat propriis manibus & abstergit, ac deosculatur pedes omnium. Sic ergo usq; ad pedes discipulorū Dominus omniū seipsū humiliat, & supplex humilitatis ministeriū exhibet propter humilitatis formā: nō solum verbò, sed exemplo commendandam & docendam. Sed & illud superexaltat

humi



humilitatem, & ad maximum eumulum humilitatis accedit, quod & ipsi proditori suo, eadem obsequia præbet: & illi non dedignatus est pedes lavare, cujus manus jam prævidebat pollundas in scelere: in quo Dominus infirmitatem nostram consolatur, ut si quando contingat nos ab amicis proditi: vel à famulis aut aliquibus vilioribus malum aliquod pati, non scandalizemus respicientes judæ exemplum, qui infinitis potius bonis, in contrarium remuneravit Benefactorē, ac Dominum & Magistrum. Sed o! cor nequam, & ipsa duritiā durius, si sic ad tantam humilitatem non molliris, si sic Dominū Majestatis nō vereris: si sic usq; ad ipsius semper tibi beneficiū, semperq; Innocentis interitum savis. Sed vix Tibi miser. Tu quidem obduratus, quod concepisti parturies, non tamen ipse, sed tu peribis. Admiranda est igitur tanta humilitatis & benignitatis profunditas Domini JESU. Unde Ansel. Et te quidem perditissimi proditoris tui perfidia non latebat: quoniam in hac Cœna ablutionis, etiam coram ipso genuflexo procumbens, maledictos pedes ejus veloces ad effundendum sanguinem tuum, sanctissimis manibus tuis attrectare, lavare, & extergere dignatus es. Et tu adhuc extento *Psalm. 13.* collō ambulas. O terra & cinis, adhuc superbiat te elevat, adhuc im- *Contra su-* patientia te exagitat. Intuere humilitatis & mansuetudinis specu- *perbiam.* lum, universæ facturæ Creatorem, & tremebundum Judicem vivorum & mortuorum: ante pedes hominis, etiam traditoris sui, gēgua curvantem: disce ab Eo qui mitis est, & humilis corde. *Con-Matth. 11.* fundere in superbia tua erubescere in patientia tua. Et iterum: Cū autē surgens à Cœna linteō se præcinxerit: misitq; aquam in pelvīm; cogita quæ Majestas, quæ potestas hominū pedes lavit & extersit, quæ benignitas proditoris vestigia sacris manibūs tangit. Specta & expecta & ultimō omnium tuos ei præbe pedes abluendos: quoniam quē non laverit, non habebit partem cum Eo. Hæc Ansel. Hōc autē expletō ministeriō, quod ad humilitatem pertinebat obsequi, & ad purificationem Cœnæ corporis sui: *recepit vestimenta sua, & rediit ad locum Cænæ:* quia mutat officium, mutat & habitum, ad serviendum vestimenta deposuit: ad docendum resumit & sedet. Ut enim dicitur in Ecclesiastico: *Amictus hominis enuntiatur de illo.* Per hoc au- *Eccles. 19.* tem ostendit quod superior post actum humilitatis debet resumere debitum officium authoritatis Mysticē autem, secundum Alchvini- *Mysticē.* num, impleta redemptionis nostræ purgatione, per sanguinis sui effusionem accepit vestimenta sua: tertia die de sepulchro resurgens, & eodem corpore jam immortalī vestitus, & ascendens in Cælum in dextera Paternæ Divinitatis recumbens, inde venturus est ad judicandum. Et cū recubisset iterum ad Cœnam corporis sui faciendam docuit eos quare hoc fecerit in exemplo: scilicet mutū sibi serviendi. Unde dixit: *Scitis quid fecerim vobis,* id est; quantā humilitatem exhibuerim vobis. Interrogat, ut eos attentos reddat. Deinde eos ad imitandum suum exemplum confortat dicens: *Vos vocatis me Magister, & Domine: & benedicitis,* quia verum est quod *1. Cor. 1.* dicitis: *Sum etenim Magister & Dominus,* quia DEI virtus, DEI & sapientia, Magister, inquam, propter sapientiam, quam doceo vobis: Dominus, propter potentiam, quam ostendo miraculis. Quia dicit magna de se: non est arrogantia, sed veritas quæ prodest auditoribus, sicut facit & Paulus. August. Viruperabile est quod quisq; *Augustinus* se commendat, propter periculum superbiendi. Nam periculosum *Tractat. 58* est *in Joann.*



est sibi placare, cui cavendum est superbire: ubi ergo non imminet periculum superbiendi, non est vituperium propria commendatio. In Christo autem hoc periculum non timebatur: ille enim qui super omnia est, quantumcunq; se laudet, non se extollit Excelsus. Item quia aliquando laudabile est quod homo se commendet, quando scilicet cedit ad utilitatem fidelium: & sic Apostolus commendavit se. *2. Cor. 11.* Sed valde est nobis utile & necessariū ut cognoscamus Deum. Unde expedit nobis quod Magnitudinē suā nobis revelet, & ideo oportet quod ipse se nobis laudet, non est igitur veritas, quādoq; tacenda pro vitanda jactantia. *Gregorius in 1. Reg. Mentiedū non est, ut humiles viciatur.* Gregorius. Incantati sunt humiles, qui se mendatio illaqueant, dum arrogantiam vitant, quia contra veritatem se erigunt, quam relinquunt. Qui enim necessitate cogente vera de se bona loquitur, tantō magis humilitati jungitur, quantō veritati subi-ciatur. Tunc arguit à minori. Si ergo ego lavi pedes vestros, Dominus deamur. & Magister, de quo minū videtur, & quod minū erat debitum, & vos sibi met discipuli multō fortius debetis hoc exemplō provocati, alter alterius lavare pedes: & ad omne obsequium humiliari, quia Magister sum, meam Doctrinam recipite. Et quia Dominus, meum mandatum custodite. Hic per unum obsequium accipiuntur synecdochicē omnia alia obsequia fraterna, quasi diceret: Debetis vobis mutua obsequia humilitatis & charitatis exhibere, scilicet invicem ministrare invicem injurias dimittere: pro invicem orare. *Chrysostom. hom. 70. in Matth.* Chrysosto. Non in lavando pedes hanc legem scribit solū, sed & in aliis omnibus, quæ circa nos non monstravit. Exemplum enim dedit vobis, ut quemadmodum ego fecit vobis, humiliando me sub vobis, ita & vos inferiores faciatis vobis invicem: & maxime in casu necessitatis: quasi diceret. Non solū hoc feci propter pedum corporaliū emundationem, sed propter humilitatis eruditionem: & ad hoc feci ut ostenderem vos ad hoc teneri. *Idem ibidē.* Secundū Chrysosto. Christiana Religio potius attendit modum quā opus: quia Dominus non attendit quantum, sed ex quanto: id est; potius hoc, quā illud. *Facta plus quam verba movent.* Et bene docuit humilitatem exemplō. Nam in moralibus & in actibus hominum, plūs movent exempla quā verba. Illud enim hoc agit & elegit, quod sibi videtur bonum. Unde magis ostendit quod illud esset bonum, quod ipse met eligit, quā quod docet. Et inde est quod quando quis docet aliquod, & aliud facit: magis suadet aliis quod facit, quā id quod docet: & ideo maxime necessarium est ex ipso facto dare exemplum. Non est servus major Dominō suo, neque Apostolus, id est; missus, seu nuncius, major eō qui misit illum: & ideo sicut Ego Dominus, & Magister, & mittens me humilio vobis: ita & vos humiliari debetis: & facere æqualibus vestris, quod me vobis minoribus facere vidistis: quasi diceret, secundū Chryso. Si à me hæc facta sunt, multō magis à vobis oportet hæc fieri: debitores enim nos constituit DEUS Ipse incipiens. Qui sedet super Cherubin, pedes lavit proditoris. Tu verò homo, terra & cinis existens: & pulvis & lutum, extollis te ipsum, & magna sapis. Ecce quantum exemplō & verbō eos ad humilitatē invitavit: & doctrinæ suæ de humilitate factum & exemplum humilitatis præmisit: & in hoc convenientē modum docendi ostendit. secundū illud: *Capit JESUS facere & docere.* Hic etiam aperuit in hoc quod Petro dixit: Scies autem potius. *Humilitas.* Augustin. Hoc est Beate Petre quod nesciebas, cum tibi lavandi Christi imitanda. *te pedes non sinebas: hoc tibi postea sciendum promissit, quando ut sine*



fineres terruit te Magister tuus, & Dominus lavans pedes tuos. Didicimus fratres humilitatem ab Excelsis: faciamus invicem humiles, quod humiliter fecit Excelsus. Hæc Augustin. Et ad literam & ad mysticum sensum, hoc mandatum Domini debet impleri: ad literam quidem, ut per charitatem serviamus invicem: non solum in lavando pedes fratrum, sed & in omnibus necessitatibus adjuvando, & opera misericordie exercendo. Quod si non fiat ad literam, scilicet manu, saltem faciamus corde, ut in illorum numero simus quibus dicitur: benedicite Sancti & humiles corde Domino. August. *Augustinus ibidem.* Multo melius est, & sine controversia verius, ut etiam manibus fiat, ne dedignetur quod fecit Christus facere Christianus. Cum nempe ad pedes fratris inclinatur corpus, etiam in corde ipso vel excitatur, vel si jam inerat confirmatur ipsius humilitatis affectus. Hæc Augustin. Sed excepto isto morali intellectu: nihilominus hoc etiam ad mysticum intellectum, & spiritualiter facere debemus. In lotionem nempe pedum, datur intelligi ablutio macularum. Tunc ergo spiritualiter lavas pedes fratris tui, cum Christum imitando abluas, quantum in te est, maculas ejus. Hoc autem fit tripliciter: remittendo scilicet ei offensam, sicut Ille nobis peccantibus peccata dimittit: itemque orando pro peccatis ejus, sicut ille lavit nos à peccatis interpellando Patrem pro nobis, & iste duplex lavandi modus communis est omnibus fidelibus. Tertius modus pertinet ad Prælatos, qui lavare debent remittendo peccata autoritate clavi. Nostrium est ergo donante Domino Ministerium charitatis, & humilitatis adhibere: Illius est exaudire, ac nos ab omni contaminatione peccatorum mundare. Deinde quod dixit sequenti præmio confirmat, dicens: *Si hæc scitis, quæ feci & doceo: beati eritis, hic in* Lucæ 17. *spe, & in futuro in re: si feceritis ea, beati qui audiunt Verbum* Psal. 119. *DEI, & custodiunt illud: & intellectus bonus facientibus ea. Quia* scire bonum, & non facere: non pertinet ad beatitudinem, sed ad condemnationem. Secundum illud: *Scienti bonum & non facienti,* Jacob. 4. *peccatum est illi.* Unde Chrysostomus. Beatitudo non copulatur cum Chrysostomus. *scientia, sed cum opere & lumine scientiæ.* hom. 70. *in Joann.*

## DE CHARITATIVA CORREPTIONE

*proditoris, & Egressu Ejus.*

### CAPUT LV.

Circa tertium autem dolens, & mæstus ausculta. Cum enim hæc Joann. 13. *dixisset JESUS, turbatus, id est; contristatus est, non carnaliter, Matth. 26.* sed spiritu, id est; spiritualiter & ex imperio rationis, quia ipse spiritu suo & potestate fecit in se istam pro passione turbationem, & Marc. 14. *hæc turbatio in parte sensitiva existens, non erat contraria rationi, sed magis conveniens ei virtuosum, nempe est contra vitia turbare: spiritualis turbatio ad pietatem, & misericordiam spectat, sed carnalis furorem & iram excitat, spiritu igitur turbatur JESUS, & misericorditer, sive compatiendo discipulo qui eum tradit, & tradendo perit, sive ut nos doceat quid agere debeamus, quando in magnum facinus, aliquem hominem ruere videmus: sic & Sancti misericorditer & ex charitate turbantur, cum urget eos jam zizania à tritico ante messes separare. Moraliter ergo instruit Prælatos non Excommu-  
debere, quantumcunque; etiam flagitiosos, nisi cum magna compassi-  
one*



one & dolore, à liminibus Sanctæ Matris Ecclesiæ separare. Unde  
*Augustinus* Augustin. Turbetur planè Christianus, non miseriâ, sed misericor-  
*Tract. 60.* diâ, timeat ne pereant homines, conturbetur cū perit aliquis Chri-  
*in Joann.* sto. Concupiscat homines acquiri Christo: latetur dum acquiritur  
 aliquis Christo: timeat & sibi ne pereat Christo, contristetur se pe-  
 regrinari à Christo. Concupiscat regnare cum Christo, latetur cū  
 sperat se regnaturum esse cum Christo. *Et edentibus illis, dixit:*  
*Amen dico vobis, quia unus ex vobis duodecim, qui ubiq; mecum estis,*  
*quorum pedes lavi, quibus tanta promisi, tradet Me Dominum, Me*  
*Magistrum, Me Salvatorem, unus ex vobis: numero, non merito:*  
*corpore, non animo: specie, non virtute. Maxima ingratitudo ju-*  
*da fuit tradere suum Commensalem, in dō Dominum & Nutritorem:*  
 Unde & alius Evangelista, sic dicit: *Ecce manus tradentis me mecum*  
*est in mensa.* Hoc idem posset Dominus hodie dicere de Sacerdoti-  
 bus multis qui mensam Domini indignè attingere præsumunt, qui  
 rursum quantum in se est meritò peccatorum Filium DEI crucifi-  
 gendum tradunt. Per hoc enim quod in mensa denuntavit suum  
 proditorem, designavit quod multi proditoriè veniunt ad suam men-  
 sam. Majus autem peccatum est tradere Christum Regnantem in  
 Cœlis peccatoribus membris, quam ambulanti in terris peccato-  
 ribus judæis. Unde Beda. Sed & hodie quoq; & in sempiternum,  
*Beda in cap.* vix homini illi qui ad mensam Domini malignus accedit: qui insidiis  
*22. Luca.* mente conditis, qui præcordiis aliquo scelere pollutus mysteriorum  
 Christi secretis participare non metuit. Et ille enim in exemplum  
 judæ, Filium hominis tradit, non quidem judæis peccatoribus, sed  
 tamen peccatoribus membris, videlicet suis, quibus illud Inastima-  
 bile & Inviolabile Domini Corpus violare præsumit. Vix inquam,  
 illi homini de quo JESUS, qui Altaribus Sacrosanctis inter immo-  
 landum, utpote proposita cōleeraturus adesse non dubitatur, adstan-  
 tibus sibi ministris cœlestibus conqueri cogitur: ecce, inquit: manus  
 tradentis me mecum est in mensa. Hæc Beda: & ut dicit Origenes.  
*Origenes* Tales sunt omnes in Ecclesia, qui insidiantur fratribus suis, cum  
*Tracta. 35.* quibus ad eandem mensam Corporis Christi frequenter fuerunt. Præ-  
*in Matth.* dixit autē Dominus de proditore, & sic eum quodammodo revela-  
 vit triplici de causa. Primò, ut sic ostenderet se DEUM, qui futu-  
 ra contingentia prævidebat. Secundò, ut ostenderet se spontaneè  
 pati, quia præcavere poterat mortem, quam præsciebat. Tertio,  
 ut proditor pœniteret, qui se non latere audiebat. Unde Hieron.  
*Hieronymus* Quidē passione prædixerat, & de proditore prædicit: dans locum pœ-  
*in cap. 26.* nitentiæ, ut cū intellexisset sciri cogitationes suas, & occultacor-  
*Matth.* dis consilia, pœniteret eum facti sui, & tamē nō designat eum spe-  
 cialiter, ne manifestè coargutus impudentior fiat, sed mittit crimen  
 in numero, ut conscius pœnitentiam agat. Hæc Hierony. Et no-  
*Quot mo-* tandum quod à mali perpetratione solet aliquis quatuor modis re-  
*dis revoce-* trahi, quibus ex magnitudine misericordiæ suæ tentavit Dominus  
*tur aliquis* proditorē discipulum à tanto scelere perpetrando ad pœnitentiam  
*à malè a-* revocare: scilicet pudore cū dicit, *unus ex vobis tradet me, & manus*  
*gendo.* tradentis me mecum est in mensa, timore, per comminationem suppli-  
 cii, cū dicit: *vix autem homini illi per quem Filius Hominis tradetur,*  
 ut qui pudore non vincitur, timore corrigatur: benefici exhibiti-  
 one, cū illum ad mensam suam recipit, & ei pedes lavat affectus o-  
 stensione, in blanda allocutione, cum dicit: *amice ad quid venisti?* Sic  
 exem



exemplū Christi bonus Prælatus subditis & malis debet exhibere beneficia, ut quantum in se est eos à sua revocet vita mala. Sed judas nullo horum frangitur, ne hominem tradat, quem DEI Filium noverat. Passionem ergo JESU Christi piè considerare volenti, occurrit primum perfidia proditoris, qui tantæ fuit fraudis venenò repletus, ut Magistrum & Dominum proderet: tantæ cupiditatis flammâ successus, ut DEUM argentò venundaret, & pretiosum Christi sanguinem vili mercedis pretiò compensaret: tantæ deniq; ingratitude, ut Eum qui omnia sibi commiserat, & ad culmen Apostolici honoris provexerat venundaret ad mortem: tantæ duritiæ, ut nec familiaritate convivii, nec humilitate obsequii nec suavitate colloqui, nec mulcebritate osculi à concepta malitia potuit revocari. O! mira benignitas Christi in discipulū durū: Domini in servū nequissimū. Verū licet inexplicabilis fuerit proditoris impietas: in immensum tamen eam exsuperat Agni DEI dulcissima mansuetudo, in exemplum data mortalibus, ut jam non dicat ab amico exsuperata humana infirmitas: *Si inimicus meus maledixisset mihi sustinuissem utique: Psalm. 40.* quia ecce homo unanimis, qui Dux videbatur & notus, qui panes Christi edebat, & in Sacra illa Cœna dulces capiebat cibos: magnificabat super Eum supplantationem, & levavit calcaneum suum cōtra Eum: quia conabatur supplantare ipsum. Sic hodie multi Prælati, Clerici, & Religiosi qui laute vivunt de Patrimonio Crucifixi: levant calcaneum contra Christum membris suis supplantantes eū, & affligentes calumniis, & exactionibus injustis. Cū autem JESUS dixit eis, unus ex vobis me tradet: hæc vox in corda iplo-*Unus vestrū* rum ut gladius acutus intravit: luctusq; intolerabilis chorū illum *me tradet.* Sanctum tunc assumpsit, & tristati comedere cessaverunt, & inspiciebant seipsos invicem, quasi novo stupore percussi, haesitantes de quo diceret: Non solum propter mortem Magistri sui futuram sunt contristati, sed quia quilibet timebat de se, ne esset ille qui debebat Eum tradere. Erant ergo admirati, quia quilibet eorum præter Judam sentiebat se totaliter firmatum in contrariū dicti ipsius Christi & similiter de suis sociis, sicut de se cogitabat: verumtamen propter firmitatē verborū Christi magis Ejus dicto, quā suis cōsciētiis credebāt & nō haesitabāt de eventurei, sed de illo per quem hoc eveniret: *Contristati ergo valde ceperunt singuli dicere unusquisq; pro se, Nunquid ego sum Domine scilicet qui tradet Te. Et certe noverant undecim Apostoli, quod nihil tale contra Dominum cogitaverant, sed plūs Magistro quā sibi credebant, & timentes fragilitatem suam, tristes quærent de peccato ejus non habent conscientiam. Ut dicitur in Psal. Delicta quis intelligit? Quilibet etiam debet sibi time-* *Psalm. 121* *re de futuro, quantumcūq; sit Sanctus. Et respondens ait: Qui intingit mecum manum in parapside, seu catino, hic me tradet. Ecce humilitas Christi & patientia, quā proditorem ad mensam & scutellam admittit. Et secundū Hierony. In hoc mira apparet Domini pati-* *Hieronymus in cap. 26.* *entia, quia primum dixerat, unus ex vobis me tradet: perseve-* *Matth.* *rat proditor in malo: manifestius arguit, & ramen nomine proprio non designat. Unde per hoc verbum Christi non potuerunt determinatē perpendere quis esset, quia omnes duodecim de eodem vase in circuitu cum Domino edebant: minores autem discipuli seorsim in alia mensa comedeant: quasi diceret, unus ex duodecim Me tradet. Et ex hoc satis apparet quod alii discipuli præsentēs erant? Quod autem Matth. parapsidem, Marcus catinum dicit, unus quadra-*



*Paropsis  
Catinus.*

*Audacia  
juda.*

*Esaiæ 53.*

*Hieronymus  
in cap. 26.  
Matth.*

*Juda scelerata*

*Hieronymus  
ibidem.*

turâ vasis: alter quod esset fictile opus designat. Est nēpe paropsis vas quadratum, habēs pares apfides, id est; latera & extremitates: catinus verò vas fictile, seu luteum ad immittendum liquorem, & ad plura alia aptum. Aspice nunc bene discipulos, & compatere: tam Domino quam eis, quia in magno dolore sunt positi. Ille autē proditor ne verba hæc ad eum pertinere viderentur, comedere non cessavit. Cæteris nempe contristatis ac retrahentibus manus, & interdicentibus cibos ori suo: judas temeritate & impudentiâ, qua proditorus erat Magistrum, manum cū Eo mittit in paropsidem, ut audacia bonam conscientiam mentiretur. Et debes scire quod ipsa mensa erat in terra, & more antiquo in terra sederunt ad Cœnam in cœnaculo strato, quasi jacendo recumbentes. Erat autem ut creditur quadrata, de pluribus tamen tabulis facta. Et prout narravit ille qui eam Romæ in Ecclesia Lateranensi mensuravit, in uno quadro est duorum brachiorum & trium digitorum, & in alio duorum brachiorum, & palmi, ita quod licet strictè & arctè, tamen ut creditur tres discipuli in uno quadro sedebant, & Dominus humiliter in angulo, & Joannes juxta Eum erat, ita quod omnes de uno vase comedere poterant. Ubi adverte convivium humilitatis & charitatis, quia cum pauperibus illis discipulis, & juda proditore in eadē mensa, de eodē cibo & potu, de eodē catino & calice Magister & Dominus participat. Non sic hodie multi Religiosi faciunt, qui dissimiliter à fratribus refici non erubescunt. Et addit JESUS, prædicendo pœnam damnationis traditoris: *Filius quidem hominis vaait, ad passionem voluntariè: sicut scriptum est de Eo, oblatuſ est, quia ipse voluit. Væ autem homini illi, per quem Filius hominis tradetur. Væ* id est; æternaliter peribit, quia væ in Scriptura Sacra æternam damnationem notat. Licet enim judas post factum pœnituerit: hoc tamen inutiliter fuit quia per desperationem se suspendit. Hierony. *Judas autem nec primo, nec secundo correptus, à prodicione retrahit pedem, sed patientiâ Domini nutrit impudentiam suam, & ideo pœna scelerata prædicatur, ut quem pudor non vicerat, corrigant denuntiata supplicia. Et ne mitissimam pœnam ejus intelligeremus, adjungit: bonum ei erat, si natus, scilicet in utero non fuisset homo ille: tot & tantis criminibus fœdatus: qui Patrem occidit, Matrē stupravit, Christū prodidit: seipsū suspēdiō interemit, quia secūdu Hieron. Melius erat ei non esse, quàm ad tormenta esse: multò enim melius est non subsistere: quàm malè subsistere: bonum enim accipitur hic pro minus malo. Minus autem malum est non esse simpliciter, quàm esse damnatū: quia & si nō sit minus malū ratione pœnæ adjūctæ, quæ nō privat totum esse creatum: tamen minus malum est ratione culpæ mortalis, quæ inseparabiliter adhæret damnatis, & ipsa nō solum privat quoddam esse creatum sicut pœna: sed etiam privat bonum infinitum scilicet Divinum propter quod esse miserum, miseriam culpæ mortalis æternaliter, hoc est pejus quàm sit non esse simpliciter. Et quia cæteri discipuli Eum tristes interrogaverant: interrogat Eum & Ipse quem conscientia remordebat, ne tacendo se crimen suum prodere videretur. Si nempe Ipse aliis de hoc quærentibus tacuisset, suspēctū se eis reddidisset, unde dixit: *Nunquid Ego sum Rabbi?* non vocat Eū Dominū, sicut alii, quia jam à se excusserat jugum Domini, aliis sub Ejus jugo remanentibus. Et secundum Hierony. Non Dominum, sed Magistrum vocat: quasi exculationem habeat, si Domino denegato saltem Magistrum prodiderit. Et ait, *tu dixisti:* quasi diceret*

secun-



secundum Rabanum, Tu prodidisti Te, non ego. Eadem ratione confutatus est proditor, quia Pilatus iniquus iudicator. Nondum coram eis Eum exprimit, nec delictum suum in hoc alius publicavit, sed conscientia iudae se ejus delictum scire significavit, poterat enim per hoc verbum mentem iudae sic movere, quod alios latebat: unde potest sic intelligi. Ego non dico, sed tu dicis. Vel potest exponi de assertionem cordis quasi diceret. Ore interrogas, quasi nescius: sed corde dicis, & ratum habes te esse proditorem. Ecce miser homo vides Dominum omnia scire, nec tuam conscientiam Eum latere: cessa igitur & confitere. Hic admonemur ut peccantem primo cum mansuetudine arguamus: post si peccaverit gravius, ad ultimum gravissimè. Hanc enim formam nobis Dominus reliquit, qui primo dixit: *unus ex vobis me tradet*, secundo, *qui intingit mecum manum in parapside, hic me tradet*: tertio, *tu dixisti*. Erat autem Joannes recumbens, id est: reclinatus, sermonibus istis territus, & seipsum sustinere non valens, eo quod terrore erat resolutus: *in sinu*, sive supra pectus Jesu, quia inclinatè quasi ante pectus, & prope os ejus appodiavit se super Dominum, sicut innixus super dilectum suum: & sic erat idoneè positus ad interrogandum aliquid secretè ab eo, & audiendum. Cum ergo ista quaestio à singulis fieret: *innuit illi Petrus: & dicit ei, quis est de quo dicit*: id est, non verbis & sonando, sed tantummodo nutu corporis, & innuendo dixit ei ut secretò quæreretur à Domino, quis esset de quo dixerat. Vel primo *innuit*, & deinde non cōtētus nutu dixit. Nota Petri reverentiam, propter quā licet Major, & Princeps Apostolorum non interrogat Dominum per se, sed per minorem. Et cum Joannes submissa voce hoc quæreretur, Dominus JESUS familiariter ei, tanquam singulariter dilecto, submissa voce aperuit, & proditorem suum tacitè expressit, ne alii audirent, cui scilicet panem intinctum porrigeret. Joanni igitur, ut secretario suo, expressi apertò signò: non tamen nomine nec omnibus: in hoc nos instruens non debere crimina proximorum propalare aliis. Ideo enim secundum Chrysostomum. Noluit Christus judam proditorem publicare, ut nos doceret quod peccata occulta aliorum publicare non debemus: quia sicut est mortale peccatum innocentem falsum crimen imponere: sic verum crimen occultum, aliis revelare. Et statim bucellam tantum intinctam, non consecratam, judae porrexit: quae corpus suum non erat, quia quod verum panem de Caelo tradere insidiosè studebat: non illò, sed aliò intinctò revelari merebatur. Et ideo statutum est, quod Eucharistia intincta non detur fidelibus: & etiam pro haeresi tollenda, quae dogmatizavit totum Christum sub utraq; esse, & neutra tantum forma Dominus per bucellam intinctam suam exprimit traditorem: fortassis per panis intinctionem, illius significans fictionem: quia sicut panis intinctus habet colorem, & saporem in superficie alium quam interius: ita judas simulabat se exterius Christi discipulum & diligere Magistrum, cum tamen interius proditor ejus esset, & proditorem tractaret. Joannes autem stupefactus, & cordialiter gladiatus, versus Dominum magis se inclinavit, & supra pectus ejus recubuit. Petro autem Dominus non dixit, nec ipse Joannes, quamvis ad nutum ejus quassisset, quia erat ita fervidus, quod statim in proditorem insurrexisset, & eum interfecisset. Sed hoc noluit Dominus ne dispensatio consilii Divini impediretur: quod autem Petrus Joanni interrogationem committit: habet etiam rationem mysticam.

Arguent  
forma.

Chrysostomus  
hom. 32.  
in Joann.



Contempla-  
tivi officiū.

Per Petrum nempe designatur vita activa: per Joannem, contempla-  
tiva. Petrus ergo per Joannem à Christo instruitur, quia activa vita de  
Divinis, per contemplativam informatur. Unde habes hic argumen-  
tum, & figuram, quod contemplativus non intromittit se de actibus  
extrinsecis: vindictam etiam non expetit de ipsius DEI offensis, sed  
inde interius gemit, & per orationem ad DEUM se convertit, ac for-  
tius per contemplationem approximans, eiq; adhærens omnia suæ di-  
spositioni committit: & hoc de tempore vacationis intellige, cum co-  
piam sponsi habet apud se. Nam aliquando ipse contemplativus ex  
zelo DEI & animarum, vel ratione officii imminentis, exterius exit: &  
similiter quoniam sponso, ut revocetur avidius, & teneatur fortius, ad  
tempus recedente non sentit solitas consolationes, in activam se redu-  
cit, ut vel sic sponso fructificet. Non nempe decet contemplatorem  
esse desidiosum. Hinc etiam potest colligi quod contemplativus  
secretū Domini nō debet revelare nisi fortè fraternæ salutis ut gereret  
zelus, vel supernæ revelationis dictaret instinctus. Nunc ergo conspi-  
ce Domini benignitatem, quomodo dilectum suum discipulum in sinu  
supra pectus suum retinet: in quo & magna humilitas ejus claret. O.

Joannis in  
Christum  
amor.

Anselmus de  
Passione Dñi

quam tenerrimè se invicem diligebant: & ideo de pectore & sinu, id est;  
secreto sapientiæ Domini Sacramentum divinitatis, & specialiter Evā-  
gelium quod scripsit hauriebat: & bibens inebriatus est. Unde Ansel.  
Quisnam ille est, rogo Te, qui supra pectus ejus recubuit & in sinu ejus  
caput reclinat? Felix quicūq; es. O! certè ecce jā video. Joānes est no-  
mē Ejus. O Joānes quid Tibi dulcedinis, quid gratiæ & suavitatis, quid  
luminis & devotionis hauriebas ab illo Fōte? Ibi certè omnes thesauri  
sapientiæ, & scientiæ Dei absconditi sunt. Ibi fons misericordiæ: ibi domi-  
ciliū pietatis, ibi favus æternæ suavitatis: unde tibi o! Joannes omnia  
ista? Nunquid Tu sublimior Petrō, Andrēā sanctior, aut certè omni-  
būs Apostolis gratiosior? Speciale hoc privilegium virginittatis, quia

Virginita-  
tis privile-  
gium.

Virgo es electus à Domino, atq; inter ceteros magis dilectus. Jam nūc  
exulta virgo, accede propius, & aliquam hujus dulcedinis porcionem  
vendicare non differas. Si potiora non potes, dimitte Joanni pectus,  
ubi se cum vino lætitiæ in divinitatis cognitione inebriat: tu currens  
ad humanitatis ubera, lac exprime quod nutriaris. Hæc Ansel. Cōspi-  
ce etiam alios discipulos multum mæstos, ad prædictam vocem Domi-  
ni non comedentes, seseq; invicem aspicientes, & super his consilium  
capere nescientes. Cum ergo JESUS panem intinctum judæ dedisset:  
post buccellam, per quam vidit eum designatum: intravit satanas in eum,  
non tunc primò & de novo, cum jam Christum prius vendidisset: sed  
ad ampliùs, quasi proprium ac sibi jam traditum plenius possidendum,  
& suæ servituti subjugandum, & ad quæcunq; vellet noxia agenda tra-  
hendum: in quem ante introverat, quasi alienum, ad tentandum &  
decipiendum. Intravit in eum, ut totum eum occuparet: & quem ma-  
lignis cogitationibūs obligaret, jam ipso impietatis opere possideret.  
Ingratus enim beneficiorū Christi factus est in potestate demonis ma-  
gis quàm ante: sicut Apostoli, qui jam post resurrectionem acceperāt  
Spiritus Sanctum insufflante Domino: postea iterum ipsum plenius

Satanam in-  
trare in ho-  
minem.

acceperunt in die Pentecostes. Ubi sciendum quod satanam intrare  
hominem, potest dupliciter intelligi: quia vel intrare in corpus homi-  
nis: sicut patet in demoniacis, & sic potest essentialiter intrare in ho-  
minem: vel intrare in mentem, ita quod menti essentialiter illaba-  
tur, & sic nullus potest intrare in hominem, nisi solus. D. E. U. S.  
Anima



Anima enim rationalis non habet dimensiones quantitatis, ut aliquid in ea esse dicatur, quasi infra dimensiones ejus contentum, & sic nihil potest in ea esse nisi quod ei dat esse quod est ibi per virtutem suam: & ubi autem est virtus, Dei, ibi est & essentia Dei: in Deo enim idem est virtus & essentia: & ideo Deus essentialiter est in anima, cujus solius est implere naturam, siue substantiam ab Eo creatam: dicitur tamen Satan illabi menti humanæ, per affectum & effectum malitiæ, scilicet in quantum homo ab eo seductus sequitur eum ad perpetrandum malum quod suggerit: & sic per fraudulentam deceptionem, & malitiam habitare dicitur in eo quem implet: & hoc modo intravit in judam, ut plenius possideret, & ad perpetrandum malum induceret. In cujus cor prius miserat ut deciperet, & ad præbendum assensum malo induceret. A simili, quando ostium est ita forte, quod latro nec violenter, nec latenter potest intrare: tunc quandoque latrunculum per fenestram submittit, qui postea ostium latroni aperit: & sic latro intrat. Latro, est diabolus: domus fortis, voluntas: latrunculus, mala cogitatio vel delectatio. Quando ergo diabolus potest intrare per aliquam complacentiam: hic aperit ostium consensûs: & sic diabolus intrat, & spoliatur animam bonis suis. Vnde Origenes: Cavendum nobis est, ne diabolus intrudet in cor nostrum aliquid ignitorum telorum suorum: nam si introduxerit, insidiatur deinde ut & ipse introeat. In hoc autem quod buccella supposita apertius introivit, Satan in judam, perpende quantum est malum commensale alicujus post esse ingrati, & beneficia immemor. Deinde ponitur proditoris permissio: non enim poterat aliquid facere nisi Christo permittente. Ideo dixit ei: quod facis, scilicet voluntate: fac, id est facias citius. Et bene dicit, quod facis, quia voluntatis crimen pro facto reputatur. Festinat Dominus in bonum salutis fidelium quod judas operatur, sed non sibi. Multi quippe bonum, ut judas faciunt: sed omnino nihil eis proficit, quia bonum facere non intendunt. Non tamen Dominus impellit judam ad proditoris culpam: sed ostendit se scire salutem nostram. Vnde non dicit hoc, præcipiendo facinus, vel consulendo; quia præceptum Divinum, vel consilium, non potest esse de faciendis malis: sed tantum prædicendo & permittendo; dans in se potestatem, quia vidit ejus animum præ nimio desiderio implendi quod cœperat acceleratum, non posse quiescere sed implere non poterat, nisi ipse Dominus permitteret. Dicit etiam hoc Dominus crimen proditoris exprobrando: ut ostenderet quod dum ipse beneficia conferret, ille mortem intentaret. Dicit insuper hoc, ad opus nostræ redemptionis anhelando, non tam in perniciem perfidi sapiendo, quam ad salutem fidelium festinando. Cum ergo judas buccellam de manu Domini accepisset exivit continuo ad querendum cohortem quæ Christum caperet. In quo significatur quod sacerdos sumens corpus Christi indigne, magis elongatur à Deo: quia enim bono male usus est, hæc præsumptio peccatum auxit, ut ingratus beneficiis Domini, aperte ab eo recederet. *Erat autem nox* quod expressit Evangelista, ad ostendendum oportunitatem temporis ad peragendum prodicionem: & ad denotandum in juda mentis tenebrositatem. Vnde congruit hoc bene Sacramentis: erat enim qui exiit filius noctis, faciens opera tenebrarum: ibatque in noctem seu tenebras & mortem: quia ergo judas ex bonorum societate non profecit, ob hoc majori poenâ dignus fuit. Vnde Chrysos: Sicut boni & perfecti duplici sunt digni honore, quoniam & benigni sunt facti, & nihil à malis nocuementi senserunt sic & mali duplici sunt digni poenâ, & quia mali facti sunt, cum possent effici boni, quod ostendunt qui facti sunt boni, & quia nihil à bonis lucrati sunt. Cum ergo exisset judas ad procurandum Christi mortem, dixit Iesus: Nunc clarificatus est Filius hominis, id est ejectio tenebrosæ remanserunt soli mundi, cum sub Mündatore. Nunc, inquit, quia caligo noctis & tenebrarum recessit à discipulis meis, nunc filius hominis clarificatus est in eis, nunc nihil caliginis & tenebrarum sentit in ipsis. Vnde Anselmus, Hoc quoque erat mansuetudinis tuæ Domine Iesu, quod perfidum illum in cetu fratrum palam detegere, & confundere noluisti, sed leviter admonitum, accelerare iussisti quod parabat. In omnibus his non est aversus furor ejus malignus à te, sed egressus foras satagebat circa frequens maleficium. Tunc clarificata est familia tua Christe in mundum societatis Angelicæ. Hæc Anselmus. Possunt etiam hæc res significantes

Origenes  
tomo 32.  
in Ioan.

Commensalis proditoris iniquitas.

Chrysos.  
sermo. de  
virtutib.  
& vitijs  
tomo 5.

Egressus  
juda.



Auguſt. *tract. 63 in Ioan.* tanquam illæ quæ ſignificantur accipi. *Nunc*, inquit, clarificatus eſt filius hominis in ſe, in cauſa, non in effectu, quia modo inchoata eſt traditio paſſionis, cuius merito ex congrua datur ei claritas reſurrectionis & aſcenſionis. Similiter in corpore myſtico eſt clarificatus: quia judæ exitus malorum à bono ſignat ſegregationem, & *Deus clarificatus eſt in eo*: quia ſcilicet non quæſivit niſi gloriam Patris. Hôc ergo factô ſeparationis judæ à ſocietate Chriſti, & Apoſtolorum præfigurata fuit reprobôrum ſeparatio tempore judiciî à conſortio Chriſti & electorum: quia tunc apparebit gloria magna Chriſti: membraq; adhærebunt capiti, & paleæ amovebuntur concremandæ igni inextinguiibili. Vnde Auguſt. Exeunte immundo, omnes mundi cum ſuo Mundatore manſerunt. Tale aliquid erit cum zizaniis à tritico ſeparatis: juſti ſicut ſol fulgebunt in regno Patris ſui. Hoc futurum prævidens Deus, diſcedente judæ, tamquam zizaniis ſeparatis, remanentibus tanquam tritico Apoſtoliſ ſanctis, nunc inquit, clarificatus eſt Filius hominis tanquam diceret, Ecce in illa mea clarificatione quid erit, ubi malorum nullus erit, ubi bonorum nullus peribit.

## DE INSTITUTIONE SACRAMENTI Eucharistiæ. Cap. LVI.

*Mat. 26. Mar. 14. & Luca 22.* **C**irca quartum verò meditando obſtupeſce illam chariſſimam dignationem, & dignatiſſimam charitatem, quâ nobis tradidit & reliquit ſemetipſum, ſcilicet Sacraſſimum Corpus & Sanguinem ſuum verè in cibum & potum: ut quod erat futurum in proximo Sacrificium Deo placens, & redemptionis noſtræ impreſtiabile pretium, eſſet viaticum noſtrum & ſuſtentamentum: quia hoc Sacramentum quod per excellentiam dicitur Euchariftia, id eſt bona gratia, quotidie reficit & renovat ferventia, corda & devota. Volens ergo Dominus Ieſus finem dare legalibus ſacrificiis: & novum incipere teſtamentum, ſeipſum noſtrum facit ſacrificium, & poſt cœnam legalem, mox ſpiritualem cœnam Chriſtianorum præparat: ut de lege ad Evangelium: de veteri & tranſitorio teſtamento, ad novum & æternum teſtamentum: de figura ad veritatem, de carnalibus ad ſpiritualia tranſeat. Beda: Finitis veteris Paſchæ ſolemnis, quæ in commemorationem antiquæ de Aegypto liberationis agebantur, tranſit ad novum, quod in ſuæ redemptionis memoriam eccleſiam frequentare deſiderat: pro carne & ſanguine agni, ſuæ carnis & ſanguinis Sacramentum in panis & vini figura ſubſtituens: Sacerdos in æternum factus, ſecundum ordinem Melchizedech. Et *cenantibus illis*, id eſt cœnam agni typici perficientibus & conſummantibus, vel poſt eſum agni typici adhuc in cœna reſidentibus, antequam ſurgerent de cœna: *accepit Ieſus panem* azimum, non fermentatum: & oculis ad Patrem elevatis, *gratias agens*, pro veteribus terminatis, & novis inchoandis: *benedixit*, dicendo illud quod ſequitur ſcilicet *hoc eſt Corpus meum*, ac *fregit*, ſcilicet poſt conſecrationem: *deditq; diſcipulis ſuis*, dicens, ſcilicet priuſquam frangeret, vel ſimul quando frangebatur: *accipite*, Enim, non ſcilicet ex hoc omnes: *hoc eſt corpus meum*, quod pro vobis tradetur. Eccleſia addidit, *omittendū enim*: & ideo ſemper eſt dicendum. Et ſimiliter accipiens calicem, non *venit enim conſecratione*. *Accipite & bibite ex eo omnes*, *hic eſt ſanguis meus*, qui pro vobis effundetur. Quibus verbis hoc Sacramentum inſtituit & tacitè præmiſſum deſtituit. Vnde creditur cum Dominus dixit *hoc eſt Corpus meum*, *hic eſt ſanguis meus*, mutaviſſe panem & vinum in Carnem & Sanguinem: & tunc eandem vim contuliſſe illis in poſterum: & ideo cum proferuntur in canone, ex virtute eorum fit tranſubſtantiatione: quia verba conſecrationis efficiunt quod figurant. Si enim verbum Chriſti tantæ eſt virtutis, quod fecit de nihilo omnem creaturam: non eſt mirum ſi unam creaturam convertat in aliam: Chryſoſtomus: Sicut illa vox quæ dixit, *crescite & multiplicamini*, & implete terram: ſemel quidem dicta eſt, ſed omni tempore ſentit effectum ad generationem operante natura: ita & vox iſta ſemel quidem dicta eſt, ſed per omnes menſas eccleſiæ, uſque in hodiernum diem, & uſque ad eius adventum præſtat ſacrificio firmitatem. Hæc Chryſoſt. Eſt autem ibi altare, ubi Dominus ordinavit Sacra-



eramentum Eucharistiæ. Ob cuius institutionem est, quod in hac die cum *Christus*  
omnes horæ sint flebiles, sola missa est solennis: tanquam in suo natali, scilicet *sum corpus*  
in die suæ institutionis. Eadem quoque die chrisma conficitur, quod frontes *sumpsit.*  
linuntur, quia eadem die postea agni sanguine linebantur. Aspice nunc be-  
ne quomodo diligenter ac fideliter, & devotè Dominus prædicta facit: &  
propriis manibûs illam dilectam & benedictam familiam suam communicat.  
Non enim est intelligendum, quod discipuli sumptum corpus de manu Do-  
mini sibi ministrarent: sed qui consecravit, ipse & ministravit. In cuius si-  
gnum omnes religiosi deberent in die cœnæ recipere Corpus Christi, de ma-  
nu Prælati sui. Sumpsit etiam ipse Sacramentum corporis & sanguinis sui,  
non propter sui indigentiam, & ut aliquem à Sacramento consequeretur effe-  
ctum: sed gratiâ exempli, scilicet ut aliis daret manducandi exemplum. Sum-  
psit autem modò illud Sacramentaliter tantum, non spirituali. Per hoc autem  
quod Christus morti propinquus, non solum agnum typicum, sed etiam Cor-  
pus suum verum Sacramentaliter cum Apostolis manducavit: ostenditur quod  
quilibet Christianus, periculo mortis imminente, debet (si potest) Sacramen-  
taliter communicare: & si non potest, communicet saltem fide. Secundum *August.*  
illud verbum August. Crede, & manducasti. Attende etiam Sacramenti di-*traf. 25.*  
gnitatem, & reverentiam, & ordinem circa ipsum: quoniam primò gratias *in Ioan.*  
egit pro tanto mysterio, circa quod Divina virtus operatur secretius: & pro  
tanto beneficio, ut corpus & sanguinem suum det nobis & per hoc ostendit  
quod in sumptione, & ante sumptionem huius Sacramenti, præexigitur devo-  
tio & oratio, ac mentis in Deum elevatio. In hoc etiam tribuit nobis exem-  
plum, glorificandi Deum in omni bona inchoatione. Beda: Et sicut de ve-*Beda in*  
teribus terminandis egerat: sic & de novis incipiendis gratias agit: nobis *cap. 22.*  
pariter exemplum tribuens, in omni boni operis inchoatione, vel perfecti-*Luce.*  
one, Patrem qui in cœlis est, esse glorificandum. Deinde *benedixit*, dicendo  
verba quæ sequuntur, *hoc est Corpus meum*, hoc, scilicet quod sub specie panis  
videtis: quod nunc do, & quod nunc sumitis: quod pro vobis, & vestri re-  
demptione tradetur, ad flagellandum, & crucifigendum. Ex quo videtur *Hoc quid*  
quod ly hoc, non demonstrat speciem panis simpliciter, nec Corpus Christi *demonstret*  
simpliciter, sed Corpus Christi sub specie panis apparens. Vnde etiam vi-  
detur quod nulla alia intelligatur benedictio, quam sacrorum verborum pro-  
latio. Transmutatio autem fit in ultimo instanti prolatae orationis. Vnde  
ly hoc, demonstrat corpus Christi, non pro tempore pro quo profertur, sed  
completa oratione: ut cum dicitur, hoc est bonum verbum, Deum time. Et  
tunc fregit, ut secundum Bedam, ostenderet Corporis sui fractionem, idest *Beda ibi-*  
passionem, non sine sua sponte & opere futuram. Frangimus & nos in si-*dem.*  
gnum quia fregerit: sed nihilominus integer post manet: pane nempe in  
corpus Christi transsubstantiato, frangi dicitur: non quod Corpus Christi,  
quod integrum sub qualibet parte manet, frangatur: sed accidentia, sub qui-  
bus corpus manet franguntur. Debet autem fractio fieri in tres partes: in si-  
gnum quod fractus est tripliciter Christus, scilicet flagellis ante passionem,  
clavis in passione, lanceâ post passionem. Item propter tres partes ecclesiæ: *Fractio*  
nam prima pars notat sanctos in cœlis. Secunda, saluandos, qui sunt in pæ-*in tres*  
nis. Tertia mixta, vivos quos adhuc hæc vita sustentat in terris. *Deinde partes.*  
*dedit discipulis suis*, ad usum, ut ad se species panis converterent, & ipsi in  
Christum converterentur. Vnde August. Dictum est à Domino, ne tu me *August. lib.*  
mutabis in te, sicut cibum carnis tuæ: sed tu mutaberis in me. Et ait, *Acci- 7. confessi-*  
*pite et comedite*, ubi utramque huius Sacramenti innuit comestionem: Sacra-*onum cap.*  
mentalem, scilicet & spiritualem, ut accipiant mente & corpore, & comedant *10.*  
fide & ore, ac gustent & videant devotione: quoniam suavis est Dominus.  
Est enim manna in sapore habens omne delectamentum, & omnis saporis *Psal 33.*  
suavitatem: ac sibi incorporent, recogitatione: servantes in corde pretium  
redemptionis suæ. Non est ergo sic intelligendum, quod prius frangeret *Fractio post*  
& daret discipulis: ac postea diceret verba consecrationis: sed magis è con- *consecrati-*  
verso, quia Christus dedit Corpus suum consecratum Apostolis: & ideo prius *non.*  
dixit verba consecrationis. Per Iesum, qui salus interpretatur, bonus Præ-  
latus



latus Christi Vicarius, & de sua subditorumq; salute sollicitus, intelligitur. Hic accipit panem, cum diligenter studet sacrae scripturae: gratias agit & benedicit, quando Deo attribuit ejus diligentiam. Frangit autem & dat, *Thren. 4.* devotè prædicando eam. Econtra de ignorante & negligente, dicitur in Threnis: Parvuli petierunt panem, & non erat qui frangeret eis. *Et accipiens calicem,* cum vino aqua mixto, passionem suam præsignantem: *gratias egit,* pro redemptione humano generi collata per illam: nec non in aduersis, & pro aduersis, quòd non pro se, sed pro nobis hæc tulit: monstrans in hoc ut Dominum laudemus, quando flagella videmus, & gratias agamus in omni tribulatione, quæ significatur in nomine calicis. Vnde Chrysoſt. Gratias egit, docens nos qualiter oportet hoc mysterium perficere: & erudiens nos quodcunque patimur cū gratiarū actione ferre. Vnde & Beda: Qui nihil dignū percussione exhibuit, humiliter in percussione benedicit ut hic videlicet ostendat quid unusquisque in flagello culpæ propriæ facere debeat, si ipse æquanimiter flagella culpæ alienæ portat: ut hinc etiam ostendat quid in correptione faciat subditus, si in flagello positus Patri gratias agit æqualis. Deinde *benedixit dicens, hic est sanguis meus:* qui scilicet sub specie vini apparet, *novi testamenti,* scilicet & ad novi testamenti confirmationem: quia sicut vetus testamentum confirmatum est in sanguine animalium immolatorum, ita novum testamentum sanguine Christi est confirmatum: in quo apparet excellentia novitamenti, respectu veteris. Et addit, *quod pro vobis & multis* redimendis, & in cœlestem hæreditatem introducendis *effundetur in remissionem peccatorum.* Dicit autem, pro multis, efficienter: sed pro omnibus, sufficienter: quia Sanguis Christi pro omnibus effusus fuit quantum ad sufficientiam: sed non fuit effusus pro omnibus, quantum ad efficientiam: quia non omnes emundat, quamvis omnes emundare sufficeret, si fide & dilectione, ac Sacramentorum perceptione virtutes ejus attingerent. Deinde *dedit eis, dicens: bibite ex hoc omnes,* ut sitis passionis meæ repræsentatores, idest imitami meam passionem, quia nisi compatiamini, non conregnabitis. Bibit autem ipse primò sanguinem suum: inducens eos etiam ad bibendum. Et notandum quod sicut tunc, ita & in primitiva ecclesia homines qui missæ intererant, sumebant Sacramentum unitatis: nunc autem quia non possunt omnes dignè sumere, sumunt aliud saltem signum unitatis, id est osculum pacis: quod tradens sacerdos & dicens: Accipe vinculum pacis, idem est, acsi diceret, *sumite ex hoc omnes, vel Accipite, & dividite inter vos.* Per calicem persecutio signatur in scriptura. Hic calix sumitur, patienter tolerando: & datur aliis, ad simile exhortando. Advertendum autem quòd istud Sacramentum sub duplici spectum curcie, scilicet panis & vini, est institutum: quia ordinatur ad corporis & animæ sub duplici salutem: vel ad significandum perfectam animæ refectionem: sicut ex cibi speciebo & potu fit perfecta corporis refectio. Separatim tamen fit corporis & institutum sanguinis consecratio, quia in passione fuit sanguis sepeperatus à corpore. Hoc autem Sacramentum institutum est, quasi quoddam memoriale illius passionis: & ideo consecratio corporis & sanguinis fit sub speciebus distinctis. Considerandum tamen quòd sub utraq; specie est totus Christus indivisus: scilicet corpus & sanguis, ac anima & Deitas: ac per hoc utrobique est unum & simplicissimum Sacramentum: aliter tamen & aliter. Sub specie namque panis, est tantum corpus ex vi conversionis vel sacramenti: cætera autem sunt ibi ex concomitantia reali, seu naturali & inseparabili: quia sanguis est ibi, per connexionem: & anima, per conjunctionem: & Deitas, per unionem. Ista enim quatuor non possunt dividi, nec abinvicem separari. Similiter sub specie vini, est tantum sanguis, ex vi conversionis & Sacramenti: cætera autem ex concomitantia sunt ibi. Et licet in primitiva ecclesia populus sub utraque communicaret: postea tamen providè ordinatum est, ut non communicaret sub specie vini, propter periculum effusionis: & quia sub specie panis quodammodo sanguis accipitur, inquantum ibi continetur. Eucharistia itaque formaliter & perfectissime est unum Sacramentum, materialiter vero plura: quia ibi concurrunt duo, scilicet cibus & potus & propter hoc quandoque exprimitur pluraliter, sicut in collecta: Purificent nos quæsumus



mus Domine Sacramenta quæ sumpſimus: & ſubditur poſt ſingulariter, & præſta ut hoc Tui Corporis Sacramentum &c. Panis *Aqua ſignificatio.* quippe Sacramentum eſt Corporis, & vinum Sangvinis, aqua verò ſignificatio. quæ apponitur, notat ſimilitudinē, vel illius aquæ quæ fluxit de Chriſti latere, vel fidei Eccleſiæ: ut neq; Chriſtus ſine Eccleſia, neq; Eccleſia ſine Chriſto ſit: ſed Ejus carni & animæ uniatur & conformetur. Et ideo vinum aquæ mixtum offertur, ut oſtendatur quia caput & membra id eſt; Chriſtus & Eccleſia, unum corpus ſunt. Sunt autem tria in Sacramento iſta conſideranda: unum, quod tantum eſt Sacramentū, ſc. ſpecies viſibilis panis & vini: alterū, quod eſt Sacramentū & res, ſc. Caro Chriſti propria & ſanguis: tertium, quod eſt res & nō Sacramentum: videlicet Miſtica Chriſti Caro, ſcilicet Eccleſiæ unitas. Res ergo ſignificata & contenta in hoc Sacramento, eſt verum Corpus Chriſti, quod traxit de Virgine: res non contenta, ſed tantum ſignificata eſt Corpus Chriſti myſticum, quod conjungitur capiti per charitatem. De hoc Corpore Chriſti myſtico, ſcilicet unitate Eccleſiæ, dictum eſt ſupra de verbis Domini, pro quibus quidam retrō abierunt. Eſt etiam corpus Dominicum Sacramentum incarnatæ Divinitatis. Auguſtin. Illud Corpus viſibile & palpabile, Sacramentū eſt inviſibilis formæ, id eſt; Panis Cœleſtis: quō vivunt Angeli. Cū enim nihil geſſit in corpore anima Chriſti, niſi quantum Verbum cui unita eſt inſpirabat: quis non iudicet Corpus eſſe Sacramentum inhabitantis Divinitatis? Et iterum: Chriſti viſibilis forma nobis modo Chriſtus Sacramentū eſt. inviſibilis, res eſt viſibilis Sacramenti Altaris: & inviſibilis forma Cœleſtis panis, quō vivunt Angeli, res eſt, viſibilis & palpabilis formæ Chriſti. Eſt ita Chriſtus & Sacramentum, & res Sacramenti. *Mirabilia in Euchariſtia.* ta mirabilia ſunt in hoc Sacramento. Primum quod ibi eſt Corpus Chriſti in tanta quantitate, ſicut fuit in Cruce: & ſicut jam eſt in Cœlo: nec tamen excedit illius parvæ formæ terminos, vel quantitatem. Unde mirum eſt quomodo ſub tam modica ſpecie tantus homo lateat. Secundum eſt, quod ibi ſunt accidentia ſine ſubjecto: quia enim in DEUM non cadit accidens: ideo accidentia quæ prius erant in ſubjecto, ſcilicet in pane, poſtea ſunt ſine ſubjecto. Tertium eſt, quod panis ita convertitur in Corpus Chriſti, quod tamen non eſt materia Corporis: nec etiam animæ. Quartum eſt, quod corpus non augetur ex multarum hoſtiarum conſecratione: & e con-verſo non minuitur ex earum ſumptione. Quintum eſt, quod idem Corpus ſimul in pluribus locis id eſt; ſub omnibus hoſtiis conſecratis eſt. DEO enim convenit eſſe ubiq; ſimpliciter & proprie: creaturæ verò in loco uno tantum eſſe: Corpus verò Chriſti mediō modo habet ſe. Cū enim ſic creatura, non debet coꝛquari Creatori in hoc, quod ſit ubiq; cū verò ſit unitum Divinitati, debet in hoc alia corpora excellere, ut ſimul & ſemel poſſit in pluribus locis eſſe, ſub iſto videlicet Sacramento. Sextum eſt, quod cū dividitur hoſtia, non dividitur Chriſti Corpus: ſed ſub qualibet parte totus eſt Chriſtus. Unde hæc fractura in forma eſt panis, non in Chriſti Corpore: quia totus Chriſtus indiviſus ſumitur ſub qualibet parte. Sicut integro ſpeculo tota & unica forma relucet in tota: & in fracto ſpeculo ſit unius & ejusdem formæ numerò, & totius integræ formæ ad quamlibet ſpeculi fracturam reflexio. Septimum eſt, quando tenetur hoſtia in manib; & videtur oculis, Corpus Chriſti nec tangitur manib; nec videtur oculis: ſed hoc totum tantummodo circa ſpecies agitur, ſicut & quando dividitur. Octavum eſt, quod



cum non sit ibi panis vel vinum, tamen accidentia eundem habent effectum, quem prius: ut satiare, inebriare, & huiusmodi. Nonum est, quod statim cum desinunt illæ species, tunc etiam ibi desinunt esse Corpus Christi & sanguis. Hugo: quamdiu sensus corporis afficitur, corporalis præsentia non aufertur: sed deinceps Christus transit de ore ad eor, & manet virtus ac præsentia spiritualis tantum. Et licet post sumptionem desinat ibi esse Corpus & sanguis Christi: cavere tamen debet communicans ne post communionem sputat, maxime ante comestionem in loco immundo: vel ubi possit sputum pedibus cõculcari: & hoc propter periculũ, & ob reverentiã rati Sacramenti. Tãdẽ quoq; Dominus in amoris recordationẽ subjũxit: *Hoc, scilicet Sacramentum facite*, id est; conficite vel celebrate: accipite & date: *in meam*, id est; in passionis meæ commemorationem: quia Eucharistiæ consecratio, est quædam Dominicæ passionis rememorationis. Hoc exponit Apostolus dicens: *Quotiescunquẽ manducabitis Panem hunc, & calicem bibetis, mortem Domini annuntiabitis donec veniat*, scilicet, Ipse Dominus ad iudicium. Pascha nempe legale fuit in præfiguratione Paschæ futuri: Sed Evangelicum sit in cõmemoratione præteriti, scilicet passionis Christi. In memoriam ergo illius beneficii inexpressibilis Christus instituit Sacramentum Altaris, dicens itaq; *hoc facite in meam commemorationem*. Ordinavit eos in Sacerdotes: & dedit eis potestatem conficiendi Sacramentum Corporis & sanguinis sui. Hoc igitur colit Ecclesia, passumq; Christum retractat, cum illud Corpus Domini consecrat, & Sacerdos cum levat Corpus Domini repræsentat quod Christus in Cruce sit levatus. Illud nempe Corpus est, quod & ipse sacrauit, quod Crucifixum est & mori sustinuit. Hoc est illud memoriale, quod animam gratam, cum ipsum suum memoriam scipit manducando & bibendo, vel etiam fideliter meditando debet ale Domini, totam ignire & inebriare: & in Ipsum Dominum præ amoris & devotionis vehementia totaliter transformare. Nihil enim majus, ca-Eucharistiarum, dulcius, vel utilius nobis relinquere potuit quàm seipsum. Ipse Christus. nãq; quem in Sacramento Altaris, hodie per Eum instituto, sumimus: Ille idem est qui de Virgine incarnatus & natus ubera Ejus suxit, qui pro te crucifixus mortem sustinuit, & qui resurgens & ascendens sedet à dextris DEI. Ipse est qui creavit Cælum & terram, & qui gubernat & moderat universa. Ipse est à quo dependet salus tua: in cuius voluntate & potestate est, tibi dare paradisi gloriam. Ipse in tali hostia modica sic oblatas: tibiq; exhibitus, Ipse Dominus JESUS, de quo loquimur, Filius est DEI vivi. Unde excellenter Eucharistia, id est; bona gratia dicitur: quia in hoc Sacramento non tantummodo augmentum est virtutis & gratiæ: sed Ipse totus sumitur, qui est Fons & Origo totius gratiæ. Hierony. Hanc ultimam memoriam nobis reliquit: quemadmodum si quis peregrinũ proficiscens aliquod pignus ei quem diligit relinquit: ut quotiensconq; illud viderit, possit & ejus beneficia & amicitias memorari. Quem si ille perfecte dilexerit, sine ingenti illud desiderio, vel fletu non potest videre. Ideo hoc Salvator tradidit Sacramentum, ut per hoc semper commemoremus, quia pro nobis mortuus est. Nam & ideo cum accipimus, à Sacerdotibus commonemur, quia Corpus & sanguis est Christi, ut non simus ingrati tanti Ejus beneficii. Hæc Hierony. Institutum est igitur Sacramentum Altaris. Primò, in recordationem Dominicæ passionis & liberationis. Secundò, in signum præcipuè dilectionis & imitationis. Tertiò, in robur confirmatio-



mis, contra lapsus humanæ infirmitatis. Quartò, in purgationem spiritus hominis, & nutrimentum vitæ spiritualis. Quintò, in viaticum præsentis peregrinationis. Sextò, in pignus & arram habendæ hæreditatis. Septimò, in remedium satisfactionis pro peccatis. Unde sanguine Christi Corpus & Animam linimis, quia sanguis Agni super utrumq; postem domûs, liberavit Hebræos ab Angelo exterminatore. In hoc autem Sacramento duo requiruntur ex parte Recipienti recipientis, scilicet desiderium conjunctionis ad Christum, quod a Eucharistia mor, facit, & reverentia Sacramenti, quæ ad donum timoris pertinet. necessaria. Primum, ad quotidianam hujus Sacramenti frequentationem invitatur: sed secundum retrahit. Unde si aliquis experimentaliter cognosceret, ex quotidiana sumptione fervorem amoris augeri & reverentiam non minui: talis deberet quotidie communicare: si autem sentiret per quotidianam frequentationem reverentiam minui, & fervorem non multum augeri, talis deberet interdum abstinere, ut cum majori reverentia & devotione postmodum accederet, unde, quantum ad hoc, unusquisq; est suo judicio relinquendus. Modus autem sumendi, tripliciter dividitur. Comestio enim alia fit ore, & est Sumptio & Sacramentalis, alia fit corde & est realis, alia fit ore & corde, in altero comestio Sacramentum in altero res Sacramenti. Sola Sacramentalis tantum, malorum triplex. est qui etsi sub visibili specie elementorum Corpus Christi accipiant, tamen quia nec verè credunt, nec diligunt, panem Cœlesti coniungi non possunt. Sola realis tantum bonorum est: qui etsi sub visibili Sacramento carnem Christi non sumant, tamen fide & dilectione panem cœlestem manducant, & ei coniunguntur. August: Quid paras dentes & ventrem? Crede, & manducaſti. Realis verò & sacramentalis comestio junguntur, cum accipientes in pane qui pependit in ligno, accipientes in calice qui manavit de latere, pertingunt mente usq; ad esum panis vitæ. Oris, inquam perceptio & incorporatio, Sacramentum est comestionis cordis qua manducamus cum Domino carnem suam, & bibimus cum eo sanguinem suum: hoc est per efficaciam carnis suæ & sanguinis sui manemus in eo, & Ipse in nobis. Itaq; alii accipiunt Corpus Domini ad mortem, quia non attingunt panem vitæ: alii accipiunt ad vitam, quia adiunguntur cum Verbo. Chrysostomus Credimus itaq; quoniam & nunc illa Cœna est, in qua & ipse recubuit: nihil nempe illa ab hac differt. Neq; enim hanc quidem homo operatur, illam autem ipse, sed hanc & illam ipse. Cum ergo Sacerdotem dantem tibi videris, non Sacerdotem aestima esse qui hoc facit: sed manum Christi esse quæ extenditur. Sicut igitur cum baptizaris, non ipse Sacerdos baptizat, sed DEUS est qui detinet tuum caput invisibili virtute: ita & nunc. Nullus itaq; judas affit, nullus avarus, nullus inhumanus accedat, nullus crudelis & immisericors, nullus universaliter immundus: si quis non est discipulus, discadat. Non recepit eos qui non sunt tales hæc mensa: cum discipulis enim meis, ait, facio Pascha: hæc est illa mensa: & nihil minus illam habet. Hoc illud est cœnaculum ubi tunc fuerunt, hinc ad montem Olivarum exierunt. Excamus & nos in manus pauperum Hæc nempe Regio Mons est Olivarum: Olivæ enim sunt plantaræ in Domo Domini, id est; pauperum multitudo stillat oleum, quod hic est utile nobis. Ita nempe & DEUM propitium habebimus, & multam assumemus mercedem. Hæc Chrysostomus. Secundum Bedam: si quæ movet cum Cœnatus Salvator Apostolis suum corpus, ac sanguinem tradidit: quare nos jejuni eadē Sacramenta percipiamus? audiat, quia tunc



Anselmus  
de passione  
Domini.

Cane figura  
an manna.

Manna.

In Agno Pa-  
schali cana  
figurata.

Agni sumē-  
di modus.

Gentium  
imitatores.

tunc necesse erat typicū Pascha prius cōsumari, & sic ad verum Pascha transire, ac verē Paschæ Sacramenta substitui: nunc autē in honorem & pro reverentia tanti Sacramenti placuisse M<sup>g</sup>istris Ecclesiæ, primò Dominicæ passionis participatione mutari: deinde terrenis dapi- būs corpus refici. Sunt autem tria sacrificii genera: unum, Domini Corporis: alterum contriti cordis: tertium, mortificatæ carnis. Opor- tet ergo sacrificium humilitatis, præcedere in mente: afflictionis in carne: ut devotio habeatur in Domini Corporis consecratione & re- ceptione. Appropinqua nunc & tu ad hanc cœnam mendicans, ut ele- emosynam inde accipias: ad quod te hortatur Anselmus dicēs: Jam nunc ascende cum Eo in cenaculum stratum grande & salutaris cœnæ interesse deliciis gratulare. Vincat iracundiam amor, timorem excludat affectus, ut saltem de micis mensæ illius elemosynam præ- beat mendicanti, vel à longe sta, & quasi pauper attendens in divitē ut aliquid accipias, extende manum, famem lachrymīs prode. Hæc Ansel. Cœna Domini olim in manna præfigurata fuit, quod DEUS Fi- liis Israël in deserto dedit. Dedit judæis figuram veri Panis, scil. panem materialē & temporalem: nobis autem veritatē, scil. Super substantia- lem & æternalem. Manna creatum fuit à DEO in Cœlo ætereo: sed Pa- nis nobis datus, scil. Christus descendit de Cœlo vero. Cœna Domini etiam præfigurata fuit in Agno Paschali: quem DEUS primò præcepit Filiis Israël manducare quando decrevit eos de captivitate Ægyptia- ca liberare. Ita Christus Sacramentum Eucharistiæ tunc primū in- stituit, quādo nos à diabolica potestate eripere voluit. Quando Fili- i Israël Agnum Paschalem manducabant, succincti erāt, baculos in ma- nibus tenebāt & stabāt. Ita cōmunicātes debēt esse succincti, per mētis & corporis castitatē: & tenere baculos, per rectæ fidei firmitatē. Debēt etiā erecti stare in bona vita, quā inchoaverūt: & nō se iterū reponere in lutum, de quo jam surrexerunt. Agnus comedebatur cum lactu- cis agrestibus, quæ sunt amaræ: & nos debemus Corpus Domini man- ducare cum amara contritione. Qui comedebant Agnum, teneban- tur pedes suos calciare: sic communicantes debent pedes, id est, affe- ctus & desideria custodire: cavendo ne aliqua maculentur sorde. Ag- nus Paschalis non fuit coctus aquā sed assatus igne: & manducans debet esse ignitus charitate. Christus Rex, & Sacerdos verus, Eucha- ristiam sub specie panis & vini dedit: & hoc Sacramētū instituit, quod olim Melchisedech Rex & Sacerdos DEI Altissimi figuravit: quapro- pter Christus Sacerdos, secundum ordinem Melchisedech appellatur: quia hoc Sacramentum in oblatione Melchisedech præfigurabatur. *Facta est autē et contentio, id est, disquisitio: inter Discipulos, quis eorum videretur esse major.* Ubi sciendum quod cum Apostoli audierunt Christum, prædicentem traditionem sui ad mortem: caperunt quæ- rere inter se, *quis eorum esset major*, id est, aptior & convenientior ad præcedendū alios locū Christi, & ad tenendū Ejus locum. Et ideo Chri- stus de hoc Eos docuit, videlicet quod ille esset ad hoc aptior, qui es- set verē humilior, revocando eos ab affectu superbiæ dominationis & primatūs, exemplō Regum gentium, & per contrarium Dominorum terrenorum. Gentiles enim & terreni Domini appetunt primatum, dominantur subjēctis, & *benefici vocantur*, quia blandi sermones à subdi- tiseis offeruntur. Unde Dominus nolens Discipulos suos, imitari, subiungit: *vos autem non sic facere debetis, sed qui major est in vobis*, scil. per virtutū excellentiam *fiat sicut minor*, per humilitatem, & *qui Præ- cessor*, scil. dignitate, vel etiā sanctitate: *fiat sicut Ministrator*: humili sui reputatione, vel humili officii executione, & exhibitione pro loco &



tempore. Sed heu hodie multi habentes nomen Christianorum, gentiles imitantur: appetentes primatum habere, & subiectis dominari: seque ab eis supervacuis laudibus extolli, & benefici vocari. Specialiter autem in ecclesia sit frequenter contentio pro dignitatibus obtinendis: & non solum inter seculares, sed etiam inter religiosos, sicut canes contendunt ad obtinendam os carnibus plenum & medullis: propter quod viliores canibus videntur quidam religiosi qui contendunt pro officiis praesidendi: cum tamen nihil habeant annexum, nisi miseriam & laborem. Et quia monuit discipulos ad humilitatem, superbiam secularium dissuadendo: consequenter facit hoc, eos ad sui exemplum invitando. Nam secundum iudicium humanum maior est qui recumbit, quam qui ministrat, licet secundum iudicium Dei saepe sit aliter: ipse autem qui contrarius est mundo, in medio eorum est sicut qui ministrat, quamvis maior sit eis: ut etiam jam in lotione pedum ipsorum ostenderat, & ideo est imitandus. Et ex hoc intendit concludere, quod ille est aptus ad succedendum sibi in regimine Ecclesiae qui est fundatus in vera humilitate. Ut enim humilitate superbiam curaret, ipse Deus ad nos descendere & humilis fieri voluit: ostendens exemplum quod merito eum imitando humiliari debeat & homo. Unde Augustinus. Quid superbis homo? Deus propter te humilis factus est. Puderet te fortasse imitari humilem hominem, saltem imitare humilem Deum. Hae Augustinus. Humiliter ergo ministrando, & abjectiora ministeria, & quae alii dedignantur laxanter eum opus est suscipiendo. *Ait Iesus: Omnes vos scandalum patiemini in me, &c.* Praedicat quod passiuri sunt, ut eum passi fuerint ne desperent salutem, sed agentes penitentiam liberentur. Scandalum enim dubitationis passi sunt, dum quasi impotentem teneri, ligari, & duci viderent. Et signanter dicit, in nocte, quia qui scandalum patiuntur, in nocte & in tenebris sustinent: & ipsi Apostoli in aduersitate Dominum reliquerunt. Petrus autem quia ceteris ferventior erat, quod Iesus praedixit praeviendo, ipse denegat amando. Et respondens, ait: *Et si omnes scandalizati fuerint in te, ego nunquam &c.* Infirmus voluntate, iactat suam voluntatem: sed non vires cognoscens gloriae conscius Petrus praesentis affectus, sed nescius futuri casus, non credit se ab eo posse deficere. Intantum Petrus affectu & charitate Christi efferebatur: ut & imbecillitatem carnis suae, & fidem verborum Christi non contueretur. Sed non mentitur, quia credit verum esse quod promittit: & sic in mente habet: mentitur autem qui falsum voce signat, cum voluntate & intentione fallendi. Dixit tamen falsum, quia accidit contrarium. Communitate enim accidit quod illi qui aliis in virtute se preferunt, turpius aliis cadunt. Respondit Iesus: *Amen dico tibi, quia tu hodie in hac nocte priusquam his gallus vocem dederit, ter te me negaturus.* Hieron. Petrus de ardore fidei promittebat: & Salvator, quasi Deus, futura noverat. Hae Hieron. Nemo ergo in se, nemo in viribus suis confidere potest: quia omnis constantia, omnis virtus & fortitudo, non hominis sed Dei est. Beda: Qui solus novit quid sit in homine: ne quis fidelium suo vel de statu incaute confidat, vel de casu incautus diffidat: quasi Deus modum, tempus, ac numerum negationis ejus praedicat. Unde & Remigius. Moraliter instruimur, ut quantum confidimus de ardore fidei, tantum timeamus de carnis fragilitate. Istud verbum Domini, de negatione Petri Marcus (ut praemissum est) plenius ceteris expressit. Post primam enim negationem Petri statim gallus cantavit, & ante secundum galli cantum bis iterum negavit: & ita trina negatio Petri ante primum galli cantum est inchoata, & ante secundum completa. Alii vero Evangelistae, dicentes: priusquam gallus cantet, ter me negabis: de inceptioe trinae negationis agunt: id est, trinam negationem inchoabis, sed Marcus de completionem ejus scripsit. Et ait illi Petrus, *Etiam si oportuerit me mori tecum, non te negabo.* Intellexit enim quod timore mortis praediceret eum esse negaturum: & ob hoc dicebat, quod licet periculum mortis immineret, nullo tamen modo ab ejus fide divelli posset. Similiter, id est eodem amore & fervore, & omnes discipuli dixerunt, ac fervorem intrepidum ostenderunt, & per ardorem mentis damnum mortis non timuerunt: sed non perseveraverunt: quia vana fuit praesumptio humana sine protectione Divina. Chrysostomus. Hinc ergo magnum discimus dogma: quod non sufficit desiderium hominis, nisi Divino aliquis potiatur auxilio. Et nota quod

Petrus non mentitur falsum dicens.

Hieron. in c. 26. Matth.

Beda in cap. 22. Luca.

Remigius in c. 26. Matth.

Chrysost. hom. 83. in Matth.



quod multiplex est ratio quod Deus permittit Petrum cadere, Prima, ut nulus de se præsumat, Secunda, ut plus Christo, quam sibi quisque credat. Tertia, ut comprimeret ejus audaciam. Quarta, ut alii exemplo ejus instruerentur, humanam fragilitatem excogitantes & Dei veritatem. Quinta, ut Petrus aliique Prælati discerent, qualiter subditis compati deberent. Sexta, ut error hæreticorum confunderetur dicentium quod charitas semel habita non amittitur, nec amissa iterum haberi potest: cujus contrarium omnino in Petro patuit

## DE SERMONE DOMINI IN COENA.

## Caput. LVII.

**Ioan. 13.** **C**IRCA quintum verò ad omnem cumulum supereffluentem attende alia  
**et sequētib9** dilectionis insignia. Post egressum enim judæ, cum scilicet mundi cum  
**usq ad c. 19** Mundatore remansissent: & post alia supra dicta Dominus Iesus discipu-  
**Matt. 26** los consolando fecit eis sermonem pulcherrimum: ignitis plenum carbonibus  
**Mar. 14.** dulcedinis & amoris, scilicet verbis dulcissimis: de cæli melle mellitis, & de  
 Dei lumine luminosis: quem scripsit Ioannes specialiter à Deo, dilectus &  
**Ansel. in** his potatus. Anselmus: Tunc demum divipissimi eloqui uberrima inundati-  
**medit. Cur** one conventus ille sacer ex ore tuo Domine potatus est. Siquidem corruptus  
**post iulla** ille uter foras missus fuerat, quem hujus lymphidissimi liquoris infusione scie-  
**abitum** bas indignum. Ex hujus autem sermonis ornata ac veneranda & utili ma-  
**sermo habi-** gnitudine, quinq; meditanda principaliter assume. Primum qualiter prædi-  
**tus** cens discipulis discessum suum, confortat eosdem. Dicebat namque: *Filioli*  
**Filioli.** *adhuc modicum vobiscum sum*, id est modico tempore, scilicet usque ad captionem  
 vel mortem, quia tunc fuit eis subtractus: vel secundum quosdam, usque ad  
 ascensionem quia usque tunc apparuit eis corporaliter. Dicens autem, *filioli*,  
 ostendit teneritudinem amicitie, & dilectionis ad eos. Diminutiva. nempe  
 secundum Priscianum, aliquando pro familiaritate, & amore dicuntur. Sic  
 ergo nunc eos vocat præ amoris teneritudine, quia cum amici abinvicem re-  
 cedunt, affectu amoris maxime inardescunt. Et iterum: *Adhuc modicum*, scili-  
 cet tempus erit, & *mundus me iam non videt* id est amatores mundi. *Vos autem*  
*videbitis me*, & boni quidem cæteri, quia solis bonis post resurrectionem appa-  
 ruit in carne. Et iterum: *Non turbetur cor vestrum*, scilicet de meo recessu per  
 mortem, cum sit ad meam glorificationem, & Spiritus sancti missionem. Et in  
 hoc docemur non turbari de nostris amicis in confessione fidei decedentibus:  
 nam est via ad eorum glorificationem & nostram subventionem: quia amici no-  
 stri existentes cum Deo, multò plus nos juvare possunt, quam viventes in  
 mundo *Non turbetur inquam cor vestrum*, quia dixi me moriturum, sed stabiliatur  
 fide credentes me resurrecturum: *neque formidet*, propter tribulationum instan-  
 tiam ne dimittatis fidei constantiam, sed perseverate fortes usq; in finem. Do-  
 minus intendebat animos discipulorum confortare contra duo: scilicet contra  
 unum, quod imminabat in presenti, quod erat ejus passio, & aliud quod time-  
 batur futurum, scilicet superventura ejus tribulatio. Vnde dicit eis: *Non*  
*turbetur*, & *tristetur cor vestrum*, scilicet de malo presenti, quantum ad primum,  
 neque formidet, & timeat, scilicet de futuro, quantum ad secundum. *Creditis*  
*in Deum, & in me* per consequens *credite*: qui sum Deus, & quem etiam confessi  
 estis Deum. Vnum supponit, scilicet fidem eorum in Deum: hæc enim iam  
 instituti erant per Eum, & aliud præcipit scilicet ut credant in ipsum, quia est  
 Deus, & non homo tantum: secundum Augustinum: Ne mortem Christi tan-  
**August.** quam hominis timerent, & ideo turbarentur, consolatur eos etiam se Deum  
**trac. 67. in** esse contestans qui possit hominem suscitare. *In domo Patris mei mansiones multe*  
**Ioann.** *sunt*, id est diversæ participationes beatitudinis, quia secundum differentias  
 meritorum, sunt etiam distinctiones præmiorum, qui dicit jam certi estis de  
**Idem ibidē** passione mea, & tamen à me expectate vitam æternam, secundum Augusti-  
 num, meritò turbabantur, quando quidem fidentiori dictum erat quod nega-  
 ret Dominum, sed cum audiunt de mansionibus cæli, à perturbatione recre-  
 antur: certi post pericula se apud Dominum mansuros, quod significant mul-  
 tæ mansiones. Et iterum: *Vado parare vobis locum* tam pulchrum, tam delecta-  
 bilent



bilem moriendo, resurgendo, in celos ascendendo Et iterum venio in iudicio  
apparendo, & accipiam vos ad meipsum ad beatitudinem corporis & animæ, ut ubi  
Ego sum & vos sitis, scilicet in æterna beatitudine. Iam ut dixerat paratæ erant  
mansiones, scilicet in prædestinatione, sed tamen adhuc parandæ erant ab eo  
Redemptionis opere, & ab ipsis meritoria operatione. O Domine, para quod  
paras: nos scilicet tibi, & te nobis: ut si multitudo mansionum pro diversita-  
te meritorum. Alius plus, alius minus participes tui erimus. Et iterum non  
relinquam vos orphanos: in quo indicat se esse Patrem illis: vado & venio ad vos, spi-  
ritum, scilicet mittendo: hoc autem dicit, ne putaretur spiritum mittere sine  
se. Et iterum: Pacem, scilicet pectoris relinquo vobis, quæ triplex est in homine,  
scilicet ad seipsum, ad Deum, & ad proximum: pacem meam, scilicet æternita-  
tis, de vobis: si in pace prima perseveraveritis: secundum Augustinum: Pacem  
nobis relinquit in sæculo, quæ hostem vincamus, & quæ nos invicem diliga-  
mus. Pacem suam dabit nobis in Futuro: quando sine hoste, & sine dissensi-  
one regnabimus. Et bene dicit pacem meam, ad distinguendum pacem sancto-  
rum à pace mundi, quæ est magis apparens & ficta, quàm vera. Vnde sub-  
jungit: non quomodo mundus dat, ego de vobis: quia mundus dat carnaliter, ego spi-  
ritualiter: mundus temporaliter, ego æternaliter: mundus exterius ego interi-  
us. Et iterum, si diligeretis me gauderetis utique de recessu meo, quia vado ad exal-  
tationem meam: scilicet quia vado ad Patrem, qui Major me est. Augustinus, quia  
naturæ humanæ gratulandum est, eò quod sic assumpta est à Verbo Unigeni-  
to, ut immortalis constitueretur in celo: atque ita fieret terra sublimis, ut in-  
corruptibilis pulvis sederet ad dexteram Patris. Qui non hic gaudeat, qui  
sic diligit Christum, & suam naturam jam immortalem gratuletur in Christo,  
atque ipsum speret futurum esse per Christum; Et iterum: Expedi, id est u-  
tile est, vobis ut ego vadam: scilicet ad Patrem ascendendo, ut spiritualiter me co-  
gnoscat, & carnaliter iam me nosse desistat: ne verbò carnem factò, quasi  
lacte contenti sitis. Et verè expedit: si enim non abiero, Paracletus non veniet ad  
vos, si autem abiero, mittam Eum ad vos. Si hanc carnalem dilectionem à vobis  
abire non fecero: non eritis digni ut Paracletus veniat ad vos: quamdiu enim  
de me carnaliter sentietis, non eritis idonei ut Spiritum sanctum recipiatis.  
Non quod positis in terra non posset dare, sed quia illi non sunt idonei acci-  
pere, nisi eum secundum carnem nosse desistant: quò magis spirituales effecti magis  
ad celestia amplectenda ejus Deitate anhelant. Instant enim mundus est  
spiritus, quod in nullo quiescit nisi in eo qui omnino est spiritualis nullo  
carnali solatio impeditus Bernard Dilicata est Divina consolatio, & non datur  
admittentibus aliena. Hugo: Idcirco nimirum Dominus Iesus discipulis se  
subtraxit corporaliter, ut Eum discerent amare spiritualiter. Ascendit siqui-  
dem in celum, ut corda post se traheret, ut dilectio pergeret post dilectum.  
Sed & usque hodie Christus amicos suos, quasi quadam corporali præsentia cõ-  
solatur in scriptura sacra, & ecclesiæ Sacramentis atq; aliis visibilibus exer-  
citiis, virtutum quòrum aliquando dispensatoriè subtrahit usum, ut spiritualis  
amoris dulcedinem, tantò purius percipiant, quò nihil foris habent etiam in  
opere virtutis ad quam mentem suam per intentionem effundant. Hæc Hug.  
Pensandum ergo est, quia si præsentia carnis filii Dei impedit spiritus rece-  
ptionem: quantomagis carnalis effectus in nobis impediat eandem; Hæc & his-  
similia eis dicebat, quæ corda ipsorum totaliter penetrabant. Non enim de-  
suo discessu aliquid pacificè tollerare poterant. Secundò circa sermonem me-  
diteris, qualiter cordialiter & instanter Dominus Iesus instruxit discipulos  
pluribus vicibus in charitate servanda, dicens: Mandatum novum do vobis, quò  
scilicet dispositi ad meam sequelam eritis: videlicet ut diligatis invicem sicut  
dilexi vos: hæc enim viâ sequendus est Dominus. Non dicitur novum, quan-  
tum ad substantiam, quia fuit datum in veteri lege: quæ etiam præcipit proxi-  
mos diligere, non tamen pro eis mori, sed dicitur novum, quantum ad man-  
dati formam: sicut Ipse dilexit nos, qui etiam mori dignatus est pro nobis. Vnus  
modus renovandi vinum vetus est, quando amisit colorem & saporem, ponen-  
di ipsum cum vino novo & forti: quia ibi recipit colorem & saporem ex fer-  
vore vini, & sic dicitur renovari. Mandatum de dilectione fuit valde an-  
tiquum, & iam quasi nulli sapiebat: ideo passio Christi, in qua fuit maximus

August:  
trac. 78.  
in Ioan.

Idem tra-  
cta. 78.  
Humana  
natura fe-  
licitas ex  
incarnati-  
one Domi-  
nica. Amor  
terrenus  
amovendus  
est.

Præsentia  
carnis Chri-  
sti impe-  
dit spiri-  
tus aucten-  
tium.

Mandatum  
novum  
quid?



Insignia  
militum  
Christi.  
August.  
trac. 65.  
in Ioan.

August.  
trac. 5  
in epistolam  
Ioan.

August.  
in epistolam  
Ioan.

2. Ioan. 3

Amici tri-  
plices.

Dilectio  
summa.

Amoris si-  
gna quatuor  
ex Mat. 12

fervor dilectionis, quasi vinum fortissimum illud mandatum renovavit: dicitur etiam novum mandatum ab effectu, quia animam renovat, & hominem novum facit, dilectio enim talis confert novitatem, & aufert vetustatem. Et iterum in hoc, scilicet signo, quasi in meo proprio caractere, cognoscens, omnes aperte, qui mei estis discipuli: disciplinis meis imbuti, & in schola mea instructi: non si demonia eiiciatis, vel alia signa faciatis: sed si dilectionem habueritis adinvicem, hoc est enim quod maxime desiderat Dominus, Quicumque connumeratur militæ alicujus Negis, debet portare insignia ejus, Insignia autem Christi sunt insignia charitatis, quicumque ergo vult annumerari militæ Christi, debet charitatis caractere insigniri. Aug. tanquam dicens: Alia munera mea habent vobiscum etiam non mei: non solum naturam, vitam sensum, rationem, & eam salutem quæ hominibus pecoribusque communis est, verum etiam Sacramenta, prophetiam, scientiam, fidem, distributionem rerum suarum pauperibus, & traditionem corporis sui ut ardeant: sed quoniam charitatem non habent, ut cymbala concrepant: nihil sunt, nihil eis prodest. Hic est fons cui non communicat alienus: dilectio sola discernit inter filios Dei & filios diaboli. Signent se omnes signo crucis Christi, respondeant omnes amen, cantent omnes alleluia, baptizentur omnes, intrent ecclesias, faciant parietes basilicarum: non discernuntur filii Dei à filiis diaboli, nisi charitate. Quidquid vis habe, hoc solum si non habeas, nihil tibi prodest. Alia si non habeas: hoc habe, & implesti legem. Hæc Aug. Et iterum: Hoc est præceptum meum ut diligatis invicem, sicut dilexi vos, id est ut diligatis opere, ut quod tibi vis fieri facias alteri, & quod tibi non vis fieri, nec tu alteri facias. Vbi notandum quod tripliciter dilexit nos Christus: gratum, dilexit ite, quia in dilectione nos prævenit: Ipse enim incepit, nec expectavit quod nos Christus nos inciperemus diligere. Sic ergo & nos debemus prius diligere proximos, tripliciter non expectantes præveniri, seu beneficiari. Et multo magis debemus Deum rediligere, quia secundum Aug. nulla est major ad amorem invitatio, quam prævenire amando, & nimis durus est animus qui dilectionem, & si nolebat impendere, nolit & rependere. Dilectio ergo Dei causa est dilectionis nostræ, sed non è converso, non enim quia non diligimus Deum, diligit nos, sed quia diligit nos, diligimus Eum, & quia Eum, & proximum. Et quia per charitatem Christus ad nos redimendos venit, sectemur charitatem, ut per hanc, quæ ad nos Christus descendit dilectionis viam, etiam nos ad ipsum possimus ascendere. Item efficaciter, quod patet per opus: dando Seipsum, & ponendo animam pro nobis, quia probatio dilectionis, exhibitio est operis. Nos ergo hoc exemplo efficaciter & fructuose invicem diligamus. Secundum illud Ioan. Non diligamus verbò, neque lingua, sed opere & veritate. Et multo magis Deum diligamus, ut sermonem & mandata ejus servemus. Item recte, quia hanc dilectionem ad nostram beatitudinem ordinavit, & ut ad Deum nos traheret: non sicut homines sese invicem carnaliter, & pro commodo terreno diligentes. Sic ergo & nos in proximis, non quod beneficii est, seu dilectionis, sed quod Dei est debemus diligere, & invicem ad hoc ut Deum habeamus. Sunt enim amici naturæ, & sunt amici fortunæ, & sunt amici gratiæ, & hi ultimi soli approbantur à Deo. Licet nempe in dilectione proximi, includatur dilectio Dei, tanquam principalior, quia proximus non est diligendus, nisi propter Deum: tamen Salvator hic magis facit mentionem expressam de dilectione proximi, quam Dei, cum dicit, invicem: quia intendebat Apostolos inducere ad ædificationem, & consolationem fidelium, & ad perferendas tribulationes persecutorum, ad quod necessaria est charitas proximi, quæ tamen ut dictum est, includit charitatem Dei. Et iterum: Majorem hæc dilectionem nemo habet, ut animam suam ponat quis pro amicis suis. Dilectionem vocat hic signum, & probationem dilectionis, id est exhibitionem operis, transferens de causa ad effectum. Et quidem nullum majus dilectionis argumentum est, quam ponere animam pro amicis: hoc enim est ultimum signum amoris: ultra quod non potest aliud inveniri. Amor namque per quatuor signa potest manifestari. Primo, per verba: quando nempe cor abundat in amore, tunc os abundat in sermone, quia ex abundantia cordis os loquitur. Secundo, per collata beneficia, & istud est majus signum quam primum: quia multi servirent de verbis suis, qui non servirent



de suis rebus. Tertiò, per obsequia personalia, & istud est adhuc majus signum quàm primum vel secundum: multi enim servirent de sua substantia, qui non servirent de sua persona. Quartò per adversa, quando scilicet quis pro amore amici se exponit mortì, multi nempe darent personam ad serviendum, qui non darent animam suam ad moriendum. In hoc ergo quod Christus pro nobis crucifigi & mori voluit, infinitam nobis charitatem ostendit. Gregor. Mori etiam pro inimicis Dominus venerat, & tamen positurum se animam pro amicis dicebat, ut nobis ostenderet, quia cum diligendo lucrum facere de inimicis possumus, etiam, ipsi amici sunt qui persequuntur. Consequens ergo est, ut quemadmodum Christus animam pro nobis posuit, sic & nos animas pro fratribus ponamus. Quatuor nempe sunt Diligenda per ordinem ex charitate scilicet Deus, anima, proximus, & corpus: & ideo cum charitas sit ordinata, pro ipso Deo (qui est primum & maximum diligibile) ex charitate debent alia tria exponi, sicut minus pro majori, pro anima verò propria debet proximus & corpus proprium contemni, & pro salute proximi debet vita corporalis exponi. Et iterum. *Hac mando vobis ut diligatis invicem*, quia aliter nullum solatium habebitis, nisi in vobis invicem habeatis sed absq; dilectione solatium, & consolationem in vobis invicem habere non potestis. Præceptum dilectionis semper inculcat, & tanquam sola dilectio præcipienda sit, eam semper commendat. Et revera ille qui ait: habe charitatem, & fac quæcunque vis: quasi solam charitatem visus est præcepisse & meritò: quia ipsa valet, sine usibus multarum virtutum: sed cætera omnia non valent sine ea. Vnde secundum Gregorium, de dilectione quasi de singulari mandato Dominus loquitur: quia omne mandatum de sola dilectione est, & omnia unum præceptum sunt. Quidquid nempe præcipitur, in sola charitate solidatur: Multa sunt per diversitatem operis unum in radice dilectionis Et plura alia huiusmodi ad dilectionem incitantia Dominus dicebat, quæ Ioannes hic conscripsit. De dilectione fraterna nullus Apostolorum, tantum loquitur quantum Ioannes, & hic & in epistolis suis. Legitur etiam de eo quòd iam senex effectus portabatur ad ecclesiam à discipulis suis, ut fideles instrueret: quibus hoc tantum dicebat. Filioli diligatis invicem, & in hoc est perfectio disciplinae Christianæ, unde dicitur specialiter à Deo dilectus: non solum propter privilegium virginis, sed etiam propter specialitatem charitatis. Tertiò, circa sermonem mediteris: quomodo monuit eos ad observantiam mundatorum suorum, dicens: *Si diligitis me, mandata mea servate*: implendo ea factò, & opere: quasi diceret, non ostendatis amorem quem habetis ad me fletu solum: sed in obedientia mandatorum. In hoc enim mundi huius potestates suos amicos & fideles probant, & cognoscunt, si eis obediunt, & eorum mandata custodiunt: quia secundum Gregorium, probatio dilectionis exhibitio est operis. Et iterum: *Qui habet mandata mea & servat ea, ille est qui diligit me*: scilicet opere & veritate, & non tantum lingua & sermone: hoc est ille habet veram dilectionem ad me. August. Qui habet in memoria, & servat in vita: qui habet in sermonibus, & servat in moribus. Qui habet audiendo, & servat perseverando, ipse est, inquit, qui diligit me. Opere est demonstranda dilectio: ne sit infructuosa nominis appellatio. Vnde & Ioannes, qui dicit quia diligit Deum, & mandata ejus non custodit, mendax est. Et iterum *Si quis diligit me, id est dilectionem in me tendit: sermonem meum servabit*, id est mandata mea ad faciendum ea: quia obedientia procedit ex amore qui est in corde. Sermonem ergo & verba Dei tunc servamus, quando iam facimus quæ præcepit, & diligimus quæ promissit. Qui aut verba tenet per memoriam, & non coheret illis per obedientiam: non sunt Ei in beneficium, sed in damnationis testimonium. Greg. Verè diligimus, si mandata ejus servamus: verè diligimus, si à nostris nos voluptatibus coarctamus. Nam qui adhuc per illicita desideria defluit, profecto Deum non amat: quia ei in sua voluptate contradicit. Ille ergo verè amat, cujus videlicet mentem delectatio prava, ex consensu non superat. Nam tantò quisque à superno amore disjungitur, quantò inferius delectatur. Hæc Greg. Et iterum: *Si præcepta mea servaveritis, manebitis in dilectione mea*: id est, ex hoc scietis vos dilectos à me, & quòd in dilectione mea quæ vos diligo, & in gratia mea manetis, si præcepta mea servaveritis. Servatio enim

Gregor.  
hom. 27.  
in Evan.  
gelia.

Gradus charitatis  
quatuor.

Charitatis  
excellencia.

Gregor.  
hom. 27.  
in Evan.  
gelia.

Gregor.  
ibidem,  
August.  
trac. 75.  
in Ioan.

Gregor.  
hom. 27.  
in Evāg.

Manda-  
torum ob-  
servatio.



August.  
trac. 82.  
in Ioan.

Gregor.  
hom. 27.  
in Euag.

August.  
trac. 85.  
in Ioan.

Gregor.  
hom. 30.  
in Euag.

Amor Dei  
non est  
otiosus.

Idem ibi  
dem.

Luca 6.

Diligere  
veraciter  
Deū, quo  
modo pos-  
sumus,

Patientia  
commen-  
datio.

enim mandatorum, est effectus & signum divinæ dilectionis: non solum eius qua nos diligimus, sed & ejus quā ipse diligit nos, ex hoc nempe quod ipse nos diligit, monet nos & adjuvat ad implendum ejus mandata, quæ impleri non possunt nisi per gratiam. Ostendit ergo, secundum Augustinum, non unde dilectio generetur, sed unde monstraretur, ut nemo se fallat, dicendo quod Deum diligit, si ejus præcepta non servat. Nam in tantum Deum diligimus, in quantum ejus præcepta servamus, in quantum autem minus servamus, minus diligimus. Nemo præcepta servat, qui non diligit, & nemo diligit, nisi qui servat. Nec prius servamus præcepta, ut nos diligit Christus: sed nisi nos diligit, ea servare non possumus. Et iterum: *Vos amici mei estis si feceritis quæ ego præcipio vobis*: id est, si opera ostenditis amicitiae & dilectionis: quia impletio præceptorum est signum dilectionis: & præceptum est signum suæ voluntatis: & ideo si ea quæ præcepit non facerent, voluntates non consonarent: & sic amici non essent. Secundum Gregorium. Amicus, quasi animi custos dicitur. Unde non immerito quod voluntatem Dei in præceptis ejus custodire dicitur, illius amicus vocatur: & secundum eundem, Magna est misericordia redemptionis, & dignitas hominum, esse amicos Dei. Sed audisti gloriam dignitatis, cum dicitur: *vos amici mei estis*: audi & laborem certaminis, cum subditur: *si feceritis, quæ ego præcipio vobis*. Unde & ait Augustinus. Cum servus bonus esse non possit, nisi præcepta Domini sui fecerit: hinc amicos suos voluit intelligi, unde boni serui possunt probari. O magna bonitas Dei. Cum ei pro conditione reddere debeamus obsequia: utpote servi Domino, famuli Deo, subjecti Potenti, mancipia Redemptori, amicitiarum nobis pramia promittit, ut à nobis obsequia debita servitutis extorqueat: ut quos nolle servire conspiciat, sponte suorum beneficiorum possit promissionibus invitare. Hæc August. Nullus ergo sine operis attestatione credat se Deum diligere: sed, ut ait Gregorius, de dilectione Conditoris lingua, mens, & vita requiratur. Nunquam est Dei amor otiosus: operatur etenim magna si est, si verò operari renuit, amor non est. Nemo itaque debet credere quod Deum diligit, qui eum sæpe corde non cogitat, qui eum sæpe ore non laudat, qui ejus mandata opere non servat. Grego. Si ab aliquo quæretur, utrum Deum amat: liberè respondet, ita: sed constat ut ipse dicit quod probatio dilectionis, exhibitio est operis: ergo si verè Deum diligis, quærendum est à corde, ab ore, ab opere. Primò à corde, quia quod amat de eo sæpe cogitat. Unde luxuriosi sæpe cogitant de delictis carnis, avari de divitiis, superbi de eminentiis, & viri vere spirituales de divinis. Si ergo non sæpe de Deo cogitas, non credas te verè amare eum. Item homo maxime de eo cogitat: quod præ ceteris amat: ergo si de mundo magis quàm de Deo cogitas, mundum magis quàm Deum amas. Secundò, si Deum diligis, à lingua tua requiras: quia ex abundantia cordis loquitur. Nam idem est verbum cordis & oris, sed in corde est nudum, in ore vestitum: lingua ergo libenter illum nominat, quem cor amat: & ideo si plus de mundo, quàm de Deo fatur: magis mundum, quàm Deum diligere convincitur. Tertiò, an Deum diligas, ab opere tuo requiras: non enim potest ignis esse, & non ardere. Si ergo ignis divinus est in corde tuo, non poteris vacare otio: sed si otio vacas, ignem non habes; quia ut dictum est, charitas non est otiosa: operatur enim, si est: si operari renuit, charitas non est. Ad hoc ergo quod quis Christum veraciter diligit: necesse est ut Deum amando nihil Eo præponat, & proximum suum sicut se diligit, ac dilectionem corde, ore, & opere ostendat: hoc etiam quod dictum est *Vos amici mei estis*: dupliciter potest intelligi, secundum quod amicus dupliciter dicitur: scilicet qui amat, & qui amatur: & secundum utrumque verum est quod subditur: *si feceritis quæ ego præcipio vobis*. Quia & qui Deum amant, mandata ejus servant: & quos Deus amat, mandata illius servant, in quantum cōferendo eis gratiā suā adjuvat ad servandum. Sed, ut visū est, mādatorū observatio nō est divinæ amicitiae causa, sed signū: scilicet quod Deus diligit nos, & quod nos diligamus Eū. Et plura alia hujusmodi Dominus tunc dicebat. Quartò, circa sermonem mediteris, qualiter dando eis confidentiam circa pressuras, quas eis prædixit esse venturas: præmonis & hortatur ipsos ad patientiam, ne deficiant in tribulationibus, dicens: *Si mundus vos odit, id est mūdani, & amatores mundi, qui divitiis, delitiis & honoribus*



bus sunt dediti: scitote ad consolationem vestram, quia me priorem vobis odio habuit. Vnde scriptum est, odio habuerunt me gratis: quasi diceret, secundum Chrysostomum, Scio hoc esse durum & difficile, sed propter me patiemini, & ideo non dolere, sed & lætari oportet, & sufficit vobis in consolationem propter me hæc pati, grandis consolatio membris ex capite, quia non debent conditionem capitis refutare. Vnde Aug. Cur se membrum supra verticem ex tollit; Recusas esse in corpore, si non vis odium mundi sustinere cum capite. Deinde ostendit, cur odit eos mundus, scilicet quia non sunt de mundo: id est, parte ejus, nihil enim commune cum terra est eis sed cælestium facti cives, & propter hoc mundi odium patienter est sustinendum, Vnde Chrysost. Hoc est virtutis augmentum, à mundo odio haberi, unde dolere oportet si à mundo diligeremini, hoc enim esset malitiæ vestræ offensivum. Gregorius, Nam per-versorum derogatio, vitæ nostræ approbatio est, quia jam ostenditur nos aliquid iustitiæ habere, si illis displicere incipimus qui non placent Deo. Et quia exemplo sui, quo aliud majus & melius non est, monuit ad ferenda odia mundi, subdit quare cum debeant imitari, quia ille Dominus ipsi servi. *me mentote, inquit, sermonis mei, quem dixi vobis: Non est servus major Domino suo Si, pro qua, me persecuti sunt, quia sum Dominus: & vos persequentur, qui servi estis: mei sequentur vos in quibus ego sum, & per consequens me in vobis. Non potest placere servus, quibus displicet Dominus* Chrysost. quasi diceret: Non vos turbari oportet si communicabitis meis passionibus, quia vos non estis me potiores. Et iterum: *Mundus quidem*, id est mundani, in delitiis, divitiis, & ambitione viventes: *gaudebit*, tanquam de me triumphaverit: quia in triduo mortis Christi Iudæi mundo dediti sunt gaudii, credentes extinxisse totam sectam Christi: *vos autem contristabimini*, de mea morte & absentia, *sed tristitia vestra vertetur in gaudium* in resurrectione, & apparitione, seu præsentia & ascensione, & maxime in spiritus sancti missione. Contristati enim sunt de morte Domini, sed mox de resurrectione lætati. Nam post lachrymationem & fletum, infudit. Deus exultationem, & gaudium. Vbi notandum quod si cui promitteretur, ab eo qui esset verax & potens facere promissum, quod omnes illius lapides verteret in aurum: utique ille congregaret hinc inde lapides, quam posset plures & majores. Nunc igitur promittitur nobis ab ipso qui veritas est, & potens super omne quod est, quod tristitia nostra vertetur in gaudium ideo multum libenter debemus sustinere tristitias, & pressuras hujus mundi, in augmentum nostri gaudii: unde non dixit, post tristitiam vestram vobis erit gaudium: sed ait, *tristitia vestra vertetur in gaudium*, ita quod hoc ipsum quod est tristitiam habere, in cumulum gaudij convertetur. Ad ostendendam autem & majoris & gaudij immensitatem, inducit similitudinem, declarando quā dixerat per exemplū mulieris, in dolore partus tristitiā habentis: sed in natiuitate pueri gadiū superveniens absorbet in eo omnē tristitiā præcedentē. Deinde hoc paradigma, quod de muliere proposuit Dominus, exponit, & similitudinē adaptat, dicens: *Et vos igitur nunc quidem tristitiā habetis*, scilicet tēporē meæ passionis & mortis, quasi jam parturientes: *iterum autem videbo vos, & gaudebit cor vestrum*, scilicet post meam resurrectionem, & gaudium vestrum nemo tollet à vobis: quia vita Christi quæ fuit materia hujus gaudij, erat deinceps immortalis, non amplius auferenda per mortem. Tristitiam nempe habuerunt passio Domini: sed post resurrectionem gavisi sunt visio Domini, & gaudium eorum non tollebatur ab eis: quia etiam postmodum persecutiones, & tormenta pro Christo passi sunt: spe tamen resurrectionis, & visionis illius accensi, libenter adversa quæque ferebant: imò gaudium existimabant, cum in tentationes varias inciderent. Possunt autem & hæc ita intelligi, ut in discipulis universæ loquatur Dominus ecclesiæ, velut etiam ibi: *ecce ego vobiscum sum, usque ad consummationem sæculi*. Mundi enim amatores gaudent, quia in præsentibus delectantur, nulla alterius vitæ gaudia sperantes sed boni in ærumnis hujus vitæ tristantur, & plorant pro peccatis proprijs, & alienis pro hujus mundi incolatu & dilatione regni cælestis: & per hujus vitæ tribulationes & angustias, ad æterna contendunt gaudia cæli, quia per multas tribulationes oportet nos intrare in regnum Dei. Dicens ergo Dominus, *iterum autem videbo vos*, secundum promittit adventum, quod ad universam videlicet ecclesiam, ad remun-

Chrysost.  
hom. 76.  
in Ioan.

August.  
trac. 87.  
in Ioann.  
Odia mū  
di tolerā  
da.

Chrysost.  
hom. 76.  
in Ioann.  
Gregor.  
hom. 9. in  
Ezechielē.

Chrysost.  
hom. 76.  
in Ioan.

Tristitia  
libēter su  
stinenda.

Mat. 28.

Act. 17.



randum ex integro. Ac si diceret, iterum videndus apparebo vobis æterna visione, eripiam vos ab aduersariis, assumam vos ad meipsum, coronabo vos victores, probabo me semper vidisse vos decertantes. Alchuius, Mulier paries, Ecclesia est. autem sancta ecclesia est, propter fecunditatem bonorum operum, & quia spirituales Deo filios generat: hæc mulier dum parit, id est dum in mundo virtutum profectibus insistit, dum undiq; tentatur & affligitur, tristitiam habet de hoc, quia venit hora ut patiat, quia nemo carnem suam odio habuit. Sed cum peperit, id est cum devicto laboris certamine ad palmam pervenerit jam non meminit pressuræ præcedentis, propter perceptæ gaudium retributionis, quia natus est homo in mundum. Sicut enim mulier natô in hoc mundo homine latatur: ita ecclesia natô in vitam æternam fidelium populô, exultatione repletur. Beda: Nec novum debet videri, si natus dicatur, qui ex hac vita migraverit. Sicut nempe consuetè nasci dicitur, cum quis de utero matris procedens in hanc lucem progreditur: ita potest natus appellari, qui solutus à vinculis carnis ad lucem æternam sublimatur. Vnde sanctorum solennia non funebria, sed natalitia vocantur. Deinde concludit conclusionem principaliter intentam, ad hoc nempe dixit prædicta omnia, ut firmarentur contra tribulationes ejus imminentes, & aduersa. Vnde ait: *Hæc omnia quæ dixi, in sermone isto, locutus sum vobis scilicet: ad hunc finem, & ideo ut in me pacem habeatis* advenientibus tribulationibus futuris: quia sicut grave quietatur in loco proprio, ita cor humanum in Deo. Et inde est quod homines mundani, qui Deo per amorem non sunt conjuncti, habent tribulationes absq; pace, sed sancti, qui Deum per amorem habent in corde, etsi ex mundo habent tribulationes, in Christo habent pacem. Hic finit sermonem suum, ut pius Pater utiliora ponens in fine, scilicet de pace ad quam omnes conatur invitare. Vnde glossa: Non solum quæ in cana, sed etiam quæ ab initio prædicationis suæ, & maxime quæ in cœna hac de causa dicit, ut in illo pacem habeant: pacem peccatoris in præsentia, pacem æternitatis in futuro. Hæc pax est pro qua Christiani facti sumus, pro qua Sacramentis imbuimur, pro qua flagellis & aliis modis erudimur, pro qua spiritus pignus accepimus, pro qua in eum credimus & speramus, & amore ejus accendimur. Hæc est in pressuris consolatio & liberatio, ut hac in fine feliciter regnemus cum Christo. In hoc ergo sermonem concludit, quia ipse est consummatio viæ, & beatitudo Patriæ.

**August.** August. Hæc pax finem temporis non habebit, sed omnis piæ nostræ intentionis, actionisq; finis ipsa erit. Et subjungit. *In mundo pressuram habebitis.* scilicet ab humanis hominibus vos persequentibus: in me autem pacem: quod dicitur secundum Gregor. Sit vobis de me interius, quod consolando reficiat: quia erit de mundo exterius, quod saviendo graviter premat. Sancti enim viri non habent tribulationes puras, quia habent consolationem Dei admixtam, sed mali habent eas puras. non habentes consolationem istam. Sed concipit. 12. *fidite*, id est fiduciam in me habete, quia ego pro vobis vici mundum, & non prævalebit: quasi diceret recurratis ad me, & habebitis pacem in me: Christus vicit mundum, diripiendo & auferendo arma ejus quibus impugnat: hæc autem sunt ejus concupiscibilia: *Nam omne quod est in mundo, aut est concupiscentia carnis: quam destruxit per afflictionem & laborem; aut concupiscentia oculorum, quam destruxit per paupertatem: aut superbia, quam destruxit per humilitatem.* In hac victoria Christi debent confidere sancti, quia consideratione ejus armati, & virtutibus muniti, feciliter superant tentationes mundi: propter quod dicit Petrus Christo in carne passo, & vos eadem cogitatione armamini. Qui ergo sicut Christus ista concupiscibilia vincit, vincit mundum. Et hoc, secundum Ioannem, facit fides nostra, quia cum sit substantia sperandorum, quæ sunt bona spiritualia & æterna, facit nos contemnere bona corporalia & transitoria. Et alia plura his similia tunc dicebat. Quinto, circa sermonem mediteris, qualiter ipse Dominus Iesus, eô qui erat ad discipulos sermone finito (de quo, secundum Bedam, in cana locutus est usq; ibi: surgite eamus hinc) deinde stando usq; ad hymni finem, cujus hoc initium est, tandem *sublevaris oculis*, aspiciens in cælum se ad Patrem convertit, & verba ad ipsum dirigens orare cepit. Christus non tantum oravit ad aliquid impetrandum, sed etiam ad dandum nobis orandi exemplum; & ideo oratio sua hic describitur, optimis circum



cumstantiis disposita. Primò, respectu præcedentium, quia post sermonem, & discipulorum instructionem, convertit se ad orationem, ad ostendendum quòd complementum boni operis est à Deo requirendum, & ut quos instruimus verbò, juvemus orationum suffragiò, quia sermo Divinus maximè habet effectum in cordibus audientium, cum fuleitur oratione, per quàm Divinū imploratur auxiliū, & ideo finis sermonis nostri debet ad orationem terminari. Secundò, respectu præsentium: qui orando principaliter oculos levavit ad cælum, ad denotandum quòd in oratione mens debet elevari in Deum: quia secundum Damascenum: Oratio est *Damascen. lib: 3. de* ascensus mentis in Deum. Inter alias autem partes corporis: dispositio interior mentis maximè relucet in oculis: ubi enim amor *fide, a pit: 24. Chry-* ibi oculus. Chrylost: Propter hoc in cælum oculos levavit, ut stā- *st: hom: 29. in Joā.* tes sursum aspiciamus, non oculis carnis solum, sed & mentis. Sancti ergo quandoque erecti & elevantes oculos ad cælum orant, non ut superbi, sed ut humiles: ut orationem ad Deum dirigendam, & cælestia tantum petenda esse ostendant. Unde Psal: *Ad te lavavi o-Psal: 122.* oculos meos, qui habitas in celis. Et non solum oculos, sed & operationes nostras in Deum referre debemus secundum illud Threno. *Thren. 2.* *Levemus corda nostra cum manibus ad Deum in celis:* per manus, nempe designantur operationes. Tertiò, respectu sequentium, quia articulo passionis sibi imminente, & pressuris discipulorum prædictis oravit ad Patrem suum: ad designandum, quòd pressuris & tribulationibus imminetibus debet homo per orationem recurrere ad Deum: sicut Moyses, Susanna, & alii plures clamaverunt ad Dominum cum tribularentur, & liberavit eos. Orat autem Christus primò pro se, deinde pro membris. Pro se orat, tum secundum humanā naturā, tum secundum Divinā secundum humanā naturā, pro clarificatione in passione, pro clarificatione resurrectionis, pro clarificatione, ascensionis, pro clarificatione judicii quā habebit in eo post illud. Secundum Divinā naturā orat pro notitia, & manifestatione claritatis Patris & Filii: in quibus intelligitur nexus & amor amborum, scilicet Spiritus Sanctus, quia medium sæpe intelligitur in extremis. Horum trium eadem est claritas, natura, essentia, eadem potentia, scientia, bonitas. Postulat ergo ipse Christus claritatem suam, ab æterno Patre habitam, ad humanam cognitionem & notitiam pervenire: ne ipsum purum hominem arbitantes, de passionis ignominia verecundiam recipiant, ac de resurrectionis gloria desperantes à fide deficient. Pro membris dupliciter orat. Primò, pro membris credentibus, & jam Capiti adhzrentibus: secundò, pro credituris per Verbum jam credentium. Orat ergo pro discipulis & membris jam credentibus, & recommendat eos Patri dicens: *Pater sancte serva eos,* conservando à malo, & custodiendo in bono: *in nomine tuo,* id est, in fide ac confessione, & veritate & virtute nominis tui: *quos dedisti mihi,* pro fundamento Ecclesiæ per eos fundandæ, per spiritualem amicitiam eos mihi jungendo, *ut sint unum,* & uniti per charitatem, *sicut & nos sumus unum,* per naturam: ita quòd sicut, non importat æqualitatem, sed quandam similitudinem & imitationē longinquam. Sum Ego filius tuus per naturam, sicut & illi filii tui & fratres mei per gratiam. Vel secundum August: Ut quem- *August: admodum Pater & Filius non tantum æqualitate substantiæ, sed etiam voluntate unum sunt: ita & hi non tantum per hoc quòd ejus-* *trac: 107. in Joā.*

Tttt

dem



dem naturæ sunt, sed etiam per eandem dilectionis societatem unum fiat. Cujuscunque perfectio nihil aliud est quam participatio Divinæ similitudinis: intantum enim boni sumus, inquantum Deo assimiliamur. *Oratio Pro: Apostolis.* Ego pro eis rogo, quò ad efficaciam: quia tui sunt, per æternam prædestinationem: non pro mundo, id est, mundi dilectoribus, & perditis secundum tuam præscientiam. Hoc dicitur, quia efficacia suæ orationis tantummodo ad electos se extendit. Quamvis nempe in se sit efficax pro omnibus, tamen mali ponunt sibi impedimentum, ne sint participes ipsius. Et licet jam non essent de mundo, adhuc tamen necessarium erat eos esse in mundo: ideo subdit, *non rogo ut tollas eos de mundo*, vel propter aliorum salutem, quia adhuc sunt mundo necessarii: vel propter eorum utilitatem, quia

*Beda in cap. 17. Joan.* in meritis non sunt consummati. Ubi Beda, quasi diceret: jam imminet tempus ut ego tollar de mundo, ideoque necesse est ut isti nunc non tollantur de mundo, ut Te & Me primum annuncient mundo. *Sed ut serves eos à malo*, & defectu, in pressuris eripiendo de periculis & dando eis permanentiam in fide, & constantiam in tribulationibus imminuentibus. Hinc habes quia sancti non debent rogare, ut transeant de mundo, si adhuc eis conveniens non est, sicut nec istis conveniens erat: *sanctifica eos*, id est confirma in veritate fidei catholicæ, ac vitæ & doctrinæ: sanctum enim uno modo

*Oratio Pro: cæteris fidelibus.* significat idem quod firmum. Ista autem confirmatio Apostolorum facta est à Deo Patre, quando in die Pentecostes misit eis Spiritum sanctum. Deinde orat pro toto fidei populo, dicens: *Nam pro eis rogo tantum, sed & pro eis qui* per totum orbem credituri sunt in me, per verbum eorum, scilicet per verbum fidei & Evangelii quod prædicaverunt: per quod omnes in Christum crediderunt, qui fidem in Illum habuerunt quàm Apostoli prædicaverunt. Quod Verbum, dicitur eorum, non quòd per eos tantum sit prædicatum, imò & per Paulum & alios quoslibet. Prædicatores, sed eis primò & principaliter commissum est ad prædicandū, & ab ipsis est primitus ac præcipuè prædicatum. Hoc est Verbum fidei prædicatum, Verbum

*Augustin: trac: 109. in Joan:* Dei inspiratum, per quod credidit latro, credidit Paulus, & quicunque unquam credidit in Christum. Unde, secundum Augustinum, omnes suos ibi intelligi voluit: non solum qui tunc erant in carne, sed etiam qui futuri erant. Quotquot enim postea crediderunt in Eum, per verbum Apostolorum sine dubio crediderunt, & donec veniat credituri sunt. Per hos Evangelium ministratum est, & antequam scriberetur: & utique quisquis in Christum credit, Evangelio credit. Hæc August: *ut omnes unum*, unitate sint fidei & charitatis, *sicut & tu Pater in me, & Ego in Te unum sumus* in unitate naturæ & substantiæ: *ut & ipsi in nobis unum sint*, fide & charitate,

*Augustin: ibidem.* vel secundum Augustinum, potest referri ad unitatem amoris, sicut *Sicut tu Pater es in me, & Ego in te*, per amorem: *ita & ipsi sint unum in nobis*, per amorem: quia charitas facit unum esse cum Deo: quasi diceret, sicut Pater diligit Filium, & e converso filius patrem, ita ipsi diligebant Filium & Patrem. Fructus autem unitatis est, *ut mundus totus prædicatione eorum conversus credat & cognoscat: quia Tu me misisti*, & quod doctrina quam dedi eis sit à Te: sic enim omnes unum erunt. Nam per nihil aliud manifestatur veritas Evangelii, sicut per charitatem fidelium. Unde Chrysostomus: Nihil enim scandalizat omnes, ut ab invicem dividi: quod credentes

*Chrysost: hom: 21. in Joan:* fiant



fiant unum, hoc ædificat ad fidem. *Et ego claritatem quam dedisti mihi dedi eis:* quia potestatem miraculorum per quam declarata est Divinitas Christi, dedit Apostolis. Unde Chrysost: Claritatem dicit gloriam, quæ est per signa & dogmata: & ut unanimes sint. Unde subdit: *Ut sint unum sicut & nos unum sumus*, id est, ut sint in vera unitate Ecclesiæ, absque schismate. Unde Chrysost: Hæc enim gloria, ut sint unum, etiam signis major est. Ego in eis per gratiam & per charitatis spiritum, & tu in me per unitatem naturæ & substantiæ, & per consequens etiam tu in eis per eundem spiritum. Vel secundum Hilarium: Ego in eis, scilicet sum per unitatem naturæ humanæ quam eandem habeo cum ipsis: & etiam quia do ipsis corpus meum in cibum sacramentalem: & tu in me per unitatem essentia: ut sic sint consummati, id est, perfecti in unum: quia per unionem humanitatis Christi ad Deum facta est unio totius creaturæ. Ut sint, inquit, consummati in unum in præsentia, in unitate charitatis & gratiæ per fidem; & in futuro in unitate gloriæ, & fruitionis Divinæ per speciem. Ad hoc enim tota tendit oratio, in qua pluries inculcat orando ut sint unum. Sic omnes orare debent pro unitate gratiæ in via, & pro consummatione gloriæ in patria: ut hic habeant unitatem charitatis & gratiæ per fidem, & ibi unitatem fruitionis & gloriæ per speciem. In unione charitatis consistit perfectio Christianæ religionis: quia per hoc membra Ecclesiæ conjunguntur adinvicem, & Capiti homini Christo, & ulterius ipsi Deo: quia qui adhæret Deo, unus spiritus est: & sic per consequens primum principium quod est Deus, conjungitur homini, qui est quodammodo omnis creatura. Finis autem unitatis est: *ut cognoscat*, tunc per speciem *mundus*, ex inimico amicus effectus, id est, credentes *quia tu me misisti*, & dilexisti eos sicut & me dilexisti. Unde Augustinus: In Filio quippe Pater nos diligit: quia in eo nos elegit. Cum igitur eorum quæ fecit nihil oderit, quis dignè possit loqui quantum diligit membra Unigeniti sui, & quantum ampliùs ipsum Unigenitum? Deinde petit conjunctionem membrorum ad Caput, dicens, *Pater quos dedisti mihi*, per veram fidem in tua prædestinatione ab æterno: *volo*, id est, oro & desidero: *ut ubi Ego sum*, citò futurus, & *illi sint mecum*, id est, in æterna beatitudine: in qua etiam jam erat Christus actualiter, quantum ad animam, quæ est pars principalior hominis, *ut videant claritatem meam quam dedisti mihi*, id est, Divinitatem meam: vel claritatem corporis mei glorificandi, utramque enim claritatem, & secundum divinitatem, & secundum humanitatem sancti in gloria videbunt: *quia dilexisti me*, essentiali dilectione ante mundi constitutionem, & ab æterno: hoc patet quantum ad Christi Deitatem, similiter quantum ad humanitatem, inquantum Deus Pater æternaliter prædestinavit ipsam ad hanc gloriam & exaltationem. In ipsa etiam dilexit nos ante mundi constitutionem prædestinatione: quia membra ejus sumus: & diligimur in illo qui totus diligitur, id est, Caput & corpus. Est enim in nobis tanquam in templo suo, nos autem in illo secundum quod Caput nostrum est. Ubi Augustinus: In magnâ sp̃e Dominus Jesus suos erigit, qui major esse non possit: audite & estote in sp̃e gaudentes, ut esse possitis in tribulatione patientes: audite inquam, in quo spes nostra levatur attendite, Christus Jesus dicit audite, credite, sperate, confidate quod dicit. *Pater, inquit, quos dedisti mihi, volo ut ubi ego sum, & illi*



Orationis  
dulcedo.

Cena ex  
cellentia.

Miranda in  
cena.

Psalm. 41.

Joanni be-  
nedicit.

*Et illi sint mecum.* Qui sunt isti quos ait à Patre datos sibi? Nonne illi de quibus aliò locò dicit, nemo venit ad Patrem nisi Pater qui misit me traxerit eum? Et iterum: Quapropter omnibus membris suis promittit hoc primum, ut ubi est Ipse & nos cum illo simus. Nec poterit non fieri, quod omnipotenti Patri se velle dixit omnipotens Filius. Hæc August: Unde & Anselmus: Inter hæc cum discipulos sacratissimâ illâ oratione commendans Patri dixerit, Pater serva eos in nomine tuo, inclina caput tuum, ut merearis audire, volo ut ubi ego sum & illi sint mecum, bonum est tibi hîc esse: sed exequendum est. Hæc Anselmus: O quàm dulcissima orationis verba, antidotum & remedium ad omnem adversitatem & peccatû, cujus dulcissimæ orationis principiû & finis in pace & dilectione cõstitit: ad quam præcipuè (ut dictû est) tendit. Et multa alia Dominus Jesus discipulis dicebat, quæ verè corda devota scindebât. Si ergo in sermone quæ dicta sunt attentè discussis, & diligenter meditando ruminaveris, in eorû dulcedine requiescēs: meritò inardescere poteris ad tantâ dignationē, benignitatē, providentiam, diligentiam, & charitatem: & circa alia per Dominum hæc serò gesta. Ex quibus poteris colligere fasciculum contra omnem tentationem & adversitatem, salubre consolationis remedium. Inter omnia nempe memorialia Christi, præcipua recordatione constat esse dignissimum finale illud sacratissimæ cœnæ convivium, in quo non solum Agnus Paschalis proponitur ad edendum: verumetiam Agnus immolatus, qui tollit peccata mundi, sub specie panis præbetur in cibum. In quo quidem convivio mira dulcedo bonitatis Christi refulsit, quando cum pauperibus illis discipulis & Juda proditore, eadē in mensa & scutella cœnavit. Mirum claruit humilitatis exemplum, dum pedes piscatorum & proditoris sui Rex gloriæ præcinctus linteis studiosissimè lavit. Mira paruit munificentia largitas, dum sacerdotibus illis primis & per consequens toti Ecclesiæ & orbi terrarum Corpus suum sacratissimum, & Sangvinem verè in cibum dedit & potum. Mirus tandem emicuit dilectionis excessus quando in fine diligens suos tam dulci exhortatione confortavit in bono, Petrum specialiter præmonens ad fidem & robur, & Joanni conferens pectus ad recubitus dulcem & sacrum. O quàm mirâ sunt hæc omnia repleta dulcedine, illi duntaxat animæ quæ ad tam celebre vocata convivium, tanto mentis currit ardore, ut possit illud propheticum cantare: *Quemadmodum desiderat cervus ad fontes aquarum, &c.* Conspice ergo Dominum dum loquitur, quomodo efficaciter, devotè & delectabiliter loquens, imprimit discipulis suis quæ narrat: & paschalis in amicitia aspectus & verborum ejus. Conspice etiam discipulos, quomodo sunt mæsti, lachryman-tes & suspiria dantes. Pleni enim sunt tristitiâ, ut de hoc ipsa veritas testimoniû fert dicens: *Quia hæc, scilicet de recessu meo, locutus sum vobis, tristitia implevit cor vestrum: & doletis me corporalibus subtrahi oculis.* Inter alios autem conspice Joannem, eidem familiaris cohærentem, qualiter attentè & diligenter hunc dilectum suum aspicit. & tenerius anxius omnia verba ejus recolligit. Ipse nempe solummodo ea describens tradidit nobis. Benedictus ipse Joannes, qui supra pectus Domini recumbens hæc potavit, & memoriter retinens nobis ea scripsit. nullus sic fideliter & familiariter Domino adhæsit, ut Joannes. In cœna juxta eum sedit, licet es-



set junior aliorum: & quando captus fuit, secutus est Eum in atrium: principis Sacerdotum: & nec in crucifixione nec in morte nec post mortem Eum dimisit, quousque sepultus fuit. Et quia Dominus videbat discipulos formidare & timere: tum ratione temporis, quia nox erat: tum ratione loci, quia in civitate manifestè sistebant, ita ut frequenter circumvolverent oculos ad ostium domus, quasi imaginantes & expectantes invadi & capi ab hostibus: & propter hoc minùs intendentes his quæ dicebat: ideo ut melius verba quæ dicturus erat intelligerent, & ut ad locum unde tradendus erat veniret, inter alia eis discumbentibus dixit: *Surgite eamus hinc*, scilicet ad locum alium magis securum & secretum: ubi æstimantes vos securos attentius audiat verba mea, & melius attendatis ad ea quæ sunt vobis dicenda: ad locum unde tradendus sum ad mortem, ad separationem à vobis corporaliter in hoc mundo, ad angustiam & passionem meam, & quicumque voluerit post me venire, abneget semetipsum: & tollat crucem suam, & sequatur me. Et ora eum ut non sinat te à suo latere separari, sed concedat tibi secum ire, & eum sequi, sive ad mortem, sive ad vitam. O quantus pavor in discipulos intravit, nescientes quò vel qualiter ire deberent, & de ipsius separatione plurimum formidantes. Merito autem de tanto convivio gratiæ reddendæ erant Deo, & ideo post cænam hymnum, id est, canticum Divinæ laudis dixit, & gratias egit sicut & ante cænam fecerat, ut scilicet addiscas, & ante cibum & post cibum gratiarum reddere actiones. Unde Chrysostomus: Audiant quicumque velut porci simpliciter manducantes Cum ebrietate surgunt, cum deceret gratias agere, & hymnum concinere, & mensam desinere, audiant quicumque ultimam orationem in sacris mysteriis non expectant, ultima nempe oratio Missæ, illius hymni est signum. Gratias ergo egit antequam sacra mysteria discipulis daret, ut & nos gratias agamus: hymnū dixit postquā dedit, ut & nos hoc ipsum faciamus. Hæc Chrysostomus Ubi & Beda: Simul etiam & hoc ostendit, quòd amplexibile erat sibi pro nobis mori, quia cum tradendus erat Deum laudare dignatus est, docet & nos cum in angustias incidimus, propter multorum salutem non contristari, sed Deo gratias agere, qui in nostra tribulatione operatur multorum salutem. Tandem multis completis mysteriis, & hymnò dictò, pro Sacramenti institutione, & novæ vitæ denuntiatione, horā cōpletorii egreditur de loco cænae, cum discipulis suis, ad locum extra civitatem, ad quem sciebat venturum proditorem, ultro se offerens passioni, ut ostenderet se voluntariè subire mortem, & desiderare nostram redemptionem. Ille enim locus erat aptus ad capiendum Christum, quia erat à civitate remotus, & ipsi quærebant capere Eum sine strepitu turbarum. Præcedit ipse, tu Eum sequere, & conspice discipulos euntes post Eum, & cum eo, quomodo quilibet qui magis potest, magis eidem approximat, & congregatim pergentes (sicut moris est pulorum pergere post gallinam) impellunt Eum modò unus, modò alius ex desiderio appropinquandi & audiendi verba Ipsius. Ipse vero libenter & patienter sustinebat ab eis, & tunc locutus est eis complendo sermonem, eundo per viam & in horto. Et ivit cum illis versus Orientem, *trans torrentem Cedron*, & vallem Josaphat, quæ est inter Hierusalem & montem Oliveti à Septemtrione in austrum porrecta, per cujus vallis medium currit idem torrens Cedron. Est autem Cedron genitivus pluralis, qui Latine Cedrorum, dicitur: de

Uuuu

qui.



quibus arboribus copia ibi erat in ripis torrentis ejusdem: unde sic appellatur. In hac valle est parva campi planities irrigua & nemorosa, plenaque deliciis. Vallis verò nomen accepit à rege Josaphat ibi sepulto: ubi à parte montis Sion in pede montis Oliveti: in ipsam vallem descendendo est turris sepulchrum ejus continens. Cujus ad dexteram de rupe montis Oliveti, excisa & seperata domus, duo cavata habet sepulchra, scilicet Simeonis senis, & Josephi Sponsi Mariæ Virginis. Et venit cū illis in villam, quæ dicitur Gethse-

*Joseph se-*  
*pulchrum.* mani, ad radicem, seu pedem montis Oliveti juxta campum, qui Gethsemani dicebatur: unde & villa sic vocatur, ubi est Ecclesia ad-hærens rupi, sub qua Apostoli erant somnò prægravati, & intra erant Canonici Regulares cum Abbate, secundum Regulam Beati

*Introitus*  
*in hortum.* Augustini, Domino servientes. Et intravit cum ipsis in hortum, qui in fine villæ erat, & ad villam pertinebat, ubi traditorem suum & armatos expectabat, sciens omnia quæ ventura erant super Eum, secundum altissimæ dispositionis arcanum. Et qui persecutores suos, & omnia in manu sua accepisse se noverat, quia omnia dedit ei Pater in manus, sponte in manus persequentium se ponebat. Sciebat autē & judas traditor locū, quia frequentur Jesus cum discipulis suis illuc venire consueverat, causā orandi secretius extra tumultum civitatis, & causā secretius loquendi cum discipulis familiariter instruendis. Itaque tradendus à discipulo, conventi secessus locum & judæ notum adiit, quod facillimè reperiri posset: manifestè se dans ad capiendum, ne mortē timere, vel invitus crucifigi putaretur. Unde bene dicitur, quod hymnò dictò exierunt, secundum consuetudinem, in montē Oliveti, id est, versūs montem Oliveri, quia consuetus erat il-

*Chrysost:*  
*hom: 84*  
*in Matt:*  
*In oratione*  
*pernoctare*  
*solitus erat*  
*Dominus.*  
*Completo-*  
*rium unde*  
*dictum.* luc ire, & morari de nocte, causā orationis. Nam secundum Chrysostomū consueverat frequenter extrā in oratione pernoctare, & stratus molliem declinare: & secundum eundē, conversudo Christi erat, maximè in solennitatibus, post cœnam discipulos seorsum ducere, & purum à tumultibus locum inquirere, ne mens impediretur ab auditione, & aliqua sublimia de festo docere, quæ non erant fas alios audire. Completorium potest dici: quia in ipso completur cursus diei. Similiter Dominus noster Jesus Christus, completo cursu prædicationis, & cœnā illā singulari tam gloriosissimè celebratā & factā cum discipulis suis, de qua cœna & de Sacratissimo dono corporis & sanguinis ejus, ibi tradito debes frequenter devotissimè cogitare: & quod lotis discipulorum pedibus, ac facto sermone & dictò hymnò, id est, gratiarum actione, exivit cum discipulis suis versūs montem Oliveti, ubi capiendus erat & ab amicis separandus. Et quando complendum erat quod Propheta dixerat, percutiam Pastorem & dispergentur oves gregis. Vade & tu semper cum Eo, & noli Eum deferere, ne & Ipse deferat te. Mysticè, Eg-

*Zach: 15.*  
*Mysticè.* gressus est Jesus extra civitatem, ut nos egressuros de mundanis, & mundi habitatione significaret, quando sacrificium Deo offerre volumus: & ut tumultum hominum fugere doceret, quando orare vel familiaria cum nostris tractare intendimus. Egressus autem ixit transtorrentem Cedron, qui interpretatur tristis mæror, & significat viam passionis, quam Christus perambulare voluit: quia sicut torrens torrore caloris solis cum impetu descendit, sic Christus calore charitatis & luce veritatis succensus fluctus passionum impetū propriæ voluntatis sustinuit. Per hoc ergo quod Christus ixit illuc imminente sua passione, significatur quod Christianus ire volens ad marty-



rium, debet imminens supplicium præcogitare, & per patientiam se armare, quia secundum Gregoriū, Minus feriunt jacula quæ præ-<sup>Gregorius</sup> videntur: & tolerabiliora sunt mala quæ præsciuntur. <sup>Et venit in hom: 35.</sup> <sup>villam Gethsemani,</sup> quæ interpretatur vallis pingvedinis: quæ inter-<sup>in Evang:</sup> pretatio ostendit, quàm humilis, quàm devota fuit Christi oratio quâ ibi fecit. In valle enim humilitas, & in pingvedine devotio notatur: secundum Remigium, Dominus appropinquans passioni in val-<sup>Remigius</sup> le pingvedinis oravit, ut demonstraretur quia per vallem humilita-<sup>in cap: 26.</sup> tis & pingvedinem charitatis pro nobis mortem suscepit. <sup>Humi-Matth:</sup> liavit enim se usque ad mortem, & ex charitate posuit pro amicis animam suam. In horto etiam oravit & capi voluit, ut ostenderet <sup>Cur in hor-</sup> quod satisfacere venerat pro peccato primorum parentum commil-<sup>to oravit &</sup> so in horto: id est, in terrestri paradiso: vel quod per passionem su-<sup>capit est.</sup> am nos in hortu paradisi coronandos introducit. Dicitur etiā post <sup>Egressus in</sup> cōmunionē in montē Oliveti exisse & orasse: quod repræsentat pro-<sup>Olivetum-</sup> cessio fratrum, quando post refectionem, exit in oratoriū ad gratias agendum. Per quod etiam datur intelligi, quod virtute Dominici sacramenti ascenditur ad culmen gratiæ & gloriæ. Signanter autem, secundum Orige: hymnō dictō exierunt in montem Olivarū: per <sup>Origenes</sup> hoc designans quod post perceptionem tanti Sacramenti fidelis ho-<sup>trac: 35.</sup> mo nihil debet agere in convalle, nec circa aliquod terrenum se oc-<sup>in Matth:</sup> cupare. Sed, secundum Hieronymum, debet ascendere in montem Oliveti: id est, in virtutum sublimia, ubi est laboris resectio, & doloris solatium, ac veri luminis notitia apprehenditur. Oravit ergo Dominus in monte Oliveti, sive in horto ad radicem ejusdem montis: quod totum vivum est, & plenum figuris. Cum enim in monte orat: sursum nos, & pro cælestibus habere cor in oratione, & sublimia tantū orando inquiri debere: docet cum in valle, & hoc in valle pingvedinis, docet nos in oratione humilitatē & internæ devotionis ac dilectionis pingvedinem servare: & ut non gestemus cor atidum à charitatis pingvedine. Merito autem passurus Dominus ascendit in illum montē, unde erat ascensurus in cælum, ut per hoc ostenderetur quod per tolerantiam passionis ascenditur ad quietem cælestis mansionis. Unde Hieronymus: In monte quidem Oliveti <sup>Hierony:</sup> Jesus vigilat & orat, tenetur ac ligatur: ac inde ad cælos ascendit, <sup>in cap: 14.</sup> ut nos sciamus quia inde ad cælos ascendimus: unde vigilamus & o-<sup>Marci.</sup> ramus, ligamur, & nō repugnamus in terra. Hic Mōs Oliveti ōni ac-<sup>Oliveti mō-</sup> tibus dignitas <sup>Quinque</sup> ceptione est dignus, in quo Dominus frequenter morari & orare, ac <sup>in virtutum</sup> multa & mira operari dignatus est. Est autē in hoc Mōte Ecclesia, in <sup>exempla.</sup> qua cū Abbate nigri Monachi esse solebant. Potes autem meditari, quod Dominus Jesus dedit nobis in isto serō exemplum quinque magnarum virtutum, scilicet humilitatis, in lavando pedes discipulorum: charitatis, in Sacramento Corporis & sanguinis sui, & in sermone qui est monitis charitatis plenus: orationis, in orando in horto tribus vicibus: patientiæ, in sustinendo proditorem suum, & multa opprobria, quando fuit captus & ductus ut latro: obedientiæ, in eundo ad passionem & mortem ex Patris præcepto. In his ergo virtutibus & aliis Eum pro posse imitari coneris.

## DE PASSIONE DOMINI NOSTRI.

### C A P U T LVIII.

Occurrit nunc, ut passionem Domini nostri Jesu Christi tractemus, de qua ad minus septies in die recordari deberet Christi-



Bernardus  
sermone de  
passione.

anus. Unde dicit Bernardus: Quod quotidiana lectio Christiani, debet esse recordatio dominice passionis: & quod nihil ita accendit cor humanum, quemadmodum sæpe & sedulo recogitata passio & humanitas Salvatoris. Qui ergo in Cruce & passione Domini desiderat gloriari, sedula meditatione debet in ea persistere: quæ præcipue inter cætera debet cordi nostro esse infixæ: ut sicut in suo corpore circatrices & vulnera semper tenet, & de ejus corpore non delentur: ita & in corde nostro per memoriam nostri teneri, & nunquam de eo deleri debet. Cujus quidem passionis mysteria, & quæ circa eum facta sunt, si toto mentis intuitu perspicerentur, in novum utrumque statum meditantem adducerent. Nam ex profundo corde & totis viscerum medullis eam perscrutanti, multi passus insperati occurrerent ex quibus novam compassionem, novam amorem, novas consolationes, & per consequens novum quendam statum dulcedinis susciperet, quæ sibi prælagia & participalia gloriæ viderentur. Unde quædam Monialis devota intantum circa passionem Christi erat affecta, ut nunquam Crucifixi Imaginem inspicere posset, nisi cadens in terram quasi totaliter absorpta à se deliceret. Oportet ergo quod quis præsentem se exhibeat affectuose diligenter & morose omnibus & singulis quæ circa dominicam passionem contigerunt: & quod illuc totam mentis aciem vigilantibus oculis cordis, oblitisque aliis curis & sollicitudinibus exterioribus dirigat perseveranter. Et scias quod si in hac scientia (quæ super omnes alias scientias est) volueris proficere, cum magno studio oportebit te à cibo & potu delicato abstinere, & ad necessitatem tantum parcere de utroque lumere. Cæna quoque nocturna sive potus, multum impedit orationem & contemplationem: quapropter esset pro posse abstinendum. A vestibus quoque ac lectis mollioribus & delicatis abstineas, & in vestitu sicut & in victu humilioris, grossioribus utendo & vilioribus. Oportet etiam quod caveas à multiloquio, ac latria vana & inepta: quia non deceret eum qui vult Christi dolorem sentire, in verbis, risibus, lusibus & gaudio vano se inutiliter occupare. Necessarium enim erit, ut aliquando ita cogites te præsentem cogitatione tua, ac si tunc temporis ibi præsens fuisses quando passus fuit: & ita te habeas in loquendo, in vivendo, in dolendo, ac si Dominum tuum coram oculis tuis cerneres Patientem. Ita nempe & ipse Dominus in spiritu tibi præsens erit, sicut à te cogitabitur præsens esse: & accipiet tua vota, & acceptabit tua facta. Et (ut breviter dicam) oportebit te à delectatione & consolatione carnali, cum magna diligentia elongari, & ut amara & dura tibi dulcescant, & sævicia fiant si in Christi doloribus & passione consolationem, & dulces animæ tuæ dapes cupis invenire. Non enim bene conveniunt consolatio carnis, & contemplatio dominicæ passionis: sed contraria quasi nomina sortiuntur, nec possunt simul caro & spiritus delectari: imò secundum Apostolum, sibi ad invicem adversantur. Unde Bernardus. Crux Christi voluptati adversatur, & voluptas Cruci: & quomodo possunt excusari voluptatum amatores, ut non sint Christi persecutores? Rei enim sunt mortis Christi: & si non ut persecutores, tamen ut tantæ rei contemptores. Et iterum: *Mihi absit gloriari, nisi in Cruce Domini mei Jesu Christi: per quem mihi mundus crucifixus est, & ego mundo.* Non solum, inquit, mortuus mundo: sed & crucifixus, quod est ignominiosissimum genus mortis. Ego illi, & ipse mihi. Omnia quæ mundus amat Crux mihi sunt delecta-

Galat. 5.  
Bernardus:  
sermo. 6. in  
quadragesima.

Galat. 6.



delectatio carnis, divitiarum, honores, vanæ hominum laudes. Quæ  
verò mundus reputat crucem: illis affixus sum, illis adhæreo, illa  
toto amplector affectu. Quamvis in his Apostoli verbis, illud quo-  
que non in congruè possit intelligi, crucifixum ei mundum reputa-  
tione: ipsum verò mundo crucifixum, compassione. Crucifixum  
enim videbat mundum obligationibus vitiorum, & ipse crucifigeba-  
tur ei per compassionis affectum. Hæc Bernard: Et quia, ut dicit  
Gregorius, sine delectatione anima nunquam potest esse: nam aut Gregor. lib. 18. moral. cap. 6.  
infinis delectatur, aut summis: ideo heu multi consolationem Divi-  
nam non invenientes, protinus inhiant ad aliam, & sic sibi justè sub-  
trahunt Divinam. Unde Bernardus: Renuit consolari anima tua in  
aliis, si vis in Dei memoria delectari. Cujus ad alias cōsolationes mens  
inhiat, & non penitus in caducis & transitoriis renuit consolari, ipse  
sibi profecto cœlestis subtrahit gratiam consolationis: quam si digna  
devotione, pleno affectu, desiderio vehementi petere, quærere; pul-  
sare: satageret, sine dubio petens acciperet, quærens inveniret, pul-  
santi aperiretur. Non ergo quæras consolationem aliam, si cupis  
habere Divinam: quia, ut idem dicit Bernard: Delicata est Divina Bern. sermo: de Passione. Manna defecit.  
consolatio, quæ non datur admittentibus alienam: nec duplici via,  
nec duplici affectu quæras Divinam consolationem: quia indignum  
te redderes ad eandem. Unde iterum Bernard: Indignus benedi-  
ctione cœlesti convincitur, qui dubio quærit affectu, duplici petit in-  
tentione: aliud sibi refugium parans, si fortè eam non obtinere  
contingat. Hæc Bernard: Manna defecit filiis Israël postquam co-  
mederunt de frugibus terræ: per mânia quod habebat in se omne de-  
lectamentum, & omnis saporis suavitatem, significatur suavitas Je-  
su: quæ deficit filiis Israël, id est, claustralibus, cùm incipiunt comede-  
re de frugibus terræ id est, dare se terrenis consolationibus. Unde  
Augustinus: Si animus habet unde delectatur extrinsecus. Sine de August. ser. de verb. Apo. Psalm. 76.  
delectatione manet intrinsecus. Ideo vir sanctus debet dicere cū Pro-  
pheta: *Renuit cōsolari anima mea;* scilicet exterius, & ideo ibi sequitur, *memor fui Dei & delectatus sum.* Unde Richard: Nunquā intellectus ad Richardus. lib. 2. de statu interi- oris hominis Gregorius ubi supra.  
cœlesti cōtēplationē perfectè attrahitur, nisi caro in necessariis for-  
titer retrahatur. Unde & Gregori: Si à carne hoc quodlibet abscindi-  
mus, mox in spiritu quod delectet inveniēmus. Compatiaris igitur  
Salvatori nostro Jesu, memoriam passionis & vulnerum ejus in cos-  
tu tuo habendo: certissimè confidens quod ejus consolationis sociu  
in futuro efficieris, si ejus tribulationis in præsentī socius invenieris.  
Nec enim pro ipso piè lugentibus gloriam suam negabit, qui nec  
Magdalenz dolenti & ipsum quærenti resurrectionem suam occul-  
tari voluit. Quod bene Propheta innuit dicens: *Qui seminavit in* Psalm. 152.  
*lachrymis, in exultatione metet.* Unde Apostolus: *Si tamen compati-* Rom. 8. 102.  
*mur, ut & simul glorificemur.* Unde & Bernard: Qui manducat car- 6. Bernard.  
nem meam, & bibit sanguinem meum, habet vitam æternam, hoc  
est, si compatimini, & conregnabitis. Sed non solum corde, ve- Tractat. de dilectio. Dec.  
rùm etiam corpore compatiendum est Christo. Unde Ambrosius: Ambrosius in cap. 9.  
Qui autem compatitur, non perfunctoriè compatitur: sed ut tribu-  
lationes Christi in corpore suo impleat, sicut implebat & Paulus.  
Unde & in canticis: *Pene me ut signaculū super cor tuum* diligendo, sci- Cantic. 8. Ibidem.  
liet me per affectum, & mihi te conformando per affectionem dile-  
ctionis: & ut signaculum super brachium tuum. diligendo etiam me-  
per effectum, & mihi te conformando per amorem operationis: si-  
gnaculum enim formam suam imprimit rei quæ sigillatur. Et meri-



ro debes me diligere utroque modo: quia fortis est ut mors dilectio: hoc est tam fortiter te dilexi, quod pro amore tuo mortuus sum: & dura sicut infernus æmulatio. quia in nullis tentamentis hostium à nostræ salutis cura revocare potuit, sicut infernus nullus inferiorum

*Crucis loca* cruciatibus mitigatur. Per multas ergo tribulationes oportet nos  
*tio, & ejus* intrare in Regnum Cælorum: quod bene figuratur per hoc quod crux  
*significatio.* ponitur inter chorum & cancellos Ecclesiæ, ut qui chorum intrare voluerint, vadant sub crucem, quia ab Ecclesia militante ad trium-

*Memoria* phantem, nemo nisi per Crucem potest intrare. Multum quippe  
*passionis.* placet Deo, quod homo memoriam passionis & vulnerum Ejus portet in corde suo. Narratur enim quod cum quidam Eremita Sanctissimæ vitæ incessanter Dominum exoraret, ut sibi ostenderet quod sibi inter cætera servitia magis acceptaret: vidit hominem nudum trepidantem frigore, & crucem magnam super se bajulantem, & sibi quis esset interroganti dicentem: Jesus Christus Ego sum, rogasti enim Me ut tibi ostenderem quod inter cætera servitia mihi magis complaceret, & nunc tibi dico quod hoc scilicet quod quis homo juvet Me portare Crucem Meam, & vulnera & passionem in corde

*Crux Domini* suo. Et hæc dicens evanuit: Crucem Domini debemus bajulare,  
*ni nobis ba-* & juvare, eum portare: & hoc in corde, per recordationem & com-  
*julanda.* passionem, in ore, per crebram & devotam gratiarum actionem: in corpore, per flagellationem & castigationem: ut Salvatori nostro corde, ore, opere gratias agamus. Cuidam etiam seni matronæ reclusæ multitudinem & numerum omnium vulnerum Christi scire cupienti, & pro hac re flebiliter Deum oranti, vox calica

*Vulnerum* missa dixit: Quinque millia quadringenta nonaginta vulnera Mei  
*Christi nu-* corporis extiterunt: quæ si venerari volueris, orationem Domini-  
*merus* cam cum salutatione Angelica quindecies quotidie in memoriam

*Oratio quin-* Passionis Meæ replicabis: sicquæ annò revolutò unumquodque vul-  
*decim Pater* nus venerabiliter salutabis. Hæc oratio valde placet, DEO, prout  
*noster.* postmodum revelatum fuit cuidam solitario. Et accipitur hic numerus secundum annum bisextilem, ut semper sufficere possit: quia minor numerus quem quidam ponunt, scilicet quinque millia quadringenta septuaginta quinque aliis annis tantum, sed non hoc sufficit. De numero vulnerum Christi sunt versus isti.

*Denotat quæ*  
*genta qua*  
*undecies no-*  
*tant mille*  
*quingenta,*  
*unde deman-*  
*tur decem.*  
*Numeri my-*  
*sterium.*

*Mittitur ut legitur quondam, vox calica lenis.*

*Cor refovendo semis flebilis, ut sequitur:*

*D: duc undecies decem dempta simplice, Christi.*

*Unde revixisti vulnera cuncta scies.*

Tot quippe fuerunt vulnera Christi, accipiendo videlicet quamlibet plagam flagellationis pro vulnere uno: & puncturam cuiuslibet spinæ pro uno. Cujus quidem numeri partes singulæ congruunt mysterio Passionis Dominicæ. Millenarius enim, qui est ultimus limes numerorum, ultimam & supremam perfectionem in hac vita homini possibilem insinuat, quam utique Christus in sua passione & summè adimplevit. Quinarius autem ad quinque sensus refertur in quibus omnibus Christus passus fuit, ut sensus nostros nostris peccatis corruptos reintegraret. Centenarius etiam perfectionem notat. Et ideo per quadringenta perfectio novi testamenti, quod in quatuor Evangeliiis consistit, accipi potest: quod quidem testamentum in sanguine Passionis Christi dedicatum est. Nonagenarius verò, qui constat ex ductu denarii in novennarium designat novem ordines Angelorum. Inter quos ducimur per ob-

*servant*



servantiam præceptorum decalogi, & hoc non nisi per meritum Passi-  
onis Christi. Multa quidē & magna bona proveniunt homini passionē *Bona ex me*  
Christi frequentanti, & se circa eā sedulo occupanti. Si enim ad Di-  
vinitatis cognitionē pervenire desideras, restat ut per assumptā hu-  
manitatē, & humanitatis passionē tanquam per viam regiam grada-  
tim ascendere ad altiora discas. Quia non datur pervenire ad Divi-  
nitatis altitudinem, vel inusitatam dulcedinē, nisi tractu pro quodā  
fidei ac dilectionis affectu, per humanitatis Christi amaritudinem. Et  
quantō hāc neglectā quis ascenderit altius, tantō cadit profundius.  
Hæc est via per quam itur. Hæc est porta per quam introitus ad de-  
sideratum finem conceditur. Per fructiferam namq; ac venerabilem  
Christi passionē, cunctorū nobis spiritualium bonorū materia copio-  
sissime ministratur: ubi enim est gloriatio nostra, ubi spes & lætitia  
cordis nostri? Revera in Christo uno summo & vero bono, & pretio-  
sissimo Ejus Passionis thesauro. Et ideo tam impretiabilē thesaurum  
delectat jugiter in corde retinere, & continuē de ipso loqui, ac omni  
tempore mente & corpore cum ipso occupari, utinā quoq; & incor-  
dibus nunquam marcescat, sed semper rediviva pullulatione novus  
existat. Felix proinde Tu gloriosissimū lumen Ecclesiarum, qui arca-  
nū Divinitatis attingens, abyssum claritatis Divinæ oculis purioribūs  
intuendo introisti: ac verba quæ non licet homini loqui audisti, & ta-  
men ad ima descendens affectu quodā mellito passionis hujus ob pre-  
conium de cordis thesauro in medium eructasti dicens. *Nihil arbitra-*  
*tus summe scire inter vos nisi Jesum Christum, & hunc Crucifixum.* *2. Cor. 2.*  
O ver-  
bum mell. fluū, dulcius super mel & favum, devotis mentibus jugiter  
ruminandum, de quo liquor emanat, qui miseris largiter gaudia sa-  
lutis propinat. Cæterum quicumq; æternam salutem, & præmiorum  
magnitudinem desiderat habere: arcem quoq; cunctarum virtutum  
optat conscendere, scientiam atq; sapientiā obtinere, inter prospe-  
ra: & adversa æquanimiter stare, & securam viam ambulare, nec non  
amaritudinem Passionis Christi Ejusq; consolationis potum suavissi-  
mum desiderat prægustare, debet JESUM Christum, inquā Crucixū,  
jugiter in suo corde portare. Frequens passionis hujus memoria in-  
doctum quemquam reddit doctissimum ac imperitos & Idiotas facit *Passio Chri-*  
proficere in Magistros: Magistros inquā non scientiæ quæ inflat, sed *si doctum*  
charitatis quæ ædificat. Ipsa est velut quidā liber vitæ, in quo omnia  
salutis necessaria inveniuntur. Hic liber de omnibus docēs melleā qua-  
dā dulcedine perūctus sentitur. Felix qui ejus studio sincerē intēdit:  
quia cōtemptu mundi & amore Dei proficiet, cūctarūq; virtutum ac  
gratiarū incremētū sumet. Memoria Passionis Christi debet fieri non *Passionis*  
perfunctoriē, nec cum festina acceleratione, maxime cū tēpus aderit *memoran-*  
sufficiens & opportunum: sed cum matura & morosa ac præcordiali *da modus.*  
rememoratione, & flebili quadam compassione. Nisi enim hoc dul-  
cissimum lignum dentihūs affectuosæ discretionis masticatum fuerit,  
sapor ejus licet immensus nequaquam movebit. Quod & siquidem *Devotionis*  
flere cum flente, aut dolere cum dolente non potes: saltē affectu de- *excitanda*  
voto de tātis beneficiis Tibi per eā gratuitō exhibitis gaudere & gra- *modus.*  
tias agere debes. Quod si nec affectū compassionis, nec gratulatio-  
nis desiderio moveris: sed durā quādam affectione Te in ejus recor-  
datione deprimi sentis: nihilominus induritia cordis Tui ad laudem  
Dei, memoriam hujus salutiferæ passionis qualitercūq; percutte, &  
quod à Te habere non potes, Ipsius manibus piissimis committe, Per-  
cuties scilicet: interiori, videlicet recordatione, & corporali nihilo-







Inc. 1957

Narratio  
historia  
passionis

Passio in  
generali

Yyyy



facit, alius expoliat, alius Eum ad columnam ligat, alius flagellat, alius Eum purpurâ in contumeliam vestit, alius spinis eum coronat, alius arundinem in manu ejus ponit, alius furibundè reaccipit ut spinosum caput feriat, alius nugatoriè genuflectit, alius ut Regem salutat. Hæc & multa similia non solum alius, sed & alii plurimi intulerunt. Ducitur & reducit de iudicio in iudicium, de opprobrio in opprobrium, de supplicio in supplicium spernitur & reprobat, voluitur & circumflectitur, huc atq; illuc tanquam stultus & imbecillis, sed & tanquam latro & impiissimus malefactor, modò ad Annam, modò ad Caipham, modò ad Pilatum, modò ad Herodem, & iterum ad Pilatum: & ibidem modò intus, modò foris. Deus meus quid est hoc? Nonne hoc tibi videtur durissimum, amarissimum, & continuum bellum? Sed expecta parumper, & duriora videbis. Astant contra Eum, constant & vivacissime principes, Scribæ & Pharisei, & millia populi. Acclamatur ab omnibus unanimiter ut crucifigatur. Crux humeris suis jam fractis & laceratis imponitur, in qua crucifigatur. Concurrunt undiq; cives & advenæ, tam majores quam etiam vilissimi ribaldi, viniq; potatores: non ad compatiendum, sed ad deridendum. Nemo est qui Eum recognoscat, sed luto & immunditiis eum impetunt & affligunt. Et dum suam portat ignominiam, factus est illis in parabola.

*Psal. 68.* lam. Contra Eum loquebantur qui sedebant in porta, & in Eum psallebant qui bibebant vinum. Impellitur & anxietur, trahitur & acceleratur, & sic fatigatus, flagellatus, cruciatus, totusq; maceratus, & opprobriis saturatus usq; ad summum non finitur requiescere, non esse in otio. Vix potest refocillare spiritum quousque perveniat ad Calvaria locum. Et hæc omnia cum impetu & furore fecerunt. In ipso autem loco finis & requies negotio, de quo tractamus imponitur. Sed quæ est illa quies? Crucifixio, & lectus doloris. Ecce qualis asperior bellò est. Vides ergo quomodo usque ad horam sextam passus est longum & durum bellum. Verè intraverunt aquæ usq;

*Ibidem.*

*Psal. 21.*

*Tria principalia in passione.*

*Iob 1:*

*Ambros.*

*in c. 23.*

*Luca.*

*Ioa. 18.*

*Passio non tota scripta.*

ad animam suam: & verè circumdederunt Eum canes multi & feroces & terribiles, qui dirè & ut gladium bis acutum exacerunt in Eum linguas & manus suas. In passione autem Christi tria fuerunt in summo, ad quæ rediguntur cetera omnia, & in quibus penitentia summa exprimitur: & veræ patientiæ perfectio experitur. Primum, est rerum ablatio & nudatio. Secundum, contemptus & irrisio. Tertium, pæna & corporalis afflictio: quæ omnia in Christo Domino fuerunt in summo. Nudatus est à crucifixoribus, ita ut nec famoralia in eo remanerent: quod nulli unquam latronum factum fuisse legimus: & panniculis à pia Matre sua non incongruè creditur involutus. Nudam ergo crucem ita nudus ascendit, ut si per sepulchrum illius terram matrem omnium corporum velimus intelligere, rectè possit ei & ad literam convenire quod sanctus Iob ait: *Nudus egressus sum de utero matris meæ, & nudus revertar illuc.* Vnde Ambrosi. Restat igitur considerare crucem Domini qualis ascendat. Nudum video. Talis ergo ascendat, qui sæculum vincere pensat, ut sæculi adjumenta non quærat. Vincit Adam qui vestimenta quæsit, vicit ille qui tegumenta deposuit. Et talis ascendit, quales nos (Auctore Deo) natura formavit. Talis in paradiso homo primus habitaverat, talis ad paradisum homo secundus intravit. Hæc Ambr. Sed quis narrare sufficiat qualia & quanta ludibria, qualis & quantus, à quibus & à qualibus passus sit? Hæc enim & à parte patientis, & à parte inferentis, & à parte illatorum pensanda sunt: nec aliter (& utinam) vel sic dignè pensari possint. Vide qualia passus est. Etenim cum gladiis & fustibus tanquam ad latronem exierunt comprehendere Eum traditus, captus est, ligatus, velatus, consputus, alapis & colaphis cæsus, accusatus: in veste alba illus, flagellatus, purpurâ in opprobrium indutus, spinis coronatus, arundine pro sceptro insignitus, & capite percussus derisorie adoratus & salutatus, ac multis aliis illusionibus & contumeliis affectus, & demum cruci est affixus. Ad contummandam quippe hominis humilitatem, universa in eum contumeliarum genera exercebantur. Sed quis novit quanta passus est? Credimus enim sanctos Evangelistas brevitatis causâ irrisorum tantum species, non etiam numerum expressisse. Quis nempe scire, quis narrare sufficeret, quot & quotiens in tanta multitudine quæ tunc ibi erat, Eum irriserunt? In augmentum etiam irrisio is & ve-

recua-



secundæ, confusionis & ignominie accedit, ubi & quando passus est. Vbi? utique inter cognatos, & notos, in Hierusalem, in civitate Regia, famosa & populosa, extra portam, in loco punitionis sceleratorum, scilicet in loco calvarie fatido & immundo: ubi occidebantur homicidæ & latrones. Vbi? in medio latronum, in cruce quasi ad spectaculum elevabatur flentibus amicis, & insultantibus inimicis. Quando? In præcipua solennitate Iudæorum, ad quam propter reverentiam templi & pulchritudinem, & propter ipsam festivitatem confluebat non solum ex judæa, verumetiam ex diversis gentium nationibus maxima multitudo: & quæ maxime illa die ad tantum spectaculum concurrebat: coram quibus Dominus noster ludibrio expositus, omnibus spectaculum est factus. Sed de afflictione corporali, quid dicturi sumus; Caro enim Christi beatissima atque mundissima, quanto naturâ purior, quanto ab omni labe peccati sincerior fuit, tanto utiq; passibilior extitit ad tormenta. Vnde in persona ipsius Hieremias lamentabatur, dicens: *O vos omnes qui transitis per viam attendite & videte si est dolor, sicut dolor meus*: quasi diceret, Non. Quamvis enim multi martyres multa & magna tormentorum passi sunt genera, nullus tamen in carne ex peccato corrupta tam sensibilis esse potuit ad tormenta: quin etiam cum ipse martyres suos in passionibus non solum roboraverit: verumetiam ipsum dolorem mitigaverit, aut certe in refrigerium & oblectamentum frequenter convertit. Et quamvis hæc martyribus suis Christus ex potentia Divinitatis contulerit beneficia, piè tamen credimus, & fiducialiter constemur, Eum, non sibi, hoc est suæ humanitati beneficium hoc præstitisse: sed in carne illa mundissima, quantum dolorem naturaliter sustinere potuit, tantum usq; ad exitum animæ sustinuisse, & vim doloris virtute patientiæ tolerasse. Ecce qualia & quanta passus sit, vidimus. Sed iam qualis & quantus sit, qui hæc passus est, videamus. Nonne Ipse est innocens qualis manibus. & mundo corde: qui peccatum non fecit, nec inventus est dolus in ore ejus? Nonne ipse Mitis est, & humilis corde? Nonne Ipse est qui fecit cælum & terram, mare & omnia quæ in eis sunt; Nonne Ipse est qui cuncta quæ fecit tenet, regit, gubernat, & protegit? Nonne Ipse est qui intuetur abyssos, cujus oculis omnia nuda sunt & aperta, qui novit omnia antequam fiant? Nonne Ipse est qui novit cogitationes. Angelorum & sanctorum omnium: & quas Ipse nec inspirat, nec informat, demonum & hominum perversorum? Nonne ipse est qui vult omnes homines salvos fieri, & ad agnitionem veritatis venire? Ipse quippe est Dei filius, Deus verus, summe Potens, Sapiens, & Bonus. Videamus etiam à quibus & à qualibus hæc omnia passus sit. In augmentum enim doloris & dedecoris non hæc ab extraneis, sed à domesticis passus est: nec à quibuslibet vicinis & notis, sed à filiis & fratribus: de quibus ipse dixit, *Non est bonum sumere panem filiorum & mittere canibus*. Iudæos utique filios vocans, & gentiles canes: & David in persona ipsius loquens ad Patrem: *narrabo, inquit, nomen tuum fratribus meis, id est, iudæis, ex quibus erat secundum carnem*. Qui etiam filii & fratres quales fuerint, ostendit in Esaia: Vbi ait: *Filios enutrevi & exaltavi, ipsi autem spreverunt me*. Et in Canticis: *Filii matris mee pugnaverunt contra me*. Contra quos in Evangelio sæpe invehitur, & vix æternæ damnationis eis comminatur: Ecce qualia & quanta, qualis & quantus, à quibus & qualibus passus est Dominus: ut ex omnibus advertamus quantum ipsi Domino qui pro nobis nequam mancipiis, hæc omnia voluntariè passus est, unusquisque debeat Christianus. letali duritiâ laborat, qui taliter amantem non amat. Ad intrandum autem ad saporis Dominicæ passionis, & ad compatiendum Domino nostro Iesu Crucifixo, hæc attende. Primò studeas, quantum potes, te unire illi per ferventem amorem: nam quanto ferventiùs Eum diliges, tanto magis suæ passioni compatieris: & quanto plùs Ei compassus fueris, tanto plus erga Eum tuus affectus accendetur: unde sic se mutuo augebunt dilectio & compassio, donec venias ad perfectionem, nisi hoc remanserit propter aliquam tuam miseriam: & præcipuè studeas abijcere omnem præsumptionem, diffidentiam, & negligentiam. Debet enim homo tam nobile opus aggredi humiliter, confidenter & instanter, & cum quanta potest munditia cordis. Et quamvis homo sibi videatur indignus, tamen nequaquam desistat: quia ipse Christus pro peccatis

Locus passionis.

Tempus passionis.

Passionis gravitas.

Thren. 5.

Quis & qualis Christus qui passus est.

A quibus passus.

Mat. 15. Psal. 21.

Esaie 1. Cant. 1.

Saporis dominicæ passionis excitativa.



*Modus  
exercendi  
se in pas-  
sione.*

peccatoribus Crucifixus est. Primò igitur sic uniaris sibi amore, ut cor tuum intret in ipsum totaliter. & extra ipsum reputa nihil esse, ac de te extra ipsum tanquam de nihilo curabis. Tota cura tua vertatur ad præsens circa Dominum tuum Passum, nec de te aliquid exhibeas alteri: nam ejus es quid quid es. Sic ergo totaliter transformatus in ipsum, non possum credere quin Ejus vulneribus vulnereris & perfundaris ejus contumeliis, illusionibus, & opprobriis. Et ad hæc omnia addas orationem, ut quasi continuè depreceris Dominum Iesum Christum, ut suis vulneribus vulneret mentem tuam, & ad ipsa vulnera quasi semper dirige cordis affectum, ut per tuam nimiam importunitatem, à sua misericordia impetres quod intendis. De modis autem exercitii passionis Iesu Christi scire debes, quod circa passionem Domini potest homo se habere sex modis. Consideret eam primò, ad imitandum. Secundò, ad compatiendum. Tertio, ad mirandum. Quarto, ad exultandum. Quintò, ad resoluendum. Sextò, ad quiescendum. Primò ad imitandum consideret, nam imitatio Christi, est summa & perfecta religio perfecti. Hæc est regula & exemplar perfectionis omnis vitæ & virtutis, scilicet Christum imitari in passione, & in morte. Sit ergo nostra regula vivendi, passio Salvatoris: nam tanto amplius desolamur, quantò ab hoc exemplari & regula amplius elongamur. Semper ergo, quantum in nobis est, velimus ab omnibus conculcari, deijci, & vilipendi, illudi, persecutionem pati, flagellari, & in Divinis obsequiis ab omnibus exprobrari. Simus nudi cum nudo, & nihil penitus cupiamus habere: imò habere aliquid sit nobis gravissima pæna & dolor intensus. Abhorreamus delectabilia & dulcia degustare, & potius velimus vilibus & amaris cibari quia Ipse fuit felle & aceto potatus. Et ut breviter dicam, consideremus quæ pronobis sustinuit & qualiter se in passionibus habuit, & nos pro modulo nostro quantum possumus conformemur Eidem. Secundò debemus considerare eam ad compatiendum. Debemus enim considerare Ipsius flagella, illusiones, & opprobria: & in corde nostro ruminare & imaginari, quanta sit dejectio & contemptus erga Dominum nostrum: quantus dolor, quantave afflictio in corde & corpore suo, & quod ratio passionis & compassionis suæ peccata nostra sint. Magnam habemus materiam flendi, & causam lugendi, si intimè cogitemus quod sumus occasio necis Unigeniti filii Dei, læsæ majestatis Ejus. Consideremus quanta tunc amaritudine repletus erat Angelorum Dulcedo, quantum etiam aggravabat Eum non tantum pænæ illatis & nostra ingratitude, sed etiam assistentis Mariæ afflictio: quam sic diligebat, & quasi deficere præ compassionis dolore videbat. Iam ergo transfigant cordis nostri intima Ejus convitia, flagella & vulnera: nec in nobis sit quod non perfundatur ex compassione, & non affligatur dolore immenso. Tertio consideremus quis, quæ, & pro quibus passus est, & multum mirari debemus. Quis, scilicet Dei Filius, Deus verus, summè Potens, Sapiens, & Bonus. Sed quæ? peregrinationem, fugam, famem, sitim, frigus, calorem, tempestates, horrores, persecutiones, observationes, vincula, flagella, illusiones, & dolores. Conspuitur Gloria, contemnitur Iustitia, Iudex judicatur, Inoffensus inculpatur, Innocens infamatur, Deus blasphematur Christus conculcatur, Vita occiditur, Sol obscuratur, luna denigratur, sidera disperguntur. Sed pro quibus hæc patitur; pro sceleratissimis inimicis, pro nequissimis mancipiis, pro contemptoribus Divinæ majestatis, & pro ingratis Divinæ pietati Ergo talis & tantus, talia & tanta, pro tā vilissimis & abjectis passus est. Sed à quibus; à specialiter dilectis, quibus omnē benignitatē ostendit & à vilissimis, à stultissimis, ab impiis, Maximus, Sapientissimus, summè Pius, & à sanie fætidissima Splendor æternus. Et in his omnibus in Divinæ pietatis admiratione elevemur. Quarto consideremus eā ad exultandum Exultare in ea debemus de redemptione humana, restauratione Angelica, & clementia Divina. De redemptione humana sine dubio nimis gaudere debemus, facta per Christi passionem & mortem. Quis quæso non exultet & gaudeat, cum cernat se per hanc redemptum à damnatione æterna, à culpæ ignominia, à potestate diabolica. Exultemus etiam quod per Christi passionem restaurata est Angelica ruina. Magna pretiositas debet esse nobis cum videmus per Christi mortem tam nobile Collegium reparari de nobis, ut fiat unum ovile &



& unus Pastor, & simus unum de uno. Præcipue autem exultare debemus cernentes in prædictis omnibus summam Domini nostri clementiam. Vbi quæso magis apparet benignissima Domini clementia, quam in passione sua? ubi tam turpia & gravia sustinere voluit pro inimico suo liberando & glorificando, qui puniendus erat quadam morte æternâ. Quinto consideremus beatissimam Christi passionem, ad cordium nostrorum resolutionem in Christum: hoc est, per perfectam transformationem in Ipsum: quod fit quando non solum imitatur, compatitur, admiratur & exultat: sed etiam totus homo quodammodo conuertitur in ipsum scilicet Dominum Iesum Christum Crucifixum: ut jam quasi ubiq; & semper sibi crucifixus occurrat, imò tunc verè in ipsum resolvitur, quando ex se exiens homo, & supra positus universo, imò totus supra se totum abstractus ab omnibus, totus est conversus in Dominum suum passum, ut non videat sentiatq; intra seipsum nisi Christum Crucifixum, illudum, exprobratum & passum pro nobis. Sexto consideremus illam beatissimam passionem, ad quietem dulcoris: quod fit cum jam resolutus ut dixi sitibundus eandem passionem humiliter & devotè, & liquefit amore devoto, & fervida devotione deficit à se & quiescit in Christo Crucifixo. Sed quanto plùs deficit à se amore & devotione, tanto plùs eidem dilecto pro se mortuo inhæret, & plùs requiescit in Ipso. Et sic mutuo se auget adhesio & amoris devotio, donec totus deficiens absorbeat ab illo camino amoris passionis dilecti. Sicut in amplexibus sponsi sponsa quiescit, quæ clamat & dicit: *Adjuro vos filia Sion, ne evigilare faciatis dilectam, donec ipsa velit.* Sic circa passionem Domini debet esse imitatio ad purgationem & dilectionem, compassio ad unionem & amorem, admiratio ad mentis elevationem, gaudium & exultatio ad cordis dilatationem, resolutio ad perfectam conformationem, quies & pausatio ad devotionis consummationem. Docet autem passio Christi tria, scilicet quàm odiosa sint Deo vitia, quàm lachrymosa inferni supplicia, quàm gratiosa cœli gaudia. Christus enim passus est pro culpis delendis, pro suppliciis nobis auferendis, & pro gaudiis cœli conferendis. Hæc in quadam generalitate sunt dicta, sed videamus diligenter singula. Non nempe nos decet tædere, illa cogitare quæ Christum Dominum non tædunt tolerare. Et prout dicitur non solum semel pro omnibus hæc tolerare, sed etiam iteratò pro peccatoribus singulis si necesse esset omnia sustinere deliberauit & paratus fuit. O Deus meus misericordia mea, quid est hoc? Quis ad tantam pietatem non obstupescit? Vnde sanctus vir Carpus dicebat se ali-

Cant. 2.

Tria quæ passio docet.

Carpi visio.

## DE PRIMO COMPLETORIO IN PASSIONE Domini. Cap. LIX.

**R**esume igitur à principio passionis meditationes istas, & prosequere per ordinem usq; ad finem, & attende ad singula ac si præsens esses. Conspice itaque Dominum Iesum attentè cum à cœna exiens horâ completorii, in hortum cum discipulis suis vadit, ultimò nunc ab eis associandus itinere, quomodo affectuosè, socialiter ac familiariter eis loquitur, & eos ad orationem hortatur, & cum intrasset in hortum cum discipulis suis, dixit: *Sedete hic*, id est expectate, non moveamini: sicut nec locò, ita nec mente: *donec vadam illuc & orem*, & vos etiam orate ne intretis in tentationem, per consensum: ne scilicet succumbatis tentationi, ut ait Hieron. separantur in oratione, qui separantur in passione. Et Chrysost. Consuetudo nempe erat sine eis orare, hoc autem faciebat, erudiens nos in orationibus: quæ etiam

zzzz

con

Mat. 26.

Mar. 14.

Luc. 22.

& Ioan.

18.

Hieron.

in c. 14.

Neant.

Christ.

hom. 84.

in illa.



Orationis  
comites.

Hierony.  
in c. 26.  
Matth.

Anselm.  
in meditat.

Hierony.  
inc. 26.  
Matth.

Mat. 16.

Passiones  
non vitio  
sa, qua  
nos pra-  
veniunt.  
sequeban-  
tur Chri-  
stum.

constituere nobis ipsis, & solitudinem multam querere. Vnde & Cyrillus semotim orat, ut discas quoddam animo attentò & corde quieto colloquendum est cum Deo Sublimi: hæc autem dixit octo Apostolis, quia Judas ibi non erat: & tres secum duxit, scilicet Petrum, Iacobum, & Ioannem. Per hoc quod Christus volens orare, assumpsit Petrum, Iacobum, & Ioannem: docet nos quod omnis volens devotè orare, debet habere tres comites, scilicet fidei firmitatem, designatam in Petro, qui interpretatur agnoscens, & temporalium abdicationem, ea sub pedibus per contemptum ponendo, & nihil de temporalibus dum orat cogitando, hoc designatur in Iacobo, qui dicitur supplan- tator, ac ponere se in statu gratiæ, & habere gratiæ feruorem, quæ designatur in Ioanne, qui interpretatur in quo est gratia. *Assumpto igitur Petro & duobus filiis Zebedei*, specialiter tanquam de suis secretariis & magis familiari- bus, ut quibus in transfiguratione ostenderat gloriam suæ maiestatis, eisdem revelaret etiam tristitiam suæ passionis: & qui viderant gloriola, viderent & humilia, *cepit*, Ille cuius sunt omnia, & in quo adversarius nihil habebat, qui peccatum non fecerat morte sibi imminente *contristari & pavere*: quid ergo nos oportet facere? Vnde Hieronim in hoc pavere & tristari docemur ante iudicium mortis, qui non possumus per nos dicere nisi per illum, venit princeps mundi huius, & in me non habet quidquam. Hæc autem tristitia Domini maxime fuit: quia tunc ait illis. *Tristis est anima mea usque ad mortem*. Usualiter dictum est, id est, multum tristis est anima mea: quia tristitia tantum intensa erat, quantum esse poterat: vel tristis est usque ad timorem mortis, & pro timore mortis: quia mortem naturaliter timebat: vel usque potest esse exclusivum: tristabatur enim donec se & suos morte liberaret: mors quippe corporis, absolutio est doloris in Christo & suis: vel potest esse inclusivum, scilicet donec post mortem suam redirent Apostoli ad Ejus fidem. Vnde Anselm. Dato autem charitatis & patientiæ salutari mandato, & disposito fratribus Regno Patris tui, ad locum proditori tuo notum cum illis divertisti, sciens omnia quæ ventura erant super te. Ibi animæ tuæ tristitiam, quam ex imminente passione sponte assumpisti, sicut & cætera quæ passus es in auribus fratrum profiteri non erubisti, dicens: tristis est anima mea usque ad mortem. Et iterum præcedit ipse ad montem Oliveti, tu Eum sequere. Et licet assumpto Petro, et duobus filiis Zebedei, ad secreta secesserit, vel à longè intueri quomodo in se nostram transtulerit necessitatem. Vide quomodo Ille cuius sunt omnia, *pavere cepit & tremere*, tristis est inquiens anima mea usque ad mortem. Vnde hoc Deus meus; ita compateris mihi exhibens hominem, ut quodam modo videaris nescire quoddam Deus es? Hæc Anselmus, Assumpsit autem Christus istum pavorem, & tristitiam propter plura. Primum, secundum Hieronymum, ut veritatem assumpti hominis probaret. Naturale enim est homini timere mortem. Ex hac naturali tristitia verè contristatus est Dominus. Sed sciendum quod quædam est tristitia & quidam timor rationem submergens, & hominem contempto Dei præcepto in peccatum ducens, sicut Petrus timore negavit Christum, de huiusmodi loquuntur expositores, quando dicunt Christum non timuisse, quippe qui ad hoc venerat ut pateretur, & Petrum temeritatis arguerat, cum Eum vellet avertere à passione, dicens: *Abstine à te Domine, non erit tibi hoc*. Est & alius timor moderatus, qui naturaliter inest omni homini, & est sine peccato, sicut & fames, & sitis, & tales passionibus fuerunt in Christo. Vnde ipse naturaliter horruit mortem, & penas acerbissimas, quas præseivit se passurum de proximo Aliter tamen huiusmodi passionibus fuerunt in Christo quam in nobis. In nobis enim plerumque huiusmodi passionibus præveniunt iudicium rationis, & imperium voluntatis. In Christo autem semper sequebantur rationem & voluntatem: unde volens e- fugavit & sitivit, volens timuit & contristatus est. Nihil enim coactum in Christo consideratur: sed omnia voluntaria creduntur. Ista ergo tristitia ita fuit naturalis, quod tamen fuit voluntaria & rationalis. Et ideo signanter dicunt hic Evangelistæ quoddam cepit contristari, & quoddam cepit pavere: non dicunt, fuit contristatus, vel pavescens: quia ipse motus tristitiæ non Ei dominatus est: sed Ipse eum statim assumpsit, & voluntati Divinæ subiecit. Aliud est nempe contristari, & aliud incipere contristari. Vnde contristat Eum pro-



propassio sed passio non dominatur Ejus animo. Propassio enim dicit in-  
ceptionem, sed passio continuationem. Quia ergo timor & tristitia inceperunt  
surge in parte sensitiva, sed nondum pervenerunt ad Ejus animum sive men-  
tem ideo dixit, *tristis est anima mea usque ad mortem*, ubi anima sumitur pro par-  
te sensitiva, in qua sunt passionēs, non autem in ratione, sicut etiam alibi di-  
xerat. Nunc anima mea turbata est. Poterat quidem Christus naturā non  
mori, sicut Adam potuit non mori ante peccatum, in eo enim nullum culpæ  
debitum, nullius peccati fuit vestigium. Sed sicut veram humanitatem: ita  
& humanas infirmitates nostras assumpsit, quæ à Deo non separant, velut  
contra ignorantia, impotentia, concupiscentia, & huiusmodi faciunt. Et nota  
quod compassio turbans potest in anima tripliciter accidere, aut præter impe-  
rium & Judicium rationis, ut motus subitus, qui appellatur propassio, aut con-  
tra imperium & Judicium rationis, ut motus progressivus usque ad perturbatio-  
nem rationis: vel à sua rectitudine, ut in malis: vel à sua tranquillitate, ut  
in bonis imperfectis: aut secundum imperium & judicium rationis, ut motus  
à ratione impetatus & ordinatus: ut turbatio penitentis & compatiētis. Pri-  
mò modo passionēs sunt in omnibus puris hominibus etiam perfectis. Se-  
cundò modò, in imperfectis solum. Tertiò modò, in Christo: quia in Eo to-  
taliter subdita erat sensualitas rationi, & ratio inferior superiori, & superior  
Deo: nec tamen una potentia impediēbat aliam in opere suo naturali. Con-  
tristabatur etiam Christus, secundum Hieronymum, non solum timore im-  
minentis mortis, quam ipsa natura abhorret & recusat: sed & propter in-  
felicitatem judæ, & scandalum discipulorum, & dejectionem Iudæorum, &  
everſionem Hierusalem misertus his & compassus. Et possumus etiam ad-  
dere, quod ideo tristabatur: quia præcivit quod tam acerbæ passionis suæ  
flagella & vulnera & mors amarissima, in multis adhuc hodie miseris & ob-  
stinatis peccatoribus frustrari deberent. Secundò, assumpsit pavorem & tri-  
stitiam pronobis membris suis, ut ipse nostras tristitias in se vinceret, sicut &  
mortem nostram sua morte destruxit: & sicut suscepit tentationem & passio-  
nem, ut nos à tentatione & passione liberaret. Tertiò, quoque huiusmodi  
pavorem & tristitiam assumpsit, nobis in exemplum, & doctrinam mora-  
lem ut sequitur: ex hoc enim articulo qui est pavoris & tristitiæ assumptio,  
plura habemus documenta. Primum est, ut nos exemplo Christi discamus ti-  
mores & tristitias ac passionēs alias in nobis insurgentes frangere rationis cohi-  
bere, ne usque ad animam pertingant: sed in inferiori parte animæ sub vo-  
luntatis imperio constringantur: ut dictum est de Christo. Secundum est,  
ut Ejus exemplo discamus nos desperare non debere: si aliquando nobis sur-  
repat tristitia, timor, vel pusillanimitas in obsequio & opere Divino. Vnde  
Augustinus: Moriturus tristatus est Christus, ut doceret martyres suos non  
debere desperare, si in hora passionis surrepat tristitia quam tamen vincant.  
Tertium est, ut nos discamus contristari pro proximis & necessitatibus eorum,  
sicut Christus tristatus fuit non pro se, sed pro alijs, ut dictum est secundum  
vnum intellectum. Quartum documentum est, ut exemplo Christi discamus  
tristitias & turbationes nostras ad Deum cum oratione referre, sicut fecit &  
ipse. Nam statim ut dixerat, *tristis est anima mea*, ivit ad orandum. Quin-  
tum documentum, est quod nos orare volentes devotè, debemus secedere  
ab hominibus ad aliquem locum secretum, sicut fecit Christus, dans nobis  
exemplum. Sextum est, quod omnes tristitias, tribulationes, penas, adver-  
sitates, & infirmitates nostras etiam si petamus ab eis liberari, sicut Christus  
fecit, semper post orationem committamus voluntati Divinæ: ac per hoc eas  
quasi in cor Christi reponamus, orantes ut ipse eas in unione suæ passionis  
perficiat, & offerat eas Deo Patri ad laudem & gloriam suam. Et ex hoc  
nostræ tribulationes, & passionēs multum nobilitantur. Nam sicut passio  
Christi in celo & in terra infinitum attulit fructum: sic penas & quæcunque  
tribulationes nostræ hōc modò Christo commissæ, in unione passionis suæ tam  
fructifera erunt, ut Angelis in celo gloriam, iustis in terris meritum, pecca-  
toribus veniam, purgandis animabus conferant relevamē. In recogitando istum  
articulū studeat homo semetipsū cō tristare cū gētibus, cōpatiēdo, Christo de sua  
tristitia propter nos assumpta, & si in aliqua turbatione vel adversitate sit, uniat  
illā cū tristi-

Ioan. 12

Passio tur-  
bas accidit  
tripliciter  
in animâ

Tristitia  
Christi  
causa

Documenta  
ex pavoris  
Christi.

August.  
sermo de  
passione.

Contriste-  
mur cum  
Christo.



tristitia & adversitatibus Christi: ut ex unione ipsarum dulcescat, & Deo in summa patientia redoleat. O Domine Iesu Christe qui tristari prome misero voluisti, da mihi omnes tristitias meas ad te iugiter sufferre: Tuq; eas in unione tuar tristitia, mecum dignare sufferre. Deinde Dominus Iesus volens se etiam sequestrare à tribus Apostolis secum assumptis, dixit eis: *Sustinete hic, expectando: & vigilate mecum, non cum diabolo vel cum mundo, tanquam amici speciales præ ceteris, qui debent in angustiis assistere amicis. Sustinete pondus tentationis, vigilantes à somno infidelitatis, & torpore mentis ne ingravante diabolo obrepat vobis. Ceteros quidem iussit sedere ibi, quasi inferiores ab agere isto servans eos securos, vos autem quasi firmiores usque hac adduxi, ut collaboretis mecum in vigilijs & orationibus: sed nolo vos progredi ulterius, nondum enim potestis. Propter hoc manete hic vigilantes, sicut & ego vigilo, ut unusquisque in gradu suar vocationis consistat: quia & omnis gratia, quamvis magna fuerit, superiorem habet. Et progressus est ab eis pusillum, scilicet quantum iactus est lapidis, & positis genibus procidit in faciem suam, super terram ut humilitatem mentis ostenderet habitu corporis, & orabat corde, dicens: *Abba Pater, si possibile est, salva congruentia redemptionis humanar, & si moritur mors me secundum carnem non moriente, transfer calicem hunc, id est, experimentum passionis, à me. Quasi diceret: Si possibile est sine morte mea temporali salvari genus humanum, transfer calicem amarar passionis à me. Per orationem offerebat spiritum**

**Oratio Christi.** Deo Patri, quæ quidem oratio ex pluribus ostenditur perfecta Primo, quia solitaria erat: est enim oratio, elevatio mentis in Deum: quod melius fit quando homo est sequestratus ab alijs. Secundo, quia humilis, cum in faciem suam procidit. Tertiò, quia devota, cum ad Deum Patrem recurrit. Quarto, quia recta: cum voluntatem suam voluntati Divinæ submittit. Quinto, quia charitativa, cum interim dulciter discipulos visitavit. Quia dicit

**Abba Pater.** *Abba Pater*, utriusque populi Patrem & Salvatorem Deum esse innuit & ostendit. Idem nempe significat Abba, quod Pater: sed Abba est Hebræum, pater verò Græcum & Latinum. Ergo utroq; primus Ipse invocatur, ut utrumque populum in Eum crediturum, & ab utroque Eum invocandum esse doceat: quia non est distinctio iudæi & Græci. Quia autem dicit, *si possibile est*, ad potentiam Dei pariter & iustitiam refert. Quoniam quantum ad iustitiam Ejus qui non solum potens est, sed etiam iustus, nos sunt possibilia, nisi ea quæ iusta sunt. Unde & verus homo horrebat mortem: & voluntate sensualitatis vellet non mori si de iustitia posset fieri. Habebat autem iustitia Patris ut Christus pateretur, & à constitutione mundi hoc nostræ salutis Sacramentum erat ab eo præostensum. Angustia ergo mortis, & tolerantia passionis non placebat Christo perse, & tanquam finis qui perse appetitur: ideo simpliciter loquendo pati volebat, sed propter obedientiam Patris, & salutem humani generis, passionem & mortem voluntariè sustinebat: sicut infirmus voluntariè recipit potionem amaram, non propter potionem, sed propter sanitatem consequendam. Hæc voluntas, non moriendi, gloriosos martyres facit. Non enim vult sensus carnis nisi quod delectat: si autem delectaret eos mori, non inde viderentur mereri. Sed quia hanc voluntatem non moriendi Deo subijciunt: & quod naturaliter fugiunt, propter Deum volunt: ideo merentur: unde & Christus subdit dicens: *Veruntamen non quod ego volo, humano affectu sed quod Tu.* Quod nempe ex humana infirmitate trepidanter renuerat: revertens in seipsum, per obedientiam & fortitudinem mentis confirmat. Non, inquit, hoc fiat quod humano affectu loquor, sed ad quod missus sum, & propter quod ad terras tuas voluntate descendi. Unde alibi: *Non veni facere voluntatem meam, scilicet quam temporaliter sumpsi ex Virgine: sed voluntatem Ejus qui me misit, quam videlicet communem habui æternus cum Patre, & quam semper approbo animæ ratione. Non meam, non propriam: non meam, non filij hominis: non meam, quæ resistat Deo. Et utique voluntas Christi, non erat contraria voluntati Patris: sed qui venerat obedientiam docere, non inveniretur obediens si propriam faceret voluntatem. Quanto ergo magis, si faciamus proprias voluntates: Unde August. Filius unicus dicit, non quero voluntatem meam;*



meam; & homines volunt facere voluntatem suam. Ille tantum se humiliat, qui est æqualis Patri, & tantum se extollit qui in imo jacet, *Augustinus Tract. 23.* & nisi manus ei porrigatur, non surgit. Et iterum. Transfiguratur in Joannem in se suos: & qui nihil aliud vult quam Pater, docet eos privatam voluntatem corrigere, & dirigere juxta Divinam. Unde Hieronymus. *Hieronymus in cap. 14. Marcii.* Usque in finem non cessat docere nos Patribus obedire, & voluntatem eorum voluntati nostræ præponere. Ostendit itaque, secundum Bedam in cap. 14. Marcii. Dominus JESUS, ut cum mors vel aliud quod fieri nolumus imminet, sic per infirmitatem peramus ut non fiat, quatenus per fortitudinem parati simus ut voluntas Conditoris nostri etiam contra nostram voluntatem fiat. Nam sicut multum confidere non debemus, ne nostram virtutem videamur profiteri: sic multum pusillanimitate agere & diffidere non debemus, ne DEI adjutoris nostri impotentiam videamur pronuntiare. Et iterum: Multi adhuc infirmi contristantur futura morte: sed si habeant rectum cor, vitent mortem quantum possunt: sed si non possunt, dicant quod Dominus dixit, *Pater si fieri potest, transeat à me calix iste.* Ecce habes voluntatem humanam: vide jam rectum cor, sed non quod ego volo, sed quod Tu. Hæc Beda. Et rediens, de loco in quo oraverat, ad tres discipulos suos, scilicet Petrum, Jacobum & Joannem, invenit eos dormientes jam vicinatentatione incipiebant oculi eorum langvescere: quia dormitio erat quasi præfiguratio negationis & fugæ. Unde Beda. Somnus corporis præfiguratio erat quod in proximo gravandierant somno infidelitatis. Et Petro ironice dicit sic: *Simon dormis? quasi diceret, sic erat faciendum? vel sic imple quod promiseras? Non potuisti unâ horâ vigilare mecum?* quasi diceret. Quia unâ horâ non potuisti vigilare mecum, quomodo mortem spernes tu qui spondes mori mecum? Non ostendis tantum fervorem factô, quantum verbô. In hoc apparet tua infirmitas. Per hoc quod dicit, una hora ostendit quod brevis est molestia tentationis, respectu remunerationis. Ut ergo dicit Tullius: Omnia quæ breviter sunt, tolerabilia debent etiam si magna sint. Quamvis autem omnes dormirent, Petrum tamen potius increpabat: quia enim præ cæteris fuerat gloriatus, ideo præ cæteris fuerat increpandus. Item quia inter eos principalis erat, ideo in ipso alios reprehendebat. Item quia in eodem defectu Prælati magis est increpandus, quam alii cæteris paribus. Quia etiam jam infirmitate depressus, non Petrus vel Cephas, sed antiquo nomine Simon à Domino hic vocatur. *Vigilate, attentè, oculis mentis & corporis: & orate devotè, verbis, cordis, & oris, ut non intretis in tentationem, negandi me, & recedendi à me.* Non dicit, ne tentemini, quia impossibile est hominem non tentari: sed ne intretis in tentationem, & incidatis in ejus profundum, id est: ne tentatio vos superet & includat, per consensum vel opus: tentationis enim initium, est suggestio mali: medium, consensus in delectationem, vel opus: consummatio, est opus ipsum. Ad evitandum autem tentationem, & ad resistendum eidem, recurrendum est ad orationem. Oratio enim est elevatio mentis in DEUM: quanto autem mens in DEUM elevatur, tanto facilius tentatio ab ea separatur. *Et virtus.* sicut fur, audito clamore, fugit, & vicini veniunt ad succurrum: ita clamor orationis diabolum fugat, & Sanctos ad succurrendum excitat. Unde Isidorus: Hoc est remediū ejus qui vitiorū tentamentis afluat, ut quoties quolibet vitio tangitur, toties orationes fundat: quia frequens



quens oratio impugnationem vitiatorum extingvit. Et sicut servus qui sentit furem in domo, & non clamat, favet furi, & proditor est Domini sui: sic qui scit tentationem esse in corde, videtur Christum prodere, & diabolo consentire, nisi statim per orationem exclamet. Et ideo quia diabolus semper tentat, semper debemus orare, & nunquam deficere. Sed oratio debet ordinari non ad hoc ut non tentemur, sed ad hoc quod non intremus in tentationem. Multum autem valet ad expulsionem tentationis cogitatio, & timor æternæ mortis. Unde Augustinus. Timor de futura morte mentem concutit, & quasi conclavatos omnes corporis motus superbix ligno crucis affigit. *Spiritus quidem de se & naturalia sua, promptus est, in me & in vobis ad confitendum: caro autem infirma, in vobis non autem in me, ad tolerandum, quia caro corrupta semper deprimit, & aliquando vincit spiritum: & ideo est orandum.* Nam quasi promptum habuisti spiritum, in promittendo mori etiam pro me: sed nunc patet carnis infirmitas, ad sustinendum imminentem tentationem: quia ipsa dormitio corporalis, indicium est, & quasi prænuntia vestræ infirmitatis: nondum enim virtute ex alto induti estis. Ubi Hieronymus. Hoc autem adversus temerarios dictum est: qui quidquid crediderint, putant se consequi posse. Itaque quantum de ardore mentis confidimus, tantum de fragilitate carnis timeamus. Hæc Hieronymus. Tu Domine qui mandasti quod vigilemus & oremus, da nobis gratiam ad hoc faciendum: quia licet Spiritus promptissimus sit, caro tamen infirma est, & tota pigra & tota somnolenta: nec potest sustinere ut vix per unam horam perfecte Tecum vigilet, & Tecum oret, ne cadat in tentationem. Deinde iterum secundo abiit & oravit dicens: *Pater mi, si non potest hic calix transire nisi bibam illum, fiat voluntas Tua.* Ostendit hic, ut ait Chrysostomus, quoniam valde concordat voluntati DEI, & quoniam ubique hanc se qui oportet, & hanc inquirere. Vellet quidem transire calicem, quia homo est: sed perficit dispensationem, quia Patri obediens est. Unde & Leo Papa. Hæc vox capitis, salus est totius corporis: hæc vox omnes fideles instruit, omnes Confessores accendit, omnes Martyres coronavit. Nam quis mundi odia? quis tentationum turbines? quis posset persecutorum superare terrores? nisi Christus in omnibus, & pro omnibus Patri diceret, fiat voluntas tua? Discant igitur hanc vocem omnes Ecclesiæ Filii, ut cum adversitas violentiæ alicujus tentationis incumbit: superato tremore formidinis, accipiant tolerantiam Passionis. Et reversus denuo, invenit eos dormientes præ tristitia, erant enim oculorum gravati: & depressi: interiores quidem, langvore terroris & tristitiæ: exteriores vero, vigiliarum longitudine: nam tristitiæ magnitudine somnum non poterant vincere, timentes tum pro capite, tum pro se: sed sicut dormiebant mente, ita & corpore, quia ex torpore animæ, quandoque provenit somnus naturæ, & ait illis. Quid dormitis? scilicet in tantis constituti periculis, cum sit tempus vigilandi, propter instantiam gravissimæ tentationis vobis imminens. Surgite, à torpore mentis: vigilate, animi vigilantia: & orate, ne intremis in tentationem, scilicet per consensum, id est: ne tentatio vos superet, & intra suos casses teneat. Et abiit iterum, & oravit tertio, dicens eundem sermonem orationis, scilicet *Pater mi, &c.* Tertio Christus Idem oravit, ut orationis frequentiam ostenderet, & nobis spei longanimitatem exhiberet. Iterat orationem, ostendens quod oratio debet esse continua. Similiter iterat visitationem discipulorum suorum:



rum: quia opera charitatis debent orationi esse conjuncta. Et sic  
 Prælatum instruit & sibi & gregi intendere, & nunc contemplativam,  
 nunc activam vitam exercere. Huic non obstat, quod dicitur in Ec-  
 clesiastico: *Non iteres verbum in oratione tua*, quia illa autoritas sic  
 intelligenda est, non iteres: id est; ita sis diligens in proferendo in-  
 tegre & devotè verba orationis tuæ, ut postea propter omissionem  
 vel negligentiam non oporteat iterare: sed tamen iterare propter  
 devotionem vel instantiam, bonum est. Sic & eundem sermonem,  
 in prædicando diversis, bonum est quandoq; iterare. Cum autem  
 oraret & anxietur Dominus JESUS, ecce Angelus Princeps Michæl  
 astitit confortans in eo motum sensualitatis, secundum quam mi-  
 noratus est paulominus ab Angelis illum scilicet motum qui exhor-  
 rebat mortem. Statim postquam Christus se voluntati Patris sub-  
 misit, Angelus eum confortavit. In quo innuitur quod licet quan-  
 doq; non fiat quod petitur: quia forte non expedit: semper tamen  
 oranti mentalis consolatio confertur. Et secundum Theophilum,  
 ut nobis innotesceret orationis virtus, quatenus eam in adversis præ-  
 ponamus, orans Dominus ab Angelo confortatur. Et humilis Do-  
 minus reverenter & humiliter suscipit hanc confortationem, etiam  
 à sua Creatura, considerans se esse minoratum paulominus ab Ange-  
 lis, dum est in hac lacrymarum valle: & sicut contristabatur ut ho-  
 mo, sic ex verbis Angeli sui fuit confortatus ut homo. Nec pu-  
 tandum quod hic Angelus, vel alius, fuerit in ejus custodiam depu-  
 tatus: quia hoc non decuit, & Christus non indiguit. Secundum  
 Bedam: Alibi quod Angeli ei ministraverint, hic quod Angelus eum  
 confortaverit dicitur: ut utraq; natura designetur. Nam Divina  
 naturæ Angeli ministrant, humanam verò, confortant. Apparuit au-  
 tem ei Angelus, visione corporali in assumpto corpore humano, con-  
 solans eum per modum servientis: non propter se & sui indigentiam,  
 sed magis propter Discipulorum assistentium consolationem, & ac-  
 confirmandum fidem in eis: quod Christus sit major Angelis ratione  
 Deitatis: ac propter nostram instructionem, ad ostendendum scilicet  
 quod Angeli assistunt nobis orantibus, confortantes nos in oratione:  
 & ut ex sua post tristitiam consolatione sciremus quod tribulatis pro  
 Christo non deest Divina consolatio: juxta illud Psalmistæ, *Secundum*  
*multitudinem dolorum meorum in corde meo, consolationes tue latificave-*  
*runt animam meam.* Nam secundum Bedam, Creator non indigebat  
 creaturæ subsidio: sed Homo factus sicut nobis & propter nos est con-  
 tristatus, sic nobis & propter nos est confortatus. Sed & Ipse Do-  
 minus ratione se confortabat, dicens ad Patrem: Non sicut Ego volo,  
 sed sicut Tu. Ajunt autem quidam Michæl astitisse oranti & dixisse  
 se Patri orationis tenorem retulisse, omnesq; procidentes Angelos  
 pro hoc ipso orasse: & respondisse Patrem, novit dilectus Filius me-  
 us quod humani generis redemptio, quam sic optamus, sine sui san-  
 guinis effusione decenter fieri non potest. Angelus autem post hæc  
 confortavit eum: vel de sui præsentia, sicut amicus de sua præsen-  
 tia confortat amicum. Unde confortavit: id est; admodum confort-  
 antis se habuit: scilicet ei assistendo: vel forrè aliqua verba conso-  
 latoria dicendo: quia scilicet hic vincetur. Lucifer sicut victus est  
 in Cælo: vel quia magnanimum magna sustinere deceret: vel quia  
 Passio citò transiret, & ejus fructus esset perpetuus: scilicet Redem-  
 ptio humani generis, & restauratio Angelicæ ruinæ, vel aliquod si-

Ecclef. 22.

Christus ab  
 Angelo com-  
 fortatus.

Psalm. 8.

Beda in eap.  
 22. Luca.  
 Matib. 4.

Angelus in  
 forma hu-  
 manæ.

Psalm. 92.

Beda ibidem.

Michæl  
 sermo.

Conforta-  
 ti.







lateralis Christi, jam mortui, quod fuit verus sanguis & vera aqua: sed miraculose effluerunt de mortuo corpore. Ad hunc suavissimi sudoris balsamum, & grotis proficuum, festinā ne tardaveris, ut inde sanari merearis. Unde Anselmus: Quid stas? accurre, & suavissimas illas guttas lambe, & pulvere pedum illius linge: noli dormire cum Petro, ne merearis audire, sic non potuisti unā horā vigilare mecum. Hæc Anselmus. Surgit igitur tertio ab oratione in qua stabat, flexis in terram genibus, totus sanguine madefactus: Quem conspice tergentem sibi vultum, vel forte etiam in torrente lavantem, totumque afflictum reverenter cerne, & considera quanta tunc fuerit animæ lux angustia: Cujus testes sunt guttæ sanguineæ decurrentes in terram, & Et intus compatere: quia non sine ingenti acerbitate doloris hoc sibi potuit contingere. Nunquam nempe aliquis mortalium, ob mortis horrorem auditur sudorem fuisse sanguineum. Unde pater Eius nunquam similem fuisse dolorem. In hoc quidem apparet quanta fuerit amaritudo Passionis Christi, cujus sola cogitatio tantum naturam immutavit quod præ angustia sanguinem sudare coegit. Hæc pugna ejus & anxietas, Martyrum certamina, & agones significans, plurimum consolatur & confortat pusillanimes & infirmos, & ad amorem incitat tepidos & ingratos. Unde Anselmus: Positis quoque genibus in terra, procidisti in faciem Tuam adorans in agonia, & dicens: Abba Pater mi, si possibile est transeat à me calix iste. Et angustias quidem Cordis Tui dulcissimi certissime indicabat sudor ille sanguineus, qui orationis tempore de Sanctissima carne Tua guttatim decurrebat in terram. Dominator Domine JESU unde Animæ Tux tam vehemens tristitia: unde tanta sudoris anxietas, & tam anxia supplicatio? Nonne voluntarium omnino sacrificium DEO Patri obtulisti, & nihil invitus pertulisti? utique Domine. Arbitramur autem quod & hoc quoque ad consolationem infirmorum membrorum Tuorum assumpsisti, ne forte desperet quis, si caro infirma remurmuret, ubi ad Passionem promptus est spiritus. Nimirum & ut majores erga Te amoris & gratitudinis stimulos haberemus, naturalem carnis infirmitatem hujuscemodi indicis in Te expressisti: quibus docemur, quia verè langviores nostros portasti, & non absque verè langviores nostros portasti, & non absque sensu doloris Passionum sentes percurristi. Vox nempe illa vox carnis fuisse videtur, non spiritus eo quod subjunxisti: Spiritus quidem promptus est, caro autem infirma. Hæc Anselmus. Voluit autem Dominus sanguinem sudare pluribus rationibus. Prima est, secundum Augustinum, ad figurandum quod de corpore suo toto, quod est Ecclesia, sanguis effundendus, & emanatura erant Sanctorum Martyria. Secunda est, secundum Bedam, ut per terram sanguine irrigatam, declararet terrenos homines sanguine suo redimendos & mundandos. Tertia est, secundum Glossam, ut totum mundum peccatis mortuum ad vitam resuscitaret: ideo sudorem suum sanguineum ad terram decurrere volebat. Item secundum Bernardum, non solum oculis, sed quasi membris omnibus flevisse videtur: ut totum corpus Eius, quod est Ecclesia, totius corporis lachrymis purgaretur. Insuper etiam sanguis decurrebat in terram: ad ostendendum quod pro terra, id est, Ecclesia adhuc militante in terra orabat: & sanguinem suum fundebat; & ipsam suo irrigatam sanguine fecundabat. In sudore autem notatur fervor: in sanguine, pretium, in

Bbbbb

decur-

Anselmus

in speculo

Evangelicæ

sermonis.

Dolor Passi-

onis Domi-

nica,

Idem ibid.

Beda in cap:

22. Luca.

Bernardus

sermone de

Passione



*Documentū.*

decurſu, abundantia, in guttis particularis efficaciam, quamvis eſſet univerſalis ſufficientia. Ex iſto articulo, qui eſt ſudoris ſanguinei deſluxio, habetur documentum ſalutiferum, quod & nos in oratione debemus ita eſſe intenti & fervidi, ut ex vehementia intentionis, & fervore devotionis ſudemus quaſi ſanguinem: per configurationem Paſſionis Chriſti, & ardorem dilectionis ad DEUM. Quod fit, dū quis orans in tanto ardore devotionis acceditur, quod pro amore DEI ſi oportet ſanguinem ſuum fundere non veretur: & talis ſic in caleſcit ſpiritu, ut totus ſanguis in corpore, quaſi ſpiritu alludens, pronum & promptum ſe exhibeat ad exſudandum: quia verò caro ex infirmitate ſua tam vehementem ardorem devotionis ſufferre non prævalet: ideo ſudorem quaſi ſanguinem evaporat, vel ſaltem pro ſanguine ardentes lachrymas per oculos effundat. Et quoniam nos tam vigorofam orationem effundere non valemus, adiungamus orationem noſtram orationi Chriſti, qui eſt advocatus noſter apud Patrem & ipſe interpellat pro nobis, imò orat nobiſcum. Et illa oratio eſt efficaciffima, & DEO Patri accepta, quæ ſcilicet in

*Oratio cum  
lachrymis  
compaſſionis*

unionem orationis Chriſti offertur. Quam efficaces etiam ſint lachrymarum orationis, & maxime illæ quæ in recordatione Paſſionis Chriſti funduntur, patet ex quadam revelatione facta cuidam perſonæ, de qua legitur quod apparens ei Dominus in ſpiritu ait: Si quis in recordatione meæ Paſſionis lachrymas cum devotione fuderit, ſuſcipere volo ac ſi ipſe pro me paſſus ſit. In recolendo iſtum articulum procidat homo in faciem ſuper terram, orando intentè, & cogitet Angelicam præſentiam ſibi tunc adeſſe: recogitet etiam agnitionem ſuum, & conetur quantum poteſt habere lachrymas ex compaſſione & amore Chriſti: quas ſi habere non poteſt per oculos, fundat ſaltem lachrymas cordis. Et ſicut Chriſtus DEI Filius imminente ſibi paſſione horrendâ, cum præ anguſtiis ſuperventuræ mortis guttas ſanguineas in terram funderet: nihilominus tamen liberè voluntatem ſuam voluntati Patris commiſit, & quod experat devotè perfecit: ſic quilibet devotus in omni adverſitatis preſſura, & tribulationis anguſtia (licet fortè naturam reluctantem habeat) ſe Paternæ voluntati committat: & hoc quod occurrit, devotè ſuſcipiat. O pie JESU! qui factus in agonia guttas ſanguinis mirabiliter deſudaviſti: da mihi ut recordatione Tuæ Paſſionis accenſus, lachrymarum guttas, pro ſanguine, in conſpectu Tuo merear dulciter deſudare. Reſpice tunc qualiter jacebant diſcipuli dormientes: & qualiter Dominus oſtendit eis modum orandi in geſtu corporis, & in verbo pio, & per Angelum ibi apparentem: quem modum & tu tenere debes ſcilicet Te proſternendo, ac proprium defectum & fragilitatem recognoscendo, & cadendo in faciem tuam, non poſt faciem: ut ea quæ rogas coram te habeas, & in mente teneas, non retrò: ut unum ore dicendo, & aliud corde cogitando: & ut humilitatem mentis oſtendas habitu corporis (caſus enim in terram, docet nos magis humiliari, ſi poſſet fieri) & quod voluntas Patris ſemper præcedat, & quod non repide, ſed cum magno fervore ores, ſicut Dominus fecit: & quod non parum, ſed prolixè & diſtinctè, non ſicut illi qui feſtinanter horas ſolvendo: & ſi non verbò, factò tamen dicunt expediamus nos de iſtis: quia habemus facere alia magis neceſſaria, quaſi feſtinantes ad utiliora & majora. Et vide quomodo ſtatim aderit tibi Angelus qui te adjuvet & confortet, & orationem tuam DEO præſentet



sentet propter exemplum nempe nostrum ille Angelus apparuit confortans Dominum. Et semel, sed frequenter est orandum, si *Orandum frequenter.* cur Ipse ostendit nobis per trinam orationem suam: docens ut non deficiamus, sed in oratione permaneamus, donec impetremus ea quæ postulare jam expimus. Et tu ora pro mortuis, pro vivis, tam peccatoribus, quàm justis. Vel oravit ter, ut & nos de peccatis præteritis veniam, de præsentibus emendationem, & de futuris cautelam à DEO postulemus. Vel ut hæc tria, scilicet veniam, gratiam & gloriam, in oratione petamus: vel ut contra trinam concupiscentiam, seu cupiditatis tentationem orationis clipeo tueamur. Vel ut ad Trinitatem, scilicet Patrem, & Filium, & Spiritum Sanctum orationem dirigamus. Per hoc etiam docuit nos orare perfecte: quia perfectio consistit in tribus, scilicet in principio, medio & fine. Comparere nunc Domino, & admirare profundissimam humilitatem suam: quia cum sit DEO Patri suo coequalis & coeternus, prostratus tamen DEUM orat, & tanquàm quilibet de populo homunculus. Orare quidem Patrem convenit Christo ratio humanitatis, in qua est minor Pater: non autem ratione Deitatis, in qua est æqualis Patri: ut homo rogat Patrem, quia ut DEUS est unus cum Patre. Considera etiam perfectissimam Ejus obedientiam. Quia enim Pater vult quod moriatur, ipse hanc obedientiam reverenter suscipit & exequitur. Vide tertio indicibilem ad nos charitatem, tam Patris, quàm Filii: pro nobis nempe hæc mors indicitur & sustinetur propter nimiam ipsorum charitatem quam ad nos habent. Venit autem, post hæc Dominus JESUS ad Discipulos suos, & quasi compatiens eis, propter tentationem de proximo eis imminentem, dixit eis: *Dormite dormite jam & requiescite,* quasi diceret, parum potestis hoc facere. Quibus cur permisit dem aliquantulum dormierunt. Iubet eos dormire ut ostendat suam ad eos compassionem, quia gravati erant: & ut cognoscant suam infirmitatem, quia cum Ipso vigilare non poterant: & ut somno recreati fugere possent de manibus eorum qui statim Christum erant capturi: & in figura, quod in proximo infidelitatis somno erant gravandi. Considera in Christo mansuetudinem piam: quanto enim magis appropinquat ad mortem, tanto magis ostendit cordis sui dulcedinem. Bonus Pastor vigilabat super custodia pusilli gregis sui. O grandis amor! Verè bonus & pius est Hic Pastor. Verè in finem dilexit eos, cum in tanta agonia positus illo modico tempore quietem eorum procurat: non sic hodie multi Pastores faciunt qui labditis vigilantibus & in agonia positis, dormiunt svaviter & quiescunt. Dum ergo videbis Discipulos dormientes in tanto periculo, & Dominum vigilantem, si devotus es, multa invenire poteris quæ dicas tam Domino tuo, quàm Discipulis suis. Videbat tandem à longè adversarios suos venientes cum facibus & armis, nec tamen Discipulos excitavit, nisi cum propè & quasi juxta eos fuerunt. Tunc autem evigilans Discipulos, dixit eis: *sufficit:* scilicet quia jam quievistis, & satis dormistis: ergo parum est dormiendum. Unde quidam Patres, non nisi stando vel sedendo somnum capere consueverunt per modicum. Ter Discipuli dormiunt: ter Dominus orans suscitavit: quæ tria dormitio & suscitatio, tres mortuos quos Dominus suscitavit, significat. Et subjunxit: *Venit hora, & Filius hominis tradetur in manus peccatorum,* Ubi Origenes: Sed & nunc JESUS in manus peccatorum traditur, quando hi qui videntur in JESUM credere: habent in Matth.

*Dominus cur ter oravit.*

*Orare quomodo Christi convenit*

*Dormire cur permisit Apostolos.*

*Vigilia Christi.*

*Origenes Tract. 35.*



bēt Eū in manibus suis, cū sint peccatores: sed & quotiescūq; iustus, habēs in se Jesū, in potestate factus fuerit peccatorū: Jesus est traditus in manus peccatorū. Hzc Origenes. *Surgite eamus*: scilicet, obviā Judæ proditori, & suis complicibus: *ecce qui me tradet, propē est*, quem nolo declinare, quamvis possem hoc facere: ac si diceret, non nos inueniat latentes, ac quasi timentes & retrahentes: ultrō eamus eis obviā, & pergāmus ad mortem: ut passuri confidentiam & gaudium videant, & Passionem omninō voluntariam sciant. Ultrō nos debemus offerre, quando non expedit mortem effugere: ubi ostenditur Christi desiderium ad nostram Redemptionem: quia non solū proditorem cum turba venientem expectavit, sed etiam eis occurrit: ubi etiam docet, ut si tribulari nos oportet, cum gaudio & confidentia sustineamus. Moraliter quoq; monet nos ad tria. Primō, ad tentationes nos præparare: cū dicitur, *surgite*. Secundō, in bonis operibus proficere: cū subditur, *eamus*. Tertio, omni hora quasi tentationem proximam expectare: cū additur: *ecce propē est*. Et adhuc eo loquente cum discipulis suis, ecce Judas, mercator pessimus: unus de duodecim, scilicet numero, non meritō, quod dixit ad ostendendum immane facinus illius, qui de Apostolica dignitate proditor fuerat factus: accepta à præfide cohorte, militum gentiliū, quorum intererat capere malefactores, cum tribuno qui præerat eis: ac turba plurima judæorum ministrorum, accepta à Pontificibus & Principibus Sacerdotum, crudeli utiq; & pessima societate impiorum, tanquā ad tenendum reum, ante cedebat eos tanquā ductor eorum, qui volebant comprehendere Iesum: & venerut illuc cum laternis & facibus, ut si in tenebris latere vellet: his quæreretur: nec non cum gladiis fustibus, & armis, ut captionem ejus impedire volentibus his resisteretur. Secundū Hieronym. Incumbit virtuti sæculi, qui desperat de adiutorio DEI: habebat itaq; fulcimentum ab utraq; curia, scilicet Imperatoris & Pontificis, quasi servato ordine legitimæ potestatis, ut nemo tenentibus auderet obsistere: cū hinc milites præsidii, inde ministri Phariseorum, qui in lege summi & iudices videbantur, illum tenerent, vel etiam si quis auderet, contra tot non posset: timebant enim plebem, ne per hanc defenderetur contra eos: & ideo etiam nocte traditur, ut sine turbis quæ in die frequenter propter instructionem aderant, inveniretur. Antequā autem Judas cum turba veniret ad hortum, ubi JESUS cum Discipulis erat, dedit eis signum dicens: *Quem unq; osculatus fuero, Ipse est*, scilicet Christus tenete Eum. & ducite cautē, scilicet cavendo à populo, ne Eum de vestris manibus eripiat: populus enim communis devotionem ad Eum habebat: hoc autem fecit Judas, & propter Romanorum milites, qui Christum non cognoscebant: & propter alios, ne locō Christi caperent Jacobum minorem, qui in facie Christo similis erat: propter quod specialiter frater Domini dicebatur: & quia timebat ne se transformaret, & de manibus eorum elaberetur: quia pluriēs detentus ab ipsis pertransiit, nescientibus eis: & ideo osculari Eum voluit, ut in osculando teneretur ne evaderet. Et cū venissent ad hortum tunc Jesus sciens omnia quæ ex dispositione Divina ventura erant super Eum, processit ultrō in occursum illorum, sicut paratus ad Passionem. Ex quo patet, voluntariē Eum captum fuissē & passum: Discipuli quoq; sequebantur Eum timentes: sed Ipse confortabat eos ne timerent. Unde Anselmus: Quā promptus, bone IESU, Spiritus Tuus ad Passionem fuerit, evidenter ostendisti, quando venientibus unā cum proditore Tuo viris sanguinum, & quærentibus animam Tuam cum laternis, & facibus, & armis: per noctem ultrō occurristi. Et dixit: IESUS occurrentibus offerens se voluntariē eis: *Quem quæritis?* Non interrogat, quasi ignarus voluntatis eorum: sed mori paratus interrogat, ut sciant esse Eum quem quærebāt.

Moraliter.

Jude ad-  
ventus.Hieronym.  
in cap. 14.  
Marci.Jacobi mi-  
noris simi-  
ludo ad  
Christum.Anselmus  
in speculo  
Evangelici  
sermonis.

Respon.



*Responderunt ei, JESUM Nazarenum.* Non erat querendus ad mortem, quem profitentur esse salutis Authorem nec erat persequendus, quem dicunt esse florem honoris & honestatis. *Dixit ei JESUS,* semetipsum manifestans & offerens: *Ego sum,* scilicet quem queritis, quasi diceret. Quid pro signo sumitis osculum proditoris? quid quasi latentem me queritis cum facibus & laternis? *Ego sum.* Non se occultavit, nec se abscondit, sed magis querentibus obviam ivit, & se ostendit. Ubi Chrysostomus: Fecit autem hoc JESUS, ostendens quoniam non solum comprehendere Eum non possent: sed nec videre in medio existentem, nisi Ipse concederet. Hæc Chrysostomus. Virtute enim Divina factum est, ut venientes ad capiendum Eum, primo, non cognoscerent: etiam suus discipulus qui venerat ad tradendum: quod maxime est potentia Ejus ostensivum: ut per hoc secundo ostenderetur quod de voluntate sua caperetur, quia incognitus ab eis recedere poterat, si voluisset. Sed & manifestius patet per hoc quod subditur quia auditus verbis virtutis & Divinitatis, quod est Ei cum Patre, & Spiritu Sancto commune, à voce tonitruum hujus formidantes, *abierunt retrorsum, & ceciderunt in terram,* resupini, tam Judas quam alii, potentia Divinitatis Ipsius dejecti: ita erat eis importabile quod dicebatur. Item idem, ut etiam quantum in se est, daret Judæis materiam conversionis, visio potentia suæ miraculo: & idem cum statim ad ostensionem suæ potentia conversi non fuerunt, se eis capiendum sponte obrulit. *Ceciderunt retrorsum,* & resupini, sicut cadunt iniqui: non ante & in faciem, sicut cadunt justi, qui autem ante se cadit, videt quod cadat: qui autem retrò cadit, non videt sui casus periculum. Iniqui ergo retrò cadunt, quia non vident sui casus miseriam. & quod eos sequatur: justi verò qui in istis visibilibus semetipsum sponte denuciant, ut in invisibilibus erigantur, in faciem suam, & ante cadere dicuntur: quia casum vident, & timore compuncti humiliantur. Hinc ergo pen-  
*Verbi Christi*  
 sandum est, quam aspera erit vox irati, cujus verba dulcia pati non possunt. *virtus.*  
 potuerunt: hoc autem factum est ex Divina ordinatione, ut per hoc declararetur virtus suæ Divinitatis. Unde Augustinus, exclamans  
*Augustinus*  
 ait: Ubi nunc militum cohors, & Ministri Principum ac Phariseorum, *Tract. 112.*  
 ubi terror, & munimen armorum? Nempe una vox dicentis, *Ego in Joann.*  
*sum,* tantam turbam odiis ferocem, armisq; terribilem, sine telo ullo percussit, repulit, stravit virtute Divinitatis latetis. DEUS enim latebat in carne, quid judicaturus faciet? qui judicandus hoc fecit, quid regnaturus poterit? qui moriturus hoc potuit. Hæc August: Poterat Christus omnes hostes suos destruere, si vellet se defendere: sed noluit nisi ad modicum eos prostrernere, hoc idem fecit, ut ostenderet se mortem voluntarie sustinere: & si vellet reniti, non possent Eum capere, vel tenere. Hæc hostium Christi victoria, fuit olim in Samfone & San-  
*Figura via*  
 gar, & David præfigurata. Samson cum mandibula asini stravit *Historia Xpi.*  
 mille viros: & Sangar cum vomere interfecit viros sexcentos: & Da-  
*Judic. 15.*  
 vid uno impetu, occidit viros octingentos. Sed si isti DEI adjuto-  
*Ibidem 3.*  
 torio tot hostes prostraverunt, non est mirum quod coram Christo  
*2. Reg. 22.*  
 omnes hostes corruerunt. Et cum tremuli surrexissent, iterum eos  
*interrogavit,* quem queritis? questionem iterat, ut fideles sua Passio-  
 ne liberandos ostendat. Illi autem adhuc in malitia sua perseveran-  
 tes, dixerunt, *JESUM Nazarenum,* non enim cognoscere, vel ca-  
 pere.



pere poterant Eum, donec Ipse vellet: propter hoc subditur, *Dicit eis JESUS*, dixi vobis, quia Ego sum: qui voluntariè me offerro: & tunc habuerunt Ipsi notitiam, & capiendi licentiam, propter quod sequitur: Si ergo me queritis, scilicet comprehendere, faciatis id quod intenditis: sed tamen *finite hos*, scilicet Discipulos meos, *abire*, quia non est tempus modò, quod tollantur de mundo. In quo patet quòd Ipse dedit eis potestatem capiendi Eum: nam sicut ex sua potentia Discipulos suos servavit, ita & multò magis Seipsum servare potuisset, quasi diceret. Do vobis potestatem me capiendi, ut tamen meis Discipulis non faciatis aliquid mali. Hoc dixit, quia servandi erant Discipuli, ut Verbum salutis per eos divulgaretur. Usq; ad ultimam horam Ejus, quam ad eos habuit dilectionis conservantiam demonstravit, per hoc ostenditur quòd superiores debent suos subditos fideliter adjuvare: & pro eorum defensione se mortis periculo exponere (ut ait Augustin.) Faciunt quod jubet: sinunt eos abire, quos non vult perire, & impletur quod dixerat, *quia quos dedisti mihi, non perdidit ex eis quemquam.* Tunc *accedens* ille nequam, & Dominum suum subdolè salutans *dixit, ave Rabbi: & osculatus est Eum.* Accessit tanquam domesticus, sed fur erat: salutavit tanquam Discipulus, sed insidiator erat: osculatus est tanquam amicus, & inimicus erat. Dicitur quòd erat consuetudo Judæorum: in adventu suo osculari, ad significandum quòd ingressus erat pacificus; & quòd moris erat, Domini JESU Discipulos quos emittebat, in osculo pacis recipere redeuntes: & propterea proditor illis osculum in signum dedit, & alios tanquam dux exercitus, & ductor ad malū præcedens, cū osculo facto rediit, quādo dixit non sum ego cum istis armatis: sed rediens more solito Te osculor, & dico: ave Rabbi. O! vere proditor. Huic similes sūnt multi Prælati, qui verbò vel factò alios scandalizando, & post se trahendo antecedunt ad malum: & ideo etiam antecedunt ad infernum. Judas beneficiis Christi abutens mala pro bonis reddebat: cui etiam similes sunt, qui similia facere non erubescunt. Secundum Bedam: Suscepit osculum Dominus, non quòd simulationem nos doceat: sed ne Proditorem fugere videretur, & plus afficeret Proditorem, cū amoris officium non negaret: Simul & illud Psalmistæ, complens. Cum his qui oderunt pacem eram pacificus. Et susceptò osculo *dixit illi JESUS: Amice ad quid venisti?* Vocat eum amicum, secundum statum pristinum: amicabiliter enim fuit electus à Domino in Apostolum, ac si diceret: Ad quod scelus delapsus es, ut Discipulus traderes Magistrum, & dum esses Apostolus factus es traditor: vide quid feceris, & considera finem tuum malum. Vel amice, quia diligote, sed inimice, quia me tradis. Vel vocat eum amicum ironicè, improperans simulationes. Tanquàm secundum Augustinum diceret: Oscularis, & insidiaris: novi quare veneris: amicum fingis, cū proditor sis: ostendis amicitiam signò, & agis prodicionem de facto. Amicitiz signis Proditores utuntur, ut eorum dolus latentius peragatur. Unde apertius ei dixit: *Juda osculo Filium hominis tradis:* id est, in signo charitatis, prodicionem homicidii facis. Infelix signum ubi per pacem bellum, per osculum homicidium, per salutationem condemnatio procuratur. Ubi Ambrosius. Illud plus confutat ingrātū quòd Eū tradiderit, Qui cū esset DEI Filius propter nos Filius hominis esse voluisset, quādo dixit propter Te, suscepi ingrātè, quòd tradis.

Augustinus  
Ibidem.

Osculandi  
consuetudo.

Juda simile

Bedam in cap.  
14. Marci.

Psalm. 119.

Augustinus  
sermone de  
Passione.

Ambrosius  
in cap. 22.  
Luca.



tradis hypocrisis. Et secundum eundem, quasi amantis affectu corripuit Proditorem: & ideo etiam secundum Chrysostomum: proprium nomen posuit, quod magis dolentis erat & revocantis, quam provocati ad iram. Unde Anselmus. Signo quod acceperant à duce *Anselm in flagitiu, teipsum manifestasti. Nam accedentem ad osculum Sanctissimi oris Tui cruentam bestiam aversatus non es: sed os in quo gelidus dolus inventum non est, ori quod abundavit malitiâ dulciter applicasti.* *Cor. 6.* O! Innocens Agne DEI quid Tibi & lupo illi? *Quæ conventio Christi ad Belial?* sed & hoc benignitatis Tux erat Domine, ut omnia illi exhiberes, quæ pravi cordis sui pertinaciam emollire potuissent. Nam & veteris amicitie illum commonuisti, dicens: Amice, ad quid venisti? & horrore sceleris sui cor impium ferre voluisti, cum dicebas: Juda osculo Filium hominis tradis. Hæc Anselmus. Hoc idem potest dici indignè sumentibus Corpus Christi, scilicet *Juda osculo Filium hominis tradis.* Moraliter Judas est mundus: qui quando ad libitum dat divitias, tunc osculatur: quando dat honores, tunc amplexatur, sed omnibus istis modis nos decipit, & morti æternæ nostradit. Teste Beato Job, qui dicit: *Ducunt in bonis dies suos, & in puncto ad infernum descendunt.* Vide hic maximam *Amici fratris* mansuetudinem Domini, quia osculum proditori suo dedit, & verdulenti, bis blandissimis alloquens amicum ipsum vocavit. O! quot sunt hodie tales, qui videntur amici esse Domini, & non sunt Ejus amici. Amicis enim suis omnia nota facit, scilicet mundum contemnere, carnem domare, & diabolum cum suis tentationibus vincere. Sed multi abeuntes retrò post concupiscentias suas cum Juda Proditore abierunt ad pœnas. Quot sunt etiam hodie, qui inter se videntur amici, sed sunt ficti, & peiores quàm inimici aperti. Inimicus enim manifestus melior est quàm amicus fictus. Ille dum *Traditionis tria* timetur, facile vitatur: iste prævalet dum non cognoscitur. In isto articulo traditionis exprimuntur tria, quæ specialiter traditionem *amara.* istam reddebant Christo multum dolorosam, & factum Judæ aggravabant valde. Unum est, quod fiebat à suo servo, à suo discipulo, & uno ex duodecim, de toto mundo ad tantam dignitatem Apostolatus specialiter electus ab Eo. Ubi secundum Ambrosium: servus *Ambros in* Dominum, discipulus Magistrum, electus Authorem prodit. *c. 22. Lucæ* Secundum est, quod signo pacis & amicitie, scilicet osculo, tam fraudulenter & dolose tradebatur. Unde Ambrosius. Amoris pignore vulnus infligis, & charitatis officio sanguinem fundis, & pacis instrumentum mortem irrogas. Tertium est, quod illud fedum os proditoris, utpote cujus cor sathanas, & omni spurcitia eum repleverat: tam amorosum & mellissimum os Verbi Æterni contingere audebat. *Chrysostomus* Et tunc, secundum Chrysostomum: Agne mihi basia lupo dedit venenola. Ex hoc articulo tria habemus documenta. Primum est, *in Matth.* ut caveamus ne nos Christi proditores efficiamur, quia ut dicit Origenes. Omnes proditores veritatis, amare veritatem fingentes, *Origenes* osculi signo utuntur: omnes etiam hæretici, sicut Judas, JESU dicunt, ave Rabbi. Item Christum quis dolose salutatur, & tradit osculo, in proximo veletiam in seipso. In proximo quidem, dum quis proximum diligere se simulat, & malum contra eum machinatur: quam traditionem sibi Christus assumit. Juxta illud: *Quod uni ex minimis meis fecistis, mihi fecistis.* Item Christum dolose cum juda *Matth. 26.*



salutat, & osculatur, qui proximo suo promittit & non servat, vel fraudulenter adulatur. In seipso etiam DEUM salutat, & osculo tradit: qui ore dicit se nosse DEUM, & credere in Eum, factis autem negat. Item cum Juda Dominum salutat, & osculo tradit, qui cum mortali peccato ad Corpus Domini accedit. Secundum est, ut discamus patienter ferre malorum hominum fraudulentias: sicut Christus patienter sustinuit proditoris sui fallacias. Tertium est, ut calumniatores nobis malum imprecantes non odiamus, sed amantis affectu, exemplo Christi, eos corripiamus. In recolendo hunc articulū de falso osculo Judæ, poterit homo per contrariū cum sincera fide & devotione osculari pedes Crucifixi, indignum se reputans osculo oris, ad quod ille infelix Judas accedere præsumpsit: quod si imaginem Crucifixi ante se non habeat, osculetur terram, representando hoc idem, & aliter prout DEUS inspirabit. *O! Domine JESU, quia à Judæ osculo tradi pertulisti: da mihi nunquam in proxi-*

*Figura proditoris oculi.*

mo, vel in me metipso te tradere, & calumniatoribus meis, & insidiatoribus fraterni amoris officium non negare. Ista iniqua salutatio Christo facta, olim fuit in Joab & Amali præfigurata Joab Ama-

*2. Reg. 20.*

li. sam salutans, dolosa mente fratrem vocabat, & Judas Christum salutans, iniqua intentione Magistrum appellabat. Joab dextera mentum Amali quasi deosculans tenebat, & in sinistra gladium educens ipsum perimebat, sic Judas, quasi dexteram Christi tenuit, Ave Rabbi, blandè sibi dicēs, & quasi sinistra gladium eduxit, & Ipsum perfodit, insidias sub verbis blandis occultans. Judā & Judæos, malum pro bono reddentes, olim Saul præfiguravit, qui genero suo David malum pro bono reddidit. David hostem Saulis, scilicet Goliath su-

*1. Reg. 20.*

*& alibi.*

peravit, & in multis ei utilis fuit, sed Saul sibi tanquam hosti insidias paravit & ei mortem inferre affectavit. Sic DEUS Pharaonem, & inimicos Judæorum sæpe devicit, & semper eis profuit: nunc autem in mortem Ejus arma parant, & ad occidendum Eum

*Genes. 4.*

se armant: Smiles etiam sunt Cain, qui fratri suo sine causa invidit, & ipsum quod nihil mali fecerat, occidit. Cain eduxit fratrem suum verbis blandis, & eductum crudeliter interfecit, sic & Judas verbis blandis Christum, fratrem nostrum, & Patrem salutavit, &

*Petri servus*

hostibus ad interficiendum nequiter præsentavit. Et cum Petrus cæteris ardentior, servo Pontificis, cui nomen erat Malchus, qui ad Christum capiendum magis de prope se ingerebat, & ferocius instabat: auriculam dextram ob zelum amputasset: putans eum magis lædere & graviter vulnerare, vel ei caput amputare & interficere, sed Divina dispositione ictus declinavit, & relapsus est ad aurem: Dominus eum à læsione adversariorum compescuit dicens: *converte gladium tuum in locum suum, seu vaginam*, quasi non esset locus defensionis, sed patientiæ, nec ei licitus usus gladii materialis, quod noli eò uti ad defensionem meam: quia non licet viris Apostolicis

*Chrysostomus*

*hom. 85.*

*in Matth.*

uti gladio materiali. Ubi considerandum secundum Chrysostomum: quod licet Christus Petro, & aliis discipulis prius præcepit dicens: *Si quis Te percusserit in una maxilla, præbe ei & aliam.* Ex sermone tamen Christi, quem fecit post Cœnam, Petrus in tantum amorem exarserat, quod de illo præcepto non recolens, solum agistri sui defensionem intendebat. Ex hoc autem quod Christus defensionem prohibuit, ostenditur promptitudo Ejus, quam ad patiendum habuit:



habuit; recondi gladium præcipit, ut patientiam, non vindictam doceat. Unde Rabanus: Oportuit: ut Author gratiæ fideles patientiam suo doceret exemplò, & potius ad sustinendum adversa fortiter instrueret quàm ad vindicandum provocaret. Prohibet ergo Dominus defensionem armorum, ne Clericus armis pugnare præsumat. Unde Ambro: Arma mea sunt lachrymæ & orationes: aliter nō possum, nec deo resistere. Sed hoc hodie Prælati parū attendunt, qui regibus ad pugnandum accipiunt: cum potius reges ab eis elicia ad pœnitendum accipere deberent. Et adjecit Dominus, *Omnis enim qui acceperit gladium: id est; usus fuerit gladio: scilicet propria auctoritate, & nulla superiori aut legitima potestate vel jubente, vel concedente, seu injuste, & pro crudelitate vindictæ, non juste & amore justitiæ: gladio peribit: id est; ipsa vindicta erit ei causa perditionis, quia dignus est gladiari.* Quincunq; molitur lædere alium, seipsum proprio jaculo percutit: & incidit in foveā quam fodit. Et subdit Dominus, *An putas quia non possum rogare Patrem meum, & exhibebit mihi plusquam duodecim legiones Angelorum: tanquam sibi dicat, per aliam viam possem evadere, si vellem: non indigeo auxilio duodecim Apostolorum, qui possem si vellem habere duodecim legiones Angelorum.* Cum ergo posset accipere legiones, nolebat accipere: ut per patientiam Ejus implerentur scripturæ, prophetantes de ipso, quoniam ita eum pati conveniebat ad nostram redemptionem: quia & si nostræ liberationis alius modus fuisset possibilis, nullus tamen ita conveniens: & ideo non erat locus defensionis & resistentiæ, sed magis patientiæ. Non solum autem minis eū cohibuit: sed & aliter consolatur eum, dicens: *Calicem quem dedit mihi Pater, non vis ut bibam illum?* quasi dicat, Si recte sapis, debes voluntatē tuam Divinæ voluntati conformare: aliter enim eris satanas, non sapiens quæ DEI sunt. Secundum Chrysostomum. In eo quod ipsam mortem calicem dicit quàm sit grata & acceptabilis pro salute mortalium mors, ut videtur edisserit. JESUS autem servum sanavit, auriculam Ejus tangendo, & Ei restituendo: ut adimpleret quodd prædixerat, *Benefacite his qui oderunt vos.* In quo maxima Christi Salvatoris charitas, & pietas apparet, & benefica virtus Ejus ostenditur, quam exhibet, hostem suum, qui ad ipsum comprehendendum venerat, sanando, & per hoc inimicos Eum persequentes, ad fidem admonendo & insuper Discipulos in fide confirmando, & nos quia noluit quemquam propter se lædi, & ut inimicis nostris bene faciamus instruendo. In quo etiam suam virtutem & potestatem revelat, quia non de necessitate, sed voluntariè captus esset. Ubi Beda, Nunquam enim pietatis suæ Dominus obliviscitur. quia etiam hostes suos non patitur vulnerari. Illi justo mortem inferunt: iste persequentium vulnera sanat, mysticè docens & ipsos, si convertantur posse sanari, qui in lux sunt mortis cōsensione vulnerati. Tunc JESUS convertit se ad turbam, non impatienter, sed rationabiliter eam alloquendo, dicens lamentabiliter, & quasi ad lamentum auditores provocando, *Tanquam ad latronem existis, cum gladiis & fustibus comprehendere me, quasi diceret: sine causa fecistis hoc.* Cujus rationem assignat, dicens, *quotidie, id est; frequenter, pacificè, & sine armis apud vos eram docens in Templo, in loco ubi potestatem habetis, & tunc sine violentia armorum me comprehendere*

Dddd

potu;



*Remigius in Matth.* potuistis, sed non me tenuistis tunc, nec cepistis, quia nolebam, sed nec nunc potestis: nisi permetterem, & me sponte vestris manibus subire-  
cerem. Ubi Remigius, ac si diceret. Latronis officium est nocere,

*Hieronymus in cap. 26. Matth.* & latitare, ego verò nemini nocui, sed plures sanavi, & in Synagogis semper docui. Ubi & Hieronymus. Stultum est, inquit, Eum cum gladiis & fustibus quærere, qui ultro se tradebat vestris manibus: & in nocte quasi latitantē, & vestros oculos declinantem, per proditorē investigare, qui quotidiē in Templo docebat: ideo autem, ut dicit

*Chrysostomus homil. 85. in Matth. Anselmus in medit.* Chrysostom. Eum in Templo non tenuerunt: quia non ausi erant propter turbam, propter quod & Dominus foras exivit, ut ex loco & tempore daret aptitudinem se capiendi. Hic, secundum Anselmum, mansuetudo Domini notanda est, quæ tam dulciter persecutores suos allocuta est, tam dulci allocutione redarguit, ut ipsorum nequitiam compesceret, & nos ad imitationem suæ benignitatis utiliter invitaret. Et subdidit Dominus: sed hæc est hora vestra, id est; vobis concessa ad me comprehendendum, & potestas tenebrarum harum: quia diabolus princeps tenebrarum incitabat eos ad hoc faciendum & hæc potestas est tenebris data, id est; diabolo, & Judæis insurgendi in Christum, & ideo adversum me in tenebris congregamini: & potestas vestra quæ contra lucem armamini, in tenebris

*Captio Xpi* est. Ut autem ait Theophilus. Peractis cunctis quæ sufficienter se habebant ad prohibendum Judæos, cum illi hoc nequaquam discernerent, tunc duci se permisit. Unde dicitur cohors ergo militum, & tribunus, qui eis præerat, & Ministri judæorum accesserunt, sicut lupi ad Agnū, unanimiter & impetuosè: & manus sacrilegas iniecerunt in JESUM, omnium Salvatorem, irreverenter & indebitè: & tenuerunt Eum, ipso permittente, quando enim voluit tentus est, & non antè: & sic fuit captivatus propria voluntate. Nam, ut dicit Remigius, frequenter Eum comprehendere voluerunt, sed non potuerunt: sicut nec nunc potuissent, nisi Ipse voluisset. Sicut enim eos solo verbo prostravit: sic solo verbo eos fugare, vel annihilare potuisset, si voluisset. Ex quo patet obstinatio eorum, quia non fuerunt aversi à suo malo, visis prædictis signis: sed magis attribuebant artibus magicis. Cogita hic quodd si pænale est cuiuslibet homini capi, pro eò quodd per captivitatem adimitur homini libertas, tam conditionis, quia redigitur in servitutem captivatoris, secundum leges civiles: quàm actionis, quia captus non potest facere quodd vult; quantomagis pænale fuit Christo, qui est Dominus Cœli & terræ: & quem Cœli & terra capere non poterant, violentorum, quantum ex parte ipsorum erat, manibus capi & teneri. Ex hoc articulo habemus morale documentum: quodd sicut

*Documentū Morale.* Christus amore nostri semetipsum voluntariè tradidit captivum Judæis: sic & nos pro Ejus amore nos ipsos: id est; omnes sensus nostros debemus captivare in obsequium Christi: videlicet ut oculi captiventur ab illicito visu, aures à noxio auditu, lingua ab otiosis & nocivis locutionibus manus à malis operibus, pedes à vano & vago incessu, maxime ad peccandum: sicut enim Christus fuit captivatus, ne quodd vellet posset abire: sic homo seipsum debet captivare, ne sequatur concupiscentias carnis, & sensualitatis appetitum ad nociva trahentem. Cor etiam captivetur à malis cogitationibus intellectus ab erroneis sensibus, & falsis dogmatibus: voluntas ab

omni-



omnibus à Divina voluntate discrepantibus. Unde Apostolus: *In captivitatem redigentes omnem intellectum in obsequium Christi*: ubi per *2. Cor. 10.* omnem intellectum possunt omnes sensus, & vires animæ ad operationem intellectus deservientes accipi. Aliud documentum est *Captivi de-* huic connexum; quod homo libenter debet esse captivus Christi, *ut benius esse* mortem evadat æternam. Sicut enim homo in belli periculo con-*Christi.* stitutus, libenter dat se alicui nobili & benigno Domino captivum, *Job. 7.* ne ab aliis ferocibus occidatur: sic nos in hac vita sicut in bello con-*Luce 20.* stituti quia militia est vita hominis super terram, tradamus nos be-*Meditatio.* nigno Domino Christo captivos, qui non est Dominus mortuorum sed vivorum: ne ab hostibus æterna morte feroeliter occidamur. In recolendo hunc articulum recogitet homo, se quasi in campo bellico cum hostibus conclusum: nec posse evadere potentiam adversariorum, id est; dæmonum: nisi se tradat Christo benignissimo Domino in servitutem captivum: & sic aliquo gestu corporis tradat se totum Christo captivum, clamans, & dicens ad Eum: JESU quia à Judæis sponte capi & teneri voluisti, da mihi omnes sensus viresq; in obsequium tuum jugiter captivare, ut à morte perpetua bonitate tua merear præservari. Deosculatio & comprehensio Christi. *Rag. 20.* profigurata fuit in Joab, qui Amasam deosculans interfecit. Tenentes autem JESUM, dulces illas manus suas vinculis strinxerunt & ligaverunt Eum ignominiosè quasi latronem, & morte dignum à quo potius solvi velle debuerunt, quia omnium venerat absolvere vincula infirmitatum & peccatorum, ac mortis & inferni. Et erant fortè in eis qui postea liberati ab eo dixerunt, *Dirupisti Do-* mine vincula mea. Ecce adest Joseph ligatus venditus à fratribus & Samson victus à Dalila: id est; à synagoga. Unde Anselmus. Sed ecce jam proditorem præeuntem impiorum turba prosequitur: & osculum præbente Juda manus iniiciunt in JESUM. Dominum suum tenent ligatum, & illas dulces manus vinculis stringunt. Quid fecerat? Scio occupat nunc cor tuum pietas: omnia viscera tua zelus inflammat. Sine rogo patitur, quia pro te patitur. Quid optas gladium? quid irasceris? Quid indignaris? Si instar Petri cujuslibet auriculam abscideris si ferro brachium tuleris: si pedem trunca- veris: ipse restituet omnia qui etiam, si quem occideris absq; dubio suscitabit. Hæc Anselmus. Ligaverunt autem Eum propter tria. *Ligandi* Primo, ne manus eorū effugeret: dixerat enim eis Judas, quod eū te-*Christi cau-* neret & cante ducerent. Secundo, ut Eū morte dignū ostenderent: *sa tres.* quia mos erat judæis, ut quem morte dignum judicarent, victū præ- sidi traderent. Tertiò, propter mysterium, licet Ipsi hoc ignorarent: quia enim Christus nos peccatis ligatos, & in limbo vinculatos solve- re debebat: ideo Ipsū pro nobis ligari oportebat: cujus vinculis liberati sumus. Voluit quippe Christus, tanquā latro cōprehendi, & ligari. *Furtū quid* Adam enim cū latrocinio furtum commisit, quando pomum sibi veti- tum attrectavit: nam furtum est contrectatio rei alienæ invito Do- mino: & hujus rei causa, totum genus humanum à diabolo com- prehensum tenebatur ligatum pro ejus satisfactione JESUS, tan- quam latro voluit comprehendere, qui incomprehensibilis est: & liga- ri qui ligatos venit solvere, & vincula eorum dirumpere. Et no- *Latronibus* ta quod Christus Filius DEI, tanquam latro cum latrone: scilicet *associatus* Barraba est captus, inter latrones Crucifixus, à latronibus occisus; *Christus.*



propter latrones passus: solvens quæ non rapuit. Legitur autem Dominus ter ligatus. Primò, statim cum captus esset; & duceretur ad Annam. Secundo, cum ab Anna duceretur ad Caipham. Tertio, cum duceretur ad Pilatum. Nam secundum Bedam potuit fieri, ut ad horam solveretur, quatenus discuteretur, & post hæc discus- sus iterum ligaretur. Quarto, potest addi, quod etiam ligatus fuit ad columnam cum flagellaretur: licet hoc in Evangelio non expri- matur. Insuper in Cruce clavis fuit vinctus: & sic etiam ligatus.

*Ligatus ter* Ex hoc articulo trahuntur plura documenta salubria. Primum est, quia sicut dictum est Dominus ligari voluit: ut Ipse peccatorum no- strorum vincula solveret: ideo nos debemus esse grati de solutione nostra, & cavere ne rursus Eum nostris peccatis ligemus, quod sit quotiescunq; mortaliter peccamus. Manus etiam Christi videntur cum funibus peccatorum colligare, qui non credunt DEO, quod possit eis necessaria sua dare. Secundum est, quod Christus ligari voluit: ut nos sibi alligaret vinculo charitatis, unde studeamus & nos sibi tam fortiter charitate astringi, ne leviter ab ipso possimus separari: ipsa enim charitas est vinculum in quo anima DEO alliga- tur. Tertium documentum est, ut nos ligemus omnia membra no- stra & ipsam linguam funibus præceptorum DEI, ne laxentur ad ad aliqua contraria Divinis præceptis, vel Divinæ voluntati: ut ni- hil operemur aut loquamur, quo DEUS vel proximus offendatur. Quartum est, ut simus vinculo fraternæ charitatis proximus colli- gati, ita ut omnem gratiam Divinitus acceptam studeamus eis im- partiri: sicut Apostolus omnes fideles hoc vinculo sibi colligatos ha- buit: eosq; socios sui gaudii esse cupivit. Quintum est, quod nos vo- lentes sequi Christum, debemus nosmetipsos ligare vinculo professio- nis obedientie, propter eum, qui pro nobis voluit ligari: ita ut am- plius pro nostro velle nos movere non possimus: & sic cum Isaac colligati, & in Altari mactationis propriæ voluntatis positi quotidie in holocaustum vivum DEO immolemur. Ad conformandum se huic articulo, recogitet homo qualiter Dominus ligatus fuit pro- pter vincula peccatorum nostrorum solvenda: & ut vinculo charita- tis nos sibi alligaret: & poterit in recompensam aliquam seipsum DEO ligare aliquo bono proposito, vel etiam voto. Quo si jam li- gatus sit in Religione, vel alias: desideret à DEO adjuvari ad perficiendum huiusmodi obligationem ad laudem suam. O JESU qui iniquorum manibus ligari voluisti, absolve quæso nostrorum vincula pec- catorum atq; ita charitatis vinculo, præceptorumq; tuorum funibus me constringe, ne unquam membra corporis, aut vires animæ meæ la- xentur, ad quævis contraria tuæ voluntati. Capto autem & liga- to Domino: Discipuli omnes perterriti, relinquentes eum fugerunt: & Magistrum suum, sicut latronem ad victimam deduci dimiserunt: sicut prædixerat eos scandalum in se passuros. Compreheso Pa- store, disperguntur oves, capto Magistro, fugiunt Discipuli. Unde Beda in cap. Beda: Impletus est sermo Domini, quo dixerat, quod omnes Disci- 14. Marci. puli scandalizarentur in illo, in ipsa nocte. Et Hierony. Tunc adim- Hieronymus pletum est, *Elongasti à me amicum & proximum & notas meos à miseria.* ibidem. ut autem dicit Theophilus, Permisit eos Dominus cadere: ut non Psal. 87. in seipsis confidant. Unde Remigius: In hoc facto demonstratur Remigius fragilitas Apostolorum. Qui enim de ardore fidei promiserant se in Matth. mori



mori cum eo: timore fugiunt, immemores suæ promissionis. Quod etiam videmus impleri in his, qui pro amore DEI magna se promittunt facturos, & postmodum non implent: non tamen desperare debent, sed cum Apostolis resurgere, & per penitentiam respicere. Ubi & Rabanus: Mysticè autem sicut Petrus qui culpam negationis penitentia lachrymis abluit recuperationem eorum ostendit qui in Martyrio labuntur: ita ceteri discipuli, qui articulum comprehensionis fugiendo prævenerunt, cautelam fugiendi docent eos quia se minus idoneos ad toleranda supplicia sentiunt: quibus tutius latere, quam se discrimini certaminum exponere. Sed quare non comprehenderunt Apostolos, & maxime Petrum, qui percussus erat cum gladio? Dicendum quod nihil eos detinuit: nisi virtus Divina, quæ etiam prostravit eos resupinos. Tunc omnes Discipuli peccaverunt: & in fide per illud triduum extincti fuerunt: præter Beatam Virginem, in qua sola fides Ecclesiæ inconcussa permansit: ob cuius representationem in maturinis illius tridui omnes candelæ, extinguuntur excepta una sola, quæ remanet accensa. In huius signum etiam denudantur altaria, quia Christus per Altare designatus relictus fuit ab Apostolis, signatis per ornamenta. In illo etiam rriduo officium nocturnum altè cantatur, per quod Prophetæ de Christo signantur: Diurnæ verò horæ sub silentio dicuntur, quia Apostoli tunc prædicare non audebant: unde & campanæ non pulsantur quia tunc sonus prædicationis cessavit. A parte montis Sion in vallem Josaphat descendendo, sunt cavernæ Apostolorum, ubi latuerunt tempore Passionis Christo relicto. *Adolescens autem quidam sequebatur JESUM, amictus sindone, idest: linea veste quæ Innocentiam significat super nudo, scilicet corpore: quia non habebat aliud indumentum super tunicam & ab extra, quam solam sindonem, qui dicitur fuisse Joannes.* Unde Beda: Juvenem istum nil verat intelligi fuisse Joannem, cujus longa post hæc in carne vita indicio est. Hic cum teneretur ab impiis, rejecto vestimento elapsus manibus tenentium: nudus profugit ab eis: quorum scilicet & præsentiam detestabatur & facta: non à Domino, cujus amorem etiam absens corpore fixum servavit in mente: nondum fuit in eo perfecta charitas, quæ foras mittit timorem: sed pro tanto plùs aliis de amore habuisse videtur, quia plùs cæteris Magistrum sequebatur. In facto autem suo, secundum Bedam, designat illos qui ut securiores ab incursibus hostium fiant quidquid in hoc mundo possidere videntur abiciunt: ac nudi potius DEO famulari, quam ad hærendo mundi rebus materiam tentandi, & à DEO revocandi adversariis dare didicerunt: juxta exemplum Beati Joseph, qui relicto in manibus adulteræ pallio, foras exilivit, malens nudus DEO, quam indutus cupiditatibus meretricis servire. Sic Paulus primus eremita, videns alios deficere in exquisitis tormentis fugit, & ad solitudinem se transtulit. Et tu nudus evola ad vexillum Crucis, potius quam Divitiis alliciaris: & detinearis à mundo, quod minus Christum imiteris. Unde Hieronymus. Qui vult effugere manus iniquorum, relinquens mente quæ mundi sunt, fugiat post JESUM, Joannes verò mox recuperato & resumpto vestimento rediit, ac Dominum ut prius sequebatur: Poruit enim fieri, ut sub dubia noctis luce sese turbis ducentium JESUM, quasi unus ex ipsis

Eeeee

Rabanus in  
Matth.

Fides in so-  
la Maria.  
Candelarum  
extinctio.

Beda in cap.  
14. Marci.

Genes. 39.  
Paulus pri-  
mus eremita

Hieronymus  
ibidem.

immi-



Documenta  
ex fuga A  
postolorum.  
Fugere  
à Christo:

Psal. 72.

Contemplatio

immiscuerit donec ad atrium Pontificis: cui notus erat, perveniret. Joannes sudario simplici, & tenui erat supervestitus: sed nunc vestes extendimus in partibus: & plicamus in capis, ac vestium deportandarū habemus summarios, quadrigas & currus: & etiam earum caudas post nos trahimus, vel portare facimus. Ex hoc articulo scilicet fuga Discipulorum, trahuntur quatuor documenta. Primum est, quod nos caveamus, ne & nos unquā à Christo fugiamus. Fugit autē à Xpo, qui propter timorē humanū, vel ex itatione diabolica, vel alias propter quācūq; passionem, seu affectionem corruptā relinquit justitiā aut veritatē: nam Christus est justitia & veritas. Et universaliter in omni peccato mortali fugit homo à DEO. Secundū est, quod si nos aliquādo ex fragilitate ad horam à Christo recedamus peccādo, non ideo debemus desperare, sed cum Apostolis resurgere, & per penitentiā resipiscere. Tertiū est, quia (ut supra dictum est) ex fuga ceterorū Discipulorū docetur cautela fugiendi minis idoneis ad toleranda supplicia & adversa, sicut ex penitentia Petri ostenditur reparatio lapsorum in Martyrio propter illa. Quartum est, si interdum hi qui videntur amici nostri, & proximi recedant à nobis tempore necessitatis, vel adversitatis, æquanimiter hoc feramus: memores, quod & Apostoli recesserunt à Christo his incumbentibus. In conformando se isti articulo recogitet homo, quantum se elongaverit à DEO peccando, & ruminet illud Psalmistæ: *Quoniam qui elongant se à Te, peribunt, perdidisti omnes qui fornicantur abs Te*, mihi autem adhærere DEO bonum est: ac oret DEUM dicendo. JESU qui electos Discipulos tuos omnes à te fugere permisisti, suscipe me fugitivum servum Tuum, & tene virtute omnipotentiae Tuae, nec sine me abs Te propriæ voluntatis arbitrio evagari. Attende nunc diligenter, & vide quomodo Dominus JESUS patitur se capi & ligari, & à discipulis derelictum duci ad mortis supplicium, ac si esset malefactor, & omnino impotens ad se defendendum. Cum quanto clamore putas manus in eum injecerunt: quā crudeliter eum ligaverunt, quā dirē strinxerunt, & quā irreverenter traxerunt: considera etiam quomodo Discipulis suis fugientibus, & errantibus compatitur, & quis fuit dolor quem Discipuli amantissimi habuerunt, quando oportuit quod à Magistro suo dilectissimo separarentur. O! quā invitati, o! quā tristes, o! quā desolati, o! qualiter plorantes, o! quales voces & clamores, gemitus & suspiria dantes, sicut orphani & timore perterriti recedebant. Et perpendere potes, quod recedentes dicebant. O; Magister bone, o! dulcis Pater, o! benigne Domine, quomodo ita separamur à Te? quomodo Pater Sancte Filii Tui fugiunt à Te? quod ibimus Domine? hæc & multa alia dicere poterant. O quoties retrō respiciebant, videntes qualiter Dominus suus ligatus & sine honore trahebatur. O quoties se in terram proriebant, & ad Cælum clamabant. Ex hoc enim magis, & magis eorum dolor augebatur: quia videbant Magistrum & Dominum suum sic viliter trahi, & canes illos pessimos mordentes, & ad victimam Eum trahentes, quasi Agnum manivetissimum sine clamore, & resistentia sequi. Quis enim tunc doloris aculeus Discipulorum corda penetravit? quando videbant dilectissimū Magistrum, & Dominum suum tanquam malefactorem duci ad mortem, cum & ille impiissimus Judas penitentia ductus, tanta postmodum fuerit



fuerit ex hoc repletus amaritudine, ut maluerit mori quam vivere: cogitare potes si Domina Mater sua ibi fuisset, quid fecisset? O! Domina mea, quam mala, & quam amara erit tibi dies crastina quando audies, & quando videbis tam crudele spectaculum? O! Domine JESU, quæ anima hæc cogitans potest sustinere quod non rumpatur præ dolore? Conspice igitur eum quomodo ducitur ab illis nequissimis de torrente fursus versus Hierusalem festinanter, & cum impetu: manibus retrò eregione dorsi ligatis: & ut dicitur, catena collo suo imposita, exclamatus tunica, non curiosè succinctus, capite discoopertus, & curvus ex fatigatione, & vehementi acceleratiõne incedens, & quomodo Agnus Innocens inter lupos ibat mordaces. O! quam violenter eum impellebant per vallis Josaphat medium, sed ad montis ascensum, quam fatigatus, & molestus affectus transit per torrentem Cedron: ut adimpleretur scriptura quæ dicit: de torrente, amaræ scilicet Passionis, in via bibit. Et sic cum impetu tanquam contra latronem stridentes, & Eum *Psalm. 109.* percutientes duxerunt eum per portas aureas, per quas in die palmarum intraverat: quæ modo clausæ sunt: & adduxerunt eum, ligatum tanquam mortè dignum ad *Annam primum*, idest, primò. Pluribus autè de causis ducebant eum primò ad Annam. Quarum una est quia domus Annæ prior eis in via occurrebat, & ideo turpe ei esset, & contemptus videretur si domum suam antepositam præterissent: vel fortè illuc divertebant, ne in via longiori tumultus in populo fieret. Vel Ministri faciebant hoc de voluntate Caiphæ, volens Annam socerum suum honorare, ut Divino judicio, qui erant affines sanguine, sociarentur in scelere. Item quia Annas senior fuit quam Caiphas: judicium autem primò referebatur ad leniores, ut magis justum appareret coram hominibus: idè fecit eum Annæ primò præsentari, ut excusabilior esset, si ab Anna condemnatum Ipse post modum condemnaret. Item quia hi duo sacerdotum vicissim à gentibus emebant, & sibi per annos vicissim succedebant: & idè fecit eum præsentari Annæ tanquam conjudici, ad quem scire de judicio pertinebat, & ut Christus magis dignus morte, & per consequens ipse Caiphas minoris culpæ videretur: si alterius quoq; consacerdotis sui sententia, & coram iudicibus pluribus Christus condemnaretur. Et licet isti Pontifices Judæorum, non *Pontificum* haberent judicium sanguinis: habebant tamen judicium examinis, *jurisdictio.* quia ipsi examinabant causas ad ritus Judæorum spectantes, & postea miserunt ad Præsidem Cæsaris causas instructas: secundum legem unus summus Sacerdos per totam suam vitam officio Pontificisungebatur, cui post mortem Filius succedebat, ut generationis in Sacerdotibus series texeretur. Postmodum verò invidia & ambitione principum crescente, non solum Patri non succedebat Filius, sed nec ultra annum quis officioungebatur Pontificatus, & hoc ipsum pecunia procurabat à Romanis. Unde hi duo, scilicet Annas & Caiphas principes Sacerdotum erant: licet de tribu Levi non essent, & *Annas & Caiphas.* per vices annuas alternatim Sacerdotium ministrabant: quod quolibet anno pro suis vicibus ab Herode emebant, & erat tunc annus Caiphæ cum passus est Dominus, quia *erat Pontifex anni illius*, idest, administrationem anni illius habebat, quamvis judicium & utilitas judicii communiter amborum esset. Non ergo mirum si iniqui



Pontifices iniquè judicaverunt, & officium Pontificatus, tam nequiter adepti, rem sic nefariam gesserunt. Sæpe enim qui per avaritiam vel ambitionem ad dignitatem accedit per injustitiam in ea servatur, & sceleratum initium funesto fine consummatur. Vide Simoniam, ambitionem & Schismate Sacerdotium, synagogæ deperisse: *Ductus est Christus novem vic.* caveat hæc Ecclesia, ne sibi contingat simile. Circa hunc articulum, scilicet ductionem Christi, est considerandum, quod Christus in processione Passionis suæ novies hodie ductus fuit. Primum enim mox ut captus fuit & ligatus, duxerunt eum ad Annam. Secundò, ab Anna ad Caiphā. Tertiò, à Caiphā ad Pilatū. Quartò, à Pilato ad Herodē. Quintò, ab Herode reductus est ad Pilatū. Sextò, milites duxerunt eum intrò in atrium prætorii, ubi illuserunt ei. Septimò, Pilatus duxit eum foras de prætorio portantē coronam, & vestem purpuream. Octavò, duxit eum foras prætorium, ad locum ubi sedit pro tribunali. Nonò, duxerunt eum ad Crucis patibulum: & in qualibet istarum ductionum semper singulares pœnas, & contumelias passus est, sicut de singulis in suis locis patebit. Has novem ductiones usq; ad meridiem factas repræsentāt fideles, qui hodie usq; ad nonam circumeuntes visitant novem Ecclesias, in memoriam quod Christus postquam captus fuit ductus est ad novem loca. Et meritò fideles hodie Sanctorum Ecclesias visitant, ut ab ipsis beneficia obtinere valeant: nam Sancti valde liberales esse debent quia hodie de carcere fuerunt liberati, & in Cœleste imperium sublimati. Si quis enim de carcere liberaretur, & in imperium sublimaretur, illam diem multum diligeret, & in illa die multum liberalis esset: sic & de Sanctis credendum est. Fuit autem ductio Christi violenta, quia manu armata, & cum turba. Fuit & ignominiosa, quia ducebatur vinctus, sicut malefactor, & morte dignus. Fuit etiam dolorosa, quia quantumcunq; ipse voluntariè cum eis iret: tamē in fune eū trahebāt ac impellebāt, & pressuris obtruebāt: ita ut posset dicere illud Paralip. *Ex omni parte angustia me premunt.* *2. Paralip. 22. Docum. 20 quator.* Ex hoc articulo habentur quatuor documenta. Primum est, quod fideles in die paralceves novem Ecclesias, secundum novem ductiones, in prima Ecclesia rememorari debent, quid Christus passus fuit coram Anna. In secunda, quid coram Caiphā. In tertia, quid coram Pilato, & sic deinceps, ut videre potes in ordine supradicto. Secundum est, quod si quando forsitan causa DEI ducamur ad pœnam: cum patientia toleremus, amore & exemplo ejus, qui pronobis ductus est innocens, sicut ovis ad occisionem. Tertium est, quod licet nos aliquando ducamur ad malum pœnæ: nunquam tamen patiamur nos duci ad malum culpæ, quia talibus ductionibus nullatenus consentire debemus: imò nec ad hujusmodi inviti trahi, vel duci possumus, & ideo si quando inducamur ad tentationem: nequaquam tamen ducamur in tentationem, per peccati consensum. Quartum est, ut nos simus de facili ducibiles ad viam justitiæ, sicut Christus valde faciliter, imò desideranter ducebatur ad Passionem: non repugnans nec renitens, nec remurmurans, & sicut ovis os suum non aperiens. In conformando se isti articulo, recogitet homo quam exprobrabiliter, sicut fur vel latro Christus ductus fuit: & poterit etiam mentaliter visitare novem Ecclesias, sicut de votio dabit. Item formet sibi homo propositū se velle cum gratia DEI ducibilem esse



esse ad omne Divinum beneplacitum: & oret, dicens: JESU qui vin-  
ctus velut malefactor ab iniquis de loco ad locum exprobrabiliter  
duci voluisti: da mihi virtutem ut ad nullum à Spiritu maligno, vel  
homine malo seducar peccatum, sed spiritu tuo bono ducar ad o-  
mnia tua beneplacita voluntati. *Sequebatur autem JESUM Simon*  
*Petrus, & alius Discipulus*, scilicet Joannes, sed à longè ex timore.  
Licet enim isti sicut & alii primò ex timore fugissent: postea tamen  
ex devotione JESUM secuti sunt: quia ferventiores aliis erant, &  
præceteris Christum diligebant: & quia major eos ad invicem vis  
dilectionis uniebat. Quod Joannes & Petrus Dominum ad Passio-  
nem euntem sequuntur, significat Ecclesiam de Judæa & Gentibus  
Domini Passionem secuturam, idest: imitaturam sed à longè & diffe-  
renter: Ecclesia enim pro se patitur, sed ille pro Ecclesia: & Passio  
Sanctorum à longè imitatur Passionem Christi, quia non est dolor  
similis dolori Ejus. Mysticè per hos duos Discipulos duæ vitæ in *Vita duplex*  
telliguntur, qui Christum sequuntur, scilicet activa, quæ per Petrū:  
& contemplativa, quæ per Joannem significatur: & activa quidem  
sequitur Christum obediendo, contemplativa verò cognoscendo &  
contemplando. Et quia Joannes erat notus Pontifici, introivit cum  
JESU in atrium Pontificis: quia propter notitiā permissus est intrare  
cum aliis. Causa autem suæ notitiæ hæc esse poterat, quia fortè *Joann. cur*  
missus à Patre suo pisces ad domum Pontificis pluries portaverat. *notus ponti-*  
Vel fortè quia aliquis de cognatione ejus ibidem serviebat: vel, se- *fici.*  
cundum aliquos, de David descenderat, quas genealogias Sacer-  
dotes habebant. *Et dixit Joannes ostiaria, & fecit introduci Petrum,*  
qui ex timore stabat foris ad ostium, quasi prælagiens futuræ nega-  
tionis factum. Unde in Psal. *Qui videbant me foras fugerunt à me Psal. 30.*  
Mysticè autem Joannes intravit cum JESU, quia vita contemplati-  
va est ei familiaris: sed Petrus foris stabat, quia activa vita circa ex-  
teriora occupatur. Per hoc autem quod Joannes fecit introduci  
Petrum, mysticè intelligi datur quod per contemplativā introducit  
ad Christū vita activa: sicut enim ratio inferiori dirigitur per superio-  
rē ita vita activa per cōtemplativā. Sequere & tu eū usq; ad atrium Prin-  
cipis, & intra cum eo si poteris: ut singula quæ sunt videre merea-  
ris. Atrium vocabatur platea sub dio inter primam portam & se-  
cundam, ubi erant Ministri Principis circumsedentes ad ignem:  
inter quos stabat Petrus calefaciens se. Intus autem erant in con-  
silio Principes Sacerdotum & scribæ, & Seniores: & Dominus cum  
eis, sicut agnus inter lupos. Hic trina negatio Petri fuit inchoata: *Negationis*  
sed postea in domo Caiphæ consummata: & idè propter continu- *Petri initium*  
ationem materiæ, simul omnes tres infra sunt positæ. Ibidem er-  
go Domino JESU in bello & conflictu duro & aspero permanente:  
tu aliquantulum non sine compassione & gemitu dormitabis & qui-  
escies, si tamen poteris hoc facere.

## DE MATUTINIS IN PASSIONE DOMINI

### CAPUT LX.

**H**ora matutinali excitaberis à somno tuo, plenus lachrymis, & *Matth. 26.*  
dolore confectus: propter ea quæ post completorium cogitasti, *Marci 14.*  
& tunc meditaberis, & in Spiritu tuo videbis qualiter Dominus tuus *Lucæ 22. &*  
*sedet Joann. 18.*



sedet inter inimicos despectus & inhonoratus, & à suis Discipulis, & amicis derelictus: & tot malis hominibus sociatus. O! Domine JESU, quomodo ita sedestam contemptus & desolatus: ubi sunt Discipuli Tui, & amici? O! unicum bonum meum. O! singulare gaudium meum, quid faciam cum Te sic videam? Certè Domine sedebam in terra Tecum, & associabo Te, quia non video hic qui diligit Te: sed potius inimicos tuos insanos & dementes, qui odiunt Te. JESU ergo statuto & stante legato ante Annam pontificem interrogavit dolosè JESUM Pontifex de Discipulis suis, fortassis ubi essent, & cujus gratia eos colligit, ut videret si posset eum deprehendere qui ab eo seducti fuissent: & de doctrina Ejus non cognoscendæ veritatis amore, sed ad videndum si posset ibi falsitatem, vel calumniam, & aliquid dictum contra legem invenire: & sic causam haberet quâ posset accusare eum, & tradere Romano Præsidi ad damnandum. Duo enim imponebantur Christo à Judæis, scilicet falsa doctrina & nova ac seductio & attractio hominum ad se: & ideo pontifex examinat eum de utroq; videlicet si esset seductor hominum, & doctor falsæ doctrinæ & primò de Discipulis Ejus, quos videbatur seduxisse. Secundò, de doctrina Ejus, quasi notans eam falsam esse: dicitur autem Annas pontifex, non quia tunc actus esset, sed quia antè fuerat, & post esse debebat. JESUS verò de Discipulis omnino tacuit: quia tunc de ipsis nihil boni dicere potuit, qui jam fugerunt: dans nobis exemplum quòd malum de aliis non debemus dicere, nec peccatum alterius propalare. Sed de doctrina sua respondit: ostendens quòd non mala vel suspecta, sed & bona & sana erat, quod declarat ex loco, & auditorum testimonio, dicens: *Ego palam locutus sum mundo, idest, in publico & multis audientibus: ego semper docui in Templo & synagoga Judæorum, locis publicis & Judæis præsentibus: & in occulto locutus sum nihil, scilicet ideo ut occultaretur & non innotesceret multis. quid me interrogas? à quo veritatem audire non desideras: interroga eos qui audierunt: de quorum dictis non habeas invidiam vel suspicionem: quasi diceret, Paratus sum testimonium eorum subire, quòd tibi magis quàm dictum meum est credibile.* Unde Chrysostomus. Quid ait me de Discipulis meis interrogas? Interroga inimicos meos, qui insidiantur mihi, hi dicant. Hæc enim est veritatis inalterabilis demonstratio, cum inimicos quis eorum quæ dicit invocat testes ipsos: ita Dominus responsionem temperavit, ut veritatem taceret ne se defendere videretur: dans nobis formam temperatè respondendi hostibus: ita ut nec veritatem calemus, nec eos contra nos dictis provocemus. Tunc unus Ministrorum Pontificis, qui dicitur fuisse Malchus cujus sanaverat auriculam, ingratus accepti benefici dedit JESU alapam, repræsens perverfos qui beneficiis impensis mala respondent: & dixit, sic respondes pontifici? Ille enim Minister sceleris accepit responsionem JESU: quasi notasset pontificem de stulta interrogatione: & dans sibi alapam, ad improprium, voluit vindicare quod placabiliter non responderat pontifici, planè confitendo, vel negando: quia alapa ut plurimum pro vindicandis offensionibus verborum solet dari. In hac alapa impleta est prophetia illa: *Dabit percutienti se maxillam.* Est enim alapa, percussio in maxillam, sicut colaphus, est percussio in collum. Ipse verò Dominus longanimis

Chrysostomus  
homil. 82.  
in Joann.

Thren. 3.



& patiens, malum pro malo non reddidit, sed hanc contumeliam, sicut multas alias, quæ sequuntur, pro nobis cum omni patientia & mansuetudine toleravit, & patientiam docuit humiliter vultu placido, & submissio sermone modestè respondendo, & veritatem ostendendo, ac ministrum cui quamlibet pœnam solo jussu irrogare poterat, blandè & charitativè corripiendo, Si inquit, *malè* & contra veritatem locutus sum, & habes reprehendere quæ dixi, demonstra & testimonium perhibe de malo: & proba me mendacem. Si autem bene, & non habes reprehendere, quid me cedis injustè? Quid ista responsione veriùs, mansuetius & justius? Hinc colligimus nos posse increpare nobis injuriantes, & arguere, ita tamen quòd moderatè & pacatè. Respondendum est enim, quandoq; stulto juxta *Proverb. 26.* stultitiam suam, ne sibi sapiens videatur. O! verax & pie JESU: quæ nam anima Tibi devota hæc cernens & audiens, valeat se continere à lachrymis & dolorem occultare intentæ Passiõis? Unde Chrysostomus. Unus dedit alapam JESU hæc dicenti. Quid hoc fiet utiq; stultius? horreas Cœlum. excessum mentis patiaris terra: do-*Chrysostom. homil. 82.* minataris longanimitate, & servorum indevotione. Unde & Au-*in Joann.* gustinus: Si cogitemus: quis accepit alapam, nonne vellemus eum *Augustinus Tract. 113. in Joann.* qui percussit aut Cœlesti igne consumi, aut terra dehiscente absorberi, aut correptum dæmonio voluptari, aut aliqua hujusmodi qualibet pœna, vel etiam graviore puniri? Quid enim horū per potētia jubere non potuisset per Quē factus est mundus: nisi patientiam nos maluisset docere, qua vincitur mundus? Hæc Augustinus. Sed, le-*Act. 1.* eundem Augustinum, dicet fortè aliquis: Quia cœpit JESUS face-*Idem ibid.* re & docere: cur non fecit quod docuit, præbendo alteram maxillam? Dicendum, quod dicta & præcepta Sacræ Scripturæ ex factis Christi, & Sanctorum debent interpretari: sic ergo Sacra Scriptura interpretanda est, secundum quod Christus, & Sancti eam servaverunt. Christus autem qui utiq; præcepta quæ docuit prius implevit, & in homine quem suscipere dignatus est, vivendi nobis exemplum tribuit; non præbuit isti aliam maxillam, nec Paulus (ut in actibus legitur) hoc fecit: ostendens percutienti maxillam non actu iplo præbendam esse alteram, sed animo paratam esse ad patiendum si opus sit. Fieri enim potest, ut alteram maxillam visibiliter homo præbeat & iratus. Sed Beatus est qui in omnibus quæ injustè pro justitia patitur, potest veraciter dicere: *Paratum cor meum DE-*Psalm. 56.* US, paratum cor meum.* Unde istud Christi præceptum: de præben-*Præcepta nō secundum li-  
teram intel-  
ligenda.* do maxillam aliam: & similiter de resistendo malo, & plura alia, non dantur & nō intelliguntur absolute ad literam, sed magis secundum animi præparationem: ut homo habeat animum præparatum ad hæc facienda, ubi viderit expedire ad DEI honorem, & Ecclesiæ utilitatem: alias autem non: & hoc Dominus servavit, qui paratus erat dare aliam maxillam (si opus fuisset) percutienti: quia totum corpus suum pœnis acerbissimis præbuit & occisioni, imò aliquando expedit injuriantibus respondere ad ipsorum & aliorum instructionem, sicut fecit hic Christus: Et ut in actibus legitur Paulus. Et aliquando etiam facto resistere, ne detur occasio agendi malè. Sic ergo *Act. 28.* excusatio Domini, qua sic respondit, utilis ad instructionem fuit. Et multis aliis ibidem fortè eum affecerunt: de quibus Evangelistæ tacent. Ex hoc articulo alapizationis habentur tria documēta. Primum est,



est, quia Christus pro nobis alapizari voluit, ut nos ora nostra compescamus, ne quid contra Divinum honorem loquamur: & etiam ut ad bonum loquendum vel agendum excitemur: sicut aliquando aliquis percutitur, ut à torpore exciteretur. Secundum est, ut & nos discamus in injuriis & contumeliis nobis illatis patientiam habere, imitatione Domini, Qui in hoc specialiter exemplū magnæ patientiæ dignatus est nobis præbere. Et sicut Christus eadem nocte omnes illusiones & verecundias, ab iniquis sibi factas, patienter sustinuit: sic homo contumelias & opprobria, ac cuncta mala in verbis, seu factis ab importunis hominibus sibi illata patienter ferat amore sui Redemptoris, similia & multa majora propter ipsum patientis. Tertium est, quod consilia Evangelica non semper oportet servare ad literam, sed aliquando secundum animi præparationem & maxime ubi de hoc ex factis Christi & Sanctorum informationem habemus & auctoritatem. Ad conformandum se isti articulo, poterit homo sibiipsi dare alapam moderatam ad repræsentandum alapam Christi, pro omnibus verbis suis otiosis, vel etiam pravis & mendosis, & orare, dicens. JESU qui ab Annæ Ministro cædi alapam voluisti, da mihi quælo gratiam Tuam, quæ me à Tua laude nunquam cessare faciat, & ab otioso sermone compescat. *Et misit JESUM Annas ligatum, quasi reum & morte dignum, & jam coram eo condemnatum, ad Caipham pontificem, quia Christi examinatio principaliter pertinebat ad ipsum, & convenerunt omnes Sacerdotes, idest, Principes Sacerdotum: & scribæ idest, legisperiti, & seniores, idest, judices ordinarii: ad examinandum Christum: & judicandum & ad tractandum de ipsius condemnatione & morte. Cum autem præsentatur consilio malignantium adversus eum: illi quasi leo captâ prædâ exultant. Bene potes cogitare quoniam malè Eum receperunt, & quomodo si ne honore forte in terra viliter coram ipsis sedere fecerunt. Petrus*

*Petri tamē* *his charitas autem & hic usque in atrium, idest, usquequo provenit ad atrium principis Sacerdotum sequebatur eum, ex devotione & amore: quamvis à longè: propter timorem. Quem charitas trahebat, timor retraheret.*

*Beda in cap. bat.* Verum, secundum Bedam, in hoc maxima nobis est admiratione venerandus, quod Dominum non reliquit, etiam cum timeret. *Et ingressus intro, scilicet in ipsum atrium, deductus per ostiariam similiter ut supra: sedebat cum Ministris ad ignem, quia frigus erat: sicut solet esse in Martio post mediam noctem ut finem negotii videret, & quid pontifex de Domino judicaret. Principes autem Sacerdotum & omne consilium quia verum testimonium invenire nō poterant, falsum querebant, procurando & subornando: & non invenerunt unde Eum tanquam morte dignum coram Pilato accusare possent, licet multi falsi testes ad id procurandum accessissent, quorum testimonia non erant convenientia: & sic detecerunt scrutantes scrutina: mentita est enim iniquitas sibi: ut Regina adversus Joseph, & Sacerdotes adversus Susannam: quia ignis sine materia deficit. Ubi Origenes. Falsa enim testimonia tunc locum habent, quando cum colore aliquo proferuntur, sed nec color inveniebatur, qui posset contra JESUM adjuvare mendacia, quod maximam laudem exhibet JESU, qui sic omnia irreprehensibiliter dixit & fecit, ut nullam verisimilitudinem inveniret in Eo reprehensionis, mali & multi astuti. Hæc Origenes. Sed de omnium testimonis solum duorum testimonio.*



testimonium exprimitur de quibus subiungitur; *Novissime autem, scilicet post multorum falsa testimonia: duo falsi testes dixerunt: Nos audivimus eum dicentem, possum destruere Templum DEI hoc manufactum, & post triduum, aliud non manufactum edificare.* Ex hoc autem conabatur probare, quod Ipse Divinam potentiam quasi DEUS sibi usurparet: sed falsi testes erant: quia & sensum, & verba Christi mutant: ad quod Christus nihil respondit: quia mentiebantur aperte: non enim dixerat de hoc Templo Salomonis, sed proprii corporis. Unde Hieronymus. Falsus testis est, qui non eodem sensu dicitur, ita intelligit quod dicuntur. Dominus enim dixerat de Templo corporis sui: sed in verbis calumniantur: & paucis additis, vel mutatis, quasi justam calumniam faciunt: Salvator dixerat, solvite hoc Templum: illi commutant & ajunt, possum destruere Templum DEI: vos (inquit) solvite, non ego: quia illicitum est ut ipsi nobis manus inferamus, deinde illi evertunt, & post triduum edificabo illud ut propriè de Templo Judaico dixisse videatur: Dominus autem ut ostenderet animale & spirans Templum: dixerat & ego, in triduo suscitabo illud, aliud est suscitare, aliud est edificare. Hæc Hieronymus Dicens autem Dominus, solvite non dicit præcipiendo, sed prædicando eis quid essent facturi: prædicans mortem suam, in qua corpus Ejus quod erat Templum Deitatis, solutum est. Unde sensus est, solvite: idest; solvetis Corpus meum per mortem, quam mihi inferetis, & in tribus diebus excitabo illud. Excitare est enim à somno mortis revocare, quod propriè competit Templo Spirituali, scilicet suo corpori, sed reedificare propriè competit Templo materiali. Non majus tamen miraculum erat, Templum manufactum in tribus diebus reedificare, quam seipsum post mortem die tertia resuscitare. Item possent dici falsi testes ex falsa intentione, quia intendebant mortem Innocentis procurare. Ex hoc articulo, scilicet delatione falsi testimonii sumuntur tria documenta. Primum est, quod nos falsum testimonium imò omnem falsitatem & mendacium summè detestemur, quia mendaciis & fallaciis Christus morti est additus, & nos quotiescunq; falsum testimonium & mendacium contra proximum proferimus, Christum (quantum in nobis est) morti addicimus unde quam detestabile sit istud crimen, ostendit Isidorus dicens: Testis falsidicus tribus personis est obnoxius. Primum DEO, Quem perjurando contemnit: consequenter Judici, quem mentiendo fallit: postremum Innocenti, quem falso testimonio laedit. Secundum est, quod nos discamus incriminationes, si nobis inferantur, amore DEI patienter sustinere: sicut Christus pro nobis ad omnes falsas incriminationes simpliciter tacuit: quia secundum Augustin. Aperta mendacia non sunt responsione digna. Tertium est, ut nos fallaciis studeamus, quantum cum DEO possumus, declinare, ad hoc enim Dominus falsos testes sustinuit, ut nos ab eis eriperet: sicut etiam mortem sustinuit, ut nos à morte liberaret. Ad conformandum se isti articulo, gratias homo referat Christo quod falsos testes contra se admisit, ut nos veritate fulciret, & sic oret: JESU Qui à Judæis falsis testimoniis accusari voluisti: da mihi nemini falsas calumnias inferre, & illatas pro Tuo honore patienter sufferre. Videns autem Caiphas Princeps Sacerdotum, quod JESUS tacebat, & quod testimonia contra Eum producta ad Ejus condemnationem non

Ggggg

luffi

Hieronymus  
in cap. 26.  
Matth.

Excitare  
quid est.

Documenta  
de falso testimonio.

Testis falsidicus tribus  
obnoxius.

Mendacia  
aperta.

Conformatio



sufficiebant: perturbatus, quia non inveniebat locum calumnie & unde posset JESUM justè condemnare: sicq; irā commotus, & vāsanā mentis agitato, *surgens ex impatientia in medium* de solio Sacerdotali, ait illi: *Nihil respondes ad ea, quæ isti adversus te testificantur?* motu corporis insaniam mentis demonstrat: cum temperantia & gravitas in verbo, opere, & gestu Judicem & Prælatum deceat. Secundū Bedam. Ad responsum provocat: ut ex occasione sermonis locum accusandi inveniat. *JESUS autem tacebat, & nihil respondit.* Primò, ut ostenderet suam justitiam, quia & illi indigni erant, & ea quæ contra Ipsum dicebantur erant falsa, & responsione indigna. Secundò, suam misericordiam ne illi amplius peccarent, si in malitia perdurarent. Tertio, suam sapientiam: quia sciebat (ut DEUS) quia quidquid respondisset, traxissent in calumniam, & responsio exultationis, nullo audiente, fuisset inutilis. Quarto, suam patientiam: ut exemplum daret contemnere calumniantium voces, & potius fortiter filere, quàm sine ullo profectu defendere. Hinc colligimus, porcis, & canibus, & detractoribus, & quibuscumque, non esse respondendum, cum nulla securitas sit utilitas, sed potius incommoditas. Quanto autem magis JESUS ad indignos responsione Ejus tacebat, tantò magis Pontifex furens Eum ad respondendum provocabat, ut ex verbis Ejus occasionem calumniandi captaret. Tunc enim Princeps Sacerdotum rursus interrogans dixit ei: *Adjuro Te per DEUM vivum, ut dicas nobis si Tu es Christus Filius*, scilicet naturalis, *DEI benedicti?* Qui ad Eum capiendum, quasi latronem miserat, nunc de furto & usurpatione Deitatis examinat. Non tamen veritatem DEI desiderat, sed magis calumniam parat. Ad hoc autem JESUS respondit, propter reverentiam Divini Nominis invocati, *Et dixit illi, tu dixisti quia Ego sum.* Veritatem eis respondit, ut inexcusabiles essent, & ne Nomen DEI spernere videretur. Et adjecit Dominus JESUS. *Verumtamen dico vobis, à modo videbitis oculis corporeis, Filium hominis*, scilicet me quem modo contemnitis, & ignominiosè tractatis, in die judicii *sedentem*, ut judicem, *& dextris virtutis*, idest; Majestatis DEI Patris, idest; æqualitate & plenissima potestate Patris. Hoc est secundum Hieronymum. In Vita Regnantem sempiterna, & virtute Divina, & venientem, scilicet ad judicium secundum formam humanam in nubibus Cæli, sicut ascendit, ubi videbit Eum omnis oculus, & qui Eum pupugerunt. Quasi dicat, vos me ut purum hominem contemnitis, & quasi impium condemnatis, sed tamen propter hoc me exaltatum super omnes Cælos, & judicem videbitis. Tunc Princeps Sacerdotum, qui surrexerat in furore, magis insaniens *scindit vestimenta sua*, in rabie, quia secundum Bedam. Quem de solio Sacerdotali furor excusserat, eundem rabi-  
*es ad scindendas vestes provocat.* Et in hoc facto Caiphas Prophetavit, quamvis ipse nesciverit. Bis enim nesciens Prophetavit, semel verò, quando dixit. Expedit ut unus homo moriatur, pro populo, altera vice facto, ut patet in hoc loco, quia secundum Hieronymum. Per hoc ostendit Judæos Sacerdotalem gloriam perdidisse, dum enim vestem sibi discidit, ipsum quò tegebatur, velamentum legis abjecit. Unde & Beda. Altiori autem mysterio factum est, ut in Passione Domini Pontifex Judæorum vestimenta sua scinderet, hoc est Ephod, cum tunica Domini, nec ab ipsis qui Eum crucifigere mi.

Tacendi ratio in Xpo.

Quando non respondendum.

Hieronymus in cap. 26. Matthæi.

Beda in cap. 14. Marci.

Hieronymus in cap. 26. Matthæi.

Beda in cap. 14. Marci.



milicibus scindi potuerit. Figurabatur enim quoddam Sacerdotium Ju-  
dæorum, pro sceleribus Pontificum esset scindendum, & à statu suæ  
integritatis solvendum & auferendum, cum soliditas Ecclesiæ, seu  
fidei (quæ vestis DEI solet appellari) nunquam valeat scindi, vel  
disrumpi. Hoc est jam oculis cernere, quia videmus Judæos Sacer-  
dotii gloriam perdidisse & sedem à caeremoniis vacuum esse, Eccle-  
siam verò & fidem ejus, quia supra Petram fundata est, in sua soli-  
ditate permanere. Hæc Beda. Mos quippe erat Judæis scindere ve-  
stimenta, in signum doloris & detestationis criminis cum aliquid  
blasphemiz, & quasi contra DEUM audiebant, Sicut Paulus & Bar-  
nabas sciderunt vestes, cum cultu Divino se honorari videbant. Hoc  
autem tam enorme peccatum Princeps Sacerdotum imponebat Chri-  
sto, dicens exclamando: *Blasphemavit*, scilicet attribuendo sibi quod  
DEI est. Blasphemia enim est, attribuere creaturæ quoddam solius DEI  
est, vel DEO quoddam solius creaturæ est. *Quid adhuc egemus testibus?*  
Quasi diceret, pro nihilo laboramus querendo testes. *Ecce nunc,*  
id est, in aperto & coram omnibus *audistis blasphemiam.* O! miser &  
Princeps nequam: non dixit Christus blasphemiam, sed veritatem:  
Tu ipse blasphemias, qui quod DEI est, DEO non attribuis: sed Fi-  
lium DEI puram creaturam credis: & ideo blasphemia tua tecum est  
in perditionem. Sicut ergo Christus in mortis discrimine ad Cai-  
pham ductus veritatem non deseruit: sed constanter se DEI Filium  
cum omni modestia confessus fuit: sic verus ipsius servus, propter  
nullum temporale periculum debet veritatem deserere: sed usque in  
mortem constans perseverare. Ex hoc articulo, impositionis blasphemiz,  
sumitur documentum quoddam nos debemus esse ab omni blasphemiz,  
puri & immunes, tam quod ad nos, quam quod ad alios. *Quam*  
ad nos quidem, ut nihil committamus, vel dicamus quod nomen DEI  
blasphemant. Quod fit multipliciter, ut sive quis expresse maledi-  
cat DEO, vel Sanctis, sive quis blasphemet baptismum, vel alia Ec-  
clesiæ Sacramenta. Blasphemat etiam verbum DEI qui contemnit:  
& Spiritum Sanctum blasphemat, qui Sacris canonibus derogat. Chri-  
stus igitur licet non solum à blasphemia, sed etiam ab omni pecca-  
to purissimus fuerit, blasphemiam tamen sibi imponi pertulit: ut nos  
puros à blasphemia custodiamus. Quod ad alios etiam, ut nos aliis  
blasphemiam non inferamus: ita quia per os nostrum nunquam  
verbum blasphemiz, vel maledicti exeat contra aliquem etiam ma-  
ledictione dignum: sicut iste Caiphas eo ipso blasphemus fuit, quod  
blasphemiam Creatori imposuit: & potuisset Christus respondere,  
non Ego sed tu blasphemas: sed noluit Dominus per os suum exire  
aliquod blasphemiz verbum, nobis in exemplum. De quo etiam  
pulchram doctrinam habemus in Epistola Judæ ubi dicitur quoddam  
Michaël Archangelus cum altericaretur cum diabolo de Moyse corpore, non est  
ausus judicium blasphemiz inferre diabolo, sed dixit, imperet tibi Dominus.  
Super quo verbo dicit Hieron. Si Michaël non fuit ausus diabolo, cer-  
te maledictionis dignissimo, judicium inferre blasphemiz: quanto  
magis nos ab omni maledicto puri esse debemus? Merebatur diabo-  
lus maledictum, sed per os Angeli blasphemia exire non debuit.  
Hæc Hieronymus. Si igitur diabolus, licet voluntate malus, in sub-  
stantia tamen bonus, ab Angelo non blasphematur, quia aliquid pro-  
ferret adversus bonam naturam, quæ DEI est creatura, quāto magis



ab hominibus blasphemia est cavenda in quacumq; creaturam, & maxime in Creatorem. Ad conformandum se isti articulo per contrarium benedicat homo DEO dicens illud: *Sit Nomen Domini benedictum, ex hoc nunc & usque in seculum, vel aliquid huiusmodi.* JESU Qui blasphemiz crimen falsotibi imponi voluisti: custodine unquam per me Nomen Tuum verbo, vel facto blasphemetur, nec per os meum blasphemia, vel maledictum proferatur. Cum autem princeps Sacerdorum dixisset: *Ecce nunc audistis blasphemiam*, adjecit, *quid condemnatio ad mortem vobis nunc secundum legem de hoc videtur?* Tunc illi omnes condemnaverunt Eum: & respondentes dixerunt: *Reus est mortis*, cum tamen veritatem dixisset eis. Ipsi erant accusantes, ipsi discutientes, ipsi Beda in cap. sententiam proferentes. Secundum Bedam: Sententia sua se condemnant, qui Eum morti adjudicant, Quem & oris, & operis sui testimonio DEUM esse cognoscere possunt. Et quidem in hac vere respondissent, supposita veritate facti: omnis enim qui blasphemat nomen DEI, secundum legem reus est mortis, quia debet lapidari: sed quia factum super quo fundabatur questio fuit falsum: ideo responsio fuit falsa, ac prophana, & iniqua. Ex hoc articulo, condemnationis Christi ad mortem, habemus duo documenta. Primum est, ut caveamus ne unquam illa vox Judaeorum, reus est mortis, quae Christi auribus innocenter insonuit nostris mentalibus auribus insonet, & in nobis locum veraciter habeat: nam de quocumq; existente in mortali peccato verum est dicere reus est mortis. Secundum est, ut si quoniam propter Christum a persecutoribus condemnemur ad mortem, non perturbemur: sed potius gaudeamus respicientes ad mercedem. Ad conformandum se isti articulo, recogitet homo qualiter ipse saepe propter demerita sua reum mortis se fecerit: sed DEI misericordia sit hactenus conservatus pro sua emendatione, vel alias prout DEUS inspiraverit. JESU qui prophanam impiorum vocem, scilicet reum Te esse mortis, minime timuisti: custodi me ne in oculis tuis aeternae mortis reus inveniar. Tunc qui circumstabant omnes, fere infirmul irruerunt super Dominum JESUM, & illudebant Ei. *Alii spuebant in vultum Ejus benignissimum*, tanquam in hominem vilem & pestiferum, & morte dignum, scilicet confisum se esse DEO aequalem: ut compleretur quod dictum est: *Faciem meam non averti a confusione sputorum.* Proprium enim Judaeorum erat, in contemptum ad vituperium & despectum, spuerere in faciem ejus quem abiciebant. Et tam horribiliter & incessanter in facies hominum spuebant, ut quandoq; eos suffocarent. Quid turpius? quid despectius? quid ignominiosius & vituperiosius, quam in faciem expuere: & maxime in illam faciem speciosissimam, in quam desiderant Angeli prospicere? O! quam caeca aemulatio infelicium Judaeorum, qui non exhorruerunt turpissimis sputis suis maculare & deturpare faciem tam amabilem. Et non tantum simplicibus salivae sputis: sed verissimiliter etiam execrationibus suis foetidissimis. Unde Matthaeus non dicit, spuerunt: sed *exspuerunt* quasi excreando spuerunt. Marcus autem dicit, *conspuerunt*, quia non tantum unus, sed plures simul conspuerunt. Et sic illa facies benedicta facta est, ita abominabilis, quasi esset leprosa, ex spuris & verberibus, quae Ei ut subditur, *in faciem cum palmis dederunt.* Hoc est contra illos qui adulterinis coloribus ornate suas nitantur facies. Ex hoc articulo conspuationis in facie, sumuntur duo



duo documenta. Primum est, quod nos diligenter caveamus & nos unquam, cum Judæis, Christi faciem conspuamus: quod modis pluribus fit. Primo namque, secundum Hieronymum, faciem Christi conspuunt, qui conscientiam suam fædis cogitationibus & actionibus polluant. Quia Enim-  
Christus conscientiam Sanctam inhabitat, in qua Dei Facies, id est imago re-  
lucet, hinc est quod qui conscientiam suam peccatis polluit, quasi sputum in  
Christi faciem projicit. Et ideo dicit Hieronymus, quod Dominus noster in  
faciem suam conspuere voluit, ut sputaminibus susceptis faciem animæ nostræ  
lavaret. Secundo, secundum Rabanum, Illi in faciem Christi expuunt: qui  
præsentiam gratiæ Ejus execrandis verbis, ex interna cæcæ mentis insanias  
conceptis, respiciunt, & Eum in carne venisse negant. Tertiò, secundum  
Gregorium, in faciem Christi conspuunt, qui justos & Sanctos in præsentia vi-  
ta contumaciter, & in eorum contumelias fluxa verba, quasi fluentes salivas  
mittunt. Quarto potest dici, quod ad literam Christum in Faciem conspuunt,  
qui Eucharistiam indignè sumunt. Quicumque enim pollutâ conscientia cor-  
pus Christi in os suum accipiunt: hi salivâ suâ peccato infectâ, Sacramen-  
tum contingunt, madefaciunt & deglutiunt, ac per hoc in faciem Christi  
conspuunt. Quintò in faciem Christi conspuunt, qui Prælatos suos conte-  
munt. Item sextò in faciem Christi despectivè conspuunt, qui gratias Deo  
de quolibet sibi dato munere non agunt. Secundum documentum est, ut  
nos ista sputa turpissima, & alia facta exprobrabilia Passionis Christi, nobis  
ad magnam gloriam reputemus. Unde Chrysostomus: Attende quod Evan-  
gelista, cum summa diligentia ea quæ videntur esse exprobratissima exponit:  
nihil occultans vel omittens, aut verecundans, sed Gloriam existimans ma-  
ximam, Dominatorem orbis terrarum pro nobis talia sustinere. Hæc autem  
legamus continuè, hæc nostra menti inscribamus, & in his gloriemur. Hæc  
Chrysostomus. Et siquidem istud documentum possit referri ad singula  
puncta Dominicæ Passionis, præcipuè tamen ad istud quod sic exprobratissimum  
fuit. Ad conformandum se huic articulo formet homo in mente sua Chri-  
stum, tam horribiliter sputis in facie deturpatum: & regratiatur sibi pro ma-  
gna gloria nostra. Recogitet etiam quoties Ipse faciem illam speciosissi-  
mam in conscientia sua polluit. Item quoties indignè communicando sputi  
sui contactu Christum sordidaverit. Jesu qui immundis Judæorum sputis  
pulcherrimam faciem tuam maculari voluisti: da mihi Tuæ imaginis  
faciem in me nunquam meis sordidis actibus, aut cogitationibus inqui-  
nari. Alij velabant faciem Ejus, quod velamen manet usque hodie super corde  
eorum: quia ab eis faciem suam abscondunt. O insana cæcitas: & cæca insa-  
nia infelicitum Judæorum: quia illam desiderabilem faciem, quam aduentu-  
ram Patres eorum, & Prophetæ cum longo suspirio desideraverant: Ipsi in-  
felices cum præsentem habuerunt, tam ignominiosè velaverunt, inquam (ut  
ait Beda) non ut Ipse illorum scelera non videat: sed ut à seipsis faciem &  
gratiam cognitionis Ejus absconderent. Ostenderunt per hoc etiam nesci-  
enter, quod in faciem Christi nullus infidelis & aversus à Deo intueri possit:  
quia est ab eis velata. Et similis ratio est de falsis Christianis. Sed sicut  
dicit Apostolus: cum quis conversus fuerit ad Deum, tunc auferetur vela-  
men. Ex hoc articulo, velationis faciei, habentur plura documenta. Pri-  
mum, quod nos summè caveamus, ne velamen ante Christi faciem ponamus.  
Sed heu multi Christiani velamen ante Christi faciem ponunt, quales sunt  
qui infrontè peccant. quasi Deus eos non videat, quales etiam sunt qui sub  
velamine cujusdam liberalis liberè peccant. Item velamen ante Christi fa-  
ciem ponunt, qui imaginem Dei in se velamine culpæ & ignorantie obtegunt  
& obscurant. dicit enim Hieronymus, quod ideo Christus pro nobis velari  
voluit, ut velamine Faciei suæ velamen culpæ, & ignorantie à cordibus no-  
stris auferret. Insuper faciem Christi velant, qui à seipsis gratiam cogniti-  
onis Ejus abscondunt. Item Oculos Domini omnia videntis velant, qui malum

Hhhhh

pro

Hierony. in  
14. Marci.

Idem ibid

Rebanus in  
26. Matth

Chrysost.  
hom. 86,  
in Matth.

Beda in cap.  
14. Marci.

2. Cor. 3.

Hierony.  
in 1a. 14.  
Marci.



pro bono dant vel vendunt. Item hic est documentum, quod & nos debemus interdum facies nostras velare, ne oculi nostri videant vanitatem, vel saltem oculos habere defixos in terram, & sic faciem quasi habere velatam, ne capiatur in exteriorum aspectu & concupiscentia. Ad conformandum se huic articulo, recogitet homo, quomodo omnia nuda & aperta sunt oculis Dei, ut ex hoc trahatur à peccando. Item memoretur, quomodo Ipse luminosam faciem imaginis Dei in se obtexit, & obscuravit peccatis. Iesu qui Faciem Tuam gratissimam velari voluisti: illustra quæso faciem Tuam super indignum servum tuum, & imaginem Tuam in me non finas obscurari: velamen quoque culpæ & ignorantia à corde meo digneris auferre. *Alij colaphis Eum ceciderunt: id est in collo percusserunt. Solent in collo percuti fatui, & despectibiles personæ. Unde in hoc quod Judæi Christum colaphizabant, non tam attenditur læsio percussione quam maxima contumelia despectionis. Ex hoc articulo colaphizationis tale habetur documentum: quod caveamus ne & nos aliquando Christum colaphizemus. Secundum Bedam, omnes falsi Christiani Christum colaphizant: qui ore consitentur Christum, factis autem negant, colaphus datur à retrò. Illi ergo colaphizant Dominum Christum, qui Ei blandiuntur, ore Eum consitentur: Sed retrò, quò deberent Eum sequi per bonam vitam, colaphizant Eum, malis operibus Christo contradicendo. Item secundum Augustinum, Colaphis Christum ceciderunt, Ei honores præferunt. Item à tergo Christum colaphis verberat: qui proximum post tergum suum infamat. Item est documentum, quod sicut Christus pro nobis est colaphizatus: sic & nos colaphizationes suas Spirituales quas plerumque nobis infligit, non solum patienter, sed & prudenter portemus, sicut fecit Apostolus, qui dicebat: Datus est mihi stimulus carnis meæ: Angelus Sabana qui me colaphizet, &c. Ad conformandum sese huic articulo poterit homo sibi ipsi dare colaphum, in memoriam colaphorum Christi & sic orare, Iesu qui à Judæis colaphizari voluisti: da mihi sic Te ore consiteri, ut contrariis operibus nullatenus colaphizem. Alij palmas in faciem Ei dederunt, & faciem Ejus percusserunt. Dicitur autem Palma (secundum Papiam) manus extensa, vel applicata: sic ut pugnus dicitur manus complosa. Manibus ergo extensis & palmis, Eum in faciem percusserunt ex qua percussione plus affligitur homo, quam de percussione in collo. In facie enim sunt omnes sensus: & sunt ibi membra tenera, facile læsibilia. Unde verisimile est quod ex tali Passione fluxerit sanguis per nares & os, licet hoc ab Evangelistis non exprimat. O quam horrendum scelus impiissimorum Judæorum, quod faciem tam formosam tam crudeliter verberibus affecerunt. Secundum Hieronymum: voluit alapis expalmari ut nos Ei in laudem nostris manibus, scilicet operibus & labijs applauderemus. Ex hoc articulo, percussione in facie, habentur plura documenta. Primum est quod nos exemplo Christi discamus patienter sustinere, si quis nos in faciem ceciderit: sicut Apostolus quosdam in hoc commendat. Quod non solum accipiendum est ad literam, sicut in proposito Christus ad literam cecidit in faciem, sed etiam mysticè, quia sicut dicit Glossa ibidem, in faciem cecidit, in Cujus os injuria irrogatur. Nam & isto modo Christus in faciem cecidit, pro quanto multas injurias, & impropria Ei in faciem obijecerunt. Sicut ergo Dominus noster ab omnibus talibus increpationibus, blasphemijs, percussioneibus, & sputis, faciem nunquam avertit: quinimo voluntariè ad omnia illa faciem suam Ejs pro nobis obtulit: & sic nos casu inruente sustinere similia pro Christo non recusemus. Secundum documentum est, ut caveamus ne & nos demus palmas in faciem Christi: quia secundum Augustinum. Illi palmas in faciem Christi dant, qui perfidia cæcati Eum in carne non venisse affirmant: tanquam præsentiam Ejus exterminantes & repellentes. Item in faciem Christi illi Sacerdotes palmas dant, qui pollutis manibus Corpus Christi tangunt, & contrectant. Item faciem Christi alapis contundit, qui proximum in præsentia sua confundit. Ad conformandum se huic articulo, recogitet homo quoties Ipse imaginem Dei in se offenderit, & pa-*



ratus sit secundum præparationem animi, pro Christo libenter velle in Faciem cædi: non solum verbaliter; sed etiam realiter casu opportuno. Item recogitet Sacerdos, quoties manus suas pollutas in faciem Christi iniecerit: corpus suum indignè tractando. Iesu qui Judæorum manibus Faciem Tuam speciosissimam cædi voluisti: da mihi imaginis Tuæ faciem in me semper illibatam, illasamq; conservare: ne quando iniquitatum mearum sceleratis manibus meis violetur. *Et ministri alapis Eum cadebant:* hoc est, in maxillas Eum percutiebant, de quo poteris meditari, sicut dictum est suprâ de colaphizatione coram Anna Pontifice facta. Percutientes autem Eum in capite, interrogabant Eum, dicentes: *Prophetiza nobis Christe. quis est qui Te percussit?* Sed in qua nam parte capitis percusserint Eum, tunc quando hoc dicebant, de hoc Evangelistæ diversimodè loquuntur. Unde potest dici, quod cum velassent faciem Ejus, quilibet eorum percussit Eum ubi voluit: aliqui in collo, alij in faciem, alij in maxillas: & sic percutientes interrogaverunt Eum, dicentes: *Prophetiza nobis Christe, quis est qui Te percussit?* Et hoc derisorie dicebant, quasi in contumeliam Ejus, qui se Prophetam à populo haberi volebat, & quem populus magnum Prophetam reputabat: per hoc enim designabant quod falsus propheta esset, & quod ignoraret quis Eum percussisset. Unde Theophilus dicit, quod Dominus Prophetarum, ut pseudopropheta deludatur. Et quoniam Ipsi Eum illis verbis irridebant, & quasi ludibrium de Eo faciebant: idcirco eis nihil respondebat: ut enim dicit Hieron. Stultum erat verberantibus respondere & prophetare cadentem, cum palam percutientis insania videretur. Ex hoc articulo ludibriosa expetitionis prophetandi, habentur quatuor documenta. Primum est, quod non illudamus Christo, putantes mala nostra non videri ab Eo. Nam, Secundum Bedam: Quicumq; reprobis actibus Eum exacerbant, dum suas cogitationes & opera tenebrarum ab Eo videri non putant: quasi illudentes dicunt, quis est qui Te percussit? Secundum est, quod consideremus nosmetipsos, si unquam manu pravi operis Christum percusserimus: quod si nescimus, expetamus pia fide à Christo quod Judæis irrisorie ab eo exegerunt: ut prophetizet nobis, docendo nos cognoscere culpas nostras. Tertium, est, quod nos cavere debemus: ne à Christo prophetiam, vel miraculum tentativè expetamus. Unde August. Quantis mecum suggestionum machinationibus agit inimicus, ut signum aliquod petam; sed obsecro Te Domine, ut quemadmodum à me longè est ista consensio, ita sit semper longè atque longius ipsa cogitatio. Quartum est, quod indignis non est effundendum donum Dei. Unde licet Christus esset verus Propheta, noluit tamen prophetizare irrisoribus suis. Sic & Doctores pro tempore & loco debent verbum Dei subtrahere auditoribus indignis. Ad conformandum se huic articulo, recogitet homo quantam irrisionem & infatuationem Dominus Noster in hoc facto est passus, & quomodo Judæi ludum quasi puerorum fecerunt de Eo, & oret dicendo, Iesu qui ludibrijs Judæorum percussus in capite, prophetizare exactus fuisti: prophetiza Tu mihi obsecro Christe, ut cognoscam quis & qualis ego miser sum, qui toties manu pravi operis prohdolor! Te percussi. Insuper potes etiam meditari, quod alij manu reversa dulcissimum & mellissimum os Ejus percutiebant: alij pugnis Eum cadebant: alij Sanctissimam barbam Ejus evellebant: alij per suos venerabiles capillos Ipsum trahebant, & viliter inter pedes conculcabant, ac sine reverentia & pietate aliqua Dominum Angelorum malè tractabant. Et nihilominus alia multa blasphemantes dicebant in Eum, & faciebant. Cum enim crudelissimi, & sine misericordia essent, omnia mala, & vituperia, quæ poterant, Ei faciebant, alij ex sua mala voluntate ad hoc moti: alij ut placerent Majoribus, qui erant immanissimi. Quid ergo tu faceres si hæc videres? nunquid non te proijceres super Ipsum Dominum, dicens: Nolite iam, nolite facere tantum malum Domino meo, ecce me, facite mihi: Ecce percutite me, & Domino meo tantas injurias irrogare nolite. Et tunc amplexareris flexis genibus Dominum & Magistrum, tuum, & sic susceperes libenter super te percussiones, ad tuendum.

Hieron.

in c. 26.

Matth.

Beda in in c.

14. Marc.

August. in

soliloq.



dum Ipsum, Quod ita mente facere recogites, & totum sicut si præsens esses te facturum æstimes. Conspice igitur singula, quomodo illi maledicti Dominum vexant: falsos testes procurant: Ipsum examinant, & veritatem scilicet se Filium Dei esse confessum, quasi blasphemum condemnant: & quod opprobrijs vexatus in omnibus patienter se habet, compatere sibi, quia pro te omnia sustinet, iugiterq; lachrymas fundens, speciosissimam faciem Ejus, quam illi impudenter suis illiniunt sputis, tu reverenter tuis laua lachrymis: quis enim audiens, vel mente pertractans: quomodo fuit factus opprobrium hominum, Ipse Dominus & gloria Angelorum, & abiectionis plebis, Filius Dei Patrum, poterit se continere à lachrymis? Unde Anselmus: Concilio malignantibus, poterit se continere à lachrymis? Unde Anselmus: Concilio malignantibus, poterit se continere à lachrymis? Unde Anselmus: Concilio malignantibus, poterit se continere à lachrymis?

*Ansem. in speculo evangelici sermonis. c. 9.* tris, poterit se continere à lachrymis? Unde Anselmus: Concilio malignantibus, poterit se continere à lachrymis? Unde Anselmus: Concilio malignantibus, poterit se continere à lachrymis?

*Beda in cap. 14. Marci.* (ut ait Beda) Ipso dispensante qui patitur, omnia pro nobis fiunt, ut sicut Petrus hortatur, Christo in carne passio, nos eadem cogitatione armemur, atque ad toleranda deluserunt, olim in Philistæis hostibus Samsonis præfigurati fuerunt. Samson enim quadam vice voluntariè se ligari fecit: quem Philistæi captum excrucaverunt, & ei illudentes in derisionem Ipsum habuerunt. Sic Christus sponte à Judæis ligari, velari, illudi voluit, & derideri, quadam autem vice dum Samsoni placuit, tunc se de inimicis horribiliter vindicavit. Sic in fine sæculorum de inimicis Christi erit, cum Ipse in maiestate, & potestate ad iudicium venerit. Conspice igitur Jesum præ cunctis merito honorandum, indignè & viliter tractari, & Eum imitando discere humiliari, gratiamque honoris spernere, & laudem humani favoris contemnere. Cum ergo homo foris videns reputat te vilem in oculis suis: tu vilem te reputa in oculis Dei, nec murmures vel indigneris, si coram hominibus vilis reputaris, sed magis in oculis Dei, qui omnia novit occulte, confundaris. et cave ne malorum exemplo corruptus, Dominum potius exhortari videaris, quam imitari, qui enim tunc exhortatus est blasphemijs Judæorum & infidelium, etiam nunc exhortatur vasanis opprobrijs falsorum Christianorum: & nomine tenus fidelium, prout supra in articulis illusionum hujusmodi est tactum. Cogita etiam qualiter dolebant Petrus & Joannes, hæc percipientes, vel fortè videntes. Et qualiter Petrus jam torpens frigore infidelitatis, sedet calefaciens se, exterius, cui calor charitatis & verus ignis extinguebatur interius, & negat ter Dominum suum, timore perterritus. Nec mirum si accedit ad Eum tentatio, qui se elongat à Christo. Primò quidem in atrio ab ancilla ostiaria compellatur, & negat. Unde Gregorius: Unius ancillæ voce percussus, dum mortem timuit, vitam negavit. Sed cur ab ancilla prius prodatur Petrus, quam à viris, una ratio est ad confutationem præsumptionis, quia à muliere, non à viro: ab ancilla, non à libera primo victus est. Secunda ratio est, ut ostendatur omnis sexus & conditio in Domini peccasse nece, & redimi per Ejus passionem. Deinde post negationem, timens Petrus inter Judæos diu stare, Exiit foras ante atrium, & gallos cantavit. Exeundo autem animadvertit Eum alia ancilla. & dum fortis esset, dixit ministris qui se calefaciebant: & hic cum Jesu erat: sed postquam rediit quod dictum fuerat, unus de circumstantibus, secundum Lucam, sed plures de eis secundum Joannem, ei idem dixerunt: & negat cum juramento: Ecce argumentum, quod ex uno peccato homo ruit in aliud gravius: Unde Rabanus. Mora in peccato, dat incrementum scelerum: Et Gregor. Peccatum quod Pœnitentia non diluit, mox suo pondere ad aliud trahit. Et timens Petrus, iterum foras exiit. Et intervallo facto, quasi horæ unius,



unius, *reversus iterum*, secundum Mathæum & Marcum, à multis, & secundum alios ab uno qui cognatus Malchi erat compellatur: & negat cum juramento & detestatione, & statim gallus, secundo, cantavit. Potest esse quod multi tumultuantēs, ibi stantes, Petro hoc dixerunt: vel unus eorum pro omnibus: & quasi in persona omnium expressius, & acrius dixit ei. Et sic semel negat ante primum galli cantum: ubi ante secundum. Non enim solum negat Christum, qui dicit Eum non esse Christum, sed etiam qui cum sit negat se Ejus discipulum, vel membrum, vel qui negat se esse Christianum. Dominus enim non ait Petro, discipulum meum te negabis: sed, me negabis. Negavit ergo Petrus Christum, cum se negavit ejus discipulum: & isto modo se etiam negavit Christianum. Ubi *Augustinus* gust: Ecce medici completa est conditio, ægroti convicta est præsumptio. Non enim factum quod ille dixerat, animam meam pro te ponam: sed factum est quod ille prædixerat, ter me negabis. Et gravatur in Petro culpa: & exaggeratur crimen, secundum processum negationum, quia primò simpliciter negavit, secundò negationi perjurium addidit, sed tertio adjecit perjurio detestationem: & capit anathematizare, id est maledicere sibiipso, & maledictioni se obligare, si cognovisset JESUM. Anathematizatio enim significat *Anathematizatio quid.* jurationem, quæ est per execrationem, & cum imprecationis maledictionis, scilicet quando aliquis imprecatur sibiipso malum pænæ, & obligat se maledicto si ita sit sicut imponitur ei, vel nisi illud quod dicit sit verum. Quidam dicunt totam trinam negationem factam in atrio Annæ: & quæ dicta sunt inde, post missum JESUM, ad Caipham, recapitulando dicta. Alii verò dicunt, in atrio Caiphæ totam factam: & secundum hoc Joannes anticipavit primam. Sed communior opinio est, quod trina negatio incipit in atrio Annæ, & completa est in atrio Caiphæ. Et hoc videtur patere ex textu Joannis qui cum non facit mentionem de Caipha, sed solum de Anna: ponit primò unam negationem, deinde ea quæ Anna interrogavit de Christo, & tandem prosequitur alias duas negationes, quæ factæ fuerunt postea in atrio Caiphæ. Et potuit esse quod Joannes esset notus utriq; Pontifici, & similiter introduxit Petrum in domum utriusq; prout supra patuit, ubi Anna JESUM ad Caipham misit. Cogitata etiam quomodo Dominus benignus magnus Magister, conversus à justitia ad misericordiam, respexit Divinitus Petrum dilectum Discipulum, in tertia vice, respectu miserationis & gratiæ: quia misericordia provocat ad pœnitentiam, & est necessaria ad eam. Conversio quidem ista & respectus fuit interior, & spiritualis: non exterior, & corporalis: quia Dominus erat intus in auditorio, & superius cum principibus: Petrus autem foris in atrio, & inferius cum Ministris & unus alium videre non poterat oculis corporalibus. Unde Leo Papa: Dominus autem JESUS, qui intra Pontificale Concilium corpore tenebatur, trepidationem discipuli foris positi solo divino intuitu vidit, paventisq; animū mox ut respexit, erexit, & in fletum pœnititudinis concitavit. Unde secundum Augustinum. Divina Petri respectio nihil aliud fuit, nisi traditio in monte Ejus, quoties jam Dominum negasset, & hoc quod Dominus ei prædixisset: atq; ita misericorditer Domino eum respiciente pœniteret & fletet sicut solemus dicere: Domine respice me, & respexit eum Dominus qui absq; periculo Divinā misericordiā liberatus est. Hæc autem recordatio fuit initium pœnitentiæ Ejus, quia secundum Chrysostomum.



Nihil ita curat delictum, ut memoria Domini continua. Unde & Beda in cap. 22. Luce. Beda: Respiciente Domino, Petrus ad cor reversus maculam negationis pœnitentiæ lachrymis tergit: quia non solum cum agitur pœnitentia, verumetiam ut agatur DEI misericordia necessaria est. Unde Psalmista. *Usq; quod exaltabitur inimicus meus super me, respice & exaudi me Domine DEUS meus*, id est; miserere & adjuva. Hæc Beda. Petrus autem cognoscens quod Dominus Eum audierat & respuerant: & hoc respectu commonitus, & ad amaras lachrymas provocatus: *statim exivit foras de medio malorum inter quos eum negaverat*, & fugiens in caveam, seu foveam quæ modo gallicatus appellatur: *flevit amarè*: id est; ex cordis amaritudine, & fletu contritionis qui amarus est. Fletus autem Devotionis est, suavissimus, in tantum ut pro cibo reputetur: secundum illud Psalm. *Fuerunt mihi lachrymæ meæ panes die ac nocte*. In Ipso autem loco ubi post negationem flevit, in memoriam amari fletus & pœnitentiæ ejus, ædificata est Ecclesia Sancti Petri, qui locus est inter montem Sion, & Civitatem Hierusalem. Exinde tunc Petrus traxit in consuetudinem, ut singulis noctibus surgens à primò gallorum cantu, usq; ad horam matutinam staret in oratione, flens pro ista negatione: ita quod facies ejus videbatur adusta ex fluxu lachrymarum, & semper in sinu suo sudarium portabat, quo crebrò fluentes lachrymas tergebat: quia quodocunq; gallum cantantem audiebat & quodocunq; denegationem Christi recolebat, amarissime flebat: tam pro peccato negationis, quam pro dulcedine amoris Domini. Unde secundum Chrysostomum. Flebat non propter penam, sed quia dilectum negaverat: quod ei quolibet supplicio molestius erat. Attende nunc ubi Petrus negavit, & fuge omnem locum qui occasionem peccandi inducit. Unde Ambrosius. Ubi tamè negavit Petrus? nō in mōte, nō in Tēplo, non in sua domo: sed in prætorio Judæorum, in domo Principis Sacerdotum. Ibi negat, ubi JESUS ligatus est, ubi veritas est. Unde & Hieronymus. In atrio cum Ministris calefactis se ad ignem. Atrium Sacerdotis, circuitus est secularis: Ministri, dæmonia sunt: ignis desiderium carnale: cū quibus qui manet, flere pro peccato non potest. Hæc Hieronymus. Hinc nota quod malum est conversari in curiis Magnatum: Petrus enim semel curiam intravit: & ibi animi vigorem perdidit, & Christum negavit. Quid si diu ibi mansisset? unde non ibi, sed foris pœnituit. Sic stella à Magis in curia Herodis disparuit, quibus inde egressis reapparuit. Exivit itaq; Petrus de atrio Principis, ut liberum locum flendi haberet: quia inter impios pœnitentiam agere non valebat: & cū vellet flere, egressus est foras: quia palam flere non audebat: ne scilicet ab aliis videretur, & à lachrymis deprehenderetur. In quo & nos instrui mur, ut volentes insistere lachrymis, secretum locum quæramus. Unde Beda: Quam nociva sane alloquia perfidorum: Petrus inter Judæos, vel hominem se nosse negavit, quem inter Discipulos DEI Filium confessus erat. Sed nec in atrio Caiphæ retentus poterat agere pœnitentiam: egreditur foras, ut ab impiorum consilio secretus, parvidæ negationis, sordes liberis flitibus abluat. Hæc Beda. Sic hodie multi in atrio magnorum introducti, Christum malis operibus negant, & vix aut nunquam dum ibi sunt pœnitent: quia in Magnatum domibus non est congruus pœnitentiæ locus: & ideo qui vult peccata vitare, & mala quæ fecit emendare, debet egredi de mala societate. Unde Bernardus. Periculosum est valde si quis velit inter turbas

Exitus Petri de atrio

Beda in cap. 14. Marci.



turbas sæculi penitentiam agere: ubi inimicorum alii venenatis per-  
 fvasionibus: alii undiq; exemplis pejoribus ad peccandum alliciunt,  
 alii adulationibus in vanam gloriam trahunt, alii detractionibus in  
 impatientiam deiciunt. Hæc Bernardus. Imitare ergo Petrum quicandus in  
 voluntate, verbo vel facto procaciter negasti Christum pro te pas-  
 sum. Cognoscit Petrus reatum suum dolet & penitet, egreditur fo-  
 ras relinquit consilium malignantium, locum petit secretum, lachry-  
 mis & penitentia amicum flet amarè, certissime intelligens quia  
 sacrificium DEO est Spiritus contritus, cor contritum & hu-  
 miliatum DEUS non spernit. Tu quoq; rememorans Passionem di-  
 lectissimi Magistri & tuum reatum, foras cum Petro egredere ut  
 teipsum desleas amarissime: si quando te respiciat, qui Petrum la-  
 chrymantem respexit. Hic est penitentia modus. Peccasti, quiesce,  
 dole, & lachrymare, & disce cum Petro flere amarè: & si vis mereri  
 veniam, dilue lachrymis culpam tuam. Geminæ quoq; amarificati-  
 onis, scilicet contritionis pro te & compassionis ad Christum inebri-  
 eris absinthio, ut expiatus cum Petro à reatu sceleris, replearis cum  
 Petro Spiritu Sanctitatis. Quia verò dicit Ambr. De Petro nō inve-  
 nio quid dixerit: invenio quod flevit: ejus lachrymas lego, satisfac-  
 tionē nō lego. Videtur ex hoc quod tanta fuit ejus cōtritio, quod  
 sufficebat pro ejus satisfactione. Unde Leo Papa: Felices so! Aposto-  
 le lachrymæ tuæ, quæ ad diluendā culpam negationis, virtutē Sacri-  
 habuere baptismatis. Inde est argumentum quod contritio potest esse  
 tanta quod tollat omnem penam. Et nota ordinem penitentia Pe-  
 tri. Primò gallus cantavit: deinde Dominus Petrum respexit. Ter-  
 tio, Petrus flere cepit: & tunc egressus foras, amare flevit. Sic hodie  
 fit. Nam secundum Gregorium. Tunc nobis gallus cantat, quando  
 Prædicator quisq; corda nostra ad compunctionem excitat. Sed can-  
 tus galli non sufficit, nisi Dominus oculo pietatis peccatorem respi-  
 ciat: quia oportet ut miser in tenebris permaneat, quamdiu eum lux  
 mundi non illuminat. Tunc autem tertio, secundum Gregorium.  
 incipimus flere, quando ignimur intus per scintillam conscientia.  
 Et tunc foris eximus, cum extrà quod fuimus egredimur. Unde  
 & Beda: Petrus qui media nocte negavit, ad galli cantum pœnituit.  
 & quod in tenebris oblivionis erravit, sperata jam lucis rememo-  
 ratione correxit. Hunc opinor gallum aliquem Doctore intelligendū,  
 qui nos jacentes excitat, & somnolentos increpat, dicens: evigilate  
 justi, & nolite peccare. Hæc Beda. Cogita nunc qualiter Petrus pro  
 Domino suo, & pro peccato suo plangebat: & quomodo recogitabat  
 bona quæ sibi Dominus fecerat, & qualiter ipse Eum negaverat. Do-  
 minus quidem intuitu suo spirituali provocavit Petrum ad lachrymas:  
 nec mirum: oculi enim Domini velut flamma ignis. Petri verò ut gla-  
 cies erant: & ideo intuitu suo resolverunt illos sicut ignis glaciem re-  
 solvere solet, nec poterat in negationis tenebris permanere, quem  
 lux mundi respexit. O! Beati oculi Tui Domine JESU, qui ita calefa-  
 ciunt cor frigidum, & accendunt in amorem Tuum, & illuminant ut  
 videat homo Creatorem & errorem suum. O! quam citò gelicidū  
 pectoris liquefaciunt, & in aquas amaritudinis & devotionis conver-  
 tunt. Unde Anselmus: Intuere quàm piis oculis, quàm misericor-  
 diter, quàm efficaciter tertio negantem respexit Petrum: quando  
 ille conversus, & in se reversus, flevit amarè. Utinam bone JESU Tu-  
 us me dulcis respiciat oculus, qui toties ad vocem ancillæ procacis,  
 carnis, scil. meæ, pravis operibus affectibusq; negavi. Hæc Anselmus.

*Psalm. 50.*

*Ambrosius  
in cap. 22.  
Luca.*

*Leo Papa ser-  
mone 9. de  
Passione.*

*Ordo penitē-  
tia in Petro*

*Gregor. l. 30  
moralium  
cap. 4.*

*Beda in cap.  
22. Luca.*

*Anselmus  
de red. mrt.  
gen. hum.*



Moraliter per primā ancillā ostiariā, quæ Petrū negare cōgit, designatur cupiditas: per secundā, carnalis voluptas: per unū seu plures qui adstabāt, intelligūtur dāmones: his enim ad Christi negationē trahūtur homines. Prima ancilla scilicet avaritia, quæ hodie in domibus multuorū, Principū est ostiaria, quasi omnes intrare facit: quia sicut ostiarius intromittit quos vult: sic & avaritia idē facit. Unde in Proverb. *Donum hominis dilatat viam ejus, & ante Principes spacium ei facit.* Timendū est ne expulsa charitate à domibus Prælatorū, tanquā Domina incipiat principari ancilla: quia charitas expellitur, dū cupiditas ingreditur: hā venenū charitatis est cupiditas. Huic carnalis delectatio & dāmones adherent qui Christum negare ivadent. Per Petrū autem, qui interpretatur agnoscēs, intelligi potest Clericus qui à longē sequitur Dominū: quia fortē nō propter se, sed propter sua, quī multoties cupiditate devictus negat Christū. O! quot sunt hodie miseri curias Principū sequētes, vix aut nunquā penitēt dū sunt ibi. Ex hoc articulo negationis Petri plura habentur documēta. Primū est, quod Prælatus Ecclesiæ debet esse talis, qui infirmitatibus subditorū cōpati sciāt, quia secūdū Greg. ideo Dominus Petrū cadere permisit, ut & fortius post casū resurgeret: & ut is qui futurus Pastor Ecclesiæ erat, in suā culpa disceret qualiter aliis misereri debuisset: & ex sua infirmitate cognosceret, quā misericorditer aliena infirma toleraret. Et secūdū Chrysost. Christus permisit Petrū labi, ut Prælati exēplū præberet fragilitati subditorū melius cōpatiēdi. Nā secūdū eūdē, ideo Angelis nō est cōmissa Sacerdotii potestas, ne cū ipsi minimē peccarēt, de sua Innocētia præsumētes alios sine misericordia judicarēt: sed potius est collata homini fragili & peccāti, ut circa aliorū lapsū se mitē præbeat & benignū. Secūdu est, quod nullus debet se jactare & extollere: Leo serm. 9. laud de sua virtute, & viribus præsumere. Unde Leo Papa: Ob hoc de Passione. Petrus hæsitare permissus est, ut in ipso Ecclesiæ principe conderetur remedium pœnitentiæ: & nemo auderet de sua virtute cōfidere, quoniam mutabilitatis periculū nec ille tantus potuisset evadere. Unde Chrysostomus homil. 83. Chrysost. Quod Evangelistæ scriplerunt nos erudire volentes, quantum in Matth. tum malum sit non DEO totum concedere, sed in seipso cōfidere. Ambrosius Unde etiam Ambrosius. Hæc autem ideo scripta sunt, ut sciamus neminem se jactare debere. Nam si Petrus lapsus est quoniam dixit, & in cap. 22. & si alii scandalizati fuerint in re, ego non scandalizabor: quis alius jure de se præsumat? Deniq; & David qui dixerat. Ego dixi in abundantia mea non movebor in Psalm. 29. eternum. Eam sibi jactantiam obfuisse profiteretur, dicens: Avertisti faciem tuam à me, & factus sum conturbatus. Tertiū est, quod in principio obstandum est peccatis: quia unum semper trahit ad se aliud gravius. Sicut in proposito primo fuit obstandum. nuda negatio. Secundo, negationi accessit perjurium. Tertiō, perjurio accessit maledictio. Vel, sicut dicit Hieronymus, Prima ancilla, titubatio, Secunda cōfessio. Tertius Vir, actus est. Hæc est trina negatio, quam abluit per fletus verum in cap. 14. bi Christi recordatio. Quartum est, quod si nos quandoq; ex fragilitate peccemus, Marc. nullo modo in peccato perseveremus: quia secundū Glossam. Perseverare in peccato, dat incrementa scelerum: & qui spernit minima, cadit in majora. Et secundū Gregorium. Peccatum quod pœnitentia non diluit, mox ad aliud trahit. Ecce enim Beatū Petrum ad primam negationem impulit una tantum ancilla: ad secundam, duo: scilicet ancilla & vir: ad tertiam, plures. Quintum est, quod nullus peccator debet desperare, quantumcūq; peccata sint gravia: sed debet pro peccatis suis flere, exemplo Beati Petri, qui culpā negationis abluit lacrimis pœnitentiæ. In hoc enim remedium nobis pœnitentiæ ostenditur, & in Gregorius maximis excessibus veniam sperare conceditur: cū Petrus post tantum peccatum factus sit janitor Coeli: ac omnibus norma & regula pœnitendi. Sextum in Ezechielem est quod nos caveamus ne unquam Christum negemus. Chrys.



Christum namque negat qui in omni mortali peccato: quia consentiendo diabolo, abnegamus Christum & recedimus ab Eo. In conformando se huic articulo cogiter homo quam pie ipsum Deus respiciet, & tunc instar Beati Petri rememoretur peccata sua breviter & summarie: & ea quantum potest lachrymis saltem cordis defleat. Jesu qui à Beato Petro Apostolorum tuorum Principe ter negari Te pertulisti, Quique eum misericorditer respiciens reatum suum amare flere fecisti: respice quæso me Oculo clementiæ Tuæ, & concede me verbis vel factis te nunquam negare, & peccata mea dignè deflere. Tandem fatigati principes Judæorum, & ministri iniquitatis, & ceteri Judei recesserunt euntes ad dormiendum, & mittentes Dominum Jesum in quendam carcerem ibi subtus solarium, cujus adhuc videri potest vestigium, ligaverunt Eum ibi ad quandam columnam lapideam, cujus pars ibidem mutata fuit: & adhuc ut dicitur apparet. Dimiserunt nihil ominis cum Eo aliquos armatos, ad tutiorem custodiam, qui Eum vexaverunt per totam noctem residuam, quasi non sufficeret dies ad complendum malitiam suam, derisionibusque & maledictionibus vacantes convitiabantur Ei dicentes: Putabas esse prudentior Principibus, & melior Phariseis: nunc tua stultitia apparet, modo stas ut convenit: & morte crudelissima citò morieris. Incuere igitur qualiter illis audaces & pessimi convitiabantur Eidem & insultant: & modo unus, modo alius verbis, & fortè etiam factis contra Eum insurgunt. Tanta enim dicunt & faciunt, & irreverenter hujusmodi mercenarii & vilissimi quanta possunt. Unde Ansel: Nox insomnis tota ducebatur nulla prior-  
sus requies Jesu præstabatur: ministrorum impia plebs injuriatur, alapis & co-  
laphis innocens mactatur. Intuere nunc opprobriis Dominum verecundum in  
tormentis verò patientem, & vultum semper ad terram habentem, & silentem  
ad omnia, tanquam verè esset deprehensus in culpa, & mira cordis contritione  
compatere Creatori. Hæc Anselmus. Et sic stat Dominus rectus ad istam co-  
lumnæ ligatus & saturatus opprobriis usque mane, afflictus nimis frigore &  
labore: quia hyems erat & noctes longæ. Tu ergo ibis ad Eum, & vehementer  
sibi compatiens dices ad ipsum. O Domine ad quorum manus venisti  
quanta est patientia Tua: Verè ista est hora tenebrarum. Et tunc devotissime  
osculaberis manus & pedes Ejus venerabiles & vincula illa durissima, & sedebis  
ibi ad pedes Illius dolens & lugens, & dices: O Domine Jesu saltem requiescat  
Caput Tuum super humerum meum, ex quo Te liberare non possum. Et tunc  
recomendabis te Ei, & omnes amicos tuos, & totum absque dubio concedet tibi  
quidquid rogaveris & petieris ab Eo. Et dices Ei: O Domine quid dicam in  
crastinum dignissimæ Matri Tuæ? Et sic ad pedes Beatissimos aliquantulum dor-  
mitabis & quiesces, si tamen dormire potes in tali statu Dominum tuum videns.

## DE PRIMA IN PASSIONE DOMINI.

### Cap. LXI.

**H**Ora primà corde doloroso & mæsto meditareris, qualiter mane quando dies  
est factus, tempestivè convenerunt, apud Caipham Principes sacerdotum, id est,  
pontifices, qui præcellabant reverentia dignitatis: ac seniores populi, qui  
præcellabant reverentiâ atatis: & scribe, qui præcellabant reverentiâ doctrinæ  
legalis: ad consilium adversus Jesum, ut traderent Eum morti, & fecerunt Dominum  
tuum dulcem Jesum nimis afflictum ibi adduci. Hic est conventus malignanti-  
um, cujus prior sive abbas erat Caiphas, qui erat pontifex anni illius. Cum au-  
tem volunt eum de domo ducere, dicunt Ei. Jesu quid facis: ibimus an non?  
veni, quia principes & sacerdotes mandant, quòd ducaris ad consilium, ubi te  
expectant cum populo, volentes te tradere Pilato ut moriaris. Tu autem si  
adhuc cogites te cum ipso esse, dices cum magna compassione: Heu Domine mi,  
heu Magister bone, jam Te volunt perdere. Jam volunt Te morti tradere.  
O Domine quid ego miser faciam? O quàm crudeles, & quàm dolorosi rumores!  
O Domine quàm lugubrem visionem habebit Tua Mater dulcissima, quàm ama-  
tos rumores audiet tam ipsa, quàm omnes qui Te diligunt cum Ea. O Domine  
quid

Kkkkk



quid ego miser faciam? Ibo tecum Domine, vel ibo nunciare & dicere, Domine mea benigna Matri Tux ut veniat ad Te. Postea videbis quomodo ducunt Eum tanquam agnum mansuetum, qui portatur ad victimam, & quomodo intrat ligatus & afflictus, & omnes in Eum respiciunt, & insultantes Ei dicunt: O bone Jesu hic es? Quomodo si Propheta eras, istud non praevidebas? Talia & multa similia poterant Ei dicere illi maledicti. Considera modò quantum Judaei sciebant sanguinem Jesu Christi, qui summo mane querebant sententiam de morte ejus dari. Nam tanta erat eorum nequitia, ut nulla mora interponeretur, quin occidendus Pilato traderetur. Et sic bis fuit consilium impiorum adversus Jesum: primo, ante galli cantum, ut visum est superius: secundo, mane quoniam dies est factus. Quia enim ex testimoniis praehabitis non habebat aliquid, unde coram Pilato sicut reus mortis accusari posset: ideo ulterius consulebant, qualiter Eum morte dignum accusarent. Et tunc dixerunt Ei: *Si Tu es Christus, id est, Rex & unctus, dic nobis.* Ubi Beda: Non veritatem desiderabant, sed calumniam preparabant. Siquidem Christum hominem tantummodò de stirpe David venturum sperantes, hoc ab Eo querebant: ut si diceret, Ego sum Christus, calumniaretur quòd sibi regiam potestatem arrogaret, & ob hoc à Rege puniendus esset. Et ait illis: *Si vobis dixerò scilicet quòd sum Christus, non credetis mihi:* sicut & alias non credidistis nec verbis meis, nec factis. *Si autem interrogavero vos, non respondebitis mihi:* si nee alias respondistis, cum interrogarem: Quomodo Christus filius David esset: *neque dimittetis,* scilicet me, qui tamen sum innocens. *Ex hoc autem, scilicet tempore:* id est, post tempus passionis & ascensionis, *erit filius hominis sedens à dextris virtutis Dei,* id est, in potioribus bonis Patris, secundum humanitatem: sed in aequalitate Patris, secundum Divinitatem. Unde bene dixit, *filius hominis:* quia in quantum Filius Dei semper fuit aequalis Patri, & sedens ad dexteram Patris: quasi diceret, Ero in vita regnans sempiterna & virtute Divina, cum hic infirmus coram vobis appaream. Ubi Theophilus: quasi diceret: Non est vobis de cetero tempus sermonum & doctrinae, sed deinceps iudicii tempus erit, cum videbitis me filium hominis sedentem à dextris virtutis Dei Tunc dixerunt omnes: *Tu ergo es Filius Dei,* scilicet naturalis. Qui ait: *Vos dicitis quia ego sum.* Quasi diceret: Ego nec dico, nec nego, sed vos dicitis, quamvis non credatis. Sua ergo sententia condemnantur. Ubi Beda. Ita responsionem suam temperat, & ut verum dicat, & sermo ejus calumniae non pateat. Maluit enim se Christum Filium Dei probare, quam dicere: ut condemnationi causa toleretur his, qui quod obiciunt hoc ipsi fatentur. Quam tamen responsionem ipsi blasphemiam reputantes dixerunt. *Quid ad hoc desideramus testimonium?* scilicet ad probandum quòd se Christum dicat, & Dei Filium. Hac duo gravius ponderabant, scilicet quòd se Christum & Dei Filium dicebat, eò quòd unum videbatur esse contra Deum: reliquum contra Romanum Imperium. *Ipsi enim audivimus de ore Ejus.* O insensati, excavavit vos malitia vestra. Audistis ex ore Ejus Dei reverentiam quae erat colendus, non blasphemiam quae esset crucifigendus. Ergo, ut ait Beda, sua se sententia condemnant, qui Eum morti tradunt: quem oris, & operis testimonio Deum esse cognoscunt. Et post multa quae contra Eum fecerunt, ut aestimo, sicut in nocte fecerant, adduxerunt eum vinctum, à domo Caiphae Pontificis, ad domum Pilati Praefidis Romanae potestatis, ad quem pertinebat iudicium in causa sanguinis, ut scilicet Pilato totum imponeretur, & ipsi immunes reputarentur: duxerunt, inquam, Eum vinctum, manibus post tergum ligatis, & cum multis conviciis ac contumeliis, & ut dicitur catena in collo Ejus posita, quae postea ostendebatur in Hierusalem peregrinis pro devotione magna, qui & ipsi submittebant in eam colla sua. Cogita nunc, cum quanto opprobrio ducitur per medium civitatis Hierusalem, conviciantibus Principibus Sacerdotum & Phariseis atque dicentibus: Veni nobiscum latro, & deceptor populi, nunc tua maleficia finem habebunt in brevi: Horrenda proflus impietas, quae tantis injuriis satiari non potuit: quin potius ferali rabie fremens, impio iudici, tanquam rabido cani, animam iusti deglutiendam exposuit. Tunc videns Judas quòd Jesus damnatus esset, consilio Sacerdotum & seniorum, id est, dam-



mnationi & morti adjudicatus: consuetudo enim erat Judæorum, ut quem reum  
mortis judicassent, vinctum Præsidi traderent, ut dum præses vinctum tene-  
ret, morti addictum intelligeret: *penitentia ductus*, infructuosa tamen, quia *Consuetudo*  
sine spe veniæ erat: *retulit pretium*, scilicet triginta argenteos, *Principibus Sacer* *damnati.*  
*doti & senioribus populi*, à quibus malè acceperat: quasi in sua potestate esset persecu-  
torum sententiam mutare, & quasi eodem pretio quo Christum Dominum ven-  
didit, posset Eum redimere. Multi enim possunt alicui mala persuadere, quæ  
tamen penitentia ducti post non poterunt dissuadere, vel in bonum converte-  
re. Si ergo Judas restituit pecuniam malè acquisitam: quomodo usurarius tenet  
usuram, & simoniacus præbendam, vel quicunque rem alienam? Credibile est  
quod lata sententia contra Christum, illi qui principales fuerunt in morte Chri-  
sti, redierunt ad templum, & tunc venit Judas, *penitentia ductus*, idest, angustia  
quadam & tristitia tactus, quæ tamen non valuit, quia non propter amorem  
Dei, sed propter enormitatem rei tristis fuit: & *retulit argenteos*, dicens: *Pecca-* *Chryso-*  
*vi tradens sanguinem justum.* Non valuit Judæ ista confessio, quia deerat spes ve- *hom: 86:*  
niæ & salutis. Ubi Chrysostomus: Vide veritatem undique fulgentem prodi- *in Matth:*  
tor de seipso dat testimonium, & eorum qui condemnauerunt oppilat ora. At  
illi deridentes eum, dixerunt, quid ad nos, scilicet de peccato tuo, qui non su-  
mus rei in hoc facto: *Tu videris*, & sentias te peccasse: sed nihil ad nos per-  
tinet, & nobis de hoc non est cura. Professio hæc audax est, atque cæca. E- *Professio*  
missæ se justii sanguinem audiunt, & tamen extra reatum se esse credunt, & in *Judeorum*  
vendente scelus cõstituunt. Unde secundum Chrysostomum, Accusatio sacer- *audax &*  
dotum est, qui non egerunt penitentiam etiam Judæ penitente. Et videns *cæca Idem*  
Judas quod Eum deridebant, lapsus in desperationem, *proiecit argenteis in Tēplo,* *ibidem.*  
unde recepti erant, *recessit & abiens laqueo se*, ex desperatione suspexit, ex quo patet  
quod cupiditas sua nihil sibi valuit. Maluit se quā denarios perdere, denarios  
Tēplo, seipsū diabolo tradidit & laqueo. Hic habemus duo exempla. Primū est *Avaritia*  
quod avaritia non est aliud quā quidam laqueus diaboli, per quem suspendit *laqueus di-*  
avaros. Secundum exemplum est, quod crudelitas præsentis, est occasio de- *aboli. De-*  
sperationis peccatoris. Judas enim retulit pecuniam, penitentia ductus, & *speratio sub*  
peccatum suum est confessus: sed quia principes durè responderunt sibi dicen- *ditorum,*  
tes, *quid ad nos? tu videris*, desperatus *abiens laqueo se suspendit*, sic frequenter  
circa peccatorem accidit. Judas laqueo se suspendit in terræ medietate, in-  
dignus hominum & Angelorum consortio. Indignus colligi inter Angelos  
qui in cœlis sunt, indignus etiam colligi inter homines qui in terra: loci-  
us factus dæmonum, quibus deputatus est aer iste caliginosus in carcerem,  
usque ad judicium. Sunt autem tres rationes, quare tali morte decuit pro-  
ditorem interire. Prima, ut elevatus in aere, locium se ostenderet dæmonum,  
in hoc aere caliginoso habitantium. Secunda, quia paciscendo locutus fuerat  
in gutture punitur: ut arteriæ quæ vocem prodicionis emisserant punirentur:  
quia per quæ peccavit quis, per hæc & torquetur. Tertia, ut cœlo & ter-  
ræ exosus ostenderetur: quia non solum prodicionis culpam emendare nequivit,  
sed etiam homicidii proprii scelus addidit. Mirabilis duritia Judæorum: quos *Judeorum*  
nec confessio peccati, nec restitutio pretii, nec operatio proprii suspensii emol- *duritia.*  
livit: quia nec penitenti, nec proiicienti, nec suspendenti se Judæ crediderunt.  
Cum Judæ quippe seipsos suspendunt, qui veniam petere & satisfactioni in-  
tendere nolunt. Et crepuit medius effusis visceribus: rupto enim laqueo pu- *Cur medius*  
tatur cecidisse, & crepuisse: & in hoc quodammodo delatum est ori quo oscu- *crepuit Ju-*  
latus Dominum fuerat, ne per os damnata anima exiret: non enim tam vili- *das.*  
ter inquinari debuit, quod tam gloriosum scilicet Os Christi contigerat. Di-  
gnum enim erat ut viscera quæ prodicionem conceperant, rupta caderent: &  
guttur quod vox prodicionis exierat, laqueo arctaretur. Saepè enim modus pœ-  
næ exprimit modum culpæ. Væ Judæ, quia ad fontem misericordiæ per spem  
veniæ non rediit: sed proprii sceleris immanitate perterritus desperavit. Et  
ideo dicit Hieronymus, quod magis Judas offendit Deum quando se suspendit, *Hieronymo*  
quā in hoc quod eum prodidit. *Dixeruntque Sacerdotes, quia non liceret ipsis cap: 27.*  
Kkkkkz argen Matth:



argenteos mitti, idest, remitti, in corbonam, idest, in gazophilacium, unde eos tulerant: quia precium sanguinis & mortis erat, quod ibi mittere noluerunt, caventes scilicet ne sacros loculos pecuniâ cruentâ polluerent. Secundum Hieronymum, Verè culicem liquantes, & camelum glutientes. Si enim ideo pecuniam, quia precium sanguinis est, in corbonam hoc est in gazophilacium, & inter dona Dei non mittunt: cur ipsum sanguinem fundunt? Unde & Augustinus. Qualis illa innocentia simulatio fuit, pecuniam sanguinis non mittere in arcam, & ipsum sanguinem mittere in conscientiam? Et consilio inter se habito, emerunt ex his agrum cuiusdam figuli in sepulturam mortuorum, scilicet peregrinorum, qui non habent sepulchrum proprium: qui dictus est *Hulcedama*, idest, ager sanguinis, in detestationem proditoris Judæ & memoriam Passionis Jesu Christi: quia enim precium mortis fuerant, in usum mortuorum, & hoc peregrinorum eos tradiderunt. Quod fecerunt, non in misericordiam, sed in Salvatoris infamiam: simulando pietatē, & intendendo iniquitatem: ut longè lateque diffamaretur emptio, & propter hoc addita est impositio nominis, & vocatus est *ager sanguinis*, idest, emptus precio sanguinis, ut esset frequens rememoratio facti in detestationem nominis Christi. A parte montis. Sion in vallem Jolaphat descendendo, juxta natatoriam Siloe contra Austrum, ad jactum lapidis ultra vallem, est ager Acheldemach, ubi est sepultura peregrinorum, ubi fuit Monasterium seu Ecclesia omnium Sanctorum. In hoc quod de precio sanguinis emerunt agrum in sepulturam peregrinorum, Mysticè datur intelligi, quod Christus per suum sanguinem nobis peregrinis emit quietem perpetuam, & gaudium paradisi. Unde Glossa: Magnum Sacramentum latet in factis iniquitatis. Figulus est Deus, in Cujus manu est ex eodem luto facere aliud vas in honorem, aliud in contumeliam: ager ejus est sæculum, quod universum precio sanguinis ejus emitur: ut ei commortui sepeliantur peregrini, non utique Israël: sed alieni qui in precio sanguinis Ejus sepulti aternam requiem sortientur. Unde & Hieronymus: Nos ergo qui peregrini eramus à lege & Prophetis, prava Judeorum studia in salutem suscepimus, & in precio sanguinis Christi requiescimus. Unde etiam Augustin: Peregrinis, inquā, qui sine domo & Patria & toto orbe exules jactabantur, requies Christi sanguine providetur. Istos aut peregrinos dicimus esse devotissimos Christianos, qui renunciantes sæculo, & nihil possidentes in mundo, in Christi sanguine requiescunt. Hæc Augustin: Cum autem per omnes plateas Hierusalem diceretur quod Dominus Jesus captus esset, & quomodo Judæi Eum crucifigere vellent: percipiens hos rumores terribiles dolorosa Mater Ejus, quæ tamen cum primò caperetur, hoc in spiritu (ut dicitur) cognoverat: ducta est cum inestimabili lamento & fletu, & planctu à fororibus suis & aliis, quasi mortua. Et venit ad videndum Filium suum dilectum, plorans incessanter per civitatem Hierusalem, & dicens: Heu me, ubi est nunc amantissimus filius meus? Ubi es dulcissime fili? Ubi te inveniam? quis te cepit charissime? Quare te mihi abstulerunt benignissime? Hæc & his similia poterat dicere, multo magis moventia mentes audientium, etiam infidelium, ad devotionem & compassionem. Existimo quod omnes qui viderunt eam dicerent: O quàm male est isti bonæ Mulieri. Si vidistis parem dolorem? Et cum Ipsa ac sorores ejus & alii qui secum venerāt, viderent Eum sic ligatum, afflictum, conspuum, ab omnibus despectum, à Discipulis derelictum: ac omni solatio & auxilio destitutum, non loquentem, non se excusantem, sic vituperaliter, & sic enormiter à tanta multitudine armatorum crudelium duci, ad sistendum tribunali judicis iniqui, & condemnandum eum morti: quantò sunt dolore & amaritudine repleti non potest dici, vel sermone explicari. Credo quod quasi mortui in terram prosternebantur coram Eo. Dominus etiam videns Matrem, & alios in tanto dolore, valde dolebat & Ipse. Multum enim affligebatur ex compassione quam ad suos & maxime ad matrem habebat, sciebat enim quod pro ipso usque ad evulsionem animæ à corpore dolebant. Et sic Domino ubique & semper dolor multiplicabatur non modicus: dolorem enim Matris & suorum reputabat suum: in illo ergo mutuo conspectu magnus valde dolor fuit utrique. Sequuntur verò à longè,

Matt: 23.

Hieronym:

ibidem.

Mysticè.

Hieronym:

in cap: 27.

Matth:

Augustinus

serm: 28.

de tempore.

Maria re-

sciens filiū

captum.



à longè, quia non possunt appropinquare. Considera & intueri ista diligenter per singula quia multum sunt compassiva. Cogita (si potes) tantam amaritudinè, si piam habes animam: quia longum est cogitare animæ habenti devotionem. Sicut ergo dulcissima Mater Filio suo sic angustiato viso valde doluit, ac Ei ex intimis compassa fuit, & amarissimè flevit, similiter & Dominus Matri & alijs compassus etiam multum doluit, sicut fidelis amicus suo amico & proximo mala patienti compati & condolare debet. *Et adduxerunt Jesum vin- dum, & Eum Pilato Præsidi incircumciso cani glutendum tradiderunt, in præ- torium, quod erat in domo Pilati locus quidam ubi judicabat, & prætoris, seu judicis sedem & locum tenebat: Unde Beda: Prætorium enim dicitur* *Beda in cap* sedes prætoris: Prætores autem dicuntur Præfecti, sive Præceptores, *ed 18. Ioan.* quod civibus præcepta ponant. Tradiderunt Eum potestati Romanæ, ut eo modò alienos se ostenderent ab ejus interfecione: in quo non eorum inno- centia, sed magis demonstratur insania. *Et Ipsi qui ducebant Eum, non in- trojunt in prætorium, ne contaminarentur, intrando domum Gentilis, sed ut manducarent Pascha, id est, azimos panes, quos non licebat comedere nisi per- sonis mundis: dies enim agere cæperunt azimorum, quibus diebus conta- minatio illis erat in alienigenæ intrare habitaculum. Timebant contamina- ri ex ingressu domus hominis Gentilis, & non timuerunt inquinari ex procu- ratione mortis Christi innocentis: ex quò patet superstitio eorum vana, sicut in multis alijs. Unde Augustinus: O impia cæcitas. Habitaculò videlicet* *August.* *tract. 114.* *in Ioan.* contaminarentur alienò, & non contaminarentur scelere proprio. Alienigenæ judicis prætorio contaminari timebant, & fratris innocentis sanguinem effundere non timebant, Hæc Augustinus. Istis sunt similes qui conscien- tiam magnam de minimis faciunt, & multò graviora committunt. Cum er- go Jesus esset in prætorio, *Pilatus, observantijs Judæorum, qui domum Ejus ingredi non audebant deferens, exivit ad eos foras, de prætorio. Ipse enim erat quasi medius hinc, inde discurrens, & quærebat quam accusationem ad- versus Eum in judicio afferrent, quem reum mortis judicabant. Videbat enim Eum in signum damnationis ligatùm, & à tot ductum ad damnandum: & ideo de causa ab eis quærebat, volens modum tenere Romanorum à qui- bus missus erat: quibus consuetudo erat nullum condemnare nisi prius accu- sationem suam audirent, & ille locum defendendi haberet. Et dixerunt ei: Si non esset hic malefactor, quem Deus in lege præcipit non pati vivere, non tibi tradidissimus Eum, nos qui sumus tantæ religionis & authoritatis. Quasi di- cerent: Nos sumus tantæ veritatis & justitiæ quòd nobis deberet credi simplici verbo, sine aliqua disquisitione, nos enim factum diligenter exami- navimus, & Eum dignum morte invenimus: & ideo iam condemnatum tra- dimus Eum tibi puniendum: nec oportet aliam facere examinationem, sic homines maliciosi coram iudicibus se justificant, ut innocenti magis nocere valeant. Miseri Judæi dicunt Eum esse malefactorem, qui pertransivit be- nefaciendo & sanando omnes oppressos à diabolo: & faciunt secundum illud quòd de eis per Prophetam jam Ipse prædixerat, retribuebant mihi mala pro* *Psalm. 37.* *bonis, Et Pilatus, quasi indignatus ex eorum responsione, quia sciebat eos per invidiam Ipsum tradidisse, dixit Ejs, accipite Eum vos, & secundum legem vestram judicate Eum.* Quasi diceret: Si sufficit vestra examinatio, sufficiat vestra sententia: Ego nequaquam talis iudex efficiar. Per quam Responsi- onem mortem Christo inferre inhibebat, quia Romani aliqua minora judi- canda Judæis dimiserant: Sed causam sanguinis & altam justitiam sibi reti- nuerant. Unde dixerunt Judæi, Nobis non licet interficere quenkum, scilicet pro- pter Potestatem ad alios translatam. Tamen contra seipfos dicebant: quia interficiebant: quem injustè interficiendum offerebant: & sanguinem inno- centem fundebant, quem fundendum alteri tradebant. Argumentum con- tra sentientes, vel procurantes, aut simulantes fraudem inferendam proximo, cum possint obuiare malo: quia tales similes sunt Judæis hæc dicentibus, & sub prætextu justitiæ vel cuiuscunque causæ suam nequitiam defendenti- bus. Multi etiam mali Clerici sic dicunt, scilicet nobis non licet interficere quenkum: intelligentes de morte corporali, qui tamen pro modico habent, *less similes* multos interficere suo malo exemplo morte spiritali, quæ peior est inter- feci-



August.

tra. 114.

in Ioan.

Acto. 7.

fectione corporali. Uel dixerunt Judæi, sibi non licere illis diebus, propter festi solennitatem & sanctitatem, quod celebrare iam cœperant: propter quod de ingressu etiam prætorij contaminari metuebant. Unde Augustinus: Si malefactor est, cur non licet interficere. Si propter festum non licuit interficere, cur crucifige crucifige Eum clamaſtis; Uel quia crucifigi Eum, ut etiam modo mortis infamaretur, cupiebant: & hoc eis secundum legem non licebat: licet aliò modò possent blasphemos interficere, qualem Christum reputabant, ut patuit in Stephano ab eis lapidato. Hoc autem factum est *Ut sermo Jesu impleretur quem dixit, significans qua morte esset moriturus: id est, à quibus: non enim mortem Crucis hic significat, sed quia à gentibus esset moriturus, & quod Judæi Eum fuissent gentibus tradituri ad illudendum, & flagellandum, & crucifigendum: hæc enim tria Dominus à gentibus est passus.* Quia enim proprijs manibus noluerunt Eum interficere: ut sic qui magis peccabant quasi alieni essent à scelere, impletus est sermo Iesu quem de sua morte prædixit, ut a Judæis traditus, occideretur à gentibus. Et cœperunt accusare Eum falsè in multis, de quibus solum tria exprimuntur, quæ Lucas ponit dicens: *Hunc inuenimus subuertentem gentem nostram, scilicet Judæorum, à cultu legis, falsam doctrinam seminando: & prohibentem dari tributum Cæsari, & sic quasi contra Ipsum seditionem faciendo: & dicentem se Christum Regem esse, quasi volens sibi regnum Judæorum usurpare.* Nominè Christi reges Judæorum appellabantur, propter unctionem: sed addebant regē, dicēdo Christū Regē gratia explanationis, quia Pilatus gentilis erat: gentiles verò Reges suos nō ungebant sicut Judæi faciebant & ideo si ei quod est Christū, id est unctum, nō addidissent regem, Pilatus non intellexisset. Sed falsæ erant accusationes. Unde non bene dicebant inuenimus, quia quod ei imponebant non erat rei veritas, sed humana fictio & adinuentio. Non enim subvertit gentem à lege, quia non venit solvere legem sed adimplere: nec subvertit, sed conuertit, quos docuit in veritate. Nec prohibuit tributa Cæsari dari. Sed dixit reddite quæ sunt Cæsaris Cæsari, & quæ sunt Dei Deo: & liber à tributo, ne scandalizaret, solvit tributum pro se & Petro. Dicens quoque se Christum regem esse, verum dixit, licet regnum in hoc mundo habere nollet: quia cū ipsi vellent Eum regem facere, fugit, & regnum re-

*Beda in capspuit.* Igitur, ut ait Beda arguuntur impietatis Judæi, quod accusantes Salvatorem, & falso quidem, nec aliquid verisimile quod ei obijcere possint inveniunt. De prima igitur accusatione, tanquam frivola & ad Eum non spectante Pilatus parum curabat: quia enim erat homo gentilis, non curabat de observatione seu violatione Moysæ legis, & Secundam tanquam falsam & mendosam paruipendens nullam reputabat: quia fortè per revelationem audierat Iesum dixisse aliquando, reddite quæ sunt Cæsaris, Cæsari, & quæ sunt Dei Deo. Unde transit ad tertiam, quæ magis tangebatur Eum, & Romanum Imperium, & videbatur contra Imperatoris honorem, scilicet quod dicebat se esse Christum: id est unctum, sive regem: nam directè contra Imperatorem erat quod aliquis se esse regem Judæorum diceret, qui Imperatori Romano sub tributo in signum subiectionis serviebat. Propter quod Romani Nomen Regium ab eis abstulerant, ut eorum superbiam frangerent, & rebellandi occasionem tollerent. Et intrans Pilatus in prætorium, ut ibi Christum magis pacificè & exquisitè examinaret extra tumultum, & strepitum Judæorum qui non audebant intrare prætorium, *interrogavit Eum dicens, Tu Es Rex Judæorum;* quasi diceret: Est hoc verum quod tibi imponitur: scilicet quod velis tibi usurpare regnum, vel quod sis Rex Judæorum, Secundum quod accusant Te; Quærebat utrum esset Rex de jure: quia de factò constabat Ipsum regem non esse. Et secundum Theophilum, hoc interrogavit Pilatus, contemptum objecti criminis, & accusationem Judæorum subsanando: quasi diceret, Tu pauper, humilis, nudus, cui nullus adiutor, accusaris de regni ambitione, ad quod opus est multorum adiutorum & sumptuum. Et respondit Iesus, *A tu metipse hoc dicis, hoc est quod Tu æstimes, qui nunquam me vidisti talibus intendere, An alij tibi dixerunt de me;* Et tunc cognosce radicem dicti, ex quo nullum signum talis accusationis in me unquam vidi.



vidisti: respondit Pilatus, Nunquid ego Judæus sum; Quasi diceret, non sum Judæus: & ideo de istis quæstionibus à meipso non loquor, & per meipsum hæc scire non valeo: sed gens tua & pontifices, qui te ab alienigenis deberent defendere, tradiderunt Te mihi, pro malefactore. Tu ergo dic, Quid fecisti; Interrogatus itaque Iesus de regno respondit Pilato eum erudiens, & ad altiora reducens. Regnum, inquit, meum non est de hoc mundo, id est, Secundum Chrysostr. Potestas mea, & authoritas mea qua sum Rex, non habet originem & principium ex causis mundanis & hominum electione: sed aliunde, scilicet a Patre, quasi diceret: Rex sum, non quidem talis qualem suspicaris, sed multo major & clarior. Temporale quippe regnum fugi, & nullum de hoc signum ostendi. Unde Chrysostr: Nihil denique monstravit tale. Neque enim milites, neque principes, neque equos, neque mulorum iugum, neque aliud quid tale habebat circa semetipsum: sed humilem hanc & inopem vitam pertransibat, duodecim viles homines secum circumferens. Hæc Chrysostr. Secundum Divinitatem omnia sunt subiecta Christo tantum quantum ad humanitatem in primò adventu suo non venit ad dominandum temporaliter, & regnandum, sed magis ad serviendum & patiendum. Unde non negat se esse regem, sed magis concedit: quia secundum veritatem Ipse erat Rex Regum, verumtamen ad tollendum occasionem evadendi, temperat suam responsionem dicens, quod non quarit hujus mundi temporalem dominationem: quia Regnum suum non est de hoc mundo, quantum ad temporalia ista quærenda, & habenda. Et ergo regnum Ejus neque Judæis, neque Romanis adversum erat: nec dominationem eorum impediabat: quia Ipsi tantum de regno terreno, quod de hoc mundo est curabant: quasi diceret eis, decepti estis, non impedio Dominationem vestram in hoc mundo, ne vanè timeatis, & sæviatis: sed ad Regnum cœleste quod non est de hoc mundo, venite credendo, ad quod vos invito prædicando. Christus dixit, regnum meum non est de hoc mundo, sed tamen multi Prælati qui sunt Ejus Vicarii, contrarium videntur dicere facto, in pompis se Principibus terrenis æquantes, vel etiam eos excedentes. Et subiungit: Si ex hoc mundo esset regnum meum, tunc Ministri regni mei terreni, unde post Regem etiam regnum temporale habet firmitatem, utique decertarent contra adversarios, ut non traderet Judæis, per quod patet quod non est mundanum Regnum meum. Unde sequitur: Nunc autem Regnum meum non est hinc, id est de hoc mundo: est tamen hic, quia ubique attingit à fine usque ad finem. Unde Augustinus: Non dicit, non est hic: hic est enim regnum Ejus usque in finem sæculi, habens in se commixta zizania usque ad messem: sed tamen non est hinc: quia peregrinatur in hoc mundo. Unde & Theophilus, Non dicit, non est hic, sed non est hinc. Nam regnat in mundo, & utitur illius provisione: & juxta votum cuncta disposuit. Non est autem ab infimis constitutum regnum Ejus, sed cœlitus & ante sæcula. Unde etiam Chrysostr. Sed cum dixit, regnum meum non est hinc: non privat mundum de sua providentia & prælatione, sed ostendit regnum suum non esse humanum neque corruptibile, quoniam desuper habet principatum: quia non est humanus, sed multo major & clarior. Dixit itaque Ei Pilatus, Ergo Rex es tu; ex quo alibi est regnum Tuum Respondit Iesus: Tu dicis quia rex sum ego. Quasi diceret: Ego nec nego, nec affirmo: sed tu dicis, non tamen asserendo, sed interrogando. Eodem verbo Præsidi quod & Principibus sacerdotum respondit, ut propria sententia condemnentur. Noluit dicere, non sum, ne falsum diceret: noluit etiam dicere ego sum, ne calumniæ occasionem daret. Unde sic temperavit responsionem, ut & verum diceret, & sermo Ejus calumniæ non pateret, & penitus nulla culpa in eo cognosceretur. Deinde determinat sui regni conditionem dicens: ego in hoc natus sum temporaliter: & ad hoc veni in mundum, per carnis assumptionem ut testimonium præhibeam veritati: dicendo & radicando veritatem de Divinis in cordibus fidelium. Et ideo omnis qui est ex veritate, prima, quæ Deus est, non solum per creationem, sed etiam per imitationem & subiectionem, audit verba mea, credendo, & opere adimplendo, & per consequens in talibus spiritualiter regno. Dixit Ei Pilatus: Quid est veritas; Et hujus quæstionis responsum non

Chrysostr.

hom. 82.

in Ioan.

Idem ibid.

August.

tract. 118.

in Ioan.

Theoph.

in Ioan.

cap. 18.

Chrysostr.

hom. 82.

in Ioan.

Esse ex veritate.



expectavit: quia Judæorum malitiam, & Christi innocentiam percipiens, ad Eius liberationem festinavit: vel quæstionem de veritate tantum facere potuit, sed responsum finale audire non meruit: quia iudicium suum à veritate inchoavit, & non in veritate sed in perversitate finivit. Legitur tamen in Evangelio Nazaræorum, & etiam videtur dicere Augustinus, quod Christus respondit, quod veritas est de celo, & non erat in terra: sed Pilatus non audit, vel quia exivit ad Judæos vel propter tumultum clamantium. Pilatus quæstionem de veritate fecit: sed de responsione non curavit. Veritas enim est sicut aqua benedicta, ad quam omnes currunt, tamen manus faciei apponunt, ne super faciem aqua cadat. Sic multi, quærunt de veritate: tamen nolunt quod Eius veritas de suis defectibus dicatur, etiam pro eorum salute. Et cum hac dixisset, quærendo quid est veritas, iterum exivit ad Judæos, ut pro innocentia Domini loqueretur, & dixit ad eos: Ego nullam in Eo invenio causam, scilicet mortem dignam. Quia enim Pilatus, & Imperator Dominus suus, non curabant nisi de regno terreno: ideo Pilatus habuit seculum excusatum, dicens se nihil criminis invenire in Eo. Ergo Judæi invidia stimulatī sunt, qui iustum mendaciter damnare laboraverunt. Sed hic est modus malorum, quod per mendacia quærunt condemnationem iustorum. Ex hoc etiam patet quod aliquando iustius agitur in curia laicali, quam clericali: Principes enim sacerdotum Christum condemnaverunt tantumquam mortis reum, quem Pilatus pronunciat innocentem, & iustum. Sic & hodie fit in pluribus locis quod malefactores qui per seculares iudices punirentur, per Ecclesiasticos Viros (in magnum scandalum populi) tuentur. Judæi verò, cum nihil aliud facerent calumnia eorum recurrebant ad subsidia clamorum. Unde quia deficiebant rationibus, invalescebant vocibus, dicentes: *Commovit populum*, docens per universam Judæam, & incipiens à Galilæa usque huc. Quasi dicerent: Pervertit populum, & turbavit pacem communem: nec in una parte tantum, sed à Galilæa incepit & hucusque peruenit. Secundum Bedam, Hic accusantium sermo magis, & Eum qui accusatur docet innoxium, & eos qui accusant docet esse perversos: docuisse enim populum, non criminis sed virtutis constat esse indicium: nec commovit populum, qui pacis condidit Testamentum. Mystice commovit populum salubri commotione, viam veritatis docendo: de qua motione dicitur in Psalmo: *Commovisti terram & conturbasti eam, sana contritiones Eius quia commota est*. Clamoribus igitur invalescebant, qui in rei veritate deficiebant: ut sit clamorosa non iusta accusatio: quia per clamorem voluerunt obtinere, quod non poterant per rationem habere. Sic faciunt maligni, quærentes obtinere per verba & contentionem, quod non possunt per iustitiam & veritatem. Nunc considera inquantum se humiliavit Iudex totius creaturæ constitutus à Patre, ut acquiesceret stare ante iudicem terræ Judææ. Et sicut Christus cum ante præsidem statueretur, & iniquis accusationibus falsè urgeretur, omnem mansuetudinem & patientiam ostendit: sic verus Christi imitator non murmure, aut reclamet, nec contradicat, cum indebitè ab æmulis læditur, aut impugnatur. Ex isto articulo, accusationis Christi de falsis, datur documentum, quod caveamus ne & nos de falso vel falsè accusemus Christum. Isti enim accusant Christum de falso, qui sibi falsum imponunt: sicut Judæi, pagani, hæretici, ac consules qui de Ipso Christo aliter quam debent sentiunt. Sunt & alij qui accusant Eum de vero, sed falsè: sicut mali Christiani, qui retorquent peccata sua in Deum, dicentes: Deus hoc voluit, vel stellæ fecerunt me peccare: Deus autem fecit stellæ, & sic Deus fecit me peccare. Falsè imponis peccatum tuum Deo. Verum quidem est quod Deus fecit & te & stellæ, & hæc omnia bona: sed quod Deus creavit non te cogit ad peccandum, sed malitia voluntatis tuæ: ergo imputando Deo peccatum tuum, tu accusas Deum falsè. Item aliò modo quidam accusant Deum falsè, mali scilicet Christiani: habentes quidem fidem veram, sed informem qui cognoscunt Christum per fidem, sed non glorificant Eum per vitam. Ad conformandum se huic articulo, recogitet homo, quomodo Ille Qui est Ipsa veritas propter nos falsitatibus calumniari dignatus est, ut nos in veritate fundamur.



fundaret: & sic oret: JESU qui coram Pilato de multis falsis accusari voluisti, doce me iniquorum fallacias evitare & fidem Christianam bonis operibus veraciter profiteri. Cum autem Pilatus audisset, quod JESUS homo Galilaus, & de Herodis tetrarchæ potestate esset, quia in Galilæa nutritus & multam conversatus fuit: habens occasionem dimittendi Eum, misit Eum ad Herodem, Præpositum Galilææ, qui tunc etiam erat Hierosolymis, propter solemnitatem Paschalem: quia Judæus natu erat. Pater enim suus amore uxoris suæ, quæ Judæa erat, transiens ad ritum Judaismi se circumcidi fecerat. Misit, inquam, eum volens Herodi honorem deferre: ut Ipse Dominus Galilææ, hominem Galilæum vel abolveret, vel dampnaret, dans exemplum ne quis falcem in messem & potestatem alterius (etiam inimici) immitat: & quia credebatur quod libenter hominem de terra sua & maxime Innocentem liberaret: & ne contra eum quem infonem & per invidiam traditum cognoverat, sententiam dare coactus esset. Et dum mittitur, fit concursus magnus populorum Eum sequentium. O! Domina qualiter ibas, vel quis te juvabat ut ires in tanta pressura? Certè exemplum doloris eras omnibus Christum amantibus. Tu autem charissime cogita quàm libenter juvares eam, & associares sic tristem & mœstam. Et viso JESU, gavisus est Herodes, ex multo enim tempore, scilicet ex tempore de collationis Joannis Baptistæ, JESUM videbat, quia multa de miraculis & doctrina ejus audierat & sperabat aliquid de suis miraculis videre, & ab eo quædã insolita audire. Interrogabat autem illum multis sermonibus: non sicut studiosus, sed sicut curiosus, non sicut veritatis amator, sed sicut tentator, non tanquàm lucraturus aliquam utilitatem, sed patiens novorum cupidinem: & propter hoc, nihil respondit, nec etiam signum aliquod coram eo fecit. Stans quidem JESUS sicut Agnus mansuetissimus ligatus miracula adhibere contempsit, quia Herodis incredulitas & curiositas Divina, non merebatur audire vel videre, & Dominus suam jactantiam & ostentationem declinabat, suamquæ volebat Passionem impedire. Unde secundum Glossam, quia Herodes non reputabat Christum Salvatorem, sed incantatorem: ideo non erat dignus nec verbis, nec miraculis Christi. Et secundum Ambrosium. Herodes ex quadam curiositate miracula fieri petiit, quod Christus renuit: docens nos per hoc jactantiam declinare. Per hoc quod Christus coram Herode incastuoso & homicida noluit miracula facere, nec suis interrogationibus respondere, significavit quod tales & omnes impii non sunt digni opera Divina videre, nec Ejus responsa habere. Ex hoc articulo, derisionis habetur documentum, secundum Gregorium, ut quod tunc Auditores nostra volunt, quasi laudanda cognoscere, non autem tua perversa mutare, omnino taceamus: ne si ostentationis studio Verbum DEI loquimur, & eorum quæ erat culpa esse non designat, & nostra quæ non erat fiat. Multa autem sunt quæ audientis animum produunt, maxime si auditores nostri & semper laudant quod audiunt, & nunquam quod laudant sequuntur. Ad conformandum se huic articulo, rememoretur homo factum articuli, & oret dicendo. JESU qui ab Herode derisorie multis interrogari sermonibus voluisti, nec ei ad ullum verbum respondere curasti: da mihi amore Tuo (quando oportet) sermones derisorios patienter audire, meamque jactantiam cum silentio declinare. Stabant autem & Principes Sacerdotum & scribæ constanter accusantes eum, coram Herode. De quibus verò ibi Eum accusaverunt, Evangelistæ non exprimunt, sed fortèram Herodes

Herodes  
Judaizans.

Herodis de  
Xsto opinio.

Ambr. in  
cap. 23. Luc.

Gregor. lib.  
22. moral.  
6. 12.

Accusatio  
Christi co-



de eisdem tribus de quibus coram Pilato Eum accusaverant, maxime hoc coram Herode aggravantes, quomodo commovisset universum populum incipiens à Galilæa, scilicet dominio Herodis, ut ex hoc magis sibi animū assumeret, quia in suo dominio commotionem suscitasset: unde ad istas accusationes Christus nihil respondit, nec Herodi, nec accusatoribus: sed tacuit, non concedendo eorum accusationes taciturnitate, sed despiciendo tanquam indignas responsione: ad commendandam quippe patientiam tacuit, & nihil respondit. Secundum illud *Esaie*: *Quasi Agnus coram tondente se obmutescet*. Ex hoc articulo accusationis, trahitur documentum, quod non omni loco, & tempore, & coram quibuslibet, veritas est manifestanda: sed plerumque silentium Divinum est. Ad conformandum se isti articulo, memoretur homo gravitatem articuli, & oret dicens: **JESU** Qui coram Herode constitutus falsas incriminationes, nec verbo refellere voluisti: da mihi iniquorum non frangi injuriis, nec Sacra mysteria propalare indignis. Videns autem *Herodes*, quod Christus nullū signum faceret, nec verbum aliquod ad interrogata responderet, nec contra accusatores suos aliquibus responsionibus se defenderet: reputavit Eum Idiotam ac fatuum, & non sanæ mentis, ac per hoc *sprevit eum*, ipse & similiter *exercitus ejus*, ut omnes in eadem culpa monstrarentur esse pares. Sic hodie sectatores Christi à malis hominibus spernuntur, & ab eis fatui reputantur: **JESUM** hodie multi cum Herode spernunt, qui signa fieri quærunt, conquerentes quod modo miracula ab eo non fiunt, cum modo nō sit tempus signorum, sed operū unde Dominus: *Habent Moysen & Prophetas, audiant ipsos*, modo autē præter hæc habemus & Evāgelium, & Apostolos, & adhuc signa quærimus, nō Evāgelium implemus, sed spernimus. Ex hoc articulo despectionis, trahitur documentum quod nos potius velle debemus à malis despici, quā ab adulatoribus laudari, sicut Dominus noster. Ut ait *Gregorius*: Magis eligeat apertē à superbiētibz despici, quā à non credentibus vacua voce laudari. **JESU** qui ab Herode & exercitu suo sperni non sprevisisti: da mihi mundanum fastum despiciere, & iniquorum despectus pro justitia non curare: non solum autem *Herodes* Eum sprevit, sed etiam illudit, induendo veste alba: & hoc in derisionem & signum illusionis, sicut fatui solent aliqua veste ludicra indui, quā cognoscantur ab aliis: & fortē tunc temporis derisorium fuit portare desuper vestem albam, eō quod sic illuderetur tunc fatuus: hæc autem vestis erat (ut dicitur) admodum scapularis religiosorum sine caputio, dependens à collo antē & retrō. Fortē subito peciam panni albi accipientes, foramen in medio Eius fecerunt, & sic collo suo imposuerunt. Sed quantumcūque: *Herodes* hoc in illusionibus fecerit, non tamen à mysterio vacat, sicut & omnia alia circa Christi Passionem gesta. In veste enim alba, Innocentia & castitas assumptæ humanitatis & gloria Regni immortalis, quam per Passionem accepit, designatur: & quod pro peccatis totius mundi in carne casta & Innocente immaculatus Agnus est passus. Tu quoque non nisi in veste alba, scilicet sine macula & causa illudaris, & spernaris: alioquin illusio erit tibi pœna peccati: & magis dolendum de causa & materia irrisionis, quā de irrisione ipsa. Designavit ergo *Herodes* suo facto, nesciens fortē quid agebat, quod Christus albedine puritatis & Innocentiæ indutus erat. Unde *Ambrosius* in cap. 22. *Lucæ*. Non ociosum quod veste alba induitur ab Herode, immaculatæ tribuens indicia Passionis, quod Agnus DEI sine macula cum gloria



Secunda Partis, Caput LXI.

458

gloria peccata mundi susciperet. Hanc autem vestem albam, representat hodie Alba Sacerdotalis. Unde Mystice notandum, quod Pontifex noster in sua Passione habuit omnia pontificalia. Amictum Pontificalia suscepit, cum velatus est coram Caipha à Judæis. Albam habuit, Christi in- cum veste alba indutus est ab Herode. Casulam habuit, cum milites dumenta, circumdederunt ei purpureum vestimentum coram Pilato. Et ne quid sibi desit, cingulum habuit, cum ad columnam ligatus est. Stola habuit, quoniam ad collum ligatur. Manipulum habuit, quoniam cum fune manus Ejus ligaverunt: sed hunc solverunt, quoniam ei arundinem in dextera manu dederunt, & funis mansit pendens in sinistra: ad quod designandum manipulus ponitur in brachio sinistro. Coronam spineam super caput habuit pro mitra Pontificali, & arundinem in manu pro baculo Pastoralis. Chirothecas autem habuit & sandalia, cum manus ejus & pedes toti fuerunt sanguine rubricati: ad quod designandum sandalia debent habere aperturam, cum aliquo rubro sericeo panno. Chirothecæ etiam habent desuper aliquod monile rotundum, quod debet similiter habere aliquid de rubro, ad designandum stigmata Christi. Hæc omnia sunt insignia Pontificalia, quæ in memoriam Passionis Christi gestat Pontifex, in consecratione Ecclesiæ vel Altaris in cuius etiam memoriale conficitur Sacramentum Altaris. Patet ergo ex dictis, quod illatus fu- Illusio Do- it Dominus in omni veste & ornamento, tam Sacerdotali, quam Pon- mini in o- tificali: & quod pejus est, hodie illuditur ei in omnibus vestibus mni veste. prædictis, non minus quam tunc: quia & à majori multitudine & longiori tempore, & modo fraudulentiori: quia isti verè, illi quasi figuratè. Illa enim multiplex illusio quæ facta fuit Ei tunc, figura erat & signum illusionis futuræ, quæ à multis impletur nunc. Notandum etiam, quod ille qui eis utitur, debet ea habere in intellectu, per meditationem, in memoria, per recordationem: in affectu, per compassionem: & se Domino pro posse in apparatu conformare: cum enim aliquid talium accipit, nihil aliud protestatur facto suo, quam si verbo diceret, ita credo Dominum nostrum fuisse indutum, & in talibus illusum: in cuius signum & memoriam sic induo meipsum: & ut in me sentiam quod & in Ipso Christo JESU. Qui ergo talia ferunt exterius, nihil sentientes vel compatientes interius, profecto Christo illudunt: faciunt enim ac si dicerent, signo Tibi compatimur, & Tuas illusiones in nobis ostendimus, sed in nullo Tibi compatimur. Moraliter amictus capitis, significat spem, quam Aposto- Vestimenta stulus vocat galeam salutis: spes autem æternorum, facit contem- Sacerdotum- prum terrenorum. Cum ergo Sacerdos se velat amictu, ostendit se quid desi- terrena contemnere: & si ita non est, Christo illudit. Alba autem galea longa & lata, mentis & corporis significat castitatem: cingulus ve- rò & stola, & manipulus, & hujusmodi ligamenta, præcepta & con- filia, & religionem cui se obligat, qui tales ordines assumit: obliga- tos se ostendunt, qui talia induunt. Casula desuper tegens per to- tum, & cæteris supereminens ornamentis, charitatem significat, quæ Apostolus supereminentiorem viam vocat: & ideo qui non diligit DEUM plus quam sua, vel suos; vel se, non est dignus tali officio. Mitra verò Episcopi, significat ipsum habere scientiam duorum te- stamentorum. propter duo cornua: quam (inquam) scientiam debet habere, non tantum in corde per habitum, sed etiam in ore & ma- nu per usum: unde duæ lingvæ dependentes à mitra super humeros, significant ipsum Episcopum debere habere duplex documentum, scili-

Mmmmm2

scili-

Illusio Do-  
mini in o-  
mni veste.

Vestimenta  
Sacerdotum-  
quid desi-

Causa.

Mitra.



Baculus Pa-  
storalis.

scilicet verbi & exempli. Baculus verò Pastoralis in manu, significat executionem officii Pastoralis: quòd consistit in tribus, quæ significatur per triplicem partem baculi. Primum est vocatio peccatorum. Secundum, directio vocatorum. Tertium est, exhortatio Directorum. Unde est versus.

*Attrahere per primum, medio rege, punge per imum.*

Patientia  
Domini.

Sic itaq; vides, qualiter Dominus non solum malefactor, sed etiam stultus est reputatus. Ipse autem omnia patientissimè tolerabat. Patientiam ergo habeas & tu, si malefactor vel stultus injuste fueris reputatus. Nam sicut Divina Sapientia, tanquam fatuus spernitur & irridetur: sic omnes irrisiones quæ solent à vanis mundi hujus hominibus (DEUM præ oculis non habentibus) homini Spirituali irrogari, debent patienter sufferri. Ex hoc articulo illusionis, sumuntur tria documenta. Primum est, quòd omnes qui pie & innocentè volunt vivere, secundum novum hominem, ab his qui vivunt secundum hominem veterem illuduntur, & ab eis pro fatuis habentur. Sed propter hoc non debent turbari viri Spirituales, imò potius gaudere: quia novus Homo Salvator noster Christus indutus alba veste quæ Innocentiam significat, illus & derisus est, à Filiis hujus sæculi, apud quos alba vestis exprobrabilis est: sed sicut Crux ante Passionem Christi exprobrabilis fuerat, Quæ postea facta est honorabilis, ita ut etiam portetur in frõtib; Regum: sic alba vestis post Christi Passionem facta est valde honorabilis, & Innocentiæ signum. Unde quilibet post baptismum renovatus induitur veste alba, in signum innocentie quæ confert baptismus. in cuius etiam signum Christo passo Angelus in vestimentis albis apparuerunt in Ejus Resurrectione, & similiter in Ejus Ascensione. Secundum documentum est, quòd tempore & loco expedit stultitiam simulare.

Stultitiam  
simulare ex  
pedit.

Quid in ve-  
ste requiren-  
dum.

Unde quòd Dominus Ipse fons sapientiæ coram Herode pro stulto haberi dignatus est, ex incomprehensibili sapientia sua processit: quia si sapientem verbis vel factis se ostendisset, Herodes utiq; Passionem Ejus impedivisset. Tertium est, quòd homo nihil quærat in vestibus: non ornatum, non pretiositatem, sed solum necessitatem: quia Salvator noster in veste velut fatuus est illus. Ad conformandum se huic articulo, regravetur homo DEO, quòd Ipse nobis cum sua illusionem vestem Innocentiæ conferre dignatus est. Item recogitet qualiter Ipse candidam vestem Innocentiæ baptismalis quam Christus nobis prætulit saepe peccatorum malis denigravit: & oret dicens. JESU qui veste alba indui, & ut stultus ab Herode illudi voluisti: da mihi mundi hujus prudentiam, quæ stultitia est apud Te, cautius declinare, & ad Te Qui vera es sapientia pervenire. Herodes autem cum non inveniret in Christo causam mortis, illum & indutum veste alba remisit ad Pilatum, ut Eum honoraret, sicut Pilatus sibi detulerat. In quo ipse probatur in necem Domini consensisse: quia enim fuit sibi missus tanquam homo suæ ditionis, cum non invenit in Eo causam, debuisset Eum absolvere, & non alieno judici remittere. Remisit ergo Eum Herodes Pilato: quasi diceret, fac de Eo quidquid volueris. Et fortè similia verba sibi remandavit: Et sic Dominus cum nota illusionis portando vestem albam rediit, & Herodis consensum de sua nece secum detulit. Hic autem consensus apparuit signo & facto: signo quidem in vestis albæ illusionem facto, in amicitie confederatione: nam & ipsa die facti sunt amici Herodes & Pilatus, propter mutuam reverentiam sibi invicem factam.

Amicitia  
confederatio.

Antea



Antea quippe inimici erant adinvicem, propter necem Galilæorum, qui de Herodis præpositura & dominio erant, quos Pilatus occiderat miscens sanguinem eorum cum sacrificijs quæ offerebant: sed nunc super hoc reconciliatus est Pilatus Herodi: quia pro bono habuit Herodes quod Pilatus sibi detulerat, mittendo sibi hominem suæ jurisdictionis, & præsertim talem hominem quem Ipse videre diu desideraverat. Sic multi frequenter amici & concordēs in condemnatione vel documento innocentium fiunt, qui antea sibi invicem contrarij fuerunt. Hæc autem amicitia Pilati & Herodis, fuit *Amicitia* signum quod Judæi & gentiles convenirent in persecutione Christianorum. *Pilati & Herodis.* Unde Beda: Hoc nefandissimum Herodis & Pilati fœdus quod in occiden- *Beda in cap. 23. Lucæ.* do Christo pepigerunt, hætenus eorum velut hæreditario jure successores custodiunt, quando gentiles & Judæi sicut genere & religione, ita etiam mente dissidentes, in Christianis tamen persequendis, Christi quæ in Ejs fide perimenda, consentiunt. Hæc Beda. Potest etiam hæc amicitia in bono accipi: & per concordiam Herodis & Pilati, concordia populi Judaici & gentilis significari. Sicut enim Pilatus primò misit Iesum ad Herodem, & Herodes postea ei remisit: sic verbum salutis primò recepit populus gentilis, & annuntiavit Judæis: in fine autem mundi iterum Judæus remittet ad gentilem, quando per Heliam & Enoch multi convertentur. Isti duo populi ante mortem Christi erant inimici sibi invicem & discordes, sed post mortem Christi facti sunt amici & concordēs in fide Ejs: quia Ipse est pax nostra, qui fecit utraq; unum. Unde Ambrosi. In typo etiam Herodis atque Pi- *Ambrosi. in c. 23. Lucæ.* lati, qui amici ex inimicis per Iesum Christum facti sunt, plebis Israel & populi gentilis figura servatur, quod per Domini passionem utriusq; sit futura concordia: ita tamen ut prius populus nationum capiat Dei verbum, & ad populum Judæorum fidei suæ devotionem transmittat. Hæc Ambr. *Humilitas Domini.* O quanta humilitas & patientia Domini Iesu, qui de se quasi de fatuo permittebat malos ludere: mittere se, & remittere, & quod volebant facere. Hanc autem missionem & remissionem Ipse Dominus fieri voluit ad majorem & evidentiorē suæ innocentie ostensionem. Intuere Eum nunc bene dum *Contemplatio.* ducitur & reducit, demisso vultu & vererundè incedentem, & omnium clamores conuita & subsannationes audientem, & fortè lapidum percussiones & immunditiarum suscipientem. Et cogita quomodo habebat illos Pedes sanctissimos contractos: quia cum magna festinatione duxerunt & reducerunt Eum, nudis pedibus incedentem. Intuere etiam Matrem & suos cum indicibili mæore à longè sequentes & ista videntes, & cogita quàm libenter tu juvares & associares sic tristes & dolentes. Ex hoc articulo habetur *Documentum.* documentum, quod tantam vim habet natura boni, quod respectu sui confederat etiam malos. Inimicitia enim respectu boni, parit amicitiam inter malos: non timeat ergo iustus si viderit malos contra se colligari: quia hoc testatur in eo aliquid esse boni, & per hoc Ipse conformatur Christo, contra quem omnes convenerunt in unum etiam inimici. Ad conformandum se huic articulo, recogitet homo si habeat inimicitiam cum aliquo, & dimittat eam de corde amore Christi, qui pro nobis in sua Passione etiam malos adversum se concordavit. Iesu qui contra Te inter Herodem & Pilatum amicitiam fieri voluisti, da mihi iniquorum adversum me collignantiam non timere: sed eorum potius exercitatione me proficere quatenus tibi merear conformari. Considera nunc quanta fatigatio fuerit Christo sic duci & reduci de iudice ad iudicem: quia magna pena est cuilibet homini mitti de uno iudice ad alium. Fuit enim primò presentatus Annæ. Secundò, Caiphæ. Tertiò, ductus ad Pilatum. Quartò, missus ad Herodem. Quintò, remissus ad Pilatum: quæ omnia ad unum possunt reduci articulum, ex quo plura sumuntur documenta. Primum est, quod non debemus formidare presentari Potestati temporali, vel ad malos iudices trahi, propter Christum: quia quânto potestas iniquior, & iudices nequiores, tantò faciunt martyres gloriosiores. Secundum est, quod non omnes actus, voluntates & desideria nostra antequam perficiamus debemus ad examen rectæ rationis, quæ per iudicem intelligitur, presentare: & nihil præcipitanter agere: o-



minia quodque mala quæ fecimus debemus conspectui conscientiarum nostrarum præsentare, & sic eam coram Christo iudice examinandam statuere. Tertium est, quod Religiosi, qui specialiter debent esse imitatores Christi, non debent turbari si interdum sub obedientia mittantur de loco ad locum, de prælato ad prælatum: quia Christus propter nos sub obedientia Patris dignatus est mitti de iudice ad iudicem. Item sicut Christus stabat ante iudices, & nullum irreverentiæ verbum est locutus: sic & nos cum reverentia stare debemus coram prælatis nostris & iudicibus, etiam malis. Ad conformandum se isti articulo, formet sibi homo imaginem Christi in mente sua. Statuens coram Eo conscientiam suam misericorditer examinandam, pro eo quod Christus coram iudicibus malitiosè fuit examinatus. Recogitet etiam homo quomodo oportet nos omnes exhiberi ante tribunal Christi, idcirco Ipse pius pro nobis impijs exhiberi voluit ante tribunal iniqui iudicis, ut nos iniusti ante tribunal iusti iudicis fiducialiter comparere possemus. Iesu qui de iudice ad iudicem mitti, & coram Ejs examinari voluisti: da mihi amore Tui Nominis, malorum iudicum versutias non metuere, & in conspectu Tuo me tutâ conscientia comparere: ac bono animo majorum imperijs me subdere, & alacri corde ad obedientiam sine mora concurrere.

## DE TERTIA IN PASSIONE DOMINI.

## Cap. LXII.

*Mat. 27.*  
*Mar. 15.*  
*Luc. 23.* **H**Orâ Tertiâ cogitabis mæstus & tristis qualiter reducto Dominò ad Pilatum, illi canes latantes de fœdere Herodis & Pilati, cum audacia magna prosequuntur accusationes suas: quamvis neq; Pilatus, neq; Herodes diligenter Eum interrogando & examinando invenirent in Eo causam mortis. Unde ad exprobandam duritiam Judæorum & gentilium Pilatus fatetur nec se, nec Herodem, neque in occidendo, neq; in illudendo, in Christo causam seu aliquid dignum morte invenisse. Ubi Beda: Hoc dicendo Pilatus absolvit quidem Iesum, quem probavit infontem: sed quem absolvit iudicio, crucifigit ministerio. Audi cæce Judæe, audi crudelis pagane. Pilatus ipse fatetur neq; se neque Herodem dignum quid morte in Christo reperisse, sed tantum in occidendo vel illudendo innoxio, alienæ crudelitatis obtemperasse clamoribus. Hæc Beda. Magnum dimittendi Iesum studium gerebat Pilatus. Sed quanto curiosius dimittere quærit, tanto criminosiores ad mortem Ejus invenit. Et cum accusaretur, Dominus mendaciter a principibus sacerdotum & senioribus, nihil respondit: nec ad sui excusationem, nec ad dictorum refutationem, nec ad dicentium improperationem, sed magis accusationes viriliter sustinuit & tacuit. Et tunc cum sic accusaretur ab eis, dixit illi Pilatus: Non audis quanta adversum te dicunt testimonia; secundum Chrysost. Ideo hoc dicebat: quia volebat liberare Eum, dum se excusando responderet. Sed Dominus non respondit Ei ad vllum verbum, ita ut miraretur Praeses vehementer, de Ejus patientia & constantia: quod ille quem in lege peritum, & ad omnia respondere potentem audierat, nihil responderet & quod exhibitus ad criminale iudicium, & stans ante mortem, quæ apud omnes homines æstimatur terribilis, Ipse imperturbabilis remaneret. In hoc tus tacuit. autem docet, accusationes & criminationes patienter esse sustinendas: hoc enim magis mirabilem facit sanctorum patientiam, quam defensio. Unde Ambrosius. Accusatur Dominus & tacet, quia defensione non indiget: nec c. 23. Luca. accusationem tacendo confirmat, sed despicit non refellendo. Ambiant defendi, qui timent vinci. Melior est causa quæ non defenditur & probatur. Dan 12 Susanna tacuit, & vicit. Hæc Ambrosius. Iudex ergo omnium ante tribunal iudicis vilis & indigni, mansuetus & tacitus stetit, & accusatus nihil respondit. Sunt autem quatuor rationes hujus silentij & taciturnitatis Christi. Tacuit enim Christus primò iuste, quia propter falsitatem accusationum & corruptum iudicium indigni erant audire. Secundò misericorditer, ne scilicet ex responsione sua peiores fierent, si sibi non crederent, vel non obedi-



bedirent. Tertiò dispensativè, ne si se excusaret dimitteretur: & erueis utilitas, scilicet nostra salus & redemptio differretur. Quarto exemplariter, ut daret nobis patientiæ exemplum, & impleret illud de se scriptum: *sicut agnus Esa. 53. coram tendente se abmutescit, & non aperiet os suum.* Igitur, ut dicit Anselmus: Uide attentè quomodo stat ante præsidem inclinato capite, demissis oculis, *Ansel. in vultu placido, sermone raro, paratus ad opprobria, promptus ad verbera: speculo.* quandoque Dominus respondet, quandoq; non respondet. Ubi respondet, quasi pastor bonus docet, & pro creditis sibi ovibus contra luporum latro-numq; insidias pugnat: ubi verò non respondet, quasi agnus pro toto grege immolandus flet, & patientiam præstat: & utinam modò innotesceret quan-do quasi agnus, & quando quasi pastor quivis esse deberet: ut sciret quan-do tacere & respondere haberet. Quamvis ergo quibuscumque interrogatio-nibus sapere responderit, quando tamen respondere noluit, non sicut reus & malè sibi conscius, qui de peccatis convincebatur suis, sed sicut innocens & mansuetus, qui pro peccatis immolabatur alienis. Et ideo similitudo de agno data est, ut in suo silentio non reus, sed innocens haberetur. *Per di Liberandū* om autem festum paschæ consueverat præses unum vincitum dimittere populo, id est ad malefactoris petitionem populi, quem volebant sine meritorum discretionem, in memoriam institutionis liberationis filiorum Israel de Aegyptiaca servitute: cuius beneficii memo-ria in solennitate paschali fiebat, quòd ea die de servitute Pharaonis egressi erant: in alijs autem festis non sic fiebat. Quia enim in nocte paschæ An-gelus Domini salvavit Hebræos, & percussit primogenita Aegyptiorum: ideo ad hoc repræsentandū, & in memoriam hujus beneficii, in hac solennitate salvabant unum morti propinquum, & aliquos interficiebant de vincitis qui custodiebantur ad occidendū. Uel hoc faciebant in memoriam transitus maris rubri, in quo filii Israel fuerunt liberati, & Aegyptij submersi. Et istam consuetudinem Ejs conservari impetraverant ab Imperatore Romano-rum, sicut fuerat observata antequam Judæa esset Romanis subjecta: si ad-huc singulis annis aliquem occidunt Deus scit, & Ipsi sciunt. Pilatus ergo sciens eos cupidos de observanda illa consuetudine, & ex altera parte quòd Barrabas esset pessimus, & populo odiosus, proposuit Ejs sub distinctione o-p-tionem dicens, quòd ad honorem festi liberaret Ejs Barrabam vel Iesum, & nullum alium. per hoc subtiliter credens liberare Iesum de consensu eo-rum, quia non credebatur aliquò modò quòd peterent liberationem Barrabæ qui erat homicida & seditiosus, ac pessimus & insignis, non nobilitate ge-neris, sed ex famositate sui criminis: quia erat latro publicus, & in malitia vulgatus & famosus, & ideo credebatur meritò Iesum esse præligendum, sciens Eum innocentem & per invidiam traditum: quia publicè arguebat vi-tia eorum. Magnam (ut dictum est) diligentiam Pilatus ostendit, ut Chri-stum liberaret. Primò per innocentiam, quia manus Herodis evaserat. Se-cundò, per consuetudinem, quia Eum præligendum credebatur, in quo da-tum est exemplum laborandi ad liberationem innocentem. Unde Chry-Chryso-st. Et intueri sapienter: non enim dixit quia peccavit & dignus est mor-hom. 39. te, donari Eum ex festo, sed primò Eum excusans & eruens à causa omni, in Ioh. 8. tamen rogat ex superabundanti, ut si nollent innoxium dimittere, saltem ut obnoxium donarent festo vel tempori. Tunc misit ad Pilatum pro tribunali sedentem uxorem suam, nomine Procula dicens, nihil tibi & iusto illi, sit causæ vel contra iustum illum: quasi diceret nihil habeas causæ: nec intromittas te ad interficiendum hominem illum, quia iustus est: multa enim passa sum hodie per visum & in somnijs propter Eum. Uxor itaq; gentilis viri hoc in visionibus & somnijs intellexit, quòd Judæi vigilantes nec credere, nec intelligere vo-luerunt. Diabolus quippe apparuerat Ei, movens eam terroribus, ad libe-rationem Christi: nunc enim demum diabolus intelligens per Christum sua spolia, sive in mundo sive in tartaro se amissurum, pœnituit quòd fecerat com-prehendi Eum: & ideo immisit visiones huic mulieri ut per Eam impedire-tur mors Christi, & sicut prius per mulierem intulerat mundo mortem, ita mo-dò satagit Christum de manibus Judæorum liberare per mulierem, ne per Christi mortem mortis amittat imperium. Iam quidem Dei nutu & virtute



Christum  
agnovit  
diabolus.

August.  
serm. 52.  
de verbis  
Apost.

Chrysost.  
hom. 87.  
in Matt.

Act. 3.

Aug. tra  
cta. 115.  
in Ioann.

Anselm.  
in specu-  
lo, c. 9.

Beda in  
cap. 28.  
Luce.

Prov. 19.

Documenta

impium, &

condemnat

justum: uterque

abominabilis

est apud Deum.

Ex isto arti-

culo trahuntur

duo documenta.

Primum est,

quod nos aquanimiter to-

leremus, si aliquando praeferantur nobis personae infimiores & humilioris

conditionis, quia latro Christo fuit praelatus.

poterat mysterium Crucis cognoscere, & ideo laborabat ne Christus moreretur. Fortè ià sancti in inferno gaudebant, unde hoc noverat nā ut ait Augu. anima Lazari revocata ad superos, animæ in inferno cognoverūt Dominū de proximo descensurū ad inferos: unde extunc latabantur: & maximè diabolus hoc cognovit, cum Dominus clamore valido animam exhalavit. Uel etiam per scripturarū impletionem hoc perpendit, quia in Domino eas impleri vidit: quod ergo uxor Pilati & Ipse Pilatus fecerunt tantum pro liberatione Christi, totum putatur fuisse ex instinctu diaboli: qui per Pilatum & Ejus uxorem nitebatur impedire nostram redemptionem, sicut olim per Adam & Evam fecit nostram damnationem. Pilatus ergo quærebat ab eis, quem vellent propter honorem Festi sibi dimitti de duobus prædictis: & quasi exhortativè expressit Christum, quærens si vellent dimitti Regem Judæorum. Ipsi verò nimio odio contra Christum moti, & obstinato corde in malitia perdurantes, ne Christus liberaretur præelegerunt & petierunt Barrabam hominem pestiferum dimitti & liberari, Christum verò innocentem tolli de medio & crucifigi. Putabat enim, ut dicit Chrysost. hoc se posse adstruere, quod Iesus deterior esset latrone, & adeo nequam ut neque pro festi prærogativa deberet liberari. In quo facto eorum ostenditur futuræ infidelitatis arcanum, scilicet antichristum Cristo præferendum. Latrones latronem petierunt, & homicidam Authori Vitæ prætulērunt. Quod impropere Ejs beatus Petrus postea dicebat: *Vos sanctum & justum negastis & petistis virum homicidam donari vobis, Authorem vero Vitæ interfecistis.* O quanta infelicitum Judæorum iniquitas & malitia, qui ad procurandū Christi mortem petierunt latronis publici liberationem, contra bonum publicum, & justitiam: mortem vitæ tenebras luci, filium diaboli filio Dei tam stultè quàm impiè præferentes, Unde Augustinus: O cæcitas Judæorum, o furia phreneticorum: *noli dimittere hunc, sed Barrabam:* quid fuit aliud dicere, quàm occidatur ille qui suscitavit mortuos, & dimittatur latro ut iterum occidat vivos; Unde Anselmus: Adhuc autem & animam tuam, in circumciso cani glutendam tradiderunt: vinctum siquidem ante faciem Pilati prædis te perduxerunt, postulantes supplicio crucis interimere qui peccatum non feceras, & virum homicidam donari sibi: agnum lupo, aurum luto postponentes. O indignum & infelix concambium! Unde etiam Beda: Hæret autem Judæis usque hodie sua petitio quàm tanto labore impetraverunt. Quia enim data sibi optione pro Iesu latronem, pro Salvatore interemptorem, pro datore Vitæ elegerunt peremptorem: merito salutem vitamque perdiderunt, & latrocinij se ac seditionibus in tantum submerferunt, ut & patriam regnumque suum quod plus Christo amare perdiderunt, & hætenus eam quam vendidere vel animæ vel corporis libertatem recipere non meruerint: atque ideo Judæi pacem habere non possunt, quia seditiosum principem, id est, diabolum qui usque hodie regnat in eis, magis quàm Dominum eligere malperunt. Hæc Beda. Similiter adhuc hodie aliqui magis nituntur, salvare & etiam promoveri malos homines quàm bonos & in multis electionibus ac provisionibus Iesus, id est, vir bonus ac dignus, & Dei amicus qui se & alios salvare vellet reprobatur, & Barrabas latro insignis, id est, malus ac indignus & Christi hostis, qui se & alios in anima perimit, eligitur. Unde qui in talibus promotionibus faciendo vel consentiendo culpabiles sunt, Ipso suo facto vel consensu edicunt Iudæis: *non hunc, sed Barrabam.* Iesus verò ad omnia tacet patienter canes oblatrantes tolerans, & sua patientia nos armans. Considera hic quantum Christi animum sauciare potuit, quod tam sceleratus & vilis homo præferbatur sibi homini Deo tantum, ut peterent illius vitam, & eius mortem, peccaverunt autem in duobus, scilicet quia reum poterant liberari, & innocentem damnari. Unde in Proverb. *Qui iustificat*



Secundum est, quod caveamus ne & nos Barrabam Christo præferamus. Multi enim adhuc hodie desiderant. Barrabam sibi solvi, & Christum victum esse: quia ut dicit Origenes. Omnes qui Judæis sunt similes, sive in dogmate, sive in vita, Barrabam sibi solvi desiderant, quicumque enim male agit, solutus est in corpore Ejus Barrabas, Christus autem victus, qui autem bonum agit, Christum habet solutum, Barrabam victum: & ideo sicut Judæi postquam pro Christo elegerunt Barrabam latronem, latrocinis & seditionibus sunt subversi, sicut & nunc quicumque anima prælegit Barrabam, illa semper latrocinis diabolicis exterminatur. Ubi enim non est JESUS, ibi lites & prælia sunt: ubi autem est JESUS, ibi sunt omnia bona & pax. Hæc Origenes. Spiritualiter homo victus est per peccatum positus in carcere secundum Corpus, & animam ita quod fiat duos victi, corpus & anima: sed de his unus, scilicet anima poterit liberari, si tamen corpus penitentiae flagellis exponatur: quia sic animam à culpa & à pena liberabit. Si verò corpus liberetur, adhuc manebit victa anima, & suppliciis ac flagellis exponetur æternis: & ideo melius est quod anima liberetur quam corpus: quia si corpus suspenditur in Cruce penitentiae, tunc animam liberabit à morte. Unde Gregorius. Si magnæ mercedis est eripere à morte carnem morituram: quanti meriti est liberare animam in Cælo sine fine vi-  
 turam? Ad conformandum se huic articulo, recogitet homo si ipse unquam Barrabam Christo prælegit, & doleat ac oret dicens: JESU Qui non dedignatus es à Judæis reprobari petentibus sibi Barrabam latronem dimitti, Te verò Authorem vitæ Crucifigi: da mihi Te Creatorem meum semper eligere præ omnibus, & pro nulla recreata Te unquam reprobare. Pilatus autem volens dimittere JESUM, iterum locutus est ad illos, quærens quid faceret de JESU Rege Judæorum, & quid mali fecisset, & asserens quod nullam causam mortis in Eo invenerit, sed quantoplius videbant quod Christum liberare vellet, tantomagis iterum & iterum clamabant, vocibus magnis instabant, postulantes ut crucifigeret Eum: & inavalecebant voces eorum. Mala fuit Barrabæ præelectio, sed peior hæc sententia. Videns autem Pilatus quia nihil proficeret, ad liberationem Christi salvo favore populi, sed magis tumultus & strepitus fieret, populi clamantis ad contrarium per seductionem Sacerdotum, volentium per clamorem & tumultum populi obtinere quod non poterant per rationem habere: & volens populo placere & satisfacere dimisit illis Barrabam, quem petebant, quamvis Christum præferendum non dubitaret. Ecce quod Christus innocens damnatur: & Barrabas latro liberatur. Ita contingit hodie in curiis Principum & Prælatorum: quia innocentes damnantur, & perversi peccatores liberantur, minora puniuntur, sed majora dissimulantur: puniuntur transgressores decretalium & statutorum, & dimittuntur impuniti transgressores Divinorum Mandatorum. Et ut Judæi de morte JESU totum peccatum super se acciperent, & ipse immunis esset à peccato, accepta aqua lavit manus suas coram populo dicens: Innocens ego sum à sanguine, id est: sanguinis effusione, justis hujus: & sicut lavo manus, sic & conscientiam: quia ego volui liberare innocentem, & solum Minister legis sum, vos videritis, quando dicitur, contiget vobis quantum ad supplicium pro culpa quam committis quia vox vestra sanguinem justis fundit, unde penam sentietis. Mos enim erat apud antiquos,

Injuste damnationes  
 justorum in  
 curiis principum sunt.



Lavaderum  
manuum nos.

ut cum quis vellet se ostendere immunem à crimine aliquo, accipit aqua lavaret manus suas coram populo. Lavit ergo manus coram populo: ut quos non poterat movere suasionem, moveret significationem, quâ significabat iniquam mortem Christo inferre, & se innocentem à tanto scelere. Lavit manus suas, imponens peccatum de morte Christi Judæis, ipsi hoc recipientibus, quamvis non esset per hoc secundum veritatem excusatus: quia non lotus fuit aqua suus reatus: mentiebatur ergo dicendo se innocentem, quia, sciebat quod per invidiam Eum tradidissent, & quod justus ac Innocens erat: & ut ipsemet confitebatur, eum liberare poterat. Particeps ergo

Leo Papa sererat criminis: sed Innocentior illis. Unde Leo Papa: Excessit ergo Pilati culpam facinus Judæorum: sed nec ipse evasit reatum qui reliquit proprium iudicium & in crimen transtulit alienum. Huic Pilato similes sunt excusantes se à criminis consensu, cum possint re-

Sanguinis clamare cum effectum. Et responderunt omnes, Sanguis Ejus, id est; cul- fluxu judæi pa & pœna, seu ultio & vindicta effusionis sanguinis Ejus, super nos patiantur. Et super filios nostros. Optimam hereditatem reliquerunt Judæi Fi-

Hieronymus  
in cap. 22.  
Matthæi.

lius suis: perseverat enim usque hodie super Judæos hæc imprecatio pœnæ & criminis, & sanguis Christi non aufertur ab eis: unde in singulis lationibus, ut dicitur fluxu patiantur sanguinis. Percussit enim eos Dominus in posteriora, opprobrium sempiternum dedit illis: suntque vagi & profugi sub servitute: & nisi laverint manus suas per baptismum ab isto sanguine pœnam criminis sustinebunt continere: ut autem dicit Hieronymus. Verbum optimum & salutiferum responderunt Judæi: sed intentione pessima. Optandum est ergo ut sanguis ille veniat super nos, sed in ablutionem: secundum illud Apocalypsis. Lavit nos à peccatis nostris in sanguine suo. Pilatus itaque causam mortis in Eo non inveniens, nitebatur Eum dimittere: non enim in Eo, sed in nobis causa mortis Ejus fuit: passus est pro nobis non pro se, non habens culpam & sustinens pœnam, ut & culpam

Bernardus  
sermone.  
de Passione.

nostram solveret & pœnam. Unde Bernardus. O! Piissime JESU, quid Tibi & morti? nos peccavimus Tu suis, nos debuimus & Tu soluis. Nullam itaque causam mortis in Eo inveniens, dixit illis: Corripiam ergo Eum, scilicet flagellando, ut si quæ in vestris ceremonialibus commisit, vel in aliquo deliquit, pro ipsis correptus emendetur, & sic emendatum & disciplinatum dimittam à morte liberum. Flagris & ludibriis Eum afficiam quantum Ipsi jubetis, dummodo ianoxium sanguinem non sitiatis vel fundatis. Videns enim ex clamore eorum quod nullo modo poterat dimittere JESUM omnino liberum cum pace ipsorum, & ex altera parte durum sibi erat interficere Innocentem: ideo ad satisfaciendum eis Christum flagellari & illudi, ut videntes Eum, pœnis ejus & opprobriis crudelitas eorum satiaretur, ac mitigaretur, & sic sufficere sibi æstimantes

Augustinus  
Tract. 116.  
in Joann.

ultra lævire desisterent, & mortem Ejus non sitirent. Unde Augustinus. Non persequendo Dominum flagellavit, sed illorum furori satisfacere volens: ut vel sic jam mitescerent, & silerent, & desinerent vel le occidere Eum quem flagellatum viderent. Hæc Augustinus. Unde etiam propter hoc cohortem suam ei illudere permisit, aut forte iussit, ut eorum iram molliret & à morte Ejus desisterent. Naturale enim est ut ira quiescat, sic eum contra quem irascitur humiliatum & punitum videat. Quod quidem verum est in ira quæ cum mensura querit proximi documentum, sed non in odio quod tota-



totaliter quærit ejus qui odio habet exitium. Isti autem ex odio movebantur contra Christum: & ideo flagellatio Ejus non sufficiebat nisi viderent & Ejus interitum. O! Pilate, Pilate, tu vis Dominum castigare. Nescis quid agis: quia nec flagella meretur, sicut nec penam mortis. Rectius ageres si te ad tuum nutum corrigeres: unde intentio non excusat Pilatum in toto, quia nullum per se malum potest propter bonam intentionem effici totaliter bonum: nec facienda sunt mala ut eveniant bona: affligere autem innocentem, & præcipue DEI Filium, est maxime malum, & ideo nulla intentione est excusabile: & cum judex esset, non debebat Ei quem Innocentem sciebat etiam minimam inferre penam. Ob hoc etiam secundum Hieronymum. Eum flagellari voluit, ut Romanis legibus serviret, quibus sancitum erat ut crucifigendus flagellaretur prius, fortè ad extorquendum ab Eo socios sceleris, & sic Christus, si crucifigi deberet: jam flagellatus esset. Ipse quoque Dominus flagellari voluit. ut, quia scriptum est, *Multa flagella peccatoris, nobis parceretur: & nos suo flagello à perpetuis flagellis liberaremur: sicut pia Mater quando videt Patrem velle flagellare aliquem de Filiis suis: extensis occurrit brachiis, & eum protegit, exponens se pro eo flagellis: homo enim DEUM offenderat, & ideo disciplinari debebat: Christus ergo disciplinari voluit & sic DEUM placuit: & ideo dicitur, disciplina pacis nostræ super Eum.* Et si tam graviter flagellatus est innocens pro peccatis alienis: quàm graviter puras noxios, nisi se correxerint, flagellandos pro peccatis propriis? Cum ergo Dominus flagellari jubetur, spoliatur per milites, apparitores præsidis & vestibibus quibus indutus erat exuitur, & coram omnibus denudatur. Est autem intelligendum, quod sicut remissus fuerat ab Herode cum alba veste, sic remansit in eadem veste usque ad horam flagellationis, & tunc exuerunt Eum hac veste & suis. Ex hoc articulo exutionis vestium, habemus duo documenta. Primum est, ut caveamus nos à nuditate tam corporali, quàm Spirituali: ne fortè unquam nudi appareamus coram DEO & Angelis, & hominibus: nam & si homo interdum non videatur ab hominibus: erubescat tamen nuditatem suam coram DEO & Angelis: unde primi Parentes erubuerunt à facie DEI, qui ubique apud nos est cum Angelis suis. De nuditate verò Spirituali est illud Apostoli: *Si tamen vestiti, non nudi inveniamur.* Idem est illud Apocalypsis: *Vestimentis albis induaris, ne appareat confusio nuditatis.* Cor. 5. mea. Ubi per vestimenta alba intelligitur candor Sanctæ conversationis: quæ instar vestimenti multis debet esse contexta pilis: his vestimentis semper induta debet esse anima fidelis, ne confusio nuditatis Ejus à virtutibus appareat coram DEO, & Angelis, & hominibus. Secundum documentum est, quod sicut exutus fuit vestimentis suis: sic & nos exuamus veterem tunicam, & nudemus conscientias nostras coram DEO, per nudam & puram Confessionem peccatorum: deponentes omne pallium exultationis: quia nuda & aperta sunt omnia oculis Ejus. Ad conformandum se huic articulo, recogitet homo quomodo miserabiliter, & cum quanta injuria & verecundia Christus fuit exutus vestibus suis, & denudatus pro nobis, ut noster vestiret virtutibus: & oret hoc modo: JESU Qui vestimentis Tuis exui & ad flagella nudari voluisti: da mihi nuda peccatorum meorum Confessione veterem hominem cum actibus suis exuere, & in conspectu Tuo nudum à virtutibus me nequaquam apparere.



**Contēplatio** rere. Deinde Dominus ad columnam dirissimè ligatus, Ille Qui sol-  
vere compeditos solet: & plena Deo membra verberibus subdens  
immanissimè flagellatur, & undique flagellis atteritur, verberibus cru-  
ciatur. Stat nudus coram omnibus amantissimus juvenis, elegans

**Plalm. 44.** & verecundus, & silet ad omnia quasi Agnus, *speciosus formā prae*  
*Filiis hominum* fulcipit dura, aspera, & dolorosa flagella spurcissimò-  
rum. Caro illa innocentissima & tenerrima, mundissima & pulcher-  
rima: flos omnis carnis & totius humanæ naturæ, repletur plagis,  
livoribus & fracturis: vulneratur per totum corpus illud Sanctissi-  
mum, à planta pedis usq; ad verticem Ejus non remanet sanæ par-  
tis vestigium, & totum fit rubrum vestimentum suum. Fluit un-  
diq; regius & pretiosissimus sanguis de omnibus partibus corporis,  
& Ejus corpus cādidissimū cruore Ejus roseo rubricatur per totū. Su-  
peradditur, reiteratur & spissatur plaga super plagā, livor super livorē,  
fractura super fracturam, sanguis super sanguinem, quousq; tā torto-  
ribus quā in inspectoribus fatigatis solvi jubetur à columna, cui fuit al-  
ligatus. Cujus columnæ aliqua pars ostenditur Romæ in Ecclesia Sā-

**Columna**  
**pars Roma.** & Praxedis: major autem pars fertur esse in Ecclesia montis Sion, in  
loco ubi pronuntiatur Evangelium: quæ secundum Bedam, Domi-  
nici cruoris usq; hodie cernentibus vestigia certa demonstrat. Quot  
autē & quātæ plagæ vel vulnera in hac flagellatione sibi infligebātur,  
pro certo sciri non possunt, nisi per revelationem ut supra dictum  
est: sed oportuit ea esse quasi innumerabilia. Si enim, ut dicitur  
**Deuter. 25.** in Deuteronomio: *Pro mensura peccati erit plagarum modus.* Chri-  
stus autem flagellabatur pro peccatis nostris, quæ utiq; sunt innu-  
merabilia: quare & plagæ innumerabiles. Et hoc est quod dicitur

**Esāia 1.** in Esāia: *A planta pedis usque ad verticem, non est in Eo, sanitas.* Tunc  
impletum est quod ibidem dicitur: *Non est Ei species neq; decor: & vi-*  
*demus Eum, & non erat aspectus: & quasi absconditus vultus Ejus & de-*  
*spectus, & reputavimus Eum quasi leprosum, percussum à DEO & humi-*

**Augustinus** *liatum.* Unde Augustinus. De vultu illius pulchritudo effluxerat  
**Tract. 116.** omnis, & Qui erat præ filiis hominum speciosus, videbatur omni-  
**in Joann.** um indecorus, quia iniquorum livor Sacrum Illius vultum fædave-  
**Contēplatio** rat verberibus Considera Eum hīc diligenter per longam moram &

spaciōsè, & si hīc, Ei non compateris, cor lapideum reputa Te habere.  
Et tunc exclamabis: O bone Domine JESU, qvomodo Tu denuda-  
ris Qui nudos vestis? qvomodo Tu ligaris, qvi compeditos solvis: &  
ligatos à dæmonibus & ab infirmitatibus detentos liberas? qvomodo  
Tu flagellaris qui nos à flagellis eruis? quis fuit ille tam audax, qui Te  
spoliavit? quis tam temerarius, qui ad columnam Te ligavit? quis  
tam sacrilegus qui Te flagellavit? Sed Tu sol justitiæ tuos ra-  
dios subtraxisti, & ideo sunt tenebræ ac tenebrarum potestates: o-  
mnes sunt Te potentiores: nobis debebantur flagella æternæ afflicti-

**Anselmus** onis, Tu flagellari voluisti pro nobis, ut nos misericorditer erue-  
**speculo** *Evāres* ab illis. Unde Anselm. Et quidem non ignorabat impius ille  
**gelici sermo** per invidiam omnia in Te fieri, nec tamen abstinuit temerarias à Te  
**nibus cap. 9.** manus: sed amaritudine replevit animam Tuam sine causa. Illu-  
dendum Te misit Herodi, illudum recepit, nudum in conspectu ir-  
risorum stare Te jussit: nec pepercit amarissimis verberibus virgine-  
am carnem Tuam devellere, plagas plagis, livores livoribus infli-  
gens. Electe puer Domini DEI mei, quid tanta amaritudine, quid tā-  
ta confusione dignū commiseras? Prorsus nihil, ego homo proditus

totius contritionis, totius confusionis tuæ causa extiti: ego Domine



uvam acerbam comedi, & dentes tui obstupuerunt: quia quæ non rapuisti tunc exolvebas. Amortuus & iniquitas nostra sic te fecit imbecillum. Maledicta sit tanta iniquitas, pro qua sic affligeris. In omnibus his non est facta perfidorum Iudæorum impietas, hæc Anselmus. Vide nunc, attende quantæ & qualia ab impio Pilato & suis sine causa Dominus passus est pro te, & exemplo Ejus ad patientiam in laboribus & adversitatibus confortare. Sicut enim Christus verberatur & flagellis nodosis caro illa sanctissima, & membra delicatissima acerrimè dilacerantur, ac corpus Ejus formosum plagis livet, & sanguine undique rubet: sic miles Christi strenuus debet corpus suum per asperitates & duritias debitas castigare, ne inobedienter incipiat recalcitrare. Flagellatio Domini præfigurata fuit per Achior Principem ligatum ad arborem. Achior ligatus fuit ad arborem, per Holofernis satellites, Christus ad columnam, per Pilati milites. Achior propter veritatem quam dixerat, fuit ligatus: Christus propter veritatem quam prædicaverat, fuit flagellatus. Achior ligabant, quia noluit Holoferni loqui placentia: Christus, quia reprehendit Iudæos cum eorum despicentia. Achior ligatus est, quia gloriam Dei magnificabat: Christus flagellatus est, quia nomen Patris sui manifestabat. Flagellatio etiam Christi, in flagellatione Hieremias præfigurata fuit, quem Phasur flagellavit. Solutio autem Dominò à columna, ducunt Eum sic nudum, sic flagellatum, per domum pro pannis suis colligendis, qui sparsim per domum ab expoliatoribus projecti fuerant. Intuere bene Eum sic afflictum, sic trementem propter frigus: quia hyems erat. Attende diligenter, & considera statum Ejus in actibus singulis: ut intimè compararis, ac simul pascaris: averte autem parumper oculos à Divinitate, & Eum purum hominem considera: & videbis juvenem elegantem, nobilissimum, innocentissimum, & amantissimum, totum autem flagellatum, & sanguine livoribusque repletum: pannos suos undique sparsim projectos de terra recolligere, & cum quadam verecundia & rubore nudum coram illis semper Ipsum deridentibus se revestire, ac si foret omnium infimus, à Deo derelictus, & omni auxilio destitutus. Intuere ergo Eum diligenter, ac pietate & compassione movearis. Redeamus postea ad Divinitatem: & considera illam immensam, æternam & incomprehensibilem, & Imperatoriam Maiestatem, Incarnatam, se flectentem, & humiliter ad terram inclinantem, pannos recolligentem, & se cum reverentia, rubore similiter revestientem, ac si esset homo vilissimus, imò quidam servus emptitius, sub illorum dominio constitutus, & ab Ejs pro aliquo excessu correptus & castigatus. Intuere & nunc Eum diligenter, ac humilitatem suam admirare, & pro posse imitare. Secundum eandem etiam considerationem intueri potes Eundem cum post coronationem purpurâ spoliatus se vult revestire. Ex hoc articulo flagellationis, habentur duo documenta. Primum est, quod nos flagella Dei libenter debemus sufferre, ut unusquisque nostrum possit cum Psalmista, dicere: *Quoniam ego in flagella paratus sum.* Et merito, quia si unicus Dei Filius paratus fuit suscipere in se nostra flagella ex obedientia Patris: cur & nos adoptivi non essemus parati sufferre flagella eiusdem Patris, quæ Ipse per se vel per ministros, seu instrumenta sua media nobis misericorditer infligere dignatur ad emendationem nostram. Nam secundum Sapientem, *quem diligit Deus, castigat, flagellat autem omnem filium quem recipit.* Secundum est, quod diligenter caveamus, ne & nos iteratò Christum flagellemus: quod sit quotiescunque moraliter peccamus. Cum enim Christus flagellatus sit pro peccatis nostris, quandocunque peccamus tunc Christo unum ictum flagelli quantum in nobis est incutimus: sicut Apostolus de quibusdam dicit, rursus crucifigentes in semetipsis Filium Dei. Ad conformandum se huic articulo, poterit homo flagellò vel virgâ seipsum cadere, si gratiam habet: vel saltem compatiendo flagellato Christo, mentaliter se flagellet & sic oret: Iesu qui pro nobis flagellari undique voluisti: da mihi flagella tuæ paternæ correptionis libenter suscipere, & de peccatis meis nunquam denuo flagellare. Cum igitur post flagellationem Iesus revestire se vellet, contendunt impiissimi quidam Pilato dicentes: Domine hic se Regem fecit, vestiamus & coronemus eum.

Pppp

more

Flagellati-  
onis figura.  
Judith 6.

Hier. 29.

Contempla-  
tio.

Documenta.

Psal. 37.

Heb. 2.

Apoc. 3.

Flagellan-  
tes iterum  
Christum.



Anselm.  
in specu-  
lo. c. 10.

Chlamys  
coccinea.

Vestitus  
tripliciter  
Christus  
uno die.

Esaia 63

Ibidem.

Documenta.

1. Pet. 4.

Cantic. 7.

Theoph. in

c. 23. Luca.

Coronatio

Christi.

Iunci ma-  
rini.

more Regio. Miseri ad plenum sibi illudere volebant, antequam Eum morti traderent. Unde Anselmus: Novissimè autem Domine Iesu in manus incircuncisorum militum devolutus es, morte turpissima consummandus: parum erat sacrilegis manibùs suis crucifigere te, nisi prius replevisent illusionibùs animam tuam. Et consentiente Pilato, congregaverunt ad hoc universam cohortem in pratorium, ubi sedebat Præses & Senatus, ut omnes interessent tali spectaculo, & ut magis ei illuderent in loco patenti & coram multitudine, & Eum vix revestitum, exuentes vestimentis suis induerunt Eum veste, seu tunica, purpurea, et circumdederunt ei chlamydem coccineam, id est, pallium, five mantellum, non consutum: sed fibulâ infrenatum coccinei coloris, qui est inter rubeum & purpureum, in opprobrium Regij nominis: quod Ipse (ut Judæi asseriebant) indebitè usurpabat: & ad deridendum Eum, sicut Regem falsum, acceperunt purpuram, & chlamydem: non novam, sed veterem, in confusionis augmentum: quia enim Rex dicebatur, induunt Eum vestibus quibus Reges veteres utebantur. Christus illa die fuit indutus triplici veste, scilicet alba, rubea, & coccinea, ad designandum quod qui vult esse de Christi familia, debet portare vestem albam innocentia, rubeam charitatis & obedientia, & coccineam poenitentia: sic ergo nunc purpurâ & chlamyde induerunt Eum: & unus Evangelista exprimit unum, alius aliud: quia si tantum chlamydem ei circumdeditissent, non Eum nudassent: sicut non legitur nudatus ante Herodem, ubi imposuerunt sibi albam vestem. Et bene conveniebat vestis alba & rubra tali corpori, utpote toti sanguine rubricato ex flagellatione: ut impleteretur illud Esaia, *Quare rubrum est indumentum tuum, & vestimentum, sicut calcantium in torculari*; & hæc quaestio, secundum Glossam, fuit Angelorum videntium, & mirantium, quod Christi corpus quod de utero virginali tantum candorem habuit, quantum filio non potest facere super terram, intantum fuit sanguine rubricatum. Ad quam quaestionem ipsemet ibidem respondit dicens: *Torcular calcavi solus*, quasi diceret, secundum Glossam, Ego solus sustinui pressuram crucis, flagellorum, & omnium tormentorum Passiones, in quibus quasi prælo pressus sum, sanguine proprio per totum corpus meum pro salute mundi aspersus. In purpureo ergo vestimento caro Ejus passionibus objecta significatur. Per hoc etiam significatur passio martyrum, quâ totum corpus Christi, id est, Ecclesia rubricatur, & sic etiam purpura vestitur, cum de triumphis Sanctorum Martyrum gloriatur. Ex hoc articulo trahuntur duo documenta. Primum est, quod nos peccata nostra operire debemus operibùs charitatis, ut sicut Christus nostrorum peccatorum flagellis cruentatus purpura cooperiri voluit: sic & nos opera nostra cruenta, id est peccata nostra cooperiamus purpura vernantis charitatis: quia, ut ait Petrus, *charitas operit multitudinem peccatorum*. Uel etiam per purpuram significatur memoria Dominicae Passionis. Unde in Canticis, *coma capitis sponsa*, id est, animæ fidelis dicuntur esse sicut purpura Regis, quia cogitationes mentis nostræ, quæ per comas capitis intelliguntur, versari debent assidue circa passionem Redemptoris, vel etiam circa opera charitatis. Secundum documentum est, quod per hoc quod Dominus noster veste regali indui voluit, secundum Theophilum, docemur quod & nos habitu mentis veste regia induamur, & c. 23. Luca. simus vere reges calcantes super serpentes & scorpiones, id est, omnia vitia suppeditantes. Unde dicimur Christiani, id est uncti quasi Reges. Ad conformandum se isti articulo & septem sequentibus illusionum articulis, recogitet homo factum cujuslibet articuli cum aggravationibus suis: & oret sicut in quolibet articulo devotio ministrabit: Iesu qui veste purpurea illuforiè indui voluisti: da mihi jugem tuæ passionis memoriam induere, & peccata mea charitatis purpurâ operire. Pro diademate autem seu corona regali, *placantes*, complicando seu plicantes, id est, componentes connectendo coronam, id est, sertum ad modum coronæ capitis *de spinis*, hoc est de iuncis spinosis & aculeatis, valde acutos angulos habentibus, imposuerunt capiti Ejus reverendissimo & tenerrimo, aculeis ad caput versis, ut poena punitionis cumlaretur probro irrisionis, qui attentius considerasse se dicunt, spinas illas jun-cos fuisse marinos asserunt: quorum acies non minus dura & acuta, aspera & pun-



pangitiva ac penetrativa spinis esse dicitur, intantum ut etiam homines calcanti deluper calcantes inde vulnerentur. Unde Poëta.

*Et acuta cuspide iunci.*

Suavissimum mihi cervical sit illa spinea corona Domine capitis tui, super quam dulciter caput meum requiescat. Ex hoc articulo tria habentur documenta. Unum, quod nos peccata nostra per recordationem semper in mente portemus, sicut Christus spinas peccatorum nostrorum in suo capite portavit: quia secundum Bedam. In corona spinea quam portabat nostrorum susceptio peccatorum ostenditur: quorum spinas removit, per spinas quas portavit. De his spinis dictum erat primo homini: *Terra spinas & tribulos germinabit tibi*, quia terra nostri corporis peccata germinat, quæ suis aculeis conscientiam nostram sicut spinæ pungunt: Has ergo spinas Christus suscepit portandas pro corona victoria. Solent enim victores arma devictorum hostium pro signo victorialis gestare, & de his gloriari. Arma diaboli sunt peccata nostra, quibus armatur contra nos: quæ Dominus in passionem suam abstulit: Ipse enim est agnus qui abstulit peccata mundi. Idcirco In ista corona videre Regem nostrum desiderabile est omni animæ amanti. Unde ad hoc sponsa in Canticis, omnes fideles animas evocat dicens: *Egre- dimini filia Sion, & videte Regem Salomonem in diadmate quod coronavit Mater sua*, scilicet synagoga ad literam: vel mater sua, sua, id est, charitas quantum ad tropum præsentem. Aliud documentum est, secundum Theophilum, ut & nos sumamus coronam spineam, id est, festinemus coronari vitæ arctâ, abstinentiis & puritare conscientia: hæ enim sunt quædam spinæ propter austeritatem quam habent. Tertium documentum est, ut & nos conemur coronari spinis tentationum. Qualibet enim tentatio nos impugnans, est quasi quædam spina caput mentis nostræ pungens, quam dum homo superat, spina illa cedit sibi ad coronam. Unde quot spinas tentationum homo in hac vita sustinet & superat, tot gemmas pretiosas ad coronam suam comparat. Iesu qui spinis coronari voluisti: fac me penitentia spinis sic dignè compungi ut à te merear in cœlestibus coronari. Pro sceptro quoque regali, *dederunt arundinem in dextera Ejes*, dehonestantes arundine dexteram quæ Cælum regit & terram, & per hoc signantes regnum quod sibi usurpavit, dicendo se Regem, admodum arundinis esse vacuum & infirmum, ac Ipsum regno vacuum: non attendentes, quod Ipse dixerat regnum suum non esse de hoc mundo, sed in alio mundo, scilicet æternitatis, ubi regnum est firmissimum. Ex hoc articulo trahitur documentum, quod nos attendere debemus, nos ex nobis esse infirmos & fragiles, ac omni bono vacuos, nisi dextera Dei nos manu teneat: sicut arundo in se habet vacuitatem & imbecillitatem, sed manu Christi apprehensa firmatur. Ut dicit Hilarius: Idcirco ergo Dominus noster arundinem in dextra tenere voluit, ut per hoc ostenderet se nos fragiles vacuos & infirmos manutenere, & omnibus bonis implere. Item arundo, sive calamus, est instrumentum scribendi: & idcirco secundum Hieronymum, Christus calamum in manu tenere voluit: ut sacrilegium Judæorum scriberet, & ostenderet se illum esse, qui electos suos scriberet in libro vitæ. Iesu qui arundinem pro sceptro in dextera tibi dari voluisti, imbecillitatem quæso meam dextræ tuæ potentia sic sustentare digneris, quatenus in me regnum tuum jugiter conformetur. Sic ergo tria instrumenta illusionis introducuntur, scilicet vestis purpurea & coccinea, corona spinea, arundo vacua. Vestis corpori, corona capiti, arundo pro sceptro manui imponitur. Ad literam hæc sunt tria regalia insignia contumeliosè & in derisionem sibi impensa, ut reus ostendatur læsæ Maiestatis, eo quod regnum vellet sibi usurpare, nec posset obtinere. Moraliter sicut Christus illus fuit tripliciter: sic tripliciter anima frequenter illuditur & per peccatum capitur. Primò, in ostentatione humanæ potentia, quæ significatur per vestem purpuream & coccineam: quæ est vestis Regum & Potentum. Secundò, in cupiditate affluentis opulentia: quæ notatur per coronam spineam, divitiæ enim spinis & curis sunt plenæ. Tertio, in vanitate mundanæ sapientia: quæ significatur

Ppppp 2

per

Documenta.

Beda in cap. 19. Ioan.

Gen. 3.

Corona spinea causa.

Cantic. 3.

Hilarius

in c. 17.

Matth.

Moraliter.

Illusio triplex anima.



*Obedientia  
Christi.*

*Ioan. 23*

*Beda in cap.  
15. Marci.*

*Chrysost.*

*hom. 83.*

*in Ioan.*

*August.*

*tract. 116.*

*in Ioann.*

*Alt. 23.*

*Theophi.*

*inc. 15.*

*Marci.*

per arundinem, quæ pulchra, sed ventô plena & vacua est, mundana enim sapientia in qua confidunt homines, & quâ quis non ad Dei laudem, sed ad gloriam suam utitur, est quasi baculus arundineus & confractus. Ude hic quomodo Christus in omnibus non tantum Patri, sed suis etiam illudoribus obedit. Purpuram fuscipit, caput coronæ parat, arundinem manu tollit. Sicut ergo Christus Rex gloriæ spineâ coronâ coronatur, purpura ac sceptro subsannatoriè deluditur: sic etiam cum seruus Christi in hoc mundo vilipenditur, & velut omni honore indignus abiicitur, & à præsumptuosis despiciatur, & illusionibus molestat, cogitet quod seruus non est major Dominò suo, nen pro malo haberet si patiat,ur similia Regi Summo. Deinde cum signa regalia ei adhibuissent, flectebant genua coram Eo: ac derisorie Eum ut Deum adorantes, & ut Regem salutantes, illudebant ei, tanquam regnare volenti & non valenti: ac irridentes, dicebant ei, *Ave Rex Judæorum*, quasi dicerent, Uoluisti regnare, sed non potuisti. Regem Judæorum Eum vocantes, verum dicunt, etiam nolentes & irridentes. Et sic, secundum Bedam adorabant Eum, quasi qui Deum seipsum falsò dixisset, & salutabant Eum, tanquam qui seipsum falsò Regem fecisset. Quod fecerunt, ut eorum illusio responderet Judæorum accusationi, quia de utroque accusabatur à Judæis: detestabilis mentis affectu hæc faciunt, quia compungentes coronat, ac illudentes adorant & salutant. Et licet Gentiles hoc facerent, tamen Judæi hoc Inunt, qui tanti criminis authores erant, & ideo in parasceve cum pro perfidis Judæis oratur, genua non flectimus, cum fortè Judæi hoc agebant cum gentilibus. Ubi Chrysostomus dicit, quod milites pecuniâ corrupti hoc ad gratiam Judaicam faciebant. Augustinus autem dicit hoc esse factum mandato vel permissione Præsidis, ut scilicet magis Judæorum odia faturarentur, & facilius Eum eriperet. Ex hoc articulo habetur documentum, quod nos caveamus ne Christum falsò adoremus, vel salutemus. Mysticè falsò Christum adorant & salutant, qui in Eum credunt, sed perueris actibus despiciunt: ore Eum consentunt, sed factis negant. Item falsò adorant vel salutant, qui inter orandum aliquid quod est contra Divinum honorem mente pertractant. Item qui in Ecclesijs signa devotionis ostendunt, & postea iniurias Christo graves in membris suis faciunt. Item falsò Christum adorant & salutant omnes pseudochristiani. Iesu qui irrisorie adorari & salutari voluisti: da mihi te Deum meum verum adorare in spiritu & veritate, & te solùm verum Regem venerabiliter salutare. Et ut illuderent factis, sicut illuserant signis & verbis, dabant ei alapas, in augmentum illusionis, & hoc ideo, ut Ipso opere ostenderent illusorium esse quod ei talem honorem exhibebant. In hoc enim illusionem suam magis despectivam fecerunt, quod velut adorantes Deum, & salutantes Regem, Eum alapizaverunt. Et differt illa alapizatio ab illa quæ in domo Annæ fuit facta, quia ibi una alapa ab uno ministrorum, hic autem plures alapa à diversis dabantur, & illa dabatur causa ultionis, ista causa illusionis. Documenta autem possunt hic accipi ibi. Iesu qui alapis cædi voluisti fac me ore & vitâ tibi semper plaudere, & aliorum opera licet mala sint, mihi in bonum cooperari concede. Et expectant infaciem Ejus, sicut personæ viles & contemptibiles. O quàm vilis actus militum. Ex hoc apparet quod isti dicuntur milites, non secundum nomen militiæ præsentis temporis, quod generosi & nobiles qui equites nominantur de calcaribus deauratis: tales enim nobiles personæ non illuderent, non conspuerent, nec crucifigerent, nec vestes crucifixi sibi dividerent quod ad carnifices potius pertinet. Sed dicuntur milites, secundum antiquam consuetudinem, stipendiarij & servientes pedites. Sicut patet in gestis Iulij Cæsaris. Ubi milites ab equitibus distinguuntur. Et in actibus Apostolorum. Ubi dicitur: Quod Paulus cum militibus ducentis, & equitibus septuaginta de Hierusalem missus est Cæsaream. Ergo milites in hoc loco intelligimus viles stipendiarios carnifices, quales nullam perhorrescunt insolentiam: qui dicti sunt milites, non à nobilitate, sed à fortitudine: erant enim robusti corpore, & ad omne malum expositi, ut dicit Chrysostomus: de quibus dicit Theophilus, quod in istis illusionibus militaris vana gloria semper inordinatis gaudens opprobrijs sibi pro-



propria ostendebat. Documenta hic possunt sumi sicut supra de conspuitione in domo Caiphæ facta. Iesu qui in deliciosissimam faciem Tuam conspui voluisti: da mihi faciem tuam in Sacramenti Eucharistiæ sumptione indigna non polluere, & conscientiam meam immundis cogitationibus non fœdare. Et accipiebant arundinem de manu Ejus: & percutiebant sacrum caput Ipsius, & ratione doloris infligendi, ut aculei spinarum fortius infingerentur capiti: & ratione contemptus: in signum vacuitatis & nihili: non enim tantum causa lædendi Eum per puncturas spinarum & per ictus baculi, quantum causâ illudendi & vilificandi hoc fecerunt: nam viles personæ baculis sicut bestia percuti consueverunt: quasi dicerent ad Eum, o tu homo vilis! ut quid te Regem facis; In hoc fiebat ei sicut furi qui fune capiti circumposito torquetur, ut recognoscat mala quæ fecit: & sicut funis constringitur, ut se amplius profundet vel gravius torqueat, sic & Iesum coronatum arundine percutiebant. Percutiebant arundine caput pavendum, demonibus tremendum, ac reverendum cunctis cœlorum virtutibus, & venerandum Sanctis omnibus, caput benedictum in sæcula: à quò omnis benedictio non solum in barbam, verum etiam in oram vestimenti totius Ecclesiæ manat, O miseri, quòmodo vobis adhuc tremendum apparebit caput illud, quod nunc sic percutere non formidatis; Et tunc sanguis per aculeos coronæ de capite extractus, & largiter fluens, tinxit caput & genas Ejus, ita ut appareret quasi leprosus: quia sanguis & sputa apposta faciebat Eum leproso similem. Tinxit ergo sanguis totum caput Ejus: sicut cruor flagellis extractus, & sudor sanguineus tinxit omnes alias partes corporis, ut non tantum manus & pedes & latus dicamus sanguine respersa: sed tota veste tineta Christum ascendisse de Bozra. Cerne igitur Eum cum cor-  
<sup>Contem-</sup>  
dis amaritudine in singulis suis afflictionibus, quia omnia sustinet quæ Ipsius  
<sup>platio</sup>  
volunt quasi eorum servus, & ad omnia tacet quasi mutus. Et maxime cerne Eum cum caput Ejus spinis plenum: arundine graviter & sæpe percutitur, quomodo depresso collo patienter, cum dolore tamen magno, acerbos ictus suscipit & patitur. Perforabant namq; caput Sacratissimum acerbissimæ illæ spinæ, ac totum madefaciebant sanguine. Ex isto articulo trahitur documentum,  
<sup>Documen-</sup>  
quòd caveamus ne & nos caput Christi cum arundine percutiamus. Caput qui-  
<sup>tum</sup>  
dem Christi percutiunt, qui Divinitatem Ejus impugnant: & Eum Deum esse verum denegant: nam Secundum Apostolum, *Caput Christi est Deus*, Divinitas creans, est caput creaturæ assumptæ. Arundo autem vel calamus, significat scripturam divinam, calamo Spiritus Sancti scriptam. De qua in Psalmo dicitur: *Lingua mea calamus scribe*. Calamo igitur (ut dicit Beda) caput Christi  
<sup>Psal. 44</sup>  
percutiunt, qui Divinitatis Ejus contradicentes, errorem suum autoritate sa-  
<sup>Beda in</sup>  
cræ Scripturæ, quæ calamo scribitur confirmare conantur. Quales sunt, qui  
<sup>caput. 15.</sup>  
Eum purum hominem fuisse dicunt. Item arundine caput Christi percutiunt,  
<sup>Marci.</sup>  
quando propter aurum mundani favoris, quæ per arundinem significatur, Deus offenditur. Item caput Christi calamo percutiunt, qui ex Scriptura Divinitatem, plusquam oportet investigare satagunt: unde & interdum sangvinem erroris eliciunt. Item cum arundine Christum in capite percutiunt, qui  
<sup>Ocij defe-</sup>  
per vacuam, id est ociosam vitam Christum: offendunt: qui est caput nostrum à quo  
<sup>inflatio.</sup>  
omnes sensus nostros, vitales operationes derivant, qui & operum nostrorum exempla nobis præbuit. Unde in quolibet otio, cum adest nobis oportunitas boni faciendi, homo otiosus Christum quasi in capite percuit: ita ut ex tali percussione & spinarum punctione sanguis de capite Christi emungatur, hoc est, quia Christus dolet & pungitur usq; ad sanguinem de otio nostro: quia videt quòd exempla sua non fructificant in nobis. Iesu qui nobile caput tuum arundine preuti voluisti: da mihi Te caput nostrum per inanem vitam non offendere, sed Tibi placitis moribus deservire. Coronatio & illusio Christi, ac Ejus patientia præfigurata fuit in  
<sup>Coronati-</sup>  
Rege David, quando ab inimico Semei, tanta mala patienter toleravit. Semei  
<sup>onis & il-</sup>  
proiecit super David lapides, lingua, & lutum: sic synagoga iniecit in Christum  
<sup>lusionis</sup>  
palmas, spinas, & sputum. Semei David virum sanguinem, & virum Belial volu-  
<sup>figura,</sup>  
avit: synagoga Christum seductorem, & maleficum appellavit. Sed Aysai cum voluisset Semei occidere, David prohibuit: & Angeli occidissent derisores Christi, sed ipse non permisit, Christum etiam præfiguraverunt nuntii Regis  
<sup>2. Reg. 19</sup>  
David



August.  
tract. 116.  
in Ioan.

Superbia  
execratio

Chrysost.  
hom. 88.  
in Matt.

Corporis  
totius con-  
tumelia.

Anselm. in  
speculo  
evang.  
sermonis.  
cap. 12.  
Mysteria.  
illusionum.

Vestium  
colores.

Cantic. 5

David, quos Amon Rex Amonitarum tam turpiter dehonestavit David misit Amō nuncios ad pacem instaurandam: quorum vestes ipse præscidit usque ad nates, & radi fecit mediam barbam: sic Deus Filium suum ad pacem faciendam in mundum misit, Quem Synagoga nudans vestibūs, barbam Ipsius sputis maculavit. De præmissis Domini contumeliis dicit August: sic enim implebantur quæ de se dixerat Christus: sic Martyres informabantur ad omnia, quæ persecutores libuisse facere perferenda: sic paulisper occultata tremenda Potentia, commendabatur prius imitanda patientia: sic regnum quod de hoc mundo non erat, superbū mundum non atrocitate pugnandi, sed patiendi humilitate vincebat: sic illud granum multiplicandum seminabatur horribili contumelia, ut mirabili pul-lularer in gloria. Hæc August. Væ igitur semel, væ væ bis, & væ iterum his, qui post tam præclarum humilitatis speculum superbiā tolluntur in altum: op-probria refugiant, & ad honores aspirant: rursus contemptui habentes Dei Fi-lium, Quem tantō ab hominibus ampliū omni constat honorificentia dignum, quantō pro hominibus indigniora sustinuit. Unde Chrysostomus. Tot autem & talibus factis Ipse instabat silens: tu verō audiens hæc in men-te habe continuē, & Regem orbis terrarum & Angelorum Dominum videns contumeliam patientem, & omnia ferentem silentio imitare. Et iterum: Quæ igitur erit nobis cura de cætero, si contumelias ab aliquo patiamur: post-quām hæc Christus passus est; Etenim quod fiebat in Christo, ultimus con-tumeliæ terminus erat: nec una particula tantum, sed universum corpus pa-tiebatur iniurias: Caput per coronam, & arundinem, & colaphos: Facies, quia conspuebatur: genæ, quia alapis cadebantur: corpus totum, per flagella: & quia denudatum est, & per circumdationem chlamydis, & per fictam adora-tionem, manus, per arundinem quam dederunt Ei pro scepro: ac si timerent ne prætermitterent aliquid gravissimæ præsumptionis. Unde Anselmus: Regali purpura induitur: sed plus in ea despicitur, quā honoratur. Sce-ptum in manu gestat: sed eō Ipso reverendum Caput Ejus feritur. Adorant coram Ipso positis genibus in terra, & Regem conclamant, & continuo ad conspuendum amabiles Ejus genas subiliunt: maxillas palmis concutunt, & honorabile collum exhonorant. Hæc Anselmus. Omnes verō istæ illusio-nes militum & contumeliæ Judæorum Christo illatæ nobis tribuunt mysteria: licet alia intentione ab Eis sint facta, prout sapius tactum est suprā. Hæc autem secundum Ioannem ante sententiam Pilati facta sunt: sed Matthæus & Marcus, post sententiam ea quæ omiserant recordando ponunt: sic ergo (ut dictum est) martyres informabantur ad perferenda omnia, quæ a perse-cutoribus inferebantur. Quod enim in veste duplici, scilicet alba & ru-bea Christus illusus esse perhibetur: in uno puritas suæ humanitatis: in al-tero veritas passionis exprimitur. Hoc etiam significat duplex martyrij ge-nus, quo in Passionibus Ecclesia adornatur, ut sit candida virginitate, & ru-bicunda sanguine. Et Ipsa Ecclesia varijs membrorum suorum flosculis ver-nans in pace lilia gignit, in bello rosas. Unde dicit admirando: *Dilectus meus candidus & rubicundus*, candidus, scilicet actione, & in pace lilium virgi-num, ac rubicundus sanguine, & in bello rosa martyrū. In utroque er-go habitu Domini, potest omnis multitudo electorum intelligi: alba enim veste induuntur Virgines & Confessores, & rubea Martyres. Unde & Domi-nus alba veste induitur, cum munda iustorum confessione circumdatur: ru-bea vestitur, cum in triumphis victoriosorum martyrum gloriatur. Si au-tem te nudum absque his vestibus inveneris, veste Christi rubea induere, & totus Christi Passionibus adornare, sed nec illis sufficiebat quod ad maiorem illusionem totam cohortem militum congregaverant: sed & Pilato iubente coram Ipso & toto populo Judæorum foris expectante, qui propter festum non introibant in prætorium, adduxerunt foras Iesum sic illusum, & ad de-ri-sionem & confusionem paratum omnibus demonstrandum. *Exivit ergo iterum Pilatus de prætorio foras ad Judæos, & dixit eis. Ecce adduco vobis Eum foras*, postquam diligenter examinavi, & punivi, ad vobis satisfaciendum: *ut cognoscatis quia nullam in Eo causam*, scilicet mortis, invenio, licet afflic-tus & illusus sit, & hoc ad voluntatem vestram innocenti fecisse sufficiat. In eo habi-



habitu illum ostendit, in quo illusum est à ministris: ut saltem sic quiescant videntes Eum plenum opprobriis. *Exiit ergo Iesus ex praecepto Pilati, portans spineam coronam, & purpuream tunicam, & chlamydem coccineam, turpem & veterem ac sceptrum arundineum.* Ecce quàm lamentabile spectaculum. Incedebat quasi in habitu Regali, sed patebat undique despectui. Ecce quomodo Rex & Dux tuus confusione repletur & humiliter sustinet, ut te ab æterna confusione eriperet, & à superbiæ peste sanaret. Hic ergo instrui-  
mur, ut opprobria omnia pro Nomine Iesu Christi sustinere parati simus, & in omnibus humiliari studeamus. Unde Anselmus: Attende anima mea quis *Ansel. in*  
est iste, qui ingreditur habens imaginem quasi Regis, & nihilominus servi-speculo.  
despectissimi confusione repletus est, coronatus incedit, sed Ipse Ejus coronâ cap. 12.  
cruciatu est illi, & mille puncturis speciosum Ejus verticem divulnerat. Hæc Anselmus. Et tunc quasi despectivè loquendo, vel eos ad misericor-  
diam provocando, *dixit Ejs Pilatus, ecce homo: ecce de quali homine creditis quod vellet sibi regnum usurpare: & quasi diceret, & si in aliquo malè egis-*  
*set: tamen ultra condignum punitus est: & ideo sufficere vobis deberet, videte caput Ejus perforatum, totum corpus laceratum, faciem consputam,*  
*& pro Deo compatiimini sibi, quia frater vester est: volebat enim Pilatus ut sensibiliter viderent qualiter fuisset punitus & illusum, ut sic moverentur*  
*ad compassionem, qui animo liberandi Eum fecit hanc ostensionem.* Unde *Chrysost.*  
*Chrysostomus: Propterea coronatum Iesum eduxit ad eos, ut convivium quod hom. 83.*  
à militibus factum erat in Eum, videntes parum respirent à Passione & vo-  
ment venenum. Unde & August. Hinc apparet non ignorante Pilato hæc  
à militibus facta: sive iusserit ea, sive permiserit: illa scilicet causa, ut hæc  
Ejus ludibria inimici libentissimè viderent, & ulterius Ejus sanguinem non  
stirent. Egreditur ad eos Iesus portans spineam coronam, & purpureum  
vestimentum: non clarus imperiò, sed plenus opprobriò: spinis punctus, ip-  
tis illusum, flagellis affligtus. Et dicitur Eis, ecce homo: quasi dicat, si Regi  
invidetis: iam parcite, quia deiectum videtis: flagellatus est, spinis corona-  
tus est, ludibriosa veste amictus est, amaris convitijs illusum est, alapis cæsus  
est, fervet ignominia, frigescat invidia. Sed non frigescit, inardescit potius,  
& increfcit. Hæc August. Ex hoc articulo sumitur documentum, quod nos  
Christum illusum ante mentis nostræ oculos habeamus: & in vestitu & in  
exteriori apparatu non vanè gloriemur: quoniam Dominus noster in vesti-  
tu illusum est. Et maximè in hoc sequi Christum debent Religiosi & Monachi, qui  
Christum illusum repræsentant in habitu, tonsura, & ferulis: habitus enim mona-  
chalis despectibilis est, & quasi illusorius hominibus mundanis: corona autè ca-  
pitis Monachalis, repræsentat coronâ spineâ: baculi seu ferulæ, quos antiquitus  
Monachi portare consueverunt, repræsentant arundinē. Et sicut Christus nō dedi-  
gnabatur habitu illusorio populo Judæorū ostendi: sic non erubescant Monachi  
& alij mundi contemptores, qui secundum Apostolum spectaculum facti sunt  
mundo in habitu contemptibili, & insignijs regalibus illusorijs prædictis Chri-  
stum Regem imitari. Item est hic documentum, quod istam ostentationem  
Christi repræsentat Sacerdos in elevatione Hostiæ: quasi diceret Ipse, *Elevatio*  
*homo.* Quia enim Sacramentum altaris est memoriale dominicæ Passionis & *hostiæ.*  
Christus est passus, secundum humanitatem: secundum Divinitatem verò est  
impassibilis, ideo Sacerdos ostendens ibi Christum, congruentius dicit, ecce  
homo: quàm, ecce Deus: licet Ipse sit & homo & Deus: sed homo patens  
fuit in illa ostensione, & Deus latens. Item est documentum, quod nos de-  
beamus cum eisdem insignijs mysticè acceptis prout dictum est, suis locis  
ante conspectum Christi Regis nostri in iudicio apparere, cum quibus Ipse  
dignatus fuit Judæis ostentari: Iesu qui cum illusionis insignijs Judæis o-  
stentari voluisti: da mihi ostentationem vanæ gloriæ devitare, & cum eisdē  
insignijs mysticis ante conspectum Tuum in extremo iudicio comparere. Sed  
licet Pilatus hæc agat: tamen insatiabilis sacrilegorum furor non cessat, sed  
magis instat. Ecce magna pertinacia Judæorū, in procurando mortem *Pertinacia*  
Christi, nam obstinata nequitia non emollitur misericordiâ. Tunc enim illi *Judæorum.*  
Judæi, filij diaboli, cum vidissent Eum sic punitum & illusum, & cognosce-  
rent



rent quod Pilatus sic volebat dimittere Eum: in nullo compatiens Eum, sic punitionis correptione, & illusionum opprobrio non contenti, nec Pilati ex-  
 culatione placati, clamabant tumultuose: & alios ad clamandum excitabant:  
 dicentes, crucifige, crucifige Eum: quasi dicerent, hæc pœna nullò modò nobis  
 sufficit: sed petimus quod moriatur. Videntes Eum magis commovebantur,  
 quia ex aspectu ejus qui odio habetur magis contra Eum cor odientis in-  
 flammatur. Ingeminant autem crucifige, propter desiderij vehementiam,

**Panam cum sanguine poscunt.** & quia voluntate & opere crucifixerunt Eum. Magna crudelitas: quia non  
 sufficit eis alterum, scilicet vel flagellare, vel occidere, sed utrumque: nec  
 contenti sunt quacunque morte, sed turpissima & durissima: scilicet crucis  
 desiderant occidere. Clavis affigi ad lignum quarunt, ne dolor citius fini-  
 atur: sed morte producta moriatur, & ut in cruce diutius videatur, & mo-  
 dò mortis diffametur. Et secundum Chrysostomum: Formidantes ne aliqua  
 Ejus post ipsum fiat memoria: student & ad supplicium ducere maledictum.

**Chrysost.**  
**hom. 83.**  
**in Ioan.**  
**Rabanus**  
**in c. 27.**  
**Matth.**

Verbum, ut dicit Rabanus, Judæi de morte pessima cogitabant: sed à Domi-  
 no non intelligentibus eis electa erat. Ipsam enim crucem, diabolo supe-  
 ratò erat tanquam trophæum in frontibus fidelium positurus. Cerne etiam  
 nunc quomodo sic contumeliose vestitus & coronatus, & cum sceptro in-  
 cedit, & quomodo facie dimissa stat coram tanta multitudine vociferante &  
 clamante, crucifige crucifige: ac semper Eum deridente, & sibi insultante,  
 quasi sapientiores Eo fuerunt: & sic non solum dolores & pœnas, sed etiam

**Documentum.** contumelias & terrores recipiebat ab Ejs. Ex hoc articulo, qui in clamore con-  
 sistit, trahitur documentum, quod non refert ad culpæ intentionem occidere

**Psal. 56.**

hominem lingvâ vel gladiò. Unde Psalmus. *Lingua eorum gladius acutus:* & lo-  
 quitur ad literam de Judæis clamantibus, crucifige. Super quo August. Noli

**August.**

attendere inermes manus, sed os armatum: inde gladius processit quò Christus  
 occideretur. Caveant ergo sibi detractores, & proximorum infamatores, ne

**trac. 116.**  
**in Ioan.**

exacuant ut gladium lingvas suas: quia sicut gladiò corpus, sic lingvâ fama ho-  
 minis perimitur. Unde dicitur in Proverb. *Mors & vita in manibus lingua.* Itē

**Prov. 18.**

est documentum, quod non semper ad qualibet interrogata est respondendum.  
 Ad conformandum se huic articulo, recogitet homo quàm terribiles fuerunt  
 illi clamores Judæorū: & rememoretur an ipse unquam iniquis hominū Judici-  
 js, aut obloutionibus, seu detractionibus contra proximū per consensum con-  
 clamaverit, vel aliās prout Deus dederit: & sic oret: Iesu qui terribiles Judæorū  
 voces, crucifige crucifige clamantiū, audire minimè expavisti: da mihi inimico-  
 rū tuorū verbis execrabilibus nō terreri, & lingvâ meâ nocuentū, proximo  
 nō inferre. Sed Pilatus videns Christi innocentiam, & Judæorū malitiā, impellen-  
 tiū ad rē illicitā, & recusans crucifigere Iesum, dixit eis: *Accipite Eum vos, &  
 crucifigite:* qui sine causa consuevistis innocentes condemnare: *ego enim non in-  
 venio in eo causam,* scilicet crucifigendi, & dandi talē sententiā. Verū dixit Pila-  
 tus, quia Christus, peccatū non fecit: nec inventus est dolus in ore Ejus. unde be-  
 ne dicit, in eo: quia causa mortis Christi nō fuit in eo, sed in nobis, & ideo di-  
 cit Bernardus: O piissime Iesu, quid tibi & mortis; nos peccavimus, & tu luis:  
 nos debuimus, & tu solvis: ac si diceret Pilatus, Mihi non licet crucifigere inno-  
 centē: vos crucifigite, si vultis. Derisorie & indignanter hoc dixit, quia nō habe-  
 bant potestatem judicandi aliquē ad mortē. Unde, secundū Chrysostomum, quod dixit  
 crucifigite, execrantis fuit hoc verbū, & ad rē nō concessam illis impellentis: vi-  
 dentes autē Judæi quod Pilatus clamoribus eorū nō acquiesceret, inasperunt  
 allegare rationes alias, quas supra allegaverant, & accusabant Eum quia contra  
 legē Dei filiū Dei se fecit & ideo ut blasphemus, secundū legē quā habebant,  
 mori deberet. Erras o Judæa, quia se Deū non fecit: sed Pater Eum genuit Deus  
 Deum: & ergo filiū Dei se dicendo, nō blasphemavit, sed veritatē dixit. Unde  
 August. Ecce altera major est invidia. Parva quippe illa videbatur velut affe-  
 ctata illicito ausu Regiæ potestatis: & tamē neutrum sibi Iesus mendaciter usur-  
 pavit: sed utrumque, scilicet quia erat Rex, & filius Dei, verū est: & Unigenitus  
 est Dei filius, & rex à Deo constitutus super Sion montem Sanctum Ejus: & utrū  
 que nunc demonstraret, nisi quantò erat potentior, tantò mallet, esse patientior.

**2. Pet. 2.**

**Bernard.**  
**sermo. de**  
**passione.**  
**Chrysost.**  
**hom. 83.**  
**in Ioan.**

**August.**  
**trac. 116**  
**in Ioan.**



Hæc Augustinus. Tunc ergo magis Pilatus timuit, ne forte verum  
 esset quod esset DEI Filius, & sic factum enorme fecisset Ipsum pu-  
 niendo & illudendo, & ne videretur iniquè agere occidendo. Illi  
 verò hoc dicentes non horruerunt: sed interficiunt Eum, pro qui-  
 bus oportuerat adorare. Secundum Augustinum: Pilatus non ti- *Idem ibid.*  
 muit legem eorum, ut occideret: quia alienigena erat, & legem non  
 observabat: sed magis timuit, Filium DEI ne occideret. Prius ti-  
 muit occidere Innocentem: nunc magis timet occidere DEI vir-  
 tutem. Et ideo volens de hoc secretius inquirere: non amplius in-  
 terrogavit, quid fecisti: sed ingressus est iterum prætorium cum JESU,  
 ut veritatem magis posset cognoscere extra tumultum Judæorum:  
 & dixit ad Eum unde es Tu? idest; unde duxisti Originem? per hoc  
 quærebat, utrum esset DEUS Originem habens Divinam: vel ho-  
 mo, habens Originem terrenam. JESUS autem non dedit ei re-  
 sponsum: implens illud Propheticum sicut ovis non aperuit os suum: ut *Esaiæ 53.*  
 nobis daret patientiæ exemplum. Quia enim Pilatus altam quæ-  
 sivit quæstionem non audivit responsionem: nam Divina generatio  
 infideli & incredulo explicanda non erat: & quia suam Passionem  
 impedire volebat: cum ad hoc venisset, quod pro nobis pati vel-  
 let. Dixit ergo Pilatus, provocans Eum ad responsum aliquod, per  
 quod illa accusatio excludi posset: Mibi non loqueris? Mirabatur de  
 Ejus taciturnitate, cum esset in puncto liberationis, vel condemna-  
 tionis suæ. Ideo sequitur: Nescis quia potestatem habeo crucifigere Te,  
 & potestatem habeo dimittere Te? quasi diceret, mihi saltem deberes  
 respondere. Tua Pilate voce constringeris: tuâ sententiâ damna-  
 ris. Si enim in te totum est positum, quare Innocentem, in quo  
 nullam causam invenis, non absolvis? pro potestate ergo, non pro  
 aequitate crucifigendum Dominum tradis: per potestatem latronem  
 absolvis, Authorem verò vitæ interficis: & quia gloriatur de sua po-  
 testate, ideo respondit JESUS, ad reprimendum ejus jactantiam &  
 tumorem, dicens: non haberes potestatem adversum me ullam quantulâ *Potestas Pe-*  
 cunq; habes: nisi hoc ipsum quicquid est tibi esset datum & concessum *lati tradit.*  
*desuper*, scilicet à Cæsare, & ulterius permissum à DEO, Qui est po-  
 testas Superior: & à Quo est omnis potestas. Et ex hoc arguit ejus  
 peccatum, quia non acceperat potestatem à Cæsare & à DEO con-  
 demnandi innoxios, sed magis liberandi eos: & quia Pilatus Genti-  
 lis erat: & superioris potestatis timore agebatur: dicit eum minus  
 peccare quàm Judæos, qui legem noverant, & invidia movebantur.  
 Unde Augustinus. Quia plus peccat qui potestati Innocentem oc- *Augustinus*  
 cidendum livore tradit, quàm potestas ipsa si eum timore alteri- *Tract. 116.*  
 us majoris potestatis occidit: nec timendo quidem, præsertim In- *in Joann.*  
 nocentem hominem homo debet occidere: sed tamen id zelando  
 facere, multo magis malum est quàm timendo. Hæc Augusti-  
 nus. Et similiter traditor plus peccavit, qui pro quæstu Eum Judæ-  
 is tradidit. Majus ergo erat peccatum Judæ & Judæorum, quàm  
 Pilati: quia ad occisionem Christi Judas fuit motus, cupiditate,  
 Judæi autem rancore, sed Pilatus humano timore. Et exinde, idest;  
 ex hac causa, & propter hoc, scilicet ne peccaret & peccatum ha-  
 beret occidendo innocentem, & DEI Filium: quærebat Pilatus dimit-  
 tere Eum, absolutum: quamvis minus esset peccans quàm alii qui  
 tradiderunt Illum: non quod tunc primum conciperet: sed si prius  
 volebat, modo quærebat. Supra enim tentabat Eum dimittere: sed



ex tunc omnino & constanti animo quærebat hoc facere. Judæi autem non valentes per falsas accusationes circumvenire judicem, nituntur ei de injuria Cæsaris ingerere timorem: & ideo de hoc magis quàm de omnibus superius dictis eum terrere putantes, clamabant dicentes: *Si hunc dimittis, qui se Regem facit: non es amicus, & fidelis Minister, Cæsaris, idest; non zelus pro honore & statuto Domini tui custodiendo: & ideo amicitiam ejus amittes, Omnis enim qui se Regem facit, usurpando potestatem, sibi, Contradicit Cæsari.* Imperatores enim Romani abstulerant à Judæis Regiam dignitatem: & ideo qui inter Judæos dicebat se Regem, videbatur facere contra Imperatoris ordinationem, sine cujus consensu non solebat quis titulo uti Regio, hæc enim potestatis est terrenæ natura, quod una est impatiens consortii aliarum. Unde & ideo Cæsar non patiebatur alium dominari. Unde Chrysostomus, Et unde habetis demonstrare hoc à purpura, à diademate, à curia, à militibus, nonne solus semper cum discipulis incedebat? per omnia viliter transiens, & cibum, & scholam, & habitationem. Hæc Chrysostomus. Cum autem Pilatus audisset, minas sibi inferri à populo de indignatione Cæsaris, adhuc plus timuit. Nam secundum Augustinum: Non, sic potuit Pilatus contemnere Cæsarem Authorem potestatis suæ, quemadmodum legem gentis alienæ. Timens ergo Cæsarem, & non audiens & secundum minimam apparentiam facere contra ejus honorem, adduxit JESUM foras, extra prætorium, & sedit pro Tribunali, idest; ante Tribunal, vel in Tribunali: nam apud Græcos hæc præpositio pro, idem est quod ante, vel in: hoc est, sedit in loco sedis judicare: seu, ad judicandum: quod est officium sedentis in Tribunali. Est enim Tribunal sedes judicum, sicut Thronus vel solium Regum, & Cathedra Doctorum. Et dicitur Tribunal, quia apud Romanos tribuni causas particulares decernebant: dicti à tribubus quibus præponebantur. Sedit verò in loco qui dicitur Græco ex lapidum stratura, sive pavementum varietate lapidum stratum: quia ille locus diversis lapidibus erat pavimentatus, & erat ante domum Litustratos. Pilati: & idem locus dicitur Hebræicè *gabacha*, idest; collis, sive sublimitas, ex coacervatione lapidum: quia locus fuit sublimis vario lapide stratus, in quo tribunal erat. Erat autem *parasceve*, idest; præparatio Paschæ, hora quasi sexta Græci admixti judæis, Græci crebrò utebantur vocabulis. Parasceve autem Græcè, dicitur præparatio Latine. Sic dicebatur feriâ sexta: quia in ea præparabant necessaria pro sabbato, in quo aliquid decoqui, vel operari non licebat: sicut & in deserto duplex manna feriâ sextâ, propter sabbatum colligebant: dicitur etiam feriâ sextâ præparatio, quia Judæi præparabant se mundando. Et congruè sexta die crucifigitur Dominus, quia per crucem reparavit hominem, qui sexta die à DEO est factus. Sexta etiam hora Dominus pro homine est crucifixus: quia sextâ horâ homo in peccatum est lapsus. Nam ut dicit Hieron. lib. 3. comment. ad Ephesos: Qua hora primus Adam mortem peccando induxit, eadem hora secundus Adam mortem moriendo destruxit. Sexta quoque hora, qua major fervor Diei est; crucifigi voluit: ad ostendendum quod ex magno fervore charitatis passus sit. Tunc Pilatus iussit JESUM sibi iudicio & allegans pro Ejus liberatione dixit judæis, quasi eos subannando, ecce Rex vester: prius dixerat. Ecce homo, ignominiam suam demonstrans, ut eos ad miserendum moveret: & nunc verò



ut eos magis moveat, ironice eis insultat, dicens: *ecce Rex vester*.  
 Primò conabatur Eum liberare, per Christi iudicium. Secundò, per  
 Judæorum opprobrium, quid dicitur eis: Mirum est quòd hunc ho-  
 minem flagellatum, illuſum & abjectum dicitis uſurpare ſibi Regnũ.  
 Talis homo eſt quòd Regnum invadere, vel captare non poſſit.  
 Unde erubescere debetis quòd Eum eſſe Regem formidatis. Com-  
 pariamini ergo illi, quia de Eo timere non oportet vel tale quid ſu-  
 ſpicari. Et tamen Pilatus ſuper hoc timet ab eis apud Cæſarem  
 accuſari, & ſua poteſtate privari. Ubi Chryſoſtomus. Et nimirum Chryſoſtomus  
 quæ dicta ſunt erant ſufficientia, ut facerent eos de cætero ab ira homil. 83.  
 ceſſare, ſed trepidabant ne dimiſſus ruruſus turbam ducat, & omnia in Joann.  
 pro hoc agebant. Amor enim principatus, verſutum quid eſt, &  
 animam ſufficientem perdere: propterea magis inſiſtunt. Hæc Chry-  
 ſoſtomus. Unde Judæi ſicut furibundi clamabant, & ex abundantia  
 malitiæ ingeminando, dicebant: *Tolle, tolle*, ſcilicet ad mortem, &  
 non quancunq; ſed turpiſſimam. Et explicantes genus mortis,  
 addiderunt: & *crucifige Eum*. Interficere enim Eum conabantur, &  
 morte exprobratiſſima: formidantes ne aliqua Ejus poſt ipſum fiat  
 memoria: quaſi dicerent. *Tolle Eum à nobis*, & conſpectu noſtro:  
 gravis enim eſt nobis ad videndum, nec poſſumus Eum videre, au-  
 ferq; Eum de medio, & interfice. Quanto plus audiebant, quòd  
 Pilatus vellèt liberare Eum, tantò magis clamabant in contrarium.  
 Ubi Beda. Quia totam accuſationem, quàm adverſus Dominum de Beda in cap.  
 tulerant, crebra & ſollicita Pilati interrogatione videbant evacua-23. Luca.  
 tam: tandem impudici ad ſolas ſe preces convertunt, ut quod cri-  
 minando, & quaſi ratiocinando nequivierant: jam poſtulando & vo-  
 ciferando perficiant. Quem exinde ordinem ſæviendi, etiam bea-  
 torum Martyrum perſecutores tenuiſſe, ſatis Eccleſiaſtica demon-  
 ſtrat hiſtoria. Hæc Beda. Dulciſſime JESU, qv iſtam durus & im-  
 pius erit, ut clamores illos horribiles, *tolle, tolle crucifige eum*, ſine ge-  
 mitu & clamore ſpiritus aure corporis valeat audire, ſeu mente  
 tractare? Pilatus verò terrorem, quem de Cæſare ingerunt adhuc Pilati dicit  
 ſuperare conatur: & volens de ipſorum ignominia eos frangere, gentia.  
 qvos de Chriſti ignominia non potuit mitigare: allegansq; in Chri-  
 ſti crucifixione eorum verecundiam: dixit eis, quaſi ſubiannando:  
*Regem veſtrum crucifigam?* quòd redundat in veſtram ignominiam:  
 quaſi diceret: Et qvo Eum regnare formidatis, & jam de hoc fama  
 magna fuit: non eſt honor veſter qvòd Rex veſter condemnatur,  
 & erit vobis verecundia ſi morte ſic abjecta moriatur. Et ideo ſi  
 non moveamini ab ejus humilitate, debet vos movere veſtrum ob-  
 probrium, quòd eſſet ſi crucifigerem eum. Sed illi ſe à libertate Re-Judaorum  
 gni DEI & Chriſti excludentes, jugum diaboli ſumpſerunt: ac per-subjectio.  
 petuæ ſervituti & tyrannidi ſe ſubjecerunt, dicentes: *non habemus*  
*Regem niſi Cæſarem*. Ex quo patet quòd ex tunc perpetuæ Roma-  
 norũ ſe obligaverunt ſubjectioni: renuntiantes omni alteri Regiæ  
 dignitati: patet etiam eorum obſtinatio ad procurandum mortem  
 Chriſti, cum pro ejus procuratiõne conſeſſi ſunt in perpetuũ ſeipſos  
 ſubjectos ſervituti. Unde Chryſoſtomus. Abauerunt DEI Regnum, Chryſoſtomus  
 & traditi ſunt Regno Romanorum, quia quòd habebant non in-homil. 83.  
 tellexerunt, & ideo quòd petierunt acceperunt: hoc idem etiam fa-in Joann.  
 cto clamant noſtri Pontifices & Prælati, ſeu curati, qui ſuas Eccle-  
 ſias dimittentes ingerunt ſe negotiis temporalibus principatus, vel  
 Re;



Regni. Per hoc autem iterum Iudæi timorem Pilato ingerebant. Ut enim dicit Augustinus. Apertissime contra Cæsarem venire videretur, si Regem se non habere nisi Cæsarem profitentibus, alium Regem vellet ingerere: dimittendo impunitum, quem propter hos ausus ei tradiderāt occidendum. Ex quo articulo adductionis Christi ad tribunal, habentur duo documenta. Primum, quod nos debemus tribunal in mente nostra constituere, & ibi iudicio astare, sicut Christus stetit ante Tribunal propter nos: ut nos districtum DEI iudicium possimus declinare. Juxta illud Apostoli. *Si nos metipsos judicaremus, non utiq; indicemur.* Secundum est, quod tempore adversitatis iudicium DEI cum patientia subeamus: sicut Dominus noster pro nobis ductus ante tribunal hominis obmutuit, & non aperuit os suum cum omni patientia subiens iudicium: nos quippe tempore adversitatis, quasi ante tribunal DEI sistimur. Unde Apostolus, post verba præallegata, subdit. *cum autem judicamur, scilicet temporalibus pænis, à Domino corripimur.* quia ut dicit Glossa: Pœna ipsa nobis propria est purgatio, ut non cum hoc mundo damnemur: quasi diceret. Ideo est bonum hic per punitionem temporalem judicari à DEO: ut hic correpti non damnemur in iudicio futuro. Ad conformandum se huic articulo, attendat homo documenta jam præmissa, & oret mente devota. JESU qui ante tribunal Pilati adduci, & in iudicio sisti voluisti: da mihi ante tribunal mentis meæ conscendere, & meipsum de culpis meis conscientie testimonio districtius judicare: iudicium quoq; tuum in adversis tam patienter hic subire, ut iudicio tuo extremo valeam securus astare sed Pilatus mox vincitur: & à tramite veritatis & justitiæ detorquetur. Petente enim tota judæorum multitudine vocibus magnis, ut crucifigeretur: tandem miser præses Pilatus motus timore Imperatoris & favore judæici populi, cui ipse præerat: & à quibus pecunias sperabat levare contra justitiam, & contra conscientiam, qua Christum Innocentem noverat, & in quo nulla causa erat: dedit sententiam crudelissimam de morte innocentis: & per sententiam diffinitivam, tradidit JESUM, ut crucifigeretur iudicio & potestate præsidis, non dixit Evangelista, ut crucifigerent Eum, sed ut crucifigeretur, per præsidis iudicium. Sed ideo illis traditum dixit, ut eos crimine implicatos, à quo alieni esse conabatur, ostenderet; non enim Pilatus hoc faceret, nisi ut id quod eos cupere cornebat imple-ret. Itaq; Pilatus ambitiosus nolens amittere principatum, quamquam pronuntiasset Christum Innocentem: ac per Eum dimittendum: volens tamen ad complacendum clamoribus populi satiscere, idest; eorum voluntatem facere, & non quod erat placitum DEO & justitiæ: timensq; ne accularetur de Cæsaris rebellionem, cum hoc nullū suspicās periculū, si Innocentem pauperē, morti adjudicaret, maximè quia contradictor aliquis non apparebat, protulit sententiam, & judicavit Eum ob culpam affectati Regni esse Crucifigendum, quia enim judæi Cæsarem Regem & Dominum professi sunt, videns quod sic se potestati Romanorum subjecerunt, condemnavit JESUM, quasi usurpantem Cæsaris potestatem, & tradidit Eum voluntati ipsorum ad crucifigendum. Quæ autem fuerit forma sententiæ, non est expressum ab Evangelistis, in Evangelio tamen Nicodemus scribitur, quod Pilatus protulerit sententiam sub his verbis. *Gens tuâ comprobavit Te Regem, propterea præcipio Te primum* flagel-

Augustinus  
Tract. 116.  
in Joann.

Documenta

1. Cor. 11.

Ibidem.

Judicium  
Pilati.

Ambitio  
Pilati.



flagellari, secundum Principum statuta, deinde in cruce allevari. Peccavit Pilatus, nec excusatur, quia cum Judex esset, tenebatur ex officio servare justitiam, & nec timore cedere debuit, nec amore ut faceret contra eam, qui si omnino voluisset, quem justum pronuntiaverat, eripere potuisset. Minus tamen peccavit quam judæi institit enim quantum potuit, ut illum ex eorum manibus liberaret: & Ejus motivum fuit minus malum, quia judæi ad occidendum Christum moti sunt per rancorem & odium. Pilatus verò propter timorem Cæsaris, & favorem judæorum. Sic ergo eis consensit, quia cum effectu furori eorum obviasset potuit, consentire enim qui cum potest arguere non arguit: non consensit etenim consensu pleno, sed coactus. Sicut autem tunc Pilatus, sic hodie faciunt multi judices, timore vel favore à veritate judicii declinantes, & justitiam subvertentes. ecce quomodo Innocentissimus Agnus, ut Te à judicio & lamento justæ & æternæ damnationis eriperet, injustè propter Te judicio damnari prælegit: ecce qui non rapuit pro te solvit: & tu anima mea nequam & impia, nec devotionis solvis pinguedinem, nec compassionis refundis affectum. Cogita quantum amici ejus clamaverunt, quando illam sententiam audierunt. Sed maledicti gaudent & exultant, quod intentum suum pravum habent. Rident & eum qui est verus & æternus. DEUM derident, & ejus mortem quantum possunt accelerant: non beneficiorum & operum Ejus recordantur: non propter Innocentiam Ejus moventur, & (quod crudelius videtur) non propter afflictionem quam in eo vident retrahuntur. Et sic horâ tertiâ crucifixus est Dominus lingvis judæorum: & sextâ manibus militum. Unde Augustinus. Quoniam judæi facinus interfecisti Christi à se in Romanos, id est; Pilatum & Ejus milites transferre conati sunt: propterea Marcus eâ horâ quâ Christus à militibus crucifixus est, quæ agi sextâ jam exeperat prætermittit tertiâ, potius horâ recordatus expressit, quâ horâ intelliguntur clamare potuisse crucifige, crucifige ut non illi tantum reperiantur crucifixisse JESUM, id est; milites qui eum ligno sextâ horâ suspenderunt, verum etiam judæi qui ut crucifigeretur horâ tertiâ clamaverunt. Et iterum apparitores potestatis horâ sextâ crucifixerunt, prævaricatores legis horâ tertiâ clamaverunt. Quod illi manibus horâ sextâ: hoc isti lingua horâ tertiâ. Rei magis isti, qui clamando sæviabant, quam illi qui obtemperando administrabant. Hæc August. Alii dicunt quod in horâ tertiâ Dominus jam condemnatus sit, & in hora tertiâ incæpta est crucifixio ejus: & occupatis eis in crucifixione, fluxit tempus usque ad sextam, & in hora sexta crucifixio fuit consummata, & ideo quod dicitur de tertiâ, verum est de crucifixionis principio, & quod dicitur de sexta, intelligitur de crucifixionis consummatione, secundum veritatem poterit esse meditulum horarum, & hora media inter sextam & tertiâ, & quia medium denominatur ab utraq; extremorum, ideo ab Evangelistis quâdoque dicitur tertiâ, aliquando dicitur sextâ. Unde etiam in signum hujus Ecclesiæ communiter, inter tertiâ & sextâ celebrat Missas solennes: quia Missa in memoriam celebratur passionis. Ex hoc articulo condemnationis Christi ad mortem per sententiam trahitur documentum, quod nos caveamus, ne unquam justam mortis sententiam animæ vel corporis mereamur. Item sicut Salvator non solum sustinuit pro nobis iniquam ab homine, contra se ferri sententiam,

Pilati imitatores.

Augustinus  
Tract. 117.  
in Joann.

Hora missæ  
celebranda.

Documentum.



1. Cor. 4.

tiam, sic & nos pro DEO curare non debemus iniqua hominum iudicia. Unde Apostolus. *Mibi, inquit, pro minimo est ut à vobis iudicer, aut ab humano die.* Ad conformandum se huic articulo, oret homo dicendo: JESU Qui sententiam condemnationis ad mortem, mortem autem crucis, innocenter subire voluisti, fac me justam mortis sententiam, sive in corpore sive in anima non mereri: & tui amore iniqua hominum iudicia non timere. Datâ autem sententiâ reducitur Dominus intus, & spoliatur *chlamyde & purpura*, quibus fuerat ab illis indutus, & adhuc nudo coram eo existenti, vix datur sibi licentia vestiendi. Intuere & hic Dominum, secundum considerationem supra de flagellatione positam, tandem *vestimentis suis* quibus eum spoliaverant reinduerunt eum, ut ductus ad mortem magis cognosceretur in veste propria quam in aliena, & cum esset vestimentis suis revestitus, ducunt eum foras quanto citius ne mortem ejus differant amplius, ubi ligantes fune manus & collum ipsius, iudicium suæ mortis ei imponunt, & ipsum tanquam malefactorem extra propriam civitatem eiciunt. Nam venerabile lignum crucis longum & grossum & multum grave ponunt super humeros Ejus delicatissimos, ut portet ipsum ad locum ubi erat crucifigendus. Ut enim dicitur in historiis, opinio est crucem

Lignum  
Crucis.

Longitudo

Crucis.

Deut. 12.

Augustinus

sermone 71.

de tempore.

Esaia 9.

Philip. 2.

Genes. 22.

Chrysostomus

homil. 84.

in Joann.

3. Reg. 17.

Anselmus

in speculo

cap. 12.

Hieronymus

in cap. 15.

Marci.

Genes. 4.

Genes. 22.

Genes. 37.

Numer. 21.

Numer. 13.

4. Reg. 6.

Iona 1. &amp; 2.

quindecem pedes habuisse in longitudine. Et quia lignum illud reputabatur profanum & immundum, & mors crucis ignominiosissima: quia ut dicitur in Deut. *Maledictus qui pendet in ligno:* ideo nullus eorum lignum illud nedum portare, sed nec tangere voluit: & ideo imposuerunt illud JESU ut jam damnato: Agnus autem mansuetissimus patienter suscipit, & portat patibulum suis humeris in angariam mortis, tendens ad locum Passionis. Unde Augustinus. Hic adimpletur illud Esa: *Cujus Principatus super humerum ejus.* Principatus enim Christi est crux ejus propter quam (secundum Apostolum) *DEUS eum exaltavit:* & sicut signum dignitatis alii Baltheum, alii Mitram portant, sic & Dominus crucem: & si inquiras, inuenies non aliter in nobis regnare JESUM, nisi per asperitates: quo fit ut delitiosi inimici sint crucis. Hæc Augustinus. Completur etiam nunc figura Isaac obedientis, & ad Patris jussu ligna pro sui immolatione portantis. Et secundum Chrysostomum. Quomodo Isaac dimissus est, & mactatus aries: sic & hic Divina natura manet impassibilis: sed mactata est humanitas, hærens cornibus inter vepres: idest, inter retinacula peccatorum, quibus natura humana detinebatur. Hic etiam completur viduæ Sareptanæ figura, quæ collegit duo ligna. Unde Anselmus. Vide anima mea quomodo per omnia vir iste coarctatur & spernitur. Sub crucis onere dorsum incurvare jubetur & sui ipsius portare ignominiam. O spectaculum? vides ne? Ecce principatus ejus super humerum ejus: hæc est virga æquitatis, virga regni sui. Unde & Hieronymus. Hic educitur Abel in agrum à fratre, ut perimatur: hic adest Isaac cum lignis, & Abraham cum ariete vepribus hærente: hic adest Joseph cum gramineo fasce somniato, & tunica talari sanguine lita: hic adest Moyses cum virga & serpente suspenso in ligno: hic adest botrus in ligno portatus: hic adest Helisæus cum ligno, ad querendum securim, quæ in imo demerita erat, & natavit ad lignum, idest: genus humanum, quod à ligno vetito in infernum decidit: per lignum crucis Christi, & baptismum aquæ ad paradysum natavit: hic adest

Jonas



Jonas de ligno forti in mare ventremq; ceteri triduo missus. Unde Augustinus Augustinus. Grandè spectaculum! Si spectet impietas, grande ludibrium: si pietas, grande mysterium! Si impietas spectet, grande in Joann. ignominie documentum! si pietas, grande fidei munimentum! si spectet impietas, videt Regem pro virga regni lignum sui portare supplicii: si pietas, videt Regem bajulantem lignum ad seipsum figendum, quod fixurus fuerat etiam in frontibus Regum: in eo spernendus oculis impiorum, in quo erant gloriatura corda Sanctorum. Dicturo enim Paulo: *Mihi autem absit gloriari, nisi in cruce Domini nostri JESU Christi: ipsam crucem suam gestans humeris commendabat, & lucernæ arsuræ, quæ sub medio ponenda non erat, candelabrum ferebat.* Hæc Augustinus. Portat autem Christus Crucem ut Rex sceptrum in signum gloriæ, quæ est universale rerum omnium dominium. Item ut victor trophæum, & signum suæ victoriæ: quo Principatus & Potestates expoliando triumphavit. Item ut Doctor portat candelabrum, in quo ponenda erat lucerna suæ doctrinæ, quia signum crucis fidelibus est virtus DEI. Et sicut summus Sacerdos, quando ibat ad tabernaculum ut intraret Sancta Sanctorum, portabat clavem super humerum suum: sic Christus vadens ad tabernaculum Sancti Sanctorum, & volens nobis aperire, portavit clavem, scilicet crucem, super humerum. Bajulatio crucis præfigurata fuit in Isaac filio Abrahæ. Isaac enim ligna propriis humeris ferebat, in quibus eum Pater suus immolare volebat: sic Christus propriis humeris crucem bajulabat, in qua ipsum gens judæorum suspendere affectabat. Isaac ad obediendum Patri se voluntarium exhibuit: sic Filius DEI Patri suo Cœlesti usq; ad mortem obedivit: duo autem populi JESUM ad interficiendum eduxerunt, videlicet judæi qui corde, & gentiles qui opere hoc fecerunt. Isti olim per duos exploratores præfigurati erant: qui botrum de terra promissionis ad desertum afferebant: per botrum præfigurabatur Filius DEI JESUS Christus, qui per hos duos populos de Hierusalem in locum Calvariæ est ductus: per botrum illum probabatur Filius Israël terræ promissionis bonitatem: per doctrinam Christi possumus considerare Patris Cœlestis favitatem. Eduxerunt autem eum extra Civitatem: quorum enim animalium sanguis inferebatur in Sancta Sanctorum: horum corpora educebantur extra castra, cum cremabantur & immolabantur. Bajulans verò crucem, per hoc nos inducit ad sui sequelam, sicut antedixerat monendo ad eam: *Si quis vult venire post me, abneget semetipsum, & tollat crucem suam, & sequatur me.* Sicut enim Christus Author vitæ, sententiâ mortis super eum datâ, crucem sibi bajulans confestim ad locum supplicii foras educitur, tanquam malefactor, qui hujus Mundi vitâ indignus æstimatur: sic verus Christi imitator seipsum abneget, crucem suam tollendo, & extra castra secum: improperia ejus portando, tanquam purgamentum hujus mundi factus: semperq; mortificationem JESU in corpore suo circumferat, ut & vita JESU in corpore suo tandem manifestata fiat. Et nota: quod hæc tria, scilicet quia exuerunt Eum veste Regia: *Et induerunt eum vestimentis suis, & duxerunt eum ut crucifigerent:* figurativa sunt Passionis in corpore mystico, scilicet Ecclesia: maxime temporibus Antichristi. Exutio Regiæ vestis, est spoliatio terrenæ potestatis: induitio propriæ vestis, est reversio pristinae paupertatis: ductio ad crucifigendum, est

Galat. 6.

Figura.

Genes. 22.

Numer. 13.

Matth. 16.



*Christus ad  
supplicium  
trahitur.*

violentia persecutionis finalis. Cum igitur Christus Pilato imperante, præcone clamante, bajulans sibi crucem traheretur ad supplicium: tunc eum ducendo & accelerando, & opprobriis saturando factus est concursus populorum post ipsum euntium: alii super ipsum plangebant, alii illudentes irridebant, alii lutum & immunditias in caput & in faciem ejus proiciebant. Sed ipse quasi Agnus innocens, & ut ovis coram tondente se, inclinato capite incedens, ad omnia tacebat: quoniam *tanquam ovis ad occisionem, & quasi Agnus ad immolandum ductus est, & non aperuit os suum.* Et seque-

*Esaia 53.*

*Turba tri-  
plex Chri-  
stum secuta.*

batur eum triplex turba. Prima carnificum, quæ eum præmebat, Secunda judeorum, quæ eum irridebat. Tertia amicorum, quæ anxie lugebat. Et insuper quarta illorum, qui ad videndum spectaculum veniebant: unde non eadem mente sequebantur, sed quidam ut læti morientem aspicerent, quem viventem oderunt: alii ut morientem plangerent, quem viventem dilexerunt: ductus est autem cum sociis, duobus utiq; latronibus, per medium urbis, ubi ejus confusio patebat singulis ad ostia & fores confluentibus: hæc est so-

*Verecundia  
Christi.*

cietas sua. O bone JESU, quantam tibi verecundiam isti faciunt: latronibus te associant, sed & deterius tibi faciunt, quia crucem portandam imponunt, quod de latronibus non legitur: unde non solum cum iniquis deputatus es, sed & iniquorum iniquior. Indicibilis est Domine patientia tua: hoc ad literam procuratum fuit per Principes judæorum, ut Christus infamaretur societate latronum, & à vulgaribus videretur in criminibus eorum participasse, & sic ipsi viderentur justè mortem ejus procurasse. Sic & hodie frequenter maligni faciunt, qui suam nequitiam, per bonorum infamiam operire quærunt: per justitiæ etiam subversionem hodie in multis locis deputantur justi, cum iniquis. Christus autem permisit hoc fieri, ut ostenderet quod pro peccatoribus vellet pati. Un-

*Beda in cap.  
23. Luca.*

de Beda. Sed ille cum iniquis deputatus est in morte, ut iniquos justificaret in resurrectione: qui cum in forma DEI esset propter homines homo factus est, ut hominibus potestatem daret filios DEI fieri. Hæc Beda. Occurre igitur nunc anima mea, & vide amato-rem tuum & Dominum, pro te crucem baiulantem, & ad patibulum properantem, ac tua crimina suis pœnis expiantem. Cerne eum quomodo sub onere crucis curvus incedit & vehementer anxius anhelat. Compatere ei quantum potes in tot angustiis & ludibriorum renovationibus posito. Certè benefaceres si juvares Dominum DEUM tuum: & diceres, date obsecro mihi crucem Domini mei, & ego portabo eam. Quia verò maxima Mater & maxime confecta, propter multitudinem populi appropinquare ei non poterat, nec eum videre, ivit celeriter per aliam viam breviorē, & compendiosam cum sociabus suis & Joanne, ut alios præcedens videret eidem approximare, cum autem extra portam civitatis in concursu viarum eum obvium haberet: cernens eum sic oneratum ligno tam grandi, quod ante non viderat, semimortua facta est, & penè exanimata præ angustia: nec ei verbum dicere poterat, nec Dominus sibi, acceleratus ab his qui eum ducebant. O! quam tristes & dolentes: quam clamantes & plorantes, ibant mulieres Sanctæ, sustentantes Dominam nostram Matrem Ejus, non valentem se sustentare vel sustinere: imò dicitur in terram corruisse. Credo quod ipsa libenter crucem portasset, si potuisset, & quavis non posset

*Maria oc-  
cursus.*

liben-



libenter accepisset. Unde secundum Anselm: Hac voce ut reor sequebatur, di-  
 cens: Vadis propiciator solus ad immolandum pro omnibus: non tibi occurrit *specula*.  
 Petrus qui dicit, pro te moriar. Reliquit te Thomas, qui ait: cum eo omnes  
 moriamur: & nullus de his nisi tu solus duceris: qui me castam conservasti  
 Filius meus & Deus meus: verum hæc verba ex magnæ pietatis affectu pro-  
 ducta, ita ad hoc memorasse sufficiat, ut oculus ea pietatis attendens dum tantæ  
 Matris gemebundis affectibus comparitur, fructu pii amoris illius aliquando re-  
 munerari mereatur. Hæc Anselm: Ulterius autem Dominus procedens, parum  
 post vertit se ad ipsas mulieres sequentes & flentes. Quia Enim novit Domi-  
 nus qui sunt Ejus, prætermittit furentis populi turbam, ad amantes & plangentes  
 se faminas oculos & ora convertit: tuos Enim Dominus libenter respicit. &  
 dixit Eis: *Filia Hierusalem, nolite flere super me, nec lamentemini me moriturum,*  
*cujus citò Resurrectio mortem solvere potest: ejus mors & omnem mortem, & ipsum mor-*  
*tis Authorem destruet.* Nō enim oportet flere eum, quia propria patitur sponte: sed  
 magis ei applaudere. Ubi cum filias Hierusalem appellat, datur intelligi quoddam nō solū  
 mulieres de Galilæa Eum secutæ sunt: sed etiā aliquæ mulieres ejusdem urbis per  
 devotionem ei adhaerunt. Typum gerebant istæ mulieres eorum, qui aliis  
 compatiuntur & misereantur, sed non sibi: aliorum peccata deplorant & accu-  
 sant, sed de suis moribus non curant: contra quod dicitur in Ecclesiastico: *Miserere*  
*anima tua placens Deo.* Non ergo prohibet Dominus compassionem: sed  
 prædicat aliam luctus causam. Unde subjungitur: *Sed super vos ipsas, & super Fi-*  
*lios vestros flete, & super imminente excidio urbis & gentis vestræ, vosque ipsas,*  
*vestram progeniem dignis lachrymarum fleatibus abluite, ne in ultionem meæ*  
*mortis damnemini etiam cum perfidis.* Secundum sensum literalem, fletus ad  
 quem induxit Christus mulieres, fuit propter miseriam per Romanos super Ju-  
 daeos venturam; & illa miseria figura fuit miserie super incredulos per spiritus  
 malignos venturæ pro cuius evasione fluendum est, & orandum ante terminum  
 hujus vitæ. Quoniam ecce venit dies scilicet quadagesimo anno post passio-  
 nem Christi, in quibus steriles, quæ non genuerunt & lactaverunt, dicentur beata: quia  
 agiliores erunt ad fugiendum, quàm gravida, & pro se solū anxie. In die  
 quoque judicii parentes dicent Filiis se esse damnatos, propter amorem nimium  
 filiorum: & econverso filii dicent se esse damnatos, propter amorem & sequelam  
 parentum. Tunc incipient dicere montibus, cadite super nos: & collibus, operite nos:  
 quia aliqui præ horrore miserie tunc dicebant: utinam montes caderent super  
 nos, & colles operirent nos. Similiter in die judicii hoc dicent reprobi, optā-  
 tes abscondi à facie Domini. Quia si in viridi ligno hæc faciunt, in arido quid fi-  
 erit? Christus hic dicitur lignum viride faciens fructum: & per consequens in-  
 dignum abscissione per mortem. Populus autem Judaicus, lignum aridum infra-  
 fructuosum: & per consequens indignum abscissione per mortem. Viride etiam li-  
 gnum & fructiferum, sunt iusti & electi: sed aridum infructiferum, peccato-  
 res & impii: Si ergo in viridi ligno, id est in Christo omnem virtutum virore vi-  
 renti, hæc faciunt, id est tot tormenta inferunt: in arido, id est in populo Judaico  
 & peccatore, ab omni honore gratiæ destituto & arefacto quid fiet? Certè gra-  
 vius punientur. Quasi omnibus diceret: Si ergo qui peccatum non feci, &  
 fructuosus sum, sine igne passionis de mundo non exeo: quæ tormenta ma-  
 nent peccatoribus & impiis, qui fructibus sunt vacui? Certè Domine Jesu ve-  
 rum est: quia si tu arbor sancta, lignum vitæ fructuosum & benedictum tanta  
 pateris, & ramis tuis spoliari: quid erit de nobis miseris, quæ sumus lignum  
 infructuosum & siccum, aptum pro igne & gehennæ incendiis? Si ergo incipit  
 iudicium de domo Dei, & omnes qui volunt pie vivere in Christo persecutionem patiuntur: 2. Tim: 3.  
 quis finis eorum qui non credunt Dei Evangelio, & impie vivunt? Unde Aug: August: in  
 Si hinc sine flagello non exiit, qui huc sine peccato venit: quomodo flagellis di-  
 gni non sunt, qui huc cum peccato venerunt: Unde & Gregor: Quoties mor-  
 tem Salvatoris attendo & patientiam Job, & mortem Baptistæ considero: dico tibi  
 tibi o Peccator! hinc considera, quid passuri sunt illi quos reprobat, si tanta passi  
 sunt quos amat? Hæc Gregor: Bonum esset de his cogitare, ut cogitatio tantæ  
 angustiae nobis timorem incuteret: & timor incussus à nobis peccatum perpe-  
 tratum expelleret: vel à perpetrando arceret: exemplo Hieronymi dicentis, Hierony. ad  
 Sive Heliodorū.



Sive comedam, sive bibam, sive aliquid aliud faciam, semper videtur auribus meis insonare illa vox terribilis: surgite mortui, venite ad iudicium. In prædictis duobus locis, quæ modò sunt in ipsa civitate: sed extra Ecclesiam se- pulchri scilicet ubi Christus obviavit Matri: & ubi se vertit ad mulieres ad- huc (ut dicitur) apparent vestigia Ecclesiarum, quæ ibi factæ erant in horum memoriam. Cùm ergo Dominus ulterius processisset, & ita fatigatus ac fra- ctus, & ex afflictione præcedenti debilitatus esset, quòd lento gradu incederet, & amplius Crucem portare non posset: deposuit eam ut aliquantulum pausaret & respiraret. Illi autem pessimi nolentes differre mortem ejus: timentes ne Pilatus sententiam revocaret, quia voluntatem dimittendi Eum ostenderat: con-

*Simon Cy-  
renæus cur  
Crucem por-  
tare cogit.*

*Chrysostom:  
hom: 84.  
in Joas.*

*Hieronym:  
in cap: 15.  
Marci.*

*Documentu.  
Mysteriū in-  
cūm ulterius  
non potest,  
tunc placet  
Christo quod  
alius pro eo  
portet. Iste  
Simon Cy-  
renæus.*

*Hilarius  
cano: 33.  
in Matth:*

*Documenta  
duo. 1. Pet:*

*2. Crux por-*

gerunt Simonem Cyrenæum, dictum à Cyrene civitate Lybiæ Patrem Alexandri & Rufi, discipulorum Domini: de villa venientem, & ad civitatem eundo Ejus oc- currentem, ut portaret Crucem, post Jesum usque ad crucifixionis locum. Hoc autem non fecerunt ex compassione ad Christum: sed ut citius duceretur ad crucifigendum. Item ut ostenderent Eum esse hominem fatigatum & infir- mum, & sic non crederetur Dei Filius, Ut autem ait Chrysost: Nullus alio- rum acceperat Crucem bajulare, eo quòd lignum detestabile putabatur: & ideo Simoni Cyrenæo, quasi in quandam jacturam imposuerunt Crucem por- tandam, quam alii recusabant. Quia portavit Eam corporaliter & invitè: non spiritaliter & voluntariè: tum quia hoc erat turpe: tum quia forsitan erat Jesu discipulus, licet occultus Et ut dicit Hieron: Nomen istius Simonis hic exprimitur, ratione filiorum suorum, qui erant Christi discipuli. Crucem Je- sus diu portare non poterat, quia ex afflictionibus præcedentibus fatigatus erat: & ideo Judæi Crucem Simoni portare post Jesum imponebant. In quo do- cemur quòd quilibet debet portare Crucem poenitentia quam diu potest: sed Mysteriū incūm ulterius non potest, tunc placet Christo quod alius pro eo portet. Iste Simon Cyrenæus, secundum quoddam, non fuit Hierosolymita: sed peregrinus & advena: quia fuerat Gentilis, & factus fuit præfinitus. Et licet ipsi tanquam contem- ptibili imposuerunt Crucem Jesu: hoc tamen non vacat à mysterio. Signifi- cabat enim quod Gentilitas ab ipsis humeris immediate Crucem susceptrura ad redemptionem erat, quæ & tenebras ignorantia idololatriæ extirparet, quod Alexander interpretatur: & totam Ecclesiam de Gentibus sanguine suo de- coraret, quod signat Rufus: & per omnia maiorem gentium, per obedientiam deponeret, quod interpretatur Simon: & hæredes Regni faceret, quod inter- pretatur Cyrenæus: & Crucem Christi in altum per poenitentiam extolleret quod sustollere Crucem Christi significat: & ad hoc compellerent Judæi, per hoc quòd verbum Crucis reiecerunt, quod significat angaria Ipse ergo Christus primus passionem Crucis sustinuit: & postmodum alii & maxime advenæ Gen- tiles, Eam imitando. Sapientia nempe Divina ordinavit, ut ipse Dominus Crucem primò portaret, & portando nobis portandam præberet. Unde Hi- larius: Indignus nempe Judæus erat Christi Crucem ferre: quia fidei genti- um erat in reliquū, & Crucem accipere, & compati. Unde & Glo: Ecce non Hebræus, sed alienigena & Peregrinus opprobrio Christi subditur, ut plenitudo Sacramentorū transire à Judæis ad Gentes ostendatur. Simon quippe obediens interpretatur: Cyrenæus hæres.. Unde bene per eum Christiani designantur ex gentibus conversi, qui quondā peregrini erant testamentorū Dei: sed nunc cre- dendo & obediendo Divinis mandatis, facti sunt cives Sanctorum & domesti- ci atque hæredes Dei: cohæredes autem Christi. Hæc Glo: De villa ergo Si- mon egrediens Crucem portat post Jesum, cum populus nationum paganis ri- tibus: derelictis vestigia Dominicæ passionis obedienter amplectitur: Villa e- nim Grace pagos vocatur, à qua pagani nomen trahunt. Unde paganos appe- lamus eos, quos à civitate Dei alienos videmus. Unde Theophilus: Ille tollit Crucem suam qui venit à villa, idest, qui dimittit hunc mundum, & opera E- jus: in Hierusalem, idest in supernam civitatem tendens. Ex hoc articulo, duo. 1. Pet: bajulationis Crucis, sumuntur duo documenta: Primum est, quod nos Christiani 2. Crux porCrucem portare debemus post Jesum: quia Christus passus est pro nobis, relinquens tñda cuique nobis exemplum, ut sequamur vestigia Ejus. Unde Glo: Prior Dominus Cru- cem portat, qui prior passus est: postea imposita est Simoni Cy- renæo.



penzo, post Christum portanda: quia debemus sequi vestigia Ejus. Unde *Ambrosius* in  
(ut dicit *Ambrosius*.) Non præcessit Simon: sed sequebatur. Hinc Dominus in *cap. 23.*  
Evangelio: Si quis post me vult venire, tollat Crucem suam quotidie, & se-  
quatur me. Ubi tria innuit necessaria, portanti Crucem post Jesum. Videli-  
cet quod portet Eam voluntaria, & non angariatus, sicut Simon iste. Unde  
dicit si quis vult, &c. Item quod portet Crucem suam, scilicet propriam,  
non sicut iste Simon alienam: unde dicit Crucem suam. Item quod portet  
Crucem, non pro inani, sed Dei gloria: unde dicit, & sequatur me. Notan-  
dum autem (secundum *Augustinum*) quod Crux Domini non tantum illa di-  
citur, quæ tempore Passionis Christi, ligni affixione constructur: sed & illa-  
quæ totius vitæ curriculum cunctarum disciplinarum virtutibus coaptatur. In  
telligendum ergo Crucem, non ligni patibulum: sed vitæ virtutisque pro-  
positum. Tota igitur vita Christiani hominis, si secundum Evangelium vi-  
vat, Crux atque martyr est. Hæc *Augustinus*: Et ista est Crux, quæ  
quotidie est portanda. Hanc autem quidam portant voluntariè: ut viri per-  
fecti, imitatores Christi: quidam invirè, sicut qui cum murmure & coacti a-  
licui se districtioni subiciunt, vel bonum faciunt. Quidam etiam portant  
Crucem alienam, non suam: sicut qui abstinentiam & districtiorem Sancto-  
rum prædicant, sed in se non servant: vel qui sub regula arctissima se mili-  
tare gloriantur, sed per Ejus observantiam non mortificantur. Quidam insu-  
per Crucem portant, sed Christum non sequuntur: ut qui pro laude humana la-  
borant, sed adhuc Dei dilectione non trahuntur. Unde & sicut Simon Crucem  
portant, sed non moriuntur: quia Corpus quidem per laborem affligunt, sed  
per desiderium gloriæ mundo vivunt. Primi figurantur in Domino, & fa-  
ciunt poenitentiam meritoriam. Alij figurantur in Simone, & hi faciunt, poeniten-  
tiam sed non meritoriam. Unde *Bernardus*: Vix semel, vix iterum Crucem por-  
tantibus, & non sequentibus Christum: vix portantibus Crucem, non sicut  
Salvator suam, sed ad angariam sicut Cyrenæus alienam. Si Crucem portas  
cum crucifixo, cur non moreris mundo? Hæc *Bernardus*. Sponte igitur & Chri-  
sti amore Crucem tuam porte post Jesum quotidie, & semper oculum mentis in  
Eum dirige, & levius portabis quæcunque pateris. Unde *Augustinus*: Quan-  
tumcumque propinat nobis præsentis temporis tribulatio: parva patimur, si re-  
cordamur quis pro nobis iverit ad Crucis patibulum: quis nos invitat ad glori-  
am. Cave etiam ne unquam Crucem Christo fabrices, vel dorso Ejus impo-  
nas. Crucem enim Christi ad crucifigendum ipsum perhibetur carpentare, qui  
ad perpetrandum mala conatur consilium & auxilium præstare. Et dorso Chri-  
sti Crucem bajulandam imponit, qui peccatum suum Divinæ ordinationi attri-  
buit. Secundum documentum est (secundum *Theophilum*) quod qui admo-  
dum Christi magister est, debet ipse primò tollere Crucem, & timore Dei pro-  
pria carnè crucifigere, & sic subditis & obedientibus Mutari Eā angaria imponere.  
Ad conformandum se huic articulo, rememoretur homo quanta charitate Christus  
Crucē portavit, & quanti ponderis illa Crux fuerit, cui omnia peccata Mundi im-  
posita erunt, quæ omnia Agnus immolandus in humeris suis portavit. Poterit  
etiam homo per imaginē recolere, quasi ipse portet Crucē post Jesum: & cum Jesu  
instar Simonis Cyrenæi, vel alias prout devotio ministrabit: Jesu qui Crucem Tuā  
propriis humeris bajulare voluisti: fac me Crucē arctioris continentia spōte appre-  
hendere, eamque post te quotidie bajulare. Et nota quod quatuor portaverunt  
Crucem etiam materialeam, scilicet latro sinister, quæ significat impenitentes: *Crucem per-*  
qui de Cruce præsentis poenitentia, transeunt ad Crucem æternæ calamitatis. *tautes qua-*  
Latro dexter, qui significat verè poenitentes. Simon, qui significat de poeniten-  
tia murmurantes. Christus, qui significat innocentes, aliorum peccata portan-  
tes. Primi sustinent poenam, sed non faciunt poenitentiam. Secundi faciunt  
poenitentiam, meritoriam & propriam. Tercii faciunt poenitentiam, sed non  
meritoriam. Quarti faciunt poenitentiam non propriam, sed meritoriam. Pri-  
mò itaque Jesus Crucem suam quamdiu poterat bajulavit: postea imposita est  
Simoni congruo ordine mysterii. *Jesum autem* exoneratum: sed ut latronem li-  
gatum: duxerunt in Golgotha (quod interpretatur calvaria locus) ad crucifigendum,  
clamantes & vociferantes post ipsum: & ista ductio tuit exprobrosior & poeno-  
fior



fuer inter omnes, de quibus dictum est supra, pluribus de causis. Primò ratione ignominiz: quia valde ignominiosum est, duci ad patibulum. Secundò, ratione societatis: quia ducebantur cum eo & alii duo nequam ut interficerentur: quòd specialiter factum est ad maiorem suam confusionem, ut non videretur distinctio inter Christum, & alios nequam. Tertiò, ratione multiplicis comitivæ & turbæ quæ eum sequebatur: sed non una eademque mente. Quartò, ratione loci ad quem deduxerunt Eum, qui horrorem præstabat pariter & factorem.

**Documenta**

Ex isto articulo, deductionis in Golgotha ad Crucifigendum, tria trahuntur documenta. Primum est, quòd sicut Christus voluntariè ductus est ad patibulum, tanquam ovis ad victimam: sic & nos voluntariè ducamur ad obedientiam mandatorum Dei, & Prælatorum vice Dei, quâ propria voluntas mactatur. Secundum est, quòd nos sequi debemus Christum euntem ad locum suæ passionis, super nos ipsos flentes cum mulieribus miseriam nostræ fragilis conditionis.

**Theophil:**  
**in Lucam**  
**cap: 23.**  
**Processio &**  
**litania,**

Quia (ut dicit Theophil:) Mens infirma, quæ significatur per feminam: si sumpta cordis contritione per penitentiam flet, sequitur Christum. Unde hanc processionem plangentium & lugentium post Dominum representamus: quando processiones & litanias pro aliquibus imminenti periculis facimus, sequentes Crucem quæ ante processionem bajulatur, quasi dicamus, exeamus ad Eum extra castra: improprium Ejus portantes: & sic juxta mandatum Domini plangimus super nos, & super Filios nostros. Similitudinem ergo processionis illius amarissimæ, quam Christus condemnatus fecit, dum ad locum passionis educeretur explendo: animò dolenti conqueraris crucifixo, quòd affectum tam fervidum ad suam passionem, prout dignum est, non habeas: nec hætenus habuisti. Tercium est, quòd peregrini pro penitentia, & religiosi pro obedientia per vias euntes, si aliquando lassantur, memorari debent istius itineris Christi, quò ad patibulum ducebatur: quoniam ita lassus fuit, quòd Crucem per se amplius ferre nequivit: nimirum cum per totam noctem & diem illam multipliciter fatigatus fuisset. Si igitur Salvator noster tantam lassitudinem cum tanta ignominia pronobis sustinere est dignatus: cur & nos propter Eum modicum laborem viæ & cum nostro honore non sustinemus? Ad conformandum se huic articulo, recogitet homo, cum quanta ignominia Dominus noster ducebatur ad patibulum pro nostra magna gloria, & flet cum Sanctis mulieribus, dando lachrymas saltem cordis, & sic orer: Jesu qui ad Crucifigendum in Golgotha duci voluisti, deduc me in semita mandatorum tuorum, ut cum Sanctis mulieribus tuæ sequar vias passionis, & super metipsum fleam miseriam propriæ conditionis. Vides itaque quomodo hæc quæ in hora completorii, matutinali, prima & tertia passus est Dominus, absque aliqua Crucifixione, vehementissimi, & amarissimi doloris sunt, & horrores valde stupendi. Cum enim in manus impiorum devolutus esset morte turpissima conformandus: parum erat sacrilegis illis crucifigere Eum: nisi prius doloribus & illusionibus animam Ejus replevisent.

## DE SEXTA IN PASSIONE DOMINI.

## Cap: LXIII.

**Matt: 27.**  
**Mar: 19.**  
**Luc: 23. c.**  
**Joan: 19.**  
**Calvaria,**

**H**Orâ sextâ cogitabis dolens & tristis, quomodo Dominus Jesus præcone clamante, & vituperabiliter ductus extra portam Hierusalem pervenit ad locum Calvaria, utique feridum: Hebraicè Golgotha dictum, & Latine de collationis interpretatum: ubi malefactores puniebantur, & publicum erat patibulum. Est autem Calvaria testa capitis, pilis & pelle denudata: & quia ibi decollabantur & suspendebantur rei: & sparsa erant multa ossa corporum humanorum, & maxime capitula: ideo dicebatur locus Calvaria, seu Calvariarum. Et idcirco Jesus: pro omnium salute in loco peccatorum est passus: ut ostenderetur pati pro peccatoribus, ut ubi prius erat arca damnatorum, ibi erigeretur vexilla martyrii, & ubi abundavit peccatum, superabundaret gratia Dei: & in hoc ostenderetur quòd per tolerantia supplicii, pervenitur ad coronam martyrii. Ibi Christus decalvatur, idest à carne sua scilicet carnali Judæa separatur.

Et sic



Et sic patet mortis Christi turpitudine ex conditione loci, quia in <sup>Turpitudine</sup> loco ubi puniebantur malefactores & rei, & ex modo mortis, quia <sup>mortis Christi</sup> crucifixio erat turpissimum genus mortis, & ratione societatis, quia <sup>ex multis</sup> inter duos malefactores, quasi noxius crucifixus, per quod judæi intendebant inducere suspicionem populo, quod JESUS esset particeps, & principalis in eorum malefactis, quia eum vilificare intendebant in omnibus. Crux verò, quæ tunc erat supplicium latronum & multæ ignominia, nunc à locis suppliciorum fecit transitum ad frontes Imperatorum, & est immensa gloriæ. Tempus etiam Passionis Christi erat tempus solenne, & ideo tempus gaudii & misericordiæ: & per consequens major fuit dolor tantam crudelitatem & afflictionem tali tempore sustinere. Extra autem Civitatem <sup>Cur extra</sup> passus est. Primò, ut ostenderet virtutem passionis suæ non <sup>Civitatem</sup> esse includendam intra terminos gentis Judaicæ. Unde Chrylосто. <sup>passus.</sup> Non autem voluit Dominus pati sub tecto, non in Templo Judaico, ne putares pro illa tantum plebe oblatum: & ideo foras civitatem, foras muros; ut scias sacrificium esse commune, quod totius terræ est oblatio, quod communis est purificatio. Secundò, ut ostendat quod quicumque sequi volunt passionis fructum, debent exire ex mundo, saltem per affectum. Quia ergo Christus extra portam passus est, sequamur Eum, & exeamus ad Eum extra castra, & mundanam conversationem, improperia ipsius & pœnam portantes. Unde Bernardus. Christus extra portam passus est: ad quem egredia- <sup>Bernard. lib. de Passione.</sup> mur mundanæ conversationis contemptu, quod est egredi de Civitate hujus mundi: & hoc tribus modis. Affectu, ut mundum non diligamus. Effectu ut eum mente & corpore funditus deseramus. Profectu, ut cum Domino spiritus unus fieri anhelemus. Quia ut ait Gregorius: Tantò quis DEO est proximus, quantò ab amore <sup>Gregor. lib. 8. moral. c. 6.</sup> mundi est alienus. Hic locus, seu mons Calvaria Sanctus, magnâ inter loca Sancta obtinet dignitatem, & maximam ob memoriam Dominicæ Passionis habet compunctionis virtutem: in quo Dominus noster magna & stupenda operari dignatus est: quibus ad memoriam reductis cor contritum & humiliatum compungitur, & quasi torculari Passionis lachrymæ compassionis exprimuntur. De hoc <sup>Meditatio.</sup> ergo monte seu loco, & his quæ ibi fiebant, debes sæpe & maxime in tentationibus recordari, & quando tibi extinctus est ignis devotionis, perge illuc, & collige de lignis crucis, & per hæc ignem hujusmodi iterum suscitabis. Mons autem Calvaria, in quo <sup>Mons Calvaria.</sup> crucifixus est Dominus, prope quem ad quinquaginta passus est sepulchrum Ejus, erat extra Civitatem ad Aquilonem: Dominus enim passus & sepultus est extra portam, quem montem & locum sepulturæ Domini Helius Imperator Adrianus inclusit intra urbem, ampliando eam versus Aquilonem, & à capite usque ad pedes muro cingens eandem. In quo loco postea Christiani Ecclesias duas, sub uno tamen tecto construxerunt: Montemque Calvaria & locum sepulturæ, & multa Sacra loca intra eas concluserunt. A Monte enim Calvaria versus occidentem descendendo, ad duas cannas est Golgotha sive Calvaria, ubi est Ecclesia oblonga in qua apparet rupis illa in qua crux Sancta cum portaret Dominum erat fixa patente adhuc foramine in rupe ipsa, qui locus crucis distat tribus cannis vel circa, scilicet sexdecim gradibus à superficie terræ: hoc est à pavimento Ecclesiæ. Est etiam ibi alia grandis scissura per totam Petram



tram, quæ testimonium perhibet per suam scissuram, sanguinem sui fabricatoris se sustinere nequaquam potuisse. Ipsa verò petra altior est quàm pavimentum, usq; ad genua circumstantium. Deinde ad quinquaginta passus, vel circa, est sepulchrum Domini: ubi est Ecclesia Sancti sepulchri, seu resurrectionis Dominicæ rotunda: sed horus protenditur in longum cum sanctuario: in quo est summum Altare, & sustentatur duodecim columnis: sed utraq; Ecclesia, scilicet ista & Golgotha unò testō est testā. Unde quidam hanc & illam unam dicunt esse, nominantes eam Ecclesiam Sancti sepulchri, seu resurrectionis Dominicæ. Locus autem crucis prædictus talis est, ut positus in medio terræ ad capessendam DEI cognitio- nem omnibus gentibus esset æqualis. Unde super hunc locum scri- ptum est Græcè: Hic DEUS noster ante sæcula, operatus est salu- tem in medio terræ. Tradunt autem iudæi (ut Hieronymus ait)

*Hieronymus  
in cap. 15.*

*Marci.*

*Augustinus*

*sermo. 71.*

*de tempore.*

*Hierusalem*

*situs.*

quod in hoc loco montis immolatus est aries pro Isaac. Unde Aug. Hieronymus Presbyter scripsit ab antiquis & senioribus Judæis se certissimè cognovisse, quod ibi immolatus Isaac, ubi postea Christus crucifixus est. Sub isto loco est locus carceris Christi, ubi stetit li- gatus, quando præparabatur crux, in qua debebat affigi. Et nota quod Hierusalem Civitas DEI summi, domina mundi, de qua di- cta sunt & dicuntur gloriosa: sita est in declivi latere montis dupli- citer, & ab Austro videlicet & ab Occidente. Ab Austro quidem sita est in latere Montis Sion: & inde descendit longitudo Ejus con- tra Aquilonem, & ab occidente habet montem Sion: & dependet ab ipso ejus latitudo contra Orientem, usq; ad torrentem Cedron, sive vallem Josaphat. Situs ergo Civitatis ab Austro est elevatus, similiter per totum latus Occidentis, & in parte Orientis omnino est demissus: ita ut sordes Civitatis, tempore pluvie, descendant per portam sterquilini in torrentem Cedron. Nunc ergo conspice o- perarios malos, undiq; nequiter operarii. Intruere diligenter sin- gula, quæ fiunt contra Dominum tuum, & quæ dicuntur, & quæ fiunt ab ipso, & per ipsum & his toto mentis intuitu exhibere præ- sentem. Videas igitur oculis mentis alios cum vidissent eum fa- tigatum, sibi dare vinum myrrhatum, sive cum felle mixtum: in hoc etiam interiora dulcissimi Domini amaricare volentes, & suam ama- ritudinem declarantes: quod, secundum Matthæum, cum gustasset

*Chrysost.*

*hom. 83.*

*in Matth.*

noluit bibere: quia (ut dicit Chrysost.) Nihil distat simpliciter gu- stare, non bibere, sed unum quidem & idem significant. Et secun- dum Marcum non accepit, id est; non bibit, vel non scilicet perfe- ctè ut biberet: quod nempe gustamus, non accipimus: quia non trai- icimus illud in corpus, sed statim reiicimus. Aliquid ergo accepit ad gustandum modicum, ut quod scriptum erat impleretur, scilicet.

*Psal. 68.*

Et dederunt in escam meam felle: & in siti mea potaverunt me aceto: & quia illud quod modicum est, quasi nihil reputatur: ideo hic dicitur quod non accepit, scilicet ad perfectè bibendum, quia felleam amaritu- dinem hominibus dulcis & rectus Dominus, nunquam acceptavit.

*Bibere cur*

*noluit.*

Vel cum gustasset, id est; ori appoluit, noluit bibere: propter duo. Primò, ut ostenderetur iniquitas talem potum propinantium. Secun- dò, ut significaretur velocitas resurrectionis ipsius. Unde Gre- gorius. Gustavit vinum, sed noluit bibere, quia mortis amaritu- dinem, quàm gustaturus erat, momentaneam & citò in dulcedinem couvertendam significabat, quia tertia die resurrecturus erat. Unde



& Hieronym. Hoc aceto succus lustralis pomi abstergitur, & non accepit id pro quo patitur. Unde de eo dicitur, *quæ non rapui tunc* Hieronymus in cap. 12.  
*exsolvebam.* Vinum myrharum Domino propinat, qui hæreses sub pallio veritatis docet. Acetum cum felle mixtum Domino propinat: qui de malè acquisitis Domino sacrificat. Hoc etiam facit, qui membra ejus amaritudinibus affligit. Et universaliter vinum myrharum, vel cum felle mixtum, est bonum opus cum culpa factum, quia sicut modicum myrrhæ, vel fellis, bonum vinum corrumpit: sic modicum culpæ mortalis, totum bonum opus destruit. Videas & alios quæq; ad hoc opus necessaria disponere, & alios ipsum spoliare. Spoliatur itaq; suis vestibus: & ad pudoris tumultum etiam famoralibus, ut ventis & frigori exponatur nudus. Spolia Spoliatio Christi ante crucem.  
autem cum maximo dolore, & renovantur in eo fracturæ: quia vestis interior, propter sanguinem flagellationis fortiter corpori adhærebat. Et tunc corpus ejus, tam eleganter formatum, apparuit totum cruentatum, & livoribus repletum. In hoc etiã apparuit Passionis ejus ignominia, quod nudus est crucifixus: quia hoc non fit nisi personis abjectis & vilibus. O! quantus dolor erat tibi Mater Sanctissima, cum oculis tuis aspiceres ista? Nunc enim primò conspiciens Mater sua filium, sic vulneratum & dispositum, dolore mentis nimio affligitur. Tristatur autem supra modum, quia eum videt sic nudatum. Accelerat igitur Mater, & Filio suo approximat, ac velò capitis sui eum cingit & velat. O! in quanta amaritudine est nunc anima sua? Non credo quod verbum facere potuisset. Differt autem iste articulus expoliationis, ab articulo executionis in flagellatione: quia ibi exuebatur in prætorio coram Præfide & suis Ministris, hic autem in publico coram omni populo. Item ibi exuebatur reinduendus, hic autem nunquam reinduendus: & ideo signanter dictum est, quod exuerunt eum: hic autem dicitur quod expoliaverunt eum, quasi nunquam amplius vestes rehabiturum. Ex hoc articulo documenta possunt accipi, sicut ex Documenta.  
illo. Item est documentum, quod nos debemus nudari ab omnibus rebus & actibus mundanis, salutis nostræ contrariis: ut, secundum Hieronym. Nudam crucem nudi sequamur. Item est documentum Hieron. ad Heliodorum  
quod si quem Christianum contingat à prædonibus vestibus suis spoliari, recordetur & Christum à suis crucifixoribus spoliatum, & erit sibi materia patientiæ. Ad conformandum se huic articulo, remoretur homo substantiam actus articuli, & oret dicendo: JESU qui ante crucem vestibus expoliari & nudari voluisti: fac me ab omnibus mundanis rebus, in quantum contra salutem meam sunt, denudari: quatenus nudum crucifixum & nudam crucem nudus sequar. Deinde eripitur furibundè Filius de manibus Matris dolorosæ, non sine magnis doloribus, gemitibus, & suspiriis: & ducitur ad mortem Crucis. Et nudus super lignum crucis, quæ in terra erat posita, dirè projectus, crudeliter expansus & tractus, strictissime, in modum pellis hinc inde est extensus. Dicitur enim quod foramina fecerunt prius in cruce: & quia brachia, pedes Christi non poterant foramina attingere: ideo ligatis funibus in brachiis & pedibus eum traxerunt, ac dulces manus & pedes ita atrociter extenderunt, quod omnes juncturæ ossium dinumerari potuerunt. Juxta illud Psalmista. *Dinumeraverunt omnia ossa mea*, idest, dinumerabilia fecerunt. Ubi secundum Augustinum. Ad literam describitur Psalm. 21. Augustin.  
**VVVVV 2** **exten-** in Psalm. 21.



Extensio  
Christi in  
Cruce.

extensio Corporis Christi in ligno: nec poterat melius describi extensio. Hæc autem extensio multum pœnosa fuit, & maximam pœnam Christo intulit. Unde legitur, quod cum quædam devota persona, in quadam revelatione interrogaret à Domino, quid in omnibus, quæ pro nobis pertulit, maximè doluisset. Respondit quod in cruce extensus fui, ita quod omnia ossa mea numerari poterant: & quicunq; pro illo dolore mihi gratias egerit: ita gratum obsequium mihi præstabit, ac si omnia vulnera mea unguento suavissimo deliniret.

Documenta

Ex isto articulo extensionis in cruce, sumuntur duo documenta. Primū est, quod & nos omnia mēbra & organa corporis nostri extendere debemus in obsequium Christi: manus videlicet & brachia ad operationem: pedes ad ambulationem, genua ad orationem, omnes quonq; sensus ad suorum actuum Sanctam & castam exercitationem, ut possimus dicere cum Psalm. *Omnia ossa mea dicent:*

Psalm. 34.

Cassianus

Collat. 27.

cap. 26.

Primitia

membrorum

DEO offe-

renda.

*Domine, quis similis tibi?* Unde Cassianus in collationibus Patrum docet quod Religiosa & devota personæ debent omnium membrorum suorum primitias Domino offerre. Mox enim ut à somno excitati de lectulo surrexerint debent primo oris & lingvæ motu orando laudes DEO offerre: & priusquam membro aliquo suo fungantur officio, circa curam rei familiaris, debent ea ad Divina obsequia extendere: caput & faciem cum omnibus sensibus ad Cælum levando: manus ad DEUM in oratione elevando, brachia in modum crucis expandendo, genua ad orationem incurvando: totum corpus nunc stando, nunc in terram ad veniam prosternendo: cum reverenti & honesta omnium membrorum, & virium totius corporis extensione, & spiritualium virium intentione in sacrificium iustitiæ DEO offerendo. Secundum documentum est, quod cordis oculis aspiciamus Salvatorem nostrum in cruce, expansis manibus

Contemplatio

ris extensione,

Augustinus

in manuali

c. 23.

Psalm. 29.

Augustinus

in meditationibus.

Cur crucifi-

gi voluit,

Ad confor-

mitas ad

Christum.

Augustinus

in meditationibus.

Cur crucifi-

gi voluit,

Ad confor-

mitas ad

Christum.

Augustinus

in meditationibus.

Cur crucifi-

gi voluit,

Ad confor-

mitas ad

Christum.

Augustinus

in meditationibus.

Cur crucifi-

gi voluit,

Ad confor-

mitas ad

Christum.

Augustinus

in meditationibus.

Cur crucifi-

gi voluit,

Ad confor-

mitas ad

Christum.

extensum, quasi paratum nos recipere ad amorosum amplexum suum. Unde Augustinus. Christus extendit brachia sua in cruce: & expandit manus suas paratas in amplexus peccatorum. Inter brachia Salvatoris mei & vivere volo, & mori cupio: ibi securus decantabo: *Exaltabo Te Domine, quoniam suscepisti me.* Ad conformandum se huic articulo, poterit homo brachia & omnia membra sua, sive stando, sive procumbendo in modum crucis, etiam corporaliter, & vires spirituales intentionaliter ad laudem DEI extendere: rememorando illos amorosos amplexus extensionis Christi cum Augustino. JESU qui in cruce extendi voluisti ita atrociter, ut omnia ossa tua possent numerari: fac me omnia membra, viresque corporis & animæ meæ ad laudem tuam extendere, & ad amorosos amplexus tuos dulciter aspirare. Ipse autem Dominus noster non solum dignatus est in cruce extendi: sed & voluit cruci affigi: ut commendaret nobis indissolubilem charitatem suam, qua salutem nostram firmavit. Extensis ergo nervis & venis, ac protensis ossibus & juncturis: violenta extensione affixus est cruci in manibus & pedibus durissimè perforatis, & sauciatis cum clavis grossis & durissimis, cutem & carnem, nervos & venas, ac compages ossium dissipantibus: quorum stimulis excita & tu manus & pedes tuos ad omne bonum opus. Quia enim primus homo ad lignum prævaricationis manus extendendo, & pedibus accedendo, chiographum damnationis nostræ diabolo confecerat: ideo Salvator noster, ut chiographum illud deleret, manibus & pedibus ligno salutiferæ crucis affigi voluit clavis invictissimæ charitatis: delens per hoc chiographum decreti



decreti quod erat contrarium nobis, & ipsum tulit de medio affi-  
gens illud cruci. O! quam libenter crucem ascendit, & quanto  
amore omnia pro nobis sustulit. O! quantâ patientiâ obedivit: &  
quantum Pater in ipsius obedientia delectatus fuit. O! quantæ  
voces ac tristes ululatus & gemitus, ibi ab amicis tuis, & præcipuè  
à Matre sua mœstissima audiuntur, cum sic crudeliter extendi-  
tur, clavatur, & foditur, & toto corpore dissipatur. O! stupor? o!  
pietatis abyssus? o charitatis incendium, o! mira circa nos Tuæ pie-  
tatis dignatio, o! inextimabilis dilectio charitatis. Sed cave ne tu  
clavos crucis Christi fabricando vel manus aut pedes Domini eis vul-  
neres, aut configas. Clavos enim crucis Christi fabricat, qui inter *Clavos*  
proximos discordias seminat. Manus verò Domini videntur clavus *Christo fa-*  
vulnerare & configere, qui de bonis à DEO datis non vult eleemo- *bricare,*  
linas erogare. Pedes autem Christi clavus ferreis perforat, qui the- *aut ipsum*  
atra seu spectacula & tabernas magis quàm Ecclesias visitat. Ex *crucifige-*  
hoc enim articulo crucifixionis, trahitur documentum, quod & nos *re, quis*  
crucifigere debemus carnem nostram cum vitiis & concupiscentiis: *dicatur.*  
ut simus fixi clavus, id est; præceptis justitiæ, sicut Christus clavus *Documen-*  
confixus fuit in cruce. Sic fecit ipse Apostolus qui dicebat: *Chri- tum.*  
*sto confixus sum cruci,* id est; crux Christi extinxit in me ardorem pec- *Galat. 2.*  
cati: timore DEI, quasi clavus affixas habens carnes. Et hoc est  
quod orat Propheta: Confige clavus à timore tuo carnes meas: se-  
cundum translationem, qua utitur Augustinus. Ad conformandum *psal. 118.*  
se huic articulo, memoretur homo continentiam ejus, & sic oret  
JESU qui durissimis clavus cruci affigi voluisti: ac per hoc chirogra-  
phum peccatorum nostrorum, & mortis eidem cruci affixisti. Con-  
fige quæso timore tuo carnes meas, ut præceptis tuis firmiter in-  
harens, semper tibi confixus sim cruci. Cum ergo crucifixio facta  
esset cruce in terra jacente: postea Christi affixum levave-  
runt cum cruce. Et hoc videtur sentire Hieronymus: & in  
quadam oratione expressè hoc dicit Innocentius Papa Tertius.  
Et hoc fortè repræsentat Ecclesia, in eo quod in die pasceves crux  
deosculando jacet ad terram appodiata. Ista autem levatio non du-  
bium, quin maximi doloris fuerit, eo quod tunc lacerabantur vul-  
nera manuum & pedum ex ponderositate corporis profluxeruntq;  
copiosi rivi sanguinis undiq; ex illis magnis scissuris & fontibus Sal-  
vatoris. In alto autem (secundum Augustinum) elevari, & non sub  
recto pari Dominus voluit, ut etiam ipsius æris natura mundare-  
tur, scilicet à dæmonibus & infectione peccatorum: sed & terra per *Augustin.*  
sanguinem decurrentem similiter mundabatur: Et secundum The- *serm. 130.*  
ophilum, ut sanctificaret aerem, qui sanctificaverat terram, ambu- *de tempore.*  
lando in ea. Et secundum Chrysostomum, ut à dæmonibus expi-  
aret ærem, & ascensum nobis pararet in Cælum. Ideo etiam sic  
elevari voluit, ut in cruce pendens in aère, se inter DEUM & ho-  
minem mediatorem ostenderet: & per passionem crucis, cujus cum  
elevata fuerit una pars ad Cælum, altera verò in terram respicit,  
humanam naturam ad consortium Angelorum revocaret. Unde *Ansel. de*  
Anselmus. Mediator DEI & hominum, inter Cælum & terram me- *meditat.*  
dius pendens, ima Superis unit: Cœlestibus terrena conjungit. Ex *redempt.*  
hoc articulo, levationis in cruce, habetur documentum, quod nos *generis*  
passionem Domini recolentes, debemus exaltari à terra, id est; à ter- *humani.*  
renis affectibus: vel etiam à terrena conversatione, saltem quod ad *Documen-*  
mentalem abstractionem, ut vel sic à terra sursum trabamur ad *tum.*  
Christum



Contempla  
tio.

stum in cruce pendentem: quatenus simus de illorum numero, de quibus ipse pollicens dixerat: Omnia traham ad meipsum. Ad conformandum se huic articulo, poterit homo ex devotione sua mentem sursum erigere, quasi Christo coram Eo pendente in cruce: & poterit hoc etiam aliquo gestu corporis representare, & sic orare. JESU qui in cruce levati, & sic à terra exaltari voluisti: fac me quæso à terrenis affectibus sublevari, & mente in Cœlestibus conversari. O! quàm malè provisum fuit JESU in tua minutione: fuit enim in sua minutione, usq; ad sudorem calefactus, firmiter ligatus, profunde vulneratus, sed malè procuratus. In tribus namq; providetur minutis: scilicet in alimonie recreatione, in quiete paulatione, & in luminis absconsione. Sed dulcis JESUS pro recreatione habuit fel & acetum: pro quiete, vexationem corporis & afflictionem animæ, pro luminis temperatione, splendorem meridianum. Hic siste anima mea: hic siste Christi sanguine redempta. Ecce Abel occisus à fratre. Ecce Isaac ligatus à Patre. Ecce serpens æneus in deserto exaltatus à Moyse. Ecce Agnus, immolatus in lege. Ecce DEUS, occisus ab homine. Ecce JESUS, crucifixus in carne. Ecce Rex tuus, suspensus in cruce. Ecce Dominus tuus, condemnatus morte. Ecce homo mitis & innocens, involutus sanguine. Ecce homo vita tua, quasi pendens ante te. Fixis in illa vulnera oculis, interna pietate considera illud corpus tenerum, corpus illud innocens, corpus immaculatum: gravi crucis extensione graviter laceratum. Attende & vide, si est dolor sicut dolor ejus. Et licet non ignores quid boni illa passio conferat mundo: tamen si quæ sunt in te pietatis, si quæ charitatis, si quæ compassionis viscera, pietatis affectu compatere & emitte lachrymas: clama & dic.

*Flecte ramos arbor alta,*

*Tensa laxa viscera*

*Et rigor lentescat ille.*

*Quem dedit navitas*

*Ut superni membra Regis*

*Mitti tendas stipite.*

Si enim crucifixus est Dominus JESUS, & in cruce extensus, quoddam dinumerari possent omnia ossa ejus: & sic angustatus undiq; quoddam se movere non posset, nisi in capite. In hora enim & in tempore illo flebili spatiosa terræ latitudo sibi defecerat: ita ut non haberet, ubi caput miseris fessum reclinaret: sed inclinatum dependebat. Clavi ferrei sustinent totum pondus totius corporis Ejus: dolores acerrimos tolerat, & ultrà quàm dici vel cogitari possit, affligitur. Vide cum quanto labore, & dolore Dominus stat in cruce, & non tædeat Te in servitio tuo stare. Quia (ut ait Petrus Damianus) Quo laboriosius in conspectu supernæ Majestatis se conspicientis quis assistit: eo svaviùs dulcedinem intimæ quietis acquirit: quantoq; difficiliùs sui corporis gravedinem tolerat, tanto copiosius eum ad DEI meritum levat. Stat etiam Dominus nudus corpore, ac vento & frigori expositus: sed vestitus amore, & amoris calore inflammatus à planta pedis usq; ad verticem: à leva in dextram intus & exterius cruciatus. Crux quippe à cruciatu dicitur, ubi dolores acerrimi exagitant: ubi diu vivitur, & mors ipsa proten-



protēditur, ne dolor citius finiatur: quod genus mortis intātū durissimū atq; turpissimū apud judæos erat, ut nō solū ipse vituperabilis esset qv̄ crucifigi cōtigisset, sed etiam tota domus Ejus, domus crucifixi appellaretur. Ut ergo Dominus à turpissima & durissima, morte, nō liberaret, nō solū durissima, sed etiā turpissima morte se condemnari permisit: & ut maledictionē quā incurreramus supportaret, maledictam mortem scilicet crucis suscepit. Secundū illud: *Maledictus qui pendet in ligno*, Unde Apostolus ait: *Factus maledictus ut nos à maledictione liberaret.* Unde Augustinus. Illa morte nihil pejus fuit. Inter omnia genera mortis, elegit extremum & pessimum genus mortis, qv̄ omnium fuerat ablaturus mortem, de morte pessima occidit omnium + mortuum. Hæc Augustinus. Hanc autem crucifixionem Christi Esaias præfiguravit, qv̄ gens Judaica terrā lignēā per medium secavit. Judæi enim terrā lignēā Christum per medium dividerunt: qv̄ animam & corpus ejus, per crucem, ab invicem separaverunt. Congruē autem Dominus tale genus Passionis elegit, quod primæ prævaricationis reatum absolveret: ut qv̄ per lignum vetitum cecideramus, per lignum sanctæ crucis resurgeremus. Et qv̄ per lignum prævaricationis mortui jacebamus: per lignum reconciliationis, ad vitam revocaremur. In cruce ergo Christus moritur, & sic genus humanū salvare voluit, ut morbo convenienter medela responderet, ut videlicet unde mors oriebatur, inde vita resurgeret: & diabolus qv̄ in ligno vincebat, in ligno quoq; vinceretur per Christum. Per lignum enim prævaricationis, mors inducta fuerat, & necessarium erat, ut per lignum Passionis pelleretur, & de ligno crucis & cruciatus lignum concupiscentiæ excluderetur, & ut Dominus per ligni dolores invictus transiens, delectationes ex ligno provenientes confutaret. Expandit in cruce immaculatas manus, pro manibus incontinentes extensis. Pro svari cibo arboris vetitæ escam fellis accepit, & in se suscipiens mortem, nostram mortalitatem abstulit. Unde Bernardus. Quid commisisti, dulcissime puer? Quid fecisti amantissime juvenis? qv̄ tua noxa? qv̄ tua causa damnationis? Ego certē tui sum causa doloris, qv̄od perpetravit servus, Dominus solvit, qv̄od commisit injustus, solvit justus. O! nate DEI, qv̄d tua descendit humilitas? qv̄i factus es obediens pro me, DEO usq; ad mortem. mortem autem crucis. Me ad illicita, traxit concupiscentia, Te pro me Sancta charitas traxit ad crucem. Ego pomum accepi, Tu clavīs laniaris. Ego pomi dulcedinem Tu fellis gustas amaritudinem. Mihi misero congaudet Eva, Tibi crucifixo plorans compatitur MARIA. Hæc Bernardus. Qvis det mihi ut totus totaliter carne, & spiritu transfigar, crucisq; affigar patibulo cum dilecto, ut nec aliquid sentiam nisi JESUM, & hunc crucifixum, & clamabo toto corde, Qvis mihi det, ut ego pro te moriar DEUS meus? Dulcis mihi lectus sit illud lignum crucis tuæ Domine, ut ego pro te moriar, in qv̄o dulciter requiescam. Manus tuæ qv̄ me fecerunt, expositæ sunt clavorū aculeis, placeat tibi ut non extendam ultra ad iniquitatem manus meas, sed per sanguinem, qv̄i de manuum tuarum plagis exivit, purifica manus & opera mea, ut sine ira & immunditia levem eas ad te, & ad opera pietatis. Sana Domine vulnera conscientie meæ, qv̄ infixi mihi manibus propriis in operibus voluptatum. Beatos pedes tuos, quorum scabellum terra est, ligno crucis passus es

*Crucis mortem cur elegit.*

*Deut. 21.*

*Galat. 3.*

*Augustin*

*Tract. 36*

*in Joann.*

*Figura. +*

*alias*

*mortem.*

*Crucis li-*

*gnum re-*

*demptio-*

*ni aptum.*

*Contem-  
platio.*

*Bernard.*

*lib. de*

*Passione.*



clavis affigi durissimis, per hoc te obsecro Domine dele errata pedum meorum, perfice gressus meos in semitis tuis, ut non moveantur vestigia mea. sed semper sint stabiles in opere Sancto. Scripsit autem Pilatus, in quadam charta tabula affixa, *titulum*, & posuit tabulam cum cavilla *super crucem*, ut eminentius appareret, & in titulo causa mortis ejus. JESUS, in quo exprimitur proprium nomen ejus *Nazarenus*, quod ad Patriam, quia ibi fuit nutritus: *Rex Judæorum*: in quo exprimitur causa mortis ipsius: quasi diceret. Ideo crucifixus est, quia erat Rex Judæorum. Mos enim erat Romanorum, super lignum crucis ponere causam mortis crucifixorum. Ipse autem accusatus fuerat, quod sibi Regnum Judæorum usurpare volebat. Pro hac ergo causa Judæi Eum Pilato tradiderant, & Pilatus Eum ad mortem condemnaverat. Et quia Judæi contra voluntatem Pilati petierunt Christum crucifigi, ideo volens se vindicare de eis, per talem modum scripsit titulum, ut redundaret in veredundiam ipsorum. Unde Chrysostomus. Sicut in trophæo literæ ponuntur victoriam ostendentes, ita Pilatus titulum cruci Christi inscripsit, simul quidem pro Christo respondens, ut Eum à communi latronum discerneret: simul autem & de Judæis ulciscens, ostendens scilicet ipsorum malitiam, dum in suum Regem insurrexerunt secundum Theophilum: Judæi procurabant scribi titulum, & intendebant per hunc illusoriè vituperare opinionem ejus qui Regem faciebat seipsum ut sic praterentes sui misereri non valerent: sed magis ei tanquam tyranno improperebant. Sed Pilatus non scripsit sicut volebant. Unde & Hieronymus. Judæi non illudentes, & iridentes hoc fecerunt: sed in intentione Pilati aliud fuit. Operabatur enim, secundum Glossam, Divina vis in corde nescientis. Divinitus namque, secundum Remigium, hoc procuratum fuit, ut talis titulus super caput ejus poneretur: ut pro hoc Judæi agnoscerent, quod Eum occidendo nihilominus Regem haberent. Unde Beda in Jo. & Beda, in quo monstrabatur jam nunc Regem ipsius, non ut ipsi putabant destructum, sed potius, augmentatum. Titulus enim positus super crucem Ejus, illud ostendit, quia nec etiam occidendo efficere potuerunt ut Eum Regem non haberent, qui eis secundum opera sua redditurus est. Hæc autem tria verba, scilicet JESUS Nazarenus Rex Judæorum: satis conveniunt ad crucis mysterium. Nam hoc quod dicit JESUS quod interpretatur Salvator, convenit ad virtutem crucis, per quam facta est nobis salus. Hoc verò quod dicit Nazarenus, quod interpretatur floridus, pertinet ad patientis innocentiam: qui est flos qui de radice Jesse ascendit, sed hoc quod dicit Rex Judæorum, pertinet ad patientis potestatem & dominium, quod ex passione promeruit: quia propter hoc DEUS illum exaltavit. Sed licet Ipse per crucem sit non solum Rex Judæorum, sed & Gentium: tamen scripsit Rex Judæorum tantum: quia ipsi Gentiles conversi ad fidem spiritualiter Judæi dicuntur, id est, cōsistentes: non circumcisione corporis, sed Christi: & ideo pro hoc quod dicit Rex Judæorum; intelliguntur etiam Gentiles conversi: ut autem dicit Beda, pulchre titulus, qui Christum Regem testetur non infra, sed supra crucem ponitur: quia licet in cruce pro nobis hominis infirmitate dolebat. super crucem tamen Regis Majestate fulgebat. Unde & Ambrosius. Merito autem supra crucem ponitur titulus: quia non humani corporis, sed Divinæ potestatis est

Beda in cap. 23. Luca.

Tituli super cruce positio

Ambrosius in cap. 23. Luc.



Regnum, quod habet Christus: Scripsit autem titulum illum non in una lingua: sed in tribus lingvis famosis, sc. *Hebraicè, Græcè, & Latinè*: & in qualibet lingua integrè ut diversarum linguarum homines, qui ad diem festum convenerant, legere & intelligere possent causam mortis Ipsi: & ut omnis lingua confiteretur, quia Dominus JESUS Christus est Rex Regum, & Dominus dominantium, in gloria DEI Patris: & ut omnis lingua commemoret perfidiam Judæorum: & ad ostendendum Ipsum pati pro populo omnis lingvæ, & eis dominari in perpetuum. Cujus signum est, quod Pilatus titulum delere noluit, vel mutare, licet Judæi hoc peterent: quia videbant quod in verecundiam eorum redundabat, eò modo quo ipse scripsit. Unde Pontifices Judæorum, volentes titulum corrigere, dicebant Pilato: *Noli scribere, Rex Judæorum: sed quia Ipse dixit, Rex sum Judæorum*. Nā in hoc quod ponit, Rex Judæorū, ostēditur Christi præconiū, & Judæorū opprobriū: quia cōtumeliosū erat Judæis quod crucifigi fecerūt Regē suū. Sed si poneretur, quia dixit, Rex sum Judæorū hoc redundaret in Christi opprobriū: & indicaret ejus culpā: & hoc ipsi intendebant: ut scilicet crucifixi famā auferrent: qui jam vivo vitam abstulerant. Pilatus verò magis confirmavit, dicens: *Quod scripsi scripsi*: id est; immobiliter & indelebilitè scripsi: quasi diceret, hoc est verum quod scripsi: ideo non mutabo. Non corrumpe veritatem, etsi vos diligitis falsitatem. Iteratio verbi, confirmatio est tituli, & Regni Christi. Immobilitas tituli, immobile Regnum significat Christi. Fuit autem secundum Augustin. Titulus iste immutabilis: non quia Pilatus scripsit: sed quia veritas dixit Rex, inquit, sum Judæorum, unde exclamat idem Augustinus. O ineffabilem vim Divinæ operationis: etiam in cordibus ignorantium. Nonne occulta quædam vox Pilato intus quodam (si dici potest) clamoso silentio personabat, quod tacito autem in Psalmorum literis Prophetarum est: ne corumpas tituli inscriptionem. Ideo, Pilatus quod scripsit scripsit: quia Dominus quod dixit, dixit. Hæc August. Commendavit autem Eum Pilatus, licet nesciens, in hoc titulo à tribus. Mors enim Christi, causa erat remissionis cul-  
 præ: quia JESUS, collationis gratiæ: quia Nazarenus, adeptionis gloria: quia Rex Judæorum, in quo omnes erimus reges. Tres verò  
 lingvæ prædictæ ad principatum in Crucis titulo sunt consecratæ,  
 quæ illæ præ cæteris eminebāt & principales erant: Hebræa propter religionem, & Judæos in lege DEI gloriantes. Græca propter sapientiam & gentium sapientes. Latina, propter potentiam, & Romanos, multis, ac penè omnibus, jam tunc gentibus imperantes: ac si diceretur. Hic est Rex totius religionis, totius sapientiæ, totius potentia. Hæ ergo tres gentes (ut ait Augustinus) sibi dignitatem  
 in Cruce Christi vendicant: in quo signatur quàm per Crucem Christi subjugari & converti deberent devoti & religiosi, qui signan-  
 tur per linguam Hebræam: sapientes, qui per Græcam: & potentes, qui per Latinam. Velint nolint ergo Judæi, diversæ lingvæ, omne mundi Regnum, omnis mundana sapientia, omnia Divinæ legis sacramenta testantur, quia JESUS Rex est Judæorum, hoc est Imperator credentiū & cōfiteñtiū DEUM. Et notādū, secundū Hieronym.  
 quia triplex distinguitur titulus. Memorialis, quando scilicet aliqua scribuntur ad memoriam facti maximè mortuorum: sic fit inscriptio super sepulchra eorum. Præconialis, qui scilicet inscribitur in præconium & laudem vivorum, sic fit in portis domorum

Augustin  
Tra. 117.  
in Joann.

Mortis Xsti  
causa.  
Lingvarum  
triu excel-  
lentia.

Augustinus  
Tract. 117.  
in Joann.

Hieronymus  
comment.  
in Psal. 14.



vel Civitatum, quoniam res actu describitur. Triumphalis, qui scilicet continet causam & ordinem alicujus triumphi: & talis fit hic titulus, de quo nunc dicitur. Post victum enim diabolus, super caput ejus fuit scriptum, hic est Rex Judæorum, scilicet corde circumcisorū, spiritu, non litera: per & hoc quod etiā in morte dicitur, Rex Judæorum: ostenditur quod nec in morte perdidit: Regnum Judæorum, sed magis acquisivit, verorum, scilicet Judæorum: ipsum corde, ore, & opere consentientium. Ex isto articulo, superscriptionis tituli, habetur documentum, quod quancūq; impugnamur à dæmone, opponamus sibi titulum justum, JESUS Nazarenus Rex Judæorum. Qui ideo titulus triumphalis dicitur, quia triumphum Christi contra diabolus evidenter exprimit. Quod sentiens diabolus, mox affixo titulo cruci, judæos instigavit ut à Pilato tituli mutationem peterent: sed Pilatus Divino instinctu in hoc facto motus, immutabilem esse titulum asseruit. In omni ergo impugnatione diabolica, Christianus hunc titulum in corde & ore, vel etiam in scripto gerat, quia inter omnia arma passionis Domine diabolus hunc titulum triumphalem maxime perhorrescit: prout metipse diabolus cuidam personæ devotæ in visione quadam exactus asseruit. Ad conformandum se huic articulo, qui illusorius fuit ex intentione judæorum, attendat homo documentum, & sic oret: JESU, quia tituli triumphalis superscriptione lutoris diffamari voluisti: da mihi sub eodem titulo Tuo sic strenuè militare, ut trophæo tuo hostis perterritus mihi non audeat propinquare. Ad literam nota, quod crux non habebat aliquid super lignum transversum, habens tria brachia ad similitudinem literæ T, sed loco quarti brachii, Pilatus super posuit cavillam & tabulam, similiter ad modum Tau, ei affixam, & in tabula scriptus erat titulus. Creditur autem crux Domini quindecim pedes habuisse in altum, & tabula superposita pedem & dimidium. Dicuntur quoq; in cruce Domini fuisse quatuor ligna diversa, & generum diversorum, scilicet stipes, sive truncus in rupe defossus, cui crux erat infixa, de cædro. palus, sive lignū erectū de cypresso. Transversale, sive lignū transversū, de palma. Tabula superposita, de oliva. Unde est iste versus.

*Ligna crucis palma, cædrus, cypressus oliva.*

Signat autem cædrus, altitudinem contemplationis: cypressus, famam bonæ opinionis, palma fructum justitiæ: oliva, lavitatem misericordiz. Crux verò quadripartita, quadrisariam partem mundi designat, nam si rectè jacendo in terra proiciatur: alia pars ejus ad orientem alia ad occidentem, alia ad meridiem, alia ad Septentrionem respicit. Cum ergo Dominus hujus genus mortis sustinere voluit: ostendit quia quadrifidum mundum salvaturus erat: & ex quatuor mundi partibus electos ad suam fidem collecturus erat: & quod virtus Passionis & crucifixionis suæ, ad has plagas mundi per crucem expandi debebat. Sive etiam tale genus mortis sustinere voluit, ut ostenderet pro quibus restaurandis patiebatur: scilicet pro supernis Angelorum ruinis replendis, pro istis de limbo educendis, pro amicis colligendis & adunandis, pro inimicis reconciliandis. Primum, designantur per brachium superius. Secundum, per inferius. Tertium, per dextram. Quartum, per sinistram. Et secundum Chrysostomum. In cruce etiam expansis manibus moritur, ut altera quidem manu veterem populum, altera eos qui sunt ex gentibus trahat, utrosq; sibi conjungens. Moralem verò Sacrosan-

*Chrysostom.  
sermon. de  
latrone.  
Cur expansis  
manibus.*



& crucis figuram describit Apostolus, ubi dicit: *In charitate radi-* Ephes. 3.  
*cati & fundati, ut possitis comprehendere cum omnibus Sanctis quæ sit lon-*  
*gitud, latitudo, altitudo, & profundum, cognoscere etiam supereminen-*  
*tem scientiæ charitatem Christi.* Ubi ostenditur quod hi qui carnem  
 suam cum vitiis, & concupiscentiis crucifigunt, latitudinem debent  
 habere in bona operatione: longitudinem in bona perseverantia:  
 altitudinem, in spe Cælestium præmiorum: profundum, in cautela  
 inscrutabilium iudiciorum DEI. Secundum Augustinum. Enim in Augustinus  
 latitudine crucis bona opera, in latitudine charitatis facta signifi- Tract. 118.  
 cantur: quia charitatis opera sunt generaliter extendenda, & hoc in Joann.  
 est in ligno transverso, quod extenduntur manus, propter operum Longitudo  
 significationem: per manus enim opera intelligimus, per latitudi- crucis.  
 nem hilaritatem operantis: quia tristitia facit angustias. In lon- Longitudo.  
 gitudine perseverantia boni operis, & Sanctæ conversationis: quæ  
 in tota longitudine temporis est habenda usq; in finem: & hoc est  
 in ligno sâ transverso usq; in terram: ubi corpus crucifixum stare  
 videtur: quod significat persistere, hoc est longanimiter permane-  
 re. In altitudine spes Cælestium præmiorum & intentio recta, quæ Profunditas  
 in DEUM tanquam in finem ultimum, cuncta bona opera referun-  
 tur, & hoc ab ipso ligno transverso sursum versusq; ad caput emi-  
 net, propter expectationem supernorum, ne illa opera bona atque  
 in eis perseverantia, propter temporalia DEI beneficia credantur  
 facienda: sed potius propter sempiterna speranda. In profundo in-  
 scrutabilia iudicia DEI, unde ista gratia DEI in homines venit: &  
 hoc est in illa parte ligni, quæ terræ abdita desixa latet, sed inde  
 confungit illud quod eminet, quia cuncta eis apparentia & eminentia  
 inde confurgunt: sicut bona nostra de profunditate gratiæ DEI,  
 quæ comprehendere ac iudicari non potest, universa procedunt, quia  
 ex occulta DEI voluntate vocatur ad participationem tantæ gra-  
 tiæ, alius homo sic, alius autem sic. Supereminens verò scienti-  
 æ charitatem Christi, eam profecto dicit, ubi pax illa est, quæ  
 præcellit omnem intellectum. Secundum Bernardum, Christus in Bernardus  
 cruce patientiam exhibet: obedientiam implet, humilitatem com- sermone de  
 mendat, & charitatem perficit. His ergo quatuor virtutum gem- Passione.  
 mis, quatuor brachia crucis decorantur. Supereminens, est chari-  
 tas à dextris, obedientia à sinistris, patientia in profundo, radix c-  
 omniū virtutū humilitas. Hæc Bernardus. In quatuor etiam bra-  
 chiis crucis, notantur quatuor crucis beneficia. Signat enim pars Crucis bene-  
 superior, januæ Cælestis apertionem: inferior, interni destructio- ficid quatuor  
 nem: à dextris, peccatorum remissionem. Crucifixi autem sunt cum Latronum  
 JESU duo latrones, propter scelera damnati: unus à dextris, qui in crucifixio.  
 sine penituit: & alius à sinistris, qui in pertinacia permansit, & JE-  
 SU in medio, Qui Mediator ad reconciliandum fuit. Sed hoc quan-  
 tum ad intentionem iudæorum, factum est Et ad ignominiam & op-  
 probriū, ut scilicet causa mortis ejus, similes judicarentur causæ mor-  
 tis latronum, ac particeps in malefactis eorum videretur, & eorum  
 societate infamaretur. Sed si ad mysteriū attēderetur, hoc ad claritatē Mysteriorum.  
 Christi pertinet: nam per hoc ostenditur, quod per Passionē suā me-  
 rebatur judiciariam potestatem: medium enim tenere propriè per-  
 tinet ad judicem. Unde Chrysostomus. Pariter crucifigunt latrones, Chrysostomus  
 non tanquam inimici latronum: participes enim erant sceleris eo- homil. 84.  
 rum, sed ut infamarent Dominum suum: quod non sine causa cru- in Joann.  
 cifixus sit, sed quasi qui facinorosus inventus sit. Unde & Ambrosius, Ambrosius in  
 quàm 23. Luca.



Cur cū pec-  
catoribus  
crucifixus.  
Esaia 53.

quā excecabilis in facto iniquitas iudeorum, ut quasi latronem crucifigerent omnium redemptorem? Ipse verò hoc permisit, & cum peccatoribus voluit crucifigi, ut ostenderet se pro peccatoribus pati & mori, & ut impleretur scriptura Esaie, quæ diu ante dixerat: *Et cum sceleratis reputatus est.* Cum iniquis ergo reputatus est in morte: ut iniquos vivificet in Resurrectione. Hæc Ambrosius. Pendet ergo Dominus inter duos latrones, quasi Dux & Magister criminum in medio locatus. In hoc autem mysterium finalis iudicii designatur, quando veniet Filius hominis, & iudicandos statuet hos,

Hieronymus  
in cap. 15.  
Marci.  
Confessio  
latronis.  
Augustinus  
Tract. 31.  
in Joann.

scilicet agnos à dextris, & alios, scilicet hædos à sinistris. Unde Hieronymus. Cum iniquis veritas deputata, unum reliquit sinistrum, alterum assumpsit dextrum: sicut in die iudicii faciet. Confessio brevis, vitam acquisivit longam, & blasphemiam finita, pæna plectitur æterna. Unde & Augustus. Ipsa crux, si attendas tribunal fuit. In medio enim iudice constituto, unus latro (qui credit) liberatus: aliter (qui insultavit) damnatus est. Jam significabat, quid facturus est de vivis & mortuis: alios positurus ad dexteram alios ad

Documentū.

sinistram. Indicabatur, & iudicium minabatur. Ex hoc articulo crucifixionis latronum cum Christo, trahitur documentum, quodd & nos cum Christo crucifigi debemus in medio latronum. Nam sicut ibi sunt tres crucifixi: duo latrones, & medius IESUS: sic in nobis moraliter crucifigenda sunt tria: scilicet caro & mundus, qui per duos latrones: & spiritus noster, qui per IESUM designatur. Caro crucifigenda est, sicut latro dexter: ut spiritus subiciatur, & ei consentiat: secundum illud Apostoli. *Qui autem sunt Christi, carnem suam crucifixerunt cum vitiis & concupiscentiis, mundum sicut latro sinister ut bono insultans relinquatur: secundum illud ejusdem Apo-*

Galat. 5.

stoli: *Mibi mundus crucifixus est & ego mundo.* Istis latronibus in nobis crucifixis, spiritus in medio crucifigatur cum Christo, ut dicat

Galat. 6.

cum Apostolo: *Christo confixus sum cruci, vivo autem jam non ego, vivit verò in me Christus.* Est autem sciendum, quodd latro sinister crucifixus quidē fuit, nō tamē salvatus, sed permansit in perfidia sua: sic mundus licet crucifigatur, remanet tamen in immundicia sua: caro autem crucifixa salvatur cum spiritu, quia in resurrectione sua

Galat. 8.

glorificabitur: unde latroni dextro dixit IESUS: *hodie mecum eris in Paradiso.* Ad maiorem autem evidentiam prædictorum, est sciendum quodd crux carnis est rigor disciplinæ: cujus quatuor sunt brachia: scilicet vigilia, abstinencia, asperitas vestium, & disciplina verberum. Crux autem quā mundus crucifigitur, est paupertas spiritus: cujus etiam sunt quatuor brachia, scilicet contemptus gloriæ, pecuniæ, Patriæ, & parentelæ. Crux verò spiritus, est fervor devotionis: cujus similiter sunt quatuor brachia, scilicet amor, spes, timor, & dolor. Spes sursum, timor deorsum: amor à dextris, dolor à sinistris. Radix autem, ex qua omnia hæc pullulant, est charitas. Unde Apostolus: *In charitate radicati, ut possitis comprehendere cum omnibus Sanctis, quæ sit latitudo, longitudo, sublimitas, & profundum.* Ubi figuram crucis, & Ejus mysterium aptissimè exprimit

Cruce carnis.

Paradiso. Ad maiorem autem evidentiam prædictorum, est sciendum quodd crux carnis est rigor disciplinæ: cujus quatuor sunt brachia: scilicet vigilia, abstinencia, asperitas vestium, & disciplina verberum. Crux autem quā mundus crucifigitur, est paupertas spiritus: cujus etiam sunt quatuor brachia, scilicet contemptus gloriæ, pecuniæ, Patriæ, & parentelæ. Crux verò spiritus, est fervor devotionis: cujus similiter sunt quatuor brachia, scilicet amor, spes, timor, & dolor. Spes sursum, timor deorsum: amor à dextris, dolor à sinistris. Radix autem, ex qua omnia hæc pullulant, est charitas. Unde Apostolus: *In charitate radicati, ut possitis comprehendere cum omnibus Sanctis, quæ sit latitudo, longitudo, sublimitas, & profundum.* Ubi figuram crucis, & Ejus mysterium aptissimè exprimit

Cruce mundi.

Paradiso. Ad maiorem autem evidentiam prædictorum, est sciendum quodd crux carnis est rigor disciplinæ: cujus quatuor sunt brachia: scilicet vigilia, abstinencia, asperitas vestium, & disciplina verberum. Crux autem quā mundus crucifigitur, est paupertas spiritus: cujus etiam sunt quatuor brachia, scilicet contemptus gloriæ, pecuniæ, Patriæ, & parentelæ. Crux verò spiritus, est fervor devotionis: cujus similiter sunt quatuor brachia, scilicet amor, spes, timor, & dolor. Spes sursum, timor deorsum: amor à dextris, dolor à sinistris. Radix autem, ex qua omnia hæc pullulant, est charitas. Unde Apostolus: *In charitate radicati, ut possitis comprehendere cum omnibus Sanctis, quæ sit latitudo, longitudo, sublimitas, & profundum.* Ubi figuram crucis, & Ejus mysterium aptissimè exprimit

Cruce spiri-  
tus.

Paradiso. Ad maiorem autem evidentiam prædictorum, est sciendum quodd crux carnis est rigor disciplinæ: cujus quatuor sunt brachia: scilicet vigilia, abstinencia, asperitas vestium, & disciplina verberum. Crux autem quā mundus crucifigitur, est paupertas spiritus: cujus etiam sunt quatuor brachia, scilicet contemptus gloriæ, pecuniæ, Patriæ, & parentelæ. Crux verò spiritus, est fervor devotionis: cujus similiter sunt quatuor brachia, scilicet amor, spes, timor, & dolor. Spes sursum, timor deorsum: amor à dextris, dolor à sinistris. Radix autem, ex qua omnia hæc pullulant, est charitas. Unde Apostolus: *In charitate radicati, ut possitis comprehendere cum omnibus Sanctis, quæ sit latitudo, longitudo, sublimitas, & profundum.* Ubi figuram crucis, & Ejus mysterium aptissimè exprimit

Ephes. 3.

Paradiso. Ad maiorem autem evidentiam prædictorum, est sciendum quodd crux carnis est rigor disciplinæ: cujus quatuor sunt brachia: scilicet vigilia, abstinencia, asperitas vestium, & disciplina verberum. Crux autem quā mundus crucifigitur, est paupertas spiritus: cujus etiam sunt quatuor brachia, scilicet contemptus gloriæ, pecuniæ, Patriæ, & parentelæ. Crux verò spiritus, est fervor devotionis: cujus similiter sunt quatuor brachia, scilicet amor, spes, timor, & dolor. Spes sursum, timor deorsum: amor à dextris, dolor à sinistris. Radix autem, ex qua omnia hæc pullulant, est charitas. Unde Apostolus: *In charitate radicati, ut possitis comprehendere cum omnibus Sanctis, quæ sit latitudo, longitudo, sublimitas, & profundum.* Ubi figuram crucis, & Ejus mysterium aptissimè exprimit

August. ser.

Paradiso. Ad maiorem autem evidentiam prædictorum, est sciendum quodd crux carnis est rigor disciplinæ: cujus quatuor sunt brachia: scilicet vigilia, abstinencia, asperitas vestium, & disciplina verberum. Crux autem quā mundus crucifigitur, est paupertas spiritus: cujus etiam sunt quatuor brachia, scilicet contemptus gloriæ, pecuniæ, Patriæ, & parentelæ. Crux verò spiritus, est fervor devotionis: cujus similiter sunt quatuor brachia, scilicet amor, spes, timor, & dolor. Spes sursum, timor deorsum: amor à dextris, dolor à sinistris. Radix autem, ex qua omnia hæc pullulant, est charitas. Unde Apostolus: *In charitate radicati, ut possitis comprehendere cum omnibus Sanctis, quæ sit latitudo, longitudo, sublimitas, & profundum.* Ubi figuram crucis, & Ejus mysterium aptissimè exprimit

7. de verbis  
Apostoli

Paradiso. Ad maiorem autem evidentiam prædictorum, est sciendum quodd crux carnis est rigor disciplinæ: cujus quatuor sunt brachia: scilicet vigilia, abstinencia, asperitas vestium, & disciplina verberum. Crux autem quā mundus crucifigitur, est paupertas spiritus: cujus etiam sunt quatuor brachia, scilicet contemptus gloriæ, pecuniæ, Patriæ, & parentelæ. Crux verò spiritus, est fervor devotionis: cujus similiter sunt quatuor brachia, scilicet amor, spes, timor, & dolor. Spes sursum, timor deorsum: amor à dextris, dolor à sinistris. Radix autem, ex qua omnia hæc pullulant, est charitas. Unde Apostolus: *In charitate radicati, ut possitis comprehendere cum omnibus Sanctis, quæ sit latitudo, longitudo, sublimitas, & profundum.* Ubi figuram crucis, & Ejus mysterium aptissimè exprimit

Apostoli

Paradiso. Ad maiorem autem evidentiam prædictorum, est sciendum quodd crux carnis est rigor disciplinæ: cujus quatuor sunt brachia: scilicet vigilia, abstinencia, asperitas vestium, & disciplina verberum. Crux autem quā mundus crucifigitur, est paupertas spiritus: cujus etiam sunt quatuor brachia, scilicet contemptus gloriæ, pecuniæ, Patriæ, & parentelæ. Crux verò spiritus, est fervor devotionis: cujus similiter sunt quatuor brachia, scilicet amor, spes, timor, & dolor. Spes sursum, timor deorsum: amor à dextris, dolor à sinistris. Radix autem, ex qua omnia hæc pullulant, est charitas. Unde Apostolus: *In charitate radicati, ut possitis comprehendere cum omnibus Sanctis, quæ sit latitudo, longitudo, sublimitas, & profundum.* Ubi figuram crucis, & Ejus mysterium aptissimè exprimit

Apostoli

Paradiso. Ad maiorem autem evidentiam prædictorum, est sciendum quodd crux carnis est rigor disciplinæ: cujus quatuor sunt brachia: scilicet vigilia, abstinencia, asperitas vestium, & disciplina verberum. Crux autem quā mundus crucifigitur, est paupertas spiritus: cujus etiam sunt quatuor brachia, scilicet contemptus gloriæ, pecuniæ, Patriæ, & parentelæ. Crux verò spiritus, est fervor devotionis: cujus similiter sunt quatuor brachia, scilicet amor, spes, timor, & dolor. Spes sursum, timor deorsum: amor à dextris, dolor à sinistris. Radix autem, ex qua omnia hæc pullulant, est charitas. Unde Apostolus: *In charitate radicati, ut possitis comprehendere cum omnibus Sanctis, quæ sit latitudo, longitudo, sublimitas, & profundum.* Ubi figuram crucis, & Ejus mysterium aptissimè exprimit

Apostoli

Paradiso. Ad maiorem autem evidentiam prædictorum, est sciendum quodd crux carnis est rigor disciplinæ: cujus quatuor sunt brachia: scilicet vigilia, abstinencia, asperitas vestium, & disciplina verberum. Crux autem quā mundus crucifigitur, est paupertas spiritus: cujus etiam sunt quatuor brachia, scilicet contemptus gloriæ, pecuniæ, Patriæ, & parentelæ. Crux verò spiritus, est fervor devotionis: cujus similiter sunt quatuor brachia, scilicet amor, spes, timor, & dolor. Spes sursum, timor deorsum: amor à dextris, dolor à sinistris. Radix autem, ex qua omnia hæc pullulant, est charitas. Unde Apostolus: *In charitate radicati, ut possitis comprehendere cum omnibus Sanctis, quæ sit latitudo, longitudo, sublimitas, & profundum.* Ubi figuram crucis, & Ejus mysterium aptissimè exprimit

extre-



extremis mihi crucifixis, in te medio conquiescam. Nec tamen Christo sic angustiato à convitiis parcut: sed quod pœnâ pejus est, passum subsannant. Undiq; pœnæ, undiq; opprobria, undiq; convitia. Quidam, scilicet *militēs*, quatuor qui Eum crucifixerant: ac *Divisio vestimentorum* ceperunt *vestimenta ejus*, excepta tunica, & juxta numerum personarum dividerunt sibi ea in quatuor partes, in præsentia sua. Et tunc *Christi* tunicam superiorem similiter acceperunt, circa partes prædictas: quam *Tunica inconsutilis* nisi scinderetur partiri non potuerunt, sed utiliter & commodè scindi non potuit: quia *erat inconsutilis*, id est, siue futura & reticulato opere facta: qualibus indumentis pauperes in Palæstina uti consueverant: & ideo ne scinderetur, ad unum eam integram pervenire sortitione maluerunt. Dicitur autem quoddam ad modum chirothecarum seu birretorum, & quorundam ciliorum quodam opere textili facta fuit: & quoddam Beata Virgo propriis suis manibus eam fecerit, & quoddam cum JESU crescente paulatim etiam creverit. *Et erat desuper contexta per totum*: quia (ut dicitur) ab extra per totum de panno aliquo erat appositum, ad eam fortificandum magis & conservandam. Unde secundum Chrysostomum. Hoc dicens Evangelista, *Chrysostomus* occultè vestis vilitatem insinuat: nam in Palæstina est quoddam genus vestium propter pauperes ex multis pannis contextum, quasi *humil. 84. in Joann.* unus pannus super alium. *Hoc autem factum est, ut adimpleretur consecutivè, id est, ad hoc & ex hoc adimpletum est: quod dictum est per Psalm. 21. Prophetam, ex persona Christi: Diviserunt sibi vestimenta mea, scilicet alia à tunica: & super vestem meam, scilicet tunicam inconsutilem, miserunt sortem.* Secundum August. *Augustinus* Quadripartita vestis Domini JESU Christi, quadripartitam figuravit Ejus Ecclesiam: toto orbe scilicet (qui quatuor partibus constat) terrarum diffusam: & in omnibus eisdem partibus æqualiter: id est, concorditer distributâ ad quas virtus crucifixi expanditur per quatuor partes crucis. Tunica vero illa sortita, omnium partium significat unitatem, quæ charitatis vinculo continetur. Si enim charitas supereminet & super omnia præcepta est: merito vestis quâ significatur, desuper contexta perhibetur. Et addidit, per totum: quia nemo ejus est expers, qui pertinere invenitur ad totum, à quo toto Catholica vocatur Ecclesia. Inconsutilis autem dicitur, ne aliquando dissolvatur. Et ad unum pervenit, quia in unum omnes colligit. In sorte autem, DEI gratia *quid.* commendata est: quia cum sors mittitur, non personæ cujusquam vel maritis, sed occulto iudicio DEI in unitate fidei conceditur. Secundum Hieronymum. Vestimenta Christi sunt, quibus tegitur *Mysticè.* corpus Ejus, scilicet Ecclesiæ quatuor milites quibus divisa sunt, *Hieronymus* quatuor genera hominum quibus data sunt præcepta: scilicet conjugati, viduati, prælati, religiosi, seu continentes. Hi omnes *in cap. 15. Marci.* dicuntur milites, quia debent militare Christo, per obedientiæ perfectionem: non mundo, per temporalium amorem: non diabolo per peccatorum perpetrationem. Tunica inconsutilis & indivisa, est *Tunica inconsutilis non dividitur.* unitas Ecclesiastica usq; in finem duratura. Sors quæ hanc tunicam uni assignat, non alii scilicet fideli, non infideli: est gratia DEI, quæ etiam hujus unitatis integritatem conservat. Christi ergo tunica partita non fuit, sed heu hodie peccatis exigentibus Christi tunica inconsutilis, scilicet Ecclesia mixta prave scinditur dissolvitur & sortitur. Quod gentiles facere noluerunt, hoc proh dolor Christiani facere non verentur. Scindunt eam hæretici, contra ipsam



diversas sententias inducendo: scindunt eam laici, affligendo. Eandemq; inter se Clerici sortiuntur, & cuius erit eam dolo & fraudibus partiuntur. Unus dicit hic est, alius hic est. O! Christi tunica quam pessima est divisio tua. Vestimenta etiam Christi dividit, qui Ecclesias spoliare, vel res proximorum distrahere præsumit. Vides ergo, quomodo vestes Christi dantur in prædam militibus, sicut vestes interfectorum dari solent tortoribus. Ex quo apparent duo documenta. Primum, Passionis Christi ignominia, in hoc quod nudum Eum crucifixerunt: quod non fit nisi vilibus personis. Secundum crucifigentium avaritia: quia vestes Christi quamvis parum valerent, omnes tamen sibi rapuerunt. Unde Chrysostomus. Dividunt vestimenta, quod in valde vilibus & abjectis condemnatis fit, & nihil aliud habentibus. Quasi enim in dehononatum, & abjectum, & omnium vilissimum hoc ita audebant: in latronibus quippe nihil tale operati sunt, sed in Christo omnia ausi sunt. Dicit etiam Theophilus, quod forsitan plures eorum egebant, vel fortè magis ad opprobrium, & ex quadam lascivia hoc faciebant: quasi iubilantive dicerent. Quia iste dixit se Regem, habeamus singuli aliquid de regalibus vestimentis ejus. Est autem miranda patientia & dispensatio misericordie Salvatoris, quia sicut agnus tondentem & occidentem se suo vellere vestit, ita se tondentes seu spoliantes & occidentes suo, vestitu vestivit, ostendens quod nisi suis exemplis vestirentur, ignominiose nuditas eorum esset coram oculis DEI & Angelorum apparens. Ex isto articulo divisionis vestimentorum Christi plura habentur documenta. Primum est, quod libenter debemus participare exempla Sanctorum, quæ per vestimenta Domini signantur. Item est documentum, secundum Hieronymum, quod observantia mandatorum DEI, quæ etiam per vestimenta signatur, est dividenda inter Christianos secundum diversos hominum status. Item est documentum, quod bonum est dividere reliquias Sanctorum, pro devotione, ad eorum honorem ampliandum. Quod enim isti milites pagani fecerunt Christo in opprobrium & derisionem, hoc boni Christiani convertere debent ad Christi & Sanctorum præconium & honorem: sicut multos ritus paganicos Christiani convertunt ad cultum DEI. Item est documentum, quod charitas, quæ secundum Augustinum, significatur per tunicam inconsutilem dividi non potest: cum ipsa ceteras virtutes connectat. Item quod nemo debet schismate dissuere unam Sanctam Catholicam Ecclesiam, quæ in unum omnes colligit, quæ etiam per tunicam inconsutilem significatur: propter quod etiam, secundum Chrysostomum, non caput ei amputatur: ut Joanni, nequè sectus est ut Esaias, ut corpus integrum & indivisibile morti servet, & non fiat occasio volentibus Ecclesiam dividere. Ad conformandum se huic articulo, imaginetur homo exempla Christi & Sanctorum, quasi quædam pretiosa vestimenta, quæ participare quantum possumus studeamus: & sic oret: JESU qui vestimenta Tua inter crucifixores tuos dividi, super tunicam autem tuam inconsutilem sortem mitti voluisti: da mihi Sanctorum tuorum exempla cum mandatorum observantia participare, & charitatem semper integram conservare. Et sedentes juxta Crucem observabāt Eum quando expiraret, & ne evaderet: vel ne aliquis Eum de cruce vivum deponeret. Et sic volebant suam impotentiam ostendere: ac si impeditus à custodibus non possent se juvare.

Documenta

Chrysostomus  
homil. 88.  
in Matth.

Theophilus

in cap. 15.

Marci.

Documenta.

Hieronymus

in cap. 15.

Marci.

Augustinus

tract. 118

in Joann



vare. Ubi Hieronym. Diligentia militum & Sacerdotum nobis proficit, ut major & apertior resurgentis virtus appareat. Illudebatur quippe & deridebatur in cruce à pluribus, & diversis vicibus. Unde nota, in serie literæ, quatuor differentias illudentium Christo in cruce. Prima est sedentium, qui Eum observabant. Secunda prætereuntium, qui Eum blasphemabant. Tertia, stantium Sacerdotum & Seniorum. Quarta, pendentium latronum. Per hos significatur quatuor genera hominum, virtutem Ejus abnegantium. In sedentibus, delitiosi, & acediosi, qui deliciis carnis intendunt. In prætereuntibus, cupidi & avari, qui prætereuntia sequuntur, & viam justitiæ prætergrediuntur. In stantibus, superbi & elati, qui stant per appetitum excellentiæ. In pendentibus, impatientes & querulosi de adversitate. Quibusdam ergo sedentibus & Eum observantibus, alii prætereûtes juxta per viam, hoc est vulgares homines circa locum crucis transeuntes, & cõsurgentes blasphemabant Eum, moventes capita sua in signum irrisiõis, & dicentes impropere: *Vah, quod est interjectio insultantis, seu deridentis & sublannantis, qui destruit Templum DEI, sicut dixisti, & in triduo illud reedificas, virtute tua quæ apparet nunc tamen infirma.* Repetunt dicta falsorum testium, & eis concordant qui sibi imponebant quod hoc dixerat: sed hoc falsum erat. *Salvum fac te ipsum, virtute quam de te prædicasti in potestate reedificandi Templum, descendens de cruce, qui promittebas te in triduo Templum reedificare.* Et iterum dicebant: *Si Filius DEI es, descende de cruce, id est; si potes amove dolores quos sustines: quasi dicerent, non potes ex quo falsitas tua patet: sed mentita est iniquitas tibi: plus enim fecit de sepulchro resurgendo, quàm fecisset de cruce descendendo.* Unde Gregorius si tunc de cruce descendisset, nimirum insultantibus cedens, virtutem nobis patientiæ non demonstrasset. Sed ex ectavit paululum, toleravit opprobria, irrisiões sustinuit, servavit patientiam, distulit admirationem. Et qui de cruce descendere noluit, de sepulchro resurrexit: plus igitur fuit de sepulchro resurgere, quàm de cruce descendere. Plus fuit mortem resurgendo destruere, quàm vitam descendendo servare. Unde etiam, secundum Chrysostomum. In verbis istis vocem filiorum diaboli, quomodo imitantur vocem Paternam. Diabolus dicebat, si Filius DEI es mitte te deorsum: & de cruce Judæi dicunt, *Si Filius DEI es, descende de cruce. Similiter & Principes & latrones, per Sacerdotum illudentes cum Scribis, id est; legisperitis, & Senioribus, id est; iudicibus ordinariis dicebant, ad alterutrum irridendo: Alios salvos fecit, & utiq; tam spiritualiter quàm corporaliter se salvum faciat, id est; supplicio crucis eruat, si hic est Christus, id est; Rex sive Messias, DEI Electus, id est; DEI Filius.* Unde Beda: Imò se Beda in salvum facere de cruce descendendo noluit, quia Ipse est Christus. DEI Electus. Nam qui ideo venit ut pro nobis crucifigeretur: ideo seipsum salvare de cruce descendendo neglexit: quia cum cæteris peccatoribus etiam illos qui eum crucifigere salvare moriendo curavit. Et iterum dicebant: *Alios salvos fecit, seipsum non potest salvum facere.* Unde Hieronym. Etiam nolentes consentitur scribæ & pharisæis, quod alios salvos fecerit. Itaq; vestra vos condemnatio sententia. Qui enim alios salvos fecit: utiq; si vellet, & seipsum salvare poterat. Et iterum dicebant: *Si Rex Israël est, non quicunq; sed Messias promissus in lege, sicut ipse dicebat de se, descendat.*

Eandem  
fraudi.  
tunica  
it, qui  
Vides  
ut ve  
ut duo  
ad nu  
decun  
am va  
Divi  
tis sit,  
ctum,  
hil ra  
The  
gis ad  
olana  
liquid  
& di  
em &  
ates &  
mplis  
DEI &  
orum  
er de  
domi  
quod  
atur,  
tatus.  
in sto  
enim  
nem,  
præ  
ver  
quæ  
divi  
od ne  
esiam  
tilem  
on ca  
corpus  
tribus  
magi  
etiola  
oret:  
er tu  
San  
cipa  
juxta  
rel ne  
m im  
se ju  
re.

Hierony.  
in cap. 37.  
Matth.  
Illudenti  
um Chri  
stū in cru  
ce differē  
tia qua  
tuor.  
Virtutem  
Christi ab  
negantes.

Gregori  
9  
hom. 22.  
in Evang.

Chrysost.  
sermone  
de cruce  
& latrone.

cap. 15.  
Marci.

Hierony.  
in cap. 27  
Matth.



dat nunc de cruce, ut videamus scilicet virtutem ipsius, quia alii res-  
ges non possunt talia facere, & credimus ei, sed mentiebantur dicen-  
tes, credimus. Unde Hieronymus: Fraudulenta promissio. Quid est  
*Idem ibidem*. enim plus de cruce viventem descendere, an de sepulchro mortu-  
um resurgere? Et surrexit, & non creditis Ei: ergo etiam si de cru-  
ce descenderit. similiter non credetis Ei. Sed mihi videtur hoc da-  
mones immittere. Statim enim ut crucifixus est Dominus, sense-  
runt virtutem crucis, & intellexerunt fractas esse vires suas: & hoc  
agunt ut de cruce descendant, ne faceret salutem quam inchoarat.  
Sed Dominus sciens adversariorum insidias, permanet in patibulo,  
*Tobia*. 6. ut diabolus destruat. Hæc Hieronymus. Tamen in Tobia super exen-  
diabolus teratione piscis legitur dæmonem stetisse super brachium crucis.  
*supra Crucem* & considerasse an Christus aliquam maculam peccati haberet. Un-  
cem stetit. de discipulis in cæna dicebat. Venit enim Princeps mundi huius, id est,  
*Joan.* 14. amatorum mundi: scilicet adversum me, sed in me non habet quidquam,  
quod ad se pertineat. Et quamvis peccatum non haberet: & ideo  
morti obnoxius non esset mori tamen voluit, quia Pater mandavit:  
& ideo subiecit, sed ut cognoscat mundus, quia diligo Patrem: & si-  
cut mandatum dedit mihi Pater, sic facio: scilicet pro hominibus  
moriendo. Considera modo quid in aliorum exitu dæmon facit,  
quod contra ipsum mundi Salvatorem & Dominum venire præ-  
*Gregorius* sumpsit. Unde Gregorius. Curandum nobis est, & cum magnis quo-  
*hom.* 39. tidie stetibus, cogitandum: quam savus, quam terribilis sua in no-  
*in Evang.* bis opera requirens, in die nostri exitus Princeps huius mundi ve-  
niat, si etiam ad DEUM in carne morientem venit, & in illo aliquid  
quæsit in quo invenire nihil potuit. Prius vero Eum in miracu-  
lis DEUM cognoverat, sed de cognitione sua ad dubitationem ce-  
cidit, quoniam hunc passibilem vidit. Hæc Gregorius. In cruce  
ergo tanquam in decipula, captus est diabolus & victus. Unde Au-  
*Augustinus* gustinus. Ipsa morte Christi est diabolus victus, tanquam in mu-  
*Psal.* 30. scipula escam accepit. Muscipula diaboli, Crux Christi: esca quæ  
caperetur mors Domini. Et iterum dicebant. *Confidit in DEO*, li-  
beret eum nunc sicut. Dixit enim quia Filius DEI sum, quasi dicerent.  
Si verum dixit, liberationem suam à DEO statim impetrabit: quia  
Pater Filios libenter liberat. Item illudebant Ei, & milites accedentes  
prope Crucem corpore, sed longe recedentes mente: & acetum of-  
ferentes illi, scilicet postea quoniam dixit litio, dicentes: Si Tu es  
Rex Judæorum, sicut dixisti salvum Te fac, scilicet à morte liberan-  
do. O! miseri, & Rex Judæorum, id est: credentium & DEUM con-  
fitentium est: & se salvum faceret, de Cruce descendendo, si vel-  
let. Miseri & cæci deberent supplicare, salvos fac nos qui indige-  
mus, non salvum te fac cum ipse esset & salvus, & salus. Sed Do-  
minus JESUS non accievit, docens nos in tribulatione habere per-  
*Documentum de tri-* leverantiam, vide quomodo non Judæis suffecit, & aliis quod Chri-  
*bulatione* stum crucifixerunt, sed etiam crucifixum Eum diversimodè deri-  
serunt. Ita multis non sufficit Christum crucifigere peccando: sed  
etiam derident crucifixum peccata iterando, vel de peccatis se ja-  
ctando. Dominum etiam deridet & subsannat, qui pro laude hu-  
mana orat vel eleemosynas dat, seu quodcunq; bonum facit. Ex  
hoc articulo illusionis crucifixi habetur documentum, quod nos  
quando fuerimus in sublimi contemplationis, vel Sacramentationis, aut  
Sanctæ Religionis positi, non debemus ad verba subsannantium  
descen-



descendere ad mundanas occupationes, sed potius sustinere perver-  
 forum subannationes: sicut Christus ad Judæorum insultationem  
 & tentativam exprobrationem de Cruce descendere noluit, sed ibi  
 usq; ad mortem perleveravit. Unde dicebat vitis, *Nunquid possum* *Judic. 9.*  
*deferere vinum meum quod latificat DEUM, & homines, & inter cætera*  
*ligna promoveri?* Similiter & oliva, & ficus dicebant. Sic est in pro-  
 posito. Cum autem tempus sit crucis, quam diu exterior homo cor-  
 rumpitur, ut per eam interior homo renovetur: & evacuetur cor-  
 pus peccati quidam tamen pro modica contumelia descendunt de  
 cruce patientiæ. Alii de cruce macerationis carnis & pœnitentiæ,  
 pro lenticula rufa & cibo delectabili. Alii de cruce compassionis,  
 pro avaritia, claudentes viscera sua cum vident proximum suum  
 necessitatem habere. De cruce sanguinis & Martyrum non descen-  
 dimus, quia nec eam ascendere volumus. Peritionem vero prædi-  
 ctam sæpe facit diabolus pœnitenti, scilicet ut descendat de cruce:  
 quia homo cadit facilius descendendo: & ideo vult diabolus ut de-  
 scendat de cruce pœnitentiæ eam deferendo. Unde quidam novi-  
 tius Parisiensis Matri suæ volenti eum de religione extrahere, sic  
 legitur respondisse: Christus propter Matrem suam non descendit de  
 cruce: sic nec ego propter Te deferam crucem pœnitentiæ. Ad con-  
 formandum se huic articulo, rememoretur homo sensum documen-  
 ti, & orat: JESU qui in cruce positus exprobrabilibus verbis illudi  
 voluisti: da mihi pro nulla diabolica vel humana suggestionem de su-  
 blimi Sanctæ Religionis & conversationis descendere, sed in tui amo-  
 ris amplexu fixum jugiter permanere. Item latrones cum Christo  
 crucifixi, illudendo idipsum, simile improprium, seu verba improp-  
 riæ præmissa improperebant ei, & convitiabantur blasphemantes,  
 secundum Augustinum. Duo dicuntur pro uno, & pluralis pro  
 singulari. Vel secundum Hieronymum. Primò uterq; blasphemavit:  
 sed visis signis in elemētis & rebus insensatis, unus in Christum  
 credidit, & priorem negationem sequenti confessione emendavit:  
 unde cum unus qui Judæos fidem respicientes signat blasphemando  
 diceret, *si Tu es Christus*, id est: Rex sive Messias, *salvum fac Te met-*  
*ipsum & nos*: scilicet salute corporali à morte liberando: non enim  
 curabat de salute spirituali, vel animæ cōmodo: alter qui gētes fidē  
 sequētes signat, increpabat Eū dicens: *Neque Tu times Deum qui in*  
*eadem damnatione es*, scilicet mortis & pœna simili: quasi diceret, li-  
 cet homines non timueris, tamen Deum timere deberes maximè in  
 articulo mortis in quo nunc es. *Et nos quidem juste in damnatione*  
*sumus.* Nam digna factis, supplicia, & secundum factorum nostro-  
 rum, exigentiam recipimus. Ecce constitetur culpam suam: ut di-  
 cat, iniquitatem meam ego cognosco: & ideo meretur misericor-  
 diam. Constitetur etiam Christi Innocentiam dicens, *hic vero nihil boni*  
*mali gessit*: quia peccatum non fecit, & sine peccato conceptus fu-  
 it. Ubi quærit Augustinus: Quis, inquit, illum docebat: nisi qui  
 juxta illum pendeat? erat enim illi fixus in latere, sed hærebat,  
 in corde. Unde conversus ad JESUM, qui novit præcordia, dixit:  
*Memento mei Domine dum veneris in Regnum Tuum.* Manifestè pa-  
 tet quòd non loquebatur de Regno temporali, sed æterno: non de  
 presenti, sed de futuro. Magna fides hujus latronis fuit: quia non  
 timore judæorum adstantium, nec proprii doloris acerbitate, nec  
 socii sui blasphematione, nec carnis Christi apparente infirmitate,

Religiosi  
 Parisiensis  
 responsio  
 ad Matrem

Augustin.  
 lib. 3. de  
 consen. E-  
 vangel.  
 cap. 6.  
 Hierony.  
 in cap. 27.  
 Matth.

Confessio  
 latronis

Fides la-  
 tronis



nec Apostolorum; fuga & negatione retrahitur à veritatis seu veræ  
*Conversio la-* fidei confessione: unde fuit ei remissio culpæ, & totius pœnæ. Ap-  
*tronis per* parer quidem hic illius conversio, quò ad plura. Primò, quò ad pro-  
*charitatem,* festum charitatis, quam vivaciter in morte sua tenuit, fratrem &  
*fidem & co-* conlatronem pro simili scelere morientem, de iniquitate sua redar-  
*fessionem etc.* guendo, & ei vitam quam cognoverat prædicando. Secundò, quò

ad fidei & veræ confessionis sinceritatem, Eum Quem secum pariter  
 morientem vidit, DEUM & Dominum regnaturum credendo, & pu-  
 blicè prædicando. Tertiò, quò ad iustitiæ & veritatis propalatio-  
 nem humiliter & verus pœnitens reatum suum fatendo: unde qui si-  
 cè confitetur, vel in confessione mentitur, Dominum cum sinistro  
 latrone sublannare videtur. Quartò, quò ad spei firmitatem Regni  
 DEI aditum & consortium postulando, nec propter peccatorum

*Satisfactio* inorum magnitudinem vel multitudinem desperando. Ille latro  
*latronis.* de nullo nisi de corde & lingua se juvare poterat, quæ DEO tota-  
 liter offerre curavit: cor quidem in contritione & intima compassi-  
 one: quia secundum Glossam, plus videbatur affligi ex Christi com-  
 passione quàm ex sua propria passione: imò plus plangens Christi  
 supplicium, quàm suum proprium: & linguam (ut dictum est) in  
 veritatis confessione. Unde Gregorius, In Cruce clavi manus pe-

*Gregor. lib.* desq; ligaverant, nihilq; ei pœnis in eo liberum nisi cor & lingua re-  
*18. moral.* manerat. Inspirante DEO totum illud ei obtulit quod in se libe-  
*c. 23.* rum invenit, ut juxta hoc quod scriptum est, corde crederet ad

*Rom. 10.* iusticiam, ore confiteretur ad salutem. Unde Beda. Quis hujus la-  
 tronis animum non miretur? imò juvantis Domini gratiam, quis  
 dignus miretur? digna gratiarum actione veneretur? Ille qui talis  
 ad crucem venit ex culpa, ecce qualis à cruce recedit ex gratia.  
 Confitebatur Dominum, quem videbat secum humana infirmitate  
 morientem: quando negabant Apostoli Eum, Quem miracula vi-  
 derant Divina virtute facientem. Hæc Beda. Obsecro Te Domi-  
 ne, da mihi primò cum latrone isto cognoscere, & deinde cogno-  
 scere Te me sicut verè peccatorem confiteri & magnificare Te, quia  
 sine culpa passus es justus pro injustis. Desiderem quæso Domine,  
 petam & impetrem eisdem verbis cum eodem, memento mei Do-  
 mine dum veneris in Regnum tuum. Per istos duos latrones signa-  
 tur illi qui pro peccatis suis expiandis cum Christo crucifiguntur,  
 per professionem in religione factam: sed aliqui revertuntur actu,  
 etsi non habitu ad sæcularem vitam. De quibus dicit Apostolus:

*Rom. 2.* Nomen DEI blasphematur per vos inter gentes: quoniam scandalizat  
 sæculares: & isti signantur per latronem blasphemantem. Alii ve-  
 rò professi crucem pœnitentiæ sustinent devotè, per patientiam: &

*Mysticè.* isti signantur per latronem Christum confitentem. Unde Beda. My-  
*Beda in cap.* sticè latrones quicum Domino hinc inde sunt crucifixi, significant  
*23. Lucæ.* eos qui sub fide & confessione Christi, vel agonem martyrii vel

quælibet continentia seu disciplinæ arctioris instituta subeunt. Sed  
 quotquot hæc pro æterna solum, Cœlestiq; gloria gerunt, hi pro-  
 fectò dextri latronis merito & fide designatur. Ad qui vel huma-  
 na laudis, intentu, vel qualibet minùs digna intentione sæculo abren-  
 nuntiant, non in meritò blasphematoris & sinistri latronis mentem  
 & actus imitantur. Quidam duo latrones cum Domino crucifixos,  
 duobus baptizatorum generibus coaptant. Quicumq; enim baptiza-

*Galat. 3.* ti sumus in Christo JESU, in morte ipsius baptizati sumus. Ambo namq;  
 similes



similes crucifixi: sed unus in cruce blasphemus peior, alter est confessione martyr effectus: quia per Baptismum quo cum peccatores essemus abluiamur. Alii dum DEUM in carne passum, fide, spe, charitate laudant, coronantur. Alii dum aut fidem, aut opera baptismatis habere renuunt, dono quod accepere primantur. Hæc Beda. Quod etiam alter latronum murmurabat, alter non: significat quod tribulationem alii patienter sustinent, & coronam merentur: alii non sustinent patienter, & damnationem consequuntur: unde de impatientibus ait Hugo. Dicunt homines quando penam sustinent. Si meruissimus non erubesceremus: nunc autem injuste pati & sine culpa, nobis ignominiosum est: imò verò si pro culpa pateris, erubescere: si sine culpa, gloriare. Latro magis vis esse, quasi est cum Christus, & fortè sinister & blasphemator: non confessor. Tu enim pro culpa pateris, & culpam agnoscis, & iudicem non veneras. Considera nunc quàm magni despectus fuit illud latronis sinistri, eò quod tam vilis & sceleratus homo & iam ad mortem damnatus, & mox pro suis vulneribus moriturus insultavit vitæ Authori. Ex hoc articulo illusionis latronis habetur documentum tale, quod discamus exemplo Christi calumnias etiam à vilibus personis patienter supportare. Item est documentum in latrone dextro, quod iniurias DEI nullatenus tolerare debemus, sed reprehendere sicut fecit latro iste. Item documentum, quantumcunq; sumus scelerati peccatores, de DEI tamen misericordia nullatenus desperemus: exemplo istius peccatoris: qui ut dicit Augustinus, per unum verbum factus est hæres paradisi. Ad conformandum se huic articulo attendat homo documenta, & oret dicendo: JESU qui Tibi ab uno latronum exprobrari & ab alio venerabiliter confiteri voluisti: fac me pro Tui Nominis gloria malignorum impropria æquanimiter sustinere, & cum illo latrone venerabili paradisi gaudia possidere. Et multa alia convitia dicebant tunc maledicti, qui aderant ibidem Domino JESU & faciebat. Ipse verò docens nos in tribulatione habere patientiã & perseverantiã, nihilominus perseverabat & permanebat in cruce usq; in finem: ut diabolum prorsus destrueret, & spolia sua ei auferet. Omnia autem ista dicuntur & sunt mestissima Matre sua præsente, quæ stabat juxta crucem cum sordibus suis, & Maria Magdalena & Joanne, cujus Matris compassio multum augmentabat Filio passionem. Et e converso ipsa cum Filio in cruce pendebat mentali dolore: & potius elegisset cum Ipso mori, quàm amplius vivere. Unde Bernardus: O bone JESU magna pateris exterius in corpore sed multo majora interior in corde, ex compassione Matris omnia tecum participantis. Hæc Bernardus. Undiq; sunt angustia, undiq; tormenta & pænæ. Sentiri potuerunt, narrari non possunt. Stabat MARIA cum cæteris juxta crucem corpore: sed in cruce tota nigraverat mente. Non avertēbat oculos à Filio, angustabatur ut Ipse, & toto corde orabat Patrem pro eo, & Filius similiter orabat pro Matre. Unde Ambrosius. Fugientibus Apostolis MARIA ante crucem stabat, & piis spectabat oculis Filii vulnera: quia expectabat non pignoris mortem, sed mundi salutem. Aut fortasse quia cognoverat per Filii mortem mundi redemptionem, aula regalis putabat se & sua morte publico muneri aliquid addituram. Sed JESUS non egebat adju tore ad operam redemptionem. Unde & Chrysostomus. In Passione Christi duo

Latronum  
differentia.

Pati sine  
culpa Christi.

Documentum.

Augustinus  
serm. de crimine  
& latronum.

Bernardus  
de passione.

Ambrosius in  
cap. 23. Luc.

Chrysostomus  
serm. de passione.  
Maria

vide. Filiū offert.



videbis Altaria: unum in pectore MARIE, aliud in Christi carne: Christus carnem, MARIA immolabat animam. Optat quidem ipsa ad sanguinem Filii addere sanguinem carnis suæ & cum Domino JESU corporali morte redemptionis nostræ consummare mysterium: Sed hoc solius summi Sacerdotis erat privilegium, ut cum sanguine intraret in Sancta Sanctorum. Ideo nec Virgini, nec Angelo, nec ulli homini potuit in reparatione hominis esse communis autoritas. In hoc autem gravissimè patitur pia Mater: quia quod Filius Ejus corpore, ipsa sustinet corde. Hæc Chrysostomus. Et quia Joannes crucifixioni adstitit: ideo ea die Passio secundum ipsum legitur, licet etiam meritò postremus legatur: quia postremus scripsit. Omnes igitur & maxime Magdalena sua dilecta discipula vehementer flebant, nec consolari de suo dilecto Domino, & Magistro poterant. Compatiebantur Domino, & etiam dominæ, & sibi ipsis. Sæpe eis dolor renovabatur: quia semper Passio Domini sui, vel in convitiis vel in factis augebatur. Stabant à longè aspicientes, & à nullo consolabantur. O! quantæ voces & tristes ululatus ibi audiebant ab amicis suis. Quod autem Joannes dicit *juxta crucem*, & alii Evangelistæ dicunt à longè mulieres stetisse, intelligendum est secundum Augustinum, quod eo inter lib. 3. de convulso erant ut & juxta dici possent: quia in conspectu Ejus præsto sensu Evan-aderant, & sic propè quod verba Christi audire poterant: & à longè, gel. cap. 21. incomparatione turbæ comprimentis, propinquius circumstantis, cum centurione & militibus. Vel erant longè, & respectu militum Christum crucifigentium & custodientium: sed propè, respectu aliorum adstantium & aspicientium. Sic ergo possunt dici longè & propè stetisse diversis respectibus. Vel primò erant propè crucem, & post commendationem Matris abierunt: ut à densitate turbæ le exuerent, & cætera quæ facta sunt longius intuerentur, ut Evangelistæ, qui post mortem Domini eas commemoraverunt, & longè stantes commemorarent. Quod autem mulieres stabant juxta crucem, discipulis fugientibus, commendant devotam constantiam in mulieribus. Unde Chrysostomus: Mulieres astiterunt cruci, fugientibus discipulis: & quod imbecillius genus est, virilius apparuit: tunc ergo sicut nec à salute. ita nec à mysterio crucis, & scientia resurrectionis excluduntur & repelluntur mulieres. Et nota, quod Beata Virgo non stetit sub cruce ad Aquilonem, ut quidam fabulantur, & sicut in picturis ponitur: sed contra faciem Filii ad Occidentem aliquantulum, tamen declinans ad Austrum. Monstratur enim juxta mortem Calvarie quidam locus, & à fidelibus veneratur, ubi ipsa cum aliis mulieribus juxta crucem Filii sui stetit, plorans & lamentans Eum: in quo loco est una capella extra Ecclesiam Sancti Sepulchri, sed conjuncta muro Ejusdem Ecclesiæ. Sta & tu juxta crucem cum ea, & lamentare Dominum pro te mortuum. Juxta crucem libenter debemus stare, & potius mente quàm corpore, habendo memoriam Salvatoris secundum statum in quo fuit in cruce. Utilis enim valde est nobis memoria talis. Ibi est nobis refugium, contra mala culpæ: refrigerium, contra mala pænæ: ibi rudimur circa bona gratiæ: ibi ostenditur nobis via ad bona gratiæ. Bona est & desiderabilis est umbra sub alis JESU ubi tutum est fugientibus refugium, gratum fessis refrigerium. Una alapotest intelligi protectio, in prosperitate, alia, protectio in adversitate. Una ala

Magdalena  
stetisse.

Augustinus  
lib. 3. de convulso  
sensu Evan-  
gel. cap. 21.

Chrysostomus  
homil. 84.  
in Joann.

Situs Maria  
sub cruce

Juxta crucem  
standū.  
Crucis me-  
morie uti-  
litas.



ala contra mala culpæ, alia, contra mala pænæ. Unde Bernardus, Bernard. lib. hac memoria absorptus, ait: Domine quocunq; iero, semper Te in de Passione. cruce video. Considera nunc qualiter Ipse est exaltatus: prout præ- Num. 21. dixerat, sicut Moyses exaltavit, scilicet super palum serpentem in deserto, ita scilicet exaltari in cruce oportet Filium hominis. Ille enim serpens æneus in deserto exaltatus, figura fuit hujus exaltationis: quia sicut ille serpentis quidem similitudinem habebat, serpentis autem venenum non habebat, quia æneus erat: sicut Christus cum iniquis deputatus, & inter latrones suspensus, carnis quidem similitudinem habebat, peccatum autem nullum habebat. Et sicut qui mordebantur à serpente, inspiciendo serpentem in palo exaltatum, sanabantur: sic contra mortuum & tentationem diaboli non est melior medicina, quam in cruce pro nobis passum aspicere Salvatorem. Si enim aspectus illius serpentis ænei salvavit à morte corporali: multò fortius fides Christi Crucifixi salvat à morte spirituali. Vide etiam Dominum tuum stantem super solium excelsum, & paratum adjudicandum: & ideo duo homines hinc inde ponuntur, quorum unus salvatur, alter condemnatur: vide etiam Christum, qui est Pontifex futurorum bonorum, qualiter extensis brachiis & manibus offert hostiam puram, scilicet carnem suam preciosam pro nobis super Altare Crucis. Vide etiam Magistrum tuum qualiter stat in alto & prædicat. Dominus enim etiam in cruce pendens, etiam usq; ad exitum spiritus non fuit ociosus: sed faciebat & dicebat utilia pro nobis. Unde secundum Augustinum, Augustinus Tract. 119. habuit sicut Magister in Cathedra: & lignum pendens, factum est in Joann. Cathedra docentis: ubi septem verba lacratissima quæ dixit in cruce positus, breviter tibi nota, & ea frequenter cum devotione pertracta. Per hæc autem septem verba possumus facere exclamationes nostras, modo tenendo partem Domini nostri, & causando contra judæos, modo compatiendo Domino nostro, modo Matri Ejus, modo nobis miseris, & in fine cujuslibet verborum facere orationem. Quidam tamen verba octo distinguunt, & verbum tertium Verba septē in duo dividunt: ita ut dixerit duo pro peccatoribus: scilicet, Pater ignosce illis: & hodie mecum eris in Paradiso: duo pro bonis, scilicet: Mulier ecce Filius Tuus: &, ecce Mater Tua: duo pro universo mundo: scilicet, sitio: & consummatum est, duo pro seipso, scilicet: DEUS meus ut quid dereliquisti me, & Pater in manus tuas commendo spiritum meum. Primum verbum fuit in ipso actu crucifixionis, cum pro suis crucifixoribus inimicis crudelissimis, Ipsum ad crucem fabricantibus, oravit dicens: Pater ignosce illis, quia nesciunt quid faciunt, scilicet bonum mihi, & malum sibi. Revera ita est: quia qui alteri malum facit, nescit quantam pœnam & culpam sibi inferat, quantamq; gratiam & coronam alteri acquirat. Vel, nesciunt quid faciunt, ignorant enim quoddam Filius tuus sum quem crucifigunt. Unde Chrysostomus. Quia Dominus dixerat, orate pro persequentibus de cruce & vos, hoc etiam crucem ascendens fecit, dicens Pater dimitte illis: latrone. Non quia non posset ipse relaxare, sed ut nos pro persequentibus orare doceret: non solum verbo, sed opere. Dicit autem, dimitte eis si pœnituerint: favet enim pœnitentibus si vellent post tantam nequitiam reatus per fidem diluere. Hæc Chrysostomus. Cum ergo Pro nesciente dixerit quia nesciunt quid faciunt: patet secundum Bedam, quod non ita orat. Beda in cap. pro eis oravit, qui per invidiam & superbiam Eum, quæ Filium DEI intel. 23. Luca.



intellegerunt, negantes crucifixerunt: sed pro eis qui zelum DEI habentes, sed non secundum scientiam nescierunt quid fecerunt. Erant enim ibi aliqui simplices & illiterati, à Sacerdotibus judæorum cepti, qui persequiebantur Christum zelo legis, & pro istis oravit Christus. Alii autem erant literati, qui Ipsum esse Christum probabiliter noverant, seu cognoscere debuerant, sed ex odio & invidia excæcati fuerunt, & Christum usq; ad mortem persecuti sunt, & pro illis non oravit. Secundum Bedam. Non frustra oravit, sed eis qui post ejus Passionem crediderunt impetravit. Unde dicitur in Actibus, quoddam conversi sunt una die tria millia, & alia die quinque millia. Nec dubium quin hoc provenerit ex virtute hujus orationis Christi. Ad quam etiam vocem multi de turba judæorum adstantiū compuncti sunt corde & pœnituerunt: ut dicitur in Evangelio Nazarenorum: & ponitur in Glossa Elia super illo verbo, & pro transgressoribus exoravit. O! quàm dulcis in oratione Christi ad crucifixorum malleationem erat melodia, de cujus consonantia conversa sunt tot millia. Nec mirum: quia ipse tantam mansuetudinem servans in contumeliis, tantam patientiam ostendens in tormentis, sic miram benignitatem exhibens crucifixoribus evidentius declaravit se Filium esse Patris Quem orabat. Quid enim majus miraculum hac benigna pietate? hoc quippe verbum magnæ patientiæ & mansuetudinis, magni amoris & indicibilis bonitatis, magni dulcoris & veniæ fuit. In quo triplex actus charitatis maximè apparuit. Primò, quia pro crucifixoribus affectuosissime oravit. Secundò, quia orationi lachrymas adjunxit. Tertiò, quia cum valido clamore, & lachrymarum effusione pro ipsis preces obtulit. Unde Bernardus: Christus flagellis cæsus, spinis coronatus, clavis confossus, crucifixus, opprobriis saturatus, omnium dolorum immemor, ait: Pater ignosce illis. Hinc multæ miseriæ corporis, hinc multæ misericordiæ cordis. O! quàm firmata est super ipsos misericordia Tua, & quàm magna multitudo dulcedinis misericordiæ Tux, quoniam potabis Domine desiderantes Te torrente voluptatis Tux. Hæc Bernardus. Non ergo desperet à modo quisquam pœnitens pro peccatis, pensando copiam gratiæ Salvatoris. Unde Augustinus: Quid autem converso non ignoscitur, si fusus Christi sanguis cognoscitur? Quis homicida desperet, si in spem redditus est, à quo etiam Christus occisus est? Per hoc verbum primum docemur petentes nos citò exaudire, injuriasq; remittere, & vindictas nō expetere: ac etiā pro inimicis intercedere, & orare eosq; diligere. Ad verbū igitur tantæ pietatis emolliatur cor nostrū, sicut dicitur in Psal. *Hodie si vocem Domini audieritis, nolite obdurare corda vestra: ut dimittam⁹ offēsas debitorib⁹ & injuriatorib⁹ nostris, & nō solū dimittamus offensas, sed etiā pro ipsis oremus intuitu ejus qui Patrem exoravit pro persecutoribus suis & crucifixoribus.* Unde Augustinus. Vide charitatis affluentiam, & mirabilem patientiam: pro inimicis facit orationem: remittit, & non expetit ultionem. Cur igitur formica, festuca, cinis, pulvis, & favilla vindictam expetis, remissionem protrahis: cum videas Regem gloriæ Dominumq; virtutum remittentem minas, contumelias, & blasphemias, & condonantem crucis molestias, & reales injurias? Unde & Anselmus. Ad locum deductus supplicii, myrrhā potatur & felle. Ita in cruce levatur, & dicit: Pater dimitte illis, quia nesciunt quid faciunt. Qualis est hic qui in omnibus pressuris suis, nec semel os suum aperuit: ut aut querelæ, aut ex-

Beda ibidē.

Act. 2.

Esaia 53.

Charitatis

act⁹ triplex

in primo

verbo.

Bernardus.

sermone de Pas-

sione Domi-

ni.

Augustinus

de cruce &amp;

latrone.

Documentū

Psalm. 94.

Ignoscere

debemus.

Augustinus

sermone de S.

Stephano.

Anselmus

speculo Evā-

gel sermo-

nis, cap. 12.



cusationis, aut comminationis, aut maledictionis verbum adversus maledictos canes illos proferret, sed novissimè verbum benedictionis, quale à sæculo non est auditum, super inimicos suos effudit. Quid hoc Viro mansuetius, quid benignius anima vidisti? Et iterum in omnibus his considera illud dulcissimum pectus, quam tranquillitatem servavit pietatis. Non suam attendit injuriam, non pœnam reputat, non sentit contumelias, sed ipsis potius à quibus patitur, ille compatitur: à quibus vulneratur, ille medetur: vitam procurat à quibus occiditur. Cum qua mentis dulcedine, cum qua spiritus devotione, in qua charitatis plenitudine clamat, Pater ignosce illis? Ecce ego Domine, Tuæ Majestatis adorator, non Tui corporis interfector: Tuæ mortis venerator, non Tuæ Passionis derisor: Tuæ misericordiæ contemplator, non infirmitatis contemptor: interpellat pro me Tua dulcis humanitas, commendet me Patri Tuo Tua ineffabilis pietas. Dic igitur dulcis Domine, Pater ignosce illi. Hæc Anselmus, O! Clementissime Domine, quanta est patientia tua? semper insidiati sunt tibi, & persecuti sunt Te & Tuos: proditiosè Te ceperunt, & malitiosè Te crucifixerunt, & modo petis ut ignoscatur illis? Domine JESU, Pater misericordiarum, oro Te ut sicut Tu pepercisti Tuis crucifixoribus, & rogasti pro eis, fac ut amore Tui parcā ego cunctis mala facientibus, & Tu Domine parcere digneris omnibus iniquitatibus meis, & Patri Tuo in conspectu gloriæ Tuæ me miserum commendare: sæpe enim Domine Te offendo, & (quantum in me est) peccatis meis crucifigo: tamen Domine Tu scis quia in Te credo, & Te Dominum meum & DEUM verum confiteor, à Quo veniam peccatorum postulo impertiri mihi misero & indigno. Secundum verbum fuit ad latronem pœnitentem & confitentem, cum dixit: *hodie mecum eris in Paradiso*. Non intellige de terreno Paradiso, vel horto voluptatis, unde Adam est expulsus, nec de Paradiso Angelico, vel Cælo Empyreo, quia ad illud ante Christum nemo ascendit, sed de limbo Sanctorum, & sinu Abraham, ad quē Anima Christi & latronis descendit: vel *in Paradiso*, id est; in fruitionis gaudio & fruitione Beata, quam habuerunt Sancti Patres in limbo, cum ad Eos descendit Christi anima, & eadem die descendit illuc Anima hujus latronis, facta particeps Beatæ fruitionis. Vel *in Paradiso*, id est; in requie, quod est esse cū Christo, vel *hodie eris mecum*, quod est esse *in Paradiso*, quia ubi est Christus, qui est Paradisus, ibi est & Paradisus: sicut ubicunq; est Papa, ibi dicitur esse Romana curia. Unde Anselmus: Credo Domine, credo certè quod ubi Tu vis, & ubi Tu es, ibi est Paradisus, & esse Tecum hoc est esse in Paradiso: quoniam venerabilis ille Confessor & gloriosus martyr Tecū fuit per totum illud hodie, & postea omni tempore. O! quàm beatum est esse Tecum, o! quàm beati sunt illi qui Tecum sunt? Illi verè sunt in Paradiso, verè sunt in requie, qui Tecum sunt fide & dilectione. Hæc Anselmus. Hoc etiam dicens magnam consolationem dedit pœnitentibus, & peccata sua confitentibus: nam re vera hodie & quotidie ita accidit, quia qui devotè & pure confitetur peccata sua, statim cum Domino est in Paradiso per gratiam, & postea erit per gloriam vel est in Paradiso, id est; in quadam requie & securitate suæ conscientie: quia *secura mens quasi jube convivium*. Ecce quàm liberalis, imò quàm prodigus hodie factus est Christus: quia latroni Regnū, crucifixo Cælum, damnato Paradisum, pro brevi petitione est largitus. Misericordia obtulit, quod miseria distu-

Oratio.

Verbum secundum  
Paradisus.

Paradisus  
est ubi Deus

Penitentium  
consolatio.

Prover. 15.



*Desperandum  
non est.*

lit. Hoc verbum secundum magni amoris & gratiæ ac consolatio-  
nis fuit: in quo Christus nobis exemplum perfectæ spei & fiduciæ re-  
liquit: ut nullus de venia peccatorum quantumcunq; enormium,  
necdū in vita, imò nec in mortis articulo desperare debeat: cum iste  
latro qui nihil boni fecerat, sed suo testimonio mortis supplicio di-  
gnus erat, veniam consecutus fuerit. Et hoc rationabiliter: nam ipse  
solum de corde & lingua juvare se potuit, quorum utrumq; DEO  
perfectissime obtulit: cor quidem in perfecta contritione: linguam  
in pura & vera confessione: & ideo non mirum si veniam impetravit.  
Sed exemplo istius latronis nullus debet suam penitentiam differ-  
re usq; ad mortem: quia privilegia paucorum, non faciunt legem  
communem: & pauci sunt qui in morte verè peniteant. Nam sicut  
monstruosum esset, quòd lupo caudam ovis haberet: ita monstro-  
sum videtur quòd vita mala bono fine claudatur. Evolvit iste latro,  
propter fidei meritum, & crucis quodammodo martyrium: ac nobis  
conversionis & penitentiae reliquit exemplum. Unde Hieronymus,  
Christus de cruce latronem in Paradisum intulit: & ne quis aliquan-  
do conversionem seram putaret, fecit homicidii penam martyrium.

*Latronis  
meritum.*

*Ambros.* in Unde & Ambrosius. pulcherrimum autem datur affectandæ conver-  
sionis exemplum, quòd tam citò latroni veniam relaxatur, & uberior  
est gratia quàm precatio. Semper enim plus Dominus tribuit, quàm  
rogatur. Ille enim rogabat ut memor sui esset Dominus cum venisset  
in Regnum suum: Dominus autem ait: amen dico tibi, hodie &c. Vi-  
ta est enim esse cum Christo: quia ubi Christus, ibi Regnū. Citò igno-

*Augustinus  
in soliloqu.*

scit Dominus, quia ille citò convertitur. Unde etiam August. Dixi-  
sti latroni, hodie mecum eris in Paradiso: ut desit locus desperationis,  
qui parcat latroni, ut ostendas fructum penitentiae, frontem misericor-  
diæ, celeritatem indulgentiae. Tu enim salvas latronem, teipsum ac-  
cusantem, teipsum excusantem, misericordiam invocantem, & blasphe-

*Chrysostomus  
sermon. de  
latrone.*

mantem socium increpantem. Unde & Chrysost. O! res miranda: nō  
Abrahæ data est promissio Paradisi, nō Patribus nō Prophetis, sed pri-  
mò latroni dicitur: hodie mecum &c. Credidit Abraham DEO, non  
sub tali cōditione posito, sed de Cælo loquēti. Credidit Esaias, sed se-  
denti super solium excelsum & elevatum. Credidit Ezechiel, sed Ei  
super Quē Cherubim contēplatus est. Credidit Moyses, sed de medio  
ignis loquēti. Sed iste vidit Salvatorem non in regali throno, sed in  
pœna sociatum latronibus. Videt in cruce pendentem, & orat quasi  
in Cœlis sedentē: videt condemnatū & invocat Regem. O! admiranda  
latronis conversio. Judæi crucifigunt, qui noverunt legē & Prophetas,  
& tu latro unde talia philosopharis? Hæc Chrysost. Sed clemens ocu-  
lus tuus o! Domine JESU respexit super eum vocasti ipsum interna  
vocatione ad penitentiam. Quis non debet in Te sperare, Te laudare,  
& benedicere, & amare, cum ita de facili pepercisti ei qui tam malè  
consumpserat vitam suam? Respira ergo nunc in spē veniæ quæcunq;  
peccatrix anima, si tamen patientis pro te Domini tui non horres te-  
qui vestigia. Sed ne præterstines usq; ad horam mortis, exemplo hu-  
jus latronis, penitere, & invenire locū Domino. Etsi enim optimum  
& salubre cōsiliū sit de misericordia Dei quærere refugium, & totū tamē  
hominē ex ea pendere ultimum est solatiū: quia misericordia & ve-  
ritas in eo obviant sibi. O! Pater clementissime rogo Te ego miser di-  
gnus infernali supplicio, ut sis memor mei in Regno Tuo, ego enim  
Domino latro sum pessimus, qui me & multos in anima occidi: sed  
Tu Domine misericordissime memento mei in bonum. Ecce

*Oratio.*



Ecce adoro te quem latro adorabat, & oro sicut ille orabat, *Memento mei Domine dum veneris in regnum tuum.* Recognosce in me Domine hanc orationem, sicut recognovisti eam in latrone, suscipe hanc à servo, sicut suscepisti eam à famulo tuo: memento mei de regno, sicut fuisti memor illius de ligno. Dic igitur, dic quæso Domine, dic servo tuo, loquere ad cor meum: dic animæ meæ, *hodie mecum eris in paradiso*, & ego confortatus desiderabili tuâ promissione, fideliter permaneam in tua fide & dilectione. In splendore fidei & Confessionis tuæ tecum sim per tuam gratiam spiritus unus, & sic tecum ero in paradiso, si videlicet in terra amoris tui delicias gustem, quibus in paradiso reficitur spiritus beatorum: verè enim gustare de tuo amore, est tecum esse, & fac me ita vivere, ut aliquando cum tuæ pietati placeat, dicas animæ meæ, *hodie mecum eris in cælo.* Tertium verbum fuit, cum ut matrem & discipulum inter angustias positus aliquantulum consolaretur, commendavit matrem solatio destitutam ac mœstam, & quasi morientem discipulo, & discipulum matri, dicens matri: *Mulier ecce Filius tuus*, hoc est, qui loco filij tui tibi debet obsequi, & affectione conjungi: quasi diceret ei, usque modo fui obsequium tibi, & tui, curam habui: sed de cætero justum derelinquo tibi, qui erit loco mei: & discipulo, ecce mater tua, hoc est cui reverentiam & servitium debes ut filius matri: quasi diceret, ei, deputo te ad ejus obsequium & curam loco mei. Hoc tertium verbum Christi fuit, si fuit maximæ sollicitudinis & pietatis, eo quod in tantis doloribus constitutus matris mœstissimæ curam gessit, & ei de ministro providit. In quo docuit nos compati parentibus nostris afflictis, & in necessitatibus subvenire: ac eis, quando indigent, curam & debitum obsequium impendere: & in quocunque statu simus parentes, (quantum bono modo fieri potest) honorare: quod prius mandavit dicens, honora patrem & Matrem, hoc nunc suo exemplo docuit & fecit, quod faciendum admonuit. Pro se enim matri, quam moriens relinquebat, alterum quodammodo filium ad ejus curam & obsequium providebat. In hoc autem quod Joanni matrem commendavit, Joannis de magna ostenditur dignitas Joannis, & quanto Eum honore honoravit. Et, *gnitas.* ut dicit Hierony. Pudicitia virginis nulli discipulorum rectius quam virgini commendata est, ut esset adinuicem grata societas, & floridus aspectus, necnon & venustus conversandi vernans alternatim pudicitiarum splendor Hierony. decoratus. *Et ex illa hora*, quamdiu vixit Maria, accepit eam Joannes in suam, *sermo. de* scilicet Matrem secundum quosdam: sed congruentius, subauditur, in suam *sumptio* curam & sollicitudinem, quam de cætero specialiter de ea gerebat, quia quid ne Matrem, *to. 4.* quid ei necessarium erat ad ipsius curam pertinebat. Tradit Dominus matrem, *to. 4.* tri Joannem pro JESU, servum pro Domino, discipulum pro magistro, hominem pro vero Deo: filium Zebedæi, pro filio Dei: nepotem pro filio suo, *Communitio iniqua.* qui erat totum suum gaudium, ac vita sua & solatium. Quæ mutatio iniqua! ipsam intus cruciat, ac matri amarior omnibus doloribus corporeæ passionis existit, & cætera corda humana, licet saxeæ, licet ferrea, scindit. Quis *Mulier.* enim sine singultu audiet eum hæc verba dicentem? non dixit ei, mater, sed, mulier, ne matris dolorem amplius excitaret. Unde Chrysostomus hic movendo quæstionem, sic dicit: O bone JESU, qui Matrem Tuam dulcissimam, quæ ita diligenter nutrit, reverenter tractavit, & dulciter lactavit, adeo indolenter alloqueris; Sed ut dictum est non vocavit eam Matrem, *Cur non matrem vocavit.* sed communi nomine: & pro materni nominis (si exprimeretur) & vehementis amoris teneritudine aggravaretur. Virginis animus: ac videns filij passionem, & audiens matris nomen doleret amplius: tunc enim non erat tempus ipsam dulciter alloquendi, nec matris nomen exprimendi: quia si Christus dulcius sibi loentus fuisset, fortè cor Virginis crepuisset. Stans autem *Status Matris sub cruce* Dominus, in cruce, faciem versus Occidentem tenebat, sed Maria & Joannes versus Orientem ad Christi faciem respicientes iugiter lachrymas fundebant: unde non stetit beata Virgo sub Cruce ad Aquilonem, ut quidam fabulantes, sed contra faciem filij ad Occidentem, aliquantulum tamen declinans ad Austum. Monstratur enim locus & à fidelibus veneratur, ubi cum alijs mulieribus Ipsa stetit. Contemplare & tu Dominum tuum, ut movearis ad compatiendum. Unde Anselmus: At tu cum Matre & Joanne accede



*Anselm. de excellen-  
tia B. Virgi-  
nis. cap. 5.* cede ad Crucem, & persusum pallore vultum JESU cominus intueri. O  
ergo? Tu sine lachrymis amantissimæ Domine tuæ lachrymas videbis. Tu  
sic manes oculis: & Ejus animam pertransibit gladius doloris? Tu sine  
gultu audies dicentem Matri, mulier ecce filius tuus: & Joanni ecce Mater  
tua. Et iterum, mulier (inquit) ecce Filius tuus? O commutatio, pro æter-  
no & incommutabili Deo, purum & corruptibilem hominem: pro naturali  
& unico filio, servum accepit in filium. O Domina qui (precor) cogitatus

*Maria mar-  
tyrum* in te succedebant, cum tam inæstimabilem commutationem ab Ipso, quem  
super omnia diligebas, tibi fieri audiebas; Verè tuam animam pertransivit  
gladius doloris qui tibi amarior extitit omnibus doloribus cuiusvis corpo-  
reæ passionis. Quidquid enim crudelitatis inflictum ex corporibus marty-  
rum, leve fuit, aut potius nihil, comparatione ipsius tuæ passionis, quæ ni-  
mirum sua immensitate transfixit tua penetralia tui benignissimi cordis. Hæc

*August.  
sermo. de  
passione  
Domini* Anselmus. Unde & August. Matri Dominus, in Cruce iam anxius, & ocu-  
lis & vultu annuens, de Joanne ait: Mulier, ecce filius tuus. Ecce Joan-  
nes, qui est nepos tuus de cætero reputabitur tibi filius: & curam habebit  
tui, erit solatium tibi fidelissimum. Inde intuitus Joannem dixit, Ecce Ma-  
ter tua, ei servias, & curam illius habe: eam tibi commendo, suscipe Ma-  
trem tuam, imò magis suscipe Matrem meam. Dum hæc pauca diceret, illi

*Maria et  
Ioannes,  
virgines &  
martyres.* duo dilecti lachrymas fundere non cessabant. Tacebant ambo illi martyres,  
& prænimio dolore loqui non poterant. Istæ duo virgines audiebant Chri-  
stum voce loquentem tanta, & ipsum videbant paulatim morientem. Ama-  
rè flebant, quia amarè dolebant, nam gladius doloris Christi, animas utro-  
rumque transibat: quæ magis amabat, seyerior fiebat in matre. Et iterum:

Eruçavit etiam os tuum verbum bonum, cum diceres: *Mulier, ecce filius tuus.*  
Cruciat te Domine JESU Crux tua, sed non minus Mater Tua: cruciat te do-  
lor tuus, sed non minus dolor ejus. Non est mirum si doles & condoles,  
si pateris & compateris, bone fili in desolatione Matris, in separatione ma-  
tris, in commendatione Matris. Nunquam enim te deseruit: non in infantia,  
non in adolescentia, non in juventute, non in passione tua. Nunquam de-  
fuit tibi ejus solatium: sed nec ejus obsequium. Lactat infantem, audit &  
sequitur prædicantem, videt & comitatur patientem: contemplatur oppro-  
bria, intuetur vulnera, audit tua verba. Tu verò bone JESU quanquam  
esset dolor intolerabilis, plaga insanabilis in agonia mortis, & ultimo spiri-  
tu constitutus non oblivisceris Matrem tuam, caput inclinas, & Eam in ma-  
trem Joanni commendas, & Eum sibi infilium adoptas: solix depositum, sin-  
gulare privilegium, insigne solatium. Urgebat te siquidem Domine JESU  
præceptum: iussisti, honora patrem tuum & matrem tuam: servitium, quod

*Maria do-  
loræ.* Ipsa exhibuit tibi: exemplum, posteris relinquendum. Considerare libet  
bona mater, & genitrix, & nutrix, & filia desolata, quis sit dolor tuus: an-  
gustia tua. Vides enim Crucifixum unigenitum tuum, mutas filium, magi-  
strum in discipulum, regem in militem, Dominum in servum, omnipoten-  
tem in deficientem. Revera viscera tua penetrat gladius, configit animam  
tuam lancea & clauus, laniat mentem tuam spinarum aculeus, lacerat cor tu-  
um filij tui amarus aspectus, deest tibi præ amaritudine lachryma: defunt  
verba, deest fortitudo, marcescit pulchritudo. Vulnera filij tui, sunt vul-  
nera tua: Crux filij tui, est Crux tua: mors ejus, mors tua. Nutris quomodo di-  
mittis alumnum mater filium, ancilla Dominum; una die orbaris patre & fi-  
lio. Hæc August. Compatiebatur itaque filius matri compatiens sibi, com-  
mota sunt quippe omnia viscera ejus super matre sua. Sciebat enim Ipse  
angustias materni cordis, noverat dolorem animæ ejus. Et, ut dicit Damasc.

*Damasc.  
lib. 4. de  
fide. c. 15* scenus, quia dolores quos Ipsa in sua non senserat parturitione, nunc gemi-  
nabantur sibi in ejus passione, ideoq; & Ipse geminum dolorem patiebatur:  
scilicet, Crucis & matris. Ad conformandum nos huic articulo, compassio-  
nis materni doloris, meditemur quantus fuerit dolor piæ Matris, & talis ma-  
tris, pro filio tali, quem videbat tam crudeliter tractari, & tam miserabili-  
ter mori. Pensamus etiam quantus fuerit dolor compassivus filij ad Matrem si-  
bi compatiens: quantus amor filij ad matrem, tam cordialiter eam discipu-  
lo commendantis. Pensamus insuper qualiter in illa commendatione cor  
virgi-



virgineum anxiabatur, cum ei pro filio alienus, & pro homine Deo homo purus dabatur. O quam miserabilis commutatio; Quis itaque ista devota meditatione pensans, poterit se continere à lachymis; Quis non compatiatur Matri totius pietatis; Quis non misereatur Matri misericordiae; Si ergo quod ad hunc articulum volumus nos Christo conformare: compatiamur dolenti matri suae, quia compassus est & Ipse. JESU qui in cruce maternae compassioni compatiens, ipsam tuo dilecto discipulo, & ei discipulum commendare curasti: commendo me tibi in illa fide & dilectione qua eos adinuicem commendasti, & supplico tibi ut per tantæ dilectionis pignora facias me ad amorem tuum veraciter pervenire, & me eorum commenda custodias, ut inter hujus vitæ discrimina ab omni aduersitate, & in omni sanctitate ac puritate & castitate mentis & corporis vitam meam custodiant, & post hujus vitæ exitum ad te, te miserante perducant. Hic nota, quod erat quidam religio-  
*Exemplum*  
 sus, qui tantam habebat devotionem in isto verbo: scilicet, *mulier Ecce filius* compassionis. tuus: quod fere per viginti annos continuavit lachrymas in tanta abundantia, quod multum de illis bibebat. Unde quando incipiebat cogitare totam passionem Domini, & veniebat ad locum istum, totus in lamenta & lacrymas dissoluebatur, & dicebat matri: O Mater mea, ecce qualiter pendet in Cruce filius tuus: vide quomodo derelictus est, & moritur filius tuus. Item dicebat filio: Ecce Mater Tua lachrymosa & dolorosa, vide quomodo stat dilectissima Mater Tua derelicta. Tu ergo charissime frequenter ita cogita, & loquere ad filium pro Matre, & ad Matrem pro filio ut gratiam obtineas utriusque: In hac autem recommendatione intelligimus non solum Joannem, sed & totam Ecclesiam & quam libet fidelem animam in Joanne beatæ Virgini commendatam, ac Ejus servitio & obedientiæ subditam, ipsamque econtra toti populo Christiano usque in finem mundi pro consilio & auxilio relictam, ut Ipsa nos habeat in filios: diligendo nos, & bonum nostrum procurando affectu materno, & nos habeamus eam in Matrem dilectissimam ipsam semper amando, & post Deum super omnia honorando. Unde *Hugo de passione Christi*  
 Hugo de sancto Victore, Ex hoc articulo ubi dictum est, ecce Mater Tua, intelligitur quod Virgo Beata non solum Joanni in Matrem traditur, imò Maria mater totius ecclesiæ universisq; peccatoribus in Matrem assignatur, cum dicitur: *ecce mater ecclesiæ* ce Mater tua. O peccator desperate, ecce Mater Tua: o verbum dulce, o verbum solatiofum, o verbum gaudiosum, ecce Mater Tua. Ipsa enim est Mater Dei & hominis, mater rei & judicis: non decet ut inter filios discordiam esse permittat. Si enim o peccator, Maria est Mater tua, ergo & JESUS est Frater tuus: & Pater Ejus, Pater tuus: ergo & regnum & hæreditas tua: ergo gratia Mariæ, quam invenit apud Deum, est thesaurus tuus. Ergo dilige eam & venerare tanquam præsentem tibi ubique, & amplius noli morari: sed ab hac hora accipe illam in tuam, ut Ipsa tandem recipiat te in gloriam suam. Hæc Hugo. Sicut ergo necessaria fuit nobis passio Domini ad saluandum, ita necessaria fuit hæc recommendatio ad nostrum auxilium & consilium. Et propterea securè currendum est ad eam, pro quacunque necessitate & utilitate. Ipsa enim Mater misericordiae, nulli consuevit misericordiam denegare. Unde Bernardus: Sileat misericordiam tuam Virgo be-  
*Bernard.*  
 ata, si quis est qui invocata eam in suis necessitatibus meminerit defuisse. *sermo. 4.*  
 Hæc quippe misericordia, nobis miseris est multum necessaria. Unde idem *de assumptione.*  
 Bernardus, Nos, quippe in cæteris virtutibus congaudemus tibi: sed in misericordia tua potius nobis ipsis. Laudamus virginitatem, humilitatem misericordiamque, sed misericordia miseris sapit dulcius, hanc amplectimur charius, recordamur sapius, crebrius invocamus. Ne timeas ad eam accedere: quia mitis & dulcis est valde. Unde iterum Bernardus: Revolve totam seriem *Idem sermo*  
 Evangelij, & si quid asperum, si quid durum inueneris in Maria, deinceps *de verbis*  
 eam suspectam habeas, & ad eam accedere verearis. Nos igitur studeamus ut exemplo Joannis Virginem Beatam in Matrem habeamus, si ipsam *Apocalip.*  
 nos ut exemplo Joannis Virginem Beatam in Matrem habeamus, si ipsam *Maria in*  
 volumus habere adiutricem. Cum enim sit triplex status hominis: scilicet *triplici sta-*  
 in vita, in morte, & post mortem: Ipsa in hoc triplici statu adjuvat filios *tuos adiu-*  
 suos, qui eam habent in Matrem. Unde cantat Ecclesia, Maria mater gratia-  
 tia, mater misericordiae, &c. Adjuvat ergo in vita: sed in vita quidam sunt  
 just.



*Tenebra  
facta.*

*Eclipsis non  
naturalis.*

*Dionys. in  
epist. ad Po-  
licarpum.*

*Quartum  
verbum.*

justi, & istis impetrat perseverantem gratiam: ideo dicitur Mater gratia, scilicet datrix & conservatrix, alij sunt peccatores, & istis impetrat peccatorum veniam & Dei misericordiam: ideo subditur, Mater misericordiae. Secundus status, scilicet in morte, est periculosus: quia hostes, id est daemones ad morientes accedunt, & si quod jus habent exquirunt, sed beata Virgo animas in morte protegit, & hostes expellit: ideo subiungitur, tu nos ab hostibus proteges. Tertius status, scilicet post mortem & animae egressum, similiter est periculosus: quia ibi sunt daemones rugientes, animam devorare vult: sed beata Virgo animas in morte suscipit & in caelum deducit: ideo subiungitur, & hora mortis suscipe. O Domine JESU, magister bone, re-commendationem quam fecisti inter nos & Matrem Tuam conserva in aeternum: & da nobis Gratiam ut Ei valeamus taliter deservire, quod digne mereamur Ejus filij nuncupari, & Ipsa dignetur Mater & Domina nostra. *A sexta autem hora facta sunt tenebrae, visibiles usque ad horam nonam super universam terram.* Quia enim agnus innocens & verus sol iustitiae eclypsim patiebatur, sol iste visibilis clarissimum mundi lumen, factori suo compatiens, lucis suae radios retraxit & occultavit: non valens intueri pendentem Dominum, ac mortis Ejus vilitatem & acerbiter. Unde Chrysostomus. Sol obscuratus est: non enim ferre poterat creatura injuriam Creatoris. Retraxit radios suos, celavit igneum thronum, ne videret impiorum facinora. Hae Chrysostomus. Hoc autem factum fuit triplici ratione. Primo, ut natura insensibilis, Christo compatiens, corda lapidea ad veram Christi compassionem emolliret. Secundo, ut eclypsis luminis solaris, subtractionem veri luminis in cordibus Judaeorum, & militum Christum crucifigentium, ostenderet. Tertio, ne Corpus Christi nudum in Cruce & mortem Ejus exprobratissimam ab impijs cum gaudio videri, vel eos sua luce frui permetteret. Non fuit ista eclipsis naturalis: quod patet ex ratione durationis: quae nunquam potest fieri naturaliter per tres horas. Secundo, ratione temporis: quia impossibile est fieri eclypsim, nisi in conjunctione solis & lunae: sed tunc luna erat plena & e regione ad solem. Tertio, ratione generalitatis: eclipsis enim nunquam potest esse super universam terram, sicut dicitur: hic: quia apud Athenas hoc fieri sum fuit. Unde Dionysius apud Heliopolim tunc praesens, vidit hoc fieri per interpositionem lunae, in terram & solem, sicut fit in eclipsi solis: quia vidit lunam ab Oriente ascendentem versus meridiem, & se supponentem soli, & transacta eclipsi luna rediit ad Orientem: ita quod in vespere fuit in Oriente, sole existente in Occidente, & sic orbes totum sunt ad primum statum restituti: unde patet etiam defectum & repugnationem solis non ex eadem parte, sed e contraria secundum diametrum incepisse. Item illae tenebrae palpabiles erant & obscurae, & nigrae sicut tenebrae Aegypti sub Pharaone, tenebrae autem ex eclipsi solis naturalis ferrugineae sunt & aerae & aliquantulum clarae. Patet ergo, quod illa eclipsis non potuit naturalis esse, sed miraculosa: & soli Christo, qui est causa omnium, manifesta. Et quia tribus horis protensa sunt tenebrae, ideo has tres horas representamus tenebris trium noctium, vel potius in memoriam triduanae sepulturae tribus noctibus celebramus, quasi triduanas exequias Christi mortui: quia nec alibi monachi novem lectiones faciunt, nisi hic & pro mortuis. Et tunc etiam primatus tenebrarum insinuat: quia in illis diebus tenebrae caperunt diem praecedere. His etiam horis, scilicet a sexta usque ad nonam magis obtenebrantur homines commestationibus & ebrietatibus vacando. O quanti & quales etiam religiosi, his horis tenebris voluptatum effrenate se immergunt: quia ea quae Christus tunc passus est, tanquam ingrati parum cogitant vel attendunt. Tibi Domine JESU morienti compassus est sol, proinde precor & obsecro, ut me quem rationalem condere dignatus es, sic facias Tua pietate compati tibi morienti, & pro nobis impijs in Crucis squalore pendenti ut in vita mea non gaudeam in luce gloriae temporalis, neque diem hominum desiderem, sed toto mentis ardore desiderem diem tuum. Quartum verbum fuit, quando circa horam nonam praenimiam doloris angustia clamans voce magna, dixit: *Eli Eli lammazabani.* Et quod Hebraice dixit, Evangelista exponit, dicens, hoc est: *Deus meus, cujus sum filius* (per naturam



rat) inquantum Deus: *Deus meus*, cujus sum filius (per unionis gratiam) inquantum homo, & sic geminatio duplicem ostendit naturam in eo: *ut quid dereliquisti me*; id est, pœnis & morti exposuisti; Hoc non loquitur Deitas, quæ passâ non fuit: quia divinitas in Christi Passione semper illæsa mansit. Sicut si sole superlucente in ligno, securis lignum incideret, sol impassibilis permaneret: multo magis verbi divinitas, secundum hypostasim carni unita, carne patiente manet impassibilis & illæsa. Sed loquitur hoc humanitas, quæ videbatur derelicta: & dolorem sustinuit, quia illa morti tradita & passâ fuit: quasi diceret Pater tantum mundum dilexisti: quod me pro Ipso tradidisti, & dereliquisti Judæis & morti. Subtraxit enim protectionem, sed non soluit unionem. Hoc etiam dixit, ut magnitudinem suæ pœnæ ostenderet. Ita enim graviter dolebat, ac si non Dei filius, sed inimicus esset. Et ideo *Derelictus* penitus videbatur derelictus à Deo, nullum refrigerium vel juvamen recipiens ab eo. Derelictum ergo se clamat, quia licet multi multa propter Deum passi sint, omnibus tamen Deus aliquid consolationis & refrigerij ministrabat: Christum verò totaliter dolori subiecerat: ut doleret quantum dolere poterat. Unde non est intelligendum, quod divinitas humanitatem deseruerit, vel ab ea separata fuerit: Deum enim, quem invocabat, inseparabiliter semper secum habebat: quia nunquam disinebat esse Deus, siue anima conjuncta corpori, siue separata: nam & tunc anima illa erat Deus, & corpus mortuum erat Deus: sed quia traditus erat ita calamitatibus, quod videbatur à Deo derelictus: quasi secundum hunc sensum diceret: Ut quid tam immanibus & intolerabilibus me exposuisti doloribus & pœnis, ac si me derelinqueres; Vehementissimo enim dolore in carne sua tenerissima tenebatur, & amarissimo dolore pro compassione suæ Matris & aliorum in anima torquebatur. Et tamen pro bono nostro ipsemet voluit hæc transire, & sic sustinebat, ut nos aliquando exemplo suo taliter patiamur, ac si a Deo derelicti videamur. Sive quando Dominus vult nos probare: vel nosmetipsi volumus nobis etiam aliquas pœnas inferre, ut sic Domino nostro conformemur in pœna ut ei possimus conformari in gloria. Vel se derelictum à Deo Patre dicit: quia tunc ferè inutilis videbatur ejus passio: de toto enim genere hominum non videbatur aliquis redimi nisi Iatro, qui ferè solus in Eum credebatur: excepta beata Virgine, quæ tunc etiam credidisse non ambigitur: in hujusmodi enim Ipsa semper excipitur. O Domina mea quanto dolore tenebaris, quoniam filium tuum sic clamantem audiebas? Et attende, quod in isto clamore non erant adhuc tenebræ, & ideo quod de tenebris est dictum, est per anticipationem accipiendum. Hoc quartum verbum Christi fuit magnæ acerbitalis: quia clamando ostendit magnitudinem sui doloris qui tantus fuit, quod præ ejus acerbitate se clamat à patre derelictum, in acerbitate passionis, omni solatio destitutum. Quæ quidem acerbitas passionis ex hoc apparet, quod Ipse patiebatur exterius in toto corpore, & ex omni parte sensuum, & ex omni genere tormentorum: intus verò ex materna compassione, quæ omnes Christi dolores corporales in seipsa per materni cordis compassionem plenissime transformabat: & ex discipulorum lapsu & excæcatione, qui omnes tunc à fide exciderant: nec non ex pretiosi sanguinis tam multiplici deperditione, quia consideravit quod pretium suæ redemptionis in tot hominibus ingratè annihilari debuit: hoc enim, secundum Bernardum, majorem dolorem ei intulit, quam omnes pœnæ quas extrinsecus pertulit. Unde bis ingeminat, *Deus meus*, ut ex hoc ostendatur immensitas sui doloris, tam in carne, quam in anima, quantum ad vires inferiores corpori affixas: quia in superioribus viribus animæ fruebatur perfecte, licet in inferioribus torqueretur acerbissime. Clamavit etiam voce magna peccatum inclamando quod fuerat tantæ mortis & miseriæ causa: quia secundum Ambr. quorum suscepit naturam, horum ploravit miseriæ: & ut duritiam humani affectus ad sui excitaret compassionem. Sciendum tamen, quod homo rationabiliter debet moveri ad compatiendum Christo triplici ratione. Primò, ex motu creaturæ in sensibilis, quæ tota Christo morienti compassa fuit. Secundò, ex conditione suæ propriæ naturæ, natura enim tot membra providit corpori humano, quot

*Derelictus  
ut dicatur  
Christus.*

*Verbum  
acerbitalis.*

*Bernard.  
sermo. de  
passione.*

*Ambros.  
in c. 23.  
Luca.*



*Cant. 8.* sunt dies in anno (ut dicunt Physici) ad designandum quod non sit dies vel momentum, in quo homo beneficium redemptionis affectuose & cum gratiarum actione non debeat recordari. Tertiò, ex divinæ vocis imprecatione: quia Ipse sponsus amaritudinem suæ passionis jubet sine internallo imprimi nostris mentibus, dicens: *Pone me sicut signaculum super cor tuum.* Cui voci anima devota obtemperans respondet, *fasciculus myrrhæ dilectus meus mihi, inter ubera mea commorabitur.* De hoc clamore appropriatè dici possunt verba Beati August.

*Aug. sermo de passione.* in sermone: Satagentis & solliciti pro nobis in tribulatione positi verba sunt ista, verba quidem teneritudinis & mæroris, verba amaritudinis & doloris. Nam qui devotè consideraret ex quam anxio gemitu, ex quam alto singultu, ex quam profundo luctu, ex quam amaro planctu hæc vox in Cruce proruperit ab ore Domini JESU: nullus est si haberet pectus ferreum, quin molliretur compunctione: si laxum, quin scinderetur compassione: si ligneum, quin flecteretur condilectione: si æreum, quin liquaretur contemplatione. In hoc verbo duplex natura in una persona Christi, clamavit ad

*Duplex natura in Christo.* duas personas in una essentia Dei, & ideo geminatur persona sub eodem actu verbi, Deus meus, Deus meus, ut quid dereliquisti me; Clamabat enim in Christo affectio rationalis naturæ, propter zelum ardentissimæ compassionis: clamabat afflictio sensualis iacturæ, propter telum acutissimæ passionis. Clamabat affectio rationalis, Deus Deus meus, ut quid dereliquisti me? in tanto mentis suspirio & mærore, qui non derelinquis clamantes ad te. Clamabat afflictio sensualis, Deus meus, Deus meus: ut quid dereliquisti me; in tanto carnis supplicio & dolore, qui non derelinquis præsumentes de te. Magnam enim patiebatur exterius amaritudinem: sed longe plus cruciabatur interius propter ingratitude. Unde Hugo inducit Eum in Cruce sic loquentem;

*Cerne homo quid pro te patior,  
Vide penas quibus afficior,  
Vide clavos quibus confodior,  
Cum sit tantus dolor exterior,  
Intus tamen planctus est gravior,  
Tam ingratum dum te experior.*

*Documentū.* Per hoc verbum quartum, docemur ad Deum in necessitatibus clamare, & in periculis ad orationem recurrere. Unde Aug. Insuper addidisti Deus meus, ut quid dereliquisti me; ut ostenderes effectum orationis, quæ sicut scutum accipienda est contra iacula tentationis, in tempore tribulationis; sicut scutum accipienda est contra iacula tentationis, in tempore tribulationis. Oraverat siquidem Dominus JESUS in horto: orat & in patibulo: quia revera oratio: est subsidium in periculo. Ascende igitur anima mea turrin & castrum orationis: Ipsa etenim est unguentum ægrotorum, scutum infirmorum, odoramentum civium supernorum. Hæc Aug. Ex hoc ergo articulo derelictionis Christi à Deo, habetur documentum, quod in nostris tribulationibus debemus ad Deum recurrere, & ei desolationem nostram conqueri orando, ut Ipse tribulationem nostram dignetur respicere: Sicut Christus qui in angustia tribulationis positus clamavit ad Deum patrem dicens: *Deus meus, Deus meus, ut quid dereliquisti me;* Quod, secundum glosam, non solum fuit verbum conquestionis: sed & orationis. Quæ quidem oratio hic subintelligitur, & in psalmo illo ex quo Christus hoc assumpsit exprimitur. Ubi dicitur: *Deus Deus meus respice in me, quare me dereliquisti;* Ubi hoc quod dicitur: *Respice in me:* est oratio, & non est in Hebræo, sed additum à septuaginta Interpretibus, magis sensum quam verba sequentibus. Quod vero sequitur, *quare me dereliquisti;* est conquestio. In hoc ergo verbo Christi, fuit oratio implicita: & conquestio explicita. De qua oratione videtur loqui Apostolus, dicens de Christo: *Qui in diebus carnis sue, preces cum clamore valido & lachrymis offerens, exauditus est pro sua reverentia.* Igitur & nos conquerentes Deo tribulationem nostram, semper subintendamus orationem, ut Ipse in nos respiciat & adjuvet. Exprimit ergo hic Dominus formam tentati, & liberati: quod dum est in tribulatione, putat se quasi derelictum à Deo, cum tamen propior sit Dominus homini in tribulatione posito. Iuxta illud Psalm. *Cum Ipso sum in tribulatione.*

*Documentū.* Per hoc verbum quartum, docemur ad Deum in necessitatibus clamare, & in periculis ad orationem recurrere. Unde Aug. Insuper addidisti Deus meus, ut quid dereliquisti me; ut ostenderes effectum orationis, quæ sicut scutum accipienda est contra iacula tentationis, in tempore tribulationis; sicut scutum accipienda est contra iacula tentationis, in tempore tribulationis. Oraverat siquidem Dominus JESUS in horto: orat & in patibulo: quia revera oratio: est subsidium in periculo. Ascende igitur anima mea turrin & castrum orationis: Ipsa etenim est unguentum ægrotorum, scutum infirmorum, odoramentum civium supernorum. Hæc Aug. Ex hoc ergo articulo derelictionis Christi à Deo, habetur documentum, quod in nostris tribulationibus debemus ad Deum recurrere, & ei desolationem nostram conqueri orando, ut Ipse tribulationem nostram dignetur respicere: Sicut Christus qui in angustia tribulationis positus clamavit ad Deum patrem dicens: *Deus meus, Deus meus, ut quid dereliquisti me;* Quod, secundum glosam, non solum fuit verbum conquestionis: sed & orationis. Quæ quidem oratio hic subintelligitur, & in psalmo illo ex quo Christus hoc assumpsit exprimitur. Ubi dicitur: *Deus Deus meus respice in me, quare me dereliquisti;* Ubi hoc quod dicitur: *Respice in me:* est oratio, & non est in Hebræo, sed additum à septuaginta Interpretibus, magis sensum quam verba sequentibus. Quod vero sequitur, *quare me dereliquisti;* est conquestio. In hoc ergo verbo Christi, fuit oratio implicita: & conquestio explicita. De qua oratione videtur loqui Apostolus, dicens de Christo: *Qui in diebus carnis sue, preces cum clamore valido & lachrymis offerens, exauditus est pro sua reverentia.* Igitur & nos conquerentes Deo tribulationem nostram, semper subintendamus orationem, ut Ipse in nos respiciat & adjuvet. Exprimit ergo hic Dominus formam tentati, & liberati: quod dum est in tribulatione, putat se quasi derelictum à Deo, cum tamen propior sit Dominus homini in tribulatione posito. Iuxta illud Psalm. *Cum Ipso sum in tribulatione.*

*Psal. 22.* & in psalmo illo ex quo Christus hoc assumpsit exprimitur. Ubi dicitur: *Deus Deus meus respice in me, quare me dereliquisti;* Ubi hoc quod dicitur: *Respice in me:* est oratio, & non est in Hebræo, sed additum à septuaginta Interpretibus, magis sensum quam verba sequentibus. Quod vero sequitur, *quare me dereliquisti;* est conquestio. In hoc ergo verbo Christi, fuit oratio implicita: & conquestio explicita. De qua oratione videtur loqui Apostolus, dicens de Christo: *Qui in diebus carnis sue, preces cum clamore valido & lachrymis offerens, exauditus est pro sua reverentia.* Igitur & nos conquerentes Deo tribulationem nostram, semper subintendamus orationem, ut Ipse in nos respiciat & adjuvet. Exprimit ergo hic Dominus formam tentati, & liberati: quod dum est in tribulatione, putat se quasi derelictum à Deo, cum tamen propior sit Dominus homini in tribulatione posito. Iuxta illud Psalm. *Cum Ipso sum in tribulatione.*

*Hebr. 5.* dicens de Christo: *Qui in diebus carnis sue, preces cum clamore valido & lachrymis offerens, exauditus est pro sua reverentia.* Igitur & nos conquerentes Deo tribulationem nostram, semper subintendamus orationem, ut Ipse in nos respiciat & adjuvet. Exprimit ergo hic Dominus formam tentati, & liberati: quod dum est in tribulatione, putat se quasi derelictum à Deo, cum tamen propior sit Dominus homini in tribulatione posito. Iuxta illud Psalm. *Cum Ipso sum in tribulatione.*

*Psal. 4.* minus homini in tribulatione posito. Iuxta illud Psalm. *Cum Ipso sum in tribulatione.*



latione. Dereliquit quippe Dominus amicos suos, dum tribulationibus exponit ad tempus, ut misereatur in aeternum. Dereliquit: id est, ad modum derelipientis se habet: quia protectionem suam subtrahit. Sicut enim Deum penitere, est admodum penitentis se habere: ita hic Deum aliquem derelinquere, est ad modum derelipientis se habere. Ad conformandum se huic articulo, meditetur homo quam atrocibus pœnis expositus fuerat Christus, quoniam sic clamavit ad Patrem, & recolligat omnes passiones & tribulationes suas, & congueratur eas Deo Patri in unione passionum Christi: clamans in toto corde, simul cum Christo, verba hæc, *Deus meus, Deus meus respice in me, ut quid me dereliquisti*; Nec miretur vel deficiat, si tribulari permittitur: quia sic suo capiti conformatur. Domine JESU, qui pendens in Cruce preces ad patrem cum clamore valido & lachymis obtulisti: da mihi in omni tribulatione & angustia mea ad te clamare, nec tu me patiaris (velut derelictum) à tua misericordia reprobari: sed exaudias de cælo vocem meam, & facias in tribulatione proveniunt, ut sentiens me tua misericordia salvatum, possim cantare gloriam & laudem tuam: dicens: Voce mea ad Dominum clamavi: voce mea ad Deum, & intendit mihi. *Quidam autem illic stantes, & audientes hoc verbum Domini: dicebant, Heliam vocat iste, hi* (secundum Hiero.) Romani milites Ipsum custodientes fuisse videntur, qui erant gentiles, non intelligentes Hebræum, & putantes propter sonum & quandam affinitatem vocabuli Eli, idem quod Helia sonare & Helia vocari vel fuerunt Judæi, Dominum imbecillitatis infamantes, quod Helia deprecaretur auxilium: reputantes Eum minorem fuisse Helia. Uel forte Ipsi Judæi potuerunt hoc dicere, non bene intelligentes quod dicere, propter tumultum obstrepentem circûqvaque Quintum verbum fuit, cum *Iesus scirens omnia consummata*, quæ lex & propheta prædixerant de eo, & quæ erant scripta de Christo passuro, & quæ oportebat fieri antequam acciperet acetum, & traderet spiritum, ut hoc etiam consummaretur quod in scriptura prædictum restabat: & consummandum erat, scilicet, In siti mea potaverunt me aceto: dixit, *Sitio*, ac si diceret: Hoc solum ex scripturis implendum restat: perficite quod prædixit, Unde cum dicitur, *ut consummaretur scriptura*: ut, non ponitur causative, sed consecutive: non enim ideo Christus hoc fecit, quia scriptura hoc prædixerat: nam tunc sequeretur quod novum testamentum propter vetus & Ejus impletionem esset, cum tamen e converso sit: sed ideo prædictum, est, quia per Christum consummandum erat: hoc enim facto impleta est scriptura prophetiæ, sic in alijs suo modo intellige. Dixit ergo, *Sitio*: scilicet hominum salutem, quam hanc desiderio cordiali sitivii: videlicet sitim sitiens: id est, desiderans, ut nos sitiremus fontem vivum. Hoc quintum verbum: fuit maxime consolatorium omnium totius ecclesiæ fidelium, quando dixit, sitio, scilicet salutem humanam ferventissimo desiderio In hoc enim ostenditur Ejus ardens desiderium de salute generis humani: quod vult omnes homines saluos fieri: nam vehemens desiderium exprimere consuevimus per sitim, Unde dicit Psalm. *Sitivit anima mea ad Deum fontem vivum* Psalm. 41. Unde Bern. Sitio, ait Christus, non doleo. O Domine quid sitis? Fidem vestram, gaudium vestrum: plus animarum vestrarum quam corporis mei cruciatus me sitit. tenet: & si non mei, saltem vestri miseremini. Et iterum. O bone Iesu coronam spineam sustines de tua Cruce, & de vulneribus tuis taces, & pro sola siti clamas dicens, sitio, quid ergo sitis? Certè solam redemptionem hominis, & gaudium humanæ salutis. Per hoc verbum quintum, docemur salutem nostram desiderare, & æternam vitam appetere. Unde August. Adiecasti etiam Domine JESU Christe, sitio: quid sitis Domine JESU; vinum de vite, aut aquam flumine; Sitistis tua, salus mea, cibus tuus, redemptio mea. Siti igitur anima mea, & desiderata sicut desiderat cervus ad fontes aquarum, illum videlicet qui sitivit te: nonne tadet te anima mea intemperies aëris, molestia carnis, & cordis pugna cum vitijs, varietas formæ, mutatio & incertitudo temporis, expectatio & timor mortis; Cur igitur non cupis dissolui, & esse cum Christo; Cur te retardat vita mortalis: & non provocat te vita vitalis, beatitudo fontalis, societas & lætitia spiritualis, Desidera igitur, & considera quam magna multitudo dulcedinis tuæ, quæ gloriosa dicta sunt de te civitas Dei, ubi est lumen vitæ, fons totius dulcedinis, & beatitudo utriusque hominis. Hæc Aug. In hoc verbo Domini fuit magna habentis compassio matris, & sociarum Ejus, & Joannis, & maxima exultatio illis pessi-  
potum,  
Ddddddz  
mis,

Hierony. in  
c. 27. Math.

Quintum  
verbum.

Sitis Christi.

Verbum  
consolatio-  
nis.

Sitis Christi

August. in  
meditat.

Compassio  
Marie non



mis, nam licet exponi possit quod sitiebat salutem, tamen ad literam aestimare potes quod in veritate multum sitiebat, quia propter nimium laborem, & sanguinis emanationem, totus desiccatus intus & arefactus & adustus erat, & propter hoc sitiebat supra modum: & talis sitis est maximum tormentum. Et cum illi maligni cogitare non possent in quo amplius ei nocerent: acceperunt vexandi materiam, & dederunt ei in spongia, quæ propter porositatem de aceto multum imbiberat, arundini imposita, ut rursus ad os pertingeret: ac hyssopo circumposita, & circumligata: ut per hyssopum herbam amarâ, de spongia suggeret acetum seu vinum acetosum, cum felle mixtum seu mirrhatum, quale etiam illi priusquam Crucem ascenderat propinaverant. Sic ergo bis potatus fuit: & ante Crucifixi-

*Potatus bis  
et causa po-  
tationis.*

*Judeorum  
perversitas.  
Chryso-  
stom. 84.  
in Ioan.*

*Remigius  
in. c. 27.  
Matth.*

*Contra  
gulosos.*

*Bernard.  
sermo. de  
passione.*

*Documenta.*

onem, & in Crucifixione. Et est ratio potationis, & ratio geminationis huius. Dicunt enim quidam Crucifixos citius mori si acetum potantur: & ideo potatus est iste, & non alij, ut citius moreretur, & hoc vel instinctu Judæorum, qui captabant maximè mortem Christi, vel ex tædio militum, ut citius à custodia Ejus absolverentur: quia tædebat eos ibi morari. Competit autem mysterio gemina potatio, propter geminam personam quæ peccaverat, gustato ligno vetito, ex qua damnata erat generis humani propagatio. In hoc etiam potu amaro, amaritudinem suæ peruersæ voluntatis estenderunt, quia quantum poterant, tantum ei nocuerunt. De quorum malitia, sic dicit Chrysostr. Tu autem mihi temeritatem eorum qui assisteant cogita. Et si decem millia habuerimus inimicorum, & si insanabilia passi simus, videntes eos interfici flectimur: hi vero neque in his quæ videbant facti sunt mansueti: sed saeviebat magis & insaniam intendebant, & spongiam afferentes aceto potabant. Hæc Chrysostr. Unde secundum Remigium Ipsi Judæi erant acetum, degenerantes à vino Patriarcharum & prophetarum in acetum, id est, in malitiam & crudelitatem, habentes fraudulenta corda, quasi spongiam cavernosis atque tortuosis latibulis. Ob hoc signanter fel cum aceto sibi prorrerunt, ut in omnibus sensibus ipsum amaritudinem replerent, iam enim vulnatus fuerat oculis, contra ligni vetiti procacem visionem: iam maxillas Ejus pugnis attriverant, contra pomi vetiti masticationem: iam collum Ejus alapis ceciderant, contra cibi vetiti traiectionem: solum restabat os, & nares affligere, & ideo nares Christi affligebat tam cadaveris fatore, quam acetum odore: os vero affligebat, fellis amaritudine. At Ipse acetum quidem accepit, non ut biberet, sed gustavit, ut scripturam, seu quod scriptum erat, adimpleret. Et quia Eli Eli clamaverat, ceteri potum ei dantes dicebant: *sine*, id est expecta, *videamus*, per experimentum an veniat Helias liberans Eum. Quia verò vocem Domini malè intellexerant, non enim Helias, sed Deo loquebatur, ideo frustra & inaniter adventum Helias expectabant. Ecce qualis cæna dabatur Domino nostro: hora autem iam cænandi: sed præ labore & dolore non petiit aliud pro cæna nisi potum, & filij diaboli dederunt ei pro cibo, fel, & pro potu, acetum. O nos miseri quid faciemus, qui aliter cænare, & aliter potare volumus, & delicias quærimus, Certe si mille annis homo viveret, & quotidie in pane & aqua ieiunaret, unicam cænam illam sufficere compensare non posset. Verumtamen qui potest capere capiat: quia durus est hic sermo pro carnalibus: & ideo non sapiunt, non sentiunt cum sapore quæ Dei sunt, & consolationes internas amittunt. Quia si acetum Domino propinatum ad mentem reducerent, in cibo & potu quâcumque vilem saporē invenirent. Unde Bernardus. Non est cibus adeo aridus, qui non efficiatur saporis, si illius acetum quod propinatum est condimento fuerit temperatus. Si ergo cibus defectu salis, vel alia causa fuerit tibi insipidus: non apponas ibi sal, vel condimentum aliud, sed propter Christum felle & aceto potatum sensualitati resistas: cogitans quod pro peccatis tuis in pane & aqua abstinere debes, & quod multi pauperes sibi ista reputarent ad delicias: & tunc videbitur tibi magna gratia aliquid adiecisse ad hæc Ipsa. Ex hoc articulo, patationis acetum, trahuntur plura documenta. Primum accipiendo ista mysticè in bono sensu, sicut Judæi & milites multa fecerunt mala intentione, quæ tamen mysterium boni nobis important, & secundum hoc docemur, hæc, quod & nos vinum devotionis, admixtum myrrha mortificationis carnis, & felle amaræ compunctionis Christo propinare debemus. Tale enim vinum myrrhum & fellitum Christus à nobis petit, & oblatum libenter gustat: sed non vult bibere & in se trajicere, quia ipse bonorum nostrorum non eget. Quid



Aliud documentum est, accipiendo in malo sensu, quod nos caveamus ne vinum myrrhatū vel felleum Christo bibendum offeramus: quia sicut tunc judæi, ita etiam mali Christiani dant DEO bibendum amarum potum, & Christo sitienti salutem animarum, offerunt amaritudinem peccatorum. Quicunq; enim rectè credunt, sed male vivunt, hi Christo dant bibere vinum cum myrrha & felle mixtum, quia vinum Christianæ professionis vel devotionis, miscet cū myrrha & felle scandalosæ conversationis, in quantum male vivendo scandalizant Ecclesiam, quales sunt præcipuè mali Prælati, Sacerdotes, & Monachi, & aliæ personæ religionis speciem prætendentes, qui specialiter se ad cultum DEI devoverunt. Qui præ cæteris Christianis vinum devotionis, quod DEUM & homines lætificat, DEO offerre deberent, sed per suam scandalosam conversationem vinum suum myrrha & felle malorum exemplorum miscet, & hoc DEO offerunt: quibus Dominus exprobrat dicens: *Vinea mea electa ego te* Jerem. 2. *plantavi: quomodo conversa es in amaritudinem?* Alii sunt qui acetum in spongia cum calamo Domino offerunt, qui extraneas à veritate alienas sententias ex scriptura applicant Christo, quasi eas dicenti: quales sunt qui singulares sensus, à communi Ecclesiæ doctrina extraneos, ex scriptura trahere moluntur, & sic in errores homines mittunt. Hi enim spongiam aceto implentes, calamo scripturam imponunt, & ori Ejus offerunt. & talis potus est Christo insipidus: nam cum gustasset voluit bibere. Ex quo etiam nobis datur documentum, quod sicut Christus non dedignatus fuit pro nobis acetum gustare, sed non bibit: sic & nos suo exemplo discamus prædictos aridos homines tam scandalosos in vita, quam superstitiosos in doctrina, gustare quidem: id est, pati & tolerare, sed nequaquam bibere, & eorum vita & exempla bonis incorporare: quemadmodum Dominus noster acetum non bibit: quia tales in Corpus Ejus trahi non possunt. Item est documentum pro religiosis & pœnitentibus quod si quando eis apponitur cibus vel potus pœnitentialis & minus lapidus, recogitent Christum felle & aceto pro nobis potatum. Post Eccles. 18. concupiscētiās ergo tuas non abeas, sed eas, viriliter frangas, & nunc felle amaritudinis cum dilecto tuo potaberis. Ad conformandum se huic articulo, recogitet homo quanto desiderio Salvator Noster salutem nostram sitivit, pro qua etiam acetum cum myrrha & felle accipere non dedignatus fuit: ad ostendendum quod non salutem, quæ est vita æterna, consequi valeamus, nisi prius amaritudinem vitæ præsentis gustemus. JESU qui nostram salutem sitiens aceto & vino myrrhato cum felle potari voluisti: salva me tua gratuita gratia in numero salvandorum: & da mihi versa vice sitire Te fontem vitæ, & aquæ vivæ, corde diligendo, ore laudando & prædicando, & amorem ad Te habitum operibus ostendendo, fac me viuum devotionis, cum mirrha mortificationis carnis, ac felle pœnitentialis compunctionis Tibi dignè offerre, & da mihi acerbiter calicis Tui non horrere, sed cum gaudio amplecti & bibere ad salutem, ut pro amore Tuo animæ meæ sitienti amara dulcia videantur. Sextum verbum fuit, cum dixit: *Consummatum est*, id est: totum completum est in opere etiam usq; ad aceti potum, quidquid de me lex & Prophetæ prædixerant, & quidquid de me scriptum erat, & opus redemptionis humanæ, & omne opus meum quod in mundo facere debui, consummatum est & perfectum: ac etiam omnis pena & omnis

Ecece

Sextum  
verbum.

pu.



pugna consummata est & completa: omnisq; labor & dolor, quem suscipere veneram, est finitus: tempus quoq; quo inter homines esse debuit, ad honorem DEI Patris & utilitatem fidelium, est completum, & obedientiam, quam dedit mihi Pater, perfecte complevi: & quidquid oportebat fieri antequam morerer, factum est; & nihil remanet, nec quidquam jam restat quod antequam moriar adhuc fieri oporteat. Et hanc consummationem etiam Ipse prädixerat: *Consummabuntur*, inquit: *omnia quæ scripta sunt per Prophetas de Filio hominis*. Acetosô igitur & felleo poculô propinato, intulit: *consummatum est*, tanquam si in gustu aceti & fellis totius amarissimæ passionis consummata plenitudo consisteret. Per hoc diluitur primus ille malè delectabilis gustus. Nam cum per gustum ligni Iyavis & vetiti totius nostræ perditionis causa extiterit prævaricator Adam: opportunum fuit & congruum, per viam contrariam invenire salutis nostræ remedium. Et cum in singulis membris ipsius acutissimarum passionum militantes sagittæ crebrescerent quarum indignatio ebibebat Spiritum Ejus: decebat, ut cibi verbiq; vehiculum nequaquam maneret immune: ut verificaretur illud Prophetæ: *Replevit Verbum per me amaritudine, inebriavit me absynthio*. Hoc verbum sextum magnæ perfectionis fuit, cum dixit: *consummatum est*, per hoc insinuans, quod omnia consummaverat, quæ pro salute humana Ipsum Christum pati vel agere oportebat. Et exemplariter: Nam sicut bonus medicus Primò pro infirmo diætâ taxat: Secundò sudorê procurat: Tertio si prædicta non sufficiunt, indicit minutionem, pro humorum correctione: Quartò ministrat potionem pro malæ materiæ evacuatione: sic Christus (ut nos à morbo peccati salvaret) pro nobis primò quadraginta diebus jejnavit: secundò sudorem sanguineum pro nobis exhalavit, tertio per totum corpus suam minutionem celebravit, quando pro nobis totum sanguinem suum abundantissimè sine numero & mensura fudit, sicquod corpus suum in cruce pendens tanquam cremum exaruit: quartò & ultimò, prædictis antidotis non contentus, potionem amarissimam sumpsit, quando pro nostra ægritudine fuganda, felle & aceto se potari permisit: & ideo rationabiliter dixit: *consummatum est*, innuens per hoc quod omnia compleverat, quæ pro nostra salute fienda erant. Per hoc verbum sextum, docemur pœnitentiam inchoatam consummare, & vitam nostram sine debito terminare, ac omnia opera nostra ad virtutum perfectionem & debitam perducere consummationem. Unde Augustin. Dixisti etiam Domine, consummatum est: consummata etenim erant vaticinia Prophetarum figuræ hostiarum, acerbitas & diversitas pœnarum, emendatio culparum. Felix qui poterit dicere cum JESU, consummatum est: cum JESU qui est Alpha & c. & sermonum consummatio non est præmium in inchoatione, sed in consummatione: non datur denarius incipientibus, sed finientibus: & corona non currentibus: sed pervenientibus. Inchoa igitur pœnitentiam, & consumma: ut ad crucem, sicut Christus, sicut latro curras ad pœnitentiam non descendas de cruce, ut salutem consequaris perseverantiâ. Hæc Augustin. Sciendum autem quod consummare idem est quod simul summare: unde tunc aliquid consummatur, quando omnia sigillatim acta vel passa simul summantur: id est; in summa recolligantur. Sic fuit in proposito: Nam postquam Christus omnes pœnas passionis suæ sigillatim pertulerit, & nihil amplius circa mortem

Luce 18.

Thren. 3.  
Verbum per me  
amaritudine,  
inebriavit me  
absynthio.

Augustinus  
sermon. de  
passione.



mortem patiendum restaret: tunc demum omnia perpeſſa reme-  
morans, recolligit ea ſimul in unā ſummā: & obtulit ea DEO Patri,  
dicens, *conſummatum eſt*: quaſi diceret, conſummatum eſt opus obe-  
dientię, quam aſſumpſi: conſummatum eſt opus totius paſſionis  
meę, quod Tibi DEO Patri meo offerro pro ſalute generis humani.  
Unde Apoſtolus: *Conſummatus factus eſt omnibus obtemperantibus ſibi* Hebr. 5:  
*cauſa ſalutis æternę*. Et adverte, quod hæc conſummatio non fuit *Conſumma-*  
ſine notabili pœna: ſicut qui pertranſiit multa pericula, vel gravia *tio paſioſa*  
ſupplicia, non ſine magno horrore poteſt cogitare ea, licet ex alia  
parte gaudeat ea in præteritum pertranſiſſe: talem horrorem do-  
loroſum non dubium quin Chriſtus habuerit in conſummando o-  
mnia perpeſſa: nec mirum quia talis conſummatio virtualiter, vel  
etiam integraliter continebat in ſe omnes partes paſſionis, quas ſi-  
mul in ſumma ſignificabat cum dicebat, *conſummatum eſt*: Quod  
verbum magnę efficacię eſſe in periculis, perhibetur ab expertis.  
Et ſpecialiter valere dicitur in immoderato fluxu ſanguinis e nari-  
bus, ſi cum eodem ſanguine ſcribatur idem verbum in fronte pati-  
entis. Et non mirum ſi magnę efficacię ſit verbum illud, in quo *Documenta*  
tota ſumma paſſionis Chriſti continetur. Ex hoc articulo conſum- *Conſumma-*  
mationis totius paſſionis, habetur documentum, quod nos in ſine *tionis Deo*  
cujuslibet boni operis partes habentis, debemus facere ſumā vel epi- *dicanda*  
logum, & ſic in ſumma illud offerre DEO: v.g. Si quis pro DEO *orationis*  
vadat Romam perveniens ad terminum, omnes paſſus & omnia ve-  
ſtigia ſua offerat DEO & Beato Petro, dicens: *conſummatum eſt*:  
Similiter ſi quis legat Pſalterium: in ſine omnes pſalmos, verſus, &  
verba totius Pſalterii in ſumma offerat DEO, & ſic de ſimilibus. Ita *Collecta*  
etiam facimus in officio Eccleſiaſtico, quod ſemper in ſine cum col-  
lecta cōcluditur, quæ & idcirco collecta dicitur, quia in illa oratione to-  
tius illius officii quaſi in ſumma eſt collectio. Eodē modo hoc verbū,  
cōſumatū eſt, fuit collecta totius Paſſionis Chriſti circa mortem, Ad  
cōformādū ſe huic articulo, recolligat homo breviter in ſumma omnes  
articulos paſſionis prælibatos & agat pro eis gratias Chriſto & DEO  
Patri: dicens, *conſummatum eſt*, vel alias prout devotio miniſtra-  
bit. JESU Salvator noſter, & conſummator glorioſi operis, quod  
accepſti à Patre conſummandum, qui incepſti opus tuum cum  
multis laboribus & conſummaſti cum maximis doloribus, & tan-  
dem conſummationem totius paſſionis Tuę in ſumma DEO Pa-  
tri obtuuliſti, dicens: *conſummatum eſt*: benedictum ſit Domine ex  
hoc Nomen Sanctum Tuum, quia ad hoc conſummaſti, ut nos ſi-  
mus in bono conſummati & inimici noſtri omnes conſumpti: ro-  
go Teda mihi mandata Tua perficere, & in Tuis virtutibus profice-  
re ac omnia per me (Te operante) bene acta & paſſa ad Tuam lau-  
dem conſummare: conſummata Tibi & per Te DEO Patri offer-  
re ut in hora mortis poſſim dicere, ecce Domine cōſummavi & per-  
fecit opus quod dedisti mihi ut facerem, & nunc venio ad Te Ma-  
giſtrum meum & Dominum JESUM Chriſtum, & tunc merear vi-  
dere facie ac faciem, & omnis conſummationis ſinem.





C A P U T A L I V .

**H**ORâ nonâ cogitabis mente lugubri & devota, si piam habes animam, qualiter siccatur ipse fons vitæ, & dulcedo cordium nostrorum. **JESUS** Dominus tuus amantissimus, & omni gratiositate acceptissimus, venis jam ex sanguinis effusione exhaustis, & viribus deficienti appropinquans morti incipit oculos laugvescentes deprimere, & facie pallefcere. Et quomodo incipit inclinare caput vero Christi sus Matrem suam, quasi dans Ei ave ultimum: ave inquam doloris & omnis desolationis, quod non poterat ore & verbo exprimere præ nimia passione & inextimabili dolore, & quasi commendans ei Corpus suum, tam crudeliter foffum, ac laceratum & dissipatum undiq; . Et etiam versus Patrem suum: quasi ostendens ex modo moriendi, quod moriebarur ex obedientia Patris, & non involuntariè: & quasi gratias agens Eidem, quod ipsum revocabat ad se: docens nos similiter gratias in adversis agere, & significans se per varias tribulationes ad præmia sequendum, & quasi tradens Ei spiritum suum. Etiam quasi declinare à crucis titulo se ostendens, & vanam gloriam vitare nos docens: ac si diceret: Nolo hic regnare, nolo scribat aut nomet Me Regem Pilatus. Et etiam quasi Me Patri reconciliato, nuncians Mihi pacem, Me salvet: & osculum mihi præbeat, & aures meis precibus, quæ prius non profecerunt, ad exaudiendum inclinet. Quo facto conclusit ultimum & unum verbum, scilicet septimum, cum clamore valido & lachrymis dicens: *Pater in manus tuas*, id est; in potestate tua, *commendo spiritum meum*. Per quod voluit nobis declarare, quod Sanctorum animarum Cæmæ ex tunc in manus DEI ascendunt: nam prius ab inferis omnium animarum tenebantur, donec venit qui captivis redemptionem prædicavit. Unde Cyrillus. Hæc autem vox edocet, quod animarum Sanctorum non deinceps in inferno clauduntur, ut prius, sed apud DEUM sunt, hujus rei facto Christo principio. Unde & Athanasius de Incarnatione Xsti. nam sumus membra Ejus: secundum illud Apostoli: *Omnes unum estis in Christo*. Prius ergo Dominus clamaverat, *Eli, Eli*, & modo clamat, *Pater in manus tuas*. Unde quidam dicunt, ut Hieron. quod ab illo Psalm. *DEUS DEUS meus, respice in me*: usq; ad istum versum. *In manus tuas*: ubi sunt Psalmi decem: & versus centum quinquaginta, Christus dixerit eos omnes: primum videlicet & ultimum versum cum clamore, sed inter medios sub silentio. De isto clamore Christi, sicut & de superiori, videtur loqui Apostolus, cum dicit: *Qui in diebus carnis sue preces cum clamore valido & lachrymis offerens, exauditus est pro sua reverentia*. Et ex hoc videtur, quod Christus tam illis verbis *Eli, Eli*, quàm in istis, *Pater in manus tuas*, lachrymatus fuerit. Alii verò dicunt, quod Christus totum Psalmum, *Deus Deus meus, respice in me*, & deinde Psalm: *In te Domine usq; ad votum*, *In manus tuas*, conclusivè decantavit. Comendavit Dominus Jesus Patri Spiritum: non quod egeret, sed ut nos instrueret. In hoc enim semptimo verbo, quod maximè devotionis fuit, exemplum multiplicis informationis nobis reliquit, prout infra in documentis articuli patebit. Hoc autem verbo ultimo dicto, *inclinato Capite tradidit se* emisit spiritum, non coactus & invitè, sed quando voluit & voluntarie



tariè sine coactione *expiravit*, id est; spiritum extra corpus sponte  
& propria potestate emisit: non alius extorsit. Unde Augustinus. *Augustinus*  
Quis ita dormit quando voluerit, sicut JESUS mortuus est, quan- *Tract. 119.*  
do voluit? Quis ita vestem ponit quando voluerit, sicut se carne *in Joann.*  
exiit quando voluit? Quis ita quando voluerit, obit: quomo-  
do cum voluit obiit? Quanta speranda vel timenda est potestas ju-  
dicantis, si tanta apparuit morientis? Hæc Augustin. Hic ergo ap-  
paret quod Christus tradidit spiritum clamando, orando, & lachrymado.  
In primis duobus, scilicet, in tradendo spiritum, & clamando Divi-  
nitas apparuit, & Deitatis suæ potentiam Christus declaravit. Tra-  
dere enim vel emittere spiritum propria virtute, Divinæ potesta-  
tis indicium est, & nemini nisi DEO convenit. Et per hoc quod  
moriens clamavit, apertissime se DEUM verum ostendit: nam homi-  
nes alii morientes non clamare, sed vix spirare, vel tenuiter loqui  
possunt. In aliis autem duobus, scilicet in oratione, & lachryma-  
tione, humanitas apparuit, & miserationis affectum Christus ma-  
nifestavit. Quando Matthæus dicit: *JESUS autem iterum clamans*  
*voce magna, emisit spiritum*, & Marcus, *JESUS autem emissæ voce ma-*  
*gna expiravit*, quid hac voce magna dixerit, Lucas aperte designat  
dicens, & clamans voce magna *JESUS ait: Pater in manus tuas com-*  
*mendo spiritum meum*, & hæc, inquit: *dicens expiravit*. Joannes verò  
tacens de hac voce, scribit, *cum ergo accepisset JESUS acetum, dixit,*  
*consummatum est*, & *inclinato capite tradidit spiritum*, emissæ tamen  
prius voce prædicta. Fuit autem (ut dicitur) ita magnus & vali-  
dus clamor iste, quod usq; in infernum auditus fuit: & Cælum ter-  
ramq; tremere fecit. Vox ergo illa non fuit naturalis, sed mira. *Clamor Xpi*  
culosa: quia homo magno & longo cruciatu afflictus, & ex tali affli- *validus.*  
ctione morti sic proximus, non posset sic clamare virtute naturæ:  
& ideo sequitur quod vox illa sit formata DEI virtute. Hic nota *Hora mor-*  
quod eadem hora qua primus Adam peccavit, secundus *expira- t is Christi.*  
vit. Primus nempe post meridiem peccavit, quia mox ut pecca- *Genes. 2.*  
vit, vocem Domini ambulantis ad auram post meridiem audivit:  
& tunc circa horam nonam secundus Adam expiravit. Unde qua  
hora primus Adam peccando mortem huic mundo induxit, eadem  
secundus Adam mortem moriendo destruxit. Et qua hora illi Pa-  
radisus est conclusus, eadem hora iste Paradisum aperuit, quia se-  
cundum Bedam; ordo poscebat ut eodem temporis articulo, quo *Beda in cap.*  
Adæ peccanti concluderat januam Paradisi, panderet eam latronis *is. Marci.*  
pœnitenti. Et secundum Glossam, cum sol à fervore tepescit, & est,  
passionem consummat, ostendens se mori propter peccata, quibus  
à Divina luce & dilectione in hanc noctem cecidimus. Item hac  
hora mortuus est, quia per Eum novem ordines Angelorum repa-  
rantur. Notandum etiam quod sicut dicitur in Glossa Tobie, Do-  
mino in cruce passo, diabolus (quo procurante crucifixus erat) ad-  
venit, quærens si quid peccati in ipso inveniret. Et dicit Magister *Diabolus su-*  
in historiis, quod stabat supra brachium crucis, donec Christus ex- *per brachi-*  
piravit, & tunc videns se confusum recessit & veniens ad tartara, *um Crucis.*  
invenit ibi animam Christi portas & leras confringentem, & iusto-  
rum animas inde educentem. Et tunc mox remotum est Divinæ *Gladius ver-*  
visionis impedimentum, quod figuravit gladius flammens & verlati- *sutis.*  
lis positus ante Paradisum. Sciendum autem quod inter omnes pœ-  
nas Passionis Christi, ista pœna mortis fuit acerbissima, quia inter  
omnia



omnia terribilia terribilissimum est mors, & hoc est, secundum Damascenum, mascenum, propter naturalem inclinationem animæ ad corpus. Et lib. 3. de fide fuit specialis ratio in Christo de tali anima & de tali corpore, Cuius triq; Divinitas unita fuit in unitate suppositi. Unde oportuit quod illa separatio esset maximè pœnalis. Ex isto articulo expirationis,

*Documenta* seu mortis Christi habentur plura documenta. Primum est, quod nos debemus cōmori Christo, moriēdo videlicet mūdo & peccatis, si cū

2. Tim. 3. Christo in æterna vita vivere voluerimus. Unde Apostolus: *Si commor-*  
Coloss. 3. *tui sumus cum Christo, & convivemus.* Et de talibus idem Apostolus

ait: *mortui enim estis* scilicet mundanis & caducis, *& vita nostra abscondita est cum Christo in DEO.* Secundum est, quod Christus in angustia mortis voce alta clamans ad Patrem, & commendans ei spiritum suum, reliquit nobis exemplum intimæ devotionis, docens nos in hoc ipse bonus Magister quid nos in articulo tentationis, & specialiter in agone mortis positi facere debeamus. Semper enim debemus auxilium nostrū in DEUM ponere, & Eum invocare, ac spiritus nostros Ei commendare: quorum corpora quotidie tendunt ad mortem, & penitus ignoramus diem & horam. Et specialiter in hora & articulo mortis debemus hoc facere: quia maximè tunc est necesse, & propter hostis importunitatem maiorem, & propter nostræ virtutis debilitationem. Reliquit etiam nobis exemplum perfectæ fiduciæ Paternæ defensionis: per hoc enim quod in manus Patris Cœlestis homo spiritum suum commendat, securus esse debet quod Divina virtute ab incurso malignorum spirituum defendatur.

*Religionem* Tercium documentū, specialiter pro religiosis, qui moriuntur mundo in religionis ingressu, est, quod ipsi debent spiritum, id est, voluntatem & sensum suum tradere in manus spiritualis Patris, scilicet Prælati: sic quod amplius non resumāt usq; ad diem resurrectionis: exemplo Christi, qui spiritum suum, quem moriens in manus Patris commendaverat, ulterius non nisi in resurrectione sua resumpsit. Commendans enim spiritum DEO Patri exemplum perfectæ obedientiæ & subjectionis reliquit, qua quilibet subditus suo prælato spiritum suum gubernandum & dirigendum committit. Unde quilibet subditus, voto obedientiæ superiori astrictus, humiliter habet dicere suo Prælato, Pater in manus Tuas commendo spiritum meum. Illi ergo Religiosi, qui nunquam deposuerunt spiritum suum, vel ante resurrectionem resumunt: puta qui secundum voluntatem suam facere, & sensum suum sequi volunt: mendaces sunt, & resurrectionem præveniunt, & ideo Antichristi sunt. Quartum documentum est, quod valde utile & salubre est legere illos decem Psalmos, quos Christus oravit in cruce: quia nulli dubium quin devotionis effectum legenti eos conferant salutarem. Et dicitur quod specialiter valeāt ad expiationem negligentiarum in horis canonicis negligentis dictis. Quintum documentum est, quod quantumcūq; aliqui fiat iusti & Sancti, nunquam tamen se putent securos de diabolo, cū ipse nec Christum in cruce dimiserit quin Eum observaret. Quid ergo præsumere poterit homo miser & fragilis? Certè de nullo nisi

*Augustinus* solum de morte Christi. Unde Augustinus. Tota spes mea est in morte Domini mei. Mors Ejus, est meritum meum, & refugium meū, salus, vita, & resurrectio mea. Non possum terreri multitudine peccatorum meorum, si mors Domini in mentem venerit: quia peccata mea illam vincere non possunt. Sextum documentum est, quod

*Augustinus*  
*in manuali*  
*capit. 22.*  
*Diligendus*  
*Christus.*  
*Augustinus*  
*ibidem.*



videt nos multum tenemur amare Christum, qui pro nobis animam suam posuit: & caput suum ad nos in morte inclinavit. Unde Augustinus: Salvator noster caput suum inclinavit in morte, ut oscula daret dilectis suis. Et nos toties Dominum osculamur, quoties in Ejus amore compungimur. Septimum documentum est, <sup>Morienti servanda quinque.</sup> quod quilibet Christianus moriens debet illa quinque supradicta servare quantum poterit, quæ Christus moriens servavit. Ipse enim oravit, clamavit, ploravit, Animam Patri commendavit, & spiritum tradidit: sic & nos in extremis positi debemus orare, clamare, saltem corde, plorare, pro peccatis, per veram poenitentiam animam DEO commendare, & Spiritum tradere: voluntarie scilicet moriendo, & voluntatem nostram Divinæ voluntati tradendo. Ad conformandum se huic articulo, recogiter homo quanto amore Salvator noster mortem pertulit: ut nos vivificaret, & quod conditionem mortis subiit, qui vitam universis creaturis tribuit: & mortuus est, qui mortuos suscitavit, & revolvat in mente sua documenta præmissa. JESU qui in cruce moriens Animam Tuam Patri commendasti: da mihi in hac vita Tibi spiritualiter sic commori, quatenus Tu in hora mortis meæ digneris animam meam miseram habere commendatam. Ego autem Domine in illas manus Tuas extensas & perforatas, & Sacro sanguine resperfas commendo spiritum & corpus meum: & supplico charitati Tuæ, ut in novissima hora possim cum memoria integra, fide pura, & spe firma animam meam in manus Tuas misericordissimas commendare, quas pro me salvando expandisti in cruce: & audire merear verbum illud dulcissimum, hodie mecum eris in Paradiso. Et tunc hac voce *velum Templi*, quod erat <sup>Veli scissio.</sup> foris ante faciem & introitum Templi, prohibens aspectum Sanctorum quæ erant intra Templum, <sup>Veli duo Origenes Tractat. 35. in Matth.</sup> scissum est in duos summo usque deorsum: non illud quod erat intra Templum inter Sancta & Sancta Sanctorum. Unde Origenes. Duo autem vela fuisse intelliguntur. Unum quod velabat Sancta Sanctorum: alterum exterius, sive tabernaculi, sive Templi. In Passione ergo Domini Salvatoris, velum quod erat à foris, conscissum est à sursum usque deorsum, ut ab initio mundi usque ad finem conscisso velamine mysteria publicentur, quæ usque ad Christi adventum rationabiliter fuerant occultata. Cum autem venerit quod perfectum est: tunc auferetur etiam secundum velum ut videamus etiam quæ intus sunt occultata, scilicet: veram Arcam testamenti: & sicut ipsa se habet natura, videamus Cherubin & alia. Hæc Origenes. Per hoc ergo signum figurabantur revelata esse mysteria & secreta Sacramentorum legis, quæ antè velata erant: ut universis proderentur, & ad gentes transirent, & impletam esse veritatem quæ in figuris latebat, & Cælum apertum quod antè clausum erat. Unde <sup>Descriptio crucis & ceterorum.</sup> & nos in Passione Domini & cruce, & reliquias, & cetera Sacramenta regimus in Ecclesiæ, & patefacimus. Et in Evangelio Nazarenorum legitur, superliminare Templi infinitæ magnitudinis fractum esse, auditasque voces in aëre, & virtutes Angelicas præsidet quondam Templi tunc pariter clamasse, transeamus ex his sedibus. Ut autem dicit Chrysostomus. Hoc velum scissum erat pretiosissimum de <sup>Chrysostom. serm. de cruce et latronibus. Tom. 3. Terra mota</sup> purpura & bysso, & cocco & auro, & serico, & hyacintho contextum, quod in diebus celeberrimis suspendebatur. Hac quoque voce <sup>Terra mota</sup> quasi non valēs ferre Dominum suum pendentem, & non potens sustinere Christi mortem: capax enim hujus mortui esse



non poterat: & in signum quod iudei de ea abiicicendi & destruendi erant: & *Petra scissa sunt.* in signum conversionis Gentilium: & in signum quod corda quantumcunq; dura deberent compati Christo morienti. Dicitur autem quod adhuc apparent ibi scissurae, & deponunt ibi peregrini cruces suas. *Et monumenta aperta sunt,* ad denotandum quod mortis claustra erant referata, & quod resurrectio Christi & aliorum cum ipso resurgentium erat propinqua. & in signum resurrectionis quae expectatur futura. *Et multi sanctorum surrexerunt a mortuis,* non tunc quando monumenta aperta sunt: scilicet hora mortis Christi, sed quando resurrexit: quia cum eo surrexerunt tanquam testes suae resurrectionis: & ideo non ante, sed cum eo debebant resurgere, ut ipsum ostenderent resurrexisse. & hoc est quod subditur, *& exeuntes de monumentis post resurrectionem Ejus:* id est; Christi, *venerunt in Sanctam Civitatem,* scilicet Hierusalem, & apparuerunt multis ad declarationem dominicae resurrectionis.

*Hieronymus* Unde dicit Hieronymus. Quod cum monumenta aperta sunt, non ante resurrexerunt, quam resurgeret Dominus, ut esset primogenitus resurrectionis ex mortuis. In Apocal. Christus dicitur: *primogenitus mortuorum,* sed in Epistola ad Corinthios, *primitiae dormientium.* Hae autem magnitudo signorum significat ut crucifixum Dominum suum Caelum & terra: & omnia quae in eis sunt, demonstrarent. Voce quippe Christi moventur elementa, & simul cum eo vult dissolvi atq; finire omnis creatura. Unde Leo Papa: Pendente scilicet in patibulo creatore, universa creatura congemuit. Debebat hoc testimonium suo mundus Auctori. ut in Ihus occasu vellet universa finire. Hae Leo. Ecce quanta nunc apparet Ejus Majestas, cujus ante apparuit tanta infirmitas. Unde Anselmus. *Et jam quidem infirma Ejus anima mea vidisti & misertus es: nunc & Majestatem Ejus attende, & miraberis.* Qualis est hic? quia Caelum & terra compatiuntur Ei; cujus & mors mortuos vivificat. Unde Augustinus de & Augustin. Quanquam autem Tu judicaris. ut maleficus: crucifigaris, ut flagitiosus & impius, quamvis videaris a DEO derelictus, non desunt miracula, non deest virtutum abundantia. Unde Chrysostomus. Intende quanta signa fecit, hoc quidem e Caelo, hoc autem in terra, hoc autem, in Ipso Templo: simul quidem angustiam suam demonstrans. Etenim ira DEI magnae erant quae fiebant, & non simpliciter signa, sed & furoris signa universa erant tenebrae, scissurae, Petrae, velum medium scissum, terrae concussio, & multae angustiae superabundantia erat. Hae Chrysostomus. O! quantum pia Mater Ejus tunc dolebat, quando fieri haec videbat. Unde Augustinus. Cogitare libet quantus dolor tunc fuerit Matri, cum sic dolebant quae insensibilia erant. Non lingua loqui, nec mens cogitare valebit, quanto dolore tenebatur tunc Anima MARIE. Hae Augustinus.

*Mystice.* Mystice haec signa praedicta habent fieri in resurrectione & conversione peccatoris. DEI quippe Templum est fidelis anima: cujus velum scinditur, quando velamen hypocrisis & cujuslibet peccati dissipatur. Sicut enim velum impendebat ne videri possent Sancta Templi, sic peccatum impedit ne videatur Sancta Paradisi: quod tamen, quantum ad sufficientiam, fuit amotum per mortem Christi. Velum Templi scissum fuit, in signum quod per mortem Christi ablatum est impedimentum, quod nos secreta gaudii Paradisi prohibuit contemplari: sicut velum operiebat secreta Templi. Terra movetur in



in peccati recogitatione, & per timorem compunctionis internæ: & quando per compassionem mortis Christi terrenum desiderium in amorem commutatur celestium. Terra enim tremuit præ horrore ignominiosæ mortis Christo inflicte: ad designandum quod corda terrena Christo compatiendi debent compati, & ejus strictum iudicium formidare. Quod autem tremuit in resurrectione, hoc designat quoddam speciale tripudium, quo omnis creatura debet congaudere Christo resurgenti: sicut etiam compassa fuit Christo morienti. Unde primus tremor designat metum & terrorem. Secundus autem, gaudium & exultationem. Petræ scinduntur in contritione, & per dolorem contritionis in corde: & quando duritia cordis per pieratem emollitur compassionis. *Petræ enim scissæ sunt*, ad designandum quod corda lapidea & dura, per dolorem contritionis, & intimæ compassionis scindi debent. *Monumenta aperiuntur*, in confessione, & per pudorem confessionis in ore: & quando foetor, qui intus latet, foras per os prodit. *Mortui resurgunt*, in spiritali vivificatione, & per laborem satisfactionis in opere, & quando ad boni operis exercitium excitatur somnus pigritiæ: & apparent in sancta civitate, in animæ illuminatione. In hora mortis Tux Domine *velum Templi scissum est*: rogo te aufer velamen ignorantiae de corde meo, ut videam voluntatem Tuam, & opere perficiam. *Terra contremuit*: da mihi obsecro, qui sum terra & cinis coram te stare cum casto timore & reverentia filiali: & meam salutem cum timore & tremore operari. *Petræ scissæ sunt*: da mihi ut lapideum cor tuo scindatur timore, & inhians ardentem a te rorem supernæ benedictionis arripiat: & tibi germinet fructum vitæ. *Monumenta aperta sunt*, multa resurrexerunt *Copora Sanctorum*, da quæso Domine animæ meæ a sepultura resurgere peccatorum. Visus autem his quæ fiebant, scilicet tot & tam mirificis signis in passione Christi, inter quæ etiam fuit quod voce magna clamans, sic citò & sponte expiravit: *Centurio* qui crucifixoribus præerat, & milites qui cum ipso constituti erant ad custodiendum Jesum in Cruce quousque expirasset *timuerunt valde*, & Divinæ virtuti, tot & tanta miracula adscribendo *glorificaverunt Deum*, fidei confessiones, ac potestatem & veritatem Divinitatis in Christo confessi sunt *dicentes: Verè hic homo justus erat, verè Filius Dei erat iste*, aliter enim tanta gloria in ejus morte non appareret. *Matthæus dicit, verè Filius Dei erat. Marcus, verè hic homo Filius Dei erat. Lucas, verè hic homo justus erat.* Ibi resultat veritas Deitatis, quia verè Filius Dei: ibi veritas humanitatis, quia verè hic homo: ibi veritas innocentiae suæ & sanctitatis, quia verè justus erat. Et hæc tria necessaria erant ad redemptionem: scilicet homo qui deberet, Deus qui valeret, justus cui congrueret. Et ex istis aggravatur scelus Judæorum: quia occiditur Deus à servis, homo à bestiis caninis, justus ab iniustis. Multum quidem istos ad fidem divinitas Christi disposuit, quod cum clamore magno sic potenter & dominativè spiritum dimisit. Videbant enim quod clamor ille supernaturalis & miraculosus fuit: quia propter defectum sanguinis & effluxum spirituum, talis clamor fieri non potuit ab homine sic propinquo morti: & ideo concluderunt quod esset factus virtute Divina supernaturali: & per consequens quod ipse esset Filius Dei. Quod etiam ex hoc perpenderunt: quia quando voluit, tunc spiritum dimisit. Ut enim dicit Hieronymus, nullus habet potestatem dimittendi spiritum, nisi ille qui animarum conditor est. Et secundum August: Cum post illam vocem continuo tradidit spiritum, hoc maxime qui aderant sunt mirati: longa enim morte cruciabantur in ligno suspensi. De isto Centurione, sic dicit Bernardus: Erat ille Centurio incircumciscus, sed non aure, qui ad unam expirantis vocem sub tot infirmitatum indicibus Dominum Majestatis agnovit: ideoque non despicit quod vidit, quia credidit quod nondum vidit. Non autem credidit ex eo quod vidit, sed ex eo quod audivit: quia *fides est ex auditu, auditus autem per verbum Christi*. Et secundum Chrysost: Centurio (ut quidam dicunt) non solum confessor fuit: sed etiam corroboratus in fide martyrium suscepit. Per hoc quod Centurio Gentilis confessus fuit Christum tam clarè: significata fuit gloriosa confessio Gentilium, in eorum conversione, & duritia Judæorum, in infidelitate. Unde Hieronymus: Novissimi autem nunc primi efficiuntur, quia

Timor, et  
cogitatio

Testimonia  
in Christo.

Hieronymus  
in cap: 27.

Matth:  
Augustin:

Bern: ser-  
mo. 29. in

cantica.  
Rom: 10.

Chrysost:  
Per hom: 89.

in Matth:  
Hierony: in

Gentilis cap: 27.



*Matth:* & Gentilis populus confitetur: & plebs Judaica cæcata negat, ut fiat eis error non  
*15. Marci.* vilius peior priore. Unde & Beda: Quanta ergo cæcitas Judæorum, qui tot  
*Beda in cap:* per Dominum virtutibus factis, tantis in morte Ejus apparentibus signis crede.

*15. Marci.* re respuerunt: & insensibiliores Gentibus Deum glorificare, vel timere contem-  
 plerunt: unde merito per Centurionem fides Ecclesiæ designatur: quæ velo my-  
 steriorum cælestium per mortem Domini reſerato, continuo Jesum, & verè ju-  
 ſtum hominem, & verè Dei Filium ſynagoga tacente confirmat. Unde etiam

*Ambros:* in Ambros: O duriora ſaxis pectora Judæorum: judex arguit, credit miniſter, pro-  
*cap: 23.* ditor ſcelus ſuum morte condemnat, elementa fugiunt, terra concutitur monu-  
*Luca.* menta reſerantur: Judæorum tamen immobilis duritia manet orbe concuſſo.

*Cōt: plati* Hæc Ambroſius. Conſidera ergo tu homo redempte, quis & quantus & qualis  
 eſt, qui pro te pender in Cruce cujus tranſitum & Cælum lūget & terra, & la-  
 pides duri, quali compaſſione ſcinduntur: cujus mors mortuos vivificat: & quem  
 omnis creatura Dominum ſuum confitetur. O cor humanum omnium lapidum  
 duritiā durius: ſi ad tanti rememorationem piculi, nec errore concuteris, nec  
 compaſſione afficeris, nec compunctione ſcinderis, nec pietate molliris. Unde  
 Hieronymus. Omnis creatura Chriſto morienti compatitur: ſol obſcuratur, ter-  
 ra movetur, petra ſcinduntur, velum Templi dividitur, ſepulchra aperiuntur,  
 ſed ſolus miſer homo non compatitur, pro quo ſolo Chriſtus patitur. Unde

*Bernar: ſer-* Bernardus: Aſcendit Chriſtus in altum, ut ab omnibus videretur: alta voce  
*mo. 29. in* clamavit, ut ab omnibus audiretur: clamori ſtetum admilcuit, ut homo com-  
*cant: ca.* pateretur. Qui ad hanc vocem non concutitur, terrā gravior eſt, petrā duri-

*Mulieres &* or, ſepulchro foetidior. Hæc Bernardus. Erant autem ibi ad aſſociandum,  
*ſiſtentes.* ad conſiderandum, ad compatiendum cum Matre Domini, Joan-  
 nes & Magdalena, & duæ ſorores Domini, ſcilicet Maria Cleopha, & Ma-  
 ria Salomax: & præter iſtas, quæ principales erant, etiam plures aliæ mulieres  
 à longe ſtantes, & videntes, quæ ſiebant: quæ ſecuta eum à Galilea fuerant, ex de-  
 votione quam ad audiendum verbum ejus habebant: miniſtrantes ei neceſſaria  
 vita de ſubſtantiâ ſua, ut meteret eorum corporalia, cujus illæ metebant ſpiritu-  
 alia. Conſuetudinis enim Judaicæ fuit, ut mulieres de ſubſtantiâ ſua victum &  
*Prædicantiū* veſtitum prædicatoribus & præceptoribus ſuis miniſtrarent, & in aliis: ut in  
*nutritio.* præparatione cibi, & in lotionem veſtium ſervirent, quod & Dominus accepit, ut  
 exemplum daret Apoſtoliſ, eorum conſulens infirmitati: & ut Evangelio magis

*Pauli ſuper* vacarent: nec tunc hoc ſcandalum erat. Paulus autem ſupererogavit, qui cum  
*erogatio.* haberet poteſtatem circūducendi mulieres ſicut alii: non tamen uſus eſt ea,  
 propter pseudoapoſtolos, ut eos à prædicatione reprimeret: & propter ſuſpicio-  
 nem removendam, maxime inter gentes, ubi talis conſuetudo non erat: & ideo  
 ſcandalum facere poterat. Miniſtrabant autem Domino carnalia pro ſpiritu-  
 alibus: non quod indigeret Dominus creaturis: ſed ut oſtenderet typum magiſtro-  
 rum, quod victu atque veſtitu ex diſcipulis deberent eſſe contenti. Ubi Chry-

*Chryſoſt:* ſtomus: Hæ autem mulieres conſiderabant, quæ gerebantur, quæ maxime e-

*Matth:* rant compaſſibiles: & quæ ſequabantur miniſtrantes uſq; ad pericula aſſuerunt,  
 maximā fortitudinem oſtendentes: quia dum diſcipuli fugerunt, ipſe aſſuerunt.

*Maria dolor* Hæc Chryſoſt: O qualiter tunc anima Matris intimi doloris gladio penetrata  
 erat, cum ſic poſtolum Filium deficere langvere, lacrymari, clamare & mo-  
 ri: & ſe in mundo derelinqui in tanto dolore & anxietate videbat, & qualiter  
 clamavit, ſi tamen loqui poterat, & dixit: O Fili mi dulciſſime, quid faciam  
 Ego maſſiſſima! Qui me miſeram commendatam dimittis? Fili mi memento mei, &  
 omnis Familiæ Tuæ, quā ita deſolatam relinquis. Memento etiam hominum,  
 qui ſervierunt tibi: Fili mi & Ego in manus Tuas, & Patris Tui commendo  
 meipſam, & totam Eccleſiam noſtram. O Pater Sancte Deus Omnipotens, in  
 manus Tuas commendo Filium meum: imò Dominum meum, & Filium Tu-  
 um. Jam enim deficio, & ante Filium meum in Ejus conſpectu mori deſide-  
 ro. Talia dicens, æſtimo quod propter anguſtiarum multitudinem vel abſor-  
 pta erat, & quaſi inſenſibilis, vel ſemimortua facta, & quod ſe ſuſtinere non va-

*Plangentes* lens, corruit in faciem ſuam ſuper terram. Nullus enim cogitare aut dicere  
*pectora.* poſſet, quanta mœſtitia patientem & morientem ſuſpiraverit: & doluerit, unde  
 ipſa



ipsa sustinebat intus quod Filius tulit foris. Quid tunc Joannes specialiter ab  
 eo dilectus: quid Magdalena fidelis & dilecta discipula: quidve Sorores Domi-  
 næ faciebant? sed quid facere poterant? Repleta erant amaritudine, completa  
 doloribus, inebriata absynchio. & intolerabiliter flebant. O charissime, cogita  
 & considera quanto dolore & ejulatu omnes amici Ejus plorabant: quia etiam  
 hi qui sibi nihil attinebant. & cum eo nihil habere videbantur, multum dole-  
 bant, sicut Centurio. & alii milites, qui Jesum Crucifixærant, & eum quousq;  
 expirasset custodiebant: & omnis turba eorum qui ad videndum spectaculum con-  
 venerant, & simul aderant, & videbant quæ fiebant, qui pectora sua, in signum pœni-  
 tentiæ & luctus, percutientes cum silentio revertebantur, dolentes de Christi per-  
 secutione secundum Bedam, quod percutiebant pectora, quia pœnitentiæ est &  
 luctus indicium: potest dupliciter intelligi: sive enim eum, cujus vitam dile-  
 xerant, injustè occisum dolebant: sive cujus mortem se impetrasse meminerant,  
 hunc in mortem amplius glorificatum tremebant, primum pertinet ad bonos:  
 secundum ad malos. Condolens ergo plora & tu cum mulieribus, & aliis, si Anselm. in  
 piam animam habes, & viscera pieratis. Unde Anselmus: Stupet Cœlum, terra speculo.  
 miratur. Quid tu? Non mirum si sole contristato tu contristaris: si terra con-  
 tremiscente tu contremisces: si scissis saxis cor tuum scinditur: si flentibus juxta  
 Crucem mulieribus, tu collachrymaris. Hæc Anselmus. Ecce igitur pender  
 Dominus in Cruce mortuus. recedit multitudo tora, remanet mœstissima Mater  
 cum Joanne & Magdalena, cum duabus suis sororibus. Sed quid tunc Mater Maria ge-  
 faciebat? levabat manus præ cordis desiderio, tangere cupiens dilectum suum: sius.  
 ut vel sic dolori & amor melius consulere potuisset. Cumque aliud solatium  
 non haberet, sanguinem fumantem, & ex vulneribus Filii ad terram usque stil-  
 lantem, nimia cum aviditate deosculabatur: intantum ut facies Ejus de cruore  
 Filii occisi sanguinolenta redderetur. Unde Augustin: inter cetera, sic ait: Ju- Augustin:  
 xta Crucem stabat Maria, considerans vultu benigno Christum pendentem in in manuali.  
 Crucis stipite saevo pedibusque nitens, in altum manus levabat, amplectens Cru-  
 cem ruens in oscula ejus. Ex qua parte sanguinis unda Crucem rigabat, illuc  
 se verrebat, ut eam complecti valeret: ex quo sursum manus extendere non  
 valebat. Volebat amplecti Christum in alto pendentem: sed manus inde fru-  
 stra reversa in se redibant complexæ. Se levans à terra, sursum eriebat ad  
 Christum: & quia tangere illum nequibat, malè collidebatur ad terram. Mor-  
 tis pallor ejus perfuderat vultum, tamen genis & ore, Christi cruore rubea erat.  
 Cadentes guttas sanguinis ore sacro lingeat: terram deosculans quam cruoris  
 unda rigabat: o quam malè tunc illi erat. Hæc August. Tandem ponunt se  
 omnes ad sedendum juxta Crucem: contemplantur dilectum suum: expectant  
 à Deo auxilium, quomodo ipsum deponere valeant, & sepelire. Commoranti-  
 bus igitur, & sedentibus eis prope Crucem: & aspicientibus sine intermissione  
 Dominum Jesum, sic pendentem in Cruce inter latrones: sic nudum sic decur-  
 parum, sic afflictum, sic mortuum, & sic ab omnibus derelictum. Ecce armati  
 multi veniebant à civitate versus eos qui licentia Pilati habita, mittebantur à  
 Judæis, ut ipsi Crucifixis crura frangerentur, ut citius morerentur, & taliter  
 mortui tollerentur de patibulis, & sepelirentur, ne in magno die sabbati, qui à  
 vespere sextæ feriæ incipiebat: & propter ipsum sabbatum, & propter festum  
 azimorum valde solenne erat, corpora eorum in Cruce pendentia remanerent.  
 & festum horrore diuturni cruciatus fadarent. Prima quidem dies Pascha qua  
 crucifixus est Dominus, solennis erat apud Judæos. Secunda tamen dies, pro Die festa  
 tunc fuit solennior, ratione Sabbati apud eos, quia die sabbati, quæ intra octa- passus Do-  
 vas occurebat, duplex festum erat: ideo hoc faciebant, quia in lege præceptum minus.  
 erat, ut cadavera suspensorum propter delicta, usque mane non essent suspen-  
 sa, ne inde pollueretur terra. Unde Theophil: sic enim jubebantur in lege Theophilus,  
 non occidere solem in hominis supplicio. Sed, secundum Chrys: Judæi hoc qui-cap: 19. Jo  
 dem in parvis diligentes sunt, sed in magnis contempserunt, & cum tantam fu-an: Deut.  
 issent operati audaciam, de die diligenter ratiocinantur: colantes culicem, & 21. Chry-  
 gluentes camelum. Appropinquant ergo ipsi armati cum furore & strepitu soft: hom:  
 magno, & videntes latrones adhuc vivere, frangunt eis crura, & occidunt ac 1. in Jo  
 Gggggg 2 depo- an:



- deponunt, & in aliquam foveam proliciendo (ne oleant) sepeliunt. Duo milites fregerunt crura unius latronis, & duo alterius, & sic simul venerunt ad Jesum qui erat medius. Redeuntibus autem illis versus Dominum, ut viderent Eum jam mortuum. Eo quod acerbiora supplicia quam latrones pertulerat, vel quia forte ante alios suspensus fuit, vel quia potestatem ponendi animam habuit: non fregerunt ejus crura, quia hoc non fiebat, nisi ad hoc quod evadere non possent depositi de patibulis: ut impleteretur consecutivē scriptura, qua dicitur in Exodo, *Os non comminuetis ex eo*, scilicet ex Paschali Agno: qui verum Agnum Dei, scilicet Christum præfigurabat, qui mortuus jam coctus ad esum fidelium erat. Ideo enim ordinatione Divina constitutum est, ut ossa Agni paschalis non frangerentur, quia veri Agni ossa in Cruce fracta non sunt: ut sic figura & veritas corresponderent. Sed ut certificarentur de morte ejus, unus militum. Longinus nomine: tunc impius & superbus, post verò conversus & martyr factus: porrigens lanceam de longē sacrum latus Domini Jesu dextrū vulnere grandi aperuit, ut impleteretur scriptura qua per Zachariam dicitur: vident bunt in quem transfixerunt. In qua prophetia secundum Augusti: promissus est Christus, in ea qua crucifixus est carne venturus. Et nota quod iste miles fecit hoc ad complacentiam Judæorum, de morte Christi certificari volentium. In quo etiam patet nimia ipsorum crudelitas: quia non satiati pœnis quas Christo viventi inflixerant, etiam mortuum vulnerare conati sunt. Sic & hodie Christum semel crucifixum conatur rursus vulnerare, qui sine timore peccare præsumit vel de peccato se iactare. Unde Theoph: Ut Judæis complacent lanceant Christum, circa Corpus exanime contumelias inferentes. Unde & Chrysostomus. Aperuerunt ejus costam lancea, & mortuo corpori de reliquo conviciantes, & in mortuum convitari Corpus militem, multo deterius fuit, quam crucifigi. Qui autem Eum lanceavit, cum ferè caligassent oculi ejus præ senectute & calu, vel potius nutu Divino: sicut & lanceavit, licet nesciens, sanguine Christi, per lanceam defluente oculos tangeret: continuo clarè vidit, & protinus illuminatus in Christum credidit. Unde & militia cedens, instructus ab Apostolis, in Cæsarea Capadocia triginta octo annis monachicam vitam duxit: & in omni Sanctitate permanens, verbo & exemplo multos ad Christum convertit. De eo quoque dicit Isidorus: Lancea Longinus latus Salvatoris aperuit: & non tamen veniam invenit, sed episcopatus honorem & martyrii coronam promeruit. Non suffecit Judæis & aliis quod Christum occiderunt, sed etiam post mortem diversimode deriserunt. Istud olim fuit in Absalon præstentum, quem legimus in arbore suspensum, & veniens Joab, tres lanceas in corde ejus fixit, & armigeri Joab gladiis ipsum crudeliter invaserunt. Sic & Christus in Cruce lancea militis, & insuper tribus lanceis id est tribus doloribus est confixus: quorum primum habuit ex propriarum penarum magnitudine. Secundum, ex dilectæ Matris suæ amaritudine. Tertium propter peccatores, quibus suam passionem præscivit non prodesse, & insuper super hoc Judæi invaserunt eum gladiis lingvarum suarum acutissimis. Hoc modo omnes voluntarii peccatores Christum invadunt, qui sponte peccando iteratò ipsum Crucifigunt. Plus peccant, qui offendunt Christum regnantem in divinitate: quàm qui crucifixerunt eum conversantem in humanitate. Sed contumelia à Judæis illata in signum prodidit, quia de Corpore extincto sanguis verus, & aqua pura miraculose manavit. Unde sequitur: *Et continuo exivit sanguis & aqua*: ex quibus habent efficaciam Ecclesiæ Sacramenta. Hoc autem factum est, ad ostendendum quod per passionem Christi plenā consequimur abluionem scilicet à peccatis, & maculis: à peccatis quidem, per sanguinem, qui est pretium nostræ redēptionis secundū illud Petri. *Non corruptibilibus auro & argento redempti estis, sed pretioso sanguine*. A maculis verò per aquā, quæ lavacrū est nostræ regenerationis, secundū illud Ezechielis: *Effundā super vos aquā mundā, & mūdabimini ab omnibz iniquamentis vestris*. Vel potest referri sanguis ad pretiū & nostrā redēptionē, ut redimamur à pœnis. aqua, ad lavacrū & peccatorū abluionē, ut purgemur à culpis. Sanguine Enim Agni domus: servātur à percussione Angeli: & aqua maris rubri extinguunt inimici. Effusus est inquā ille ad redēptionē: ista, ad redēpti abluionē. Ille, ut redimeret captivū: ista, ut ablueret immūdū. Sed hic secundus sensus satis intelligitur in primo: quia ubi est plena à peccatis ablutio, ibi sequitur & à pœnis redemptio: & ubi est à maculis ablutio, ibi, præcedit & à peccatis purgatio.



Hoc etiam factum competit figuræ: quia sicut de latere Christi dor-  
 mientis in cruce fluxit sanguis & aqua, quibus consecratur Eccle-  
 sia: ita de latere Adæ dormientis in Paradiso, mulier (quæ ipsa aqua & san-  
 ctam Ecclesiam figurabat) est formata. Et factum est hoc miraculosè: quia de corpore mortui, in quo statim per mortis frigiditatem san-  
 guis coagulatur, & in tabem convertitur, non solet sanguis exire,  
 nec de aliquo aqua pura manare. Ille autem sanguis erat verus  
 & purus, & aqua vera & pura: & non (ut quidam dixerunt) hu-  
 mor aquaticus, seu phlegma. Considera nunc quanta fuit malicia  
 judæorum, qui adhuc non fuerunt saturati pœnis & opprobriis Chri-  
 sto in vita. Ejus illatis: qui etiam Eum persequerentur mortuum.  
 Et quamvis etiam istud vulnus lateris non senserit, cum corpus  
 mortuum fuerit: tamen per hoc contumeliæ, & convitia sibi infe-  
 rebantur: quia omnes contumeliæ & crudelitates illatæ mortuorum  
 corporibus, reputantur ac si vivis inferrentur. Ex hoc articulo,  
 lanceationis lateris, habentur tria documenta. Primum est, quod  
 nos cum mortui fuerimus cum Christo: scilicet mundo & peccatis: tunc  
 debemus & lanceari cum Christo, cuspide videlicet charitatis,  
 sicut anima illa se lanceatam gloriabatur, quæ dicebat, *vulnerata*  
*charitate ego sum.* Hac etiam amoris lancea, cor suum perforari. Au-  
 gustinus petit, dicens: rogo Te Domine per illa salutifera vulnera  
 Tua quæ passus es pro salute nostra in cruce: ex quibus emanavit  
 ille pretiosus sanguis quo sumus redempti: vulnera hanc animam  
 meam peccatricem, pro qua etiam mori dignatus es: vulnera Eam  
 igneo & potentissimo telo Tuæ potentissimæ charitatis. Confige cor  
 meum jaculo Tui amoris, ut dicat Tibi anima mea: charitate Tua  
 vulnerata sum, ita ut ex ipso vulnere amoris Tui uberrimæ fluant  
 lachrymæ die ac nocte. Percute obsecro Domine hanc durissimam  
 mentem meam valida cuspide piæ dilectionis, ut alius ad intima  
 penetret virtute potenti. Hæc Augustinus. Secundum documen-  
 tum est, secundum Chrysostomum, quod nos percipere debemus Sa-  
 cramenta Ecclesiæ ea intentione ac devotione, ac si nobis de la-  
 tere Christi persuerent. Vulnus enim lateris Christi, fuit ostium  
 Sacramentorum: quia sicut de latere primi Adæ, formata est Eva:  
 ita de latere secundi Adæ, formata est Ecclesia. Unde secundum  
 Augustinum. Vigilanti verbo Evangelista usus est, ut non diceret,  
 latus ejus percussit, aut vulneravit, aut quid aliud: sed, aperuit: ut  
 innuat, quod ibi quodammodo ostium vitæ apertum est: quia inde  
 Sacramenta Ecclesiæ manaverunt, sine quibus ad veram vitam non  
 intratur. Et notari quod hoc, quod dicitur Sacramenta manasse de  
 latere Christi: specialiter intelligendum est de duobus præcipuis Sa-  
 cramentis, sine quibus non intratur ad vitam: videlicet de Sacramento re-  
 dēptionis, & Sacramento ablutionis. Quorū primū pertinet ad Sacra-  
 mētū Eucharistiæ, & significatur per sanguinē: imō est ipse idem san-  
 guis quem quotidie sumimus, & qui fluxit de latere Christi. Secun-  
 dum verò pertinet ad Sacramentum baptismatis, quod significatur  
 per aquam. Unde Augustinus: Ille, inquit, sanguis in remissionem  
 fusus est peccatorum: aqua illa salutare temperat poculum. Hoc  
 prænuntiabat, quod Nōc in latere Archæ ostium facere iussus est,  
 quō intrarent animalia, quæ non erant diluvio peritura: quibus præ-  
 figurabatur Ecclesia. De istis etiam sanguine & aqua dicit idem  
 Augustinus, quod credibile est quod latro ille, cui promisit Domi-  
 nus

Hhhhhh

nus

Documenta

tria.

Cantic. 4.

Augustinus

in meditat.

Oratio B.

Augustinus

Chrysostom.

homil. 84.

in Joann.

Augustinus

Tract. 126.

in Joann.

Idem ibide.

Idem ibide.

Latronis

baptismus.



nus Paradisum, aspersus fuit aqua & sanguine, de Christi latere exilientibus, & tali Sanctissimo baptismo salvatus sit: cum sine baptismo nemo salvetur, vel Martyrio. Tertium documentum est, quod nos omnem voluntatem nostram conformare debemus voluntati Divinæ: & quod voluntas DEI in omnibus, & super omnia sit nobis accepta: eod quod cor Christi vulneratum est amoris vulnere propter nos: quatenus nos per amorem reciprocum intrare possimus per ostium lateris ad cor Ejus, & ibi omnem amorem nostrum ad suum Divinum amorem cunire, ut sicut ferrum candens cum igne in unum redigatur amorem. Homo enim omnia desideria sua debet fundare & ordinare in DEUM, amore Christi: quia pedibus, per quos affectus accipiuntur, est crucifixus: & in omnibus bonis operibus se exercere, ac cuncta mala opera devitare, amore Christi: qui manibus, per quas opera accipiuntur, crucifixus est: omnem verò voluntatem suam conformare voluntati Divinæ, pro illo amoris vulnere quod in cruce pro homine accepit, cum invincibilis amoris sagitta cor suum mellissimum perforavit. Per istud vulnus quasi per ostium amoris Augustinus intraverat, cum dicebat: Longinus, inquit, aperuit mihi latus Christi lancea, & ego intravi: ibi requiesco securus. Clavi & lancea clamant mihi quod verè reconciliatus sum Christo, si Eum amavero. Ad conformandum se huic articulo, rememoretur homo quam super excellentissimum amorem Christus in apertione lateris sui nobis ostenderit, in quo nobis aditum patulum ad cor Ejus dedit. Festinet ergo homo intrare ad cor Christi: ac recolligat omnem amorem suum, & cuniat amanti Divino: revolvendo in mente sua documenta præmissa. Recogitet etiam homo, quanta claritate Christus ex latere suo nobis profuderit Sacramenta, quibus intremus ad vitam æternam: vel alias, sicut Dominus meditati & oranti devotionem ministrabit. JESU qui latus corporis Tui mortui, lancea aperiri, & exinde sanguinem & aquam exire voluisti: vulnera quælo cor meum lancea charitatis: ut Tuis dignus efficiar Sacramentis, quæ de eodem sacratissimo latere, profluxerunt. In apertura lateris Tui Domine, aperuisti electis Tuis januam vitæ. Hæc porta Tua Domine, justi intrabunt in eam. Noli Domine quælo iniquitatem meam recordari, ut propter eas mihi claudas aditum istum, quem peccatoribus & penitentibus providisti. Et licet illud vulnus lateris non Maria sen senserit Christus: quia mortuus: Beata tamen Virgo Mater Ejus sit nullas labene sensit: cujus felicissimam animam crudelis illa lancea tunc transveris Christi fixit. Tunc ipsa deficiens, & quasi mortua cecidit inter brachia Magdalene in terram. Vides quoties hodie mortua est. Toties certè, quoties videbat contra Filium fieri novitatem. Unde nunc perfectè verificata est in ea Simeonis prophetia, qua sibi dixerat: *Lucæ 2.* Tuam, inquit: *Ipsius animam gladius pertransibit.* Ex hac cordis Christi scissione, à cujus arcano (tanquam à fonte) pretium nostræ salutis copiosè est effusum: meritò etiam ad compatiendum, & amandum vulneratur cor nostrum: quia hic maxime apparuit, quam copiosa apud Eum redemptio fuerit. Unde Bernardus. Ad cumulum postremo pietatis, tradidit in mortem animam suam, & de proprio latere protulit pretium satisfactionis, quo placaret Patrem: per quod illum planè ad se versiculum traxit: *Apud Dominum misericordia, & Psalm. 129. copiosa apud Eum redemptio.* Prorsus copiosa: quia non gutta, sed unda



unda sanguinis largiter per quinque partes corporis emanavit. Unde & Anselmus. Adhuc autem attentius Eundem intueri, quàm *Anselm. in grandi & tenerrima compassione dignus appareat. Vide nudum & speculo, c. 12.* verberibus laceratum, in medio latronum, cruci ignominiosè ferreis clavis affixum: aceto & felle potatum: & post mortem lanceâ in latere vulneratum, & copiosos sanguinis rivos ex quinque vulneribus manuum, pedumq; & lateris effundentem. Fletum deducite oculi mei, & liquesce anima mea igne compassionis, super contritione amabilis Viri Hujus: Quem in tanta mansuetudine tantis vides afflitum doloribus. Hæc Anselmus. Quinque autem vulnera *Quinq; vul- nerum ratio* sibi infligi permisit, ut humani generis quinque sensus à diabolo captos redimeret. Christus quippe hodie pro nobis sanguinem suum fudit piissimè, plenissimè, & acerbissimè. Piissime fudit, si consideretur causa: nam causa effusionis sui pretiosi sanguinis, fuit piissima: quia ipsum fudit ex charitate ferventissima, ex qua voluntariè pro nobis pati voluit: quod pulchrè ostendit Augustinus. in persona *Augustinus Christi, ita dicens: O! homo, recogita qualia & quanta pro Te passus sum: cum esses inimicus Patri meo, reconciliaui Te, cum tan-* *passione. Luca 15.* quam ovis perdita oberrares, quæsiui Te. Patri meo reddidi Te. caput meum spinis opposui: manus meas clavis objeci: sanguinem meum pro te fudi: Animam meam pro te posui: ut jungerem te mihi, & tu divideris à me? Convertere ad me: & ego suscipiam te. Plenissimè fudit, si consideretur mensura: quia totum sanguinem effudit, ita ut unicagutta in Eo non remaneret. Nam sanguinem intercutaneum fudit in flagellatione: & quidquid sanguinis habuisset in vertice & capite, effusum fuit in spinarum confusione: sanguinem verò venarum & nervorum, fudit in manuum & pedum conclavatione: sed sanguinem quod remansit in corde, vel in membris interioribus, effudit in lateris apertura: & ideo quia nihil in Eo sanguinis remansit, non erat ei species neq; decor. Akerbissimè fudit, si consideretur natura: nam quanto natura & complexio est nobilior & delicatior, tanto est tui læsionis perceptibilior: & per consequens pœna inflata. & Ejus sensibilitas est acerbior: sed constat quod complexio corporis Christi fuit delicatissima, quia Spiritus Sancti artificio de Virginis sanguine formata: & ergo sui sanguinis effusio, & pœnarum illatio, fuit acerbissima, & ideo dicit: *attendite, scilicet mentaliter, & videte, sensibiliter, si est dolor similis, si.* cut dolor meus, quasi diceret, nō. Surge ergo amica Christi, esto sicut columba nidificans in summo ore foraminis, ibi, ut passer inveniens domum vigilare non cesses, ibi tanquam turtur, casti amoris pullos absconde, ibi os appone, ut haurias aquas de fontibus Salvatoris. Hic enim est fons egrediens de medio Paradisi, quid in corda devota diffusus, facundat & irrigat universam terram. Ecce ostium in latere Archæ, quo intrant animalia non peritura diluvio. Ad hujus ergo Petræ foramina, & materiæ cavernam stude nunc & in die exitus Tui recurre & in eis latita, ut ibi valeas pascua invenire, & ora leonum evadere, Unde Anselm. Festina, ne tardaveris, comede favum tuum cum melle tuo: bibe vinum tuum cum lacte tuo. Sanguis Tibi in vinum convertitur, ut inebrieris: in lac aqua mutatur, ut nutiaris. Facta sunt Tibi in Petra *Genes. 2. Anselm. in medit. redē ptionis ge. neris huma.* foramina in membris Ejus vulnera: & in corporis Ejus materia, Tua caverna: in quibus instar columbæ latitans & deosculans singula, ex sanguine Ejus fiant sicut vitta coccinea labia Tui



& eloquium Tuum dulce. Unde & Gregorius. Per foramina Petre, vulnera manuum & pedum Christi in cruce pendentis libendo lancea factum est, eodem sensu dixerim: & bene in foraminibus petre, & in caverna materie, esse dicitur: quia dum in crucis recordatione patientiam Christi imitatur, dum ipsa vulnera (propter exemplum) ad memoriam reducit quasi columba in foraminibus, sic simplex anima in vulneribus nutrimentum, quod convalescat invenit, Hæc Gregor. In his vitam vulneribus, Salvatoris, securi-

*In vulneribus Christi* tatem & protectionem, ac consolationem non modicam reperies. Unde Bernardus, quædam de verbis Augustini assumens, sic ait: Et revera ubi tuta firmaque infirmis requies, nisi in vulneribus Salvatoris? Tantò illic securior habita, quantò ille potentior est ad salvandum, Fremet mundus: premit corpus, diabolus insidiatur: non cado, fundatus enim sum supra firmam Petram. Peccavi peccatum grande,

turbabitur conscientia: sed non perturbabitur, quoniam vulnerum Domini recordabor. Nepe vulneratus est, propter iniquitates nostras. Quid tam ad mortem, quod non Christi morte salvetur? Si ergo in mentem venerit tam potens, tamque efficax medicamentum, nulla jam possum morbi magnitudine terreri. Ego verò fidenter quod ex me deest, usurpo mihi ex visceribus Domini: quoniam misericordia affluunt, nec desunt foramina, per quæ affluunt. Foderunt manus & pedes, latusque lancea perforaverunt, & per has rimas licet mihi sugere mel de Petra, oleumque de saxo durissimo: id est; gustare & videre, quoniam suavis est Dominus. Patet arcanum cordis, per foramina corporis: patet magnus illud pietatis Sacramentum, patent viscera misericordie DEI nostri, in quibus visitavit nos oriens ex alto. Quidni viscera per vulnera pateant?

*Psal. 21.*  
*Psal. 80.* In quo non clarius quam in vulneribus Tuis elucet, quod Tu Domine suavis & mitis es, & multæ misericordie? Majorem enim miserationem nemo habet, quam ut animam suam ponat quis pro amicis suis. Tu Domine majorem habuisti, qui animam Tuam etiam posuisti, pro abditis & damnatis. Meum proinde meritum miserationis Domini. Non plane sum meriti inops, quoad ille miserationum non fuerit: quod si misericordie Domini multæ, multus nihilominus ego in meritis sum. Quid enim si multorum sum mihi conscius delictorum? Nempe ubi abundaverunt delicta, superabundavit & gratia. Et si misericordie Domini ab æterno & usque in æternum: ego quoque misericordias Domini in æternum cantabo. Quanta in foraminibus Petre multitudo dulcedinis: plenitudo gratie, perfectioque virtutum? Hæc Bernardus. O! Domine sicut exivit sanguis Tuus, copiosa redemptio nostra: non permittas me in hora mortis, vel in die iudicii perire cum impiis: sed me tuo pio cruore redemptum aggrega cum electis Tuis, abscondendo me inter in foraminibus Petre & in caverna materie, & vulnerando me charitate Tua, aut amore langueat. Qui enim verè Te diligit: pro Te vulneratur & langvet, & donec Te videat, à mundi actionibus est velut mortuus alienus. Fortis est enim, ut mors dilectio Tua: & dura

*Cantic. 8.* velut inferne emulatio. Considera nunc bene corporis Christi, in cruce positi dispositionem: quia ex hoc in spe & fiducia rapieris majorem: attestante Bernardo, qui ait: Quis non rapiatur ad spem, & ad impetrandi confidentiam qui Ejus attenderit corporis dispositionem? Vide caput inclinatum ad osculum, brachia extensa ad amplexum, manus perforatas ad largiendum, latus apertum ad diligendum, pedum affixionem ad nobiscum manendum: corporis extensionem ad servandum nobis impendendum. Hæc Bernardus. DE



DE SECUNDIS VESPERIS,  
Cap. LXV.

**H**Orâ vespertinâ meditaberis mente lugubri & lachrymabili, quomodo *Mat. 27*  
Mater Domini, & alij quatuor, ponunt se iterum ad sedendum prope *Mar. 15*  
Crucem, nescientes quid facere debeant. Corpus enim Domini de *Luca. 23.*  
ponere, & sepelire non possunt: quia nec vires sufficientes habent, nec in- *Joan. 19.*  
strumenta quibus deponant. Recedere autem, eo sic manente, non audent,  
& diu manere nocte appropinquante non valent. Uide in quanta sunt per-  
plexitate, & eis corde compatere. Interim autem *Joseph ab Arimathia*, civi-  
tate Judææ, decem leucis ab Hierusalem distante, antiquitus dicta Rama-  
tha: unde fuerunt Helchana & Anna, parentes Samuelis: *dives & nobilis genere,*  
& *Decurio*, id est de ordine curiæ, & officia curiæ imperij Romanorum admi-  
nistrans: *vir bonus*, in se & quod ad Deum: & *justus*, quod ad proximum: ac *dis-*  
*ci-pulus JESU*, non de duodecim, vel septuaginta duo: sed de multis alijs cre-  
dentibus: quia omnes credentes à principio discipuli vocabantur: *sed occultus*,  
propter metum *judeorum*: ne de synagoga expelleretur: *qui non consenserat*,  
neci Domini, & *actibus & consilijs aliorum*. Christum persequentium: *qui &*  
*Ipse sicut & alij discipuli expectabat*, scilicet certitudine spei *regnum Dei*, non  
temporale & terrenum, sed cæleste & æternum: id est, regnum celorum; à  
Christo discipulis promissum: *venit ad sepeliendum Christum*, antequam in-  
traret sabbatum: in quo talia facere non erat licitum: quia enim erat disci-  
pulus Domini, ideo curam de corpore Ejus habere voluit, ut cum honore  
sepeliretur, & non sicut damnati corpus proijceretur. Hic virtute sanguinis  
Christi iam fusi roboratus, *audacter* omni timore deposito, & confidenter in-  
troiit ad Pilatum, nec Judæorum timens inimicitias, nec Pilati potestatem: &  
*petiit*, magno munere, *ut de Ejus licentia tolleret Corpus JESU*, de Cruce, &  
sepeliret illud honorifice, hoc præferens omni thesauro quantumlibet pre-  
tioso. Petiit autem hoc sibi concedi: quia (secundum legem humanas) cor-  
pora damnatorum, nec debent sine licentia deponi, vel sepeliri. *Et permisit*  
*Pilatus*: tum propter petentis reverentiam: tum propter Christi innocentiam  
sibi notam: & quia plura in morte Ejus viderat miracula. In quadam hi-  
storia dicitur, quod Joseph servierat quinque annis Pilato, & pro servito pe- *Joseph quod*  
tijt & obtinuit corpus JESU ab eo. Fit autem hic secularis dignitatis *modo Pila-*  
Joseph mentio: non quod Evangelista hanc commendat, sed quia ad præsidem *to notus.*  
nisi talis accedere non poterat: quia ergo dives erat valde insignis, ac Pila-  
to notus & familiaris, potuit de facili ad Pilatum intrare, & ab eo impetrare:  
quia vero bonus & justus, dignus fuit hoc ministerio, & meruit corpus JE-  
SU sepelire. Unde Beda: Magnæ quidem Joseph iste dignitatis apud sæcu- *Beda in*  
lum, sed majoris apud Deum meriti fuisse laudatur: ut & per justitiam meri- *capit. 15.*  
torum, sepeliendo corpore Dominico dignus foret: & per nobilitatem poten- *Marci. et*  
tia secularis, idem corpus accipere posset: non enim quilibet ignotus, aut *in c. 23.*  
mediocris ad præsidem accedere, & Crucifixi corpus posset impetrare. Un- *Luca.*  
de & Aug. Joseph fiducia dignitatis, qua præditus erat, familiariter intravit  
ad Pilatum, iam minus curans de Judæis, quamvis antea in audiendo Domino *Aug. lib.*  
devitaret inimicitias eorum. Unde etiam Gregor. Fuerat quandoque Jo- *3. de consen-*  
seph occultus Christi discipulus: deniq; vincula timoris rumpens ferventior *su Evan-*  
factus, Dominicum corpus turpiter pendens à ligno deposuit, comparans pre- *c. 22.*  
tiosam margaritam verborum modestiâ. Considera nunc fortitudinem Jo- *Gregor.*  
seph: quia non solum audet corpus Christi petere, sed etiam sepelire: sicut *Nazianze*  
homo potestatem habens, plus ex virtute quam ex adiutoribus. Unde Chry- *nos orat:*  
sost. Inspice autem hujus viri fortitudinem: in mortis enim periculum se in *sanctum*  
tradidit, inimicitiam ad omnes assumens, propter benevolentiam Christi. *bapt.*  
Unde & Theophilus: Audet ausum laudabilem non enim excogitavit, à di- *Chrysost.*  
vitijs decidam, & expellat à Judæis: si corpus petam Ejus qui est blasphemus. *hom. 89.*  
mij condemnatus. Hæc Theophilus. Qui ergo prius ex imperfectione in *Mat.*



Theoph.  
in c. 15.  
Marci.

Sindon.

Cant. 5.

Nicodemus.

Ioan. 19.

Psal. 15.

Chrysoft.

hom. 34.

in Ioan.

Deposito

Christi de

cruce.

Ansel. in

speculo.

Cantic. 1.

meticulosus & occultus discipulus Domini fuerat, propter metum Iudeorum vitans tunc inimicitias eorum: nunc exemplo mortis Christi animatus, ac virtute & vigore auctus, manifestat se, ac palam & facto fatetur, & ostendit se Christi discipulum, petendo Ejus sepulturam, & exequendo: minus curans de illis, in hoc extremo officio. Concesso autem sibi corpore, vocavit ad sequendam, virum sapientem, & legisperitum, discipulum Christi similiter occultum, Nicodemum nomine. *Joseph igitur mercator sindonem*, id est pannum lineum, candentem & mundum, venit ad crucifixionis locum, portans secum instrumenta quibus clavis evulsis corpus de Cruce deponat, & ipsam sindonem, qua involuat. Iste pannus mundus & candidus, innocentiam Domini, & liliosam significabat castitatem, ut qui rubricatus fuerit sanguine passionis, candidaretur sindone innocentissimæ castitatis. In Canticis: *Dilectus meus candidus & rubicundus. Venit & cum eo Nicodemus*, se illi associans, in quo dolus non erat, qui prius timidus nocte ad Jesum venerat primum, scilicet ante passionem: *ferens secum mixturam myrrhae & aloes, libras quasi centura*, ad ipsum condiendum, quia hæc sua amaritudine arcent vermes à corporibus mortuorum: & quam plurimam ea conservant, nec citò corruptioni subijci permittunt. Iste ante passionem Christi sicut & Joseph, erat discipulus Domini occultus, sed post passionem manifestavit se sicut & ille, & factus est publicus: sed nondum habens veram fidem de resurrectione, quia attulit myrrham & aloë, quasi corpus Ejus muniri indigeret à putredine. Et ideo licet ex devotione istam unctionem faceret, videtur tamen quod plenam notitiam de resurrectione Christi non haberet: quia de eo scriptum erat: *non dabis sanctum tuum videre corruptionem*: propter quod non indigebat unctione conservante contra putrefactionem. Unde Chrysoft. Adhuc enim ut de nudo homine disponebant: sed tamen multam dilectionem demonstrabant. De isto Nicodemo legitur in revelatione corporis beati Stephani protomartyris. Per Joseph, qui interpretatur accrescens, significabatur persona crescens in virtutibus: quæ corpus Domini postulat, quando pro digna receptione Eucharistiæ Deum suppliciter orat. Per Nicodemum verò peritum, significatur Doctor bonus: ferens mixturam: id est, doctrinam ex autoritatibus sacræ scripturæ confectam, ad unguendum corpus Christi mysticum ad Ejus salutem. In sindone etiã munda, paupertas & castitas notantur: & in aromatibus, virtutum varietas designatur. Felix talis conscientia, cui non deficit defunctio paupertatis, contra mundum: mundicia castitatis, contra carnem: fragrantia virtutum, contra diabolum. Cùm autem Joseph & Nicodemus fuerint prope Crucifixionis locum, genua flectentes adoraverunt Dominum. Quos dum vidit Mater, volentes deponere corpus, quasi de morte confurgens paululum revixit spiritus Ejus. Et applicantes recepti fuerunt per eam reverenter, & paraverunt se ad deponendum Eum, quibus ipsa quod poterat ministrabat adiutorium. Unus clavos de manibus trahebat: alius ne corpus caderet exanime sustinebat. Stabat Maria levans brachia in altum, & dum tangere Eum voluit, caput & manus Ejus dependentia trahebat supra triste pectus suum: & ruens in amplexus & oscula, de dilecto suo satiari non poterat: nec quis ipsam desuper corpus attrahere valebat. Corpore igitur Domini in terram deposito, Domina suscepit caput cum scapulis suis in gremio. Magdalena verò pedes, apud quos olim tantam gratiam meruerat. Alij autem circumstant, & omnes planctum magnum super Eum faciunt. Omnes enim amarissime plangunt Eum, quasi unigenitum. Unde Ansel. in speculo. Sed adhuc expecta, donec nobilis ille Decurio veniens extractis clavis manus pedesq; dissolvat. Uide quomodo felicissimis brachijs corpus amplectitur, ac suo adstringit pectori. Tunc potuit vir ille sanctissimus dicere: *Fasciculus myrrhae, dilectus meus mihi, inter ubera mea commorabitur*. Cerne præterea, quàm dulciter, quàm diligenter beatissimus Nicodemus, sacratissima membra Ejus tractat digitis, fovet unguentis. Hæc Anselmus. Venias & tu charissime devotis gressibus, & spiritualibus accessibus, ad deponendum Dominum Deum tuum de Cruce, & ad plangendum Eum cum tua benedicta Matre, & alijs qui ibi aderant & ad sepeliendum, & alia faciendum quæ



Ipsi faciebant. Unde Ambros. Ueni & tu vel sero, vel nocte, vel quacumq; hora: quacumq; enim hora veneris, Jesum invenies ad suscipiendum paratum: nec minorem serius venientibus mercedem pia largitate solventem. Nam & qui hora sexta venit, non est mercede fraudatus: & qui undecima, plenitudinem mercedis accepit. Hæc Ambrosius. Deus meus bone JESU: concede mihi quanquam per omnem modum immerito & indigno, ut qui his cum Matre Tua & a ijs qui tunc aderant corpore interesse, & ea facere non merui: fideli tamen hæc eadem mente pertractans, illum ad te Deum meum pro me crucifixum & mortuum, compassionis affectum experiar, quæ innocens Mater Tua, & penitens Magdalena in ipsa passionis tuæ hora senserunt. Et sciendum, quod quamvis ista depositio Domini de Cruce, non fuerit sibi in penam: quia corpus erat exanime: nec feret Ei in contumeliam, sed potius in honorem & reverentiam, præsertim cum non fieret à Judæis sarruentibus, sed à devotis fidelibus Eum multum diligentibus, imò etiam Judæis & hoc dolentibus, quod cum tanta solennitate deponeretur, condiebatur, & sepeliebatur: istud tamen factum depositionis, in se valde miserabile fuit & lamentabile: quod videlicet corpus tantæ nobilitatis tractabatur tanquam cadaver vile: licet in veritate cadaver non fuerit, propter divinum suppositum, in quo corpus illud impetrabiliter subsistebat, & si corpus illud non sensit penam, beata tamen virgo (quæ ibi aderat) penam in hoc facto sensit maximam. Ex hoc articulo depositionis Domini de Cruce, habentur duo documenta. Primum est, quod fideles Communicantes corpus Domini de altari, æquiparantur illis qui ipsum deposuerunt de Cruce. Perinde enim est (imò plus) Christi corpus sumere de ara altaris, quam de ara Crucis. Illi enim acceperunt Eum in brachijs & manibus: sed isti sumunt in ore & cordibus. Secundum documentum est, quod & nos libenter debemus Christum cum Joseph de Cruce deponere. Quamdiu enim peccator in peccatis, est, Christum in Cruce distentum, quantum in se est, vinculat & crucifigit: peccata enim nostra sunt in causa, quod Christus crucifixus est. Sed mox cum per penitentiam ad Deum convertitur, ipsum de Cruce solvit & deponit: & inter brachia sua Eum recipit. Sicut fecit Joseph qui in deponendo Christum de Cruce, inter brachia sua Eum complectebatur. Unde sicut quis complectens aliquem inter brachia, potens est de eo facere quicquid vult: maximè si illud non repugnet, sic peccator conversus per penitentiam, constringens iam Christum brachijs amoris, potens est de eo omnia quæ voluerit obtinere. Nequaquam enim Christus repugnat penitenti, sed paratior est ad dandum gratiam, quam iste ad recipiendum. Ad conformandum se huic articulo, recogitet homo, quam lamentabile factum fuit quod tale corpus (quod erat Deus) sic tractabatur ad modum cadaveris: & quod Coronâ gloriæ, iacuit sic supina & prostrata in terra: qualem etiam planctum tunc beata Virgo fecerit super corpus dilecti & dulcis filij sui: vel alias, sicut dederit meditant. JESU qui de Cruce non vivus descendere, sed mortuus deponi voluisti: ut de morte resurgeres ad electorum informationem: da mihi de sacro altari tuo, ac si de ara Crucis corpus tuum verum dignè suscipere, & ut de hac Cruce, quam suscepi in tui professione servitij, quousq; vixero non descendam, sed cum tibi placuerit ab hoc corpusculo repetere animam quam dedisti, nunc te vocante de Cruce deponari: & te invitante ad requiem paradisi perducari.

Post aliquam verò morulam, rogat Joseph Dominam, ut permittat corpus Domini perungi, ac lintheaminibus involui & sepeliri. Ipsa verò contendebat, dicens: Nolite amici mei tam cito mihi filium meum auferre, velle dilatio me secum sepelire. Illum adhuc paululum relinquit mihi, ut faciem ipsius valeam contemplari, & videndo aliquantulum inde consolari. Illi volebant Eum tradere sepultura, & ipsa volebat Eum retinere, & sic erat hæc pia lachrymis, & miseranda contentio inter eos. Flebat illa lachrymis irremediabilibus. Ipsius lachrymarum tanta ubertas fluebat, ut caro cum spiritu in lachrymis re solui putaretur. Rigabat lachrymis faciem & extinctum filij sui corpus, & perfundebat undiq; plagas Ejus. Lapidem quoq; in quo corpus Ejus positum



*Planctus  
Maria rati  
onabiles.*

*August ser  
mo. de sabba  
to sancto.*

*Bernard ser  
mo. de passione  
Contemplatio.*

*Esaia 1.*

*Infirmas  
humana natu  
ra per Chri  
stum sanata.*

*Bernard ser  
mo. de passione  
Omnia me  
bra Christi  
pro nobis  
torant.*

& locatum fuerat, lachrymis madebat, in quo Ejus lachrymæ adhuc appa-  
rere dicuntur: quæ nunc in ingressu Ecclesiæ sancti sepulchri esse memoran-  
tur. Lavit & tersit vulnere Ejus cruentata, & osculabatur ea, & faciem  
Ejus sacratissimam. Aspiciebat vulnere corporis, & vultum Ejus & caput: vi-  
debat spinarum puncturas, depilationem barbæ, faciem et sputis & sangui-  
ne deturpatam: & de aspiciendo & flendo non poterat satiari. Virginis do-  
lores narrari non possunt: quia male illi erat, sicut esse poterat. Et ideo quæ-  
tas lamentationes, ululatus, planctus & fletus super idem corpus unici filij  
sui tunc fecerit, verbis explicari non posset. Credendum tamen est, quod nul-  
los planctus irrationabiles fecerit: quia dolor Ejus ad rationem superiorem  
non pertingebat. Magdalena verò pedes Domini, quos alia vice lachrymis  
compunctionis rigavit: nunc multo magis undis lachrymarum compassionis lar-  
giter lavit. Aspiciebat pedes sic vulneratos & perforatos, desiccatos & san-  
guinolentos, flebat amarissime, & præ dolore videbatur deficere: similiter fle-  
bant vehementer & alij, ac etiam Angeli præsentibus ibi. Unde Augustinus: O  
quis Angelorum vel Archangelorum illic non fleisset, ubi contra naturam Au-  
thor naturæ immortalis Deus mortuus homo, iacebat; Videbant Christi corpus  
sic male tractatum: ab impijs sic laceratum iacere, & Mariam totam suo cruen-  
tatam in cruore sic amarissime flere, & nullo modo suas lachrymas poterant re-  
frænare. Sicut enim possibile fuit, Deum per assumptum hominem mori: sic pos-  
sibile fuit Angelos bonos in morte Domini sui dolere. Hæc August. Plange er-  
go & tu charissime amarè, & clama cum Bernardo dicente: O bone IESU quàm  
dulciter cum hominibus conversatus es: quàm magna & abundantissima Ejs lar-  
gitus es, quàm dura & aspera pro Ejs passus, dura verba, duriora verbera, du-  
rissima Crucis tormenta. Hæc Bernard. Contempleris etiam bene Dominum &  
Saluatorem tuum: gyra & regyra, volue & revolve, à latere in latus, à planta pe-  
dis usque ad verticem, & non invenies in eo sanitatem, sed undique dolorem,  
ubique cruorem. Non enim est in eo membrum, vel sensus corporis, qui suam  
afflictionem & infirmitatem, vel passionem non senserit. Uide quid in quolibet  
sensu, quid in qualibet parte sustinuit. In capite spinas: in auribus oppro-  
bria: in oculis fletum, in ore fel & acetum: in facie alapas & sputas: in collo cola-  
phos in naribus fæorem: quia in loco ex cadaveribus corrupto fuit crucifixus  
clavos in manibus & pedibus, flagella in dorso, lanceam in pectore. Quia enim  
genus humanum vulnere ibus peccatorum fuit plenum, secundum illud Esaia: *Omne  
caput languidum, & omne cor marens, à planta pedis usque ad verticem non est in eo sanitas:*  
ideo IESU in omni parte corporis sui plagas suscepit: ut per Ejus livorè in toto  
sanaremur. Homo enim erat infirmus in capite, id est in intentione, quæ est ca-  
put animæ: quia in his quæ faciebat non sanam intentionem habebat. Erat in-  
firmus in manibus, quia faciebat opera mala vel remissa: erat infirmus in pedi-  
bus, quia habebat affectionem immundam aut terrenam: pes enim animæ, est affe-  
ctus & amor Ejus: quia sicut corpus vadit pedibus, sic anima vadit affectibus.  
Erat infirmus in corde, quia habebat cogitationes noxias & vanas. Erat infirmus  
in toto corpore, quia habebat totam vitam mundanam, & conversationem vanam. Ut igitur  
Christus suis livoribus & vulneribus nos sanaret: voluit vulnerari in capite,  
ut sanaret omnes nostras obliquas intentiones: voluit vulnerari in manibus, ut  
sanaret nostras malas & remissas operationes, voluit vulnerari in pedibus, ut sa-  
naret nostras immundas & terrenas affectiones: voluit vulnerari in corde, ut sa-  
naret noxias & vanas cogitationes: voluit flagellari & vulnerari in toto corpo-  
re, ut sanaret totam nostram vitam & conversationem. Unde Bernardus: Medi-  
tare, inquit, positionem corporis Crucifixi, & vide si aliquid est in eo quod non pe-  
roret pro te ad Patrem. Divinum illud caput multiplici spinarum densitate depre-  
ssatur, usque ad cerebri teneritudinem confixum est. Ad quid hoc? ne doleret ca-  
put tuum, ne tua vulneraretur intentio. Caligaverunt in morte oculi sui: & illa lu-  
minaria magna, quæ illuminant orbem, ad horam extincta sunt. Nonne illis obtene-  
brantibus tenebræ factæ sunt super universam terram & illa duo luminaria magna  
cum illis luminaribus semota sunt: Hoc autem totum factum est, ut averteretur oculi tui,  
ne viderent vanitatem: & si viderent, non adhaererent. Aures, illæ quæ in  
caelis audiunt, Sanctus, Sanctus, Sanctus, Dominus Deus Sabaoth:  
audierunt in terra daemoniacorum voces: Crucifige Crucifige.  
Ut



Ut quid istud? Ne aures Tuæ oburderentur ad clamorem pauperis: ne reciperent auditum vanum, ne detractionis virus apertis poris ulq; quoq; insciperent. Speciosa illa facies speciosi forma præfuit hominibus: sputis illita est, afflicta colaphis, addicta delusionibus. Quare hoc? Ut facies Tua illuminaretur, illuminata confirmaretur & diceretur de Te, Vultus Ejus non sunt amplius in diversa mutati. Os illud quod Angelos docet, homines instruit, quod dicit & factum est, felle potatum est, & acetò, sed hoc factum est, ut veritatem & judicium loqueretur os Tuum, & confiteretur Dominum DEUM suum. Manus illæ quæ fundaverunt Cælos, extensæ sunt in cruce: clavissq; transverberatæ durissimis, ut manus Tuæ extenderentur ad inopem. Pectus illud, in quo sunt omnes thesauri sapientiæ & scientiæ DEI absconditi: lanceâ militari perfoctum est, ut pectus tuum à praviscogitationibus mundaretur, mundatum sanctificaretur, & conservaretur sanctificatû. Pedes illi, quorum scabellû terra est, adorare debemus, quoniam sanctum est, dura transfixione transfixi sunt, ne pedes Tui festinarent ad malum, sed currerent viam mandatorum Domini. Quid plura? Pro te carnem & animam posuit, ut corpus & spiritum sibi vendicaret. Totum toto, se Te comparavit. Huic igitur omnem vitam tuam o! homo debes, quia vitam suam pro tua posuit, & cruciatus amarus sustinuit, ne tu perpetuo sustineres. Cui verò justius vivam quàm illi? Qui si non moreretur, ego non viverem. Hæc Bernardus. Ad hoc etiam faciendum, & debitum Domino rependendum, idem Bernardus, quasi monendo sic dicit: O! homo respice oculo mentali, quanto remunerationis debito adstringaris Domino patienti. Recole sudorem sanguineum, trigiata argenteos, fletionis osculum, alaparum contumeliam, flagellorum instantiam, ictus arundinis, coronam spineam, spurri ludibria, crucis angariam, patibuli suspendium, oculos langventes, oris pallorem, fellita cibaria, amara pocula, spongiæ obsequium, caput inclinatum, latus perforatum, ulnas extensas, manus transfixas, pedes confossos, vocem lamentabilem, latrones alitrescos, garrulationes irriforias, titulum famosum, vestimenti sortem, gemmatum crucifige. Quid plura? Vilissimum mortis supplicium, & probra nefandissima. Et iterum: Vide homo, quo amore Te dilexit Dominus DEUS Tuus, ut vestigia Ejus sequeris. Pro te ligatus est, ut te à vinculis peccatorum absolveret. Pro te flagellatus est, ut te à flagellis æternæ iræ erueret. Pro te judicatus est, ut te à judicio æternæ damnationis liberaret. Pro te coronatus est spinis, ut te coronaret in Cælis. Pro te vulneratus est medicus, ut tu sanareris ægrotus. Pro te crucifixus, ut tuas concupiscentias crucifigeret. Pro te mortuus est, ut te à mortuis suscitaret. Pro te sepultus est, ut in te vitia sepeliret. Hæc Bernardus. Multa igitur pro nobis sustinuit Dominus JESUS: sed nos miseri ad confusionem nostram uno sermone fatigamur, uno verbo delicimur. Omnia ergo quæ Dominus JESUS passus, quæ circa ipsum gesta sunt, mente revolve, & diligenter pertracta: & ex histe ad patientiam in omnibus adversis, quæ pateris, accinge viriliter & arma. *Chrysostomus* Unde Chrysost. Armemus nosmetipsos adversus omnem furorem, *hom 88.* adversus omnem iram: & si inflammatum videris cor Tuum, signa in Matth. pectus, impone crucem. Convitiatus est Tibi aliquis: recordare *Cōtra iram* omnium quæ in Christo gesta sunt, & omnia extinguentur. Non *passionis me* solum legamus hæc omnia, sed & mente feramus ea. Sufficiens *moria*

Kkkkkk

enim



enim sunt hæc, continuè revoluta, universam iram destruere. Et si contumeliam, & si injustitiam patiamur, dicamus continuè, non est servus major Domino suo. Propterea enim hæc omnia sustinuit, ut secundum Ejus semitam gradiamur: & nos contumelias feramus, quia maximè convitia à mente abiciuntur. Sed tamen ipse non solum tulit hæc: sed omnia egit ut salvaret eos qui hæc faciebant. Hæc nos zelemur. Unde Chrysost. Nil enim DEUM ita propitium facit, ut inimicos amare, & his qui officiunt benefacere. Cum quis officit, non ad ipsum respicias, sed ad eum qui movet, scilicet dæmonem, & iram universam adversus illum evacuas: ipsius autem & miserere, qui ab illo movetur. Cum injuriantem videris, excogita quoniam diabolus est qui movet eum: non enim Christianorum sunt injuriæ. Cum igitur quis injuriatus fuerit, memento Tui Dominatoris, quoniã & per verba & per res Ei detrahebant: & ironiam multã ostendebant: Ipse verò non solum non ulciscabatur: sed & contrariis remunerabat in humilitate & mansuetudine: hunc itaq; & nos zelemur: ita enim poterimus & à convitio eripi omni. Si enim non dolueris, non convitium patieris: quid enim doles? Si quidem injustè convitium pateris: hoc maximè tristiari non oportet, sed illius misereri, si verò justè multò magis silere oportet: neq; doleas in verbis, sed corriganis in rebus. Quare si vigila-veris, dupla lucraberis: & propitium facere DEUM silentio, & actionem accipere; ex his, quæ dicta sunt, corrigere ea quæ acta sunt: & gloriam hæc humanam despiciere. Etenim hinc dolor nobis fit, quoniam multi ad insensatorum suspicionem inhiant. Hæc igitur universa meditemur in operibus: si enim non hæc dixerimus, inaniter & vanè in mundum venimus: magis autem & in malo. Non enim sufficit fides in Regnum ducere: sed hæc maximè condemnare habet eos qui vitam malam demonstrant. *Qui enim scivit voluntatem Domini sui & non fecit, plagis verberabitur multis.* Properemus igitur nos ad exitum: etenim multis nobis opus est viaticulis, ut sufficientia æternæ vitæ accipientes viaticula, videamus Dominum nostrum JESUM Christum. Hæc Chrysostomus.

## DE SECUNDO COMPLETORIO.

## CAPUT XLVI.

**H**ora completorii cogitabis dolorosus & tristis, qualiter tardan-  
*Matth. 27.* te hora rogat Joannes dominam, ut permittat aptari & sepe-  
*Marc. 15.* liri corpus Domini nostri, antequam intret sabbathum, in quo non  
*Luca 23.* licet talia operari: & eo quod propter nimiam moram possent à ju-  
*Joan. 19.* daeis pati calumniam. Tandem domina tanquam grata & discreta,  
 & cogitans quod ipsi Joanni esset per Filium commissa, amplius  
 contendere noluit, ac signans & benedicens corpus ut volebant a-  
 ptari permisit: tunc unxerunt corpus: & involuerunt in sindone mun-  
*Inungitur* da. quàm Joseph emerat: & ligaverunt illud lintheis, etiam aliis, sci-  
*& involui-* licet sudario quod capiti adhibebatur, & instris seu fasciis, quibus  
*tur Corpus* totum corpus alligabatur: quæ omnia etiam de lino erant, & (ut  
*Jesu.* creditur) Nicodemus attulerat ac etiam *cum aromatibus, sicut mos*  
*judeis est sepelire,* scilicet personas venerabiles: hoc enim acceperunt  
 à Patribus suis & Senioribus. Domina tamen semper tenebat ca-  
 put ipsius in gremio suo, quod sibi reservavit aptandum: & Magda-  
 lena pedes apud quos misericordiã est consecuta: tandè verò Magda-  
 lena pedes lachrymis rigatos devotè abstergit, amplexatur, oscula-  
 tur,



tur, & involuit: & aptat fideliter, quàm melius novit. Sic ergo  
 aptato reliquo corpore, respiciunt ad Dominam, ut ipsa compleat,  
 & omnes planctum reincipiunt. Omnes enim sic amarissimè flebāt,  
 ut vix quisquam eorum loqui posset. Videbant Matrem non ni-  
 latio destitutam: & super illam dabant potius planctum, quàm su-  
 per extinctum Dominum suum. Reincipe etiam & tu planctum,  
 si fortè dimiseras Eum. Tunc Domina videns quòd amplius dif-  
 ferre non possit: ponit vultum super faciem Filii, & ex inundatia  
 lachrymarum, multo magis lavit faciem, quàm Magdalena pedes:  
 abstergit autem & deosculans os Ejus, in quodam sudario ipsum in-  
 voluit: & diligenter aptat, & iterum benedicit Eum, & signat. Et  
 tunc omnes adorantes flexis genibus, & pedes Ejus osculantes, ac-  
 cipiunt & portant Eum ad monumentum, quod à Monte Calvarie  
 distat passibus quinquaginta: Domina tenebat saput, & Magdalena  
 pedes: reliqui verò erant in medio. Unde Anselmus: Sequere & Anselm. in  
 tu pretiosissimum Cœli terraq; thesaurum: & porta vel pedes, vel speculo,  
 manus brachiaq; sustenta: terræ defluentes minutatim pretiosissimi  
 sanguinis guttas curiosius collige: & pulverem pedum Ejus linge.  
 Dolorem quem MARIA in exequiis Filii sui toleravit, olim Da-  
 vid in exequiis Abner præfiguravit. Abner à Joab fraudulenter  
 interfectus erat: cujus interfectionem Rex David, feretrum sequens,  
 desebat. David non solum ipse super exequias Ejus plorabat, sed  
 etiam alios ad plorandum incitabat: ita Beata Virgo & alii devoti  
 exequias Christi deplanxerunt, & corda sua intima compassione  
 sciderunt. *Erat autem prope locum crucifixionis hortus, & in horto mo- 2. Reg. 3.  
 numentum novum* Ipsius Joseph, sumptuose factum, & in petra exci- *Monumen-  
 tum Domini.*  
 tum: in quo nondum quisquam positus fuerat, in quo, quia juxta erat, pro-  
 pter parasceven judæorum sepelierunt eum, reverenter & devotè, flexis  
 genibus, magnis singultibus, & suspiriis validis: & sic Dominum vitæ,  
 dederunt sepulturæ mortis. Sepelierunt Eum in loco propinquo:  
 quia non poterant longè portare, propter solennitatem sabbathi  
 imminentem. Unde Chrysost. quia verò, brevitate temporis urge- *Chrysostomus  
 homil. 84.  
 in Joann.*  
 bantur, & vespera imminebat: ideo ponunt Eum in proximum mo- *Augustinus  
 Tract. 120.  
 in Joann.*  
 numentum. Et Augustinus. Acceleratam vult intelligi sepultu-  
 ram, ne ad vespéralceret: quando jam propter parasceven facere  
 aliquid tale non licebat. Tunc (ut ait Augustin.) Illius exequias  
 Angelorum millia millium decantabant: qui omnes convenerant ad  
 sepulchrum Domini sui. Illi cantabant laudes, sed MARIA dabat  
 gemitus & suspiria cordis. Dispensativè autem in novo ponitur  
 monumento, ubi nullus positus erat: ut, secundum Ambros. & Chry- *Documentum  
 cur novum.*  
 sost. Non alius qui cum Eo jaceret surrexisse à perfidis diceretur,  
 vel secundum Augustin. Sicut in MARIE Virginis utero nemo  
 ante illum, nemo post illum conceptus est: ita in hoc monumento  
 nemo ante illum, nemo post illum sepultus est. Et secundum Hie-  
 ronym. In monumento exciso in petra conditus est, ne si ex multis  
 lapidibus fuisset ædificatum, suffossis rumuli fundamentis, ablatus  
 furro diceretur. Et secundum Augustin. Si etiam sepulchrum fu-  
 isset in terra, dicere poterant, suffoderunt terram, & furati sunt Eum.  
 quòd autem in alieno sepulchro ponitur, paupertatem Ejus testa-  
 tur. Unde Theophilus. Attende etiam abundantiam pro nobis  
 susceptæ paupertatis. Namq; domum in vita non habuit, post mor-  
 tem



*Theoph. in cap. 19. Ioā.* in tē quoq; in alieno sepulchro recōditur, & nudus existēs à Joseph ope-  
ritur. Unde & Ansel. Pauper ita fuit Christus ut non in sua, sed in ali-

*Anselmus in speculo.* aliena domo nasceretur: & vivēs in hoc mūdo, nō haberet ubi caput suū  
reclinaret: nec moriēs, unde nuditatē suā tegeret, nec mortuus, unde

*Ambrosius in Lucam.* involveretur: nec sepulchrū aut locum, ubi corpus suum poneretur.

*cap. 23.* Ideo etiam secundū Ambrosium & Augustin. Salvator in aliena  
sepultura ponitur, qui pro aliena moriebatur salute. Ut quid  
illi propria sepultura, qui in se mortem propriā non habebat? Item,  
secundū Ambrosium, ad ostendendum quōd non debuit detineri  
à morte. Non enim ille sepulchrum mortis desiderabat, qui de mor-

*Hieronymo* te triumphum querebat. Secundū Hieronym. autē & Bedam, ex  
simplici sepultura Domini, ambitio divitum condemnatur: qui nec

*Augustinus de cura pro mortuis ge- rendis.* mortui & in tumulis possunt carere divitiis. Sed (ut ait Augustin.)  
Pompa funeris agmina exequiarum, sumptuosa diligentia sepultura,  
monumentorum opulenta constructio, vivorum sunt qualiacunq;  
solatia, non adjutoria mortuorum. Hæc Augustin. Non fuit in se-  
pultura Domini aurum, non gemmæ, non sericum, sed lintheamen

*Sindon.* purum & nitidum. Sindon enim pannus, seu tela de lino est, de  
quo etiam erant institæ, quibus corpus est alligatum; & similiter ca-

*Hieronymus in cap. 27 Matthæi.* pitis sudarium. Unde secundū Hieronym. Possumus intelligere  
quōd Corpus Domini, non auro, non gemmis, non serico, sed lin-

theamine puro obvolvendum sit. Unde etiam quia in simplici sin-

dōne involutum est Corpus JESU, ideo Silvester Papa instituit, ut

Sacrificium Altaris non in panno serico, vel tincto, vel auro texto,

sed puro lintheo terreno, & sindone munda cōsecratur & celebretur.

Secundū Petrū Cantorem, ex eo quōd dicitur: In sindone munda,

& in monumento novo, colligi potest pallas Altaris, dalmaticas, ca-

sulas, albas, sicut nec sindonem fieri debere de aliqua veste prius

in communes usus assumpta, propter reverentiam tanti Sacramen-

ti, sed ex nova, prius, non induta, quæ Domino consecrata, non de-

bet ad communes usus assumi. Sed nonne Corpus Christi ponitur

sæpe in aureis scyphis? Ita sed mediantibus pixidibus novis. Hæc

Petrus. Sepulto autem Domino Mater Ejus omni corde amplexa-

batur sepulchrum, & qua poterat voce benedicebat Filium suum.

Ad sepulchrum sedens innixa illi manus extendebat, & desuper il-

lud exosculans, amaro nimis Dominum singultu deplorabat. Ac-

cessit Joannes, & lugens ipse multum levavit eam lugentem, & e-

*Lapidis su- per sepul- chri positio* xuentes omnes de monumento, posuerunt lapidem, quasi pro clausu-  
ra ad ostium monumenti, ne ipse locus bestius esset pervius, scilicet

magnum, qui non posset de facili, & sine multorum auxilio amo-

ver, ne aliquis veniens posset rapere Christi Corpus: quia per illud

ostium erat ad sepulchrum ingressus. In quo patet virtus resur-

gentis, Quem non potuit retinere magnus lapis, & tollitur omnis

in resurrectione Ejus suspitio, quia nec ab aliquo fieri potuit vio-

*Augustinus de Sabbatho Sancto.* lentia, aut furtum, aut fictio. Unde Augustinus. Si fuisset lapis  
parvulus suppositus: dicere poterant, dormientibus nobis tulerunt

*Hieronymo in cap. 27 Matthæi.* Eum. Et Hieronymus. Saxum enim magnum appositum, osten-  
dit non absq; auxilio plurimorum sepulchrum potuisse reſerari. My-

*Myſtica ſe- pultura Chri- ſti in corde* ſticè, in actibus Joseph & Nicodemi signatur plura requisita in no-  
bis, si Christus in corde nostro debeat sepeliri. Nam debet com-  
& comunicans esse involutus lintheaminibus: per mundam affectionem,  
& conscientie puritatem. In sindone enim munda JESUM invol-

vit,



vit, qui Eum pura mente & puro corpore suscipit: decet namque non solum purā animā, sed & corpore puro corpus Christi suscipere. Involvere autem oportet: quia mysterium Ejus clausum & occultum est. Debet etiam unctus esse aromatibus, per ferventē devotionē. Cū myrrha enī & aloē Jesū involuit, qui Crucifixū in corde cum amaritudine poenitentiae & compassionis recondit. In novitate verō monumenti designatur, quod cor debet esse per gratiam & puritatem innovatum, & ab omni vetustate peccati purgatum, priusquam ad corpus Christi accedat: in quo corde etiam ponit Eum quando de Ipso iugiter cogitat: quia monumentum dicitur, quasi monens mentē. Sumpturus igitur eucharistiam, videat ut cor suū sit quasi monumentum novum, in quo locetur: & quasi hortus in quo delectetur, ne in monumento suo alius positus sit, vel circa hoc quidquam inutile excreverit: quod erit, si bene per poenitentiam mundatum fuerit & innovatum: alioquin non poterit in eo dignē sepelire Christum. Per monumentum autem lapideum, in petra excisum, designatur cordis stabilitas: quia debet in bono proposito esse firmum: & fidei soliditas, in qua apud Ecclesiam sepultus est Christus: hoc est fides Christi, supra quam petram aedificata est Ecclesia. Sed pro custodia omnium praeceptorum, debet adhiberi longanimitas perseverantiae, ut mens corpus Christi recipiens, in praedictis conditionibus intendat finaliter perseverare: & hoc designatur per saxum ostio monumenti advolutum. Ille etiam sepulto Christo in corde suo advoluit pro clausura lapidem magnum ad ostium: qui se claudit ne possit ingredi peccatum: & ponit diligens ob-  
Cordis.  
clausura.  
Ambros.  
in c. 23.  
Hila-  
Luca.  
Hilarius  
ano. 33.  
in Matt.  
Ambros.  
in c. 23.  
Luca.  
Sepulchrū  
forma.  
Sepulchrū  
color.  
Ecclesia  
sepulchrū

staculum contra peccati recidivum, ne Christus Eum deserat & relinquat, donec Ipsum à mortuis resurgere faciat. Unde Ambrosius; Cui pulcherrime lapis admotus est, ne pateret: quicumque enim in se humaverit Christum, diligenter custodiat ne Eum perdat, ne perfidia sit ingressus. Unde Hilarius, Et quia nihil præter Eum oporteat in pectora nostra penetrare, lapis ostio advoluitur: ut nihil absque eo inferatur. Voluit autem Christus in monumento justī, scilicet Joseph, sepeliri: ad ostendendum quod non requiescit nisi in corde justī: & quod non amplius peccatorum consortiū volebat, quia amplius pro Ipsi non moriturus erat. Unde Ambrosius, Mystice autem justus Christi corpus sepelit ( talis enim est Christi sepultura ) qui fraudem iniquitatemq; non habeat. Justus autem corpus Christi operit sindone vesti, & tu Domini corpus gloria tua, ut & ipse sis justus. Bene autem in monumento conditur justī: ut justitiae habitatione requiescat. Hæc Ambrosius. De monumento Domini fertur, quod domus seu spelunca fuerit rotunda, de subiacente rupe excisa: erat enim lapis seu rupe, grandis in orto, in cuius latere erat monumentum excisum seu spelunca, habens octo pedes longitudinis: & totidem latitudinis, & tantæ altitudinis, ut homo intro consistens, & in Ejus pavimento rectus stans, vix posset manu extensa culmen attingere, introitum patulum habens ab Oriente, cui lapis ille magnus advolutus atque appositus erat pro ostio. In cuius monumenti parte Aquilonari sepulchrum Domini hoc est locus dominici corporis de eadem petra est excisus, septem pedes & medium habens longitudinis, & à cætero pavimento altius eminens: tres palmos & medium habens altitudinis, eiusdemq; existens latitudinis cuius est altitudinis. Qui videlicet locus non desuper, sed à latere Meridiano per totum est patulus, unde inferebatur corpus, ut esset quasi sarcophagus superpositus fundamento, & inclinatus super latus, aperturam habens à latere, & non superius. Color autem ejusdem monumenti ac loculi, rubicundo & albo dicitur esse permixtus. Monumentum ergo erat ad modum domunculae factum: intra quod erat sepulchrum Christi positum. Sic enim sepulchra Judæorum antiquitus, & maxime magnarum personarum solebant fieri: ut eorum filij possent ibi etiam sepeliri. Propter hoc dicitur frequenter de regibus Juda: Sepultus est in sepulchro David, &c. Est autem ibi in eodem loco, ob reverentiam dominici sepulchri artificioso opere, forma rotunda, uno tantum foramine superius aperto domini resurrectionis ecclesia maxima constructa, continens montem Calvariae ac locum sepulchri: & multa loca sacra in qua sepulchrum Domini est intra quandam cellam rotundam pulchris lapidibus constructam. Hæc fi-



quidem ecclesia dominici sepulchri est patriarchalis, & habebat canonicos regulares, & Priorem, secundum habitum & regulam sancti Augustini viventes, quibus loco abbatis Patriarcha præerat, cui soli obedientiam promittebant. Hæc ecclesia inter sancta & venerabilia loca, non immerito obtinet

*Sexta feria* principatum, in cuius loco tam magna & mira, per Dominum sunt facta & *mysterium*. ostensa. Et dies erat *parasceves*, id est, præparationis: scilicet sexta feria, in qua præparabantur illa quæ in sabbato comedi debebant, & *sabbatum illucebat*, quia vespera ad sabbatum pertinens instabat, à qua solennitas sabbati incipiebat. Ubi sciendum, quod sicut homo sexta feria creatus est, & peccavit: sic Christus sexta feria pro homine mortuus est, & satisfecit. Unde & dixit, *consummatum est*: opus scilicet recreationis, sicut eadem die consummatum fuit opus creationis: & sicut sabbato requievit ab omni opere suo, sic sabbato quievit in sepulchro: in signum quod in hac sexta ætate pro eo operari, & pati debemus, ut in septima cum Ipso quiescamus: donec in octava, veniente gloria resurrectionis, cum Ipso simul gaudio perfruemur. Un-

*Beda in cap. 15. Marci.* de Beda, Parasceve Græcè, Latine præparatio interpretatur: quo nomine Judæi, qui inter Græcos conversabantur, sextam sabbati, quæ nunc à nobis sexta feria vocatur appellabant: eo quod in illo ab opere suo requievit Deus. Unde & hunc sabbatum, id est requiem vocari præcepit, rectè Dominus eadem die sexta crucifixus: humanæ reparationis implevit arcanum: sabbato autem in sepulchro requiescens, resurrectionis, quæ octava die ventura erat, expectabat eventum. Unde nostræ simul devotionis, ac beatæ retributionis præluet exemplum, quos in hac quidem sexta mundi ætate pro Domino pati, & velut mundo crucifigi necesse est, in septima verò ætate, id est, cum læti quis debitum solvit, corpora quidem in tumulis, animas autem secreta in pace cum Domino manere, & post bona oportet opera quiescere, donec octava tandem veniente ætate, etiam corpora Ipsa resurrectione glorificata, cum animabus simul incorruptionem æternæ hereditatis accipi-

*Vespera sabbati non laeta.* Unde pulchrè septima dies in Genesi vesperam habuisse non legitur, quia requies animarum, quæ in illo sæculo nunc est, non consumenda more, sed pleniori gaudio futuræ est resurrectionis adaugenda. Hæc Beda. *Oratio ecclesie in parasceve.* Ubi etiam nota quod inter cætera mysteria, quæ hodie ecclesia facit, hoc unum est: quia hodie pro omnibus orat. Cujus ratio est: quia Christus fuit hodie valde pius, in parcendo: quoniam dixit, Pater dimitte illis: quia nesciunt quid faciunt. Fuit valde liberalis, in largiendo, quia ad modicam petitionem dedit latroni regnum cælorum. Fuit valde largus, in redimendo, quia non guttam, sed totum sanguinem pro nostra redemptione dedit.

*Psal. 129.* Unde in psalmo, *Quia apud Dominum misericordia: & copiosa apud Eum redemptio.* Ideo Ecclesia, ad similitudinem Christi, est hodie multum liberalis in orando, & multum pia in parcendo. Hodie etiam fideles ecclesias omnes, & altaria visitare consueverunt, cujus triplex ratio est. Prima est, quod illa visitatio repræsentat visitationem Apostolorum & sanctorum mulierum, quæ crebro visitabant sepulchrum. Secunda est, quia Christus hodie omnes sanctos, qui fuerunt à principio mundi usque, nunc præ-

sentialiter visitavit, dum ad limbum descendit. Tertia ratio est, quia sancti hodie debent valde liberales esse: fuerunt enim hodie de carcere liberati, & in cæleste regnum sublimati. Si quis enim de carcere liberaretur, & in imperium sublimaretur, illam diem utique multum diligeret, & in illa die multum liberalis esset. Merito igitur hodie fideles sanctos visitant, ut ab ipsis de carcere liberatis, & in imperium sublimatis, beneficia valeant

obtinere. *Mulierum* *circum sepulchrum* *devotio.* *Mulieres autem*, quæ erant Christo devotæ, funus subsecuta quomodo, & in quo loco corpus Domini poneretur, diligenter curaverunt respicere & notare: ut postea ei tempore congruo munus suæ devotionis possent offerre, & officium funeri impendere, ac corpus Ejus inungere. Per hoc significatur: quia animæ devotæ debent mysterium passionis Christi sollicitè considerare: & eam pro posse imitari. Unde Beda, Sed & hæc ætate sanctæ mulieres die parasceves, id est præparationis, idem faciunt: cum animæ humiles, & quod majores sibi consciæ fragilitatis, eo majori Salvatoris amore ferventes, passionis Ejus vestigijs in hoc sæculo, quo requies est præ-

*Beda in cap. 15. Marci*

paran-







xō, mortuo, & sepulto: ad bona resurgētes, in novitate vitæ ambulemus. Hæc in  
 glosa. Ad conformandū se huic articulo, imaginetur homo quasi cor suū sit Christi  
 sepulchrū: & inibi ipsū venerabiliter recōdat: recōditū lamēta ibilit ter desleat &  
 diligenter custodiat ne ipsum amittat Cōsepeliat se ipsum in eodem sepulchro  
 cum JESU, & ruminet sensum documentorum, vel alias sicut Deus mini-  
 strabit. JESU qui in monumento sepeliri, lamentari, & custodiri voluisti:  
 da mihi te in corde meo spiritualiter sepelire, lamentari, & diligenter cu-  
 stodire, ut & ego tibi consepultus tecum merear ad resurrectionis gloriam  
 pervenire: & qui positus in sepulchro à visu hominum es segregatus in pa-  
 ce dormiens, absconde interim me servum tuum in abscondito faciei tuæ, à  
 conturbatione hominum, ut mundo mortuus, tibi vivens in te dormiam, &  
 suaviter in te requiescam. Hic nunc videndum est, qualiter debemus cum  
 Christo sepeliri. Sepulchrum autem istud in quo debemus sepeliri, est ipsa  
 religio, in qua Ipse religiosus spiritualiter debet mundo mori & sepeliri.  
 Assimilari autem debet religiosus mortuo & sepulto, quantum ad plura. Pri-  
 mō, quantum ad censum rerum: quia sicut mortuus & sepultus nihil pro-  
 prium habet: sic & religiosus nihil proprium habere, sed omnia in communi  
 dividere debet. Secundō, quantum ad sensum carnis & motum: quia sicut  
 mortuus privatur sensu, nec sensibilibus gaudet: sic & religiosus debet esse  
 mortuus quantum ad delectationes, quæ ad sensum carnis pertinent: & si-  
 cut mortuus, moventi se non contradicit, sic & religiosus Prælato, se regenti  
 non debet contradicere, sed in omnibus obedire. Tertiō, quantum ad do-  
 micilium: quia sicut mortuus clauditur in sepulchro: sic & religiosus debet  
 esse clausus in claustrō: & sicut mortuus de monumento non exit, nisi ad  
 iussione Dei, scilicet die judicij: sic nec religiosus debet exire claustrum  
 sine iussione prælatis: & sicut mortuus non murmurat quando, transfertur de  
 monumento in monumentum, sic nec religiosus debet murmurare quando  
 transfertur de monasterio ad monasterium. Quartō debet assimilari maxime  
 morti Christi: in morte enim Christi anima fuit à carne separata: tamen ani-  
 ma & caro fuerunt divinitati unitæ: sic in vero religioso anima debet esse  
 separata à carne: ut scilicet carni non consentiat in aliquo carnali amore:  
 anima tamen & caro Deo debent esse unitæ, anima, per amorem, caro, per  
 incorruptionem: ut possit dicere cum propheta, *Cor meum & caro mea exul-  
 taverunt in Deum vivum.* Sepulturam Christi olim filij Jacob præfigurave-  
 runt: qui fratrem suum Joseph in cisternam miserunt. Hanc etiam Jonas  
 præfiguravit: quem proiectum de navi in mare cetus devoravit. Jonas  
 fuit per tres dies & noctes in ceto: ita Christus fuit usque ad triduum in  
 monumento. Nunc recogita qualiter Dominus tuus septem horis prædictis  
 pro te passus sit, & ausculta Eum quasi te moneret & diceret: Cum primo  
 nocte surrexeris, ob reverentiam illius amoris, quo me victum tradidi in  
 manus malorum, & quo factus sum obediens velle ad omnia quæ tibi in-  
 junguntur. Circa primā, ob reverentiā humilitatis qua corā indigno iudice ve-  
 lut agnus mansuetus fleti: subijcias te omni creaturæ propter me, & ad  
 quæque vilia opera sis paratus. Ad tertiam, ob amorem quo ego contem-  
 ptus, conputus, & opprobrio saturatus fui: teipsum contemnas & vilipen-  
 das, & opprobria sustineas. Ad sextam crucifigas tibi mundum, teq; mun-  
 do: cogitans qualiter ego omnium creator pro amore Tuo crucifixus sum,  
 & ideo omnia delectabilia mundi sint tibi quasi Crux amara. Ad nonam,  
 moriaris mundo & omni creaturæ, scilicet ut amara mors intantum cordi  
 tuo dulcescat, ut omnis creatura desipiat. Circa vespem, qua de Cruce  
 depositus sum, recolas in gaudio qualiter post mortem & omnes labores tu-  
 os felici requie pausabis in sinu meo. Ad completorium, memor sis unionis  
 illius qua spiritus unus mecum effectus, meipso in summa experientia per-  
 frueris: quæ unio hic in via incipit per voluntatis meæ & tuæ concordiam  
 in omnibus, tam adversis quàm prosperis, & in futuro complebitur per  
 æternam gloriam in cælis. Appropinquante autem nocte, dicit Joannes Do-  
 minæ quod eis expedit recedere, quia non est conveniens ibi morari, vel de  
 nocte ad civitatem redire. Tunc domina prout potest surgit, & ad monu-  
 men-

*Psal. 12.*

*Sepultura*

*figura. Gen.*

*27 Iona 2.*

*& 3.*

*Memora se-*

*ptem homi-*

*narum domi-*

*nicarum.*



mentū genu fletū, & ipsum amplectitur ac benedicit. Nam cruciata gemitibus, fatigata doloribus, afflicta plorantibus, nequibat stare pedibus. Tamen sicut poterat mulieribus Sanctis adjuta, cunctis plorantibus simul cum ea, coepit recedere. Cum autē venerunt ad crucem, ibi ipsa genu flexit & crucē adoravit, Similiter & omnes fecerunt. Commemoravit namque potes, quod Ipsa fuit prima quæ crucem adoravit, si-MARIA. cur & prima quæ Filium natum adoravit. Hæc autem Sancta Crux Crucis ab- post Passionem & Resurrectionem Domini per judæos, cum cruci scissio. bus latronū, sub Mōte Calvaria profunde sub terra abscondita fuit, ubi ducentis annis & amplius usque ad tempora Constantini & Helenæ latuit: sed Helena in lapide plusquam viginti passibus fodiens, ipsas tres cruces invenit, quibus sublatis Crucem Domini ab aliis signo resurrectionis mortui probavit & discrevit. Ipse autem locus in quo crux inventa est, distat à loco Calvaria decem pedibus ver-Crucis ab- fus Orientem descendendo, ubi in Ecclesia quæ continet Montem scissa locus. Calvaria, est scripta profunda, inferior pavimento quadraginta gradibus, vel circa: & sunt ibi quatuor columnæ, quæ dicuntur mortem Domini flevisse. Deinde recedunt versus Civitatem & per viam sæpe domina se vertebat retrò, aspiciens per compassionem. Intran- tibus autem illis Civitatem multi videntes Dominam, moti pietate super Illius dolore ad luctum convertebantur amarum, & concurrunt undiq; bonæ Matronæ & Virgines ambulantes post Ipsam, & associantes Eam per viam, & consolantes, ac etiam lamentantes eam. Sed & boni homines, per quos transibat, compatiiebantur eidem & movebantur ad fletum. Undiq; fit ploratus magnus & luctus. Nam dolor Ejus multos faciebat dolentes. Vix lachrymas continere poterant, quicunq; eam plorantem videbant. Flebat luctus quocunq; transibat MARIA: plorabat ipsa, plorabant & omnes ambulantes cum Ea, plorabant & multi venientes obviam Ei. Sic utiq; deducitur à plorantibus plorans, quousq; perventum est ad domum Joannis. Cum autem venerunt ad domum, tunc Ipsa vertens se versus dominas illas, inclinavit se agens gratias. Illæ verò inclinantes se eidem valedixerunt, & cum lachrymis recesserunt. Intravit ergo Domina domum: ibi resedit, ibi permansit: & eam Joannes in sua cura & custodia retinuit: ac super propriam Matrem omni corde amavit. Flebat & plangebatur valde cum Joanne, & Magdalena, & sororibus suis. Solvebat dolori amaras lachrymas, Filii sui mortem nimis amaram in corde suo recolens, ac passionis loca, & cuncta quæ passus fuerat in animo volvens. Tandem Joannes hortando quoddam desisteret, consolatus est Eam, ut poterat. Tu quoq; experiaris vires tuas, si scires Eam consolari: & confortare, quoddam parum comedere, & alios comedere facere, quia adhuc jejuni sunt, & refectio indigent: ac eis parare, & ministrare coneris: & postea benedictione ab ea, & aliis singulis accepta recedere poteris. Hic nota quoddam hodie, scilicet die parasceves, non consecratur hostia: quia vera hostia hodie est oblata. In hac etiam sex-Sexta feria- ta feriâ, in qua passus est Christus, multa sunt facta diversis annis insignia. & vicibus: de quibus sunt isti versus.

Salve festa dies, quæ vulnera nostra coerces.

Angelus est missus, est passus & in cruce Christus.

Est Adam factus, & eodem tempore lapsus.

Ob meritum decimæ, cecidit Abel fratris ab ense.

Minimmm

Offert



*Offert Melchisedech, Isaac supponitur aris.*

*Est decollatus Christi Baptista Joannes.*

*Et Petrus ereptus, Jacobus sub Herode peremptus.*

*Judaeorū bla* Tædet jam audire, & recitare judæorum blasphemias: *Altera*  
*sphemia, Genim die,* quæ est post parascevem, jam incepta: scilicet cum jam sex-  
*perversitas.* tâ feriâ transisset, & sêro factô post solis occasum sabbatum jam  
*Proprii no-* intrasset: *Conveniunt iterum sacerdotes & pharisei ad pilatum, dicentes:*  
*minis ex-* Domine recordati sumus quia seductor ille dixit adhuc vivens, post tres  
*pressio.* dies resurgam. Quod dicunt illi ex invidia est: quæ etiam propri-  
*Seductio* um nomen non paritur, & dicentes, seductor: hoc quod ipsimet  
*duplex.* erant Domino imponunt. Non sufficit seductoribus scelus mortis:  
nisi & post lacerent famam ejus. Est autem seductio duplex: sci-  
licet bona & mala. Prima est seductio sanctitatis: scilicet à falsita-

*Jerem. 20.* te in veritatem: de qua dicit Jeremias. *Seduxisti me Domine: & se-*  
*ductus sum.* Alia est seductio perversitatis: scilicet à veritate in

*Hieronymus* falsitatem: & hanc imponunt judæi Christo. Unde Hieronymus.

*in cap. 27.* Principes autem Sacerdotum, licet immensum facinus in nece Do-  
*Matthæi.* mini perpetraverint: tamen non sufficit eis, nisi etiam post mor-

tem Ejus conceptæ nequitix virus exerceant, famam Ejus laceran-  
tes: & quem innocentem sciebant, seductorem vocant. Sicut au-  
tem Caiphas ignorans ante prophetaverat, dicens: expedit unum  
hominem mori pro populo, ut non tota gens pereat: sic & modo:

*Seductor bo-* seductor enim erat Christus, non à veritate in errorem mittens: sed  
*us Christus.* à falsitate ad veritatem, à vitiis ad virtutes à morte ad vitam du-  
cens. Hæc Hieronymus. *Jube ergo custodiri sepulchrum, ne discipu-*  
*li furentur eum, & dicant alius quod surrexit a mortuis.* Stulti custo-

diam petunt, quasi in sepulchro teneri valeat, qui ubiq; est, & omnia  
continet. Ubi Ambrosius: Quanta malitia sacerdotum, qui oon  
tantum Magistro, sed etiam Discipulis detrahunt; *erit novissimus*

*Ambrosius* error pejor priore. Ubi Rabanus. In hoc autem ignoranter verum  
*in cap. 23.* dicunt, pejor enim fuit contemptus pœnitentiæ in judæis, quàm  
*Luca.* error ignorantix. Pejor erat infidelitas resurrectionis, quàm cru-  
*Rabanus in* delitas passionis. Consistentur ergo planè quodd prius fuit er-  
*cap 27 Mat.*ror in nece Domini. Ubi & Chrysostomus. Vide autem qualiter

*Chrysostom.* etiam nolentes concertant ad demonstrandam veritatem. Irre-  
*homil. 90.* fragabilis enim demonstratio resurrectionis facta est per ea quæ præ-  
*in Matth.* tenderūt. Quia enim custoditū est sepulchrū, nulla fraus facta est.

Si autem fraus facta non est, manifestè & irrefragabiliter Dominus  
surrexit. Hæc Chrysost. Pilatus vero jam fatigatus dixit eis, *Ha-*  
*betis custodiam,* id est; do vobis licentiam ponendi custodes, & con-  
cedo quodd accipiatis milites ad custodiendum Eum pro vestra volun-  
tate. *Ite & custodite sicut scitis:* quasi diceret. Si debet resurgere,  
male poteritis custodire: quàm impius & fatuus erat Pilatus, qui  
sicut Christum permisit occidi, ita & custodiri: Eum morti adjudi-  
cavit, eis etiam custodes dedit. Vadunt illi, & venientes illuc pri-  
mò Corpus Ejus inspiciunt & Eum qui Author vitæ claruerat:  
infernici claustris retentū se deprehendisse lætantes, sepulchrū muniūt,  
milites armatos custodes ponunt, lapidē qui erat in ostio monumēti,  
unde accessus in sepulcrum erat. Sigillō Præsidis ac etiā sigillis suis si-  
gnant, ne aliquis sine scitu eorū ingredi possit, & diligenter omnia fa-  
ciunt. Et in hoc apparet malitia eorum, quia etiam in custodibus

*Sigillorum* non confidunt, sed insuper sigilla apponunt. Hoc autem totum  
*signatio.* Domi-



Dominus voluit fieri, propter maiorem certitudinem resurrectionis suae, ut & ipsi quamvis nolentes, sibi tamen testes sint Dominum resurrexisse, & nullo modo sic positum furari potuisse. Non est enim consilium nec sapientia, nec fortitudo contra Dominum. Et rectè in tali loco Dominus sepulturam suam elegit, ibi nulla possibitas fodiendi esset, quatenus omnem occasionem calumniandi iudaeis auferret, ne fortè si in materia circumclusus esset, vel quoli bet pariete dicerent ipsi discipulos illius furatos eum fuisse. Unde & Hieronymus. Non suffecerat principibus Sacerdotum, & scribis, & pharisæis crucifixisse Dominum Salvatorem: nisi sepulchrum custodirent, cohortem acciperent, & signarent lapidem, & (quantum in illis est) manum opponerent resurgenti: ut diligentia Eorum nostrae fidei proficeret. Quanta enim diligentius servatur tanto magis resurgentis virtus ostenditur. Unde & Chrysostomus. Et in durissimo lapide fuerat excisum, & grandis lapis positus est ad ostium, & custodia ponitur militum in circuitu, ut quanto fortius servatur ne furari posset, tanto magis virtus DEI appareat cum resurrexerit. Si enim sepulchrum fuisset in terra, dicere poterant. Suffoderunt terram, & furati sunt Eum. Si fuisset lapis parvulus positus, dicere poterant, parvulus lapis fuit, & dormientibus nobis tulerunt Eum. Et iterum, diligentia scribarum prodest fidei nostrae. Servate pharisæi, servate, DEUS includi non potest, DEUS in sepulchro teneri non potest, qui fecit Cælum & terram, cujus in pugillo terra est & Cælum, qui appendit mundum in tribus digitis. Qui ergo appendit mundum, uno sepulchro non potest contineri. Unde etiam Hilarius: Merus furandi corporis, & sepulchri custodia atque obsignatio, stultitiae atque infidelitatis testimonium est, cum prius præcepto Domini conspexissent de sepulchro mortuum suscitatum. Pilatus autem prædictus, post modum in multis apud Tiberium Cælium, mori sarem à iudæis accusatus, deportatus est in exilium Lugdunum, unde erat oriundus. Herodes verò quòd consensit Pilato in necedominus: deportatus est in exilium Viennam, & mortuus est ibi.

## EPILOGUS DOMINICÆ PASSIONIS

Et de Laude Crucis.

### CAPUT XLVII.

CONSIDERA nunc quæ pro salute hominis omni tempore, & specialiter hodie passus est Dominus: ut inde advertas quantum sibi debeat quilibet Christianus: hæc enim quæ pro nobis passus est, super omnia quæ operatus est, valde amabilem Eum nobis reddunt, & nos ad Eum amandum fortius adstringunt. Unde Bernardus. Valde omnino mihi amandus est, per quem sum: vivo, & sapio. Pro his ergo ita sum amans Te quantum possum. Sed est quod me plus urget, plus accendit. Super omnia (inquam) reddit amabilem Te mihi, bone JESU, calix quem bibisti, opus nostræ redemptionis: hoc omnino amorem nostrum facile vendicat totum tibi. Hoc inquam, est quod nostram devotionem & blandius allicit, & justius exigit, & arctius stringit, & afficit vehementius. Multum quippe laboravit in eo Salvator: nec in omni mundi fabrica tantum fatigationis Author assumpsit. Ille denique dixit & facta sunt: manda-



vit & creata sunt. At verò hic & in dictis suis sustinuit contradic-  
tores, & in factis, observatores: & intormentis illos: & in mor-  
te, exprobratores. Et iterum: Memento jam homo, etsi de nihi-  
lo te factum: non tamen de nihilo te redemptum. Sex diebus condidit  
omnia, & te inter omnia. At verò per totos triginta annos operatus  
est salutem tuam in medio terræ. O! quantū laboravit iustinēs? Hæc  
Bernar. Unde & Ambr. Plus itaq; mihi contulit DEUS redimendo,  
quā creādo. Creando quippe me mihi dedit, redimēdo autē, & seipsū  
dedit, & me mihi reddidit. Itaq; si me totū illi debeo pro me facto:  
quid jam addam pro me refecto? Non enim tam facile sum refe-  
ctus, quam factus. Si quidem de omni quod factum est dixit & fa-  
cta sunt. In me autem reficiendo: & dixit multa, & gessit mira, &  
pertulit dura, nec tantum dura, sed etiam indigna. Hæc Ambros.  
Non est autem æstimandum quod passionis suæ pæna, in Ejus so-  
lūm captione & traditione fuerit inchoata: sed potius ab instanti suæ  
conceptionis usq; ad mortem Ejus duravit. Cū enim mortem su-  
am acerbissimam, quam pro salute nostra pati voluit firmissimè præ-  
sciret: & eam futuram infallibiliter cognosceret: oportuit quod in  
qualibet hora pro ea naturaliter doleret præsertim cū cogitaret  
tantam mortis acerbicatem, & tantam doloris generalitatem: quæ  
per totum corpus & omnia membra corporis, & per omnes vires  
inferiores animæ diffūdi debebat. Multa verò de his Dominus passus  
est pro nobis, quæ colligi possunt ex verbis Augustini, dicētis: At-  
tende & intellige anima, tēpus Beatissimæ Passionis. Passus est JESUS  
meus, amor meus, dulcedo mea, spes mea, beatitudo mea, consolatio  
mea, & in omni tēpore, in toto corpore: & in omni suo opere. In  
tēpore infantie, angustias uteri, paupertatē, asperitatē, & humilita-  
tē præsepī, persecutionē adversarii, fugā Ægypti. In tēpore adole-  
scentiæ, disputationem, præcipationē. In tempore juventutis, ama-  
rissimam & turpissimam passionem. Passus est etenim in toto cor-  
pore, in oculis effusionem lachrymarum: in auribus auditum con-  
tumeliarum & blasphemiarum: in genis, molestiam alaparum: in na-  
ribus, færorem sputi: in ore, amaritudinem aceti & fellis: in mani-  
bus, vincula: & in pedibus afflictionem plagarum: in toto corpore  
flagellationē. Et in opere detraxerunt prædicationi, cōversationi,  
miraculorū operationi. Traditur & ligatur iustus & innocens, sicut  
Agnus ad sacrificiū, & sicut latro ad suspendium: & tamē non querit  
vindictā, non ostēdit impatientiam, imo arguit Petrum amputantem  
auriculam, cū posset obtinere à Patre legionem Angelicam duode-  
nam. Ligatur ergo sicut latro, accusatur ut latro, condemnatur ut  
latro, expellitur ut latro, plectitur inter latrones, ut Princeps latronū.  
Ligaris Domine, ut solvas vincula peccatorum, ut dissolvas colliga-  
tiones impietatis, & fasciculos deprimentes. Pungeris bone JE-  
SU spinis, clavis, & lanceā, ut sis in nobis recta intentio, discreta  
operatio, manifesta dilectio. Flagellaris, ut à me flagella Tuæ ira-  
cundiæ propulsares. Vulneratus es Domine JESU propter pecca-  
tā nostra, attritus propter scelera nostra, ut sint plagæ Tuæ nostro-  
rum vulnerum efficax medicina. Tempus etiam, dulcis JESU,  
tuā aggravat Passionem. Passus enim es tempore nocturno diur-  
no, frigido, æstivo. In matutinis castigatus, in mane accusatus,  
in tertia acclamatus, in sexta condemnatus, in nona cum clamore  
& lachrymis expirasti. Plange igitur & dole, & satage anima mea,  
& de-

*Idem serm.  
2. de verbis  
Apostol.*

*Ambrosius  
Redemptio-  
nis benefi-  
cium majus est  
quam creati-  
onis.*

*Passus est  
Christus in  
omni aetate.*

*Passus est  
Christus in  
omni mēbro*

*Passus toto  
tempore.*



& deducant oculi tui lachrymas, & non taceat pupilla oculi tui super fratrem tuum docorum nimis, & amabilem super amorem mulierum, qui vestivit te coccino, & præbuit tuo cultui ornamenta. Dolebis enim si consideras lachrymas mulierum, lachrymas piscatoris, lachrymas insensibilium: si videas obtenebrationem Solis, ut calaret membra Domini patientis: terra motum, concussionem lapidum, resurrectionem corporum, apertionem monumentorum, velum dissolutum, lachrymas patientis, & lachrymas Genitricis. Dolet enim beata Virgo Mater de prodicione & captione, de condemnatione, de crucifixione: potissimè in commendatione & depositione. Locus etiam tuam, bone JESU, aggravat passionem. Passus est enim Domine JESU in præsepio, id deserto, in templo in hospitio, in itinere, in horto, in atrio, in prætorio, in loco crucifixionis. In præsepio, indigentiam: in deserto, pugnam: in templo, resistantiam, in hospitio observationem detentoriam: in itinere, fatigationem & molestiam: in horto, sudorem sanguinis: verbum & osculum proditoris: vexationem Corporis: comprehensionem & ligationem cohortis. In atrio, interrogationem, alaparum afflictionem, trinam negationem, accusationem: in faciem conspuunt, colaphis cadunt, faciem palmis percutiunt: insultando & illudendo prophetam Eum dicendo. In prætorio iniquitatem testium, & accusationem infidelium: amarissimum flagellum, ini-*Perversio rerum.* quum iudicium, illusionem persequentium. Et vide perversitatem nimiam, iniquitatem maximam. Judicatur iudex deridetur rex, cruciatur pontifex. Vide iniquum iudicium, ex parte testium, quia non conveniunt, ex parte rei, quia accusatur innocens. Defecit etiam in isto iudicio rectitudo animi: sciebat enim quod per invidiam tradidissent Eum. Defuit etiam justa causa, quia non culpa propria, sed aliena, defuit justus ordo, quia capitur & ligatur ante sententiam. Admittit Pilatus accusationem falsam, condemnat innocentem ad Crucis ignominiam. Erubescit Pilate iudex inique. Quomodo vinceris, superaris, subverteris, seducere; qui prius Eum eripere conabaris jure communi, consuetudine loci, flagello corporis. Erubescite infideles, perfidi Judæi qui magistrum vestrum, Dominum vestrum crucifigitis & percutitis. Plectitur in loco Crucifixorio: patitur namque Dei filius, amor æternus, sin-*Mortis genus.* cerus, dulcis & suavis: in mulieribus plangentibus, in Judæis infidelibus, in latrone blasphemante, in populo acclamante, in Matre lachrymante. Attende etiam & intellige anima mea genus mortis tuæ. Illud enim genus mortis fuit turpissimum, vilissimum, amarissimum, acerbissimum. Spoliaturus turpibus, expellitur à civibus cruciatur cum latronibus, illuditur à mi-*Minimum.* litibus. Illuditur in domo Herodis, in veste candida, in domo principis colaphis, sputis, & alapa: in prætorio iudicis, in veste purpurea, in corona spinea, in salutatione, in genu flexione irrisoria, in cathedra Crucis, in titulo, in consortio, in multiplici opprobrio. Fuit etiam amarissimum: si consideres causalitatem, generalitatem, diurnitatem, & acerbicatem. Causa enim non est tua, sed mea, Domine JESU, tu enim solus fuisti absque macula. Passus es generaliter. Ut videas igitur anima mea generalitatem hanc. Vide lectum sponsi: non est floridus, non est aureus vel argenteus, sed durissimus: *scilicet durus.* nescit enim stramina, deest culcitra, lintheamina, coopertoria, pulvinaria. Vide titulum famosum, tripliciter à Pilato conscriptum: considera cibum Ejus & potum: comitatum Ejus, scilicet mulierum & latronum: verba & verbera, vincula & flagella, coronam & lanceam. Passus est etiam in omnibus partibus corporis, ut misericordia redemptoris, amoveret transgressus prævaricationis. Acerbicatem etiam habet, bone JESU, passio Tua: & propter *Acerbitas passionis.* innocentiam, ex parte tui: execrationem & ingratitude ex parte populi: & propter complexionem, ex parte corporis: compassionem, ex parte matris, & tui dilecti collegij: & quam pateris in patribus magis passibilibus & sensitivis: quod accidit propter raritatem & teneritudinem, carniū, multitudinem ossium, & collectionem nervorum. Pateris igitur Domine Deus meus, dux meus, & notus meus: in latere, manibus, & pedibus, ut accelerares homini originalis, actualis, & venialis criminis medicinam. Dedisti etenim Domine JESU Christe, sanguinem tuum in pretium redemptionis,



*Virtutes  
Christi,*

*Insignia re-  
galia.*

*Mortis di-  
uturnitas.*

*Edulium  
anime.*

*Crucis laus.  
Arma o-  
mnia in  
Christi  
cruce.*

& in potum fidelibus inebriationis, in lavacrum coinquinationis, in antidotum curationis, in scutum presentis impugnationis. Fuit igitur, bone JESU, lectus tuus durissimus, cibus & potus amarissimus, cruciatus & singularis & acerbissimus, nec revocat te, nec retrahit tenerrimus amor Matris, aut timor turpissimæ mortis: non pudor spoliati corporis, non dolor singularis, aut fallacia sponsionis, quam indutus es veste nuptiali, instructus lege legali, armatus armatura spirituali. Egredere igitur filia Sion, & vide gloriam Salomonis in equitatura: in ramis, in vestibus & laudibus. Quomodo igitur emarcuit tam citò flos gloriæ tuæ, umbra honoris tui; nimirum convertunt honorem in opprobrium, dulcedinem in absynthium. Portas etenim Crucem in humeris, spoliaris vestibus tuis, cruciariis flagellis, satiaris opprobrijs de turbe expelleris. Uide nostri sapientiam Salomonis, à parte temporis: passus est etenim sextâ feriâ, hora sexta: ut hominem lapsum sexta hora & die, per mortem suam repararet à parte medij: hoc enim opus nostræ salutis ordo deposcerat: Uide & patientiam Ipse etenim tanquam agnus, qui portatur ad victimam: & sicut ovis ad occisionem ductus est. Uide ejus humilitatem: quia damnatur cum latronibus. Uide charitatem: quia indulget crucifigentibus. Uide & paupertatem: pauper enim fuit, & in laboribus paupertatem tuam ostendit mihi pauper JESU, Mater Tua, familia Tua domus Tua: domus (inquam) præsepj, cænaculi, patibuli & tumuli, in equitatura asinæ & pulli. Ubi sunt insignia tua, rex regnum, principes pastorum; ubi est equitatura Tua, vestis purpurea, palatium, sceptrum, solium, & diadema regni; ubi sunt ornamenta tua, sacerdos in æternum, & pontifex futurorum bonorum: ubi sunt pretiosa, annulus & gemma, baculus & cappa serica, chirotheca & sandalia; ubi sunt arma bellica fortis armate, miles nove; Nō defuit tibi in gloria alapa vestis alba, & purpurea: non defuit pugna: superasti latronem & mortem, spoliasti infernum omnia spoliantem: infunda vinculorum, in lapidibus quinque vulnerum, in baculo Crucis. Unde sunt co-dices tui, magister optime; liber tuus, corpus tuum, scriptus intus & foris, scriptus spinis & clavis, illuminatus unda sanguinis ligatus vinculis, signatus clavis. Attende & hujus mortis diuturnitatem, & præpositiones acerbis- & pone super caput tuum, sicut signaculum: inter ubera tua, sicut fascicu- lum: sicut antidotum contra omnem morbum. Ascende super palmam Cru- cis per compassionem, meditationem, imitationem, ut apprehendas dulcissi- mos fructus Ejus. Uade ergo o anima ad montem myrrhæ, & considera altitudinem paupertatis, latitudinem charitatis, longitudinem acerbis- tudinem & dolorem mortis: & adffer ramum virentis olivæ ad arcem tuæ conscientiæ. Accipe etiam columba mea granum frumenti, seminatum in incarnati- ne, in terra virginis gloriolæ, præcisum in circumcissione, excussum & flagellatum in passione candidum in mente, rubicundum in corpore, divi- sum in latere, multiplicatum in morte, reconditum in horreo in ascensione. Hoc sit tuum edulium, pulmentum, & viaticum. Si autē fastidit appetitus, si lassescat interior gustus, adhibe agnum immaculatum, adiunge & piscem assatum in craticula Crucis. Revera bone JESU agnus es, & propter medi- cinam tuam patientiam, & innocentiam atque notitiam: agnoscis quippe Ma- trem Tuam in patibulo, Virginem virgini, Evangelistam Evangelistæ com- mendas. Si autē amplius desideret gustus tuus: si non quiescit appetitus, fac pulmentum de pisce assato, ut comedas. Piscis assatus, Christus pasus est: nu- tritus in aquis tribulationis, apertus in latere, exquamatus in expoliatione, fallitus in sputorum multiplicatione, assatus in Cruce. Hujus felle piscis in- unge oculos tuos, ut videas si est dolor sicut dolor Ejus. Si contingat ple- rumque stare in acie, accipe scutum militiæ vexillum victoriæ, arcum glo- riæ. Scutum hoc, quod milies contra hostes debet accipere, propter figuram, picturam, efficaciam & materiam, Crux Domini arbor sa- lutifera est. Hujus scuti cornua, in manibus Crucifixi. Tria enim cornua tua exsuperant prælia. Cornu enim paupertatis, superat avaritiæ prælium: cornu humilitatis, pugnam superbiæ: sed cornu adversitatis, lasciviam vo- luptatis. Istud scutum fuit rubricatum & picturatum sanguine veri agni: i- stud



Ad scutum fuit perforatum lancea, clavis, & spinâ. Si autem nondum bene vales resistere, vide arcum, & benedic qui fecit illum. Iste arcus habet chordam ex corpore, lignum ex Cruce. Iste arcus percussit latronem, mortem, & vulneravit hostem serpentem antiquum. Sed ne inermis & imparatus appareas, præcedat vexillum regis, Crux, ostendatur sanguis Christi militibus, ut in prælium acuantur, & non formidabitur fortis armatus. Si insurgat flatus elationis, ventus tribulationis, naufragium suggestionis: ascende in naviculam sanctæ Crucis, bonis omnibus refertam, in dextro latere perforatam, ab hostibus violenter detractam, catena vinculorum ligatam. In hac invenies filium dormientem, ventis imperantem, & omnino naufragium propulsantem. Per hanc fugabis periculum, & appropinquabis ad portum optimum, Ipsa enim Crux sancta, est lignum exiguum: per quod factum est iudicium veritatis. Si sit tibi clausa Ianua paradisi, adhibe tibi baculum sanctæ Crucis, & pulsa, & aperietur tibi. Si autem ostium clausum est, & iam dormiunt pueri in cubili, & non habes quot panes ante amicum tuum: accede ad arcam sanctæ Crucis, ut inde tres panes accipias, quos apponas hospiti recumbenti: panem humilitatis maximæ, panem patientiæ, panem charitatis affluentissimæ. Si non potes tibi thesaurum sapientiæ aperire, adhibe clavem David, quæ aperit, & nemo claudit. Si gravat longitudo itineris, & concidit vultus tuus, & desperas de viribus: accipe virgam & baculum sanctæ Crucis, quo Jordanem transeas huius mundi: & viaticum ligni vitæ, ne in via deficias aut torpescas. Si viator es in solitudine huius mundi, & serpentes igniti contra te morsum & mortem intentant, aspice serpentem æneum positum supra palum, ne antiqui serpentis virus inficiat aut irrepât. Si spiritus malus quemquam accipiat: arripiat cytharam sanctæ Crucis, & refocillabitur, leviusque habebit. Si invaluerit ægritudo, aut infirmitas spiritualis: adhibe tibi huius pretiosi sanguinis medicinam. Si desperas ex meritis, & videas tua opera nequaquam tibi sufficere de statera Crucis, accipe decorem pretium animarum. Et accipe in ara Crucis hostiam immaculatam, conscientiam ab operibus mortuis emundantem. Denique crux sancta & benedicta est in Christi corpore delicata, & ex membris Ejus tanquā margaritis ornata, docorata regis purpurâ, quæ meruit Christi membra tangere, quæ sola digna fuit regem cælorum & Dominum sustinere. Hæc Augustinus. Unde beatus Andreas ductus ad crucem, & videns eam prorupit in laudem Crucis, & salutavit dicens: Salve Crux, quæ in corpore Christi deliciata es, & ex membris Ejus tanquā margaritis ornata, antequam in te ascenderet Dominus timorem terrenum habuisti, modo verò amorem cælestem obtines, pro voto susciperis: securus ergo & gaudens venio ad te, ita ut & tu exultans suscipias me discipulum Ejus qui pependit in te: quā amator tuus semper fui, & desideravi amplecti te. O bona Crux, quæ decorem & pulchritudinem de membris Domini suscepisti, diu desiderata, sollicitudine jamata, sine intermissione quæsitâ, & iam concupiscenti animo præparata, accipe me ab hominibus, & redde me magistro meo, ut per te me recipiat, qui per te me redemit De laude etiam Crucis sic dicit Chrysost. Si nosse desideras (charissime) virtutem Crucis, & quanta sit, ut possum ad Ejus laudem dicere: Audi, Crux nobis totius beatitudinis causa est. Hæc nos à caecitate liberavit erroris. Hæc è tenebris reddidit luci. Hæc debellatos quieti sociavit. Hæc alienatos Deo conjunxit, & longe constitutos proximos præsentavit. Hæc peregrinos cives ostendit. Hæc discordiæ amputatio est. Hæc pacis firmamentum. Hæc omnium bonorum operum largitio. Crux est clavis paradisi, Crux spes Christianorum, Crux Resurrectio mortuorum, Crux cæcorum dux, Crux errantium via, Crux claudorum baculus, Crux consolatio pauperum, Crux refrenatio divitum, Crux destructio superbiorum, Crux malè viventium pana, Crux adversus dæmones victoria, Crux devictio diaboli, Crux adolescentium pædagogus, Crux sustentatio inopum, Crux spes desperatorum, Crux navigantium gubernator, Crux periclitantium portus, Crux obsessorum murus, Crux pater orphanorum, Crux defensor viduarum, Crux iustorum consiliarius, Crux tribulorum requies, Crux parvulorum

Crux aperit

cælum.

Crux omnia

consert in-

gentis.

Andreas ora-

tio ad crucem

Chrysost.

homil. de

cruce &

latronis.

tom. 2.



*Rabanus de  
laude crucis.*

rum custos, Crux virorum caput, Crux senum finis, crux lumen in tenebris  
sedentium, Crux regum magnificentia, crux scutum perpetuum, Crux in-  
sensatorum sapientia, Crux libertas servorum, Crux imperitorum philosophia,  
Crux Imperatorum lex, Crux prophetarum præconizatio, Crux annuncia-  
tio Apostolorum, Crux Martyrum gloriatio, Crux monachorum abstinencia, Crux  
virginum castitas, Crux gaudium sacerdotum, Crux Ecclesie fundamentum, Crux orbis  
terre tutela, Crux teporum destructio, Crux idolorum repulsio, Crux scandalum Ju-  
dæorum, Crux perditio impiorum, Crux invalidorum virtus, Crux ægrotantium me-  
dicus, Crux emundatio leproforum, Crux paralyticorum requies, Crux esu-  
rientum panis, Crux sitientium fons, Crux mundorum protectio. Hæc Chry-  
sost. Unde & Rabanus, Quantos & quales fructus lignum sanctæ crucis ger-  
mine suo proferat, dignum est commemorare. Cujus fructus æternus est, &  
radix perpetua. Cujus odor mundum replet, & sapor fideles satiat. Cujus  
solem splendor superat, & candor nivem obfuscat, Cujus cacumen populum  
excedit: & Cujus infimum inferna penetrat. Cujus infirmitas humillima ex-  
altat. Cujus potentia exaltata humiliat. Omnium enim virtutum iucun-  
ditas per Ipsum & in Ipso mundo collata est: quia in Ipso rerum perfectio  
completa est. In Cruce insinuatur à morte redemptio, demonstratur san-  
cta morum conversatio, intimatur omnium virtutum perfectio, promittitur  
ad æternam vitam resurrectio, æternæ beatitudinis speratur adeptio, & veræ  
felicitatis acquisitio. O verè bona & verè sancta Crux Christi: quis te ritè  
totam enarrare posset, aut quis condignè laudare; Quæ cælestium arca-  
norum pia es revelatrix. Quæ mysteriorum Dei sacra es conservatrix, quæ  
quæ Sacramentorum Christi idonea es dispensatrix. In te Angeli gaudia sua accu-  
mulata cōspiciunt, in te homines jura salutis suæ cognoscunt, in te inferi justæ retri-  
butione fraudis suæ recipiunt. Omnibus es æqua, omnibus bona, omnibus justa:  
præterita renovas, præsentia illustras, futura præmonstras, perditam requiris, quæ  
sita invenis, inventa custodis, lapsa restituas, restituta gradu munis, munita in viâ  
pacis dirigis. Tu quidem æterni Regis es victoria, & cælestis militiæ latitæ, ter-  
rigenarumq; potentia. tu peccatorum es remissio, pietatis exhibitio, & me-  
ritorum, augmentatio. Tu infirmorum remedium, laborantium auxilium, &  
lassorum refrigerium, tu insanorum incolumitas, quietorum serenitas, & for-  
tunatorum felicitas. Tu cura ægrotos medicans, tu gaudium mœstos con-  
solans, tu sanitas dolentes lætificans, tu status credentium rectè, tu firmitas  
operantium bene, tu beatitudo perseverantium ritè. Sancta, pia, bona, ju-  
sta, benigna, rationabilis, laudabilis venerabilis, amabilis, fortis, suavis, mi-  
tis, sapiens, patiens, potens. Quidquid ergo corde dignè de redemptione  
nostra potest cogitari: vel quidquid ritè lingua loqui, omnia ad laudem tu-  
am decentissimè possunt aptari. Quia quidquid in te laudatur, Crucifixo in  
te Christo regi deputatur: & quidquid Christo honoris datur ad reverentiam  
summi patris, ejus Ipse unigenitus filius est, referur. Et iterum: Grandis  
consolatio fidelium est spes sanctæ Crucis, & materiam tribuit laudis: quia  
bonitatem nos facit scire creatoris. Crux Christi via est justorum ascen-  
sus ad cælum, rota de infimis ad superiora nos trahens, dux cœli & ianna  
regni. Hujus pars erecta, divinum, & transversa, commendat amorem fra-  
ternum. Cujus amoris integritatem Christus nobis ostendit, ac suo exemplo  
nos instruxit, qui dilectam animam suam in Cruce moriens pro amicis suis  
posuit, & nos idem facere docuit. Hunc amorem, o Deus semper laudabi-  
lis, tu pone in me, & timor noxius, atque carnalis affectus procul recedant  
à me, ut gloria sanctæ Crucis aucta & multiplicata in vera promissione, di-  
gnaq; laude in æternum persistat: ipsaq; mihi carmine & amore venerabi-  
lis: semper laus Ejus in ore meo, & in corde exultatio sempiterna permane-  
at: vos quoq; precor cælestes plebes. Angelorum, animasq; justorum, qui  
in conspectu divinæ Maiestatis veraciter exultatis, ut sicut Alleluia, sine ce-  
ssatione, & Amen Deo Christo in æternum cantatis: ita quoq; nostram sortem  
precibus adjuvare studeatis quatenus beatitudinem veram quam tenetis iam  
perfectè tandem & nos per gratiam Christi mereamur accipere. Hæc Raba-  
nus unde & Cassiodorus; Crux est humilium invicta tuitio superbiorum abie-  
ctio,

*Cassiodorus de  
laude crucis.*



Atio, victoria Christi, perditio diaboli, infernorum destructio, Cœ-  
 lestium reformatio, mors infidelium, vita iustorum. Et, ut ait Hie-  
 ronym. Ligno hoc vehimur per mare undosum, ad terram viven-  
 tium. De his etiam quæ passus est Dominus, quasi concludendo  
 cum gratiarum actione & oratione sic dicit Anselmus. Expergi-  
 scere nunc anima mea, excutere de pulvere, & contemplare atten-  
 tius Virum hunc memorabilem, quem ecce in speculo Evangelici  
 sermonis, quasi præsentem intueris. Cognosce anima mea, cognosce.  
 Hic est Dominus JESUS Christus, Creator, & Salvator tuus uni-  
 genitus DEI Filius: verus DEUS: verus homo qui solus sub sole si-  
 ne macula inventus est, & ecce quoniam cum sceleratis reputatus  
 est, & quasi Vir leprosus & novissimus virorum æstimatus, & tan-  
 quam abortivum, quod proiicitur ab utero, & nemo curat, sic pro-  
 jectus est ab utero Matris suæ infelicis synagogæ. Iste formosus  
 præ Filiis hominum, quasi deformis præ Filiis hominum factus. Si-  
 quidem vulneratus est propter iniquitates nostras: attritus est pro-  
 pter scelera nostra, & factus est holocaustum suavissimi odoris in con-  
 spectu Tuo Pater æternæ gloriæ, ut averteret indignationem Tu-  
 am à nobis, & confedere sibi nos faceret in Cœlestibus. Respice Do-  
 mine Sancte Pater de Sanctuario Tuo, & de excelso Cœlorum ha-  
 bitaculo, & intuere hanc Sacrosanctam hostiam, quam Tibi offert  
 magnus Pontifex noster, Sanctus puer Tuus Dominus JESUS pro  
 peccatis fratrum tuorum, & esto placabilis super multitudinem ma-  
 litæ nostræ. Respice Domine in faciem Christi Tui, qui Tibi usq;  
 ad mortem obediens factus est, nec recedant ab oculis Tuis cicatri-  
 ces ejus in perpetuum, ut memineris quantam pro peccatis nostris  
 satisfactionem ab eo susceperis. Utinam Domine appendas in sta-  
 tera peccata, quibus iram Tuam meruimus, & calamitatem quam  
 passus est pro nobis innocens Filius Tuus. Certè hæc gravior ap-  
 parebit & magis digna, ut propter ipsam effundas misericordiam  
 Tuam super nos quam sunt ista peccata, ut pro illis contineas in  
 ira misericordias Tuas. Gratias Tibi Domine Pater referat omnis  
 lingua, super inenarrabili abundantia pietatis Tux, qui unico Filio  
 Tuo non pepercisti, sed pro nobis illum tradidisti in mortem, ut  
 tamen tanquam fidelem advocatum haberemus in Cœlo coram Te.  
 Et Tibi Domine JESU, zelotes fortissimè, quantū gratiarū, quid re-  
 tributionis dignè tribuam ego pulvis, & cinis, & vile figmentum?  
 Quid enim pro nostra salute facere debuisti, & non fecisti? Abimo  
 pedis, usquè ad summum verticis Te totum in aquis passionis de-  
 merxisti, ut me totum de illis extraheres. Nam & animam Tu-  
 am in mortem perdidisti, ut meam perditam mihi redderes. Et  
 ecce me duplici debito obligasti. Nam & pro eo, quod dedisti, &  
 pro eo quod mei causa perdidisti, debitor sum. Et pro anima mea  
 quidem bis mihi à Te data, semel in creatione, semel in redemptio-  
 ne, quid magis Tibi justè reddam quàm ipsam, non habeo. Pro  
 Tua autè pretiosa anima ita tribulata, quid ab homine dignè repen-  
 di possit, non invenio. Nam si Cœlum & terram, & omnem orna-  
 tum Eorum possem rependere, certè nec sic usq; ad mensuram de-  
 biti ullatenus attingerem. Et si id ipsum quod & debeo, & possibi-  
 le mihi est Tibi Domine retribuam, Tuum Domine totum est. Di-  
 ligēdus es igitur mihi ex toto corde, tota anima, tota mente, & Tua  
 mihi sequenda vestigia, qui mori dignatus es pro me. Et quo-  
 modo

Ooooo

modo

Hierony. in  
c. 15. Marci

Anselm. spe-  
culo Evan-  
gelici serm.  
cap. 12. 14.  
15 15 et 17

Passionis Christi  
meritum.

Gratiarum  
actio pro passi-  
onis beneficio



modo fiet hoc in me, nisi per Te? Adhæreat anima mea post Te, quia tota virtus ejus pendet ex Te. Extunc Domine Redemptor meus, Te ut verū DEUM adoro, in Te credo, in Te spero, & quibus possum desideris ad Te suspiro. Adjuva imperfectionem meam. Ad Tux Passionis gloriosa insignia, in quibus salutem meam operatus es, me totum inclino. Tux victoriosæ crucis regale vexillum in Nomine Tuo Christe adoro. Tuum spineum diadema, Tuos rubentes sanguine clavos, Tuo sacro lateri immersam lanceam, Tua vulnera, Tuum sanguinem, Tuam mortem, Tuam sepulturam, Tuam victoriosam resurrectionem, & glorificationem Christe adoro supplex & glorifico, horum vivifico odore spiritum meum à peccati morte resuscita, horum virtute ab astutiis sathanae me custodi, meque conforta, ut jugum mandatorum Tuorum suave mihi fiat, & onus crucis quod bajulare me jubes post Te, humeris animæ meæ

*Cruce Domini, fortitudinem nostra.*

leve sit atq; portabile. Quæ enim fortitudo mea, ut juxta præceptum Tuum mundi pressuras tam multiplices invicto animo sustineam? Sed audi quæso vocem meam, & inclina super servum tuum suavem crucem Illam, quæ lignum vitæ est his qui apprehenderint illam. Illam inquam, divinißimam crucem humeris meis impone, cujus latitudo est charitas super omnem creaturam se extendens, cujus longitudo æternitas, cujus sublimitas omnipotentia, cujus profundum inscrutabile est sapientia. Confige illi manus meas, & pedes meos, & totam passionis Tux formam servulo Tuo imprime. Da obsecro mihi continere ab operibus carnis quæ odisti, & facere justitiam quam dilexisti, & in utroq; Tuam quærere gloriam, & sinistram quidem meam, clavo temperantiæ, dexteram verò, clavo justitiæ in illa sublimi cruce affixam arbitror. Da menti meæ jugiter meditari in lege Tua, & deinde cogitatum jactare in Te, & dexterum pedem meum eidem ligno vitæ clavis prudentiæ affigi. Da ut ministram spiritus mei sensualitatem non

*Meditationem optat passionis.*

enervet labentis vitæ infelix felicitas, nec conturbet perennis vitæ prævia felix infelicitas, & sinister quoq; pes meus clavo fortitudinis in cruce tenebitur. Ut autem & spinarum Tui Capitis aliqua in me similitudo appareat, detur obsecro menti meæ, & salutis penitentis compunctio, & alienæ compassio, & stimulus zeli æmulantis illud quod rectum est coram Te, & ad Te convertar in ærumna mea, dum triplex configitur spina. Libet ut & spongiam per arundinem ori meo porrigas, & aceti amaritudinem gustui meo adhibeas, ut per scripturas Tuas rationi meæ conferas gustare & videre, quoniam florens hic mundus tanquam spongia inanis est, & omnis concupiscentia Ejus aceto amarior. Ita Pater in me fiat ut calix iste aureus Babylonis inebrians omnem terram, nec inani splendore seducat, nec falsa dulcedine inebriet. Tux quoq; vivificæ mortis Domine effigiem facies in me servo Tuo, ut moriar quidem peccato secundum carnem, vivam autem justitiæ secundum spiritum. Ut autem integram crucifixi imaginem portare me glorier, illius quoq; quod post mortem Tuam insatiabilis malitia impiorum in Te exercuit, hanc in me similitudinem exprime. Vulneret cor meum vivus & efficax sermo Tuus, penetrabilior omni lanceâ acutissima, & pertingens usq; ad interiora animæ meæ: producat ex ea tanquam à dextro latere meo vice sanguinis & aquæ amorem Tuum Domine, & fratrum meorum. Postremò munda

sindo.



Indone primæ stolæ spiritum meum involue, in qua requiescam ingrediens ad Te in locum tabernaculi admirabilis, & abscondas me donec pertranseat furor Tuus Domine dies autē tertio post diem laboris, post diem simplicis gloriæ, mane prima sabbathi perpetuò inter Filios Tuos me indignissimum resuscita, ut in carne mea videam claritatem Tuam, & adimplear lætitiâ vultus Tui. Hæc Anselmus. Imaginem itaq; Crucifixi secundum modum præmissum in portans in Te, ora & conare ut spiritus tuus involuatur munda sindone puritatis & innocentie, in qua abscondus à mundi vanitatibus sepeliaris in secreto mentis Tux, & ibi requiescas in meditatione Passionis Dominicæ: mortuus quidem mundo, & vivens DEO, & hoc apertè signatum est, ubi dicitur: quod pretio sanguinis Christi emptus est ager siguli, in sepulchrum peregrinorum: ubi dicit Glossa, quod sepultura Christi nihil est aliud quàm requies Christiani, & tunc cor Tuum debet sigillari sigillo passionis Christi, & clausum teneri ac custodiri. Deinde sic sepultus in secreto mentis Tux *Triduum se* ab omnibus vanitatibus, gloriosum triduum mortis Christi *pultura my-* gas. Quorum primus, afflictionis & pœnitentiæ ut pro omnibus *stide.* commissis vel omisissis DEO voluntariè satisfaciat. Secundus dies est quietionis & gratiæ: ut in solo DEO requiem mentis ponas, quia in eo solo pax invenitur: & tranquillitas. Tertius dies est præmiationis & gloriæ, ut Ejus conjunctionem & amplexum fervente desiderio jugiter concupiscas. Quibus transactis in mane prima sabbathi, hoc est, in futura vita perpetua, inter Filios & Electos DEI gloriôsè resusciteris, & in carne Tua videas gloriosam humanitatem Christi, in spiritu autem beatificè contempleris inæstimabilem claritatem DEI, & per hoc adimplearis perpetua lætitiâ vultus Ejus.

## DE SABBATHO SANCTO.

### CAPUT XLVIII.

**M**ANE autē sabbathi, stabant simul in domo, januis clausis, Domina & aliæ lociæ cum Joanne, afflictæ & dolorosæ (tanquam orbatæ & plenæ marore) memorantes angustias tribulationis hesternæ. *Matth. 28.* Sedebant simul, aspicientes tantum adinvicem cum lachrymis, sicut contingere solet magna pressura & calamitate gravatis. Successivè autem veniunt Discipuli plorantes & ipsi, tandem cessantes à fletu, loqui de Domino suo incipiunt, & cum lachrymis Discipuli se redarguunt, quod Eum dereliquerunt. Et de his quæ fecerat Dominus JESUS cum eis, narrant adinvicem, modo unus, modo alius, & sic per ordinem. Intuere igitur eos diligenter, & eis compate-re, quia in magna sunt afflictione. Quid enim est videre quod Domina mundi, & Principes Ecclesiarum, & omnium populorum, ducesq; Divini exercitus, sic timorosi & afflicti stant in quadam domuncula reclusi, nescientes quid facere debeant, nisi quod conferrunt, & se confortant de verbis & factis Domini sui? Domina tamen semper mente tranquilla, & pacata stabat: quia certissimam *Maria spes* spem de resurrectione Filii sui habebat, & in ea sola remansit fides *& fides.* Ecclesiæ, in ipsa die sabbathi, & propterea specialiter dies sabbathi attribuitur ei. Et ideo aliis luminaribus extinctis, una candela in tenebris servatur accensa, quia lumen fidei in sola remansit Virgine



gine MARIA. Unde Augustinus. Quem genuit Virgo, injustè mori dolebat, sperans tamen & firmiter credens ipsum, secundum promissum, tertio die morte devicta resurgere, in hac enim sola interim fides Ecclesiæ in triduo isto stabat: Et dum unusquisq; vacillando hæsitabat: hæc quæ fide concepit fidem, quam semel à DEO suscepit, nunquam perdidit: speq; certissima resurrectionis gloriam expectavit. Hæc Augustinus. Non tamen poterat ipsa Domina gaudenter stare, propter memoriam mortis Filii sui, passi injustè. Et sabbatho quidem siluerunt, secundum mandatum legis, id est; ab operibus quieverunt: nam sabbathum custodire oportebat, & tunc neq; vendere neq; emere, neq; quid tale aliquid fieri licebat. Unde & ipsum sabbathum, requies seu intermissio est dictum. Magna est dignitas sabbathi, quia in & tota Trinitas requievit. Nam Pater requievit, ab opere creationis, quod fuit magnæ potentia. Filius, ab opere recreationis, quod fuit infinitæ sapientiæ Spiritus Sanctus requievit hodie in Virgine, quod fuit magnæ & infinitæ bonitatis: quia ipsa stabat, cæteris, scilicet Apostolis & mulieribus, à gratia Spiritus Sancti cadentibus. Cum autem transisset sabbathum sero facto, & stellis apparentibus post solis occatum, cum operari erat licitum, Maria Magdalena, & Maria Cleopha, Maria Salome vadunt emere aromata, pro faciendis unguentis, ad Corpus JESU sacratissimum perungendum. Intuere igitur eas diligenter, & quæ faciunt, quomodo eundo & redeundo mæstis vultibus, morè viduarum & orphanorum, incedunt. Emunt aromata, & redeunt parant se ad faciendū contra corruptionē unguenta, quasi nescientes illud propheticum. *Non dabis Sanctum tuum videre corruptionem.* Unde Theophil: Neq; tamē fidē debitā adhuc habebāt, sed ei quasi puro homini aromata & ungvēta parabāt more Judæorū qui talia exhibebāt defunctis. Hæc Theophil. Aromata dicuntur, quasi æromata, quia diffūdebāt longē lateq; odorē in aërem, & significant virtutes, quas in conversatione mulieres habebāt, & famam crucifixi, quæ longē lateq; diffundenda erat. Devotæ ergo mulieres illæ & Sanctæ, quæ fuerant viventi obsecutæ, ut etiam mortuo pietate officiosa famulatum possent impendere, emerunt aromata & paraverunt unguenta, ut venientes mane ex devotione ad visitandum sepulchrum ungerent Corpus JESU Sanctissimum: nequē enim vespere sabbathi, præoccupante jam noctis articulo, adire valuerunt monumentum. Conspecte nunc quomodo fideliter & devotē cum lacrymis & suspiriis pro Domino suo laborant, secundum quod melius sciunt. Et in hujusmodi operibus per totam noctem laboraverunt, & nihil vel parum quietis habuerunt. Domina verò & Apostoli aspiciunt, & fortē adjuvant in quibus possunt. Adjuva & tu eas, si permitteris, & potes. Venit hic in considerationem quid fecerit Dominus in triduo mortis suæ. Corpus quidem Ejus fuit in sepulchro, anima verò cum Sanctis Patribus in limbo, & Deitas utriq; conjuncta. Nam quia passio non attingebat in Christo Divinam naturam, sed humanam: ideo in morte Christi facta est sic divisio animæ à carne: ut tamen salva esset unio tam carnis quam animæ cum Divinitate. Ut enim ait Leo Papa, forma servi, & forma DEI, quæ in unitatem convenerunt, nec separationem possunt habere, nec finem, dum ita sibimet inhæserunt ut sive in omnipotentia, sive in contumelia: nec Divina in Christo careant humanis, nec

Fides in triduo in sola Maria.

Sabbathi cessatio.

Fides ementium aromata  
Psalm. 15.  
Theophilus  
in Marci  
cap. 16.  
Aromata unguentum.

Divinitas non de reliquit animam & corpus.

Leo sermon de Passione.



nec humana Divinis. Tunc impletum est quod de ipso dixerat:  
*Sicut fuit Jonas in ventre cati tribus diebus, & tribus noctibus, sic erit Filius hominis in corde terræ.* Sepultura enim Christi triduana, in Jo-  
 na, qui triduo erat in cæto, fuit præfigurata. Hoc autem de sepul-  
 tura Christi, secundum Augustinum, accipiendum est sinecdochice, *Augustinus lib. 3. de con-*  
 scilicet accipiendo partem pro toto. Fuit enim Dominus in sepul-  
 chro per extremam partem parasceves, per quam tota dies cum  
 sua nocte jam præterita accipitur, & per totum sabbatum, quod integrā  
 diem & noctem complectitur, & per primam partem diei Dominicæ,  
 scilicet per noctem sequentem sabbatum, per quam tota dies Do-  
 minica ad quam pertinet, intelligitur. Et sic sunt tres dies natu-  
 rales, & qualibet noctem suam habet præcedentem. Et tunc mu-  
 tatus est ordo dierum naturalium: non quantum ad ordinem obser-  
 vationis, sed quantum ad ordinem creationis. Nam antè ordo  
 erat ut dies præcederet noctem: quia primo creata est dies, & sub-  
 secuta est nox, sed deinceps creator temporum fecit, ut nox præ-  
 cederet diem: quia nox qua surrexit, adjuncta est diei qua se osten-  
 dit. Unde Augustinus: Sicut primò computabantur dies propter  
 hominis conditi lapsum à luce gratiæ, in noctem culpæ: ita nunc pro-  
 pter hominis reparationem, per passionem, & resurrectionem Chri-  
 sti, à tenebris culpæ, in lucem gratiæ merito computantur. Unde  
 & Beda, Dominus Author & Ordinator temporum qui ultima no-  
 ctis hujus parte surrexit, totam eam nimirum Eiusdem resurrecti-  
 onis luce festivam & coruscantem reddit. Siquidem hucusq; ab exor-  
 dio mundanæ creationis, ita temporum cursus distinguebantur, ut  
 noctem dies præcederet, juxta ordinem videlicet primæ conditio-  
 nis. Hac autem nocte temporum ordo mutatus est, per mysterium  
 resurrectionis Dominicæ. Nam quia nocte à mortuis surrexit,  
 die verò sequenti Eiusdem resurrectionis, effectum Discipulis osten-  
 dit, & participato cum eis convivio veritatem virtutis Eius miran-  
 tibus, simul & gaudentibus astruxit, rectissime nox illa sequentis  
 diei luci conjungitur: ac sic temporum ordo statutus est, ut dies no-  
 ctem sequatur. Et quidem aptissime quondam nox sequebatur  
 diem, quia homo à luce Paradisi peccando lapsus in hujus sæculi te-  
 nebras ærumnasq; decidit. Aptissime verò nunc dies sequitur no-  
 ctem, quando per fidem resurrectionis, à peccati tenebris & umbra  
 mortis ad lucem vitæ Christo largiente reducimur. Unde etiam  
 Petrus Cantor: In exordio conditionis rerum computatur dies cum  
 nocte sequenti, quia in primaria creatione rerum præcessit dies no-  
 ctem. Primò enim facta est lux, postea vergente luce ad occasum,  
 facta est nox, & ita fuit unus dies naturalis, dies præcedens cum  
 nocte sequenti. In Passione verò Domini facta est mutatio ordinis  
 naturalis, ut scilicet cõputetur nox præcedens cum die sequenti, pro  
 mysterio, noxq; præcedat diem: ac super hoc dicatur: *Mysticè, Fu-*  
*istis aliquando tenebræ, nunc autem lux in Domino: & Nox præcessit,* *Ephes. 5.*  
*dies autem appropinquavit:* hanc autem commutationem naturalis  
 computationis in artificialem, voluit Dominus præfigurare in legi-  
 timis. Ideoque præcepit observantiam sabbathi, & legalium fie-  
 ri à vespere in vespem. Hæc Petrus. Et sic, ut visum est, qui-  
 dam dicunt hanc mutationem factam in parasceve, ut nox, scilicet  
 quintæ feriæ, fuerit etiam parasceves: alii in nocte resurrectionis,  
 ut nox illa communis fuerit sabbatho, & diei Dominicæ sed totum



*Descensus  
Christi ad  
inferos.*

ad unum tendit sensum & effectum. Illa ergo hora qua Salvator noster inclinato capite spiritum emisit, corpore in cruce derelicto, anima simul cum Divinitate ad inferna spolianda descendit. Cum autem ad inferos descenderet, & Chorus Angelicus ante faciem Ejus, portas Principum tolli præciperet, Sanctorum populus qui tenebatur in morte captivus voce lachrymabili clamabat: Advenisti desiderabilis, quem expectabamus in tenebris, ut educeres vinculatos de claustris. Te nostra vocabant suspiria, Te larga requiebat lamenta. Tu factus es spes desperatis, magna consolatio in tormentis. Sed quis per singula dicere valeat quanta ibi lætitia fuerit cum Christus sol justitiæ Ejus apparuit, & habitantibus in regione umbræ mortis, diu novæ lucis expectata claritas radiavit. Et stetit Dominus cum eis ibi, & tunc fuerunt in gloria: nam visio DEI, perfecta est gloria. Ibidem fuit & latro, cui Dominus dixerat, hodie mecum eris in Paradiso. Nomine Paradisi notatur ibi DEI fruitio, & visio Divina: quia peracta passionis tam ipse latro, quam alii qui erant in limbo, viderunt DEUM per essentiam.

*Figura de-  
scensus.*

*Daniel. 3.*

Istud quod Christus infernum introivit, & Sanctos lætificavit, præfiguratum erat in tribus pueris in fornace Babylonis, ubi ad iugresum Angeli ignis versus est in suavitate roris. Qui in fornace erant, fuerunt pueri, sic in limbo non erant nisi innocentes & puri. Qui enim ante plenariam satisfactionem decedebant, in purgatorio purgabantur, & tunc ad limbum ascendebant. Istud etiam

*Daniel. 14.*

præfiguratum fuit per Danielem in lacu leonum, cui Dominus misit per Abacuch prandium. Dominus Danielem illatum à leonibus custodivit, & per Angelum refactionem sibi misit. Sic DEUS Patres in limbo à dæmonibus defendavit & tandem Ipse veniens

*Infernus  
duplex.*

Divina refectioe eos pavit. Et sciendum quod nomen inferni sumitur dupliciter, scilicet pro pœna, & loco pœnæ. Secundum primum modum dicitur, quod dæmones semper infernum secum por-

*Infernus pe-  
narum, qua-  
druplex.*

tant. Sed prout infernus pro loco pœnæ sumitur, sic quadrupliciter distinguitur. Unus infernus damnatorum, in quo est pœna sensus & damni, id est; sensibilis pœna & Divinæ visionis carentia, & sunt ibi tenebræ interiores, id est; absentia Divinæ gratiæ, & exteriores, scilicet corporales. Super istum est limbus puerorum, in quo est pœna damni, & non sensus: & sunt ibi tenebræ interiores. Super hunc est locus purgatorius, in quo est pœna sensus & damni ad tempus, & sunt ibi tenebræ exteriores, & non interiores: quia per gratiā habent lucem interiorem. Supremus locus inter hæc, est limbus Sanctorum Patrum, in quo fuit pœna damni, & non sensus, & fuerunt ibi tenebræ exteriores, & non privationis gratiæ Di-

*Morsus in-  
ferni.*

vinæ. Ad hunc locum Christus descendit: & suos qui non propter reatum personæ, sed propter reatum naturæ detinebantur inde liberavit, & sic infernum momordit, quia partem Ejus abstulit, partem reliquit: mortem verò prostrato mortis Authore, quod ad Electos, penitus destruxit, ut ille qui nihil juris habebat in capite, quod invaserat, per injustitiam plus petendi, etiam id perderet, quod habere videbatur in corpore, quod deceperat. Christus enim secundum naturam Divinam impassibilis & immortalis fuit, quia passio vel mors pœna est peccati, sed Ipse sine peccato venit, & absque peccato vixit: secundum potentiam verò & mortalis voluit esse & pas-

*Mercedem  
mortis sua  
dedit Christus  
hominis.*

sibilis. Mercedem quoque suæ mortis dedit homini pro quo omnia fuit.



sustinuit: pro passione, impassibilitatem: pro morte, immortalita-  
tem: pro peregrinatione, aeternam Patriam. Unde Leo Papa, Per-  
stitit improbus prædo, & avarus exactor in eum qui nihil ipsius ha-  
bebat inlurgere, ab illo iniquitatis exigens pœnam, in quo nullam  
reperit culpam, & per injustitiam plûs petendi, totius debiti summa  
vacuatur. Fortis ille nectitur vinculis suis, & omne commentum  
maligni in caput ipsius retorquetur. Ligato mundi principe, ca-  
ptivitatis vasa rumpuntur. Unde & Anselmus: Vitam homo DE-  
US cum ex debito mori non deberet, quoniam peccator non erat, *Anselm. lib. cur Deus ho.*  
sponte sua dedit ad honorem Patris, cum eam sibi auferri propter  
justitiam permisit. Dedit itaq; humana natura DEO Patri in illo  
sponte, & non ex debito quod suum erat, ut redimeret se in aliis,  
in quibus quod ex debito exigebatur, reddere non habebat: Sic  
homo ille redemit omnes alios, cum quod sponte dedit DEO, com-  
putavit pro debito quod illi debebant. Quo pretio non semel tan-  
tum homo à culpis redimitur, sed quoties cum digna pœniten-  
tia redierit, recipitur. Hæc Anselm. Non tamen DEUS diabolum *Anselmus de meditat. re- dempt. gene- ris humani.*  
fefellit, aut fallere voluit: sed diabolus seipsum in DEUM insurgen-  
do decepit. Unde idem Anselm. Cur bone Domine, pie Redem-  
ptor, potens Salvator, cur tantam virtutem operuisti tanta humi-  
litate? an ut falleres diabolum, qui fallendo, hominem eiecit de  
Paradiso? Sed utiq; veritas nullum fallit: qui ignorat, qui non cre-  
dit veritatem, ipse se fallit, qui veritatem videt, & odit, vel con-  
temnit ipse se fallit, veritas utiq; nullum fallit. An ideo, ut ipse di-  
abolus se falleret? Sed utiq; sicut veritas nullum fallit, ita non in-  
tendit ut aliquis se fallat, quamvis hoc dicatur facere cum permit-  
tit. Non enim assumpisti hominem, ut Te notum operires, sed  
ut ignotum aperires. Verum DEUM, verum hominem Te dixisti,  
& operibus ostendisti. Res per se fuit occulta, non studiosè occul-  
tata. Non sic est facta ut absconderetur, sed ut suo ordine perficeretur.  
Nec ut aliquem deciperet, sed ut quemadmodum oportebat, fieret.  
Et si dicitur occultata, non est aliud, quam non est omnibus revelata.  
Nam & si veritas non omnibus se manifestat, nulli tamen se negat:  
Ergo Donec, nec ut falleres nec ut aliquis se falleret sic fecisti,  
sed ut faceres quod & quomodo faciendum erat in veritate per omnia  
perstitisti. Qui ergo se fefellit in Tua veritate, non de Te, sed de propria  
qveratur falsitate. Hæc Anselm. Prædictus quoq; locus supremus,  
scilicet limbus Patrum, ad quem Christus descendit, sinus Abrahæ dicebatur  
quia ibi Abraham fuit cum liberandis, cui primo hujusmodi liberatio est  
promissa, sed nunc *Sinus Abrahæ.*  
Cælum Empyreum sinus Abrahæ est, quia ibi jam est Abraham.  
A nullo autem prædictorum locorum est transitus ad alium, nisi de  
tertio ad quartum, hoc est, de purgatorio ad limbum Sanctorum.  
Unde quando cantamus, libera animas fidelium defunctorum de  
pœnis inferni: sumitur ibi infernus pro purgatorio: sicut & ibi sumi-  
tur pro limbo, quando Christus dicitur ad inferos descendisse, vel  
infernum destruxisse. Igitur secundum Gregorium, quod ante  
passionem promissit, in resurrectione sua Dominus adimplevit. *Gregor. ho. Si mil. 22. in*  
exaltatus, inquit, fuero à terra, omnia traham ad meipsum: omnia vi-  
delicet Electa. Omnia namq; traxit, qui de Electis suis apud in-  
feros nullum reliquit, quos suos in fide actibus recognovit. Ex-  
pauis in cruce manibus exaltatus à terra, traxisti ad Te omnia: pre-



*Humilitas  
Christi in  
descensu.*

cor & obsecro Te benigne Domine, noli me dimittere in ceno concupiscentiarum: trahere me ad Te, ut crucifigam Tibi, & mundo mortuus vivam Tibi, vivam verò jam non ego, vivas autem in me Christe. Considera hic attentè, quanta fuit Christi benignitas, in infernū descendēdo quanta charitas, quanta humilitas. Poterat enim unum ex Angelis ad eos mittere, & facere ipsos servos suos liberari, & sibi presentari prout voluisset, si hoc suus amor & humilitas iussisset. Per seipsum ad inferna descendit, & non ut servos, sed ut amicos Dominus omnium eos visitavit, & ibidem usq; ad diem Dominicum, prope auroram, cum eis stetit. Jubilaverunt Sancti Patres in suo adventu: & repleti sunt jucunditate immensa, omni miseria procul pulsa. Et procidentes, adoraverunt, & surgentes, stabant in laudibus & canticis coram eo, cum reverentia & ingenti exultatione. Et in hujusmodi laudibus, & canticis & jubilationibus steterunt in limbo usq; prope auroram diei Dominice, & in conspectu etiam multitudinis Angelorum ibidem exultantium cum eis. Assiste & Tu, ac in vocem exultationis & jubilationis erumpe, Sanctorumq; melodia Tuas preces interpone. O! quam dulce & quam jucundum talibus interesse: vel saltem à longe talia contemplari.

*Sanctorum  
redemptio.*

Tunc portis inferorum confractis, & diabolo magno alligato, accipit eos Dominus cum exultatione ab inferis educens, & ante eos cum gloria & triumpho lætus procedens: Sanctorumq; exercitu comitante ad superos rediens posuit eos in Paradiso deliciarum & voluptatis, qui est Ad Orientem, in extremis maris. Tunc verus Sampson moriens hostilem exercitum prostravit, & Agnus sine macula in sanguine testamenti sui, de lacu, in quo non erat aqua, victos eduxit. Tunc quoq; Angelus, Loth cum suis de Sodoma eripuit: & nepharios igne sulfureo involuit. Tunc etiam Angelus Ægyptum devastavit, & Filios Israël indeliberavit. Cum ergo fortis armatus scilicet diabolus, custodiret atrium suum, id est, limbum. Christus fortior superveniens, atrium suum intravit, & ipsum per crucem suam devincens, alligavit; istud Banajas olim in figura demonstravit, qui ad leonem in cisternam intrans, cum virga ipsum prostravit. Sic Christus intravit ad diabolum in infernū, & per Sanctam Crucem prostravit ipsum. Per fortissimum etiam Sampsonem Christus fortissimus designatur: à quo infernalis leo, scilicet diabolus, superabatur, & potentia sua privabatur; & tunc homo est liberatus de captivitate diabolica, quæ olim fuit in captivitate Ægyptiaca præfigurata. Filii Israël in Ægypto à Pharaone oppressi, clamaverunt ad Dominum pro sua liberatione: misertus Dominus liberavit eos de captivitate. Ita genus humanum à Principe tenebrarum detentum, clamavit pro sua redemptione ad Dominum: & misertus Ejus liberavit ipsum. Hanc liberationem hominis DEUS præfiguravit, quando Abraham de Hur Caldæorum liberavit. Caldæi enim Hur, hoc est ignem pro DEO coluerunt, quod cum Abraham renuerit, ipsum in ignem projecerunt. DEUS autem verus, quem Ipse coluit, de igne eum liberavit: sic & Sanctos de inferno redemit. Hanc etiam redemptionem hominis DEUS præfiguravit, quando Loth cum suis de subversione Sodomæ liberavit. Sed Sodomis tantum boni liberati fuerunt, mali autem igne & sulphure interierunt. Sic Christus bonos tantum de limbo liberavit, de inferno autem damnatorum neminem eripuit. Et justi quidem cum tanta lætitia liberantur. Sed quid putas indicibilis amaritudinis & incon-

*Dolor remanentium in inferno.*



inconsolabilis doloris, imò extremae damnationis accidit remanentibus in igne inextingibili, verme immortalis, tenebra palpabili, morte insinabili! Væ illis quibus datum est hoc potius experiri quàm credere, vel timere. Aliqua verò morula in Paradiso facta cum eis, & etiam cum Helia & Enoch, ipsum recognoscentibus & exultantibus, dixit eis: quia esset tempus ut iret ad excitandum & reassumendum suum Corpus. Qui omnes procidentes, adoraverunt, rogantes ut citò rediret, quia gloriosissimum Corpus suum videre plurimum affectabant. Da & mihi Domine benignissime, Corpus Tuum gloriosissimum in secundo adventu Tuo cum gaudio videre, & de Tua visione æternaliter cum Electis Tuis gaudere. Considera nunc quomodo omnia quæ Christus pro nobis pertulit, & pro nostra utilitate pati voluit. Unde Hieronymus. Quædam ex his col-  
ligens, sic dicit; Opprobria autem ejus nostrum abstulere opprobrium. Vincula Ejus nos liberos fecerunt. Coronâ spineâ capitis Ejus, diadema regni adepti sumus: vulneribus Ejus sanati sumus. Sepultura Ejus resurgimus: & descensu ad inferos, ascendimus ad Cælos.

## DE RESURRECTIONE DOMINI.

### CAPUT LXIX.

Nunc secundum Hieronymum, aromatibus redolentibus cum sponsa & adolescentulis, quæ currunt post eam, conspergimus librum & cubiculum mentis nostræ. Nunc introducit nos Rex in cellaria sua, nunc surgit amicis MARIA, hyems abiit, pluvia recessit, flores visi sunt in terra nostra. Vox turturis audita est in terra nostra. Vineæ florentes dederunt odorem. Redit sponsus de umbra, sub qua dormit in meridie. Radix amara crucis evanuit, flos vitæ cum fructibus erupit: & qui jacuit in morte, surrexit in gloria: sol post occasum oritur, aquilæ ad corpus congregantur. Post sabbata tristitia felix irradiat dies: quæ primatum in diebus tenet, luce prima in ea lucescente, & Domino in ea cum triumpho resurgente, & dicente. *Hæc dies quam fecit Dominus, exultemus & letemur in ea.* Hæc Hierony. Unde & Augustinus: Post illusiones & verbera, post acetum & fellis pocula mixta, post supplicia crucis & vulnera, & postremo post ipsam mortem & inferos, surrexit de suo funere caro nova: redit ab occiduo latens vita: & in morte salus reservata, resurgit pulchrior reditura post funus. Hæc Augustinus. Veniens itaque Dominus JESUS die Dominico, & summo mane, cum honorabili multitudine Angelorum ad monumentum: & reaccipiens illud Corpus Sanctissimum, propria virtute resurrexit: & ex ipso monumento clauso processit. Nemo quippe tam facile excitatur & surgit a somno, quàm Christus surrexit a morte & sepulchro: quia excitatus est tanquam dormiens Dominus, qui etiam de se dicit. *Ego dormivi, & soporatus sum, & exurrexi, quia Dominus suscepit me.* Sicut autem Christus exivit clauso Virginis utero, sic potuit clauso prodire sepulchro: hoc tamen aliter fuit: quia in resurrectione habuit corpus gloriosum, cui aliud non resistit: sed exitus de utero Virginis miraculosus fuit. Ut autem ait Beda. Resurrexit Dominus mane de monumento, in quo sero jam facto erat depositus: ut adimpletetur illud Psalmistæ: Ad vespertinum demorabimur fletus, & ad matutinum letum.

Q99999

tutu. Psalm 119.



*Terra motus* *tutinum lætitia.* Et ecce terra motus Domino resurgente factus est magnus, cujus causa subditur: *Angelus enim Domini descendit de Cælo,* & virtute Ejus factus est terræ motus: quia corporalia obediunt Angelis ad nutum, quantum ad motum localem. Sicut in Passione Christi terra mota est in signum tristitiæ, sic in resurrectione Ejus

*Beda ibidem* mota est in signum lætitiæ. Ubi Beda: Quod etiam terræ motus resurgente Domino de sepulchro, sicut & ipso moriente in cruce factus est magnus: significat terrena prius corda per fidem passionis ac resurrectionis Ejus fore concutienda ad pœnitentiam, & saluberrimo pavore permota ad vitam sublimandam perpetuam. Ubi

*Severianus* & Severianus: Si autem sic terra tremuit cum Dominus ad veniam suorum resurgeret: quomodo contremiscet cum noxiorum omnium resurget ad pœnam? Et quomodo Domini præsentiam sustinebit, quæ Angeli præsentiam sustinere non valuit? Et notandum,

*Terra motus* quod legitur terræ motus factus in legislatione. Unde Psalm. *Terra quæ facta est mota est. etenim Cæli distillaverunt à facie DEI Sinai, à facie DEI Israël.* Psalm. 67. In Christi Passione mota est: ut visum est supra. In resurrectione

motata est: ut hic dicitur. In judicio generali erit terræ motus, ut infra patebit. Secundum hæc moratiter in terræ motu significatur contritio, quæ provenit secundum quatuor Prædicta: videlicet ex consideratione Divinorum mandatorum, hoc est in legislatione: ex consideratione passionum Christi & dolorum, & hoc est in passione: ex consideratione amissæ vel dilatæ beatitudinis, & hoc est in resurrectione: ex consideratione pœnæ gehennalis, & hoc est in extremo

*Exaltatio* examine. Merito autem Christus exaltatus est à DEO usq; ad gloriam resurrectionis, quia propter obedientiam DEO Patri, se humiliavit usq; ad mortem crucis. Unde Anselm. Resurrectionis Sacramentum gloria sublimandus: ludibria perfidorum, asperitatem verberum, crucis opprobrium, fellis amaritudinem, & ad ultimum mortem sustinuit: admonens suos, ut si post mortem ad gloriam pervenire contendunt, vitæ præsentis angustias & labores, pravorumque oppressiones, non solum æquo animo tolerant: sed omnia hujus mundi aspera pro præmiis æternis ament, appetant, & peramanter suscipiant. Hæc Anselmus. Sicut ergo humiliatus est Christus per hoc, quod mala sustinuit moriendo; ut nos liberaret à malis: ita & glorificatus est resurgendo, ut nos promoveret ad bona. Secundum illud quod ait Apostolus, *mortuus est propter delicta nostra, & resurrexit propter justificationem nostram.* Sustinuit enim Passionem pro nobis, ut nos à pœna inferni liberaret: & resurrexit à mortuis, ut nos de morte ad vitam traheret. Unde bene suam resurrectionem longius quam usq; in diem tertium differre noluit, ita ut duabus noctibus & uno die in sepulchro quiesceret: nox enim ad peccatum pertinet, & natura quidem humana duabus mortibus tenebratur adstricta, animæ, propter peccatum carnis, propter vindictam peccati. Quia ergo Dominus sola carne mortuus ut nos à morte animæ & carnis liberaret: rectè duabus noctibus & una die in sepulchro quiescere voluit: quia videlicet lucem suæ simplæ mortis, tenebris duplæ nostræ mortis adjunxit: & per suam simplam mortem nostram duplam damnavit. Si enim ipse utramq; susciperet, nos à nulla liberaret: sed unam misericorditer suscepit, & justè utramq; damnavit simplam suam duplæ nostræ contulit, & duplam nostram moriens subegit. Dux ergo noctes, significant duas nostras

*1. Cor. 15.* *Resurrectio* *non fuit* *differenda.* *mortes*



mortes: dies verò significat suam mortem, quæ fuit lux nostrarum mortuum. Unam abstulit, alteram ad exercitum electis reliquit, quam denuo veniens exterminabit. Resurrectio itaq; sua, est causa efficiens nostræ resurrectionis: quæ sit in præsentī, & quæ fiet in futuro. Resurrectio quæ sit in præsentī, est nostra justificatio: & dicitur resurrectio prima. Unde in Apocalypsi, *Beatus qui habet partem in resurrectione prima*. Resurrectio quæ fiet in futuro, est corporis resuscitatio: & dicitur resurrectio secunda. Unde in Osee: *Vivificavit nos post duos dies, & in tertia die suscitavit nos*. Ad resurrectionem quippe primam duo dies requiruntur, scilicet ablatio omnis culpæ, & collatio consummatæ gratiæ: nullus enim resurget resurrectione secunda ad gloriam, nisi prius resurrexit resurrectione prima per gratiam. Mortuus autem fuit Christus quadraginta horis, ut quatuor mundi partes, quæ in decalogi legis mortuæ erant, vivificaret. Prima quoq; die hebdomadæ surrexit, ut ea die mundum innovaret qua eum creaverat. In tertia verò die passionis surrexit, ut eos qui tribus temporibus, scilicet ante legem, sub lege, sub gratia, in peccatis mortui fuerant, sublevaret: & nos qui factis, dictis, cogitationibus labimur, per fidem, Sanctæ Trinitatis resurgamus. Et secundum Augustinum. Ideo post tres dies resurrexit, ut in Passione Filii, totius Trinitatis monstraretur assensus: triduum enim legitur in figura, quia Trinitas quæ in principio fecerat hominem, ipsa in fine hominem per Christi reparat passionem. Ideo etiam resurrectionem suam Dominus sic accelerare voluit, ne discipulos diu in mæstitia cruciari permitteret. Unde Leo Papa Dominus nēpe Christus, ne & turbatos discipulorum animos longa mæstitudo cruciaret: denuntiata tridui moram tam miraculose celeritate brevavit, ut dum ad integrum secundum diem pars primi novissima, & pars tertii prima concurrir: & aliquantulum de spatio temporis decideret, & nihil dierum numero deciperet. Resurrectio igitur Salvatoris nec animam in inferno, nec carnem diu morata est in sepulchro: & tam velox vivificatio fuit incorruptæ carnis, ut magis ibi esset soporis similitudo, quàm mortis. Quoniam Deitas quæ ab utraq; hominis substantia non recessit: quod potestate divisit, potestate conjunxit. Hæc Leo. Passionis igitur resurrectionis exemplum Christus nobis præbuit: passionis, ad firmandam patientiam: & resurrectionis, ad excitandam spem: ut dum as vitas in nobis ostenderet, in carne unam laboriosam, quam tollerare debemus: alteram beatam, quam sperare debemus. Resurrexit autem Christus cum corpore glorioso, cujus dotes sunt: claritas, agilitas, subtilitas, & impassibilitas. Quamvis enim anima Christi à principio suæ conceptionis fuerit gloriosa, per apertam visionem & perfectam fruitionem Divinitatis, dispensatione tamen & dispositione Divina factum est, ut gloria animæ Ejus non redundaret in corpus: ut sic corpus esset passibile & mortale, ad implendum pretium & mysterium redemptionis humanæ in sua passione. Et ideo peracto mysterio passionis & mortis, anima Christi statim resumpto corpore in resurrectione, in ipsum corpus suam gloriam derivavit: & ita factum est Corpus Christi gloriosum. Ut enim ait Augustinus. Carnis quippe ille gerebat infirmitatem, quæ infirmitas resurrectione consumpta est. Unde & Leo Papa: Sicut ergo dicit Apostolus: *Et si cognovimus Christum secundum carnem, sed nunc*

Q q q q q q

Resurrectio Christi, est causa nostra Apocal. 20.

Osee 6.

Mortis Christi duratio.

Augu. lib. 4 de Trinit.

Resurrectio nis acceleratio.

Leo serm. 1 de resurrectione.

Exemplum passionis & resurrectionis.

Corporis gloriosi dotes.

August. ser. de resurrect.

Leo serm. de resurrectione.

jam 2 Cor. 5.



564 De Resurrectione  
jam non novimus, Ejus namq; resurrectio non finis carnis fuit, sed  
commutatio: nec consumpta est substantia virtutis augmento. Qua-  
litas transiit, non natura defecit. Et merito dicitur Ejus caro ne-  
sciri in eo statu quo nota fuerat: quia nihil infirmum remansit: &  
ut ipsa sit per essentiam, & non sit ipsa per gloriam. Hæc Leo.  
Interim igitur, o! anima mea deponamus piissimas tristitiæ quere-  
bas, ac nubila mæroris, & in lætitiæ respiremus serenum, & qui fu-  
nera redemptoris nostri persecuti sumus cum lachrymis, qui mor-  
tem nostram moriendo destruxit. DEI ipsius resurrectione & glo-  
ria jucundemur, qui vitam resurgendo reparavit. *Christus enim re-*  
*Rom. 6.* *surgens à mortuis, jam non moritur, mors illi ultra non dominabitur.* In-  
duit enim eum Dominus Pater stolâ immortalitatis & gloriæ: &  
coronam pulchritudinis posuit super caput Ejus, jucunditatem &  
exultationem thesaurizavit super Eum.

Totum igitur in eo plenum est gaudio, totum lætitiâ cumulatum, totum exultationem thesaurizavit super Eam.

*Christus* pletatione reſectum. Caro enim Chriſti, ſlos ille pulcherrimus de radice Jeſus gaudioſe, qui in nativitate floruit: quia ex virgine ſine peccato tanquam pulcher rimi ſloris ſingulare decus emicuit: in paſſione deſloruit: quando nec ſpecies, neque decor ei fuit, ſic in Reſurrectione, reſumpto etiam ſanguine fuſo in Cruce, cum omnibus quæ ſunt de veritate humanæ naturæ, per gloriam reſloruit, ut omnium eſſet decor. Nam Corpus illud gloriſiſſimum, ſubtile, agile & immortale, tantæ claritatis ſuperveſtitum eſt gloriâ, ut verè ſole fulgentius, exemplarem præferens pulchritudinem ſuſcitandorum cor-

*Matth. 13.* porum humanorum, de quibus ipse Salvator ait: *Tunc fulgebunt juxta solum sol in regno patris, scilicet, beatitudinis sempiternæ.* Quod si quilibet justus fulgebit ut sol, quanti putas esse fulgoris, Ipsum justitiæ Solem; Tanti, inquam est, ut sit speciosior sole, & super omnium dispositionem stellarum luci comparatus, decor præcipuus non immeritò judicetur. Tunc renovata est, ut aquilæ juvenus Christi. Tunc leo suum catulum suscitavit. Tunc phoenix revixit. Tunc ex eodem luto fractis vasis, fecit aliud vas figulus, sicut placuit in oculis suis. Tunc Jonas de ventre ceti illasus exivit. Tunc constitutum est candelabrum auro. Tunc suscitatum est tabernaculum David, quod cecidit. Tunc resulsit sol, qui prius erat in nubilo. Tunc vivificatus est granum frumenti, quod cadens in terrā mortuum erat. Tunc ceru

*Dominica diei dignitas.* gnitas quippe Dominicæ diei notatur in hoc quod fuit prima dierum. Item nox illam non præcessit. Item, ut dicitur, erit ultima dierum. Item nox illi non succedet. Item cælum & terra sunt in ea creata. Item Angelus est in ea creatus, & ad Deum conversus. Item primò data sunt in ea filijs Israel mandata. Item Christus in ea natus est. Item Christus in ea surrexit. Item Spiritus sanctus datus est in ea Apostolis. Item in ea omnes resurgemus, atque judicabimur. Item in ea continuandum est perpetuò in laude Dei. Unde Gregorius: Hanc rectè nobilitatem solennitatis dicam, quia solennitates cæteras antecedit. Sicut enim in sacro eloquio Sancta Sanctorum, vel cantica canticorum, pro sui magnitudine dicuntur: ita hæc festivitas rectè dici potest solennitas solennitatum. Ex hac quippe solennitate exemplum nobis Resur-

est ergo ista solennitas, quæ inferni claustra destruxit: & ianuas nobis regna  
cœlestis aperuit; Unde & Augustinus: Alacrior dies illa refulget: non de usi-  
tatis solis circulis illuminata præclariùs: sed de lumine agni resurgentis illu-  
strata



strata sublimius. Hac enim die sol iustitiæ Christus ascendit ab inferis: & idcirco pulsemus cytharam David, canentes: *Hac est dies quam fecit Dominus: exultemus & latemur in ea.* Contemplemur hunc diem, qualem noctem habuerit genitricem. Nox quæ cælum luminaribus imitatur: imò in qua cælum & terra latatur: nox bonæ parturitionis, nox Sanctæ regenerationis, nox de qua dicitur, & nox sicut dies illuminabitur: & ab Ipsa est dies quam fecit Dominus, dies dominicus. Et rectè dies dicitur lucis, in quo fugerunt tenebræ ex *Ps. 138.* citatis. Exclamaverunt qui erant in regione umbræ mortis, quia lux orta est *Dies lucis.* illis: latetur terra, quia novam lucem vidit: latentur & Angeli, quia peccatoribus Dominus claritatem dedit. Contremuerunt inferi, sustinendo splendorem insolitum: & incurvatum est omne genu Christo Domino, cœlestium, terrestrium, & infernorum. Omnia ergo nobiscum hodie triumphat: & Angeli, & Archangeli: ceterique beatorum spirituum ordines nobiscum festa concelebrant. Nos quoque imitamur cantilenam cantantes cantica cœlestia, quæ adhuc humana cantare non potest lingua. Exultemus ergo in Domino, *Exultandum* sed in timore, non remissa securitate. Nam & beatus Joannes præcursor *cū tremore.* exultavit in utero matris: sed vinum non bibit, præcepto Angeli Gabrielis. *Luca 2.* Nos autem qui infirmi sumus, sobriè bibamus: modum non excedamus, ut lætitia nostra cum exultatione nullam sentiat Corporis tempestatem: sed per sobrietatis serenitatem, portum intremus salutarem. Accepimus ieiuniorum palmam, festivitatis non amittamus victoriam: quam nobis tribuat Dominus Christus adiuvando, quia vicit in nobis patiendo: ut digno carmine triumphemus cantantes. *Absorpta est mors in victoria Alleluia.* Ignitam quippe rompheam illam, & paradisi ianuam, quam nullus effringere potuit hac die Christus cum latrone referavit, dicens ad Angelos, *Aperite mihi portas iustitiæ: & ingressus in eas confitebor Domino.* Ex eo nimirum tempore quo passus est Dominus, porta hæc & clausa & referata est. Clausa quidem incredulis & peccatoribus, referata verò iustis & credentibus. Quomodo Mater Domini Maria *Excellentia* inter omnes mulieres principatum tenet, ita & inter ceteros dies hæc *o-tia diei* annuum Mater est. Hæc dies est una de septem, & extra septem. Hæc est *resurrectio:* dies, quæ appellatur octava, unde & in quibusdam psalmorum titulis superscribitur, pro octava. Hæc est dies, in qua synagoga finit, & Ecclesia nascitur. Hæc est in cuius numero octo animæ servatæ sunt in arca Noe. Et *Genes. 7.* quid mihi necesse est infinita replicare? Dies mihi deficiet, si voluero omne *& 8.* diei istius exponere Sacramentum. Hoc tantum dico, quod universa sabbata *Luca 12.* ti gratia, & antiqua illa festivitas populi Iudæorum diei istius solennitate mandata est. Illi in sabbato non faciebant opus servile: nos in die Dominico, hoc est in die Resurrectionis opus servile non facimus. Illi de domibus suis non egrediebantur, & nos de domo Christi non egrediamur. Illi non accendebant ignem in die sabbati: nos è contrario accendamus in nobis ignem Spiritus sancti. De quo igne Dominus, ait: *Ignem veni mittere in terram: & quid volo, nisi ut ardeat;* Desiderat Dominus istum ignem ardere in nobis: Spiritum sanctum fervere, ut non refrigescat charitas Dei. Illis agnus aut hircus, nobis Christus occiditur. Pro quibus universis fratres consona voce pariter cantemus: *hac dies quam fecit Dominus, exultemus & latemur in ea.* Hinc ergo & a nobis Alleluia, decantetur, quod Latine laudate Dominum interpretatur. Laudemus Dominum fratres vita, lingua, corde, & ore, vocibus & moribus. Sic enim sibi dicit vult Deus Alleluia, ut non sit in laudante discordia. O felix Alleluia in cælo: ubi templum Dei sunt Angeli. Ibi enim concordia summa laudantium: ubi nulla lex in membris repugnat legi mentis: ubi non est rixa cupiditatis, in qua periclitent victoria charitatis. Hic ergo Alleluia cantemus, adhuc solliciti, ut illic possimus aliquando cantare securi, quando scilicet hoc mortale Corpus, immortale & incorruptibile factum fuerit: quando tota tentatio perierit. O felix illic Alleluia, o vita segura, o sine adversario, o ubi nemo erit inimicus: nemo perit amicus. Ibi laudes Deo, & hic laudes Deo, sed hic à sollicitis, ibi à securis, hic à morituris, ibi semper à victuris: hic in spe, ibi in re: hic in via, ibi in patria. Modo ergo fratres mei cantemus, non ad delectationem quietis: sed ad solatium laboris. Quomodo



*Beda homil.**1. inter  
activales.**Apoc. 19**Tob. 13.**Gregor.**hom. 22.**in Evangel.**Figura.**Judic. 16**Iona 2.**Psal. 117.*

do solent viatores cantare: canta, & ambula, & cantando laborem consolare. Pigritiam noli amare: sed ambula, & in bona profice. Canta & ambula: noli errare, noli redire, noli remanere. Hæc August. Unde & Beda: Et quam illa vita tota in Dei laude geritur: cessantibus cunctis languoribus, merito quinquaginta diebus in memoriam hujus nostræ quietissimæ ac felicissimæ actionis crebrius ac festivius Alleluia canere solemus: Alleluia namque Hebræus sermo est, & interpretatur Latine, laudate Dominum. Denique in Psalmo ubi nos canimus, laudate Dominum, pro hoc verbo apud Hebræos semper canitur, Alleluia. Quod Evangelista Joannes in Apocalypsi sua cælestium agmina virtutum, cantica se audisse perhibet. Sed & venerabilis pater Tobias, intelligens qualis supernorum civium gloria, quanta ipsius Hierusalem cælestis sit claritas, hæc mystica voce dicebat: Ex lapide precioso, & auro mundo omnes plateæ Ejus sternentur, & per vicos Ejus Alleluia cantabitur. Hæc Beda. Resurge nunc anima mea cum Christo sordido peccati sepulchro: respira iam in spem Resurrectionis, & vitæ perennis: pro amore Dei moriamur in præsentī vita, ut post Resurrectionem vivamus in futura. Quia si pro amore Christi nunc mortuum Corpus portamus: tunc in lætabundo gaudio cum Ipso conregnabimus. Sic ergo curemus interesse festis hominum, ut mereamur etiam interesse festis Angelorum. Unde Gregor. Ecce Paschalia solennia agimus: sed ita vivendum est nobis, ut pervenire ad æterna festa mereamur. Transeunt cuncta, quæ temporaliter festivè celebrantur. Curate qui his solennitatibus interestis, ne ab æterna solennitate sep aremini. Quid prodest interesse festis hominum, si de esse contingat festis Angelorum; Umbra venturæ solennitatis, est solennitas præsens. Idcirco hanc annuè agimus, ut ad illam, quæ non est annua, perducamur. Cum hæc statuto tempore geritur, ad illius desiderium memoria nostra reficitur. Frequentatione ergo gaudij temporalis, ad æterna gaudia mens incalescat & ferveat: ut ex veritate lætitiæ perfruatur in patria quod de umbra gaudij meditatur in viâ. Hæc Gregor. Christus Resurrectionem suam per Samsonem fortissimum olim figuravit: qui civitatem inimicorum suorum introivit: & ibidem nocte dormivit. Et cum inimici portas civitatis custodirent, ut Ipsum mane comprehenderent, & occiderent, Ipse media nocte Surrexit, & portam civitatis secum detulit. Sic Christus urbem Hostium suorum, hoc est infernum, potenter intravit: & destructo eo, media nocte Surrexit. Christus etiam per Jonam Resurrectionem suam præfiguravit: quem in ventre ceti per triduum vivum conservavit: & post triduum cetus Ipsum de ore in terram vivum emisit. Fuit etiam Resurrectio Christi præfigurata per lapidem, quæ reprobaverunt ædificantes templum Domini. Qui cum ab Ejs propter ineptitudinem abjectus esset: tandem consummato templo, cum lapis Angularis poni deberet, quod in se duos parietes compleret, non est inventus lapis ad hoc aptus: nisi ille qui ab ædificantibus erat reprobatus. Christus erat lapis reprobatus, in sua passione: & factus est Ecclesiæ lapis angularis, in sua Resurrectione. Tunc adimpleta est illa prophetia David, *Lapidem quem reprobaverunt ædificantes*, & cætera: & ideo Ipsa cantatur in festo Resurrectionis. Lapis iste duos parietes in templo Domini coadunavit: quia Christus de populo Gentili & Judaico unam Ecclesiam ædificavit. In hoc ædificio pro cæmento usus est suo sanguine: & pro lapidibus, suo sacratissimo Corpore.

## QVOMODO DOMINUS IESUS APPARVIT Matri suæ. Cap. LXX.

**E**Adem autem hora, scilicet summo mane, Maria Magdalenz, & Maria Jacobi minoris Mater: quæ etiam appellatur Maria Joseph: scilicet Mater, qui fuit frater Jacobi: & unus de septuagintaduobus discipulis: & ab Apostolis cum Matthia statutus: & quandoque Maria Cleophæ, scilicet filia appellatur: & Maria Salomæ, scilicet filia, quæ etiam Mater filiorum Zebedæi vocatur: & cæteræ quæ cum Ejs erant: licentia prius petita à Domina,

cape-



ceperunt ex devotione & fide, quam ad Dominum habebant, ite cum un-  
guentis ad monumentum ad inungendum Corpus Dominicum. Domina au-  
tem remansit domi, vacans interim lachrymis & orationi. Et pulchrè hæ mu-  
lieres uno censentur nomine: ut quibus una erat voluntas, parq; desiderium,  
unum esset vocabulum. Ubi sciendum, quod tres sunt status hominum sal-<sup>Satus peni-</sup>  
vandorum, quorum quilibet querit Christum, & extra hos nemo salvatur: <sup>tentum.</sup>  
scilicet incipientium, proficientium, & perfectorum: sive, penitentiam, acti-  
vorum, & contemplativorum. Et hi tres status signantur per tres Marias, quæ  
quarebant Dominum, quantum ad triplicem nominis Mariæ interpretationem.  
Status penitentium signatur in Maria Magdalena: quæ famosa peccatrix fuit <sup>Magdalena</sup>  
rat, & penituit. Et licet alibi per Ipsam accipiat vita contemplativa: ut <sup>penitentia</sup>  
tamen Marcus hic de ea loquitur, dicens: Maria autem erat, de qua eiecerat <sup>primiceria.</sup>  
septem demonia: sic inter penitentes reputatur: imò Ipsa in Evangelio pri-  
miceria penitentium fuisse dignoscitur. Et secundum hoc bene convenit ei  
nomen Maria: prout interpretatur mare amarum, secundum etymologiam  
Latinam: vel secundum derivationem Hebraicam, à vocabulo amara, quod  
Latinè est amara. Unde Ruth: *Non vocetis me Noemi, id est pulchram, sed vo-* <sup>Ruth 1.</sup>  
*cat me Mara, id est amaram, quia amaritudine valde replevit me Dominus.* Quod  
verificabatur in Maria Magdalena, quando ante pedes Domini lachrymis la-<sup>Mat. 26.</sup>  
vit maculas criminis. Sic & Petrus penitens fleuit amare. Unde cuilibet  
animæ verè penitenti, dicitur illud Threnorum, *Magna est, velut mare, contri-* <sup>Thren. 2</sup>  
*tio tua filia Sion.* Status verò proficientium & activorum, signatur in Maria <sup>Status pro-</sup>  
Jacobi, quæ fuit Mater Jacobi minoris. Ad proficientes enim pertinet sup-<sup>ficientium.</sup>  
plantare vitia, & luctari in exercitio spiritali virtutum. Cui convenit alia  
interpretatio Mariæ: prout interpretatur Domina, Syriacè. Quia enim pro-  
ficere volentes, sunt in continuo conflictu, propter pronitatem ad malum, &  
difficultatem ad bonum: necesse est proficientes dominari passionibus per ra-  
tionem, ne tentationibus cedant: ex qua lucta, quoniã videlicet ratio prædo-  
minatur sensualitati, generantur virtutes: *nam virtus in infirmitate perficitur.* <sup>2 Cor. 12</sup>  
Status aut perfectorum, & contemplativorum signatur in Maria Salomæ quæ <sup>Status per-</sup>  
fuit Mater filiorum Zebedæi, scilicet Jacobi Majoris, & Joannis: hæc postu-<sup>fectorum.</sup>  
lavit filiis suis regnum: sic perfecti & contemplativi non occupantur, nisi <sup>Mate. 20.</sup>  
circa regnum Dei: imò Ipsi in se habent regnum Dei, & hic prægustant quo-  
dammodo regnum cælorum. Unde etiam Salome, interpretatur pacificans: <sup>Salome.</sup>  
nam in hac vita nulla pax est homini, nisi in actu contemplationis. Et huic  
consonat tertia interpretatio nominis Mariæ, prout interpretatur, illuminata. <sup>Esa. 60.</sup>  
Unde animæ contemplativæ dicitur illud Esaia: *Surge, illuminare Hierusalem:* <sup>quia venit lumen tuum.</sup>  
Quælibet istarum Mariarum, habet sua aromata & un-  
guenta. Penitentium aromata sunt, dolor contritionis, pudor confessionis, <sup>Aromata</sup>  
& labor satisfactionis: ex his conficitur unguentum, quo libenter ungitur Do-<sup>trium Ma-</sup>  
minus. Conficitur aut hoc unguentum ex Myrrha, aloe, & thure. Per Myr-<sup>riarum, ac</sup>  
ham, quæ valde amara est, significatur amaritudo contritionis. Per aloes, <sup>statuam.</sup>  
quod etenim amarum est, & valet contra retentionem menstruorum: id est,  
peccatorum: significatur verecundia confessionis. Per thus, cujus odor cum  
fumo ascendit, significantur opera satisfactionis; quæ per rectam intentio-  
nem in Deum diriguntur. Sed ex his tribus non conficitur bene unguentum, <sup>Unguentum</sup>  
nisi apponatur oleum misericordiæ divinæ sine qua omnis penitentia est inef-<sup>salubre.</sup>  
ficax. admixto autem hoc oleo, optimum unguentum efficitur: & tale fuit  
unguentum Mariæ Magdalene, quæ omnes partes penitentiae perfectissime  
implevit, assistente sibi misericordia Salvatoris: ut patet in Evangelio. Ipsa  
etenim lachrymas copiosè effudit, ex amaritudine contritionis: convivantes  
non erubuit, ex pia impudentia confessionis: pedes Domini lachrymis lavit;  
capillis terfit, osculabatur, unxit & se totam Christi obsequio devovit, & im-  
pendit: & hoc ex immenso affectu satisfactionis. Proficientium aromata sunt, <sup>Aromata</sup>  
patientia, humilitas, perseverantia, seu longanimitas: ex quibus conficitur <sup>proficientium</sup>  
unguentum activorum. Et hoc unguentum intrant Myrrha, & gutta, & ca-  
fia, quæ fluunt à veste vitæ Christi. Myrrha bona est in omni unguento: & Myrrha  
ideo licet posita sit in unguento penitentium, convenienter etenim ponitur <sup>virtus.</sup>



etiam in unguento proficientium, & ponetur etiam in unguento perfectorum: Myrrha enim arcet vermes: sic patientia arcet vermes, qui mordere solent cor patientis, non contra iniuriantem dolore mordeatur. Et hac patientiâ maxime opus est, proficere volentibus exercitio spirituali: quia (secundum Gregorium) virtutes inter pressuras passionum, & puncturas tentationum crescunt. Per guttam autem, quæ & aromatica dicitur, significatur humilitas: quia gutta pellit omnes inflatas & tumores: sic humilitas curat cordium duritias. Hac etiam opus est proficientibus: quia (secundum Greg.) origo virtutis est: & ideo illa in nobis virtus veraciter pullulat, quæ in radice propria, id est in humilitate perdurat: à quali abiicitur, aredit: quia vivificantem se in infimis humorem perdit. Per casam, quæ & fistula dicitur, significatur perseverantia seu longanimitas: ut videlicet quis in exercitio spirituali non frangatur desperatione aut tadio: nec statuat sibi terminum in profectu, sed semper tendat ad melius sine termino, quam in spirituali profectu non est status. Casia enim in aquosis nascitur, & crescit in immensum, sic bonus proficiens aquis diynarum gratiarum fecundatus, crecit in immensum, de virtute in virtutem, & nunquam cessat donec videat Deum deorum in Sion. Sed & hæc aromata non bene conficiuntur, si non apponatur oleum lætitiæ, ut videlicet homo lætitiâ spiritualement habeat in bonis operibus suis, & illam ponat in corde atq; conscientia sua, non in laudibus hominum. Et istud est unguentum Mariæ Jacobi, quæ habuit quatuor filios, scilicet Jacobum, quod interpretatur supplantans scilicet passionem per patientiam. Simonem, qui interpretatur obediens per humilitatem. Ioseph, qui interpretatur augmentum vel appositio per longanimitatem: & Judam, qui interpretatur glorificans, scilicet Deum, per spiritualement lætitiâ. Perfectorum vel contemplativorum aromata, sunt carnis omnimoda mortificatio, deifica conversatio, & charitatis perfectio: ex quibus fit unguentum suavissimi odoris, quod intrant Myrrha, cinnamomum, & balsamum. Per myrrham enim accipitur totalis mortificatio carnis, quæ convenit perfectis. Nam pœnitentibus conveniebat myrrha, mortificans peccata per amaritudinem contritionis: proficientibus conveniebat myrrha, mortificans passionem: vermem scilicet remordentem, contra tolerantiam passionum: sed perfectis convenit myrrha mortificans carnem à petulantia rebellionis: ne videlicet caro in aliquo rebellet spiritui. Et hæc est myrrha, electa prima & probatissima, de qua dicitur in Canticis: *Manus meæ distillaverunt myrrham, & digiti mei pleni sunt myrrhâ probatissimâ.* Manus enim, id est opera pœnitentium & activorum, distillant quidem myrrham, ut dictum est, sed digiti, id est subtiles & spirituales exercitationes contemplativorum, sunt pleni myrrhâ probatissima. Probata quippe est myrrhâ pœnitentium, probatior proficientium, sed probatissima est cōtemplativorum, & perfectorum. Per cinnamomum accipitur deifica conversatio: Cinnamoni enim cortex, cū frangitur, spiramentum visibile reddit ad modum nebulae, vel pulveris: & valet ad bonum odorem oris: sic perfectus si frangitur vituperatione, vel iniuria corporali, molestia vel invidia, laborum frequentia, vel quæcūque accidunt adversa, semper spirat visibiliter odorem deificæ conversationis: & emittit odorem dulcis responsonis. Per balsamum, charitas perfecta intelligitur, quæ foras mittit timorem: & omne cum quo Ipsa stare non potest. Balsamum enim purum & non adulteratum, corpora à corruptione conservat: sic ubi charitas pura & perfecta, ibi nulla corruptio hominis interioris: quia (secundum Aug.) habere omnia Sacramenta, & malus esse quis potest: habere autem charitatem, & malus esse non potest. Sed ex istis perfectorum aromatis, non fit unguentum sine admixtione olei divinæ dulcedinis, quæ semper prædicta tria comitatur: quod oleum degustaverat propheta, cum dicebat: *quam magna multitudo dulcedinis tuæ, &c.* Et istud est unguentum Mariæ Salomæ: quæ fuit filia Salomæ, uxor Zebedæi, & Mater Jacobi majoris, & Joannis. Per Jacobum majorem, intelligitur totalis supplantatio, vel mortificatio hominis exterioris. Per Salomæ, intelligitur deifica conversatio, quæ non est nisi in homine bene intra se pacificato. Per Joannem, charitas intelligitur: quia erat præ cæteris à Christo dilectus: sed per Zebedæum, qui interpretatur fluxio, intelligi potest divina dulcedo, quæ talis anima fluit, & affluit delictis internis.

Itaque



Itaque qualibet anima, pro statu suo debet istas mulieres imitari, & cum istis ungentis Jesum quærere & ungere, ut scilicet instanter poenitentiam faciat, viriliter tentationes sustineat, pacificè ad proximum se habeat. Ista enim tria faciunt apparere Jesum: & cuilibet secundum statum suum: secundum Bernar. Bernardus. dum. Moraliter per istas tres mulieres, signantur in justo quolibet mens, lin-ferm: 15. gua, manus, quæ habent valde preciosa unguenta. Mentis unguenta tria, ex p. 15. contritio, compassio, & devotio. Primum, scilicet contritionis, conficitur ex sermonibus vilissimis speciebus: scilicet ex peccatis, quæ crescunt in nostro horto proprio. Moraliter. Secundum scilicet compassionis, conficitur ex amarissimis speciebus, scilicet ex Unguenta proximorum miseriis, quæ crescunt in horto alieno. Tertium, scilicet devo- tria mentis, tionis, conficitur ex preciosis speciebus, scilicet ex Christi beneficiis, quæ crescunt in horto Dominico. Lingvæ unguenta sunt tria, oratio devota, confessio integra, prædicatio vera. Primum, scilicet orationis, conficitur, in her- Unguenta bis, quæ sunt, intentio recta, attentio firma, affectio p. 2. Secundum, scilicet tria lingvæ, confessionis, conficitur ex herbis: quæ sunt, pudor commissi, dolor amissi, timor supplicii. Tertium, scilicet prædicationis, conficitur ex herbis, quæ sunt, fidei instructio, morum informatio, vitiorum increpatio. Manus unguenta, sunt septem milericordiæ opera, de quibus est iste, verus.

*Colligo, poto, cibo, redimo, tego, visito, condo.*

Qui autem vult prædicta aromata & unguenta habere, oportet ea emere. Ille enim qui emit, dat de suo & accipit de alieno, sic in operibus virtuosis oportet aliquid ponere de nostro scilicet voluntatem, & aliquid recipere à Deo, scilicet operandi facultatem: vel à Deo recipimus gratiam prævenientem, de nostro apponimus voluntatem subsequenter. Quamvis ergo multæ: aliæ mulieres Dominum sequerentur, istæ tamen præcipue venerunt: quia Christo plus obligatæ erant ex eo, quod plura beneficia ab eo receperant. Maria enim Magdalena multum Christo tenebatur, quia ab ea septem demonia eiecerat. Maria autem Jacobi, & similiter Maria Salomæ Christo multum tenebantur: quia nepos earum erat, tum quia filios suos cardinales, idest Apostolos fecerat. Sed mirum videtur quod Beata Virgo cum istis mulieribus ad monumentum non ivit: sed domi remansit. Super hoc autem possunt: tres causæ assignari. Una quia Mater sepulchrum Filii sine magno dolore videre non potuisset, & maxime recenter sepulti. Si enim sepulchrum Filii vidisset, quasi doloris gladius animam ejus perforasset. Et satis probabile est, quod si ire voluisset, Joannes ejus custos hoc non permisisset: imò etiam ceteri Apostoli dixissent Joanni, nullo modo illic eam ire permittas: quia si ierit, tamen ibi flebit & se mactabit ac fere occidet. Secunda causa, quia in paratceve & Sabbato tantum fleverat & tantum se mactaverat, quod etiã sustinere se non posset: ut enim Bernard: oportuit quod inter manus discipulorū tanquā semiviva de Cruce ad domū propriam portaretur. Unde & August: Illa pia Mater immuni dolore ejulans: & pectora delicata contundens, ita viscera omnia fatigaverat & membra, ut jam sensu deficiens vix potuisset ad funus Christi pervenire. Tertia causa est, quia prædictæ mulieres putabant Corpus Christi adhuc in monumento esse, & volebant (prout antiquitus consuetudo erat) ipsum Corpus inungere: ut conservaretur à fatore, & à vermium corrosione, & ab incineratione: sed erant deceptæ, quia Corpus Christi erat Deitate imbalsamarum: & ideo si per decem milia annorum in terra latuisset, non potuisset putrescere, nec incinerari, nec à vermibus corrodii. Beata autem Virgo scivit quod ibi non erat, sed quia jam immortalis & incorruptibilis surrexerat: & ideo illuc ire volebat, sicut nec poterat. Ipsa itaq; ex quo unigenitum Filium suum teneri, flagellari, & crucifigi vidit, delicatis manibus delicata pectora tundens: & se nimio dolore vigiliisq; & jejuniis affligens: jam viribus pariter & spiritu attenuata, & alicubi sola in secreto domus sedebat, & de his quæ sibi acciderant calamitatibus, lamentabatur & flebat. Domina igitur orante, & lachrymas dulciter emittente, ecce subito venit Dominus Jesus in albis vestibus gloriæ & resurrectionis novitatis suæ: vultu sereno, speciosus, gloriosus, & gaudens, ac Matri desolata & merenti totus festivus apparens. Ac illa adorans & surgens cum la- Apparatio facta a Maria Matri, chrymis,

*Maria cur ad monumentum non venit.*

*Augustinus epist: 57.*



chrymis, præ gaudio Eum amplexatur: & tota acerbitas mæroris in lætitiâ vertitur. Postea confedentibus eis pariter, curiosè intuebatur eundem in vultu & cicatricibus per totum: diligenter quærens si omnis pæna transisset, & omnis dolor ab Eo discessisset. O quantò gaudio Mater implebatur, cum Ipsa natum impassibilem intuebatur: non solum in æternum victurum, sed & Cælo & terræ, omniq; creaturæ perenni jure dominaturum. Stant igitur & colloquuntur ad invicem gaudentes, ac Pascha delectabiliter & amanter ducentes. Et narrat ei Dominus Iesus qualiter populum suum liberavit de inferno, & quæ fecit in illo triduo. Ecce igitur nunc magnum Pascha. De hac apparitione qua ante cæteros Virgini gloriosæ apparuisse creditur, nihil in Evangelio habetur: sed ideo ipsam posui, & ante alias præmisi, quia sic pium est credere: prout in quadam legenda de Resurrectione Domini plenius continetur. Dignū namq; erat ut Matrem præ cæteris visitaret, & de resurrectione sua prius lætificaret quæ præ cæteris plus dilexit, ejus amoris desiderio plus afficiebatur: plus de ejus morte doluit, plus dolore afflicta, ejus resurrectionem expectavit. Et licet hoc ab Evangelistis subtrahatur: piè tamen sic creditur. Unde & Romana Ecclesia hoc comprobare videtur, quæ statim ipsa die apud Sanctam Mariam majorem Romæ celebrat stationem: per hoc innuens, Beatæ Mariæ primò factam apparitionem. Quid enim si Evangelistæ hoc non dicant? Non enim, ut ait Joannes, omnia ejus facta scripta sunt. Nam si hoc ideo non creditur, quia nullus Evangelistarum testatur: consequens est, ut post resurrectionem nunquam sibi apparuerit, quia ubi, vel quando, nullus Evangelista edisserit. Sed absit ut talem Matrem, talis Filius, tali & tanta negligentia dehonorerit: qui Patrem Cur Evange. & Matrem honorari præcepit. Sed ideo forsitan hoc Evangelistæ subtraherunt, listæ non scripsi quia eorum fuit officium solummodo resurrectionis testes inducere. Matrem pserint hanc autem ad testificandum pro Filio suo inducere non decuit. Si enim verba apparitionis extraneorum mulierum deliramenta sunt visa: quomodo non magis Matrem, pro honore Filii crederent delirare? Hoc igitur Evangelistæ scribere noluerunt: Ambrosius sed pro constanti reliquerunt. Hoc etiam testatur Ambrosius: dicens: Vidit lib: 3. de, Maria resurrectionem Domini: prima vidit, & credidit. Vidit Maria Magda- Virginibus. lena, quamvis adhuc ista nutaret. Unde & Anselmus: At si aliquis quærit, Ansel: de cur Evangelistæ non referant Ipsum piissimum Dominum à morte resurgentem excellentia huic dulcissimæ Matri, ut Ejus dolores mitigaret, primò ac præcipuè apparuisse B. Virginis dicimus, quod à quodam sapiente de hoc ipso sciscitantes audivimus. Ait ergo: cap: 6. Tanta scitur autoritas narrationis Evangelistæ, ut nihil in ea dependens, vel inane, vel superfluum reperiatur. Itaque si Matri, si Dominæ mundi ipse Filius Ejus ab inferno resurgens scriberetur, sicut aliis apparuisse: Eamq; de sua resurrectione docuisse: quis non tale scriptum superfluum diceret? Regnam videlicet Cæli & terræ, omnisque creaturæ, coæquaret illi vel illi quibus apparuit, viro vel mulieri. Spiritus Ejus plenè atque perfectè Illā quiescebat: qui sibi & esse illius, & omnia facta ejus, & luce clarius revelabat: & Evangelistæ scriberent, tunc vel tunc, illi talem vel talem semet exhibuisse. Hæc Anselmus. Unde etiam Sedulius: Semper Virgo manens, hujus se visibus adstans Luce palam Dominus prius obtulit. Dicit etiam Ignatius, quod primò Dominus apparuit Matri suæ post resurrectionem: & consolabatur Eam: ex quo tanto fuit repleta gaudio, quod oblita fuit omnis doloris quem habuerat de sua passione. Quod ergo infra dicitur apparuisse primò Mariæ Magdalenz: intelligitur inter eos, quibus voluit suā resurrectionē probare, Matri enim Virgini primò omnium apparuit: non ut resurrectionem suam probaret, sed ut Eam de vita suo lætificaret.





QUOMODO MARIA MAGDALENA

& Aliæ Mariæ, & Petrus, & Joannes venerunt ad monumentum. Cap: LXXI.

**V**espere igitur Sabbati, idest nocte sequente Sabbatum: Nomine enim *ve-* *Matth: 28.*  
*lperis,* (quod principium noctis est) significat noctem, scilicet à parte *to Mar: 26.*  
*rum:* & ideo mutat genus, referens ad sensum non ad nomen: & ait *qua* *sci-Luca 24.*  
*licet nox luceat,* idest, lucefcere incipit: *in prima Sabbati,* idest, prima die *Joh: 20.*  
 post Sabbatum, seu prima die septimanæ, quæ apud nos dominica dicitur:  
*valde diluculo,* & *mane orto jam sole,* idest ortu suo jam Cælum illustrante:  
 quamvis, nondum appareret terris, raris adhuc tenebris existentibus: hoc est  
 jam rubefcente aurora, & Cælo ab Orientis parte ob solis viciniam jam albe-  
 scente: aurora enim media est inter tenebras noctis, & perfectam lucem di-  
 ei: & ideo tanquam medium ab utroque extremo potest nominari, *Maria Ma-*  
*gdalena & alia* duæ Mariæ iverunt, & *venerunt ad monumentum cum unguentis* ex  
 devotione. Ubi sciendum, quod sicut Gentiles denominabant dies totius se- *Dierum de*  
 primanæ à nominibus deorum suorum, scilicet planetarum: ut à luna, diem lu- *nominatis,*  
 næ: à Marte, diem Martis, & sic de aliis: ita Judæi, quia dies Sabbati apud  
 eos sollemior habebatur, Sabbatum sic nominabant absolute, propter reveren-  
 tiam illius diei: & ab eo tanquam à digniori omnes alios dies nominabant: ita  
 quod dies immediate sequens Sabbatum, dicebatur prima Sabbati, idest, pri-  
 ma post sabbatum. Alia, secunda Sabbati, & sic consequenter: & quia He- *Numeralia*  
 bræi & Græci nominibus numeralibus, pro ordinalibus nominibus utuntur: *pro ordinali*  
 ideo unum apud eos, in ordine dierum significat primum. Unde in *Genesi: 1*  
*dicitur: Factum est vespere & mane dies unus:* idest, primus: & ideo consequen-  
 ter ibi subditur secundus, & tertius, & sic de aliis. Unde Lucas dicit, *una*  
*Sabbati,* idest prima die post Sabbatum, vel prima die septimanæ: quia enim  
 Sabbatum apud Hebræos, non tantum diem principalem: à quo septimana apud  
 eos incipit: sed etiam septimanam, ex prærogativa Sabbati, denominat, ut i- *Lucæ 18.*  
*bi, jejuno bis in Sabbato,* idest, in hebdomada: ideo etiam cum dicitur prima,  
 vel una Sabbati, potest intelligi prima die septimanæ, vel hebdomadæ: quæ  
 apud nos propter dominicam resurrectionem vocatur Dominica, à qua etiam a-  
 pud nos incipit septimana. Nobis enim celebritas veteris Sabbati, conversa  
 & translata est in Dominicam, quæ cæteris diebus celebrior est, propter Domi-  
 nicæ Resurrectionis sanctitatem, gaudium, & reverentiam. Latini verò,  
 seu Romani, & Ecclesia modo dies vocant ferias: diem Dominicam vocantes  
 feriam primam: diem lunæ, secundam: & sic de aliis usque ad Sabbatum.  
 Et vocatur feria à feriare quod est cessare, vel à feriendis victimis: quia *Feris,*  
 omni die feriare, idest à peccato cessare, & victimas ferre, & offerre debemus.  
 Mulieres ergo istæ venerunt ita mane, quod adhuc tenebra erant, ut dicit Jo-  
 annes: & secundum Lucam venerunt diluculo, quæ est claritas media inter no-  
 ctis tenebras & diei claritatem, quæ aurora appellari solet. Et secundum  
 Marcum, venerunt orto jam sole. Et potuit esse ad literam, quod valde ma-  
 ne, cum adhuc tenebræ essent, venire cæperunt: diluculo autem venerunt:  
 sed orto jam sole, ad monumentum pervenerunt. Et nota, quod non sine  
 mysterio Evangelistæ sic diversimodè loquuntur de isto mane: sed omnes con-  
 cordant in hoc quod fuit mane. Nam ut patet ex præmissis Evangelium istud, *Tres statas,*  
 mysticè procedit, secundum tres status Electorum, per tres Marias significatos:  
 quod enim Joannes dicit, cum adhuc tenebræ essent, respicit statum incipien-  
 tium, quod verò Lucas dicit diluculo: respicit statum proficientium, sed quod  
 dicit Marcus, orto jam sole: respicit statum perfectorum. Debent ergo fide-  
 les quærentes Christum, quilibet pro statu suo mane venire, quod est contra  
 pigros. Debent etiam venire una Sabbatorum, per quod quies & pax cordis  
 significatur: Sabbatum enim quies interpretatur, quod est contra discolos &  
 discordes. Debent etiam venire ad monumentum, & ibi quærere Dominum.



*Monumentum*, Monumentum est mens humana. quantum ad quemlibet statum. Nam cor penitenti- panitentium dicitur monumentum, ratione luctus, qui circa monumenta fieri solet: & poenitentium est iugere, & flere super seiplos. Proficientium autem *um cor*. cor dicitur monumentum, ratione operis misericordiae: quod in speliendo mor- *Proficientium*. Contempla- tivos exercetur: & activorum est insistere operibus misericordiae. *tivorum*.

tivorum verò cor monumentum dicitur, ratione quietis dicuntur Enim Corpora quiescere in monumentis, & quies maxime ad contemplativos noscitur pertinere. In tali ergo monumento pro quolibet statu, recte queritur Christus. Debet etià obstacula impediencia remove, quæ intelliguntur per lapidē magnū, ad ostium monumenti advolutū: & per Angelū (ut statim infra patebit) revolutū. Nam in quolibet statu est aliquis lapis obstans, ne quis possit intrare in intima mentis: & exercere actus suo statui cōptentes. Lapis obstans penitētibz, est pronitas ad malū. Lapis obstans proficientibus, est difficultas ad bonū: sed lapis obstans contēplativis, est materialitas specierum. Sed iste lapis pro quolibet statu, plerūq; removetur ad solū desiderium animæ piæ quærentis, per gratiā Spiritus S. Felix Maria, idest anima, quæ ad sepulchrū Christi venit videre, per meditationē: plangere per cōpassionē: ungere per devotionē. Imitemur ergo & nos easdē sanctas & devotissimas mulie-

*Maria fuit* res: ut sicut illæ cū aromatibus Domū toto corde, ac desiderio quærebant in se- nobis imi- pulchro (quod est proprius mortuorū locus) ita & nos cū nostris aromatibus, scili- tunda. cet operatione bonorū operū, & odore virtutū, svavitatēq; orationū, toto affectu mētis ad Deū, per S. desideria proficiscamur, & quæramus Eū nō in sepulchro, sed

*Gregorius* in Cœlo quod ipsum ascendisse credimus, atq; novimus. Unde Greg: Sanctæ mu- *hom: 21.* lieres, quæ Dñm fuerant secutæ, cum aromatibus ad monumentū venerunt & ei in Evāgelia quæ viventē dilexerant, etiā mortuo studio humanitatis obsequuntur. Et nos ergo in Eum qui est mortuus credentes, si odore virtutū relecti cum operatione bonorū operū Dñm quærimus: ad monumentū profectō illius cum aromatibus venimus:

*Mysticè mo-* Hæc Greg: Mysticè monumentū, est Corpus Dominicum, ad quod accedere nemo *numentum* debet, nisi una Sabbati idest in pace & quiete pectoris, & valde diluculō: idest, eū *quid.* fervore. Mane enim significat fervorē quærendi: vel diluculō, idest excussis vi- tiorū tenebris per luceſcentē gratiā portans armata operationis & famæ bonæ. Qui

*Beda in cap:* aliter accedit, caveat sibi, ne iudiciū manducet & bibat. Unde Beda: Quod autē *ult: Marci.* valde mane venerunt mulieres ad monumentū: juxta historiā quidē magnus quæ- rendi & inveniendi Dñm fervor charitatis ostēditur. Juxta intellectū vero my- sticū, datur nobis exēplū illuminata facie decussisq; vitiorū terebris ad sacrosanctū Dñi Corpus accedere. Nā & sepulchrum illud venerabile figurā Dominici altaris habet in quo carnis ejus & sanguinis solēt mysteria celebrari. Aromata autē, quæ mulieres deferūt odorē virtutū & orationū svavitatē, quibus altari appropinquare

*Mulier* debemus, significat. Hæc Beda: Mulier ergo quæ prima ivit ad culpā, nūc prima *prima appe-* venit ad veniā & quæ prima perfidiā sūpsit in paradiso, festinat nūc prima fidē su- *ritio facta,* mere de sepulchro: contendit de morte rapere vitā, quæ de vita rapuit mortem.

Quod autē Dñus diluculō surrexit, huic cōsentit autoritas illa quæ dicit, Dñm quadraginta horis fuisse mortuū, & totidē diebus ante ascensionē post interra mo- ratū: quia quatuor horis pasceves, & triginta sex duarum noctiū & unius diei: quod Ecclesia cōsentire videtur, quæ matutinas laudes celebrat, pro Christi resur-

*Diluculum* rectione. Unde Petrus cantor: Valde mane, dicit diluculō. Diluculū enim est in- *quid est.* ter tenebras noctis & diei claritatē: in qua salus humani generis felici vicinitate prævenit in Ecclesia declarando: more solis, qui proxima luce consurgens, roseam præmittit aurorā: ut tantas splendor præparatis oculis possit intueri quoniā tēpus Dominicæ resurrectionis illuxit: ut tūc scilicet diluculō laudes Christi tota caneret exēplo sanctorū faminarum Ecclesia: quoniā genus humanū exemplo suæ re- surrectionis animavit, quando fidem præstitit, & lumen credulitatis infudit.

*August: lib:* Ergo Christus mane & vicino ortu solis surrexit, secundum August. qui dicit *3. de consen-* Dñm tantum quadraginta horis quievissē in sepulchro, sexta hora pasceves *su, cap: 24.* passum: & ita cum esset equinoctium, diluculō surrexit. Econtra Hieronimus *Hieronim:* dicit Dominum surrexisse media nocte, legitur enim in libro Judicium, tunc *in cap: 16.* Sampsonem asportasse portas Gazæ usq; in supercilium montis. Solutio autem

*Marci.* contrarietatis est, quod in tempore medio inter diluculū & mediā noctē surrexit. *Judic: 16.* Hæc



Hæc Petrus. Dum ergo mulieres ad monumentum euntes essent extra portam Civitatis, revocabant ad memoriam afflictiones & pœnas sui Magistri & Domini: & in omnibus locis in quibus contra ipsum notabiliter aliquid factum fuerat, aliquantulum subsistebant, genu flectentes, & osculantes terram, gemitus & suspiria dantes, atq; dicentes: Hic obiavimus Ei cum cruce super collum, quando Mater Ejus semimortua facta est, & hic se vertit ad mulieres, hic crucem deposuit fatigatus, & super isto lapide se parumper appodiavit: hic fuit ubi sic crudeliter & fortiter Eum impulerunt, ut velocius ambularet: & Eum quasi currere coegerunt: hic spoliaverunt Eum & nudaverunt, & hic Eum crucis patibulo affixerunt: & tunc cum magno clamore & inundatione lachrymarum procidentes in facies suas adoraverunt: & osculata sunt crucem, adhuc pretioso sanguine rubricatam. Deinde surgentes, & versus sepulchrum euntes, cum texus sui fragilitatem considerarent: & magnitudinem lapidis recolerent, qui tam magnus fuisse fertur, ut vix à viginti hominibus moveri possit: dicebant adinvicem, & colloquentes se mutuo interrogabant, *quis revolvat nobis lapidem de ostio monumenti?* ut scilicet possimus in illud ingredi. Quasi dicerent, non possumus per nos ipsas revolvere: quia erat magnus valde. Sed quævis talia dicerent: non tamen ab incepto itinere cessabant: credentes Domino esse possibile, quod humanæ fragilitati videbatur impossibile. Et respicientes viderunt revolutum lapidem, per Angelum qui præbens Domino suo obsequium, venerat ad manifestandum Christi resurrectionem jam factam: & ipsum Angelum Domini sedentem super lapidem extra monumentum. Monumentum potest dici scriptura in qua Dominus olim jacuit multis figuris occultatus: sed post resurrectionem Angelus magis consilii scripturæ difficultatem aperuit. Unde secundum Bedam. Revolutio lapidis Mysticè revolutionem Sacramentorum Christi, quæ velamine literæ legalis tegebatur, insinuat: lex enim in lapide scripta fuit: & ideo per lapidem designatur. Et secundum eundem Angelus sedebat super lapidem, quod ostium monumenti clauderat: ut claustra inferorum sua ipsum Dominum virtute deiecit doceret. Moraliter hic lapis designat pœnitentiæ pondus: ad quod aspicientes incipientes ad DEUM cōverti, timere incipiunt, ne possint inchoantem pœnitentiam consummare: ideo dicunt ingemiscientes. *Quis revolvat nobis lapidem ab ostio monumenti*, id est; à corde in quo Christus afflatus sepeliri. Sed non diffilere & retrocedere, sed cū his mulieribus debet cominus procedere, & videbunt quamtotius lapidē revolutum: descendet enim Angelus de Cælo, id est, gratia Spiritus Sancti, quæ lapidem atovebit: quia totum pondus pœnitentiæ sublevabit. Ipse enim ait: *Jugum meum suave est, & onus meum leve*, scilicet gratia DEI. Et in-  
troeuntes ab Oriente, in monumentum, id est; intra clausuram & domunculam rotundam, quæ erat circa sepulchrum: viderunt alium Angelum, sedentem à dextris: sepulchri JESU, stola candida coopertum, & obstupuerunt, præ gaudio & admiratione tantæ visionis. Viderunt enim juvenem ipso habitu corporis juvenilis præcedentem immortalitatem resurrectionis, in qua renovatur ut aquilæ juvenis, & nemo senescit, sedentem in dextris, id est; ad meridiana partem loci illius, ubi corpus positum fuerat, hoc quippe in dextris JESU erat. Corpus enim Domini, quod supinum jacens habebat caput ad occiden-

Ttttt

ciden-



Sepeliendi  
mos.

cidentem, & pedes ad Orientem, dextram manū necessariò habebat ad Meridiem, & sinistram ad Aquilonem. Ex quo tempore consuetudo excrevit Christianorum, ad hanc similitudinem corpora sepeliri defunctorum. Viderunt, inquam, sedentem in dextris, coopertum stola candida, id est; alba candente, propter gaudium resurrectionis, & obstupuerunt, præ admiratione tantæ visionis. In dextris & in albis Angelus apparuit, quia dexteram perpetuam vitam designat, & candor vestis, splendorem solennitatis denunciat. Unde

Gregor. homil. 21. in Evangelia  
Stola candida.

Gregor. In dextera sedebat, qui stola candida coopertus apparuit: quia & suæ & nostræ festivitatis gaudia nunciavit. Illa enim Domini resurrectio, & nos ad immortalitatem reduxit, & Angelorum numerum restituens, Cœlestis Patriæ damna reparavit. Hæc Gregorius. In stola etiam candida Angelus apparuit: ad designandum puritatem vitæ, quam post baptismum quisq; debet observare. Unde & vestis alba in baptismo traditur, in signum gloriolæ resurrectionis, ad quam per baptismum pervenitur. Sic ergo duo erant Angeli, propter testimonii sufficientiam, quia in ore duorum, vel trium stat

Resurrexit  
clauso monumento.

omne verbum. Jam quidem terræ motus factus erat Domino resurgente, & monumento clauso egressus erat JESUS ante revolutionem lapidis, sicut intravit ad Discipulos januis clausis, sed post egressum accedens Angelus revolvens lapidem, ut sepulchrum vacuum ostenderet, ac resurrexisse Dominum, & egressum Ejus jam factum indicaret. Non enim indiguit in resurrectione auxilio Angelorum, qui propria Virtute claustra dissipavit inferorum. Unde

Chrysostomus  
homil. 84. in Joann.

Chrysostomus. Cujus gratia igitur venit Angelus, & levavit lapidem post resurrectionem? propter mulieres. Ipsæ enim viderant Eum in sepulchro. Ut igitur credant, quoniam surrexit, vident sepulchrum corpore vacuum, propter hoc utiq; abstulit lapidem. Unde

Beda in cap. 16. Marci.

de & Beda. Angelus revolvit lapidem, non ut egressuro Domino januam panderet: sed ut egressus jam facti hominibus indicium præstaret. Quia enim mortalis adhuc clauso Virginis utero potuit nascendo mundum ingredi: Ipse jam factus immortalis, clauso licet sepulchro potuit resurgendo exire de mundo. Hæc Beda. Hoc tamen aliter & aliter fuit: quia in resurrectione habuit corpus gloriosum, cui aliud non restitit: sed exitus de utero miraculosus fuit.

Miraculum  
Rupertus l. 1. c. 8. de divinis officiis c. 4. in narra.

Ubi nota quòd Monacho Sancti Laurentii Romæ extra muros admiranti, quomodo Christus clauso sepulchro exire potuerit: cingulo quo cinctus erat, resolutus dilapsus est, & vox in aëre facta est: Sic potuit Christus clauso prodire sepulchro.

Greg. hom. 21. in Evā.

Igitur (ut dicit Gregorius) mulieres Angelos vident, quæ cum aromatibus venerunt, quia illæ mentes supernos cives aspiciunt, quæ cum virtutum odoribus ad DEUM per Sancta desideria profisciscuntur. Et describitur Angelus aspectu fulgureo, & vestitu candido: ut aspectu malos terreat, & vestitu bonos mulceat ad credendum Christi resurrectionem: timorem enim & amor debent inclinare ad credendum. Erat enim aspectus Ejus, sicut fulgur, quia facies Ejus videbatur ignea ad incutiendum terrorem custodibus, vestimenta ejus, sicut nix, ad dandum consolationem mulieribus. Fulgor enim terrorem timoris denotat: candor verò vestis, gaudium Dominicæ resurrectionis denuntiat. Unde usus Ecclesiæ habet ut, eo tempore in Ecclesia in albis psallant: & consuetudo est palæstrinis dies festos celebrantibus, ut alba vestimenta induant: propter quod



quod subditur: *Pro timore autem, & fulgore vultus ejus exterriti sunt custodes, & stupefacti instar mortuorum jacentes.* Ecce quomodo malos terruit: & eis durus fuit. Ubi Rabanus: Timoris anxietate sunt exterriti, quia amoris fiduciam non habebant, & facti sunt *Rabanus in c. 28. Mala velut mortui*, qui resurrectionis veritatem credere noluerunt. Et Seyerianus: Custodiebāt enim crudelitatis studio, non pietatis obsequio: stare autem non potest, quem conscientia destituit, impellit reatus. Hic nota, quod in hoc cognoscitur bonus Angelus à malo, à principio. Nam bonus Angelus in principio terret, ex suo fulgore: in medio confortat, ex sua allocutione: in fine latificat ex immissa consolatione. Malus autem Angelus è conversò in principio terret ex sua horribili voce, in medio decipit ex fallaci promissione: & in fine contristat ex subsecuta deceptione. Et respondens Angelus mulierum trepidationi & affectibus, dixit eis. Nolite, timere vos. Ac si (secundum Gregorium) aperte dicat: Paveant illi qui non amant adventum supernorum civium: pertimescant qui carnalibus desideriis pressi, ad eorū societate pertingere se posse despireant. Vos autē cur pertimescitis, qui servos Ejus quē quæritis, & vestros concives videtis? Ecce quomodo bonos mulcet & eis blandus extitit. In quo etiam ostendit, quia Dominus JESUS Christus, qui est Angelus magni Consilii dictus, in ultima & generali resurrectione apparebit: & terribilis reprobis, quibus dicet, ite maledicti in ignem æternum: & blandus justis, quibus dicet venite benedicti Patris Mei, percipite Regnum. Sic moraliter Prælatus bonus, qui Angelus Domini exercituum est, obstinatos terret, & penitentes demulcet. Hic enim notantur duæ conditiones quæ debent esse in Angelo Sacerdote, ac Prælato, & Prædicatore: quia debet primò venenum peccati per terrorem extingvere: & secundò, per honestæ conversationis amorem bonos allicere. Et subjungit: Scio enim quod JESUM Salvatorem, qui crucifixus est, quæritis in sepulchro sicut mortuum. Qui crucifixus est, additur ad differentiam aliorum, qui etiam Nomine JESU vocabantur. Item additur ad beneficii Passionis memoratiōem. Unde Apostolus: *Recogitate Eum qui talem sustinuit à peccatoribus adversus semetipsum contradictionem.* Quærun Item additur ad commendationem mulierum quæ & JESUM etiam crucifixum quærebant. Multi enim JESUM quærun, id est; Salvatorem: sed non crucifixum: quia non per crucem, cū tamen ille non nisi in ista inveniatur. Unde Chrysostomus. Multi libenter quærun purpuratum, sed pauci quærun Eum crucifixum vel flagellatum: sed antequam inveniatur purpuratus, primò quæri debet flagellatus. Marcus addit, Nazarenum, & sic tangit Nomen ac patriam, & conditionem. Et subdit Angelus: Non est hęc scilicet per præsentiam carnis & corporis, qui nusquam deest per præsentiam Divinitatis & Majestatis. Surrexit enim per humanitatem, qui nullum casum patitur in Divinitate. Et addit, sicut dixit, ut reduceret ad memoriam Verba Christi dicta ante passionem suam, ut sic magis crederent resurrectionem Ejus jam factam. Impossibile enim est non fieri quod Ipse dixit: quasi diceret. Et si mihi non creditis, mementote verborum illius. Deinde ostendit eis locum, dicens: Venite & videte locum, scilicet vacuum: ubi positus erat Dominus, hoc est, corpus Dominicum. Unde Chrysostomus. Corpus Domini Dominus dicitur: Deitas enim nunquam separata fuit à

*Rabanus in c. 28. Mala*

*Angeli boni à malo.*

*Grego. hom. 21. in Evan.*

*Christus terribilis & blandus videtur.*

*Hebræor. 12. Quærun crucifixum pauci.*

*Chrysostom. homil. 90. in Matth.*

*Chrysostom. Ibidem.*



corpore etiam mortuo. Ac si, dicat Angelus: Vultis certificari de Ejus resurrectione, ecce locus ubi posuerunt Eum. Si verbis meis non creditis, visui & vacuo sepulchro credatis. Propter hoc enim & lapidē revoluerat, ut locū ostenderet. Unde cū per universū mundum fidelibus dicatur: surrexit Dominus de sepulchro, qui pro nobis pependit in ligno: soli Canonici Ecclesiæ resurrectionis Dominicæ, speciali gaudent prærogativa, dicentes, & ad oculum demonstrationem facientes: surrexit Dominus de sepulchro. Similiter in Evangelio Paschali cum dicitur: *surrexit, non est hic*, Diaconus qui legit Evangelium, digitō demonstrat Dominicam sepulturam. Et subjungit: *Sed ite festinanter, dicite discipulis Ejus communiter: & Petro specialiter: quia surrexit, & præcedet vos in Galilæam, ibi Eum videbitis, sicut dixit vobis*, ante Passionem: & ideo sequimini Eum ibidem: quasi diceret. Non concessum est vobis hoc gaudiū in occulto cordis tenere: sed similiter amantibus pandere. Non dicit amatoribus mundi: sed Discipulis Christi. Secundū Gregorium verò, non sunt discipuli, qui cum eo Pascha non faciunt: non sunt discipuli, qui retrò aspiciunt, quos curiositas vitæ detinet, illecebra caput, & spinæ retrahunt scandalorum. Ibi Eum videbitis, in propinqua Regione, & propinquo tempore. In Galilæam præcessit, ut ubi fuit initium splendoris gratiæ: ibi esset initium splendoris gloriæ. Voluit etiam Dominus specialiter in Galilæa apparere, ut veritas resurrectionis probaretur: quia ibi plura miracula est operatus, & amplius conversatus, & ideo melius cognitus. Mulieribus ergo dicitur ab Angelo, ut nuntient Apostolis vitam resurgentem, quia svadente diabolo mors nuntiata fuit Adæ per mulierem. Unde sicut fuit progressus in prima tentatione mortis à diabolo in mulierem, & à muliere in virum: sic in prima annuntiatione vitæ, fieret progressus ab Angelo in mulierem, & à muliere in viros. Dicitur autem specialiter, & Petro, tum propter principalitatem inter Discipulos, tum ne desperaret de reconciliatione, propter magnitudinem peccati Apostasiæ, tum ne ad præsentiam Domini quem negaverat, & ad Discipulos venire trepidaret. Quia (ut ait Hieronym.) c. 26. *Marcus* indignum judicabat discipulatu, dum ter negavit Magistrum. Gregorius Unde & Gregorius: Si hunc Angelus nominatim non exprimeret homil. 21. qui Magistrum negaverat, venire inter Discipulos non auderet. in Evange. Vocatur ex nomine, ne desperaret ex negatione. Unde secundū Hieronym. Peccata præterita non nocent, quando non placent. c. 16. *Marcus* Videamus autem (secundū Augustinum.) Cur ab Angelo, & Domino dictum est, quod præcedet eos in Galilæam, cum hoc sit post Augustinus lib. 3. de multa completum: & tamen sic mandatum ut ad hoc solū, aut consensu Evangel. ad hoc primum expectaretur fieri debuisse. Et solvitur (secundū finem. eundem Augustinum) quod hoc prophetice, & significative est accipiendum. Galilæa namq; interpretatur, vel transmigratio, vel revelatio. In Galilæa verò, secundū transmigratiois significationem intelligendum occurrit: quia de populo Israël transmigraturi erant ad Gentes: quæ Apostolis prædicantibus non crederent: nisi Ipse Dominus eis viam in cordibus hominum præveniens præpararet. Et hoc intelligitur *præcedet vos in Galilæam, ibi Eum videbitis*, id est; ibi mēbra corporis Ejus, quod est Ecclesia, in his qui vos susceperint invenietis. Secundū illud autem, quod Galilæa interpretatur revelatio, non jam in forma servi intelligendum est:



est: sed in illa in qua æqualis est Patri, quā promissit dilectoribus suis, & illuc nos præcessit, unde ad nos veniens non recessit: & quod nos præcedens non deseruit. Illa erit revelatio taquā vera Galilæa, cum similes ei erimus: ibi Eū videbimus sicuti est. Ipsa etiā erit beator transmigrationis ex isto sæculo in illā æternitatē: si Ejus præcepta sic amplectamur, ut ad dexterā segregari mereamur. Et secundū Gr. *Gregor.*  
 Quia Galilæa transmigrationis Sacta interpretatur, rectē in Galilæa Dñs *hom. 21. in Evang.* videndus nūciatur: sive quia ipsa de corruptione in incorruptionem, de mortalitate ad immortalitatem, transit sive quia illi ad speciem Ejus contemplandam pervenire merebuntur, qui modo transmigrant de vitis ad virtutes, de amore mundi ad amorem DEI: declinantes à malo, & facientes bonum, quærentes & sapientes non terrena, sed Cœlestia. Cū dicitur: *ibi Eum videbitis.* Secundū Hieronymum. Brevis est sententia in syllabis, sed ingens in quantitate promissio. Ibi est gaudii nostri fons, & salutis nostræ æternæ origo præparata. Ibi congregantur dispersiones, & sanantur contriti corde. Ibi, inquit: Eum videbitis: sed non sicut vidistis. Hæc Hierony. Mulieres verò fraudatæ spe sua: quia Corpus Domini invenire sperabant, non attendentes ad verba Angeli, quæ audierant: contritæ ex insolita apparitione Angelorum: & gementes, quia non invenerunt Dominum, redeunt ad discipulos, dicentes Corpus Domini esse sublatum. Nuntiant Discipulis, ut aut secum quærent: aut secum dolerent. De Angelo quidem & Ejus verbis, quibus Dominum resurrexisse audierant, nihil eis dixerunt: hoc solum nuntiantes eisdem, scilicet Dominum in monumento non esse. *Et visa sunt eis verba ista sicut deliramenta:* id est, quasi phantastica, & non vera: scilicet quod Dominus surrexisset à mortuis: & ideo non credebant illis: quia res nova erat, & contra consuetudinem quod mortui resurgerent. Ut enim ait Theophilus: Est naturaliter incredibile mortalibus resurrectionis miraculum. Petrus autem & Joannes, hæc audientes, tollunt moras, & cucurrerunt ad monumentum, ex desiderio videndi factum: quia ignis materiæ ingestus non novit moras. Isti duo præ cæteris currebant, quia præ cæteris Christum amabant: & sicut familiares invicem se tenebant, propter quod in pluribus locis leguntur simul combinati. Sed Joannes citius præcucurrit Petro, quia erat junior & agilius illo. Non autem introivit, propter Petri reverentiam, quem expectavit, quia ipso senior, & inter Apostolos principalior erat. Conspice nunc bene ipsos. Currunt ipsi currit Magdalena & sociæ ejus post eos: omnes currunt ad quærendum Dominum suum, cor suum & animam suam. Currunt multum fideliter multumq; ferventer, multum anxie, & multum studiosè. Curre & tu post eos, sive potius cum eis, ut cum eis consolari merearis. Cum autem perveniunt ad monumentum, respicientes in ipso per exterius ostium intraverunt, primò Petrus, deinde Joannes. Et quidem Secundū literam Joannes qui primò pervenit, non intravit propter reverentiam Petri, cui primum ingressum servabat, sed Mysticè secundū Gregorium. Per Joannem Synagoga, per Petrum Ecclesia designatur. Venit Synagoga prior ad monumentum, sed minimè intravit, quia & si primò Scripturæ Sacramenta cognovit, tamen ad fidem Passionis Dominicæ intrare distulit: Secuta posterior Ecclesia gentium, introivit in monumentum, quia Christum JESUM & cognovit carne mortuum, & viventē credidit.



didit DEUM. Sed post Petrum intravit & Joannes, quia in fine mundi ad redemptoris fidem etiam judæa colligetur. En introeuntes non invenerunt corpus: *sed viderunt sola*, scilicet sine corpore *lin-teamina*, quibus corpus erat involutum *posita*: id est bene disposita & plicata: & *sudarium capitis non cum lin-teaminibus positum*, scilicet in-distinctè & confusè, *sed separatim involutum*, id est bene plicatum, in *unum locum*, ac si ex industria esset factum: quod totum factum est, ad ostendendum Christi resurrectionem jam factam: & quod Corpus non fuerat sublatum, & *crediderunt*, verum esse quod mulieres dixe-rant: scilicet Corpus Christi de monumento sublatum esse, non au-tem surrexisse: *nondum enim sciebant scripturas*, de Christi resurrecti-one loquentes: quia nondum erat eis apertus sensus ut intelligerent

*Joannis ad illas*. Et recesserunt stupefacti, & apud se mirantes eventum rei, qualiter sola lin-teamina derelicta fuere sine corpore peruncto: vel quantam opportunitatem fur habuisset, ut hæc seriatim involuta

dimittens, præsentibus militibus corpus auferet: non cogitantes de Christi resurrectione, nec intelligentes non esse sublatum, quia simul fuissent lin-teamina atportata: & maxime quia propter unctionem erant fortiter corpori adhærentia: ideo per hoc quod sic panni re-licti & dispositi fuerant, manifestè apparebat quod surrexerat. Se-paratio enim lin-teaminum à Corpore Domini, & desertio Eorum in sepulchro: signum fuit Dominicæ Resurrectionis, non transposi-ti-

onis. Unde Chrysost. Considerant lin-teamina posita, & sudarium separatim involutum in unum locum, quod erat resurrectionis si-gnum. Neq; enim si transposuissent quidam, hoc fecissent corpus denudantes: neq; si furati esset hujus rei solliciti fuissent, ut leva-  
*Chrysostom. homil. 84. in Joann.* rent sudarium & involuerent, & ponerent in unum locum seorsum à lin-teaminibus: sed simpliciter (ut se habeat) suscepissent utiq; cor-pus. Propter hoc enim & Joannes ait, quoniam cum myrrha se-pultus est: myrrhaq; conglutinat corpori lin-teamina, ut non decipi-aris ab his qui dicunt eum furtò sublatum esse. Quid autem est se-orsum lin-teamina jacere, & sudarium seorsum involutum? Ut discas quoniam non erat festinantium hæc res, scilicet seorsum quidem il-la: seorsum verò hæc & involuta esse. Non enim ita intentatus es-set qui furaretur, ut circa rem superfluam tantum studium consu-

meret. Hæc Chrysost. Moraliter monumentum, in quo sunt lin-teamina sola, potest dici claustralis, in quo est vestis religiola ex-terius tantum, sine habitu interiori. Unde legitur in libro Regum.

*1. Reg. 19.* Cum venissent qui quærebant David, inventum esse simulachrum  
*Genes 37.* super lectū Ejus. Hæc est tunica Joseph in veta sine ipso. Hæc est ve-  
*Gregorius hom. 22. in Evangelia* stis ovina, sub qua latet mens lupina. Hic, secūd. Greg. Divinæ di-spenstationis magnitudo pēsāda est: quod Discipulorū corda, & accen-duntur ut quærāt, & differunt ne inveniant: quatenus infirmitas ani-mi ipso suo mærore cruciata, purgator adinveniendū hat: & rāto vali-dius teneat, quāto tardius invenit quod quærebat. Cōpatete igitur Discipulis ipsis & mulieribus, quia in afflictione magna sunt. Quærūt Dominum suum, & non inveniunt: & nesciunt ubi Eum amplius quærere debeant. Igitur dolentes & flentes Discipuli, & non au-dentes diu manere juxta sepulchrum, propter metum judæorum, *abierunt ad semetipsos*, id est ad hospitia sua: & illuc ubi habitabant, & prius latitabant: & unde ad monumentum currebant, nihil cer-ti scientes de Domini resurrectione. *MARIÆ* autem ibidem re-



manlerunt. Et dum mente consternatæ, id est; stupefactæ essent de hoc quod viderant; quia & lapidem tam immensæ magnitudinis revolutum stupebant, & corpus tam eximie venerationis non inventum dolebant, *respicientes in monumentum viderunt duos viros*, id est, duos Angelos in specie Virorum, *stantes circa illas in vestibus albis*: ad designandum gaudium Dominicæ resurrectionis Angeli non solum verbo, sed etiam fulgenti habitu gloriam annuntiant triumphantis. Apparitiones enim Angelorum faciunt ad instructionem hominum; *Angelorum* & solent per illum modum apparere, qui competit rei de qua debent *qualis soleat* instruere: candor autem vestis, splendorem denuntiat solennitatis; & esse apparitæ ideo in albis apparuerunt vestibus: ad denotandum gaudium Dominicæ resurrectionis. Apparuerunt autem duo ad solennius denuntiandum Christi resurrectionem: quia solennius denuntiatur per duos, quam per unum. Ubi Beda. Quomodo autem posito in sepulchro *Beda in cap. 24. Lucæ.* Corpore Salvatoris, Angeli assistisse leguntur: ita etiam celebrandis ejusdem sacratissimi corporis mysteriis tempore consecrationis assistere sunt credendi: monente Apostolo, mulieres habere velamen *1. Cor. 11.* propter Angelos in Ecclesia. Cūq; mulieres timerēt ex visione Angelorum insolita, & declinarent vultus in terrā, ex verecundia dixerunt Angeli ad illas, consolando eas benignè, & instruendo de Christi resurrectione: *Quid queritis viventem, & jam resuscitatum, cum mortuis?* Quasi dicerent: Nolite cum mortuis, hoc est in monumento (qui locus propriè est mortuorum) querere Eum, qui ad vitam jam resurrexit à mortuis. Verumtamen multi querunt viventem cum mortuis: ut illi, qui licet sint boni, tamen libenter conversantur cum malis: quibus potest dici illud: *sine ut mortui sepeliant mortuos suos.* Et subjungit: *Non est hic*, scilicet in sepulchro, præsentia corporis: qui tamen nusquam deest, præsentia Deitatis: *sed surrexit inde*, scilicet propria virtute. Et addunt dicti sui confirmationem: dicentes: *Recordamini qualiter locutus est vobis*, quia verax est, & non fallit, *cum adhuc in Galilæa esset, dicens: quia oportet Filium hominis tradi in manus peccatorum, & crucifigi, & tertia die resurgere*: quasi dicerent, diu antè prædixit hæc omnia: & ideo non miremini si modo auditis esse facta. Jubentur verborum recordari, ut prædicatione eventus futuri confirmetur in fide jam facti. Quia verò (ut dictum est) mulieres visis Angelis timentes declinaverunt vultus in terram: mysticè cum Cælestibus mysteriis appropinquamus, exemplo mulierum harum vultum in terram declinare debemus, nos terram & pulverem esse recolentes, Unde Beda. Et nos ergo exemplo devotarum DEO faminarum, quoties Ecclesiam intramus, & mysteriis Cælestibus appropinquamus: sive propter Angelicæ præsentiam virtutis, sive propter reverentiam Sacræ oblationis, cum omni humilitate, & timore ingredi debemus. Ad conspectum quippe Angelorum vultum declinamus in terram, cum supernorum civium quæ sint gaudia æterna contemplantes, nos cinerem esse, terramq; recolimus: sicut Beatus Abraham: *Loquar, inquit: ad Dominum meum cum sim pulvis & cinis.* Et notandum, quod Sanctæ mulieres astantibus sibi Angelis non in terram cecidisse: sed vultum dicuntur in terram declinasse. Unde nos obtinuit Ecclesiasticus, ut in memoriam Dominicæ, vel in nostræ spem resurrectionis, & omnibus diebus Dominicis, & toto quinquagesimæ tempore non flexis genibus, sed declinatis in terram vultibus oremus.



Hæc Beda. Illæ autem mulieres nec tunc attenderunt ad verba Angelorum, nec aliquam consolationem receperunt de visione eorum: quia non quærebant Angelos, sed Dominum Angelorum: imo illæ duæ Mariæ, scilicet Jacobi & Salomæ conterritæ, & quasi absorptæ exeuntes fugerunt de monumento, & elongaverunt se inde aliquantulum, & sedebant dolentes, *quia tremor & pavor*, id est; stupor: *eas invaserat*, propter visionem Angelorum & Custodum, & nemini scilicet de custodibus quidquam dixerunt: nec etiam Angelis loquentibus responderunt. Unde Augustinus. Intelligamus ipsorum Angelorum nemini ausas fuisse aliquid dicere, id est; respondere ad ea quæ ab illis audierant aut certè custodibus quos jacentes viderunt.

Augustinus  
lib. 3. de con-  
sensu Evan.  
gel. cap. 24.

## QUOMODO DOMINUS APPARUIT MARIÆ MAGDALENÆ. CAPUT LXXII.

Joann. 20. & Matt. 28. **M**ARIA, verò amaritudine plena astuans amore, & nesciens quid aliud deberet facere: quia sine Magistro non poterat vivere, nec ibi Eū inveniret, & ibi Eū quæreret ignorabat: *stabat* ex fervore & constantia: quia vis amoris nec sedere, nec jacere sinebat *ad monumentum foris*, & ab extra, scil. in horro, & ante domunculā in qua erat sepulchrū, *plorans*, & lamentans Dominū suum: tanto enim cordis ferebatur incendiō, tanta pietatis afficiebatur dulcedine, tam validis trahebatur vinculis charitatis, ut famina infirmitatis oblita, ne tenebrarum caligine, nec persecutorum immanitate retraheretur à sepulchri visitatione: quin potius foris stans, & lachrymis monumentum irrigans, recedentibus Discipulis non recedebat: pro eo, quod Divinæ dilectionis igne successa, & tam invalescente urebatur desiderio & impatiente vulnerabatur amore, ut nihil ei saperet nisi flere posset; illud propheticum veraciter eructare: *Fuerunt mihi lachrymæ meæ panes die ac nocte, dum dicitur mihi quotidie ubi est Deus tuus.*

Augustinus. Secundum Augustinum. Ferventiōr & devotiōr ad Christum aliis mulieribus, & nimius ardor amoris eam sollicitabat. MARIA enim quidquid voluit, flendo obtinuit. Flendo obtinuit veniam peccatorum. Flendo obtinuit fratris resurrectionem de faucibus infernorum. Flendo obtinuit consolationem de resurrectione. Lachrymas ergo fudit compunctionis, compassionis, & devotionis.

Gregorius. Unde Gregor. Qua in repensandum est hujus mulieris mentem quanta vis amoris accenderat, quæ à monumento Domini etiam Discipulis recedentibus non recedebat. Unde contigit, ut eum sola tunc videret, quæ remansit ut quæreret: quia virtus boni operis

Augustinus. perseverantia est. Ubi & August. Viris enim redeuntibus, infirmorum sexum in eodem loco fortior faciebat affectus: & oculi qui Dominum quæsierant, & non invenerant, lachrymis jam vocabant: amplius dolentes quod fuerat ablatum de monumento, quàm quod fuerat occisus in ligno, quoniam Magistri tanti, cujus ex vita subtracta fuerat, nec memoria remanebat. Tenebat itaq; ad monumentum jam dolor iste mulierem. Unde & Origenes. Audivimus

Origenes. hom. 10. in fratres MARIAM ad monumentum foris stantem, audivimus MARIAM plorantem. Amor faciebat stare, dolor cogebat eam plorare. Stabat, & circumspiciebat, si fortè videret quem quærebat. Dolor renovatus erat ei: quia quem prius doluerat defunctum, nunc dolebat ablatum. Et iste dolor major erat, quia nullam consolationem amplius habebat.

Prima



Prima ergo fuit causa doloris, quia vivum perdiderat? sed de hoc dolore ali-  
quantulam consolationem habebat, quia mortuum remanere videbat. Nunc  
autem de isto dolore consolari non poterat, quia nec Corpus defuncti invenie-  
bat. Metuebat autem ne amor magistri sui in suo pectore refrigeraret, quod  
visio recalesceret. Plorabat itaque Maria vehementer, quoniam dolor additus  
erat super dolore. Duos itaque dolores eximios uno gestabat corde, quos mitigare  
lachrymis volebat, sed non valebat, ac ideo tota posita in dolore, mente & Cor-  
pore deficiebat, & quid ageret nesciebat. Petrus quidem & Joannes timerunt &  
ideo non steterunt. Maria non timebat, quia nihil suspicabatur sibi super-  
esse pro quo timere deberet. Perdiderat enim magistrum suum, quem ita  
singulariter diligebat, ut prater ipsum nihil posset diligere vel sperare. Perdi-  
derat vitam animæ suæ, & jam melius arbitrabatur fore sibi mori quam vi-  
vere, quia forsitan moriens inveniret, quem vivens invenire non poterat.  
*Fortis namque ut mors dilectio*, quid nam aliud in Maria faceret, facta erat exa-  
nimis facta erat insensibilis. Sentiens non sentiebat, videns non videbat, au-  
diens non audiebat, sed neque ibi erat ubi erat, quia tota ibi erat, ubi ma-  
gister suus erat, de quo tamen ubi esset nesciebat. Quærebat autem eum, &  
non inveniebat, & ideo stabat ad monumentum & plorabat, tota lachrymabi-  
lis & miserabilis. Centè jam nihil sapiebat Maria nisi diligere, & pro dilecto  
dolere. Oblita erat timorè, oblita erat semetipsa, oblita erat denique omnia, præ-  
ter illud quod diligebat super omnia. Sensus nullus in ea remanserat, omne consili-  
um ab ea perierat, spes omnis defecerat. Solūmodo flere super erat. Hæc Origenes.  
*Dū ergo fletet*, propter Corporis Christi absentiam, *inclinavit se*, corporaliter, &  
*prospexit in monumentum*, quia semper sperabat ibi Eū invenire, ubi Eū sepeliret, &  
amor inquisitionem multiplicabat. Sicut enim nos cum aliquam rem perdi-  
mus, quamvis huc illuc querendo discurremus, tamen ad Eū locum sæpe re-  
spicimus, ubi eam habuisse meminimus, ita & hæc mulier quamvis huc il-  
lucque Corpus Domini quæreretur anxia; tamen de Eius absentia frequentius  
monumentum aspiciebat, ubi Eum positum noverat. Unde Gregorius: Amanti  
semel aspexisse non sufficit, quia vis amoris intentionem multiplicat inquisi-  
tionis. Quæsit ergo prius & minime invenit, perseveravit ut quæreretur, unde  
contigit ut inveniret. Admiratione est ut desideria dilata crescerent, & cre-  
scendo caperent quod invenissent. Sancta enim Desideria dilata crescunt:  
si autem dilata deficiunt, desideria non fuerunt. Hoc amore arsit, quis-  
quis ad virtutem pertingere potuit. Hæc Gregor: Quamvis ergo Maria vidit  
Corpus Christi abesse, volebat tamen adhuc videre si aliquod vestigium  
posset percipere, & ideo non sufficiebat sibi semel respexisse. In hoc quod in-  
clinavit se & respexit in monumentum, datur intelligi quoddam humilitate  
cordis debemus prospicere mortem Christi, & in hoc quoddam iterum prospexit,  
datur exemplum continere Oculo mentis mortem Christi prospicere. Et vidit,  
Maria Oculis Corporis ipsos *duos Angelos præfatos in albis sedentes*, supra sepul-  
chrum & loculum Corporis, *unum ad caput, alium ad pedes*: propter reverentiam  
loci consecrati ex tactu Corporis Dominici: ex fervore enim devotionis quam  
habebat, illam visionem meruerat. Angelus ad caput est, revelans Divini-  
tatis arcana: quia Caput Christi Deus est: Angelus autem ad pedes est, do-  
cens humanitatis Eius obsequia in redemptione nobis impensa, *qui dicunt illi*,  
*mulier quid ploras?* Angeli lachrymas prohibebant, & futurum quodammodo  
gaudium nuntiabant: ac si dicerent: plorare noli, non habes causam flendi,  
sed magis gaudendi, ex Resurrectione Christi. Non est plorandum, sed plau-  
dendum: hic dies lætitiæ est, non mæroris: læta venimus nunciare tibi, no-  
li ergo plorare: sed potius ad illum respice, quem tanto amore desideras vi-  
dere. At illa putans interrogare quasi nescientes, & non Angelos esse, sed ho-  
mines, prodit lachrymarum causas: *quia tulerunt*, inquit, *Dominum meum*, de  
monumento, & *nescio ubi posuerunt Eum* arbitrans custodes vel Judæos Eum esse  
furatos. Magnus ergo dolor me flere compellit, magna tristitia viscera mea  
coarctat. Timebat enim ne Judæi Corpus Christi in aliquem locum inho-  
nestum proiecissent, invidentes honori sepulture ejus: vel ne forte asportassent

Dolor gemi-  
nus in  
Magdalena.

Cant: 8.

Gregor: hō:  
25. in E-  
vangel:

Timor

Magdalena.

Xxxxxx

ut ei



ut ei ignominiam facerent. Agebat in ea vis amoris, ut non inventum non crederet nisi sublatum: & hæc angustia causa erat: quia nesciebat ubi inveniret, & officium funeris impenderet: non dicit, Corpus Domini mei sed, Dominum: toto designans partem: sicut omnes confitemur Jesum Christum Filium Dei sepultum, cum sola Ejus sepulta sit caro. Vide hic mirabilem operationem amoris. Paulo ante audierat ab uno Angelo quod Resurrexit, & postea à duobus, quod vivebat: & non recordatur, & dicit, nescio. Amore hoc faciebat: quia anima sua non erat, ubi ipsa erat: sed ibi erat, ubi magister suus erat. Nam secundum Origenem. Spiritus Mariæ magis erat in Corpore Magistri, quam in suo. Nesciebat cogitare, loqui, vel audire, nisi de ipso: & nescio inquit, ubi posuerunt Eum. Hæc erat ei major causa doloris & desolationis: quia nesciebat quò iret ad consolandum dolorem, & ubi Eum inveniret. Maria quia vidit lapidem sublatum, credidit Christum furatum & deportatum: lapide enim sublato, Corpus faciliter amoveretur de monumento: quòd fieri non potest quamdiu lapis superpositus est: sic quamdiu lapis timoris Dei in corde est, Christus ab Eo auferri non potest: si autem amovetur, citò ipsum perdit. Cum autem Maria sic ploraret, nec de Angelis aliquid curaret: amor suus, magister suus, amplius se tenere non potuit: Dñs igitur Jesus refert hoc Matri suæ, & dicit quòd vult ire ad consolandum Eam: vale dicensq; Matri, venit in monumento in hortu, ubi erat Magdalena, staret mulier & plorat, adest Jesus mærentiū consolator, & piæ mulieris lachrymas intuetur: Eiq; ab Angelis se verrenti, & retrorsum conversæ apparere dignatur. Per hoc ostenditur, quòd si quis Christum videre desiderat, oportet ut ad Deum convertatur: quia illi ad Deum videndum perveniunt, qui se totum per amorem in eum convertunt. Ubi Chrysostomus: Cur non expectavit eorum responsum, sed conversa est retrorsum cum ad minus homines multæ reverentiæ appareret? Dic quòd cum Maria illa diceret, Christus advenit, cui Angeli reverentiam exhibentes assurrexerunt: quòd Magdalena admirans, conversa est retrorsum, ut videret quòd assurrexerunt. Et non cognovit quòd Jesus esset: quia videbat Eum in specie non gloriosum, quem Angeli gloriosum videntes honorabant. Ipsa enim nondum habebat fidem de Christi Resurrectione: & ideo talis apparuit in Corpore, qualis apud eam erat in mente, non quòd juxta hæreticos formam Dominus vulnere mutasset, ut pro voluntate diversus ac varius videretur, sed quòd Maria obtusopetita erat miraculo. Unde Bernardus: O quàm delectabile pietatis spectaculum, quòd queritur & desideratur, occultat se & manifestatur, occultat se ut ardentius requiratur, & requisitus cum gaudio invenitur, & inventus cum sollicitudine teneatur, tentus nò dimittatur. Secundum Gregor: Maria quæ adhuc de Domini Resurrectione dubitabat, conversa est retrorsum, ut videret Jesum, quia videlicet per eandem dubitationem suam quasi tergum in faciem Domini miserat, quem resurrexisse minime credebatur. Sed quia amabat & dubitabat videbat & non cognoscebat, Eumque illi & amor ostenderat, & dubietas abscondebatur. Et dixit illi Jesus: mulier quid ploras? quem quaris? non petit quasi ignorans sed ut eis responsione convenientius Eam instruat. Secundum Gregorium interrogatur doloris causa ut augeatur desiderium. Quatenus enim non crederet quem quæreret in amore ejus ardentius assuetat. At illa adhuc Eum non cognoscens putavit Eum esse hortulanum, cui incumbere cura horti illius, in quo monumentum erat: eo quòd mane primo Eum in horto videbat: æstimabat enim nullum circa loci illa occupari nisi Eum qui illorum cultor erat. Bene autem spiritualiter hortulanus ei erat, quia sentes perfidia & vitiorum jam eradicaverat, ac viventia semina fidei & virtutum per amoris suum vim in Ejus pectore & horto animæ seminare & plantare curabat. Sicut enim ad hortulani officium pertinet noxias herbas eradicare ut bonæ possent proficere, ita Dñs de horto suo, idest de Ecclesia quotidie vitia eradicat, ut virtutes proficere valeat. Unde Origenes: O Maria si quæris Jesum, quare nò cognovisti? Ecce Jesus venit ad Te quem Tu quæris, & tu existimas hortulanum esse. Verum quidem est quòd existimas: sed tamen in hoc erras, dum enim



enim sic hortulanum existimas ut Jesum esse non cognoscas. Etenim Jesus est & hortulanus: quia ipse seminat omne bonum semen in horto animæ Tuæ & in cordibus Fidelium tuorum: ipse omne bonum plantat & rigat animabus Sanctorum: & Ipse est Jesus qui tecum loquitur. Hæc Origenes. Mariæ etiam in specie Hortulani apparuit: tale enim Officium, talis actus, tale ex-*Hortulanus* citium, talisque Nominis interpretatio, incipientibus congruit. Apparet Enim *Christus*. ut penitens gerat modum hortulani scilicet ut omnia nociva eradicet, & bona inferat, si ergo vis ut appareat tibi verus hortulanus, oportet te herbas nocivas ejicere & salutiferas inferere. Ille verò respondit ei sicut hortulano dicens: Domine si sustulisti Eum dicito mihi ubi posuisti Eum, qui mihi est singularis thesaurus etiam mortuus & ego Eum tollam, cum omni desiderio & accipiam. Dominum vocat ut benevolentiam ejus caperet: non dicit si sustulisti Jesum Crucifixum, loquendo determinatè & nominando Eum vel alias designando: sed dicit Eum in generali nihil addendo, quia vis amoris & affectus cum desiderio quærentis vel ferventer amantis hoc agere in animo solet: ut quem ipse quærit vel cogitat, omnes cogitare æstimat, & nullum ignorare credat. Unde quasi de cognito loquitur: & quem ipsa diligebat, omnes scire cogitabat: nec putavit alteri incognitum quem sic ipsa continuè plangit desideratum. Si ergo tu propter timorem Judæorum levasti Eum hinc, dicito mihi ut ego Eum accipiam: timebat enim ne Judæi etiam Corpori exanimi inservirent, & ideo volebat in alium locum incognitum illud transponere. Mirabilis mulieris audacia, quam mortui non terret aspectus, & cujus validudo ad grave mortui Corpus tollendum plus intentat quam possit. Ex virtute enim amoris credebatur se posse totum Corpus etiam mortuum portare, quia ferventer amanti nihil videtur difficile: cum enim sexus fæmineus fragilis ad onera deferenda & pavidus ad mortuorum corpora bajulanda: quidquid ab ijs impossibile est, hoc propter magnitudinem amoris, leve & possibile arbitrat. Unde Origenes: Joseph timuit & ausus non fuit tollere Corpus de Cruce nisi in nocte, & nisi hoc expetisset, à Pilato: Maria autem Mortem *Audacia* præstolatur, non postulat nec veretur sed audacter dicit: Ego Eum tollam. *Magdalena*. mirabilis mulieris audacia? o mulier jam non mulier. Nullum locum excipit, nihil anteponit, sine timore dicit, absolute promittit: dicito mihi ubi posuisti Eum & ego Eum tollam: o Maria magna est constantia Tua, magna est fides Tua. Hæc Origenes. Hic ergo ostenditur magna Mariæ devotio & dilectionis fervor: ideo meruit quem mortuum quærebat, vivum videre & audire respice eam quomodo lacrymabili juxta suppliciter & devotè ipsum exorat, ut sibi illum quem quærit ostendat: temper enim sperabat audire aliqua nova de suo dilecto super omnia. Postquam autem (ut ait Gregorius) eam communi vocabulo appellavit ex sexu & agnitus non est: vocat ex nomine proprio, ut eam magis intentam faciat, & talem se exhibet ut agnoscitur, dicens: Maria; desiderium ejus ulterius affligi non sinens, per vocationem nominis, apertam sui declarat cognitionem, ac si apertè dicat: recognosce eum à quo recognosceris. Cum enim apud Deum certus sit numerus electorum, magna gratia aliquibus datur quando proprijs nominibus Deo noti esse monstrantur. Propria ergo nomine vocat Mariam ut designet specialem quam ad Sanctos habet notitiam, illa verò conversa, corde & oculis mentis, sicut ante erat conversa Corpore & oculis carnis: mox ut se nomine proprio vocari audivit, Eum in voce sicut ovis bona pastorem recognovit. Prius enim conversa Corpore Jesum esse quod non erat putavit, nunc conversa corde, quod erat agnovit, ac quasi reviviscens & adorans Eum; indicibili gaudio, dixit, Rabboni idest Magister, sic enim ante passionem Eum vocare consueverat, quia Doctores apud Judæos vocantur Magistri. Tu es quem quærebam! quare tam qui Te mihi celesti: quia ergo perseveravit ut quæreretur, contigit ut inveniret. Unde Gregorius: Maria quia vocatur ex nomine recognoscit Jesum, atque Eum protinus Rabboni idest Magistrum vocat, quia & ipse erat qui quærebat exterius & ipse qui interior: ut quæreretur docebat. Unde Origenes. O Mutatio dextræ Excelsi! conversus est dolor magnus in gaudium magna; mutatio sunt lacry-

XXXXXX

mz do-

*Nomine proprio sua appellatione.*



ma doloris in lacrymas amoris & exultationis. Ut ergo audivit hoc  
*Agnitio ex* Verbum Maria, sic enim consueverat illam vocare Magister suus, praeconit in  
*nomine sa.* ipso nomine, quandam singularem vocationis dulcedinem, & per eam cognovit  
*Ma.* Ipsum, à quo vocabatur, esse Magistrum suum. Unde etiam Anselmus: Noli  
 Magdalena deferere conitatum: sed acceptis aromatibus cum ea Domini-  
 cum sepulchrū visitare memento: Ut sicut illa oculis tu in spiritu cernere me-  
 rearis: nunc super lapidem revolutum ab ostio monumenti Angelum resi-  
 dentem: nunc juxta monumentum, unum ad Caput alium ad Pedes Resurre-  
 ctionis gloriam praedicantes. Nunc Ipsum Christum Mariam flentem & tri-  
 stem tam dulci oculo respicientem, tam suavi voce dicentem: Maria Rum-  
 puntur ad hanc vocem omnes Capitis cataractae, ab ipsis medullis eliciuntur la-  
 crymae, singultus atque suspiria ab imis trahuntur visceribus. O Beata quid  
*Magdalena* pra gaudio tibi mentis fuit quid animi, cum ad hanc vocem Maria te prosteruens & red-  
*aliquis ad* dens vicem saluari, clamares Rabboni; quo rogo affectu, quo desiderio mentis  
*tempus.* clamasti Rabboni. Nunc plura dicere lacrymae prohibent, cum vocem exclu-  
 dant affectus, omnesque animae & Corporis sensus nimis amor absorbeat. Et  
 iterum nominat Dominus consuetum ancillae nomen & cognoscit ancilla con-  
 suetam Domini vocem. Puto vel certo affirmo, quia sensit solitam suavitatem;  
 qua vocari consueverat Maria. O vox delectabilis, o quantum blandimen-  
 ti, quantum sapuit amoris; nec celerius hoc exprimere potuit, scio quas &  
 quae velis. Illico mutatae sunt lacrymae; non enim Credo mox esse restrictas,  
 sed quas contritum Cor se torquendo prius exprimebat, eas postmodum cor  
 gaudens effundebat. O quam dissimilia sunt: Rabboni, & si Tu suscitasti E-  
 um dicito mihi. O quam dissimilia sunt tulerunt Dominum & nescio ubi po-  
 fuerunt Eum. Et illud quia vidi Dominum & haec dixit mihi. Haec An-  
 selmus. Et currens ac procidens Maria ad pedes Jesu vestigia ejus adorando,  
 statim voluit ex devotione, amplecti vestigia ejus quem recognovit, ac pedes  
 tangere & osculari ut consueverat. O amor fortis & impatiens, non enim  
 sufficiebat ei videre Jesum & cum Jesu loqui, nisi etiam tangeret Jesum: Iste-  
 bat Enim qua virtus de illo exibat & sanabat omnes. Ipse vero volens fi-  
 dem in corde illius ut hortulanus seminare, & animam ejus ad caelestia elevare,  
 dixit: Nolime tangere, scilicet manibus Corporis, quem nondum tenuisti fide  
*Nolime* cordis, quasi diceret, potius volo ut tangas me tactu mentis credens me Patri  
*tangere).* aequalem, quam tactu Corporis, credens me hominem purum & Patre mino-  
 rem: adhuc enim carnaliter in Eum credebatur quem sicut hominem flebat. Pro-  
 hibita est ergo, quia propter defectum fidei indigna erat & ideo subdit. Nō-  
*Nondum* dum enim ascendi id est elevatus sum scilicet in corde tuo ad Patrem meum,  
*ascendi ad* id est ad aequalitatem Patris. Quod non credis me pervenisse ad aequalitatem:  
*Patrem.* Ejus ac me Filium aequalem & coeternum Patri qui me suscitavit à mortis, sed  
 esse sublatum tanquam cadaver purum. Ac si diceret: quia me tanquam  
 mortuum in sepulchro quaeris & resurrexisse non credis, ideo viventem tan-  
 gere non mereris: tibi enim nondum ad Patrem ascendi, quem viventem cum  
 mortuis quaeris. Cum tibi ascendero ad Patrem tunc mereberis me tangere  
 Patri aequalem. Unde Anselmus. O dulcis Jesu cura sacratis ac desideratissi-  
 mis pedibus Tuis, sic arces amante, noli (inquis) me tangere, ut quid Domine,  
 quare non tangam illa desiderata vestigia Tua pro me clavis perforata, perfusa  
 sanguine, non tangam nec deosculabor an: inimicior es solito quia glo-  
 riosior ecce non dimittam te, nec recedam à te: non parcam  
 lacrymis, pedtus singultibus suspirijsque rumpetur nisi tangam. Et  
 ille, inquit. Noli timere, non aufertur tibi hoc bonum, sed differtur. Haec  
 Ansel: Sic ergo Maria dubiis plena, luctu inquieta, preparatione indiguit an-  
 tequam ad tangendum tantam sanctitatem accederet. Si autem illa quae Do-  
 minum resurgentem prima post Matrem ejus videre meruit: quae etiam dilecta  
 est à Domino, & tota ejus mancipata obsequio ab omni peccato ab eo liberata,  
 à tactu pedum ejus est prohibita: quanto magis pollutus virilis, ne eum to-  
 tum tangat, conficiendo, vel sumendo? sed vade jam lactificata, die & nuncia  
 fratribus meis, scilicet Apostolis: quia surrexi, & ascendo, id est ascendam, ad  
 Patrem



*patrem meum*, per generationem & naturam & *patrem vestrum*, per adoptionem & gratiam: *Deum meum*, quia me hominem creavit, & sub quo ego homo sum secundum humanitatem: & *Deum vestrum*, qui vos creavit, & ab errore liberavit: inter quos & Ipsū, ego mediator sum: quasi diceret. In proximo est, ut viderent ascendentem. Loquitur in proposito in quantum homo, quia ascendere non competit Ei secundum divinam naturam, quæ est altissima: quod etiam patet ex hoc, quod vocat Apostolos fratres, propter similitudinem & conformitatem humanæ naturæ, & propter spiritualitatem amicitiae, & etiam propter adoptionem gratiæ: quia Ejus patris sunt filij adoptivi, cujus Ipse est filius naturalis. Unde Severianus: Vocat fratres, quos Corporis sui fecit esse germanos: vocat fratres, quos patri suo adoptavit in filios: vocat fratres, quos benignus JESUS sibi præstitit cohæredes: vocat fratres, propter specialitatem amicitiae quam habuit ad Ipsos. Unde & Ambrosius: Descendisti quidē *Ambros.* filius hominis, nec patri cum descenderes abfuisti: sed descendisti nobis, ut te in c. 24. oculis ac mentibus videremus, ut in te crederemus: ergo & ascende nobis, ut te sequamur mentibus, quem oculis videre non possumus. Hæc Ambrosius. Stant ergo dilecti cum incunditate & gaudio magno loquentes ad invicem, sicut amicus cum amico. Ecce igitur & hic similiter magnum pascha. Sic itaque Dominus à Matre rediens, apparuit primò Mariæ Magdalenz, quàm Ipsi Apostolis vel aliquibus alijs. Unde Hieron Mariæ Magdalenz primò ostenditur, de qua eiecerat septem dæmonia: quia meretrices & publicani præcedent synagogam in regno Dei, ut latro præcessit Apostolos. Locus autem ubi Dominus apparuit Magdalenz, distat quindecim passibus à sepulchro. Hanc igitur mulierem quæ mane surrexit, amarè flevit, ardentissime dilexit, diligentissime quæsit, & ideo præ cæteris invenit, & nos imitemur, Ejusq; exercitium gerentes cum lachrymis & perseverantia Dominum quæramus, ut simul cum Ipsa Dominum invenire, & ab eo consolari mereamur. Unde Origēnes: Sequamur ergo, fratres charissimi, hujus sanctæ mulieris affectum, ut perveniamus ad effectum. Ploret unusquisque ad Jesum, & quærat fideliter Jesum: quia non deest animæ quærenti illum. Disce ergo o homo, o peccator à muliere peccatrice, cui tamen dimissa sunt omnia peccata sua. Disce peccator homo plorare Dei absentiam, ac intimè desiderare Ejus præsentiam: disce à Maria Jesum amare, & Jesum sperare, Jesum indefinenter quærere, quærendo investigare: nulla adversa formidare, nullam consolationem extra Jesum recipere omnia præter Ipsum contemnere: disce à Maria, quærere Jesum in monumento cordis tui, revolve lapidem ab ostio monumenti Dei: amove omnem durtiam, & repelle omne obstaculum à fide tua: tolle ergo omnem concupiscentiam, & omnem immunditiam à corde tuo, & diligenter per scrutare si sit JESUS in Eo: si autem non inveneris in te Jesum: sta foris & ploranda in aliquo Eum, & plorando ora Jesum ut dignetur intrare ad te, & habitare in te. Et ne fortè erecta cervice repellas Eum à te, humiliando inclinate, & iterum prospice in monumento Dei quod debet esse in te, & si ibi videris duos Angelos, unum ad caput, & unum ad pedes, id est, si cognoveris in corde tuo quasi cælestia desideria, tam ad contemplativam vitam, quàm ad activam pertinentia, per quæ adhuc non possis Jesum videre, nec Jesum habere: noli hic contentus esse, noli adhuc deficiendo quiescere, sed plora & quære Jesum in te, donec invenias, & si fortè aliquo modo tibi apparuerit, & desiderio tuo se præsentaverit: noli præsumere de te tanquam ex tuo desiderio vel merito tibi apparuerit, & tanquam Eum agnoscas, sed bonitati, pietatiq; Ejus attribue, & interroga illum, & ora ut indicet tibi seipsum, zudeo enim tibi confidenter promittere, si in fide ad monumentum cordis tui steteris, si plorando Jesum quæseris, & quærendo perseveraveris, si cum humilitate te inclinaveris, si exemplo Mariæ nullam aliam consolationem de JESU nisi Ipsum recipere volueris, Ipso revelante Ipsum sine dubio invenies, & Ipsum agnosces: ita ut non sit tibi necesse quærere ab alijs ubi est JESUS, sed tu magis indicabis Eum, nuncians quod vidi Dominum, & hæc dixit mihi. Hæc Origēnes. Post aliquantulam verò morulam Dominus discessit, dicens: quia

Yyyyyy

&



& alios vilitare Eum oporteret. Tunc Magdalena (benedictione ab eo recepta) & Domino discedente recessit, & iam credens ad socias suas venit, & hæc Ejs nuntiavit. Illæ verò de Resurrectione Domini gaudentes, sed quòd Eum non viderant dolentes, *recedunt cum ea, de monumento, id est, de loco ante monumentum, scilicet de septis horti in quo erat monumentum: cum timore & gaudio magno, currentes nunciare hæc discipulis Domini de Ipso: secundum glossam, duplex erat in Ejs affectus, scilicet, timoris & gaudij: alter de magnitudine miraculi, alter ex desiderio Resurgentis, & uterque gressum cōcitabat fœmine.*

## QVOMODO DOMINUS APPARUIT TRIBUS

Mariis. Cap. LXXIII.

**C**um ergo istæ tres Mariæ simul pergerent, de monumento revertendo antequam perveniret ad civitatem, & ad Apostolos occurrit & apparuit eis Dominus JESUS. Ubi Hieron. Pergebat enim ad Apostolos, ut per illos fidei seminarium spargeretur. Quæ autem sic quærebant, quæ ita currebant, merebantur, obviam habere Dominum resurgentem. Et ut ait Rabanus Per hoc ostendit se omnibus iter virtutum inchoantibus, ut ad salutem perpetuam pervenire queant, adiuvando occurrere. Blanda quoque salutatione Dominus delectas erigens, & verbo consolatorio tristes consolans ait, *Ave te ex Eva formans Ave.* Ubi Hieronymus: Primò mulieres merentur audire, ave te: ut maledictum Evæ mulieris, in mulieribus solveretur. Illi verò ultrà quàm dici posset exhilaratæ, accesserunt, ut iam credentes & per fidem illuminatæ: quia, ut ait Apostolus: Accedentem oportet credere: & tenuerunt, ac de osculata sunt pedes Ejus, ex devotione humanitatem, in qua surrexit, probantes aperit, & de Resurrectione Ejus certificatæ, Deum ac Dominum adoraverunt: adoratione latræ, tanquam fidem Trinitatis adstruentes. Unde Chrysost. Tenuerunt pedes Ejus, & cum superabundanti ad Eum lætitia currentes, accesserunt & per tactum coniecturam & certitudinem Resurrectionis & adoraverunt Eum, Fortassis aliquis vestrum vellet & secundum illas effici mulieres, & pedes detinere JESU. Potestis & nunc, quicumq; vultis, non pedes & manus solum, sed & caput detinere sacrum illud: terribilibus potientes mysterijs puræ conscientia. Non hic autem solum: sed & in illa die videbitis Eum cum ineffabili gloria illa, & plebe Angelorum venientem, si volueritis esse misericordes, & audietis verba illa: *Venite benedicti patris mei, hereditate percipite regnum paratum vobis ante constitutionem mundi.* Hæc Chrysostomus. Iste est modus veniendi ad viciam: scilicet accedendo ad pedes Christi, unde debemus ire ad osculum pedis Christi, per devotam orationem: Ejus scilicet considerando humanitatem. Si vis capere celsitudinem Dei: cape prius humanitatem Christi. Moraliter acceditur ad Christum, per fidem illuminantem. Unde in Psalmista: *Accedite ad Eum, & illuminamini.* tenentes per charitatem conjungentem. Unde in Canticis: *Tenui Eum,* scilicet dilectum: *nec dimittam:* adoratur per debiti cultus exhibitionem. Unde supra in Evangel. *Dominum Deum tuum adorabis, & illi soli servies.* Et tunc Magdalena est datum, scilicet ut tangeret Eum: quod fuit ante dilatatum, quando quærebat viventem cum mortuis scilicet in sepulchro & loco mortuorum. Cum magna igitur iucunditate loquuntur adinuicem, & faciunt similiter pascha magnum. Hic, ut ait Anselmus quamdiu potes morare, nō delicias tuas somnus interpollet: nullus exterior tumultus impediat. Tunc ait illis *Iesus: Nolite timere* hoc dicit ad earū perfectā cōsolationē: quia timor qui eas invaserat, adhuc tōtaliter ab Ejs nō recesserat. Sicut occurrit currētibus, avēte dixit gaudētibus, ita timorē excludit à timētibus. Et subiūgit: *Ite nūciate fratribus meis, ut eant in Galilæa: ibi me videbūt:* ubi Hieron. Nō in Judæa, sed in multitudine gentiū, gratia enim trāsmigratura de Judæa ad Gētes, præcedet viā in cordibus præparādo: de Galilæa, & de hæc materia latius est dictū atē præcedētes capitulū. Vides hic & supra quòd magister humilitatis vocat discipulos suos fratres, eos amabilius, solito nominat, ut serius ad Eū accedāt, & nō timeāt accedere, propter hoc quod Eū in sua captione reliquerāt, & ut verā Resurrectionē doceāt, ut & ad honorē & ad amorē accedat Unde Rabanus: Vera fraternitas est, quæ fratrē veneratur devotū, & corripit dissolutū: quæ præseti obsequitur, absētē nō rodit, sano applaudit, infirmū nō deserit: placatū nō provocat, iratū meruit ut majorē. Hæc

Mat. 29  
& Io. 26  
Hierony.  
in c. 28.  
Matth.  
Rabanus  
ibidem.

Hierony.  
ibidem.  
Heb. 11.

Chrysost.  
hom. 90.  
in Matt.

Mat. 25

Moraliter

Psalm. 33.

Cant. 3.

Luce 4.

Hierony.

in c. 24.

Matth.

Fratres

Dominici.

Rabanus

ibidem.



Hæc Rabanus. Angelus Apostolos vocat discipulos, ratione humilitatis debita, Domino dans honorem. JESUS autem, quamvis Dominus, vocat eos fratres, & charitatis, & humilitatis ratione: in quo datur prælatis forma charitatis & humanitatis, iuxta illud Ecclesiastici: *Rectorem te posuerunt, noli extolli: esto in illis quasi unus ex illis.* Nunquam JESUS omnium Dominus humilitatem dimisit: sed usque ad mortem fidem ei servavit, & etiam post mortem, nec non & post ascensionem. Nonne in fine pedes discipulis lavit; Nonne humiliatus est ultra quam dici possit, Crucis patibulum sustinendo; non ne post Resurrectionem vocavit discipulos fratres; Nonne post ascensionem locutus est paulo humiliter quasi ad comparem suum, *Saule, Saule, quid me persequeris;* nec nominavit se Deum, sed Jesum Nazarenum: nonne etiam in sede Maiestatis consistens, dicturus est in die iudicii, *quodque fecistis uni de his fratribus meis minimis, mihi fecistis.* Non sine causa virtutem hanc tantum amavit, & suo nobis exemplo commendavit: sine hoc enim fundamento frustra sit aliarum virtutum ædificium, vel constructio. Unde nec de castitate, nec de paupertate, nec de aliqua virtute vel opere confidas, sine humilitate. Venit ergo Maria Magdalena, cum alijs duabus ad denunciandum bonos rumores Christi discipulis, tristibus de morte Domini: hæc enim dies boni nuncij fuit, *nuncians Ejs: quia vidi Dominum, & hæc;* quæ dicta sunt, *dixit mihi* scilicet nunciate vobis. Mulieres opus faciunt Evangelistis: factæque Apostolæ Apostolorum, festinant ad nunciandum mane misericordiam Domini. Omnis qui rectè intelligit, alijs nunciare debet. Juxta illud Apocalypsis, *Qui audit, dicat veni,* unde per istam quæ præ omnibus fuit sollicita videre Christi sepulchrum, propter quod Dominus ei primo apparuit: significatur quælibet persona de cognitione veritatis divinæ valde sollicita, & per hoc meretur assequi cognitionem, & talis debet veritatem agnitam nunciare alijs, sicut Maria nunciavit discipulis, ne de abscondito talento debeat merito reprehendi. Unde Beda: In eo autem quod hæc mulier discipulis Christum resurrexisse nunciavit, omnes monemur, maxime quibus est commissum prædicandi officium: si quid Ejs celitus revelatum fuerit, studiosè proximis propinent. Hæc Beda. Misericordissima Dei pietas in hoc loco erga sexum fæmineum declaratur. Mulier Resurrectionis accipit primum mysterium, & mandata custodit, ut veterem prævaricationis errorem aboleret. Unde, secundum Gregor. humani generis culpa absconditur unde processit: mulier in paradiso viro propinavit mortem, à sepulchro mulier viris annuntiavit vitam, & dicta sui vivificatoris narrat, quæ mortiferi serpentis verba narraverat. Mulier, quæ fuerat ianua mortis, prima prædicat Resurrectionem, & ostendit ianuam vitæ: ac si, secundum Gregor. humano generi non verbo Dominus, sed rebus dicat: De qua manu vobis illatus est potus mortis, de Ipsa suscipite poculum vitæ. Unde August. Resurgentem Deum priores fæminæ Apostolis nunciaverunt: nunciavit viro suo mortem fæmina in paradiso, nunciaverunt & fæminæ salutem viris in Ecclesia: Resurrectionem Christi Apostoli erant gentibus nunciaturi, Apostolis fæminæ nunciaverunt. Unde & Ambrosius: Sicut in principio mulier author culpa viro fuit, vir executor erroris: ita nunc quæ mortem primo gustaverat, Resurrectionem prior vidit: culpa ordine remedio prior, & ne perpetui reatus apud viros opprobrium sustineret, quæ culpam viro transfuderat, transfundit & gratiam: veterisq; lapsus compensat ærumnam Resurrectionis indicio. Per os mulieris mors antè processerat, per os mulieris vita reparatur. Unde etiam Beda: O quàm felices fæminæ, quæ triumphum Resurrectionis mundo meruerunt annuciare: ac mortis quam Eva serpentino affatu seducta contraxit, imperium disruptum prædicare, quanto feliciores animæ virorum pariter & fæminarum, quotquot in die iudicii (percussis pavore ac digna ultione reprobis) Ipsæ cælesti gratiâ adiutæ triumphare de morte, & gaudium beatæ Resurrectionis meruerint intrare. Hæc Beda. Et quia constantiam prædicandi non habet sexus inferior, & ad exequendum infirmior, & mulieribus docere in Ecclesia non permittitur, mandatur viris officium Evangelizandi. Hic autem nunciat mulier, iam non ut mulier, sed ut Ecclesiam gestans.



gegans. Rectè quoque hæc mulier quæ lætitiā Dominicæ Resurrectionis Cur Magda prima nunciavit, scilicet sancta Maria Magdalena, à septem, dæmonibus, id lena huius ope est, universis vitijs & criminibus curata esse memoratur, ut ubi abundavit vi deligitur, peccatum, superabundare gratia monstraretur, & ne quisquam digne pœnitens de venia commissorum desperaret, videns eam quæ tot erat subdita vitijs in tantum culmen subito esse promotam, ut Ipsi Evangelistis atq; Apostolis prima miraculum Resurrectionis Evangelizaret: tum etiam ut nullus de sua innocentia præsumat, aut peccantem despiciat: tum ut pateat quod ex Dei abundanti gratia peccator aliquando resurgit melior quàm ante casum fuerat. Sancti cum peccant, lapis est motus, non evulsus. Cadat justus, labatur justus, resurgat justus melior erit. Sanctis enim omnia cooperantur in bonu.

## DE MENDACIO CVSTODVM.

### Cap. LXXIII.

**D**Einde cum mulieres abiissent à monumento, ad explendam iussionem Dominicam: quidam de militibus, illud custodientibus, qui viderunt factum, & audierunt verbum Angelicum, venerunt Ipsa die Resurrectionis, in civitatem, scilicet Hierusalem: & principibus sacerdotum, à quibus positi erant ad custodiendum sepulchrum Christi, nunciaverunt omnia quæ fuerant facta, scilicet Christi Resurrectionem, & Angeli terribilem apparitionem ac terræ motum, & ex his quæ viderant & audierant facti sunt, vellent nolent, testes & prædicatores veritatis & Resurrectionis Domini triumphatoris mortis, & hoc quippe est validum testimonium, quod ab inimicis & Crucifixoribus Christi Chrysost. h. Judæi audiant Resurrexisse Ipsum. Unde secundum Chrysost. Mira Angeli 91. in Matt apparitio, & terræ motus propter milites facta sunt, ut stupefierent, & ab eis fieret testimonium veritatis: veritas enim à contrarijs divulgata magis effulget. Quod & contigit, quando prædicti custodes nunciaverunt principibus omnia quæ facta fuerunt. Ubi notandum, quod volentes impedire divinam providentiam, contra suam intentionem promovent illam: sicut fratres Joseph vendiderunt Ipsum ne adorarent Eum, & per hoc compulsi sunt Eum adorare secundum providentiæ divinæ ordinem. Sic principes Judæorum volentes impedire celebritatem nominis Christi, fuerunt valde diligentes de custodia sepulchri, & per hoc celebrata est fama de veritate suæ Resurrectionis, & perconsequens sui nominis. Indocta igitur simplicitas fatetur veritatem: astuta verò duplicitas Principum modum quærit, quo astruat falsitatem. Unde Rabanus in de Rabanus: Simplex animi æquitas, & indocta hominum rusticitas sæpe veritatem rei ut est sine fraude manifestat, ac contra versuta malignitas falsitatem verisimilibus verbis pro vero commendare decertat. Hæc Rabanus. Unde nequitia Judæorum per hoc non quiescit: quia congregati cum senioribus ad confingendum falsitatem consilio accepo, dederunt militibus pecuniam copiosam ad pervertendum veritatem: injungentes Ejs ut ad denigrandam Resurrectionis famam dicerent, quod Ipsi dormientibus discipuli Eius nocte furati Eum essent. Ecce apertum mendacium. Unde Remig. O stulta infania, dormientes testes adhibes. Si dormierunt, quomodo furtum viderunt: si non viderunt, quomodo testes sunt; Quod si etenim fures viderunt, cur non eos detinuerunt; Unde & Chrysost. Verè formam mendacij habebat quod dicebant, qualiter enim furarentur discipuli homines pauperes, & idiotæ, & neq; apparere audentes: si enim adhuc Christum vivum videntes fugerunt, qualiter mortuo eo non timuissent tot militum multitudinem; Num quid ostium sepulchri poterant evertere; lapis eminebat magnus, multis indigens manibus. Numquid etenim non erat sigillum superimpositum, quare non persuasibilia sunt quæ de furto dicta sunt: unde per quæ Resurrectionem obumbrare conantur, per hæc eam faciunt clarere, dicentes enim quod discipuli furati sunt, consentitur Corpus non esse in sepulchro: furtum autem ostendit esse mendax custodia militum, & discipulorum pavor. Hæc Chrysost.



Per hoc etiam moliebantur Discipulorum perditionem, imponendo eis furti crimen. Spiritualiter autem Discipuli Christi fures erant, quia ab ingratīs judæis scripta novi & veteris testamenti ablata in ulum Ecclesiæ conferebant, & Salvatorem, qui eis promissus fuerat, illis nocte dormientibus, hoc est infidelitate tormentibus abstulerunt, gentibus credendum tradentes. Et ut dicit Severianus. Amiserunt milites, perdidērunt judæi, sed discipuli Magistrum suum non furto, sed fide: virtute, non fraude: sanctitate, non crimine: vivum, non mortuum iustulerunt. De Templi verò arariis & oblatione *Pecunia mī pauperum, non de bursis propriis acceperunt pecuniam, & copio-* *litibus data* *sam, ut ea fama Christi extinguerent cuius sanguinem & vitam prius huiusmodi pecunia emerant: de communi prodigi sumus adeo, ut de proprio nil erogemus: sic proprietas diligitur, & communio contemnitur. Unde Hieronymus. Custodes miracula confitentur,* *Hierony. in* *illi autem qui post tale testimonium debuerant converti ad pœnitentiam, & JESUM quærere resurgentem, perseverant in malitia, & pecuniam quæ ad usus Templi data fuerat, vertunt in redemptionem mendacii: sicut & antè triginta argenteos judæ dederant proditori. Omnes igitur quod stipe Templi, & his quæ conferuntur* *Omnes similes* *ad usus Ecclesiæ abutuntur in aliis rebus, in quibus suam explentes* *prælati.* *voluntatē, similes sunt scribarū & Sacerdotū, redimentium mendaciū & sanguinem Salvatoris. Unde Hilarius. Emitur ergo resurrectionis silentium, & furti mendaciū, argento: quia honore sæculi (qui in pecunia est & cupiditate) Christi gloria denegatur. Hæc Hilarius* *Hilarius in* *Istis etiā judæis similes sunt, qui cum magnis sumptibus & laboribus* *sine commē* *conantur ad subversionem veritatis, cuiusmodi sunt advocati doloſi,* *tariorum in* *Matth.* *& Doctores vanè gloriosi, & illi qui eos ad hoc induerunt quibuscūq; modis. Ubi Chrysostomus. Non mireris si pecuniæ milites superaverunt, quæ apud Discipulum tantam ostenderunt virtutem, ut homil. 91. facerent eum Magistri proditorem: nihil enim clausum vel occultum quod non pecunia indagante sic contritum, propter quod dicitur: Nihil iniquius, quam amare pecuniam. Unde & Rabanus. O! pe-* *Eccles. 10.* *stis magna avaritiæ, semper bonis animis detestanda: quid illæsum,* *Raban. in c.* *quid inconcussum dimittis? Tu genus hominum confudisti, Tu Di-* *28. Matth.* *scipulum comitem Christi ab Apostolatu præcipitasti, Tu milites custodientes Christi sepulchrum captivasti. Nunquid bene dictum est, pecuniæ obediunt omnia? Hæc Rabanus. O; quomodo socios & hæredes judæi & milites in hoc scelera etenim apud magnos & potentes, reliquerunt: qui pecuniā corrumpuntur & corrumpunt: ac pro temporalibus & transitoriis agentes iniquè, credunt nihilominus, (sed vanè) quod sic animæ eorum requiescant in pace, & partem habeant cum Christo in Resurrectione. Custodes verò accepta pecunia corrupti fecerunt sicut erant docti: & dixerunt, nobis dormientibus furati sunt discipuli JESU Corpus Ejus: sed mentita est iniquitas sibi, & avaritia, sicut & Christi Discipulus, sunt decepti. Hæc autem irrisio heu multis hodie congruit pigris, illa hora Dominicæ Resurrectionis torpentibus. Unde Petrus Damianus. Cavendum est autem ne somno quos, vel ad momentum quidem in competentibus horis assentiat, & maximè juxta diluculum: ut quo videlicet tempore gravius incumbit accidia, Canonicis nos inveniat occupatos officiis absit etiam nos tunc sopore vel ignaviæ tædere, qua videlicet hora constat Redemptorem nostrum destructo mortis imperio* *Accidia detestatio.* *surre-*

Zzzzz



surrexisset; ne si tunc dormiamus, quando oriente sole corpore eternum interior noster Homo lucem debeat inocciduum expectare (quod absit) ut irrisio nobis videatur illa congruere, Discipuli Ejus nocte venerunt, & nobis dormientibus furati sunt Eum. Hæc Petrus Damianus. Istud autem mendacium militum judæi emerunt carere, quomodo adhuc eos tenet in errore: unde *divulgatum est*, & mansit *hoc verbum*, scilicet quod Christus furatus fuisset. non surrexisset: tanquam verum, quod tamen erat falsum, apud judæos usque modo & in hodiernum diem, & usque hodie suum non vident vel intelligunt errorem. Unde Rabanus. Error empti mendacii per quod modo resurrectionis denegant veritatem, perseverat in judæis, ne in Christum credant, & reatu eos constringit perpetuo: ad tempus autem mendacium prævaluit, sed non semper, nam contra fictum mendacium judæorum, refulget efficax & irrefragabile testimonium resurgentium mortuorum: quia multa corpora Sanctorum qui dormierunt. somno mortis: surrexerunt post Resurrectionem Ejus, tanquam testes suæ resurrectionis, & exeuntes de monumentis venerunt in sanctam Civitatem Hierusalem: quæ dicitur Sancta, propter Templum Divino cultui deputatum, & propter Sancta Sanctorum, & ob distinctionem aliarum Urbium in quibus idola colebantur: vel pro antiquo nomine, ut Matthæus publicanus dicitur, & apparuerunt multis, testificantes de resurrectione Domini, scilicet idoneis ad declarationem resurrectionis Dominicæ: his scilicet qui videre meruerunt, & resurgentem susceperunt: sed non omnibus, quia non erat resurrectio generalis, quæ apparebit omnibus & bonis & malis. Et hoc Divinitus factum est contra judæos & milites, in testimonium quod Christus Dominus primitiæ dormientiū verè resurrexit à mortuis. Unde Chrysostomus. de Chryl. Aperta sunt monumenta, & resurrexerunt mortui, & intra homil. 91. verunt in Sancta Civitate: ut inexcusabilè relinqueret Eam, & Dñi resurrectione firmeretur. Hæc Chrysost. Fortè hi fuerunt, de quibus supra Epistolam ad Hebræos legitur: quod multi affectaverunt sepeliri in terra Sancta: ut cum Domino resurgente resurgerent. In Evangelio etiam Nazaræorum legitur, quod duo Viri Sancti mortui ante quadraginta annos, venerunt in Templū, & scripserunt quomodo illi qui erant in limbo, exultaverunt in descensu Domini ad inferos, & demones instabantur. Unde Leo Papa: Qui mortalitatis gravabantur de resurrect. sepulchris, discussa obstaculorum mora profiliant: appareant quoque nunc in Civitate Sancta, id est; Ecclesiâ DEI futuræ resurrectionis indicia, & quod credendū est in corporibus, fiat in cordibus. Hæc Leo. Rectè autem in resurrectionis Domini tempore alii surrexerunt, ut Cur & alii cum se percipere desperaret homo, quod in se ostenderat DEUS: surrexerunt. homo hoc in se fieri posse præsumeret, quod in puris hominibus factum cognosceret. Unde Gregor: Ad instruendam ergo ignorantiam nostram, ad roborandam infirmitatem nostram, suæ resurrectionis exemplum nobis sufficere voluit, solus illo in tempore mortuus est, & tamen solus minimè surrexit. Ne quis enim dicat, sperare de se non debet homo, quod in carne sua exhibuit Homo DEUS: ecce cum DEO homines resurrexisse cognoscimus. Hæc Gregor. Considera hic quàm magna fuit nequitia judæorum circa Dominum JESUM: quæ etiam post Ejus mortem non cessavit, & quàm magna bonitas circa illos, de quorum salute nihilominus curam habuit: quibus exemplis & nos provocamur, ut Ejus bonitatem circa injuriantes, imitemur.

QUO.



## QUOMODO DOMINUS APPARUIT PETRO,

Et Joseph, Et Jacobo minori, ac Sanctis Patribus.

## CAPUT LXXV.

Cum ergo Magdalena & sociæ ejus redeuntes domum, narrassent Discipulis resurrexisse Dominum: Petrus mærens quod Dominum suum non viderat: nec quiescere valens, propter amoris vehementiam quam ad Eum habebat; dicebat subito ab aliis ad querendum Dominum, & solus ibat versus sepulchrum. Nesciebat enim, ubi cum alibi quæreret. Dum ergo pergeret, Dominus in via ei apparuit: licet Evangelista ubi vel qua hora factum sit, non designaverit. Tunc Petrus videns Dominum procidit in terram, & veniam petit in hoc quod Eum dereliquit, & pluries negavit: Dominus autem sibi peccata dimittens, & Eum consolando confortans, dicit ei ut confirmet etiam fratres suos. Stant simul, & cum gaudio colloquuntur adinvicem, & sit hic similiter Pascha magnum. Singulariter ergo Petro apparuit, qui singulariter Eum negavit. *Omnium autem virorum quos Evangelizavit & Apostoli commemorant, primò Dominus Petro pluribus de causis seu rationibus apparere voluit. Prima est, ut qui primò confessus est Eum Christum esse, primò resurrectionem Ejus mereretur videre. Secunda, ut mentem Ejus (quæ in passione titubaverat) reformaret, & qui timore passionis Ejus evidentiùs ceciderat, per spem resurrectionis priùs resurgeret. Tertia, ut peccatum trinx negationis ei indultum ostenderet, consolans Eum ne desperaret. Quarta, ut Apostolatus Ejus ordinem consolidaret, & ipsum in corroboret. Quinta, ut Eum facto doceret qualiter subditis suis pœnitentibus condescendere deberet, quantumcunq; peccassent. Sexta, ut peccatoribus omnibus spem misericordiæ & veniæ daret, ostendendo quod peccatores non despiceret. Septima potest addi, Secundum Chrysostomum qui dicit. Non enim simul omnibus se manifestabat, ut fereret fidei semina. Nam qui primò viderat, & certus erat, aliis referebat. Deinde sermo prodiens præparabat animum Auditoris visioni. Et ideo primò digniori & fideliori omnibus apparuit. Erat enim opus animæ fidelissimæ, quæ priùs acciperet hunc aspectum, ut minimè turbaretur inopinata visione. Post Petrum verò alius apparuit quandoq; paucioribus, quandoq; pluribus. Hæc Chrysostomus. Petrus verò benedictione à Domino accepta, rediens ad Dominam, & ad Discipulos Eis omnia narravit: & deinceps in omnibus multum fidelis DEO permansit. Petrus interpretatur obediens, & typum obedientiæ gerit: quibus Dominus sæpiùs apparere contievit. Discedens igitur Dominus JESUS à Petro, apparuit Joseph, qui Eum sepelierat in monumento suo. Nam ut legitur in Evangelio Nazaranorum: Cum audissent judæi, quod Joseph à Pilato Corpus JESU petiisset, & Ipsum ita honorifice in monumento suo sepelisset: Tunc indignati adversus Eum, ceperunt Ipsum eadem vespere qua sepelivit Dominum, & in quodam cubiculo diligenter clauso & sigillato recludente incarcerationem, alligantes Eum ad columnam in ipso carcere, & volentes post sabbatum Eum occidere: & ecce statim in Ipsa die Resurrectionis, suspensa domo*

*Petri singulariter apparuit Dñs.**Chrysostom. homil. 38. in Epist. 1. ad Corinth.**Petri interpretatio. Joseph apparitio.*



Psalm. 9.

à quatuor angulis Dominus ad eum intravit, & ei laeus apparuit: eumq; consolans faciem Ejus extexit, & osculum dedit: ac deinde salvis sigillis Eum educens & liberans, in domum suam in Arimathia Ipsum adduxit: Vide quomodo Dominus suos non obliviscetur: nec derelinquit ulquēquaq; sed tandem eos consolatur & adjuvat suo tempore. *Quia Ipse est Adjutor in oportunitatibus, in tribulatione.* Unde Chrysostomus. Mos siquidem DEI est iste certissimus, ut cum mala ad cumulum suum venerint: cumq; vident suos graviter affligi. & adversarios tyrannide quadam contra se impietatis attolli: vel potius mentis ebrietate bacchari, Divinitatis suae potentiam per signa demonstret. Hæc Chrysosto. Nicodemum verò, ipsius Josephi socium in sepeliendo Dominum suum, dicunt quidam interim latuisse, propter metum judæorum Joseph interpretatur augmentum, vel appositio per longam ætatem: & typum gerit perseverantium in bono opere, quibus sæpe Ipse Dominus dignatur apparere. Apparuit etiam Dominus ipsa die Jacobo minori, ut in Epistola ad Corinthios tangitur. Qui in Cœna dovoverat & juraverat se non comesturum panem ab illa hora qua calicem Domini biberat, donec Eum à mortuis surrexisse videret. Cum ergo usq; ad diem Resurrectionis Jacobus cibum non gustasset: apparens Dominus dixit ei, & his qui cum eodem erant: ponite mentem & panem deinde panem accipiens, benedixit ac fregit; & post dedit Jacobo, dicens ei: Frater mi, comede Panem tuum: quia Filius hominis à mortuis resurrexit. Ista refert Josephus, & similiter

*Hieronymus* Hieronymus in libro de viris illustribus. Vide quomodo hic qui non solum panem substantialem, sed etiam super substantialem, scilicet JESUM esuriebat: utroq; consolari & refici meruit. Non enim permittit Dominus illos qui Eum vel propter Eum esuriunt, & vel inedia deficere: sed dat in se sperantibus escam opportuno tempore: &

*Jacobus*  
*quid inter-*  
*pretatur.*

implet eos benedictione. Jacobus interpretatur luctator: & typum gerit eorum qui in tentationibus fortes sunt, & vitia viriliter supplantant: quibus etiam Dominus frequenter se manifestat: esto ergo Petrus obediendo, esto Jacobus vitia supplantando, esto Joseph de virtute in virtutem proficiendo, & in hoc perseverando, & non obliviscetur Dominus te per suam gratiam visitare: & prout tibi Deus quem expedire noverit: consolari. Et sciendum, quod animam, cui se

*visitatione* Dominus in quacunq; specie dignatur ostendere, nunquam dimittit sine consolatione & aliqua salubri revelatione, quomodo pater in omnibus apparitionibus post resurrectionem factis. Nam MARIE Matri suæ præ cæteris plus de morte Ejus dolenti, & Resurrectionem Ejus expectanti totius festivus & gloriosus apparens, totum mærorem in lætitiā convertit: itaq; omnis doloris pristini oblita fuit. MARIAM etiam Magdalenam, cui in specie hortulani apparuit, plorantem consolabatur, vocans eam proprio nomine, & dicens: MARIA: quo verbo statim conversa, ac consolata & edocia, cognoscens Dominum, cum gaudio magno dixit, Rabbani: revelavitq; ei Dominus mysterium suæ voluntatis, dicens: vade ad fratres meos, & dic eis: Ascendo ad patrem meum. Item tres mulieres, quibus occurrit, consolatus est dicens: Avete, & deinde subiungens nolite timere, eisq; mysterium suum revelavit, dicens: Ite annuntiate fratribus meis, ut eant in Galilæam, ibi Me videbunt. Item duobus Discipulis euntibus in via apparuit in specie peregrini, qui-

bus



bus aperuit sensum Scripturæ, & eorum corda fecit, ardentia: & de-  
 mum in fractione panis eos plenè consolabatur sui notiâ. Item cum  
 appareret Discipulis congregatis in unum, in propria specie, con-  
 solabatur eos, dicens: pax vobis, quid turbati estis, Ego sum, nolite  
 timere. Videte manus meas, & pedes meos, & aperuit illis sensum,  
 ut intelligerent Scripturas, & sic similiter. DEUS in qualibet alia  
 sua revelatione consolatus est videntes se, cum aliqua revelatione:  
 unde non dubium est quin similiter & hic istos suos dilectos conso-  
 latus sit. Et notandum, quòd Divina consolatio acquiritur. Pri-  
 mò, per timorem. Secundò, per lachrymationem seu lachrymarum  
 devotionem. Tertiò, per tribulationum sustentiam. Quartò, per  
 sui humilitatem. Quintò per terrenæ consolationis vitiationem. Sex-  
 tò, per supernorum contemplationem. Dominus igitur JESUS <sup>Consolatio  
Divina quo  
modo acqui-  
ritur.</sup>  
 inde discessit: quia nondum Sanctos Patres post Resurrectionem su-  
 am visitaverat: quos in Paradiso deliciarum dimiserat. Rediit er-  
 go ad eos procedens in stola candida, cum multitudine Angelorum,  
 quem ipsi in tanta gloria à longè conspicientes, cum indicibili gau-  
 dio, exultatione & júbilo, canticis & laudibus Eum susceperunt, &  
 procidentes in terram: adoraverunt: deinde surgentes & stantes co-  
 ram eo reverenter & jucundè compleverunt laudes suas ferventer,  
 & omni qua poterant Devotione. O! qualis cantus, & quantà gau-  
 dia ibi erant, ubi tanta Concio Sanctorum simul psallebat? O! quàm  
 bonum & quàm jucundum talibus interesse, vel saltem aliquid de  
 his percipere? appropinqua ergo & tu si permittieris, & admisce-  
 re laudibus istis, vel saltem ausculta à longè, & jucundare in eis.

## QUOMODO DOMINUS APPARUIT

*Duobus Discipulis in via.* CAPUT LXXVI.

**I**psa autem die Resurrectionis Domini, duo ex septuaginta duobus <sup>Lucæ 24.</sup>  
 Discipulis Ejus de Hierusalem egressi, ibant versus castellum E-  
 maus, quod distabat à Hierusalem stadiis sexaginta, id est; septem  
 millibus quingentis passibus contra Occidentem. Octo quippe sta-  
 dia faciunt milliare unum: & sic distabat ad Hierusalem per septem  
 milliaria & Dimidum: quorum duo vel secundum quosdam tria, fa-  
 ciunt unam leucam: unius istorum duorum nomen exprimit: Lu-  
 cas, cui inquit nomen Cleophas: alterius verò nomen tacet cau-  
 sa humilitatis: quia secundum Gregorium. Creditur fuisse ipse Lu-  
 cas, sed secundum Ambrosium, putatur fuisse Amaon filius Rufi, & <sup>Ambrosius  
in cap. 24.  
Lucæ.</sup>  
 cum ipsi, quasi desperati, de JESU adinvicem de his quæ accide-  
 rant, scilicet de ejus cōversatione & morte tristes cōferrent: maxi-  
 mè dolentes, quia eum sine culpa & innocenter occisum noverant:  
 Venit Dominus JESUS & junxit se illis: scilicet corporaliter &  
 spiritualiter, & *ibat cum eis*: tanquam socius itineris: interrogans &  
 respondens, ac verba salubria cum ipsis conferens, ut secundum  
 Bedam, fidem suæ Resurrectionis, mentibus eorum incenderet, & <sup>Beda ibidem</sup>  
 quod se facturum promiserat, impleteret, scilicet *ubi sunt duo vel tres in Matth. 18.*  
*Nomine meo congregati, ibi sum in medio eorum.* In ipso loco in quo se  
 eis junxit, capella facta fuit. Et quia intus in Corde Dominum  
 amabāt, sed de Ejus resurrectione dubitabāt: ideo Dominus eis foris  
 in corpore apparebat, sed quis esset non agnoscebant. Hoc apud eos  
 agebatur foris in oculis corporis, quod agebatur intus in oculis cordis.

Aaaaaa

Quia



Quia enim amabāt, videbāt, quia verò dubitabant, Eū quē videbāt nō agnoscebāt. Et hoc est quod dicit, *oculi autem eorū tenebantur nē eum agnoscerent*: quia incredulitas eorū, & dubietas demerebatur, quōd Christus cognitionē sui corporis ab eis retardaret. Tenebantur oculi eorum veritate, non falsitate, sed ipsis non valentibus veritatē recipere vel percipere, unde non ab Ipso Domino JESU, sed propria dubitatione tenebantur. Ubi Augustinus; Quod autem ait Mar-  
*Aug. lib. 3. de consensu* eus in alia effigie Dominum apparuisse, hoc Lucas dicit, quōd  
*Evang. c. 24.* oculi eorum renebantur ne cognoscerent Eum: oculis quippe Eo-  
rum acciderat aliquid. quod ita manere permissum est, usq; ad fra-  
ctionem panis. Non quia Dominus non poterat transformare car-  
nem suam, ut alia revera esset effigies quā solebant intueri: sed nō  
ita est factum. Hæc August. *Et ait ad illos: Qui sunt sermones quos*  
*confertis adinvicem ambulantes, & estis tristes?* Non quærit ex ignorātia,  
sed ut ex eorum respōsione incredulitas eorū conveniētius arguatur,  
ut dicit Gregor. Conferebant quidem inter se, quasi non ampliū  
expectantes Christum viventem: sed dolorosi, quasi perempto Sal-  
vatore. *Et respondens Cleophas dixit ei. Tu solus peregrinus es in Hie-*  
*rusalem, & non cognovisti quæ facta sunt in illa his diebus?* hic, solus, non  
facit exclusionem aliorum peregrinorum, cum valde multi pere-  
grini & de diversis partibus venissent in Hierusalem ad diem fe-  
stum Paschæ: sed notat exclusionem cognitionis, ab isto sic apparen-  
te, scilicet notitiæ mortis JESU, quam solus videbatur ignorare: ut  
sit sensus. Cum multi peregrini his diebus venerint in Hierusa-  
lem, mirū est quōd, tu solus inter alios peregrinos ignores ea quæ sunt  
nota aliis omnibus. Ubi Theophilus, quasi diceret. Tu solus, quasi  
*Theophilus in Lucam.* jam peregrinus es, & extra confinia Hierusalem habitans, & expers  
*Beda in cap. 24. Lucæ.* eorum quæ in medio ejus contigerunt, ut hæc ignores. Ubi Beda.  
Peregrinum putabant eum cujus vultum non agnoscebant. Sed re-  
vera peregrinus erat eis: à quorum naturæ fragilitate (percepta jam  
Resurrectionis gloria) longè distabat: & à quorum fide, utpote Resur-  
rectionis Ejus nescia, manebat extraneus. Et cum non ex ignoran-  
tia, sed ut ex responsione eos argueret, & de factis in Hierusalem,  
quæ nam esset eos interrogaret: *dixerunt, de JESU Nazareno, qui su-*  
*it Vir Prophetæ, potens in opere, scilicet miraculorum: & sermone, scilicet*  
*prædicationis & doctrinæ: quomodo esset traditus in mortem, &*  
*Idem ibidē.* crucifixus. Ubi Beda. Prophetam fatentur, Filium DEI tacent: vel  
nondum perfectè credentes, vel solliciti ne inciderent in manus ju-  
dæorum persequentium: quia nesciebāt quis esset, quod verum cre-  
debant celantes. Et subjungitur, quōd sperabant ipsum redemptu-  
rū Israël, quasi jam evanesceret spes eorum: cujus causam subdunt:  
quia jam tertia dies ab illis factis erat, qua se resurgere prædixe-  
rat: & tamen adhuc discipulis non apparet, licet tertia dies prope  
finem esset. Et addunt, quod quidam ex eis abeuntes ad monu-  
mentum, terruerunt eos, non de Resurrectione Christi quam nun-  
ciabant, sed de ablatione Corporis Ejus non inventi, quam discipu-  
li timebant. Et Ipse dixit ad eos, ex responsione eorum arguens  
iplos: *o stulti, propter cæcitatem intellectus: & tardi corde, propter*  
*tarditatē affectus: ad credendum in his quæ locuti sunt Prophetæ, de Chri-*  
*sti morte & Resurrectione: nonne hæc oportuit pati Christum, cum pro-*  
*pter Patris prædeterminationem, tum propter Christi exaltationē, tū*  
*propter humani generis Redemptionem, tum propter scriptura-*  
*rum*



rum impletionem & ita, scilicet per passionem & mortem, intrare in gloriam suam, ad quam nemo perveniet nisi per passionis viam. Et interpretabatur, & exponebat illis in omnibus scripturis quæ de ipso erant, inducendo testimonia aliqua, & aperiendo mysteria quantum ad propositum ostendendum sufficiebat: ostendens eis omnia circa ipsum facta ante fuisse prædicta. Firmitas enim fidei in eo est: quia omnia quæ in Christo venerunt, prædicta sunt. Considera hic multiplicem Domini benignitatem & bonitatem: primo, quia non potuit ejus fervens amor sustinere eos sic tristiari & errare. Verè si-  
Benignitas  
& bonitas  
Domini  
Loquendum  
de Deo.  
 dus est amicus, fidelis comes & benignus Dominus jungit se ipsis, quærit tristitiæ causam, & exponit eis scripturas, inflammans corda eorum. Sic quotidie facit nobiscum spiritualiter, si enim aliqua perplexitate vel acedia gravati piè de ipso loquimur, statim adest, confortans corda nostra & illuminans, & etiam ad amorem suum inflammans: optimum enim remedium est contra tales perplexitates, loqui de DEO similiter & cogitare de ipso: propter quod, istorum discipulorum exemplo, cum per viam incedimus, de salutaribus loqui debemus, ut Christum nobiscum pergentem habeamus: & non solum pergentem, sed etiam nos docentem: sicut istis discipulis, cum quibus ibat, scripturas aperiebat. Et universaliter ubiq; bonum est loqui de JESU: bonum est Eum in mente semper habere: quia nec ipse obliviscitur eorum qui memores sunt Ejus, sicut hic videmus. Promisit enim, quod ubi duo vel tres congregati  
Matth. 18.  
 sunt in nomine Ejus, ibi est in medio eorum. Specialiter autem de passione loquentes comitatur Dominus, quia amplius placet ei recordatio eorum, quæ Ipse pro nobis est passus. Unde ad hoc specialiter monet: dicens: Recordare paupertatis meæ, scilicet contra divitias: & Thren. 3.  
 transgressionis, id est; utilitatis, scilicet contra honores: absinthii & fellis, scilicet contra delicias. Secundò, considera bonitatem ejus non solum ex amore, ut dictum est supra, sed etiam ex humilitate profunda. Conspice quomodo humiliter vadit Dominus omnium cum istis Discipulis, quasi unus ex eis. Nonne Tibi videtur rediisse ad primordia humilitatis, sed & in alio humilitatem Ejus, quæ non est dedignatus hos Discipulos inferioris gradus: non enim erant isti de Apostolis, sed de alijs minoribus discipulis: & tamen familiariter jungit se ipsis, vadit & loquitur cum eis: non sic faciunt elati, qui nolunt nisi cum præcipuis Viris ambulare & conversari. Item in alio relucet hic sua humilitas, nam si consideres elatos, videbis quod nolunt verba ampullosa spargere inter paucos: quia ea perditæ existimarent: nec illos dignos ea luscipere reputarent: sed Dominus etiam cum duobus loquitur arcana sua: non vilipendit paucos, nec etiam unum, sicut fecit loquendo cum Samaritana juxta puteum. Tertiò, considera Domini benignitatem: vide quomodo discipulos suos instruit, ac sermonibus consolatur, & reficit: inducens eos ad credendū: & dicit: O! stulti & tardi corde ad credendum, Joann. 4.  
 &c. quasi diceret nobis. O! stulti & tardi ad credendum. O! stulti & tardi ad inquirendum præcepta & voluntatem DEI. O! stulti & tardi ad implendum intellecta, & faciendum ea: humiliemus ergo nos, ut Sacram Scripturam inquiramus, & secundum eam vivamus: humiliemus etiam nos ad tolerantiam passionum, ut participes Passionis Christi effecti, simus socii resurrectionis & gloriæ Ipsi. Qui enim non compatitur, non intrabit in gloriam illam:



quam etiam præcedit mandatorum inquisitio, & impletio. Unde Beda in cap. Beda. Hoc nobis in loco non ullam Scripturam interpretandi, sed 24. Luca. gemina nosipsum humiliandi necessitas incumbit, qui neq; in scripturis quantum oportet edocti, neq; ad implenda quæ novimus quantum decet sumus intenti: nam si Moyses & omnes Prophetæ Christum locuti sunt, & hunc per angustiam passionis in gloriam suam intraturum prædixerunt: qua ratione gloriantur se esse Christianos, qui juxta virium suarum modulum, nequæ scripturas qualiter ad Christum pertineant investigare: neq; ad gloriam quam cum Christo habere cupiunt, per passiones tribulationum desiderant

attingere? Hæc Beda. Christus enim per passionem & mortem, tanquam per portam angustam, intravit in gloriam suam, ostendens nos per multas tribulationes intrare in Regnum DEI. Delirant ergo & fatui sunt, qui sine pati & tribulationibus præsumunt intrare in gloriam alienam: cum Christus sine his non intraverit in gloriam suam: sed oportebat multa pati illum, cujus naturaliter est Regnum, multo magis nos, quorum non est Regnum nisi de gratia, oportet per multas tribulationes intrare in Regnum Cælorum. Exemplum habemus de omnibus charis & Electis Christi, qui omnes

per viam passionis voluntariæ venerunt ad Regnum DEI. Mirum quippe esset si quis intrare nollet portam, per quam Rex suus intrasset. Unde Bernardus. Caput nostrum per passiones & angustias Cælum introire videmus, & nos membra Ejus nobis alia itinera somniamus. Monstruosa res est, si per unum foramen caput transire videmus, per aliud corpus: pudeat sub spinato capite membra fieri delicata. Hæc Bernardus. Hæreditas quippe transit ad hæredes cum suo onere & honore: DEUS autem hæreditati beatitudinis æternæ adjunxit onus, id est; tolerantiam passionis, & cum isto onere habuit eam Christus: quia ut hic dicitur, oportuit Christum pati, & sic intrare in Regnum DEI: habuerunt eam Apostoli: quia persecutionem pro Christo (ut Ipse eis prædixerat) sustinuerunt, habent eam omnes fideles: quia, ut dicit Apostolus. Omnes

qui pie volunt vivere in Christo JESU, persecutionem patientur: qui ergo vult assequi æternam beatitudinem & nullam pati tribulationem, videtur quod velit esse & Christo dignior, & Apostolis Sanctior, & cunctis fidelibus melior. Et cum appropinquaret Castellulo quo ibant, tunc Ipse Dominus finxit se longius ire: ut scilicet eorum augeret desiderium: & invitaretur ab eis, & teneretur. Unde Bernardus. Simulabat se longius ire, non quia volebat: sed volebat audire; Mane nobiscum Domine, quoniam ad vesperasceit. Hæc Bernardus. In hoc tamen nulla falsitas fuit, quia sicut aliquid potest fingi verbis, ita & factis: primum autem fuit sine falsitate, ut patet in parabolis testamenti novi & veteris, quibus aliquid fingitur verbis ad veritatem aliquam convenientius designandam: & eodem modo hic Christus finxit se longius ire, ad designandam

stantiam à cordibus eorum propter fidei defectum. Unde Augustinus. Quod non ad mendacium pertinet: non enim quod fingimus, mendacium est: sed quando id fingimus quod nihil significat. Cum autem fictio nostra fertur ad aliquam significationem, non est mendacium, sed aliqua figura veritatis, sicut autem dicta, ita etiam finguntur facta sine mendacio, ad aliquam rem signandam. Hæc



Hæc August. Ipsi autem desiderantes adhuc audire ipsum, *coegerunt illum factis*, scilicet manibus trahendo ut maneret, ac verbis & rationibus alliciendo obnixè rogaverunt dicentes: *Mane nobiscum, quoniam advesperascit, & inclinata est dies*, scilicet ad occasum, quo exemplo, secundum Greg. colligitur quod peregrini non solum ad hospitium invitandi sunt: sed etiam trahendi. Quilibet morti appropinquans, & ad vesperum seu occasum vitæ tendens, congruenter etiam posset hoc verbum dicere, & Dominum ad manendum secum corde & ore invitare, tandem *intravit cum illis, & recumbens cum Ejs, accepit Panem & benedixit ac fregit, & porrigebat illis*. Conspice bene quomodo ad eorum invitationem & coactionem benigne cum Ejs intrat: mensam ponunt, cibos offerunt: panes accipit, ac benedicens eos manibus sacratissimis frangit & porrigit illis. Faciens illis hoc sicut ante passionem, quando adhuc inter eos conversabatur, seu morabatur, facere contueverat. Unde per hoc seipsum Ejs revelat, quia tunc *aperti sunt oculi eorum*, scilicet interiores: & *cognoverunt Eum*, in modo fractionis panis, assuetam Ejus consuetudinem videntes: sic enim frangebatur panem sola manu, ac si scinderetur cum cultello. Cognoverunt Eum ex modo frangendi & etiam benedicendi panem. Legitur enim panem sic fregisse & benedixisse pluries. Primò, in quinque panum multiplicatione. Secundò, in septem panum distributione. Tertiò, in sui Corporis consecratione. Quartò, hic in discipulorum illuminatione. In his autem quatuor fractionibus, significatur quadruplex expositio sacræ scripturæ secundum quatuor Ejus sensus, scilicet historicum, tropologicum, allegoricum, & anagogicum. Ubi August. Non incongruenter accipimus hoc impedimentum in oculis eorum à sathana fuisse, ne agnosceretur JESUS: sed tamen à Christo facta est permissio usque ad Sacramentum panis, ut unitate Corporis Ejus participata, removeri intelligatur impedimentum inimici, ut Christus possit agnosci. Ubi & Theophil: sed & aliud innuit, quod scilicet summentibus sacrum panem, aperiuntur oculi ut Eum agnoscant, magnam enim & ineffabilem vim habet Domini caro. Hæc Theophilus. Ista circa discipulos gesta quotidie facit Dominus nobiscum invisibiliter, & in anima: nam teneri vult, & etiam invitari, per desideria & orationes ac sanctas meditationes, & ideo oportet orare, & non deficere. Ista etiam facit ad nostram eruditionem, ut scilicet intendamus in opera charitatis, pietatis, & hospitalitatis: & quomodo non sufficit divina eloquia legere vel audire, nisi compleantur opere: quia Dominus non est cognitus dum loqueretur & dignatus est cognosci dum pascitur: pius & misericors Dominus fidei istorum subuenit, quos misericordes reperit, eisq; misericordiam impendit. Hinc ergo cognoscere possumus, quod fides sine operibus mortua est: quia Dominum quem discipuli non ex visione, non ex scripturarum interpretatione & expositione cognoverant, mox opere quod scripturæ præcipiunt perfecerunt, Eum in fractione panis cognoverunt. Audiendo scripturas & præcepta Dei, illuminati non sunt: faciendo, scilicet Ipsum trahendo ad hospitium, & apponendo cibum, illuminati sunt: quia *non auditores legis, sed factores justificabuntur apud Deum*. In operibus ergo pietatis & misericordiæ, ut in hospitate & huiusmodi, amplius cognoscitur Deus: quàm in lectione, disputatione, & scripturarum expositione. Veritas enim melius operando, quàm audiendo intelligitur: & melius Ipso opere, quàm verbo manifestatur. Nos ergo qui peregrini in hoc mundo sumus, quia non habemus hic permanentem civitatem, sed futuram inquirimus, si spiritualiter in nobis habemus quæ in se habebant isti peregrini, erit Dominus comes itineris nostri. Peregrini isti laborabant: quia ambulabant: tristabantur, & de Christo confabulabantur: sed Christus se Ejs iungit, cor urit, scripturas aperit, longius se ire fingit. Si tales essemus, scilicet laborando, contra acediam, tristando, contra vanam lætitiā, de Christo confabulando, contra vaniloquium, tunc Christus se nobis iungeret, cor accenderet, scripturas aperiret, & intellectum daret: licet aliquando longius se ire fingeret, ut nos probaret. Item peregrinus ab omnibus ad Eum non pertinentibus se exonerat & alienat, viam quærit, summo desiderio patriam suam appetit, & cor atque oculos ab omnibus, ne re-

Gregor. 16.

23. in Evag.

Peregrini

in hospitio

trahendi.

Frangendi

panis con-

suetudo.

Fractionum

quatuor

totidem

sensus.

August.

lib. 3. de

consensu:

Evangel.

cap. 25.

Theophilus

in Lucam.

Peregrini

conlationis.



Emaus:

Origenes

hom. 7. in

Exod.

Gregor.

hom. 30.

in evang.

Cur cito

evanuit.

retrahatur vel impediatur, avertit. Esto talis peregrinus, & apparebit tibi Christus, & hæc tria faciet tibi, sicut fecit & illis duobus peregrinis. Tempus abbreviat, per dulce vitæ colloquium, viam instruit, dans verum intellectum, ultimò pane benedicto, per seipsum fractò, reficit affectum, & hoc compellis ipsum, se longius ire fingentem, manere tecum. Per istos discipulos, euntes in Emaus, signantur volentes implere consilia Domini, quia Emaus intepretatur desiderium consilij, quibus Dominus saepe sua visitatione dignatur apparere, non autem dedit Dominus istis discipulis suis tunc magnam sui copiam, sed statim porrecto pane, *evanuit ab oculis eorum*: ut ex hoc ipsorum argueret effectum, simul ostendens se corpus gloriosum habere, quod per dotem agilitatis subito potest disparere, subtrahebatur carnalibus oculis species infirmitatis, ut mentibus eorum inciperet apparere gloria Resurrectionis. Unde iam certi Eum Resurrexisse, dixerunt adinuicem, *Nonne cor nostrum ardens erat in nobis*; scilicet ardore charitatis, dum loqueretur in via, & aperiret nobis scripturas, nos instruendo ex Ejs. Quare Eum non tenuimus; quare ad pedes Ejus non corruimus; Quare nobis Ipsi & cordibus nostris non credidimus; ubi Eum quæremus; ubi Eum inueniemus; per quod, ut dicit Origenes, innuunt quoddam prolati sermones à Salvatore, accendebant audientium cor ad amorem divinum. Unde Gregorius, ex audito quippe sermone inardescit animus, torporis frigus recedit, fit mens in superno desiderio anxia, à concupiscentijs terrenis aliena, audire Ei libet præcepta cœlestia, & quot mandatis instruitur, quasi tot facibus inflammatur. Hæc Gregorius. Idecirco quoque cito evanuit, quia etiam alios consolari festinabat, cum quibus tamen simul & istos consolatus est, ut statim infra patebit.

## QUOMODO DN<sup>9</sup> APPARUIT DISCIPULIS Thoma absente. Cap. LXXII.

Luca 24.

&amp; Jo. 20

Theoph. in

c. 24. Luca.

**S**urgentes autem eadem horâ prædicti duo discipuli, *regressi sunt ipsa die in Hierusalem*, ad alios discipulos propter metum Judæorum inclusos. Unde Theophilus: Ardebat ergo cor eorum igne verborum Domini, quibus intendebant, & adeo latati sunt, ut nullam moram passi, mox reversi sint in Hierusalem. Uide hic discipulorum diligentiam, & fidei fervorem, ad revelandum resurrectionem: quia tardâ, scilicet vespertina hora, aut mensa, seu fatigatione itineris non detenti, & remoto Judæorum timore, ad annunciantum Apostolis Resurrectionem Dominicam, & quod de Ea in via compererant, cucurrerunt impigri. Nec mirum si eadem die & horâ surrexerunt, erat enim dies boni nuncij, & ideo timere poterant, si differrent usque mane illud, quod timebant illi, qui dicebant, hæc dies boni nuncij est, si tacerimus & noluerimus nunciare usque mane, sceleris arguemur. Prædicationis enim non est differenda, & ea quæ sunt ad salutem communem, non sunt tacenda, sed revelanda. Ex quo exemplo prælati moti, ad diligentiam prædicationis debent accendi. *Et inuenerunt in monte Sion, subrum cœnaculum, congregatos & inclusos, propter metum Judæorum, & propter Dominicæ Resurrectionis gaudium, qui prius dispersi fuerant propter metum Judæorum & propter passionis metum undecim, & qui cum Ipsi erant de septuaginta duobus discipulis, loquentes mutuo & dicentes Ipsi duobus quoddam Resurrexit Dominus vere, & apparuit Simoni. Et Ipsi duo ad Majorem certitudinem faciendam de Resurrectione, econverso narrabant illis quæ gesta erant in via, & apparitionem factam Ejs, & quomodo cognoverunt Eum in fractione panis.* Sed quidam ex Ejs, nec istis duobus, nec alijs credebant, ex quibus unus Thomas erat. Considera modo quanta ibi lætitia fuerit, dum isti & illi vicissim sua gaudia nunciarent. Et dum hæc loquerentur adinuicem, exivit Thomas inde. Quo egresso, dum adhuc alij colloquerentur de his quæ audierant, & viderant, & *serò iam esset die illa prædicta scilicet, una sabbatorum, id est, primo post sabbatum, quæ est Dominica: hoc est eadem die Resurrectionis dominicæ, & foras cognovissent, id est, ostia quæ fores dicuntur: quia de domo ducunt foras: essent clausæ.*

Fores. Ia-

serò iam

esset die

illæ præ-

dictæ scilicet,

una sabbato-

rum, id est,

primo post

sabbatum,

quæ est Do-

minica: hoc

est eadem

die Resurre-

ctionis domi-

nicæ, &amp; for-

as cognovis-

sent clausæ.



propter metum Judæorum, quod etiam divina revelatione est factum, ut scilicet JESUS intrans ad discipulos ianuis clausis, manifestaret Ejs virtutem suæ potestatis, & gloriosi sui Corporis: venit Dominus JESUS ad suos discipulos, à desiderio eorum vocatus, indutus albis vestimentis gloriosæ Resurrectionis suæ & novitatis, & intrans ad eos ianuis clausis, *stetit in medio eorum*, ut videretur ab omnibus qui congregati erant in nomine Ejus: Secundum Bedam, ideo sero apparuit: quia tunc maximè timidi erant & secundum Theophilum, præstolabatur ut omnes convenirent: ostijs verò clausis, ut se corpus gloriosum, cui aliud non resistit, habere ostenderet. Ipse etiam ad congregatos venit & spiritus ad congregatos descendit. Quia Christus & Spiritus Sanctus non nisi in charitate congregatis adsunt. (Stetit in medio) ut Omnes Eum certitudinaliter agnoscerent, & omnes consolationem suæ præsentis recipere. Et nota quod sicut dicit Salustius medius locus est dignitatis, & debetur honorabilioribus: propter quod Christus stetit in medio discipulorum, sicut sol inter sidera, ut eos illuminaret: sicut flos inter lilia, ut eos decoraret; sicut Princeps inter milites, ut eos roboraret, sicut Magister inter discipulos, ut eos informaret: sicut Pater inter Filios, ut eos concordaret: sicut cor inter membra, ut ea vivificaret: & sicut communis amicus, ut Omnibus Eis se communicaret. Unde quando sumus plures aliquando diligentes: si super venerit statuimus Eum in medio ut singuli possimus Ejus frui præsentia. Est autem ibi Altare in loco ubi Dominus dicitur tunc stetisse. Considerandum est hic quod de se colloquentibus Dominus in medio stetisse dicitur: ut intelligamus quia Eum nobiscum habitantem, habebimus si quoties in unum congregamur, ea quæ ad Ejus laudem & nostram salutem pertinet agimus, juxta quod ait ubi fuerint duo vel tres congregati in nomine meo, ibi sum in medio eorum, quando autem JESUS Salvator ad discipulos venit ipsi erant in timore: sero facturum erat, in unum erant congregati & fores erant clausæ. In quibus quatuor insinuantur nobis valde necessaria, ut Salvatorem quem expectamus suscipere mereamur. Primum est timor qui domum Conscientiæ mondat secundum illud Ecclesiastici. Timor Domini expellit peccatū, nam qui sine timore est, non poterit justificari secundum est contemptus vanæ gloriæ quod significatur in hoc quod sero facturum erat: ad Eum enim Dominus venit cui lux mundanæ gloriæ occubuit, & qui verè eam contemnit. Tertium est unitas, quia erant in charitate congregati: non enim visitat Salvator homines discordes unde Apostolis, Pacem habete & DEUS pacis erit vobiscū. Quartum est stabilitas, qua aliquis in domo conscientiæ manet non curiose exterius evagando. Unde fores sensuum claudendæ sunt: & sic Salvator est expectandus: per istos verò Discipulos in unum foribus clausis congregatos significantur Religiosi cum foribus quinq; sensuum clausi, quibus Dominus sæpe apparet eosq; sua visitatione consolatur & latificat (& dixit Ejs pax vobis) Non pax temporis, quia exponendi erant multis tribulationibus: sed pax pectoris & pax æternitatis prima in præsentia secunda infuturo. De utraq; dicitur in Joanne: Pacem S. pectoris relinquo vobis in præsentia, pacem meam, S. æternitatis quæ est specialiter pax mea do vobis. Id est cito dabo: dicit ergo (pax vobis) scilicet reconciliationis, quam ad DEUM factam nuntiavit ac Charitatis & unitatis quam Ejs servandam præcepit, itemq; æternitatis & immortalitatis quam Ejs futuram promittit, pacem offert, qui propter pacem venerat. Unde Pontifex præcipuus sponsus Ecclesiæ in persona Christi sicut specialis Vicarius Ejus dicit pax vobis cum in missa primo se vertit ad populum: quia hæc fuit prima vox Christi ad Discipulos post Resurrectionem, in ista verò aliorum Sacerdotum dicit postea Dominus vobiscum, ut se unum ex nobis ostendat. Dum autem Ecclesia primitiva quotidie ex generalitate & post tantum diebus Dominicis, post vero tantum in tribus solemnitatibus communiaret Corpori & sanguini Domini: nunc Ecclesia per osculum pacis quo designatur Unitas Ecclesiastica cōmunicat in missa spiritualiter & si non Sacramentaliter. Et pulchrè Resurgens à mortuis Dominus primo pacem Discipulis commēdavit, ut illos ad suam visionem perventuros esse demonstraret qui pacem et concordiam Corde & corpore servant, ex quo patet quod illi sunt pacifici qui vere sunt Christi Discipuli, Secundum Chrysostomū Discipulis

Beda in cap.  
20. Ioan.  
Theoph. in  
c. 20. Ioan.



pulis dixit pax vobis, quia prælum inexpugnabile ad Judeos habebant. Mulieribus autem gaudium evangelizat, quia in tristitiis genus illud erat: alternatim igitur viris quidem propter prælum pacem, mulieribus propter tristitiam evangelizat gaudium, & ne Discipuli Eum alium vel fantasma putarent subiunxit (Ego sum) scilicet in persona propria, non res fantastica seu illusio diabolica, (Nolite timere) vel dubitare. Quidam verò ex Ipsiis (conturbati) præ stupore & admiratione (& conterriti) præ timore seu quodam naturali horrore quo vivi solent mortuos horrere (existimabant se spiritum quem in passione emiserat) non carnem (videre; non enim credebant, vel tertia die veram carnem potuisse de sepulchro resurgere, vel resuscitatam clausis januis ad Eos posse intrare: Divina autem providentia permitti sunt dubitare ad maiorem certificationem Fidei de Dominica Resurrectione) edixit Ejs quid) idest qua de causa (turbati estis & cogitationes ascendunt quasi ab infimo, tanquam falsæ & fantasticae, non desuper de Cælo descendentes tanquam veræ & bonæ (in corda vestra) infirma & dubitantia: & quia ad illud Corpus quod videri poterat Fides iuventium dubitabat ut veritatem Carnis probaret: exhibuit Ejs manus & pedes & latus ad videndum & palpandum, declarans quod Ipse qui Crucifixus mortuus & lanceatus fuit, in illo eodem Corpore surrexit (videte inquit manus meas & pedes, quia Ego Ipse sum) quod per huiusmodi cicatrices potestis percipere. Quia Ego sum qui Passus fui & Resurrexi. Per Cicatrices enim remanentes ostendit quod erat idem Corpus numero. Resurrectio enim vera est Eiusdem in numero iterata resurrectio, (Palpate & videte: quia spiritus Carnem & ossa non habet sicut me videtis habere) quasi diceret, per hoc potestis etiam cognoscere me habere Corpus verum non fantasticum, ad dubitantium enim corda sananda vulnerum servata sunt vestigia. Et ideo vulnerum Cicatrices ostendit, ut dubietatis & infidelitatis eorum vulnus sanaret. Ostendit ergo manus ut incitaret ad pugnandum quod videte manus quibus pro vobis fideliter pugnavit, has vobis ideo ostendo, ut & vos pugnetis: Quia sine pugna victores non eritis viriliter ergo agite: quia Vincenti dabo sedere mecum in Throno meo. Ostendit etiam latus ut provocaret ad amandum, quod videte latus apertum Cor vulneratum, ut videatis quantum dilexerim vos: ut et vos me diligatis. Ostendit & pedes ut stabiliret ad perseverandum ut ab inscriptione bonæ vitæ non desistamus. Unde perseverantia vel stabilitas est, quando homo nec minis, nec amore, nec timore, nec commodo, nec incommodo: à bona vita vel à præceptis, vel a voto quod vovit retrahitur. Sunt autem quinque principales diaboli impugnantes nos, contra quos debemus esse fortes. Primus est amor culpæ & injustarum rerum, vel amor carnis, vel amor honoris qui in quorundam cordibus est ita fortis quod pro Eo Cælestem gloriam deserunt. Secundus est timor diffidentiae, qui etiam multos impugnat, quasi Dominus nolit Eos juvare quod possunt in bono perseverare, vel quod non possunt sustinere duram penitentiam cum tamen deberent sustinere duriores, gehennæ penam. Tertius est dolor delectationis carnis vel mundi dimittendæ, vel jam dimissæ. O miser quid facis, morbum eligis pro sanitate, mortem pro vitâ, tristitiam pro lætitiâ, penam sempiternam pro gloria. Quartus est pudor operationis bonæ quoniam quis cogitat quod homines derideant eum, humili veste incedit: si ieiunat, Orat, peregrinatur, & similia facit. Quintus est spes veniæ quando quis dicit DEUS est misericors nos de facili non damnat: & Christiani sumus, horum spes confunditur, quia spes est certa expectatio futuræ Beatitudinis, ex meritis proveniens sed isti qui carent meritis non propriè sperant, sed præsumunt. Hoc autem quod se palpabile præbuit factum est miraculose; Quia Corpus Domini incorruptibile & immortale, à corruptibilibus & mortalibus naturaliter palpari est impossibile: miro ergo & ineffabili modo secundum S. Gregorium Corpus suum palpabile præbuit, ut reformaret nos ad Fidem, & corruptibilem demonstravit, ut invitaret ad præmium sive & Palpabile exhibuit & incorruptibile ut ostenderet se Eiusdem esse naturæ cuius fuerat ante Passionem idest Carnem habere & alterius specieis eandem Carnem in corruptibilem, ecce Et quæ in Domini Resurrectione nostra



nostra generalis Resurrectio est præfigurata, ostendit per hoc nostra corpora post Resurrectionem ita esse incorruptibilia & subtilia per effectum spiritualis potentiae, ut possint esse palpabilia à consimilibus Corporibus per veritatem naturæ. Caro enim nostra absq; corruptione vel fragilitate mortis in veritate substantiæ est resurrectura. Unde Beda. Parum fuit oculis se videntium præbere, si non præberet etiam manibus contrectandum: qui dum palpanda Discipulis ossa carnemq; præmonstrat aperte statum veræ Resurrectionis quæ & in se facta & nobis est futura significat. Unde & Gregorius. Non enim in illa Resurrectionis gloria corpus nostrum erit impalpabile & ventis aéreq; subtilius ut Euthicius dixit: sed subtile quidem per effectum spiritualis potentiae palpabile autem per veritatem naturæ, sed ut dicit S. Augustinus. Claritas qua iusti fulgebunt sicut sol in Regno Patris sui, in Christi Corpore, cum resurrexit ab oculis Discipulorum potius abscondita fuisse, quam defuisse. *Augustinus lib. 22. de civitate.* credenda est: non enim eam ferret humanus atq; infirmus aspectus, quoniam ille à suis ita deberet attendi, ut posset cognosci. Et cum quidam eorū adhuc dubitarent, petiit ab eis si aliquid ad manducandum haberent, ut per comestionem melius resurrectionem adstrueret. *At illi obtulerunt Ei partem piscis ass, cuius fortè jam aliā partē comederāt, & favum mellis.* Fuerunt autē ei hæc duo cōpetenter oblata: ipse enim erat piscis assus, per naturæ humanæ passionē: sed favus mellis, per naturæ Divinæ dulcedinem. In favo quippe mellis utraq; natura suæ personæ exprimitur: favus enim est mel in cera. hoc est, Divinitas seu Divinitatis dulcedo in humanitate. Hæc autem duo Domino oblata, significant duo quæ & nos debemus Domino offerre: scilicet piscem assum, per carnis mortificationem, & favum mellis, per mentis devotionem: vel in cibo suo Dominus pisci asso congiungi voluit favum mellis: quia ipse ut piscis latere dignatus est in aquis humani generis, & tundi mundi fluctibus, ac capi laqueo nostræ mortis, & assari igne & tribulatione suæ passionis, & decoqui in ara crucis. Et quod piscis assus fuit in passione, favus mellis & melle dulcior nobis extitit in Resurrectione. Piscem ergo assum & favum mellis ei offerunt, qui fidem passionis & Resurrectionis Ejus tenent: vel secundum Theophilum: Per piscem assum, significat vitam activam, consumentem nostram humiditatem laborum prunis: contemplationem verò significat per favum mellis, propter dulcedinem eloquiorum DEI, & manducavit coram eis, per quod ostendit se habere corpus vivum, animā vegetativā animatum. Manducavit quidem, non quòd tunc cibo carnali sustentari indigeret, sed ut in veritate carnis se resurrexisse monstraret: quia comedere propriè ad corpus, non ad Spiritum pertinet. Unde Beda: Ad insinuandam Resurrectionis suæ veritatem, non solum tangi à Discipulis, sed etiam convesci cum illis dignatur: non quòd quasi post Resurrectionē cibo indigēs, nec quasi nos in Resurrectione (quam expectamus) cibo egere significans: sed ut eo modo naturam corporis resurgentis adstrueret, ne illud non corpus, sed spiritum arbitrarentur, & sibi non solidè, sed imaginabiliter apparere. Secundum sensum ergo literalem certificavit eos de sua Resurrectione per tria. Primò, per visum, dicens: *videte manus & pedes, quia Ego Ipse sum.* Secundò, per tactum, dicens: *Palpate & videte: quia Spiritus carnem & ossa non habet.* Tertiò, per gustum, dicens: *Accipite & manducate.* *Certificatio de resurrectione præcumpria.*



cum dixit: *Habetis hic aliquid quod manducetur?* Mystice verò Christum resurrexisse vident, qui Resurrectionis Ejus gloriam meditantur. Ipsum tangunt & palpant, qui sibi charitate copulantur: piscem assum offerunt, qui patientiam igne tribulationis decoctam habent pro Nomine Christi: sed illi offerunt favum, qui membris Ejus exhibent opera pietatis. *Et cum manducasset coram eis, dedit eis ciborum reliquias*, scilicet ad majorē probationē quod verē residuū manducasset, & ad insinuādū, quia suā Passionē eis imitandā esse ostēdit: quæ amara est in dolore corporis, sed dulcissima in gloria remunerationis. Illos ergo in suo corpore ad æternam requiem suscipit, qui cum hic tribulationes pro DEO sentiunt, ab amore internæ dulcedinis non recedunt: qui hic pro veritate quasi piscis afflictionibus assantur, illic quasi favo, vera dulcedine æternæ beatitudinis satiabuntur. Deinde certificat eos de Resurrectione per auditum, dicens: *hec sunt verba*, id est; res verborum: Verbum enim quandoq; dicitur vox quam proferimus: quandoq; res quam per vocem significamus: *quæ locutus sum ad vos*, scilicet supra dicens: *Ecce ascendimus Hierosolymam*, &c. *cum adhuc essem vobiscum* scilicet in carne mortali ante passionis instantiam: *quoniam necesse est impleri*, per rerum exhibitionem, *omnia quæ scripta sunt in lege Moysis & Prophetis, & Psalmis de me*. In his enim tribus vetus testamentum comprehenditur. Per hoc quod loquebatur sensibilibiter & etiam rationabiliter, reducens ad memoriam quæ eis dixerat ante mortem suam animā sensitiva & intellectiva, & eadem quæ prius: tunc post prædicta *aperuit illis*, per gratiam internam, *sensum*, & *intellectum*, qui scilicet prius erat clausus: *ut intelligerent scripturas*, & ex illis cognoscerent resurrectionem suam, sicut per præcedentia probavit veritatem suæ Resurrectionis quantum ad humanitatem, sic per istud illam probat quantum ad Deitatem: quia illuminare mentes ignorantium intellectu Sacre Scripturæ, & subito, est ipsius Deitatis proprium. Sicut ante passionem declaravit se verum DEUM & hominem, ita etiam post Resurrectionem suam, & dixit eis, instruendo per doctrinam, *quoniam sic scriptum est*: quasi diceret. Bene debetis credere, quoniam sic scriptum est sicut evenit, & sic contigit sicut scriptum est: unde subditur, & sic oportebat Christum pati, scilicet per lignum Crucis, & resurgere à mortuis tertia die: quia ut dicit Beda, Perdidisset Christus fructum Passionis, si non esset veritas Resurrectionis, oportebat autem non quidem pro se, sed pro nobis, ut per suam indebitam passionem, à debita pœna nos liberaret, & per suam Sanctam Resurrectionem, nos secum regnatueros ostenderet: quia sicut ait Apostolus. *Mortuus est propter peccata nostra, & resurrexit propter justificationem nostram*, aperuit eis scripturas: tunc enim Agnus qui occisus est, judicatus est esse dignus accipere librum, & per Spiritum Deitatis solvere septem signacula Ejus, hoc est quæcunq; scripta sunt de Sacramentis incarnationis, baptismatis, prædicationis & operationis ipsius, ac passionis, Resurrectionis, & Ascensionis Ejus. Ex hoc patet, quod Sacre Scripturæ non possunt sufficienter intelligi, nisi ille aperiat qui habet clavem David, qui aperit & nemo claudit, & cur pro nobis (ut dictum est) mori & resurgere voluit, manifestatur, cum subditur: & prædicari in Nomine Ejus penitentiam: scilicet ex parte hominis: & remissionem peccatorum: scilicet ex parte DEI, cujus solius est peccata remittere hominibus: in omnes gentes, non in una tan-

Beda in cap  
24. Luca.

1. Cor. 5.

Apocal. 15.

Scriptura

rum intelle

ctio depen-

det à Deo.



tantum gente judæorum, vel in una parte terrarum: quia non est ac- *Act. 10.*  
 ceptio personarum apud DEUM. Commendata igitur sui Corporis  
 veritate, commendat (ut jam dictum est) unitatem Ecclesiæ: quia  
 ut dicit Theophilus. Non tacebat amplius bipartitum esse huma- *Theoph. 20.*  
 num genus, & judæos & Gentiles à pœnitentia: ergo sicut & Chri- *cap. 24. Luc.*  
 sti, sic & præcursoris & Apostolorum incepit prædicatio, & ne ali- *Matth. 3.*  
 quis propter magnitudinem peccatorum desperaret de venia: sub *Luc. 13.*  
 junctum est, *incipientibus ab Hierosolyma.* Hierusalē enim est, in me- *Luc. 24.*  
 dio terræ habitabilis, & ideo convenienter ab illa incepit prædica- *Hierusalem*  
 tio Evangelii, & per Christi Discipulos circumquaq; per orbem di- *stus.*  
 spersos in omnem terram exire sonus prædicationis eorum. Unde  
 dicit Theoph. quod ideo ut omnes in unū uniret, mandavit incipere *Theophilus*  
 sermonē ab Hierusalē, & ad gētes terminari. Nullus ergo præ ma- *Ibidem.*  
 gnitudine peccatorū suorū remissionē se posse cōsequi desperet, quā  
 do ipsis Hierosolymitis cognoscit indultum, qui cruentis manibus,  
 & mendacibus vocibus ipsum Sangvinem, per quem genus hu-  
 manum redemptum est, effuderunt. Unde secundū Bedam. In *Beda ibidem.*  
 cipiunt ab Hierosolyma, non solū, quia credita sunt illis eloquia  
 DEI, & eorum adoptio filiorum & gloria: verum etiam ut gentes  
 variis erroribus implicatæ hoc maximē indicio Divinæ pietatis ad  
 spem veniæ provocentur, quod eis, qui Filium DEI crucifixerunt,  
 venia conceditur. Unde & Chrysostom. Insuper ne dicerent aliqui *Chrysostom.*  
 quod omisissis notis iverunt se ostentaturos ad extraneos: ideo pri- *homil. 70.*  
 mō apud ipsos occisores pandunt Resurrectionis insignia, in eadem *in Matth.*  
 civitate in qua prorupit temerarius aulus. Ubi enim crucifixo-  
 res credere videntur, Resurrectio plurimum demonstratur. Et quia *Joann. 16.*  
 ante passionem Eis dixerat, *iterum videbo vos, & gaudebit cor vestrum:*  
 hoc nunc opere ostenditur impletum. Unde sequitur: *Gavisi sunt*  
*ergo Discipuli visō Dominō,* id est; agnito, & qui ante erant tristes, &  
 & sic expavescit, latantur coram eo consolati: quis enim sine ma-  
 gno gaudio videret tantum pietatis spectaculum? Ostendit manus *Gaudē*  
 clavis perforatas, quibū operatus est salutem in medio terræ: pe- *cause.*  
 des, quibū prædicando discurret, & in itinere lassatus fuit: latus,  
 ex quo Sacramenta redemptionis profluere fecit: in quibus omni-  
 bus ad dubitantium corda sananda, vulnerum sunt servata vestigia.  
 & ideo in talibus signis pietatis, *gavisi sunt: Discipuli visō Dominō:* quia  
 iste visus non potuit esse sine maxima lætitia, & gaudio. Et sic  
 duplex eorum tristitia est amota: scilicet de morte Christi, & metu  
 judæorum erant enim conturbati de ipsius Christi morte, & de ju-  
 dæorum persecutione eis imminente: poteratq; eos per suam præ-  
 sentiam custodire, & de sua Resurrectione certificare. *Dixit ergo eis*  
*iterum, pax vobis:* geminat pacem, propter duo præcepta charitatis, *Pacem cur*  
 scilicet, DEI & proximi: geminā enim pacem servant, qui hanc ge- *geminat.*  
 minam dilectionem habent: sive ideo repetit, quia ipse est qui utraq;  
 unum fecit. Iterat etiam pacem, ut monstret per suum sangvi-  
 nem esse pacificata quæ in Cœlis, quæ in terra sunt: quasi diceret.  
 Pacem relinquo, id est; reliquias pacis scilicet pectoris in præsen-  
 ti: do vobis pacem meam, scilicet æternitatis in futuro do, id est;  
 dabo vobis, etiam hanc pacem iterum ut ostendam vos DEO re-  
 conciliatos, hominem Angelis, hominem homini: ut homo DEUM  
 diligat, & homo hominem propter DEUM. Et secundū Chryl. *Chrysostom.*  
 Simul quoq; demonstrat crucis efficaciam, per quam soluit omnia *homil. 25.*  
 Ccccccc 2 *in Joann.*



tristia, & contulit omnia bona & hæc est pax. Deinde subiungit: *sicut misit me Pater*, ad veritatem fidei docendam in iudæa, & ego mitto, id est; mittam vos: ad hanc veritatem publicandam per totum mundum. Meos Vicarios vos constituo, mea vice vobis mandando, meum officium vobis commendo, ad docendum, ad prædicandum, ad baptizandum, ad meum & Patris nomen glorificandum: vos mitto, Medicum, & Mediatorem se ostendit, cum ait: ille me & Ego vos: misit DEUS Pater Filium suum, quando eum incarnari constituit: misit Filius Apostolos, quoniam eos ad prædicandum incarnationem eandem per orbem universum direxit, & sicut Pater amans Filium, misit eum in mundum ad pressuras & passiones tolerandas pro salute fidelium: ita & Filius amans Apostolos, misit eos ad mala & passiones tolerandas pro suo nomine, non ad mundi gaudium.

*Greg. hom. 28. in Evā.* Unde Gregorius. Itaque, dicitur, sicut misit me Pater, & ego mitto vos, id est; ea charitate vos diligo cum inter scandala persecutorum mitto, qua me Pater diligit, quem venire ad tolerandas passiones fecit. Et quia executio huius officii non potest convenienter fieri sine gratia Spiritus Sancti: ideo cum hæc dixisset, insufflavie Spiritum Sin eos, & dixit; Accipite Spiritum Sanctum. Insufflando Spiritum decur insufflando, ut sed ipsum esse ostenderet, qui in facie primi hominis spiraculum spiraverat: vel certe ut ostenderet Spiritum Sanctum à se procedere, sicut procedit à Patre, & non Patris solius, sed & suum esse, status enim procedit à stante, non tamen est intelligendum, quod huiusmodi status Christi fuerit Spiritus Sanctus, sed signum Ejus. Unde Augustinus. Flatus ille corporeus, substantia Spiritus Sancti non fuit: sed demonstratio per congruam significationem, non tantum à Patre, sed etiam à Filio procedere Spiritum Sanctum.

*Aug. lib. 2. de Trinitate cap. 20.* Hæc Augustinus. Unde consuetudo Ecclesiastica obtinuit, ut in eorum facie, qui per gratiam Spiritus Sancti regenerandi sunt, à Sacerdotibus insuffletur: & quia per Spiritum Sanctum remissio peccatorum tribuitur, qui est fructus & effectus Spiritus Sancti, rectè Remittendi post eundem Spiritum datum Discipulis dicitur. Quorum remiseritis potestas. peccata, remittuntur eis, & quorum retinueritis, retenta sunt. Ubidegit eis potestatem ligandi & solvendi, Ministerium non Authoritatem, eos quorum peccata ipsi remiserint vel retinuerint: id est; retinenda judicaverint vel non remiserint, hoc tamen intelligendum est, quoniam iudicium Ecclesiæ Divino iudicio conformatur. Unde Augustinus. Ut evidentius ostenderet Dominus à Spiritu Sancto (quem donavit fidelibus suis) dimitti peccata, non meritis hominum: continuo subiecit, si cui dimiseritis peccata, dimittuntur ei, hoc est, Spiritus dimittit, non vos, Spiritus autem DEUS est: DEUS autem dimittit, non vos, DEUS ergo habitans in Templo Sancto suo, in Sanctis fidelibus, in Ecclesia sua per eos dimittit peccata, quia viva Tempora sunt. Hæc Augustinus. Licet ergo solus DEUS principaliter peccata remittat: tamen Ministri Ecclesiæ per virtutem clavium ad hoc ministerialiter operantur, dimittuntur autem peccata in Ecclesiæ unitate & charitate constitutis, sed non aliis. Unde Augustinus. Ecclesiæ charitas, quæ est Spiritus Sanctus diffunditur in cordibus nostris, participum suorum peccata dimittit, eorum autem qui non sunt participes, tenet. Hæc Augustinus. Potestas ergo conficiendi Corpus Christi data fuit Discipulis in cæna: quando Dominus dixit: hoc facite in meam commemorationem: sed clavium potestas Corpus Christi mysticum, quæ promissa fuit Petro & in Petro cæteris, post iterum expresse aliis, hæc eis collata fuit. Et

*Missio Apostolorum.*

*Greg. hom. 28. in Evā.*

*Spiritum Sin eos, & dixit; Accipite Spiritum Sanctum.*

*Aug. lib. 2. de Trinitate cap. 20.*

*Remittendi potestas.*

*Aug. hom. 23 lib. 50. homil.*

*Idem tract. 221 in Iohā. Potestas conficiendi data in cæna. Potestas clavium in die Pasche.*



Et nota hic Dominum Apostolos ordinasse Episcopos. Unde August. Nemo tunc dubitat Dominum Apostolos Episcopos ordinasse, cum insufflans Ejs dixit: accipite Spiritum sanctum, quorum remisistis peccata, remittuntur Ejs, & quorum retinueritis, retenta erunt. Uides quomodo omnia ista sunt plena iucunditate & lætitia, & hic nunc esse magnum Pascha. Oqualis domuscula in qua sunt ista, & quam gloriosum habitare in ea. Ex hoc facto apparitionis Domini tria spiritualiter & mysticè accipiuntur, quæ in anima fidei apparitionem, & præsentiam verbi æterni mentaliter flagitante exiguntur. Primum est, animæ ab omni opere exteriori vacatio, quod notatur per diem sabbatorum per sabbatū enī requies significatur, quia Judæi ab omni opere vacabat. Secundū est viriū ab omni specie extranea custoditio: quod notatur per fores clausas, fores enim animæ sunt, sensus corporis & vires animæ. Tertium est, virium omnium ad intima recollectio: quod notatur per discipulorum congregationem: vires enim animæ sunt quasi quidam discipuli, sub magisterio Verbi æterni. Sed Dominus non venit ad animam, nisi de sero: propter quod dicitur, cum esset sero. Per sero intelligitur profectio boni operis: non enim in initio boni operis Dominus apparet, sed sero, postquam sol divinæ gratiæ cursum suum in perfectione operis peregit: tunc Deus homini se ostendit. JESUS autem veniens in animam operatur ibi quinque. Primò, stat in medio discipulorum omnium, videlicet viriū, id est in initio animæ quam inhabitat, & ipsam essentiam animæ (quæ medium est omnium potentiarum) per gratiam perficit, & facundat, conferendo illi esse divinum. Secundò, annunciat discipulis pacem: ecce quibus loquitur pacem, quæ discipulis. Esto & tu discipulus disciplinæ Christi capax & audies. Tertio, ostendit Ejs manus & latus: conferendo scilicet Ejs, & divinas operationes, quæ per manus, & affectiones, quæ per latus, ubi cor latet, designantur. Quarto, facit gaudere discipulos, excitando videlicet in Ejs gaudium internum: quia gausi sunt discipuli visō Dominō. Quintò, insufflat dando Ejs Spiritum vivificationis ad novam vitam, ut vivant tam sibi quam alijs ad salutem. Sed Dominus cum discipulis tunc parum stetit, quia multum sero fuit: etenim forte etiam Ipsi, coegerunt Eum aliquantulum plus stare, rogantes ne sic citò recederet: nec hoc Dominō displicebat: teneri enim vult, prout supra dictum est. Tandem benedicens discessit ab Ejs. Cumque ab Ejs evanisset, redijt Thomas, qui ante Domini adventum exiverat: dixeruntque animo læto alij ad Eum, nunciantes ei bonum nuncium: vidimus Dominum: sic enim ante passionem appellaverunt Eum. Qui dixit se non crediturum, nisi videret, & etiam tangeret cicatrices vulnerum: ut si visus deciperetur, saltem tactus nunciaret veritatem. Uolebat certificari duplici sensu, scilicet visu & tactu. Isti enim duo sensus sunt, quod minus decipi possunt. Tanta quippe viderat mortis supplicia, quod Resurrectionis & vitæ nō poterat accipere argumenta, nisi non solum visu, sed etiā tactu perciperet ea. Unde Chrysost. Alijs enim grossior existens, etiā quia & per sensum grossissimum, scilicet tactu quærebat fidem, & neq; oculis credebatur. Remanserunt autē discipuli famelici, & sitibundi de Domino suo, de quo tantam copiam habere consueverant, & Eum sape suspirijs, & desiderijs revocabant. Uidisti quoties hodie pascha habuisti: nam omnes prædictæ apparitiones in die Resurrectionis fuerunt: de quibus tantum quinque in Evangelio scriptæ sunt: & has quinque repræsentat sacerdos, in missa quinque se vertens ad populum, & quasi pro apparitione repræsentans Ejs vultum: sed tertia versio est cum silentio, quæ significat tertiam ex his apparitionem factam Petro, quia nescitur ubi vel quādo facta fuerit hæc apparitio: per hoc etenim eas repræsentat, quod quinque Dominus vobiscum dicit: sed fortè audisti, nō tamen sensisti, quia nec fortè in passione compassionem habuisti: credo enim quod si in passione compati scires, & mentem unitam, & non sparsam ad secularia, aut superflua, vel curiosa haberes, in qualibet vice sentire pascha: & hoc tibi contingere posset: quolibet die Dominico, si mente integra feria sexta, & sabbato te in passione Domini præparaes. Quia secundum Apostolum. Si fuerimus socij passionum, erimus & consolationum. Tunc verò Dominus JESUS redijt ad sanctos patres, qui coram eo non otiose, sed vigilanter laudibus insistebant iucundantes. Stabant enim in canticis & laudibus omnes sancti patres, & Angeli coram Domino reverenter, alacriter, & devotè: ac tanquam gloriosi iubilant continuo. Conspice

Anima  
Deum vide-  
re volent  
necessaria.

Iesus opera.  
tur in anima  
quinque.

Thomas ad-  
ventus.

Chrysost.  
hom. 86.  
in Ioan.

Appariti-  
ones quadam  
scripta.

2. Cor. 1.



igitur eos & tu cum lætitia, & Ejs congratulare, ac discere Deum venerari & laudare & sibi gratias agere, & sua beneficia recognoscere: ac toto conatu ad illam gloriam tendere non cesses, ubi semper in conspectu Dei tui, cum tam nobili multitudine. in laudibus Dei perseveres.

## QUOMODO DN<sup>9</sup> APPARUIT DISCIPULIS inclusis Thoma præsentē. Cap. LXXII.

*Ioan. 20*

*Pax collegij, dum prælatus in medio.*

*Psal. 73.  
Pacis commendatio*

*Gregor.  
Nazianzenus orat.  
de pace.*

*Philip. 4.  
2. Cor. 13.  
Ephes. 2.*

*Exo. 20.  
Visus.  
Aug. tra-  
cta. 121.  
in Ioann.*

*Vulneris  
in latere  
Christi ma-  
gnitudo.*

**A**Dvenientē autem octavo die Resurrectionis, iterum apparuit Dominus JESUS discipulis suis: nam quia non malitiā, sed ignorantia Thomas dubitavit, noluit pius magister tam dilectum discipulum in infidelitate relinquere: sed ad fidem Ejus reformandam iterum dignatus est apparere: igitur cum in prædicto monte Sion iterum essent discipuli intus, & Thomas cum Ejs: Pastor Bonus & de pusillo grege sollicitus, venit ianuis clausis, & stetit in medio eorum, ut possit videri ab omnibus: & dixit illis, pax vobis: stetit in medio, & dixit, pax vobis: nunquam potest esse pax in collegio, nisi prælatus sit in medio: sita quod non plus ad unam partem inclinetur quam ad aliam: columna nunquam sustinet ædificium, si sit ad partem prope parietem, & non in medio: omnia elementa, præter terram, moventur: quia non sunt in medio: terra autem immobilis est, quia in centro est & in medio. Sæpe Dominus pacem discipulis nunciat, & commendat, ac persuadet habere, quia sine pace impossibile est Deo placere: in Ejs enim qui pacem & concordiam diligunt, habitat Deus: quia factus est in pace locus Ejus: pacem veniens attulit, & hinc abiens pacem reliquit: quia tota perfectio Christianæ vitæ & religionis, in pace & dilectione consistit: cum magna ergo diligentia debemus eam inquirere, & studiosè observare. Unde Gregor. Nazianzenus: Pudeat ergo nos pacis munus deferere, quam nobis hinc discedens Christus reliquit. Pax, est res & nomen dulce: quam & Dei esse accepimus. Iuxta illud, Pax Dei: & Ejus esse Deum: juxta illud, Deus pacis: & Ipsam esse Deum: juxta illud, Ipse est pax nostra. Pax bonum commendatum ab omnibus, & observatum a paucis: quæ autem causa est; fortassis ambitio dominij, aut facultatum, aut livor, aut odiū aut cōceptus, aut aliquid hujusmodi ex his quæ Dei ignaros videmus incurrere. Deinde dicit Thomas, quasi respondens petitioni Ejus suppositæ: *Infer digitum tuum huc, & vide manus meas.* non quod in digito sit visus, sed quasi diceret: Tange hoc, & experire. Unde videre in hoc loco, præsentire & intelligere ponitur: quod genus locutionis adeo usitatum est, ut per omnes sensus currere videatur: sicut cum dicimus, audi & vide quam modulatē cantat. Olfac & vide, quam suave redolet. Palpa & vide, quam lenē sit. Gusta & vide, quam dulcē sit. Unde in Exodo dicitur. Cunctus populus videbat voces id est sentiebat. Visus ergo propter sui certitudinem, pro omni sensu accipitur. Unde secundum Aug. Nomine visus, generaliter alij quatuor sensus consueverant nominari: imò etiam aliquando pro intellectu accipitur: ut cum alicui dicitur, vides tu hoc; id est intelligis. Vel simpliciter dici potest, quod JESUS ad verba Thomæ respondet: in quo etiam sua Deitatem declarat, inquantum absens corporaliter Ejus verba sciebat. Thomas nempe duplici sensu scilicet visu & tactu certificari volens dixerat: nūc video in manibus Ejus fixuram clavorum, & mittam digitum meum in locum clavorum & manum meam in latus Ejus, non credam. JESUS vero quasi respondens, dicit ei: *Infer digitum tuum huc* scilicet in locum clavorum: & *vide manus perforatas, & clavorum fixuras*. Deinde subiungit: & *affer manum tuam, & mitte in latus meum lanceā perforatam: & cognosce me* illum eundem esse qui pependit in Cruce. Magnum certe fuit vulnus illud sacratissimi lateris, in quo non digitum, sed manum mittere debebat. Mystice per digitum significatur discretio: per manum, opus nostrum: monet ergo digitum & manum in locum clavorum & lanceæ mittere: ut quidquid in nobis est discretionis & operis in servitium Christi expendamus. Deinde subdit, & *noli esse incredulus*: hoc est, ad credendum tardus: sed *fidelis*, hoc est fide firmus: quia in

pec-



peccato infidelitatis me iterum crucifigis, causam meam iterans passionis. Hoc dixit JESUS: quia Thomas dixerat discipulis, Resurrectionem Christi nunciantibus, se aliter non crediturum. Sicut ergo Thomas præ cæteris dubitavit, ita præ cæteris palpare & videre monetur. Ubi Chrysostomus. Tu verò cum videris decredentem discipulum, excogita dominatoris clementiam: qualiter hominem. 86. etenim pro una anima ostendit seipsum vulnera habentem, & accedit ut salvet unum: non enim ei statim apparet, sed post dies octo: ut in medio à discipulis admonitus, accendatur ad maius desiderium, & fidelior fieret in futurum. Tunc Thomas cicatrices Domini tetigit: & non solum corde credendo, sed etiam ore confitendo (quia utrumque ad salutem requiritur) exclamans dixit: Dominus meus, & Deus meus, scilicet tu es Dominus meus, secundum humanitatem, in qua me sanguine tuo redemisti & comparasti: & Deus meus, secundum divinitatem, qua me creasti, & de limo formasti: iam nihil dubito, certus sum, confirmo Resurrectionem, prædico immortalitatem: tu es Dominus meus, & magister meus: ego servus tuus, & filius ancillæ tuæ: tu es denique Deus meus, qui me creasti: & pro me carnem suscepisti: quam ut me redimeres, morti tradisti, & ut me tecum resuscitares, nunc à morte surrexisti: hæc est fides mea, ita sentio, & ita credo. O felix Thoma, quam felicem habuit licentiam manus tua: magna quippe licentia, & magna gratia est mittere manum in latus illud dulcissimum, in latus illud saluberrimum, in latus (inquam) unde ab ira saluamur, unde à culpa sanamur, unde in gratia regeneramur, unde in gloria sublimamur. Ipse ergo Thomas, qui dicitur Didymus, propter dubium cor in credendo: quia Didymus Græcè, geminus est latine: bene etenim dicitur abyssus, quia altitudinem divinitatis certa fide penetravit: quantam autem remunerationem fides habebat, manifestatur, cum subditur: dicit ei JESUS: beatificando confessionem ipsius: quia vidisti me Thoma id est quia expertus es, etiam per tactum: ideo credisti beati qui non viderunt, & crediderunt. In hoc versiculo non solum fides Thomæ commendatur, sed etiam nostra salus futura prædicitur: ac si diceret Dominus: Tu quidem beatus es, quia nempe me vidisti, credidisti, sed & illi beati erunt, qui non videntes me corpore, credituri sunt mente. Ubi secundum Aug. Præteriti temporis usus est verbis, propter certitudinem: tanquam ille qui quod erat futurum, in sua noverat prædestinatione iam factum, quia apud Ejus præsentiam omnia futura præterita sunt: sed aliud Thomas vidit & palpavit Corpore, & aliud credidit corde: quia fides, saltem quod ad actum, non potest esse de visis & apparentibus: nam fides est argumentum, id est ostensio non apparentium: arguere enim dicebant antiqui, ostendere. Hominem namque seu humanitatem vidit & tetigit, & Deum seu deitatem (quæ in præsentia videri non potest) credidit: dicendo enim, Dominus meus: humanam naturam, cui datum est totius creaturæ dominium: dicendo verò, Deus meus, divinam, quæ omnia condidit, confessus est, & unum eundem Deum & Dominum. Unde Theophilus in phil. Qui prius infidelis fuerat, post lateris tactum se optimum Theologum Ioannem, ostendit, nam duplicem naturam unicamque hypostasim Christi edisseruit. Noscap. 20. ergo consolando subiunxit: beati qui non viderunt & crediderunt. Unde Gregor. Latificat autem valde quod sequitur: beati qui non viderunt & crediderunt, in qua sententia nos specialiter signati sumus, qui Eum quem carne non vidimus, mente tenemus: si fidem nostram operibus sequimur: ille enim verè credit, qui exercet operando quod credit. Hæc Gregor. De his autem qui fidem nominatenus retinent Paulus dicit: Consistentur se nosse Deum, factis autem negant. Ad Tit. in. Et Iacobus, Fides sine operibus mortua est. Cum ergo (ut dicit Chrysostomus) aliquis sic isto tempore dixerit: utinam in temporibus illis fuisset & vidisset Christum miracula facientem: tunc excogitet, beati qui non viderunt & crediderunt: potuit autem esse quod post confessionem, qua dixit, Dominus meus & Deus meus: Dominus JESUS insufflans dixerit, Accipite Spiritum sanctum, quorum remiseritis peccata, &c. Licet hoc non dicat Evangelista: quam multa fecit JESUS, quæ non sunt scripta in libro hoc. Unde Ipse qui virtutem suam non alligavit Sacramentis, potuit sine signo sensibili dare Spiritum sanctum, & conferre ei potestatem, & ordinem episcopalem. Nam credendum



- dum est, quod Eum sicut alios episcopum ordinavit. Attende hic quod Christus Thomæ apparuit, quando in errore fuit. In quo magna Christi pietas ostenditur, qui propter unum solum venit. Unde Chrysost. Considera dominatoris clementiam, qualiter etiam pro una anima ostendit seipsum vulnera habentem, & accedit, ut salvet unum. Hoc autem de Thomæ dubitatione dispensatoriè permissum est, ut evidentioribus argumentis Resurrectio Domini probaretur: ideo enim dubitatum est ab illo, ne dubitaretur à nobis. Unde secundum Greg. Non casu, sed divinæ pietatis dispensatione gestum est, ut ille electus discipulus tunc deesset, qui audita Resurrectione dubitaret: dubitans palparet, & palpsans crederet: ut à nostris cordibus omnem dubitationem expelleret: & dum in magistro suo vulnera palparet carnis, in nobis vulnera infidelitatis: plus enim nobis incredulitas Thomæ, quam aliorum credulitas ad fidem profuit, quia dum ille ad fidem palpando reducitur: mens nostra omni dubitatione postposita in fide solidatur: & non solum nostram fidem roboravit, sed etiam hæreticorum errorem, dicentium Jesum verum Corpus non habuisse, exclusit. Unde & Leo Papa: Suffecit Thomæ ad fidem propriam vidisse quod Leo sermone viderat: sed nobis operatus est, ut tangeret quod videbat. Unde & Greg. de ipsius Thomæ, & aliorum etiam discipulorum dubitatione sic dicit: quod de ascensione. Resurrectionem Dominicam discipuli tardè crediderunt, non tam illorum infirmitas quam nostra (ut ita dicam) firmitas fuit: Ipsa namque Resurrectio Gregor. hom. 29. illis dubitantibus, per multa argumenta monstrata est: quam dum nos in Evang. legentes agnoscimus, quid aliud: quam de eorum dubitatione solidamur; Minus enim mihi Maria Magdalena præstitit, quæ citius credidit, quam Thomas, qui diu dubitavit ille etenim vulnerum cicatrices tetigit, & de nostro pectore dubietatis vulnus amputavit. Hæc Greg. Dispensationis autem Christi re- gratia non ex curandi impotentia Dominus, qui mortis regna destruxit, signa mortis delere noluit: sed pluribus de causis vestigia passionis, scilicet cicatrices vulnerum, in corpore (licet incorruptibili) reservavit. Primo, ad austruendam & probandam Resurrectionem, ac reformandam & corroborandam discipulorum fidem, de sua Resurrectione dubiam: ut credant quod Ipse qui Crucifixus fuit, in eodem Corpore numero Resurrexit: in eo, enim quod vulnera ostendebat, manifestabat quod idem resurrexerat, qui in Crucce pependit. Unde Lucas, *Videte manus meas & pedes meos, quia Ego Ipse sum.* Secundo ad cōmendandā Ejus circa nos dilectionem: ut quā misericorditer sumus adiuti, ostensis suæ mortis indicijs insinuet: nosq; ad dilectionem rependendam magis provocet. Unde in Apoc. *Qui dilexit nos, & lavit nos à peccatis nostris in sanguine suo.* Tertiò ad ostendendam nostrā Redemptionem, quia illa vulnera fuerunt nostræ redemptionis signum. Unde Esaias: Ipse vulneratus est propter iniquitates nostras: ideoq; misericordias Domini cantare non cessent: sed dicant qui redempti sunt à Domino, quoniam bonus, quoniam in sæculum misericordia Ejus. Quarto, propter nostram ædificationem & instructionem: si enim in Corpore Christi glorioso etiam manebant signa suæ passionis: & nos (quasi compatiendo) eadem vulnera continuè in mente portare, & pro Ejs gratias agere deberemus. Unde Apostolus: *Hoc sentite in vobis, quod & in Christo JESU.* Quintò, propter nostri recordationem, & memoriam apud se semper retinendam. Nequaquam enim nostri obliviscitur, pro quibus sic crudeliter plagatus dignoscitur. Unde in Esaias: *Ego tui non obliviscor: ecce in manibus meis descripsit te.* Sextò, propter Dei patris reconciliationem, ut Deus Pater ignoscat humano generi, pro quo filius sic voluit plagiari. Unde Apostolus: *Aduocatū habemus apud patrem Jesum Christum iustum, & Ipse est propitiatio pro peccatis nostris,* nam patri pronobis supplicat, obedientiam repræsentans: & quale genus mortis pertulerit semper ostendens, quod est quidem modus interveniendi pro nobis. Unde Bern. Securus accessum habes o homo ad Deum, ubi habes Filium ante Patrem, Matrem ante filium: filius ostendit Patri latus & vulnera: Mater ostendit Filio pectus & ubera: nec vlla poterit ibi esse repulsa, ubi tot charitatis occurrunt insignia. Septimò, ad impiorum confusionem, ut ostensis Ejs in iudicio vulneribus, denunciet quā culpabili cap. 8. ste damnari debeant. Unde secundum Aug. Convincens eos de peccato suo mortis,



mortis, dicens: Ecce hominem, quem crucifixistis videtis vulnera, quæ infligitis: agnoscitis latus, quod pupugistis: quoniam per vos & propter vos apertum est, nec intrare voluistis. Octavo, ad electorum exultationem: dum in Deo suo insignia amoris præcipui, quem ad eos habuit, videbunt. Nam secundum Bedam, Magnum gaudium erit sanctis, videre vulnera in carne Christi fulgida per quæ victor triumphavit de morte, & salvavit electos. Veniens ergo Dominus ad iudicium, & in eadem forma omnibus apparebit scilicet iustis & iniustis: ut iusti videntes quanta & qualia pro eis sustinuit, in ejus amore amplius exardescant, & in laude ac gratiarum actione proficiant: iniusti vero deterius puniantur, confundantur, & pereant, quanto magis tantis beneficiis ingrati extiterunt, & largiora beneficia Dei indignius contempserunt. Nonò, ut triumphum, seu titulum triumphalem, & signum victoriæ suæ omni carni ostendar, & in perpetuum circumferat: quæ Eum victorem diaboli per infinita sæcula demonstrant: verbi gratia, Miles pro totius gentis salute fortiter egit & multis vulneribus perfoctus est: hostem tantum interfecit: ejusque spolia diripuit, & victoriæ suæ genti reportavit: aut illi medicus, vis sanari sine omni cicatrice, vel cum cicatricibus sine omni deformitate? puto quod in signum suæ victoriæ, & pro exëplo animadmi alios ad idè, reservaret sibi cicatrices: Illæ eni cicatrices sunt in Christo, non in deformitate sed in magnâ pulchritudinè. Unde dicit Chrysost: quod cicatrices sunt in Christo super radio solis lucidiores. Unde etiam secundum August: In illo regno apparebunt in Corporibus beatorum martyrum cicatrices vulnerum, quæ pro Christi nomine pertulerunt, lib: 22. de sicut stella in Cælo, sicut lapis pretiosus in anulo, sicut flos in stipite, & si civitate cur rubeus color in rosa: non enim deformitas in eis, sed dignitas erit, & Dei cap: 20. quædam quamvis in Corpore, non corporis, sed virtutis pulchritudo fulgebit: nec ideo tantum si martyribus aliqua amputata & ablata sunt membra, sine ipsis membris erunt in Resurrectione mortuorum: sed ubi membra ut præciderentur percussa sunt, vel facta, ibi cicatrices: sed tamen eisdem membris redditis, non perditis, apparebunt. Conspice nunc Dominum, & considera solitam ipsius benignitatem, humilitatem, & amorem ferventem: quomodo videlicet monstrat Thomæ & alijs discipulis vulnera, ut tollat omnem obscuritatem de cordibus eorum, ad ipsorum & nostram utilitatem. Stat igitur cum eis per aliquam morulam, loquens de Regno Dei consolatoria: stant & ipsi cum Eo in lætitia magna: audientes illa verba excelsa, & aspicientes faciem Ejus plenam gaudio, ac decore & gratia. Attende bene eos familiariter circumcirca stantes. Sta & tu reverenter, & verecunde, sed gaudenter, à longè tamen: si fortè milericordia motus faciat te vocari licet immeritum. Tandem dicit eis quod in Galilæam vadant, & quod ibi eis apparebit, sicut promiserat: & benedictione data, discessit ab eis. Ipsi vero remanserunt, ut prius, de ipso famelici & sitibundi, sed plurimum confortati.

Trophaea Christi.

Augustinus lib: 22. de civitate Dei cap: 20.

## QUOMODO DOMINUS APPARUIT

septem discipulis ad mare Tyberiadis.

C A P U T. LXXIX.

Postea facto intervallo temporis, manifestavit se iterum Jesus ad Mare Tyberiadis: idest, se visibilem præbuit: & hoc etiam modo dicitur apparere, quod idem est quod manifestari. Nam secundum Ambrosium, illud apparet, in cuius potestate est videri, & non videri. Piscabantur simul septem discipuli nocte quadam, ut cibum haberent: scilicet Petrus & Nathanael, qui (ut creditur) frater Philippi erat: & Filii Zebedæ, scilicet Jacobus & Joannes, & alii duo: quorum nomina non exprimentur: quia secundum quosdam, erent minores: vel secundum quosdam, videntur fuisse Philippus & Andreas. Et piscabantur in navi aliena eis accommodata, vel locata, seu alio modo licitè accepta: quia

Joan: 12

Apparere.

Eeeeeee

autem



à principio suæ conversionis reliquerant navem & retia. Piscabantur autem Augustinus. licet, quia (secundum August.) non fuerunt prohibiti ex arte sua licita & tract. 122. concessa, victum necessarium quærere, servata sui Apostolatus integritate: si in Joan: quando unde viverent, aliud non haberent. Propter quod & Paulus scenefactoriam artem didicit: ut cum necessitas, vel Ecclesiæ utilitas occurreret: Gregor: hō: de labore suo viveret. Et secundum Gregor: negotium quod ante conversionem sine peccato extitit, hoc etiam post conversionem repetere culpa non fuit: quod autem ad peccatum implicat, ad hoc necesse est ut post conversionem animus nō recurrat. Unde post conversionem suā ad piscationem Petrus rediit, Matthæus verò ad teloniū non reledit. Et per totam noctē illā hi septē discipuli in vanū laboraverunt, & nihil de piscibus ceperunt: quia Divinū auxiliū deerat, cujus carentia nox dici potuit. Hoc ideo factum est, ut capio sequens manifestatē miraculosa appareret. *Manē autem factō*, per quod intelligitur gloria Resurrectionis, Dominus Jesus apparuit eis, stans in littore Maris. Non apparuit supra aquam, sed in terra solida: ad ostendendum quod amplius non erat cum eis in fluctibus vitæ corruptibilis, sed magis transierat ad statum vitæ immortalis. Non tamen cognoverant discipuli quod Jesus esset. Secundum Chrysostom: hom: 86. in solt: Non statim ostendit Jesus seipsum, ut per miraculum, quod facturus erat, agnoscerent Eum. Attende hic quæ acta sunt, quia jucundissima sunt. Quærebat ab eis, quasi pisces emere volens: si pulmentarium haberent: id est, aliquid quod decoqui & comedi posset. Pulmentarium potuit dici illud, quod pani dulcorandum adjungitur, & quo panis, ut magis comestibilis sit, conditur. Pulmentarium autem hic vocat pisces, ad edendum dulces & delectabiles. Ut dicit Chrysost: Interim humanius loquitur, ut quid debens emere ab eis, mysticē à nobis pulmentum petit Dominus, ut reficiatur, quod est obedientia mandatorum Dei, ad quam omnes obligantur. Unde supra dixerat: Meus cibus est, ut faciam voluntatem Ejus qui misit me: & responderunt Ei. non, credebant enim Eum esse mercatorem, pisces emere volentem. Cum autem ad mandatum ejus misissent in dextram navigii rete, impleverunt illud: & non valebant trahere pro piscium multitudine: quia enim obedientes fuerunt. Ex obedientia fructum consecuti sunt. Per septem pisces, qui hic enumerantur, universitas prædicatorum Ecclesiæ designatur: qui sine Christi virtute nihil prehendunt, & nihil proficere possunt: quia sine instructione ejus interiori, frustra laborat lingua prædicatoris. Sed mane, quando venit lux illuminans corda, ipso Christo principaliter operante, capiunt copiosam multitudinem piscium: per quam signatur multitudo credentium, per prædicationem Apostolorum: & similiter multitudo penitentium, per prædicationes alios ad bonum conversorum. Dicitur quod pisces fugiunt retia fætida & corrupta, nec libenter intrant ea: & propter hoc illi qui piscantur cum talibus retibus, paucos vel nullos pisces capiunt, sequuntur etenim retia odorifera & munda, & ideo eum talibus capiuntur melius. Rete Christi, est verbum Dei: pisces, sunt omnes peccatores: dextra spiritualia: sinistra temporalia. Iste ergo qui prædicat propter lucrum temporale, vel vanam gloriam, piscatur ad sinistram, & retia fætida habet: & ideo parum proficit: sed qui in doctrina & prædicatione quærīt salutem audientium, ille piscatur ad dexteram, & retia odorifera habet, & ideo multum proficit, nec mirum, quia ut dicitur in Proverbiis, *vias quæ à dextris sunt, novit Dominus, perversa autem sunt quæ à sinistris sunt.* Joannes itaque considerato miraculo, factō, quia vidit impletum sicut prædixerat, recognoscit Eum & dixit Petro, quem præ aliis diligebat, & etiam quia inter alios prior erat: Dominus est, Cui scilicet & pisces obediunt: Dominus enim, est nomen potestatis: & per potestatem in miraculo piscium est hic manifestatus: Joannes qui (tanquam virgo) ceteris purior erat, & perspicacior in cognoscendo, citius aliis cognovit Christum, quia puritas mentis & corporis, maxime disponit hominem ad cognitionem Divinorum. Secundum Bedam, Cognovit primus Dominum, sive miraculo istius piscationis, sive sono præcognitionis vocis, sive primæ reminiscens piscationis, ubi Petrus cantor, per Petrum, activa & laboriosa vita: per Joannem, contemplativa & quæta significatur. Contem-



Contemplativa activè Deum, quem considerat, ostendit. Si in die in actione fuisti: saltem in nocte dicat tibi contemplativa, Dominus est: ne ita distraharis operibus, quòd Ipsum aliquando non consideres. Hæc Petrus. Tunc Petrus audito quia Dominus est, tunica succinxit se, ut cum majore reverentia accederet ad Eum; erat enim nudus. idest parum vestitus, ut aptior esset ad piscationis opus. Unde Beda: dicitur Petrus nudus fuisse ad comparationem cæterorum vestimentorum quibus uti solebat. Sic nos solemus dicere, cum aliquem simplici vestimento videmus indutum, quare nudus incedis? Ubi & Theoph. in Theophilus: Præcinxit autem se linteo amictu, quem Phœnices & Tyrij piscatores circumvolvunt sibi, cum nudi sunt: sive etiam cæteris indumentis apponunt: & ex devotione ac fervore dilectionis, misit se in mare, ut citius ad Eum veniret: Domini quem ferventer dilegebat: alii vero discipuli trahentes rete piscium, cum matura festinatione navigio venerunt, quia ita fervidi sicut Petrus non erant, Petrus quidem moras navis expectare non potuit, sed amoris immanitate cogente in mare se præcipitavit, ut velocius & magis festinus ad Dominum venire potuisset. Ubique Petrus ferventioris fidei, & majoris dilectionis invenitur. Ubi Beda, Eodem autem ardore, quo & multa alia fecerat, venit ad Jesum non tamen intelligendum est Petrum super fluctus venisse: sed aut natando, aut pedibus propriis, quia erant prope terram. Et Chrysostomus: secundum Chrysostomum: Optime ponitur hic conditio Joannis & Petri, quia Joannes perspicacior erat intellectu, Petrus ferventior affectu. Propterea Joannes quidem prius cognovit Jesum: Petrus verò primus ivit ad Eum. Mystice per Mare significatur tribulatio præsentis sæculi. Unde illi qui desiderant ad Christum pervenire, mittunt se in Mare: quia non refugiunt tribulationes hujus mundi, scientes quòd per multas tribulationes oportet intrare in Regnum Dei: & tamen inter tribulationes securus & illusus Christi servus evadit: sicut Petrus illusus pervenit: per navigium verò, significatur Ecclesia: unde alii discipuli veniunt navigio, idest, protecti societate Ecclesiæ. Secundum illud Psalmi: protege eos in tabernaculo tuo. Et cum descendissent in terram, invenerunt prunas in littore, positas, idest ordinatas ad calefaciendum: & piscem illis superpositum, & panem juxta positum. Ecce aliud miraculum: nam non ex materia subjecta, sicut alias multiplicavit panes: sed de nihilo & novo fecit virtute Divina carbonem accensum, & piscem, & panem: ad majorem discipulorum in fide Resurrectionis Christi confirmationem. De Bethsaida Bethsaida ad unam leucam contra Orientem est locus ubi stetit Jesus in littore: cujus adhuc vestigia ibidem ostenduntur in lapide: & inde non ad jaletum Domini: sed ad jaletum Domini, locus ubi viderunt prunas, & piscem superpositum, & panem: & jussit Jesus afferri de piscibus, quos prendiderunt nutu ipsius: Piscium generum ascendit autem Simon Petrus, & traxit rete in terram, plenum magnis piscibus: centum quinquaginta tribus. Dicit Isidorus, quòd omnia genera piscium ad istum numerum reducuntur. & quia Apostoli debebant esse piscatores omnium hominum, ideo tot & non plures pisces piscati sunt: & cum tanti essent, non est scissum rete. Numerum & magnitudinem piscium exprimit, ad declarationem miraculi, ex tanta captione eorum: & iterum ex retis integritate, quia non est scissum. Et vocans Dominus discipulos ad prandendum, & simul cum eis comedens, ad declarationem suæ Resurrectionis & ad ostendendum non esse phantasma quod factum est, fecit convivium, & festum magnum cum ipsis in littore Maris: & nemo discumbentium audebat Eum interrogare quis esset: non propter austeritatem & formidinem, sed propter reverentiæ authoritatem, & cognitionis certitudinem: scientes discretæ cognitione, quia Dominus est, cui cum metu & reverentia oportet intendere: & ideo frustra fecissent de hoc questionem, quia non oportebat facere eam: ubi enim est veritas exhibita aperte, ibi nulla est opus interrogatione. Ubi Chrysostomus: Et nullus audebat Eum interrogare, sed cum silentio & formidine multa & reverentia sedebant attendentes in Eum. Nam sciverant quidem quoniam Dominus minus est: formam autem alterationem videntes, & multa admiratione plenam, valde erant stupefacti. Unde & Augustinus: Nemo audebat dubitare quod



ipse esset: tanta enim erat evidentia veritatis, & qua illis Iesus apparebat, ut nullus eorum auderet non solum negare, sed nec dubitare: & ideo stultum esset interrogare. Et consuetæ humilitatis lux more ministrans eis, accepit panem dedit eis, benedictum tamen, & distribuendo fractum, & piscem similiter: & comedit cum eis: nam eo modo dividebat eis, & distribuebat, sicut consueverat ante passionem, ad declarandam suam Resurrectionem. Stant igitur reverenter, multumque alacriter isti septem discipuli cum Domino suo, pariter comedentes cum Eo. Aspiciunt desiderabilem, & jucundam faciem Eius, & exultant in cordibus suis. Accipiunt de sacratissimis manibus ejus escas desiderabiles, & reficiuntur non minus spiritualiter, quam corporaliter. O quale est istud convivium. Considera bene per singula, & si potes pascaris cum eis, in exultatione & lætitia. In hoc convivio Ecclesiæ spirituali Christus præparat prunas charitatis, quas de cælis portavit ad terras, quia ignem venit mittere in terram, & vult ut accendatur. Item præparat piscem superpositum prunis, qui est ipse Christus, qui super prunas ponitur, quando ex incendio charitatis, pro nobis in Cruce immolatur. Item præparat panem quo reficimur, qui est & ipse: nam ipse reficit nos per doctrinam, & etiam dando Corpus suum nobis in cibum. Dedit etiam Dominus discipulis piscem, quia

*Augustinus* suam passionem imitandum ostendit, dedit, & cum pisce panem, quia post tollerantiam passionis gaudia æternæ societatis repromittit. Unde August: Fecit Dominus prandium septem discipulis de pisce asso, & aliis quos ceperant: piscis assus, Christus est passus, ipse est & panis qui de Cælo descendit: huic comparatur Ecclesiæ ad participandam beatitudinem æternam, propter quod dictum est, afferre de piscibus quos apprehendistis nunc, ut omnes qui hanc

*Convivium ultimum Domini.* spem gerimus, per illum septenarium numerum discipulorum, per quem potest nostra universitas intelligi figura, tanto Sacramento communicate nolesimus, & eidem beatitudini nos sociari. Hæc August: Idem etiam ultimum convivium cum septem discipulis piscantibus voluit celebrare, quia illi post universale judicium cum Domino æternum convivium sunt celebraturi: qui

*Gregor: hō. 24. in Evgelio.* septiformi Spiritus Sancti gratia repleti, auctus præsentis sæculi Divino amore calcant, & in lucrandis animabus invigilant. Unde Gregor: Cur cum septem discipulis ultimum convivium celebrat, nisi quod eos tantummodo qui septiformi gratia Spiritus Sancti pleni sunt, futuros secum in æterna refectioe denunciat. Septem quoque diebus omne hoc tempus evoluitur, & sæpe septenario numero perfectio designatur. Illi ergo ultimo convivio de præsentia veritatis epulantur, qui nunc perfectionis studio terrena transcendunt, quos hu-

*Piscatio duplex.* jus mundi amor non ligat, quibus si utenque per tentamenta obstrepit, capta tamen eorum desideria non retundit. Hæc Gregor: Sicut ergo Dominus in alia piscatione significavit Ecclesiam qualiter nunc est, sic in hoc loco qualiter in fine sæculi, scilicet in ultima Resurrectione mortuorum futura sit. Mare enim præsens sæculum significat: litus, quod est finis Maris, finem sæculi designat. Unde ibi Iesus ascendit in navem, quia adhuc in fluctibus vitæ corruptibilis cum discipulis erat. Hic autem in littore stabat, quia jam ad statum vitæ immortalis transierat. Ibi non in dexteram, nec in sinistram: sed indifferenter, inquit, *Laxate retia vestra in capturam:* ut intelligamus bonos & malos: hic autem, *Mittite, inquit, in dexteram navigii rete,* ut significaret eos qui stabunt ad dexteram solos bonos. Ibi numerus piscium non exprimitur, quia multiplicati sunt super numerum. Hic verò certus est numerus, scilicet centum quinquaginta tres, qui numerus habet quinquagenarium, per quem designatur jubilæus, in quo cunctus populus ab omni opere quiescebat, & in super hebet tria propter mystetium Trinitatis. Ideo autem dictum est, quod erant magni, quia omnes electi magni sunt in Regno Coelorum, licet gradus sint diversi. Ibi rete propter significanda schismata rumpebatur, hic verò non est scissum rete, quoniam in illa summa pace sanctorum nulla erunt schismata. Et ideo ad hoc commendandum valet, quod Joannes ante hanc apparitionem, tanquam finem libri sui interposuit dicens: *Multa quidem & alia signa fecit Iesus in conspectu discipulorum suorum quæ non sunt scripta in libro hoc:* quod esset etiam



etiam securæ narrationis quasi præmium. Attende nihilominus quæ sequuntur, quia pulcherrima sunt & utilia: nam completo isto solenni convivio, & refectionis beneficio omnibus communiter exhibito: dicit Dominus specialiter *Simoni Petro*, volens ei conferre beneficium speciale, *Simon Joannis*, scilicet Filius, *diligis me plus his?* idest plus quam isti me diligunt: quasi diceret, quid mihi dabis, quid mihi præstabis, quia diligis me? ubi Alehuinus, Mystice autem Simon obediens, Joannes gratia dicitur: merito ergo nomine vocatur, idest obediens gratia Dei, ut ostendatur quod ardentior illum charitate amplectitur, non meriti humani, sed Divini esse maneris. Interrogat Dominus an se diligat, quem semper & ubique majorem amoris affectionem erga se ostendere videbat *Simon*, inquit, *Joannis, diligit me plus his*, qui tui amoris affectum plus quam hi circa me ostendis. In quo apparet quod ille qui eligitur ad officium prælationis, debet diligere Deum præ cæteris, & quod cæteris paribus melior & perfectior debet præfici in prælatum, quia Dominus requirebat præficiendum, an plus diligeret Eum, & plus habet charitatis, quæ est vinculum perfectionis: nam in omni regimine, & ille qui præsidet, & gubernat, debet excellentior esse, & ad plura ac majora & magis ardua tenetur Prælatum, quam quicumque subditus: quia sicut se habet anima ad corpus quod regit, & ratio ad vires inferiores, & pastor ad gregem, & homo ad bruta animalia: sic se debet habere prælatum ad subditos. Et ideo videtur quod ille qui aliquem eligit ad tale officium, tenetur semper eligere meliorem: non tamen intelligitur melior, literatior, vel astutior: sed ille qui omnibus conditionibus pensatis melior est ad tale officium, ad honorem Dei, & utilitatem Ecclesiæ. Aliter autem eligens vel promovens, non videtur judicium Divinum evadere. Quod autem, secundum jura, sufficit eligere bonum & idoneum, hoc est secundum judicium humanum, per quod talis non est puniendus: cum secundum Augusti: aliqua permittuntur humano judicio incorrecta, propter majora mala vitanda, quæ tamen sunt Divino judicio corrigenda. Nam aliquid sufficit secundum judicium humanum, quod non sufficit: secundum judicium Divinum: secundum judicium humanum, sufficit illud, de quo homo non potest accusari, nec electio ejus approbari. Constat autem difficile esse electiones fieri, si possent ex hoc reprobari, quod invenitur alius melior quam ille qui est electus. Unde sufficit (secundum judicium humanum) ut electio sit recta, & eligatur idoneus. Secundum verò judicium Divinum, & conscientiam, necessarium est eligere meliorem, quantum ad honorem Dei, & utilitatem Ecclesiæ: si verò aliquis minus bonum præeligat, & aliquid privatum (puta affectio carnalis, spes beneficii & commodi temporalis) eum moveat, est fraudulenta electio & personarum acceptio, & peccat. Sciens ergo Dominus interrogat: Sciebat enim quod non solum diligeret Eum, verum etiam plus omnibus diligeret: sed innuit, ut corde credamus, & ore confiteamur: nesciens autem Petrus, quantum alij Christum diligebant, non est ausus respondere, plus quam alij, quia cor alterius videre non poterat: sed cum modestia locutus est, & absolute respondit, *etiam, Domine tu scis quia amo te*: quasi diceret, teipsum testem invoco, qui secretorum es conscius, quia amo Te, & Tu qui interiora consideras, scis si plus alijs amem te, quod ego nescio: tu scis quantum diligo te, & quia integro corde te diligo: quantum verò alij te diligunt, nescio. Item quia expertus propriæ fragilitatis in Christi negatione fuit, cantius de se respondit, nec ultra se afferre in Christi dilectione ausus fuit: sed quantitatem suæ dilectionis in judicio Christi (qui secreta cordium intuetur) posuit, nec audent invocare conscientiam propriam, in qua prius deceptus fuit: sed Domini conscientiam invocatur dicens: *tu scis quia amo te*, ac si dicat, tu nosti plusquam ego, humilians se coram Apostolis, non dicit, plus his: sed simpliciter, *amo Te*, instruens non quod debemus nos alijs præponere, sed alios nobis. Quod ergo de se novit, scilicet quod diligeret, dixit, quod nescivit, scilicet utrum plus alijs diligeret, tacuit: docens nos quod in dubiis suspensam debemus sententiam tenere, & non temerè de occultis diffidere. Dicit et Dominus, officium pastorale sibi committens,

*Dilectio  
preferenda.*

*Eligendus  
optimus.*

*Petri causa  
modestia.*

FFFFF



tens, *pasce agnos meos*: quasi diceret, hoc mihi dabis, hæc præstabis, si amas me, ut pascas gregem meum. In hoc sciam & experiar quod me amas, si scilicet gregem meum pascis, exhibitio operis, sit probatio dilectionis. Dilectio enim Dei, probatur in dilectione proximi: qui verò opus pietatis proximo *Augustinus* non impedit, minus Deum diligit. Unde *August*: Confidenti autem amore *serm: 49.* suum oves suas commendavit, tanquam non esset ubi ostenderet. Petrus. amo- *de tempore.* rem suum in Christum, nisi esset pastor fidelis sub principe omnium pastorum. Cumq; Dominus secundo ab eo quassisset, si ipsum diligeret, & Petrus idem quod supra respondisset, iterum subdit *pasce agnos meos*. Cum verò Dominus tertio quæreret, si Eum amaret: *contristatus est Petrus*, eo quod sapius esset interrogatus ab Eo, sciverat quod interrogabat, & turbatus fuit, eo quod sciebat Eum scire etiã omnia futura, propter quod timuit ex tali replicatione, ne Christus vellet sibi prædicere aliquem casum suum futurum, sicut supra prædixit ei suam negationem futuram, & ideo merito timuit, & turbatus fuit. Unde secundum *Chrysostom* *hom: 87.* insolet: Rursus formidat, ne forte æstimans se diligere, si non diligit corripiatur, sicut & prius correptus est multum se existimans fortem. unde ad ipsum Christum refugit, & dicit Ei, Domine, Tu omnia scis, & ineffabilia cordis, & præsentia, & futura, & de ultimo cordis protulit amantis vocem dicens: *tu scis quia amo te*, quasi diceret, tu scis omnia & præsentia & futura. Ideo tu scis quod nunc te diligo: sed quid sit mihi futurum, ego nescio, tu scis. Deinde *Confessio* post tertiam Petri responsionem, Dominus adiecit: *pasce oves meas*. Interroga- *Petri.* vit autem Eum ter non ignorans quò animo confiteretur Christi amorem, sed ut trina confessio amoris, deleteret trinam negationem timoris: ter negavit timor, ter confessus est amor. Unde *Aug*: Redditur negationi trina trina con- *tract: 123* fessio, ne minus amoris lingua serviat quàm timori, & plus vocis elucisse vi- *in Joan:* deat mors imminens, quàm vita præsens. Et secundum *Ambrosius* interrogat vir non ut disceret, sed ut doceret quem (elevandis in Cælum) amoris sui de apologia velut vicarium relinquebat, non vult Dominus suos agnos vel oves committere, nisi illi qui Eum diligit, quos ipse tantum dilexit, ut pro eis mori dignaretur, & ideo prius Ecclesiæ Pastorem interrogat, an se diligit, & sic postea ad pascendum suos agnos & oves ei committit, sicut enim fuit timoris iudicium negare pastorem, sic est amoris officium pascere Dominicum gregem. Unde *Chrysostom*: *Chrysost.* si diligis me, inquit, præstiste fratribus, & ferventem amorem, quem *hom: 87.* inper omnia demonstrasti, nunc ostende & animam, quam dixisti positurum te *Joan:* esse pro me hanc pro ovibus da meis, ostendens quanti appretiatum præstentia propriarum ovium, & quoniam hoc est maxime ejus, qui in ipsum est, amoris signum. Unde & *Greg*: Si ergo signum dilectionis, est cura pastoris, *lib: 6. epi:* quicumque virtutibus pollens gregem Dei negligit pascere, sumum pastorem *sto: 5.* convincitur non amare. Unde & *August*: Quid est aliud, *Diligis me, pasce oves meas*, quasi diceret: Si me diligis, non te pascere cogita, sed oves meas, *tract: ult:* & sicut meas, pasce, non sicut tuas: gloriam meam in eis quare, non tuam: *in Joan:* damnum meum, non tuum: lucra mea, non tua. Unde *Bernard*: Non otiose *Bernardus* totiens repetitum est, *Petre amas me*, in commissione ovium. Et ego quidem *serm: 76.* id significatum proinde puto, ac si illi dixisset Jesus, nisi testimonium tibi perhibente conscientia, quod me ames, & valde perfecteq; ames: hoc est, plusquam tua, plusquam tuos, plusquam etiam te, ut trina repetitionis meæ númerus impleatur, nequaquam suscipias curam hanc, nec te intromittas de ovibus meis, pro quibus utiq; sanguis meus effusus est. Terribilis sermo, & qui possit *Pralatorum* etiam impavida quorumvis tyrannorum corda concutere. Propterea attendite *periculum.* vobis quicumque opus ministerij hujus sortiti estis, attendite inquam vobis, & pretioso deposito, quod vobis creditum est. Hæc *Bernard*: Vide quomodo Dominus Christus, committendo Petro pastorale officium, ipsum ter examinat de dilectione: quia pastores Ecclesiæ debent Deum ac etiam proximum præ cæteris hominibus diligere. Non ergo debet quis elegi in prælaturam, nisi habitis *Bern: ser. 23* certis signis & argumentis de dilectione ejus erga Deum & proximum. Unde *in cāt: Exa Bern:* An non incongruè de dilectione requiritur, qui pascendo gregi præponi- *minari de-* tur. Ille enim præesse debet alijs, qui vino charitatis inebriatus exaltatur, im- *bet in prala* memor sui, ut non quærat quæ sua sunt, sed magis quæ Jesu Christi. Attende *tū assumēdo* etiam



Ff f f f f f 2

ergo,



ergo, quò non vis, propter naturalem compassionem animæ, quæ in vita sequitur à Corpore: Deo hoc utiliter dispensante, ut non multi sibi mortem inferant violentam. Hæc Chrysostomus: Sed secundum Augustinum: quantacumque sit molestia carnis, debet eam vincere vis amoris, quo amatur Christus, qui etiam mori voluit pro nobis: quia si nulla esset vel parva mortis molestia, non esset tam magna martyrii gloria. Unde Gregorius: Neque enim si plenissime Petrus noller, pro Christo pati potuisset: sed martyrium quòd per infirmitatem carnis noluit, per virtutem spiritus amavit. Qui dum per carnem ad penas ire trepidat, per spiritum ad gloriam exultat. Actumque est ut cruciatum martyrii nolendo voluisset. Sic nos quoque cum gaudium quarimus salutis, amarum poculum sumimus purificationis. Amaritudo quidem in poculo displicet, sed restituenda per amaritudinem salus placet. Cum ergo cognovit Dominus quod diligeretur à Petro, prædixit ei fructum dilectionis, scilicet coronam martyrii, quo oves pascere, & Ecclesiam multiplicare, & se captus sequi deberet. Unde Glossa, Passurum prædicit, qui negaturum prædixerat, hoc jam poterit, scilicet pati pro Christo ratione firmatus, quod immaturè pollicebatur infirmus. Jam non metu hujus vitæ, interitum, quia resurgente Domino vitæ alterius præcessit exemplum. Unde & Chrysostomus: Et nimirum hoc volebat & cupiebat, idcirco ei manifestum hoc fecit: quia enim dixit, animam meam ponam pro te: & si oportuerit me mori tecum, non te negabo: dedit ei quod desiderabat. Quia enim Petrus semper volebat esse in eis, quæ pro eo erant periculis cum fide, ait: ita enim tuum implebo desiderium, ut quæ non passus es juvenis existens, hoc te oporteat pati senem factum. Hæc Chrysostomus: Hoc autem quod ait, alius te cingeret, & duceret te: debet præcedere hoc quod dicit, extendens manus tuas: nam in alterius cinctione exprimitur impositio vinculorum à persecutore. Unde Augustinus: Extendens, inquit, manus tuas, hoc est crucifigeris, ad hoc autem ut venias, alius te cingeret, & duceret non quò vis, sed quò non vis. Prius dixit quod fieret, & deinde quomodo fieret: non enim crucifixus, sed crucifigendus quò noller, est ductus. Hæc Augustinus: Et bene dicit, cum senueris. Nam post tempus, quo verba ista dicta sunt, usque ad tempus mortis Petri, fluxerunt verè triginta septem anni. Unde patet, quòd satis senex erat. In hoc autem quod Petrus cum senuisset, & prope terminum vitæ jam esset, passus est molestiam Crucis: mysticè significatum est, quod post peccati remissionem toto tempore vitæ suæ debet homo pro peccato suo dolere, & usque ad terminum vitæ miseriam sustinere. Unde Glossa, etiam remissis peccatis tolerat homo miseriam, in qua tamen ex peccato venit, productior est poena quoniam culpa, ne parva videretur culpa, si cum illa finiretur & poena. In Petro typus est secularium & religiosorum: secularis enim quò vult vadit, Dominus suæ voluntatis: sed religiosus superioris ligamine cinctus gravitate religionis senior, & professione maturior, præcepto majoris frequenter ducitur quò non vult nisi propter obedientiæ fructum: hoc autem dixit Jesus Petro significans, quia esset crucifigendus, & hac morte Deum clarificaturus, martyrium enim Petri fuit ordinatum ad gloriam Dei, quia sicut ne cingeretur vinculis cum Domino Christo obscuravit in cordibus audientium negatione. Ita excedendo manus in simili Cruce, sicut Christus, glorificavit Christum per exemplum cōstantiæ in veritatis cōfessione, in auribus crucifigentium tortorum. Quavis enim Christus non clarificetur in se à malis & infidelibus: tamè clarificatur quotidie per exemplum patientiæ, à sanctis & bonis fidelibus. Mors ergo sanctorum est ad gloriam Christi, quia ex hoc ostenditur magnitudo Domini, quod pro ejus veritate & fide sancti exponunt se morti. Cum enim vis amoris graves vincas molestias mortis, profectò martyres morte sua Deum clarificant, ostèdentes ea quàm colendus & amandus sit. Et nota quod Christus indirectum crucifixus est: Petrus ob reverentiam Domini in cōtrarium, scilicet deorsum: sed Andreas in transversum. Et cum hoc dixisset Jesus Petro: nūcians ei mortem & passionem ne dura & intollerabilis Petro videretur passio, hæc suo exemplo pius magister lenire curavit & ad genus mortis exemplo sui Eum invitans dixit, sequere me: id est, imitare me: sequi enim Dominum, imitari est: ac si diceret, tanto tolerabilius Crucis passionem sustinebis, quāto in ejus sufferentia mea te sequi vestigia recordaberis, ut sicut ego pro tua salute Crucis patibulum sustinere non distuli: ita quoque tu pro cōfessione nominis mei te pati debere memeto, quia eò gloriosiorē palmā martyrii cōsequeris, quo ad hanc promissionem arctius magistri iter sequeris. Quia

Augustinus  
tracta: 123  
in Joann:  
Gregorius  
lib: 31. mo  
salium.]

Chrysostomus  
hom: 87. in  
Joan:

Augustinus  
tra:  
123.  
in Joann:

Triginta se  
ptem annis  
super vixit  
Petrus.]

Miseriam pa  
titur etiā,  
cui peccata  
remissa sūt.

Martyres  
Deum clari  
ficant.



Quia enim Petrus prius singulariter ad hanc se exhibuerat sequelam, dicens: quare non possum Te sequi, animam meam pro Te ponam, ideo singulariter ab eo exigit Dominus promissum, dicens: *Sequere me*, scilicet in genere mortis. Si me, inquit, diligis, sequere me: veni post me, & sicut ego pro te, ita & tu moriaris pro me: sicut ego, ita tu crucem ascende, tu eandem quam ego mortem patere. Unde non dixit ei soli, sed signanter præ aliis: quia ipse præ omnibus debebat animam pro grege ponere & ovibus. Hoc autem dicendo Dominus surrexit, & à loco convivii abire cepit. Et sic per illam sequelam corporalem, idem significabat, quod prius Petro per verba expresserat, sicut enim in veteri testamento Prophetæ significabant aliqua verbis, & aliqua factis: similiter Christus faciens, postquam verbo prædixerat Petro suum Martyrium, incepit ire, & tunc dixit ei. sequere me: scilicet in hoc quod prædixi tibi. *Conversus Petrus* retrahendo oculos ab aspectu Domini, *vidit Joannem quem diligebat JESUS etiam sequentem*, quia sicut & Petrus cæperat ire post Christum, & volens certificari de morte Joannis, ex amore quo eum diligebat, de eo Dominum quasi vit, dicens: *Hic autem quid?* scilicet patietur, quasi diceret, ecce ego sequor te in passione: hic autem quem ut me diligo, non quid morietur sicut & ego? Postquam Petrus audierat se crucifigendum, voluit etiam agnoscere fratris exitum. Diligebat enim Petrus Joannem speciali dilectione, & ideo volebat eum in Martyrio socium habere. Unde dicit Chrysostomus. Quod valde diligebat Petrus Joannem, & audiens tam magni amoris indicia à Domino, quod videlicet simili genere mortis secuturus esset Dominum, quo Dominus præcesserat Petrum, cupiebat tam magnorum munerum habere socium. De hoc autem quod Petrus interrogavit, etiam Joannes interrogasset, sed non audebat, Diligebat autem (ut hic dicitur) JESUS Joannem, non quidem singulariter solum, sed præ cæteris familiarius, specialia signa dilectionis ei ostendendo præ cæteris, & hoc signum inter cætera, ut per pacem exiret de vita, non per certamen Passionis: Diligebat primò quippe, propter mundiciam puritatis: quia virgo est electus à DEO, & Virgo permansit. Secundò, propter sublimitatem suæ sapientiæ: quia cæteris altius arcana Divinitatis vidit. Tertiò propter fervorem sui affectus ad Christum, qui diligentes se diligit, & respondens JESUS Petro, dixit: *Sic eum volo manere*, id est; expectare, scilicet absq; passione Martyrii, *donec Ecclesia pace firmata veniam*, scilicet ad eum vocandum, & per placidam mortem de hoc mundo ad gloriam Cælestem assumendum: quasi dicat, nolo eum mori per Martyrium, & me sequi per viam passionis, sed magis volo eum occupari in quiete contemplationis: donec me vocante de hac vita in aliam transferatur suaviter & jucundè. Habetur enim in legenda Ejus, quod Christus apparuit sibi circa finem vitæ suæ cum Discipulis suis, vocans eum ad gloriam, & ad epulandum cum illis. *Quid ad te?* scilicet investigare de ipso, quia ad Petrum non pertinebat scire quomodo DEUS ordinabat in futurum de Joanne: sed tantum pertinebat ad Ipsum verbo Christi promptè & humiliter obedire. Ideo sequitur, *tu me sequere*, scilicet crucis Passionis. Unde Chrysostomus. Sic Eum volo manere, inquit, quid ad te? per hoc erudiens nos non anxiamur, neq; multum investigare, neq; ultra ea quæ placent ei quærere, & nihil ultra quam oportet circumscrutari.

De morte Joannis in

terrogatio.

Chrysostomus homil. 87.

in Joann. Dixit Dominus Joannem ob multa

Mors Joannis

Chrysostomus Ibidem.

Ggggggg

Hoc



Hoc autem faciebat ab intempera compaſſione, quæ ad ſe invicem erat dividens eos. Quia enim debebat orbis terrarum procurationem accipere, non oportebat eos ad ſe invicem dereliquoſſe complexos, proſectò enim magnum huic orbi terrarum factum eſſet damnum. Propterea ait: opus commiſſum eſt tibi, id attende & perfice exerce, & certa. Hunc verò ſi voluero manere hic, quid ad te? Tu ea quæ tuiſpius ſunt attēde, & de his ſollicitus nō ſis. Hæc Chryſoſtomus. Exiit ergo ſermo iſte inter fratres, id eſt; Diſcipulos, qui erant uniti fraterna charitate, & divulgatum in publicum per narrationem unius ad alterum, quod Diſcipulus ille non morietur. Hunc intellectum conceperunt ex verbis Chriſti, & in iſto intellectu ſermo ille recitabatur, quod Joannes non eſſet moriturus: ſed donec Chriſtus ad iudicium veniret victurus. Sed non erat hoc magnum donum, ſi datum eſſet diſcipulo, cū melius ſit diſſol-

Philipp. 1. vi & eſſe cum Chriſto. Ille tamen intellectus fuit erroneus. Quia c. Joannes Joannes ſecundū veritatem eſt mortuus. Et ideo ſtatim exclu-

moriuus eſt dicitur, cū ſubditur: Et non dixit JESUS, non morietur, quia ſententia mortis in omnes in originali peccato natos prolata eſt. Sed dixit, ſic Eum volo manere, à dolore perſecutionis alienū: donec veniam vocando eum in morte, per reſolutionem naturalem ad Cælum: quid ad te? hoc remiſſive legendum eſt, quia non quærit, ſed ſolū recitat hoc quod antè dixit, habebat autem Joannes nonaginta novem annos cū moriretur, & ſexaginta octo annis prædicavit. Hic eſt Diſcipulus ille, ſcilicet Joannes de quo Salvator jam locutus eſt, qui teſtimonium perhibuit de his, quæ vidit & audivit: propter quod Ejus teſtimonium eſt efficax & ſcripſit hæc tanquam teſtis verax, teſtimonium perhibes de eis. Modus erat antiquorum, quod illi ſcriberent hiſtoriam, qui vidiffent: propter quod dicitur hiſtoria ab hiſtorin, quod eſt videre: quia qui videt quod ſit, poteſt hiſtoriam contexere, & ideo Joannes qui verba Chriſti audivit, & facta Ejus vidit convenientiſſimè ſcribere potuit. Omiſſa autem omni comparatione inter duos iſtos Diſcipulos de dilectione, poteſt ad Myſterium referri, & Myſticè accipi: nam per hos duos duplex ſignificatur vita, ſcilicet activa & contemplativa: per Petrum enim, cui dictum eſt, ſequere me, labor exprimitur vitæ activæ, ad quam pertinet neceſſitatibus proximorum inſudare: ac pro veritate & juſtitia, ſi neceſſe fuerit, uſq; ad mortem certare: per Joannem verò ſuavitas deſignatur vitæ contemplativæ, ad quam pertinet, omnibus aliis omiſſis, ſoli DEO inhaerere: de quo enim dictum eſt, ſic Eum volo manere donec veniam, id eſt; eos quos guſtu meæ contemplationis inebriavero, ſemper proficere volo, quousq; me in die iudicii cum æterna remuneratione apparente de fide tranſeant ad ſpeciem, & de imperfecta vitæ hujus contemplatione ad perfectam gloriæ contemplationem. Utriusq; autem vitæ ſinis & obiectum eſt DEUS, pro quo exercetur hæc & illa: ſed vita activa plūs diligit quàm contemplativa, quia magis ſentit anguſtias præſentis vitæ, & æſtuantius deſiderat ab eis liberari & ad DEUM ire. Contemplativam verò vitam DEUS plūs diligit: quia eam magis conſervat, non enim ſimul finitur cum vita corporis ſicut vita activa, & ideo in mor-

Hiſtoria  
ſcribende  
mor.

Pſalm. 86. in Pſalmo dicitur. Diligit Dominus portas Sion, ſuper omnia tabernacula Jacob.

Unde dicit Dominus de vita contemplativa, ſic eum volo manere, id eſt; expectare: donec veniam, vel in fine mundi, vel



in morte contemplativi: sed vitæ activæ dicit, *tu me sequere*: quia contemplativa hic inchoata non perficitur: sed inchoata manet, & expectat donec veniat Christus perficiendo cum venerit: sed activa vita perfecta & informata. Ejus Passionis exemplum, interim sequitur Christum, patiendū pro eo. Potuisti itaque attendere quā multa & quā magnifica dicta & facta sunt in hac apparitione, & hanc apparitionem vocat Joannes tertiam, scilicet à numero dierum, sed non à numero apparitionum. Prima apparitio fuit in prima die qua surrexit, in qua pluries se manifestavit. Secunda, post dies octo, quando Thomas vidit & credidit. Tertia, hac die: quando de piscibus prandium fecit: sed post quot dies ab octava Resurrectionis id fecerat, Evangelista non determinat: vel potest referri ad vices, quia non legitur quod multis vel pluribus Discipulis simul apparuerit, nisi primò Thoma absente, & secundo, eo præsente, & tertio hic ad mare. Unde signanter in plurali dicit Discipulis suis. Et deinceps apparuit usque ad diem Ascensionis quoties voluit: quamvis non omnia scripta sunt. Tandem Dominus benedictione data Discipulis disparuit ab eis.

## QUOMODO DOMINUS APPARUIT

*Undecim Discipulis in Galilæa, & etiam quingentis fratribus.*

### C A P U T LXXX.

POST hæc undecim Discipuli abierunt in Galilæam, secundum Mandatum Christi & Angelī in montem & locum, ubi principaliter constitutum erat eis, ubi Dominus ordinaverat se visibilem præbere illis. Unde Beda. Nam pergens Dominus ad Passionem, ait Discipulis: postquam resurrexero, præcedam vos in Galilæam. Angelus quoque mulieribus, ait: *quia præcedet vos in Galilæam*. Quapropter jussioni Magistri obedientia Discipulorum obsequitur. Quamvis enim supradicta apparitio ad mare Tyberiadis fuerit in Galilæa, ubi est idem mare: non tamen illa principaliter intendebatur, cum ibi pauci, scilicet septem tantum essent Discipuli: sed potius ista, in qua simul omnes erant congregati. Et sciendum, quod prope Montem Olivetum ex parte borealia ad unum milliare est mons, qui appellatur Galilæa: & dicunt quidam quod ille est Mons prædictus ad quem Discipuli undecim abierunt: non quia Mons sit in Galilæa, cum sit in judæa: sed quia Mons iste appellatur Galilæa. Alii (quod magis videtur) dicunt hoc fuisse in Monte Tabor: in quo Dominus transfiguratus fuit, qui verò in Galilæa consistit. Ibi enim paucis, scilicet tribus Discipulis ostendebat gloriam suam futuræ Resurrectionis: & ideo ibi Resurrectionem suam completam manifestavit omnibus suis Discipulis. Unde probabiliter creditur quod ibi etiam fuerunt quingenti fratres, præter prædictos undecim Discipulos, & quod illa fuit manifestatio, de qua ad Corinthios scribit Apostolus, dicens: *Deinde visus est plusquam quingentis fratribus simul*: hic tamen non exprimuntur nisi undecim Apostoli: quia erant principales Discipuli Christi. Unde Eusebius: Duo enim Evangelistæ, scilicet Lucas & Joannes solis undecim hunc scribunt apparuisse in Hierusalē: ceteri verò in Galilæam properare: non solum undecim, sed universis Discipulis, & fratribus



tribus dixerunt Angelum & Salvatorem vidisse: de quibus & Paulus meminit dicens: deinde apparuit plusquam quingentis fratribus simul. Hæc Eusebius. Quomodo autem tot fratres erant ibi, cum aperte dicatur in actibus, quod omnes Discipuli erant in Hierusalem in cœnaculo congregati, & non erant nisi centum viginti?

*Astor. 2.* Potest dici quod omnes redeuntes de Hierusalem cum Apostolis non erant nisi centum viginti. Multi tamen erant credentes de aliis Civitatibus & locis quibus, simul apparere voluit, ad ipsorum con-

*Cur in monte visus Dominus.* solationem sicut & aliis. Et ibi scilicet in monte apparuit eis Dominus: quia illi eum quandoq; videre merebantur in altitudine Cæ-

*Rabanus in 6. 28. Mat.* lorum: qui nunc celsitudinem perfectionis ascendentes in ima calcant desideria terrenorum. Unde Rabanus: In monte quidem ap-

paruit eis Dominus, ut significaret quoniam Corpus quod de communi generis humani terra nascendo suscepit, jam super omnia terrena resurgendo sublevaverat: & ut admoneret fideles, si in illo celsitudinem Resurrectionis Ejus, cupiunt videre, hic ab infimis voluntatibus ad superna studeant desideria transire. Hæc Rabanus. Discipuli autem Dominum videntes vivum, adoraverunt in adventu suo adoratione latriæ: & ante Eum humiliaverunt se credentes Dominum DEUM, & hominem immortalem resurrexisse: quidam autem dubitaverunt, propter reinovitatem, quorum dubitatio nostram auget fidem, ex quo patet quod ibi erant alii quam Apostoli: qui omnes erant certificati: etiam Thomas quod inter eos fuit magis incredulus. Dubitatio quidem Discipulorum, nostræ fidei fuit confirmatio, quia quod amplius ditaverunt, eo sollicitius inquisierunt: & quo verius probaverunt, eo firmitus crediderunt: & non solum fidem nostram corroboraverunt, sed etiam hæreticorum velaniam destruxerunt. Pius autem & Clemens Dñs credentes in fide confortat, & fidem eorum roborat, ac dubios ad fidem reducit, & dubietatem eorum excludit intimas eis ad quantam gloriam pervenerit. Unde ut omnem dubietatem à cordibus eorum auferret, accedens locutus est eis, ad certificandum eos de sua Resurrectione dubios dicens: *Data est mihi omnis*

*Potestas data Christo potestas in Cælo & in terra.* *ut homini.* quia licet Christus, quantum ad Divinitatem, ab æterno haberet hanc potestatem, & quantum homo ab instanti Conceptionis haberet potestatem in Cælo & in terra, auctoritatem tamen executivè non habuit ante suam Resurrectionem: sed voluit passibilitati esse subiectus, propter nostram Redemptionem. Hoc ergo loquitur à parte humanitatis, in qua minoratus est paulominus ab Angelis, & à parte Divinitatis, in qua Patri est conferens, & coæqualis. Nam secundum Divinitatem tantus est Pater, aut Filius aut Spiritus Sanctus: quantus est Pater, &

*Hebraeor. 2.* Filius & Spiritus Sanctus. Unde Augustinus. Tanta est tota Trinitas in solo Patre, vel in solo Filio, vel in solo Spiritu Sancto: quan-

*Augustinus in libris de Trinitate.* ta est simul in Patre, & Filio, & Spiritu Sancto. Hæc Augustinus.

Igitur secundum Divinitatem semper simul cum Patre & Spiritu Sancto omnipotentes super omnia: secundum humanitatem omnium rerum, & inter omnia potestatem accepit, & omnia in manu Ejus sunt tradita: ut homo ille qui nuper factus est de Cælo, Dominetur & in terra. Habet enim potestatem in Cælo coronandi quos vult, & in terra eligendi quoscunq; vult: quia & hic & ibi facit quod vult. Non solum ergo in terra, sed etiam in Cælo potestatem accepit, quia in humanitate exaltatus, ad dexteram Patris est collo-



collocatus: & super omnes Angelos elevatus nomenq; sibi datum est, quod est super omne nomen: *ut in nomine JESU omne genu flectatur caelestium, terrestrium, & infernorum*, non solum est super omnium hominum nomen, sed etiam super omnium Angelorum sanctissimum: nulli enim hominum, vel Angelorum concessum est, ut natura filius Dei dici possit: nisi illi soli, cui à Patre dictum est: hic est filius meus dilectus, in quo mihi complacui: nulli quoque sanctorum vel Angelorum datum est, ut in nomine Ejus daretur salus mundo, nisi soli Deo: de quo Petrus ait: non est in aliquo alio salus: *neque enim aliud nomen datum est sub calo hominibus, in quo oporteat nos salvos fieri*. In natura quippe hominis à Patre accepit, quod in natura, Deitatis etiam Ipse donavit. Unde Severianus: Filius quippe Dei, Virginis filio, Deus, homini, Divinitas carni contulit, quod semper Ipse cum Patre possedit. Hæc autem potestas sibi data peccatores non spernit, sed omnes sine personarum acceptione colligit. Unde consequenter instituens baptismum, subiungit: *Euntes per mundum universum, docete fidem omnes gentes*: id est, omnia genera gentium, sine distinctione personarum. Ex hoc patet, quod prædicatores Evangelij debent omnibus & magnis, & parvis sine acceptione prædicare, *Euntes ergo*: quod est contra negligentes, qui ire nolunt: *docete*, quod est contra ignorantes, qui docere nesciunt, & officium assument: *omnes gentes*, quod est contra personarum acceptores, qui tantum ad aliquos vadunt: *baptizantes eos*, quia nisi quis renatus fuerit ex aqua & Spiritu sancto non potest intrare in regnum Dei, *in nomine*, propter unitatē substantiæ: *Patris & Filij & Spiritus Sancti*, propter distinctionem personarū: ut quarū est una divinitas, una sit largitio: nō ait, in nominibus patris & Filij, & Spiritus sancti: sed, in nomine: ut individuā Trinitatē, unū Deū esse insinuaret. Ista ergo est forma baptismi à Christo instituta: sed familiari consilio Spiritus sancti, quodammodo mutata fuit in primitiva Ecclesia, quando Apostoli baptizabant in nomine Christi: ut nomen Christi, quod tunc odiosum erat, publicaretur & magnificaretur per ambitum mundi. Et addit, *docentes eos servare* opere & perseverantia, *omnia quaecunque mandavi*, & dixi vobis: scilicet Sacramenta à Christo instituta: & alia ad fidem catholicam pertinentia: ac mores, circa dilectionem Dei & proximi instituentia. Præceptum quod Dominus ante passionem suam discipulis dederat, scilicet quod Judæis prædicarent, & in viam gentium non abirent, ad tempus erat certum, quia ante Christi resurrectionem fides Christi non erat divulganda per orbem universum: & ideo post Resurrectionem præcepit eis, ut in omnes gentes irent, & primò docerent, id est catechizarent, & in fide instruerent, deinde fidei Sacramento, scilicet baptismo intingerent, quia adulti prius debent instrui de his quæ ad fidem pertinent, quam baptizari. Et ideo catechismus debet baptismum præcedere, & tandem post doctrinam fidei, & post baptismum omnia quaecunque essent observanda præciperent, quia (ut dicit Jacobus) Oportet non tantum auditores esse verbi, sed etiam factores, & qui offenderit in uno, factus est omnium reus: congruus ordo, primò enim auditor in fide est docendus, quia nisi prius fidem anima recipiat, non est dandus baptismus: quia *sine fide impossibile est placere Deo*, nec valet baptismi mundatio, si non; quantum potest bonis operibus insistat: quam sicut Corpus sine spiritu mortuum est, ita & fides sine operibus mortua. Igitur oportet omnia servare, quaecunque mandavit Ipse. Cui hoc videtur impossibile, solum teneat & custodiat charitatē. Unde Augustinus: Dilectio fortis res est, fratres. Vultis videre quā sit fortis dilectio; quisquis propter aliquam necessitatem non potuerit implere, quod jubet Deus, amet illum qui implet, & in illo implet. Et iterum: Divinarum scripturarum multiplicem abundantiam, latissimāque doctrinam, sine ullo errore custodit, cujus cor plenum est charitate: dicente Apostolo: *Plenitudo legis charitas*, totam magnitudinem divinarum eloquiorum secuta possidet charitas: qua Deum proximumque diligimus: docet enim caelestis unus medicus nos, & dicit: *Diliges Dominum Deum tuum ex toto corde tuo, & ex tota anima tua, & diliges proximum tuum sicut te Ipsum*. In his duobus præceptis, tota lex pendet et propheta, si ergo non vacat omnes paginas sacras perscrutari, omnia involuta sermonum evolvere, omnia scripturarum secreta penetrare: tene charitatem,

Hhhhhh

tatem,

Philip. 2

Matt. 23

Act. 4

Prædicadū  
omnibus,

Præceptum  
ad tempus.

Mat. 10

Catechismus.

Jacobi 1

Heb. 11

August. in

Dilectionis

Idem lib.

de doct.

Rom. 13

Exod. 20

Deut. 6



tatem, ubi pendent omnia Ibi tenebis quod ibi didicisti, tenebis etenim quod  
*Idem tra.* non didicisti: si etenim nosti charitatem, aliquid nosti, unde & illud pender,  
*sta. 78. in* quod forte non nosti. Et in eo quod in scripturis intelligis, charitas patet,  
*Ioann.* & in eo quod non intelligis charitas latet. Ille itaque tenet & quod patet,  
*Idem lib. 18* & quod latet in divinis sermonibus, qui charitatem tenet in moribus. Et  
*de doctri.* iterum, quanta est charitas: quæ si desit, frustra habentur cætera, si adsit, ha-  
*na Christi,* bentur omnia. Et iterum, homo fide, & spe, & charitate subnixus, & eas  
*c. 39.* inconcussæ retinens, non indiget scripturis, nisi ad alios instruendos. Multi  
per hæc tria in solitudine, sine codicibus vivunt. Hæc August. Est etiam  
*August.* tantum bonum charitas, ut non tantum defectus nostros suppleat, sed etiam  
*tra. 5.* bona aliena nostra esse faciat. Unde Gregor. Aliorum bona opera nostra  
*in epist.* sunt, quæ si imitari non possumus, in alijs amemus, & amantium fiunt quæ-  
*Ioan.* cunque amantur in nobis. Unde & August. Pensent invidi quantum bonum  
est charitas, quæ sine labore nostro aliena bona nostra facit. Et iterum: Si  
amas unitatem, etiam tibi habet, quisquis in illa aliquid habet, tolle invidiam,  
& tuum est quod habeo, tolle invidiam & meum est quod habes. Livor  
separat, charitas jungit. Hæc August. Per charitatem quippe est homo in  
participio omnium bonorum Ecclesiæ: & ex defectu charitatis amittit homo  
meritum omnium bonorum Ecclesiæ, & etiam boni operis proprii. Et ut dicit Bernar-  
*Fides non* dus Charitas est virtus, in qua nec minimū opus respuitur, sine qua nec maximū  
*deficiet.* acceptatur. Et breviter concludendo, charitas inter virtutes tenet principatū:  
quia sine Ipsa ad perfectionis culmen nemo cōscendere valet: tunc enim homo  
perfectus est quādo charitate plenus est Deinde quā magna eis injunxit, erigens  
eorū sensus & eos confortans, ait: *Et ecce ego vobiscum sū,* protectione divinæ vir-  
tutis, cooperatione laboris & operis, ac etiam Sacramentali. præsentia corpor-  
is: *omnibus diebus usque ad consummationem sæculi,* inclusive, cum finitis labori-  
bus, & consummato sæculo mecum regnabitis, cujus rei pignus est præsentia  
meæ deitatis & gratiæ, etiam in præsentī. Ex quo patet quanta merces piæ-  
conversationis, qualeve pignus futuræ beatitudinis etiam in præsentī fide-  
les maneat, & quod usq; ad finem mundi, fides non deficiat, quantumcunq;  
tribulationibus agitur: ac si dicat, secundum Chrysost. non excusetis vos,  
*Chrysost.* nec mihi dicatis difficultatem inductorum negotiorum, quia ego vobiscum  
*rom. 91.* sum: qui omnia faciam levia. Hæc Chrysost. Magna promissio, magnus &  
*in Matt.* insuperabilis clypeus securitatis: *Ego, inquit, vobiscum sum,* in vobis pugno,  
*Rom. 8.* vos defendo, nihil timeatis, ite securi. *Si enim Deus pro nobis, quis contra nos?*  
*Psal. 59.* dicamus ergo: *in Deo faciemus virtutem, & Ipse ad nihilum deducet tribulantes nos,*  
& inimicos nostros, & specialiter prædicatoribus. Evangelij promittitur as-  
sistentia Domini, cum dicitur: *& Ecce ego vobiscum sum,* scilicet dirigendo ser-  
mones ad salutem audientium & meritum vestrum. Secundum Chrysost. Non  
*Chrysost.* tantum loquitur illis qui tunc erant: nec cum illis solum dixit se futurum esse,  
*ibidem.* sed & per Ipsos loquitur omnibus futuris, qui post illos credent: cum quibus  
etiam semper erit. Non enim usq; ad consummationem sæculi Apostoli per-  
mansuri erant: sed sicut uni corpori loquitur fidelibus: quibus conjungitur  
ut caput membris. Hæc Chrysost. Quamvis nempe Dominus, quod ad præ-  
sentiam Corporalem abscissurus esset à discipulis: tamen per præsentiam di-  
vinitatis, & spirituales influxum suorum donorum & suæ gratiæ, præsens  
semper manet, & manebit cum fidelibus, usque ad finem sæculi. Sapiens  
enim & fidelis nauta, navem non dimittit donec fuerit ad portum applicata:  
*Ecclesia* Ecclesia verò est navis, & Christus est nauta regens Ipsam: quia eam non di-  
*navis Christi* misit, nec dimittet, donec ad portum paradisi perveniat. Hæc Ecclesia in  
*Apoc. 12.* Apocalypsi de cælo descendere dicitur: quia secundum August. Cælestis est  
*Rabanus* gratia, qua Deus eam facit. Ubi Rabanus: Ex hoc autem intelligitur, quod  
*in c. 28.* usque ad finem sæculi non sunt defuturi in mundo, qui divina mansionem &  
*Matth.* inhabitatione sunt digni. Quod autem dicit, usque ad consummationem  
sæculi: secundum Bedam, finitum pro infinito ponitur. Nam qui in præsentī  
*Bedæ in hō* sæculo manet cum electis, eos protegendo, & per occultos instinctus Spiritus  
*Leo serm.* sancti dirigendo: Ipse cum Eis post finem sæculi manebit, eos remun-  
*de ascensio.* rando, & sine fine sua præsentia satiando. Unde & Leo Papa: Qui enim a-  
scent-



scendit in celos, non deserit adoptatos, & Ipse deorsum confortat ad patientiam qui sursum invitat ad Gloriam. Manebit etiam cum fidelibus in presenti saeculo: non solum virtualiter, sed etiam per praesentiam corporalem in Eucharistiae Sacramento: ubi est Christus totus, & post finem videbunt Eum facie ad faciem luce clarius. Rememorat autem eis, ut ait Chrysostr. & con summationem saeculi, ut eos magis attrahat, & ne praesentia singulariter inspiciant solum, quae simul cum praesenti vita dissolvuntur, sed & futura bona, & sine fine mansura, quasi diceret, Tristitia quae sustinebitis, simul cum praesenti vita dissolventur, cum & totum saeculum in consummationem deveniat: bona autem quibus potimini sunt in aeternum mansura. Hae Chrysostr, Considera nunc bene discipulos, & ea quae modo sunt eis dicta, quia sunt valde magnifica stant in magna jucunditate cum Domino: manifestat eis qualiter est Dominus omnium, dat Ejs mandatum de praedicando, & dat formam baptismi: dat & vigorem permaximum, dum dicit quod semper cum Ejs erit. Et stans benignus familiariter inter eos, praedicans & loquens de regno Dei: magna eos jucunditate replevit, & letitia inenarrabili. Uides quantam consolationem dat eis, & quot ostendit insignia charitatis. Apparet quod isti Dominum cum desiderio & sollicitudine expectare curaverunt. Et ideo leti sum aspicere meruerunt. Sic & nos contingere sentiremus, si in expectando Dominum & adventum Ejus, fervidi & solliciti essemus. Per istos quibus Dominus in monte Thabor praedicto apparuit, contemplativi designantur: quia in hoc monte transfiguratus dicitur, & talibus Ipse frequenter apparere dignatur. Deinde Dominus ab eis discessit, & more solito ad sanctos patres rediit: discipuli vero cum magno gaudio remanserunt, & postea in Hierusalem redierunt.

## EPILOGUS APPARITIONUM DOMINI post Resurrectionem. Cap. LXXXI.

**H**abes igitur duodecem apparitiones, post Domini Resurrectionem usque ad ascensionem, absque duabus cum ascensione proximo dicendis: & sic apparitiones quatuordecim fuerunt: de quibus tantum decem in Evangelio scriptae sunt: potest etiam meditari de pluribus: nam verisimile est, quod benignus Dominus tape Matrem & discipulos, & Magdalenam dilectam discipulam visitavit: confortans & ex hilarans eos, qui sic vehementer de sua passionem conterriti & contristati fuerant. Quod etiam beatus Augustinus sentire videtur, loquens de tempore post Domini Resurrectionem: Non omnia, inquit scripta sunt: crebra enim erat Ejus cum illis conversatio, priusquam ascendisset in caelum. Et forte Ipsi sancti Patres: maxime Abraham, & David, ad quos specialis facta fuit promissio filij Dei. veniebant cum Eo, ad videndum illam excellentissimam filiam suam, Matrem Domini, quae pro eis & omnibus gratiam invenit, & Redemptorem genuit. O quam libenter eam conspiciebant, & quam reverenter se eidem inclinabant, & omni qua poterant benedictione complebant: quamvis Ipsi non viderentur ab illis, qui corporaliter ibi erant: Potes etiam hic considerare benignitatem, charitatem, & humilitatem Domini, more solito, quae in omnibus factis Ejus relucet: quod etiam postquam gloriose vixerat & resurrexerat, peregrinari adhuc per dies quadraginta voluit, ut suos discipulos confirmare & roborare Digne namque post tot annorum curricula post tot labores & afflictiones, post tam crudelem, ignominiosam, & acerbam mortem poterat triumphator ad suam gloriam remeare: & Apostolos per suos Angelos confortare: & pro suo nutu conformare: sed hoc non patiebatur charitas sua: personaliter voluit conversari cum Ejs, & veritatem Resurrectionis multis comprobavit argumentis, insensibilibus & evidentissimis signis: multa in Corpore proprio ostendens praeter naturam Corporis immortalis: ut sic veritatem Resurrectionis astrueret, & ab Apostolis eorumque posteris omnem omnino causam haesitationis amoveret. In Corpore enim proprio cicatrices ostendit, cum etenim a natura Corporis immortalis penitus aliena sit omnis deformitas cicatricis: comedit cum Ejs & bibit, cum etiam Corpus spirituale ciborum alimonia minime indigeret. Sed sciendum est, cibos a Domino ante mortem sumptos in Ejus alimonia



*Domino sum-* niam cessisse, quia illos ad se convertit: post Resurrectionem verò sumptos, nul-  
*pti quò deve-* lam ei alimoniam præbuisse: quia illos in se non conuertit, cum haberet Corpus  
*nerunt.* glorificatum & incorruptibile: sed mox spiritali Ejus virtute absumptos, sicut  
 absimitur aqua missa in ignem: aliter absorbet aquam terra sitiens, aliter exsic-  
 cat radius solis calens: illa absorbet & in se trahit, indigentia: iste exsiccat & cō-  
 sumit potentia. Manducavit ergo Dominus post Resurrectionem potestate, non  
 necessitate: ut eo modo Resurrectionem & vitam veram, non imaginariam o-  
 stenderet: si non ostenderetur veritas Resurrectionis, perditus esset fructus pas-  
 sionis. Unde August. Et de Salvatore quidem fides Christiana non ambigit,

*August. lib.* 13. *de ciui-* quin post Resurrectionem in carne spiritali, sed tamen vera, cibum & potum  
*tate cap. 22.* cum discipulis sumperit: non alimentorum indigentia, sed ea qua & hoc poterat  
 potestate: non enim edendi & bibendi talibus Corporibus aufertur potestas, sed  
 egestas: quoniam certo & inviolabili munere immortalitatis induentur: ut non  
 nisi velint, possibilitate, non necessitate vescantur. Hæc August. Præter hæc ar-  
 gumenta Lucas scribens historiam Actuum Apostolorum, ponit & alia. Fuit

*Actuum. 1.* enim argumentum veræ Resurrectionis, quòd per dies quadraginta multiformi  
 ter apparuit Ejs, loquens de regno Dei: non est intelligendum, quòd singulis  
 quadraginta diebus apparuit Ejs: sed quòd infra numerum tot dierum pluries ap-  
 paruit, exhibendo se oculis videndum, & manibus palpandum: cum Ejs come-  
 dendo & bibendo, sicut ante consueverat: ut Resurrectionem suam pluribus  
 modis ostenderet: sed ad demonstrandum gloriam suæ Resurrectionis, non de-  
 cebat Eum cum illis (ut prius) conversari continue, ne putaretur ad vitam mor-  
 talem resurrexisse. Facto ergo intervallo apparebat discipulis, & non conver-  
 sabatur continue cum Ejs: ut ostenderet se resurrexisse ad immortalem vitam, ab

*Ascensio cur-* hominibus hujus vitæ separatam. Itaque non statim post Resurrectionem ascē-  
*dilata,* dit: ut multipliciter Resurrectionem probaret, & discipulos consolando refove-  
 ret, & ut nostram informaret patientiam, quia debemus æquanimiter expecta-  
 re mercedem nostram. Unde sicut fuerunt quadraginta horæ mortis Ejus, scili-  
 cèt quatuor parasceves vespertinæ, & triginta sex duarum noctium & unius diei:  
 ita quadraginta diebus cum Ejs conversatus est post Resurrectionem: quia  
 divina consolatio excedit humanam tristitiam. Pro Ejs fecit hoc, & pronobis:  
 sed non advertimus. Dilexit & diligit sic vehementer, & non diligitur: cum ta-  
 men ad talem & tantum ignem non solum calefieri, sed etiam ardere debemus.

*Beda.* Unde Beda: Resurrectionem suam certam & veram, multis & varijs documētis  
 persuadere dignatus est: propter ædificandam fidem, & fugandam de corde  
 perfidiam omnemq; dubitationem de sua Resurrectione tollendam. Unde etiam

*Bernard.* Bernardus: Christus dicitur triplex panis, subcinericius, in Incarnatione: rever-  
*in cantica.* satus, in Resurrectione, triticeus, in nuda Deitatis ostensione. Panis subcineri-  
 cius est Deus homo: nam quid est Deus, nisi vita & Panis, quid est homo, nisi ci-  
 nis & pulvis, & quid est in una persona Deus latēs, & homo patens, nisi panis

*Panis sub-* subcinericius; Panis ergo subcinericius, est panis sub cinere, Deus latēs, sub ho-  
*cinericius* mine, & hoc erat Christus ante Resurrectionē: Panis reversatus, est ecōverso ho-

mo Deus, scilicèt post Resurrectionem. Prius enim quasi cinis panē occultavit,  
 post vero quasi panis cinerem celavit, quando enim habuit Corpus glorificatū,  
 tunc humanitas in eo quasi celata fuit. Unde ante passionē humanitas in eo ma-  
 nifesta fuit, deitas latebat, & ideo tunc per miracula & prædicationem deitatis  
 probare, & mundo ostendere oportebat. Post Resurrectionē verò magis proba-  
 tionem humanitatis, quàm divinitatis insistebat: unde tunc visu, tactu, esu, & mul-  
 tis argumentis se verū hominē esse approbabat. Panis triticeus sine omni cinere  
 est, sine furfure; sine ænigmate, sed de simila purissima, hæc est nuda deitas. Hic

*Panis tri-* Panis est Deus Deus. Nā devotioni nō sufficit semel dicere, Deus: vox enim de-  
*ticus.* vota est, Deus Deus meus hoc facit mihi Deus, & hoc addatur, ut sit Deus Deus  
 meus. Quid enim proderit mihi Deus: si non sit Deus meus. Hæc Bernardus. Et  
 sciendū quòd nō iniquis hominibus, & mūdi amatoribus, sed solis Apostolis ali-  
 isq; fidelibus post Resurrectionē suam Salvatorem apparuisse legimus, neque  
 enim cōveniens erat ut Christus à mortuis resurgens factusq; iam æternus & im-  
 mortalis, iniquis hominibus Deo mortuis, & à vita quæ Christus est, separatis,  
 se manifestaret. Unde & ante dixerat.

Adhuc



Adhuc modicum, & mundus, scilicet qui modo me videt oculis  
carnis, jam me non videbit, vos autem videbitis me. Unde & Theophilus  
ophilius. De cætero non conversabatur inter plebem: quia scilicet *Theophilus*  
post Resurrectionem conversatio Ejus non erat digna hominibus,  
sed Divina magis quod etiam est forma Resurrectionis futuræ, in  
qua sicut Angeli conversabimur & Filii DEI. Hæc Theophilus. Ma-  
nifestavit autē se Discipulis suis, & aliis fidelibus, ut vivus videretur  
à videntibus. Unde dicit Augustinus. Quod quando surrexit, non *Augustinus*  
est visus nisi à suis. Unde & in Actibus: *Hunc DEUS suscitavit ter- Tractat. 76*  
*tia die, & dedit eum manifestum fieri non omni populo, sed testibus præor- in Joann.*  
*dinatis à DEO: nobis qui manducavimus & bibimus cum illo, postquam Act. 10.*  
*Resurrexit à mortuis.* Fuit autem conveniens quod non omnibus  
sed testibus tantum præordinatis Resurrectionem suam manifesta-  
ret: quia infima per media reducit in suprema: & ideo quosdam  
mediatores elegit, per quos universo orbi resurrectio manifestari  
posset. Sic ergo Dominus per dies quadraginta multiformiter ap-  
parens Discipulis: ac edens loquensq; cum eis, & argumentis nos  
illuminavit ad fidem, & promissis erexit ad spem: ut sic tandem, do-  
nis cælitus datis, accenderet ad amorem. Et secundum Hierony- *Hieron. in*  
mum. Ostendit immortalitatem mortalibus, ad gratiarum actionem *c. 26 Marc.*  
debitam: ut intelligamus quid fuerimus, & sciamus quid futuri e- *Immortali-*  
rimus. De mysterio autem prædictarum apparitionum, & duarum *tatis ostensio*  
sequentium, sic dicit Beda. Hac ergo frequentia corporalis suæ ma- *Beda ser. de*  
nifestationis, ostendere voluit Dominus, in omni loco se bonorum *resurrect.*  
desideriis præsentem esse Divinitus. Apparuit namq; ad monu-  
mentum lugentibus feminis: adest & nobis Ejus absentix recorda-  
tione salubriter contristatis. Occurrit revertentibus à monumen-  
to, ut agnita Resurrectionis gaudia prædicarent, adest & nobis, dum  
bona, quæ novimus, proximis fideliter annunciare gaudemus, ap-  
paruit in fractione panis his, qui se peregrinum esse putantes, ad ho-  
spitium vocaverunt: adest nobis, cum peregrinis & pauperibus quæ-  
cunq; possumus bona libenter impendimus: adest in nobis in fra-  
ctione panis cum Sacramentum Corporis Ejus, videlicet panis & vi-  
ni, casta & simplici conscientia sumimus. Apparuit in abdito de  
sua Resurrectione loquentibus: adest & nobis, qui modo Ejus do-  
no idem agimus: adest & nobis semper, cum ab extrinsecis operi-  
bus ad tēpus vacantes, de Ejus gratia locuturi convenimus: apparuit  
cum discipulis foribus clausis intus ex judæorū metu residerēt: appa-  
ruit cum minorato eodem metu, apertis eum gressibus in montis  
vertice quærentes: affuit quondam confortaturus suo Spiritu Eccle-  
siam, cum ab infidelibus premeretur, & ad publicum venire, ac di-  
latari prohiberetur: adest eidem & nunc, cum inclinato ad fidem cul-  
mine regali, terror quievit persecutionis, & omnis mundi sublimi-  
tas Apostolicis est substrata vestigiis: apparuit piscatoribus: eosq;  
apparens Divinis adjuvit beneficiis: adest & nobis, cum necessaria  
vitæ temporalis recta intentione curamus, justisq; nostris laboribus  
subsidium adjungit suæ pietatis: apparuit recumbentibus: adest &  
nobis cum juxta Apostoli monita sive manducamus, sive bibimus,  
sive aliud quid agimus, omnia in gloriam DEI facimus, apparui-  
t primò in judæa, deinde in Galilæa, post hæc in judæa, rursus  
die quo ascendit in Cælum: aderat Ecclesiæ cum primò solius ju-  
dææ terminis clauderetur, adest ex modo cū judæis ob culpā perfidiæ  
dere.



*Rom. 11.* derelictis, transmigravit ad gentes: & aderit in futuro cum ante finem sæculi revertetur ad judæam: & sicut Apostolus ait, intrante gentium plenitudine, sic omnis Israël salvus erit. Novissime illis apparuit ascendens in Cælum: aderit & nobis ut Eum post mortem ad Cælos sequi mereamur, si ante mortem Eum in Bethaniam unde ascendit, id est, in domum obedientiæ sequi curamus. Ipse etenim Cælum ascensurus Bethaniam venit, quia sicut Apostolus ait: *Philip. 2.* *Factus est obediens usq; ad mortem, mortem autem crucis- propter quod & DEUS Eum exaltavit:* venimus ibidem & nos, si quod ille monet agimus, quod promissit intendimus. *Esto fidelis, ait: usq; ad mortem: & dabo tibi coronam vitæ.* Fit quoq; ipsius gratia largiente, ut qui nobiscum usq; ad vitæ hujus terminum manet: post hanc nos vitam

Quinquagead videnda tecum Cœlestis vitæ præmia sublevet. Hæc Beda. Si-  
fima coscr. cut ergo quadragesimam, sic & quinquagesimam Christus nobis Sa-  
Beda ibidem cravit: & nos utraq; solennitate Mysticè instituit: de quibus simul

Beda sic ait. Utramq; sane hanc solennitatem, hoc est quadra-  
gesimæ & quinquagesimæ, non quorumlibet hominum, sed Ipsi-  
us Domini, ac Salvatoris nostri prima nobis sanxit autoritas: quadragesimæ videlicet in eo, quod diebus ac noctibus quadragin-  
ta jejunavit in deserto. Vistaq; versutia tentatoris, Ministeriis  
fruebatur Angelicis, ut suo nos informaret exemplo: quia per ma-  
cerationem carnis adversarii Spiritualis machinas evitare, & ad An-  
gelorum debeamus consortium pervenire. Porro quinquagesi-

*Act. 1.* mæ gaudia in eo nobis servanda monstravit, quod post Resurre-  
ctionem seipsum Discipulis vivum, in multis argumentis, per dies  
quadraginta præbuit: & illos suæ frequentia visitationis lætabun-  
dum hoc tempus habere fecit, ac festivum. In quo non solum fu-  
turi sæculi gaudia, quæ cum illo sumus habituri præsignavit, verum  
& ineffabilem circa nos suæ pietatis affectum ostendit: qui deposita  
jam infirmitate corporis, & per Resurrectionis virtutem in Cœle-  
stem gloriam commutata, dignatur tamen adhuc Discipulorum  
interesse convivio, ut socios eos habere possit in Cælo, & præcepta  
quibus ad Regnum DEI perveniant vivacius ipsa familiaritate com-  
mendet, atq; memoria illius temporis roborer, de quo eis ante passi-  
onem suam promittendo prædixerat, *& ego dispono vobis, sicut disposu-*

*Luca 22.* *it mihi Pater meus Regnum, ut edatis & bibatis super mensam meam in*  
*Regno meo,* sed & in Cælum ascendens nequaquam eis præsentis suæ præ-  
sentis dulcedinem abstulit, sed eandem potius promisso Spiritus  
Sancti charismate cumulavit. Deniq; mox illi regressi sunt in Hie-  
rusalem, cum gaudio magno, & erant semper in Templo, laudan-  
tes & benedicentes DEUM: hoc quoq; nobis gaudio, ac laude &  
benedictione Cœlesti, qua Spiritus Sancti præstolabantur adventum,  
usq; ad diem quinquagesimam, quem Græci Pentecostem appellant

Devotio ha-  
benda inter  
Pascha &  
Pentecosten  
Solennitatis hujus lætitiā docuerunt esse protelandam. Merito  
ergo Sacrosanctis diebus his nos majoribus epulis atq; hymnis Cœ-  
lestibus, vacamus, ob reverentiam Dominicæ Resurrectionis: ob  
memoriam Domini convictus cum Discipulis simul, & ob spem  
futuræ nostræ quietis, ac vitæ immortalis. Sed & genu in oratio-  
ne minime flectimus, quia flectio genuum, pœnitentiæ & luctus est  
indicium. Quod etiam omnibus diebus Dominicis observandum,  
propter Ejusdem Resurrectionis vel Dominicæ, vel nostræ Sacra-  
menta Patres instituerunt. Rectè ergo quadragenario dierum nu-  
mero



mero jejunium annuè celebramus: ut per hoc Spiritualibus admo-  
neamur, quia quamdiu in mundo vivimus, pro Cœlestium præmio-  
rum adeptione temper laborare debeamus. Recte etiam quinquagenario dierum numero statum futuræ nostræ beatitudinis in ima-  
gine veneramur, jejunia videlicet relaxando, Alleluia canendo:  
stantes orando, quæ sunt aptissima perpetuæ quietis, Resurrectio-  
nis, & laudis prælagia. Hæc Beda.

DE ASCENSIONE DOMINI NOSTRI J. XII.

C A P U T LXXXII.

Circa Ascensionem Domini te vigilem esse oportet: nam hæc lo-  
Clenntas valde solennis est, ut infra patebit. Et scitem hoc ad  
attentionem te animet amplius, quod nunc Dominus completo suæ  
peregrinationis cursu, præsentia corporali est recessurus: unde ipsi-  
us verba & facta sunt attentius consideranda. Quælibet enim ani-  
ma fidelis debet sponsum suum, Dominum DEUM suum, in Ejus di-  
scessu diligentissimè & vigilantissimè observare: & quæ per Eum  
dicuntur & fiunt, viscerosius mente amplecti: ac Eidem se devotius  
& humiliter recommendare: & totaliter animum suum ab aliis ab-  
strahere. Quadragesimo autem die à resurrectione voluit Domi-  
nus ascendere ut demonstraret, eos qui decalogum legis, per qua-  
tuor Evangelia impleverint, posse Cœlum scandere. Tunc itaq;  
sciens Dominus JESUS, quia venit Ejus hora ut transiret ex mun-  
do ad Patrem, cum dilexisset suos, nunc verò usq; in finem dilexit  
eos. Accipiens igitur de Paradiso terrestri Sanctos Patres, & omnes  
illas Sanctas & benedictas animas, ac benedicens Helæ & Enoch ibi  
remanentibus, & adhuc viventibus, venit ad undecim Discipulos  
suos, qui erant in Monte Syon, cum Matre Ipsi & aliis. Omnes  
siquidem tam Apostoli quàm alii Discipuli, necnon & mulieres, ha-  
bitabant in Monte Syon: sed in cœnaculo, in quo Dominus cœna-  
verat, habitabant tunc MARIA & undecim Discipuli: ceteri verò  
discipuli & mulieres circumquaq; per diversa hospitia erant divisi.  
Cum ergo recumberent seu comederent undecim Apostoli in illo  
cœnaculo cum Beata Virgine: & fortè alii, sed digniores sunt tan-  
tùm exptessi, apparuit eis Dominus: & comedit cum eis beni-  
gnus Magister ante discessum suum, in signum & memoriale spe-  
cialis dilectionis & gaudii. Quia enim Apostoli non erant Eum  
amplius in carne visuri: ideo antequam recederet, manducavit  
cum eis, quemadmodum amici cum ab invicem separari debent, si-  
mul manducant. Omnibus igitur simul hora tertia comedentibus,  
cum magna latitia in hoc ultimo Domini sui convivio, ut omnes  
testes essent & narrarent quæ communiter viderunt & audierunt:  
sciens Dominus JESUS tempus esse ut reverteretur ad eum qui misit  
ipsum, *exprobravit illis incredulitatem eorum*, quâ prius habuerunt, ut  
succederet credulitas: & *duritiam cordis*, lapidei: ut succederet cor  
carneum, charitate plenum, *quia his qui viderunt cum Resurrexisse à*  
*mortuis, non crediderant: nisi & ipsi Eum viderent: cum utiq; post*  
*Resurrectionem suam Evangelium prædicantibus gentes creditu-*  
*ræ erant Eum resurrexisse quem: non viderant.* Ergo inexcusa-  
bilis es, si testimonio videntis rem de qua testatur non credideris.  
Exprobratio: est objecto ex probro: quia probum fuit, quod ta-  
lis facta.



visis argumentis Resurrectionis, & tantis auditis signis per testes propositis non crediderunt. Quamvis enim Petrus & Maria Magdalena, & duo illi Discipuli quibus in via Dominus apparuerat, certissime firmissimèq; annuntiarent Dominum Resurrexisse, seq; Illum vidisse: ceteri tamen illis non credebant. Hanc autem exprobrationem maximè tunc Dominus fecit, cum ad prædicandum per universum mundum discipuli ire debebant, quasi daret eis intelligere, & diceret: Multo magis debebatis vos nuntiantibus Resurrectionem meam credere antequam me videretis, quam gentes, quæ credent vobis prædicantibus Evangelium, & Me non videbunt. Post illam quippe exprobrationem, dixit eis, ut irerent in mundum, ad prædicandum. Idcirco etiã tunc eos increpavit, cum corporaliter reliquit: ut defectum suum cognoscentes remanerent humiliores. ostendens eis in suo discessu quantum ei humilitas placet, quasi eam peculiariter eisdem recommendaret: ut verba quæ recedens dicebat, in corde audientium arctius impressa remanerent. Post increpationem igitur admonendo dixit eis: *Euntes & continuis profectibus in prædicando proficientes in mundum universum, non in judæam tantum: prædicate Evangelium, quod omnem aliam doctrinam præcellit, sicut caput corpori præminet: quia secundum*

*Evangelium* Innocentium, Evangelium est verbum verbi, quod erat in principio apud DEUM: sermo sermonis, qui à regalibus sedibus venit, *quid sit.* sapientia sapientiæ, quæ attingit à fine usq; ad finem fortiter, & disponit omnia suaviter. *Sapient.* *Prædicate,* inquit, *Evangelium,* nihil aliud *omni creatura,* id est; humano generi, seu indifferenter & sine acceptione omni homini, pro quo facta est omnis creatura, vel ideo quod habet participium & convenientiam, seu aliquid commune, cum omni creatura: unde & homo microcosmus, id est; minor mundus dicitur: quasi omnem creaturam continens. Per esse, enim convenit cum inanimatis: per vivere: cum vegetabilibus & plantis, per sentire, cum animalibus, per intelligere cum Angelis, ideo designatur nomine omnis creaturæ. ite

*Homo microcosmus.* homo dicitur omnis creatura, quia propter Eum omnis creatura mundi videtur esse producta: sumus enim quodammodo finis omnium. Vel *omnis creatura* *Joann.* 12. creaturæ, cui prædicandum est. Et multa in scripturis inveniuntur, quibus *1. Cor.* 13. hæc ubi determinatio sufficere potest: quale est illud: *Cum exaltatus fuero à terra omnia traham ad meipsum,* scilicet trahenda & illud: *Charitas* *2. Cor.* 15. *omnia credit,* scilicet credenda. Ita dicitur, DEUS erit omnia in omnibus, id est; unicuique; sufficientia, & illud: *Omnia quaecumque; audivi à Patre meo, nota feci vobis,* omnia scilicet ad salutem & beatitudinem pertinentia. Et sic in altis suo modo accipere poteris. Hoc autem quod de Evangelio prædicando dicitur, exequendum erat post receptionem & confirmationem Spiritus Sancti quia ante non erat (secundum Mandatum Christi) ab Hierusalem discessuri. In hoc etiam quod de Evangelio omnibus prædicando mandatur: judæorum abjectio, & gentium electio apertissime monstratur. Qui ergo prius dixerat, *In viam gentium ne abieritis,* nunc dicit, *Prædicate Evangelium omni creaturæ,* id est; *Gentium electionis.* omni nationi: primo judæo, secundo Gentili: quia vult omnes homines salvos fieri, & ad agnitionem veritatis venire. Deinde salutem promittendo credentibus. & damnationem comminando incredulis, subiunxit: *Qui crediderit, fide formata & per dilectionem operante, scilicet per se ut in adultis, vel per alium, ut in parvulis, & baptizatus fuerit, baptismo aquæ si fieri poterit, salvus erit, æterna salute à peccatis & pœnis liberante.*

Non



Non enim sufficit fides, absque baptismo, per quem aliquis incorporatur Christo, si adsit facultas recipiendi baptismum ab aliquo. Si autem non adsit facultas, sufficit baptismus sanguinis, ut in martyribus, qui pro Christo interficiuntur antequam sint baptizati, vel flaminis, ut in habentibus fidem Christi, desiderantibus baptizari, sed praeveniuntur morte antequam possit impleri. Per alios ergo parvuli credunt in Ecclesia, sicut ex alijs trahunt peccata quae illis in baptismo remittuntur confessione aliena. Pium est enim ut id quod per alienum peccatum amiserunt, per alienum auxilium (ut Ecclesiae & parvulorum purgatio de peccatis, *Parvulorum purgatio de peccatis.*) recuperare & recipere possint. Qui vero non crediderit, per se vel per alium, condemnabitur, aeterna damnatione, per meritum iustitiae infidelitatis suae. Non ait, qui baptizatus non fuerit: quia per fidem sine baptismo, salvatur homo: cum Eum excludit necessitatis non contemptus religionis. Unde quod dictum est Nicodemo, *Nisi quis renatus fuerit ex aqua & spiritu, non potest introire in regnum Dei*, sic debet intelligi, qui contempserit renasci. Noli autem praesumere de fide, nisi ostendas eam in opere: quia sine hoc non poterit te salutare. *Fides enim sine operibus mortua est*, sicut & opera sine fide. Unde Gregorius: Fortasse autem unusquisque apud semetipsum dicat: Ego iam credidi, salvus ero. Verum dicit, si fidem operibus teneat. Vera etenim fides est, quae in hoc quod verbis dicit, moribus non contradicit & ille credit, qui exercet operando quod credit. Unde & Iacobus, Quid proderit, fratres mei, si fidem quis dicat se habere, opera autem non habeat, nunquid poterit fides salvare Eum; sicut enim Corpus sine spiritu mortuum est, ita fides sine operibus mortua est. Deinde etiam signa fidei augmentatione & confirmatione promittendo adiungit: *Signa autem eos qui crediderint haec sequentur*, propter meritum fidei suo tempore, & cum fuerit necesse. In Nomine meo, invocato & honorato, id est, in virtute nominis mei, *demonia eiicient*, quod de multis legimus, quibus immundi spiritus obediebant: *linguis loquentur novis*, hoc factum est in die Pentecostes in Apostolis, & alijs credentibus *serpentes tollent*, id est, auferent vel dispergent: quod de Apostolo Paulo patet. *Et si mortiferum quid biberint, non Ejs nocebit*, quod de Joanne Evangelista factum fuit: *Super egros manus imponent, & bene habebunt*, quod etiam multi fideles fecerunt. Omnia enim haec in primitiva Ecclesia, non solum Apostolos & alios majores: sed etiam frequenter alios simplices credentes fecisse legimus, pro infidelibus convertendis: & ut fides credentium cresceret, ac nutriretur & firmaretur miraculis: quia nunc radicata & aucta, non sic necessarium est haec fieri, sicut passim tunc fiebant: quia sufficit ea quae facta sunt solummodo legere & audire, ac Ejs fidem adhibere. Si ergo quærat, quare praedicatores & fideles moderni talia signa non faciunt; Respondetur secundum Gregorium, quia cum fides Catholica sit sufficienter probata per miracula Christi & Apostolorum Eius, non oportet ultra hanc probationem reiterare amplius. Sicut etiam arbuta cum primo plantantur, frequenter irrigantur, quousque convaluisse videantur: cum autem in terra radicem fixerint, talia subtrahuntur. Verumtamen Deus in posteris temporibus etiam multa miracula fecit ad consolationem fidelium: ut patet de tempore Martyrum & Confessorum. Fiunt tamen, secundum eundem Gregorium, spiritualiter nunc in Ecclesia, quae olim corporaliter fiebant in ea. Nam sacerdotes populum exorcizando, baptizando, & ad poenitentiam vocando, demonia eiiciunt: dumque secularia verba relinquentes, fidei & novae legis mysteria insonant, linguis novis loquuntur. Qui dum bonis suis exhortationibus vitia & malitiam de alienis cordibus auferunt, serpentes tollunt. Et dum haereticorum libros legunt, vel mortifera in confessionibus seu pestiferas suasiones audiunt, sed tamen non consentiunt, & ad prava non pertrahuntur: mortiferum est quod bibunt, sed eis non nocebit. Qui quoties proximos in fide vel bono opere infirmari conspiciunt, dum eis tota virtute concurrunt, & exemplo suae bonae operationis illorum vitam roborant: vel animas infirmas suis orationibus sanant, & Deo reconciliant, *super egros manus imponent ut bene habeant*. Quae nimirum miracula tanto maiora sunt quanto spiritualiora, & quanto per haec non Corpora, sed animae susci-

*Baptismus necessarius.*

*Parvulorum purgatio de peccatis.*

*Ioan. 3.*

*Fides sine opere non salvat.*

*Iacobi. 2.*

*Gregor.*

*hom. 29.*

*in Evag.*

*Iacobi 2.*

*Signa primitiva Ecclesiae.*

*Cur modo*

*non fiant*

*miracula*

*Gregor.*

*hom. 29.*

*in Evag.*

*Idem ibid.*



*Præfens  
proximi  
Promissum  
spiritus,  
Joel 2,  
Ioan. 55*

*Spiritus  
Patris.*

*Actibus,*

fuscitantur. In hoc etiam instruimur, ut quod verbis prædicamus, bonis operibus confirmemus. Item dæmonia eijciunt, qui dæmonum tentationes fide & signo Crucis repellunt. Linguis loquuntur novis, qui Dei laudes & verba sacra narrant, dimissis frivolis & ociosis, Serpentes tollunt, qui detractores efficaciter reprehendunt. Mortiferum bibunt, sed eis non nocet, qui persuasiones pestíferas seu amara convitia audiunt, sed surda aure transeunt, & pro nihilo ducunt. Super agros manus imponunt & bene habebunt, qui per bona verba & opera alios à peccatis retrahunt, & in bonis confirmant. Et hæc similiter signa spiritualia tanto sunt corporalibus meliora, quantum quæ sunt animæ corporalibus præferuntur. Et dixit eis: *Vos autem specialiter estis*, id est eritis *testes horum*, scilicet quæ vidistis & audistis, & quæ locutus & operatus sum in medio vestri: vel horum superius descriptorum, quantum ad Christi Incarnationem, prædicationem, passionem, & Resurrectionem. Et ne turbati cogitarent quomodo nos homines idiotæ testimonium perhibebimus gentibus & Judæis qui te occiderunt, subiungit: *Et ego mitto*, id est, mittam citò & de propinquo (ponendo præfens pro futuro, & ratione certitudinis, & ratione proximi temporis) *promissum vobis auxilium Patris mei in vos*, id est, Spiritum sanctum in signo visibili: ut sufficiatis ad testandum & ad prædicandum constanter ubique veritatem Evangelij. Pater enim promissit, cum dixit: *Effundam de spiritu meo super omnem carnem*, & quia Filius promissit, dicens: *Cum venerit Paracletus quem ego mittam vobis à Patre*: ideo & Pater promissit, cum opera Trinitatis sint indivisa. Qui licet procedit ab utroque, est tamen Patris, autoritate spirationis. Et ne imperfecti prædicare præsumerent, adiunxit: *Vos autem*, qui debetis esse testes mei, *sedete & manete hic in civitate Hierusalem, quoadusque induamini*, scilicet undique tanquam armatura spirituali virtute, non humana, sed cœlesti, id est, Spiritus sancti gratia ex alto, id est, de cœlo. Hoc idem tangitur, in Actibus, cum dicitur: *Et conversens*, id est, simul cum discipulis comedens, *præcepit eis, ab Hierosolymis ne discederent, sed expectarent promissionem Patris*, quasi diceret, hic & ibi non estis sufficientes ad prædicandum constanter veritatem Evangelij, donec confirmati fueritis per donum Spiritus sancti, ut steteristis ante reges & præfides intrepidi. Unde Chrysost. Sicut milites invasuros multos, nemo finit exire donec armati sint: sic & discipulos ante Spiritus sancti descensum, ad conflictum egredi non permittit. Cur autem non Christo præfente, vel Eo discedente, statim spiritus venit? Decebat enim eos fieri cupidos rei, & deinde recipere gratiam. Tunc enim magis ad Deum erigimur, cum incumbit necessitas. Dicit autem, *donec induamini virtute ex alto*, nec expressit quando, ut sint jugiter vigiles. Quid igitur miraris, si diem novissimum non pandit: ubi diem hunc proximum pandere noluit? Hæc Chrysost. Licet ergo Christus dedisset discipulis scripturarum intellectum, & commisisset prædicationis officium: tamen distulit executionem prædicandi, usque ad Spiritus sancti receptionem in signo visibili: per hoc insinuans, quod prædicans actu, prius debet habere sufficientem sacræ scripturæ notitiam, & gratiam Spiritus sancti per conjecturam, scilicet quod non sit conscius sibi de peccato mortali. Debent quippe prædicatores sedere in civitate, id est, in clauetro, ubi debet esse civium unitas, vacando ibi studio & contemplationi, ut ibi hauriant, quod postmodum in prædicatione alijs effundant. Unde Hiero. Nihil nobis rectum videatur nisi quod discimus, ut post multum silentium de discipulis magistri efficiamur doctores autem homines in Ecclesijs, quod scimus: omnes alias artes absque Doctore non discimus, sola hæc tam vilis & tam facilis est, ut Præceptore vel Doctore non egeat. Unde & secundum Gregorium notandum est, quia sunt quos à prædicationis officio vel imperfectio vel ætas prohibet, & tamen præcipitatio impellit: qui admonendi sunt, ne dum sibi tanti onus officij præcipitatione arrogant, viam sibi subsequenti vitæ melioris abscindant. Et ut confiderent, quod Ipsa veritas, quæ repente quos vellet roborare potuisset ut exemplum sequentibus daret, ne imperfecti prædicare præsumerent. Postquam plenè Discipulos de virtute prædicationis instruxit, illic adiunxit, *Vos autem sedete in civitate, quoadusque induamini virtute ex alto*. In civitate quippe sede-



sedemus, si intra mentium nostrarum nos claustra constringimus, ne loquendo exterius evagemur, ut cum virtute Divina perfecte induemur, tunc quasi à nobismetipsis foras etiam alios instruentes exeamus. Hæc Gregorius. Comedunt igitur & gaudent Discipuli, propter præsentiam Domini sui: sed nihilominus propter Discessum turbati. Tanta enim amoris teneritudine Eum diligebant, quod etiam verba discessionis suæ æquo animo sustinere non poterant. Cumque comedissent, *eduxit omnes*, verbo scilicet non manu *foras*, id est extra civitatem, in *Bethaniam*, id est, versus Bethaniam, quia mons Oliveti, *Eductio*, ad quem exierunt, est in via versus Bethaniam, & Bethania in latere montis Oliveti est sita *Eduxit eos foras*, ut viderent Eum ascendentem, per hoc *Apostolo*. insinuans, quod civitas tumultuosa non est locus aptus ad divinorum contemplationem. Prius eduxit eos foras extra civitatem, ut significaret non habere nos hinc manentem civitatem, deinde in Bethaniam, quæ interpretatur domus obedientiæ: ut qui ex obedientia descendit, & humiliatus est ad mortem, ostendatur ex merito obedientiæ ascendisse: & exaltatus in cælum, secundum illud, *Humiliavit semetipsum, factus obediens usque ad mortem, propter quod & Deus exaltavit illum*: & ut signet per obedientiæ opera eos transitorios ad cælestia, & quod non est ascensus in cælum, nisi per obedientiæ meritum. Sicut ergo inobedientia hominem de Paradiso eiecit, sic obedientia introducit. Item secundum Bedam, Eduxit eos in Bethaniam, propter *Beda in cap. 24. Luca*. situm ejusdem villæ, quæ in latere montis Olivæ posita est, quia videlicet obedientis Ecclesiæ domus, in ipsius summi montis, id est Christi latere, fidei, spei, dilectionisq; sua fundamenta locavit. Postquam ergo eos foras duxisset, tunc dixit eis, quod in montem Oliveti transirent, & inde Eum in cælum ascendentem viderent. Quia inde ascendere volebat in cælum. Et tunc disparuit, & evanuit ab oculis eorum. Per montem, intelligitur eminentia Spiritus in contemplatione: per olivas autem: pinguisissimi spiritus devotio. Ulterius verò post ista non restat, nisi saltus animæ in cælum. Igitur Apostoli undecim, cum Matre Domini ac alijs Discipulis & mulieribus unanimiter statim venerunt in montem Oliveti, & ibidem iterum Dominus eis apparuit. Ecce quomodo habes hodie duas apparitiones. Conspice nunc bene eas, & cuncta quæ sunt. Considera nihilominus Sanctos Patres ibidem invisibiliter existentes, quomodo libenter & reverenter intuentur Dominum, & affectuose benedicunt per Quam tantum assecuti sunt beneficium: quomodo etiam intuentur illos excelsos pugiles & duces Divini exercitus, quos inter omnes ad expugnandum & vincendum universum mundum elegit Dominus. Tunc quidam ex his qui conuenerant cœperunt Eum interrogare, dicens: *Domine si in tempore hoc restitues regnum Israel*; Quidam imperiti & carnaliter sapientes, videntes alienigenam regnare, & Judæos sub Præsede esse: desiderabant quod regnum Ipsum nationi Judaicæ redderetur, & quærebant de restitutione regni Israel temporalis, & si Rex Judæis daretur hoc tempore, putantes tunc à Domino regnum restituendum: & à dominio alienigenarum scilicet gentilium qui Judæis dominabantur liberandum, sicut & duo Discipuli putabant, dicentes: nos autem sperabamus quia Ipse esset redempturus Israel. Ac si isti interrogantes Eum dicerent. Nunquid hoc tempore regnabis, sicut David, & Salomon, & dominaberis nationibus? alij verò magis instructi, scientes restitutionem illam non nisi finaliter futuram scilicet circa tempora judicii, quærebant de restitutione regni Israel spiritualis: scilicet de liberatione & dilatatione Ecclesiæ, ac si dicerent, Nunquid hoc tempore facies quod promisisti Ecclesiæ? Unde Aug. Ergo discipuli Christi deducturi *August. sermo. de ascensu* aspectu ascensurum Christum interrogaverunt Eum & dixerunt Ei: Domine si in hoc tempore præsentaberis: & quando regnū Israel? Quod regnū? De quo dicimus, *Adveniat Regnum Tuum*: quando regnū Tuorū; quando Regnū humilium quamdiu typus superbiorum; Quando venturū sit quid ad te; sic vive quasi hodie venturum sit, & non timebis cum venerit. Hæc Aug. Dominus autem super hoc non certificavit eos: ex quodam tamen in responsione Ejus posito, possent intelligere restitutionem illam multis temporibus differendam. Non est, inquit, vestrum nosse tempora, vel momenta, quæ Pater posuit in sua potestate: id est,



est, numerum temporum & momentorum usque ad finem sæculi, quæ tantum patent scientiæ Patris mei. Non est quippe aliquorum nosse tempora, ultra quod revelatur vel traditur per scripturas, quia hoc est præsumptionis: sed secundum scripturas nosse, est eruditionis, ac si diceret, Ad vos non pertinet scire futura, quæ in sola Dei dispositione sunt posita: de quorû numero est regni Judaici restitutio. Nam ipsum restituendum non est carnaliter, sed spiritualiter: quando circa finem sæculi Judæi credent in Christum, qui fuit Rex eorum: & quando regnabit in domo Jacob, verè sine fine sæculi in æternum. Nihil, inquam, ad vos quærere de secretis hujusmodi, nec ad ea percipienda estis idonei: sed de his quæ ad vos spectant estote solliciti: quia re vera, *accipietis virtutem sancti Spiritus supervenientis in vos*, ejus virtute purificati & roborati ut possitis mea verba loqui, & doctrinam meam terre eritis mihi testes, conversationis & doctrinæ, mortis & Resurrectionis meæ: primò, in Hierusalem secundo, in Judea. postea in Samaria, tandem usque ad ultimum terræ: ac si tacite diceret, ante regni illius restitutionem non solû Hierosolymam, sed, & omnes fines Judææ & Samariæ, ac etiam mundi terminos per circuitum Evangelij fama percurreret. Primò siquidem prædicatû est Evangelium in Hierusalem, sed propter lapidationem Stephani, & mortem Jacobi, gladio occisi, egressi sunt de Hierusalem, prædicantes in finibus Judææ: postea transferunt ad Samaritanos: inde processerunt per mundum ad alios. Ubi Aug: Quo autem pacto ab Apostolis est prædicatio ista completa, quando adhuc usq; sunt gentes in quibus modo cæperit: & in quibus nondum inceperit impleri; non unque hoc sic à Domino mandatum est Apostolis; tanquam Ipsi soli quibus tunc loquebatur tantum munus fuerint implaturi, sed sicut eis solis videtur dixisse, *Ecce ego vobiscum sum usq; ad consummationem sæculi*: quod tamen Eum universæ Ecclesiæ promississe, quæ alijs morientibus alijs nascentibus hic usq; in sæculi consummatione futura est, quis non intelligat; Hæc Aug. Et quia Evangelium primò prædicatû est in Hierusalem, inde est quod audita pronuntiatione Evangelij, vertimur ad Orientem, quasi ad Hierusalem: gratias agentes & dicentes: Gloria tibi Domine: quia inde venit ad nos Evangelium. Unde scriptum est: *De Sion exiit lex, & verbum Domini de Hierusalem*. Unde & Aug. Cæpit enim Ecclesia ab Hierusalem ista terrena, ut gaudeat in Deo in illa Hierusalem celesti, ab hac enim Conversio ad incipit, ad illam terminat. In illa tota Ecclesia erit, ab ista exordium fidei Aquilonem sumpsit. Hæc Aug. Sed verba Evangelij levita prænuntiaturus, vertit faciem contra Aquilonem, ut ostendat verbum Dei dirigi contra Eum, qui per Aquilonem designatur, scilicet contra diabolum, qui dicebat in corde suo: sed debo in latere Aquilonis, & ero similis Altissimo. *Et Dominus JESUS postquam locutus est eis*, quæ ad eruditionem suæ pertinebant consolationis, unumquemque osculatus est in intimo amore cordis. Quia, secundum Ambr. Apost. c. 27. Lucas solis reliquit oscula pacis: deinde valedicens eis, *elevatis manibus*, ut suos Patri offerret, *benedixit eis*, scilicet bona optando, promittendo, conferendo, ut eos contra hostem muniret, ut bonis cælestibus augeret. Et, ut dicit Theophilus, fortè in hac benedictione vim conservativam eis influxit, usq; ad Spiritus Sancti aduentum. Ex loco isto duxit Ecclesia in consuetudinem, quod Episcopi in fine Missæ dent benedictionem. Ubi Origenes: Quod autem elevatis manibus benedixit eos, significat quod deceat benedicientem cuiquam ornatum esse varijs operibus & arduis, respectu aliorû, sic enim manus tolluntur in altû. Hæc Orige. In recessu suo benedixit Christus Discipulis, sicut Pater recedens à filijs benedixit eis: & hoc fecit primò propter majorè eorû necessitatē secundû illud: Cû esset cû eis: Ego servabam eos: & cætera. Ubi petit eos post recessû suû servari à malo. Secundo. ad ostendendû finalē & perseverantē erga eos suâ dilectionē: secûdû illud, Cû dilexisset suos qui erant in mundo, in finē dilexit eos. Instruxit etiā per hoc superiores in Ecclesia, ut recedentes à subditis, benedictionibus eos Deo comédēt. His finitis ad Orientē versa facie, ut dicit Damascenus, cæpit sua propria virtute nō aliena elevari ab eis, & ascendere vidētibz illis, quos scilicet tâta visione dignabatur, & vidēdo deducētibz: ut scilicet desideriu veniēdi ad ipsû in eis excitaretur, & triūphaliter proprio motu per dotem agilitatis in cælum supremum unde venerat ferebatur.

Tunc



Tunc Mater & omnes alii aspicientes Eum in Cælum elevari, pro-  
ciderunt in terram adorantes: & propter discessum lachrymas con-  
tinere non poterant: multum tamen gaudebant, quod Ipsum sic  
gloriosè Cælum petere scernebant. O! quàm libenter malo cum *Cur Mariæ*  
Filio de hoc mundo recessisse: sed Eam ad tempus hîc manere Do-  
minus voluit, quia propter cõfirmãdos credẽtes utile & expediens *non simul assumpta sit*  
fuit. Nostræ etiam fidei necessarium erat: quia ipsa post Ascensi-  
onem Domini inter Apostolos conversando, multa eis revelavit,  
quæ de eis mysteriis illius cognoverat. Unde Anselmus. Sed o! *Anselm. lib. de excellen-*  
bone JESU istius Tuæ dulcissimæ Matris piissime Fili, quomodo pa-  
ri potuisti ut Te in Regnum gloriæ Tuæ remeante, Illam quasi *ta B. Vir-*  
orbatam in miseris mundi relinqueres, & non Eam statim regna-  
turam assumere erat? ut mihi videtur, necessaria nostræ fidei con-  
versatio sua post Ascensionem Domini inter Apostolos Ejus, quia  
licet Ipsi per revelationem Spiritus Sancti edocti fuerint omnem  
veritatem, incomparabiliter tamen manifestius ac eminenti-  
us ipsa per Eundem Spiritum Ipsius veritatis intelligebat profun-  
ditatem: ac per hoc multa eis per illam revelabantur, quæ in se non  
solum simplici scientia: sed & ipso effectu, & ipso experimento co-  
gnoverat de mysteriis Ejusdem Domini nostri JESU Christi. Nec  
dilatio suæ Assumptionis quomodo jacturam inferre valebat im-  
mensitati amoris & gaudii sui quoniam ipsa perfectio amoris & gau-  
dii ita illam reficiebat plenitudine sui, ut hoc ipsum Ei ad augmen-  
tum amoris & gaudii magnopere fieret quod illic se esse videbat  
ubi DEUM, quem præ cunctis amabant, vel magis sciebat. Igitur  
ubicunq; erant, & ipsa in DEO, & DEUS in ea jucundabatur, quia  
ipsa jucunditate felix, hoc præ cæteris ubiq; fieri cupiebat, quod sa-  
pientiæ DEI potissimum placere intelligebat. Hæc Anselmus. Et *Mysterium*  
est notabile, quod Dominus suos primò de Civitate eduxit: Secun-  
dò, eos in Bethaniam duxit. Tertiò, eis benedixit. Quartò, Ascen-  
dit: in quo datur intelligi, quod peccatorem primò educit de pecca-  
to, secundò Ipsum in Bethaniam, id est; in domo obedientiæ ducit,  
statum Ejus mutando, tertiò ei benedicit, gratiã replendo, quartò  
ascendit, id est; ascendere facit, ad superiora transferendo. Et ascen-  
dens Dominus JESUS duxit secum illam multitudinem nobilem:  
scilicet captivam captivitatem, id est; captivos à captivitate infer-  
ni, quos secum victor eduxerat, & Cœli aperta jam porta pandens  
iter ante eos, sequentes, ut Micheas Propheta dixerat. Exules in-  
troduxit in Regnum Patris sui: concives illos faciens Angelorum,  
& domesticos Dei: quatenus & ruinas Angelicas restauraret, & æter-  
ni Patris honorẽ cumularer, & se triumphatorẽ ostenderet, & Domi-  
num exercituum comprobaret. Dominus itaq; gloriosus, candidus  
& rubicundus, splendidus & gaudiosus, præcedebat eos, viam eis  
ostendens, & ipsi sequebantur Eum cantantes & jubilantes. In-  
terim autem Michæl Præpositus Paradisi, pergens ad Patriam cœ-  
licam, nunciavit quod Dominus ascenderet ad eam. Et ecce omnes *Spiritus*  
Beatorum Spirituum ordines occurrerunt eidem decenter & seri-  
atim per acies suas. Unus ex eis non remansit, qui Domino suo ob-  
viam non veniret. Et inclinantes se cum omni reverentia, quã  
poterant, Eum cum hymnis & canticis ineffabilibus deducebant.  
Quis enim posset cantus & jubilos qui ab ipsis fiebant explicare,  
& quis posset hoc gaudium enarrare? sed & illud gaudium quis di-  
cere



cere posset, quod tam Beatissimi Spiritus, quoniam Sanctissimi Patres habuerunt, cū sibi adinvicē occurrerant: omnes jubilabāt & psallebāt. *Psalm. 46.* nā juxta Prophetā: *Ascendit Deus in jubilatione:* quodd maxime refer-  
tur ad vocē jucunditatis redemptorum cum ipso ascendentī, quodd prius voce lachrymabili clamaverunt in partibus inferni. Avene-  
nisti desiderabilis, Quem expectabamus in tenebris: & Dominus in voce tubæ, quodd refertur ad sonum prædicationis Apostolorum,  
*Marci 16.* qui tunc fuit eis injunctus Domino dicente: *Euntes in mundum uni-*  
*Psalm. 18.* *versum, prædicate Evangelium omni creatura:* & tunc enim: *in omnem*  
*terram exiit sonus eorum,* tamen post Spiritus Sancti receptionem. Cumq; psallerent tam Angeli quā animæ Beatæ, Dominus jun-  
ctis manibus devote & sursum ante pectus erectis, & nubecula sub pedibus ascendit, & omnes Beati simili modo junctis manibus cum Domino ascenderunt. Domino autem ascendente quidam chori Angelorum Ipsum præcedebant, quidam sequebantur: alii à dextris & alii à sinistris, cum ipso comitabantur simul, & cum beatis anima-  
bus. Ascendebat verò Dominus planè & morosè, propter consola-  
tionem Matris & Discipulorum quousq; poterant videre Eum. Ex tunc autem *nubes* lucida & candida, *suscepit Eum ab oculis eorum,* car-  
nalibus: quia claritate nubis circumdatus, ulterius non est visus, ut qui Christum secundum carnem noverant, ultra jam sic non nosce-  
*Ascendendi forma.* rent. Ascendit usq; ad nubes eā formā quam ante Passionem ha-  
buit: susceptus autem à nubibus, eā quā in monte apparuit. Quasi in globo bajulæ nubis ascendit, non per modum vehiculi, & quasi ad ascendendum egeret Ministerio Angelorum vel nubis: quia sua propria virtute ferebatur: sed per modum obstaculi, ut ab oculis mortalium non videretur. Et ut per hoc ostenderetur, quia omnis creatura parata est obsequi suo Creatori: nubes enim quæ subtraxit Eum ab oculis inspicientium, & Angelis, assistentes ibi ostendebant, quodd creatura Corporalis & Spiritualis subjecta est obsequio Christi. Et tunc in momento cum in omnibus Angelis & Patribus Sanctis erat in Patria Cœlestis Beatitudinis. Ascendit ergo Christus, & per nubem Cœlos penetrans assumptus est in Cœlum æthereum, seu Em-  
pyreum, non virtute aliena, sed propria: tum ratione Deitatis, quæ omnia potest: tum ratione humanitatis gloriosæ, quia corpus gloriosum obedit ad nutum animæ, quantum ad motum localem per dotem agilitatis, quæ est in tali corpore. Unde non curru, non Angelis sublevatus legitur: quia quodd fecerat omnia, super omnia sua virtute ferebatur. Enoch verò ab Angelis translatus est, &  
*Genes. 5.* *4. Reg. 2.* Helias curru subvectus est in Cœlum æereum, non virtute propria: quia homines puri erant, & virtute indigebant aliena, quia eorum corpora nondum sunt glorificata. Stabat autem Mater & Discipu-  
li, & Magdalena, & alii intuentes in Cœlum cuntem illum, quamdiu  
*Ambros. in* apparebat oculis eorum. Unde Ambrosius. Stabant Beati Aposto-  
*cap. 24. Luc.* li toto suspensi corpore, & ascendentem ad Cœlum Dominum (quia incessu non poterant) oculis sequebantur. Et licet ad deducendum Salvatorem visio humana defecerit, fidei tamen devotio non deficit. Usq; ad nubem enim deducunt Christum oculis, usq; ad Cœlos au-  
tem cum Christo fidei devotione comitantur. Unde ait Apostolus: sciens fidem nostram in Cœlis esse cum Domino. Nostra autem con-  
versatio in Cœlis est. Hæc Ambrosius. O! quid erat videre Domi-  
num sic gloriosè ascendentem? Et si quis potuisset audire & videre illos



illos Beatissimos Spiritus, & animas Sanctas cum eo pariter incedentes, forte præ gaudio anima illius à corpore separata fuisset, & cum eis etiam pariter ascendisset. *Cumque* jam Dominus subtractus esset ab oculis & conspectu eorum, adhuc tamen suspensis vultibus, *inturbatur in Cælum*. Propterea duo Angeli in forma virorum steterunt juxta illos, in vestibus albis, ut gratulatio monstraretur ex ipsis indumentis: & dixerunt eis, *Viri Galilei, quid statis hic aspicientes in Cælum?* Galilæa Apostolorum Patria fuit, unde & Viri Galileæ dicuntur: ac si dicerent. Statis hic, & in Cælum aspicitis, quasi obliti quid facere debeatis. Redite in Civitatem, & expectate promissionem Patris, sicut dictum est vobis. Recedite, & expectate JESUM ut modo redeat: sed in fine temporum, *sic veniet quemadmodum vidistis Eum euntem in Cælum*. Id est; sicut bajulis nubibus vidistis Eum in Cælum ascendentem, sic bajulis nubibus videbitis Eum in aëre ad judicium descendentem: & *quemadmodum vidistis Eum ascendentem in Cælum*, in forma humana: cui competit videre oculis corporalibus, & moveri de loco ad locum: *ita veniet*, in eadem forma & carnis substantia ad judicium: quia sicut fuit judicatus in forma humana sic veniet ad judicandum mundum: verumtamen judicatus fuit in forma humana passibili: ascendit autem in Cælum, & veniet ad judicium in forma humana gloriosa, & impassibili. Unde Augustinus. *Aug. serm. 178. de tempore et 179 Zach. 12.* Sic veniet quemadmodum vidistis Eum euntem in Cælum, id est; forma humana in qua judicatus est, judicabit: ut etiam illud Propheticum impleatur, *Videbunt in Quem pupugerunt*. Et iterum: Itaque si reditum credimus nos expectare debemus ne sic nos comprehendat adventus illius, non suspicantes: sicut comprehendit nunc castigatio delinquentes: cōdētio namque præsentium imaginem habet in se futurorum. Cavendum est ergo, ne si in præsentī verberare non corrigimur, futura severitate damnemur. Hæc Augustinus. Considera hōc, quomodo Dominus JESUS de suis sollicitus fuit. Nam statim cum evanuit ab oculis eorum, misit Angelos suos: tum ut mœstos de absentia Domini consolarentur & confortarent, tum ut Eum verè ascendisse in Cælum, scilicet in Regionem Angelorum demonstrarent: non sicut Enoch & Helias, qui translati sunt in Paradisum terrestrem: qui licet eminens sit, tum tantum pertingit sublimarem Regionem, tum ne diutius ibi morarentur & nimium ibi stantes fatigarentur: sed potius recedentes promissum Patris expectarent. Angelis itaque disparentibus, ipsi in loco ubi steterunt novissimè pedes Ejus, adorantes Christum, scilicet DEUM & Hominem, ut DEO personaliter unitum, *reversū sunt à monte qui vocatur Olivetis, propter copiam Olivarum, sabbati habens iter*, id est; itine. *Sabbati iter* re sabbati, scilicet spatio milliarii distans ab Hierusalem, quia non ampliori spatio licebat judæis progredi in sabbato de villa vel Civitate in qua erant: sed circa per mille passus deambulare poterant. Vetus editio habet à monte trium luminum. Sic autem dictus est *Monstrum luminum*. Mons Oliveti, quia de nocte ex parte occidentis illuminabatur igne Templi, ubi erat ignis jugis in Altari, mane à parte Orientis primo excipiebat radios solis antequam illustrarent Civitatem: habebat etiam copiam olei, quod est luminis fomentum. *Et regressi sunt in Hierusalem cum gaudio magno*, quia omnia mysteria erant impleta in Christo, latantes de DEO & Domini sui glorificatione, quæ post triumphum Resurrectionis etiam Cælos cognoverant penetrasse.



traße: de humani generis completa redemptione, de restauratione  
 ruinæ Angelorum, & de dejectione dæmonum: de confusione judæ-  
 orum infidelium, & Spiritus Sancti promissione, de humanæ natu-  
 ræ exaltatione, de certa spe generalis Resurrectionis & Ascensionis  
 futuræ. Ex quo enim Caput resurrexerat & ascenderat, idem &  
 de membris procerto sperare poterant. Hanc autem ultimam pro-  
 cessionem Discipulorum post JESUM: qui unanimiter sunt egressi,  
 & postea unanimiter sunt regressi, representat Ecclesia Dominicis  
 diebus egrediendo de Ecclesia, & redeundo ad eam, quas de Hierusa-  
 lem, rediens in Hierusalem. Unde in eo quodd de Ecclesia egredi-  
 mur Crucem Domini præferendo, representamus quodd illi egressi  
 sunt præcunte crucifixo: in eo autem quodd cum Cruce Domini re-  
 dimur, licet illi sine crucifixo redierunt, representamus, quod ait:  
 Marci 28. *Vobiscum sum usque ad consumationem sæculi*: quia licet non redierit  
 crucifixus cum eis præsentia corporali, rediit tamen cum eis præsen-  
 tia spiritali. In primitiva autem Ecclesia hujusmodi repræsen-  
 tatio fiebat quinta feriâ, quæ tunc sollemnis erat pro veneratione  
 Ascensionis sicut prima feriâ, scilicet dies Dominica pro reveren-  
 tia Resurrectionis. Sed quia supervenerunt festa Sanctorum &  
 celebrare tot festa erat quasi onerosum, ideo solennitas quintæ feriæ  
 est sublata, & processio ad Dominicam translata. De loco autem  
 Ascensionis dicit Solitinus Episcopus Hierosolymitanus, quodd cum  
 postea ædificata esset Ecclesia, locus ille in quo steterunt Christi  
 ascendenti vestigia, nunquam potuit sterni pavimento postmodum,  
 immò resilliebant marmora in ora collocantium. Calcanti etiam à Do-  
 mino pulveris hoc dicit esse documentum, quodd vestigia impressa  
 cernuntur ibidem, & eandem adhuc speciem velut impressis vesti-  
 giis terra custodit. Et, ut ait Beda: Cum terra eadem à credenti-  
 bus quotidie minuatur, tamen eadem vestigia pristinum in statum  
 continuo recipiunt. Nec summum Ecclesiæ cacumen propter Do-  
 minici Corporis meatum contegi potuit, sed à terra transitus Chri-  
 sti usque ad Cælum patet. Adhuc est ibi Ecclesia in qua solebant  
 esse nigri Monachi cum Abbate, & est ibi Sanctæ Ægyptiacæ sepul-  
 chrum, & locus ubi Apostoli composuerunt symbolum. Tunc de-  
 scenderunt Apostoli cum Matre Domini & aliis mulieribus ac di-  
 scipulis in cænaculum Montis Sion, & ibi morabantur expectantes  
 promissionem prout à Domino erat eis mandatum: ibi est locus ubi  
 Beatus Matthias inter Ascensionem, & Pentecostem fuit loco Ju-  
 dæ in Apostolatam electus. Et erant omnes unanimiter in oratione  
 perseverantes, & assidue debitis horis sine intermissione orantes, &  
 per orationem ad receptionem Spiritus Sancti se præparantes quo-  
 tidie, ut promissum mererentur accipere. Et quamvis dictum sit,  
 quodd erant perseverantes in oratione & non sit additum, in jejuniis:  
 quidam tamen à festo Ascensionis usque ad Pentecosten jejunant ex  
 exemplo Apostolorum, quos ajunt jejunasse in spatio illo, quia dictum  
 est in Evangelio, *Venient dies in quibus auferetur Sponsus ab eis, &  
 tunc jejunabunt*. Orabant ergo & jejunabant: quia Christus Spon-  
 sus ab eis ablati carne recessit. Et erant semper, id est; continu-  
 niter vel frequenter in Templo, quod est locus orationis, laudantes  
 DEUM de beneficiis suis, & benedicentes, id est; magnificantes de pro-  
 missis Divinis, & orantes devotè pro recipiendis Spiritus Sancti do-  
 nis: vel laudantes DEUM, de propria sua bonitate in se, ac pro  
 Domi-



Domini sui glorificatione & ascensione, & benedicentes, id est; gratias <sup>Orationes</sup> agentes de bonorum suorum communicatione, ac pro Spiritus San- & laudes  
cti promissione, & eorum per Angelos facta consolatione. Non ali- <sup>discipulorum</sup>  
quo mundano distrahantur: sed omnibus contemptis jugiter Divi-  
nis laudibus, ut in loco orationis, & inter laudum devotiones pro-  
missum Sancti Spiritus adventum promptis, & paratis per omnia cor-  
dibus expectent. Vicissim quidē habitabant modò in Templo ad o-  
rationem, modò in cœnaculo ad quietem: Unde hoc adverbium  
semper, dicit ibi frequentiam & opportunitatem, non more suo  
durationem continuam. Quos nos imitantes in Sacra vita semper  
degamūs laudantes DEUM & benedicentes. Sic enim & nos quo-  
tidiana illius merebimur benedictione sublimari, si quotidie trium-  
phalis illius in Cælum ascensionis memores, laudantes & benedicen-  
tes DEUM in Hierusalem, id est; supernæ pacis, sperata ac desidera-  
ta visione quiescimus. & orantes ut dona ipsius recipere possimus,  
*similes hominibus expectantibus Dominum suum quando revertatur à nu-* <sup>Luca 12.</sup>  
*ptiis.* Unde Beda: Et semper & in loco hoc maximè fratres charissi- <sup>Beda homil.</sup>  
mi, meminisse nos decet sermonis Domini, quo discipulos glorifi- <sup>de ascensione</sup>  
cans, *Beati, inquit, oculi qui vident quæ vos vedetis*, quis etenim di-  
cere? quis dignè valeat cogitare? quàm beata compunctione oculos  
ad terrā deflexerunt, quibus Ipsum Quem adorabant Cœli Regem  
devicta mortalitate, quàm assumpserat, ad Paternæ claritatis solium  
jam redire conspexerant. Quàm dulces lachrymas, quantâ spe & læ-  
titia ferventes pro ingressu Cœlestis Patriæ fuderunt, quò DEUM  
ac Dominum suum Patrem suæ naturæ jam ferre cernebant. Me-  
ritò ergo tali spectaculo refecti, postquam adoraverunt ubi steterunt  
pedes Ejus: postquam vestigia quæ novissimè fixit lachrymis riga-  
vere profusis: confestim rediere Hierosolimam ubi adventum San-  
cti Spiritus expectare sunt iussi. Et ut digni cœlestibus promissis exi-  
sterent, erant semper in Templo laudantes & benedicentes DE-  
UM, scientes certissimè, quia illa solummodo corda Spiritus Sancti  
invisere & in habitare dignatur, quæ locum orationis frequentâtia,  
quæ laudi & benedictioni Divinæ viderit esse dedita. Unde & in a- <sup>Act. 1.</sup>  
ctibus eorum legitur de ipsis: *Hi omnes erant unanimiter perseveran-* <sup>Orandum</sup>  
*tes in oratione.* Quod nobis est testimonium operis Apostolici soler- <sup>& nobis.</sup>  
ter imitandum, videlicet ut qui cœlestia promissa habemus, qui pro  
his accipiendis sedulò supplicare præcipimur, & omnes ad adorandū  
conveniamus, & in oratione persistamus, & unanimi Dominum de-  
votione prædicemus. Nec dubitandum est, quòd sic nobis oranti-  
bus pius Conditor auditum accommodare, & Spiritus sui gratiam no-  
stris quoq; cordibus infundere dignabitur, quòd nostros quoq; be-  
atos faciet oculos, & si non ut Apostolorum qui commorantem in  
mundo Dominum, qui docentem & miracula facientem, qui post  
triumphum mortis resurrexisse, atq; ad Cœlos redeuntem videre  
meruerunt: certè ut eorum de quibus Thomæ Apostolo dicit: Quia  
vidisti me, credidisti: beati qui non viderunt & crediderunt. Cun-  
ctis etenim credentibus, sive illis qui Incarnationis Ejus tempora  
nascendo præcesserunt: sive his qui in carne Eum viderunt, sive no-  
bis Qui post Ejus ascensionem credimus, communis est Ejus hila-  
rissima promissio, quâ dicit: *Beati mundo corde, quoniam ipsi DEUM* <sup>Matth. 5.</sup>  
*videbunt.* Hæc Beda. Dominus ergo JESUS cum universa prædicta  
felici multitudine aperiens januas Paradisi, usq; tunc humano ge-  
neri



*Ascendit adneri clausas, intravit triumphaliter & gaudenter in eas. Ascendit Celum Em-* autem in Caelum Empyreum super omnes alios Caelos: in dō super pyreum, omnem Spiritum beatum, & omnem creaturam: & supra id quod *Celum tri-* nominatur in hoc saeculo, vel in futuro. Et nota, quod triplex esse *plex.* Caelum insinuat Apostolus, ubi fatetur se raptum usq; ad tertium Caelum. Inter quos Caelos, secundum Augustinum, primum est corporale: sole, luna, & stellis ornatum. Secundum est Spirituale Spiritibus Angelicis deputatum. Tertium est superintellectuale soli Divinitati appropriatum. Ad hoc tertium raptus fuit Paulus: quia non ad visionem Corporum Caelestium, nec ad cognitionem Caelestium Spirituum, sed ad contemplationem nudam Divinae essentiae raptus fuit, secundum Augustinū, & in hoc Caelum ascendit Christus. *Aug. lib. 12. de Genes. cap. 2.* Et sedet à dextris DEI, non quod sessio DEI intelligatur corporaliter, ut Christus Homo sedeat à dextris, & Pater à sinistris: sed dicitur sedere, propter judicariam potestatem, quam à Patre accepit: quia sedere judicantis est. Sedere autem à dextris, si referatur ad Christum ratione Deitatis, sic ista sessio importat aequalitatem cum Patre quia conregnat Patri in aequalitate Majestatis secundum Deitatem, secundum quam Filius est Patri aequalis. Si autem referatur ad Christum ratione humanitatis, hoc potest esse dupliciter. Uno modo inquantum est unita actualiter Ipsi DEO, & sic ista sessio importat quandam associationem honoris: quia eadem veneratione veneratur humanitas, inquantum unita Verbo cum Ipsa Deitate, sicut vestis Regia cum ipso Rege, quando est eō actualiter indutus: & sic Christum in dextera DEI Patris sedere, & humanitatem in gloria Divinitatis requiescere. Alio modo secundum se, & sic sedere à dextris Patris, designat esse in potioribus Ejus bonis: sicut dextera est pars nobilior, & potior corporis. Merito Christus dicitur sedere ad dexteram DEI: sedere quidem, quia laboravit. Ad dexteram autem, quia in sinistra adversitatis diu fuit. DEI verò dicitur, quia post abjectionem merito gloria sequitur. Dicitur ergo sedere: quia aequalis est Patri in potestate judicandi. Dicitur & stare, qui suos juvat in militia praesentis: nos credimus Christum à dextris Patris sedentem, quia credimus Eum regnantem, & quiescentem, quae notantur per sessionem. Stephanus autem vidit Eum à dextris DEI stantem, quia in tribulatione positus habuit Eum propugnatorem & susceptorem: quae notantur per stationem. Sicut enim sedere quiescentis est & judicantis, ita stare pugnantis & adjuvantis. Sedens ergo ad dexteram Patris jugiter vultui benignissimi Patris apparet: & vulnere quae pro nobis pertulit cicatrices ostendit, ad interpellandum pro nobis. Omnes verò Sancti Patres, & Beatissimi Spiritus jubilabant coram DEO laudes. Si enim Moyses & Filii Israël post transitum maris rubri cecinerunt carmen Domino, & MARIA Prophetissa Soror Ejus: & reliquae mulieres Eam sequentes canebant Domino in tympanis & choris, quātomagis modo omnes hoc faciunt omnibus adversitatibus superatis? Omnes igitur ibi constituti psallunt, omnes cantant, omnes exultant, omnes latantur, omnes gaudent, omnes jubilant, omnes manibus plaudunt, omnes tripudiant, omnes jucundantur. Verè nunc in superna Hierusalem auditur canticum laetitiae, & per omes vicos Ejus ab universis dicitur Alleluja. Nunquam ab origine mundi tale festum, & tam solenne Paschacelebratum



bratum est in Patria, nec unquam erit, nisi fortè post diem iudicii, *Ascensionis*  
cum omnes ibi cum corporibus gloriosis præsentabimur electi. Ma-*solennitas*  
gnum itaq; & solenne est hoc festum. Nam quidquid DEUS usq; *est magna*  
modo fecit, fecit ut ad hunc diem perveniret. Cælum & terra &  
omnia quæ in his sunt, facta sunt propter hominem: homo autem  
propter gloriam Cælestem habendam: ad quam usq; nunc pertin-  
gere post peccatum non poterat, quantumcunq; justus esset. Quia  
ergo omnia completa sunt in Ascensione, magnificus valde est dies  
iste. Hodiernus quippe dies propriè est festum solennissimum  
Domini nostri JESU: quia hodie incepit sedere ad dexteram Patris,  
& requiem capere à labore suæ peregrinationis. Est etiam propriè  
festum omnium supernorum Spirituum, quia de Domino suo Quem  
antè ibi in humanitatis forma non viderant, novum suscipiunt gau-  
dium: & quia hodie primò incipiunt restaurari ruinæ ipsorum: in  
tanta multitudine Beatorum, & cognoscunt numerum suum  
per peccatum diminutum per Dominum JESUM reintegrandum.  
Si ergo gaudium est in Cælo coram Angelis DEI super uno pec-  
catore poenitentiam agente: quale putamus gaudium eorum fuisse,  
quando tot millia animarum Sanctarum ad suum viderunt con-  
sortium transire. Etiam propriè est festum Patriarcharum, & alia-  
rum animarum Sanctarum: quia ad supernam Patriam, hodie pri-  
mitus intraverunt. Si ergo festum facimus de aliquo Sancto ad  
Cælos migrante: quantò magis de Sancto Sanctorum? Est etiam fe-  
stum Dominicæ nostræ, quæ Filium suum unigenitum in ea carne  
quam de se assumptam noverat totam oculis suis gloriosè sic vidit  
tanquam DEUM verum super excelsa conscendere, & omnes Cæ-  
lo dominandi jure penetrare: ac in DEI Patris confessum ascenden-  
do pertingere: Est etiam nihilominus propriè festum nostrum: quia *Festum nostrum*  
humana natura hodie super Cælos est exaltata, & homo perditus  
ad Regna Cælestia, & ad societatem Angelorum per Dominum JE-  
SUM est revocatus: ipse enim DEI Filius, qui exivit à Patre, non  
per loci mutationem, sed per æternam generationem, & persona-  
lem distinctionem hodie reliquit mundum, quantum ad præsentiam  
corporalem, & iit ad Patrem, faciendo naturam mortalem Pater-  
næ gloriæ consortem. Igitur valde solennis est dies iste: & anima  
quæ Dominum JESUM bene diligeret, meritò hodie exultaret. Si  
diligcretis me, inquit: gauderetis utiq; quia vado ad Patrem. Unde  
Leo Papa, dicit quidem Dominus JESUS Discipulis suis: *Si dilige- Leo ser. 12*  
*retis Me, gauderetis utique, quia vado ad Patrem.* Vobis enim hæc *de Ascensio*  
præstatur ascensio: & super omnes Cælos ad Patri dexteram collo-*one Domini*  
canda, vestra in me humilitas elevatur. Univi enim vos mihi, & *Joann. 14*  
factus sum Filius hominis: ut vos Filii DEI esse possitis. Quia igitur  
Christi ascensio, nostra profectio est, & quò processit gloria ca-  
pitis, eò spes vocatur & corporis, digni dilectissimi exultemus gau-  
diis, & pia gratiarum actione lætemur. Hodie enim non solum  
Paradisi possessores firmati sumus: sed etiam Cælorum in Christo su-  
perna penetravimus, ampliora adepti per ineffabilem Christi gra-  
tiam, quàm per diaboli amiseramus invidiam. Nam quos virulen-  
tus inimicus primi habitaculi felicitate dejecit, eos ibi cum corpo-  
ratos DEI Filius ad Patris dexteram collocavit. Unde & Augustin. *Aug. serm.*  
Hodie sicut audistis fratres Dominus JESUS Christus ascendit in *175. de temp*  
Cælum: ascendat cum Illo & cor nostrum. Sicut enim Ille ascendit, *pore*



*Cor nostrum* nec recessit à nobis: sic & nos cum Illo jam simus, quamvis nondum  
*ascendat* in corpore nostro jam factum sit quod promittitur nobis. Cum  
*cum Christo* ascendit in Cælum, nos ab Illo non separemur. Non nobis invidet

Cælum: sed quodammodo clamat, mea membra estote, si ascen-  
 dere vultis in Cælum. In hoc ergo omnes interim roboreremur, in  
 hoc votis omnibus æstuemus, in hoc meditemur in terris, qui com-  
 putemur in Cælis. Tunc exuturi carnem mortalitatis, nunc exu-  
 amur animæ vetustate. Facile corpus levabitur in alta Cælorum,  
 si non præmat spiritum sarcina peccatorum. Et iterum: quia ve-  
 rò temporali Christi præsentia viduati sumus, ad æternam Ejus vi-  
 sionem tota intentione festinemus, Eiq; dicamus: *Tibi dixit cor me-*

*Psalms. 26. um, quæsi vultum Tuum, vultum Tuum Domine requiram:* tota namq;  
 dispensatio humanitatis Christi nihil aliud fecit, nisi ut intentio-  
 nem nostram ad superna dirigeret: & ex tempore nostræ morta-  
 litatis ad manifestam visionem sui perduceret, ac perductos æternâ  
 vultus sui gloriâ satiaret. Et iterum: Hæc quippe solennitatis  
 hujus est ratio: ut Christum ad dexteram Patris jam regnare cre-  
 damus: & interim Eum quasi geminis virtutum alis, charitatis sci-  
 licet & spei subsequamur: ut cum tradiderit Regnum DEI Patri,  
 sine cum Eo regnemus. Ascendamus cum Christo interim corde,  
 ut cum dies promissus adyenerit, sequamur & corpore. Hæc Augu.

*Greg. hom. 29. Evang.* Unde etiam Gregorius. Unde fratres charissimi oportet ut illuc se-  
 quamur corde, ubi cum corpore ascendisse credimus: desideria ter-  
 rena fugiamus: nihil jam nos delectet in infimis, qui Patrem ha-  
 bemus in Cælis, & si adhuc hic tenemur in infirmitate corporis, se-  
 quamur tamen Eum passibus amoris: non autem deserit desiderium  
 nostrum; Ipse Qui dedit JESUM Christus Dominus noster. Hæc  
 Gregorius. Ascendit ergo Christus, ut corporali præsentia subtra-  
 ctâ provocet affectum mundi, & toto corde Eum desideremus. Et

*Militis exemplum.* idè quæ sursum sunt quæramus, quò ad vim intellectuam: quæ  
 sursum sunt sapiamus, quò ad vim effectivam. Sic ascendit cor-  
 de miles quidã, qui in partibus ultramarinis omnia loca in quibus Sal-  
 vator noster fuerat sollicitè cum lachrymis visitavit, & dum omnia  
 Sancta loca devotè perquisivisset, ultimò venit in montem Olive-  
 ti, unde Dominus ascendit, ubi post longam orationem cum lachry-  
 mis dicit: Ecce Domine ubiq; quæsi Te diligenter: unde dum ve-  
 nerim ad locum ubi Cælos ascendisti: nescio ubi amplius Te requi-  
 ram: jube ergo Spiritum meum suscipi: ut ad dexteram Patris vi-  
 deam Te residentem in gloria: & his dictis Spiritum suum sine do-  
 lore reddidit. Sic & nos Dominum per singula sua opera & virtu-  
 tum exercitia quæramus, ut tandem ad Eum ascendere valeamus.

*Ascensio Domini olim in scala Jacob præfigurata fuit, quæ una ex-  
 tremitate terram, & alia Cælum tangebatur: & Angeli per Eam de-  
 scendebant, & ascendebant: sic Christus de Cælo descendit, & rea-  
 scendit, quando Cælestia & terrestria revenire voluit: oportebat e-  
 nim quòd mediator DEI & hominum DEUS & Homo esset: quia  
 aliter pacem inter DEUM & Hominem reformare non posset: DE-  
 US enim altissimus est, & Homo infimus erat: & ideo Christus inter  
 Cælum & terram scalam faciebat. Descendunt autem Angeli per  
 illam, nobis gratiam apportando: & reascendunt animas nostras in  
 Cælum reportando: hanc etiam ascensionem Christus prænotavit,  
 quoniam parabolam de una ove ex centum perdita & inventa præ-  
 dica-*



dicavit. Ovis una perdita est, quoniam homo mandatum DEI transgressus est: DEUS autem nonaginta novem, id est; novem chorus Angelorum in Cælo dimisit: & veniens in hunc mundum, hominem perditum per triginta tres annos quæsit: & intantum se fatigavit, quod de toto corpore suo sudor sanguinis emanavit. Inventam autem ovem super humeros posuit, & portavit, quando crucem pro peccatis nostris propriis humeris bajulavit: amicos ad congratulandum sibi invitavit, quando cum homine ascendit, & omnem Cæli curiam lætificavit. Hæc etiam ascensio Domini olim fuit in translatione Helix præfigurata. Helias legem DEI in Judæa prædicavit, & transgressores legis audacter increpavit: propter quod magnam sustinuit à judæis persecutionem, sed apud DEUM meruit in Paradisum translationem. Ita Christus in Judæa viam veritatis docuit, & propter hoc à judæis multas persecutiones sustinuit: *Sed DEUS il. Philipp. 12. lum super omnes celos exaltavit, & nomen quod est super omne nomen illi Lucæ 24. dedit: Oportebat enim pati Christum, & ita intrare in gloriam suam: & multo magis oportet nos tolerare propter vitam æternam.*

DE SCRIPTURÆ EVANGELICÆ,  
Ac fidei sine & utilitate. CAPUT LXXXIII.

Sunt & multa alia signa & facta, in multitudine incomprehensibili existentia, præter ea quæ Evangelistis sunt scripta, *quæ fecit Joann. 21. JESUS in terra, in se & in aliis, tam in actibus cordis, quam oris Dicta et facta Episcopis & operis ante suam Resurrectionem, & post eandem quæ præ multitudinem suam non sunt scripta. Quæ si scribantur per singula, quod ad scribi neque facta particularia, & conditiones virtutemq; Eorum: nec ipsum ar- nec à nobis bitror mundum, id est; homines hujus mundi, capere posse libros qui essent scribendi.* Non enim spatio locorum credendum est mundum capere non posse: quia in eo scribi non possent, si scripta non ferret: sed capacitate intellectus legentium & audientium, & quod ad credulitatem infidelium, & quod ad mysteria & sensum comprehendendi fortasse non possent. Facta enim & verba Christi non sunt hominis tantum, sed & DEI: quia illa humanitas erat organum Divinitatis: & ideo non possunt ad plenum ab hominibus explicari, vel etiam comprehendere: quod patet ex hoc, quod à principio Ecclesiæ experunt Sancti Doctores libros scribere ad explicationem verborum & Sanctorum Christi, & adhuc ad plenum non sunt elucidata: imò si mundus duraret per mille millia annorum, & semper libri scriberentur, nunquam ad plenum elucidarentur, quia sicut dictum est, facta sunt & dicta DEI, quæ sunt nobis incomprehensibilia, propter Eorum excellentiam, respectu intellectus nostri: & ideo debemus subjungere, & captivare intellectum nostrum in obsequium Christi ut ei assentientes per fidem, quæ est in enigmate, tandem veniamus ad contemplandam faciem ad faciem. Unde secundum Chrysostomum. *Chrysostomus Nec Joannes, nec alii Evangelistæ omnia dixerunt: sed quæ erant hominibus sufficientia attrahere ad fidem audientes. Quoniam qui non credit his quæ dicta sunt, neq; pluribus attendit: qui verò hæc suscipit, nulla indigebat alia in fide ratione. Tantum enim conscripserunt, quantum ad fidem credentium sufficere posse cognoverunt: & ideo pauca de pluribus elegerunt, facilius ut intelligantur, diligentius*



tius, quærantur, fide credantur, & memoria tradantur. Unde Au-  
 gustinus. Cùm multa fecisset Dominus JESUS, non omnia scripta  
 sunt: electa sunt autem quæ scriberentur, quæ saluti credentium  
 sufficere videbantur. Hæc Augustinus. Materia quidem Evange-  
 llii & omnium Evangelistarum est eadem: scilicet Sanctæ Trinitatis  
 mysterium Christus secundum Divinam & humanam naturam, di-  
 cta & facta Ejus, aliorumq; dicta ad Ipsum: omnes enim agunt de  
 illis, & materia istorum. Intentio verò & finis omnium est, per  
 Christi gesta & doctrinam, fidem de eo adstruere: quod ex fine libri  
 Joannis perpenditur. Ubi dicitur: *Hæc autem scripta sunt, ut credatis,*  
 scilicet fide formata charitate: quia JESUS est Christus Filius DEI,  
 scilicet naturalis, in potentia sibi æqualis, & per consequens idē in De-  
 itate: quia natura Divina est divisibilis. Credatis, inquā, corde ad  
 justitiā, & ore cōfiteamini ad salutem opere ostēdētes ad fructū vitæ:  
 quia fides sine operibus mortua est. Ecce scripturæ utilitas: scil. effectus  
 fidei: ad hoc enim ordinatur tota scriptura novi & veteris testamenti.  
 Quā autē utilitatē ex hac credulitate cōsequamur, manifestatur cūm  
 subjungitur: *Et ut credentes vitam*, scilicet æternam, in qua clare vi-  
 debis quod nunc creditur: *habeatis nunc in spe*, & in futuro in re:  
 vel ut credentes vitam habeatis: hīc vitam justitiæ, quæ habetur  
 per fidem: *justus enim ex fide vivit*, & in futuro vitam spei, quæ ha-  
 betur per gloriam: & hoc in nomine Ejus, id est; per fidem Nomi-  
 nis Christi: quia non est aliud nomen sub Cælo datum hominibus,  
 in quo oporteat nos salvos fieri: virtute ergo Nominis Christi &  
 Salvatoris, habetur vita æterna. Unde Joannes: *Hæc est vita æter-*  
*na, ut cognoscant Te verum DEUM, & quem misisti JESUM Christum*  
 Finis itaq; id est; finalis causa Evangelii, est sanē credere, perfectē  
 diligere, Sacramentis insigniri: & horum trium finalis causa est vi-  
 ta æterna. Ad hæc quippe adipiscenda fuit intentio scribere &  
 prædicare Evangelia. Veteris quidem testamenti intentio est, no-  
 vum figuris & ænigmatibus demonstrare: Evangelii autem, ad æter-  
 næ beatitudinis gloriam mentes humanas accendere. Fides ergo  
 Catholica id est; universalis omnibus est necessaria ad vitam & salu-  
 tem æternam. Fidei succedit spes, & spei succedit beatitudo: cha-  
 ritas autem etiam fide & spe decentibus, permanet & augebitur: &  
 ideo major his esse dicitur. Quæ verò credenda sunt, ex symbo-  
 bolo haberi possunt. Est enim symbolum, compendiosa collectio  
 omnium ad salutem spectantium. Sunt autem tria symbola. Pri-  
 mum, Apostolorum. Secundum, Niceni Concil. Tertium, Atha-  
 nasii. Primum factum est, ad fidei instructionem. Secundum, ad fi-  
 dei exemplationem. Tertium, ad fidei defensionem. De primo  
 ergo, in quo est fidei fundamentum, hīc videamus solū: quia hoc  
 magis est ad propositum. Ubi sciendū est, quod si respectus ha-  
 beatur ad eos qui ediderunt hoc symbolum, tunc articuli sunt du-  
 odecim, secundum numerum, duodecim Apostolorum. Si autem  
 consideremus quæ radicaliter sunt credenda, tunc articuli sunt qua-  
 tuordecim: quorum septem spectant ad Divinitatem, & septem ad  
 humanitatem, & hæc signata sunt in septem stellis, & in septem can-  
 delabris aureis, in quorum medio ambulabat Filius hominis. Sunt  
 igitur septem articuli fidei, qui pertinent ad Divinitatem. Primus  
 est, unum DEUM esse, qui notatur ibi. Credo in unū DEUM. Cre-  
 dere DEUM, est credere DEUM esse, scilicet quia est: credere DEO,  
 est



est credere verbis Ejus & Sacris Scripturis, credere in DEUM, est credere DEUM fide & affectione, seu fide per dilectionem operante, in ipsum tendere & ire, ac membris Ejus incorporari. Secundus est, Patrem esse DEUM, qui notatur ibi, Patrem, quod hic personaliter tenetur, Pater verò essentialiter tenetur, ubi agitur de Paternitate adoptionis, qua Paternitate Ipsa Trinitas Pater est bonorum, vel creationis: quia Paternitate tota Trinitas Pater est tam bonorum quam malorum. Omnipotentem, appropriatè, quamvis & Filius sit omnipotens, & Spiritus Sanctus, quia potentia appropriate attribuitur Patri, sicut sapientia Filio, & bonitas Spiritui Sancto. Creatorem Cœli & terræ: ubi per Cœlum & terram, intelligitur tam spiritualis quam corporalis creatura. Create quippe, seu creatorem esse, potius sonat potentiam, quam sapientiam, vel bonitatem: quia operatio egreditur à potentia, & ideo appropriate attribuitur creare hic Patri, sicut potentia: cum tamen creat omnia Pater per Filium, cooperante Spiritu Sancto: quia indivisa sunt opera Trinitatis, & totæ tres personæ unus sunt creator. Tertius est, Filium esse DEUM, notatur ibi, & in JESUM Christum: quæ duo nomina frequenter conjunguntur in novo testamento: quia unum, scilicet JESUS, quod interpretatur Salvator, exprimit Ejus Divinitatem: nam inquantum DEUS, Salvator est: reliquum, scilicet Christus, quod interpretatur unctus, exprimit Ejus humanitatem: quia inquantum homo, unctus est, præ consortibus suis. Filium Ejus unicum, id est; naturalem, non adoptivum: vel unicum dicit, quia non est Filius unus inquantum DEUS, & alius inquantum Homo: sed unus Christus in duabus naturis, scilicet Deitate & humanitate, & tribus substantiis, scilicet Deitate, anima, & carne unicus est Filius: Dominum nostrum, sicut enim Pater Dominus est omnium & omnipotens, ita & Filius: quod intelligatur secundum Deitatem: quia quamvis humanitati Christo collata sit omnium scientia, non tamen omnipotentia. Quartus est, Spiritum Sanctum esse DEUM, quia notatur ibi, Credo in Spiritum S., & circumloquitur hæc vox, & Spiritus Sanctus, quando tenetur dictionaliter, tertiam personam in Trinitate: quando autem in vi orationis tenetur, essentialiter sumitur, & convenit Trinitati. Sic ergo patet, quod prædicti quatuor articuli sunt de Divinæ essentiae unitate, & Personarum Trinitate. Quintus est, credere remissionem peccatorum his qui sunt in Ecclesia: qui notatur ibi, Sanctam Ecclesiam Catholicam, Sanctorum communionem, id est, credo Sanctam Ecclesiam Catholicam, sive militantem, sive triumphantem, esse communionem, id est; congregationem vel societatem Sanctorum. Vel sic, credo & Sanctam Ecclesiam ahuc in terris militantem, & credo Sanctorum communionem, id est; associationem in Cœlo, scilicet esse Ecclesiam triumphantem: quasi diceret, credo utramque Ecclesiam. Est autem Sancta Ecclesia in tres divisa: una est in mundo, quæ est adhuc in timore & expectatione, alia est in Cœlo quæ est sine timore & expectatione: tertia est in purgatorio, quæ medio modo se habet, quia est in expectatione, cum adhuc gloriam præsentem non habent, & tamen sine timore, quia habent liberum arbitrium in bono confirmatum *Catholicon Græcè, Latine universale.* Et dicitur universalis duabus de causis, scilicet quia universaliter prædicata per quatuor partes terræ, & quia articulos habet veros universaliter, quibus

*Paternitas  
multiplex.*

*Creatio po-  
tentia sonat*

*Ecclesia san-  
cta divisa.*



nullum falsum potest subesse. Remissionem peccatorum, id est; credo remissionem peccatorum fieri, scilicet per DEUM in baptismo triplici, scilicet fluminis, & fluminis, & sanguinis: sive post baptismum in poenitentia. Sextus est, credere resurrectionem mortuorum: qui notatur ibi, carnis Resurrectionem. In qua Resurrectione credendum est idem corpus quod per mortem cecidit, ad Eundem Spiritum, id est; ad eandem animam rediturum. Spiritus est bonorum remuneratio, sub quo comprehenditur & malorum punitio: qui notatur ibi, vitam æternam, quasi diceret, Credo vitam æternam, præmium bonorum & mortem æternam, supplicium malorum. Et isti tres ultimi articuli ad Divinitatem pertinent: quia per virtutem Divinitatis fit peccatorum remissio, quæ est animæ visitatio, & corporum resurrectio, atq; corporum simul & animæ glorificatio.

*Articuli se- Alii septem sunt articuli, qui pertinent ad humanitatem Christi. ptem ad hu-* Primus est credere Filium DEI conceptum de Spiritu Sancto: qui *manitatem* notatur ibi, Qui conceptus est de Spiritu Sancto, id est; operatio- *Christi spe-* ne Spiritus Sancti. Uno enim eodemq; momento segregata fuit *stantes.* illa caro assumpta à reliqua carne Virginis, operatione Spiritus San-

De.

cti, & animata anima rationali, & Deitas unita ei. Unde illud, de, nõ denotat substantiam causæ materialis, sed potius efficientis. Quamvis enim incarnatio Filii sit opus totius Trinitatis: quia quod operatur una persona, operatur omnes, eò quòd sũt indivisa opera Trinitatis, tamen ipsa gratia mediante qua natura humana unitur Divinæ, est donum appropriatũ Spiritui Sancto: quia hæc gratia appropriatè procedit à charitate, sive à benignitate DEI, quæ Spiritui Sancto appropriatur: non enim DEUS, inquantum potens, vel inquantum sapiens, sed inquantum bonus & benignus nostram redemptionem operatus est per incarnationem. Et tangitur hic Nativitas Christi in utero, scilicet quia Natus est de Spiritu Sancto. Secundus est, Filium DEI Natũ ex MARIA Virgine: qui notatur ibi, natus ex MARIA Virgine, scilicet nativitate ex vero. Tertius est, Filium DEI pro nobis mortuum in cruce: quia notatur ibi, passus sub Pontio Pilato, id est; sub potestate Pilati Pontii genere: crucifixus, ad distinguendum Passionem Ejus à passionibus aliorum, quia in patibulis suspenduntur & citius moriuntur, mortuus, vera morte per dissolutionem animæ à corpore, Divinitate tamen semper conjuncta utriq; & sepultus, non tamen ut alii corruptus & incineratus. Quartus, Filium DEI descendisse ad inferos, secundũ animam qui notatur ibi, descendit ad inferna: descendit tantũ in anima Deitate unita: quia corpus in sepulchro quievit, Deitate etiam unita. Quintus, Filium DEI resurrexisse, qui notatur ibi, tertia die Resurrexit à mortuis, ut per synegdochen pars ponatur pro toto, ut videlicet pars illius parasceves, qua mortuus est, computetur pro die una & nox sequens cum die sabbathi sequentis, pro alia, & nox sequentis Dominicæ, cujus mane surrexit, pro tertia. Isti duo articuli dicunt totum, quod Christus nobis meruit per mortem suam: hæc autem est redemptio in anima, quæ completa est per fracturam inferni, in descensu ad inferos, & redemptio in corpore, completa est in Resurrectione, per gloriam Corporis sui. Sextus, Eundem ascendisse ad Patris æqualitatem, qui notatur ibi. Ascendit ad Coelos, scilicet inquantũ homo, & secundũ humanitatẽ: quia ubiq; est secundũ Divinitatẽ. Sedit ad dexteram DEI



DEI Patris omnipotentis, corregnans Patri in æqualitate, secundum Deitatem, & fruens potissimis bonis Patris, secundum humanitatem: pacifice gloriatur, & omnia quietè cum Patre iudicat & disponit. Septimus, Filium DEI iudicaturum bonos & malos, qui notatur ibi, Inde venturus est iudicare vivos & mortuos. Inde, id est, post modum, vel inde, id est, de cælis, quos ascendit: venturus in die iudicii iudicare vivos & mortuos: ad literam, quia tunc vivi & mortui reperiuntur iudicandi. Illi tamen vivi morientur, sed statim in momento resurgent, iudicium cum resuscitatis recepturi. Isti quatuordecim articuli colliguntur de symbolo, quod Apostoli condiderunt. Articulus primus conditores. & secundum de Divinitate, posuit Petrus: Andreas tertium, Bartholomæus quartum, Simon quintum, Thadæus sextum, Matthias septimum. Item primum & secundum articulum de Christi humanitate posuit Iacobus maior, Joannes tertium, Thomas quartum, Matthæus quintum, Iacobus minor sextum, Philippus septimum. Si autem quærat, an teneamur aliqua credere, quæ non sunt articulis? dicendum est, quod sic. Oportet enim credere Deo quod extra sym- est credere verbis Ejus, & sacre scripturæ: Sanè est circa hoc sciendū, quod pars bolum quæ Divinæ scripturæ, quæ est testimonialis & Evangelica, in librorum quaternario sint. continetur: sunt enim quatuor Evangelistæ, quasi quatuor testes, quod homo ille qui dictus est Jesus, fuit Christus in lege promissus, Rex & Dominus omnium, Salvator hominum, Filius Dei. Dividuntur ergo inter se libri quatuor Evangelistarum: quia Matthæus intendit principaliter declarare illum Evangelii hominem fuisse Christum, & ideo in principio dicens: *Liber generationis Jesu filii David* Christi, non expressit, Filij Dei, sed, *filij David, filij Abraham*. Et in sequentibus subdit. *Generatio Christi sic erat*. Hinc est, quod figura hominis inter quatuor animalia Evangelistas representantia, designat Matthæum: quia maxime immoratur circa hominem Christum, ostendendo Jesum fuisse illum, qui promissus fuerat in tota serie scripturarum. Unde quasi de homine exorsus est scribere, dicens: *Liber generationis JESU Christi, &c.* Marcus verò principaliter intendit declarare, illum hominem fuisse regem & Dominum omnium, sicut in Daniele habetur, quod in diebus quatuor regnorum suscitaret Deus cæli regnum quintum: quod non corruptetur, cujus potestas erit potestas æterna. Hinc est, quod Marcus designatur per Leonem, qui est rex & dominus aliorum animalium. Unde & in eo auditur vox Leonis in deserto rugientis, & clauantis. Hinc est etiam, quod maxime circa miracula immoratur, & circa Resurrectionem, & parum ponit de doctrina Christi, quia principaliter intendit potestatem Ejus, & Dominum, & virtutem explicare: quæ in Resurrectione & miraculis maxime elucescunt. Lucas verò intendit principaliter declarare, illum hominem fuisse Salvatorem hominum, & ideo in principio introducit Gabrielem, dicentem: Vocabis nomen Ejus Jesum, Ipse enim salvum faciet populum suum à peccatis eorum: & in secundo capitulo subdit verbum Angeli ad pastores. Natus est vobis hodie Salvator in civitate David. Hinc est, quod maxime immoratur circa gesta & facta Christi, quæ sonant in clementiam & salutem, & in remissionem peccatorum. Et propter hoc in referendo passionem, maxime explicavit verba dulcia & clementia Christi, ut est illud: *Pater dimitte Eis, quia nesciunt quid faciunt*. & illud: *Hodie mecum eris in paradiso*. & illud: *Pater in manus Tuas commendo spiritum meum*: & Ipse solus refert quomodo factus est sudor Ejus tanquam guttæ sanguinis decurrentis in terram, quasi in signum balnei salutaris, & medicinalis. Hinc etiam est, quod per figuram vituli, quia aptus est ad immolandum, designatur. Unde & à Zacharia Sacerdote initium sumpsisse legitur. Joannes verò principaliter intendit declarare, illum hominem fuisse Dei filium, & verum Deum. Et quod hæc sit conclusio, quam Ipse intendit, ipsemet explicat circa finem sui Evangelij: ubi ait, Hæc autem scripta sunt, ut credatis quoniam Jesus est Christus filius DEI, & ut credentes vitam habeatis in nomine Ejus. Hinc est, quod incipit à Christi Deitate, dicendo: In principio erat Verbum, & ferè in quolibet Evangelij capitulo, semper infert illum hominem fuisse Filium DEI. Hinc est etiam, quod per aquilam figuratur, quia assumptis pennis aquilæ, ad altiora volans, de verbo DEI disputat & philosophatur. Sic igitur quatuor



*Intentio.* libri Evangeliorum habent pro subiecto idem: scilicet, Hominem Jesum & de  
*rursus* *Evāillo* subiecto quatuor declarare intendunt. Matthæus quidem, quod fuit  
*gelistarum.* Christus in lege promissus. Joannes verò, quod est verus Deus, & Dei filius  
 Lucas autem quod est verus Salvator hominum. Marcus verò, quod est Rex,  
 & etiam Imperator hominum. Et hoc probant per facta & dicta, quæ testi-  
 ficantur illum hominem fuisse in conspectu Discipulorum suorum, & multi-  
 tudinis Judæorum. Et sic quatuor Evangelia distinguuntur, non penes qua-  
 tuor subiecta, sed penes prædicata de eodem subiecto. Et ordinantur secun-  
 dum ordinem editionis librorum, non secundum ordinem originis, vel di-  
 gnitatis materiæ. Incipit ergo Matthæus partem testimoniale scripturæ Di-  
 vine, & probat hominem Jesum Messiam, & Christum, in scripturis promissum

*Matth. de*  
*Christo pro-*  
*bat, quod*  
*fuit Messias*

fuisse. Et hoc sibi maximè congruebat, quia in Judæa Hebræo sermone &  
 fratribus Judæis ad Christum conversis scribebat. Intendit ergo minorem u-  
 nius rationis probare, ac si ita velit arguere. Ille homo in quem concordant  
 voces omnium Prophetarum, quantum ad omnia, quæ prophetata fuerunt de  
 Illo, qui dicebatur Messias & Christus: Ille inquam, homo fuit vere Christus.  
 Non enim est possibile, quod omnia concurrant in aliquam personam: quæ de  
 Christo dicta sunt, quin illa persona sit Christus. Quamvis ergo duæ vel tres  
 conditiones prædictæ in Prophetis, possent alicui personæ convenire, non  
 tamen omnes: alioquin vana & absque ulla utilitate revelatio prophetica præ-  
 cessisset: in nullo enim nos introduxisset ad Christum, sed potius errandi ma-  
 teriam præbisset. Propter quod Salvator dicebat, quod necesse est impleri

*Luce 24*

omnia quæ scripta sunt in lege, prophetis, & Psalmis de Me. Ex quibus pa-  
 tet, quod ille verè debet dici Christus in quem consonant omnium Prophetarum  
 voces. Sed modo sic est, quod in illum sacrum hominem, qui dictus est  
 Jesus, concordaverunt voces omnium Prophetarum, quantum ad concursum  
 omnium conditionum, quas de Christo prædixerant, ergo homo ille fuit Chri-  
 stus. Hanc autem minorem intendit probare Evangelista Matthæus, quan-  
 tum ad viginti & duas conditiones in genere, quas de futuro Christo prædi-

*Signa ven-*  
*turi Chri-*  
*sti in Chri-*  
*sto visa.*

xerunt Prophetæ, & intendit sic arguere: In illo homine qui dictus est Jesus,  
 testis sum ego quod omnia concurrerunt, quæ Prophetæ prædixerant futura  
 esse in vero Christo, sive quantum ad propagationem Regiam, & Davidicam  
 sive, quantum ad gravidationem & gignitionem virginem, sive quantum ad  
 apparitionem sydeream, & adorationem regiam, sive quantum ad nominati-  
 onem floridam & Nazaream, sive quantum ad acclamationem præcursoris  
 præviam, sive quantum ad obsequium Angelorum & ministracionem sedulam,  
 sive quantum ad conversationem primariam in Galilæa, & in terra Zabulon  
 & Neptalim: sive quantum ad expositionem decalogi, & legislationem au-  
 thenticam & novam, sive quantum ad multiplicem operationem deificam, &  
 miraculorum coruscationem mirificam: sive quantum ad conversationem pa-  
 cificam & humilimam, sive quantum ad eruditionem parabolicam, & doctri-  
 nam figurativam: sive quantum ad nutritionem providam & benignam, ex  
 panibus multiplicatis, sive quantum ad detestationem veridicam omnis hy-  
 pocrisis & ceremoniarum, sive quantum ad colligationem geminam duarum  
 naturarum, Divinæ scilicet & humanæ in uno homine, sive quantum ad Ec-  
 clesiasticam dispositionem & Hierarchicam ordinationem unius novi regni  
 Ecclesiæ, sive quantum ad ostentationem pauperrimam, & sessionem super pul-  
 lum asinæ: sive quantum ad excacationem Judaicam, quod ad Phariseos & po-  
 puli seniores, sive quantum ad refectionem prophetiæ arcanorum & futu-  
 rorum: sive quantum ad institutionem mirabilem & insolitam novorum Sa-  
 cramentorum, sive quantum ad tolerantiam amaræ & salutiferæ passionis: si-  
 ve quantum ad suscitationem magnificam, & resurrectionem stupidam, sive  
 quantum ad convocationem multimodam omnium gentium, linguarum &

*Marcus de*  
*Christo pro-*  
*bat, quod*  
*erat Rex*  
*omnium.*

populorum. Hæc enim utique verificata sunt in Hoc Homine sacro JESU, quæ  
 Prophetæ prædixerant de Christo, ergo Ipse est verus Christus, nec est alius  
 expectandus. Marcus verò, Apostoli Petri discipulus, qui in Italia Evangeli-  
 um Græcè scripsit: probat de Illo felici homine, qui dictus est Jesus, quod  
 fuit Rex & Dominus omnium, & excedens verè in potestate & virtute omnem  
 hominem, & omnem creaturam, quod patet, quia non tractat nisi de præcipuis  
 &



& excellentioribus miraculis Ejus, & ferè in quolibet capitulo concludit magnitudinem potentiae & virtutis in Eo, & istam conclusionem semper infert in toto Evangelio: finitque DEI Evangelium, in ascensione Ejus in cœlum, & sessione à dextris DEI, & quod Discipuli profecti prædicaverunt ubiq; Domino cooperante, & sermonem confirmante sequentibus signis. Sic ergo patet, quod est conclusio quam Marcus in Evangelio suo intendit, hominem scilicet Jesum esse & fuisse virtutum Dominum, & Imperatorem, & Regem omnium. Nam in hac conclusione finit Evangelium, & ipsam interfert in suo processu quasi per totum. Hanc autem conclusionem suo testimonio probat, narrando facta Illius hominis, & intendendo unum talem syllogismum: Ille homo cujus virtutem ac potestatem extendi vidimus ad omnem spiritum creatum & increatum: scilicet ad spiritum Propheticum, & Divinum, & Angelicum, & apostaticum, & quam extendi vidimus ad languores & infirmitates corporum, & quam extendi vidimus ad remissionem peccatorum, & ad infirmitates animarum: & quam extendi vidimus ad totam legem Mosaicam, & sabbatum immutandum: & quam extendi vidimus ad transferendum virtutem & potestatem in alterum, ut & ille similiter operetur virtuose, & quam extendi vidimus super mare & ventum, & super aquæ & aeris Elementum, & quam extendi vidimus ad mortis vinculum, & quorumcunq; viventium, five hominū, five brutorum: & quam extendi vidimus ad multiplicandum corporalem cibum, & alimenta panum: & quam extendi vidimus ad dispensandum super omnem statum humanum, & quam extendi vidimus ad restituendum auditum, & loquelæ instrumentum: & quam extendi vidimus ad illuminandum tam spiritualem quàm corporalem visum, & quam extendi vidimus ad naturam passibilem & impassibilem commutandum, & quam extendi vidimus non solum in propinquum, sed etiam ad omnem distantem locum, dum tamen inveniret fidelem hominem & credulum, & quam extendi vidimus ad interpretandum mandata legalia, & superaddendum perfectionis consilia: & quam extendi vidimus ad Regnum & thronum David obtinendum, juxta miraculosum clamorem populi, & juxta testimonium quod fuerat per Prophetas prædictum, & quam extendi vidimus ad convincendum potentiam, & omnem adversariorum astutiam & machinationem, & quam extendi vidimus ad præcognoscendum omnem futurorum eventum, & totum sæculi decursum usq; in finem, & quam extendi vidimus ad tolerandum summè, fortiter, & magnanimitè omne adversum, & præcipuè mortem amarissimum, quæ est ultimum terribilium, & quam extendi vidimus ad revolvendum proprium monumentum, & inde egrediendum, cū tamen verè mortuus fuisset, & quam extendi vidimus ad aperiendum cœlum, & ad sedendum super regale & generale gloriæ solium, & ad dexteram Patris. Ille utique homo verè fuit Rex virtuosissimus & Dominus omnium. Sed homo ille qui dictus est Jesus, habuit conditiones prædictas, igitur Ipse fuit omnium Dominus, & Rex virtuosus. Hanc minorem seriòse Marcus deducit, & quantum ad viginti conditiones Ejus, in Evangelio suo probat. Lucas autem, Apostoli Pauli Discipulus, qui in Achaia, Bithyniaq; partibus Evangelium Græcè condidit, intendit istam conclusionem, scilicet: quod Homo ille qui dictus est Jesus, fuit Salvator hominum, & medicus animarum: quod congruebat, quia erat arte medicus, ut dicit Hierony. Hinc est, quod in primo capitulo introducit Angelum dicentem: Vocabis nomen Ejus Jesum, id est, Salvatorem, & Zachariam Ei dicentem: Salutem ex inimicis nostris, & de manu omnium qui oderunt nos, & Angelum Evangelizantem: Natus est nobis hodie Salvator: & Simonem dicentem: Uiderunt oculi mei salutare Tuum: & ubiq; per totum Evangelium semper agit de illo homine, sub ratione qua Salvator est & medicus animarum. Unde solus Ipse narrat de Maria Magdalena, & solus Ipse ponit multas parabolas ad pietatem, & misericordiam, & remissionem peccatorum pertinentes: per quod patet, quod sua intentio principalis fuit probare conclusionem prædictam. Intendit igitur probare eam per talem rationem & syllogismum: Homo ille cujus ingressus & introductio, cujus etiam convictus & conversatio, cujus conatus & recollectio, cujus assatus & eruditio, cujus

Hierony. de  
viris illu-  
stribus.  
Lucæ 1. & 2.



discessus per mortē & consumatio, cuius regressus à mortuis & resurrectio fuit per modū cuiusdā spiritualis antidoti, & medicinæ salutaris omnium hominū: utique Homo Ille cēsendus est Salvator hominū, & medicus animarū. Sed ita fuit de illo Homine, qui dictus est Iesus: Ergo Ipse fuit spiritualis hominum medicus & Salvator. Minorem istius, quantum ad sex conditiones positas in majori, intendit Lucas deducere in suo Evangelio, & probare. Primò enim probat, quod huius hominis introductio, & ingressus fuit per modum cuiusdā Salvatoris mundi, & medicī spiritualis, & tractat de triplici introductione istius hominis. Prima quidē, in Uterum Maternum, per conceptū. Secunda in mundū, per nativitatem & ortum. Tertia, ad totū populū, circa annū tricesimū. Secundò probat, quod huius hominis conversatio, & convictus cum hominibus, fuit per modum veri Salvatoris & ostendit qualiter iste homo per sui conversationē & convictū exemplarem, nīsus est homines medicare & salvare: describens Eum fuisse exemplar omnis pœnitentiæ, exēplar omnis devotionis & latriæ, exēplar mititatis & paciētiæ, exēplar liberalitatis & beneficentiæ, exēplar humilitatis & benevolentiæ, exemplar veritatis & existētiæ, contra omnē hypocrisim: exēplar omnis perfectionis & superexcellentis vitæ, exemplar compassionis & misericordiæ atq; clementiæ, & ex his octo conditionibus patet, qualiter sua conversatio & convictus fuit ad medicandum & salvandum mundum. Tertio probat, quod illius hominis totalis conatus & recollectio fuit ad salvandum homines, &tribuendum eis spirituale medicinam, & ostendit qualiter Homo Ille conatus est ad salutem vocare & reducere homines per seipsum, & per alios, scilicet per duodecim Apostolos, & septuaginta duos Discipulos. Quarto probat, quod Hominis huius affectus & eruditio ostendit ipsum fuisse omnium hominum Salvatorem: quia tota sua eruditio ordinabatur ad pellendum peccata & morbos animarum, & ponit plures morales eruditiones, summè accommodè ad hominum salutem, & curationem, seu remotionem à vitijs, pertinentes. Quintò probat, quod illius Hominis discessus & consumatio per mortem, fuit verè medicinalis, & veri

Luca 22.

Salvatoris mundi. Unde introducit Eum dicentem: *Hoc est Corpus meum, quod pro vobis tradetur & hic est sanguis meus, qui pro vobis fundetur*, & plura alia verba clementiæ superius dicta. Sextò probat, quod istius hominis regressus ad nos & resurrectio, fuit veri Salvatoris mundi. Unde ostendendo quod Ipse erat verè iste qui omnium gentium erat medicus & Salvator, inducit quod, sicut

Luca 24.

scriptum est, *oportebat pati & resurgere Christum à mortuis tertia die, & predicare in nomine Ejus pœnitentiam & remissionem omnium peccatorum in omnes gentes*. Ioan-

Ioannes pro-

bat Christū

Dei filium.

nes verò, qui in Asia Evangelium Græcè scripsit, introducit istam conclusionē: quod homo ille, qui dictus est Iesus, fuit verè Filius Dei, quod nō debet intelligi quod sit Filius Dei per adoptionē & gratiam, habens humanā naturā: imò habēs in se verè illū, qui ab æterno fuit Filius à Patre genitus, in substantia Divina: nec debet etiā intelligi, quod sit homo ille Filius Dei, per cōversionē Deitatis in carnē, sed debet intelligi per assumptionē carnis à Filio Dei. Hanc cōclusionē probat multipliciter & deducit, & intēdēs rationē unā & unicū syllogismū ad eā probandā, sic arguit: Homo ille qui est verè media Persona intrinseca in Trinitate, & est Deo æqualis in autoritate, & est Deo æqualis in efficacia & salubritate, respectu hominum, & est Deo æqualis in illapso & immensitate, & est Deo æqualis in modo operandi, & activitate, & est Deo æqualis in reficiendo mentē, & in cordis societate & gratia, & est Deo æqualis in instruendo, & in veræ doctrinæ claritate, & est Deo æqualis in duratione & æternitate, & est Deo æqualis in honore & gloria, ac cultu, seu latriæ, & adorationis dignitate, & est Deo æqualis imò idē cū Patre in Essentia, & Maiestate, & est Deo æqualis in benevolentia ad hominē & pietate, & est Deo æqualis in Dominio & regni solennitate, & est Deo æqualis in amicitia & charitate, & est Deo æqualis in insistentia mutua in se invicē, & intimitate, & est Deo æqualis in cōferēda gratia nominibus, & influēda sāditate, & est Deo æqualis in sapiētiā, & sciētiæ luminositate, & est Deo æqualis in beatitudine, & æterna felicitate, & est Deo æqualis in paciētiā & longanimitate, & est Patri æqualis in producēdo spiritū, & inspirativa fecūditate, ille utique Homo est verè Filius Dei. Nā istæ decē & septē cōditiones intermediæ, probāt Ipsū esse verū Deū: prima verò cōditio & ultima, ostēdūt Ipsū esse verū Deū, Qui est Filius Dei: quia hæc duæ proprietates cōpetūt Filio. Sed



Sed Homo iste, qui dictus est JESUS, habuit supradictas decem & novem conditiones, ut manifesta experientia Joannem & alios Discipulos edocuit: Ergo ipse verè est Filius DEI. Probat ergo Joannes istas decem & novem conditiones fuisse in homine, Qui dictus est JESUS, secundum quod ipse verè expertus est. & ceteri discipuli qui fuerunt cum eo. Tandem conclusionem diffusè probatam infert, recolligit, & concludit, dicens: *Hæc autem scripta sunt, Joann. ult. ut & vos credatis, quia JESUS est Christus Filius DEI vivi, & ponit ulteriorem finem, ad quem ordinatur ista conclusio, subdens: Et ut Joannes sum credentes vitam habeatis in Nomine Ejus. Ultimo verò, tanquam Tagitur officio bellio & Notarius publicus, concludit, quod Ipse est Discipulus, ille & more nota qui testimonium perhibet de his, & scripsit hæc, & scimus, quia verum est & tabellæ testimonium Ejus. Ponitq; conditionem suam de familiaritate: quia recubuerat in sinu Ejus in cæna, Illius Hominis, & idcirco multa secreta didicerat, unde prædicta probantur, & notarius ille authenticus redditur & solennis. Ad hanc partem Sacræ Scripturæ testimonialem & Evangelicam, ascendendum est per ascensum scalarem & cælicum. Sunt enim Evangelia scala Jacob, quia eis inmittitur Dominus, & ibi reperitur: ibiq; videntur Angeli ascendentes, & descendentes: quia Divina opera, quibus voluit nobis condescendere, & nos in Cælum erigere, ibi per Evangelistas quasi per vera quatuor Cherubim, secundum Hieronymum differunt. De quo ascensu scriptum est in Genesi, quod vidit Jacob in somnis scalam, & cacum mea ejus tangens cælum, & Angelos DEI ascendentes, & descendentes, & Dominum ipsi scalæ inmixtum.*

*Hieronymus  
proamio  
in Matth:  
Genes. 28.*

## DE PENTECOSTE.

### CAPUT LXXXIV.

**D**IE verò Pentecostes, id est; quinquagesima à Resurrectione, sed *Alter. 2]* decima ab Ascensione Domini, narrat Dominus JESUS Patri de promisso suo, quod Discipulis fecerat de Spiritu, s. mittendo. Patre ergo gratum hoc habente, mittunt Spiritum Sanctum, ut ad Discipulos descendat, eosq; repleat & consoletur, roboret ac instruat, ac cumulum virtutum & gaudiorum eis conferat. Et statim paratus Spiritus Sanctus subito venit, & super eos descendit. Notandum autem, secundum Bedam, quod Dominus JESUS eundem Spiritum veritatis, & à se mittendum esse prædixit, & eundem mox à Patre procedere subjungit: non quia idem Spiritus aliter à Patre procedat, quam à Filio mittitur: aut alio tempore à Patre procedat, quam cum à Filio mittitur: sed ideo Filius eum à se mitti, & à Patre dicit procedere, ut aliam Patris, aliam esse suam personam designet, atq; in eadem distinctione personarum unam esse operationem, ac voluntatem suam cum Patris voluntate & operatione denunciet. Cum enim ejusdem Spiritus gratia datur hominibus, mittitur profecto Spiritus à Patre, mittitur & à Filio: procedit à Patre, procedit & à Filio: quia & Ejus missio est ipsa processio, qua ex parte procedit & Filio. Venit & sua sponte, quia sicut coequalis est Patri & Filio, sic eandem habet voluntatem communem cum Patre & Filio. Hæc Beda: Pentecoste interpretatur quinquaginta, & est Græcum vocabulum, sicut Parasceven & scenophegia. Judæi enim admixti Græcis, qui inter eos sicut ceteræ nationis conversabantur.

*Pentecostes.*

PPPPPP

cur



tur Græcis crebrò vocabulis utebantur. Est autem Pentecoste æquivocum ad quinquagenam, & Ejus solennitatem septem diebus protelata. Tria enim erant festa diebus septem durantia: scilicet Pascha, Pentecoste, & scenophegia: *Cum ergo complerentur dies Pentecostes*, id est; quinquagenæ à Resurrectione: & inchoarentur dies Pentecostes, id est; illius solennitatis septem diebus protelandæ: erant pariter in cœnaculo Montys Syon, ubi cœna facta fuerat, Discipuli ferè centum viginti utriusq; sexus congregati, in oratione perseverantes, & promissionem Sancti Spiritus expectantes. Duodenarius Ille Apostolorum numerus jam erat deculpatus. Et hora diei tertia factus est repente de Cælo id est; de aère, sonus, quia fragor quidam insonuit, *tanquam advententis Spiritus*, id est; flatus, *vehementis*: ut, *tanquam sit nota similitudinis*: ac si diceretur, venit Spiritus in similitudine venti vehementis: vel *tanquam Spiritus Sancti vehementis*, ut *tanquam*, sit expressivum veritatis, quia verè Spiritus Sanctus dicitur *vehemens*, quasi vehens nos à mente & à mētis affectibus alienās: vel, quasi vā adimens: id est; æternam damnationem auferens. Potest ergo ad sonum & ad Spiritum Sanctum referri, quod dictum est: *tanquam advententis Spiritus vehementis*, quia æquivocum est ad utrumq;. Venit in sono, ad terrendum rebelles: & in flatu, quia ab interiori procedit, ad vivificandum devotorum affectus. Et replevit, sonus Ille vel Spiritus Sanctus, totam domum ubi erant sedentes: id est; omnes in domo sedentes, implentes quod dictum fuerat eis à Domino: *Sedete in Civitate quoad-*  
*Luca 24. usque induamini virtute ex alto.* Hæc enim dona non nisi in unum congregatis per consensum, & ad superius sublevaris per desiderium, venire potuerunt. Et lingvæ divisæ sunt velut ignis, & apparuerunt illis dispersivæ lingvæ *tanquam ignis*: id est; radii ignei in modum lingvarum insidentes capitibus singulorum, ut ait Gregorius, *Greg. hom. 30. in Evan.* Bene in igne Spiritus apparuit: quia ab omni corde quod replet, torporē frigoris excutit: ex hoc in desiderio suæ æternitatis accedit *Origenes.* Unde & Origenes. Deus noster ignis consumens est, quādiu in nobis sunt quæ cōsumi digna sunt: cū autē consumpta fuerint, jam non *Hieron.* inest ignis consumens, sed illuminans. Unde etiam Hieron. Ignis duplicem naturam habet, quoniam & lucet & urit: sic & DEUS lucet *Psal. 77.* iustis, & peccatores incendit. Insuper & septem dona Spiritus Sancti congruè demonstrantur in igne. Spiritus enim Sanctus instar ignis: primò purgat, per donum timoris: secundò liquefacit per donum pietatis: tertio, decorat, per donum scientiæ: quartò, consolidat, per donum fortitudinis: quinto, elevat, per donum consilii: sexto, illuminat, per donum intellectus: septimò, dulcorat, per donum sapientiæ. Primus effectus ignis patet in veste salamandræ: secundus in cera, tertius in metallis, quartus in lateribus, quintus in vaporibus, sextus in lucernis, septimus in cibis. Et sic repleti sunt omnes Spiritu Sancto: & deinde: *ceperunt loqui variis linguis*, secundum inpetum Ejusdem Spiritus Sancti, & *prout Ipse Spiritus Sanctus dabat eis* pronuntiare, & *loqui*: qui dividens singulis prout vult, & spirans ubi vult, quando vult, quomodo vult, & quibus vult radio solamine scientiæ omnem eos veritatem edocuit: & inextingvibili veritatis ardore, ad omnem dilectionem accendit, & invincibili vi fortitudinis in omni virtute firmavit, inspirans illis omnium lingvarum noticiam: juxta quod legitur in sapientia,  
*Spiritus*



*Spiritus Domini replevit orbem terrarum, & hoc quod continet omnia, Sapient. 1.*  
 scilicet homo conveniētiā habens cum omni creatura, & propter  
 quem facta est omnis creatura, scientiam habet vocis, id est; linguarum.  
 Ac si diceretur: Spiritus Sanctus replens orbem terrarum, dedit Di-  
 scipulis scientiam linguarum, ut lingvis omnium gentium loque-  
 rentur. Tunc enim Ecclesia in una gente erat; cumq; loquerentur  
 linguis omnium, significabatur, quod Ecclesia crescendo per omnes  
 gentes lingvis omnium locutura esset, quia jam Ecclesia lingvas  
 omnium habet. Ubi ergo jam omnes lingvæ loquebantur, omnes  
 lingvæ credituræ ostendebantur. Ipsa autem species creaturæ in  
 qua Spiritus Sanctus visibiliter descendit, ad quem usum tunc in  
 Apostolos descenderit expressit: ut scilicet ori verbum, intellectui  
 lucem, & affectui ardorem, & cordi robur ministraret. Lingva  
 enim verba explicat, ignis verò illuminat, calefacit, & testam ro-  
 borat. Sed ad alium usum, scilicet ad relaxandum peccata datus  
 fuit, quando post Resurrectionem suam Dominus Apostolis insuffla-  
 vit, & dixit: *Accipite Spiritum Sanctum: quorum remiseritis peccata, re-*  
*mittuntur eis: & quorum retinueritis, retenta erunt.* Ubi notandum,  
 quod Spiritus Sanctus bis missus est super Christum, & bis super di-  
 scipulos. Super Christum quidem & in specie columbæ in baptismo,  
 & in specie nubis in transfiguratione, quia gratia Christi, quæ datur  
 per Spiritum Sanctum, derivanda erat ad nos per propagationem  
 gratiæ in Sacramentis: & sic descendit in specie columbæ, quæ est  
 animal fecundum: & per doctrinam, & sic descendit in nube lucida.  
 Unde & ibi ostenditur Doctor: *Ipsū inquit, audite.* Super Aposto-  
 los autem primò descendit in statu, ad significandum propagatio-  
 nem gratiæ in Sacramentis, cujus Ipsi Ministri erant: unde dicitur:  
 quorum remiseritis peccata, remittuntur eis: secundò, in lingvis:  
 ad significandum propagationem gratiæ per doctrinam. Unde post-  
 quam repleti sunt omnes Spiritu Sancto, statim ceperunt loqui variis  
 lingvis. Bis ergo secundum Gregorium. Scriptum legimus Apo-  
 stolos manifesta donatione Spiritum Sanctum accepisse: primū,  
 Domino consistente in terra, per insufflationem: postmodum præ-  
 sidente in Cælo, in variis lingvis per ignem: quia charitas, quæ in  
 cordibus per Spiritum Sanctum diffunditur, duobus præceptis, sci-  
 licet dilectione DEI & proximi impletur. In terra datur Spiritus,  
 ut diligatur proximus: & Cælo datur Spiritus, ut diligatur DEUS.  
 Et sicut una est charitas & duo præcepta: ita unus Spiritus, & duo da-  
 ta. Et quia per dilectionem proximi, pervenitur ad dilectionem  
 DEI: rectè primò datur Spiritus in terra, & postmodum & Cælo. Si-  
 cut enim ait Joannes, *Qui non diligit fratrem suum quem videt, DE-2.* Joann. 4.  
*UM quem non videt, quomodo diligere potest?* Insuper etiam datus est  
 Apostolis Spiritus Sanctus ante Passionem ad purgandum, quando  
 fuerunt baptizati & ad faciendum miracula quando ad prædican-  
 dum sunt missi: & dictū est eis: ærgos sanate, & dæmones eiicite, mor-  
 tuos suscite. Unde Hieronymus. Ego quidem audacter pronun-  
 cio, Apostolos ex eo tempore quo crediderunt Domino semper  
 Spiritum Sanctum habuisse, nec absque Ejus gratia signa facere po-  
 tuisse: sed Eum pro modulo atq; mensura recepisse. Primò autem  
 die Resurrectionis Ejus acceperunt gratiam Sancti Spiritus, quā pec-  
 cata dimitterent & baptizarent, ac Spiritum adoptionis credenti-  
 bus traderent. Die verò Pentecostes Ejus ampliùs repromissum est.

*Species effe-  
ctus cōgruit*

*Joann. 20:  
Spiritus S.  
bis missus sit  
per Christū,  
& toties su-  
per discipu-  
los Mar. 9.*

*Grego. hom.  
39. in Evā.*

*Joann. 4.  
Marc. ult.*

*Hieronymus  
quest. 9. ad  
Hedibiam,  
Tom. 30*



videlicet quodd virtutem ex alto reciperent, qua & Evangelium Chri  
 Leo. ser. 2. sti cunctis gentibus predicarent. Unde Leo Papa: Non igitur am-  
 de Pentecost. bigamus, quodd cum in die Pentecostes implevit Discipulos Domini

Spiritus Sanctus, non fuit huius inchoatio muneris, sed adjectio lar-  
 Spiritus S. gitatis. Nam & Patriarchæ & Sacerdotes, omnesq; priorum tem-  
 non nū pri- porum Sancti sunt Ejusdem Spiritus Sancti Sanctificationem vege-  
 mum datus. tati: & sine hac gratia nulla unquam sunt instituta Sacramenta, nul-  
 laq; celebrata mysteria, ut eadem semper fuerit virtus charisma-

tum, quamvis non eadem fuerit mensura donorum. Hæc Leo:  
 Spiritus S. Et sciendum, quodd Spiritus Sanctus datur, seu mittitur visibiliter &  
 promissio invisibiliter. Visibiliter, cum in aliquo signo visibili demonstratur.  
 duplex.

Matth. 37. Est autem in quintuplici specie demonstratus. Primò, in specie co-  
 Marci 17. lumbæ super Christum baptizatum. Secundò, in specie nubis lu-

Joann. 2. cidæ, super Christum transfiguratum. Tertio, in specie status, quan-  
 do insufflavir & dedit Spiritum Sanctum ipso die Paschæ. Quarto,

Actor. 2. in specie ignis & lingvæ: in qua duplici specie apparuit hodierna  
 die. Invisibiliter autem mittitur, cum ad Sanctificandum creatu-

Joann. 3. ram mentibus castis illabitur. Unde dicitur: *Spiritus ubi vult spirat,*  
*& vocem Ejus audis, sed nescis unde veniat, aut quo vadat.* Nec mi-

Bernar. ser. rum: quia dicit Bernardus: De verbo invisibili per oculos non in-  
 74. in cati. travit, quia non est coloratum: sed neq; per aures, quia non inso-

nuit: neq; per nares, quia non aëri miscetur, sed menti: neq; per  
 fauces, quia non est mansum, id est: comestum vel austum, nec ta-  
 ctu comperi illud, quia palpabile non est. Quæres igitur cum sint  
 investigabiles viæ Ejus, unde illud adesse noverim? Nempe ex mo-  
 tu cordis intellexit præsentiam, & ex fuga vitiorum carnaliumq;  
 compressione affectuum adverti potentiam virtutis Ejus: & ex di-  
 scussione sive redargutione occultorum meorum admiratus sum  
 profunditatem sapientiæ Ejus: & ex quantulacunq; emendatione  
 morū eorū, expertus sum bonitatē mansuetudinis Ejus: & ex refor-  
 matione & renovatione spiritus mētis meæ percepi, utcunq; speciem  
 decoris Ejus: & ex contuitu omnium horum simul, expavi multi-

Chrysostom. tudinem magnitudinis Ejus. Hæc Bernardus. Unde & Chrysost.  
 homil. 3. Si quando boni aliquid cogitamus, sciamus quia Spiritus Sanctus ha-  
 bitat in nobis: si verò aliquid mali, signum est quodd Spiritus Sanctus  
 in Matth. recessit à nobis. Unde etiam Augustinus: Primis temporibus cessa-

Aug. serm. bat super credentes Spiritus Sanctus, & loquebantur lingvis quas  
 12. de ad- non didicerant, quomodo Spiritus Sanctus dabat eis pronuntiare.  
 ventu Spi- Signa erant tempore opportuno. Oportebat enim ita significare  
 ritu Sancto in omnibus lingvis Spiritum Sanctum, quia Evangelium DEI per  
 omnes lingvas cursurum erat toto orbe terrarum. Significatum

est illud & transiit. Si ergo per hæc miracula non fiat modo testi-  
 monium præsentia Spiritus Sancti, unde sit, unde cognoscat quisq;  
 accepisse se Spiritum Sanctum. Interroget cor suum, si diligit fra-  
 trēm, manet Spiritus DEI in illo. Videat, propter seipsum coram  
 oculis DEI. Videat si est in illo dilectio pacis & unitatis & dilectio  
 Ecclesiæ toto terrarum orbe diffusæ. Non attendat Eum solum  
 diligere fratrem, quem attendit ante se. Multos enim fratres no-  
 stros non videmus, & in unitate Spiritus illi copulamur. Quid mi-  
 rum: quia nobiscum non sunt? in uno corpore sumus, unum caput  
 habemus in Cælo: ergo si vis nosse, quia accepisti Spiritum Sanctum,  
 interroga Cor Tuum si est Tibi dilectio fratris: securus esto, non  
 potest



potest esse dilectio sine Spiritu DEI: quia Paulus clamat: *Claritas DEI diffusa est in cordibus nostris, per Spiritum Sanctum, qui datus est nobis.* Hæc Augustinus. Missio ergo Spiritus Sancti invisibilis sit in habitatione creaturæ rationalis, sed missio visibilis sit ad inhabitationem demonstrandam aliis. Et notandum quod Spiritum Sanctum alicui inesse certitudinaliter scire non possumus: quia Spiritus ubi vult spirat, & nescis unde veniat, aut quod vadat. Cōjectura-  
liter tamen possumus colligere aliqua signa per effectus, ex qui-  
bus utcumq; conicere possumus Spiritum Sanctum alicui adesse vel  
inesse: & hoc differenter, secundum triplicem statum, scilicet inci-  
pientium, proficientium, & perfectorum. Nam secundum cujus-  
libet status exigentiam, Spiritus Sanctus diversimodè in homini-  
bus operatur. Nam Spiritus Sanctus spirat, & replet. Spirat, quod  
ad incipientes; inhabitat quod ad proficientes: & replet, quod ad per-  
fectos. Signa autem Spiritus Sancti quibus spirat, quod ad incipi-  
entes, secundum Bernar. Tria sunt. Primum, est dolor de culpa præ-  
terita: quia Spiritus Sanctus odit sordēs, nec habitare potest in cor-  
pore subdito peccatis. Secundum est firmum propositum caven-  
di futura cum effectu: quod nullatenus haberi potest conatu pro-  
prio, sine Spiritu Sancto per gratiam assistente, & infirmitatem no-  
stram adjuvante. Tertium, est promptitudo boni: quia, secundum  
Gregorium, Amor DEI qui est Spiritus Sanctus, nunquam est oci-  
osus: operatur enim magna, si est. Quod ad proficientes verò sunt  
tria alia signa, quibus conicitur Spiritum Sanctum eos inhabitare.  
Primum, est frequens & injusta conscientie examinatio, non so-  
lùm de peccatis mortalibus, imò de venialibus: quia sicut Spiritus  
Sanctus opponitur peccato mortali, ita fervor charitatis qui est à  
Spiritu Sancto, opponitur peccato veniali, ut ipsum ab anima ex-  
pellat, ne Spiritui Sancto displiceat. Secundum signum, est con-  
cupiscentie diminutio: quantò enim in proficiente charitas semper  
augetur tantò cor à temporalibus elongatur. Unde dicit August:  
Quod charitatis venenum, est concupiscentia temporalium: & unri-  
mentum charitatis, est diminutio cupiditatis. Tertium signum, est  
studiosa mandatorum observatio: quia observatio mandatorum si-  
ne vera dilectione esse non potest. Et ponit de hoc exemplum  
Augustin. Quis est, inquit, qui dicit diligo Imperatorem: sed odi  
legem suam? Si ergo te dicis diligere DEUM, mandata Ejus ob-  
serva. Quod ad perfectos autem sunt alia tria signa, ex quibus con-  
jecturatur Spiritus Sanctus eos replevisse. Primum est, Divinæ ve-  
ritatis manifestatio, cum enim Spiritus Sanctus, sit Spiritus verita-  
tis, proprium est sibi docere omnem veritatem: & ideo in quocumq;  
fuerit Spiritus Sanctus, per aliquas revelationes Divinorum secre-  
torum se pandit, & Et tanquam amico secreto communicat. Se-  
cundum signum est, nihil timere solum DEUM: perfecta enim cha-  
ritas foras mittit timorem: hæc enim nihil pœnale habet, timor au-  
tem pœnam habet. Unde Apostolus: *Ubi Spiritus Domini, ibi liber-  
tas:* libertas autem non stat cum timore servili. Tertium signum  
est, desiderium dissolutionis: ut videlicet homo ex vehementia  
Divina amoris cupiat dissolvi & esse cum Christo: quia Spiritus S.  
levat mentem ad desiderium supernorum. Felix ergo anima, quæ  
cupit dissolvi & esse cum Christo: quoniam certissimum habet si-  
gnum quod Spiritus Sanctus eam repleverit. Præter prædicta au-

Rom. 8.

Signa præ-  
sentia Spi-  
ritus S.

Bernar. ser.  
74. in cant.

Grego. hom.  
30. in Exod.

2. Cor. 3.

Philipp. 1.  
Signa aliq.



tem signa sunt alia tria per quæ quis potest conicere se Spiritum Sanctum habere. Ideo enim Spiritus Sanctus in triplici signo apparuit, scilicet in specie nubis, super Christum transfiguratum, in specie columbæ, super Christum baptizatum: & in specie ignis, super Apostolorum Collegium congregatum. Primum ergo signum, est abundantia lachrymarum, & ideo apparuit in specie nubis, sicut enim adveniente Austro nubes resolvuntur in pluvias, sic adveniente Spiritu Sancto, mentes resolvuntur in lachrymas. Secundum signum, est dimissio injuriarum, ideo apparuit in specie columbæ, quæ felle caret. Tertium signum, est desiderium supernorum, ideo apparuit in specie ignis, sicut enim ignis sursum tendit, sic Spiritus Sanctus corda sursum elevare facit. *Erant autem Judæi viri religiosi in Hierusalem, & Judæa habitantes, & præter illos multi alii ferè, ex omni natione quæ sub Cælo est, supervenientes: quia multis captivitatibus Judæi dispersi fuerant, & modo ordinate DEO ad diem festum omnes convenerant.* Audito ergo fragore & sono venti, qui supra cœnaculum in aëre sonuerat interim qui per totam Civitatem audiri poterat, convenerunt omnes ad Discipulos: & mirati sunt, quia audiebat unusquisque lingua sua illos loquentes. Alii autem irridebant eos, dicentes, quia musto pleni essent, id est; vehementer ebrii, quia vehementior est ebrietas de musto, quoniam de vino defecato. Et quamvis hoc irridendo dicerent, tamen verum erat: quia non vino veteri (quod in nuptiis fuit) sed musto gratiæ spiritualis erant impleti. De quo dicitur alibi. *Nemo mittit vinum novum in utres veteres.* Tunc surrexit Petrus cum undecim, ostendens eos non ebrios, cum esset hora diei tertia & nondum esset tempus concedendi, nec solebant inebriari jejuni: sed potius Spiritu Sancto repletos, & Prophetarum esse à Joël Spiritus Sancti adventum super homines, tunc ergo Christus quia ascenderat dedit dona, id est; Spiritum Sanctum hominibus, quia omnia nostra bona de sursum sunt, quod Ipse ascendit. Tunc implevit quod ante passionem promiserat, dicens: *Si ego non abiero, Paracletus non veniet ad vos, si autem abiero, mittam Eum ad vos.* Si carni carnaliter adhæseritis, capaces Spiritus non eritis. Sensus est: Non potestis plenè capere Spiritum, quamdiu secundum carnem sum vobiscum. Unde ille qui jam ceperat Spiritum, ait: *Ei si noveramus secundum Carnem Christum: sed nunc jam non novimus.* Ubi attendat carnalibus desideriis, & delectationibus, dedit verbum Bernardi dicentis. Si Apostolici carni adhuc Dominicæ adhærentes, quæ sola Sancta: quia Sancti Sanctorum erat: Spiritu Sancto repleti nequiverant, donec tolleretur ab eis: ut carni tuæ, quæ sordida est, & diversarum spurcitiarum phantasiis repleta, adstrictus & conglutinator, illum veracissimum Spiritum te posse putas suscipere: nisi istis carnalibus consolationibus funditus renuntiare tentaveris? Revera cum inceperis, tristitia implebit cor tuum: sed si perseveraveris, tristitia tua convertetur in gaudium. Tunc enim purgabitur affectus, & voluntas renovabitur: vel nova creabitur: & erit ut quæ prius difficilia, imò impossibilia videbantur, cum multa percurrant dulcedine & aviditate. Hæc Bernardus. Si ergo delectationes spiritus desideras, delectationes carnis respuere debes, quia ut ait Gregorius. Si carni quodlibet abscondimus, mox in spiritu quod delectat invenimus. Sed heu pauci sunt spirituales hodie, & delectationes spiritus delectati-

Musti ebri-  
atio.

Marci 2.  
& Luca 5.  
Joël 2.

Joann. 16.  
Carnales nō  
sunt Spiritus  
Sancti  
capaces.  
2. Cor. 5.

Bernardus  
de Ascen-  
sione Dom.

Gregorius  
homil. 30.



Stationibus carnis perferentes: licet multi deferant habitum spiri-  
 tualem. Possunt autem spirituales & carnales cognosci, ex verbis *Rom. 8.*  
 Apostoli dicentis: *Qui secundum carnem sunt, quæ carnis sunt sapient: Spirituales*  
*qui vero secundum spiritum, quæ spiritus sunt sentiunt. Specialiter ta- hominis*  
 men ex quibusdam probatur homo verè spiritualis, videlicet, si tam *signa.*  
 citò & tantum fugit locum ubi lædi ponunt in spiritu, sicut ubi  
 offendi potest in corpore: & si tam libenter studet medicari spiri-  
 tui, sicut corpori: quia quantò dignior est Spiritus corpore, tantò  
 magis cavendum est spiritui, quoniã corpori à læsione. Item si cibus  
 spiritualis, sive sit oratio, sive prædicatio, sive scriptura, sive lectio,  
 sive Corpus Christi, sive divinum officium, tantum delectat & con-  
 fortat Spiritum, sicut corporalis cibus corpus: & si tam invitus ne-  
 gligit tempus cibi spiritualis, sicut tempus cibi corporalis. Item si  
 tam diligens est circa spiritum, sicut homo carnalis circa carnem.  
 Solliciti enim sunt homines carnales, ut in singulis temporibus ha-  
 beant necessitates corporis in victu & vestitu, hyeme & æstate co-  
 petentibus, ita spiritualis homo sollicitari debet quã gratiã indige-  
 at in adversitate, & quã in prosperitate: quã egeat ad amicos, &  
 quã inimicos: quomodo habeat se solus cum DEO, & quomodo  
 inter homines conversando: & sic de cæteris. Sed quis est hic, &  
 laudabimus Eum? Quamvis enim aliqui hujus temporis Viri bona  
 operentur, dimidii tamen operis sunt. Quia alii largitatis grati-  
 am sunt adepti, sed carnis incontinentia sunt lubrici. Alii verò cor-  
 pore quidem sunt casti: sed avaritiæ æstibus sunt cupidi. Alii au-  
 tem gratiam lenitis habentes, sed rancore animi sunt pusillanimes.  
 Alii verò non recordando injurias suas citò ignoscunt, sed minus  
 cautè cor custodiendo citiusq; irascendo rixas provocant. Alii  
 quod DEUS singulis largiendo donavit, in hoc quasi proprio labo-  
 re acquirentes gloriantur. Alii corpus in abstinencia affligunt: sed *Mich. 7.*  
 superbiam, avaritiam, invidiam, & alia nefanda admittunt: vel *Spiritualis*  
 detrahendo proximo quasi carnes illius cum sanguine comedunt *homini ne-*  
 Et sic in multis hodie, qui optimus in eis est, quasi palinurus: & re- *cessaria sunt*  
 Ætus, quasi spina de sepe. Sciendum autem quòd plura sunt neces- *plura.*  
 saria homini volenti proficere, & in vita spirituali DEO servire.  
 Primum est, clara & perfecta notitia suorum defectuum & infirmi-  
 tatum. Secundum est, ira magna & fervens contra suas natura-  
 les malas inclinationes & voluntates. Tertium est, timor magnus,  
 quem debet habere de offensis hætenus contra Deum factis. Quia  
 non est certus, an bene satisfecerit, & sic cum DEO pacem fece-  
 rit. Quartum est, magnus timor & tremor qui debet esse in ipso,  
 ne per suam fragilitatem relabatur iterum in similibus, vel majori-  
 bus peccatis. Quintum est, fortis disciplina, aspera correctio ad  
 regendum quinque sensus corporales, & totum suum corpus sub-  
 jugandum in obsequium JESU Christi. Sextum est, vitare virtu-  
 osæ omnem personam & omnem aliam creaturam, quæ impellit  
 eum non solum ad peccatum, sed etiam ad aliquam imperfectionem  
 spiritualis vitæ, sicut unum dæmonem infernalem. Septimum est,  
 dulcis & continua recordatio beneficiorum DEI quæ hætenus re-  
 cepit quotidie, & quotidie recipit à DEO JESU Christo, cum  
 gratiarum actione. Octavum est, nocte & die stare in oratione.  
 Nonum est, quòd portet super se Crucem Christi, quæ quatuor ha-  
 bet brachia, quorum primum est, mortificatio mortalium vitiorum  
 secundum, delectatio omnium bonorum temporalium: tertium, præ-



*Spiritus S.  
effusio.*

cisio omnium affectuum carnalium amicorum: quartum, sui ipsius contemptus & abominatio & annihilatio. Discipuli itaq; Spiritus Sancti virtute docti & illuminati, accensi & adjuti confortati, & roborati & cōsolati, & omni gaudio repleti cū pauci essēt & simplices, totū mūdū cōcusserūt, & pro magna parte subjecerūt, partimq; verbis ignis, partim perfectis exemplis, partim mirandis prodigiis, per totum mundum Ecclesiam plantaverunt: quæ & ejusdem Spiritus Sancti virtute purgata, illuminata atq; perfecta, amabilis facta est sponsa Ejusq; paraquymphis, ut speciosa nimis mira; varietate circumdata. Satanæ verò & Angelis ejus terribilis ut castrorum acies ordinata. *Profecti*, quidem sunt, non tam passibus pedum, quoniam passibus virtutum, enim supra dictum Christi mandatum, non immediatè post ascensionem, sed post Sancti Spiritus acceptionem: nec statim accepto Spiritu Sancto divisi sunt per mundum, sed perduraverūt adhuc circiter duodecim annis in Judæa: & deinde solennis divisio eorum facta est per orbem universum, cum eatenus tantum in judæa prædicassēt: sicq; *profecti* & divisi: *prædicaverunt*: intelligenda, credenda, agenda, & appetenda. *ubique* per orbem universum: *Domino*, sine quo nihil facere poterant, *cooperante*: hoc est virtutem operis ministrante: & *sermonem confirmante*, *sequentibus signis*: ut in virtute Nominis IESU Christi imperarent omnibus creaturis & morbis. Nam ut prædicationis eorum doctrina credibilis fieret & firma adhibita sunt signa & miracula, sermo enim quī super naturā & rationem est, non nisi signis confirmari potest. Unde Greg. Preceptum obedientiæ sequitur, obedientiam signa comitantur. Sicut verò tunc confirmata est prædicationis signis: ita nunc quemlibet prædicatorum sermonem confirmare oportet signis bonæ operationis. Unde Theophilus. Sciendum autem est & hoc, quod nunc sermo per opera confirmatur, sicut in Apostolis tunc opera confirmabant sermonem sequentibus signis. Fiat autem o! Christe, ut nostri sermones quos de virtute dicimus, per opera confirmentur & actus: ut tandem si nus perfecti Te cooperāte in omnibus verbis & operibus, quia Te decet sermonū & operū gloria, cū sis virtus Dei & sapientiæ in sæcula sæculorū. Hæc Theoph. Et tūc impleta est prophetia quæ

*Psal. 18. ait: In omnē terrā exivit sonus eorū: & in fines orbis terra verba Eorū.* Seminavit quidē igneus, ac sanctificus Spiritus & Apostolorū corda sermones, & ut sapiēs, adinventor duodecē tibias fidei in organo positas nono statu implevit: diversisq; spiritualibus currēs in fistulis Apostolicis cūctis verba Divinæ virtutis sparsit, omnes gētes delectabile invatavit ad lonū, & Trinitatis prædicavit mysteriū. Igitur effectus & fructus nō modicus, ex hoc subsecutus, ostēditur quā magna veneratione sit digna solennitas hodierna. Unde Greg. Pēstate fratres charissimi, post incarnationē unigeniti Filii Dei, qualis sit hodierna solennitas de adventu Spiritus Sanctus. Sicut enim illa, ita quoq; & hæc est honorabilis. In illa quippe DEUS in se permanens suscepit hominem, in ista verò homines venientem de super susceperunt DEUM. In ista DEUS naturaliter factus est Homo: in ista homines facti sunt per adoptionē dii. Pensate quanta sit ista solennitas, habere in cordis hospitio adventum Dei. Tergat ergo sordes pravæ

*Pentecostes  
solennitas.*

*Greg. hom. 30. in Evan.* operis: quod Deo preparat domum mentis. Hæc Gregor. Et notandum quod non statim post ascensionem, sed post decē dies misit Spiritum Sanctum. Primo, ut Apostoli jejuniis & orationibus se aptos Ejus adventui prepararent. Secundo, quod hi Spiritum Sanctum perciperent, qui decem præcepta explerent.

*Missio Spi-  
ritus S. cur  
dilata.*

Misit



Misit autem quinquagesimo die à Resurrectione: ut sicut populus Judæorum Cur quinquagesimo die accepit legem timoris: ita populus fidelium post liberationem suam à mundo, quinquagesimo die accepit legem amoris. In jubileo etenim, id est, in quinquagesimo anno, recepit populus Judæorum libertatem amissam & hereditatem: ita hac die recepit populus Christianus libertatem amissam, & Paradisi hereditatem. Dies ergo Pentecostes erat apud Judæos celebris: quia tunc descendit Dominus super montem Sinai in flamma ignis, & cunctis audientibus dedit legem Ejs. Ita quinquagesimo die à Pascha Spiritus Sanctus in monte Sion, super Discipulos in linguis igneis descendit, & legem novam gratiæ spiritualis eorum mentibus impressit. Unde Beda: Hæc nimirum solennitas non tantum charismatibus consecrata est Evangelicis, verum etiam legalibus iam olim est præsignata mysterijs: ac Domino jubente per omnes annos sacris observata ceremonijs. Liberati quippe ab Aegyptiaca servitute filij Israel, per immolationem agni paschalis exierunt in desertum, ut venirent ad terram repromissionis: perveneruntque ad montem Sinai: & descendens Dominus in igne super montem quinquagesima die paschæ peracta, legis decalogum Ejs disposuit: & in memoriam datæ legis statuit eo die per annos singulos sacrificium sibi de frugibus ejusdem anni ad altare deferri: quæ autem sit agni paschalis immolatio, quæ Aegyptiæ servitutis absolutio, cunctis legentibus liquet: quia videlicet pascha nostrum immolatus est Christus, & Ipse verus est Agnus, Qui abstulit peccata mundi: Qui sui sanguinis precio nos à peccatorum servitute redemit: suæ Resurrectionis exemplo nobis spem vitæ & perpetuæ libertatis ostendit. Quinquagesimo ergo die post occisionem agni data est lex, descendente Domino super montem in igne: & quinquagesimo æquæ die post Resurrectionem nostri Redemptoris, data est gratia Spiritus Sancti Discipulis in carnaculo constitutis. Et hic autem altitudo carnaculi, & ibi cacumen montis sublimitatem præceptorum, & donorum indicat celestium: & quia nemo infimis adhuc desiderijs inhærens, vel Divinis obtemperare mandatis, vel supernis possit dignus existere donis. Hæc Beda. Sic ergo Spiritus Sancti missio fuit in legis datione præfigurata, & festum Pentecostes, quod modo peragitur ab Ecclesia, olim quasi figuraliter peragebatur à synagoga. Quinquagesima ergo die, postquam Judæi de Aegypto exierunt, decem præcepta in monte Sinai à Domino receperunt: ita quinquagesima die, postquam nos fuimus ab inferno liberati, receperunt Discipuli gratiam Spiritus Sancti. Istud etiam præfiguratum fuit in superabundantia Olei, quoddatum est pauperculæ viduæ per preces Helizæ, qui misericordiæ motus super pauperulam, impetravit. Et à Domino Olei abundantiam. Per viduam istam designatur Sancta Ecclesia, quæ oblato Sponso suo Christo videbatur tanquam vidua, sed Dominus misericordiæ motus dedit ei Olei abundantiam: hoc est Spiritus Sancti gratiam, & linguarum intelligentiam. Istud miraculum de intelligentia linguarum quasi per figuram Deus præmonstravit in eo quodd in ædificatione turris Babel, diversas linguas creavit. Tunc enim unam linguam in diversas mutavit: modo unicuique intelligentiam omnium illarum dedit. Nec miraculum istud nunc fecisset, si divisionem linguarum tunc non præmisisset. Et sicut tunc per linguas confudit ædificantes: ita nunc per linguas confudit judæos: qui multum confusi fuerunt, quando tam grande miraculum, audiverunt. In hac ergo solennitate laudemus totis viribus Dominum: exultemus & latemur in Eo: quia inde fructum non modicum, nos qui ad fidem venimus consecuti sumus. Non solum autem hominibus gaudium in hac solennitate provenit: sed & beatæ Virginis gaudium inde incrementum accepit. de qua Ansel sic ait: Maria. Sed & gaudiorum suorum magnitudo non nihil incrementi accepit cum veniente super Discipulos Spiritu sancto, mox ad prædicationem illorum fidem filij sui tanta hominum multitudo suscepit. Ibi namque excepto gaudio, quod de salute generis homani in istorum conversione concipiebat, intellexit filium suum non fuisse gratis, id est frustra mortuum: cum tam efficaciter videbat operari fidem mortis Ejus, etenim in Ejs qui actores illius extiterant, Genus humanum ad salutem vocari videbat, cujus rei gratia filium de se in-

Legalis  
Pentecostes  
mysteria.  
Beda in hō.

Figura

3. Reg. 17.

Gen. 11.

Exultatio  
nostra

Exultatio

Maria.

Ansel. de

excellentia

B. Virginis



- corporeum, & in Cruce passum antè intellexerat: quapropter lætabatur quòd spes, quam antè conceperat, iam in rem veram transibat. Gaudebant & gaudent homines: quia quod amiserunt, centuplicati precij fanore recipiunt: corruerunt serui, resurgunt fratres & filij. Hæc Anselmus. Et quamvis præcipuè & specialiter in solennitatibus, nihilominus tamen semper & momentis omnibus Deum laudare debemus. Nam (ut dicit Gregor.) Mirum est, quòd homo semper Deum non laudat: quia quælibet creatura ad Deum laudandum nos invitat. Ad hoc autem nobis valde est necessaria Spiritus Sancti gratia. Unde Bern. Si quis torpet de DEI laude, certissimum habet in se experimentum, quod non habet in se Spiritum sanctum: quia ubi Spiritus Sanctus inhabitat, laudem DEI excitat. Invocantes ergo Spiritum Sanctum, semper laudemus Deum: ad hoc enim facti sumus, ut Deum sine fine laudemus, sicut superni cives semper Deum laudant: & continuè ubi semper dies lætitiæ, & nunquam deest solennitas, & gratiarum actio, & vox laudis. Scriptum est enim: *Beati qui habitant in domo tua Domine, in secula seculorum laudabunt Te.* Hoc maxime veri Monachi faciunt, qui die ac nocte psallunt. Unde Hieronymus: Monachi debent habere puritatem Martyrum, siquidem & Ipsi martyres sunt. Quòd enim faciunt Angeli in cælis, hoc Monachi psallentes die ac nocte faciunt in terris. Hæc Hieronymus. Et maxime assimilant nos cælestibus, quamvis adhuc in terris peregrini simus. Unde Bern. Nihil ita propriè quendam terris repræsentat cælestis habitationis statum, sicut alacritas laudantium Deum, dicente scriptura: *Beati qui habitant in domo tua Domine, in secula seculorum laudabunt Te.* Hæc Bernardus. Festinemus igitur & nos ingredi in illam requiem, ubi tanta superabundat indefinenter lætitia, & ad patriam nostram totis conatibus suspiramus. Mæsti in sæculo, quia peregrinamur à Domino, qui enim nō peregrinatur à corpore suo peregrinatur à Domino. Multo autè melius est, dissolvi à Corpore, & adherere Deo. Odiamus ergo huius miseri putredi Corporis nostri compagem, & ei curam in desideriis non faciamus: & quod hic nos detinet carceratos & peregrinos à tanto bono. Quia secundum Apostolum, *Quamdiu in hoc Corpore sumus, peregrinamur à Domino:* dicamusque cum eodem Apostolo, *Cupio dissolui, & esse cum Christo.* Et iterum: *Infelix ego homo, quis me liberabit de Corpore mortis huius?* Desideremus Ejus dissolutionem & eam continue à Domino postulemus quia per nos eam consequi non valeamus. Et interim saltem moriamur mundo, & pompis, ac concupiscentijs Ejus, & abstrahamus nos corde forti & perseveranti ab his rebus caducis, & à miserijs brevibus & levibus harum rerum visibilium solatiunculis, quæ animas nostras vitijs inficiunt, & virtutes à nobis excludunt: quia secundum Greg. concupiscens visibilia invisibiles virtutes amittit. Et secundum Chrysost. nulla res sic præpedit virtutem, sicut voluptas corporalis. Unde & Leo Papa: Hoc maxime interiora hominis corrumpit, quod exteriora delectat, & tantò rationalis anima purgatio, quantò fuerit substantia carnis afflictior. Et breviter (ut ait August.) cætera creatura vilescat, ut solus Creator in corde dulcescat. Nam secundum Apostolum, *vanitati creatura subiecta est,* & ideo amatores suos facit vanos, & multos decipit incautos. O quam felix, quem misera mundi vanitas non seduxit, quæ nunc præcipuè multis illudit. Unde Chrysost. Semper quidem, sed nunc præcipuè competenter dicitur *vanitas vanitatum, & omnia vanitas.* Hunc versiculum si saperent, qui in potentia versantur, in parietibus omnibus & vestibulis suis scriberent: in domo, in januis, in ingressibus, & ante omnia in conscientijs suis, ut semper Eum oculis cernerent & corde sentirent. Quoniam quidem multæ sunt facies, multæ imagines falsæ, quæ decipiunt incautos. Istud oportet quotidie recitare carmen, & in prandijs, & in cænis, & in omnium conventu unumquemque proximo suo canere, à proximo suo libenter audire: quia vanitatum est, & omnia vanitas. Hæc Chrysost. Amorem ergo rerum deficientium ad incorruptibilia transferamus, & ad sublimia vocati cælestibus delectemur. Ut Sancti gaudent, inde gaudeamus: horum divitias concupiscentes, per bonam æmulationem ad Ipsos tendamus. Cum quibus nobis fuerit consortium devotionis, erit & communio dignitatis. Mentem nostram semper in cælis habea-



beamus, & ad Dominum multifarie nos vocantem toto corde, & desiderio tendamus. Quia (ut ait August.) *Exultavit ut gigas ad currendam viam: August.* non enim tardavit, sed cucurrit clamans dictis, factis, morte, vita, descensu, ascensu, ut redeamus ad Eum: & discessit ab oculis, ut redeamus ad cor, *in Psal. 118.* & inveniamus Eum. Ad Ipsum quoque aspicientes, & Eum semper in corde retinentes, pugnemus viriliter, quia tota hæc præsens vita militia est, ac conflictus, & pugna. Nam prospera & adversa, feruor & tepiditas, refectio & inædia, sopor & vigilia, sollicitudo & pigritia, fletus & lætitia, quies & labor, salus & infirmitas, afflictio & voluptas, & quæcunque in hoc mundo sunt pugnant contra nos, & insidiantur nobis. Et quia nunquam deest adversarius nobis insidiando, sit semper paratus noster animus resistendo: quia certamen nostrum breve est, præmium verò æternum. Nec unquam à pugna cessemus, quia quantumcunque vicerimus, semper tamen restat quod vincamus. Unde Leo Papa: Donet licet sanctis suis quotidianam gratiâ Divinâ victori- *Leo serm.* am, non aufert tamen dimicandi materiam; quia & hoc ipsum de misericordia protegentis est, qui naturâ mutabili, ne de confecto prælio superbiat, *de pēteceste.* semper voluit superesse quod vinceret. Unde & Chrysost. Sancti & si à carne vinci non possunt, quasi iam spirituales etenim percuti possunt, quasi adhuc carnales. Hæc Chrysost. Igitur quidquid delectamenti, vel cruciatus transitorij occurrit: statim hoc tanquam præteritum reputemus, & ad id quod semper manet mentis oculos dirigamus. Nam omnia quæ in mundo sunt, velut umbra velociter transeunt: ita ut præterita sunt, nec fuisse putentur. Et ideo momentaneum est, & citò transit quod hic delectat & cruciat, sed æternum est & sine fine manet, quod ibi cruciat, vel delectat. Nec tamen digna facere, vel pati hic possumus ad ea quæ ibi consequi, vel evadere speramus. Unde Bern. Non sunt condignæ passionibus huius temporis ad peccata quæ *Bernard.* commisimus, ad beneficia quæ accepimus, ad penas inferni quas evasimus, *sermo. de* ad præmia æterna quæ expectamus. Hæc Bernar. Tanta quippe est præ- *conversio-* minentia æternæ gloriæ, ad temporales & transitorias passionibus, ut diligens *ne ad cleri-* perspector deberet potius eligere multis annis in fornace ignis ardentis vel- *cos, capit. 39* le torqueri, & multa mala pati, quàm minimo præmio in futuro sibi reserva- *Gloria ca-* to velle privari: quia labor est cum fine, & merces sine fine. Unde Aug. O *estis præ-* anima mea, si quotidie oporteret nos pati tormenta, & perferre penas, si i- *minentia.* psam gehennam longo tempore tolerare, ut Christum in gloria sua possemus *August. in* videre, & sanctis Ejus associari: nonne esset dignum pati omne quod triste *speculo.* est, ut tanti boni tantæque gloriæ participes haberemur; Insidentur ergo demones, parent suas tentationes, frangant corpus ieiunia, premant vestimenta, labores gravent, vigilæ exsiccant, inclamet me iste, inquietet me ille, frigus incurvet, conscientia murmuret, calor urat, caput doleat, pectus ardeat, infletur stomachus, pallescat vultus, infirmer totus: deficiat in dolore vita mea, & anni mei in gemitibus, ingrediatur putredo in ossibus meis, & subterme scateat: ut requiscam in die tribulationis, & ascendam ad populum accinctum nostrum. Unde & Chrysost. Omnia agamus, ut non à gloria ex- *Chrysost.* cidamus. Nequaquam enim difficile, si voluerimus: nequaquam onerosum, *hum. 63* si attenderimus. *Si enim sustinuerimus, & conregnabimus.* Quid est si sustinuerimus? Si tribulationes ferimus, si persecutiones, si arctam ambulaverimus *Antioch.* viam: arcta enim via est & laboriosa, optione verò nostra levior fit spe futu- *2. Tim. 2.* rorum. Transponamus igitur oculos in cælum, & semper illa imaginemur & videamus. Si enim in illis semper conversabimur, non à voluptuosis, quæ hic sunt, patiemur quid, neque tristitia ut gravia portabimus, hæc & his similia deri debimus, & nihil neque nos subijcere, neque elevare poterit, solum si desiderium illuc tenderimus, si ad amorē illū aspiciemus. Et quid dico; quæ non dolebimus in præsentibus versutijs. Neque enim videre ea putabimus de reliquo, tale *Rom. 8.* enim est amor spiritualis. Eos denique qui non præsentibus sunt nobiscum, sed absunt, diliguntur autem, secundum unamquamque imaginemur diem, magna enim amoris tyrannis, ab omnibus enim disistit, & ei qui diligitur alligat animam. Si ita Christum amaverimus, omnia quæ hic sunt, umbra: omnia imago videbuntur & somnium. Et dicemus & nos: *Quis nos separabit*



ab amore Christi? tribulatio, vel arctatio? Non dixit, pecuniæ, vel divitiæ, vel pulchritudo: hæc enim valde vilia & derisibilia, sed quæ videbantur esse gravia, posuit: fames, persecutiones, mortes: deinde illæ quidem & hæc, ut nihil existentia expuit. Hæc igitur omnia excogitantes, & voluptatem voluptati comparantes, eligamus quæ meliora sunt, ut & futuris fruamur bonis. Hæc Chrysostomus.

## DE LAUDE DIUINA.

## Cap. LXXXV.

*Laudis Di-  
vinae com-  
munitat tot.*

*Ansel. in  
meditat.*

*Genes. 7.  
Similitu-  
do et ima-  
go Dei.*

*Officium  
hominis.*

*Laudando  
Deo crea-  
ti sumus.*

*Regnum  
sanctorum  
Eccl. 47.*

**E**T quia dictum est de laude Divina, quæ semper Deum laudare debe-  
mus: id circo consequenter de ea aliquantulum latius videamus. Im-  
mensa quippe Creatoris, & Conditoris tui beneficia, quæ tibi o anima  
mea ab eo, cum te ex nihilo creavit & condidit, collata sunt, ad debitum  
continuae dilectionis, ac gratiarum actionis & laudis jugiter reddendum te ad-  
stringunt. Ad hoc enim cum non esses, sola & gratuita bonitate illius cre-  
ata, & ad similitudinem DEI facta es, ut Eum diligendum semper & sine  
fine collaudes. Unde Anselmus: Evigila anima mea, evigila: adhære Di-  
vinis bonis, intende sempiternis, temporalibus derelictis. Considera in Ipso cre-  
ationis exordio, quid sublimitatis, quid dignitatis Conditor tibi contulerit,  
& perpende quo amore, qua veneratione colendus sit. Certè cum univer-  
sitate rerum visibilium & invisibilium, creans & ordinans humanam natu-  
ram facere disposuisset summo consilio de tuæ conditionis dignitate tractavit:  
utpote quam cæteris creaturis, quam in mundo sunt altius honorare dispo-  
suit. Vide igitur sublimitatem tuæ creationis, & retracta debitum reddendi  
amoris. Faciamus (ait Deus) hominem ad imaginem & similitudinem no-  
stram. Attende igitur diligenter quid sit, ad imaginem & similitudinem DEI  
te esse creatam. Agnosce aliud esse similitudinem, aliud imaginem. Verbi  
gratia: Potest habere similitudinem quandam cum homine equus, bos, & cæ-  
teræ similes creaturæ, imaginem verò hominis non habent, nisi alter homo,  
manducat homo, manducat & equus, ecce quædam similitudo, ac commu-  
nis inter naturas diversas: imaginem verò hominis non imitatur, nisi alter ho-  
mo ejusdem naturæ cujus imago est. Dignior igitur est imago, quam simi-  
litudo. Similitudinem itaq; ad Deum, hoc modo habere poterimus, si Eum  
esse bonum considerantes, nos boni esse studuerimus, si Eum justum esse co-  
gnoscentes, nos justi esse contendamus: si misericordiam contemplantes, nos  
misericordiæ operam demus. Quomodo autem ad imaginem suam, atten-  
de. Deus semper meminit sui, intelligit se, amat se. Et tu ergo si pro mo-  
dulo tuo infatigabiliter memor fueris DEI, intellexeris Deum, amaveris De-  
um, eris ad imaginem Ejus, quia hoc facere niteris, quod semper facit De-  
us. Ad memorandum & intelligendum atq; amandum summum bonum, to-  
tum debet homo referre quod vivit. Ad hoc omnis cogitatio, omnis volun-  
tas cordis retorqueatur, arceatur, confirmetur, ut infatigabili affectu sis me-  
mor DEI: intelligas Deum, ames Deum, & tuæ creationis dignitatem: quia ad  
imaginem DEI creata es salubriter exprimis. Ut quid te Deus tam præclaro  
conditionis privilegio sublimaret, nisi te suis laudibus indefinenter intendere  
vellet? Ad laudandum igitur Conditorem tuum creata es, ut Ejus laudibus  
vacans, & hic justitiæ meritò in illum semper proficias, & in futuro beatè vi-  
vas: laus enim Ejus & hic justitiam, & ibi beatitudinem tribuit. Sed si lau-  
das, ex toto corde lauda, diligendo lauda. Hæc est enim sanctis laudandi pro-  
posita regula: de omni corde suo laudavit Dominum, & dilexit Deum qui fe-  
cit illum. Lauda ergo ex toto corde, lauda: & quem laudas dilige: quia ad  
hoc facta es, ut laudes & diligas. Laudat namque, sed ex toto corde non  
laudat, quem ad benedicendum Deum prospera demulcent, sed à benedicē-  
di munere adversa restringunt. Laudat quoque, sed non diligit: qui in DEI  
laudibus aliud quam Ipsum laudando requirit. Lauda igitur, & dignè lau-  
da, ut nulla in te cura, nulla intentio, nulla cogitatio, nulla sollicitudo men-  
tis,



mentis inquantum tibi virtus suppetit, à laude DEI sit vacua. Ab Ejus laude nulla te hujus vitæ prosperitas revocet: nulla compescat adversitas. Sic enim ex toto corde laudabis Dominum. Sed cum ex toto corde Eum laudaveris, & diligens lauda, nil aliud ab Eo quàm Ipsum expetens, ut Ipse sit finis desiderij tui, Ipse præmium laboris, Ipse solatium hujus umbratilis vitæ, Ipse possessio illius beatæ vitæ. Ad hoc itaque facta es, ut Eum sine fine collaudes: quod tunc utique intelliges plenius, cum Ejus beata visione sublimata: videbis te sola & gratuita bonitate Illius, cum non esses, de nihilo tam beatam, & ad tam ineffabilem beatitudinem creatam, vocatam, justificatam, glorificatam. Talis namque contemplatio infatigabilem tibi amorem dabit Eum sine fine laudandi, ex Quo, & per Quem, & in Quo tantis, & tam immutabilibus bonis te beatificatam gaudebis. Hæc Anselmus. Non solum autem hæc præmissa, sed maxima quoque redemptoris & Salvatoris tui beneficia, quibus te cum perdita esses redemit & salvavit, ac multi fariè multisq; modis visitavit & sublimavit, ad laudandum Deum te provocant multipliciter, & obligant. Exerce ergo te in laude Divina: quia ad hoc tibi membra sunt data, ut DEO laudes canas, & gratias Ei referas. Unde Chrysost. Nam & oculos, & os, & auditum propterea in nobis posuit Deus, ut omnia Ipsi mē Chrysost.  
bra servirent, ut quæ ipsius sunt audiamus, quæ ipsius sunt loquamur, quæ in Ps. 148.  
ipsius sunt operemur: Eiq; laudes canamus assiduas, & gratias per cuncta referamus, per quæ hæc omnia conscientia nostræ secreta mundemus. Hæc Humilian-  
Chrysostomus. Ut autem melius in laude Divina te valeas exercere, prius, qui  
humilia te DEO valde: & dic ex intimis præcordiis tuis humiliter & devotè: Deū laudat.  
O Pater misericordiarum, scio & verè cognosco, quod me peccatorem mise- Humilian-  
rum magis deceret coram Te jacere prostratum, & cum fletu ac gemitu pecca- di forma.  
torum veniam flagitare, quàm te ore polluto laudare. Sed tamen de Tua pi-  
ssima bonitate, & ingenita dulcedine, omnibusq; mortalibus promulgata vir-  
tute confusus, te laudare cupio ex intimis præcordiis: obsecrans viscera mi-  
serationum tuarum, ut me vermem immundum, canem mortuum, & cadaver  
putridum non despicias, Domine Deus meus, Nempe virtutes cælorum Te  
condignè laudare nequeunt: quantominus homo fragilis, putredo & vermis;  
bonorum quidem meorum non indiges: sed Tuam superexcellentem bonita-  
tem tantò nobis manifestam facis, quantò infirmitatibus nostris magis mise-  
rando condescendis, & gratiam gratis ex sola liberalitate largiri. Umbra  
quidem nititur apprehendere; & sequitur ventum, qui se ex condigno laudare  
te existimat. Impossibile attentat, qui Te ad plenum laudare laborat. Nec  
tamen ideo à laude cessandum est, sed mihi pariterq; omnibus creaturis lau-  
dare convenit suum Creatorem: quia nulla creatura est, quæ opificem suum  
non laudet, vel saltem laudabilem reddat. Non ignoro dictum Propheti-  
cum: quia videlicet rectos decet collaudatio, & qui non est speciosa laus in ore  
peccatoris, & ideo vix mihi quia quid dicam non habeo, aut quid responde- Psal. 32.  
bo mihi cum Ipse fecerim; Si enim justificare me voluero, os meum conde- Eccl. 15.  
mnabit me. Sed nunquid ideo Te non laudabo: quia immundum me esse co-  
gnosco; Nonne & vermes, & ranæ immundæ, ex putredine generatæ, co-  
xistantes in paludibus, Te suum Creatorem laudare cupiunt, prout sciunt &  
possunt; Nam & si velut alaudula & philomela dulciter cantare nesciunt, sed  
nec velut homo rationalis Te cognoscere possunt: saltem hoc faciunt, quod  
Te cognoscentibus materiam Tux laudis tribuunt. O utinam cuncta suavia  
instrumenta musicalia, cælestes quoq; harmoniæ, ac terrestres melodiæ de cor-  
de suo sursum procederent, & condignas laudes tam dulciter personarent,  
ut oculis divinæ Maiestatis tuæ gratæ fierent: ac totam cælestem curiam, no-  
vo quodam & ineffabili gaudio latificarent. Sed quid dicam; memetipsum Omnes cre-  
Domine Tua laude indignum esse cognosco: quamobrem precor, ut saltem naturas Deū-  
cateræ creaturæ nobilitate præclara imperfectum meum dignentur supplere. laudare optæ  
Igitur opto, & ex toto corde desidero, ut orbes planetarum, ac cælum syde-  
reum, lympidissimo lumine radiosum florifera quoq; germina, vernali decore  
conspicua, pulchrisq; coloribus adornata: nec non & omnia ignita charitatis de-  
sideria, de cordibus Te vehementissimo amore diligentium procedentia, te lau-  
dent



dent & benedicant in secula. Optatem tamen ex intimis præcordiis meis, ut si juvenus celerius consummata, annositatem Mathusalem coæquasset, quod unusquisque annus, tam longævi temporis prædicti, & unusquisque mensis annorum eorundem, & unaquæque hebdomada horum mensium, & quilibet dies hebdomadarum, & quilibet hora ipsorum dierum, & quodlibet minutum horarum prædicti temporis, Te ex persona mea collaudarent, tam devotè & affectuosè, quantum unquam aliquis de numero Beatorum Spirituum in splendoribus sanctorum Te laudare in tantâ duratione potuisset: ac si hæc omnia in propria persona complevissem, & quod hujus laudis frequens innovatio, in tua infinitate omnes excederet species numerorum. Quid plura? fac deme hoc quod tibi placuerit, quia quamdiu est halitus in naribus meis, à tua laudis præconiis non cessabo. Sed & cum virtus loquendi mortis hora defecerit, & meum Jesum amplius præ debilitate proferre non valebo: peto ut saltem nutus oculorum, vel extensio digitorum sit innovatio & confirmatio omnium desiderabilium affectuum & verborum atque operum præteritarum & futurorum, quæ usque ad extremum judicii diem tibi cum devoto famulatu offerre vellem, si tamdiu vivere possem. Insuper dilectè hoc adjicio, desiderans corde affectuoso, ut quando corpus meum fuerit in pulveres minutissimos redactum, & lapide clausum, quod de qualibet particula minutissima vox amana laudis & gloriæ Tuæ exurgat: quæ durissimum lapidem penetrans, cælorum altitudinem transcendat, & usque ad extremam judicii diem vivæ laudis præconium extollat: donec in Resurrectione beata corpus & anima pariter unita, in Tuæ laudis glorificatione æternaliter copulentur. Sane quamdiu adhuc sum in hoc corporis ergastulo, à laude tua non tacebo. Nimirum videmus quod plerumque inter dulcissimas nemoris aviculas, & cinnamantes philomenas, corui quoque crocittantes adsunt, in hoc eodem modico quod acceperunt Creatori suo subservientes. Sic & ego peccator cum sim, tantum ad manus habeo peccatorum, & prout possum, Deum meum per ipsum laudo & glorifico in æternum. Siquidem aliud de DEO dulcis canere nescio: nisi hoc videlicet, quoniam suavis est Dominus universis, & quod misericordia Ejus, super omnia opera Ejus. O DEUS meus, misericordia mea. In hoc latatur anima mea, exhilaratur conscientia, & gaudium immenso irrigantur omnia ossa mea. Hoc suave canticum anima mea usque in sæculum, inter spirituale genus avium cum lato corde dulci canit carmine. Quoties scunque etenim mente revolvō, qualis aliquando fui: qualia discrimina evasi, à quantis periculis me protexisti, & à quibus malis me eripuisti, dirupisti vincula mea: sanasti vulnera putrida, & laqueos periculosos contrivisti, & me dulciter ac paternè liberasti. Cum hæc (inquam) & similia bona à Te mihi exhibita pertracto, mirum est quod in horum omnium affectuosa recordatione meipsum præ amore portare valeo, ardentissimis siquidem amoris ignibus incandesco. O Deus meus quamdiu peccatorem tibi recalcitrantem, patienter expectasti, quoties & quam paternè, nunc quidem dulciter, nunc verò durè me admonuisti, nescientem in benedictionibus dulcedinis prævenisti: filio prodigo & peccatis prægravato, ac gratijs nudato, in occursum veniens paternè occurristi, ab iterante vias pravas misericordem faciem non avertisti, sed semper & ubique pius & misericors fuisti. Et quod hic omnibus majus est, quod his omnibus bonis tam multiplicibus ingratus semper extiti, nec ut summa Bonitas propter hoc destitisti, donec tandem me dulciter ad Te traxisti. Ah summa & inestimabilis pietas, nunquid in his omnibus meipsum à laude continere potero? Nequaquam, Deus meus, misericordia mea, pro his omnibus & alijs innumeris beneficijs opto & desidero, ut talis tamquæ jucunda laudatio sit tibi ex me, qualis fuit beatorum spirituum laus, tunc cum in primo aspectu Tuæ divinissimæ Majestatis gaudebant se æternaliter in Tua laude confirmatos: malos verò à Te sine fine detrusos. Itemque tamen magna tamque jucunda sit illa laudatio, quanta est animarum Sanctorum, cum à carcere purgatorii ereptæ vultui gloriæ Tuæ primò præsentantur, ut tuam jucundam faciem intueantur, & quanta erit laus in plateis cælestis. Hierusalem, post finalem omnium Resurrectionem, quando electi à malis segregati Deū jucundo corde laudabunt, ac de sua salvati-

one

Avicula  
laudis.

Psal. 14.



one æternaliter gloriabuntur. O! amantissima sapientia, bonitas immensa, Te precor, ut omni mane, diluculo cum ad te surrexero, & oculos apernero, simul quoque cor meum in tua laude aperiatur, ac quodam lucifero splendore, & flammeo ardore laudis suæ facula immensa ex eo simul exurgat. Et peto ut hæc laus tam blandè & suaviter resonet in corde Tuo Paterno, sicut sonare cõsuevit suo modo omnium cythararum, ac musicalium instrumentorum suavis modulatio in corde jucunda, statu juventutis florido. Et in hac laudis facula simul ascendat tuæ laudis tam odorifera fumi virgula: tam gratiosa, ac si esset composita ex omnibus aromatibus myrrhæ & thuris, & universis pulveris pigmentariis: tam speciosa, sicut cum vernali tempore flores herbarum pullulant in campis, coloribus pulchris & arbores stant frondibus ornatis, gratis odoribus. Sitque laudis hujus facula, tam amorosa & deliciosa, ut in ea oculi Tui delectabiliter ferantur: totaque cœlestis aula resultet, & hæc jugiter, sine intermissione, feruidissimo æstu, & rapidissimo colore tui amoris exurgat: ex corde, per devotam meditationem: ex labijs, per feruidam locutionem, & ex omnibus operibus meis, per Sanctam ac cœlestem conversationem. Et hæc laudis facula sua virtute omnes inimicos repellat, gratiam augeat, finem beatum obtineat, & gloriam æternæ beatitudinis acquirat, ut finis hujus temporalis laudis, sit initium æternæ laudis patriæ cœlestis. Ut autem ad DEI laudem magis provoceris, abstrahe quæso mentem tuam à terrenis, & leva eam ad cœlestia toto conatu quo poteris: ac considera quomodo illius cœlestis curiæ cives delectentur, jubilent, & exultant in DEO, cõtinuè: singulorum quæ gaudia rememorans, tandem prout poteris, & permiseris, Ipsi latantibus & jubilentibus teingere: & immisce. Exclama ergo corde toto, & dic ex intimis cum Anselmo: Deus meus, quid melius, quid amabilius Te æstimavi super terram, ut abstraherem cor meum à Te, ad concupiscendum quidquam in mundo absque Te; Cur amavi; quare concupivi in omnibus. mni vita mea quidquam, præter Te Jesum Deum meum? Quare distuli? cur intermisi ullo tempore Te Jesu versare in corde, Te tota mente amplecti & delectari in tua dulcedine? Cur non omnia desideria mea ad Te converti? quod abierunt, quando Te solum non audierunt, omnia interiora Spiritus mei? Ubi eram, quando tecum mente non eram? Quod defluerunt, quando non Te solum habuerunt desideria mea? Iam ex hoc, nunc omnia desideria mea incallescite & affluite in Dominum Jesum: currite, quia satis hætenus tardasti: properate, quod pergitis: quarite, Quem quaritis. Jesum quaritis Nazarenum, Crucifixum. Ascendit in cælum, non est hic. Amantissimus Domini habitat confidenter, & flagellum non appropinquabit tabernaculo Ejus. Super altitudinem cælorum, super omnem excellentiam Angelorum, propria virtute ascendit: super solum singularis gloriæ, in dextera Patris Tui, coæternus & consubstantialis sedet, & Divino amictus lumine, coronatus gloria & honore, ut decet unigenitum DEI, serenus in lætitia, plenus omnipotentatu, Dominus in cælo & in terra. Ibi adorant Eum omnes Angeli Domini, & universa multitudo civium cœlestis Sion. In Ipso unanimiter lætantur omnium corda, in Ejus desiderabili facie pascuntur omnium oculi beatorum: in ipsum undiq; conflunt desideria omnium Sanctorum. Ipsi jubilat, Ipsi applaudit, ipsum magnificat tota uranica civitas gloriosa, per omnem modum in splendoribus Ejus. Exulta & lauda habitatio Sion: quia magnus in medio tui Sanctus Israel. Per ipsum centena decies millies millena assistunt in Sanctuario uranici templi, intendentes vultum majestatis claro & inflexibili visu: ac personantes harmoniam incessabilis hymni, in gloriam Trinæ & simplæ Divinitatis. Per Ipsum millia millium ad complenda Patris mysteria alacri discursu jugiter meant inter cælum & terram, quasi apes negotiosæ inter alvearia & flores, disponentes omnia suaviter, populus accinctus, nesciens labem, vel inobedienciæ moram. Per hos quippe summa novæ salutis ad ministrantur negotia, summaq; superni consilij ad nos deferuntur arcana: per hos sanitates mortalium procreantur, per hos consistunt regna, & imperia mundi. Inter quos præcipuum novimus. Michaellem signiferum nobilem cæli civem, qui stat pro facie DEI viventis, extendens romphæam propugnationis, ac voce terrificæ jintonans, quia ut

Facula  
laudis.

Ansel. in  
meditatione.

Psal. 90.



Adoranda  
membra  
Christi.

Deus, super eos qui ex aduerso sunt. Exultate in nobili Filio vestro vos illustres Patriarchæ quia impleta est in Eo omnis expectatio vestra, & Ipse sublimis est valde, & benedicentur in Ipso vestro videlicet semine omnes gentes: sic enim pollicitus est sermo divinus. Gaudete in Jesu Propheta magno, vos prophetæ viri veraces: quia mirifice & gloriosè impleta videtis omnia, quæ de Ipso annuntiasti in Spiritu Sancto, & fideles inventi estis per ipsum in cunctis sermonibus vestris. Gaudete in Domino Jesu meo, Magistro vestro, vos incliti proceres celi beati Apostoli, gaudete in Christo Ipso & iterum dico gaudete cum Christo familiari lætitia. Ecce enim Quem vidistis medio vestri esurientem, & sitiētem, fatigatum, & his similia carnis infirma tolerantem, ab omnibus reprobari, & cum sceleratis reputari, quomodo vicit quomodo regat, quomodo Ei omnia sub pedibus sunt: quàm gloriosus in suo Divino lumine fulget, & sui gaudij suæq; ineffabilis gloriæ nunc vos socios habet, qui olim permansisti cum Ipso in temptationibus suis, & vexationum Ejus consortes fuisti. Adorate nunc duleia illa genna, quæ se curvaverunt ante vos usque ad terram sedentibus vobis ad sacratissimam cenam. Adorate nunc sacrosanctas illas manus, quibus pulverem pedum vestrorum Rex Regum lavare, & extergere dignatus est. Gaudete in Jesu Principe militiæ vestræ vos Martyres gloriosi, quia Ipsum pro quo tradidistis in mortem animas vestras, ipsum (inquam) Jesum filium DEI possidetis, præmium certaminis vestri. Gaudete in JESU summo Doctore veritatis, & venerandi Confessores & Doctores, quia Quem olim doctrinis sacris, & operibus justis confessi estis coram hominibus, nunc confitetur vos coram Patre suo, & Sanctis Angelis Ejus. Gaudete in JESU Uirgine, & virginum Sanctificatore vos paradicolæ Uirgines, vos Angelis similes, quia Ecce Quem amastis, Quem optastis, Quem ardentibus desideriis expetistis: pro Cujus amore terrenos sponsores, & omnem ornatum sæculi contempsistis summi Regis filium nunc videtis, nunc tenetis: nunc in Ejus castis amplexibus quiescitis, & divelli à vobis nulla insidiatoris fraudulentia potest. Uerum autem inter omnes calicolas uberrimum tibi gaudium sit & Maria Virginum Uirgo singularis: rosa calicæ amænitas, prælucidum sidus, inter primævas lucernas divini luminis susceptivas, in JESU Tuo dulcissimo Filio, sola præ omnibus gaude gaudio magno. quia Quæ ut Homine peperisti, & propriis uberibus enutristi: ipsum cū Angelis & universis civibus celi adoras, ut Deū vivum & verū. Gaude felix Mater quia Quæ vidisti in ligno crucis pendentē, vides in cælo regnantē cū gloria magna: vides omnē altitudinē cælestiū, terrestriū, & inferiorū Maiestati Ejus inclinātā, & omne robur inimicorū Ejus attritū. Gaudia gaudiorū sint tibi omnis pulchritudo Sanctorū. Beata Hierusalē Mater nostra, quæ sursum es festivitātē agelæ tabundā, & indeficientē in visione pacifica tui JESU, libertatis tui authoris. Et tu nunc rursus elevare anima mea, quali potes conatu, & sacris te ingerere millibus latantiū in Domino JESU. Illuc fidei & spei vehiculo perge, ibi per charitatis ardorē conversare, ubi Christus est in dextera DEI sedens. Intende mentis oculū in lumine vultus Ejus, lustra ac deosculare gratulabunda devotione singula loca feliciū plagarū Ejus: de quibus egressi sūt pretiosi Illi liquores sanguinis sacri, quo te appetiavit unigenitus DEI, & Sanctificavit in vitam æternam. Hæc Ansel.

### DE ASSUMPTIONE, ET LAUDE BEATÆ Uirginis. Cap. LXXXVI.

Maria  
vocatio.

Hierony.  
sermo de assu-  
ptione. 104.

**P**ermanfit autē Beata Uirgo, quamdiu vixit, in monte Sion prædicto: ubi est cella in qua post ascensionem Filij sui morabatur orationi vacando, & ea quæ cognoverat revoluendo. Est etenim ibi alia cella B. Joannis Evangelistæ, quæ fuit prima Ecclesia mundi: in qua celebravit primam missam in conspectu Beatæ Uirginis: & quamdiu Ipsa vixit post ascensionem Filij. Quo quidem tempore quantis doloris & amoris ardoribus æstuaverit, testatur Hieronymus, qui de ea sic ait: Cæterum rogo cogitate attentius, & perpendite diligentius, quibus afficiebatur beata & intemerata Uirgo doloribus, post Christi ascensum ad cælos, expletis omnibus quæ de Ipso erant ab Angelis prædicata, & à Prophetis multifariè multisq; modis præsignata: divinis declarata oraculis, virtutibus exhibita, & quæ humanitatis sunt ostensa præfagijs. Quæso,



Quæso, si quæ sunt in vobis viscera pietatis, considerate quo cruciabatur amore: quove desiderio æstuavit hæc Virgo, dum revolveret animo cuncta quæ audierat, quæ viderat, quæ cognoverat. Puto quod quidquid cordis est quidquid mentis, quidquid virtutis humanæ, si totum adhibeas, non sufficiet ut cogitare valeas, quanto indefinenter cruciabatur ardore pii amoris: quantis movebatur votis repleta Spiritu sancto: quantis coelestium secretorum transportabatur incitamentis. Fortasse ergo præ nimio amore in loco quo sepultus dicitur, interdum eam habitasse credimus, quatenus piis pasceretur internus amor obtutibus. Sic namque locus medius est hinc inde constitutus, ut adire posset ejus ascensionis vestigia, & locum sepulturæ ac Resurrectionis, seu omnia in quibus passus est, loca invisere, non quod jam viventem quæreretur cum mortuis: sed ut suis solaretur aspectibus. Et ideo quàm saepe locorum recreabatur visitationibus, & quem generat fidei Spiritu, mentis complexabatur amplexibus. Et iterum quàm sancte Angelus Gabriel intactam custodivit, & Joannes Virgo Virginem servavit, suisque deservivit obsequiis: non quod eximius ille Sanctorum chorus Apostolorum eam deferuerit, inter quos post Resurrectionem intrans & exiens, familiariter consulit de Christi Incarnatione: & ad exemplum humanæ vitæ conversatio ejus post Ascensionem Christi generaliter cum Apostolis fuit, quousque dispersi sunt. Hæc Hieronymus. Est Cella Mariae autem in Monte Sion magna & devota Ecclesia, in qua solebant esse cum Abbate Canonici Regulares, secundum regulam beati Augustini Domino servientes: intra quam est cella in qua habitavit Beata Virgo diebus vitæ suæ post Ascensionem Filii sui: & prope illam cellam est & alia cella, ex qua migravit ad Cælum, per Angelos assumpta Cujus dormitioni omnes Apostoli dicuntur interfuisse, & in vallis Josaphat medio eam sepelisse. Ibi enim sepulchrum ejus multum venerabile ostenditur quod in maxima reverentia etiam apud Saracenos habetur. Hæc autem vallis, licet adhuc sit valde profunda, multum tamen est impleta. Sepulchrum enim Virginis gloriosæ, tunc erat in superficie ipsius vallis, nunc est longè sub terra, intantum quod etiam Ecclesia ejusdem, cum sit valde alta, & testudinata, cum ipso sepulchro penitus sit sub terra, & vallis desuper tota plana. In superficie tamen vallis est ædificium modicum, quasi unius capellæ: quod postquam quis intraverit, descenditur per gradus quinquaginta in Ecclesiam ad sepulchrum, ubi est pulcherrimum altare marmoreum & cripta, ac desuper ædificata Ecclesia pulcherrima rotunda, & tabulatu lapideo discreta in honore Ipsius Beate Virginis dedicata: ejus in superioribus quatuor habentur altaria, & in inferioribus unum in Orientali plaga: & ad dexteram monumentum vacuum cernitur: in quo Sancta Maria aliquando passisse dicitur, sed à quo vel quando sit ablata, nescitur. Hanc Ecclesiam intrantes, vident ad dexteram insertam parieti petram, in qua Dominus nocte, qua tradebatur oravit vestigiis genium, quasi teræ molli impressis. Et solebant in ea esse monachi nigri cum Abbate, secundum regulam beati Benedicti Domino fervientes. Sed quo ordine beata Virgo hinc ad superna transierit Regna, nulla catholica narrat historia. Nec invenitur apud Latinos aliquis tractatorum de Ejus morte aliquid aperte dixisse, cum nec Ipse qui hanc ante Crucem Domini accepit in suam, idest Joannes Evangelista, de hoc posteris aliquid retinendum scriptis legitur mandasse. Nullus enim hoc fidelius narrare potuit, si illud Deus manifestare voluisset, quàm ille utique qui hanc nutriendam suscepit. Restat ergo, ut homo mendaciter non fingat apertum, quod Deus voluit manere occultum. Unde Hieronymus: Monstra-B. Maria, tur autem sepulchrum ejus cernentibus nobis, usque ad præsens in vallis Josaphat medio: quæ vallis est inter montem Sion, & montem Oliveti posita, ubi in ejus honorem fabricata est Ecclesia miro tabulatu lapideo, an cum Corpore in quo sepulta fuisse ab omnibus ibidem prædicatur: sed nunc vacuum cernentibus ostenditur. Hæc idcirco dixerim, quia multi nostrorum dubitant utrum assumpta fuerit simul cum Corpore, an obierit relicto Corpore. Quomodo autem, vel quo tempore, aut à quibus Personis Sanctissimum Corpus Ejus inde ablatum fuerit, vel ubi transpositum, utrumve surrexerit, nesciunt.

Cella Mariae.

Vallis Josaphat.

Hieronymus  
serm. de assumptione  
B. Mariae.

Dubitatur  
an cum Corpore  
assumpta sit.



tur: quamvis nonnulli astruere velint eam jam resuscitatam: & beata cum Christo immortalitate in cœlestibus vestitâ. Verum tamen quid horum verius censeatur, ambigimus. melius tamen Deo, cui nihil impossibile est, committimus, quàm aliqui id temerè definire velimus autoritate nostra quod probamus. Hæc Hieronymus. De hoc Augustinus in quodam sermone longo inter lib: de assumptione cetera sic dicit, non tamen asserendo: De Sanctissimo Corpore perpetuæ Virginitatis B. Virginis Mariæ Ejusque sacræ animæ assumptione loqui, suscipientes, hoc Ipsum dicimus, quod in scripturis postquam Dominus eam in Cruce discipulo commendavit, nihil de Ea reperitur: præter quod Lucas in Actibus commemorat dicens. *Hi omnes erant perseverantes unanimiter in oratione cum Maria Matre Jesu.* Quid ergo de morte, quid de assumptione Ejus dicendum est: unde scriptura nihil commendat. nisi quærendum ratione, quod consentiat veritati. Fiac ergo ipsa veritas, sine qua nec valet autoritas. Memores igitur conditionis humanæ, mortem illam beatissimæ temporalem dicere non metumimus: sed si eam dicimus resolutam in communem putredinem, vermem, ac cinerem: deliberandum est, si tantæ conveniat sanctitati, tantæ aulae Dei prærogativæ. Sci-  
*Gen: 3.* mus enim dictum primo parenti, *quia pulvis es, & in pulverem ibis.* Hanc conditionem caro Christi evasit, quæ corruptionem non sustinuit. Excipitur ergo ab illa generali sententia, de Virgine sumpta natura. Mulieri quoque  
*Ibidem.* dixit Deus, *Multiplicabo arumnas tuas, in dolore paries.* Arumnam sancta Maria sustinuit cujus animam doloris gladius pertransiit, sed sine dolore genuit. Maria ergo excipitur à quibusdam generalibus, quæ tanta attulit dignitatis prærogativa. Si ergo Eam dicimus mortem subijisse, nec tamen vinculis retineri, nunquid impium erit? Si voluit Dominus integram Matrem Virginitatis servare pudore, & cur non velit incorruptam servare à putredinis fetore? Nunquid non pertinet ad benignitatem Domini, Matris servare honorem, qui legem solvere non venerat, sed adimplere? Qui enim in vita præ cæteris illam gratia sui conceptus honoravit, pium est credere, Eam in morte singulari salvatione, & speciali gratia honorasse. Putredo & vermis humanæ est opprobrium conditionis. Ab hoc opprobrio cum Jesus sit alienus, natura Sanctæ Mariæ Virginis excipitur, quam Jesus de Ea sumpsisse probatur. Caro enim Jesu Christi, Caro est Sanctæ Virginis Mariæ, quam super astra transvexit, honorans omnem humanam naturam, & multo magis maternam. Si natura Matris est Filius, consequens est ut sit & Filii Mater, non quantum ad unitatem personæ sed quantum ad unitatem corporalis naturæ. Quantum igitur intelligo, quantumque credo, Sanctæ Mariæ anima excellentiori quadam prærogativa à Filio honoratur, possidens Corpus suum quod genuit glorificatum. Et quare non suum, per quod genuit: si non obviaverit nec dum tanta perspecta autoritas. Verè credo, & per quod genuit, quia sanctificatio dignior est Cœlo, quàm terra. Tam pretiosum thesaurum dignius est Cœlum servare, quàm terrâ. Tantam integritatem meritò incorruptibilitas, non putredinis ulla resolutio sequitur. Illud sacratissimum Corpus in escam vermibus traditum, quia sentire non valeo, dicere pertimesco: quam astimationem procul propellit incomparabilis gratiæ munus: quod me dicere multarum scripturarum consideratio invitat. Confitendum igitur censeo, Mariam ad æternitatis gaudia assumptam, benignitate Christi, honorabiliusque susceptam cæteris, quam gratia honoravit præ cæteris: atque ad communem humanitatem non esse adductam post mortem putredinis: videlicet vermis & pulveris, quæ suum & omnium genuit Salvatorem. Si eligit Divina voluntas inter ignium flammæ puerorum vestimenta servare illaesa, cur abnuat in Matre propria, quod elegit in veste aliena? Jonam servare in ventre ceti incorruptum voluit sola misericordia, Mariam incorruptam non servabit gratia? Servatus est Daniel in temperantissima fame leonum, non servanda Maria tantis dotata meritis virginitatis? Hæc ergo cuncta quæ diximus, quia naturam servasse cognoscimus: in integritate quoque Mariæ plus gratiam quàm naturam potuisse non dubitamus. Ergo lætari facit Mariam anima & Corpore in proprio Filio, nec ullam sequi corruptionis arumnam, quam nulla secuta est tantum pariendo Filium integritatis  
corru-



corruptio, ut sit semper incorrupta, quam tanta perfudit gratia: sic integriter vivens, quæ omnium integram genuit vitam. Si ergo dixi, ut debui, approba Christe, & tui. Si vero non ut debui ignosce obsecro Tu, & Tui. Hæc Augustinus. Sic ergo non est credendum quod Maria mortua non fuerit, sed mortua est, ac tamen caro ejus non computruit. Anima conjuncta est iteratò Corpori mortuo, & ita assumpta est in Cælum cum Corpore glorificato. Vera autem & indubitata de ejus assumptione sententia hæc esse probatur, ut secundum Apostolum, sive in Corpore, sive extra Corpus, ignorantes assumptam, tamen & exaltaram super omnes choros Angelorum credamus. Unde Hieronymus. Hæc est dies præclara, in qua usque ad throni cælestium similitudinem intemerata Mater & Virgo processit, atque in Regni solio sublimata. post Christum gloriosa resedit. Sic itaque ubique confidenter de illa sancta Dei canit Ecclesia, quod de nullo alio sanctorum fas est credere, ut ultra Angelorum vel Archangelorum merita transcenderit: quia etsi similitudo promittitur, sanctis veritas denegatur. Ad cujus processum exequias, quantum fas est credere, famulabantur Angeli, & universæ Cæli congratulabantur curiæ: quia credendum est milidiam Cælorum cum suis agminibus festivè obviam venisse genitrici Dei: eamque ingenti lumine circumfuisse, & usque ad thronum, olim sibi etiam ante constitutionem mundi paratum, cum laudibus & canticis spiritualibus verduxisse. Nulli dubium omnem illa cælestem Hierusalem, tunc exultasse ineffabili lætitiâ: tunc jucundatam esse inestimabili charitate: tuncque cum omni gratulatione jubilasse. Quoniam festivitas hæc quæ nobis revolvitur annua, illis omnibus facta est continua. Nec immeritò: Creditur enim quod Salvator omnium Ipse, quantum datur intelligi per se totus festivus occurrit, & cum gaudio eam secum in throno collocavit: quod si gaudium fit in Cælis de quolibet peccatore converso: multò magis putandum est, pro tanta Virginis exaltatione & gloria, quæ exaltatio sit in supernis. Cujus nimirum festivitas omnium supernorum est gloriatio, cælicolarumque congratulatio, præsertim quia ejus celebritas, laus & favor, est Salvatoris: unde credimus ut supra dictum est, quod non hunc tantum diem solennem ducunt pro ejus amore annuum: verum continuum etiam & æternum jucunditatis & lætitiæ, venerationis obsequio, cum omni tripudio amoris & gaudii. Nec immeritò omnis illa cælestis civitas congratulatur & veneratur Matrem ejus. semper adorant Filium Regem: ante quem tremunt potestates, & curva tur omne genu. Quam si diligenter aspicias, nihil virtutis est, nihil speciositatis, nihil splendoris & gloriæ, quod non in ea non resplendeat, ideo si placet talis & tanta Virgo, placet & opus virtutis: cujus vita omnium disciplina, est, unius mores instituta sunt omnium Ecclesiarum: quæ præcellit cunctis supereminet universis, propterea quæcunque Virgo sibi ab ipsa optat præmium, & implorat auxilium, debet imitari exemplum. Hæc Hieron: unde de Bernard: Preciosum hodie munus terra nostra direxit in Cælum: ut dando nim ascendit fructus terræ sublimis, unde data optima descendunt. Illud e-1. de assumpt: dens in altum Virgo Sancta Maria: dabit Ipsa quoque dona hominibus. Ascen-B. Maria. Si quidem nec facultas ei deesse potest, nec voluntas: Regina Cælorum est, misericors est Mater unigeniti Filii Dei. Nihil enim sic potest potestatis ejus, seu pietatis magnitudinem commendare: nisi fortè aut non creditur Dei Filius honorare Matrem: aut dubitare quis potest omnino in affectum charitatis transisse Mariæ viscera, in quibus Ipsa quæ ex Deo est charitas novem mensibus corporaliter requievit. Et hæc quidem propter vos dixerim fratres: ut tamen interim fileam beneficia, quæ pro ipsius glorificatione consequimur, si eam diligimus, gaudebimus atque, quia vadit ad filium, nisi fortè (quod ab sit) inventrici gratiæ omnimodis inveniamur ingrati: quem enim in castellum hujus mundi intrantem prius Ipsa susceperat, ab eo suscipitur hodie Sanctam ingrediens civitatem. Sed cum quanto putas honore, cum quanta exultatione, cum quanta gloria? Nec in terris locus dignior virginalis uteri Templo, in quo Dei Filium Maria suscepit: nec in Cælis regali solio, quo beatam Mariam



hodie Filius Dei sublimavit. Felix nimirum utraq; susceptio, ineffabilis utraq; quia utraq; inexcogitabilis est. Ut quid enim hodie ea in Ecclesiis Christi Evangelica lectio recitatur in qua mulier benedicta in mulieribus excepisse legitur Salvatorem? Credo, ut hæc quam celebramus, ex illa susceptione aliquatenus æstimeretur, imò ut juxta illius inæstimabilem gloriam, inæstimabilis cognosca-

*Prærogativa & ista.* Quis enim si lingvis hominum & Angelorum loquatur, explicare valeat quemadmodum superveniente Spiritu, obumbrante virtute Altissimi, Maria, Caro factum sit Verbum Dei, per quod facta sunt omnia, & Dominus Majestatis, quem non capit universitas creaturæ, intra Virginea sese clausit viscera factus homo? Sed & illud quis excogitare sufficiat, quam gloriosa Regina mundi hodie processerit, & quanto devotionis affectu tota in ejus occursum cœlestium legionum prodierit multitudo? quis explicare queat, quibus ad thronum gloriæ canticis sit deducta? quā placido vultu, quā serena facie, quā lætis amplexibus suscepta à Filio, & super omnem exaltata sit creaturæ: cum eo honore, quo tanta Mater digna fuit cū Ea gloria: quæ tantum decuit Filium: Felicia prius oscula labiis impressa lætentis: cui Virgineo Mater applaudebat in gremio. Verum non quid non feliciora censebimus, quæ ab ore sedentis in dextera Patris hodie in beata salutatione suscepit: cum ascendere ad thronum gloriæ, epichalamum canens &

*Cantic: 1.* dicens: *osculetur me osculo oris sui?* Christi generationem, Mariæ assumptionem, quis enarrabit? Quantum enim gratiæ in terris est adepta præ cæteris: tantum

*Cor: 2.* & in Cœlis obtinet gloriæ singularis. *Quod si oculus non vidit, nec auris audivit, & in cor hominis non ascendit, quæ præparavit Deus diligentibus se,* quod præparavit gignenti se & quod de omnibus certum est, diligenti præ omnibus, quis loquetur: Felix planè Maria, & multipliciter felix: sive cum excipit Salvatorem, sive cum à Salvatore suscipitur. Hæc Bernard: unde etiam Anselmus:

*Anselm: lib: de excidentia B. Virginis, cap: 8.* Cum Christus Matrem in Regnum suum assumeret: & ei magnificentiam gloriæ decrevisset ostendere: cuius precor dignitatis & honoris apparatibus intendebat tota curia Angelorum? Quibus vocibus exultationis atq; salutis resonabant universa tabernacula antiquorum Patrum Ipsi curiæ tunc nuper associatorum? Certè crediderim omnes illius Patriæ cives festiviori solito, & sublimioris decoris nitore ad adventum Matris Domini sui præparari, ac novæ quædam & ineffabili jucunditatis gratia, pro tantæ rei expectatione conjubilare.

*Occursus Christi.* Et quid mirum: Ipse Jesus, Deus & Dominus omnium, Filius Ipsi castissimæ Virginis, & Dñæ rerum: Ipse si sicut unicæ suæ Matri, totus festivus occurrere volebat: ne & aliquis de familiaribus suis se à tanti gaudii iminentitate subtraheret. Utiq; moris inter homines esse scitur, unumquemq; bonum servum cuiusq; præpotentis Domini, eo majori gaudio in adventu amici sui exultare, quo Ipsum Dominum suum cognoscit adventantem amicum magis amare. Cum verò de adventu Parentum Domini sui agitur, de quorum speciali dilectione nullus ulla dubitatione tenetur: ille nimirum magis felicem se æstimat, qui majori jubilo & festiviori occursum lætitiæ frenâ relaxat. Si ergo hæc ita se habent apud homines, quibus si qua bonitas est, longè tamen supernorum Civium bonitati impar est. Contempletur animo qui potest, quo gaudio, qua festivitate, quibus concentibus jubilent omnes beatorum spirituum ordines: quantum &

*Comitiva Christi.* unicam Matrem Domini sui adventare, & Ipsum Dominum Deum suum ei videbant omni gloria sua decoratū velle occurrere. Stipatus itaque mille millibus, imò innumerabiliū Angelorum agminibus, Deus Ipse huic piissimæ Matri suæ de hoc mundo migranti occurrat eamque super omnes Cœlos exaltatam, cunctæ sæcū creaturæ perenni jure dominaturā in throno gloriæ collocavit. O dies tanti occursum gloriosa, & felix dies tam præ claræ exultationis. Beata & celebris dies, tam sublimis glorificationis festiva, & omni sæculo admirabilis. Dies enim illa non solum te Domina ineffabiliter sublimavit: sed Cælum Ipsum quod penetrasti, nec non cuncta quæ in eo sunt nova & inæstimabili gratia decoravit. Nova quidem gratia Cælum decoravit: quia priorem gloriam ejus ex præsentia tua ultra quoniam dici possit aut cogitari, magnificavit. Nā tu Domina illuc ascendens nova illud ac præcellenti virtutum tuarum dignitate irradias: immensaque milerationum & gratiarum luce perlustras Eadem.



Eadem quoque dies tui ascensus, eos qui cives Cœli ab initio creaturæ esse meruerunt, solito festiviori exultationis gaudio induit. Quia namque per gloriosum fructum fecundæ virginitatis Tuæ, vident semirutam Civitatem suam reintegrari: verè in Tuo adventu, per quem tantum bonum meruerunt, gaudii sui magnitudo jure debuit augmentari. Terram etiam dies exultationis Tuæ, o! Beatissima faminarum, mira gratia irrigavit, quia dum Te, quam de se & in se aliorum hominum lege progenitam novit, usque ad Creatoris omnium thronum exaltari recognoscit: antiquæ maledictionis pœnam, quam in peccato primorum Filiorum suorum se meritò accepisse sciebat, jam per tantæ benedictionis Tuæ abundantiam, se se evadere indubitater credebatur. Quid amplius dicere possū Domina? *Laus Maria*  
 Immensitatē quippe gratiæ & gloriæ Tuæ considerare cupienti sensus *expuerat sensum et linguam.*  
 deficit, lingua fatiscit. Quæadmodū enim omnia quæ in Cœlo sunt, per glorificationem Tuam ineffabiliter decorantur: ita per eandem glorificationem cuncta quæ in terra subsistunt, ineffabiliter sublimantur. Singula nempe in immensæ dignitatis decus profecerunt, cum per Tuam beatā & integerrimā Virginitatem DEUM suum (quem non cognoverant) agnoscere, & agnitum colore, atque amare metuerunt: quoniam omnes Cœlos transcendere, ac in dextera DEI sui benedicti Filii Tui exaltari cognoverunt. In eo etenim didicerunt se eidem DEO suum totum debere quod sunt, quando Tu Quæ inter illa, & de illis una fuisti, tantā dignitatis eminentiam meruisti. Nihil igitur aut idolis homines aut ullæ aliæ rerū species idolorū coloribus se debere intellexerunt, ubi & singularem Authorem sui ex castissimo utero Tuo ad restitutionem primæ creationis suæ progenitum susceperunt & Te, per quam amissam dignitatem suam recuperaverunt, omni creaturæ tam sublimiter præponi inspexerunt. Quas igitur laudes, quasve gratiarum actiones, non solum humana, *Laudes Mariae*  
 sed etiam omnis creatura huic Sacratissimæ Virgini debet? Purissima namque sanctitas, ac Sanctissima puritas, piissimi pectoris Ejus, omnem omnis creaturæ puritatem, seu Sanctitatem incomparabili sublimitate transcendens, hoc promeruit, ut reparatrix perditī orbis dignissime fieret. Unde quod laudis pro tam ineffabili bono ipse per eam reparatus mundus ei jure debeat, cor alicujus sub carne mortali viventis æstimare nullatenus sufficit: utique cuncta quæ DEUS fecit, & utiliter bona in eo statu quō condita fuerunt esse destiterunt: & per hanc Beatissimam Virginem in statum pristinum restituta sunt. Sicut ergo DEUS, sua potentia cuncta patrando, Pater est Dominus omnium: ita Beata MARIA suis meritis cuncta reparando, Mater & Domina rerum. DEUS est enim Dominus omnium, singula in sua natura propria jussione constituendo: & MARIA est Domina rerum singula congenitæ dignitati per illam quam meruit gratiam restituendo. Et quemadmodum DEUS ex sua substantia genuit Eum, per quem cunctis originem dedit: ita MARIA de sua carne peperit Illum, Qui in decorem primæ creationis omnium, cuncta restituit. Item nulla rerum species, nisi per DEI Filium facta substitit, ita lex debitæ damnationis neminem deserit, nisi quem ab ea Filius Mariæ absolvit. Quis igitur ista recto sensu & corde sincero perpendens plenè percipere queat excellentiam Domine hujus, per Quam tam ineffabili gratia, & tam inæstimabili electione erectus est mundus? Quis inquam, miram & omni



rei præter hanc inauditâ mulieris Istius gratiâ oculis mentis aspiciens, non obstupescat: & non modo: elingvis, verum etiam tantæ rei comprehensione prorsus immunis fiat? Quapropter ea quæ nobis sunt impenetrabilia intermittentes precibus impetrare nitamur, ut quod intellectu capere nequimus, salutari effectu obtinere mereamur. Per has ergo rationes impossibile est, ut aliquis homo ad eam cõversus, & ab ea despectus, damnetur. Namq; Ipsa genuit Eum, per quæ mortua revivunt: per Quem homines ex peccato salvantur, quia non est justificatio, nisi quam ipsa in utero fovit: non est salus, nisi quam Ipsa peperit. Ipsa est ergo Mater justificantis, & Justificatoris, Ipsa est Mater salvantis & Salvatoris. Igitur Mater DEI, qui solus damnat, Qui solus salvat Quem solum timemus, in quo solo speramus, est Mater nostra. Judex & Salvator noster, est frater noster. Quomodo ergo desperemus, cum salus, siue damnatio nostra, ex boni fratris, & piæ Matris pendeat arbitrio? Nunquid sustinebit bonus frater puniri fratres suos quos redemit? bona Mater damnari Filios suos, quorum Ipsa Redemptorem genuit? dulcis Mater rogabit dulcem Filium suum, pium fratrem nostrum Filiû pro Filiis, pro adoptatis. Pius Filius libenter audiet Matrê pro Filiis: unigenitus, pro his quos adoptavit: Dominus, pro his quos liberavit. Hæc Anselmus. Exultemus igitur & nos miseri cum cæcicolis, & creaturis universis, prout possumus: actalem & tantam

*Hieronymus* Virginem pro nostro modulo laudare studeamus. Unde Hieronymus. Ad hæc nos provocans & invitans inter cætera sic ait: Idsumptione. circo lætamini & laudate: quia si DEUM ore prophetico in suis *Psalms. ult.* Sanctis laudare jubemur: multo magis Eum in hac celebritate Beatae Virginis, Matris Ejus, oportet cum Hymnis & canticis diligentius extollere, & dignis DEO jubilarè præconiis, ac Mysticis honorare muneribus.

*Laus Matris ad Filium refertur.* Nulli dubium quin totum ad gloriam laudis Ejus pertineat, quidquid dignè Genitrici lux impensum fuerit, ac solenniter. Prof. Et quidquid humanis potest dici verbis, minus est à laude Cœli, quæ divinis est & Angelicis excellentiis prædicata, & laudata præconiis: A Prophetis quidem prænuntiata à Patriarchis figuris & enigmatibus præsignata, ab Evangelistis exhibita & monstrata, ab Angelo venerabiliter atq; officiosissimè salutata. Tamen & si ad hæc nemo idoneus invenitur, votis omnibus cessare non debet etiam quilibet peccator à laudibus quamvis explere non queat quod sentitur. Unde & sermo divinus, cum de peccatore ageret, in Psalmo: *Sacrificium, inquit, laudis honorificabit me: & illis iter quo ostendam illi salutare DEI.* Ac si patenter dicat: illic iter est laudis, ad laudem sine fine mansuram: sed nemo apprehendit illud, nisi Ego præmonstravero. Propterea quia iter salutis nostræ in laudibus & Salvatoris, hortor vos & commoneo in hac Sacra solennitate genitricis DEIMARIÆ, nolite cessare à laudibus. Et quamvis speciosa laus non sit in ore peccatoris, noli cessare: quia inde promittitur tibi venia, unde & omnibus ut laudes. Alioquin nisi juxta modulum ingenii nostri DEUM laudare in Sanctis suis studeamus: quomodo Eum juxta multitudinem magnitudinis Ejus laudare poterimus. Omnino hoc prætermittendum non est, quod im-

*Psalms. 49.* pleturi sumus quandoq;: secundum quod dicitur, *Beati qui habitant in Domo Tua Domine: in sæcula sæculorum laudabunt Te.* Interim verò quia immensus est, quod voce non possumus, nec facundia



dia valemus, exequamur votis & medullis cordis. Hæc Hieronymus. Assumptio Beatæ Virginis fuit olim præfigurata, quoniam Arca Domini in domum Regis David est translata. Rex David coram arca citharizavit: & eam cum magno jubilo in domum suam adduxit. In arca manna Cœli continebatur: & convenienter per eam Beata Virgo designatur: quia panem Angelorum, Quem homo manducavit, Ipsa generavit. Arca de ligno cethim imputribili erat facta: figurans quod MARIA in putredinem non est redacta. Rex David, qui coram arca subsiliendo citharizavit, Regem Cœli & terræ Christum præfiguravit: qui (ut creditur) Matri suæ personaliter occurrit. & Eam cum magno jubilo in domum suam introduxit. Assumptio etiam Mariæ olim fuit Joanni in Pathmos in sola præfigurata. Nam mulierem quandam admirabilem in Cœlo videbat, quæ sole amicta erat: & MARIA circumdata Divinitate in Cœlum ascende-  
 bat. Luna sub pedibus Ejus esse videbatur: per quod perpetua stabilitas Mariæ designatur. Luna enim instabilis est, & non diu manet plena, & designat mundum, & omnia terrena. Hæc instabilia MARIA contemnens, sub pedibus conculcavit: & ad Cœlum ubi omnia stabilia sunt anhelavit. Coronam etiam in capite suo mulier habebat, quæ in se stellas duodecim continebat. Corona conficitur esse confortis signum: & signat honorem gloriosæ Virgini condignum. Per duodecim stellas Apostoli intelliguntur: qui in discessu Mariæ omnes affuisse dicuntur. Mulieri sunt datæ alæ ad volandum: per quas intelligitur assumptio tam corporis quàm animæ. Festivitas autem hujus Sanctæ assumptionis, figurata fuit olim in Matre Salomonis. Salomon enim Rex in Throno gloriæ residebat: & Matri suæ thronum ad dexteram poni faciebat. In quo ipsam à dextris suis locavit, & quodcunq; petierat, sibi non negavit. Sic & Christus Matrem suam à dextris suis locavit, & omnia quæcunq; voluerit ab eo impetrabit. O felix MARIA & omni laude dignissima. O! Virgo MARIA DEI genitrix gloriosa. O! sublimis pu-  
 erpera, quæ DEUM, Authorem Cœli, & terræ, quem omnis creatura non capit, Tuo Immaculato utero clausum gestasti? Quid nos tantilli, quid actione pusilli, quid in Tuis laudibus referemus, cum etiam si omnium nostrorum membra verterentur in lingvas, Te laudare nullus sufficeret? Quid dicam pauper ingenio, cum de Te quidquid dixerò minor laus est, quàm dignitas Tua mereatur. Quid ergo de Te dignum dicam: quid referam, cū non sufficiat lingua carnis tuas enarrare virtutes? O! MARIA Tui recordatio no-  
 minis melle dulcior, nectare suavior, festos recreat, mæstos lætifi-  
 cat, oppressos relevat, errantes ad viam salutis revocat: & peccato-  
 res, ne desperent, suæ suavitatis odore confortat. Sicut enim tempore vernali, cum ad alta Cœli sol incipit ascendere: & terris fecundam radiorum suorum in minoritatem infundere, vegetabilia cuncta hyemali glacie constricta incipiunt reviviscere: animantia quoq; & volatilia, in antris & specubus, ac diversis quibusq; latibulis abscondita, ad tantæ lucis novitatem respirare incipiunt, ac vires resumere, & cordis lætitiā cantibus & plausibus lætabundis ostendere homines quoq; senes cum junioribus, Ejus in adventu exhiberantur: & tota superficies terræ decore induitur, & applaudit, ac congratulatur. Sic nobis accidit, cum sole amicta Virgo fecunda, Regina Cœli præelecta, ut sol fines cordis nostri ingreditur, & memoria

Figura.

2 Reg. 6.

Arca Do-

mini.

Apocal. 12.

3. Reg. 2.

Felicitas

Maria.

Aug. Serm.

de Assumpt.

Tom. 10.



*Nomen  
Mariae.*

Ejus mentibus nostris rutilantibus absq; nube infunditur, continuè namq; durities omnis ad tantæ lucis immensitatem resolvitur: arida cuncta rore Cœlestis gratiæ irrigantur, fugantur tenebræ, lumen novum exoritur, & gaudiorum nobis materiâ immensâ cumulatur. O! nomē admirabile, o; nomē delectabile, o! nomē gravidū, Sacramentis, & divinis plenū mysteriis: o! nomē gloriosū, o! nomē celeberrimū, o! nomē sublime, antè tēpora universa in DEI prædestinatione cōpositū: & in tēpore dignæ personæ secūdū rem, cōveniēter impositum. O! nomē quodd nominatur sœpius, & frequentatur dulcius in cōcilio & congregatione justorum, & quodd versatur clementius in ore peccatorum. Quis enim unquam criminum veniam petit, nisi mediante MARIA? Omnes MARIAM invocant. Omnes MARIAM nominant. MARIAM præ omnibus amant. Omnis ætas, sexus, & professio, MARIAM studiosè reclamation. Cum enim summum Regem peccando perdimus, cum Angelos, & Sanctos omnes offendimus: cum etiam nobis ipsis graves sumus: & omnino nescimus quid agere debeamus: hoc solum restat miseris, ut oculos cordis & corporis ad Te levemus, consilium quærentes, & petentes auxilium.

*Anselm. lib. de excellentia B. Virginis cap. 6.* Unde Anselmus. Nihil certè utilius post DEUM, memoriâ Matris DEI: nihil salubrius meditatione pii amoris, quò fervebat in memoria & contemplatione Filii sui: nihil jucundius sapore pertracti gaudii Ejus, quo multipliciter pascebatur in eodem, & per eundem Filiū suū. Sæpe quidem vidimus & audivimus plurimos hominum in

*Mariae invocatio inter cetera citius auxiliatur quam Jesu.* suis periculis recordari nominis Ipsius B. M. Virg., & illico omnis peccati intertuli malū evasisse. Velocior est enim non nunquā salus memorato nomine Ejus, quā invocato nomine Domini Jesu unici Filii ejus. Et id quidē non ideo fit, quodd ipsa major Eo sit aut potentior: nec enim ipse magnus aut potens est per Illā, sed Illa per Ipsū. Quare ergo salus promptior in recordatione Ejus, quoniam Filii sui, sæpe percipitur, dicam quod sentio: Filius quidem Ejus Dominus est, & Judex omnium, discernēs merita singulorū. Dominū igitur ipse à quo vis suo nomine invocatus, nō statim exaudit, profectò justo judicio id facit. Invocatio autē in nomine Matris suæ: etsi merita invocati, nō meretur merita Matris intercedūt ut exaudiatur. Hæc deniq; humanus usus quotidie probat, cū quoties proposito amici nomine, ab alio impetrat efficaciter, quodd simpliciter sua prece nequaquā impetrare valebat. Itaq; si tā utilis est in subveniēdo, memoria nominis Matris DEI, nō mirū si magnum affert fructū frequēs meditatio Sæcti amoris Ejus, si plenā jucunditatē dabit dulci studio cogitata & recogitata immensitas gaudii Ejus. Hæc Ansel. Tibi ergo o! spes nostra, gaudiū & lætitia cordis nostri, ego peccator in vocē salutationis & laudis cupiēs prorūpere, Teq; ex intimo cordis cum gemitu & lachrymis, & devota cordis genuflexione affectuosissimè Matrē gratiæ salutare, & laudare: cū mēte pertracto viros illustres qui Te ab initio laudaverūt, præ stupore deficio, & ultra Spiritū nō habeo. Sed cū ad meipsū redeo, hæc intra me revolve, dicēs. Salve o! pia Mater DEI, & Virgo, quā laudat orbis terræ, plenitudo ejus Cœli cœlorum, & omnis virtus eorum, quidquid de præconio Tuo lingua dicere potuit, calamus scribere valuit, cor potuit cogitare, omnibus illis simul collectis & conscriptis, & in unum manipulum congestis centuplicata, & infinitis multiplicata, corde devoto; aureo cum decore, mellifluo sapore, & odore aromatico, Tibi porrigo ad laudandum & glorificandum Te Virgo Beata nunc & in æternum.

*Author ad  
Mariam.*

Unde



Unde Aug. Accipe itaque quascunque meritis Tuis impares gratiarum actio-  
 nes & laudes; & cum susceperis vota, culpas nostras orando excusa. Ad-  
 mitte nostras preces intra sacrarium piæ exauditionis, & reporta nobis anti-  
 dotum reconciliationis. Sit per Te excusabile, quod per te ingerimus: fiat im-  
 petrabile, quod fida mente poscimus: accipe quod offerimus impetra quod ro-  
 gamus, excusa quod timemus, quia nec potiore meritis invenimus, ad  
 placandum iram iudicis, quam Te: quæ meruisti Mater existere Eiusdem Re-  
 demptoris & iudicis. Succurre ergo miseris, iuva pusillanimes, refove fle-  
 biles, ora pro populo, interveni pro clero, intercede pro monachorum cho-  
 ro, exora pro devoto famineo sexu. Sentiant omnes Tuum iuvamen, qui-  
 cunque devotè celebrant tuam assumptionem. Sit tibi compassio super affli-  
 ctis, sit pius affectus super cælorum peregrinis. Et cum Te semper lætantem  
 aspicias, fletus quoque nostros ad Deum Ipsa admittas: Eumque, ut proprium  
 filium, pro nobis interpelles, precamur. Nos enim adhuc in hac terra affli-  
 gimur, iniurijs lacessimur, opprobrijs afficimur: esurimus, sitimus, somnum pa-  
 timur, in carcere resinemur. Tu verò in cælestibus regnis prælata es cunctis  
 virginum choris. Tu agnum quocunque perrexerit sequeris: Tu virgineos  
 choros, & ab incentivæ carnis illecebris alienos, per albertia lilia rosasque ver-  
 nantes ad fontem perennis vitæ potandos invitas. Tu in illa beatorum fæ-  
 licissima regna, primi ordinis dignitate indempta, plantis roscidis oberrans,  
 inter paradisi amantitatem gramineosque & crocos, tenero poplite pergis: fæ-  
 licique palma violas immarcescibiles carpis. Tu concinis sine fine choris cõ-  
 juncta Angelicis, Archangelicisque sociata, indefessa voce Sanctus clamare nõ  
 cessas. Tu in cubiculo regis beatitudine, gemmis, ac margaritis ornata exi-  
 stis. Tibi thronus ab Angelis est collocatus in aula regis æterni: Teque Ipse  
 Rex Regum ut Matrem veram, & decoram sponsam præ omnibus diligens,  
 amoris amplexu associat. Nec mirum si dignetur Tibi adgaudere Deus re-  
 gnans in cælis: Quem Tu parvulum ex Te hominem natum toties osculata es  
 in terris. Has ergo tuas felicitates possidens, convertere ad nostrarum mi-  
 seriarum salutem. Inter hæc fratres charissimi, toto mentis affectu Beatissi-  
 mæ Virginis intercessionibus nos committamus. Omnes patrocinia Eius omni ni-  
 su imploremus: ut dum nos supplici Eam obsequio frequentamus in terris, I-  
 psa nos sedula prece commendare dignetur in cælis. Neque enim dubium  
 est Eam, quæ meruit pro liberandis proferre precium: posse plus Sanctis omni-  
 bus liberatis, impendere suffragium. Sed quid nobis prodest hanc interpel-  
 lare vocibus, nisi etiam humilitatis Eius exempla teneamus? Curemus ergo,  
 dilectissimi fratres, ut cum hujus diei festivitati interesse cupimus, vestimen-  
 tis humilitatis atque charitatis induti appareamus. Non nos invidia alienæ fæ-  
 licitatis torqueat. Non ira usque ad divisionem dilaniet. Non cupiditas a no-  
 bis Christum excludat. Non sæculi nos tristitia exurat. Non prosperitas ejus  
 incautè decipiat. Non luxuria inquinet. Non immundicia polluat. Non ela-  
 tio corumpat. Non superbia inflat, ut cum nos virtutibus ornatos, chari-  
 tate conjunctos, humilitate fundatos, beata DEI genitrix Maria suæ nos in-  
 teresse festivitati perspexerit, ardentius subvenire festinet apud Filium, &  
 Dominum suum Jesum Christum, Deum Salvatorem nostrum, qui coronis  
 perennis regni clarificat Sanctos suos, & est æterna laus & expectatio omni-  
 bus electis suis. Hæc August. unde & Anselmus: Rogamus ergo te Domina,  
 per Ipsam gratiam qua te pius & omnipotens Deus sic exaltavit, & omnia re-  
 cum possibilia donavit: quatenus id apud Ipsum nobis obtineas, ut plenitudo  
 gratiæ quam meruisti in nobis sic eperetur, quod participium beati premij E-  
 jus nobis misericorditer quandoque donetur. Ad hoc quippe Deus noster per  
 Te factus est frater noster, ut quemadmodum Ipse dignatus est consors fieri  
 nostræ humanitatis: sic nos mereamur consortes fieri suæ Divinitatis. Inten-  
 de ergo piissima Domina, ut nobis ad effectum proveniat, propter quod Deus  
 noster ex Tuo castissimo utero factus homo inter homines venit. Nec sis qua-  
 sumus exoratu difficilis quia proculdubio idem benignissimus Filius tuus erit  
 ad concedendum, quicquid voles, promptus & exaudibilis. Tantummodo  
 itaque velis salutem nostram, & verè nequaquam salui esse non poterimus.

Xxxxxxx

Quid

Anselm.  
 lib. de ex-  
 cellentia  
 B. Virgi-  
 nis. c. 122



Psal. 84.

Quid ergo stringes larga viscera misericordiae Tuæ contra nos Domina, ut nolis salvari nos? Certe Deus noster (teste Propheta) misericordia nostra est, Tu ejusdem DEI nostri, absq; dubio, vera Mater es. Si tu ergo quæ dulcis es, & revera misericordiae Mater denegas nobis effectum misericordiae, cujus tam mirabiliter facta es Mater: quid faciemus cum idem Filius tuus advenerit, cunctos æquo iudicio judicaturus? Siquidem licet Ipse Filius tuus sit per Te factus frater noster: utiq; tamen ubi voluntatem Tuam suam videlicet dulcissimæ Matris magis porrectam adverterit: illuc servata æquitatis ratione, à qua te nullatenus discrepare velle videbit, iudicii sui sententiam, sive ad misericordiam inflectendo, sive ad iustitiam intendendo promulgabit. Subveni ergo nobis Domina, & non considerata peccatorum nostrorum multitudine, velle tuum ad miserandum nobis inflecte. Cogita quæsumus, & recogita apud te, quia non ad damnandum, sed salvandum peccatores Conditor noster factus est homo ex Te. Cur itaq; non iuvabis nos peccatores, quæ in tantam celsitudinem es propter nos elevata: ut te Dominam habeat, & veneretur tota pariter creatura? An ideo utrum pereamus amplius non curabis: quia quidquid de nobis miseris ultra eveniat gloriæ Tuæ nulla iactura inde proveniat? Et hoc quidem fortassis aliquo modo bona Domina posses, si pro Tui solius exaltatione & utilitate Mater DEI facta fuisses. Sed utique Deus, qui hominem assumpsit ex Tua castissima carne, hoc fecit pro Tua & nostra communi salute. Si ergo tu, quæ plena salute es potita, non intendis, ut eadem salus pro modulo nostro etiam ad nos usq; pertingat: iam tuorum sufficiens commodorum, nostrorum negligens esse videberis: quæ pro totius mundi salvatione meruisti fieri Mater Altissimi, cum nos postposueris quos obvoluit funus sæculi. Quid ergo quæso proderit nobis Tua felix & gloriosa exaltatio, & quam inde habemus, dulcis & affectuosa exultatio? Ut ergo Filium tuum totius mundi Salvatorem, & Te Ejus reconciliatricem veraciter esse sentiamus: eò nos propensiori studio iuva precamur & fove, quò in facibus mundi natos & alitos potiori levamine perspicis indigere. Ab initio denique renovationis humanæ, omnibus sub tuum præsidium confugientibus huc vsque succurristi, & idcirco præ omni creatura, omni laude dignissima dici & esse meruisti. Eia succurre nobis, & oramus ut laus quam per tot sæcula possidisti, continua tibi duret in gratia Ipsa, qua mundo subuenisti. Tibi ergo nos commendamus, tu procura ne pereamus. Effice potius ut salus nostra de die in diem multiplicetur, & Filio Tuo, Domino JESU Christo, vita nostra iugi devotione famuletur. Hæc Anselmus.

## DE FINALI JUDICIO.

## Cap. LXXXVII.

Iudicium finale.

Iudicium

antecedentia,

concomitantia,

consequentia.

Purgatorij

duplex pæna

Post prædicta, quæ iam completa sunt, restat ut de finali iudicio, & quibusdam alijs nondum impletis, aliquid videamus. Finale itaq; iudicium quædam sunt antecedentia, scilicet pæna purgatorij, Ecclesiæ suffragia, & Antichristi persecutio: quædam concomitantia, scilicet conflagratio mundi, & corporum Resurrectio: & quædam sequentia, scilicet pæna infernalis, & gloria cælestis. De purgatorio sciendum, quod in eo duplex pæna est: una damni, de carentia Divinæ visionis: alia sensus, de afflictione caloris aut frigoris, vel pænae alterius generis: & quantum ad utrumque, minor pæna purgatorij, major est quàm maxima pæna hujus mundi. Bernardus: Sola dies purgatorij, superat passiones Sanctorum. Ratio autem acerbitalis pæna purgatorij est ista: quia cum Deus plus quærat emendam, quàm pænam, plus ponderat in pænitentia virtutem bonæ voluntatis, quàm pænam afflictionis unde plus ponderat Deus modicam pænam voluntariam in præsentia, quàm multam non ita voluntariam in futuro, sicut plus valet modicum auri, quàm multum plumbi. Unde secundum Augustinum: Una gutta aquæ lachrymarum, tantum facit hic pro emenda, quantum decem anni in purgatorio. Et oportet, ut, quod ibi deficit in voluntate, suppleatur in acerbitate.

Neces-



Necesse est autem (ut ait August. quod tantum urat dolor, quantum inhæse-  
rat amor. Tantò enim quisque torquetur diutius: quantò affectus ejus ve-  
nialibus inhærebat fortius. Unde tandiu differtur quis à gloria, quousque  
fiat sine omni macula sicut erat in baptismo. Noli ergo contemnere venialia,  
pro quibus tanta pœna est expectanda. Cur autè anima in corporalibus pa-  
nis teneatur, declarat Aug. dicens: Animæ quæ in corporibus viventes, per  
dilectionem rerum visibilium corporalibus imaginibus afficiuntur, à corpo-  
ribus exeuntes, in eisdem imaginibus tormenta patiuntur: propterea enim cor-  
poralibus passionibus sibi teneri possunt, quia à corruptione corporalium affe-  
ctionum hîc mundatæ non fuerunt, quam corpulentiam de Corporis delecta-  
tione traxerunt. Et iterum: Si enim anima à corruptione corporalium affe-  
ctionum hîc non mundatur, Corpore exuta corporalibus tenetur passionibus.  
Studeat ergo in hac vita se ab hujusmodi petulantia mundare: quatenus cū  
hinc exierit, nihil corporeum secum trahat, & à Corporis passione immunis  
existat. Hæc Aug. Suffragiorum autem sunt quatuor modi generales ad  
quos omnes alij reducuntur, scilicet oratio, ieiunium eleemosyna & Sacra-  
mentum altaris. Hæc suffragia profunt defunctis, secundum magis & minus,  
pro diversitate meritorum in mortuis: vel pro charitate vivorum, qui magis  
solicitantur pro mortuis aliquibus quam alijs. Illa enim suffragia quæ speci-  
cialiter fiunt pro aliquibus plus valent illis, quam alijs, licet etiam alijs aliquo  
modo communicentur. Suffragia verò quæ communiter fiunt pro defunctis,  
quamvis omnibus pro modulo suo profint: Illis tamen amplius, qui dum es-  
sent in statu viæ, magis meruerunt ut sibi prodesse. Unde Gregor. Illis  
sacræ victimæ mortuis profunt, qui hîc vivendo obtinuerunt ut eas etiam  
post mortem bona adiuvent, quæ hîc pro Ipsis ab alijs fiunt. Inter hæc autè  
pensandum est, quod tutior via sit, ut bonum quod quisque post mortem su-  
am sperat agi per alios, agat dum Ipse vivit per se. Beatius quippe est libe-  
rum exire, quàm post vincula libertatem quærere. Tunc ergo verè pro no-  
bis DEO hostia accepta erit, cū nos ipsos hostiam fecerimus. Et fidenter  
dico, quia Hostia Salutari post mortem non indigebimus, si ante mortem  
DEO Hostia Ipsi fuerimus. Hæc Greg. Insuper ne aliquod bonum pereat,  
Illa bona quæ quis peccando operatur, mortificata, alijs salvandis dabuntur.  
Sicut quoniam corporali morte quis moritur, fratres & propinqui in bonis  
Ejus succedunt. Antichristus verò quatuor modis subvertendi homines ar-  
mabitur: scilicet callida persuasione, miraculorum operatione, bonorum lar-  
gitione, tormentorum exhibitione. Prædictis quatuor modis multos ad se  
trahet. Trahet autem malos per munera, bonos per tormenta, simplices  
per prædicationem & miracula. Habebit secum magos & maleficos: reges  
quoq; & principes. Unde in Apoc. *Vidi de mari bestiam ascendentem, id est,*  
Antichristum, *habentem capita septem, id est, principes universos, & cornua de-*  
*cem, id est illos qui impugnant decalogum, Hic ex parentibus senibus con-*  
*cipietur, & nascetur in Babilone, de tribu Dan. Et sicut in Christo omnis*  
*plenitudo Divinitatis inhabitavit, ita in Antichristo omnis plenitudo iniqui-*  
*tatis inhabitabit: quia in Ipso erit spiritus malignus, caput omnium malo-*  
*rum, propter quod & Filius perditionis vocabitur. Inter occultum adven-*  
*tum Antichristi, qui est per nativitatem, & manifestum, quod erit per prædi-*  
*cationem, & apertam persecutionem: venient Helias & Enoch, ut Ipsi repu-*  
*gnent, & errantes ad viam veritatis reducant, qui utriq; per Zachariam dux*  
*Olivæ, id est Spiritu Sancto uncti, & per Joannem duo candelabra, id est*  
*lumen dantes alijs nominantur, & prædicabunt diebus mille ducentis sexa-*  
*ginta, id est tribus annis & dimidio, sicut & Christus prædicavit: amicti sac-*  
*cis, id est penitentiam prædicantes, & exemplo sui ostendentes. Et omnes*  
*qui cognoscere & confiteri verum Deum volunt, hos duos senes & veraces*  
*testes subsequantur, iniquum errorem deferentes: quam Ipsi in magnis, &*  
*coram DEO, & coram populo fulgebunt, vicos & civitates & plateas, atque*  
*alia loca ubicunq; Filius perditionis contrariam doctrinam suam efflaverit*  
*percurrentes: ac in Ejs multa signa in Spiritu Sancto facientes, ita ut omnis*  
*populus qui ea viderit in maximam admirationem ducatur. Idcirco autem*



**Hælia & Enoch cades.** hæc magna signa, supra firmam petram solidata, illis dabuntur, quatenus Illa contraria, & falsa signa abijciantur. Tandem Antichristus occidet eos in Hierusalem, & iacebunt Corpora eorum in plateis tribus diebus & noctibus & dimidio, quia nullus audebit Corpora eorum sepelire, propter metum Antichristi, ut quicumq; viderint, timeant Ejs conformari. Post tres autē dies & dimidium resurgent, & in calum in nube ascendent. Antichristus verò quindecim diebus regnabit post mortem illorum. Regnabit autem tribus annis & dimidio, & post Dominus potestate sua occidet Eum: sive per se, sive per Michaelē Archangelum. Occidetur autē in monte Oliveti in papillione, & in solio suo, in loco illo unde Dominus ascendit, scilicet in præfati montis vertice, qui dicitur inclytus, quia de eo Salvator ascendit ad Patrem, ibi namque peribit, unde Dominus ascendit. Quō interfecto non statim veniet Dominus ad iudicium, sed concedentur quadraginta quinque dies ad refrigerium Sanctorum, & ad penitentiam subversorum. Quantum autē sit spatium inter Illos quadragintaquinque dies, & finem mundi, nemo scit. Iudæi tunc ad prædicationem Enoch & Hæliæ: convertentur ad fidem, & Sancta Ecclesia usq; in finem mundi pacifica quiescet, quia extunc fraudulentia & sævitia diaboli penitus deficiet. Circa conflagrationem mundi sciendum est, quod ignis permaximus adventum iudicis præveniet, & faciem Ejus præcedet, quia virtute divina non solum ignis, qui est in sphaera sua: sed etiam omnes ignes, & qui in terra, & super terram sunt, ad mundi conflagrationem concurrent. Per istum ignem quasi simul fiet purgatio iustorum, & punitio malorum, incineratio Corporum, & consumptio terræ nascentium. Habebit enim iste ignis officium quatuor ignium, videlicet ignis infernalis, ad reproborum punitiōem, ignis purgatorij, ad bonorum à venialibus purgationem, ignis terrestris, ad vegetabilium & sensibilibus consumptionem, & corporum incinerationem: & ignis elementaris, ad elementorum subtilisationem, & innovationis eorum dispositionem. Per hunc ergo ignem ita facies terræ exuretur, quod Figura hujus mundi peribit, sicut & olim per diluvium factum fuit. Et meritò primum DEI iudicium fuit in aqua, contra ardorem luxuriæ, quæ tunc viguit, ultimum verò iudicium erit in igne, contra teporem charitatis, quæ tunc senescente quasi mundo refrigeret. Quo facto, statim erit Resurrectio mortuorum Corporum, cum adventu iudicis ad iudicium, & tunc inflammabitur totus mundus per circuitum: Quia enim homo meruit & demeruit, in anima simul & Corpore punietur, vel præmiabitur in utroque, & ideo in eisdem oportet Eum resurgere. Resurgent autē omnes tam boni quam mali, nulla in eis existente differentia, nō quantū ad ordinem temporis, sed quantum ad ordinem dignitatis. Nam mali surgent deformes & passibiles, imo tam ignominiosum erit Corpus peccatoris, quod anima resumens ipsū stupebit quoniam illud videbit, & ipsum videre abhorrebit, & vellet potius habere tale Corpus quale erat, quamvis dimidium comestum fuit à vermibus. In bonis autem natura servabitur, & vitia detrahentur, & erit Corpus septies clarius quàm sol sit modo. Quantò fuerint crimina malorum abominabiliora, tanto erunt corpora eorum deformiora. Et quantò fuerint merita iustorum plura & maiora, tanto erunt Corpora eorum pulchriora & clariora. Corpus minimi pueri seniorum, septupliciter clarius sole erit. Si alius fuerit in decuplo erit illo clarius, & similitudinem magis intellige de centies & millesies. Et sicut Christus infinitis est omnibus Sanctis Sanctior, ita est infinities Corpus Ejus omnibus Sanctis clarius. Omnes autē tam boni quam mali resurgent incorrupti & integri Corpore videlicet augmenta. sine aliqua membrorum diminutione, in debita statura, secundum mensuram ætatis plenitudinis Christi, sed boni tantum in gloriam immortalitatis immutabuntur. Unde Aug. Sed si Christus in ea mensura Corporis in qua mortuus est resurrexit: nefas est dicere, cum Resurrectionis omnium tempus venerit, carit, accessuram Corpori Ejus eam magnitudinem quam non habuit, ut longissimis possit fieri æqualis. Si autem dixerimus, ad dominici Corporis modum etiam minorum majorumque Corpora redigenda, peribit de multorum Corporibus per plurimum, cum Ipse nec capillum perituum esse promiserit. Restat ergo ut quisq; recipiat suam mensuram quam vel habuit in juventute, si senex.



senex est mortuus: vel fuerat habiturus, si est antè defunctus. Et ideo non est dictum ab Apostolo, in mensuram staturæ sed, in mensuram ætatis plenitudinis Christi, quia resurgent corpora mortuorum in juvenili ætate & robore, ad quam Christum pervenisse cognovimus: Hæc August. Resurrectio ergo tria corrigit in natura, scilicet defectum, sicut in pueris & mutilatis, sive in diminuta natura membrorum superfluum, scilicet unguium, crinium & hujusmodi. Errorem, sicut est in monstruositate membrorum. Resurgent quoque corpora eorum: numero eadem ex eodem pulvere in quem prius, redacta fuerant: ita quod in quascunq; auras vel sinus pulvis Ille fuerit dispersus, ad eandem animam redeat, quæ ipsum primitus ut viveret & cresceret animavit. Nec solum resurgent Corpora quantum ad membra principalia: sed etiam salvis capillis, & cæteris membris ad decorem facientibus. Resurgent enim homines quantum ad esse, & quantum ad integrum esse, & quantum ad decorum esse. Et hoc in momento, id est, brevissimo & angustissimo spatio temporis, in idem oculi, transvolavit media, & transijt ad remota: in novissima tuba, idest per vocem magnam & manifestam, postquam non erit alia. Hæc tuba clamor ille intelligitur, de quo in Evangelio dicitur: Media nocte clamor factus, Ecce sponsus venit, exite obviam ei: Non enim tunc veniet cum speratur, sed media nocte idest occultè valde & insperatè. Tubæ nomine ali- quod evidens & præclarum signum accipitur, quod nutu divino dabitur: quod Archangeli vox & tuba DEI alibi & etiam vox filij DEI in Evangelio dicitur: Et bene dicitur tuba DEI: quia quasi ad bellum contra inimicos veniet, & efficaciam dabit ei, quod per illam mortui Resurgent. Vox ergo tubæ, secundum quosdam, est imperium Christi resurgere imperantis: secundum alios verò, est manifesta Christi apparitio: post Resurrectionem verò statim erit judicium. Erit autè in valle Josaphat quæ sita est ad Orientem, inter Hierusalem & montem Oliveti: quia Hierusalem terræ adiacens est locus communis omnibus nationibus, ac famosissimus, & publicus propter opera nostræ redemptionis. Josaphat autem interpretatur judicium Domini. Ad judicium ergo Domini congregabuntur omnes impij, ut damnentur, justi verò non descendent in vallem judicij ut damnentur, sed in nubibus obviam Christo elevabuntur. Christus enim non descendet in terram ad judicium, sed in ære sedebit contra locum montis Oliveti, ex quo ascendit, stipatus agminibus & virtutibus cælorum. Et erit judicium illud horribile ex omni parte. Suprà, erit iudex iratus: subtus, patens infernus: intus, conscientia remordens: extrà, mundus ardens, à dextris, peccata accusantia, à sinistris, infinita demonia terrentia: circà, boni Angeli in infernum pellentes, & mali ad ipsum trahentes. Ibi erunt autem omnes Sancti sententiam judicis approbantes, & omnes mali cum bonis peccata damnatorum cognoscentes. Et tunc Christus blandus justis, & terribilis apparebit injustis. Adeo quidem iratus reprobis videbitur, ut dicant montibus & petris, cadite super nos, & abscondite nos à facie sedentis super thronum, & ab ira agni. Stigmata quoq; monstrabit, & passionis insignia, scilicet Crucem, clavos, lanceam, coronam, & flagella. Tota quippe Trinitas in judicio futuro judicabit authoritativè & jurisdictione ordinaria, sed Christus, in quantum homo, judicabit executivè & jurisdictione delegata: quia iudex debet esse manifestus omnibus judicandis. Deus autè non videtur: quia tunc omnes essent beati, cum in visione consistat beatitudo, & in deo executio judicij data est à Patre Christo homini, qui poterit ab omnibus videri. Unde potestatem dedit ei judicium facere, scilicet executivè: quia filius hominis est ab omnibus visibilis, bonis & malis. Non apparebit in forma DEI, quia solis mundis corde promittitur visio formæ DEI: sed in forma servi, ut possit ab omnibus videri justè judicaturus in ea forma, in qua injustè judicatus est, Unde August. in Forma illa erit iudex, in qua stetit sub iudice. Illa judicabit, quæ judicata est. Nam si judicium non fieret nisi inter solos justos, appareret tanquam justis forma DEI. Quia verò judicium futurum est iusto- rum & iniquorum: nec licet ut iniqui, videant Deum: talis apparebit iudex, qualis videri possit, & ab Ejs quos coronaturus est, & ab Ejs quos damnatu-  
Ephes. 4.  
Resurrectio  
tria corrigit  
in natura, et  
erit integra.  
Resurrectio  
per in mo-  
mento.  
Mat. 25.  
Tuba quid  
Vallis Iosaphat locus  
judicij.  
Indicij hor-  
ribilitas.  
Christus cū  
cicatricibus  
apparebit.  
Divina na-  
non vi-  
datur dā-  
randis.  
Forma qua  
judicaturus  
judicabit  
Christus.  
August.  
serm 64.  
de verbis  
Domini.

Yyyyyyy

rus



*Ordines in* rus est. Hæc Aug. Ordines autem quatuor erunt in iudicio: quorum duo  
*iudicio* erunt electorum, & à dextris: duo reproborum, & à sinistris. Ex parte electo-  
*quatuor.* rum quidam non iudicabuntur, sed iudicabunt & salvabuntur, ut quorum me-  
rita bona sunt impermixta malis, sicut perfectorum pauperum Christi, qui hîc  
se ipsos iudicaverunt: qui præcepta legis, perfectionis virtute transcendunt, &  
omnia relinquentes, nudi nudum Christum secuti sunt, quibus voce domini-

*Matt. 19.* ca dicitur: *Uos qui reliquistis omnia, & secuti estis me, cum sederit filius hominis in  
sede maiestatis sue, sedebitis & vos super sedes duodecim iudicantes duodecim tribus Isra-  
el.* Dicuntur autem iudicare, id est, iudicanti assistere: quia cum iudice tan-  
quam assessores eminentius sedebunt, non quod ipsi sententiam ferant, quia  
hoc solius iudicis erit: sed quod approbent & confirmet. Sedebit enim Chri-  
stus in eminentiori loco cum Sanctis: mali verò stabunt subtus in terra quam  
dilexerunt. Quidam verò iudicabuntur & salvabuntur, ut quorum merita bo-  
na sunt aliquibus malis venialibus permixta qui vitæ maculas lachrymis ter-  
gunt, qui mala præcedentia sequentibus factis & misericordiæ operibus redi-  
mentes, quidquid illicitum aliquando fecerunt, ab oculis iudicis bonorum o-

*Matt. 25.* perum superinductione cooperiunt, quibus iudex veniens dicet: *Esurivi, &  
dedistis mihi manducare: sitivi, & dedistis mihi bibere: hospes eram, & collegistis me:  
nudus, & operuistis me, infirmus, & visitastis me: in carcere, & venistis ad me.* Ex par-  
te reproborum quidam iudicabuntur, & damnabuntur, ut quorum merita dâ-  
nabilia permixta sunt aliquibus bonis: sicut illorum qui Christianæ fidei ini-  
tati mysterijs opera fidei exercere contemnunt, & fidem sine operibus habent:  
*Ibidem.* quibus inclamatione dominica dicitur: *Esurivi, & non dedistis mihi manducare:  
sitivi, & non dedistis mihi bibere: hospes eram, & non collegistis me: nudus, & non opu-  
ristis me: infirmus & in carcere, & non visitastis me.* Quidam verò non iudicabun-  
tur, sed damnabuntur, ut quorum mala merita omnino impermixta sunt bo-  
nis, ut qui fidem recipere noluerunt, & fundamento fidei caruerunt: vel qui  
susceptam fidem quasi per apostasiam reiecerunt: de quibus Dominus dicit,

*Ioan. 3.* Qui non credit, iam iudicatus est. Et de quibus Paulus ait: *Qui sine lege pecca-  
verunt, sine lege peribunt.* De quibus etiam Psal. ait, *Non resurgent impij in iudicio.*  
*Rom. 2.* Resurgent quippe etiam omnes infideles, sed ad tormentum, non ad iudici-  
*Psal. 1.* um. Unde Petrus Cantor: Qui non credit, non habens scilicet characterem  
fidei, iam iudicatus est. Non enim fiet cum tali discussio & examinatio, cum  
caruerit characterem & dominio regis, & constet curiæ talem esse de reprobis,  
nec de familia DEI: unde sine sententia rapietur in ignem æternum. Habens  
autem characterem regis & signum quo ab alijs separatus erat, citabitur ut ho-  
mo regius: sed & quæ discussio & desceptatio cum eo? *Esurivi, & non dedistis  
mihi manducare, &c.* Tandemq; pro non servato characterem & dominio regis,  
fiet sententia in Eū damnandū Gregorius, Nā & principes terrenā rempublicā re-  
gens, aliter punit civē interius delinquentē atque aliter hostē exterius rebellatē.

*Gregor.* In illo enim iura sua cōsulit, cōtra hostē verē bellū movet, & de pœna Eius quid  
*li. 26. mo* lex habeat nō requirit. Hæc Greg. Perfecti ergo iudicabūt, & non iudicabūtur,  
*val. c. 25.* alij fideles facta discussione Evangelica, de operibus misericordiæ iudicabū-  
tur: quidam ad gloriam, quidam ad pœnam, infideles autem iam iudicati sunt.

*Iudicandi* Ubi non putatur per tractum & moram temporis singulorum examinatio: sed  
*forma.* simul merita singulorum discutiet, & discussa iudicabūt. Tunc enim libri con-  
scientiarum pendentur, & Ipse liber aperietur, qui dicitur liber Vitæ, quo fiet ut  
simul omnium omnia secreta omnibus tanta certitudinis claritate patefiant, ut  
contra testimonium veritatis loquentis in Christo, & conscientia cuiusq; pa-  
riter contestantis, nulla inficiendi, defendendi, vel excusandi seu subterfugien-  
di pateat semita, quin recipiat unusquisq; secundum merita sua.

*August.* Fiet  
*li. 22 de* enim virtute divina, ut cuiq; opera sua vel bona, vel mala cuncta in memoriā  
*civitate.* revocentur, & mentis intuitu mira celeritate cernantur: ut accuset, vel excuset  
conscientia conscientiam. Tunc aperta erit seperatio sicut morum, sic & vitæ  
singulorum. Dicit autem August. quot tot homines salvabuntur, quot damo-  
nes ceciderunt. Sed Greg. dicit, quod tot homines salvabuntur, quot Angeli  
perstiterunt. Dixerunt etiam quidam, quod duo parietes erunt in cœlo, scilicet  
unus hominum, & alter Angelorum, & quod ruina Angelorum restaurabitur  
per



per virgines, & de alio pariete tot erunt salvandi, quot in alio pariete sunt vir-  
gines & Angeli. Bonum esset & utile de hoc iudicio frequenter cogitare, ut  
cogitatio tantæ angustia nobis timorem incuteret, & timor incussus à nobis  
peccatum perpetratum expelleret, & nos à perpetrando arceret, exemplo  
Hierony. dicentis: Sive comedam, sive bibam, sive aliquid aliud faciam, sem-  
per videtur in auribus meis sonare illa vox terribilis. Surgite mortui, & ve-  
nite ad iudicium Gregorius: Si qua est præsentis temporis lætitia ita agenda est,  
ut nunquam amaritudo sequentis iudicii à memoria recedat. Anselmus. In ma-  
tutino, id est, in contemplatione extremi iudicii: quod nostri præsentem tanquam  
lux matutina succedit, interfice omnes peccatores terræ, id est, delicta atque  
peccata conversationis terrenæ, ut disperdas de civitate Domini quam in te  
illi edificare debes, omnes operantes iniquitatem: id est, diabolicas suggesti-  
ones, odibiles DEO delectationes mortiferos consensus, & opera perversa Ab  
omnibus his (tanquam civitas DEI) debes emundari, ut placitam in te mansionem  
sibi creator inveniat, obtineat, & possideat. Hæc Anselmus: Hæc ergo omnia  
pensantes, evigilemus totis viribus, & voluntati DEI obtemperantes, remedia  
quæramus: beneficiaq; DEI circa nos cogitantes assidue peccata studeamus pro  
posse vitare, ut iudicio illi terribili mereamur securi assistere. Ad quod bene  
hortatur nos August. dicens: Melius est hic parvam amaritudinem sustinere,  
& postea ad æternam dulcedinem pervenire, quam hic habere falsum gaudium,  
& illic suscipere sine fine supplicium. Et iterum: Certum est, fratres charissimi,  
quod si semper beneficia DEI nostri, quæ nobis nullis præcedentibus meritis no-  
stris collata sunt, assidue cogitamus, peccata nobis aut non dominantur, aut si  
fortè surreperint, citò per pœnitentiam corriguntur. Quis enim vel mente  
concipere, non dicam verbis possit exponere, quanta circa nos sunt beneficia  
DEI nostri? Fecit enim nos, cum non essemus: reparavit nos postea, cum peri-  
issemus. Mortem suscepit, pretioso nos sanguine liberavit. Ad inferna descen-  
dit, de faucibus nos æternæ mortis eripuit, cœlorum nobis etiam præmia pro-  
misit. Hæc omnia fratres dilectissimi pio & benigno animo cogitantes, quan-  
tum possumus cum Ipsi adiutorio beneficijs suis vicem rependere festinemus.  
Non reddamus mala pro bonis: sed quantum possumus, voluntati Illius ob-  
temperare fideliter studeamus: totis viribus invitantes, ut præcepta Ipsius magis  
nobis pariant de sequacitate remedium, quam de transgressione iudiciū. Nam  
quid faciemus, charissimi, in Illo metuendo iudicii die, cum tremante mundo  
Dominus præcinentibus Angelorum buccinis, in Illo majestatis suæ throno,  
circumdatus cœlestis militiæ luce, confederit: ibiq; de terræ gremio & anti-  
quo pulvere suscitato humano genere, attestante testimonio conscientia singu-  
lorum, positis in conspectu peccatorum pœnis, iustorumq; præmijs rationem vi-  
tæ caperit postulare, & plus iam iustus quam misericors, severitate iudicis cō-  
temptæ misericordiæ reos cœperit accusare, & dicere: Ego te, o homo, de limo  
manibus meis feci, Ego terrenis artubus infudi spiritum: Ego tibi imaginem no-  
stram similitudinemq; conferre dignatus sum: Ego Te inter paradisi delicias col-  
locavi. Tu vitalia mandata contemnens, deceptorem sequi, quam Dominum  
maluisti. Cum expulsus de paradiso, jure peccati mortalis vinculis tenereris:  
virginalem uterum, sine dispendio virginitatis, pariendus introij, In præsepio  
expositus, & pannis obvolutus iacui. Infantia contumelias humanosq; dolores,  
quibus tibi similis fierem, ad hoc scilicet ut te mihi similem facerem, pertuli.  
Irridentium palmas & sputa suscepi, acetum cum felle bibi: flagellis cæsus, ve-  
pribus coronatus, affixus Cruci, perfossus vulnere, ut Tu eripereris morti, a-  
nimam in tormentis dimisi. En clavorum vestigia, quibus affixus pependi: en  
perfossus vulneribus latus. Suscepi dolores tuos, ut tibi gloriam meam da-  
rem. Suscepi mortem Tuam, ut Tu in æternum viveres. Conditus iacui in  
sepulchro, ut Tu resurgeres in cœlo. Cur quod pro Te pertuli perdidisti? Cur  
ingratè redemptionis Tuæ munera renuisti? Non tibi Ego de morte mea qua-  
ror. Redde mihi vitam Tuam, pro qua meam dedi. Redde mihi vitam Tu-  
am, quam vulneribus peccatorum indefinenter occidis. Cur habitaculum, quod  
in Te sacraveram, luxuriæ sordibus poluisti? Cur Corpus iam meum illece-  
brarum turpitudine maculasti? me graviore criminum tuorum Cruce, quam



**Peccatum** Illa in qua quondam pependeram affixisti? Gravior enim apud me peccata-  
**gravissimū** torum Tuorum Crux est, in qua vinctus pendeo, quam illa in qua Tui mi-  
**Christo est.** fertus mortem Tuam occisurus ascendi. Cum essem impassibilis, pro Te pati  
 dignatus sum. Sed Tu despexisti in homine Deum, in inferno salutem: in via  
 reditum, in iudice veniam, in Cruce vitam, in supplicijs medicinam. Et quia  
 post omnia mala tua ad medicamenta pœnitentiæ confugere noluit: ab au-  
 ditu malo non mereberis liberari. Hæc August. Terminatō iudiciō, tota ca-  
 liditas illius ignis permaximi, de quo dictum est, exequetur iudicis sententi-  
 am: involvet enim peccatores & trahet in infernum. Et ita patet, quod ille

**Gregor.**

**hom. 2. in**

**Ezechiel.**

**Ibidem.**

Greg. Ille etiam ignis, qui cœlum æreum & terram concremabit, peccatores  
 proculdubio constringet in pœna suæ damnationis. Ipse enim redemptor no-  
 ster in suo nunc terrore videbitur, eiq̃ve ignis iudicij in reproborum vindi-  
 ctam famulabitur. Et iterum: Extremi iudicij die, æterno tunc iudice terri-  
 biliter apparente, astantibus legionibus Angelorum, assistente cuncto cœlesti-  
 um ministerio potestatum, atq̃ue omnibus electis ad hoc spectaculum deductis,  
 antiquus hostis diabolus, bellua videlicet crudelis & fortis, in medium capti-  
 vus deducetur, & cum suo Corpore: id est, cum reprobis omnibus æternæ ge-  
 hennæ incendijs mancipabitur, cum à Domino dicetur: *Discedite à me maledi-  
 ci in ignem æternum qui paratus est diabolo & Angelis Ejus.* Oqvale erit illud spe-  
 ctaculum, quando hæc immanissima bellua electorum oculis ostendetur, quæ  
 hoc belli tempore nimis eos terrere poterat, si videretur. Sed occulto ac miro  
 DEI consilio agitur, ut & nunc per Ejus gratiam à pugnantibus non visa vin-  
 catur: & tunc à lætis victoribus iam captiva videatur. Tunc autem iusti di-  
 vino adiutorio, quantum debitores sint, plenius recognoscunt, quando tam for-  
 tem belluam viderint, quam nunc infirmi vicerunt, & in hostis sui conspiciunt  
 immanitatem, quantum debeant defensoris sui gratiæ. Hæc Greg. Umde &

**August.**

**ubi Aug.**

**supra Dei**

**visio aperta**

**Ansel. in**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

**Mat.**

<



Incarnatio verò eorum est à statu veteri in statum novum commu-  
 ratio. Et requirit in illis duo: scilicet motus cessationem, <sup>Celestis motus</sup>  
 & claritatis splendorem ampliorem, quando sol stabit in Oriente, <sup>tus cessatio</sup>  
 & luna in Occidente, ubi creata sunt: & ibi sine fine manebunt. <sup>Innovatio</sup>  
 Hujus ratio est ista: Quia corpora superiora facta sunt ad usum ho-  
 minis dupliciter. Uno modo, propter necessitatem corporis, scili-  
 cet statum generationis & corruptionis, & ideo cessante illo statu,  
 cessat & motus. Motus enim Cœli, & transmutatio, in elementis  
 ordinata sunt ad complendum numerum Electorum. Et ideo ipso  
 numero completò, in iudicio cessabunt: sicut ea quæ sunt ad finem,  
 habito sine cessant. Cessante autem motu Cœli, cessabit & tempus, <sup>Temporis</sup>  
 quod sequitur motum Cœli: quia secundum Apocalypsim, tempus <sup>cessatio.</sup>  
 non erit amplius. Ex hoc patet quòd dies Resurrectionis gene-  
 ralis erit dies novissimus. Unde Job dicit: *Et in novissimo die, de* <sup>Job. 19.</sup>  
*terra resurrecturus sum.* Alio modo facta sunt, propter delectatio-  
 nem & pulchritudinem creaturæ: & propter cognitionem DEI in  
 illis: & ideo lux eorum non cessabit, sed augebitur. Deniq; Cœ-  
 lum, sol, luna, & stellæ quæ nunc festinant cursu irretardabili: quasi  
 cupientes in meliorem statum mutari, tunc fixa immobiliter manent  
 & quietæ: & mirabili glorificatione immutata. Nam Cœlum glori-  
 am solis induet: sol, luna, & stellæ vestientur ineffabili splendore.  
 Unde Haymo. Tunc etiam complebitur id quondam per Esaiam <sup>Haymo</sup>  
 prædictum: *Erit lux lune sicut lux solis, & septupliciter, sicut lux septem* <sup>in Matth.</sup>  
*dierum.* Hoc enim post illum extremi iudicii diem erit: cum scili- <sup>Esaiæ 30.</sup>  
 cet Cœlum novum ac terra nova fuerit. Omnia namq; quæ per  
 spatium sex dierum operatus est DEUS, propter hominem facta <sup>Elementaria</sup>  
 sunt: & in ejus lapsu omnia elementa detrimenta sustinuerunt. <sup>deterioratio</sup>  
 Nam antea terra spinas & tribulos non proferebat: nec aer iste tan- <sup>ex lapso Ada</sup>  
 tæ crassitudinis ut nunc, sed purior erat. Sic etiam sol, & luna, &  
 sidera sui luminis sustinuerunt detrimenta. In die verò iudicii ter-  
 minato illo examine, cum fuerint omnes reprobi una cum diabolo  
 conclusi in infernum, sustollet se Dominus JESUS pariter cum cor-  
 pore suo, quod omnes electi sunt, in Cœlum. Et tunc sibi luna splen-  
 dorem solis mutuabit, sol verò septupliciter quàm modo lucebit:  
 recipietq; splendorem, quem homine peccante amisit. Hæc Haymo  
 Patet ergo quòd Cœlum & terra transibunt, quantum ad formam:  
 sed non quantum ad substantiam. Augustinus. Elementa, id est, <sup>Aug. lib. 20</sup>  
 Cœlum & terram non credamus abolenda, sed in melius commutan- <sup>de Civitate.</sup>  
 da: figuram mundi, id est, imaginem, non substantiam perituram. <sup>cap. 16.</sup>  
 Gregorius. Cœlum & terra per eam quam nunc habent imaginem <sup>Greg. lib. 17</sup>  
 transeunt; sed tamen per essentiam sine fine subsistunt. Cœlum igitur, <sup>moral. cap. 5.</sup>  
 & terra, & transibit, & erit: quoniā ab ea quam nunc habet spe-  
 ciem, per ignem tergitur, & tunc in sua semper natura servatur.  
 Unde per Psalmistam dicitur: *Mutabis ea & mutabuntur.* Hæc Greg: <sup>Psalm. 101.</sup>  
 Mundum autē innovari, id est; pulchriorē indueri debere, ostenditur <sup>Mundi inno-</sup>  
 triplici ratione. Primò, quia sicut dignū fuit quòd elemēta purga- <sup>vandi ratio-</sup>  
 rentur pro eo quòd infecta erant propter peccatū hominis: ita di- <sup>nes.</sup>  
 gnū erit ut mundus innovetur, propter glorificationem hominis  
 & honorem Beatorum. ut homine glorificato, cuncta etiam creatu-  
 ra innovetur cum eo. Secundò, ut creaturæ renumerentur pro  
 labore quo homini servierunt. Tertiò, ut totus mundus per hoc  
 speculum DEUM cognoscat. Unde oportet in futuro speculum



purgari, & meliorari: quia in pulchritudine creaturarum amplius, resultat species creatoris. Hoc autem non erit ad necessitatem, ut DEUS per creaturas videatur sicut modo, sed ad jucunditatem ut videlicet jucunditati visionis intellectualis addatur delectatio visionis sensibilis.

## DE PENA INFERNALI, &amp; GLORIA Cælesti.

## CAPUT LXXXVIII.

*Pena infer-  
ni diversa  
erit.* **F**inale verò iudicium sequitur pœna inferni, & gloria Cœli. De pœna infernali est sciendum, quòd cum in damnatis sit diver-  
*Aversionis  
à Deo pœna* sitas peccatorum, erit diversitas pœnarum. Cum enim in peccato sit aversio à Creatore, & conversio ad creaturam, scilicet ad bonum commutabile, spreto bono incommutabili, scilicet DEO, & deor-  
*Conversionis  
ad creaturas* dinatio voluntatis contra instinctum rationis, meritò pœna variabi-  
*pœna pluri-  
ma.* tur, propter ista. Unde propter aversionem erit carentia visionis DEI: sed propter conversionem, erit pœna materialis ignis, vel in-  
candii: propter inordinationem autem rationis & voluntatis, erit pœna universi: quæ consistit in afflictione varia, & acerba, & æter-  
na. Ibi enim erit calor ignis, rigor frigoris, tenebræ, fumus, lachry-  
*Alias,  
clamor,  
improperii* mæ interiores, aspectus dæmonum, clamor in perpetuum & mallei percutientium, serpentes & dracones ariditas, sitis, fætor sulphuris, vermis conscientia, vincula, carcer, timor, dolor, pudor, & confu-  
sio peccatorum omnibus patientium: invidia, rancor, tristitia, ca-  
rentia Divinæ visionis, ablatio spei omnis salutis. Ipsum etiam esse quod omnis creatura appetit, pœna eis est: quia quærent mortem naturalem, & non invenient. Nam quia homo in suo ævo pec-  
*Pœnarum eter-  
narum causa* cavit, id est; quamdiu vixit: nec voluntas Eius finem peccandi ha-  
*Greg. lib. 4.* buit: ideo iuste in æterno DEI, & æternaliter punietur. Unde Gre-  
*dia og. c. 44* gorius. Ad districtam iudicii sententiam pertinet, ut nunquam ca-  
*Ibidem.* reant supplicio, quorum mens in hac vita nunquam voluit carere peccato: & nullus detur iniquo terminus ultionis, qui quamdiu va-  
luit, habere noluit terminum criminis. Et iterum: Iniqui cum si-  
ne deliquerunt: quia cum sine vixerunt. Nam voluissent utique  
(si potuissent) sine fine vivere, ut possent sine fine peccare. Osten-  
dunt enim, quia in peccato semper vivere cupiunt, qui nunquam desinunt peccare dum vivunt. Iustum est igitur, ut nunquam ca-  
reant supplicio, qui nunquam voluerunt carere peccato. Hæc  
*Aug. lib. 2,  
de civitate,  
cap. 12.* Gregorius & Augustinus. Factus est autem homo malo dignus æter-  
no, qui hoc in se peremit bonum quòd esse possit æternum. Et  
ut ait Bernardus. Iuste profecto si peccat patitur quòd nolit, qui  
non peccat nisi velit. Videbunt etiam damnati se invicem: non ut  
*Greg. lib. 9.* inde consolentur, sed magis torqueantur. Unde Gregor. Quam-  
*moral. c. 48.* vis illis ignis ad consolationem non lucet, tamen ad aliquid (scilicet  
*Vis doloris.* ut magis torqueat) lucet. Eos quippe quos reprobi nunc inordi-  
nate diligunt, secum tunc in tormentis videbunt: ut pœnam propriæ  
punitiois, exaggeret carnalis cognitio. Authori præposita, pari an-  
te oculos ultione damnata. Unde & Isidorus: Ignis gehennæ luce-  
bit miseris ad miseræ augmentum, ut videant unde doleant: non  
ad consolationem, ut videant unde gaudeant. Et breviter, secun-  
dum Hieronymum. Tanta erit in inferno vis doloris, quòd mens ad  
aliud dirigi non potest, nisi ad quod vis doloris impellit. Et si fla-  
gulis



gulis diebus quibus erunt damnati in inferno unam lachrymam materialem emitterent: plus exiret aquæ per processum temporis ab uno damnato, quam omnia vasa hujus mundi caperent: imò plus quam omnia Maria aquæ contineant. O! pia corda illud in terminabile & crudele, illud æternum supplicium respicere, lugere & fle-<sup>Æterni sup-  
plicii hor-</sup> te. Heu, heu, cur non hæc maxima futura nobis mala prævenimus, cum robur adest, & tempus opportunum, Utinam & de tempore toto inutiliter expenso superesset tunc nobis vel una horula tantæ pænæ in remedium concessa: sed heu sententiantem Divina justitia præcluditur nobis salutis via, negatur misericordia, spes omnis est ablata. O! dolores & miseriæ, & in æternum permanfuræ angustię in terra hac oblivionis: ubi nullus ordo, sed sempiternus horror inhabitat. Quid plura? Nos miseri & miserabiles tantum, tunc affligimus, & dolemus de illo vix æterno: ut qualiscunq; terminus excogitatus, dummodo finitus, esset nobis solatiofus: unde posito, per impossibile, quod esset aliquis lapis molaris adeo magnus, quod circumferentiam Cæli contingeret, & quod aliqua avicula minimæ quantitatis, post centum millia annos veniens de lapide prædicto, solummodo per rostrum suum evelleret quantum est decima pars millii, & iterum post centum millia annorum curricula sicut prius ageret: scilicet unam particulam de decem, & sic per partes evelleret, ita quod in decies centenis millibus annis non plus diminueretur quantitas lapidis, nisi quantum habet in magnitudine granum unius millii, en pro dolor nos, miseri multum grati essemus, quod post tam longam & plenam consumptionem totius lapidis finem haberet sententia nostræ æternæ damnationis. Sed heu hæc eadem consolatio miseris à Divina justitia penitus est negata. Supra omnes <sup>Visionis de  
vine caren-</sup> autem pœnas inferni, est carentia visionis DEI, quia mali non tantum dolebunt de Ipso tormento, quam quod repellentur à tali confortio. Unde Chrysostomus. Nonnulli imperitorum putabant sibi esse satis & optabile videri, si gehenna tantummodo carerent: ego autem multo graviores quam gehennæ dico esse cruciatus, rem-<sup>Chrysostomus  
hom. 47. ad  
populum An-  
tioc. To. 5.</sup> veri & abiecti ab illa gloria. Excludi ab omnibus bonis quæ præparata sunt Sanctis, tantum generat cruciatum, & tantum dolorem, ut etiam si nulla pœna extrinsecus torqueret, hæc sola sufficeret: omnes igitur gehennæ superat cruciatus. Et videtur quidem una tantummodo pœna esse comburi, si verò aliquis diligenter expendat, duplex hoc inveniet esse supplicium. Qui in gehenna utitur, Cælorum Regnum prorsus amittit: quæ certe pœna major est, quam cruciatus ille flammarum. Novi autem quia plurimi solam pertimescant gehennam: ego tamen illius gloriæ amissionem multo amarius, quam ipsius gehennæ dico esse supplicium. Intolerabilis quidem res est gehenna & supplicium ejus horribile. Tamen si mille aliquis ponat gehennas, nihil tale dicturus est, quale est à Beata Illius gloriæ honore propelli: exosumq; esse Christo, & audire ab illo, non novi vos: atq; vultum illum mansuetudinis pietatisq; plenum, nos tamen averfantem videre: & illos totius tranquillitatis oculos, nequaquam nos aspicere sustinentes. Sed nequaquam istud patiamur, o! unigenite Filii DEI: neq; experiamur intollerabile illud horrendumq; supplicium. Hæc Chrysostomus. unde & Augustinus. A Regno DEI exulari, à Civitate DEI alienari, à vi-<sup>Aug. lib. 22  
de civitate</sup> ta cadere, tam gravis est pœna, ut ei nulla possint tormenta, quæ de civitate



novimus comparari. Unde & Gregorius Nazianzenus. His ergo qui Regno Cœlorum indigni reperiuntur, erit etiam cum cæteris major pœna, quod à DEO prouicientur, & pudor & confusio conscientię, cujus finis ac remedium nusquam erit. Hæc Gregor: Si

*Pœna damni  
an sit gra-  
uissima.*

pœna damni est gravissima: ergo parvuli puniuntur pœna gravissima: quod est contra Augustinum: secundum quem pœna eorum est mitissima. Dicendum, quod pœna damni potest considerari, vel ut est subtractio tanti boni, cum sensu & merito subtractionis, & sic est gravissima: vel sine sensu & merito, & sic est mitissima. Vñ nobis qui de malis non cogitamus: sed quasi securi torpentes, & animæ

*De gloria  
Paradisi.*

curam negligentes, ad hæc sine cessatione properamus. Postremo de gloria Cœli sciendum est, quod tot & tanta sunt in Cœlis gaudia, quod omnes Arithmetici hujus mundi non possent ea numerare: & omnes Geometrici non possent ea mensurare, omnes Grammatici, Dialectici, Rhetorici, non possent ea sermonibus explicare: quia oculus non vidit, nec auris audivit, nec in cor hominis ascenderunt quæ præparavit DEUS diligentibus se. Gaudebunt quippe Sancti supra se, de DEI visione: infra se, de Cœli & aliarum creaturarum corporalium pulchritudine: infra se, de Angelorum & hominum associatione. In tantum namq; gaudebit quisq; de bono alterius, quantum de bono proprio: quod tamen intelligendum est non de gaudii intensione, sed de gaudiorum numero. Ibi etiam singuli à singulis cognoscentur, & videbit unusquisq; cogitationes alterius

*Greg. lib. 4.  
dialog.*

prout vult: quia, ut ait Gregorius. Uniuscujusq; mentem ab alterius oculis corpulentia non abscondet. Videbunt itaq; justos, ut gaudeant: videbunt quoq; pœnas reproborum, ut de periculis evasione gratias agant. Videbimus ibi DEUM in se Deumq; in nobis, & nos in DEO. Ibi erit DEUS omnia in omnibus, id est; secundum Augustinum. Erunt quæcunq; ab omnibus desiderantur, & vita, salus, & copia & honor, & pax, & omnia bona. Qui secundum Gregorium. Tam inæstimabilis pulchritudinis est, ut Angeli qui solem septemplexiter sua vincunt pulchritudine jugiter in eum desiderent insatiabiliter prospicere. Ibi etiam secundum Augustinum: sensus hominis interior reficitur, in contemplatione Divinitatis: & sensus exterior, in contemplatione humanitatis: quia propterea DEUS Homo factus est, ut totum hominem in se beatificaret. DEUS omnes sensus Spirituali & ineffabili delectatione reficiet, cum ipse objectum omnium sensuum sit futurus. Erit namq; DEUS speculum visui, cithara auditui, mel gustui, balsamum olfactui, flos tactui. Ibi erit candor lucis æstivalis, amœnitas vernalis, abundan-

*Aug. lib. de  
beata via.*

*Beatitudi-  
nis objecta.*

*Idem lib. 22.  
de civitate.*

*Psalm. 83.*

tia autumnalis, requies hyemalis. Illa beatitudo, secundum Augustinum. In duobus consistit, scilicet in necessaria præsentia omnis boni, & in necessaria absentia omnis mali. Et breviter secundum Augustinū & Gregoriū. Tanta ibi est pulchritudo justitiæ, tanta jucunditas lucis æternæ: ut etiam si non liceret in ea amplius vivere seu manere quàm unius diei mora, propter hoc solum innumerabiles hujus vitæ dies pleni deliciis & affluentia temporalium bonorum, rectè meritoq; contemnerentur. Non enim falso aut parvo affectu dictum est: *Quia melior est dies una in aliis tuis super millia.* Hæc etiam vita æterna consistit in stola animæ & corporis. Stola animæ; consistit in tribus dotibus ejus: scilicet in manifesta cogitatione summæ Trinitatis, quæ succedit fidei: in perfecta

*Stola ani-  
mæ.*

Ejus



Ejus fruitione quæ succedit spei: in perfecta Ejus dilectione, quia non evacuabitur, sed perficietur charitas ipsius DEI. Stola autem corporis in quatuor dotibus Ejus consistit, scilicet in claritate, impassibilitate, subtilitate, & agilitate. Dotes animæ, sunt de præmio substantiali, dotes corporis, de præmio accidentali. Prima ergo visio Dei, dos animæ, est cognitio quæ & visio dicitur, qua Divina essentia videbitur ab omnibus tota, sed non totaliter, prout est infinita. Videbitur tamen essentia Divina limpidius ab uno, quam ab alio, inquantum unus magis erit perfectus lumine gloriæ quam alter. Et sic ista differentia erit ex parte videntis, quia idem erit visum ex parte cujus (cū sit simplicissimum) nulla potest esse diversitas. Tribus autem modis cognoscitur, scilicet quod est, vel sicut est, vel quid est. Primo modo cognoscitur DEUS in via, etiam à malis. Secundo, videbitur in Patria à bonis. Unde Joannes: *Similes erimus, quoniam videbimus Eum sicuti est*: id est; Majestatem, claritatem, bonitatem, &c. Tertio modo neq; à bonis videbitur, neq; à malis, neq; in via, neq; in Patria: quia finitum nunquam capiet infinitum. Secunda dos animæ, est dilectio: sed inter dilectionem virtutem, & inter dilectionem dotem est differentia: quia virtus propriè est illud, quod transit de statu gratiæ in statum gloriæ: dos autem, quod supra meritum datur inductione sponsæ. Fides & spes, secundum rem, evacuabuntur in Patria, charitas verò neque secundum rem, neq; secundum actum Ejus evacuabitur, sed solummodo secundum modum: quia imperfectio tollitur. Unde dicit Augustinus. Quod fidei succedet spes, quam videbimus: spei succedet beatitudo, ad quam perventuri sumus: sed charitati nihil succedet, quia potius augebitur. Tertia dos, animæ est cōprehensio, quæ est tentio visi & amati, & sumitur hic comprehendere pro contingere, & circumplecti Divinam Majestatem vel immensitatem. Hæc etiam à quibusdā vocatur fruitio. Sunt ergo istæ tres beatiorum perfectiones præcipuæ, scilicet visio inobfuscabilis, dilectio infastibilis, tentio inamissibilis. Prima dos corporis, est claritas. Sed dicitur aliquid clarum dupliciter, aut quia pervium: sicut dicitur vitrum clarum: aut quia lucidum, sicut dicitur stella clara, Corpus autem glorificatum & erit pervium & lucidum, & ideo utroq; modo erit clarum. Et erit corpus clarificatum septies tam clarum sicut modò est sol, & anima septies clarior corpore erit, quæ corpus velut vestimentum suum reinduens, per omnia membra corporis, velut sol per crystallum, lucebit. Sed corpora Sanctorum non æqualiter erunt clara, quia melior anima corpus lucidius habebit. Secunda dos corporis, est impassibilitas, quæ resultat ex virtute animæ suum corpus potenter continentis, ita ut à nullo exteriori agente valeat immutari. Unde etiam si corpus glorificatum poneretur in inferno, non sentiret ex hoc lationem in aliquo. Tertia dos corporis est subtilitas, quæ est ex perfecta victorix forma super materiam, & aufert grossiciem corporis quæ est ex compositione elementarium qualitarum. Et sciendum, quod sicut duo corpora non glorificata, non possunt esse simul in eodem loco, sic nec duo corpora glorificata: alioquin in uno corpore glorificato esset potentia agendi & intrandi partes corporis alterius: in alio verò esset impotentia resistendi. Corpus verò gloriosum potest, simul esse, in eodem loco cum corpore non glorificato.

Stola corporis.

Cognitio & visio Dei.

Cognitio trium.

Joann. 3.]

Dilectio virtus.

Dilectio dos

Aug. ser. 53

de tempore

Cōprehensio

Inhasio & fruitio.

Dotes animæ.

Dotes corporis.

Clarificatio.

Impassibilitas.

Subtilitas.

Penetratio dimensionum.



ficato: quia potest illud penetrando, subintrare, manente distinctione dimensionum corporis utriusquē. Quarta dos corporis, est *Agilitas*, quæ secundum Augustinum tanta erit, quod ubi vo-  
*Aug. lib. 22* let Spiritus, ibi protinus erit & corpus. Natura enim totaliter e-  
*de civitate* rit subdita voluntati, & ideo movebitur corpus ad imperium Spi-  
*capit. 30.* ritus. Verumtamen sicut melior anima corpus habebit lucidius,  
& agilis: ita tamen quod voluntas Sanctorum erit omnino con-  
*Idem ibidē.* juncta rationi: & ideo voluntas eorum nunquam appetit quod non  
debet, quia ut ait Augustinus. Nec volet aliquid Spiritus, quod  
nec Spiritum posset decere, nec corpus. Quidam Sancti insuper  
*Aureola.* specialiter habebunt aureolam, quæ est mentis speciale gaudium:  
& corporis singularis decor, veniens ex opere præcællenti & pri-  
vilegio: scilicet Martyrio, virginitate, & prædicatione, ut sic aure-  
ola non tantum principaliter sit in mente, sed per quandam redun-  
*Aurea.* dantiam fulgeat etiam in carne. Aureola etiam diminutive dici-  
tur, in comparatione ad auream: & ideo nota quod inter auream  
& aureolam, & palmam est differentia. Aurea enim est præmi-  
um substantiale: quod metaphoricè dicitur corona: tum ex parte  
meriti, quia non respondet gratia operi, sed radici charitatis: tum ex  
parte præmii, quia per hoc efficitur homo particeps Dæstatis: & per  
consequens Regiæ potestatis: tum ratione perfectionis, quod signi-  
*Aureola.* ficat figura circularis. Aureola verò est præmium accidentale: non  
tamen quodlibet accidentale, sed illud quod respondet operi ex-  
*Palma.* cellenti, scilicet Martyrio, virginitati, & prædicationi. Palma au-  
tem est præmium accidentale, quod nec radici, nec operi debetur,  
sed voluntati. Tale præmiū habuit S. Martinus, & multi alii, qui de-  
sideraverunt Martyriū, licet opus non fuerit subsequitū: quia etsi gladio  
persecutoris occisi non sunt, palmā tamē Martyrii non amiserunt. Hæc au-  
tē palma nec aurea dici debet, nec aureola: patet ergo quod Martyri-  
bus, ac Virginibus & Prædicatoribus debetur aureola. Unde ver: sunt isti,

*Aureolam si ferre volam, fore virgo studebo,*

*Martyriumve subibo pium populosve docebo.*

Et iterum:

*Aureolam Martyr, Doctor, Virgoq; meretur.*

*Anselmus.* Anselmus vero ponit septē bona corporis, & septē bona animæ, quæ  
*in 1. Cor.* habebunt electi in cœlestis Patriæ beatitudine. Et primò ponit bona  
*Bona corpo-* corporis: quæ sunt pulchritudo, velocitas, fortitudo, libertas, sapientia,  
*ris septem.* voluptas, æternitas: dicēs. In illa igitur vita pulchritudo iustorum solis  
*Matth. 13.* pulchritudini, quæ septēpliciter quā modò sit, speciosior erit, adæqua-  
bitur: quemadmodum Divina scriptura testatur: *fulgebunt iusti,*  
*inquiens, sicut sol in conspectu DEI.* Velocitas nos tanta comitabi-  
tur, ut Ipsi Angelis DEI æquē celeres simus, qui à Cælis ad ter-  
ras, & à terris ad Cælum dicto citius dilabuntur. Huiusquēq; ve-  
locitatis exemplū in radio solis licet intueri, qui statim orto sole  
in plaga orientali, pertingit in ultimo plagæ occidentalis: ut in eo  
perpendamus non esse impossibile, quod de nostra dicimus futura  
velocitate: præsertim cum rebus animatis soleat inesse major velo-  
citas, quā inanimatis. Præstabunt viribus, quicunq; meruerint  
supernis civibus associari: instantum ut nullatenus illis obistere  
quidquam valeat, vel si movendo aut everrendo voluerint quod  
à suo statu quomodocunquē divertere, non illicito cedat. Nec in  
eo



eo quod dicimus majori conatu laborabunt, quàm nos modo in motu oculorum nostrorum. Ne quæso excidat animo, quàm adipiscemur. Angelorum similitudo: quatenus si hîc aut his quàm dicturi sumus aliud exemplum non occurrit, ipsa occurrat: atque in quibus Angelos valere constiterit, etiam nos æquè valere probet & asserat. Quicumq; igitur Angelorum fuerint similitudinem assecuti: eorum quoq; libertatem necessariò assequuntur. Itaque sicut Angelis nihil obstat, nec aliquod eos impedire, vel constringere potest, quin pro velle suo cuncta liberrimè penetrent: ita non erit obstaculum ullum quod nos retardet, nec clausura quæ nos detineat, nec elementum quod nobis ad velle parum obstat. De sanitate quid melius dici poterit, quàm quod Psalmista canit: *salus, Psalm. 36.* inquit, *justorum à Domino.* Quibus autem fuerit à Domino vera sanitas, quæ surripere poterit infirmitas? Crede & incunctanter adstare licet, svaivitatem vitæ futuræ, ita jugem & incommutabilem ac inviolabilem fore, ut ineffabili quadam atq; sensibili svaivitatis dulcedine totum hominem repleat: & omne quod alicujus in se vicissitudinis, mutabilitatis, aut læsionis suspitiones prætereundum qveat, procul arceat, atq; repellat. In illa futura vita inestimabilis delectatio quadam bonos inebriabit: & dulcedine sui totos eos inestimabili exundantia satiabit. Quid dixit totos oculos, aures, nares, os, manus, pedes, guttur, cor, jecur, pulmo, ossa, medullæ, extra etiam ipsa, & cuncta sigillatim, singulaq; membra eorum in commune tam mirabili delectationis & dulcedinis sensu complebuntur ut ferè totus homo torrente voluptatis DEI poterit, & ab ubertate Domus Ejus inebrietur. Qui ergo hæc bona fuerit adeptus, non intelligo ad quod pro commodo corporis sui ulterius porrigatur affectus: solummodo adsit ei (quam cunctos appetere diximus) diuturnitas vitæ: sed ista illi minimè deerit, quam justî in perpetuum vivent. Sunt etiam alia quæ quidem his quæ digestimus non minùs amantur: sed ad animam sicut illa ad corpus referuntur: quæ nihilominus in septennario numero constituta non modicum placent menti, quæ ipsorum fuerit sapore imbuta. Sunt autem hæc: sapientia, amicitia, concordia, potestas, honor, securitas, gaudium. Sapientia igitur tanta in futura vita bonis erit, ut eorum quæ scire voluerint nihil sit quod ignorent. Sci-  
*Bona anima Beata septē. Sapientia.* ent enim cuncta quæ scienda facit DEUS: tam ea quæ præterita, quàm quæ hujus sæculi sunt futura. Ibi à singulis omnes, & ab omnibus singuli cognoscuntur: nec quemquam omnino latebit quæ Patria, quæ gente, quæ stirpe quis editus fuerit. Amicitia intantum tum singulorum intima erga singulos suos fervore complebit, ut amor cujusq; in quemq; sufficiat cuiq; præsertim cum omnes unum corpus sint Christi: & Christus, Qui est pax ipsa, sit omnium caput: nec minori se affectu complectantur, quàm membra unius corporis sibi invicem copulantur. Amabis igitur omnes, ut temetipsum: & amaberis ab omnibus, ut ipse à se. Putas abundans eris in dilectione, quoniã hoc tibi fuerit in possessione. Attamen ista transi, & contemplare ipsum per quem hæc bona tibi provenere: & percipies, quia ille plùs quàm tu te ipsum, & quàm omnes alii incomparabiliter amabit te: & tu super te ipsum ineffabili quadam svaivitate illum amabis. Si itaq; tanta in cunctis est concordia, ut in  
*Concordia.* nullo sentias aliquem discrepare ab eo quod te, constiterit velle:



corpus unum erimus, Ecclesia una erimus, Sponsa Christi erimus, quicumque ibi erimus. Non ergo major inter nos discordia erit, quam nunc est inter unius corporis membra. Verum sicut vides in motu oculorum, quod illuc quod unus vertitur, mox alius sequitur: ita quocumque tuum velle converteres, velle omnium sine disceptatione illico, praesto, habebis. Quid dixi omnium? Ipsa DEI voluntas non erit à tua diversa, sed sicut tu quod ille, quia & ille in cunctis quod tu. Caput namque à suo corpore quomodo discreparet?

*Potestas.*

Cum itaque DEUM & omnes voluntati Tuae concordēs habueris, profecto nihil voles quod non possis. Omnipotens igitur eris tuae voluntatis, quoniam ipsum Omnipotentem habebis in omnibus concordantem tuae voluntati. Itaque cum haec tibi tanta pote-

*Honor.*

*Securitas.*

stas affuerit honor concedens potestati minimè deerit. Igitur dum possessione horum bonorum quae digestimus felix fueris. nunquid sufficiens tibi videberis? Maxime inquis. Itaque cum tua vita perpetuò duret, & in illa vita & haec omnia tibi habenti, securitas quoque ea amplius non perdendi certò arriserit, obsecro quid existimas tibi erit? Securus igitur tantorum bonorum perpetuò eris, nec alicujus tibi adversarii volentis incursum timebis. Potest ne ergo illius gaudii modus à quoquam homine penetrari? cum ultra mille millia, & decies centena milia innumerabiles ibi sint & omnes eadem beatitudine perficiantur, nec ullus eorum sit, qui non tantum de bono alterius gaudet, quantum de suo. Præterea videntes DEUM Ipsum supra, Quem ipsi supra se amabunt, ipsos amantes: & intelligentes se inenarrabiliter, plusquam semetipsos Illum amantem, in gloria Ejus mirabili & ineffabili exultatione exultabunt. Cum igitur iusti fuerint tanta felicitate beati: restat ut ini-

*Damnato-  
rum contra-  
ria mala.*

justi per contrarium sint inestimabili quadam infelicitate miseri. Sicut enim istos mira pulchritudo, velocitas, fortitudo, libertas, sanitas, voluptas, alacres faciet & jubilantes, ita illos immanis & inestimabilis feditas, tarditas, imbecillitas, servitus, langvor atque dolor mærentes reddet & ejulantes. Sanè diuturnitatem vitae, quam isti perfruendis bonis summo amore complectentur, illi pro interminabili poena qua torquebuntur (quoniam in erit illis) summo odio execrabuntur. De sapientia verò quid dicam? non invenio. nisi quia sicut iustus erit in gaudium & honorem, ita iniustus quidquid scient, in mærorem & confusionem. Amicitia autem qua adinvicem pii summa jucunditate copulabuntur, si qua impiis erit, in tormentum eis erit. Quod enim magis quosque amabunt, eo gravius in eorum poena dolebunt. Discordiam habebunt cum omni creatura, & omnis creatura discordabit ab illis. Hinc ergo pro potestate bonorum tanta impotentia eos sequetur, ut omnino nihil eorum quae voluerint, possint, & quidquid habuerint non sint. Igitur pro honore Sanctorum obtinebunt perenne opprobrium. Et haec quo sine clauderent? Verè sicut amici DEI securi erunt se nunquam amissuros bona sua: ita isti inimici DEI omnino desperabunt se jam amplius evaluos haec mala. Pro aeterno ergo & ineffabili gaudio beatorum, hereditabunt incogitabilem tristitiam, omnes qui pro impenitudine reatus sui transuri sunt in societatem daemoniorum. Haec Anselmus. Sunt etiam in inferno, sicut

*Mansiones  
in inferno  
diversae.*

& in Caelo diversae mansiones, meritis singulorum correspondentes. Unde Chrysostomus. Sicut in Regno Celesti mansiones multae sunt:



sunt: id est; differentia præmiorum: & in gehenna diversæ sunt mansiones, id est differentiæ suppliciorum, omnes tamen poenam æternam sustinebunt, sicut omnes Electi denarium eundem habebunt, quem Paterfamilias dabit omnibus, qui, scilicet in vinea operati sunt. Nomine quippe denarii, aliquid omnibus Electis commune intelligitur, scilicet vita æterna. DEUS Ipse, quod omnes quidem communiter, sed impariter fruuntur. Nam sicut differens erit clarificatio corporum, ita differens erit gloria animarum. Stella enim à stella, id est; electus ab electo differt in utroque, videlicet in mentis & corporis claritate. Alii nimirum aliis vicinius clariusque speciem DEI contēplabuntur, & ipsa contemplandi differentia mansionum diversitas vocatur. Una igitur est domus, id est; denarius: sed diversitas est ibi mansionū, id est differentia claritatis in beatitudine: quæ unū elementorum est, ac summū bonū, & vita omnium. Hæc Chrysost. Unde & August. Quod autē ibi futuri sunt pro meritis præmiorū, etiā gradus honorum atque gloriarum, nullatenus est ambigendum. Atque id & beatata Illa Civitas magnum in se bonum videbit, quod nulli superiori nullus inferior invidet: tam nollet unusquisque esse quod non accepit, quam nec in corpore vult esse oculus, qui est digitus. Sic itaque habebit hoc donum alius alio minus, ut hoc quoque donum habeat, nec velit amplius. Hæc Augustinus. Possumus etiam diversas mansiones omnium electorum sumere, secundum choros Angelorum, ad quorum ruinam restaurandam homo est creatus. Quia enim de singulis choris aliqui Angeli ceciderunt, & tanto numero, quod unum chorum per se fecissent: ideo dicitur decimus chorum cecidisse: & ideo ruina hujuslibet chori debet per electos homines reparari.

## CONCLUSIO LIBRI, & SIGNATIO EJUS.

### C A P U T LXXXIX.

**H**Abes igitur ex prædictis Vitam Domini nostri JESU Christi, qualitercunque descriptam, & pro magna parte meditationibus tibi traditam: in qua, & perquam, nos miseros mirifice consolando refocet, & spem nobis peccatoribus magnam præbet. Nam pro peccatoribus est Incarnatus, & cum peccatoribus libenter conversatus: pro ipsis etiam in morte preces fundere, & tandem pro talibus mori non est dedignatus. Habes quippe meditationum Spiritualiū seminarium, ex quibus divini amoris fructus uberius oritur & crescat: ut meditatio affectum excitet, affectus desiderium pariat, desiderium lachrymas extorqueat: ut sint tibi lachrymæ Tux panes die ac nocte, donec appareas in conspectu Domini JESU, & suscipiaris ab amplexibus Ejus: dicasque illud quod scriptum est in Canticis. *Dilectus meus mihi, & ego illi, inter ubera mea*, id est; affectiones meas commorabitur. Unde Bernardus. Sit dulcis & svis affectui, Dominus JESUS contra malè utique; dulces vitæ carnalium illecebras: ut vincat dulcedinem dulcedo, quemadmodum clavum clavus expellit. Hæc Bernardus. Suscipe itaque reverenter & gaudenter prædicta, & in eis versari non pigriteris sollicitudine & devotione tota: hoc est fundamentum super quod poteris magnum edificium construere: & ab hoc te oportet incipere. si ad sublimi-

Bbbbbb

blimi-



blimiora vis conscendere. Nam hæc vitæ Christi meditatio, non solum per se dulciter pascit: sed etiam ad majorem cibum transmittit. Hæc enim sunt quæ Dominus JESUS gessit in carne: sed longè sublimius est eum in spiritu intueri, ad hoc per hanc scalam poteris pervenire: sed in hac iterum oportet immorari. Nec tamen qui ad majorem contemplationem ascendunt, hanc dimittere debent pro loco & tempore: quia hoc esset magnæ præsumptionis & superbæ. Unde Bernardus. Qui contemplator altissimus fuit, hanc nunquam dimisit: prout supra in prologo videre quis poterit. Hæc quippe dulcius sapit, ac fiduciam & consolationem magis tribuit. Unde Anselmus. JESU bone quàm dulcis es in corde cogitantis de te, & diligentis te. Et certè nescio, quia nec plenè comprehendere valeo: unde est hoc quod dulcior es in corde diligentis Te in eo quod Caro es, quàm in eo, quod Verbum dulcior in eo quod humilis, quàm in eo, quod sublimis. Siquidè lugè dulcius est memoriam diligentis Te, videre Te ex Matre Virgine in tēpore natū quàm in splendoribus ante luciferū à Patre genitū. Temetipsū exinabilem serviq; formā accepisse, quàm in forma DEI æqualē Te DEO esse. Dulcius Te videre coram Judæis mori in ligno, quàm dominari super Angelos in Cælo. Intueri Te super omnia subiectum, quàm super omnia prælatum. Hominem humana pertulisse, quàm DEUM Divina gessisse. Redemptorem esse pereuntium, quàm conditorem incarnationis esse non existentium. O! quàm dulce est bone JESU in secreto cordis mei, & catead memoriam revocare, Te pro nobis de Virgine absquē pollutorum ad carnationem conceptum, absq; læsione virginitatis Ejus natum, pannis inspectantium involutum, in præsepio reclinatum, sustinentem convitia, tacentem ad opprobria, pedes Discipulorum lavantem, lintheo tergentem, de nocte prolixius orantem, sudorem sanguinis emittentem, triginta argenteis venditum, osculo traditum, cum gladiis & fustibus captum, ligatum, judicatum, flagellatum, coronatum, damnatum, ad occisionem ut agnus innocens ductum, os tuum cū male tractareris, non aperientem, cum accusareris in multis non respondentem, colaphizatū, alapas patientem, derisu adoratum, arundine capite percussum, in veste alba illusum, ad mortem condemnatum, crucem Tuam bajulantem, & in ea affixum, pro crucifixoribus orantem, aceto potatum, felle cibatum, à latrone cōvitiatum, sanguinem Tuum per quinque vulnera Corporis Tui effundentem, Caput inclinantem, spiritum emittentem: dilectam Animam Tuam in manus Patris commendantem: & hæc omnia pro nobis sustinentem. Hæc omnia formant & adaugent magis ac magis exultationem, fiduciam & consolationem, amorem & desiderium. Quis enim non lætetur & exultet, quis non supra modum jucundetur & gratuletur, videns Conditorem suum, non solum pro se hominem esse, sed tam dura tamq; indigna sustinuisse? Quid in mente svavius esse rumiatur? quod dulcius gustatur? quod latius excogitatur? Quis mihi aufert locum in Regno, ubi is omnipotens est, qui caro mea & frater est? Quis mihi eventus aliquam ingeret desolationem, cui Vita Christi spes tanta tantam confert certitudinem? Quomodo aliqua tristitia aliquem locum habere potest in eo, in quo indefinenter versatur ista cogitatio? Hæc Anselmus. Libenter itaq; converteris cum Domino JESU & vitam Ipsius tanquam Evangelium in corde studeas inseparabiliter collocare: quia in eo sola pax & requies est.



est. JESUS enim est jucunditas mærentium, æternitas vi-  
ventium, svavitas dolentium ubertas egentium sanitas lan-  
gventium, quod significant quinque literæ hujus nominis  
JESUS. Unde Bernardus. Gyra & regyra, versa & reversa, &  
non invenies pacem & requiem, nisi in solo JESU. Quapropter  
si quiescere vis, pone JESUM ut signaculum super cor tuum, quia  
tranquillus ipse tranquillat omnia. Hæc Bernardus. Ama ergo  
eum qui te tantum amavit: redde ei vicem qui te in benedictio-  
nibus dulcedinis suæ prævenit, quia si hoc feceris, semper in gau-  
dio & deliciis magnis eris. Unde Anselmus. JESU qui non amat  
Te, anathema sit. Qui Te non amat, amaritudinibus repleatur.  
Castus est amor Tuus Domine, & nihil impuritatis admittit. So-  
brius est sapor nominis tui, & nullam mentem alienat à recto. Sva-  
vis est amor tuus, & nihil habet amari. Nam & quàm amara sunt  
mundi, indulceat, & dulcia ei reddit amara. Inter angustias non  
arctatur, inter pressuras non opprimitur, non perit sub inopia, non  
marore contrahitur. In laboribus manet æquanimis, inter minas  
securus, inter blandimenta incorruptus, inter tormenta perseve-  
rat invictus, in morte semper est vivus. Sicut in thesauro cupi-  
dus gaudet, & sicut in amore unici Filii delectatur Mater, ita gau-  
dium & delectatio est gratia in charitate tua: dulcis JESU animæ  
amanti Te. Dulcedo mellis, svavitas lactis, vini sapor inebrians,  
cunctaq; delicia non sic oblectant fauces gustantium se, ut amor tu-  
us mentes diligentium Te. Hæc Anselmus. Et ut magis adhuc  
omnia provokeris, & ut hic liber in Nomine Ipsius Domini JESU  
qui est liber signatus, concludatur & signetur: attende quodd de hoc  
salutari Nomine JESU. Bernardus: super hoc verbo, *Oleum effu-  
sum Nomen Tuum*, scribit, dicens: Et proculdubio inter oleum &  
nomen sponsi similitudo, nec otiosè Spiritus Sanctus alterutrum com-  
paravit. Ego autem dico in triplici quadam qualitate olei quod  
lucet, pascit, ungit: si vos melius non habetis, fovet ignem, nutrit  
carnem, lenit dolorem. Lux cibus, medicina. Vide autem nunc,  
& de sponsi JESU Nomine. Lucet prædicatum, pascit recogita-  
tum, invocatum lenit & ungit. Et percurramus singula, unde pu-  
tatis in toto orbe tanta & tam subita lux fidei, nisi de prædicatio  
Nomine JESU? Non ne in hujus Nominis luce, DEUS nos vocavit  
inadmirabile lumen suum: quibus illuminatis, & in lumine isto  
videntibus lumen dicat meritò Paulus. *Fuistis aliquando tenebræ, nunc  
autem lux in Domino*. Nec tantum lux est nomen JESU, sed & ci-  
bus. An non toties confortaris, quoties recordaris? Quid æquè  
mentem cogitantis impinguat? Quid ita excitatos reparat sensus,  
virtutes roborat, vegetat mores & actus bonos atq; honestos, ca-  
stas fovet affectiones. Aridus est omnis animæ cibus, si non isto  
oleo infunditur: insipidus est, si non hoc sale conditur. Si scribas,  
non sapit mihi, nisi legero ibi JESUM: si disputes aut conferas, non  
sapit mihi, nisi sonuerit ibi JESUS. JESUS mel in ore, in aure me-  
los, in corde júbilus. Sed est & medicina. Tristatur aliquis ve-  
strum, veniat in Cor JESUS, & inde salvet in eos: & ecce ad exor-  
tum nominis lumen, nubilum omne diffugit, redit serenum. La-  
bitur quis in crimen, currit in super ad laqueum mortis desperan-  
do: nonne si invocet nomen vitæ: confestim respirabit ad vitam?  
Cui aliquando stetit ante faciem salutaris nominis, duritia (ut asse-  
let )

Bernardus  
in cantica.  
sermon. 15.

Anselmus  
in meditaf.

Bern. ser. 15  
in cantica.  
Cantic. 1.

Nomen Jesu  
Oleum vitæ.

Ephes. 5.



letus cordis, ignavia torpor, rancor animæ, langvor acidia? Cujus fons forte siccatus lachrymarum, invocato JESU non continuo erupit uberior, fluxit suavior? Cui in periculis palpitandi & trepidandi, invocatum virtutis nomen non statim fiduciam præstitit, depulit metum? Cui, quæso, in dubiis æstuanti, & fluctanti, non subito ad invocationem clari Nominis emicuit certitudo? Cui inadversus diffidenti, jam jamque deficienti, si Nomen adjutorii sonuit, defuit fortitudo? Nimirum morbi & langviores animæ isti sunt, illud medicina.

*Psalm. 17.*

Denique & probare licet: *Invoca me* (inquit) *in die tribulationis, eruiam Te & honorificabis me.* Nihil ita iræ impetum cohibet, superbiæ tumorem sedat, sanat livoris vulnus, restringit luxuriæ fluxum, extingvit libidinis flammam, sitim temperat: avaritiæ ac totius indecoris fugat pruriginem. Siquidem cum Nomine JESU, hominem mihi propono mitem & humilem, corde benignum, sobrium, castum, misericordem, & omni denique honestate ac sanctitate conspicuum: eundemque Ipsum DEUM omnipotentem, qui suo me exemplo sanet, & roboret adjutorio. Hæc omnia mihi simul sonant, cum insonuerit JESUS. Sumo itaque mihi exempla de homine, & auxilium à potente. Illa tanquam pigmentarias species, hoc tanquam unde acuam eas: & facio confectioem, cui similem medicorum nemo facere possit. Hoc tibi electuarium habes: o! anima mea, reconditum in vasculo vocabuli hujus quod est JESUS salutiferum certe, quodque nulli unquam pestitæ inveniantur inefficax. Semper tibi in sinu sit, semper in manu, quo tui omnes in JESUM & sensus dirigantur, & actus. Denique & innitaris super eo. *Pone*

*Cantic. 8.*

*me, inquit: ut signaculum in Corde Tuo, signaculum in brachio Tuo.* Sed hoc alias. Nunc verò habes unde & brachio medearis & cordi. Habes, inquam, Nomine JESU unde actus tuos vel pravos corri-


*Bernard. ingas, vel minus perfectos adimpleas. Itemque unde tuos sensus aut Rythmicos, sives ne corrumpantur, aut sic corrumpuntur, sanes. De hoc etiam orat. ad Christum. Nomine JESU, idem Bernardus, alibi quasi jubilando sic dicit.*  
*sum ad finem operum.*

Finit Secunda & Ultima Pars hujus Libri,  
VITÆ CHRISTI.



INDEX





# INDEX ALPHABETICUS PARTIS SECUNDÆ, LIBRI DE VITA CHRISTI DOMINI.

*Numerus indicat Paginam.*

<b>A.</b>		Animæ mors	123
Abba id est Pater.	Pag. 459	ejus progressionem mortis,	
Abrahæ sinus	110	ibidem	123
Abrahæ item sinus	559	Assumptio Christi	129
Abstinentiæ et crucis genera	10	Animæ abstractio	152
Abstinentia & jejunium casti-		Asinis similes	169
gatio corporis	307	Asina ligata quid?	ibidem
Audacia Judæ	330	Animaligata per se dissolvi nequit	169
Accediæ detestatio	589	Adventus humiles Domini	170
Actus charitatis triplex in uno		Allegoricus sensus	180
verbo Christi	506	Altare holocaustorum	184
Adæ conformitas ad Christum	488	Austeritas & rigor Christi	187
Accusandi se, forma	58	Amoris causæ & ejus descriptio	208
Adulari noluit Christus	196	Amicus per naturam vocatur	
Adventus Domini triplex	257	peccator	216
Adventus terribilis	263	Antichristus quis?	219
Adventus Christi ad homines	277	Antichristi adventus	243
Arguendi majoris forma	8	Anima immortalis	223
Anima perdenda	13	Adrianus Ælius abominatio di-	
Avarus peior diabolo	14	citur	243
Animæ perditio irrecuperabilis		Aquilis assimilantur Sancti	249
vel perditio ejus	14	Animæ transitus	268
Apparitio Moysi & Eliæ ac ejus		Avaritia excæcat	299
causæ	18	Argentorum triginta valor	310
Amplexatio Christi	33	Aquæ amphora	313
Angeli custodes hominum	p. 41	Agni comedendi conditiones	315
Eorum ministerium,	ibidem	Arguendi forma	331
Eorum præsentia p.	42	Aquæ significatio	337
Illorum gaudium	p. 49	Amor terrenus	343
Ametistus lapis, signif: man-		Amici triplices	344
suetudinem	85	Amoris signa quatuor	344
Avaritiæ fuga	90	Amor DEI non est oriosus	366
- - - detestatio	107	Angelus confortat Christum	411
Animarum passio	111	)	An-



INDEX.

Christum



# INDEX.

Christum non semper haberi	164	Concilium unde dictum	125
Christi colaphizatio	438	Consilium prævum	127
Christi illusio	455	Communicaturis quid agendum	128
Christus templum ingreditur	185	Cœci liberatio	146
Christus cur in cruce mori voluit	204	Centurionis pusillanimitas	151
Christiani qui dicuntur	218	Curiositas Judæorum	166
Christum non noverunt Judæi	227	Castellum pro civitate	167
Christum purum hominem non esse	227	Contemplatio	182
Christus alius non quærendus	248	Compassionis virtus	182
Christus corpus dicitur	249	Collibia seu vilia munusculi	185
Christus mons dicitur	305	Clerici secularibus dediti	187
Christus passus innumerabilia, ibidem		Confessio humilis	194
Christi paupertas	313	Clarificatio Christi	200
Christus ad supplicium trahitur	480	Clericorum difficilis correctio	209
Christus terribilis & blandus	575	Charitas cur vestis dicta	216
Christus quando præsens semper	632	Cœcitas triplex, ejus væ	234
Christus cum cicatricibus appa- rebit	687	Concussio fidelium	247
Christi vita memoriæ comen- danda	700	Cœlum triplex, ejus transitus, motus	267
Cæsarea Philippi unde dicta	1	Corporis transitus	268
Cæsarea Cappodociæ	1	Cœnacula palestinorum	317
Clavium promissio	4	Contemplatio in passionem D. N. J.	320
Clavium potestas duplex	4	Commendatio pacis	388
Clavium potestas cui data	5	Contristemur cum Christo	407
Clementis itinerarium	8	Chlamis coccinea	466
Crucem tollere, in frontibus fixa	10	Coronatio Christi	466
Constitendus Christus sine erube- scentia	205	Coronæ spinæ causa	467
Candor vestium Christi Domini	15	Corporis totius contumelia	451
Coelicolarum ordines	17	Cruce portanda cuique eam fabricare	482
Contemplationis sex bona	21	Crucem portantes quatuor	483
Contentio inter discipulos	21	Cruce unde?	490
Contemptus vitandus	32	Crucifixus cum peccatoribus	496
Cœlum desertum	40	Contemplatio Christi morientis	520
Correptio fraterna	45	Cordis clausura	541
Corripiendi forma	56	Crucis abscondio, locus	545
Correptionis triplices differentiæ	58	Corporis gloriosi dotes	563
Communiois commoda	85	Cinnamonum	568
Continentia triplex Eynuchi	52	Cur in Galilæam præcessit	576
Consilia ad perfectos pertinent	81	Cursus ad sepulchrum	577
Consilia duodecem	82	Cur & alii surrexerunt?	600
Corripere proximum	83	Consolatio Divina	603
Consuetudo bona	84	Certificatio de resurrectione	611
Centuplum explicatur	94	Cibi post resurrectionem à Do- mino sumpti	634
	)( 2	Conversio ad aquilonem	630
		Cœlum triplex	648
		Cor	



# INDEX.

Creatio potentiam sonat	653	Domini non sumus hic	106
Credenda extra symbolum quæ?	655	Divitiæ alienæ à nobis	107
Cœlum desiderare	668	Divitis vitia	112
Cœli præminetia	669	Dulcia quando?	114
Conflagratio mundi, ejus 4. officia	686	Discipulorum reprehensio	162
Corpus bonorum	686	Duo discipuli cur missi?	168
Cœlestis motus cessatio	691	Dolor Judæorum	178
Cessatio temporis	691	Dies cur singulariter, & plurali-	
Corporis stola	685	ter dicitur	180
Cognitio & visio DEI	685	Dilectio proximi vera	215
Comprehensio, clarificatio	685	DEUS omnes vocat	218
Concordia	697	Diligere ex toto corde quid?	224
Conclusio libri	699	Dilectio DEI ad tria, Proximi	220
		Duratio persecutionis	246
		Dies judicii cur ignoratur	270
		Duplex corona	278
		Dispensatio Christi	278
		Discubitus cœlestis	281
		Domini pulsatio	281
		Duplices virgines	285
		Discessio à DEO	298
		Diabolicum consorium	298
		Dolor ex sententia judicis	299
		Dilectio inimicorum	307
		Dominicum corpus ex azimo	314
		Diabolus non immittit cogita-	
		tiones	316
		Duplici sub specie sacramentum	336
		Dilexit nos Christus tripliciter	344
		Dilectio summa	344
		Doctum efficit passio Christi	399
		Documenta ex pavore Christi	407
		Dolor passionis Dominicæ	413
		Dominus cur ter oravit	415
		Dormire cur permisit apostolos	415
		Divisio vestimentorum Christi	497
		Diabolus supra crucem stetit	500
		Duplex natura in Christo	514
		Divinitas non dereliquit animam	
		et corpus	556
		Dolor remanentium in inferno	560
		Duratio mortis Christi	563
		Dominicæ diei dignitas	564
		Dies lucis	565
		Dierum denominatio	571
		Diluculum quid est?	572
		Dolor geminus in Magdalena,	
		et timor	580
		Dominus	

## D.

Damnati consuetudo	447
Decem præcepta	77
Denarius diurnus	96
Denarii multiplicitas	98
Dæmoniorum potestas diversæ	27
Dæmonum, in morte tentatio	181
Dentium stridor	217
Defectus duplex	345
DEO credendum, ut Medico	268
Desidum & pigrium increpatio	275
Dextera & sinistra	296
DEUM vendit	311
Desiderium Domini	315
Desperandum non est	508
Derelictus cur dicitur Christus?	513
Detectio crucis	523
Depositio de cruce	534
Devotio mulierum	542
Descensus Christi ad inferos	558
Declinandi vultus in terram	579
DEUS quem visitat, consolatur	602
Devotio habenda in Paschate	636
DEUS vivus a Petro agnitus	3
Dragma quid significat	30
Dimittenda pro scandalo	40
Drachma perdita	47
Drachmæ decem	48
Duodecim consilia	84
Divitem difficile salvare	88
Diei pondus	98
Divitiæ iniquæ	104
Divitis epulonis nomen	108
Digitus & lingua animarum	111



# INDEX.

Dominus & DEUS	617	Excellentia coenæ	392
Didimus quid?	617	Exercendæ devotionis modus	399
Divinæ laudis commendatio	671	Exemplum doloris, pellendi	400
Divina natura non videbitur a		Extinctio candelarum	425
damnatis	687	Eremita Paulus primus	425
Dilectionis virtus dos	685	Ex fuga apostolorum documenta	426
Dotes animæ, corporis	685	Excitare quid est?	433
		Exitus Petri de atrio	442
<b>E.</b>		Esse ex veritate	455
Ethnicus, Publicanus	58	Expedi stultitiam simulare	456
Excommunicatio etiam injusta,		Exuitio vestis alienæ	453
timenda	58	Execratio superbiæ	451
Exaudiuntur orantes	58	Elevatio hostiæ	452
Eleemosinæ de quibus fiant	104	Extra civitatem passus cur?	485
Expedit Christum mori triplici-		Extensio Christi in cruce	488
citer	126	Expansæ manus	494
Ecclesiarum Principes	144	Exemplum compassionis	511
Egestas Christi	163	Eclipsis non naturalis	512
Evangelistarum Concordiæ	172	Emissio spiritus Christi	520
Ejectio secunda, ex templo	186	Efficacia sacramentorum	528
Esuries Christi	198	Exequiæ Christi dolorem Mariæ	
Exaltatio Christi	204	incuriunt	539
Ecclesia est hæreditas Christi	210	Ecclesiarum & altarium visitatio	542
Ecclesia mysticè	211	Edulium animæ	550
Ethnici conversi dum retroce-		Exaltatio Christi	562
dunt, gravius peccant	231	Exultandum cum tremore	565
Evangelium regni	241	Excellentia diei resurrectionis	565
Exercitium mentis in Deum	253	Emmaus	608
Ex ignorantia peccatur pericu-		Evanuit citò Christus, cur?	608
losus	283	Ecclesia navis Christi	632
Ecclesia virginibus similis	284	ejus divisio	ibidem
Exemplum prædestinati & salvati	304	Evangelium quid sit	638
Exemplar virtutum, & antido-		Electio apostolorum	643
tum vitiorum, in passione		Evangelistarum differentiæ	655
Domini	306	Evangelistarum intentio	ibidem
Eleemosinarum largitio	307	Exprobratio beneficiorum DEI	689
Emendus Christus	312	Elementorum purgationes	680
Excommunicandum raro	327	Deterioratio	691
Egressio Judæ	333	<b>F.</b>	
Evcharistia	334	Filius hominis Christus Dominus	
Enim, non omittendum in conse-		quare dicitur?	2
cratione	334	Fama nostra, nobis curanda	2
Evcharistiæ instituendi causæ	338	Fasciculus mirrhæ	7
Evcharistiæ sumptio, & comme-		Fruitio divinitatis in Petro	20
stio triplex	339	Filius DEI Christus	22
Evcharistiæ figura in manna	340	Facies patris cœlestis	41
In manna	349	Filius prodigus	49
Excellentia charitatis	355		Fra-
	(( ((		



INDEX.

## Genera



# INDEX.

Genera piscium centum quinquaginta tria	620	Historia scribenda	628
Gentium electio	638	Homo microcosmus. Homo	
Generalia suffragia	685	omnis creatura	638
Gloria paradisi	694	Humiliandus qui DEUM laudat.	672
		Humiliandi forma	ibidem
<b>H.</b>			
Hominis primi jactura	10	<b>I.</b>	
Humilitas	34	Jordanis fluvii ortus	1
ejus excellentia	40	Interrogandi modus in Christo	1
Humilitas praefiguratur in lapide achate	78	Invitum non vult Dominus	9
Humilitas exterior habenda	172	Imitatio Christi in triplici via	11
Humilitas Christi	172	Judicabit Pater, Spiritus S. ut Filius	15
Heraclius Jerusalem ingreditur	173	Jacobus, supplantatio triplex	18
Honorem cur moriturus susce- pit Christus	179	Joannis gratia triplex	18
Honor non repressit justitiam	190	Incredulitas discipulorum	25
Humilitatis indicia	193	Jejunium perfectum	28
Hypocrite detractores	220	Judicat DEUS intentionem, non eventum	38
Homicidarum vx	235	Judaicus populus	49
Hierusalem deserta a DEO	237	Indignitas peccatoris	51
Hierusalem ab angelis derelicta	237	Indigentia senioris	53
Hominum turbatio	259	Judicia DEI	54
Hora mortis timenda	274	Injuria non fit magnanimo	67
Hospites	282	Jaspis lapis, sermo	86
Hominis nobilis parabola	292	Judicium multiplex	94
Humilitas Domini in lavandis pedibus	317	Interrogatio Christi	120
Humilitas Christi imitanda	326	Impedimentum ad salutem nullum	
Hoc quid demonstrat	355	Ira vitanda	136
Humanæ naturæ felicitas	343	Indignatio discipulorum	143
Hortum ingressus Dominus oraturus, cur?	395	Interrogandi causa in Christo	146
Herodes judaizans	453	Judæ, quoniam similes	161
Herodis de Christo opinio	453	Ejus origo	165
Herodes audit accusantes Christum	453	Judæorum curiositas	166
Ibi alba veste induitur	454	Eorum cogitatio stulta, ibid.	
Herodis & Pilati amicitia	457	Ingratitudo	196
Humilitas Domini	457	Judæorum ingratitude & malitia	210
Hierusalem situs	486	Judæi ad nuptias venire noluerunt	213
Horarum septem memoria	544	Indumenta peccatorum	216
Herodis exilium	547	Imago cujus	221
Humilitas Christi in descensu ad inferos	560	Juramentum per creaturas	232
Hortulanus creditus est Christus	582	Jurare propter evangelium	232
Hortulanus est Christus	583	Judæa confessio dicitur	244
Humilitas JESU	587	Judicii recordatio	264
Hierusalem situs	613	Judicium per aquam & ignem	271
		Ignorantia affectata non excusat	283
		Judicandorum status res	284
		Judicium	



INDEX.

Judicium cum clamore	286	Joannis et Petri admiratio	578
In judicio patrociniū non erit	286	Joseph apparitio	601
Impossibile non præcipitur	289	Jacobus, quid interpretatur	602
Judicium non erit mentale vel vocale	302	Januis clausis, congrue venit	608
Judæorum consiliū	309	Joanuis perspicacitas	620
Joannis Evang: in Christum amor	332	Joannem dilexit Dominus ob multa	627
Iniquitas commensalis proditoris	333	mors ejus	ibid.
In cœna miranda	392	Immortalitatis ostensio,	631
Joanni benedicit	392	Jejunium Apostolorum	646
Joseph sepulchrum	394	Joannes probat Christum DEI Filium	658
Introitus in hortum	394	Joannes fungitur officio 'et more notarii et tabellionis	669
In oratione pernoctare, solitus erat Dominus	394	Ignis effectus	660
Judæ adventus	416	Imago DEI	671
Jacobi minoris similitudo ad Christum	416	Judicium finale, judicium ante- cedentiæ, concomitantæ, et sequentiæ	684
Judæ similes	18	Judæorum conversio	686
Jurisdictio pontificum	427	Judicium per aquam et per ignem	686
In faciem Christi percutientes	438	Impassibilitas	685
Imitandus Petrus in pœnitentia	442		
Judæorum professio audax & cœca	447		
Eorum duritia	ibidem		
Indumenta Christi pontificalia	455		
Injustæ damnationes justorum, in curiis principum fuit	463		
Junci maririt:	466		
Illusio triplex animæ	467		
Illusionis mysteria	451		
Judæorum subjectio	475		
Judicium Pilati	476		
Illudentium Christum in cruce differentiæ qvatuor	499		
Juxta crucem standum, crucis memoriæ utilitas	504		
Judæorum perversitas	516		
Inungendi dilatio	535		
Infirmittates humanæ naturæ per Christum sanata	536		
Ira passionis memoria coerceatur	537		
Inungitur et involvitur corpus Christi	538		
Insignia feriæ sextæ	545		
Judæorum blasphemia	546		
Insignia regia Christi	550		
Infernus duplex,	558		
Inferni morsus	558		
		L.	
		Lucri terreni detestatio	p. 13
		Locutio cum Christo	19
		Lex Christianorum	32
		Lyncurius lapis, doctrina con- cionatoris	78
		Legis promissio	108
		Lazarus pauper	109
		Lazaro non est creditum	116
		Lazarus mystice langvens quid significet	123
		Lazarus non risit deinceps post resurrectionem	124
		Lazari monumentum	ibid.
		Lepra animæ	131
		Lazari de inferis reversio	159
		Loculi Domini	162
		Loculos cur habuerit Dominus cur Judæ traditi	163
		Latrocinium	189
		Laqueus peccatorum	268
		Licitorum immoderatus usus damnatur	271
		Lot similitudinis gratia	272
			Lum.



# INDEX.

Lumbi præcingendi	280	Moyſi & Helia, apoſtoliſ cognitio	19
Lucernæ ardentes	280	Majoritas inter diſcipuloſ	32
Lampadum oleum	285	Martialiſ Chriſti diſcipuloſ	32
Lampadiſ ornatuſ	286	Miraculoꝝ Author	35
Lotionem Petruſ refugit	318	Mola afinaria	57
Lavandi ſumus à Chriſto	318	Miferationem inducentia	44
Levatio hoſtiæ	338	Mali inſaturabileſ	50
Locatio cruciſ & eiſ ſignificatio	398	Mercenariuſ ſervuſ & filiſ	51
Locuſ paſſionis	433	Medici potentia	68
Ligandi Chriſti cauſa tres	423	Miſericordia DEI in peccatoꝝ	69
ligatuſ ter.	424	Mortis incertitudiniſ cauſa	69
documenta ligat:	ibid.	Manuum impoſitio	75
Latronibuſ aſſociatuſ Chriſtuſ	423	Mercatoꝝ duo	96
Laqueuſ diaboli, avaritia	447	Murmur duplex	98
Liberandi malefactoriſ inſtitutio	459	Murmur clauſtralium	99
Lavandorum manuum moſ	462	Manſioneſ coeleſteſ pauperum	
Lithoſtratuſ	474	ſunt	102
Lignuſ Crucis	478	Mammona iniquitatiſ	104
Longitudo cruciſ	478	item	ibidem
Lignuſ viride, dicitur Chriſtuſ	481	Mariæ devotio	119
Lingvarum trium excellentia	493	Reſciens filium captuſ	448
Latronum crucifixio	495	Monumentuſ	120
Latroniſ confeſſio	496	Morſ quadruplex	126
Item	501	Majoritas in regno DEI	143
eiſ fideſ	ibidem	Moduſ illuminandi triplex	157
charitaſ	ibidem	Miſeria triplex Judeæ	169
ſatiſfactio	ibidem	Miſericordia triplex	170
Latronum differentia	502	Miraculuſ ſummuſ	174
Latroniſ meritum	508	Mala ſeptem peccatoꝝ ventura	182
Lachrymæ Chriſti in cruce	520	Munerum pretia	191
Longinuſ, eiſ illuminatio, vita	528	Monachorum & ſecularium in-	
Lanceæ doloreſ treſ	528	ſtituta quantum differunt	212
Lapidiſ ſuper ſepulchruſ impo-		Mandata primo implendo qua-	
ſitio	540	tuor neceſſaria	225
Lamentabileſ ſepultura	543	Mandatuſ ſecunduſ	225
Luſtuſ ſponſi, crux	549	Moduſ diligendi proximuſ	220
Locuſ apparitioniſ	585	Moyſi cathedra	225
Loquenduſ de DEO	605	Meſuram patrum implere	236
Lætitia diſcipuloꝝ	645	Mala ſeptem præceſſura adven-	
Lingva ignita	660	tuſ Chriſti	240
Laudandus DEUſ ſemper	668	Malorum magnitudo	ibidem
ad laudanduſ DEUM creati		Mundi comparatio ſeniſ	270
ſumus	671	Morſ in deſiderio	281
Laudis avicula	673	Mutatio cadit in DEUM	304
		Monſ, Chriſtuſ	305
		Majorum malitia	310
		Meditatio paſſionis Chriſti	312
		Martialiſ Chriſti diſcipuloſ	314
			Minora

## M.

Morſ ſpiritualiſ perficitur gradibuſ	12
Montiſ aſcenſio	18

(( (( ((



# INDEX.

Minora peccata cur non penitus auferantur	320	Maria cur ad monumentum non venit?	569
Mirabilia in Evcharistia	337	Mariæ apparitio facta	569
Memoriale Domini, in Evcharistia	338	primo facta	570
Mandatum novum	343	Monumentum poenitentium, cor	572
Militum Christi signa	344	Proficientium contempla-	
Mandatorum observatio	355	tivorum	ibid.
Mulier pariens est ecclesia	388	Mariæ sunt nobis imitandæ	572
Memoria passionis	398	Mulier prima apparitio facta	572
Modus memoriæ passio:	399	Monumentum mysticè quid?	572
Exercendi se in passione	435	Mos sepeliendi	574
Martyrum gloria	459	Miraculum	574
Michaelis sermo	411	Mulier cur nuntia salutis?	576
Mora in peccato	440	Magdalena audacia	583
Mariæ occurfus Christi:	480	Magdalena gaudium	583
Mysterium in Simone Cyræneo	480	Mulieres Evangelistæ & Apostoli	587
Mons Calvariæ	485	Magdalena huic operi deligitur	588
Mortis Christi causa	493	Mendacium emptum	600
Magdalena fletus	504	Missio Apostolorum	614
Mariæ situs sub cruce	504	Miraculum	620
Mariæ martyrium, obsequia, dolores		Miracula, cur modo non fiunt?	639
501. Mater Ecclesiæ totius,		Mons Oliveti	643
adjutorium nostrum 511. Com-		Maria immaculatè concepta, cur	
passio non habentis potum		non simul assumpta sit?	643
515. Dolor 526. Gestus		Mysterium ascensionis	643
527. Sensit vulnus lateris		Mons trium luminum	645
Christi 330. Lachrymæ 535.		Militis exemplum	650
Item 536. Constantia 543.		Marcus de Christo probat, quod	
Morienti servanda quinque	522	erat rex omnium	656
Monumenta aperta	524	Musti ebrietas	664
Mortuorum resuscitatio	524	Mariæ vocatio 675. Ejus cella	655
Mulieres existentes	526	Cum corpore assumpta creditur	
Membra Christi omnia pro no-		656. Super omnes choris an-	
bis orant	536	gelorum, Ejus exequias cele-	
Mulierum circa sepulchra devotio	542	brarunt Angeli, ei Salvator mun-	
Maria crucem prima adoravit	545	di accurrit, Curia cœlestis Ma-	
Mortis genus turpissimum	549	riam honorat, 657. Mariæ	
Mortis diuturnitas	550	prærogativa, occurfus Christi	
Meritum passionis Christi	553	erga Mariam, comitiva Christi	
Meditatio passionis optanda	554	cum Maria. Laus Mariæ exuperat	
Mariæ spes & fides	555	sensum. Damnari nequit, pro	
in triduo fides in sola Ma-		quo Maria intercedit. Laus	
ria	556	matris ad filium inferitur 680.	
Mercedem mortis suæ dedit Chri-		Mariæ felicitas, Arca Domini,	
stus hominibus	558	Nomen Mariæ, Mariæ invoca-	
Magdalena poenitentium primi-		tio, citius interdum auxiliatur,	
ceria	567	quam JESU. Author ad Mari-	
Myrrhæ virtus	567	am.	ibidem
			Mundi



INDEX.

)( )( )( 2



# INDEX.

Oratio Christi	459	Pauci salvandi	100
Orationis perfectio Christi	459	Prudentes sæculi	103
Orationis virtus	409	Pauperes latent,	109
Orationes iterandæ	410	Pauperis Prælatio,	ibid.
Orandum prolixius	412	Paupertas felix	113
Oratio cum lachrymis	414	Pontificalis virtus	127
Orandum frequenter	415	Patientiæ laus	133
Osculandi consuetudo	418	Passionis Dominicæ susceptio	142
Ordo poenitentiae in Petro	443	Principes mundi et Ecclesiæ	144
Obstandum principiis	444	item	203
Obedientia Christi	468	Primatus Ecclesiastici appetitio	144
Orii derestatio	469	Perdita in homine	154
Oratio Ecclesiæ in parasceve	542	Pauperes semper habendi	165
Omnes similes Prælati	589	Peccati jugum abjicere, solius	
Oblata, Domino ad comedendum	611	DEI est,	170
Orationes et laudes Discipulorum	647	Prælatorum pompa vitanda	172
Officium hominis	671	Pax mundana	180
Omnis creatura DEum laudare		Pœnæ peccatoris	181
optat	672	Processiones diversæ	183
Ordines in judicio quatuor	688	Processionis causæ	ibid.
		Publicanus et Phariseus orantes	193
<b>P.</b>		Publicani, qui dicebantur	193
Petri Responso	3	Pharisei jactantia	193
Papæ est decidere de dubiis fidei	3	Prædicatorum exemplum	197
Petri nominatio	ibid.	Parabolas fecit et dixit Dominus	200
Petrus imitandus et intuendus	5	Passionis Christi fructus	201
Passionis prædicandæ causa	8	Passiones in Christo	202
Perfectio vitæ Christianæ	10	Efficacia	203
Pudor sæculi amovendus	15	Publicani et meretrices	208
Petri error in optando	20	Parabolæ finis	213
inebriatio	21	Personarum acceptio, summum	
Peccator lunatico similis	25	sacerdotum malum	220
Prosperis, tristitia miscit Dominus	29	Pœnitentia modica imponenda	226
Paupertas Domini	31	Philacteria unde dicta	228
Petri Prælatio	31	Profelyti qui dicuntur	231
Parvulum esse oportet	33	Prægnantes	245
Parvuli conditiones	33	Planctus justî ratio	262
Pueritiæ duratio, conditiones	33	Pusillanimitas	290
Peccare in cœlum	51	Pauperes in ecclesia	301
Pœnitentium vis	54	Prædestinationis et præscientiæ	
Peccare in te	57	diserimen	302
Peccator corripiendus	ibid.	Providentia DEI non cogit	303
Peccatorum reditio	65	Prædestinatio non tollit liberta-	
Permissio duplex	71	tem arbitrii	304
Puerorum decem proprietates	77	Patientia Christi	307
Propria vendenda et danda	78	Pascha accipitur multifariam	308. 309.
Paupertatis perfectio	81	Patientiæ commendatio	366
Patimur inviti	84	Passionis Dominicæ sapor	433
		Pilato	



INDEX.

)( )( )( )



# INDEX.

Quindecim Pater noster	398	Rex DEUS	213
Qvingenta undecies, notant mille qvingenta, unde demuntur decem	398	Resurrectionem mortuorum seu corporum probat	223
Quatuor solatia ex passione	400	Regnum DEI & ejus adventus	247
Qvis & qualis CHRISTUS qui passus est	433	Regnum DEI triplex	247
Qvibus instrumentis cruciatus, seu à qvibus passus	433	Remedia contra tentationes spirituales	249
Qvomodo orare CHRISTO convenit	417	Revelationes veræ	250
Quando non respondendum	434	Remedia contra seminatores tentationum	250
Quid designant vestimenta sacerdotum?	455	Rationes de pigritia	253
Quid caula? mitra?	455	Resurrectionis generalis tempus	270
Quid designat baculus pastoralis	456	Resurrectio omnium	286
Quadruplicia ligna crucis	494	Rex CHRISTUS	296
Quartum verbum in cruce	512	Ratio, interioris hominis caput	319
Qvintum verbum in cruce	515	Recipienti, Evcharistia necessaria	338
Qvinque vulnerum ratio	531	Relaxatio purgatorii per passionem	400
Qvarenda in vulneribus CHRISTI	532	Reqvirendum in veste quid?	456
Qvomodo Joseph Pilato notus	533	Romæ pars columnæ	464
Quadruplex infernus poenarum	558	Religiosi Parisiensis resp. ad matrem	501
Qvarunt crucifixum pauci	575	Religionem ingredi	522
Qualis visus est CHRISTUS Magdalena	582	Redemptionis beneficium	548
Qverendus est CHRISTUS humiliter	585	Redemptio sanctorum	560
Qvinque operatur JESUS in anima	615	Resurrectio CHRISTI non fuit differenda	562
Quatuordécim apparitiones in universum	633	Est causa nostræ resurrectionis:	563
Qvinqvagesima consecratur	636	Resurrectionis acceleratio, Exemplum	563
Qvinqvagesimo die cur Jubilæus	667	Returrexit CHRISTUS plenus gaudio	564
		Resurrectionis figuræ variæ	564
		Resurrexit CHRISTUS clauso monumento	574
		Remittendi peccati potestas	614
		Rete CHRISTI	619
		Regnum sanctorum	671
		Resurrectio universalis	686
		tria corrigit, fiet in momento;	687
		Recordatio judicii utilis	689
		S.	
		Satanas interpretatur	8
		Satanas dictus Petrus	ibidem
		Sequentium CHRISTUM paucitas	13
		Stantes cum CHRISTO	ibidem
		Splendor faciei CHRISTI	18
		Servi	
Regenerationum congruentia	23		
Recipiendi peccatoris modus	53		
Remissio integra	60		
Ratio de omnibus reddenda	62		
Relinqvere omnia	90		
Regenerationes duæ	91		
Retributio consideranda	94		
Retributio justa & misericordia	98		
Refuscitatio peccatoris	122		
Religiosorum mors, passio, et resurrectio	140		
Religiosorum status	131		
Rex tuus, quid significat?	171		
Religio vinea	211		



# INDEX.

Servi inutiles	26	Sectæ Judæorum tres	222
item	eadem pag.	Saducæi, Essæi	ibidem
Stater quid significat	30	Septem viri	223
Scandali vitatio à Christo	31	Stolæ quales fuerunt	228
Scandalum quid?	ibidem	Sepulchrum sive semipulchrum	234
Superbia è coelo dejecta, in ipso		Signa communia	239
non recipitur	33	Sanctorum petitio	256
Suscipitur à quo DEUS	34	Stellarum casus	257
Salvantis aliqui: præmium	38	Signa perfectorum in sole	258
Scandalum passivum vitandum	38	in luna;	ibidem
tripliciter alius nos		Scopus parabolæ	286
scandalizat	39	Simonia tam in mente, quam	
Salus summe diligenda	40	in voluntate	311
Summa, parabolæ ovis perdita	45	Satanas intrat in hominem	332
Sententia Pastoris	58	Sumpsit Christus suum corpus	355
Septuagesies septies peccans	60	Sacramentum Christus	337
Spadones qui sunt?	73	Spiritus adventum impediēbat	
Sollicitudo quadruplex	83	præsentia carnis Christi	343
Saphiris paupertas comparata	84	Spiritus Petri promptitudo	410
Smaragdus castitas	85	Sudor sanguinis Christi	412
Sex considerata in parabola	95	Spuere in faciem	456
Stultitiæ proprietas	100	Subditorum desperatio unde?	447
Sapientia nociva	104	Simon Cyræneus	482
Sapientia superflua	ibidem	Spoliatio Christi ante crucem	487
Simulata sanctitas	108	Sitis Christi	515
Spiritus cujus simus	133	Sindon	534
Syccomorus arbor	150	Sabbatum sanctum	539
Simonem leprosum S. Julianum		Sepulchri Christi Domini, for-	
Canomanensem fuisse fe-		ma, color, ecclesia.	ibid.
runt	158	Seductio duplex	546
Sabbatho pedes Domini loti	161	Seductor à Judæis dictus Chri-	
Sepulturæ significatio	164	stus Dominus	546
Subjugalis Filius	170	Sigillorum signatio	546
Salus duplex	175	Sepulchri soliditas calumniam	
Salus in excelsis	176	pellit	547
Sequentes, & præeuntes		Sabbathi cessatio	556
Christum	177	Status poenitentium	567
Simonia destruxit Jerusalem	185	proficientium	567
Sacerdotes cordi & stomacho		sive perfectorum	ibid.
similes	186	Stola candida	574
Simoniaci expellendi	187	Scripturarum intelligentia, de-	
Spelunca latronum	189	pendet à DEO	612
Superbiæ repressio	194	Spiritum cur inflando dedit	614
ejus detestatio	195	Signa primitivæ ecclesiæ	639
Sequendus est Christus	201	Spiritus patris	642
Secularium facilis ad poeniten-		in eadem pagina vide	
tiam conversio	209	plura, de hac materia.	
		Spirituum coelestium occurfus	643
			Sabbati



# INDEX.

Sabbati iter	645	Turba triplex nos impediens	156
Statio Christi	648	Turris David	170
Scripturarum finis & intentio, utilitas & seqq.	652	Tres salvandi	177
Symbola tria	652	Turbæ mobilitas	178
Signa venturis Christi in Christo visa	656	Triumphus Christi	183
Spiritus vehemens	660	Templum primo perendum	185
Species effectui congruit	661	Terrenorum cupiditas	212
Spiritus S. præmissio duplex item	662	Tenebræ exteriores	216
Signa præsentia Spiritus S.	663	Timendum cuique	217
Signa alia	664	Tributum Deo reddendum	221
Spiritualis hominis signa qui non sunt Spiritus S. ibid.	665	Tribulatio sub Antichristo	246
Spiritualium hominum, necessa- ria sunt plura	665	Tempus iudicii ignoratur	247
Spiritus S. efficacia	666	Tentationum duæ causæ	250
Spiritus S. missio, cur dilata?	666	Tribulatio universalis, et turbatio coeli	257
Salvandorum numerus	688	Terræ et maris signa	259
Supplicii æterni horror	693	Tuba prævia	265
Subtilitas	695	Transitus mundanorum, et devo- torum	267
		Tertia vigilia	282
		Timor omnium in iudicio, ubi nulla intercessio	287
		Telonium malis creditum	291
		Tradentium Christum diversæ voluntates	308
		Tria in hostia	337
		Tristitiæ libenter sustinendæ	377
		Tria in passione principalia	422
		Tempus passionis	433
		Tria quæ passio docet	456
		Tripliciter accidit passio turbans in anima	407
		Tristitiæ Christi causæ	407
		Traditionis tria amara	419
		Timentis Petri charitas	432
		Testis falsidicus, tribus obnoxius	433
		Tacendi ratio in Christo	434
		Taciturnitatis Christi causæ	458
		Tripliciter vestitus Christus uno die	466
		Tribunal, tronus, solium &c.	474
		Turba triplex Christum secuta	480
		Turpitudine mortis Christi in multis	485
		Tituli descriptio	492
		Tituli	

## T.

Tria in quibus imitemur Christum, triplicia bona	11
Tempora duo sunt ecclesiæ	14
Transfigurationis Dominicæ tem- pus; et assumptionis trium- phus causæ	17
Cur seorsum duxerit di- scipulos, et in montem duxerit	17
Tabor mons	17
Transfiguratio D N. JESU Christi spem auget nostri ejus forma	17
Transfigurationis solii	ibid.
Tempus	24
Traditio Christi diversa	29
Tributi a Christo exactio solutio	29
Testes inevitabiles tres	30
Tres sunt malorum radices	64
Timor Phariseorum	82

Tria in quibus imitemur Christum, triplicia bona	11
Tempora duo sunt ecclesiæ	14
Transfigurationis Dominicæ tem- pus; et assumptionis trium- phus causæ	17
Cur seorsum duxerit di- scipulos, et in montem duxerit	17
Tabor mons	17
Transfiguratio D N. JESU Christi spem auget nostri ejus forma	17
Transfigurationis solii	ibid.
Tempus	24
Traditio Christi diversa	29
Tributi a Christo exactio solutio	29
Testes inevitabiles tres	30
Tres sunt malorum radices	64
Timor Phariseorum	82



INDEX.


Tituli convenientia	492	Ultio vitanda	136
item	ibid.	Victus CHristi	163
in corde habendus	492	Vestimentorum significatio	176
Tunica inconsutilis	497	Visitatio Domini	181
item	ibidem.	Usura palliata	185
Tenebræ factæ	512	Vasa à Domino proscrip̃ta à	
Traditio Spiritus	521	templis	186
Terra mora	523	Vidua plus dedisse probatur	
item	562	coëteris	192
Timor crucifigentium	525	Veritatis occultandæ causa	207
Testimonia in CHristo	525	Virorum & mulierum præcipua	
Triduum sepulturæ mysticè	555	peccata	208
Terræ motus, quando factus	562	Vinea, anima	211
Tres status	571	Vestis nuptialis	215
Thomæ adventus	615	charitas dicitur	ibidem
dubitatio	618	Vestem nuptialem non habens,	
Trophæum CHristi	618	cur obmutuit?	216
Tria Festa, septem dierum	660	Veritas triplex in CHristo	220
Tuba quid?	687	Væ quid notat.	230
		Væ octies positum. Væ de su-	
		perbia	ibidem
Vicarius CHristi unus	5	Væ de fraudulentia stultitiæ	231
Veratione cui dicerent	6	Væ de ignavia circa salutaria	232
Vocandorum Judeorum modus	7	Vitia minora & non majora ca-	
Voluntatis renuntiatio	10	stigantes	229
Vivere vitâ CHristi, mori pro		Væ de simulatione & mendacio	229
CHristo	12	Virtutum coelestium motus	239
Vocis Dominicæ virtus	23	Verborum DEI stabilitas	267
Vetandi ne cui dicerent visionem		Vitia Prælatorum sex	279
Apostoli; causæ	24	Vita in patientia	281
Voluntas Dei licitum facit	99	Virginum prudentia	287
Vocatio Domini	100	Usura, quid est?	292
Vitæ incertitudo	100	Virginitatis privilegium	332
Villicus, quis dicitur	101	Vallis Josaphat	393
Villa triplex nobis commissa	101	Unde completorium dictum	394
Villici laudatio	103	Vulnerum CHristi numerus	398
ejus prudentia	ibid.	Visio, Carpi viro devoto, ostensa	456
Vestes quatuor reprehendenda		Voluntas CHristi	459
monstrant	112	Vigilia CHristi	415
Vita præsens scacorum ludo si-		Verbi CHristi virtus	417
milis	113	Vita duplex	429
		Veri-	




## INDEX.

Veritas, ut aqua benedicta vitatur	452	Vulneris in latere Christi magnitudo	616
Verecundia Christi	480	Vulnerum Christi retentio	618
Verba Christi in cruce	505	Ultimum convivium Domini	621
Verbum acerbitatis	513	Visus Dominus in monte	630
Verbum consolationis	515	Vestigia unde Christus ascenderat	646
Verbum sextum	517	Vallis Josaphat	655
Verbum septimum	520	Locus iudicii	687
Verbum devotionis	520	Horribilitas	687
Vespere Sabbathi non lectæ	542	Venialia abluenda purgatorio	685
Virtutes Christi	550	Visionis Divinæ carentia	693
Unguentum salubre	567		
Unguenta tria mentis, lingvæ	569	Z.	
Verbum	612	Zachei imitatio	150

## FINIS.









36

Th. 10.





Biblioteka Jagiellońska

stdr0023711



